


Dios Oca Tuti



New Testament in Macuna

# Dios Oca Tuti

## New Testament in Macuna

copyright © 2012 Wycliffe Bible Translators, Inc.

Language: Macuna

Translation by: Wycliffe Bible Translators, Inc.

### Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

#### **The New Testament**

in Macuna

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

---

PDF generated using Haiola and XeLaTeX on 21 Feb 2024 from source files dated 29 Jan 2022  
2581ee54-739f-5595-8d44-83c638ed667b

Contents

SAN MATEO . . . . . 1  
SAN MARCOS . . . . . 66  
SAN LUCAS . . . . . 108  
SAN JUAN . . . . . 178  
LOS HECHOS . . . . . 226  
ROMANOS . . . . . 285  
1 CORINTIOS . . . . . 312  
2 CORINTIOS . . . . . 338  
GÁLATAS . . . . . 356  
EFESIOS . . . . . 367  
FILIPENSES . . . . . 377  
COLOSENSES . . . . . 384  
1 TESALONICENSES . . . . . 391  
2 TESALONICENSES . . . . . 397  
1 TIMOTEO . . . . . 400  
2 TIMOTEO . . . . . 408  
TITO . . . . . 414  
FILEMÓN . . . . . 418  
HEBREOS . . . . . 420  
SANTIAGO . . . . . 441  
1 SAN PEDRO . . . . . 448  
2 SAN PEDRO . . . . . 457  
1 SAN JUAN . . . . . 462  
2 SAN JUAN . . . . . 468  
3 SAN JUAN . . . . . 469  
SAN JUDAS . . . . . 470  
APOCALIPSIS . . . . . 473

## El santo evangelio según San Mateo

### *Jesucristo ruजारoto riojuaɣu gāna* (Lc 3.23-38)

<sup>1</sup> Abraham ñayoru ito yicōri David ñayoru janerābatia janami ñayiju Jesús. Jesús ñicusabatia wame mware gotigu ya yu. Ado bajiro wame cutiyoyijarā ña:

<sup>2</sup> Abraham ñayoru macu ñayiju Isaac. Ito bero Isaac macu ñayiju Jacob. Jacob macu ñayiju Judá. Ito yicōri gājerā ĩ ocabaji mesa cuni ñayijarā. <sup>3</sup> Judá rĭa ñayijarā Fares ito yicōri Zara wame cutirā. ĩna jaco ñayijo Tamar. Ito bero Fares macu ñayiju Esrom. Esrom macu ñayiju Aram. <sup>4</sup> Aram macu ñayiju Aminadab. Aminadab macu ñayiju Naasón. Naasón macu ñayiju Salmón. <sup>5</sup> Salmón macu ñayiju Booz. ĩ jaco ñayoyijo Rahab. Ito bero Booz macu ñayiju Obed. ĩ jaco ñayoyijo Rut. Obed macu ñayiju Isaí. <sup>6</sup> Isaí macu ñayiju Hju David wame cutigu. David macu ñayiju Salomón. ĩ jaco ñayijo Urĭas ñayoru manoyo godogo.

<sup>7</sup> Ito bero Salomón macu ñayiju Roboam. Roboam macu ñayiju Abías. <sup>8</sup> Abías macu ñayiju Asa. Asa macu ñayiju Josafat. Josafat macu ñayiju Joram. Joram macu ñayiju Uzías. <sup>9</sup> Uzías macu ñayiju Jotam. Jotam macu ñayiju Acáz. Acáz macu ñayiju Ezequías. <sup>10</sup> Ezequías macu ñayiju Manasés. Manasés macu ñayiju Amón. Amón macu ñayiju Josías. <sup>11</sup> Josías macu ñayiju Jeconías. Ito yicōri ĩ ocabaji mesa cuni ñayijarā. Ito bajiro ĩna baji ñariju Babilonia gāna Israel sita gānare ñia āmi wacōri ĩnare moari masa cutiyijarā ĩna ya cutojm.

<sup>12</sup> Ito bero męcana Jeconías macu ñayiju Salatiel. Salatiel macu ñayiju Zorobabel. <sup>13</sup> Zorobabel macu ñayiju Abiud. Abiud macu ñayiju Eliaquim. Eliaquim macu ñayiju Azor. <sup>14</sup> Azor macu ñayiju Sadoc. Sadoc macu ñayiju Aquim. Aquim macu ñayiju Eliud. <sup>15</sup> Eliud macu ñayiju Eleazar. Eleazar macu ñayiju Matán. Matán macu ñayiju Jacob. <sup>16</sup> Jacob macu ñayiju José. ĩ ñayiju María manujm. Iso ñayijo Dios ĩ cōaru Jesucristo jaco.

<sup>17</sup> Abraham rĭa janerābatia David ĩ ñayorajuna catorce masa ñasuyijarā. Abraham macu ñayiju Isaac. Isaac macu ñayiju Jacob. Ito bajiro mani cōia ruji waja David ĩ ñarajuna catorce ñarā ñayijarā ĩna. Ito bero męcana David macu ñayiju Salomón. Salomón macu ñayiju Roboam. Ito bajiro mani cōia ruji waja, Babilonia Israel sita gānare ĩna āmi warajuna męcana catorce ñayijarā ĩna. Jeconías macu ñayiju Salatiel. Salatiel macu ñayiju Zorobabel. Ito bajiro mani cōia ruji waja Cristo ĩ ruजारajuna catorce ñayijarā męcana.

### *Jesucristo ĩrujeare gaye* (Lc 2.1-7)

<sup>18</sup> Jesús ĩ rujeare gaye ado bajiro bajiyiju: José manoyo ñaroco ñayijo María. José rāca iso ñaroto riojuaɣu Espĭritu Santo ĩ masirisena ĩ queo sājare macu sāñagō ñayijo iso. <sup>19</sup> José iso manujm ñarocu queno yigu ñayiju. Ito bajiri masa ĩna tiro riojo bojoro iso tōbjaroca yi āmobisiju José. Ito bajiri masa ĩna masibeto, “Mare āmobeaa ya”, yi āmobjayiju José isore. <sup>20</sup> Ito bajiro ĩ tuoĭa cani waroca, ĩ cāiroju Dios ñaro gagu ángel goaoyiju ĩre. Goacōri ado bajiro gotiyiju ángel ĩre:

—Tuoŷa José David ñayoru janami mu. Mariare manoyo cuti güibesa mu. Espiritu Santo i masirise, i queo sājare macu sāñagō ñamo iso. <sup>21</sup> Macu rućogo yigōji iso. Jesús wame wōgū yigūja mu ire. Masare ina ñeñaro yirise waja yicōri masogū yiguñi i. Ito bajiri Jesús wame cutigu yiguñi i, yiyiju ángel Josere.

<sup>22</sup> Diore goti isiri masu, “Ado bajiro rētarō yiroja”, i yiado bajiroti rētayiju. Dios i busire gotigu ado bajiro yiyiju Diore goti isiri masu:

<sup>23</sup> Romio ãmugū rāca ajeñabeco macu sāñagō ñagō yigōji iso. Ito bajiri macu cutigo yigōji iso. Emanuel yirā yirāji masa ire, yiyiju Diore goti isiri masu.

“Dios ñami mani rāca”, yireoni ña iti Emanuel yire.

<sup>24</sup> Ito bajiri yujiguti ángel i gotiado bajiroti yiyiju i. Mariare manoyo cutiyiju i ija. <sup>25</sup> Iso macu ñasogū rućoroto riojua, manoyo macu bajiro bajiyiju José maji. Iso rućoja bero Jesús wame yiyijarā ina ire.

## 2

### *Ñocōare riasotiri masa Jesure ina eja tire gaye*

<sup>1</sup> Judea sitaju Belén wame cutiri cutojū rujeayiju Jesús. Iti rodori i rujearoca iti sita uju ñayiju Herodes wame cutigu. Iti rodori Jerusalénju ejayijarā ũmacañi joeja wadiro gāna ñocōare riasotiri masa. <sup>2</sup> Iti cuto ejacōri seniñayijarā ina:

—¿No ñati judio masa uju ñarocu, rujearu? Ũmacañi joeja wadiro ñocōare ticōri, “Rujeañi i”, yi masimu gua. Ito bajiri ire rucubuořona wadia gua, yiyijarā ina.

<sup>3</sup> Ito bajiro ina seniña ucuja tuocōri, ito gagū uju Herodes buto tuoia güiyiju. Ire bajiro riti tuoñayijarā iti cuto Jerusalén gāna cuni. <sup>4</sup> Ito bajiro tuoñacōri paia ujarā, judio masa rotirise riasori masare cuni ji ñucayiju Herodes. Ina ejaja ticōri, ado bajiro seniñayiju i: “¿Noju rujeagu yiguñida Cristo?” yiyiju i inare.

<sup>5</sup> Inajua ado bajiro yiyijarā ire:

—Judea sita Belén wame cutiri cutojū rujeagu yiguñi, yi ucañi siğū Diore goti isiri masu. Ado bajiro baja i ucare:

<sup>6</sup> “Judea sitaju Belén wame cutiri cuto, jaibiti cuto ñabojarocati ñasari cuto ñaro yiroja iti cuto. Iti cuto gagū uju ñasagu rujeagu yiguñi. I ñagū yiguñi yu ñarā Israel sita gāna uju. Inare tirānugū yiguñi i, yiyiju Dios”, yi ucare ña adi, yiyijarā judio masa rotirise riasori masa.

<sup>7</sup> Ina ito yija tuocōri, mucana ñocōare riasotiri masare yeyoroacā ji ñucayiju Herodes. Ina ejaja ticōri, ado bajiro seniñayiju i: “¿Nocāta ñocōa goasucati?” yi seniñayiju i inare. <sup>8</sup> Ito yija Belénju inare wa rotiyiju i:

—Wasa i macuacāre amatēña. Mua ire ti bujaja yure gotirā wadiba. Yu cuni ire rucubuořu warocu ya, yiyiju inare ruogu.

<sup>9</sup> Ito bajiro rotija tuocōri, i yiro bajiroti wayijarā ina. Ũmacañi joeja wadiroju ñocōa ina tiru ina riojua wayiju mucana. I wajasaroti tuja rügūyiju macuacā i ñaro weca. <sup>10</sup> Ñocōagā wacōri i tuja rügūja ticōri, buto wanuyijarā ina, ñocōare riasotiri masa. <sup>11</sup> Ñocōagā i ñaro roca ñari wi sāja wacōri ina tija ito ñayiju macuacā i jaco María rāca. Ire ticōri i riojo rijomunigāna ñini rüjūyijarā ina. Ito yicōri ire rucubuořijarā ina. Ito bajiro ina yija bero ina rućori jedori janayijarā ina. Janacōri orore, uco queno sutirise, ito yicōri mirra wame cutirise iti amicōri ire isiyijarā ina. <sup>12</sup> Ito yija bero ina cāiroju, “Herodes tu tūdi

wabesa. Ito ñagũji macuacã”, ĩ yi masime yirona, yiyiju Dios ĩnare. Ito bajiri iti masicõri Jerusalénju rēta wa âmomena gaje maju tũdi wayijarã ĩna.

### *Egipto sitaju ĩna ware gaye*

<sup>13</sup> Ñocõare riasotiri masa ĩna tũdija bero ángel goayiju Josére ĩ cãiroju. Ado bajiro yiyiju ĩ ĩre:

–Yujiya, macuacãre, ĩ jacore cuni Egiptoju ámi rudi wasa mũ. Itoju riti ñama maji yũ mare gotirocõjuti. Herodes macuacãre sjarocu ĩre ámagũ yiguĩji, yiyiju ángel Josére.

<sup>14</sup> ĩ ito yija bero yuyijiju José. Yujicõri macuacãre, ĩ jacore cuni Egiptoju ĩnare ámi wayiju ĩ. <sup>15</sup> Ito ĩna ñaroca riti godacoayiju Herodes. “Egiptoju yũ Macure ji ñucagũ yigũja yũ”, ĩre goti ĩsiri masũna suoriti Dios ĩ yija, ĩ gotiádo bajiroti bajijiju.

### *Herodes wame cutigu rĩacare ĩ sĩa rotire gaye*

<sup>16</sup> Ñocõare riasotiri masa ĩre goti âmomena gaje maju ĩna tũdi waja tũocõri, bũto junisiniyiju Herodes. Ito bajiri junisingũ Belén gãna rĩaca umũare ito yicõri, iti cuto tũ gãna rĩacare cuni sĩa roti jeocõyiju Herodes ĩ ya moari masare. Jũa rodo tũjarãre ĩna bero rujeanare cuni sĩa roti jeocõyiju Herodes. “Jũa rodo tũja ñocõa ĩ rujeaja bero”, ñocõare riasotiri masa ĩna yija tũocõri, jũa rodo tũjarãre ito yicõri ĩna bero rujeanare cuni sĩa roti jeocõyiju Herodes. <sup>17</sup> Ito bajiro Herodes rĩacare ĩ sĩa rotija Diore goti ĩsiri masũ Jeremías wame cutigu ĩ ucado robo bajiroti rētayiju. Ado bajiro ucañi ĩ:

<sup>18</sup> Ramá sita gago iso rĩare iso tũoĩa otija ruyuyiju. Ito bajiro oti ñagõti ñayijo iso, Raquel rĩare otigo. Gãjerã ĩna sobojarocati yisi ámobisijo Raquel iso rĩa godajare, yi ucayiju Jeremías.

<sup>19</sup> Egiptoju José ĩ ñaroca godayiju Herodes. ĩ godaja bero Egiptoju José ĩ ñaroca ĩ cãiroju sīgũ ángel ĩre goaĩoyiju. Ado bajiro yiyiju ĩ ĩre:

<sup>20</sup> –Yujiya, macuacãre ĩ jacore cuni Israel sitaju ámi tũdi wasa. Macuacãre sĩa ámoana goda jedicoama ĩna, yiyiju ĩ Josére.

<sup>21</sup> Ito yija yujicõri, macuacãre ĩ jacore cuni Israel sitaju ámi wayiju José.

<sup>22</sup> Ma wacũju tũoyiju José, “Herodes ñajacu macũ Arquelao wame cutigu ĩ jacure wasoagu Judea sitaju ñayiju”, yija tũoyiju José. Iti tũocõri wa ámobisiju ĩ itoju. Mũcana itoju cãiyiju ĩ. Ito bajiro cãicõri, “Galilea sitaju yũ waja quena”, yiyiju ĩ. <sup>23</sup> Galilea sitaju ejacõri, Nazaret wame cutiri cutoju ñagũ wayiju ĩ. Diore goti ĩsiri masa, “Nazaret cuto gagũ ñagũ yiguĩji Jesús”, ĩna yi ucare ñajare ito bajiroti bajijiju iti.

## 3

### *Yucu manojũ Juan idé guri masũ ĩ ña ucure gaye* (Mr 1.1-8; Lc 3.1-9,15-17; Jn 1.19-28)

<sup>1</sup> Iti rodori ito bajija bero Juan masare idé guri masũ Judea sitaju yucu manojũ wayiju. <sup>2</sup> Itoju ejacõri masare riasogu, ado bajiro yiyiju ĩ:

–Nocõ mejeti ĩre tũorũnrãre ĩ rotiroju miojugu yiguĩji Dios. Ito bajiri mũa ñeñaro yirise tũoĩa bojori bũjacõri jidicãña mũa, yiyiju Juan masare.

<sup>3</sup> Diore goti ĩsiri masũ Isaías wame cutigu ĩ ucado bajiroti yiyiju Juan. “Ado bajiro yigu yiguĩji”, yirocu ucañi Isaías Juanre tũoĩa yugu:

Sīgũ yucu manojũ mũare ado bajiro oca sēoro gotigu yiguĩji: “Ñeñaro mũa yirise jidicãña mani Uju ĩ ejaroto riojũ, mũa ya usiju ĩ queno ña

masitoni. Ñeñaro yirise jidicãcõri quenarisejua tñoïaña mua”, yigu yiguñji sīgũ, yi ucañi Isaiás, Juanre tñoïa yugu.

<sup>4</sup> Juan ï sãñaro yutabuju, camello joana suado ñayijũ. Waibũcu wirowo ñayijũ ï ya wecu wirowo. Rujiro ñimia bayijũ ï. Ito yicõri joa gaye beroa ide idiyijũ ï. <sup>5</sup> Ñe tñoïã masa jãjarã ejayijarã. Jerusalén gãna, Judea sita gãna ito yicõri Jordán wame cutirisa gãna cãni ejayijarã ñe tñoïã. <sup>6</sup> Ña ñeñaro yirise ña goti rõtobuja, Jordán wame cutirisaju ñare idé guyijũ Juan.

<sup>7</sup> Jãjarã fariseo gaye tñoïarã, ito yicõri saduceo gaye tñoïarã cãni ña ejaja ticõri, ado bajiro yiyijũ Juan:

—Mũare ya idé gure ãmboja mua. Ñãña rima junirowo bajiro ñeñaro yirã ña mua. Ado bajiro tñoïabojã mua: “Dios waja ï seniri rumũ iti ejaroca manire waja senibiquñji Dios. Ñeñaro yirã mani ñabojarocati manire ti maicõri manire waja senibiquñji Dios”, yi tñoïabojã mua. Ñeñaro mua yirise mua jidicãbeja mua tñoïabojã yigu yiguñji Dios, yiyijũ Juan ñare.

<sup>8</sup> Mũcana ado bajiro gotiyijũ Juan:

—Ñeñaro mua yirise jidicãcõri quenarise riti tñoïa ñãña mua. Ito bajiro riti yisotiba, “Quenarisejua tñoïarã ñãña ñja”, masa mũare yi ti masitoni. <sup>9</sup> Ado bajiro yi tñoïabesa mua: “Abraham ñayoru janerãbatia gũ ñare waja gũare masogũ yiguñji Dios”, yi tñoïabesa mua. Ado bajiro baja. Adi gũtana Abraham janerãbatia robo bajiro ï godoweo ãmoja, godoweo masiguñji Dios, yiyijũ Juan ñare.

<sup>10</sup> Ito yicõri ado bajiro goti masiore ocana gotiyijũ Juan:

—Comeana yucure quẽarocu ñacãmi sīgũ. Ito bajiri yucu queno rica manigũre ti bũjacõri quẽagũ yiguñji ï. Ito yicõri jeana soegũ yiguñji ï. Ado bajiro yireoni ña iti: “Masa ña ñeñaro yirisere waja senirocu ñacãmi Dios. Ito bajiri ña ñeñaro yirise jidicãbeja ticõri, ñare ruyuriogũ yiguñji ï. Ito yicõri jeame ãjuroju cõagũ yiguñji Dios ñare”, yiyijũ Juan masare.

<sup>11</sup> Gaje ado bajiro gotiyijũ Juan:

—“Ñãña ñãña ña ñeñaro yirise jidicãrã”, yi ñorocu idenati masare idé gua ya. Yũ bero rõtoro ñasagu ejagu yiguñji. Yũ rõtoro ñasagu ï ñajare ñe bajiro rõtoro ñasagu meje ña ya. Ñãma mũare Espiritu Santo queo sãgũ yiguñji ñja. Ito bajiro mũare queo sãcõri queno mũare mua tñoïaroti ejabũagu yiguñji ï, yiyijũ Juan masare.

<sup>12</sup> Gaje ado bajiro gotiyijũ Juan ñare:

—Yũ bero ejagu trigo besegu bajiro yigu yiguñji masare. Sīgũ trigo otegu iti wirori coda batecõri ajeri riti seo masiguñji ï. Ito bajiro ï codaja bero iti wirorire jeameju soeguñji ï. Yatirime meje ñaroja itime jeame. Wirori ï soegori ajeriyama trigo ï seoroju soegu yiguñji ï. Ito bajiro yigu yiguñji mani Ëju adojũ ejagu. Trigo beseado bajiroti besegu yiguñji manire, yi gotiyijũ Juan masare.

### *Jesure idé gure gaye*

*(Mr 1.9-11; Lc 3.21-22)*

<sup>13</sup> Ito rumuri Galilea sitana wacõri Jordán wame cutirisa ejayijũ Jesús. Juan tũju ejacõri: “Yũre idé guya mũ”, yiyijũ Jesús ñe. <sup>14</sup> Ito bajiro ï yibojarocati ñe idé gu ãmobisijũ Juan. Ito bajiri ado bajiro yiyijũ ï Jesure:

—Meje, mũãma yũre mũ idé guja quena. Yũre idé gu rotibitirũja mũ. Yũ rõtoro ñasagu ña mũ. Ito bajiri mũre idé gu masibeã ya, yiyijũ Juan Jesure.

<sup>15</sup> Ñe ito yija tñocõri, ado bajiro yiyijũ Jesús ñe:

—Yure mu idé gure ámoa yu. Yure mu idé guja ñajediro Dios í rotiro bajiro cüdiana mani, yiyiju Jesús Juanre.

—Bañ ámoa yu, yicöri Jesure idé guyiju Juan Ija. <sup>16</sup> Jesús í majaroca riti ùmacüju macârücáro soje janayiju. Ùmacüju Jesús í ti m̄orocati bujare bajiro bajiguna quedi sãja wadicöri Jesús joe quedi jeayiju Espíritu Santo. <sup>17</sup> Ito bajiro í quedi jeaja bero ado bajiro oca ruyuyiju ùmacüju:

—Áni yu Macu ñami, yu maigü. Íre buto wana yu, yi ruyuyiju oca ùmacüju.

## 4

### *Rãmúa uju Jesure í usirio codere gaye* (Mr 1.12-13; Lc 4.1-13)

<sup>1</sup> Jesús í idé gu rotija bero yucu manojm̄ íre ámi wayiju Espíritu Santo. Itoju Jesús í ejaroca, “¿Diore riti cüdigu yiguñida Jesús?” yirocu íre usirio codeyiju rãmúa uju.

<sup>2</sup> Juarã masacö rumari bare babicuti ñayiju Jesús yucu manojm̄. Itocö bero ñiocöyijm̄ mucana. <sup>3</sup> Í ito bajijare, íre r̄ogm̄ ejayiju rãmúa uju:

—Riti Dios Macu mu ñaja adi gütanati naju godo weogm̄ yigüja mu, yiyiju í Jesure.

<sup>4</sup> Ito bajiro rãmú íre yibojarocati:

—Yibesa. Dios oca ado bajiro gotia: “Najuna riti meje catirã yirãji masa. Jeyaro Dios ocana queno wanu quena ñarã yirãji masa”, yi gotia Dios oca, yiyiju Jesús rãmáre.

<sup>5</sup> Í ito yiroca riti Jerusalénju Jesure ámi wayiju rãmúa uju. Ito ejacöri mucana Dios ya wí joeju Jesure ámi müja wayiju rãmú. <sup>6</sup> Ito íre ámi müja ejacöri ado bajiro yiyiju:

—T̄oaya Jesús mu. Ado bajiro gotia Dios oca:

Í ñaro gãna ángel mesare mure code rotigm̄ yiguñi Dios. Mu quedi waja gütagã joeju quedi jeacöri mu ya gubo jeabe yirona mure boca ámirã yirãji ina, yi gotia Dios oca, yiyiju rãmú Jesure.

Gaje ado bajiro yiyiju í:

—Riti Dios Macu mu ñaja adojuna bubu quedi wacu yigüja mu, yi tob̄ayiju rãmúa uju Jesure.

<sup>7</sup> Í ito bajiro yibojarocati ado robojma yiyiju Jesús íre:

—Mu ito bajiro yiriserẽ cüdibicüja yu. Gaje ado bajiro gotia Dios oca tuti. Tite mu: “No bajiro Dios í yija ticüja yu”, yirocu íre usirio codebesa”, yi gotia Dios oca, yiyiju Jesús rãmáre.

<sup>8</sup> Í ito yija t̄ocöri, cogu gütagü ùmaricu joeju ámi wayiju rãmú Jesure. Itoju ámi ejacöri adi sita gaye quenari c̄torire ío jeocöyiju rãmú Jesure. <sup>9</sup> Ito yicöri ado bajiro gotiyiju rãmú:

—Yure r̄uc̄b̄ogm̄ mu yu riojo rijomunigãna ñini r̄ñüja, adi sita ñarocöti ñarise mure ísicüja yu, yi r̄oyijm̄ rãmúa uju Jesure.

<sup>10</sup> Ito bajiro í gotibojarocati:

—Wasa Satanás mu. Ado bajiro gotia Dios oca: “Mani Uju Diore riti r̄uc̄b̄ocöri cüdija quena”, yi gotia Dios oca, yiyiju Jesús rãmáre.

<sup>11</sup> Jesús ito í yija t̄ocöri, wacoayiju rãmú Ija. Ito yija bero ángel mesa Jesure ejab̄arona ejayijarã Ija.

### *Galilea sitaju Jesús í riasos̄ore gaye* (Mr 1.14-15; Lc 4.14-15)



<sup>12</sup> “Tubiara wiju ñami Juan”, yire oca tucōri Galilea sitaju tūdi wayiju Jesús.  
<sup>13</sup> Itoju ejacōri ī ñaro Nazaret wame cutiri cutoju tujabisiju Jesús. Galilea wame cutirita tūnima tū Capernaum wame cutiri cutoju ñarocu wayiju Jesús. Sōju meje ñayiju Zabulón sita ito yicōri Neftalí sita cūni. <sup>14</sup> Iti cutoju Jesús ī ñaja Diore goti ĩsiri masu Isaías wame cutigu ī ucayore rētayiju ĩja. Jesure tūoĭa yugu ado bajiro ucayoñi Isaías:

<sup>15</sup> Jordán jodeju Galilea wame cutirita ñacu. Itira tūnima tū ñacu Zabulón sita ito yicōri Neftalí sita. Iti sitaju ñarā judio masa meje ñarāji ĩna.

<sup>16</sup> Diore masibiticōri rāitīaro bajiro ñarāji ĩna. Ito bajicōri sīgū queno busugure ti wanarā yirāji ĩna. Diore masimena ñari godanare bajiro bajirāji ĩna. Ito bajiri busugu ī ejaja ticōri, wanarā yirāji ĩna. ĩna tūo masiroca yigu yiguñi ĩ. Ito bajiri mama rūmu bajiro ejaro yiroja ĩnare, yi ucayoñi Isaías.

ĩ ucare bajiroti iti sitaju ejayiju Jesús.

<sup>17</sup> Iti sitaju ejacōri masare Dios oca riaso ucusuyiju Jesús. Ado bajiro gotiyiju:

–Yoari mejeti ĩre tūorūnarāre ĩ rotiroju miojugu yiguñi Dios. Ito bajiri mūa ñeñaro yirisere jidicācōri mama ũsi wasoaya mūa, yi masare riaso ucuyiju Jesús.

### *Wai jori masa jūariarāre Jesús ĩjire gaye*

*(Mr 1.16-20; Lc 5.1-11)*

<sup>18</sup> Itajura Galilea wame cutirita tūnima wa ucugu wayiju Jesús. Ito wacuju tiyiju Jesús, Simón Pedro ito yicōri ī ocabaji Andrésre cūni. Wai jori masa ñayijarā ĩna. Yori yucarina wai waya ñayijarā ĩna. <sup>19</sup> ĩna tū ejacōri ado bajiro yiyiju Jesús:

–Yū rāca waya. Masare jirā yirāji mūa, Diore ĩna masitoni, yiyiju Jesús ĩnare.

<sup>20</sup> ĩ ito yirocati yori yucari cūcōri, ĩ rāca sūya wayijarā ĩna.

<sup>21</sup> Ito yija ito sōju būsa wa remoyiju Jesús. Jabeto wa remocōri tiyiju Jesús, Santiago, ī ocabaji Juanre cūni. Zebedeo rā ñayijarā ĩna. ĩna jacu rāca cumaju yori yucari sia queno ñayijarā ĩna. ĩnare ticōri ĩnare jiyiju Jesús. <sup>22</sup> ĩ ito yija tucōri, cumajuti ĩna jacure wagoyijarā ĩna. Ito bajiri Zebedeo rā Jesús rāca wacoyijarā ĩna ĩja.

### *Jājarā masare Jesús ĩ riasore gaye*

*(Lc 6.17-19)*

<sup>23</sup> Galilea sitaju riaso ucu jeoyiju Jesús. Co cuto rāyabeto judio masa minijuara wi sājacōri oca quenarise, “ĩre tūorūnarāre ĩ rotiroju miojugu yiguñi Dios”, yire oca gotiyiju Jesús masare. Ñajediro cōrāre ĩna cōrise bajiroti ĩnare yisioyiju Jesús. <sup>24</sup> Ito bajiro cōrāre Jesús ĩ yisioja Siria sita gāna cūni tūo jediyijarā ĩna. Ito bajiri ñajediro cōrāre āmi ejayijarā Jesús ĩ yisiotoni. Jeyaro ñarise cutirāre āmi ejayijarā ĩna. Rāmú sājagoana, ũsi jedi quediana, ruduanare cūni āmi ejayijarā Jesús ĩ yisiotoni. ĩna cōrise bajiroti ĩnare yisioyiju ĩ. <sup>25</sup> No Jesús ĩ waro jājarā masa ĩre sūya wayijarā. Tite. Galilea sita gāna, Decápolis cuto gāna, Jerusalén cuto gāna, Judea sita gāna ito yicōri Jordán wame cutirisa siduja gāna cūni Jesure sūya wayijarā ĩna.

<sup>1</sup> Jājarā masare ticōri turia maja wayijū Jesús. Itoju maja wacōri rujiyijū Jesús. Ito yija ī rāca riasotirā ī tū minijuayijarā. <sup>2</sup> Īna ejaja ticōri, ado bajiro ĩnare riasoyijū Jesús:

*Mani wanū quenaroca yiroti gaye*  
(Lc 6.20-23)

<sup>3</sup> —“Jaje tūya Dios oca queno yū masi jeoroti”, mūa yi tūoĭaja, wanū quenarā yirāji mūa. Ijaju Dios ī rotiroju ejacōri ī rāca rotirā yirāji mūa.

<sup>4</sup> ‘Adocāta tūoĭa riorā mūa űaja, wanū quenarā yirāji mūa. Ijaju mūa tūoĭa riorise rētogū yiguĭji Dios.

<sup>5</sup> “Gājerā rētoro űasagu meje űa yū”, mūa yi tūoĭaja, wanū quenarā yirāji mūa. Ijaju Dios ī goticādo bajiroti queno bujarā yirāji mūa.

<sup>6</sup> ‘Adocāta Diore cūdi jeo āmorā mūa űaja, wanū quenarā yirāji mūa. Mūare ejabuagu yiguĭji Dios, ĩre mūa cūdi jeo masitoni.

<sup>7</sup> ‘Gājerāre ti maicōri mūa queno yija, wanū quenarā yirāji mūa. Dios cūni mūare ti maicōri mūare queno yigu yiguĭji ĩ.

<sup>8</sup> ‘Dios ī āmoro bajiro riti quenarise mūa tūoĭaja, wanū quenarā yirāji mūa. Ijaju Diore tirā yirāji mūa.

<sup>9</sup> ‘Adocāta oca quenori masa mūa űaja, wanū quenarā yirāji mūa. Ijaju, “Yū rĭa űa mūa”, yigu yiguĭji Dios.

<sup>10</sup> ‘Diore mūa cūdire ticōri, gājerā mūa tōbujaroca ĩna yija, wanū quenarā yirāji mūa. Ijaju Dios ī rotiroju ejacōri, ī rāca rotirā yirāji mūa.

<sup>11</sup> ‘Yūre mūa cūdire ticōri, gājerā mūare aja tudija, mūa tōbujaroca ĩna yija, ito yicōri mūare ĩna busitubojaja cūni, wanū quenarā yirāji mūa. <sup>12</sup> Diore goti ĩsiri masare cūni ito bajiroti űeñaro yiyijarā masa jane mejeju cūni. Itire masicōri queno wanū quenafa mūa. Ijaju Dios tū ejacōri űajediro ī seo ĩsirisere queno bujarā yirāji mūa, yiyijū Jesús ī rāca riasotirāre.

*Moa oca quenarise robo bajiro bajirā űa mani, quenarise mani yija, yi Jesús ĩ riasore gaye*  
(Mr 9.50; Lc 14.34-35)

<sup>13</sup> Mūcana ado bajiro gotiyijū Jesús ī rāca riasotirāre:

—Moa ba āmoama masa. Ito bajibojarocati iti ocabeja űe waja ma moa. Juaji iti ocarise ejabeto yiroja. Iti ocarise jedija ticōri, itire cōacōrāji masa. Ito yicōri itire cūdarā yirāji ĩna. Moa bajiro bajirā űa mani cūni. Mani queno yija ticōri, mani bajiro queno yi āmorāji gājerā cūni. Ito bajibojarocati mani queno yibeja, “Diore tūorūnūña mūa cūni”, mani yi riasobojaja manire tūo āmomenaji gājerā, yiyijū Jesús.

<sup>14</sup> Mūcana ado bajiro gotiyijū Jesús:

—űami buto rāitlari űami iti űaja sōju jea iti busuja queno ruyuroja. Turia joe mani cūto menija masa jeyaro tirā yirāji jea iti busurise. Ito bajiroti mani queno yija masa jeyaro tirā yirāji ĩna. <sup>15</sup> Sĭabusuorise mani sĭaja sotū rocaju cūmenaji mani. Sĭabusuorise sĭacōri űmacāju cūrā yirāji mani űajediro iti wi gāna ĩna titoni. <sup>16</sup> Ito bajiroti queno yija mūa “Queno yirā űama Diore tūorūnūrā”, yi ti masirā yirāji masa jeyaro. Mūa queno yirise ticōri mani Jacū űmacāju gagure wanū rūcūbuorā yirāji masa, yiyijū Jesús ī rāca riasotirāre.

*Moisés űayoru ī rotirise Jesús ĩ riasore gaye*

<sup>17</sup> “Moisés űayoru ī rotirise ito yicōri Diore goti ĩsiri masa ĩna riasorisere cōarocū wadiñi Jesús”, yi tūoĭabesa mūa. Itire cōarocū meje wadia yū. ĩna riasorisere mūa queno tūoĭatoni wadibū yū. <sup>18</sup> Riti mūare gotia yū. Dios ĩ

rotirise ñajediro ñatĩñaro yiroja. Adi macãrucãro jediroto riojua co wame godo cutibeto yiroja. Ñajediro Dios ĩ gotiado bajiroti rëtaro yiroja. <sup>19</sup> No Dios rotirisere jabeto cudibicũ, “No yibea mani cudi jeobeja canĩ”, yi riasoga quenabeami. Dios rotiroju ejaçõri ñasagu meje bajiro ñagũ yiguĩji İocũ. No Dios rotirise cudicõri, “Jeyaro ĩ rotirise mani cudi jeoja quena”, yi riasoga ĩ ñami quenagũ. Ito bajiro Dios rotiroju ejaçõri ñasagu ñagũ yiguĩji İama. <sup>20</sup> Riti mware gotia yu. Adio masa rotirise riasori masa ito yicõri fariseo gaye tũoĩarã İna queno yibojado rëtoro mua queno yibeja Dios rotiroju ejaminaji mua, yiyiju Jesũs ĩ rãca riasotirãre.

*Gãjerãre junisini tibesa, yi Jesũs ĩ riasore gaye*  
(Lc 12.57-59)

<sup>21</sup> Mũcana gaje ado bajiro gotiyiju Jesũs:

–Jane mejeju gãna İna rotigore tũogoana ña mua. Ado bajiro bajia iti: “Gãjire sĩabesa. No gãjire sĩagũti İre waja senigũ yiguĩji Dios”, yi rotiyiju Moısės ñayoru. <sup>22</sup> Yuama ado bajiro mware goti remoa: No gãjire junisini tigure waja senigũ yiguĩji oca quenori masa. No gãjire busitugure waja senirã yirãji oca quenori masa. No, “Rocati mecari masa ña mũ. Jeame ujuroju waruja mũ”, yiguti İjuare waja senirocu İre cõagũ yiguĩji Dios jeame ujuroju, ya yu mware.

<sup>23</sup> İtire masicõri, gaje ocare canĩ tũoĩañã mua. Diore rucũbuorã İna soe İsira casabojũ ejaçõri, “Gãji rãca oca cutia yu”, mua yi tũoĩa bujaja Diore rucũbuorona ecarure sĩaçõri soebeja maji. <sup>24</sup> İtire cũña maji. İtire cũcõri oca quenorona mua baba tu wasa. İ rãca oca quenocõri Diore soe İsirona tũdi waja quena, ya yu mware.

<sup>25</sup> ‘Gaje ado bajiro bajia. Gãji mware ĩ seti yija oca quenori masũ tũju mua ejaroto riojua oca quenoña mua. Oca quenori masũ tu ejaminati mua oca quenobeja ĩ mware poreciare İsigũ yiguĩji. İna poreciaju mware tubiarã yirãji. <sup>26</sup> Riti mware gotia yu. Ñeñaro mua yigore mua waja yi jeobeto riojua budimena yirãji mua. İti robo bajiroti bajia Dios waja seniri ramũ ejaroto riojua ĩ rãca mua oca quenobeja, ya yu mware, yiyiju Jesũs ĩ rãca riasotirãre.

*Gãji manojore rucũbuoya, yi Jesũs ĩ riasore gaye*

<sup>27</sup> Mũcana gaje ado bajiro gotiyiju Jesũs:

–Jane mejeju gãna İna rotigore tũogoana ña mua. Ado bajiro bajia: “Gãji manojore rãca ajebesa”, yi rotiyiju Moısės ñayoru. <sup>28</sup> Yuama ado bajiro mware goti remoa: No romiore amotigu ĩ tũoĩarisena isore ajegu bajiro yami İocũ, ya yu mware, yiyiju Jesũs.

<sup>29</sup> ‘Mua ya riojocaduja cajeana ticõri ñeñaro mua yi amoja iti cajeare ruacõña. İtire ruacõri cõatẽña. Manire co duja cajea manija quenabetoja. İto bajibojarocati juã cajea, cajea cutirã ñabojarãti jeame ujuroju mani waja, rëto busaro quenabeto yiroja. <sup>30</sup> Mua ya amona ñeñarise mua yija, itire jatacõña. İtire jatacõri cõatẽña. Manire co duja amõ manija quenabetoja. İto bajibojarocati juã amõ, amõ cutirã ñabojarãti jeame ujuroju mani waja, rëto busaro quenabeto yiroja. “Mua ñeñaro yirise jidicãña mua”, yirocu ito bajiro yiyiju Jesũs ĩ rãca riasotirãre.

*Manojore jidicãbesa, yi Jesũs ĩ riasore gaye*  
(Mt 19.9; Mr 10.11-12; Lc 16.18)

<sup>31</sup> Mũcana ado bajiro gotiyiju Jesũs:

–Gaje ado bajiro gotia jane mejeju yigore: “İmugũ ĩ manojore ĩ cõa amoja papera ucaruja İre: Adio rãca manojore cutibojaguti isore cõagũ ya yu. Yu manojore meje ñamo İja, yi ucaruja İre”, yi gotia jane mejeju yigore. <sup>32</sup> Yuama

ado bajiro muare gotia: Sīgū ī manojo gāji rāca ajebitigoro ñabojarcoti isore ī cōaja, isore buto ñeñaro yami ĩocū. Gāji rāca iso manujū cutibojaja ĩre ajego yigōji iso. Ito yicōri no iso rāca manojo cutija isore ajegu yiguji ī, yi gotiyijū Jesūs ī rāca riasotirāre.

*Riojo mani gotija quena, yi Jesūs ī riasore gaye*

<sup>33</sup> Mucana gaje gotiyijū Jesūs:

—Jane mejeju gāna ĩna rotigore tuogoana ña mua. Ado bajiro baja ita: “Riti ado bajiro yicuja yu”, Diore mua gotija mua goticādo bajiroti yiba, yi rotiyijū Moisés ñayoru. <sup>34</sup> Yūama ado bajiro muare gotia: “Ado bajiro yicuja yu”, yicōri, riojo yiba. “Yu goticādo bajiroti yicuja yu”, yirocu “Riti gotia yu Dios ī ñaro riojo”, yibesa itioni. Ī ñaro ña ī rotiroju. Ito bajiri, “Riojo gotia yu”, yibesa ita wame rāca. “Adi macārucāro riojo cūni, riti gotia yu”, yibesa itioni. <sup>35</sup> Adi macārucāro ña Dios yaro. Ito bajiri, “Riojo gotia yu”, yibesa ita wame rāca. “Jerusalén wame cutiri cuto riojo cūni riti gotia yu”, yibesa itioni. Mani ũju ñasagu cuto ña Jerusalén. Ito bajiri ita cuto wame rāca “Ado bajiro yicuja yu”, yibesa. <sup>36</sup> “Yu ya rijoganati riojo gotia yu”, yibesa itioni. Ñirise, botirise mani ya rijoga joa godo weo masibea mani. Dios sīgūti ñami itioni godo weo masigū. Ito bajiri ita wame rāca, “Ado bajiro yicuja yu”, yibesa mua. <sup>37</sup> Mani riojo gotija quena. Mani cudibeja cūni riojo gotija quena. “Riti gotia yu”, yirona gaje mani goti remoja rūmūa ũju ejabuarisena goti remoa mani, yi gotiyijū Jesūs ī rāca riasotirāre.

*Sīgū ñeñaro manire ī yija gāmebeja quena, yi Jesūs ī riasore gaye*

(Lc 6.29-30)

<sup>38</sup> Mucana gaje ado bajiro gotiyijū Jesūs:

—Jane mejeju gāna ĩna rotigore tuogoana ña mua. Ado bajiro baja ita: “Sīgū ī cajea jioja gājire cūni cajea jioja quena. Sīgū ī guji jabejasāja gājire cūni guji jabejasāja quena”, yiyijarā masa jane mejeju gāna. <sup>39</sup> Yūama ado bajiro muare gotia. Sīgū ñeñaro muare ī yija ĩre gāmebeja. Ado bajiroju yiba. Sīgū rio muare ī jaja gaje daja cūni rotiba. <sup>40</sup> Sīgū mu ya camisa ī ĩma āmoja, rēobeja ĩre. Ī āmoro āmicōto. Ito yicōri ĩre jai busaro ĩsi remoña. <sup>41</sup> Sīgū ĩ ya gajeoni coji cōrecō ĩ ũma rotija juaji cōrecō ĩre ũma ĩsima. “Ado bajiro yure moa ĩsiña”, gāji muare ī rotija, ī rotiro rēto busaro ĩre moa ĩsija quena. <sup>42</sup> Noa muare gajeoni senirāreti ĩsicōaja quena. Sīgū muare wasoa āmoja wasoaja quena. Ito yicōri “Mare ĩsicujū yu”, yija quena, yiyijū Jesūs ī rāca riasotirāre.

*Mani wajanare cūni mani ti maija quena, yi Jesūs ī riasore gaye*

(Lc 6.27-28,32-36)

<sup>43</sup> Jane mejeju gāna ĩna busigore tuogoana ña mua cūni. Ado bajiro baja ita: “Mua babare queno ti maiña. Ito yicōri mua wajacure ti teya”, yiyijarā masa jane mejeju gāna. <sup>44</sup> Yūama muare ado bajiro gotia: “Mua wajanare ti maiña. ĩnare queno yiya. Mua tōbujaroca yirāre yiari Diore busi ĩsiña”, ya yu muare. <sup>45</sup> Ito bajiro mua yija mani Jacu ũmacūju gagu rīa ñarā yirāji mua, ĩ āmoro bajiro riti mua yisotija. Masa ñajedirore queno ejabuami Dios. ĩre cudimenare cūni ejabuami ī. Ī ñami quenarā, ñeñarāre cūni ũmacāni busuroca yigu. Ī ñami riojo cudirā, riojo cudimenare cūni ide queo ĩsigū. <sup>46</sup> Muare ti mairāre riti mua ti maija ñe waja ma ita. Ito bajiro mua yija ticōri, muare waja yibiquji Dios. ũjarāre yiari waja seni ĩsiri masa ĩnare mairāre riti ti mairāji ĩna cūni. ĩnare bajiro yibesa mua. Muare ti terāre cūni maija quena. <sup>47</sup> Mua ñarāre riti mua seniñaja, ñe waja ma. Diore masimena cūni ito bajiroti yirāji ĩna cūni. <sup>48</sup> Mani

Jacu ũmacũju gagu, coji ñeñaro yiñabicu ñami ĩ. ĩre bajiroti yiya mua cuni, yiyiju Jesũs ĩ rãca riasotirãre.

## 6

### *Gãjerãre mani ejabuaja quena, yi Jesũs ĩ riasore gaye*

<sup>1</sup>Queno mua yija, “Queno yama ĩna”, yijaro gãjerã yirona meje, queno yiba mua. Masa tiro riojo riti, “Ãni ñami queno Diore cudigu”, mua yi ĩbojaja ñe waja bujamenaji mua, ũmacũju mani Jacu Dios taju mua ejaja. <sup>2</sup>Ito bajiri bojoro bujarãre mua ejabuaja masa jeyarore goti batobeja. Ito bajiro yama minijuara wiju, mariju cuni, “Yiro robo yirã ña gũa”, yibojarãti yiro robo yimena. Bojoro bujarãre ĩna ejabuaja, “Queno yirã ñama”, masa ĩna yitoni yama ĩnaõna. Riti mũare gotia yu. Ito bajiro ĩna yirisenati waja bujacãma ĩna. Ñe gaje buja remomenaji Dios taju. ĩnare masa rãcũbuobojarocati Dioama ĩnare rãcũbuobicu yiguĩji. <sup>3</sup>Mũama bojoro bujarãre mua ejabuaja, masa ĩna masibeto ito yicõri mua baba ñasagu ĩ masibeto masare ejabuaja quena. <sup>4</sup>Reco meje masa ĩna tibeto bojoro bujarãre ejabuaba mua. Masa ĩna tibeto bojoro bujarãre mani queno yija, ti masiguĩji Dios manire. Ito bajiri waja yigu yiguĩji manire, yiyiju Jesũs ĩnare.

### *Diore mani seniroti Jesũs ĩ riasore gaye (Lc 11.2-4)*

<sup>5</sup>Diore mua busija, “Yiro robo yirã ña gũa”, yibojarãti yiro robo yimena bajiro Diore busibeja mua. ĩnama minijuara wiju Diore ĩna busija rãgõcõri busirãji. Ito yicõri ma tũnima masa ĩna titoni Diore busirã yirãji ĩna. Ito bajiro ĩna yirisenati waja bujacãma ĩna. Ñe gaje buja remomenaji ĩna Dios taju. ĩnare masa rãcũbuobojarocati Dioama ĩnare rãcũbuobicu yiguĩji. <sup>6</sup>Mũama Diore mua busija, mua ya sõa sãjacõri soje biaya maji. Ito bajiro yicõri mani Jacu rãca riti busiba mua. Ito bajiro masa mano mua yija ticõri, mani Jacu mũare waja yigu yiguĩji, yiyiju Jesũs ĩnare.

<sup>7</sup>Diore masimena ĩre ĩna busija, coji gayeti busimacũtiama ĩna. “Bũto mani busimacũtija Dios manire tũogu yiguĩji”, yi tũoĩa busibojarãji ĩna. <sup>8</sup>ĩnare bajiro yibeja mũama. Ñe manire ruyarise mani seniroti riojuaju masicãguĩji Dios. <sup>9</sup>Ito bajiri Diore mua busija, ado bajiro busiba:

Gua Jacu, ũmacũju gagu ña mũ. Mũ wame masicõri masa ñajediro rãcũbuojaro ĩna.

<sup>10</sup>Masa jeyaro Uju mũ ñaroti rumu ejare ãmoa gũa. ũmacũjuga tuti cuni mũ ãmoro bajiroti ñayija. Ito bajiri adi tutiju cuni mũ ãmoro bajiro riti ñare ãmoa gũa.

<sup>11</sup>Co rumu ruyabeto gũa baroticõti gũare naju ĩsiña.

<sup>12</sup>Gua ñeñaro yirisere ãcabojoya. Gua cuni ito bajiroti gũare ñeñaro yirãre ãcabojoa.

<sup>13</sup>¿No bajiro yure cudirã yirãjida ĩna? yi tũoĩabesa gũare. Gua ñeñaro yibititoni gũare ejabuaya. Mũ ña uju ñatĩñarocu. Mũ ña bũto masitũñare gaye rãcotĩñarocu. Mũ ña masa jeyaro ĩna rãcũbuotĩñarocu. Itocõ ña. Amén. Ito bajiro Diore mua busija quena, yiyiju Jesũs ĩ rãca riasotirãre.

<sup>14</sup>Mũare ñeñaro yirãre ĩna ñeñaro yirisere mua ãcabojoya, mani Jacu ũmacũju gagu mua ñeñaro yirise ãcabojogu yiguĩji ĩ cuni. <sup>15</sup>Gãjerã ĩna ñeñaro yirisere mua ãcabojobeja mani Jacu ũmacũju gagu cuni mua ñeñaro yirisere ãcabojobicu yiguĩji, yiyiju Jesũs ĩnare.

*Bamena riti Diore mani b̄nsiroti Jesús ĩ riasore gaye*

16 Diore t̄uoĭa āmorā bamena riti ĩre mua b̄sija, masa ĩna tiro riojo bojori b̄jabeja mua. “Yiro robo yirā ña ḡua”, yibojarāti yiro robo yimena bamena riti Diore ĩna senija, masa ĩna tiro riojo bojori b̄jacā ĩna. Masa ĩna ti masitoni bojori b̄jabojacā ĩna. Riti m̄are gotia ȳ. Itinati waja b̄jacāma ĩna. Ñe gaje b̄ja remomenaji ĩna Dios t̄uj̄. ĩnare masa r̄c̄ub̄obojarocati Dioama ĩnare r̄c̄ub̄obica yiguĭji. 17 Bamena riti Diore mua b̄sija, joa c̄ni queno siro, rio c̄ni queno coe yiba m̄are masa ti masime yirona. 18 “Bamena riti Diore b̄sirā ñama ĩna”, masa yibe yirona wan̄ quenama. Mani Jac̄u mani r̄aca ñaḡū ĩ s̄ḡuti masit̄ñaḡū yiguĭji. Ḡajerā masibeto ĩ s̄ḡuti masiḡū yiguĭji. Ito bajiri manire waja yiḡu yiguĭji ĩ, yiyij̄u Jesús ĩ r̄aca riasotirāre.

*Ūmac̄j̄u Dios t̄u quenarise mani b̄jaroti gaye*

*(Lc 12.33-34)*

19 Adi sitaj̄u gajeoni jairo mio c̄besa. Adoj̄u gajeoni mua mio c̄bojarisere m̄tarācā barā yirāji gajeoni bari masa. Gajeoni jogaro yiroja, ito yic̄ori riniri masa rinirā yirāji. 20 Ȳu tija ūmac̄j̄u mani Jac̄u t̄uj̄ quenarise miojuja quena. Itoju gajeoni bari masa manaji. Gajeoni jogabetoja. Ito yic̄ori riniri masa c̄ni ejaminaji. Ūmac̄j̄u manire yiar̄i queno yisotit̄ñaḡū yiguĭji Dios. Manire ĩ queno yirise jedibetoja. 21 Gajeoni mani r̄coroj̄u mani t̄uoĭarise ñaro yiroja manire. Ito bajiri ūmac̄j̄u mani Jac̄u t̄uj̄ quenarise mani miojuja quena, yiyij̄u Jesús ĩnare.

*Mani ya cajea busurica robo bajiro baja, yi Jesús ĩ riasore gaye*

*(Lc 11.34-36)*

22 Mani ya cajea queno iti ruyuja, mani t̄uoĭarise queno sosaroja manire. Tic̄ori queno mani t̄uoĭaja mani ya ūsi c̄ni quenaroja manire. 23 Ito b̄jibojarocati tibojarāti queno mani t̄uoĭabeja, mani ya ūsi c̄ni quenabetoja manire. R̄ait̄laroj̄u mani r̄ḡoro robo bajiro bajiroja manire. “Ado bajiro āmoami Dios”, yi masibojarāti Diore mani c̄dibeja, ĩre masirā meje ña mani. Ito bajiri b̄uto b̄usa r̄ait̄laroj̄u mani r̄ḡoro robo bajiro bajiroja manire, yiyij̄u Jesús ĩnare.

*Diore mani r̄c̄ub̄ojoa niyerure b̄uto josare ma, yi Jesús ĩ riasore gaye*

*(Lc 16.13)*

24 Cocati mani ūjarā j̄uarāre c̄di masibea mani. J̄uarā ĩna ñaja s̄ḡure queno ti maic̄ori, ḡajire ti tudirā yirāji mani. S̄ḡure queno c̄dirā yirāji mani. Ḡajire queno c̄dimena yirāji mani. Ito robo bajiroti Diore mani c̄di, niyeruare b̄uto t̄uoĭamenaji mani. Niyerure riti mani b̄uto t̄uoĭaja Diore queno c̄disabea mani, yiyij̄u Jesús ĩnare.

*Īr̄ia masare tir̄ñuḡū yiguĭji Dios, yi Jesús ĩ riasore gaye*

*(Lc 12.22-31)*

25 Gaje m̄are ado bajiro gotia ȳ: “¿Ñe bac̄ori catiḡuti ȳ?” ito yic̄ori, “¿Ñe idic̄ori catiḡuti ȳ?” yi t̄uoĭabesa. “¿Ñejuā s̄ñac̄ori ñaḡuti ȳ?” yi t̄uoĭabesa. Manire rujeor̄u ñac̄ori mani baroti, mani idiroti c̄ni ĩsi masiguĭji Dios. 26 Minia ūmac̄j̄u w̄tirāre t̄uoĭate mua. No ōno otemenaji ĩna. Ito yic̄ori no ōno bare miojumenaji ĩna. ĩna baroti seomenaji ĩna. Ito bajiro ĩna b̄jibojarocati mani Jac̄u ūmac̄j̄u gagu ĩnare bare ecaguĭji. “Minoā r̄etro ñasarā ña mani Dios ĩ tija”, ¿yi masibea mani? Minoare ĩ tir̄ñuja b̄uto b̄usa manire tir̄ñuḡū yiguĭji Dios. 27 “Yoa b̄sari cati āmoa ȳ”, yi mua oca jaija, ¿yoa b̄saro catirā yirājida mua? Meje, yoa b̄sari catimenaji mua, yiyij̄u Jesús ĩnare.

28 “¿Ñe sãñagũ yigujada yũ?” yi tuoĩa oca jaibesa mũa. Joa gaye gore tuoĩate mũa. Iti go moabetoja. Ito yicõri iti sãñaroti suabetoja iti. 29 Ito bajibojarocati gore seyoriſe iti ñaroca yami Dios. Ʋjũ Salomón ñayorũ gajeoni jaigu ñabojagati go robo sãña jeobitiyoñi ĩ. 30 Gore seyoriſe iti ñaroca yami Dios. Goama seyoriſe ñabojaroti yoari mejeti siniaroja ũmacañi jeana. Iti siniaja ticõri, itire soerã yirãji masa. “Manire yutabuju ĩsigũji Dios”, ¿yi masibeati mũa? ĩre queno tuoĩũnsabea mũa. 31 Ito bajiri, “¿Ñe barãti mani? ¿Ñe idirãti mani? ¿Ñe sãñarãti mani?” yi tuoĩabitũja manire. 32 Diore masimena itire tuoĩa oca jaicãbojama ĩna. Manireama mani Jacũ ũmacũju gagũ ñacãmi, “Iti rũya ĩnare”, yiri masũ. 33 “Dios ñami yũ Ʋjũ. ĩ yagũ ña yũ”, mani yi tuoĩaja quena. Iti ña ñasarise. “ĩre bajiro quenarise riti yi ãmoa yũ”, mani yi tuoĩaja quena. Ito bajiro mani yija, iti jeyaro manire rũyarise boca ãmirã yirãji mani. 34 “¿Jane busuri gaye ñe yigu yigujada yũ?” yi tuoĩa oca jaibesa. Co rãmũ rũyabeto ricati riti bajiroja. Jane busuri oca ñaja mani rãca ñagũ yiguji Dios. Ito bajiri, “¿Ñe yigu yigujada yũ?” yi tuoĩa oca jaibesa, yiyiju Jesũs ĩ rãca riasotirãre.

## 7

### *Gãjerãre seti yibesa, yi Jesũs ĩ riasore gaye*

*(Lc 6.37-38,41-42)*

1 Gãjerãre seti yibesa, Dios mũare ĩ seti yibe yirona. 2 Gãjerãre mũa seti yiro bajiroti mũare cuni seti yigu yiguji Dios. “Itocõ seti ña ĩnare”, gãjerãre mũa yiro bajiroti mũare cuni, “Itocõ ña seti”, yi masigũ yiguji Dios. 3 “Ãnire jabeto seti ña”, yibojarãti, “Gũare jai busaro seti ña”, yi masibeati mũa. Seti cutirã ña mũa cuni. Ado bajiro bajirã ña mũa. Tũote. Mũa babare cajeaju sũjuriacã iti ñaja ti masia mũa. Ito bajibojarocati mũa ya cajeaju sita jaje iti sãña biaja, ti masibeati mũa. 4 Mũa ya cajeaju sita iti ñabojarocati mũa babare cajeaju sũjuriacã ãmicãto yiboja mũa. Mũamasireti bajirisereama ti masibeati mũa. 5 “Yiro robo yirã ña gũa”, yirã ñabojati mũa. Mũa ya cajeaju sita sãñarisere ãmicãña maji cajero. Iti sita mũa ãmicãja berojũa queno ti masirã yirãji mũa. Ito yicõri mũa babare cajeaju sũjuri ñarisere ãmicã masirã yirãji mũa. Ado bajirojũa baja. Bũto ñeñaro yirise mũa jidicãja berojũa, “Mũ ñeñaro yirise jidicãña mũa”, yi masirã yirãji mũa babare, yiyiju Jesũs ĩnare.

6 Bũto quenarise ña Dios oca. ĩre ti terãre riaso josabeja. Yaiare quenarise ĩsibeati mani. ĩnare mani ĩsibojaja, manire curutirã yirãji ĩna. Mũa ya ñaque perla wame cutirisere yesea wato cõacũbeja. Mũa cõacũja itire cãda aborã yirãji ĩna. Ito bajiroti Dios oca quenarise ĩre ti terãre riaso josabeja ĩna tuo ãmobeja ticõri, yiyiju Jesũs ĩnare.

### *Diore mani senija cũdigũ yiguji, yi Jesũs ĩ riasore gaye*

*(Lc 11.9-13; 6.31)*

7 Diore mani senija ĩsigũ yiguji. ĩre mani ãmaja bujarã yirãji. “Mũre busi ãmoa yũ”, mani yija, busi rotigu yiguji manire. 8 No senigãti boca ãmiguji. No ãmagãti bujagu yiguji. “Busi ãmoa yũ”, yigũretu busi rotigu yiguji Dios, yiyiju Jesũs ĩnare.

9 “Naju ãmoa yũ”, yi mũa macũ ĩ senija, ¿gũtagã ĩsirã yirãjida mũa? Meje gũtagã ĩsimenaji mũa. 10 “Wai ãmoa yũ”, mũa macũ ĩ yija, ¿ãña ĩsirãjida mũa? Meje ãña ĩsimenaji mũa. 11 Mũa ñeñaro yirã ñabojarãti mũa rĩare queno yirãji mũa. Ito bajiri itire masicõri mani Jacũ ũmacũju gagũ quenarise mani senija, “Manire ĩsi masiguji ĩ”, yi tuoĩa mani, yiyiju Jesũs ĩnare.

<sup>12</sup> 'Gãjerã muare queno yire mua ãmoja ñnare cuni queno yiya mua. Ito bajiroti rotiyijũ Moisés ñayoru, ito yicõri Diore goti ñsiri masa ñna ucayore cuni, yiyijũ Jesús masare.

*Eyabiti ma ña Dios tu wara ma, yi Jesús ñ riasore gaye*  
(Lc 13.24)

<sup>13</sup> 'Dios tũjũ mani eja ãmoja suari soje bajiri soje sãjarãji mani. Jeame ãjũroju wara ma jaja ma ñaroja, ito yicõri soje sãjaraju eyariju ñaroja. Ito bajiri jãjarã warãji itijure. <sup>14</sup> Catitũñarã wara ma eyabiti ma ñaroja. Ito yicõri iti soje sãjaraju jaibiti soje ñaroja. Ito bajiri coriarãti sãjarãji itojure, yiyijũ Jesús ñnare.

*Ricana sũori yucũgũre ti masia mani, yi Jesús ñ riasore gaye*  
(Lc 6.43-44)

<sup>15</sup> "'Dios oca goti ñsiri masa ña gũa", yibojarãre masiña mua. Rũori masa ñama coriarã. Mua tu ñna ejaja, oveja guamenare bajiro ejarãji ñna. Ito bajibojarãti bũto yaia guarãre bajiro ñarãji ñna. <sup>16</sup> ñna yiriseju ticõri masirã yirãji mua. Jota yucũriju rica manoja wýé. Jota mariju rica manoja higos wame cutirise. <sup>17</sup> Ito bajiroti yucũ quenarise, quenarise rica cutiroja. Ito yicõri yucũ quenabitigũ quenabiti rica cutiroja. <sup>18</sup> Yucũ quenabitigũ quenarise rica cutibetoja. Ito yicõri yucũ quenaricũ ñeñarise rica cutibetoja. <sup>19</sup> Yucũgũ queno rica manigũre itigũre quẽacõri jeameju soerã yirãji mani. <sup>20</sup> Ito bajiroti masare cuni ñna yirise ticõri ñnare ti masirã yirãji mua, yiyijũ Jesús ñnare.

*Dios ñ rotiro ñasariju eja jedimenaji masa, yi Jesús ñ riasore gaye*  
(Lc 13.25-27)

<sup>21</sup> 'Jãjarã, "Gũa Uju ña mu", yibojarãti coriarãti ãmacũju yũ Jacũ ñ rotiroju ejarã yirãji ñna. Yũ Jacũ ñ ãmoro robo bajiro yirã riti ejarã yirãji. <sup>22</sup> Iti rãmu iti ejaroca jãjarã ado bajiro yibojarã yirãji: "Gũa Uju mu rotire rãca riti Dios oca bũsisticũ gũa. Mu rotire rãca rũmũa sãñarãre bucõacu gũa. Ito yicõri mu wame rãca jaje tiyamani ñocu gũa", yibojarã yirãji ñna yũre. <sup>23</sup> Ito bajiro ñna yibojarocati ado bajiro ñnare yigũ yigũja yũ: "Yũ ñarã meje ña mua. Muare masibea yũ. Yũre wa camotadicoasa mua. Ñeñaro yiana ña mua", yigũ yigũja yũ ñnare, yiyijũ Jesús masare.

*Yũre queno tũorũñarã sita bũtiroju wi menirã robo bajiro bajirã ñama, yi Jesús ñ riasore gaye*  
(Mr 1.22; Lc 6.47-49)

<sup>24</sup> 'Yũre tũocõri yũ rotiro bajiro yigũ, ñocũ ñami queno tũoĩagũ. Ñ ñami sita bũtiroju wi menirũocũ robo bajiro bajigũ. <sup>25</sup> Sita bũtiroju wi ñ menija bero ide quediyyijũ. Riari jue jaiyyijũ. Ito yicõri bũto mino wẽayijũ. Ito bajibojarocati sita bũtiroju ñacõri cadabisijũ iti wi. <sup>26</sup> Yũre tũobojaguti yũ rotiro bajiro yibicũ, tũoĩa masibicũ ñami ñocũ. Ñ ñami sita jujuroju wi menibojaru robo bajiro bajigũ. <sup>27</sup> Iti wi ñ menija bero ide quediyyijũ. Riari jue jaiyyijũ. Ito yicõri mino wẽayijũ. Ito bajiri sita jujuroju ñacõri wi jujayijũ, yiyijũ Jesús masare.

<sup>28</sup> Ito bajiro Jesús masare ñ bũsija bero rujũ ucayijarã ñna. <sup>29</sup> Judio masa rotirise riasori masare bajiro meje queno bũsa riasoyijũ Jesús. Dios ñ cũre rãca ñasarise ñ riasojare rujũ ucayijarã ñna masa.

## 8

*Rujũ cami jogagũre Jesús ñ yisioire gaye*  
(Mr 1.40-45; Lc 5.12-16)



<sup>1</sup> Jesús ĩ taria roja ejaroca jājarā masa sūyayijarā ĩre. <sup>2</sup> Ito ĩ waroca sīgū ĩ ya ruju cami jogagu Jesure canaməoyiju. Jesús riojo rijomunigāna ĩni rūjūyiju. Ito yicōri ado bajiro yiyiju ĩ Jesure:

–Yū Ūju, yū ya cami mū ya āmoja, yagūja mū, yiyiju ĩ Jesure.

<sup>3</sup> ĩ ito yija tūocōri, ĩ ya āmona moa jeoyiju Jesús.

–Āmoa yū. Mū ya cami yacūja yū, yiyiju Jesús ĩ ya ruju cami jogagure:

Ito bajiro Jesús ĩ yirocati ĩ ya cami yaticoayiju ĩre. <sup>4</sup> Ito yicōri ado bajiro rotiyiju Jesús ĩre:

–Tūoya, gājerāre goti batobeja. Riojo wacōri paire ĩotēña. Moisés ĩ rotiyoado bajiroti ecarure sīacōri Diore yiari soe ĩsima. Ito mū yija ticōri, “Cami yaticoañi”, yirā yirāji masa, yiyiju Jesús ĩ ya ruju cami jogagure.

*Surara ũju ya moari masare Jesús ĩ yisiore gaye  
(Lc 7.1-10)*

<sup>5</sup> Capernaum wame cutiri cuto Jesús ĩ ejaroca sīgū surara ũju ĩ tūja wayiju. Romano masū ñayiju ĩ. Jesús tū eacōri ado bajiro ĩre josayiju:

<sup>6</sup> –Tūoya yū Ūju mū. Yū ya wiju yū ya moari masū cō yosami. Buto juni wisi yosami, yiyiju ĩ Jesure.

<sup>7</sup> ĩ ito yija tūocōri, ado bajiro cūdiyiju Jesús ĩre:

–ĩre yisiogu wacu yigūja yū, yiyiju Jesús ĩre.

<sup>8</sup> Ito bajiro ĩ yiroca ado bajiro cūdiyiju surara ũju, Jesure:

–Yū Ūju, ñasagu meje ña yū, yū ya wi mū sājabojaja cūni. Adoĵnati goti ñucaña mū. Ito yirocati yū ya moari masū caticoagu yiguĵi. <sup>9</sup> Gājerā yū ũjarā roca gagū ña yū. ĩna rotirise cūdigū ña yū. Ito bajiri yū roca gāna yū ya surara yū rotirā ñama yūre cūni. Sīgūre, “Wasa”, yū yija waguĵi ĩ. Gājire, “Waya”, yū yija wadiguĵi ĩ. Ito yicōri yūre ejabuari masū ĩre yū rotija, ĩre yū rotiro bajiroti yiguĵi ĩ. Adoĵnati mū goti ñucaja yū ya moari masū caticoagu yiguĵi, yiyiju ĩ Jesure.

<sup>10</sup> Ito bajiro ĩ yija tūo ũcacōri, “Yūre tūorānūnacōami āni”, yi ti masiyiju Jesús ĩre. Ito bajiri ado bajiro yiyiju Jesús ĩ rāca riasotirāre:

–Riti mūare gotia yū. Israel sita gāna wato ĩre bajiro yūre tūorānūgū tīābiticu yū, yiyiju Jesús masare. <sup>11</sup> Riti mūare gotia yū. Jājarā ũmacañi ĩ quedi sājaro gāna ĩ joejearo gāna cūni ũmacūju Dios ĩ rotiroju eacōri ba rujirā yirāji ĩna. Abraham, Isaac, ito yicōri, Jacob ñayoana rāca ba rujirā yirāji. <sup>12</sup> Israel sita gāna Dios rotiroju ejaboanare rāitlaroju ĩnare cōagū yiguĵi ĩ. Itoju eacōri ñeñaro tōbujarā yirāji. Ito bajiri oticōri buto tūoĩa oca jairā yirāji, yiyiju Jesús masare.

<sup>13</sup> Ito yija surara ũjare ado bajiro yiyiju Jesús:

–Mū ya wiju tūdi wasa. Yūre mū tūorānūro bajiroti mure moa ĩsiri masū caticoagu yiguĵi, yiyiju Jesús ĩre.

Ito ĩ yirijati surara ũju ya moari masū ĩ ya wiju caticoayiju ĩ ĩja.

*Pedro mañicōre Jesús ĩ yisiore gaye  
(Mr 1.29-31; Lc 4.38-39)*

<sup>14</sup> Pedro ya wiju wayiju Jesús. Iti wi eacōri, Pedro mañicōre tiyiju Jesús. Cama joeju iso cō jesaja tiyiju Jesús. Buto ruju yayiju isore. <sup>15</sup> Isore ticōri āmo ĩ moañarocati ruju yarise jedicoayiju isore. Ito bajiri wamūcōri masare eca bocasəoyijo iso.

*Jājarā ñarise cutirāre Jesús ĩ yisiore gaye  
(Mr 1.32-34; Lc 4.40-41)*

<sup>16</sup> Ito rãioroca jãjarã rãmú sãñarãre Jesús tujã ãmi ejayijarã masa. Ito ñna bajija ticõri, coji ï busirisenati rãmúare bucõacõyijã Jesús. Ito yicõri ñnarise cutirãre yisioyijã Jesús. <sup>17</sup> Ito bajiro rêtayijã Isaiãs Diore goti Isiri masã ñayoru ï goticãdo bajiroti. Ado bajiro yiyijã Isaiãs ñayoru: “Manire ruju gajajuarise ito yicõri mani ruju ñnarise cutirise yisioyã yigũji”, yiyijã Isaiãs ñayoru yure tuoãa yugã, yiyijã Jesús masare.

*Jesure tão sãya ãmorã*  
(Lc 9.57-62)

<sup>18</sup> Jãjarã masa ï tujã ñna gãni biaja ticõri, “Gaje ðajajã jãa wato mani”, yiyijã Jesús ï rãca riasotirãre. <sup>19</sup> Ñna waroto riojãa sīgũ Moisés rotirise riasori masã, Jesús tã ejayijã:

—Riasori masã, no mã waroti mure sãya ãmoa yã, yiyijã ï Jesure.

<sup>20</sup> Ado bajiro cãdiyijã Jesús ïre:

—Buyairoare ñna caniri goje ñacu. Wutirãre cani ñna ya jibã ñacu. Ito bajibojarocati Masa Rĩjorũreama no cũñarajã ma ïreama. Ñti ña yã Masa Rĩjoru. Ito bajiri yure mã sãyaja josari ñaroja mure, yiyijã Jesús ïre.

<sup>21</sup> Ito yija gãji Jesús rãca riasotiri masã ado bajiro yiyijã ïre:

—Yã jacure codegã ña yã maji. ï godaja bero mure sãyacujã yã maji, yiyijã ï Jesure.

<sup>22</sup> —Adocãtati yure sãyaja quena. Godarãma godarãmasiti gãmeri yujejaro. Jeyaro mã tuoãa oca jairisere jidicãcõri yure sãyaja quena, yiyijã Jesús ïre. Yure tuorãnumena godacãnare bajiro bajirã ñama. Ñnamasiti godarãre yujerã yirãji.

*Minore, jacũrisere cani Jesús ï rõtore gaye*  
(Mr 4.35-41; Lc 8.22-25)

<sup>23</sup> ï ito yija bero cumajã ï rãca riasotirã rãca sãjayijã Jesús. <sup>24</sup> Itajura gudareco ñna tujaroca mino bũto wẽayijã. Ito bajicõri cumajã jacũsãyijã. Ito iti bajibojarocati canigũ yiyijã Jesús. <sup>25</sup> Ito iti bajija ticõri, ï rãca riasotirã ïre yujioyijarã. ïre yujioçõri ado bajiro yiyijarã ñna ïre:

—Gua ðjã rujarã ya mani. Ito bajiri guare masoña, yiyijarã ñna Jesure.

<sup>26</sup> —¿No yija bũto gũiati mũa? Yure queno tuorãnubea mũa, yiyijã ï ñnare. Ito yija wãmũ rũgũyijã ï. Ito yicõri minore, “Wẽabesa”, ito yicõri jacũrise, “Jacũbesa”, yiyijã Jesús.

ï ito yija bero ñe godo manoti tujacoayijã ïja. <sup>27</sup> ï rãca riasotiri masa itire ticõri ruju ucayijarã:

—¿Ñimũcũ masũ ñatibe ãni? Mino wẽarise, ide jacũrise cani ï rotija tuoãa ïre, yĩ tuoãayijarã ñna.

*Gadara gãna rãmúã sãñarã oca*  
(Mr 5.1-20; Lc 8.26-39)

<sup>28</sup> Itajura gaje ðajajã Gadara wame cutiri sita ejayijarã ñna. Ito ñna ejaroca jũarã ãmũa masari cumajã budi wadiyijarã. Ito yicõri Jesús tã eja rũgũyijarã ñna. Jũarãjũti rãmúã sãñarã ñayijarã ñna. Bũto guarã ñayijarã ñna. Ito bajiri ñna tu rãta masia mañijã. <sup>29</sup> Jesure ticõri ado bajiro awasãyijarã ñnare sãñarã rãmúã:

—Jesús, Dios Macũ ña mũ. ¿No yija gua tã wadiati mũa? ¿Adocãta jeame ãjuroju guare cõacõri gua tõbujaroca yigũ wadiri mũa? yiyijarã ñna Jesure.

<sup>30</sup> Ito sõjã nocõ mejeti jãjarã ecana yesea ãma ba ñayijarã. <sup>31</sup> Yeseare ticõri ado bajiro Jesure josayijarã rãmúã:

—Guare mũ bucõaja, õã yeseare guare sãja rotiya, yiyijarã ñna Jesure.

<sup>32</sup> —Mũare roticã yã. Wasa, yiyijã Jesús rãmúare.

Ito ī yirocati ūmua jūarājureti rāmúa budicoayijarā ĩja. Ito yicōri yeseajūare sāja wayijarā ĩna mūcana. Yeseare ĩna sājarocati turia ūmaquedi roja wacōri itajuraju quedi roacoayijarā ĩna. Ito bajiri űarocōti ruja godacoayijarā ĩna ĩja.

<sup>33</sup> Yeseare tirūnubojana ito iti bajija ticōri, gūirā ūmaquedi wayijarā ĩna. Cūtoju ejacōri, “Ado bajiro rētamu”, yirona goti jeoyijarā ĩna. Rāmúa sāñabojarē ĩna rāmúa budigore gaye goti jeoyijarā ĩna iti cato gānare. <sup>34</sup> ĩna ito bajiro gotija tuocōri, Jesūs tūjūare minijua wayijarā masa, iti cato gāna. Jesure gūirā ī ware āmorā ĩre josayijarā ĩna.

## 9

### *Rudurūre Jesūs ĩyisioire gaye*

(Mr 2.1-12; Lc 5.17-26)

<sup>1</sup> Ito yija mūcana cumaju sājayiju Jesūs. Ito bajiri itajura gaje dūja jēa wacōri ĩ ya cūtoju ejayiju. <sup>2</sup> Ito ĩ ejaroca rudurūre cōrāre ĩna jeorona ĩre āmi ejayijarā Jesūs tu. “Yure queno tuorānārā űama ĩna”, yi ti masicōri ado bajiro yiyiju Jesūs rudurūre:

—Oca sēoña yu macu. Mu űeñaro yirise ma mure ĩja, yiyiju Jesūs ĩre.

<sup>3</sup> Ito ĩ yija tuocōri, ito gāna coriarā judio masa rotirise riasori masa ado bajiro tuōlayijarā: “Ito bajiro ĩ bušija, Diore rūcūbuobicu yami ĩ”, yi tuōlayijarā ĩna. <sup>4</sup> Ito bajiro ĩna tuōlarise ti masicōri ado bajiro yiyiju Jesūs ĩnare:

—ĪNo yija ito bajiro űeñaro tuōlati mūa? <sup>5</sup> ĪDisejua űati josasabiti mūa tija? “Mu űeñaro yirise coecoaju”, yu yija, Īquena űarojada mūa tuōĳaja? “Wūmūña, wasa”, yu yija, Īquena űarojada? ĪDisejua űati josasabiti mūa tija? <sup>6</sup> Yu űa Masa Rĳorū. Adi sitaju Dios ĩ cūre rāca űa yu. Ito bajiri masa űeñaro ĩna yiriserē ācabojo masia yu. “Riti Dios ĩ cūru űa mu”, yure mabo yi ti masitoni ado bajiro ya yu rudurūre:

—Wūmūña. Mu ya cama āmiña. Mu ya wiju tūdi wasa, yiyiju Jesūs.

<sup>7</sup> Ito ĩ yirocati rudurū űabojaru wūmūyiju. Ito yicōri ĩ ya wiju wacoayiju ĩ ĩja.

<sup>8</sup> ĩ ito bajiro bajija ticōri, gūiyijarā masa. “Adi sita gagure ĩ masirise jidicāni Dios”, yi tuōĳacōri, Diore rūcūbuoyijarā masa.

### *Mateore Jesūs ĩjire gaye*

(Mr 2.13-17; Lc 5.27-32)

<sup>9</sup> Itona wacōri yu Mateo ture ejaquĳ Jesūs. Cūto űari masare moa ĩsigū ĩnare niyeru boca āmiriju űacū yu. Yure ti buĳacōri ado bajiro yiquĳ Jesūs yure:

—Yu rāca waya, yiquĳ Jesūs yure.

Jesūs yure ito bajiro yija tuocōri, ĩre sūya wacu yu ĩja.

<sup>10</sup> Yu ya wiju ejacu gua. Ito ejacōri basuocu gua. Niyeru boca āmi ĩsiri masa, űeñaro yiri masa űacā ĩna cūni gua rāca barona. Jesūs rāca riasotirā cūni űacā gua rāca barona. <sup>11</sup> Ito bajiro iti bajija ticōri, fariseo gaye tuōĳarā gua rāca riasotirāre ado bajiro seniācā:

—ĪNo yija mūare riasori masu niyeru boca āmi ĩsiri masa ito yicōri űeñaro yiri masa rāca bati? yicā ĩna.

<sup>12</sup> Ito bajiro ĩna yija tuoquĳ Jesūs:

—űarise mana, cōmena cūni uco masare āmomenaji ĩna. Cōrā riti uco masare āmarāji ĩna. <sup>13</sup> Dios oca tuti gaye ticōri tuōĳaña mūa. Ado bajiro gotia iti. “Gājerāre mūa tuo maire āmoa yu. Gājerāre tuo maibitbojarāti ecarure siacōri yure mūa soe ĩsibojaja űe waja ma iti”, yi gotia Dios oca tuti, yiyiju Jesūs ĩnare. Queno yirāre jirocu meje adi sita wadicu yu. űeñaro yirāre űeñaro ĩna yirise jidicātoni gaje adi sitaju wadicu yu, yiquĳ Jesūs ĩnare.

*Bamenati Diore rācubure gaye**(Mr 2.18-22; Lc 5.33-39)*

<sup>14</sup> Ito ñana Juan idé guri masu rāca riasotirā Jesure seniārona ī tū ejacā ĩna: –Gua ito yicōri fariseo gaye tūōlārā cūni coji ruyabeto Diore rācuburōrā bamenati ĩre rācuburōcū gua. ¿No yija mu rāca riasotirāma bare bamenati ĩre rācuburebeati ĩna? yicā ĩna Jesure.

<sup>15</sup> ĩna ito yija tūocōri, ado bajiro ĩnare goti masioquī Jesús:

–¿Sīgū ī āmo siari rumu ī rāca wanurona ī jī ñucana ī rāca ñabojarocati bojori bujarā yirājida ĩna? Bojori bujamenaji. Yu baba mesa cūni bojori bujamenaji ĩna rāca yu ñarocama. Co rumu yure ĩna ñiaroti rumu ejaro yiroja. Yure ĩna ñijaja ticōri, bamenati yure yari Diore senirā yirāji yu baba mesa, yiquī Jesús ĩnare.

<sup>16</sup> Saya bucuro iti tadija, mamarona sere wōmenaji mani. Mamarona mani sere wōja tūatu wato bucuro tadiroja. Ito bajicōri jaja goje basa tadi waroja ĩja. Mame oca yu riasorise cūni bucurā oca rāca tūōla wisabesa. <sup>17</sup> Ūyé mame ide wecu wirowo bucū baju jiomenaji mani. Bucū baju mani jiojama wirowo cuducoaroja. Ito yicōri idire wirowo cūni juajiju godaroja. Ito bajiro uyé mame ide wecu wirowo mama bajuna jione ñaroja. Ito yicōri uyé ide, wecu wirowo cūni corocō ñaro yiroja, yiquī Jesús ĩnare.

*Jairo macore Jesús ī yisioire gaye**(Mr 5.21-43; Lc 8.40-56)*

<sup>18</sup> Ito bajiro Jesús ī gotiroca riti sīgū judio masa ujū ejaquī Jesús tū. Jesús riojo ĩre rācuburōgū ñini rūjūquī ī. Ito yicōri ado bajiro yiquī ī Jesure:

–Janeti yu maco usi jedicoamo. Iso tū ejacōri isore mu moaĭaja tūdi caticoago yigōji iso, yiquī ī Jesure.

<sup>19</sup> Ito ī yija tūocōri, ĩre sūya waquī Jesús. Ito bajiri gua ī rāca riasotirā cūni wacu. <sup>20</sup> Ito bajiro gua waroca sīgō romio cōgō Jesús judojua eja rūgūcō. Iso ñacō romia ñarise cōgō. Itire juā gubojeno rodori cō ñayijo iso. Jesús judojua ejacōri ī ya yutabuju gaja moaĭacō iso. <sup>21</sup> “Ī ya yutabuju gaja yu moaĭajati caticoago yigoja yu”, yī tūōlari seyocō iso. <sup>22</sup> Ito bajiro iso yija tūo masicōri, juda rūgūquī Jesús. Ito yicōri ado bajiro isore gotiquī:

–Oca sēōña yu maco. Yure tūorūnūgō ñacōri caticoaju mu ĩja, yiquī Jesús isore.

Ito bajiro ī yirocaci tujacoacō iso ĩja.

<sup>23</sup> Ito yija bero yoa busari wacōri ujū ya wijū ejacu gua. Yujerona basa ĩna menija ticū gua. Ito yicōri ruje masa ĩna oca cutirise ruyucu. <sup>24</sup> Jesús ado bajiro gotiquī ĩnare:

–Adijure budigoya muā maji. Adio macoacā cōgō meje yamo. Canigō yamo, yiquī Jesús ĩnare.

Ī ito yija tūocōri, ĩre ajacā ĩna. <sup>25</sup> Masa ĩna budigoja bero macoacā tū sāja wacōri isore āmo tūa ñiaquī Jesús. Ī ito yirocaci jaja rūjūcō iso. <sup>26</sup> Ito bajiro Jesús ī yija ticōri, iti sita ñarocōti oca batacu.

*Jāarā cajea timenare Jesús ī yisioire gaye*

<sup>27</sup> Itojū gua waroca cajea timena jāarā awasā sūyacā Jesure:

–Guaire ti maiña David ñayoru janerābatia janami mu, yicā ĩna Jesure.

<sup>28</sup> Wijū gua sāja ejaroca ĩna jāarā cajea mana cūni sāja ejacā. Ito bajiri ĩnare ado bajiro seniāquī Jesús:

–“Gua ya cajea tiroca yigu yiguñi Jesús”, ¿yi tūōlāti muā? yiquī Jesús ĩnare.

–Ito bajiro tūōla yu Ūjū gua, yicā ĩna Jesure.

<sup>29</sup> ĩna ito yijare, ĩna ya cajeaju moa jioquī Jesús:

–Yare mua tuorũnũro bajiroti mua ya cajea tiroca ya yu, yiquĩ Jesũs ñnare.

<sup>30</sup> Ito ã yirocati ñna ya cajeari ticoacã ñna. Ito yicõri sũoro ado bajiro gotiquĩ Jesũs:

–Queno tuoĩama. Gãjerãre goti batobeja, yiquĩ Jesũs ñnare.

<sup>31</sup> Ito bajiro ã yibojarocati yoari mejeti wacõri goti batoyijarã ñna iti sita gãnare Jesũs ã yigorere.

### *Bũsibicũre ã bũsiroca Jesũs ã yire gaye*

<sup>32</sup> Itijuna ñna wasũoroca coriarã ejacã masa bũsibicũre ãmi ejarã. Rũmũ sãñagũ ñnaquĩ ã. <sup>33</sup> Jesũs rãmũre ã bucõaja bero bũsibicũ ñbojarũ bũsisũoquĩ ña. Itire ticõri rujũ ucacã masa. Ito bajicõri ado bajiro yicã ñna:

–Israel sitajũ ado bajirise tiĩabiticũ gũa maji, yicã ñna.

<sup>34</sup> Fariseo gaye tuoĩarãma ado bajiro yicã:

–Ãniõcũ rãmũa ujũ ã masirisena rãmũare bucõami ãni, yicã ñna.

### *Masare Jesũs ã tuo maire gaye*

<sup>35</sup> Co cuto ruyabeto gũa ejarocõ curi catori, mutari catori cuni minijuara wijũ masare riasoquĩ Jesũs. “Ñre tuorũnũrãre ã rotirojũ miojugũ yiguĩji Dios”, yire gaye masare riasoquĩ Jesũs. Masa jeyaro ñna ñnarise cutirisere yisioquĩ Jesũs. <sup>36</sup> Masa ñna cõja, ñna bojori bujaja ticõri, ñnare ti maiquĩ Jesũs. Jesũs ã tija oveja ujũ mana robo bajiro bajirã ñnacã ñna. <sup>37</sup> Ito yija guare ado bajiro yiquĩ Jesũs:

–Riti mũare gotia yu. Jaje ote bũcũa. Ito bajibojarocati coriarãti ñna itire ãmiri masa. <sup>38</sup> Ito bajiri ote ujãre seniña, moari masare ã cõatoni, yiquĩ Jesũs guare. Ito bajiro ã gotija ado bajiro yireoni yiri seyoquĩ Jesũs: Jãjarã ñna maji coji Dios ocare tuoĩa yimena. Ito bajibojarocati coriarãti ñna ñnare ã oca gotirona. Ito bajiri Diore seniña jãjarã bũsa gotiri masare ã cõatoni.

## 10

### *Jũa gũbojeno apõstol mesare Jesũs ã besere gaye*

(Mr 3.13-19; Lc 6.12-16)

<sup>1</sup> Ito yicõri gũa jũa gũbojeno ñnarãre jimiojuquĩ Jesũs. Ito bajiro guare jimiojucõri rãmũa sãñarãre bucõa rotiquĩ ã. Ito yicõri masa jeyaro ñna ñnarise cõrisere guare yisio rotiquĩ ã. Ito bajiro yicõri cõrãre gũa yisio masiroca yiquĩ Jesũs.

<sup>2</sup> Adocõ ña gũa jũa gũbojeno ñnarã Jesũs oca riaso ucutoni ã cũana. Tite mua. Cajero Simõn Pedro wame cutigũ ito yicõri ã ocabaji Andrẽs, ito bero Santiago, ito bero ã ocabaji Juan, Zebedeo rĩa ñna ñna. <sup>3</sup> Bero Felipe, bero Bartolomẽ, bero Tomãs, ito bero yu Mateo ujarãre yiari waja seni ãsibojacacũ, ito bero Santiago, Alfeo macũ ñami. Ito bero Tadeo. <sup>4</sup> Ito bero Simõn, celote gaye tuoĩagoru ñami ã, ito bero susari Judas Iscariote. ã ñami Jesure ñna ñiatoni gotirũ.

### *Dios oca ñna goti ucutoni ã rãca riasotirãre Jesũs ã cõare gaye*

(Mr 6.7-13; Lc 9.1-6)

<sup>5</sup> Ado bajiro gũa jũa gũbojeno ñnarãre riaso ucu rotiquĩ Jesũs:

–Judio masa meje ñna ñari catori riaso ucubeja mua. Samaria sita catori cuni wabeja mua. <sup>6</sup> Quenogoroama Israel sita gãna tu wasa. ñna ñna oveja wisana robo bajiro bajirã. <sup>7</sup> “Yoari mejeti ñre tuorũnũrãre miojugũ yiguĩji Dios”, yĩ riaso ucuba mua. <sup>8</sup> Rujũ jogarãre mua ti bujaja ñnare yisioaba mua. Gãjerã gaje ñnarise cutirãre cuni yisioaba mua. Godanare cuni ñna catiroca yiba. Rãmũa sãñarãre cuni ñnare bucõama mua. Ito bajiro mua yĩ masitoni waja

manoti muare jidicã yu. Ito bajiro muare yu jidicãjare mua yirise waja, waja senibeja mua cuni, yiquĩ Jesús guare.

<sup>9</sup> Mua waja niyeru kujiri, oro kujiri, cobre kujiri ãmi wabeja mua. <sup>10</sup> Ito yicõri gajeoni sãra bajuri ãmi wabeja mua. Coro mua sãñaro riti ãmi waja. Gaje guboco mua wasoaroti ãmi wabeja. Gajegu turigu ãmi wabeja. Diore moa isirã mua ñajare mua riasorãjua muare bare ña ecaja quena, yiquĩ Jesús guare.

<sup>11</sup> Jaja cuto jaibiti cuto cuni mua ejaja, yiro bajiro tuoĩagũre ãmama. Iocũ mua bujaja i tu canima mua. Ito cuto gãnare mua riasoja i tu riti ñama maji, mua waroto riojua. <sup>12</sup> Wiju mua ejaja, ¿ñati mua? yi seniĩacõri, “Queno ñaña mua”, yiba. <sup>13</sup> Masa queno muare ña boca ãmija, ito bajiroti, “Queno ñaña mua”, yi jidicãma ñare. Muare ña queno boca ãmibeja, “Queno ñaña mua”, yi jidicãbeja ñare. <sup>14</sup> Muare ña boca ãmi ãmobeja, ito yicõri muare ña tuo ãmobeja, iti wire ñabeja mua. Ito yicõri iti cutore ñabeja mua. Ito cutore jidicã warã mua ya gubori sũjuri wãrisere ja batecãma mua. Ito bajiro mua yija ticõri, “Ñare queno boca ãmibeja mani”, yi tuoĩa masirã yirãji ña iti cuto gãna. <sup>15</sup> Riti muare gotia yu. Sodoma ito yicõri Gomorra gãna rëto busaro ñeñaro tõbujarã yirãji ña masa ña ñeñaro yirise waja Dios i seniri ramu, yiquĩ Jesús guare.

*Dios oca mua gotija tuo junisinicõri ñeñaro mua tõbujaroca yirã yirãji, Jesús i yire gaye*

<sup>16</sup> Yu muare riaso ucu rotija, oveja robo bajiro yaia wato guijoroju muare cõa yu. Queno ññare bajiro ñacãña mua. Ito bajibojarocati bujare bajiro queno yirã ñama mua. Itoju mua waroto riojua, “Ado bajiro mani yija quena”, yirona queno tuoĩama maji. Ito bajiri ito gãna mua ejaroca ñeñaro ña yibojarocati queno yiba muama ñare. <sup>17</sup> Queno tuoĩama mua. Muare ñiacõri ujarã riojo ãmi warã yirãji ña. Ito yicõri minijuaara wi cuni muare bajerã yirãji ña. <sup>18</sup> Yu ocare mua riasojare gobierno masa ito yicõri cuto gãna ujarã riojo muare ãmi warã yirãji ña. Ito bajibojarocati ña riojo yu gaye busirã yirãji mua. Ito yicõri judio masa meje ñarãre cuni gotirã yirãji mua. <sup>19</sup> Oca quenori masu riojo muare ña ãmi ejaja. “¿No bajiro tuoĩa busigutibe yu, yigu yigujada yu?” yi tuoĩa oca jaibeja mua. Mua busirãju iti ejaja, mua busiroti muare gotigu yiguĩji Dios. <sup>20</sup> Mua busija muario meje busirãji mua. Mani Jacu i ya usi mua rãca ñajare busirã yirãji mua, yiquĩ Jesús guare.

<sup>21</sup> Guijorise iti rëtaja tirã yirãji mua. Masa ña ñarãreti gãjerã ña sãtoni ña rotirã yirãji ña. Ito yicõri jacu mesa gãjerã ña sãtoni ña rãre ña rotirã yirãji. Ito yicõri ña rãju ñare ti junisinicõri gãjerãre sã rotirã yirãji ña.

<sup>22</sup> Yu ocare mua goti ucujare, masa jeyaro muare ti tudirã yirãji. Noa yure jidicãmenati jeame ujuoroju ña waborere ñare, masogũ yiguĩji Dios. <sup>23</sup> Cutoju mua tõbujaroca ña yija, gaje cutoju rudi waja. Riti muare gotia yu. Jeyaro Israel sita gãna cutori mua wa ucu jeoroto riojuaju, yu Masa Rijoru ejaqu yiguja yu, yiquĩ Jesús guare.

<sup>24</sup> Sīgũ riasotiri masu ñe riasoru rëto busaro masigũ mami. Ito yicõri sīgũ moari masu i uju rëtogũ mami. <sup>25</sup> Sīgũ riasotiri masu ñe riasorare bajiroti yija quena. Ito yicõri moa isiri masu i ujure bajiroti yija quena. Yu mua ujure Beelzebú ña wame yi tudija, yu ñarã mua ñajare buto busa muare busiturã yirãji ña, yiquĩ Jesús guare.

*Diore mani güija quena, Jesús i yire gaye  
(Lc 12.2-7)*

26 'Ito bajiro ĩna busitubojarocati ĩnare güibeja mua. Ñejua yeyo busire ma Dios ĩ tiro riojo. Ñejua masa ĩna yeyo masirise ma. Jeyaro ti masiguĭji Dios. 27 Masa jeyaro tuobeto yu muare gotirise jeyaro masa ĩna tuotoni goti batoba mua. Muare yu yeyo gotirisere masare jimiojucõri ĩnare gotiba. 28 Mua ya rujure sĭaräre güibeja mua. Mua ya usĭjure sĭa masimenaji ĩna. Diore mua güija quena. ĩ ñami mua ya rujure sĭacõri mua ya usire jeame ujuroju cõa masigũ. ĩre mua güija quena, yiquĩ Jesús guare.

29 'Minia jüaracã waja niyeru cotiacã senirãji ĩna. Waja mana ĩna ñabojarocati ĩna quedi godaja ti masiguĭji mani Jacu. 30 Manire cuni queno tirũnũami Dios. Mani ya rijoga joa co joa ruyabeto cõia masiguĭji Dios. 31 Ito bajiri tuoĭa oca jaibitiruja manire. Minia rëtoro ñasarã ña mani Dios ĩ tija, yiquĩ Jesús guare.

*"Jesure masigũ ña yu", mua yi bojobeja quena, Jesús ĩyire gaye  
(Lc 12.8-9)*

32 'Masa tiro riojo, "Jesure tuorũnũrã ña gua", yirãreama yu cuni yu Jacu ũmacãju gagure, "ĩna ñama yu ñarã", yi masigũ yigũja yu. 33 Ito bajibojarocati masa tiro riojo, "Jesure masibea yu", ĩna yija, yu cuni yu Jacu ũmacãju gagure, "Yu ñarã meje ñama ĩna", yi masigũ yigũja yu, yiquĩ Jesús guare.

*Yure mua tuorũnũja ticõri, muare ti junisinirã yirãji, Jesús ĩyire gaye  
(Lc 12.51-53; 14.26-27)*

34 "Sĭgũre bajiro tuoĭacõri masa ĩna queno wanũ quenatoni wadiñi Jesús", yi tuoĭabesa mua. Ñeñaro yi amorã yu oca tuomenati junisinirã yirãji masa. 35 Sĭgũ yure ĩ tuorũnũja ĩ jacũjua ĩre tudigu yiguĭji. Ito yicõri sĭgõ yure iso tuorũnũja iso jacojuã isore tudigo yigõji. Ito yicõri sĭgõ yure iso tuorũnũja iso mañicõ isore tudigo yigõji. 36 Ito bajiri sĭgũ yure tuorũnũgũ ĩ ñajare, ĩ ñarã ñabojarãti ĩre ti tudirã yirãji ĩna. Ito yicõri ĩna ñarã yirãji ĩ wajana, yiquĩ Jesús guare.

37 'No ĩ jacore ĩ jacure yure rëto busaro maigũ, yu yagu ñado mami ĩocũ. No ĩ macore ĩ macure yure rëto busaro maigũ yu yagu ñado mami ĩocũ. 38 "Jesure yu suyaja yucutõju yure jaju sĭarã yirãji", yĭ tuoĭa güigu, yu yagu ñado mami ĩocũ. 39 No ĩ catirise maibojaguti godagu yiguĭji. Ito bajibojarocati yure tuorũnũgũ, yu oca ĩ gotija tuo junisinicõri ĩna sĭagũama catitĩñare gaye bujagu yiguĭji, yiquĩ Jesús guare.

*Dios tu waja bujare gaye  
(Mr 9.41)*

40 'No muare boca amirãti yure cuni boca amirã yirãji ĩna. Ito yicõri no yure boca amirãti yure cõarare cuni boca amirã yirãji ĩna. 41 No, "Diore goti ĩsiri masũ ñami", yi masicõri ĩre boca amirã Dios tu ĩ bujado bajiroti waja bujarã yirãji ĩna cuni. No, "Queno yigu ñami", yi masicõri ĩre boca amirã, Dios tu ĩ bujado bajiroti waja bujarã yirãji ĩna cuni. 42 Riti muare gotia yu. No yure suyarãre ñasarã meje ĩna ñabojarocati ĩnare boca amicõri ĩnare ĩna ide ioja, waja bujarã yirãji ĩnaõna. "Jesure suyagu ñami", yi masicõri ĩre ĩna boca amija, waja bujarã yirãji ĩnaõna, yiquĩ Jesús guare.

## 11

*"Jesure titẽña", Juan idé guri masũ ĩyi ñucare gaye  
(Lc 7.18-35)*

<sup>1</sup> Gaa ĩ rāca riasotirā jua gubojeno ñarāre ito bajiro riaso rotiquĩ Jesús. Ito bajiro ĩ goti tfoja bero iti sita catori masare riaso ucurā wacu gaa, Jesure suyarā.

<sup>2</sup> Iti ramu masare idé guri masu Juan tubiara wiju ñañi. Itoju ĩ ñaroca Jesús ĩ masare riaso ucure, ito yicōri tiyamani ĩ ñore gaye oca ejayiju ĩre. Ito bajiri Jesure ĩna seniñatoni ĩ rāca riasotirā juarāre cōañi Juan. <sup>3</sup> Gaa tu ejacōri ado bajiro Jesure seniñacā ĩna:

—¿Mutĩ ñati Cristo Dios ĩ cōaru? Gāji mu ñajama, ¿gājijuare bocatirātite gaa? yĩ seniñacā ĩna Jesure.

<sup>4</sup> ĩna ito yija tuocōri:

—Wasa, Juan tu tũdi wasa. ĩ tu ejacōri mua tigure, mua tuogore cuni gotiba ĩre. <sup>5</sup> Ado bajiro ĩre mua gotire āmoa yu: “Timena cuni ticoa. Wamena cuni wacoa. Rujũ camĩ jogarā cuni camĩ yaticoa. Tuomena cuni tuocoama. Godana cuni tũdi caticoama. Ito yicōri bojoro bujarā cuni Dios oca quenarise gaye tuo, baji ñañi ĩna Jesús ĩ masirise ĩ tojare”, yĩ gotiba, Juan tu mua ejaja.

<sup>6</sup> No yare tuorũnugũ ĩ jidicābeja wanũ quenagũ yiguĩji, yiquĩ Jesús ĩnare.

<sup>7</sup> ĩna waja bero Juan idé guri masu gaye masare gotisuoquĩ Jesús:

—¿Yucu manojũ warā ñimare tuoĩa wacati mua? ¿Sĩgũ amũgũ mino iti waja, ue rügögũre tuoĩa wacatite mua? <sup>8</sup> ĩocũre mua tuoĩa wabeja, ¿ñari masa ya yutabujuri sãñagũre tuoĩa wacatite mua? “Quenarise yutabujuri sãñarā ñacā ĩna ujarā tu ñarā”, yĩ masia mani. <sup>9</sup> ¿Ñimũjuare tuoĩa wasacati mua? ¿Diore goti ĩsiri masure tuoĩa wacatite mua? Riti muare gotia yu. Gãjerā Diore goti ĩsiri masa rētoro ñagũre tiyija mua. <sup>10</sup> Dios oca tutiju Juan idé guri masu gaye ado bajiro gotia:

Mu riojua oca goti yuri masu cōagũ yigũja yu. ĩti ñami mu ejaroto riojua queno yuri masu, yĩ gotia Dios oca tuti.

<sup>11</sup> Riti muare gotia yu. Nijua gāji masu, masa jeyaro wato Juan idé guri masure bajiro ñasagu maquĩji. Ito bajibojarocati Dios ĩ rotiroju ñasarā meje ñabojarocati ĩna ejaja Juan rēto busaro ñasari masa ñarā yirāji ĩna, yiquĩ Jesús masare.

<sup>12</sup> Cajero Juan ĩ riasosurocaju, ito yicōri adi ramuriju cuni jãjarā ñama Dios ĩ rotiroju sãja amora. Jãjarā ñabojama ĩna ñeñaro yirise jidicāmenati jore sãja amobojarā. <sup>13</sup> Juan ĩ ejaroto riojua, “ĩre tuorũnrāre ĩ rotiroju miojũ yiguĩji Dios”, yĩ tuoĩa yurā busiñi Diore goti ĩsiri masa. Dios rotirise ucari masu Moisés ñayoru cuni ito bajiroti busiñi. <sup>14</sup> “Diore goti ĩsiri masu Elías wame cutigu goaĩogũ yiguĩji”, yĩ goti yuyijarā ĩna. “Juana suoriti goaĩoami ĩna tuoĩa yuru”, mua yĩ tuoĩaja quena. <sup>15</sup> “Gãmo goje cutirā tuoia mua”, yiquĩ Jesús masare.

<sup>16</sup> ¿Ñena cōiacōri no bajiro bajiatibe adi ramuri gāna masa, yĩ cōiagũtibe yu? Riaca cuto gudareco ĩna baba rāca aje rujicōri busi rujirāre bajiro bajiama ĩna. <sup>17</sup> “Seru jutia gaa. Ito bajibojarocati borobea mua. Bojori bujare basa gaa sãbojaja otibeã mua”, riaca yĩ ajerā robo bajiro bajirā ñama adi ramuri gāna. <sup>18</sup> Ito bajiro ya mua cuni. Mua amoro bajiro gāji ĩ yibeja, junisinia mua. Juan ĩ ejaja ticōri, jeyaro ĩ babeja, uyé ide ĩ idibeja ticōri, “Rãmũ sãñaru ñami añi”, yicu mua. <sup>19</sup> ĩ bero ejacu yu, Masa Rijoru. Yu baja, yu idija ticōri, “Jairo bagu ñami ĩ. Ito yicōri idiri masu ñami. Ñeñaro yiri masa baba ñami añi. Ujarāre yiari waja seni ĩsiri masa baba ñami ĩ”, yicu mua yure. Ito bajiro mua yibojarocati Dios masirise mua tuo masi amoja, ĩre masirāre ĩna yigore ticōri tuo masirā yirāji mua, yiquĩ Jesús masare.



*Cutori gāna riojo cūdimena oca*  
(Lc 10.13-15)

<sup>20</sup> Ito bajiro ī yija bero tiyamani ī ĩora cutori gānare tuoīacōri ĩnare tudisuoquī Jesūs. Ñeñaro yirisere ĩna jidicābejare ito bajiro ĩnare tudiquī Jesūs:

<sup>21</sup> —Bujato bujarā yirāji mua Corazín gāna. Bujato bujarā yirāji mua Betsaida gāna cūni. Tiro cuto gāna ito yicōri Sidón cuto gānare cūni muare tiyamani yu ĩocato bajiro ĩnare yu ĩoja iti rāmujū ĩna ñeñaro yirisere tuoīa bojori bujacōri jidicāboana ĩna. “Gua ñeñaro yirise jidicā gua”, yirona yutabuju bojori baju sãñaboana ĩna. Ito yicōri, “Bojori buja gua”, yirona ĩna ya rijogaju ōja jeoboana ĩna. <sup>22</sup> Riti muare gotia yu. Ñeñaro yirisere mua jidicābeja, Dios ī waja seniri rāmū Sidón gāna, Tiro gāna rēto busaro ñeñaro tōbujarā yirāji mua. <sup>23</sup> Mua Capernaum gāna, “Ūmacūju Dios ī ñaroju ejacoana mani”, yī tuoīaboja mua. Ejamanaji mua. Jubeju godana taju jeame ūjuroju ejarā yirāji mua. Sodoma gānare tiyamani yu muare ĩocato robo bajiro yu ĩnare ĩoja, ĩna ñeñaro yirisere jidicāboana ĩna. Ito bajiri adi rāmuriju cūni ñaboadoja ĩna cuto maji. Tiyamani yu muare ĩojojarocati ñeñaro mua yirise jidicā āmobeja mua. <sup>24</sup> Riti muare gotia yu, Dios ī waja seniri rāmū Sodoma gāna rēto busaro ñeñaro tōbujarā yirāji mua, yiquī Jesūs masare.

*Yure mua suyaja tujacāre gaye bujarā yirāji mua, Jesūs ĩyire gaye*  
(Lc 10.21-22)

<sup>25</sup> Iti rāmuri Diore ado bajiro busiquī Jesūs:

—Cana, ūmacūju gagū Ūju ña mu. Adi tuti gagū cūni Ūju ña mu. Mure rūcūbuoa yu. Yu riasorise ñasari masa, buto tuo masirāre cūni ĩna masibitiroca ya mu. Ito yicōri yu riasorise buto ñasari masa meje, buto tuo masimenare cūni ĩna tuo masiroca ya mu. Ito bajiri mure rūcūbuoa yu. <sup>26</sup> Ito bajiro ya Cana mu, mu āmoro robo bajiro yigu, yiquī Jesūs Diore.

<sup>27</sup> Jeyaro yu yirise, yu ĩogorise cūni yu yī masiroca yami yu Jacū. Yu Jacū sīgūti yure masiami. Gājerāma yure masibeama. Yu sīgūti yu Jacure ti masia. Gājerāma ĩre ti masimenaji. ĩre masitoni yu gotirā riti yu Jacure masirāji ĩna. <sup>28</sup> Moare bogarā, rūcurise āmiboja bogarāre bajiro bajirā ña mua yu tija. Ito bajiri yure tuoīa waya. Muare tujacā rotigu yigūja yu. Ito yicōri yure mua tuoīnūja mua tuoīa oca sēoroca yigu yigūja yu. <sup>29</sup> Yu rotiro robo bajiro cūdiya mua. Ito yicōri yu gaye riasoya. Masare ti maigū ñari sēoro muare rotibicūja yu. Ūsiroro yigu meje ña yu. Ito bajiri yu rotiro robo bajiro mua cūdiya ticōri, mua tujacāroca yigu yigūja yu. Ito yicōri mua ya usiju sajari oca cutiro yiroja muare. <sup>30</sup> Yu muare rotirise josari meje ña. Ito bajiri yu gaye mua cūdiya bojori bujamenati queno wanū quenarā yirāji mua. Rūcūbiti ūmarā bajiro wanū quenarā yirāji mua, yiquī Jesūs masare.

## 12

*Jesūs rāca riasotirā trigo ajeri beja āmicōri ĩna bare gaye*  
(Mr 2.23-28; Lc 6.1-5)

<sup>1</sup> Iti rāmuri tujacāra rāmū ñaroca ote wato wacu gua Jesūs rāca. Gua ī rāca riasotirā ñiocōcu. Ito bajiri trigo ajeri beja āmicōri bacū gua. <sup>2</sup> Iti gua baja ticōri, fariseo gaye tuoīarā ado bajiro yicā Jesure:

—Tite. Mu rāca riasotirā tujacāra rāmū moare gaye mejeti moama ĩna, yicā ĩna Jesure.

<sup>3</sup> Ito bajiro ĩna yija tuoōri, ado bajiro cūdiquī Jesūs:

—Co rumu David ñayoru ĩ rāca gāna ñiocō wana ĩna yigore, ¿Dios oca tuti tiĭabiticati mña? <sup>4</sup>Ñiocō wana ñari Dios ya wiju sājacōri, ĩre rūcubwōrā gājerā ĩna cūre naju bayijarā ĩna. Paia mesa riti ĩna baroti ñabojayiju iti. David mesa ĩna baroti meje ñabojayiju. <sup>5</sup>“Paia mesa tujacāra rumu Dios ya wiju ĩna tujacābeja ñēñaro yirā meje yiana ĩna”, yi Moisés ñayoru ĩ ucare gaye, ¿tiĭabiticati mña? <sup>6</sup>Riti mñare gotia yu. Dios ya wi rēto busaro ñasagu ña yu. <sup>7</sup>Dios oca tuti gaye queno tñoĭa masibea mña. Ado bajiro gotia iti: “Masa gājerāre queno ti maija quena yure. No yibea ecaru sīacōri yure ĩna soe ĩsija”, yi gotia Dios oca. Itire mña tñoĭa masija, gājerāre ti maicōri, “Īnare seti ña”, yibitiboana mña. <sup>8</sup>Masa Rĭjoru, Dios ĩ cūru ña yu. Ito bajiri tujacāra rumu gaye yu rotiroti cuni cūquĭ Dios yure, yiquĭ Jesús masare.

*Āmo digarure Jesús ĩ yisioire gaye*  
(Mr 3.1-6; Lc 6.6-11)

<sup>9</sup>Ito yija bero judio masa minijuari wiju wacōri sājacu gna Jesús rāca. <sup>10</sup>Iti wiju ñaquĭ sīgū co ñaja āmo digaru. “Jesure seti ña”, yirona fariseo gaye tñoĭarā ado bajiro Jesure seniĭacā ĩna:

—¿Moisés ñayoru rēobisijari tujacāra rumu cōrāre yisioire gaye? yi seniĭacā ĩna Jesure.

<sup>11</sup>Īna ito yija tñocōri:

—¿Sīgū mña ya ecaru ĩ rujaraju ĩ quedi roaja āmirā wamenajida mña? Tujacāra rumu ñabojarocati mña ya ecaru ĩ quedi roaja ĩre āmirā warāji mña.

<sup>12</sup>Ecaru rēto busaro ñasagu ñami masu. Ito bajiri tujacāra rumuare cuni gājire mani ejabuaja quena, yiquĭ Jesús fariseo gaye tñoĭarāre.

<sup>13</sup>Ito yija āmo digagure ado bajiro yiquĭ Jesús:

—Mñ ya āmo ñujoya ĩja.

Ī ñucōarocati jajacoacu ĩja, gaje ñaja ricare bajiroti. <sup>14</sup>Ito ĩ yija ticōri, budi wacā fariseo gaye tñoĭarā. “¿No bajiro yicōri Jesure sĭarajati mani?” yi tñoĭa busiri seyocā ĩna.

*Ado bajiro ñagū yiguĭji Jesús, yi tñoĭa yure gaye*

<sup>15</sup>Ito bajiro ĩna tñoĭaja, tño masicōri gajerojna waquĭ Jesús mñcana. Gna cuni ĩ rāca wacu. Jesús ĩ waja ticōri, jājarā masa sña wacā gna rāca. Ito ĩ waroju ñajediro masa cōrāre yisioquĭ Jesús. <sup>16</sup>Ito yicōri, “Āniti gñare yisioquĭ”, yibeja mña, yiquĭ ĩ ĩnare. <sup>17</sup>Isaías ñayoru Diore goti ĩsiri masu ĩ goticādo bajiroti rētacu iti. Ado bajiro goti ucayoñi Isaías ñayoru:

<sup>18</sup>Āni ñami yure moa ĩsiri masu yure cudign. ĩre besecu yu. ĩre maia yu, ito yicōri ĩre wanua yu. Yu ya usi ĩre queo sīgū yiguja yu. “Masa ĩna ñēñaro yirise waja senigū yiguĭji Dios”, yi masare goti batogu yiguĭji ĩ.

<sup>19</sup>Masare oca josabicu yiguĭji ĩ. Ito yicōri masare ma gudareco eja rūgācōri awasā gotibicu yiguĭji ĩ.

<sup>20</sup>Yure queno tñorūnasamenare cuni ĩnare cōabicu yiguĭji. Yure queno tñorūnasamenare ĩnare ejabuagu yiguĭji ĩ, yure ĩna queno tñorūnatonĭ. Ito bajiro ñagū yiguĭji ĩ, masa jeyarore yu ti beseri rumu iti ejarocaju.

<sup>21</sup>“Īti ñami masare masorocu Dios ĩ cōaru”, yi tñoĭa wanu yurā yirāji masa jeyaro, yi gotia Dios oca tuti, yiquĭ Jesús fariseo gaye tñoĭarāre.

*Rāmā uju rotirise boca āmicōri yami Jesús, ĩna yire gaye*  
(Mr 3.20-30; Lc 11.14-23; 12.10)

22 Ito yija bero sīgüre Jesús tū āmi ejacā ĩna. Ī ñaquī tibicu, busibicu cuni. Rāmú sñāgū ñari ito bajiro ñabojaquī ĩ. Īre yisioquī Jesús. Ito bajiri tibicu ñabojaru tiquī ĩja. Ito yicōri busibicu ñabojaru busicoaquī ĩja. 23 Itire ticōri masa jeyaro ucacā:

—¿David ñayoru janerābatia janamiti ñati āni? yi tuoīacā masa.

24 Ito bajiro masa ĩna yija tuoōri, ado bajiro yicā fariseo gaye tuoīarā:

—Rāmúare ĩ bucōaja rāmúa ujū Beelzebú wame cutigu ĩ masirisena rāmúare bucōami ĩ, yicā ĩna.

25 Ito bajiro ĩna yi tuoīarise ti masicōri ado bajiro yiquī Jesús ĩnare:

—Cutōri gāna ujarā gāmeri ĩna junisinija queno cuto ña rujeabetoja. Co cuto gāna, co wi gāna cuni ĩna gāmeri junisinija, queno ña masimenaji ĩna.

26 Ito bajiroti rāmúa ujū rāmúare ĩ bucōaja queno ña masibiquī ĩ. Ito bajiro ĩ yija queno roti masibiquī ĩja. 27 “Beelzebú wame cutigu ĩ ejabuarisena rāmúare bucōami ĩ”, yiboja mūa yure. Ito bajiro mūa yure yi tuoīabojaja, “Rāmú ĩ ejabuarise rāca bucōama gua rāca gāna”, yirāre bajiro ya mūa. “Tuoīa wisarā ya gua”, yi tuoīarūja mūare. 28 Rāmúare yu bucōaja Espiritu Santona suoriti bucōa yu. Ito bajiro yu yija, “Diore tuorūnrāre ĩ miojuri rāmū eja wajū ĩja”, yi masirā yirāji mūa, yiquī Jesús ĩnare.

29 ‘Sīgū gāji sēogū ya wi sājacōri ĩre siabicuti gajeoni ĩma masibiquī ĩ. Īre ĩ siaja beroyu gajeoni ĩma masiguī ĩ. Rāmúa ujū rētoro masigū ña yu. Ito bajiri rāmúare bucōa yu, yiquī Jesús fariseo gaye tuoīarāre.

30 ‘Yu robo bajiro tuoīamena yure tuo terā ñama ĩnaōna. Yure ejabuabicu yure ñeñaro yami iocū, yiquī Jesús ĩnare.

31 ‘Riti mūare gotia yu. Masa ĩna ñeñaro yija, ito yicōri ñeñaro ĩna busija cuni, ĩnare ācabojo masiguī Dios. Espiritu Santore ĩna busituja, itireama ĩnare ācabojo masibiquī Dios. 32 Yu ña Masa Rjoru. No yure ĩ busituja, iocūre ācabojo masiguī Dios. Ito bajibojarocati, no Espiritu Santore ĩ busituja itireama ĩre ācabojo masibicu yiguī Dios. Adi tutire ūmacūju Dios ĩ ñaroyu cuni ācabojo masibicu yiguī Dios, Espiritu Santore masa ĩna busituja, yiquī Jesús fariseo gaye tuoīarāre.

### *Ricana suoriti yucugure ti masia mani, yi Jesús ĩ riasore gaye*

*(Lc 6.43-45)*

33 ‘Yucugū quenaricu iti ñaja, quenarise rica cutiro yiroja. Yucugū ñeñaricu iti ñaja, ñeñarise rica cutiroja. Ricaju ticōri, “Adigu ña quenarise rica cutiricu”, yu ti masia mani. 34 Ñeñaro busirā mūa ñajare āña juniro bajiro bajia mūa ya rise. Ñeñaro riti yirā ñari quenarise busi masimenaji mūa. Mani ya usi iti tuoīaro bajiroti busia mani. 35 Sīgū queno yigu quenarise busigu yiguī, ĩ ya usi iti tuoīaro bajiroti. Ito yicōri ñeñaro yigu, ĩ ya usi ñeñaro iti tuoīaro bajiroti ñeñarise busigu yiguī ĩ. 36 Riti mūare gotia yu. Dios ĩ waja seniri rāmū rocati mani busiado bajiroti manire waja senigū yiguī. 37 Mani busi wado bajiroti waja senigū yiguī Dios. Queno yirā mani ñaja, “Queno yirā ñama ĩna”, yigu yiguī Dios manire. Ito yicōri ñeñaro yirāreama, “Seti cutirā ñama”, yigu yiguī Dios, yiquī Jesús fariseo gaye tuoīarāre.

### *Tiyamani mū ĩore āmoa gua, yi ĩna senire gaye*

*(Mr 8.12; Lc 11.29-32)*

38 Ito ĩ yija bero, ado bajiro seniācā fariseo gaye tuoīarā, ito yicōri judio masa rotirise riasori masa cuni:

—Riasori masū, tiyamani mū ĩore āmoa gua, yicā ĩna Jesure.

<sup>39</sup> Ito yija ado bajiro ĩnare cudiqũ Jesũs:

—Ñeňaro yirã ito yicõri yure tuorũnumena cuni, tiyamani yũ ĩore ãmoama ĩna. Ito ĩna yibojarocati ĩnare ĩoado ma yũ. Jonás ñayoru Diore goti ĩsiri masu ĩre rêtare gaye riti ĩnare goticũja yũ. <sup>40</sup> Ado bajiro rêtayiju Jonásre: Udia rumu, udia ñami wai jaigu totiju ñabojayiju. Ito bajiroti yũ cuni Masa Rĩjoru ñami udia ñami umua udia rumu ñagũ yigũja yũ sita watoju. <sup>41</sup> Nĩnive cuto ñayoana Dios ĩ waja seniri rumu mucana tũdi catirã yirãji. Tũdi caticõri, “Mũare seti ña”, yirã yirãji adi rumuri gãnare. Nĩnive cuto gãna ñayoana Jonás ñayoru Dios oca ĩ gotija tuocõri, ñeňaro ĩna yirisere jidicãyijarã ĩna. Ito yicõri mama usi wasoayijarã ĩna. Jonás ñayorure ĩna tuorũnjare, tũdi caticõri, “Mũare seti ña”, yirã yirãji ĩna adi rumuri gãnare. Yũ ado mua rãca ñagũ Jonás ñayoru rëto busaro ñasagu ña yũ. Ito bajibojarocati yure tuorũnubea mua. <sup>42</sup> Rocaju gago ujo ñayoro Dios ĩ waja seniri rumu mucana tũdi caticoago yigõji iso. Mucana tũdi caticõri adi rumuri gãnare, “Mũare seti ña”, yigo yigõji iso. “Salomõn queno masigũ ñayiju”, yija tuocõri, sõju gago wadicõri ĩ tu ejayijo iso. Ito bajiri adi rumuri gãnare, “Mũare seti ña”, yigo yigõji iso. Yũ ado mua rãca ñagũ Salomõn rëto busaro ñasagu ña yũ. Ito bajibojarocati yure tuorũnubea mua, yiquĩ Jesũs fariseo gaye tuõiarãre.

*Masare budigocõri mucana tũdi rumũ ĩ sãjare gaye  
(Lc 11.24-26)*

<sup>43</sup> Rãmũ sĩgãre ĩ budija, ide manojũ tuja ãmogũ ãma ucuguĩji. ĩ bujabeja ado bajiro tuõĩagũ yiguĩji: <sup>44</sup> “Yũ budigoadojũ tũdi warũja yure”, yĩ tuõĩaguĩji. ĩ budigorure mucana tũdi ĩ ejaja, queno wi ueri mani wi, queno carari wi robo bajiro ti ejaũ yiguĩji. <sup>45</sup> Ito bajiro ĩre ti ejacõri juã ãmojeno rãmũã ĩ rëto busaro ñeňaro yirãre ãmi ejaũ yiguĩji ĩ. Ito yicõri ĩna ñarocõti ãmugũre sãjarã yirãji ĩna. Ito bajiro ĩna sãjajare buto busa ñeňaro yigu ñagũ yiguĩji ãmugũ ĩja. Ito bajiroti rëtarõ yiroja adi rumuri gãna ñeňaro yirãre cuni, yiquĩ Jesũs fariseo gaye tuõiarãre.

*Jesũs ĩ ñarã ado bajiro bajiamã, yire gaye  
(Mr 3.31-35; Lc 8.19-21)*

<sup>46</sup> Jesũs masare ĩ busiroca riti ĩ jaco ĩ ocabaji mesa rãca macũju eja rãgũcã ĩna. Jesure busirona ĩre ji bucõbojacã ĩna. <sup>47</sup> Sĩgũ ĩre jigũ ado bajiro yiquĩ ĩ Jesure:

—Mũ jaco, mũ ocabaji mesa rãca ado macũju ñama. Mũ rãca busi ãmoama ĩna, yiquĩ ĩ Jesure.

<sup>48</sup> Ito ĩ yijare ado bajiro cudiqũ Jesũs:

—¿Ñimo ñati yũ jaco, ito yicõri noa ñati yũ ocabajirã? yiquĩ Jesũs ĩre.

<sup>49</sup> Ito yija gũã ĩ rãca riasotirãre ticõri:

—Ãna ñama yũ ñarã, ito yicõri yũ jacore bajiro bajirã. <sup>50</sup> Noa yũ Jacũ umacũju gagũ ĩ rotiro bajiro yirã, ĩna ñama yũ ocabajirãre bajiro bajirã, ito yicõri yũ jacore bajiro bajirã, yiquĩ Jesũs ĩre.

## 13

*Oteri masũ gaye Jesũs ĩ goti masiore oca gaye  
(Mr 4.1-9; Lc 8.4-8)*

<sup>1</sup> Iti rumũti wire buodi wacõri, itajura tunima rujicũ gũã Jesũs rãca. Ito bajiro yicõri masare riasoquĩ Jesũs. <sup>2</sup> Masa jãjarã busa ĩna minijua wadija ticõri, cumajũ sãjacõri rujiqũ Jesũs. Masa minijuacãna jajujũ riti tujacã ĩna. <sup>3</sup> Ito yija goti masiore ocana masare riasoquĩ Jesũs.

Ado bajiro riasoquĩ ã:

—Sĩgũ wesecaju ã ya ote ajeri otegu wayiju ã. <sup>4</sup> Weseca ejacõri iti ajerire ã wẽjabateroca, gaje ajeri maju quedi queayiju. Ito bajiri minia ejacõri itire ba batecõyijarã. <sup>5-6</sup> Ito yicõri gaje ajeri gãta watoju quedi queayiju. Queno sita mañiju. Ito bajiri judiboja, yoari mejeti siniacoayiju iti ãmacañi jeana, sita jõrecõri. Ito yicõri ñemari iti manijare siniacoayiju iti. <sup>7</sup> Ito yicõri gaje ajeri jota watoju quedi yiju. Ito bajiri jota mari itire ñareã siacõyiju. <sup>8</sup> Gaje ajeriana sita quenaro quedi queayiju. Iti judi mujacõri queno rica cutiyiju. Coria sarari cien ñari ajeri rica cutiyiju. Gaje sarari setenta ñaricari, gaje sarari treinta ñaricari rica cutiyiju. <sup>9</sup> Mũã gãmo goje cutija, yũ busirisere tuo masiña mũã, yiquĩ Jesũs masare.

*¿No yija goti masiore ocana masare riasoati mũ? Ñna yi senĩare gaye (Mr 4.10-12; Lc 8.9-10)*

<sup>10</sup> Ito bajiro Jesũs ã yija tuocõri, ado bajiro senĩacu gua ã rãca riasotirã:

—¿No yija goti masiore ocana masare riasoati mũ? yicũ gua ãre.

<sup>11</sup> Ado bajiro guare cudiquĩ ã:

—“Ñre tuorũnarãre ã rotiroju miojugu yiguĩji Dios”, yi gãjerã ãna tuoĩabitire mũã masiroca yami ã. Gãjerãreama ãna masiroca yibeami Dios. <sup>12</sup> No ãre tuorũnũgũre jai busaro tuo masire gaye jidicãgũ yiguĩji Dios ãre. Ito bajiri jai busaro masigũ yiguĩji ã. No ãre tuorũnũbicũre jabetacã ã tuoĩabojarisere emacõgũ yiguĩji Dios ãre. Ito bajiri ñe tuoĩare mano tujagu yiguĩji ã. <sup>13</sup> Ito bajiri masare tuo masire ocana ãnare riasoa yũ. Tibojarãti timenare bajiro ñama ãna. Ito yicõri tuojojarãti tuomenare bajiro ñama ãna. Ito bajiri Dios ocare tuojojarãti, “Ito bajiro yireoni ñaroja iti”, yi tuoĩa masibeama ãna. <sup>14</sup> Ito bajiro ãna bajija Diore goti ãsiri masũ Isaiã ñayoru ã gotiado bajiroti rãta. Dios oca gotiguã ado bajiro ucayoñi Isaiã ñayoru:

Yũre tuojojarãti itire tuo masimena yirãji mũã. Tibojarãti, “Ito bajaia”, yi masimena yirãji mũã.

<sup>15</sup> Adocãta gãna yũ tuoĩaro bajiro ãna ya usina yũre tuoĩa amobeama ãna. Tuojojarãti ñeñaro tuo godõ weorãji. Ito yicõri tibojarãti bibicãna bajiro bajiamã ãna. Yũ iõbojarise ti amobeama. ãna ya gãmo gojena tuo amobeama ãna. ãna ya usina tuo masi amobeama ãna. Ito yicõri yũre yisio rotirã ejamena yirãji ãna, yi gotiami Dios, yi ucayoñi Isaiã ñayoru, yiquĩ Jesũs guare.

<sup>16</sup> Queno wanãrã ña mũã. Yũre ticõri ti masia mũã. Ito yicõri yũre tuocõri tuo masia mũã. <sup>17</sup> Riti mũare gotia yũ. Jãjarã Diore goti ãsiri masa ñayoana, queno yirã ñagoana cuni mũã tirisere ti amobojayijarã ãna. Ito bajibojarocati tibisijarã ãna. Mũã tuorise cuni tuo amobojayijarã. Ito bajibojarocati itire tuobisijarã ãna, yiquĩ Jesũs guare.

*Ado bajiro bajaia oteri masũ ye, yi Jesũs ã goti quenore gaye (Mr 4.13-20; Lc 8.11-15)*

<sup>18</sup> “Oteri masũ sigũ ado bajiro bajiyiju”, yirocu mũare gotibu yũ. Ito bajiri adocãta mũare goti rãtobugũ ya yũ, mũã queno tuo masitoni. Queno tuo ya mũã. <sup>19</sup> “Ñre tuorũnarãre ã rotiroju miojugu yiguĩji Dios”, yire gaye oca tuojojarãti, itire queno tuo masimenaji gãjerã. ãna ñama ã otegu waroca maju quediã ajeri robo bajiro bajirã. Dios oca tuojojarocati ãna acabojaroca yami rãmũ. <sup>20</sup> Coriarã Dios oca tuocõri queno wanũre rãca boca amibojarãti yoari mejeti jidicãrãji ãnaõna. ãna ñama gãta watoju sita jõreroacã quediã ajeri robo

bajiro bajirā. <sup>21</sup> Queno Dios oca tʷo ñiabiticōri, yoari mejeti jidicārā yirāji ĩna. “Dios ocare yu tuorānuja ticōri, yu tōbujaroca yama gājerā. ¿No yija Dios ocare tuorānuatibe yu?” yi tuoĭa bojori bujarā yirāji ĩna. Ito bajiri ĩ ocare jidicārā yirāji ĩna. <sup>22</sup> Gājerāma Dios oca tʷo ñiabojarāti buto adi sita gaye tuoĭa usirioama ĩnaoĭa. ĩna ñama jota wato quedira ajeri robo bajiro bajirā. Buto gajeonire tuoĭa āmosacōri queno Dios ocare tʷo suyabeama ĩnaoĭa. Ito bajiri Dios ĩ āmoro bajiro queno yi masimena yirāji ĩna, ĩto yicōri ĩre queno moa ĩsimenaji ĩna. <sup>23</sup> Gājerāma Dios oca tuocōri queno tʷo ñiarā yirāji. ĩna ñama sita quenariseju quedira ajeri robo bajiro bajirā. Ito bajiri Dios ĩ āmoro bajiro yirā yirāji ĩna. ĩna ñarā yirāji cien rica cutiri sara robo bajiro bajirā. Ito yicōri gājerā sesenta rica cutiri sara robo bajiro bajirā, gājerāma treinta rica cutiri sara robo bajiro bajirā yirāji ĩna, yiquĩ Jesúš guare.

### *Ote quenarise wato ta widirise judire oca*

<sup>24</sup> Mucana gaje goti masiore ocana masare gotiquĩ Jesúš:

–“ĩre tuorānuarē ruyuriogu yiguĩji Dios. ĩre tuorānuarē riti ĩ rotiroju miojugu yiguĩji”, yirocu goti masiore ocana masare gotiquĩ Jesúš: “ĩre tuorānuarē ĩ rotiroju miojugu yiguĩji Dios”, yire oca masare mani riasoja, ado bajiro bajaia iti. Tuote mua. Sīgū ĩ ya wesecaju ĩ ya ote ajeri quenarise oteyiju. <sup>25</sup> ĩ oteja bero ĩ caniroca ĩ ya weseca ejacōri ta widirise oteyiju ĩ wajacu. Ito yicōri wacoayiju ĩ. <sup>26</sup> Ito bajiri ote bucua mɔja wato ta widirise cuni goayiju. <sup>27</sup> Ito bajija ticōri, ĩ ya moari masa ĩre gotirā wayijarā. ĩ tu ejacōri ado bajiro yiyijarā ĩna: “¿Gua uju ote quenarise riti otebojacati mu? ¿No yija ito bajibojarocati ta widirise wasari?” yiyijarā ĩna ujure. <sup>28</sup> Ito ĩna yijare: “Sīgū yu wajacu oteru”, yiyiju ĩ ĩnare. Ito ĩ yijare: “¿Adocāta ta widirise gua wājagore āmoati mu?” yi senūayijarā ĩna ujure. <sup>29</sup> “Wājabeja. Mɔja wājaja, ote rācati wājarā yirāji mua. <sup>30</sup> Adocāta ote rāca cocati bucucacōjaro maji. Iti rica cutiroca muare wāja roticɔja yu maji. Ito yicōri itire soeja quenaroja. Ito bero rica āmicōri rica cūadoju muare seo roticɔja yu”, yiyiju oteri masu ĩ ya moari masare, yi riasoquĩ Jesúš masare.

### *Ado bajiro bajaia mostaza ajeri, yi Jesúš ĩ riasore gaye (Mr 4.30-32; Lc 13.18-19)*

<sup>31</sup> Mucana gaje goti masiore ocana ado bajiro masare gotiquĩ Jesúš:

–“ĩre tuorānuarē ĩ rotiroju miojugu yiguĩji Dios”, yire oca masare mani riasoja, ado bajiro bajaia iti. Tuote mua. Sīgū ĩ ya weseca mostaza ajeri oteyiju. <sup>32</sup> Gaje ote ajeri rētoro mutacā buša ña iti mostaza ajeri. Ito bajiro mutacā ñabojaroti bucua wato gaje ote yucari rēto busaro jajocu ñaroja itigu. Jajocu itigu ñajare itigu rɔjuriju minia jibu menirāji ĩna. Itire bajiroti Dios mani ũju ĩ ñaja, gājerāre goti āmorāji mani, jājarā buša ĩre masirā ĩna ñatoni, yi riasoquĩ Jesúš masare.

### *Ado bajiro bajaia naju wadarise uco, yi Jesúš ĩ riasore gaye (Lc 13.20-21)*

<sup>33</sup> Mucana gaje ado bajiro goti masiore ocana riasoquĩ Jesúš:

–“ĩre tuorānuarē ĩ rotiroju miojugu yiguĩji Dios”, yire oca masare mani riasoja, ado bajiro bajaia iti. Tuote mua. Romio pan menigō waco udia coacō pan menire gaye āmijijo iso. Ito yicōri wadarise uco wuoyijo iso. Ito bajiri iso wuoja jairo wadayiju iti. Itire bajiroti bajiro yiroja, “ĩre tuorānuarē ĩ rotiroju

miojugũ yiguĩji Dios”, masare mani yi riaso ucuja. Ito bajiri jãjarã bũsa ãre tũorũnũ warã yirãji ãja, yi riasoquĩ Jesũs masare.

*Goti masiore ocana Jesũs ã riasore gaye*  
(Mr 4.33-34)

<sup>34</sup> Masare riasogũ goti masiore ocana riti ãnare riasoquĩ Jesũs. <sup>35</sup> Ito bajiro masare ã riasoja Diore goti ãsiri masũ ã goticãdo bajiroti rãtãcũ. Ado bajiro gotiyoĩni ã:

Goti masiore ocana riti masare gotigũ yiguĩji ã. Ito yicõri adi macãrucũro rujeoroto riojũa gaye masa ãna masibitire gotigũ yiguĩji, yi ucañi Diore goti ãsiri masũ ãyora yũre tũoĩa yugũ, yiquĩ Jesũs masare.

*Ote quenarise wato ta widirise judire oca, Jesũs ã goti quenore gaye*

<sup>36</sup> Ito bajiro masare yi goti tũocõri, “Waju”, yiquĩ Jesũs. Ito bajiro yicõri wiju maja ejacõri sãja waquĩ Jesũs. Wiju sãja ejacõri ado bajiro senĩacũ gũa ã rãca riasotirã:

—Ta widirise gaye mũ goti quenore ãmoa gũa, yicũ gũa Jesure.

<sup>37</sup> Ito bajiro gũa yija, ado bajiro gũare gotiquĩ Jesũs:

—Ote quenarise otegũ yatĩ ña Masa Rĩjora. <sup>38</sup> ã otero ã ya weseca bajiro bajia ado mani ñaroju. Ote quenarisere bajiro bajirã ñama masa Diore tũorũnũrã. Ta ñeñarisere bajiro bajirã ñama masa rũmũ ñarã. <sup>39</sup> Ta widirise ote rudirũ ãti ñami rũmũ. Ote bũcũariju ãna ãmireoniti ña adi macãrucũro iti jediriju. Ote bũcũaroca miorãõnati ñama ángel mesa. <sup>40</sup> Ta widirise ãmicõri ãna soeado bajiro bajia macãrucũro iti jediriju. <sup>41</sup> Yũ ña Masa Rĩjora. Ángel mesare cõagũ yigũja yũ, ñajediro ñeñarisere ãna besecõtoni. Ñeñaro yirãre cãni besecõrã yirãji ãna, Dios ã rotiroju ãna ejabe yirona. <sup>42</sup> ãnare besecõri jeame ãjuroju ãnare cõarã yirãji ãna. Ito jeame ãjuroju ejacõri ñeñaro tũbũjarã yirãji. Ito bajiri oticõri bũto tũoĩa oca jairã yirãji ãna. <sup>43</sup> Dios ã rotiro bajiro yirã mani Jacũ ã rotiroju ejacõri, ãmacañi busuro bajiro busu ñarã yirãji ãna. Mũa gãmo goje cutija, yũ bũsirisere tũo masiña mũa, yiquĩ Jesũs gũare.

*Dios ã rotiroju mũa eja ãmoja ado bajiro tũoĩaja quena, yi Jesũs ã riasore gaye*

<sup>44</sup> “Dios ã rotiroju mũa eja ãmoja, ñeñaro yirise jidicãcõri ãre riti tũorũnũrã yirãji mũa”, yirocũ ado bajiro riasoquĩ Jesũs gũare: Sĩgũ gãji ye bũto waja cutirise sita watoju ã yeyobojare bũjayiju. Itire bũjacõri mucana itijuti tãdi yeyocũ remoyiju ã. Ito bajiri itire wanagũ, ã gajeoni cutirise ñarocõti gãjerãre ãsi jeocõyiju ã niyeru bũjarocũ. Iti niyeru bũjacõri iti sita ãjũre waja yirocũ yiyiju ã. “Sita bũjacõri sita wato yeyore cãni bũjagu yigũja yũ”, yirocũ iti sita ãjũre waja yiyiju ã. Dios gaye quenarise mũa bũja ãmosaja, ãre riti tũorũnũrã yirãji mũa, yi riasoquĩ Jesũs gũare.

*Dios ye quenarise mũa ãmoja ãre riti tũorũnũ sũyaja quena, yi Jesũs ã riasore gaye*

<sup>45</sup> “Dios ã rotiroju mũa eja ãmoja, ñeñaro yirise jidicãcõri ãre riti tũorũnũrã yirãji mũa”, yirocũ ado bajiro riasoquĩ Jesũs gũare: Sĩgũ ñaque bũto waja cutiriserẽ ãmagũ ñayiju. Iti ñaque perla wame cutirise ñayiju. <sup>46</sup> Iti ñaquere bũto ãmoyiju ã. Ito bajiri, ã gajeoni cutirise ñarocõti ãsi jeocõyiju ã, gãjerãre niyeru bũjarocũ. Ito yicõri iti ñaquere ãmosacõri waja yirocũ yiyiju ã. Dios gaye quenarise mũa bũja ãmoja, ãre riti tũorũnũ sũyaja quena, yi riasoquĩ Jesũs gũare.

*Wai quenarãre ado bajiro beseama wai jori masa, yi Jesũs ã gotire gaye*

47 “Ado bajiro bajia Dios rotiroju ĩre tuorũnarãre ĩ miojuri ramũ”, yirocu guare riasoquĩ Jesús: Gãjerã wai wayari masa yorigu cõacõri wai jeyarore ãmiyijarã ĩna. 48 Jãjarã wai bujãcõri jajũ ĩnare mocũyijarã ĩna. Jajũ ĩnare mocũcõri ĩnare beseyijarã ĩna. Quenarãre jibũju miosãyijarã ĩna. Gãjerã ñeñarãreama cõa roacõyijarã ĩna. 49 Ito bajiroti bajiro yiroja macãrãcãro iti jediri ramũ. Angel mesa quenarãre beserã yirãji ĩna. 50 Besecõri ñeñarãreama jeame ãjuroju cõarã yirãji ĩna. Ito jeame ãjuroju ejacõri ñeñarãro tõbujarã yirãji. Ito bajiri bũto tuoĩa oticõri oca jairã yirãji ĩna, yiquĩ Jesús guare.

*Bũcu oca, mame oca Dios gaye bese masirã ña mũa, yi Jesús ĩ riasore gaye*

51 Ito yija ado bajiro seniãquĩ Jesús guare:

—¿Iti jeyaro mũare yũ gotirise tuo masicũati mũa? yiquĩ Jesús.

—Tũo masia, yicu gũa ĩre.

52 Gũa ito bajiro yija, ado bajiro cũdiquĩ ĩ guare:

—Mũa coriarã iti rumũju maji, bũcũrã oca riasori masa ñayijarã. Adocãtama yũ rãca riasotirã ña mũa. “ĩre tuorũnarãre ĩ rotiroju miojugu yiguĩji Dios”, yire oca yũ rãca riasoticõri juaji masire gaye ña mũare. Dios oca, bũcu mũa tuogore cũni ña mũare. Bũcu oca, Dios oca mame cũni masia mũa. Ito bajiri gajeoni seoraju bũcu gaye mame gaye cũni bese masirã bajiro bajirã ña mũa, yiquĩ Jesús guare.

*Nazaretju Jesús ĩ ware gaye  
(Mr 6.1-6; Lc 4.16-30)*

53 Ito bajiro guare goti masiore ocana ĩ gotija bero Jesús rãca wacu gũa mũcana. 54 Wacõri ĩ ya sita ejacu gũa. Miniujara wijũ ejacõri masare riasoquĩ Jesús. Queno ĩ riasoja tuocõri, ucacã masa. ĩre tuocõri ado bajiro yicã ĩna:

—¿Iti ĩ riasorise noju riasotiyijaribe ãni? ¿Iti yicõri no bajiro tiyamani gaye ĩoati? 55 Adi sita gagũ cumu jãĩ moari masũ macũ ñami ãni. Ito yicõri María macũti ñami ãni. Santiago, José, Simón, Judas rĩjorati ñami ãni. 56 Ito yicõri ĩ ñarã romia ado mani wato ñama ĩna. ¿No bajiro iti gaye masiati ãni? yicã ĩna ĩ ya cuto gãna.

57 ĩna ya sita gaguti ĩ ñajare queno ĩre tuorũnũbiticã ĩna. Ado bajiro ĩnare gotiquĩ Jesús:

—Dios oca goti ĩsiri masare rãcũbũorã yirãji masa. Ito bajibojarocati ĩ ya sita gãna, ĩ ya wi gãna cũni ĩre rãcũbũomena yirãji, yiquĩ Jesús masare.

58 ĩ ya sita gãna ĩre ĩna queno tuorũnũbejare, jaje tiyamani ĩo jeobitiquĩ iti cãtore.

## 14

*Juan idé guri masũ ĩ godare gaye  
(Mr 6.14-29; Lc 9.7-9)*

1 Iti ramũriti Galilea gagũ mũju, Herodes wame cutigu Jesús gaye oca tuoyiju.

2 ĩ rãca ñarãre ado bajiro yiyiju Herodes, Jesure tuoĩa wacu:

—Juan idé guri masũti ñaguĩji mũcana. Godabojaguti tãdi catiguĩji. Ito bajiri tiyamani gaye ĩoguĩji ĩ, yi tuoĩabojayiju Herodes.

3-4 ĩ Herodes ĩ ocabaji Felipe manojore emayiju. Iso ñayijo Herodías wame cutigo. Ado bajiro yiyiju Juan Herodesre:

—Isore manoyo cutibitirũja mũre, yibojayiju Juan Herodesre. ĩre tuo ãmobisiju ĩ. Ito bajiri Juanre tubia rotiyiju Herodes. Ito yicõri come misina ĩre sia rotiyiju ĩ.



<sup>5</sup> Juanre s̄ia āmbojayijū Herodes. “Diore goti ĩsiri masu ñami Juan”, masa ĩna yi r̄acub̄oja t̄uoc̄ōri, ḡūiyijū ĩ. Ito bajiri Juanre s̄ia rotibisijū Herodes. <sup>6</sup> Herodes ĩ joeara rodo ḡani bia ejayijū. Ito bajiri masare oca c̄ōayijū ĩ, ĩna basa titoni. Iti r̄am̄u r̄ujar̄am̄u Herodias maco masa riojo basayijo. Iso basaja tic̄ōri, b̄uto wan̄uyijū Herodes. <sup>7</sup> Ito bajiri: “No āmorise m̄u senija, yiro roboti m̄are jidic̄ac̄uja yu”, yiyijū Herodes isore. <sup>8</sup> Ito bajiro ĩ yija t̄uoc̄ōri, “¿No bajiro āmoati cana m̄u?” yigo wayijo iso jacore. Jaco iso gotija t̄uoc̄ōri, ado bajiro yiyijo iso Herodesre:

—Juan idé guri masu ya rijoga jatac̄ōri somot̄ēroju jeoc̄ōri ĩs̄iña yure, yiyijo iso Herodesre.

<sup>9</sup> Ito bajiro iso yija t̄uoc̄ōri, bojori b̄ujayijū Herodes. Masa ĩna t̄uoro riojo, “Yiro bajiroti m̄are ĩsic̄uja yu”, ĩ yire ñajare, ito bajiroti rotiyijū ĩ ya moari masare. <sup>10</sup> “Tubiara wiju Juanre rijoga jata āmit̄ēña”, yiyijū Herodes ĩ ya moari masare. <sup>11</sup> ĩ ya rijoga jata āmic̄ōri somot̄ēroju jeoc̄ōri mamore ĩsiyijar̄ā ĩna. Ito yic̄ōri isoju jacore r̄ēto ĩsiyijo ĩja.

<sup>12</sup> Iti oca t̄uoc̄ōri Juan r̄āca riasotiana masa ejayijar̄ā. Ito yic̄ōri ĩ ya ruju āmi wac̄ōri yujeyijar̄ā. Ito bajiro ĩna yija bero Jesure gotir̄ā ḡua t̄u ejac̄ā ĩna.

*Cinco mil ñar̄are Jesús ĩ ecare gaye*  
(Mr 6.30-44; Lc 9.10-17; Jn 6.1-14)

<sup>13</sup> Juan idé guri masure ĩna s̄iare t̄uoc̄ōri bojori b̄ujaqūi Jesús. Ito bajiri cuma s̄ajac̄ōri ricati waqūi ĩ. Ito bajiro Jesús ĩ waja masic̄ā masa. Ḡajer̄ā boejuna Jesure s̄uya wac̄ā. <sup>14</sup> Majado ejac̄ōri Jesús ĩ tija masa jājar̄ā ñayijar̄ā. Ito bajiri ĩnare ti maiyijū ĩ. C̄ōr̄are ĩna āmi ejaro bajiroti ĩnare yisio ĩsiyijū Jesús. <sup>15</sup> Iti r̄āioja tic̄ōri, ḡua ĩ r̄āca riasotir̄ā ĩ t̄uj̄ua wacu. ĩ t̄u ejac̄ōri ado bajiro yicu ḡua:

—Ñamijū ña ĩja. Queno masa mama adojū. “Wasa”, yiya masare c̄atorijū bare ĩna waja yi masitoni, yibojacu ḡua Jesure.

<sup>16</sup> —Itoju ware ma ĩnare. M̄uati bare ecaya ĩnare, yiqūi Jesús guare.

<sup>17</sup> —Bare ma guare. Naju riti co d̄ujamoc̄ōc̄ā ña guare. Ito yic̄ōri wai j̄uar̄ati ñama guare, yicu ḡua Jesure.

<sup>18</sup> —Adojua yure āmi waya maji, yiqūi Jesús guare.

<sup>19</sup> Itire boca āmic̄ōri ta quenarise joe masare ruji rotiqūi Jesús. Ito yic̄ōri naju co d̄ujamoc̄ō ñarisere ito yic̄ōri wai j̄uar̄ā ñar̄are āmi r̄ucoqūi Jesús. Itire r̄ucoc̄ōri ūmac̄ājū ti m̄uoc̄ōri Jesús. Ito ti m̄uoc̄ōri, “Queno ya c̄una m̄u”, yiqūi ĩ. Itire igajea batoc̄ōri guare ĩsiqūi Jesús. Ito ĩ yija bero ḡuaja masare batocu ĩja. <sup>20</sup> Masa ñaroc̄ōti ba jedic̄ā itire. Ito yic̄ōri s̄iḡu r̄uyabeto yaji quenaro riti tujac̄ā ĩna. ĩna ba r̄uarise jua ḡubojeno jib̄uri dajacu ḡua. <sup>21</sup> Ḡua itire bagoana cinco mil ām̄ua ñacu ḡua. Romiare ito yic̄ōri r̄īacare c̄uni c̄ōiabiticu ḡua.

*Ide joe Jesús ĩ ware gaye*  
(Mr 6.45-52; Jn 6.16-21)

<sup>22</sup> Cumaju guare s̄aja rotiqūi Jesús ĩ riojua ḡua j̄ēa watoni. Ḡua waroca riti masare ware gotiñi Jesús. <sup>23</sup> Masare ware goti t̄ioḡā tur̄iaju m̄uja wañi Jesús. Itoju s̄iḡūti m̄uja ejac̄ōri ĩ Jacare busiñi ĩ. R̄āio jedija bero itoju ĩ s̄iḡūti ñañi Jesús maji. <sup>24</sup> Itajura gudareco tujacu ḡua. Ito ḡua t̄ujaroca jac̄ūtucu guare, mino b̄uto iti w̄ejare. <sup>25</sup> Busu m̄uja wadiroca Jesús ḡua t̄u ejaqūi ide joena wadic̄ōri.

<sup>26</sup> Ide joe ĩ wadija uc̄acu ḡua. Ito bajija tic̄ōri:

—W̄ujo c̄atiro ya, yi awas̄acu ḡua.

<sup>27</sup> —Oca s̄ēoña, ḡuibesa yuti ña, yiqūi Jesús guare.

<sup>28</sup> Ito ĩ yija t̄uoc̄ōri, ḡua r̄āca gaḡu Pedro ado bajiro busiqūi ĩre:

—Y<sub>u</sub> E<sub>ju</sub>, ma<sub>ti</sub> m<sub>u</sub> ñajama, ide joe y<sub>u</sub> m<sub>u</sub> t<sub>u</sub> waroca yiya y<sub>u</sub>re, yiqui Pedro Jesure.

<sup>29</sup> I<sub>to</sub> i<sub>to</sub> yijare:

—Wadite m<sub>u</sub>, yiqui Jesús ñre.

Ito i<sub>to</sub> yija t<sub>uo</sub>, wāgācōri ide joe was<sub>uo</sub>quī Pedro Jesús t<sub>u</sub> ejag<sub>u</sub> was<sub>u</sub>. <sup>30</sup> B<sub>u</sub>to mino iti wēaja t<sub>uo</sub>cōri, itire gūiqui Pedro. Ito bajiri jacūrisena ruja was<sub>uo</sub>quī Pedro:

—Y<sub>u</sub> E<sub>ju</sub> y<sub>u</sub>re masoña m<sub>u</sub>, yi awasāquī Pedro.

<sup>31</sup> Ito i<sub>to</sub> yirocati Pedro ya āmoju ñiacōri ado bajiro yiqui Jesús ñre:

—Queno y<sub>u</sub>re t<sub>uo</sub>rān<sub>u</sub>sabea m<sub>u</sub>. “Ide joe y<sub>u</sub> waroca yami Jesús”, ζyi t<sub>uo</sub>īa jidicāri m<sub>u</sub>? yiqui Jesús Pedroro.

<sup>32</sup> Cumaju Jesús rāca ña m<sub>u</sub>ja sājarcoti mino wēata rojocoas<sub>u</sub>. <sup>33</sup> G<sub>u</sub>a cumaju ñacānama Jesús riojo rijomunigāna ñini rūjūc<sub>u</sub>, ñre rāc<sub>u</sub>b<sub>u</sub>orā:

—Riti Dios Mac<sub>u</sub> ña m<sub>u</sub>, yic<sub>u</sub> g<sub>u</sub>a Jesure.

*Genesaret sita gānare Jesús i yisioire gaye*

*(Mr 6.53-56)*

<sup>34</sup> Ito jēa wacōri Genesaret wame cūtiri sitaj<sub>u</sub> ejac<sub>u</sub> g<sub>u</sub>a. <sup>35</sup> Iti cūto gāna Jesús i ejaja t<sub>uo</sub> masicōri, masa jeyarobe oca batoñi. Ito bajiri masa ñarise cūtirāre āni ejacā Jesús t<sub>u</sub>. <sup>36</sup> “M<sub>u</sub> ya yutabuju t<sub>u</sub>nima g<sub>u</sub>are moaīa rotiya”, yicā masa Jesure. No moaīarācōti cati quenarā tujacā m<sub>u</sub>cana.

## 15

*Ñeñaro t<sub>uo</sub>īacōri ñeñarise yama masa, yi Jesús i riasore gaye*

*(Mr 7.1-23)*

<sup>1</sup> Ito ña yiroca fariseo gaye t<sub>uo</sub>īarā ito yicōri judio masa rotirise riasori masa cūni ejacā Jesús t<sub>u</sub>. Jerusalēna wadiana ñacā ña. Jesús t<sub>u</sub> ejacōri ado bajiro senīlacā ña:

<sup>2</sup> —ζNo yija b<sub>u</sub>c<sub>u</sub>rā ña yisotire bajiro yiro robo c<sub>u</sub>dibeati m<sub>u</sub> rāca riasotirā? M<sub>u</sub> rāca riasotirā ña baroto riojuā āmo coebeama ña. B<sub>u</sub>c<sub>u</sub>rā ña rotiado bajiro yiro robo yibeama ña, yicā ña Jesure.

<sup>3</sup> Ito bajiro ña yijare, ado bajiro ñare c<sub>u</sub>diqui Jesús:

—B<sub>u</sub>c<sub>u</sub>rā masa ña rotirejuā c<sub>u</sub>dirona Dios i rotirisejuare c<sub>u</sub>dibeama m<sub>u</sub>.

<sup>4</sup> Ado bajiro rotia Dios oca: “M<sub>u</sub> jac<sub>u</sub>, m<sub>u</sub> jacore cūni queno rāc<sub>u</sub>b<sub>u</sub>o<sub>y</sub>a m<sub>u</sub>. No i jaco, i jacure cūni ñeñaro busitug<sub>u</sub> godacoajaro”, yi rotia Dios oca. <sup>5</sup> M<sub>u</sub>ama ricati bajiro rotia. Ado bajirojuā rotia m<sub>u</sub>a: “No, ‘Jeyaro gajeoni y<sub>u</sub> r<sub>u</sub>c<sub>u</sub>rise Diore y<sub>u</sub> ĩsiroti riti ña. Ito bajiri y<sub>u</sub> jac<sub>u</sub>sabatiare ejab<sub>u</sub>a masibeama y<sub>u</sub>, i yija, i jac<sub>u</sub>sabatiare ejab<sub>u</sub>abeja quena”, yi t<sub>uo</sub>īa rotiboja m<sub>u</sub>a. <sup>6</sup> Ito bajiro m<sub>u</sub>a yija, b<sub>u</sub>c<sub>u</sub>rā masa ña rotirisejuā c<sub>u</sub>dirona, Dios i rotirisejuare c<sub>u</sub>dibeama m<sub>u</sub>a. Ito bajiro m<sub>u</sub>a yija, “Ñe waja ma Dios oca”, yirā bajiro ya m<sub>u</sub>a. I<sub>to</sub> ocare jidicāra ña m<sub>u</sub>a. <sup>7</sup> M<sub>u</sub>a yiro bajiro yirā meje ña m<sub>u</sub>a. Diore goti ĩsiri mas<sub>u</sub> Isaiās ñayoru m<sub>u</sub>are t<sub>uo</sub>īa was<sub>u</sub> queno ucañi i. Ado bajiro ucañi i:

<sup>8</sup> M<sub>u</sub>a ya risena riti y<sub>u</sub>re rāc<sub>u</sub>b<sub>u</sub>oboja m<sub>u</sub>a. Ito bajijobarocati m<sub>u</sub>a ya usina sōju bajiro t<sub>uo</sub>īa m<sub>u</sub>a. Y<sub>u</sub>re rāc<sub>u</sub>b<sub>u</sub>o<sub>y</sub>a m<sub>u</sub>a.

<sup>9</sup> Minijucōri y<sub>u</sub>re m<sub>u</sub>a rāc<sub>u</sub>b<sub>u</sub>oboja, b<sub>u</sub>rāti ya m<sub>u</sub>a. M<sub>u</sub>a riasorise masa ña t<sub>uo</sub>īa rujeore ña iti. Itireti, “Dios i rotire ña”, yiboja m<sub>u</sub>a. Dios i gotirise t<sub>uo</sub>īa was<sub>u</sub> ito bajiro ucañi Isaiās ñayoru, yi gotiqui Jesús.

<sup>10</sup> Ito i<sub>to</sub> yija bero masare jicōri ado bajiro yiqui Jesús ñare:

—Y<sub>u</sub>re t<sub>uo</sub>cōri queno t<sub>uo</sub> masiña m<sub>u</sub>a. <sup>11</sup> Mani ba sārise meje mani ñeñaro yiroca yiroja iti. Ñeñaro t<sub>uo</sub>īacōri mani busirise, iti ña mani ñeñaro yiroca yirise, yiqui Jesús masare.

<sup>12</sup> Ito yija gwa ĩ rāca riasotirā ĩ tū minijuacōri ado bajiro yicū gwa ĩre:

—Ito bajiro masare mū gotija tūocōri, fariseo gaye tūoīarā tūo bujatomenaji ĩna, yicū gwa Jesure.

<sup>13</sup> Ito bajiro gwa yija, ado bajiro yiquī Jesús guare:

—Dise rocati judire ĩ otere meje ĩti ñaja, ñe rācati wājacōagū yiguīji ĩti ote wese ũju. Ito bajiroti yigū yiguīji yū Jacū cūni. Gaje oca ñasarise mejeti ricati bajiro ĩna riasobojaja ĩti jedi waroca yigū yiguīji yū Jacū. <sup>14</sup> Dios ocare riasomena ĩna ñajare, ĩnare tūorūnubeja. ĩna ñama cajea mana gājerā cajea manare tūa wabojarā robo bajiro bajirā. Sīgū cajea macū gāji cajea macure ĩ tūa wabojaja, goje ñaro ĩna ejaja, jūarājuti quedi sājacoarā yirāji, yiquī Jesús guare.

<sup>15</sup> ĩto yija ado bajiro seniīaquī Pedro Jesure:

—ĩti riasore oca gaye queno guare goti rētobuya, yiquī Pedro Jesure.

<sup>16</sup> —¿Tūo masibeati mūa cūni? <sup>17</sup> Mani ba sārise jeragajū waro yiroja ĩti. Ito bero rēta budiro yiroja ĩti. ¿ĩtire queno tūo masibeati mūa? <sup>18</sup> Mani ya ũsina tūoīacōri risena busia mani. ĩti ña mani ñeñaro yiroca yirise. <sup>19</sup> ĩna ya ũsina tūoīacōri ñeñaro yama masa. Tite mūa. Gājerāre sīama ĩna. Manojō cutirā ñabojarāti gājerā romiare ajeama. Jeyaro ĩna tūoīaro bajiroti romia rāca ñeñaro ajeama ĩna. Riniama ĩna. Socama ĩna. Rocati oca gotiama ĩna. Ito bajiro yama masa. <sup>20</sup> Ito bajiro ñeñarise tūoīacōri ĩti ña masa ĩna ñeñaro yiroca yirise. Mani baroto riojūa mani āmo coebeja, bucūrā ĩna rotiro bajiro mani yibeja ĩti gaye meje ña mani ñeñaro yiroca yirise. Ñeñaro tūoīacōri ñeñaro ya mani. ĩti ña mani ñeñaro yiroca yirise, yiquī Jesús guare.

### *Gaje maso Jesure iso tūorūnū sūyare gaye*

*(Mr 7.24-30)*

<sup>21</sup> Ito bajiro ĩ yija bero ĩtijūna, wacū gwa Jesús rāca. Ito wacōri Tiro ĩto yicōri Sidōn wame cutiri cutorijū ejacū gwa. <sup>22</sup> Ito gwa ejaja bero sīgō Canaān gago ĩtijū ñaro Jesús tūjūa awasā wadicō:

—Yū ũjū David ñayorū janami ña mū. Yure ti maiñā. Yū maco rūmū sāñagō ñamo. Ito bajiri buto ñeñaro tōbujamo iso, yi goticō iso Jesure.

<sup>23</sup> Ito bajiro iso yibojarocati isore cudibitiquī Jesús. Ito bajiri ĩ rāca riasotirā gwa ado bajiro roticū Jesure:

—Isore wa rotiya. ũsirioro guare awasā sūyamo, yibojacū gwa Jesure.

<sup>24</sup> Ito bajiro gwa yija ado bajiro yiquī Jesús guare:

—Oveja wisanare bajiro bajirā ñama judio masa. Ito bajiri ĩnare yure cūquī Dios, yiquī Jesús.

<sup>25</sup> Ito bajiro ĩ yiroca ĩ riojo wacōri rijomunigāna ñini rūjūcō romio:

—Yū ũjū yure ejabuaya, yicō iso Jesure.

<sup>26</sup> Ito bajiro iso yibojarocati ado bajiro yiquī Jesús isore:

—Judio masa riojūajū gājerāre yū ejabuaja, no masia ma yure. Ito bajiro yū yija, rīacare najū ēmacōri yaiare ecado bajiro bajia, yiquī Jesús isore.

<sup>27</sup> —Riti ya yū ũjū. ĩna ũjarā ba bate queorise bacā yaia. Yū gaje maso ñabojarocati mū ñarā bero yure jabeto mū ejabuaja quena ñaro yiroja yure, yicō iso Jesure.

<sup>28</sup> Ito bajiro iso yija tūocōri, ado bajiro yiquī Jesús isore:

—Mū romio queno yure tūorūnūgō ña mū. Ito bajiri mū āmoro bajiroti bajiro yiroja ĩti, yiquī Jesús.

Ito bajiro ĩ yirocaci iso maco tujacoacō.

*Jājarā ñarise cutirāre Jesús ĩ yisioro gaye*

<sup>29</sup> Ito yija bero Galilea wame cutirita tunima wacu gwa. Itoju ejacōri turiaju mwa wacu gwa. Itoju gwa joejearoca rujiqū Jesús. <sup>30</sup> Jājarā masa ejacā Jesús i rujiroju. Wa masimena, cajea mana, busimena, ruduana, ito yicōri jājarā cōrāre āmi ejacā ina Jesús taju. Ī tu ina āmi ejaroca ĩnare yisioquī Jesús. <sup>31</sup> Busimena busicā. Ruduana wacā. Cajea mana ticā. Ruju ñeñarā quenari ruju, ruju cuticā. Ito bajija ticōri, ti ucacā masa. Ito bajiri Diore wanu rūcubuoocā ina. “Judio masa ina rūcubuoocū Dios i ñami quenagū”, yi rūcubuoocā masa.

*Cuatro mil ñarāre Jesús i ecare gaye  
(Mr 8.1-10)*

<sup>32</sup> Ito yija gwa i rāca riasotirāre ado bajiro yiquī ĩ:

—Ado gānare ti bujatobea yu. Ūdia rāmu tija ĩja, adocāta yu rāca ina ñaroca. Ito bajiri queno bare ma ĩnare. Ina babetoti ina ya wiriju wa roti āmobeā yu. ĩnare yu wa rotija maju boga quedirā yirāji ina, yiquī Jesús guare.

<sup>33</sup> Guajua ado bajiro yicu ĩre:

—Ado masa manojū no bajiro masa tĳaro bare buja masia ma, yicu gwa Jesure.

<sup>34</sup> —¿Nocō jaje naju rūcoati mwa? yiquī Jesús guare.

—Jua āmojeno naju ña guare, ito yicōri wai jabetacā ña, yicu gwa ĩre.

<sup>35</sup> Ito yija masare jacaju ruji rotiquī Jesús. <sup>36</sup> Ī ya āmona naju jua āmojeno ñarisere ito yicōri wai rāca āmi rūcocōri, “Queno ya Cuna mu”, yiquī ĩ Diore. Ito ĩ yija bero gwa i rāca riasotirāre ĩsiquī masare gwa batotoni. <sup>37</sup> Masare batocu gwa. Ina jeyaro bacā. Ito bajiri sĳgū rūyabeto yaji quenaro ñacā ina. Ina baja bero jua āmojeno jiburi gwa ba rūarise dajocu gwa. <sup>38</sup> Gwa itire bagoana cuatro mil āmua ñacu gwa. Romiare ito yicōri rĳacare cuni cōĳabiticu gwa. <sup>39</sup> Ito bero masare ware gotiquī Jesús. Ito bajiri cumana Magadán wame cutiri sitaju wacu gwa.

## 16

*Tiyamani ĩoña guare, ĩna yire gaye  
(Mr 8.11-13; Lc 12.54-56)*

<sup>1</sup> Fariseo gaye tĳoĳarā ito yicōri saduceo gaye tĳoĳarā cuni Jesure tirona ejacā ina. “ ‘Riti Dios i cōarū ña mu’, gwa yi masitoni ūmacūju gaye tiyamani ĩoña guare”, yi ejabojacā ina.

<sup>2</sup> Ito ina yibojarocati ado bajiro cadiquī Jesús:

—Rāiocūro ūmacūju ĩti sūaja ticōri, “Quenari rāmu ñari seyoa”, ya mwa.

<sup>3</sup> Busuri ĩju ĩti sūaja mwa tija, waju bueri rāca ĩti ñaja. “Adi rāmu quenado ma”, ya mwa. Ūmacūju ticōri, “Ito bajiro rĳetaro ya adi rāmu”, yi masia mwa. Ito bajibojarocati adi rāmu rĳetarise gaye, “Ito bajiro bajiro wado ya”, yi masibea mwa. <sup>4</sup> Ñeñaro yirā ña mwa ito yicōri yare tĳorānūmena. Tiyamani ĩore yare seniboja mwa. Ito bajiro mwa yibojarocati juaji tiyamani mware ĩobicūja yu. Jonás ñayogure tiyamani rĳetare gaye riti mware goticūja yu, yiquī Jesús fariseo gaye tĳoĳarāre.

Ito bajiro Jesús ĩ yija bero ĩnare wagocu gwa.

*Fariseo gaye tĳoĳarā ya naju wadare gaye  
(Mr 8.14-21)*

<sup>5</sup> Itajura gaje dūjaju jĳea ejacōri, “Mani baroti naju ācabojacoayija mani”, yicu gwa. <sup>6</sup> Ito yija Jesús ado bajiro guare gotiquī:

—Fariseo gaye tʷoĩarã, saduceo gaye tʷoĩarã ña ya naju wadarise ʉco gaye queno tʷo masiña mʷa, yiquĩ Jesús guare.

<sup>7</sup> Jesús ito bajiro ĩ yija guamasiti gãmeri tʷoĩa bʷsĩcʷa gʷa:

—Mani naju ãcabojare ito bajiro bʷsiami Jesús, yi tʷoĩabojacʷa gʷa.

<sup>8</sup> Ito bajiro gʷa tʷoĩabojaja tʷo masicõri, ado bajiro yiquĩ Jesús guare:

—¿No yija, “Naju ma manire”, yati mʷa? Queno yʷre tʷorũnubea mʷa.

<sup>9</sup> Queno tʷo masibebe maji mʷa. Canʷ bʷsati co dajamocõ naju ñarisere co dajamocõ mil masa ñarãre eca jeocʷa yʷ. Ñare yʷ eca jeoja bero jaje jiburi dajocʷa mʷa. ¿Itire ãcabojati mʷa? <sup>10</sup> Ito bero canʷ bʷsati mʷcana jʷa ãmojeno naju ñarisere jʷaria mil masa ñarãre eca jeocʷa yʷ. Ña masare yʷ eca jeoja bero jaje jiburi dajocʷa mʷa rʷyarise. ¿Itire ãcabojacoati mʷa? <sup>11</sup> ¿No yija queno tʷoĩa masibeati mʷa maji? Jijʷ, “Fariseo gaye tʷoĩarã, saduceo gaye tʷoĩarã ña ya naju wadarise ʉco gaye queno tʷo masiña”, yʷ yija, naju gayere meje bʷsibʷa yʷ, yiquĩ Jesús guare.

<sup>12</sup> Ito ĩ yijare tʷo masicʷa gʷa. “ ‘Fariseo gaye tʷoĩarã, saduceo gaye tʷoĩarã naju wadarise ʉco gayere tʷoĩarã ya mʷa’, guare ĩ yija, ‘Ña riasorisere queno tʷoĩa masiña mʷa’, yireonire guare gotiyijari Jesús”, yi tʷoĩacʷa gʷa ĩja.

*Cristo Dios ĩ cõarũ ña mʷ, yi Pedro ĩ goti quenore gaye*  
(Mr 8.27-30; Lc 9.18-21)

<sup>13</sup> Mʷcana ito sõjʷa wacõri, Cesarea Filipino wame cutiri cuto tʷ ejaçʷa gʷa Jesús rãca. Itojʷ ejaçõri ado bajiro guare seniñaquĩ Jesús:

—Yʷ ña Masa Rĩjorʷ. ¿Yʷre masa ña bʷsija, no bajiro yati ña? yiquĩ Jesús guare.

<sup>14</sup> Ado bajiro cʷdicʷa gʷa ĩre:

—Coriarã ña bʷsija, “Juan idé guri masʷ ñami”, yama ña mʷre. Gãjerãma, “Elías ñami”, yama ña. Gãjerãma, “Jeremías ñami”, yama ña. Gãjerãma, “Diore goti ĩsiri masʷ ñaguĩji gajea”, yama ña mʷre, yicʷa gʷa Jesure.

<sup>15</sup> —¿Mʷama ñimʷ ñami yati mʷa yʷre? yiquĩ Jesús guare.

<sup>16</sup> Ito ĩ yija tʷocõri, ado bajiro yiquĩ Simón Pedro:

—Mutĩ ña Cristo Dios ĩ cõarũ. Dios catitĩñagũ Macʷ ña mʷ, ya yʷ mʷre, yiquĩ Simón Pedro Jesure.

<sup>17</sup> —Riti ya Simón, Jonás macʷ mʷ. Ito bajiro mʷ bʷsija wanʷ quenagũ ña mʷ. Itire mʷ bʷsija, masare tʷocõri meje bʷsia mʷ. Itire mʷ bʷsija, ũmacũjʷ gagʷ yʷ Jacʷre tʷocõri bʷsia mʷ. <sup>18</sup> Ado bajiro mʷre gotia yʷ. Iti mʷ wame ña Pedro, “gũtagã”, yireoni ña iti Pedro. Riti ña mʷ bʷsirse. Iti oca mʷ bʷsirse jedibetoja. Gũtagã bʷtirica robo bajiro bajirise ña iti mʷ bʷsirse. Iti oca tʷocõri yʷre tʷorũnarã yirãji mʷ bero gãna. Ito bajiri yʷ ñarã, ñarã yirãji ña. Yʷre ña tʷorũnjare godana ʷjʷ ñare r̃etocũbicʷa yiguĩji. Godabojarãti mʷcana tʷdi catirã yirãji ña. <sup>19</sup> Ado bajiro mʷre gotia Pedro yʷ. Soje janado r̃acogʷre bajiro mʷre cũgũ yiguja yʷ. Ito bajiri, “ĩre tʷorũnarãre ĩ rotirojʷ miojugʷa yiguĩji Dios”, yire oca masa ña tʷo masiroca yigu yiguja mʷ. Ito bajiro mʷre cũgũ yiguja yʷ. Adi sitajʷ mʷ r̃eoris, ũmacũjʷ itojʷ cʷni r̃eore ñaro yiroja. Adi sitajʷ, “Ito bajiroti yiya”, mʷ yija, ũmacũjʷ cʷni ito bajiroti yire ñaro yiroja, yiquĩ Jesús Pedore.

<sup>20</sup> Ito bajiro Pedore ĩ yija bero ado bajiro yiquĩ Jesús guare: “ĩti ñami Cristo Dios ĩ cõarũ, yi masare goti batobesa mʷa”, yiquĩ Jesús guare.

*Yʷre s̃iarã yirãji, Jesús ĩ yire gaye*  
(Mr 8.31-9.1; Lc 9.22-27)

<sup>21</sup> Ito ī yija bero itijunati guare goti rēto buquī Jesús:

—Jerusalénjū ware űa yare. Itoju yū ejaroca bucarā, paia ujarā ito yicōri judio masa rotirise riasori masa cūni quenabeto yū tōbujaroca yirā yirāji űna. Itoju yure sīarā yirāji űna. Ito bajibojarocati űdia ramū beroti yū catiroca yigū yiguīji Dios mūcana, yiquī Jesús guare. <sup>22</sup> Ī ito yija tuocōri, ricati busa camotadi rūgūcōri, oca sēoro ĩre busisūbojoquī Pedro:

—Yū űjū ito bajiro mure rētare āmobi quīji Dios. Ito bajiro mure rētabeto yiroja, yiquī Pedro Jesure.

<sup>23</sup> Ito ī yija tuocōri, juda rūgūcōri, ado bajiro busiquī Jesús Pedrorre:

—Rūmūa űjū Satanásre moa ĩsia mū. Yure camotadiya mū. Dios ĩ āmoro bajiro yū yija, yure camota codea mū. Dios bajiro meje tuōia mū. Masa űna tuōiaro bajiro tuōia mū cūni, yiquī Jesús Pedrorre.

<sup>24</sup> Ito ī yija bero ado bajiro yiquī Jesús guare ĩ rāca riasotirāre:

—Sīgū yure ĩ sūya āmoja, ĩ ye űaroti tuōiabiticōri yūjūare tuo mai sūyagu yiguīji. Yucutēo gajagure bajiro tōbujabojaguti yure riti sūyagu yiguīji ĩ. <sup>25</sup> No ĩ catirise maibojaguti godagu yiguīji. Ito bajibojarocati yure tuorūnugū, yū oca ĩ gotija tuo junisinicōri űna slagūama catitūnare gaye bujagu yiguīji. <sup>26</sup> Sīgū adi macārūcōroju gajeoni jeyaro ĩ bujabojaja, ĩ ya űsi jeame űjuroju iti waja, ĩ ya gajeoni ĩ bujabojare űne waja ma. űne mani ya űsi rēto busaro waja catirise manoja. Catirājuti Dios rāca mani oca quenobeja, mani godaja bero ĩ rāca oca queno masimenaji ĩja. <sup>27</sup> Yū Masa Rījoru űacōri, yū Jacū Dios ĩ busurisena tūdi ejagu yigūja yū. Ito yicōri ĩ tū gāna āngel mesa rāca ejagu yigūja yū. Tūdi ejacōri masa űna yigoado bajiroti waja senigū yigūja yū. <sup>28</sup> Riti mūare gotia yū. Mūa coriarā adiju űnarā mūa godaroto riojūa, ĩre tuorūnūrāre Masa Rījoru ĩ mioju ejaroca tirā yirāji mūa. Īti űna yū Masa Rījoru, yiquī Jesús guare.

## 17

*Īna tiro riojo Jesús ĩ godo wedire gaye  
(Mr 9.2-13; Lc 9.28-36)*

<sup>1</sup> Co āmojeno űmūari bero Pedro, Santiago, ĩ ocabaji Juanre cūni űmari tūria joeju ĩnare āmi waquī Jesús. <sup>2</sup> Itoju űna ejaroca űna riojo Jesús ĩ ya rio gajero bajiro godo wediyūjū. űmūa gagū űmacāñire bajiro yoyijū ĩ ya rio. Ito yicōri ĩ ya yutabuju būto boticōri yoyijū. <sup>3</sup> Īna tiroca Moisés űayoru, Elías űayoru rāca Jesús tū goaűoyjarā. Ito bajicōri Jesús rāca űna gāmeri busija, tiyijarā űna. <sup>4</sup> Ito bajija ticōri, ado bajiro yiyijū Pedro Jesure:

—Yū űjū adoju mani űaja quenasacōa. Mūa āmoja mūare yiari wi meni ĩsirūja guā. Mure co wi, Elíasre co wi, Moisésre co wi meni ĩsirūja guā, yiyijū Pedro Jesure.

<sup>5</sup> Ito bajiro Pedro ĩ busibojaroca riti ide bueri būto yorise ĩnare gūma rūgūyijū. Īti ide bueri watonati oca ruyuyijū:

—Āniti űnami yū Macū, yū maigū. ĩre būto wanūa yū. ĩre queno tuoyā mūa, yire oca ruyuyijū.

<sup>6</sup> Iti oca tuocōri būto gūiyijarā űna. Ito bajiri būto gūirā űna ya rio sitaju muqueayjarā űna. <sup>7</sup> Ito bajiro űna bajija ticōri, űna tū wacōri ĩnare moaűayijū Jesús. ĩnare moaĩacōri ado bajiro yiyijū ĩ:

—Wamūña. Gūibesa mūa, yiyijū Jesús ĩnare.

<sup>8</sup> Ito űna ti mūoja, gājerāre tibisijarā űna. Jesús sīgūti ĩ űaja tiyijarā űna ĩja.

<sup>9</sup> Iti tūria űna roja waroca ado bajiro ĩnare gotiyijū Jesús:

—Janeti mua tirise masare goti batobeja maji. Yu ña Masa Rįjoru. Yure sįarā yirāji masa. Yure İna sįabojarocati tudi catigu yigujaja yu. Yu mucana tudi catiroto riojna, řiju mua tigorise gājerāre goti batobeja mua, yiyiju Jesús İnare.

<sup>10</sup> Ito yija ado bajiro Jesure seniįayjarā İna:

—No yija judio masa rotirise riasori masa, “Elíasjua ejasuoğu yiguįji”, yicati İna? yi seniįayjarā İna Jesure.

<sup>11</sup> Ito yija ado bajiro İnare cudiyiju Jesús:

—Riti yiñi judio masa rotirise riasori masa. “Elíasjua ejasuoğu yiguįji. Ejacōri jeyaro quenogū yiguįji İ”, İna yija riti gotiñi. <sup>12</sup> Ito bajiro İna gotibojarocati Elías İ ejaja İre ti masibisį masa. Riti muare gotia yu. Elías ejacāñi. İ ejaja İre ti masibisį masa. İna āmoro bajiroti yiñi masa İre. Ito bajiroti yu Masa Rįjorure, tōbujaroca yirā yirāji masa yiyiju Jesús İnare.

<sup>13</sup> Ito bajiro İ yija tuocōri, “Juan idé guri masare busiami āni”, yi tuo masiyjarā İna Pedro mesa.

*Rāmú sāñagāre rāmāre Jesús İ bucōare gaye*  
(Mr 9.14-29; Lc 9.37-43)

<sup>14</sup> Roja wadicōri gna tu ejacā İna mucana. Jājarā masa ñacā gna rāca. Jesús İ tudi ejaja ticōri, İ riojo rijomunigāna ñini rųjūquį sįgū. Ito yicōri ado bajiro yiquį İ Jesure.

<sup>15</sup> —Yu Hju yu macure ti maiña mu. Ńama cōre cōsotiami İ. Ito bajiri ruje tōbujasotiami İ. Biyaro usi jedi quedisotiami yu macu. Coji ruayabeto jeame űjuroju usi jedi quedisotiami İ. Ito yicōri riacaju cunį usi jedi quedisotiami.

<sup>16</sup> Mu rāca riasotirā taju İre āmi ejabojabu yu. İre yisio masibeama İna, yiquį İ Jesure.

<sup>17</sup> Ito İ yija ado bajiro yiquį Jesús masare:

—Queno yure tuorūnubea mua maji. Masa ñeñaro yirāre bajiro baja mua maji. ¿Nocō yoari mua rāca ñagū yigujada yu maji? ¿Nocō yoari yugu yigujada yu, mua masitoni? Adojua āmi waya, usi jedi quedisotigare, yiquį Jesús gware.

<sup>18</sup> Usi jedi quedisotigu İ ejaja ticōri, rāmāre budi rotiquį Jesús. Rāmú İ budirocati, cati quenagū ñacōaquį macuacā mucana.

<sup>19</sup> Ito yija bero ricati Jesús rāca busicu gna mucana:

—No yija rāmāre bucōa masibiti gna? yicu gna Jesure.

<sup>20</sup> —Yure queno tuorūnubiticōri rāmāre bucōa masibeama mua maji. Riti muare gotia yu. Jabetacā yure mua tuorūnaja, jaibiti aje mostaza aje robo bajiro yure mua tuorūnaja, mua rotiro bajiroti bajiroja. İ tware, “Gajeroju cunį rāgūña”, mua yija, mua rotiro bajiroti bajiroja iti. Ńejua mua yi masibiti mano yiroja, queno yure mua tuorūnaja. <sup>21</sup> Ito bajiro masare İna rāmāa sāñaja, bamena riti Diore mua senija, rāmāare bucōa masirāji mua, yiquį Jesús gware.

*Yure sįarā yirāji, mucana Jesús İ tudi gotire gaye*  
(Mr 9.30-32; Lc 9.43-45)

<sup>22</sup> Galilea sitaju coju gna waroca ado bajiro yiquį Jesús gware:

—Masa Rįjoru ña yu. Yure İna ñiatoni gotigu yiguįji sįgū. <sup>23</sup> Yure ñiacōri sįarā yirāji İna. Ito bajibojarocati uđia ramu beroti yu catiroca yigu yiguįji Dios, yiquį Jesús gware. Ito bajiri iti tuocōri buto bojori bujacu gna.

*Dios ya wi ñaroti İna waja yire gaye*

<sup>24</sup> Ito yija bero Capernaum wame cutiri cuto ejacu gwa Jesús rāca. Itoju gwa ñaroca minijuara wi coderā waja seniri masa Pedrore oca seniñarona ejayijarā. Í tu ejacōri ado bajiro ñre seniñayijarā ñna:

—¿Mure riasogu Dios ya wi waja yibeati í? yi seniñayijarā ñna Pedrore.

<sup>25</sup> —Waja yigu yiguñi, yi cudiyiju Pedro.

Jesure busirocu wiju í sājaroa, Jesujacu ado bajiro ñre busigoquí:

—¿No bajiro tuoñati Simón mu? ¿Adi sita gāna ujarā noare waja seniatite? ¿Ña ñarāre seniatite? ¿Gājerājuare seniatite? yi seniñaquí Jesús Pedrore.

<sup>26</sup> —Gājerāre waja seniama ñna, yi cudiquí Pedro.

Í ito yija, ado bajiro yiquí Jesús:

—Riti ya mu. Dios Macu yu ñajare yure waja seniado mama ñna. <sup>27</sup> Ito bajibojarocati ñeñaro manire ñna busitube yirona waja yija quena. Itajuraju wasa. Itoju wai joba. Cajero basuoguti ñre slacōri í ya riseju niyeru cuji bujagu yigaja mu. Iti niyeru cujina manire ñna waja senija, ñarocōti ñjacoaro yiroja iti. Iti cuji āmicōri ñnare waja yiya, yiquí Jesús Pedrore.

## 18

*¿Ñimū ñati ñasagu ñarocu? ñna yi seniñare gaye*

*(Mr 9.33-37; Lc 9.46-48)*

<sup>1</sup> Íti rumariti, gwa Jesús rāca riasotirā ñre seniñacu:

—¿Ūmacāju Dios í rotiroju ñimū ñati ñasagu ñarocu? yi seniñacu gwa Jesure.

<sup>2</sup> Ito bajiro gwa yija tuocōri, sīgū macuacāre āmicōri gwa wato cūquí. <sup>3</sup> Ado bajiro yiquí Jesús guare:

—Riti muare gotia yu. Mua ñeñaro yirise mua jidicābeja, ito yicōri bucārāre rāca ñna tuorūnuro bajiro yure mua tuorūnubeja, ūmacāju Dios í rotiroju ejamana yirāji mua. <sup>4</sup> Ado bajiro bajigu yiguñi ūmacāju Dios í rotiroju ñasagu ñarocu. Āni macuacāre bajiro, “Ñasagu ña yu”, yi tuoñabicu yiguñi í. <sup>5</sup> Noa yure tuorūncōri āni macuacāre ñna boca āmiro bajiro yure cuni boca āmirā yirāji ñna, yiquí Jesús guare.

*Ñeñaro mua yi uyaja guijorise ña, yi Jesús í riasore gaye*

*(Mr 9.42-48; Lc 17.1-2)*

<sup>6</sup> Mucana ado bajiro gotiquí Jesús guare:

—No macuacā yure tuorūnusoogare ñeñaro yiroca gāji í yija, ñre buto waja senigū yiguñi Dios. Quenogoroama ito bajiro yigure í ya āmumaju gūtagā jajoca sia yocōri riaca ācaroju rucōaja quenaroja. <sup>7</sup> Bujato bujarā yirāji adi macārucāro gāna ñeñaro yiri masa. Masare ñeñaro ñna yiroca yirise ito bajiro riti bajitiñaro yiroja. Ito bajibojarocati, gājerā ñna ñeñaro yiroca ñnare yigure bujato bajia ñre, yiquí Jesús guare.

<sup>8</sup> Mua ya āmo, mua ya gabo, mua ñeñaro yiroca muare iti yija, itire jatacōri sōju cōacōña. Manire co daja āmo manija quenabetoja. Ito bajibojarocati jua āmo, āmo cutirā ñabobarāti jeame ūjuroju manire Dios í cōaja, rēto busaro quenabeto yiroja. <sup>9</sup> Mua ya cajea mua ñeñaro yiroca iti yija, ruacōri sōju cōacōña. Manire co daja cajea manija quenabetoja. Ito bajibojarocati jua cajea, cajea cutirā ñabobarāti jeame ūjuroju manire Dios í cōaja, rēto busaro quenabeto yiroja. Dios í ñaroju maní ejaja, buto busa wanu quenarā yirāji maní. “Mua ñeñaro yirise jidicāña”, yirocu ito bajiro yiquí Jesús guare.

*Oveja wisarure āmagū yiguñi coderi masu, yi Jesús í riasore gaye*

*(Lc 15.3-7)*

<sup>10</sup> Mucana ado bajiro gotiquí Jesús guare:



—Mutarā yare masisnorāre sīgūjūare tibo yibesa. Ūmacūju ángel mesa ñarāji ñare tirānurā. Co ruma ruyabeto yu jacu tu ñacāma ña. <sup>11</sup> Yu ña Masa Rijoru. Jeame Ūjuroju waboanare masorocu wadicu yu, yiqui Jesús guare.

<sup>12</sup> Guare riasorocu ado bajiro yiqui Jesús mucana:

—Adocāta yu muare riasorisere queno tuoīaña muā. Sīgū ñayiju cien oveja rucogu. Co ruma gājerāre wagocōri sīgū wisayiju oveja. ¿No bajiro tuoīati muā? ¿Gājerā ruyarā, ta weseju noventa y nueve ñarā wisarure āmagū waguñjida i? <sup>13</sup> Ire āmagū wacu yiguñji i. Wisarure i bujaja, buto wanugū yiguñji i. Riti ña. Gājerā wisamena noventa y nueve ñarā rētoro wisarure i bujaja wanugū yiguñji i. <sup>14</sup> Mani Jacu ūmacūju gagu ito bajiroti bajiami i cuni. Sīgū yare masisnogu i wisare āmobiqūñji Dios, yiqui Jesús guare.

*Mani yagu i ñeñaro yirise mani ācabojoja quena, yi Jesús i riasore gaye (Lc 17.3)*

<sup>15</sup> Mucana guare ado bajiro riasoquī Jesús:

—Sīgū muā yagu muare i ñeñaro i yija, i rioti oca quenoma, “Riti ya muā, muare ñeñaro yicu yu”, i yi masitoni. “Riti ya muā”, i yija oca quenocāna ña muā. Ito bajiri muā yagu rāca queno baba cutirā yirāji muā mucana. <sup>16</sup> “Bajibeā burāti ya muā”, i yija, gājerā jūarāre ji ñucama. Ito bajiri muā busirise ña tuoja. “Riti bajia iti”, yi masirā yirāji ña. <sup>17</sup> ñare riojo i tuorānubeja, jājarā Diore masirā riojo gotiba muā. ña jājarāre i tuorānu āmobeja, Diore masibicu robo bajiro ire muā rucōja quena. Sīgū ñeñaro yigu, ujarāre yiarī waja seni isiri masare bajiro rucōja quena muā ire, yiqui Jesús guare.

<sup>18</sup> Riti muare gotia yu. Ūmacūju gagu Dios i cūana ña muā. Adi macārucūroju muā rēoja, ūmacūju Dios taju cuni rēore ñaro yiroja. Gajere cuni, “Ito bajiroti bajiya mu”, muā yiro bajiroti ūmacūju cuni bajiro yiroja, yiqui Jesús guare.

<sup>19</sup> Gaje ado bajiro muare gotia yu. Muā jūarā sīgūre bajiro tuoīacōri Diore muā seni āmoja, muā āmoro bajiroti isigū yiguñji yu Jacu ūmacūju gagu. <sup>20</sup> No jūarā udiarā yare tuorānurā ña minijuaja, ña rāca ñagū yiguja yu, yiqui Jesús guare.

<sup>21</sup> Ito i yija bero Pedro ado bajiro seniāquī Jesure:

—Yu Ūju sīgū yu yagu yare ñeñaro i yija, ¿nocōjiri ire yu ācabojoja quenati? ¿Juā āmojeno ire yu ācabojoja quenati? yiqui i Jesure.

<sup>22</sup> Ito i yija tuocōri, ado bajiro cūdiquī Jesús ire:

—Juā āmojeno rētoro, coji ruyabeto mure i senirocō ire mu ācabojoja quena, yiqui Jesús Pedore.

*Gāji i ñeñaro yirise ācaboja āmobicu yire oca*

<sup>23</sup> Mucana Jesús guare ado bajiro riasoquī:

—“¿Dios ūmacūju rotigu no bajiro bajiatu i?” muā yi masi āmoja, sīgū ujure tuoīate muā. Ado bajiro yiyiju i. I ya moari masare ji ñucacōri, ire ña waja ruyuriorisere cōīayiju. <sup>24</sup> I cōīasnoroca sīgū ire jairo niyeru waja ruyuriogure ire āmi ejabojayijarā ña. <sup>25</sup> I ujure waja yi masibisiju i. Ito bajiri, “Gājerāre yare isi isitēña”, yiyiju uju. Ire, i riare, i manojore, i ya gajeoni jeyaro gājerāre yare isi isitēña. ña waja muā bujarise yare muā isija, i yare waja ruyuriorise tjaro yiroja, yiyiju uju ire āmi ejanare. <sup>26</sup> Ito i yija tuocōri, ire waja ruyuriogu i riojo rijomunigāna ñini rūjūyiju. Ito yicōri ire josayiju i: “Yu uju jabeto yuya maji. Mure yu waja ruyuriorise waja tlogū yiguja yu maji”, yiyiju i, i ujure. <sup>27</sup> Ito i yija tuocōri, ire ti maiyiju i: “Bañ, no yibeati”, yi ire jidicāyiju i, i uju.

<sup>28</sup> Ito bajiro ī uju yija tucōri, budi wayijū ī. Budi wacōri ī baba ĩre waja ruyuriogare ti bujayijū ī cuni. Ito bajiri ī babare ī ya amama ĩna rūgucōri, “Yure m̄ waja ruyuriorise cojiti waja t̄oña m̄”, yiyijū ī ĩre. <sup>29</sup> Ito ī yija tucōri, ī ya rijomunigāna ĩni rūjūyijū ī: “Jabeto yure yuya maji. Mure yu waja ruyuriorise mure waja t̄ogā yigūja yu maji”, yibojayijū ī. <sup>30</sup> Ito ī yibojarocati t̄obisijū ī. Ito bajiri tublara wiju āmi wacōri ĩre cūyijū ī. “Yure m̄ waja ruyuriorise m̄ t̄obeja, budibicu yigūja m̄”, yiyijū ī. <sup>31</sup> Gājerā moari masa ito bajiro ī yija ticōri, bujatobisijarā ĩna. Ito bajiri uju tu wacōri ĩnarocōti gotiyijarā ĩna. <sup>32</sup> Ito bajiri ĩre ĩna gotija tucōri, “ĩre yure ji ĩsitēña”, yiyijū uju. ĩ eja ja ticōri, ado bajiro ĩre yiyijū ī: “Yure moa ĩsiri masu quenabisija m̄. Yure m̄ waja ruyuriorise ito bajicōato mure”, yibojacu yu, yure m̄ josajare. <sup>33</sup> Mure yu ti maicato bajiroti gāji m̄ babare ti maigr̄jaboyija m̄”, yiyijū uju ĩre moa ĩsiri masure. <sup>34</sup> Buto junisinicōri ĩre ī waja ruyuriorise ī waja t̄otoni ĩre tubia rotijijū ī uju: “Yure ī waja ruyuriorise ī t̄obeja budibicu yiguji ī”, yiyijū uju, yī gotiquī Jesús guare, gua t̄o masitoni.

<sup>35</sup> Bajiroti gaye guare riasoquī Jesús. Ado bajiro guare gotisusaquī Jesús:

–Ito bajiro riti yigu yiguji yu Jacu ūmacūju ĩagū cuni, gājerā m̄a ĩnarē ñeñaro ĩna yirisere m̄a ācabojobeja, yiquī Jesús guare.

## 19

### *Manojore jidicāre ma, yī Jesús ī riasore gaye (Mr 10.1-12; Lc 16.18)*

<sup>1</sup> Ito bajiro Jesús ī yija bero Galilea sitana wacōri, Judea sitaju ejacu gua. Jordán wame cutirisa tu ūmacañi ī joejea m̄ja wadiri sitajua ĩnacū iti sita.

<sup>2</sup> Jājarā masa Jesure s̄ya wacā. Cōrā ĩna ĩaja ĩnare yisioquī Jesús.

<sup>3</sup> Itoju gua ĩaroca fariseo gaye t̄oñarā ejacā Jesús tu. “Mani seniñaja, queno cudi masibicu yiguji ī”, yirona seniñabojacā ĩna Jesure:

–¿Sīgū ī manojore ī cōaja, ī āmoro bajiroti ī manojore ī cōaja quenati? yī seniñacā ĩna.

<sup>4</sup> –¿Dios oca tuti t̄iābiticati m̄a? ĩ oca gotia, “Cajero rujeoñi ūmugare ito yicōri romiore cuni”, yī gotia ī oca. <sup>5</sup> Gaje ado bajiro gotia ī oca: “ĩ manojore rāca ĩarocu ī jacare ī jacore jidicāgū yiguji ī. Manojore cuticōri jūarā ĩnabojarāti sīgūre bajiroti bajirā yirāji ĩna”, yī gotia Dios oca. <sup>6</sup> Ito bajiroti baja iti gaye. Jūarā ĩnabojarāti sīgūre bajiro ĩnarāji ĩna ĩja. Ito bajiri Dios ī babocāre ĩajare manojore jidicā masia ma, yiquī Jesús fariseo gaye t̄oñarāre.

<sup>7</sup> Ito ī yija tucōri, ado bajiro seniñacā ĩna:

–Riti m̄ gotija, ĩno yija ricati rotiyijari Moisés ĩayoru? Ado bajiro rotioñi ī: “Isore m̄ jidicā āmoja, jidicāre papera isore ĩsiña”, yioñi Moisés ĩayoru, yicā ĩna Jesure fariseo gaye t̄oñarā.

<sup>8</sup> Ito bajiro ĩna yija tucōri, ado bajiro cūdiquī Jesús:

–Diore ĩna cudi āmobejare, manojore jidicāre gaye r̄ebisī Moisés ĩayoru. Ito bajibojarocati cajeroama ito bajiro meje bajijija. <sup>9</sup> Riti m̄are ado bajiro gotia yu. Sīgū ī manojore gājire iso ajebitibojarocati ī jidicāja, ñeñaro yigu yami ĩocā. Isore jidicācōri gajeore ī manojore cutija, ajegu yami ĩocū. Gāji cōaro rāca ī manojore cutija, ajegu yami ĩocū cuni, yiquī Jesús fariseo gaye t̄oñarāre.

<sup>10</sup> Ito ī yija tucōri, gua ī rāca riasotirā ado bajiro yicu ĩre:

–Riti ito bajiro iti bajijama manojore cutire ma, yicu gua ĩre.

<sup>11</sup> Ado bajiro yiquī Jesús guare:

—Ñarocōgoroama tuo masi jedi yimenaji adire. Ìna tuo masiroca Dios ì yiana riti tuo masirā yirāji. <sup>12</sup> Coriarā Ìna manajo cuti masibeja, ricati riti bajia Ìna ya rujari. Coriarā ito bajironati rujeana Ìna. Gājerāma, gājerā ūmua Ìnare ñeñoja bero manajo cuti masimenaji Ìnaōna. Gājerāma ūmacūju gagu Diore riti rācubhorona manajo manaji Ìnaōna. No itioni gaye cudi āmogūti cadiguji, yiqui Jesús guare.

*Rīacare queno yijaro Dios, Jesús ì yire gaye*  
(Mr 10.13-16; Lc 18.15-17)

<sup>13</sup> Ito yija bero gājerā rīacare Jesús tu āmi ejacā. Ìna joe āmo jeocōri Diore Ìnare busi Ìsitoni, Ìnare āmi ejacā Ìna. Ìna āmi ejaja ticōri. “Āmi wadibesa maji. Ūsirioro ya mua”, yicu gua Ìnare. <sup>14</sup> Ito bajiro gua yibojarocati Jesuama ado bajiro yiqui:

—Rīacare rēobesa, yu tu wadijaro Ìna. Rīaca ñama yure queno tuorūnārā. Ìna robo yure queno tuorūnārāre Ìrotiroju miojugu yiguji Dios, yiqui Jesús guare.

<sup>15</sup> Ito ì yija bero Ìnare yiari Diore busi Ìsirocū āmo moa jeoquī Jesús. Ito ì yija bero gajerojua wacu gua Jesús rāca mucana.

*Gajeonire buto maisabeja quena, Jesús ì yire gaye*  
(Mr 10.17-31; Lc 18.18-30)

<sup>16</sup> Co rama sīgū mamu Jesure seniāgū ejaquī:

—¿Queno riasogu catitīñare gaye yu buja āmoja, no bajiro yigujada yu? ¿Ñe quenarise gaye yigu yigujada yu? yiqui ì Jesure.

<sup>17</sup> —¿No yija quenagū yure yati mu? Sīgū ñami queno yigu. Ìti ñami Dios. Catitīñare gaye mu āmoja, Dios ì rotirisere cadija quena, yiqui Jesús mamure.

<sup>18</sup> —¿Ñe rotire gaye yigujada yu? yiqui ì Jesure.

—Gājire siabeja. Gāji manojore ajebeja. Romia cuni gajeo manujure ajebeja. Rinibeja. Gājerāre ruo gotibeja. <sup>19</sup> Mu jacure, mu jacore cuni rācubhoaba. Ito yicōri mu ya rujare mu mairo bajiroti, mu ñarāre cuni maima, yiqui Jesús mamure.

<sup>20</sup> —Macuacā ñagūjuti itire ito bajiro yisucū yu. ¿Ñe gaje ruayati yure queno yu yiroti? yiqui ì Jesure.

<sup>21</sup> Ito ì yija, ado bajiro cadiquī Jesús:

—Ñarocōti mu cudi jeo āmoja, ado bajiro yija. Jeyaro mu rucorise gājerāre Ìsi jeocōña. Ito yicōri iti waja bujacōri bojoro bujarāre Ìsima. Ito bajiro mu yija, ūmacūju queno bujagu yiguja mu. Ito bajiro mu yi jeoja bero yu rāca waya, yiqui Jesús Ìre.

<sup>22</sup> Jesús ito bajiro ì yija tuocōri, buto bojori buja tūdi waquī ì, ì ya gajeonire maigū. Buto gajeoni jaigu ñayiju ì.

<sup>23</sup> Ito yija bero gua ì rāca riasotirāre ado bajiro yiqui Jesús:

—Riti muare ado bajiro gotia yu. Sīgū gajeoni jaigu Dios rotiroju ì eja āmoja josari ña. <sup>24</sup> Mucana muare goti quenoa yu. Sīgū camello gawa jota susuriyu ì rēta budi āmoja, josari ña. Ito bajiroti buto busa josari ña Dios ì rotiroju niyeru jaigu ì eja āmoja, yiqui Jesús guare.

<sup>25</sup> Ito ì yija tuocōri, buto ucacu gua. Ito yicōri guamasiti gāmeri seniācu gua:

—¿Ito yija noajua Dios ì ñaroju ejaqu yiguñida? Sīgū ejabiquji gajea, yi gāmeri busicu gua.

<sup>26</sup> Guare ticōri ado bajiro yiqui Jesús:

—Masamasiti yiado ma itire. Dios sīgūti jeyaro yi masiguñji. Ñejuu josarise manoja Ìre, yiqui Jesús guare.

<sup>27</sup> Ito ĩ yija tuocōri, Pedro ado bajiro yiquĩ:

–Yũ Ʋju jeyaro gua ruorisere jidicācu gua. Iti jeyaro jidicācōri mu rāca suya gua. ¿Ito gua yijama ñe bujarā yirājida gua? yiquĩ ĩ Jesure.

<sup>28</sup> Ito ĩ yija tuocōri, ado bajiro gotiquĩ Jesús ĩnare:

–Riti muare gotia yũ. Co rambu mucana mame menigũ yiguĩji Dios. Ito bajiro ĩ yiri rambu yũ Masa Rjoru rotiroju yori cumuroju rujigu yigũja yũ. Mũa cuni yare suyarā, juu gubojeno ñari cumurori rotiroju rujirā yirāji mũa cuni. Israel sita gāna juu gubojeno masa buturi gānare rotirā yirāji mũa. <sup>29</sup> Noa yũre cudi āmorā ĩna ya wiri, ĩna ñarā, ĩna jacusabatia, ĩna manojosāromia, ĩna rĩa, ito yicōri ĩna ya wesecare cuni ĩna cū waja, ĩna rucojojarise rēto busaro queno bujarā yirāji ĩna mucana. Ito yicōri catitiñare bujarā yirāji ĩna. <sup>30</sup> Jājarā adoju ñasari masa ñarā, itoju ũmacāju ñasarā meje ñarā yirāji. Ito bajicōri adoju ñasamena ñarā, itoju ũmacāju ñasarā ñarā yirāji, yiquĩ Jesús guare.

## 20

### *Moari masa gaye Jesús ĩ goti masiore oca*

<sup>1</sup> “Īre tuorānũrāre ĩ rotiroju miojugu yiguĩji Dios”, gua yi masitoni ado bajiro goti masioquĩ Jesús guare:

–Sīgũ uyé wese co wese rucoju ñayiju. Busuri ĩju ĩre moa ĩsironare āmagũ wayiju ĩ. <sup>2</sup> ĩnare bujacōri ĩnare busi quenoyiju ĩ. “Co rambu ũmuasaro yũre mũa moa ĩsija, coji denario niyeru cuji muare waja yicũja yũ”, yiyiju ĩ ĩnare. ĩna cudiya tuocōri, “Yũ ya sita moa ĩsitēña yũre”, yiyiju ĩ ĩnare. <sup>3</sup> Ito bero yoa busari nueve tujaroca, gājerā moa āmorā cuto gudareco ĩna rügōja ti bujayiju ĩ. <sup>4</sup> “Wasa, mũa cuni. Yũ ya ote wese moa ĩsitēña. Yiro robo queno muare waja yigu yigũja yũ”, yiyiju ĩ ĩnare. Ito bajiri ĩna cuni ĩre moa ĩsirā wayijarā. <sup>5</sup> Mũcana ito bajiroti ũmũa gudareco ñaroca, tres ñaroca cuni moari masa bujayiju ĩ. <sup>6</sup> Mũcana cinco ñaroca cuto gudareco ejacōri gājerā moa āmorā ĩna rügōja ti bujayiju ĩ. Ito yicōri ĩnare ado bajiro yiyiju ĩ: “¿No yija adi rambu moamenati ũmuasaro rügō ucuaati mua?” yiyiju ĩ ĩnare. <sup>7</sup> “Ñimujua guare, ‘Moa ĩsiña mua’, yibeama. Ito bajiri ñacōa gua”, yiyijarā ĩna ĩre. “Wasa mũa cuni. Yũ ya ote wese moa ĩsitēña. Yiro robo queno muare waja yigu yigũja yũ”, yiyiju ĩ ĩnare. <sup>8</sup> Rāiocũro ñaroca ĩ ya moari masare coderi masare ji ñucayiju ĩ, ĩ ya moari masare ĩ waja yitoni. “Bero moare sājacānajuare waja yisũoya. Ito yicōri moare sājasuocānajuare waja yi gajanoaña”, yiyiju ĩ, ĩ ya moari masare coderi masare. <sup>9</sup> Ito yija bero moare sājasũsana ejasuyijarā. Ito bajiri ĩna jeyarore coji denario niyeru cuji ĩnare waja yiyiju ĩ. <sup>10</sup> Itocōacā ĩna bujaja ticōri, cajero moare sājasuocāna: “Maniama jai busaro bujarā yirāji”, yi tuoĩabojayijarā ĩna. Ito bajiro ĩna tuoĩare ñabojarocati. Co cujiti niyeru cuji boca āmiyijarā ĩna cuni. <sup>11</sup> Ito bajiri itocōacā bujacōri ujure tudisuyijarā ĩna. <sup>12</sup> “Gua beruju moasurā coji cōreti moama ĩna. Ito bujibojarocati ĩnare mũa waja yirocōacāti guare waja yia mu. Gũama ũmacañi asiro bujāĩabojabu gua”, yi tudiyijarā ĩna ujure. <sup>13</sup> Ito bajiro ĩna yibojarocati sīgũre ado bajiro cadiyiju uju: “Yũ baba mũre rinibea yũ. ‘Yicũja’, yũ yiado bajiroti ya yũ. ĩju oca quenocāmu mani. ‘Co rambu moare waja co cuji niyeru cuji waja cutia’, yĩari mũre busicāmu yũ. <sup>14</sup> Mũ moare waja āmicōri wasa. Mũre yũ waja yiro bajiroti bero moasusagure cuni itocōti ĩsi āmoa yũ. <sup>15</sup> Yũ ya niyeru ña. Ito bajiri yũ āmoro bajiroti ya yũ itire. ¿ĩnare queno yũ waja yija, itire ti junisiniati mu?” yiyiju ĩ cajero moare sājāsũrũre, yiquĩ Jesús guare.

<sup>16</sup> Gaje ado bajiro yiquĩ Jesús guare:

—Ito bajiroti adoju jājarā űasarā űarā, itoju űmacūju Dios ĩ űaroju űasamena űarā yirāji ĩna. Gājerā adoju űasamena űarā, itoju Dios ĩ űaroju űasarā űarā yirāji. Masa jeyarore jibojaguti coriarāreti bese āmigū yiguĳi Dios, yisusaquĳi Jesūs guare.

*Yure sĳarā yirāji, Jesūs ĩ yi busisusare gaye*  
(Mr 10.32-34; Lc 18.31-34)

<sup>17</sup> Jerusalénju gua wasuroca, gua juu gubojeno űarāre busirocu ricati ji űucaquĳi Jesūs:

<sup>18</sup> —Jerusalénju ejarā warā, muja wasuo mani. Jerusalénju mani ejaroca Masa Rĳorure űiarā yirāji masa. Ito yicōri paia űjarāre, judio masa rotirise riasori masare cuni ĩre ĩsirā yirāji ĩna. ĩnaju ĩre sĳa rotirā yirāji. ĩti űa yu Masa Rĳoru. <sup>19</sup> Ito yicōri gaje masa yure ĩna aja tuditoni, yure ĩna bajetoni, ito yicōri yucutēoju yure ĩna jaju sĳatoni ĩnare yure ĩsirā yirāji ĩna. Yure sĳacōri godana wato yure yujebojarā yirāji ĩna. Ito ĩna yibojarocati űdia ramu bero yu catiroca yigu yiguĳi Dios yure, yiquĳi Jesūs guare.

*Santiago mesa jaco Jesure iso senĳa āmore gaye*  
(Mr 10.35-45)

<sup>20</sup> Ito yija bero Zebedeo rĳa jaco ejacō Jesūs rāca busiroco. Iso rĳa Santiago, Juan rāca ejacō. “Yure queno yiya mu”, yiroco Jesūs riojo rijomunigāna ĩni rĳūcō iso. <sup>21</sup> Ito bajiro iso yija ticōri:

—ĳNo bajiro yu yire āmoati mu? yiquĳi Jesūs isore.

Ito ĩ yijare ado bajiro cudicō iso:

—Mu rotiroju mu ejaja, yu rĳare sĳgū mu ya riojocaduja, gājire mu ya gācoduja rojoba ĩnare, yicō iso Jesure.

<sup>22</sup> Ito bajiri iso rĳare ado bajiro yiquĳi Jesūs:

—Muu yure senibojarisere queno tuo masibea mu. Quenabeto yu tuoĳaroca yirā yirāji masa yure. ĳYure bajiroti quenabeto tuoĳa ĩnemecuti masirā yirājida mu cuni? yiquĳi Jesūs ĩnare.

—ĩnemecuticōrāji gua, yicā ĩna Jesure.

<sup>23</sup> ĩna ito yija tuocōri, ado bajiro cudiquĳi Jesūs:

—Riti muare gotia yu. Muu cuni yure bajiroti tōbujarā yirāji. Ito bajibojarocati yu ya riojocaduja, yu ya gācoduja muare rojo masibea yu. “Āna yu Macu tu rujirā yirāji”, yu Jacu ĩ yicādo bajiroti, ĩnare rojogu yiguĳi, yiquĳi Jesūs ĩnare.

<sup>24</sup> Gua Jesūs rāca riasotirā juu dĳamocō űarā, “Ito bajiro āmoa gua”, ĩna yija tuocōri, tuo junisinicu gua. <sup>25</sup> Ito bajiro gua bajija ti masicōri, ado bajiro yiquĳi Jesūs guare:

—Sĳa űjarā űasari masa ĩna roca gānare rotirā yirāji. Ito yicōri mucana ĩnare moa ĩsiri masa, ĩna roca gānare buo busa seoro rotirā yirāji ĩna. “Ito bajiro yicā masa”, yi tuo masia mu. <sup>26</sup> Mmuama ito bajiro bajimena yirāji. Gajero bajirojuu baja. No űasagu űa āmogū, gājerāre ejabuagu yiguĳi. <sup>27</sup> Ito yicōri cajero gagu űasuo āmogū, gājerāre moa ĩsigū yiguĳi. <sup>28</sup> Yu cuni ito bajiroti ya. Gājerā yure moa ĩsijaro yigu meje wadicu yu. ĩnajuare ejabuagu wadicu yu. Jājarāre masorocu wadicu yu. ĩna űeıaro yirisere waja yi ĩsirocu goda ĩsigū wadicu yu, yiquĳi Jesūs guare.

*Jjarā cajea manare Jesūs ĩ yisioire gaye*  
(Mr 10.46-52; Lc 18.35-43)

<sup>29</sup> Jericó wame cutiri cuto gua budi waroca, jājarā masa sayacā, Jesure ti āmorā. <sup>30</sup> Itoju gua waroca jājarā cajea timena rujicā ma taju. Jesús i rētaja tuocōri, ado bajiro ire ji awasācā ina:

—Gua ūju, David űayoru janerābatia janamiti űa mu. Guare ti maiűa mu, yi awasācā ina.

<sup>31</sup> Ito bajiro ina yibojarocati, “Awasābesa maji”, yicā masa. Ito bajiro ina yibojaroca riti, buto busa awasācā ina mucana:

—Gua ūju, David űayoru janerābatia janami űa mu. Guare ti maiűa, yi awasācā ina buto busa.

<sup>32</sup> Ito ina yija tuocōri, tuja rūgūquī Jesús. Ito yicōri cajea manare ji űucaquī i:

—¿No bajiro yu yire āmoati mua? yiquī i inare.

<sup>33</sup> —Gua ūju, cajea ti āmoa gua, yicā ina Jesure.

<sup>34</sup> Ito ina yija tuocōri, inare ti maiquī Jesús. Ito yicōri ina ya cajeari moāiaquī i. Ito bajiro i yirocatti timena űabojana ticoacā ina ija. Ito i yija bero ina cuni Jesure sayacā.

## 21

### *Jerusalénju Jesús i ejare gaye*

*(Mr 11.1-11; Lc 19.28-40; Jn 12.12-19)*

<sup>1</sup> Jerusalén cōña warā Betfagé wame cutiri cuto ejacu gua. Jabeto cōñasnocu Jerusalén ija. Olivos wame cutiri turia judo űacu iti cuto. Jūarā gua rāca gānare i rāca riasotirāre, <sup>2</sup> ado bajiro rotiquī Jesús:

—Mani waroto riojo űari cūtoe wasa maji. Itoju ejacōri burro sia rūgōrure bujarā yirāji mua. Ito yicōri i macu cuni űagū yiguűi i rāca. Inare űjacōri āmi wadi isima yure. <sup>3</sup> Sīgū muare i busija. “Mani ūju inare āmoami”, yiba. “Yoari mejeti mucana mure judacōarā yirāji gua”, yiba. Ito bajiro mua yija tuocōri, “Ban wasa”, yigu yiguűi muare, yiquī Jesús inare.

<sup>4</sup> Ito bajiro yiquī Jesús, sīgū Diore goti isiri masu i ucado bajiroti yigu. Ado bajiro ucayōni Diore goti isiri masu:

<sup>5</sup> Jerusalén gānare ado bajiro yiba: “Tiya mua. Mua ūju wadiami. ‘űasagu űa yu’, yirocu meje ejami i. Burro gajeoni űmari masu macu i joe jesacōri wadiami i”, yiba, yi ucañi Diore goti isiri masu űayoru.

<sup>6</sup> Jesús i rotija tuocōri, i rotiro bajiroti yicā ina. <sup>7</sup> Burro i macu rācati āmi wadiñi ina. Ina ya yutabujurire ruacōri burro joere jeocā ina. Ito ina yija bero mūja jeaquī Jesús ija. <sup>8</sup> Ito iti bajiroca masa jājarā űacā. Ina ya yutabujuri ruacōri mare eyocū yucā ina. “Gua ūju űa mu”, yirona ito bajiro yiyjarā masa Jesure rūcuborā. Gājerā yucuguri jatacōri mare cū yucā ina. <sup>9</sup> I riojua gāna, i berojua gāna cuni ire wanurā ado bajiro awasā wacā ina:

—Mu űa David űayoru janerābatia janami. Mu űa gua ūju. Rētoro masigū űa mu. Dios i cōarū űa mu. Queno yijaro Dios mure. Quenasacōa Dios i ito bajiro i cōaja, yi awasā wacā masa.

<sup>10</sup> Ito bajiro Jesús masa rāca i ejaja, tuo batocōri tuoia oca jaicā masa. Jājarā inamasi gāmeri senűacā ina:

—¿űimucū űati āni? yicā ina.

<sup>11</sup> Gājerā ado bajiro yicā:

—űti űami Jesús Diore goti isiri masu. Galilea sita Nazaret wame cutiri cuto gagu űami i, yicā masa.

### *Dios ya wiju niyeru wasoari masare Jesús i bucōare gaye*

*(Mr 11.15-19; Lc 19.45-48; Jn 2.13-22)*

<sup>12</sup> Ito ĩ yija bero Dios ya wi minijuara wiju sãja wacu gwa Jesús rãca. Iti wiju waja gãme ñari masare ticõri ĩnare bucõaquĩ Jesús. Masare ĩna niyeru wasoa ñari casabore tujãda queoquĩ Jesús. Ito yicõri bujare ĩna ĩsi rujiri cumurori tujãda cõaquĩ. <sup>13</sup> Ado bajiro gotia Dios oca tuti yiquĩ Jesús:

—Yũ ya wiama yũre rãcũbuorona ĩna minijuara wi ñaro yiroja. Ito bajibojarocati mũama riniri masa ĩna rudiri wi robo bajiro meniýija mũama, yi gotia Dios oca tuti, yiquĩ Jesús ĩnare.

<sup>14</sup> Iti wiju minijuara wiju gwa ñaroca, cajea mana ito yicõri wa masimena ejacã Jesús tũ. ĩna ejaja ticõri, ĩnare yisioquĩ Jesús. <sup>15</sup> Ito bajiro Jesús tiyamani ĩ ĩoja ticõri, paia ujarã ito yicõri judio masa rotirise riasori masa cãni Jesure tũo junisinicã ĩna. “Rẽtoro masigũ ña mũ. David uju ñayoru janerãbatia janamiti ña mũ”, minijuara wiju rĩaca ĩna awasãja tuocõri, Jesure tũo junisinicã ĩna. <sup>16</sup> Ito bajiri Jesure ado bajiro yicã ĩna:

—¿Ito bajiro ĩna busija tuocũati mũ? yicã ĩna Jesure.

—Tũoa yũ ĩnare. Dios oca tutiju ito bajiro iti gotija. ¿Tĩĩabeati mũa? Ado bajiro gotia iti:

Rĩaca ito yicõri ĩjurãcã cãni mũre ĩna wanũ rãcũbuoroca ya mũ, yi gotia Dios oca, yiquĩ Jesús ĩnare.

<sup>17</sup> Ito yija bero ĩnare wagocu gwa. ĩnare wagocõri Betania wame cutiri cutoju ejacu gwa. Itoju canicu gwa.

### *Higuera rica manigũre Jesús ĩ rojare gaye*

(Mr 11.12-14,20-26)

<sup>18</sup> Mũcana busuri Jerusalénju tũdi wacu gwa. Ma gudareco gwa tujaroca, “Ñiocõa yũ”, yiquĩ Jesús. <sup>19</sup> Ma tũ higuera wame cutiricu ñacu. Itigu ricare ba ãmogũ ojabojaquĩ Jesús. Rica manicu itigujũama. Jũgoti ñacu. Ito bajiri itigũre ado bajiro yiquĩ Jesús:

—Juaji rica cutibitiatoja mũgo, yiquĩ Jesús itigũre.

Ito bajiro ĩ yirocati sinia godacoacu itigu. <sup>20</sup> Ito bajiro iti rõtaja ticõri, acacu gwa Jesús rãca riasotirã:

—¿No bajijare yoari mejeti sinia godati itigu? yicu gwa Jesure.

<sup>21</sup> Ado bajiro gũare cãdiquĩ ĩ:

—Riti mũare gotia yũ. Yũre tuorũnũcõri, “Yũre ejabuabiquĩji Jesús”, mũa yi tuõĩabeja, janeti higuera gũre yũ yiro bajiro meje riti yi masirãji mũa. Gaje sũo busarise yi masirãji mũa. I tũriare, “Cũni rũgõcõri riaca jajosaju quedi roaya”, mũa yija, ito bajiroiti rõtaro yiroja. <sup>22</sup> Diore busirã mũa senija, ĩre mũa tuorũnũjama mũa seniro bajiroiti bajiro yiroja, yiquĩ Jesús gũare.

### *“¿Ñimũ ĩ rotijare ito bajiro yati mũ?” yi Jesure ĩna seniũare gaye*

(Mr 11.27-33; Lc 20.1-8)

<sup>23</sup> Ito rõtã wacõri Jerusalénju ejacu gwa mũcana. Ito yicõri minijuara wiju sãjacu gwa Jesús rãca. Ito gwa ñaroca riti paia ujarã, ito yicõri judio masa bũcũrã ejacã Jesure seniũarona:

—¿Ñimũ ĩ rotijare ito bajiro yati mũ? ¿Ñimũ mũre, “Ito bajiro yiba”, yicati? yicã ĩna Jesure.

<sup>24-25</sup> Ito bajiro ĩna yija tuocõri:

—Yũ cãni mũare ado bajiro seniũagũ ya. Yũre mũa cãdija beroju, “ĩ rotirena ya yũ”, mũare yicũja maji. ¿Ñimũ cõayijari Juanre masare ĩ idé gutoni? ¿Dios cõayijarite? ¿Masajua cõayijarite? yi seniũaquĩ Jesús ĩnare.

Ito ĩ yija tuocõri, ĩnamasiti gãmeri tuõĩa basicã ĩna: “ ‘Dioti Juanre idé gu rotĩni’, mani yija, mũcana manire seniũagũ yiguĩji Jesús: ‘¿No yija ĩre

tʷorūnubiticati mʷa?ʹ yi seniāgū yiguŋji Jesús manire. <sup>26</sup>‘Masati Juanre idé gu rotiñi’, mani yijama, masa bʷto ti tudirā yirāji manire. ‘Diore goti ĩsiri masu űami Juan’, yi tʷoĭarāji masa”, yi gāmeri tʷoĭa bʷsicā ĩna. <sup>27</sup>Ito bajiro tʷoĭacōri:

–“Īti Juanre idé gu rotiñi”, yi masibea gʷa, yicā ĩna Jesure.

Ito ĩna yija tʷocōri, ado bajiro cʷdiquŋ Jesús ĩnare:

–Ito bajijama ĩ rotirenati adi jeyaro tiyamani ya yʷ, yi masibea yʷ cʷni mʷare, yiquŋ Jesús ĩnare.

### *Sīgū ĩ rĭa jġarāre moa rotire Jesús ĩ riasore gaye*

<sup>28</sup> Mʷcana judio masa bʷcʷrāre ado bajiro seniāquŋ Jesús:

–Mʷare oca gotigu ya yʷ. ĩltire no bajiro tʷoĭarā yirājida mʷa? Sīgū űayiju jġarā rĭa cʷtigu. Ī macʷ űasʷogure ado bajiro yiyiju ĩ: “Macʷ jane yʷ ya ote wéye moagū wacʷ ya mʷ”, yiyiju ĩ, ĩ macʷre. <sup>29</sup> “Āmoba yʷ, wabĭcʷja yʷ”, yiyiju ĩ ĩre. Ito bero gaje tʷoĭa quenocōri moagū wayiju ĩ ĩja. <sup>30</sup> Ito yija ĩ macʷ gājire cʷni ito bajiroti moa rotiyiju. “Bʷa, moagū wacʷja cʷna yʷ”, yiyiju ĩ ĩja ĩ jacʷre. Ito yibojaguti moagū wabĭsiju ĩ. <sup>31</sup> Mʷa tʷoĭaja, ĩűimajua űayijari ĩ jacʷ amoro bajiro yigu? yi seniāquŋ Jesús ĩnare.

Ito ĩ yija tʷocōri:

–Cajero ĩ moa rotisʷorʷ quenañi, yicā ĩna Jesure.

Ito ĩna yija tʷocōri, ado bajiro yiquŋ Jesús:

–Riti mʷare gotia yʷ. Ĥjarāre yiari waja seni ĩsiri masa ito yicōri wedi masa romia mʷa riojʷaju Dios ĩ rotirojʷ ejarā yirāji ĩna. <sup>32</sup> Juan idé guri masʷ, “Ado bajirojʷa mʷa űaja quena”, yi mʷare ĩ riasobojaja, ĩre tʷorūnubĭsija mʷa. Ito bajibojarocati wġarāre yiari waja seni ĩsiri masa, ito yicōri wedi masa romia cʷni ĩre tʷorūnũñi ĩna. ĩna ito bajiro Juan idé guri masʷre ĩna tʷorūnʷja, tĭbojarāti mʷa űeñaro yirise jidicā āmobĭsija mʷa. Ito yicōri Juan idé guri masʷre tʷorūnubĭsija mʷa, yiquŋ Jesús ĩnare.

### *Queno moare rujeo masimena Jesús ĩ yire gaye*

*(Mr 12.1-12; Lc 20.9-19)*

<sup>33</sup> ‘Gaje goti masiore ocana mʷare gotigu ya yʷ: Sīgū weseca cʷtigu ĩ ya wesejʷ wéy oteyiju. Iti wesere ote tĭcōri iti wesere camotayiju ĩ. Ito yicōri wéy ide bijerotiju cojʷ meniyiju ĩ. Iti wese űacōri tirānʷrocʷ űmacʷjʷ casabo meniyiju ĩ. Ito yija bero co rʷmʷ gājerāre tirānʷ wasoa rotiyiju. Ito yicōri gajerojʷ wacoayiju ĩ. <sup>34</sup> Ito bajiri co rʷmʷ wéy ito rica cʷtiroca, “Yʷ ye űaroti jabeto wéy āmitēña”, yirocʷ ĩ ya moari masare cōayiju ĩ. <sup>35</sup> Iti wesejʷ ĩna ejaja ticōri, ito coderi masa ĩnare űayijarā. Sīgāre jayijarā, ito yicōri gājire sġayijarā, ito yicōri gājire gūtana reayijarā. <sup>36</sup> Iti oca tʷocōri jājarā bʷsa ĩ ya moari masa cōayiju ĩ, ĩ ya wesecaju ĩ ye űaroti ĩna āmitoni. Iti wesejʷ ĩna ejaroca, ito wese code űana ito riojʷa ejanare ĩna yiado bajiroti yiyijarā mʷcana.

<sup>37</sup> ‘Ito bajiro ĩna yija tʷocōri, “Yʷ macʷjʷare rʷcʷbʷorāji”, yi tʷoĭacōri ĩ macʷre wa rotiyiju ĩ. <sup>38</sup> Ī macʷ ejaja ticōri, ado bajiro tʷoĭa bʷsiyijarā ĩna: “Adi sita wġa godagoja āni macʷti űami wasoarcʷ, ito bajiri ĩre mani sġaja, mani ya sita űaro yiroja ĩja”, yi gāmeri tʷoĭa bʷsiyijarā ĩna. <sup>39</sup> ĩna tʷoĭado bajiroti ĩre sōju űia āni wacōri sġayijarā ĩna, yiquŋ Jesús ĩnare.

<sup>40</sup> Ito bero mʷcana ado bajiro ĩnare seniāquŋ Jesús:

–ĩĪ tʷdi ejaja no bajiro yigu yiguŋjida ĩnare, ito wese codeanare? yi seniāquŋ Jesús ĩnare.

<sup>41</sup> Ito ĩ yija tʷocōri, ado bajiro cʷdicā ĩna Jesure:



—Īnare ti maiari meje Īnare sġagū yiguġji ĩ iti sita uġu. Ito ĩ yija bero gājerāre tirūna wasoa rotigu yiguġji ĩ. Uyé iti bucuarooca iti wese uġure ĩsironare Īnare wasoaga yiguġji ĩ, yicā ĩna Jesure.

<sup>42</sup> Jesuġua ado bajiro yiquġ ĩnare:

—ĶDios oca tuti tiġbeati muu? Ado bajiro gotia iti tuti:

Gūta wi meniri masa coga gūtagāre cōayijarā ĩna. Ito bajibojarocati gaje gūta rētoro quenarica űayiju itiga ĩna cōabojaraga. Itiga gūtagāna suoriti quenari wi menigū yiguġji Dios. Itiga gūtagā manija, menire ma. Ito bajiro āmoűi Dios mani Uġu. Ito bajiri itire masicōri buoto tuoġa wanua mani, yi gotia Dios oca.

Ito bajiro yiűi Dios, yure rētaroti tuoġa yugu. <sup>43</sup> Ito bajiri muare ado bajiro gotia yu: “Īre tuorūnūrāre ĩ rotiroġu mioġugu yiguġji Dios”, muare gājerā gotibojarocati tuorūnūbisija muu. Ito muu yija ticōri, gājerā masa ĩ oca ĩna masiroca yiűi Dios. Ito bajiri ĩre ĩna queno cuġija ticōri, ĩnareama mioġugu yiguġji Dios, ĩ rotiroġu. Muu judio masare ĩ rotiroġu muare cū yuboġaűi Dios. Muare yuboġacōri gājerāre cūgū yiguġji Dios ĩ rotiroġu. Ī ya weseca ejabua āmorāre bajiro bajirā cūgū yiguġji Dios ĩ rotiroġu. <sup>44</sup> Īġu gūta gaye muare yu busirise ado bajiro bajia: No gūtagā joe quedi jeagure ĩ ya gōari jearo yiroġa ĩre. Ito yicōri itiga gūtagā sġgure iti quedi jeaja, mano abocōro yiroġa. No yure tuorūnūbicu, catitūñabicu yiguġji. Ito yicōri noa jeame űjuroġu cōa āmorāre yu cōaja, ruyuriorocu cōagū yigūġa yu, yiquġ Jesūs ĩnare.

<sup>45</sup> Goti masiore oca Jesūs ĩnare gotija tuocōri, “Manireti busiami”, yire masiri seyocā fariseo gaye tuoġarā, paia uġarā cuni. <sup>46</sup> Ito bajiri Jesure űia āmori seyobojacā ĩna. Ito bajiro tuoġabojarāti masare gūirā Jesure űiabiticā ĩna. “Diore goti ĩsiri masu űami Jesūs”, masa ĩna yi tuoġajare, masare tuo gūicā ĩna.

## 22

### *Āmo siare gaye Jesūs ĩ riasore oca (Lc 14.15-24)*

<sup>1</sup> Mucana masare goti masiore ocana gotisuoquġ Jesūs:

<sup>2</sup> —“Ado bajiro bajia, ĩre tuorūnūrāre ĩ rotiroġu Dios ĩ mioġuri rumu”, yirocu ado bajiro gotiquġ Jesūs: Sġgū uġu ĩ macu āmo siare basa meniyiju. <sup>3</sup> “Ti ejabuaronare jiteűa”, yirocu ĩ ya moari masare cōayiju uġu. Ito ĩ yija tuocōri, jirā wabojayijarā ĩna. ĩna jibojarocati wadi āmobisijarā ĩna. <sup>4</sup> Ito bajija ticōri, gājerā ĩ ya moari masare cōayiju uġu. “Gua uġu muare bocatimi. Ī ya wecuu ri cutirāre sġa rotimi ĩ. Muare bocati űami ĩ. Ito bajiri ĩ macu āmo siari rumu tirā waya muu cuni, yiba ĩnare”, yi oca cōayiju uġu. <sup>5</sup> Ito yija tuocōri, jirā wabojayijarā ĩna mucana. Ito bajibojarocati ĩre cuġi āmobisijarā ĩ oca cōana. Ito bajiri ĩna gotibojaroca riti, gājiama ĩ ya wesecaju wayiju. Gāji ĩ gajeoni ĩ ĩsiroġu wayiju. <sup>6</sup> Gājerāma uġu ĩ cōanare boca űayijarā. Ito yicōri ĩnare jayijarā. Ito yirā riti ĩnare sġacōyijarā ĩna. <sup>7</sup> Itire tuocōri buoto junisiniyiju uġu. Ito bajiri ĩ ya surarare ĩnare sġa rotiyiju, ito yicōri ĩna ya wirire soe rotiyiju ĩ. <sup>8</sup> Ito yija bero gājerā ĩre moa ĩsiri masare ado bajiro yiyiju ĩ: “Yu macu ĩ āmo siaroti gaye űajediro űacā. Īġu yu oca cōabojanama wadire ma ĩnare. <sup>9</sup> Cuto gudareco wasa. Itoġu mari muu ti buġaro bajiroti baba cutiba”, yiyiju uġu ĩre moa ĩsiri masare. <sup>10</sup> Ī rotiro bajiroti masa mioġuyijarā ĩna mariġu. Quenarā, űeıarā, ĩna buġaro bajiroti mioġuyijarā ĩna. Ito bajiri uġu ya wi dajocoyiju.

<sup>11</sup> Ito yija ĩ oca cōanare tigu sġajayiju uġu. Sġgū ĩ āmo siara rumu sġānare gaye yutabuju ĩ sġānabeja tiyiju ĩ. <sup>12</sup> Ito bajiri ado bajiro yiyiju ĩ ĩre: “Yu baba, Ķno

yija āmo siare gaye yutabuju sāñabeati mu?” yiyiju ī ĩre. Ito ī yija cūdbisiju yutabuju sāñabica. <sup>13</sup> Ito yija bare jeori masare ado bajiro yiyiju ũju. “Ī ya gūbori, ī ya āmori rāca siaya ānire. Ito yicōri rāitīaroju cōāñā ĩre. Itoju ejacōri ñeñaro tōbujagu yiguñji. Ito bajiri oticōri bato tuoīa oca jaigu yiguñji ĩ”, yiyiju ũju ī ya bare jeori masare. Ito bajiroti bajiroja ũmacāju Dios ī rotiroju cūni. <sup>14</sup> Jājarāre jibojami Dios, ī ñaroju ĩna ejatoni. Ito bajibojarocati coriarāti ī beseana gito ejarā yirāji ī ñaroju, yiquī Jesūs ĩnare.

*Ejarāre mani waja ruyurioja ñaro bajiroti waja yija quena, Jesūs ĩyire gaye (Mr 12.13-17; Lc 20.20-26)*

<sup>15</sup> Ito ī yija tuoōōri, fariseo gaye tuoōārā wacoacā. Sīgūre bajiro tuoōacōri, “Josari oca ĩre mani seniñaja, cūdi masibicu yiguñji ĩ. Ito bajiro ī cūdi masibeja tuoōōri, ĩre seti ña’, yirā yirāji mani”, yi tuoōari seyobojacā ĩna. <sup>16</sup> Ito bajiro tuoōacōri ĩna ñarāre ito yicōri Herodes ñarā rāca, “Ado bajiro Jesure seniñatēña mña”, yi ñucayjarā ĩna. ĩna cōāna Jesūs tu ejacōri ado bajiro seniñacā ĩna Jesure: –Tuoja riasori masu mu. “Riojo gotigu ña mu”, yi masia gua. “Ado bajiro āmoami Dios”, yi riasogu ñaro bajiroti masare riasoa mu. Masa busirise tuoōānūbicuti quenarise riasogu ña mu. Gājerā ñasari masa gajero bajiro ĩna riasobojarocati, ĩnare tuoōānūbicuti, ñasarise riasoa mu. <sup>17</sup> Ito bajiro mu yija, no bajiro mu tuoōare gaye tuo āmoa gua. ¿Roma cuto gagu ũju guare ī waja seniña, waja yirājida gua, waja yibeatite gajerea? yi seniñabojacā ĩna Jesure.

<sup>18</sup> “Yū wisatoni ito bajiro yūre seniñama ĩna”, yi masiri seyoquī Jesūs. Ito bajiri ado bajiro yiquī ĩ ĩnare:

–“Queno yirā ña guama”, yirā ñabojarāti queno yirā meje ña mña. ¿No yija yū tuo wisatoni ito bajiro seniñati mña? <sup>19</sup> “Sita waja, waja yiroti cuji niyeru cuji yūre ĩoña”, yiquī Jesūs ĩnare.

Ito yija niyeru cuji ĩre ĩocā ĩna. <sup>20</sup> Iti cuji niyeru cuji ticōri, ado bajiro ĩnare seniñaquī Jesūs:

–¿Ñimu ya rio ñati adi rio? ¿Ñimu wame, wame cutiati iti? yiquī Jesūs ĩnare.

<sup>21</sup> –Gobierno masa ũju César wame cutigu ya rio ña. Ito yicōri ī wameti ña iti, yicā ĩna Jesure.

–Gobierno masare mani waja ruyurioja ñaro bajiroti waja yija quena. Ito bajiroti manire Dios ī rotija ñaro bajiroti ĩre cūdija quena, yiquī Jesūs ĩnare.

<sup>22</sup> Ī queno cūdi masija tuoōōri, rujū ucacā ĩna. Ito bajiri mūcana tūdi seniña ũyabiticā ĩna ĩja. Seniñamenati wacoacā ĩja.

*¿Godacōri tūdi caticoarā yirājida masa? yi Jesure ĩna seniñare gaye (Mr 12.18-27; Lc 20.27-40)*

<sup>23</sup> Iti rāmūti saduceo gaye tuoōārā Jesure tirā ejacā. “Masa ĩna godaja bero mūcana tūdi catire ma”, yirā ñama saduceo gaye tuoōārā. Ito bajiro tuoōārā ñari, Jesure seniñarā ejacā ĩna:

<sup>24</sup> –Tuoja riasori masu mu. Moisés ñayoru ĩyire gaye mure seniñarā wadibu gua. Ado bajiro yīñi Moisés ñayoru: “Sīgū manajo cutigu rīa macuti ī godagoja, ī bero gagu ī rījoru manajo godore manajo cutija quena. Ito bajiri iso rāca ñacōri, rījoru ñajacure wasoagu rīa cuti wasoagu yiguñji ĩ”, yi ucañi Moisés ñayoru. <sup>25</sup> Gua wato sīgū rīa jua āmojeno ñabojañi. Sīgōreti manajo cutibojañi ĩna. Ñasogū isore manajo cutisūbojañi. Rīa macuti godañi ĩ. Ī godaja bero gāji ī ocabaj wasobojañi. Rīa macuti godañi ī cūni. <sup>26</sup> Ī bero gāna cūni ito bajiroti manajo cutibojañi. Rīa manati godañi ĩna cūni. Ito bero sasagu cūni ito bajiroti bajiyiju. <sup>27</sup> Iso manūjusabatia ĩna goda jedija bero iso cūni godacoañi ĩja. <sup>28</sup> Godabojarāti mūcana tūdi ĩna catija bero, ¿ñimūja ñaguñjida

iso manujm ñasarocm ĩna ñarocōti isore ĩna manojō cõtija bero? yi seniĩacã ĩna Jesure.

<sup>29</sup> Ito ĩna yija, ado bajiro cadiquĩ Jesús:

—Dios oca tuti gaye queno tũoĩa masimena ña mũa. Dios ĩ masirise masirã meje ña mũa. Ito bajiro yare mũa seniĩabojaja, queno tũoĩacōri meje seniĩa mũa. <sup>30</sup> Ado robojua baja. Godana mũcana tũdi caticōri manojō cõtire ma. Ito yicōri ĩna rĩa romiare manujm cõtĩ rotimenaji ĩna. Ũmacũju ángel mesa robo bajiro bajirã ñarã yirãji ĩna. <sup>31</sup> ĶMasa ĩna godaja bero mũcana tũdi catirã yirãjida ĩna mũcana? yija, Dios oca tuti tiya. Dios oca tuti gaye ti jeorã meje ña mũa. ĩmasiti ado bajiro gotiami ĩ oca tutina: <sup>32</sup> “Abraham, Isaac, Jacob ñayoana Ũjuti ñasotia yũ”, yi gotiami Dios ĩ ocana. Ito bajiri godana uju meje ñami Dios, catirã Ũjũjua ñami, yi tũoĩa mani, yiquĩ Jesús ĩnare.

<sup>33</sup> Ito bajiro Jesús ĩ riasore gaye ĩ gotija tũocōri, ucacã masa.

*Dios ĩ rotirise ñasarise gaye  
(Mr 12.28-34)*

<sup>34</sup> Ito bajiro saduceo gaye tũoĩarã Jesús ĩ oca taja tũoyijarã fariseo gaye tũoĩarã. Ito bajiri iti tũocōri minijuyijarã fariseo gaye tũoĩarã. <sup>35</sup> Sĩgũ ĩna wato judio masa rotirise riasori masũ ñaĩ. “No bajiro Jesús yare ĩ cadija tũocũja”, yirocũ ado bajiro Jesure seniĩagũ ejaquĩ ĩ.

<sup>36</sup> —Riasogũ, Ķdise ñati Dios ĩ rotirise ñasarise mũ tija? yi seniĩaquĩ ĩ Jesure.

<sup>37</sup> Ito ĩ yija tũocōri, ado bajiro cadiquĩ Jesús:

—Mani Ũju Diore bũto maija quena. Mani tũoĩarisena, ito yicōri mani ya usina Diore mani maija quena. ĩ sĩgũreti tũorũnucōri, bũto ĩre mani maija quena. <sup>38</sup> Iti ña ñasarise Dios ĩ rotire. <sup>39</sup> Iti bero rotire gaye itire bajiro bajiriseti ña. Ado bajiro baja iti: “Mũ ya rujũre mũ mairo bajiroti gãjerã mũ ñarãre maija quena”, yi rotiami Dios. <sup>40</sup> Iti juajiti ña Dios ĩ rotirise ñasarise. Iti juaji gaye Dios ĩ rotire gaye mũa cadija, Moisés ñayorũ ĩ rotire gaye, Diore goti ĩsiri masa ĩna riasorise gaye cuni yiro bajiro cadirã ñarã yirãji mũa, yiquĩ Jesús ĩnare.

*ĶÑimũ janami ñayijari Cristo mũa tija? yi Jesús ĩ seniĩare gaye  
(Mr 12.35-37; Lc 20.41-44)*

<sup>41</sup> Fariseo gaye tũoĩarã gũa tati ĩna minijuaroca maji, <sup>42</sup> ado bajiro seniĩaquĩ Jesús ĩnare:

—ĶÑimũ ñati Cristo, Dios ĩ cõarũ mũa tija? Ito yicōri, Ķñimũ janami ñati ĩ? yiquĩ Jesús ĩnare.

—David ñayorũ janerãbatia janamiti ñami ĩ, yicã ĩna Jesure.

<sup>43</sup> ĩna ito yija tũocōri, ado bajiro yiquĩ Jesús ĩnare:

—Riti mũa tũoĩaja, Ķno yija David ñayorũ ĩre tũoĩagũ, “Yũ Ũju”, yiyijari? Tite mũa. Ado bajiro ucañi David ñayorũ. Espiritu Santo ĩ rãca ĩ ñajare ado bajiro ucañi ĩ:

<sup>44</sup> Yũ Ũjũre ado bajiro yiñi Dios: “Yũ ya riojocadaja rujiya, mũa wajanare mũa rotiroca yigũ yigũja yũ”, yiñi Dios yũ Ũjũre, yi ucayoñi David.

<sup>45</sup> David ñayorũ janerãbatia janami ĩ ñaja, “Yũ Ũju”, yibitiborũ David ñayorũ, yiquĩ Jesús ĩnare.

<sup>46</sup> Ito bajiro ĩ gotija tũocōri, sĩgũjua cudi masibiticã Jesús ĩ gotirisere. “Masi yucãguji ĩ”, yi tũoĩacōri itocōti ĩre seniĩa jidicãcã ĩna ĩja.

## 23

*“Seti ña mware”, fariseo gaye tuoïaräre Jesús i yire gaye  
(Mr 12.38-40; Lc 11.37-54; 20.45-47)*

1 Ito yija bero ado bajiro yiquí Jesús masare, gwa i rāca riasotiräre cuni:

2 —“Moisés ñayoru i rotire gaye tuo masirā ñama fariseo gaye tuoïarā, judio masa rotirise riasori masa cuni”, yama masa. 3 Ito bajiri ña rotiro bajiroti cudiba. Jeyaro ña rotiro bajiroti cudiba. Ito bajibojarocati ñeñaro ña yiriseri yibeja itireama. “Ado bajiro ya gwa”, yibojarāti ricati yama ña. 4 “Cudi masia mani”, masare rotiamā ña. Ito bajibojarocati ito bajiro riti ñnare roti yama ña. “Ito bajiro yiya mwa”, yibojarāti ñnamasiti ito bajiro yibeama ña. 5 Jeyaro ña yirise, “Queno yirā ñama ña”, masa ña yi tijaro yirona ito bajiro yibojama ña. Masa ña tiro riojo ña ya rioweca, ña ya ricajudori cuni Dios oca jū wōbojama ña, “Gājerā guare ti seyojaro”, yirona ito bajiro yibojama ña. Ito yicōri yutabujuri yoarise gājerā rēto busaro rore gaye sãñabojama ña. “Gājerā guare ti seyojaro”, yirona ito bajirise sãñabojama ña. 6 ña ba ruji āmoja, quenari cumuro ba ruji āmoama ña. Minjuara wirijū ña ruji āmoja, rucubhorajū riti ruji āmoama ña. 7 Marijū masare ña bocaja, queno rucubhore rāca senñare āmoama ña. Ito yicōri, “Yure riasoga”, masa ña yire āmoama ña, yiquí Jesús guare.

8 Mñama ricati yija quena. “Yure riasoga”, masa ña mware yiroca yibeja. Mani jeyaro sigū riare bajiro bajirā ña mani. Yu Cristo, Dios i cōaru yu sigūti ña mware riasori masu. 9 Sigūti ñami mani Jacu. İti ñami Dios ūmacūju gagu. Ito bajiri adi sita gānare, gājerā ūmware, “Cuna”, yibeja mwa. 10 “Yu uju”, yi rotibeja gājerāre. Yu Cristo, Dios i cōaru sigūti ña mwa Ūju. 11 Sigū mwa rāca gagu mware i ejabuaja, i ñagū yiguñi ñasagu. 12 No gājerā riojua gagu ña āmbojaguti ñabicu yiguñi i. Ito bajiri beruojua gagu tujagu yiguñi i. Sigū, “Gājerā rētoro ñasagu ña yu”, yibicu i ñagū yiguñi ñasagu, yiquí Jesús guare.

13 Fariseo gaye tuoïaräre, judio masa rotirise riasori masare cuni busigu ado bajiro busiquí Jesús:

—Bujato bujarā wāna ya mwa. “Queno yirā ña gwa”, yibojarāti mwa yiro bajiro yirā meje ña mwa. Dios i rotiroju gājerā ña sājabititoni itire camota mwa. Gājerā ña sāja āmbojarocati ñnare camota mwa. Ito bajiri mwa cuni sājajama yirāji, yiquí Jesús ñnare.

14 Bujato bujarā wāna ya mwa fariseo gaye tuoïarā, judio masa rotirise riasori masa mwa cuni. “Queno yirā ña gwa”, yibojarāti mwa yiro robo yirā meje ña mwa. Manujū godagoana romiare ruocōri jairogti ñnare waja senia mwa. Ito bajiro yicōri ña rucobojarisere ñarocōti ěma jeoa mwa. Queno yimena ñabojarāti masa mware tuo wanutoni yoari ña tiro riojo Diore busitobuaboja mwa. Ito bajiri buto busa mware waja senigū yiguñi Dios. Ito bajiri gājerā rētoro tōbujarā yirāji mwa, yiquí Jesús ñnare.

15 Bujato bujarā wāna ya mwa fariseo gaye tuoïarā, judio masa rotirise riasori masa mwa cuni. “Queno yirā ña gwa”, yibojarāti mwa yiro robo yirā meje ña mwa. “Mani robo gāji i tuoïaja quena”, yi tuoïabojacōri jeyaro masare riaso ucua mwa. Sigū mware bajiro tuoïaroca mwa yigure buto busa ñeñaro i tuoïaroca ya mwa. Ito bajiri mwa rēto busaro ñeñaro yicōri jeame ūjuoroju warujami i cuni, yiquí Jesús ñnare.

16 Bujato bujarā wāna ya mwa. Cajea mana gājerā cajea manare tūa wabojaräre bajiro bajirā ña mwa. Ado bajiro gājerāre yiboja mwa: “Dios ya wi wamenati ado bajiro yicuja yu”, yibojarāti mwa yiro robo yibeja cuni no yibea iti. Dios ya wiju oro wamena ado bajiro yicuja yu”, mwa yija, yiro bajiroti yiba

itireama”, yiboja mua gājerāre. <sup>17</sup> Tuo masimena, cajea manare bajiro bajirā ña mua. ¿Disejua ñati ñasarise mua tija? ¿Orojua ñasatite mua tija? ¿Dios ya wiju oro cuji ñariju masa ña rucuburiju ñatite ñasariju? yiqui Jesús ñare. <sup>18</sup> Gaje ado bajiro masare yiboja mua: “Diore ña soe ñisotira casabo wamena ado bajiro yicuja yu”, yibojarāti mua yiro robo yibeja cuni, no yibeja iti. “Diore ña soe ñisotira casabojū ñe ñisoti wame rāca ado bajiro yicuja yu”, mua yija, mua yiro bajiroti mua yija quena itireama”, yiboja mua masare. <sup>19</sup> Tuo masimena, cajea manare bajiro bajirā ña mua. ¿Mua tija disejua ñati ñasarise? ¿Diore ñisoti iti ñati ñasarise, gaje Diore ña soe ñisotira casabojū ñe ñisoti ñarijujua ñasatite? yiqui Jesús ñare.

<sup>20</sup> Ado bajiro bajia. Tuote mua. No, “Diore ña soe ñisotira casabo wamena ado bajiro yicuja yu”, yigu iti casabo wamena meje riti, “Ado bajiro yicuja yu”, yiguji. Diore soe ñira casabojū jesarise rāca, “Ado bajiro yicuja yu”, yigure bajiro bajiami ñocū. <sup>21</sup> No, “Dios ya wi wame rāca, ado bajiro yicuja yu”, yigu iti wi wame rāca riti meje yiguji. Dios iti wi yu wame rāca, “Ado bajiro yicuja yu”, yigure bajiro yiguji ñocū. <sup>22</sup> “Ūmacū Dios ñi ñaro wame rāca ado bajiro yicuja”, yigu Dios itojū rotigu wame rācati yigure bajiro yami ñocū, yiqui Jesús ñare.

<sup>23</sup> Bajato bujarā wāna ya mua fariseo gaye tuoñarā, judio masa rotirise riasori masa mua cuni. “Queno yirā ña gua”, yibojarāti mua yiro robo yirā meje ña mua. Jū queno sutirise, anís, menta, comino waja rucubiti gaye mua rucuja, Moisés ñayoru ñi rotiado bajiroti Diore jabeto ñia mua. Ito bajibojarocati rotire ñasarise tiorūnabea mua. Ado bajiro bajia ñasarise, queno yire, gājerāre ti maire, Diore tiorūnare, itocōti ña ñasarise. Iti gaye yitūñama mua, Diore jabeto ñire gaye cuni jidicābeja mua. <sup>24</sup> Cajea mana gājerā cajea manare tua wabojarā bajiro bajirā ña mua. Ado bajiro bajirā ña mua. Ide wato mutarācā ñarāre ña idiroto riojua queno besecābojacōri camello jaigu bucure idi yucōarā bajiro bajirā ña mua. Rotire ñasabiti gayeama queno tirūna mua. Ito bajibojarocati ñasariseama queno tirūnabea mua, yiqui Jesús ñare.

<sup>25</sup> Bajato bujarā wāna ya mua fariseo gaye tuoñarā, judio masa rotirise riasori masa mua cuni. “Queno yirā ña gua”, yibojarāti mua yiro robo yirā meje ña mua. Somotero idira tērori cuni joejua riti coea mua. Totijua ñarocōti ñeri catia maji. Mua guaja, joe ruju riti coea mua. Jubejuama ñeñaro tuoña maji. Gājerā ña rucorise ti worā ñare ruoa mua. Ito bajiro bujato bujarā wāna ya mua. <sup>26</sup> Mua fariseo gaye tuoñarā cajea manare bajiro bajirā ña mua. Somotero, idira tēro cuni totijua mu coesuoja joejua cuni ñeri mano yiroja. Ito bajiroti ñeñaro mua tuoñarise cuni mua jidicāja, jeyaro queno yirā ñarā yirāji mua, yiqui Jesús ñare.

<sup>27</sup> Mua fariseo gaye tuoñarā, judio masa rotirise riasori masa cuni bujato bujarā wāna ya mua. “Queno yirā ña gua”, yibojarāti mua yiro robo yirā meje ña mua. Masari cuma bajiro bajirā ña mua. Ado bajiro bajia masari cuma, joeti mani tija queno boti quena. Ito bajibojarocati jubejuama gōarigoti ñaroja, ito yicōri jogare burorise ñaroja. <sup>28</sup> Ito bajiro bajirā ña mua. Masa ña tija, queno yirā bajiro bajia mua. Ito bajibojarāti jubejuama ñeñaro tuoñarā ña mua. “Queno yirā ña gua”, yibojarāti ñeñaro yirā ña mua, yiqui Jesús ñare.

<sup>29</sup> Mua fariseo gaye tuoñarā, judio masa rotirise riasori masa cuni bujato bujarā wāna ya mua. “Queno yirā ña gua”, yibojarāti mua yiro robo yirā meje ña mua. Diore goti ñisiri masa ña godaja bero masari cuma menia mua. Queno yirāre masari cuma queno tirūna mua, ito yicōri tija seyorise iti joere jeoa mua. <sup>30</sup> Ito yicōri ado bajiro ya mua: “Gua ñicusatatia ña catijama, Diore goti

ĩsiri masare ĩna sĩaroca ĩnare ejabuabitiboana gua", yi tuoĩa mua. <sup>31</sup> Ito bajiro mua yija, "Diore goti ĩsiri masare sĩayoana janerabatia ĩa gua", yi tuoĩa mua. <sup>32</sup> Mua ĩncusabatia ĩna yiyore bajiroti ya mua cuni adi rumuri gāna, yiquĩ Jesũs ĩnare.

<sup>33</sup> Āña bajiro bajicõri ĩ robo junirā ĩa mua. Jeame ũjuroju mua tõbujaroti rētare ma muare. <sup>34</sup> Queno tuo masijaro ĩna yirocu, Diore goti ĩsiri masa, riasori masa gājerā queno tuoĩarāre cuni cõabojagu yiguja ya mua tu. ĩnare cudi amomena ĩnare sĩarā yirāji mua. Gājerāreama yucutõoju jaju sĩarā yirāji mua. Gājerāre minijuara wiju ĩnare jarā yirāji mua. ĩnare ñeñaro yirona co cuto ruyabeto ĩnare suyarā yirāji mua. <sup>35</sup> Abel queno yigu ñayorare sĩasuooyjarā mua ĩncusabatia ito yicõri Berequiās macu Zacarĩasjũre sĩasusayjarā. Dios ya wiju Diore ĩna soe ĩsitorita casabo tu Zacarĩasre sĩayija mua. Mua ĩncusabatiare bajiroti ya mua cuni. Ito bajiro queno yirāre ĩna sĩagore ñajare seti ĩa muare cuni. <sup>36</sup> Riti muare gotia ya. Mua adi rumu gānare ititi seti ĩa ejaro yiroja muare, yiquĩ Jesũs ĩnare.

*Jerusalén gānare tuoĩa maigũ Jesũs ĩ otire gaye*  
(Lc 13.34-35)

<sup>37</sup> Jerusalén gāna muare cõañi Dios ĩre goti ĩsiri masa, ito yicõri ĩ oca riasori masare. ĩre goti ĩsiri masa, ĩ oca riasori masa cuni muare gotirona cõañi Dios. Ito bajibojarocati ĩnare sĩayija mua. Coji meje muare mioju amobojacu ya. Cara iso rĩare caero rocaju iso miojuro robo bajiro, muare yi amobojacu ya. Ito bajiro ya yi amobojarocati amobiticu mua. <sup>38</sup> Queno tuoĩaña mua. Mua wiri wagora wiri bajiro tujaro yiroja. Ito yicõri muare jidicāgũ yiguĩji Dios. <sup>39</sup> Riti ado bajiro muare gotia ya: "Guare yari Dios ĩ cõaru ĩa mu. Mure queno yĩñi Dios", mua yiroto riojua mucana juaji yũre timena yirāji mua, ya ya muare, yiquĩ Jesũs masare.

## 24

*Dios ya wi õjea bate godaro yiroja, Jesũs ĩ yire gaye*  
(Mr 13.1-2; Lc 21.5-6)

<sup>1</sup> Ito bajiro ĩ yija bero, Dios ya wi budi wasuoquĩ Jesũs. ĩre suacõri ado bajiro yibojacu gua ĩre: "Adi wiri ti ucuto mani", yibojacu gua ĩre. <sup>2</sup> Ito bajiro gua yibojarocati ado bajiro yiquĩ Jesũs guare:

—¿Adi wirire tiati mua? Riti muare gotia ya. Adi wiri ñarocõti õjea bate quedicuaro yiroja. Ito bajiri adi wi gaye gũtagā gajega joe jesabeto yiroja. Ñarocõti godacuaro yiroja, yiquĩ Jesũs guare.

*Adi amuari jediroto riojna ado bajiro rētaro yiroja, Jesũs ĩ yire gaye*  
(Mr 13.3-23; Lc 21.7-24; 17.22-24)

<sup>3</sup> Ito yija bero Olivos wame cutiri turia joeju wacu gua ĩja. Ito ejacõri Jesuama eja rũjũquĩ. Ito ĩ rujiroca gājerā ĩna manija ticõri, ado bajiro ĩre seniĩacu gua:

—"Iti rumu wi quediyo yiroja", mu yi gotire amoa gua. ¿No bajiro iti bajija ticõri, "Jesũs eja wagu yami", yi masirā yirājida gua? ¿Ito yicõri no bajija ticõri, "Adi macarucũro jediro ya", yi masirā yirājida gua? yicu gua Jesure.

<sup>4</sup> Ito bajiro gua yija tuocõri, ado bajiro cudiquĩ Jesũs guare:

—Queno masima mua gājerā muare ruobe yirona. <sup>5</sup> Jājarā ruori masa ejarā yirāji. "Yuti ĩa Cristo, Dios ĩ cõaru", yirā masa ejarā yirāji. Jājarāre ruorā yirāji ĩna. "Diore busi ĩsirā ĩa gua", ĩna yija jājarā masa tuobojarā yirāji ĩnare. <sup>6</sup> "Masa

gāmeri sīarā yiyijarā”, yire oca tuorā yirāji mua. “Gaje cuto gāna jane gāmeri sīasuoijarā”, yire gaye guijorise oca tuorā yirāji mua. Iti ocare mua tuoja güibeja mua. Ito bajiroti bajiro yiroja bajirea. Ito bajibojarocati jabeto ruya adi macārucāro iti jediroto. <sup>7</sup> Co masa gaje masa rāca gāmeri sīarā yirāji. Ito yicōri co sita gāna gaje sita gāna rāca gāmeri sīarā yirāji. Jaje catorē ñio ñaro yiroja. Ito yicōri jaje ñarise ñaro yiroja. Ito yicōri jaje catorire siti uero yiroja. <sup>8</sup> Jeyaro iti rētaja bero buto busa tōbujare gaye ñaro wado yiroja.

<sup>9</sup> Muare ñiacōri gājerā muare ja ajetoni muare ĩsirā yirāji ĩna. Aje tīocōri muare sīarā yirāji ĩna. Yū ñarā mua ñajare muare ti tudirā yirāji adi sita gāna jeyaro. <sup>10</sup> Iti rumu jājarā yure tuorūnubojana tuoīa jidicārā yirāji ĩna. Gāmeri ti junisinirā yirāji ĩna. Gāmeri oca menicōri gājerāre ñiaroca yirā yirāji ĩna. <sup>11</sup> Jājarā ruori masa ñarā yirāji. “Diore busi ĩsirā ña gua”, ĩna yija jājarā masa tuobojarā yirāji. <sup>12</sup> Jeyaro ñeñarise yirā yirāji masa. Ito bajicōri gāmeri ĩna ti mairisere gāmeri jidicārā yirāji ĩna. <sup>13</sup> No yure tuorūnugū ĩ jidicābeja adi macārucāro jedi wari rumu ĩre masogū yiguĭji Dios. <sup>14</sup> “ĩre tuorūnarāre ĩ rotirojū miojugu yiguĭji Dios”, yire oca adi sita ñarocōreti ejaro yiroja. Ito bajiri masa jeyaro iti oca masirā yirāji. ĩna masi jediroca adi macārucāro jediro yiroja.

<sup>15</sup> Diore goti ĩsiri masu Daniel ñayoru ado bajiro ucañi: “Adi macārucāro jedi wari rumari sīgū masare ñeñaro ĩna yiroca yigu goagu yiguĭji. ĩ ñami masare ruyuriogu wadiru. Dios ya wi rucuboraju ĩ rügōja tirā yirāji mua”, yi ucañi Daniel ñayoru. Mua adi papera ticōri, itire queno tuoīaña. “Jabeto ruya adi macārucāro iti jediroto”, yi masiña mua. <sup>16</sup> Ito bajiro bajiri rumu no Judea sitaju ñarā gūtagaju rudi warujarāji ĩna. <sup>17</sup> No ĩ ya wi queno jesagu ĩ ya wi totiju gajeoni ñarise rujicōri āmbitirujaguĭji ĩ. <sup>18</sup> No ĩ ya wesecaju moagū tūdi wacōri ĩ ya yutabujuri āmbitirujaguĭji ĩ. <sup>19</sup> Ito bajiro bajiri rumu romia macu sāñarā, gājerā ruorā cūni quenabeto tōbujarā yirāji ĩna. <sup>20</sup> Buto usari rumu, tujacāra rumu cūni iti ito bajija, rudi āmomena Diore senima mua. <sup>21</sup> Ito bajiro bajiri rumari buto tōbujarā yirāji masa. Adi macārucāro ñaswora rumari masa ĩna tōbujāibiti rēto busaro tōbujarā yirāji ĩna. Iti ĩna tōbujaja bero mucana iti robo bajiro bajirise tōbujamena yirāji masa. <sup>22</sup> Yoari masa tōbujaroca Dios ĩ yiro bajija sīgū cati ruyagu maniboru. ĩ beseanare ti maicōri yoari mejeti iti jediroca yigu yiguĭji Dios.

<sup>23</sup> Iti rumari, “Tiya ado ñami Cristo”, ito yicōri “Titēña ō ñami Cristo”, sīgū muare ĩ yija, ĩre tuorūnubeja mua. <sup>24</sup> Jājarā ruori masa, “Yū ña Cristo”, yi ejarā yirāji ĩna. “Diore busi ĩsiri masa ña gua”, yi ruo ejarā yirāji gājerā. Tiyamani jaje ĩorā yirāji ĩna masare ruorona. Dios ĩ beseanare cūni ruo āmbojarā yirāji ĩna. <sup>25</sup> Tuoya mua. Jeyaro iti rētaroto riojua muare goticā yu. <sup>26</sup> Ito bajiri, “Yucu manojū ñami Cristo”, muare ĩna yi ruoja, tirā wamenaji mua. Ito yicōri, “Ruyubetoju ñami Cristo”, ĩna yi ruoja ĩnare tuorūnubeja mua. <sup>27</sup> Bujō ĩ borea borea yire asitutuju ĩ borea yirise cojisiti iti sojeyu quedituaja tia mani. Itire bajiroti ejaqu yiguja yu cūni. Yū ña Masa Rījoru. <sup>28</sup> No ruju jogarise ñaro itoju barā rujirā yirāji yuca. Itire bajiro masa ĩna buto ñeñaro yiroca waja senigū ejaqu yiguĭji Dios, yiquĭ Jesú guare.

*Yū Masa Rījoru tūdi ejaqu yiguja, Jesús ĩ yire gaye  
(Mr 13.24-37; Lc 21.25-33; 17.26-30,34-36)*

29 'Ito bajiro masa İna tōbujari rumu iti jedija bero ūmacañi ūmua gagu rāitlacoagu yiguŋi. Ņami gagu cuni busubicu yiguŋi. Ņocōa cuni quedi jedi-coarā yirāji. Ūmacāju macārucāro cuni űero yiroja. 30 Ito bajiro ūmacāju macārucāroju iti bajija ticōri, "Masa Rĭjoru ejagu wagu yami", yirā yirāji masa. Yu űa Masa Rĭjoru. Yu ruji wadija ticōri, adi sita gāna otirā yirāji İna. Masirise rāca, yorise rāca, ide bueri rāca yu ruji wadija tirā yirāji İna. 31 Ūmacāju trompeta jutiado bajiro oca sēoro oca ruyuro yiroja. Yu beseanare minijuatoni āngel mesare mioju rotigu yiguja yu. Juaria sojeri gāna yu beseana űarocōreti miojurā yirāji İna, yiquŋ Jesuŝ guare.

32 'Goti masiore ocana muare gotigu ya yu. Higuera wame cutiricure tuoűate muu. Higuera yu İti űasātuja, İto yicōri İti jū wasoaja, "Jabeto raya cuma İti ejaroto", yi masia mani. 33 İti bajiroti muare yu gotire İti rētaja ticōri, "Jabeto raya űmuari İti jediroto", yi masirā yirāji muu. 34 Riti muare gotia yu. Adi rumari gāna İna goda jediroto riojuaju İto bajiro rētoro yiroja İti. 35 Adi macārucāro űarocōti jediro yiroja. İto bajibojarocati yu ya ocama yu yiro bajiroti rētoro yiroja.

36 "'İti rumu İtocō tujaroca ejagu yiguŋi Jesuŝ", yirā mama. Āngel mesa cuni masimenaji İna. Dios Macu űabojaguti, "İtocō ejagu yiguja ya", yi masibeu yu cuni. Yu Jacu Dios İ sĭgūti masiguŋi, yiquŋ Jesuŝ guare.

37 'Noē űayoru İ catiroca Diore rucubobitiyoűi masa. İto bajiroti bajirā yirāji masa, yu tūdi ejari rumu. Yu űa Masa Rĭjoru. 38 Jane mejeju adi sita İti rujaroto riojuu űacōyajarā masa maji. İdi mecurātibe, ba yajirātibe, manajo cutirātibe, İto yicōri İna rĭa romiare İsirātibe yi űayajarā masa. İto bajiro İna baji űabojaroca riti cuma bucuaju sājayiju Noē űayoru. 39 "İto bajiro wado ya", yi masibisijarā masa. İto bajiri űajasaroti İnare rubatecācōyiju. İti bajiado robo bajiroti ejagu yiguja yu cuni. Masa Rĭjoru űari, "İtocō ejagu yiguŋi", masa İna yi masibeto tūdi ejagu yiguja yu. 40 Yu ejari rumu jūarā űmua İna ya wesecaju moa űarā yirāji. Sĭgū āmi wa ecogu yiguŋi. Gāji āmi wa ecobicu yiguŋi. 41 Romia jūarā quĭbo tuabo űarā yirāji. Sĭgū āmi wa ecogo yigōji. Gajeo āmi wa ecobeco yigōji.

42 'Bocatiari űacāűa muu. Yu muu űju yu tūdi ejaroti rumu masibeu muu. 43 Sĭgū wi űju. "Adi űami riniri masu ejagu yiguŋi", İ yi masija, űa yucagū yiguŋi İti wi űju. Riniri masu İ sājare āmobicu camotagu yiguŋi İ. 44 İto bajiri yu ejaroto riojuu űa yucāűa muu. "İtocō ejagu yiguŋi Masa Rĭjoru", yi muu tuoĭabeto ejagu yiguja yu, yiquŋ Jesuŝ guare.

*¿No bajiro bajiguŋida queno tuoĭagū? yi Jesuŝ İ riasore gaye  
(Lc 12.41-48)*

45 'Muu tuoĭaja, ¿no bajiro bajiguŋida queno cudicōri queno tuoĭagū? Ado bajiro bajiguŋi İocū. Gājerā İ ya moari masare tirānūtoni İto yicōri İnare İ ecatoni cūgū yiguŋi İ űju İre. 46 Sĭgū İ rotiro bajiroti İ moa yuroca İ űju İ tūdi ejaja wanu quenagū yiguŋi İ. 47 Riti muare gotia yu. İto bajiro yiro robo İ yigu űaja ticōri, İ rucorise űaroti İ ya masare cuni tirānu rotigu yiguŋi İre. 48 İ űju İre İ tirānu rotija bero ricati İ tuoĭaja, queno moa İsigū meje űaguŋi İocū. "Coji ejabicuŋi yu űju", yi tuoĭagū yiguŋi. 49 İto bajiro tuoĭacōri, gājerā moari masare űeűaro yuűnogu yiguŋi İ. İto yicōri mecurāi masa rāca baba cuticōri İna rāca idigu yiguŋi İ cuni. 50 İto bajiro İ yi űaroca İ masia mani İ űju tūdi ejagu yiguŋi. "Janere ejabicu yiguŋi yu űju", yi İ tuoĭari ramuti ejagu yiguŋi. 51 İto İ yija ticōri, bueto buasa űeűaro İ tōbujaroca yigu yiguŋi İ űju. "Queno yirā űa



gua”, yibojarāti ĩna tōbujaro bajiroti ĩ tōbujaroca yigu yiguĩji ĩ ɷju ĩre. Ito bajiri ñeñaro tōbujacōri otigu yiguĩji. Ito yicōri bato tuoia oca jaigu yiguĩji ĩ ĩja, yi oca gotiquĩ Jesúš guare.

## 25

### *Jua dɷjamocō ñarā romia ado bajiro yiyijarā, yi Jesúš ĩ riosore gaye*

<sup>1</sup> “Ado bajiro bajia, ĩre tuorūnarāre ĩ rotiroju Dios ĩ miojuri rama”, yiroca ado bajiro gotiquĩ Jesúš:

—Jua dɷjamocō mamarā romia ñayijarā. Āmo siare basare tirā wayijarā ĩna. Mame manoyo cutirocare bocarā wayijarā ĩna. Ito bajiri ito warā ĩna ya sɷabusuore āmi wayijarā. <sup>2</sup> ĩna co dɷjamocō ñarā ñayijarā queno tuoiarā. Gājerā ĩna rāca gāna co dɷjamocō ñarā queno tuoiamena ñayijarā. <sup>3</sup> Queno tuoiamena ĩna ya sɷabusuoragari āmibojarāti jio wasoarona úye āmibisijarā. <sup>4</sup> Gājerā queno tuoiarāma ĩna ya sɷabusuore jio wasoaroti úye āmi wayijarā. <sup>5</sup> Manoyo cutiroca yoari ĩ sejaja, wajo jujayijarā ĩna. Ito bajiri canicoayijarā ĩja. <sup>6</sup> ĩnami gudarecō oca ruyuyiju ĩja. “Manoyo cutiroca wadicoami ĩja. ĩre bocarā waya”, sēoro oca ruyuyiju. <sup>7</sup> ĩna jua dɷjamocō romia ñarā yujicōri ĩna ya sɷabusuoragari sɷayijarā. <sup>8</sup> Co dɷjamocō ñarā queno tuoiamena ado bajiro yiyijarā queno tuoiarājuare: “Gua ya sɷabusuoraga úye jedicoaju guare. Ito bajiri ma ya úye jabeto ĩsiña guare”, yibojayijarā ĩna. <sup>9</sup> Ito bajiro ĩna yibojarocati ado bajiro cɷdiyijarā queno tuoiarā: “ĩsibe maare. Gua ĩsija ñeju tujabetoja guare cuni. Maare cuni, guare cuni tɷjado ma iti. Mamasiti úye ĩna ĩsiroju wacōri waja yitēña ma”, yiyijarā queno tuoiarā romia queno tuoiamenajuare. <sup>10</sup> Ito bajiro ĩna yija tuocōri, úye waja yirā wayijarā queno tuoiamena. ĩna wagoja bero manoyo cutiroca ejayiju. Queno ña yucāna romiama ĩ ejarocati ĩ rācati sājacoayijarā ĩna. Āmo siare basa tirā warā sājayijarā ĩna. Ito yicōri soje biacōyiju manoyo cutiroca. <sup>11</sup> Soje ĩ bia sāja waja beroju ejabojayijarā gājerā romia. Manoyo cutirocare ado bajiro yibojayijarā ĩna: “Gua ɷju soje jānaña maji”, yibojayijarā ĩna. <sup>12</sup> “Yu ñarā meje ña ma, ito bajiri maare masibe ya”, yiyiju manoyo cutiroca ĩnare, yiquĩ Jesúš guare.

<sup>13</sup> Ito bajiri ña yucāña ma. “Jane busuri itocō ñaroca ejaɷu yiguĩji Jesúš”, yi masibe ma, yiquĩ Jesúš guare.

### *Moa ĩsiri masa gaye Jesúš ĩ goti masiore oca* (Lc 19.11-27)

<sup>14</sup> “Ado bajiro bajia, ĩre tuorūnarāre ĩ rotiroju Dios ĩ miojuri rama”, yiroca ado bajiro gotiquĩ Jesúš:

—Sígū ñayiju gaje sitaju waroca. Ito bajiri ĩ waroto riojua ĩ ya moari masare ji ñucayiju ĩ. “Yu ya niyeruna moacōri jai busaro bujarā yirāji”, yi tuoia wacu ĩ ya niyerure tirānu rotiyiju ĩ ĩnare.

<sup>15</sup> Sígure co dɷjamocō mil niyeru kujiri ĩsiyiju. Gājire juaji mil ĩsiyiju. Gājire mil ñari kujiriaca ĩsiyiju. “Ado bajiro moari seyoama ĩna”, yi tuoia wacu ito bajiro ĩnare batoyiju ĩ. Ito bajiro yicōri wacoayiju. <sup>16</sup> Co dɷjamocō mil niyeru kujiri boca āmiru mɷcana itina moacōri gaje co dɷjamocō mil ñariseti buja re moyiju. <sup>17</sup> Gāji juaji mil boca āmiru mɷcana itina moacōri jua mil buja re moyiju ĩ cuni. <sup>18</sup> Coji mil boca āmiruama ĩ ɷju ya niyeru gojeju yuecōyiju.

<sup>19</sup> Yoari ĩna ɷju tɷdi ejayiju mɷcana. “¿No bajiro yure moa ĩsiati ĩna?” yiroca ĩnare ji ñucayiju ĩ mɷcana. <sup>20</sup> Cajero co dɷjamocō mil boca āmiru ejasuo yiju. Ejacōri ĩre co dɷjamocō mil niyeru ĩ ĩsire judacōayiju mɷcana, ito yicōri gaje

itocō ï b̄uja remore r̄acati ïre ïsiyijũ. “Co d̄ujamocō mil yure ïsicu m̄u. Ito bajiri itina moacōri m̄ucana co d̄ujamocō m̄ulti m̄ure b̄uja remo ïsimũ yũ”, yiyijũ ï ʉjũre. <sup>21</sup> “Yure queno moa ïsiyija m̄u. Yiro robo yure c̄udigu ña m̄u. Jabetac̄a yũ wasoarena m̄ucana itocōti m̄u remore ñajare, jai b̄usaro m̄u moatoni jai b̄usaro m̄ure c̄ũc̄uja yũ. S̄ajaña, queno wanuña yũ r̄aca”, yiyijũ ʉjũ ï ya moari mas̄ure. <sup>22</sup> Ito yija bero ḡaji j̄uaji mil boca ãmirũ ejayijũ. “Yũ ʉjũ j̄uaji mil yure ïsicu m̄u. Itina moacōri m̄ucana j̄uaji m̄ulti m̄ure b̄uja remo ïsimũ yũ”, yiyijũ ï, ï ʉjũre. <sup>23</sup> “Yure queno moa ïsiyija m̄u. Yiro robo yure c̄udigu ña m̄u. Jabetac̄ana moacōri m̄ucana itocōti m̄u yure b̄uja ïsire ñajare jai b̄usaro m̄ucana moaroti c̄ũc̄uja yũ. S̄ajaña, queno wanuña yũ r̄aca”, yiyijũ ï, ï ya moari mas̄ure.

<sup>24</sup> Ito yija bero ḡaji mil c̄ujiri boca ãmirũ ejayijũ. ã ʉjũre ado bajiro yiyijũ ï: “Yũ ʉjũ s̄õoro rotigu ñaqui ï. ï otebeto c̄uni, ï biabeto c̄uni bare b̄uja quena ñaqui ï, yi t̄uõia wacu, ḡüicũ yũ. <sup>25</sup> Ito bajiri m̄u ya niyerure yuje c̄ũc̄u yũ. Adi ña ñarocōti yure m̄u ïsicati”, yiyijũ ï, ï ʉjũre. <sup>26</sup> Ito bajiro ï yibojarocati ado bajiro c̄udiyijũ ï ʉjũ ïre: “Moa ïsiri masũ quenabicũ, rojogu ña m̄u. ï otebeto c̄uni, ï biabeto c̄uni bare b̄uja quena ñaqui ï, yi masibojaguti yure queno moa ïsibisija m̄u. <sup>27</sup> Ìna niyeru c̄ũri wijũ m̄u niyeru c̄ũja, m̄ucana jai b̄usaro b̄ujaboyija m̄u”, yiyijũ ï ʉjũ ïre. <sup>28</sup> Ito yija ḡajerãre ado bajiro rotiyijũ ʉjũ: “Coji mil ñarise niyeru tiri ïre ãmacõña, ito yicōri ḡaji j̄ua d̄ujamocō mil r̄ucoguj̄ure ïsiña”, yiyijũ ïna ʉjũ. <sup>29</sup> “No queno yure moa ïsigũreama jai b̄usaro ïre ïsi remogũ yiguj̄a yũ. Ito bajiri ñejua r̄uyabeto yiroja ïre. No queno yure moa ïsibicũreama ï r̄ucoriseac̄ti ñarocōti ãma jeocõc̄uja yũ. ïre ãmacõri ḡaji yure queno moa ïsigũre ïsigũ yiguj̄a yũ. <sup>30</sup> ãni yure moa ïsiri masũ ñe waja mac̄ure r̄ait̄iaroju cõañã m̄ua. Itoju ñeñaro t̄õbujacōri b̄uto otigu yiguñji. Ito yicōri b̄uto t̄uõia oca jaigu yiguñji ï”, yiyijũ ʉjũ, yi oca gotiqui Jesús guare.

*Masa ñeñarãre, quenarãre c̄uni besegu yiguj̄a yũ, Jesús ï yire gaye*

<sup>31</sup> Yũ ña Masa R̄ijoru. ʉjũ yũ ñari rumũ, t̄udi ejagu yiguj̄a yũ m̄ucana. ʉmac̄uju ḡana ángel mesa r̄aca ḡani bia ejagu yiguj̄a yũ. ʉjũ ï rotiri cumuro yori cumuroju rujigu yiguj̄a yũ. <sup>32</sup> Jeyaro ḡana masa yũ riojua minijuarã yirãji ïna. Ìnare besecōri ricati c̄ügũ yiguj̄a yũ. Oveja coderi masũ ovejare ricati, cabrare ricati ï c̄ũado bajiro yigu yiguj̄a yũ. <sup>33</sup> Queno yirãre yũ ya riojocaduja c̄ügũ yiguj̄a yũ. Queno yimenare yũ ya ḡacoduja c̄ügũ yiguj̄a yũ. <sup>34</sup> Ito bajiri yũ riojocaduja ḡanare ado bajiro yigu yiguj̄a yũ: “Yũ Jacu queno yirocu m̄ure beseñi ï rotiroju m̄ua ejatonĩ. ïre tuorãnurãre t̄uõia yugu ï rotiroju quencõñi Dios adi mac̄ar̄ucãro meni wac̄uj̄ati. Ito bajiri itoju ñarã yirãji m̄ua ïja. <sup>35</sup> Yũ ñiocõja yure bare ecacu m̄ua. Yũ idi ãmoja yure iocu m̄ua. Yũ wa ucuroju caniraju b̄uja ïsicu m̄ua. <sup>36</sup> Yure yutabuju manija yure ïsicu m̄ua. Yũ cõja c̄uni yure tirã ejasoticũ m̄ua. Tubiara wi yũ ñaroca yure tirã ejasoticũ m̄ua”, yigu yiguj̄a yũ Dios ï beseanare. <sup>37</sup> Ito bajiro yũ yija t̄uocōri, ado bajiro yure seniãrã yirãji ïna: “Gua ʉjũ, ñnocãta m̄u ñiocõja ticōri, m̄ure bare ecacati ḡua? ñNocãta m̄u idi ãmoroca m̄ure iocati ḡua? <sup>38</sup> ñNocãta m̄u wa ucuroju caniraju m̄ure b̄uja ïsicati ḡua? Ito yicōri, ñnoju m̄u yutabuju maniroca m̄ure yutabuju b̄uja ïsicati ḡua? <sup>39</sup> Ito yicōri, ñnocãta m̄u tubia ecoroca, m̄u cõja c̄uni, nocãta m̄ure tirã ejacati ḡua?” yi yure seniãrã yirãji ïna. <sup>40</sup> Ado bajiro ïnare c̄udigu yiguj̄a yũ: “Riti m̄ure gotia yũ. Yũ ñarã ñasamenare queno m̄ua yija, yure queno yirãti yicu m̄ua”, yigu yiguj̄a yũ Dios ï beseanare.

<sup>41</sup> Ito yicōri yũ ya ḡacoduja ñarãre ado bajiro yigu yiguj̄a yũ: “Yure camotadiya m̄ua. Dios ï beseana meje ña m̄ua. Jeame yatibitimeju wasa m̄ua. Iti

jeamere rāmure yiari rioñi Dios, ito yicōri ī ñarāre yiari cuni. <sup>42</sup> Yū ñiocōja yure ecabiticu mña. Yū idi āmoja iobiticu mña yure. <sup>43</sup> Yū wa ucuroju yure caniraju buja īsibiticu mña. Yure yutabuju manija yure īsibiticu mña. Yū cōroca cuni, tubiara wi yū ñaroca cuni yure tirā ejabiticu mña”, yigū yigūja yū queno yimenare. <sup>44</sup> Ito yija ado bajiro yure seniārā yirāji īna: “¿Nocāta mñ ñiocōroca mñre ecabiticu gña? Ito yicōri, ¿nocāta mñ idi āmoja, mñ canī āmoja, mñre yutabuju manija, mñ cōja cuni, tubiara wi mñ ñaja cuni, mñre ejabuabiticu gña?” yī yure seniārā yirāji īna. <sup>45</sup> Ito bajiro īna yija tuocōri, ado bajiro īnare cūdigū yigūja yū: “Riti mñare gotia yū. Yū ñarā ñasamenare queno mña yibeja, yure cuni ito bajiroti queno yibiticu mña”, yigū yigūja yū īnare. <sup>46</sup> Ito bajiri tōbujare susabetoju īnare cōagū yigūja yū. Dios ī beseanama catitñadoju warā yirāji, yiquī Jesús guare.

## 26

### *Jesure ñia āmorā īna cunīre gaye* (Mr 14.1-2; Lc 22.1-2; Jn 11.45-53)

<sup>1</sup> Ito bajiro ī goti jeoja bero gña ī rāca riasotirāre ado bajiro yiquī Jesús:

<sup>2</sup>—Mña masia jua ruma beroti ñaro wado ya Pascua basa. Ito bajiro basa īna meniri rumu Masa Rijorare ñiatoni ī wajanare gotigū yiguñi sīgā. Ito bajiri ire ñiacōri yucutēoju jaju sīarā yirāji īna. Īti ña yū Masa Rijoru, yiquī Jesús guare.

<sup>3</sup> Iti rumari paia mesa uju Caifás wame cutigū ya wijū minijuacōri tuoīa ñayijarā paia ujarā, ito yicōri judio masa bucārā cuni. <sup>4</sup> “¿No bajiro tuocōri Jesure sīarā yirājida mani?” yī gāmeri busi ñayijarā īna. <sup>5</sup> Ado bajiro busiyijarā īna:

—Basa rujarumu Jesure sīamenaji mani. Rujarumu mani sīaja, buto manire masa oca jaicōri gāmeri oca menirā yirāji īna, yī gāmeri busiyijarā īna.

### *Romio Jesús ya rijogaju sutirise iso jiojeore gaye* (Mr 14.3-9; Jn 12.1-8)

<sup>6</sup> Betaniaju Simón camī jogagoru ya wijū ñacu gña Jesús rāca. <sup>7</sup> Iti cuto gña ñaroca sīgō gūtagā toti cutiricaju sutirise jiocōri āmi ejacō. Sutirise iso jioraga alabastro wame cuticu. Buto waja cutirise ñacu iti sutirise. Jesús ī ba rujiroca ī ya rijogaju sutirise jiojeocō iso. <sup>8</sup> Ito bajiro iso yija ticōri, bujatobiticu gña ī rāca riasotirā. Ado bajiro gāmeri busicu gña:

—¿No yija rocati itire ruyurioati? <sup>9</sup> Iti sutirise īsicōri jairo niyeru bujacōri bojoro bujarāre ejabuaroti ñabojayija iti, yī gāmeri tuoīa busicu gña.

<sup>10</sup> Ito bajiro gña tuoīa busija tuocōri, ado bajiro yiquī Jesús guare:

—Adiore usirio code yibesa mña. Iti yure iso jiojeoja, queno yure yigo yamo iso. <sup>11</sup> Mña rāca riti ñatīñarā yirāji bojoro bujarā. Ito bajiri īnare ejabuātīñarā yirāji mña. Yūama mña rāca ñatīñabicu yigūja. Ito bajiri mña rāca yū ñaroca maji yujare ejabuaja quena. <sup>12</sup> Adio yure iso sutirise jiojeoja yure īna yujeroto riojua jiojeo yugo yamo iso. <sup>13</sup> Riti mñare gotia yū. Adiore ācabojamena yirāji masa. Ito bajiro sutirise yure iso jiojeoja bero masa jeyaro tuorā yirāji iti gaye. “Masare masogū yiguñi Dios”, yire oca īna gotiroti iso oca cuni tuorā yirāji masa, yiquī Jesús guare.

### *Jesure īna ñiatoni Judas ī oca menire gaye* (Mr 14.10-11; Lc 22.3-6)

<sup>14</sup> Ito yija bero gña Jesús rāca riasotirā jua gūbojeno ñarā gña rāca gagū Judas Iscariote wame cutigū paia ujarāre busigu waquī. <sup>15</sup> Ito bajiri ado bajiro gotiyija ī īnare:

—Jesure mua ñia masitoni mware yu gotija, ¿nocō jairo yure waja yirājida mua? yi busiñi Judas ñare.

Iti i yija tucōri, sigū masucō gāji ye juu djamocō ñarise niyeru tiri İsiyijarā ña. <sup>16</sup> Iti niyeru boca āmicōri: “¿No bajiro yicōri Jesure raurajatiye yu İre İna ñiatoni?” yi tuoİa ñayiju Judas iti rware.

*Jesús i basusare gaye*

*(Mr 14.12-25; Lc 22.7-23; Jn 13.21-30; 1 Co 11.23-26)*

<sup>17</sup> Ito yija naju wadarise uo wuoya mani bara ruru cōña wacu guare. Guu Jesús rāca riasotirā ado bajiro İre seniİacu:

—Pascua basa ñaroca baroti gaye, ¿nojū menirajati mua? yi seniİacu guu İre.

<sup>18</sup> —Cutoju wasa mua. Ito mua ejaja sigūre bujarā yirāji mua. Ado bajiro İre yiba: “Ado bajiro roti ñucami guu uju guare. Jabetoti ruya yu wējoroto. İ ya wiju Pascua basa meniana mani, yi ñucami guare riasogu”, yiba mua, yiquİ Jesús guare.

<sup>19</sup> “Ito bajiro yiba mua”, Jesús İ guare yicato bajiroti yicu guu. Ito bajiroti Pascua basa İre meni İsisuocu guu.

<sup>20</sup> Iti ñami guu İ rāca riasotirā juu gubojeno ñarā ba rujicu İ rāca. <sup>21</sup> Guu baroca ado bajiro yiquİ Jesús guare:

—Riti mware gotia yu. Sigū mua rāca gagu yure ñiatoni gājerāre gotigu yiguİji, yiquİ Jesús guare.

<sup>22</sup> Ito İ yija tucōri, buto bojori bujacu guu. Ito bajiri sigū ruayabeto Jesure seniİacu guu:

—¿Yu İju yuti ñabeati yu mare oca menirocu? yi seniİacu guu Jesure.

<sup>23</sup> Ado bajiro cudiquİ Jesús guare:

—Yu bari tēro ba ijagu İ ñagu yiguİji yure ñiatoni gājerāre gotirocu. <sup>24</sup> Dios oca iti gotiro bajiroti rētarō yiroja yure. Yu ña Masa Rijoru. Yure sİarā yirāji masa. Bujato yiguİji yure ñiatoni gājerāre gotirocu. Rujeabiticō rujabojañi İama, yiquİ Jesús guare.

<sup>25</sup> Ito yija bero Judas Jesure ñiatoni gājerāre gotirocu busiquİ. Ado bajiro yiquİ İ:

—Yure riasogu, ¿yuti ñati mare ñiatoni gājerāre gotirocu mu tija? yiquİ İ Jesure:

—Mati ña, yiquİ Jesús İre.

<sup>26</sup> Ito yija bero guu ba rujiroca İ ya āmoju naju āmi rucoquİ Jesús. “Queno ya Dios mu”, yicōri guu İ rāca riasotirāre batoquİ.

—Baya, iti ña yu ya ruju robo bajiro bajirise, yiquİ Jesús guare.

<sup>27</sup> Iti guu ba tioroca rujatēro āmi rucocōri, “Queno ya yu Dios mu”, yiquİ Jesús. Ito yicōri guare io batoquİ.

—Mua jeyaro itire idiya. <sup>28</sup> Iti ña yu ya rı robo bajiro bajirise. Jājarā İna ñeñaro yirise İna waja yi İsitoni, yu ya rı budiro yiroja. Itire ticōri, “Oca mame Dios İ goticādo bajiroti baja”, yi tuoİa masirā yirāji mua. <sup>29</sup> Riti mware gotia yu. Adı sitaju mucana juaji mua rāca uyé ide idibicu yiguja yu. Ūmacūju yu Jacu İ rotiroju mucana tudı mua rāca idigu yiguja yu, yiquİ Jesús guare.

*“Jesure masibea yu”, yigu yiguja mu”, Pedrose Jesús İ yire gaye*

*(Mr 14.26-31; Lc 22.31-34; Jn 13.36-38)*

<sup>30</sup> Ito İ yija bero Diore basacu guu. Basa tiorōri Olivos wame cutiri tarıaju wacu guu. <sup>31</sup> Ito guu waroca ado bajiro yiquİ Jesús guare:

—Adı ñamiti yure jidicācōri wagorā yirāji mua ñarocōti. Yure mua wagoja cuni, Dios oca tutıju iti gotiado bajiroti rētarō yiroja. Ado bajiro gotia iti. Tote

mua: “Oveja coderi masure sġagū yigūja yu. Ito bajiri ĩ ya oveja rudi batecoarā yirāji”, yi gotiami Dios ĩ oca tutina. <sup>32</sup> Yure ĩna ĩiaja ticōri, rudi batecoarā yirāji mua. Ito bajijobarocati yure ĩna sġaja bero mūcana tūdi catigū yigūja yu. Tūdi caticōri mua riojua busa Galilea sitaju wacu yigūja yu, yiquī Jesús guare.

<sup>33</sup> Ito ĩ yija tuōcōri, ado bajiro yiquī Pedro ĩre:

–Īnama mure wagobojarocati yūama wagobicu yigūja yu, yiquī ĩ Jesure.

<sup>34</sup> Ito ĩ yija tuōcōri, ado bajiro cūdiquī Jesús ĩre:

–Riti mure gotia yu. Adi ĩamiti busurijua cara ĩ yujiroto riojua ūdiaji, “Jesure masigū meje ĩa yu”, yigu yigūja mū, yiquī ĩ Pedrore.

<sup>35</sup> –Yure ĩna sġa āmoja cūnĭ, “Jesure masibea yu”, yibicu yigūja yu, yiquī Pedro Jesure.

Ito bajiro Pedro ĩ yija tuōcōri, gua Jesús rāca riasotirā ito bajiro riti yi jedicu gua cūnĭ ĩja.

*Getsemanĭ wame cutiri weseju Jesús ĩ Diore rācūbure gaye*

*(Mr 14.32-42; Lc 22.39-46)*

<sup>36</sup> Warāju Getsemanĭ wame cutiri weseju ejacu gua Jesús rāca. Itoju ejacōri ado bajiro gotiquī Jesús guare:

–Ō Diore busigu yu waroca riti, ado rujiya maji, yiquī Jesús guare.

<sup>37</sup> Pedrore, Zebedeo rġa jūarāre ji waquī Jesús. Wacati buto tuōġa bojori bujakuī Jesús. <sup>38</sup> Ito yija ado bajiro yiyiju Jesús ĩ rāca wacānare:

–Yū ya ūsiju buto tuōġa bojori buja yu. Ito bajiro yu bojori bujaja, ūsi jediri guijoro bajia yure. Ado yure yu ĩaġa maji. Canibeja. Yū rācati tġa maji, yiyiju Jesús ĩnare.

<sup>39</sup> Ito yicōri ito sōjua busa wa remoyiju Jesús. Sitaju ĩ ya rio cōoro muqueacōri Diore busiyiju ĩ:

–Cūna ĩejua mū yi masibiti manoja. Yū tōbujaroti gaye mū camota āmoja, camota masigūja mū. Ito bajijobarocati yū āmoro bajiro meje yigūja mū. Mū āmoro bajiro mū yija quena, yi busiyiju Jesús Diore. Itocō ĩ busi tujarocati canigocōcu guama ĩja.

<sup>40</sup> Ito ĩ yija bero Pedro mesa tū tūdi ejayiju ĩna caniroca. Ado bajiro busiyiju Jesús Pedro mesare:

–ĶCoji cōrecō canimenati yū rāca ti sēobeati mua? <sup>41</sup> Canibesa mua maji. Yū rācati tiya. Rāmāre cūdibe yirona Diore seniġa mua maji. Riti mure masia yu. Mū ya ūsijūama queno tuōġarā ĩbobarāti mua ya ruġua queno yi masibea mua. Yure queno cūdi āmobarāti queno cūdimenaji mua, yiyiju Jesús Pedro mesare.

<sup>42</sup> Ito yicōri mūcana tūdi wacūju ado bajiro Diore busiyiju Jesús:

–Yū Jacu yū tōbujarotire mū camota āmobeja quena ĩaroja. Mū āmoro bajiroti bajijaro, yiyiju Jesús Diore busigu. Ito bajiro Jesús ĩ Diore busiroca canicoayjarā Pedro mesa mūcana.

<sup>43</sup> Tūdi wacu ĩna caniroca tūdi ejayiju Jesús mūcana. Buto wūjo ĩnare jeobūaja caniyjarā ĩna. <sup>44</sup> Ito bajiro ĩnare busicāriti mūcana Diore busigu wayiju Jesús. Ito yicōri Diore ĩ busiado bajiroti tūdi busiyiju mūcana. <sup>45</sup> Ito yija bero gua tū ejacōri guare yujioquī Jesús:

–ĶTujacā canirā yati mua maji? Itacōti eja waju Masa Rġjorure ĩnacōri ĩeġaro yirāre ĩna ĩsirotiju eja waju ĩja. Īti ĩa yū Masa Rġjoru. <sup>46</sup> Ito bajiri yujiya mua. Wato. Yure ĩna ĩiatoni gotiri masu wadicoami ĩja, yiquī Jesús guare.

*Jesure ĩna ĩiare gaye*

*(Mr 14.43-50; Lc 22.47-53; Jn 18.2-11)*

47 Ito bajiro Jesús guare ĩ bŭsi ñaroca riti, jua gubojeno ñagŭ Judas ejaquĩ. Jājarā ĩ rāca wadicā sarera jāiri rućorā, gājerā yucu rućorā. Paia űjarā, judio masa bućurā ĩna cōajare wadiñi ĩna. 48 “Ado bajiro muare goticuja yu”, yi ĩnare buśi wadicāri seyoñi Judas:

—Recoti yu usugu ĩti ñagŭ yiguĩji Jesús. ĩre ñiama muu, yi ĩnare buśi wadiri seyoñi ĩ.

49 Guu tu ejaćōri ado bajiro yiquĩ Judas Jesure:

—¿Ñati yure Riasogu mu? yi ejaquĩ ĩre.

Ito yiguti wayugaju muwāćōri Jesure usuquĩ ĩ.

50 —¿No yigu wadiri yu baba mu? yiquĩ Jesús ĩre.

Ito ĩ yiroca ĩre ñiacā Judas rāca wadiana.

51 Ito bajiro Jesure ĩna ñiaja ticōri, sĭgŭ gua rāca gagu ĩ ya sarera jāi āmiquĩ, ito yicōri paia űju ya moari masure gāmoro jataquĩ. 52 Ito ĩ yija ticōri, ado bajiro yiquĩ Jesús ĩre:

—Mu ya sarera jāi mućana iti wiroju ñusacōña. Sarera jāina gāmeri jarā itinati godarā yirāji. 53 Adocāta yu Jacure yu seni ñucaja, ángel mesa jājarāguti jua gubojeno masa buturi cōagŭ yiguĩji ĩ. ¿Itire masibeati muu? 54 Ito bajibojarocati ĩre senibicu yiguja yu. Yure ĩna ñiajare ito bajiro gotia Dios oca. “Ito bajiroti rētarō yiroja”, Dios ĩ yicāre ñari, ito bajiroti bajiro ya yure, yiquĩ Jesús guare.

55 Ito yicōri ĩre ñiarā ejarāre ado bajiro yiquĩ Jesús:

—¿Riniri masure ñiarona bajiro sarera jāiri rāca, yucu rāca yure ñiarā wadiri muu? Co rumu rućabeto muu wato riaso rujisotibojacu yu minijuara wiju. Ito bajibojarocati yure ñiabiticu muu maji. 56 Jeyaro yure rētaroti Diore goti ĩsiri masa ĩna ucado bajiroti rētarō ya, yiquĩ Jesús ĩre ñiacānare.

Jesure ĩna ñiaja ticōri, rudicoacu gua. Jesús sĭgāti ĩna rāca tujaquĩ.

*Ĥjarā ñasarā, “Seti ña muare”, Jesure ĩna yire gaye*

*(Mr 14.53-65; Lc 22.54-55,63-71; Jn 18.12-14,19-24)*

57 Jesure ñiacōri paia űju Caiás wame catigu tu ĩre āmi wayijarā. Itoju minijua ñayijarā judio masa rotirise riasori masa ito yicōri ĩna masa bućurā cuni minijua ñayijarā ĩna. 58 Jesure ĩna āmi waroca sōbusa yeyo ti suya wayiju Pedro. Paia űju ya wi soje riojo sājacōri rujiyiju Pedro. Iti wi coderi masa rāca rujiyiju ĩ. “No bajiro Jesure ĩna yi gajanoaja ticuja yu”, yirocu ito bocati rujiyiju Pedro.

59 Paia űjarā, űjarā ñasari masa cuni Jesure sĭa āmoyijarā ĩna. Ito bajiri, “Ado bajiro ñeñaro yiquĩ Jesús”, yi ruo gotironare āmabojayijarā ĩna. 60 Jājarā socari masa ĩna oca menibojarocati, “Riti baja ĩna gotirise”, yi masibisijarā ĩna. Susari jāarā ruo gotiri masa ejayijarā ĩna. 61 Ado bajiro gotiyijarā:

—“Dios ya wi minijuara wi iti wire yu ruyuriocōja, adia rumu beroti mućana iti wire jōrojocōgŭja yu”, yiquĩ āni, yiyijarā ĩna.

62 Ito ĩna yija tuocōri, paia űju wumu rŭgŭćōri ado bajiro yiyiju Jesure:

—¿Ćudibicŭti yati mu? Ito bajiro muare ĩna busituja, ¿no yireoni yirā yati ĩna? yibojayiju ĩ Jesure.

63 Ito ĩ yibojarocati Jesuama ćudibisiju ĩre. ĩ ćudibeja ticōri, ado bajiro yiyiju paia űju Jesure mućana:

—Dios catigu ĩ tiro riojo gotiya mu. ¿Mutu ñati Cristo Dios ĩ cōaru? ¿ĩ macatu ñati mu? Guare gotiya maji, yiyiju ĩ Jesure.

64 —Mu seniñaro bajiroti, ĩti ña yu. Gaje ado bajiro muare gotia yu: Dios jeyaro masigŭ ya riojocaduja Masa Rĭjoru ĩ rujija tirā yirāji muu. Ito yicōri

ũmacãju ide buerina i ruji wadija tirã yirãji mua. İti ña yu Masa Rıjoru, yiyiju Jesũ paia ujure.

<sup>65</sup> Ito bajiro Jesũs i yija tuocõri, bũto junisinigũ i ya yutabuju tũa ñigãyiju:

—Ăni ũmãgũ ñeñaro Diore bũsituami. Gãjerã, “İre seti ña”, yironare amare ma İja. Mua cuni Diore i bũsituja tũoa mua. <sup>66</sup> ĆNo bajiatu muaca? ĆNo bajiro İre yirujati mani? yiyiju paia uju masare.

—Seti ñasacõa İre. Sıarujami, yi cãdiyjarã masa.

<sup>67</sup> Ito yija Jesũs ya riore go ide eobate guyijarã İna. Ito yicõri İre jayijarã. Gãjerã İ ya rioju jayijarã. <sup>68</sup> İ ya cajea moabiacõri, İre jayijarã İna. Ito yicõri ado bajiro İre seniã tudiyjarã:

—Riti Cristo Dios Macu mu ñaja, “İ yure jami”, yi masigũja mu, yi tudiyjarã İna Jesure.

*Jesure masibea yu, Pedro i yire gaye*

*(Mr 14.66-72; Lc 22.56-62; Jn 18.15-18,25-27)*

<sup>69</sup> Wi totiju ito bajiro rëtaroca, macãju soje riojo rujicõayiju Pedro. Sıgõ moa İsiri maso Pedro tu ejacõri ado bajiro yiyijo İre:

—Jesũs Galilea sita gagu rãca wa ucuyiju mu cuni, yiyijo iso İre.

<sup>70</sup> Ito bajiro iso yija tuocõri, masa jeyaro İna tũoro riojo ado bajiro yiyiju Pedro:

—“Riti ya mu”, yi masibea yu mure, yi ruoyiju Pedro isore.

<sup>71</sup> Sãjasuora soje tu Pedro İ ejagu wagu yiroca tiyijo gajeo mũcana:

—Jesũs Nazaret cutu gagu rãca wa ucuñi i cuni, yiyijo gãjerãre gotigo.

<sup>72</sup> —“Dios i tiro riojo İre masibea yu”, ya yu, yiyiju Pedro.

<sup>73</sup> Ito bero yoa bũsari Pedrore ado bajiro yiyijarã gãjerã:

—Riti ña. Jesũs rãca wa ucuguti ña mu cuni. İnare bajiroti bũsia mu cuni, yiyijarã İna Pedrore.

<sup>74</sup> —Ito bajiro mua bũsigure tũabea yu. Ruore oca yu gotija, Dios yure sãjaro, yi oca sũoro bũsiyiju Pedro.

Ito bajiro i yiroca riti cara yujicoayiju İja. <sup>75</sup> Cara i yujija tuocõri, Jesũs İre bũsigorere tũoĩa bũjayiju Pedro: “Cara i yujiroto riojuã udiãji, Jesure masibea yu”, yigu yiguja mu”, Jesũs i yire tũoĩa bũjayiju Pedro. Ito budi wacõri bũto otiyiju İja.

## 27

*Pilato taju Jesure İna amı ejare gaye*

*(Mr 15.1; Lc 23.1-2; Jn 18.28-32)*

<sup>1</sup> Busuri gaje rũmu paia ujarã, judio masa bũcũrã minijua ñayijarã. Sıgũre bajiro riti tũoĩacõri, “Ado bajiro Jesure sıaruja mani”, yi tũoĩa ñayijarã İna. <sup>2</sup> Ito bajiro İna yija bero Jesure amõju siacõri amı wayijarã İna. Ito yicõri İre amı wacõri Pilatore İsiyijarã İna. Romano masa uju ñayiju Pilato.

*Judas i godare gaye*

<sup>3</sup> Judas Jesure İna ñiatoni gotiru, “Jesure sıarã go yiru ana”, yi tũoĩayiju Judas. İti tũoĩacõri, “Queno yibiticu yu”, yi tũoĩa bojori bũjayiju Judas. Ito bajiri paia ujarãre, judio masa bũcũrãre cuni İna tu wacõri niyeru treinta tiri i bũjabojare jadacõayiju İnare. <sup>4</sup> Ado bajiro İnare yiyiju İ:

—Queno yibiticu yu. Ñe seti macugeti mũare oca menibojacu yu, İre mua ñiatoni, yiyiju i paia ujarãre.

Ito bajiro i yıbojarocati ado bajiro İre cãdiyjarã İna:

—Ito bajiro mu guare yibojaja, no yibea guare. Mureti seti naroja, yiyijarã ina Judasre.

<sup>5</sup> Ito ina yija tuocõri, Dios ya wiju niyeru kujiri rea bateyiju Judas. Ito yi, budicoayiju. Budi wacõri yucugujũ mujayiju. Mujacõri imasiti i ya amumaju jũgũbo cano yicõri quedi yuca godayiju.

<sup>6</sup> Dios ya wiju niyeru kujiri i rea batere mioyijarã paia ujarã. Itire amicõri ado bajiro yiyijarã:

—Adi niyeru mani sãarocure i goticati waja nacãre nacũ adiamã. Siãre waja mani waja yire ñã. Ito bajiri Diore yiari masa ina niyeru sãri jedoju sãdo ma, yiyijarã ina.

<sup>7</sup> Sigũre bajiro tuoãcõri, “Riri goje ñari sitaju waja yiana mani”, yi tuoãyijarã ina. “Iti sita ñaro yiroja gaje masare mani yujeroti sita”, yi tuoãyijarã ina. <sup>8</sup> Ito bajiri adi sita adi rumuri cuni, siãre wajana ina waja yira sita wame cutia maji. <sup>9-10</sup> Ito bajiro ina yija jane mejeju Diore goti isiri masu Jeremias ñayoru i ucare ado bajiro bajiadoja: “Treinta niyeru kujiri ñarise amicõri riri goje ñari sita waja yiyijarã ina, Dios i amocãdo bajiroti. Itocõti waja cutiami sigũ amugũ”, yi tuoãyijarã Israel sita gãna”, yi ucañi Jeremias ñayoru. I ucado bajiroti rãta adi.

*Pilato Jesure i senĩare gaye*  
(Mr 15.2-5; Lc 23.3-5; Jn 18.33-38)

<sup>11</sup> Jesure ami wacõri Romano masa uju Pilato wame cutigu tu ami ejayijarã ina. Ito bajiri i riojo rũgõyiju Jesus. I Jesure ado bajiro seniayiju:

—¿Mutĩ ñati judio masa uju? yiyiju i Jesure.

—Mu yiro bajiroti bajia, yiyiju Jesus ire.

<sup>12</sup> Ito i yija tuocõri, paia ujarã, judio masa bucũrã cuni, “Iti ñami ñeñaro yigu. Queno yigu meje ñami i”, ina yibojaja, ñare cudi ñuca yibisiju Jesus. <sup>13</sup> Ito bajiro Jesure ina busituja tuocõri, ado bajiro seniayiju Pilato Jesure:

—Ito bajiro mare ina seti yija, ¿tuobeati mu? yiyiju i Jesure.

<sup>14</sup> Ito i yibojarocati cudibisiju Jesus ire. I cudibeja tuocõri, tuoia oca jai rũgõyiju Pilato. Ito bajicõri ñe tuoiare mañiju ire.

*Jesure sãaraja mani, ina yire gaye*  
(Mr 15.6-20; Lc 23.13-25; Jn 18.38-19.16)

<sup>15</sup> Pascua basa ñari rumare ado bajiro yisotiyiju romano masa uju. Tubiara wiju ñarãre “Ire bure amoa gua”, ina yi besegure bucõasotiyiju i, basa ñari rumu.

<sup>16</sup> Iti rumuri tubiara wiju ñayiju sigũ, masa jeyaro ina masi jedigu Barrabás wame cutigu. <sup>17</sup> Masa ina minijua ñaroca ado bajiro seniayiju Pilato:

—¿Nimujare yu bucõare amoaati mua? ¿Barrabásre, Jesucristo mua yigure bucõagãtite? yi seniayiju Pilato.

<sup>18</sup> “Jesure tuo junisinicõri yare isicã no cuni”, yi tuoia wacu ito bajiro yiyiju Pilato.

<sup>19</sup> Gãjerã ujarã rãca Pilato i rujiroca i manajo ire oca cõayijo: “Ñeñaro yibesa ire. Ñe seti macũ ñami. Guijoro cãimu yu i gaye. Ito bajiri bũto oca jaia yu”, yi oca cõayijo iso, iso manujure.

<sup>20</sup> Paia ujarã, judio masa bucũrã cuni, “Barrabásjũare bucõa rotiya mua”, yiyijarã ina masare. “Ito yicõri Jesure sãa rotiya mua”, yiyijarã ina masare. Ito bajiro ina yijare ito bajiroti tuoãyijarã masa cuni. <sup>21</sup> Ito ina yija bero masare mucana ado bajiro seniayiju uju Pilato:

—¿Nijũare yu bucõare amoaati mua? yi seniayiju Pilato ñare:

—Barrabásjũare mu bucõare amoa gua, yiyijarã ina Pilatore.

<sup>22</sup> Ito ina yija tuocõri, ado bajiro ñare seniayiju i:



—¿No bajiro yiguti yu Jesure, Cristo mua yigureama? yi seniŷayiju i masare. Ito i yija ina ñarocōti ado bajiro ire awasā cudiyyjarā:

—Yucutēoju ire jaju siacōña ma, yiyijarā ina.

<sup>23</sup> Ito ina yija tuocōri:

—¿Ñeonire ñeñaro yicati āni? yiyiju Pilato ñnare.

Ito i yibojarocati mucana tūdi awasāyijarā ina:

—Yucutēoju jaju siacōña ire, yiyijarā ina Pilatore.

<sup>24</sup> Ito ina yija tuocōri, “No robojua yi masibicuja yu”, yi tuoŷayiju Pilato. “Ina āmoro bajiro yu yibeja, ñnamasiti gāmeri birarā yirāji”, yi tuoŷayiju Pilato. Ito bajiro tuoŷacōri ide āmi rotiyiju i. Ito yicōri masa ina tiro riojo āmo coecōri ado bajiro gotiyiju i masare:

—Āni ñeñaro yibicure mua siŷaja, yure seti ma. Muareti seti ña, yiyiju i masare.

<sup>25</sup> Ito i yija tuocōri, masa ñajediro ado bajiro ire cudi jediyijarā:

—Gua, gua riare cuni seti ñaro yiroja ire gua siŷaja, yiyijarā ina Pilatore.

<sup>26</sup> Ito yija bero Barrabásre bucōayiju Pilato. Ire bucōacōri i ya surarare ŷisyiju Pilato Jesure ina bajetoni, ito yicōri yucutēoju ina jaju siatoni.

<sup>27</sup> Jesure āmi wacōri uju ya wiju āmi ejayijarā ina. Surara jeyaro Jesure gāni bia rūgūyijarā. <sup>28</sup> I sñānarise yutabuju ruacōri, uju i sñānarise sūari buju ire sāyijarā. <sup>29</sup> Ito yicōri jota bedo ina menira bedo Jesure rijogaju jeoyijarā ina. Ito yicōri riojocaduja āmo jota jāi ŷisyijarā. Uju i rucōri jāi bajiri jāi ire ŷisyijarā ina. Iti ire ŷi tūcōri i riojo rijomunigāna ñini rūjūyijarā ina. Gaje ado bajiro ire aja tudiyijarā:

—Judio masa uju yoari catiba ma, yiyijarā ina Jesure.

<sup>30</sup> Ito yicōri go ide ire eobate guyijarā ina. I rucōri jāi ēmacōri i ya rijogaju jayijarā ina. <sup>31</sup> Ito bajiro ire ja tūdi tūcōri i ya yutabuju sūaro ruayijarā ina mucana. Ito yicōri i yaro ñnasoadojūare sāyijarā. Yutabuju sā tūcōri yucutēoju jaju siarona ire āmi wayijarā ina.

*Yucutēoju Jesure ina jaju siare gaye  
(Mr 15.21-32; Lc 23.26-43; Jn 19.17-27)*

<sup>32</sup> Cuto sōjua ire āmi warāju siḡū Cirene gagu Simón wame cutigure bocayijarā ina. Ire bocacōri Jesús gajari tēo gaja rotiyijarā ina ire.

<sup>33</sup> Ito haji warāju Gólgota wame cutiriju ejayijarā ina. “Rijoga gōa iti ñariju”, yireoni ña Gólgota yire. <sup>34</sup> Ito ejacōri Jesure uyé ide jiarise wuocōri ioyijarā ina. Itire idiŷacōri itocō idi jidicāyiju Jesús.

<sup>35</sup> Jesure yucutēoju ina jaju tōja bero, “Ñimajua i ya yutabuju bujaja tiana mani”, yirona gūta ajerina rea ajeyyijarā ina. Ito bajiro ina yija Diore goti ŷisiri masu ñayoru i ucado bajiroti rētayiju. Ado bajiro ucayoñi i. Tuote: “Yu ya yutabujure ñnmasi gāmeri batorona gūta ajerina gāmeri rea ajecā ina”, yi ucayoñi Diore goti ŷisiri masu. <sup>36</sup> Ito bajiro aje tūcōri ire code rujiyyijarā surara. <sup>37</sup> Jesús ya rijoga weca rujajāi uca wōyijarā ina. “Adi seti ña ire”, yira jāi uca wōyijarā ina. “Āniti ñami Jesús judio masa uju”, yi wāñayiju iti jāiju.

<sup>38</sup> Jesús rāca jūarā riniri masa jaju ecoyijarā. Siḡure i ya riojocaduja, gājire i ya gācoduja jaju rūḡōyijarā ina. <sup>39</sup> Masa ina rētaja, rijogari yureyure yi rētayijarā ina Jesure busiturā. <sup>40</sup> Ado bajiro yi aja tudiyijarā ina Jesure:

—“Dios ya wire jore batecācōri mucana udiā ramu beroti menicōḡū yigūja yu”, ma yigu ñaja mamasiti ma ya rujure masogū yigūja ma. “Riti Dios Macu

ña ya", mu yijama, mamasiti yucutēore rujigogu yigūja mu, yi aja tudiyijarā ina Jesure.

<sup>41</sup> Paia űjarā, judio masa rotirise riasori masa, ina masa bũcũrā cuni ito bajiroti Jesure aja tudi űyijarā ina.

<sup>42</sup> —Gājerāreama masobojañi. Ī ito bajibo jagati ĩ ya rujareama maso masibeami ĩ. Judio masa űju mu ñaja yucutēore rujigogu yigūja mu. Ito bajiro mu yiya ticōri, mare tuorũnũrā yirāji gna. <sup>43</sup> “Dios Macũ ña ya. Īre tuorũnũna ya”, yicu mu. Ito bajiri mare ĩ maija ĩmasiti mare masogũ yiguñji, yi aja tudiyijarā ina.

<sup>44</sup> Jũarā ĩ rāca yucutēoju jaju ecoana rācati bũsituyijarā Jesure.

### *Jesũs ĩ űsi jedire gaye*

*(Mr 15.33-41; Lc 23.44-49; Jn 19.28-30)*

<sup>45</sup> Ito yiya űmacañi riojo ñabojarcoti rāitĩacoayiju ĩja. űdiaji cōrecō rāitĩa űyiju.

<sup>46</sup> Ito yiya ñamica tres ñaroca sēoro ado bajiro awasāyiju Jesũs:

—Eli Eli, ĩlama sabactani? yiyiju Jesũs. “Dios ya Jacũ, ĩno yiya yũre jidicāti mu?” yireoni űyiju iti ĩ awasārise.

<sup>47</sup> Coriarā itiju ñana ĩ awasāja tuocōri, ado bajiro yiyijarā ina:

—Diore goti ĩsiri masũ Elías ñayore jigũ yirũ ĩ, yiyijarā ina.

<sup>48</sup> Sīgũ ĩre aja tudigũ űmaquedi wacōri ide udi āmirisena űyẽ ide jiare weoyiju. Yucũna sia wōcōri Jesũs ya rise tu űtubojayiju. Idibisiju Jesũs. <sup>49</sup> Ito bajiro ĩ yijarocati ado bajiro yiyijarā gājerā:

—Yibesa mu ito bajicōato. Elías ñayoru ĩre masogũ ejaja tiana mani, yiyijarā ina.

<sup>50</sup> Mũcana susari oca sēoro awasācōri űsi jediyiju Jesũs. <sup>51</sup> Itiju Dios ya wi yobiado saya webũtiro űmacũjuana ñigā ruji wadicōri jacaju ñigā ruji ejacoayiju. Ito yicōri sita űeyiju. Gũtagāri cuni wadicoayiju. <sup>52</sup> Masari cumari cuni janacoayiju. Ito bajicōri jājarā Diore tuorũnũrā tudi catiyijarā. <sup>53</sup> Ito bajiri masari cumaju ñana budiyijarā ina. Budicōri Jesũs ĩ tudi catija bero Jerusalenju Dios ĩ mairi cutoju wa ucuyijarā ina. Masa jājarā tiyijarā ĩnare, ina wa ucuja.

<sup>54</sup> Jesũs yucutēo ĩ yosaroca maji, surara ina űju cuni code űyijarā maji. Sita iti űeja, ito yicōri gaje iti rētaja ticōri, bũto gũyijarā ina. Ito bajiri ado bajiro yiyijarā:

—Riti baja, Dios Macũti ñabojañi āni, yiyijarā ina.

<sup>55</sup> Jājarā romia cuni sōju ti rũgōyijarā. Galilea sita Jesũs ĩ ñaroca maji ĩre sũyasũoyijarā ina. Ito yicōri ĩre ejabũasotiyijarā. <sup>56</sup> ĩna wato űyijo María Magdalena, ito yicōri María Santiago, Josẽ jaco. Zebedeo rĩa jaco cuni űyijo.

### *Jesure ina yujere gaye*

*(Mr 15.42-47; Lc 23.50-56; Jn 19.38-42)*

<sup>57</sup> Iti rāio wadiroca sīgũ Josẽ wame cũtigũ Arimatea gagũ ejayiju. Niyeru jaiũ űyiju ĩ, ito yicōri Jesũs rāca riasotigoru űyiju. <sup>58</sup> Jesure yujerocũ Pilatore senigũ wayiju Josẽ. Pilato tu ĩ ejaja ĩ seni ejaro bajiroti rotiyiju ĩ. <sup>59</sup> Ito ĩ yiya tuocōri, Jesũs ya rujure rujigogu wayiju ĩ. ĩre rujiocōri saya űeri manona ĩre gũmayiju. <sup>60</sup> Ito yicōri masari cuma mamaju gũta toti ĩ menirajauju ĩre cũyiju. Ito yicōri masari cuma soje gũtagā jajocana biacũ, wacoayiju. <sup>61</sup> Ito bajiro ĩ yiroca masari cuma riojo María Magdalena, ito yicōri gajeo María ruji codeyijarā ina.

*Jesũs ya masari cuma ina codere gaye*

<sup>62</sup> Gaje rumuti ñayiju tujacāra rumu. Iti rumuti paia ujarā, fariseo gaye tñoīarā cūni Pilatore busirā wayijarā. <sup>63</sup> Ado bajiro ĩre gotiyijarā ĩna:

—Gua uju tuoya: Jesús socari masu ĩ yicati gaye masi bujabu gua. “Udia rumu bero mūcana tūdi caticūja yu”, yiquĩ ĩ godaroto riojua. <sup>64</sup> Ito bajiri ĩ ya masari cuma soje tu surara code roticōaña ĩ rāca riasotigoana ñami ĩ ya ruju rinime yirocu. ĩ ya rujare ĩna āmija, “Godaru ñabogati mūcana tūdi caticoami”, yirā yirāji ĩna. Ito bajiro ĩna yija cajero ruocato rēto busaro socarā yirāji ĩna, yiyijarā ĩna Pilatore.

<sup>65</sup> Ito ĩna yija tuocōri, ado bajiro yiyiju Pilato:

—Mūare cūni coderi masa ñacāma. ĩnareti tirūnu rotiba. Queno ĩna tirūnuja quena ñaro yiroja, yiyiju Pilato fariseo gaye tñoīarāre.

<sup>66</sup> Ito ĩyija tuocōri, Jesús ya masari cumare, coderi masare code roti cūyijarā ĩna. Ito yicōri, “Adi masari cumare jana yibesa mūa”, yire gaye wame wōyijarā ĩna masari cumaju.

## 28

### *Jesús ĩ tūdi catire gaye*

*(Mr 16.1-8; Lc 24.1-12; Jn 20.1-10)*

<sup>1</sup> Tujacāra rumu iti jediroca mūcana moasura rumu iti busu mūja wadiroca María Magdalena ito yicōri gajeo María, Jesús ya masari cumaju tirā wayijarā ĩna. <sup>2</sup> Ito ĩna waroca ñajasaroti sita ueyiju. Sīgū ángel ruji ejayiju. Ruji ejacōri masari cuma gūta ĩna biabojaragare janayiju ĩ, ito yicōri itiga joere rujiyiju. <sup>3</sup> Bujo ĩ borea yirisere bajiro yogu ñayiju ĩ, ito yicōri ĩ ya yutabuju cūni bato botirise ñayiju. <sup>4</sup> ĩre ticōri gūirā ĩna ya rujari nuuoyijarā coderi masa. Godacāna robo bajiro ñayijarā ĩna. <sup>5</sup> Ito yija ángel ado bajiro yiyiju romiare:

—Gūibesa mūa Jesús yucutēoju ĩna jaju sīarure āmarā ya mūa, yu tija. <sup>6</sup> Mami ado. ĩ goticādo bajiroti tūdi caticoañi. ĩre cūgoraju tirā wadite mūa. <sup>7</sup> Coji wasa ĩ rāca riasotigoanare gotitēña. “ĩ gotiado bajiroti mūcana tūdi caticoañi”, yiba. “Mani rioju busa Galileaju warocu ñayiju ĩ. Itoju ĩre tirā yirāji mani”, yī gotiba mūa Jesús rāca riasotigoanare, ya yu mūare, yiyiju ángel.

<sup>8</sup> Ito ĩ yija tuocōri, masari cuma budicōri gūi ũmaquedi wayijarā ĩna. Gūibojarāti bato wanure rāca Jesús rāca riasotigoanare gotirā wayijarā romia. <sup>9</sup> ĩna wabojaroca riti ĩnare seniña ejayiju Jesús. “¿Ñati mūa?” ĩ yija tuocōri, bato wanuyijarā ĩna. Ito bajiri ĩre rucubūorā ĩ ya gabo wana cūnyijarā ĩna. <sup>10</sup> Ado bajiro yiyiju ĩ ĩnare:

—Gūibesa mūa. Yu rāca riasoticānare oca gotitēña. “Galileaju wajaro. Itoju ĩre tirā yirāji mani”, yiba ĩnare, yiyiju Jesús romiare.

### *Ado bajiro bajiyija, yī surara ĩna gotire gaye*

<sup>11</sup> Romia ĩna wagoja bero masari cuma code ñana cutōju ejacōri paia ujarāre gotiyijarā iti rētado bajiroti. <sup>12</sup> Iti oca tuocōri judio masa busarā rāca busirā wayijarā paia ujarā. Sīgūre bajiro tñoīacōri coderi masa ruori oca ĩna gotitoni ĩnare jairo niyeru ĩsiyijarā ĩna. <sup>13</sup> Ado bajiro ĩnare ruo rotiyijarā ĩna:

—“Ñami gua canigoja bero Jesús rāca riasotigoana ĩ ya rujare āmirā ejañi ĩna”, yī goti batoba mūa masa jeyarore, yiyijarā paia ujarā ito yicōri judio masa busarā cūni. <sup>14</sup> Mūa ruo gotirise uju ĩ tuo masija guamasiti mūare busi queno ĩsirā warā yirāji, yiyijarā ĩna coderi masare.

<sup>15</sup> Iti niyeru boca ãmi tĩocõri, ãnare ãna rotiro bajiroti r̃ao goti ucurã wayijarã ãna. Ito bajiri adi r̃am̃ari c̃ani, “T̃udi catig̃u meje yiñi Jesũs. Ĩ r̃ãca r̃iasotiri masa rinirã yiñi ãna”, yire gaye b̃asiama judio masa adi r̃am̃ari c̃ani.

*Ado bajiro ỹu oca masare r̃iasoba m̃ua, yi Jesũs ĩ rotire gaye  
(Mr 16.14-18; Lc 24.36-49; Jn 20.19-23)*

<sup>16</sup> Jesũs t̃udi catire, romia ãna gotija t̃uocõri, Galileaj̃u wac̃u g̃ua. “Ito g̃utag̃u joej̃u bocatiba m̃ua”, g̃uare ĩ yiadoj̃u wac̃u g̃ua. <sup>17</sup> Itoj̃u ejacõri Jesure tic̃u g̃ua. Ito bajiri ĩre r̃ãc̃ab̃uorã wañuc̃u g̃ua. Coriarã, “Ĩ meje ñaguĩji”, yi t̃uoiacã ãna.

<sup>18</sup> Ito yija ado bajiro g̃uare yiquĩ Jesũs:

—Ũmac̃uj̃u adi tutij̃u c̃ani ỹu rotire gaye jeyaro jidicãmi ỹu Jac̃u Dios ỹure.

<sup>19</sup> Masa jeyarore oca goti ucurã, oca goti ucuteñã m̃ua. Ỹu ya oca t̃uor̃ãñaroca yiba ãnare. Ỹure ãna t̃uor̃ãñuja ticõri, ỹu Jac̃u wame, Espiritu Santo wame, ỹu wame r̃ãca ãnare idẽ guba m̃ua. <sup>20</sup> Jeyaro ỹu rotirise ñarocõti ãna c̃aditoni ãnare r̃iasoba. “Co r̃am̃u r̃uyabeto mani r̃ãca ñasotig̃u yiguĩji Jesũs. Adi mac̃ãr̃uc̃ãro iti jediroto r̃ioj̃uaji mani r̃ãca ñasotig̃u yiguĩji ĩ”, yi t̃uoiama m̃ua, yiquĩ Jesũs g̃uare. Itocõ ña.

## El santo evangelio según San Marcos

*Yucꝰ manojꝰ Juan idé guri masꝰ ĩ ña ucure gaye*  
(Mt 3.1-12; Lc 3.1-9,15-17; Jn 1.19-28)

<sup>1</sup> Jesucristo oca mꝰare gotigꝰ ya yꝰ. ĩti ñami Dios Macꝰ. Ito yicõri ado bajiro ñasꝰoa ĩ oca quenarise gotire gaye. <sup>2</sup> Jane mejeꝰ sīgꝰ Diore goti ĩsiri masꝰ ñayijꝰ. Isaías wame cutiyijꝰ ĩ. Dios ĩ Macꝰre ĩ bꝰsigore ucañi Isaías ñayogꝰ. Ado bajiro ucayoñi ĩ:

Tꝰoya yꝰ Macꝰ mꝰ. Mꝰ riojꝰa gājire cõagꝰ yigꝰja yꝰ. Juan wame cutigꝰ yiguĩji ĩ, yꝰ oca gotiri masꝰ. Mꝰ ejaroto riojꝰa masare gotigꝰ yiguĩji, mꝰ ejaroti gaye ĩna bocatitoni, yiyijꝰ Dios ĩ Macꝰre.

<sup>3</sup> Yucꝰ manojꝰ masare jigꝰ yiguĩji Juan. Ito yicõri sēoro ado bajiro ĩnare gotigꝰ yiguĩji: “Ña yucãña mꝰa. Nocõ mejeti mani Ujꝰ ejaꝰ yiguĩji. Ñeñarise yimenati quenarise riti tꝰoĩaña mꝰa”, yigꝰ yiguĩji Juan, yiyijꝰ Dios ĩ Macꝰre, yĩ ucañi Isaías ñayogꝰ.

<sup>4-6</sup> Ado bajiroti rētayijꝰ ĩ ucure. Yoari ĩ ucaja bero yucꝰ manojꝰ ñasotiyijꝰ Juan. ĩ sãñari buju camello joa ñayijꝰ. Ito yicõri ĩ wēñuri wiwo weꝰ wiwo ñayijꝰ. Rujiro ñimia ñayijarã ĩ bana. Ito yicõri searã beroa ide ñayijꝰ ĩ ya bare. ĩre tꝰorã wadiyijarã masa Judea sita gāna. Jerusalén wame cutiri cuto gāna cꝰni ĩre tꝰorã wadiyijarã ĩna yucꝰ manojꝰre: “Mꝰa ñeñaro yirise jidicãcõri mꝰcana tꝰdi uyabesa. Tꝰdi tꝰoĩa uya yibesa. Mꝰa ito yija ticõri, ñeñaro mꝰa yirise ãcaboꝰogꝰ yiguĩji Dios. Ito mꝰa yija bero idé gu rotiba mꝰa”, yiyijꝰ Juan masare.

Ito yija masa ñeñaro ĩna yirise Diore ĩna gotija bero Jordán wame cutirisajꝰ ĩnare idé guyijꝰ Juan. <sup>7</sup> Ito yicõri ado bajiro masare riaso bꝰsiyijꝰ ĩ:

—Yꝰ bero gāji wadigꝰ yiguĩji. Yꝰ rēto bꝰsaro masigꝰ ñami ĩ. ĩre bajiro bajigꝰ meje ña yaama. Yꝰ rētoro quenagꝰ ĩ ñajare ĩ rãca corocõ ñado ma yꝰ. Ito bajiro quenagꝰ meje ñacõri ĩ ya gꝰboco õja masibea yꝰ. <sup>8</sup> Diore mꝰa tꝰorãñaja ticõri, idena mꝰare gubꝰ yꝰ. Yꝰ bero ejaꝰ ĩama Dios ya usi mꝰare queo sãgꝰ yiguĩji, yiyijꝰ Juan masare.

*Jesure idé gure gaye*  
(Mt 3.13-17; Lc 3.21-22)

<sup>9</sup> Iti rãmꝰriti Galilea sita Nazaret wame cutiri cutore wacoayijꝰ Jesús. Wacõri Juan tꝰ ejayijꝰ Jesús. ĩ ejaroca Jordán wame cutirisajꝰ ĩre idé guyijꝰ Juan. <sup>10</sup> Jesús riacã maja rãgꝰcõri ĩ ti mꝰoja, macãꝰcãro soje janayijꝰ. Ũmacãjꝰ ĩ ti mꝰorocati bujare bajiro bajigꝰna quedi sãja wadicõri, Jesús joe quedi jeayijꝰ Espiritu Santo. <sup>11</sup> Ito bajija bero macãꝰcãroꝰ oca ruyuyijꝰ. Ado bajiro gotiyijꝰ itĩ:

—Yꝰ Macꝰ ña mꝰ, yꝰ maigꝰ. Bꝰto wanꝰa yꝰ mꝰre, yĩ ruyuyijꝰ oca.

*Rãmꝰa uꝰ Jesure ĩ usirio codere gaye*  
(Mt 4.1-11; Lc 4.1-13)

<sup>12</sup> Itijꝰti yucꝰ manojꝰ Jesure ãmi wayijꝰ Espiritu Santo. <sup>13</sup> Itoꝰ ñayijꝰ Jesús jãarã masacõ rãmꝰri. Itoꝰ Jesús ĩ ñaroca, “¿Diore riti cudigꝰ yiguĩjida Jesús?” yiroꝰ ĩre usirio codeꝰ ejayijꝰ Satanás wame cutigꝰ. Ito ĩ yibojarocati Diore

cudibiticō yibisijū Jesús. Gājerona jeyaro wato ñayijū Jesús. Ito yicōri Dios ñaro gāna ángel mesa ñre codeyijarā.

*Galilea sitajū Jesús ĩ riasosñore gaye*  
(Mt 4.12-17; Lc 4.14-15)

<sup>14</sup> Iti rumārī Juanre ñna tubiaja bero Galileajū wacoayijū Jesús. Galileajū ejacōri masare Dios oca quenarise riasoyijū Jesús. <sup>15</sup> Ado bajiro yiyijū Jesús masare:

—Itocō ña waju ĩja. Jabeto ruya ñre tuorñurāre Dios ĩ miojuroto. Ito bajiri ñeñaro mua yirisere tuoña bojori bujacōri itire jidicāña mua. Dios oca quenarisejua riti tuorñuñaña mua, yi riasoyijū Jesús ñnare.

*Wai jori masa jñariarāre Jesús ĩ jire gaye*  
(Mt 4.18-22; Lc 5.1-11)

<sup>16</sup> Itajura Galilea wame cutirita tunima rāja wayijū Jesús. Ito rāja wacujū Simón ito yicōri ĩ ocabaji Andrésre cuni ti bujayijū Jesús. Wai jori masa ñayijarā ñna. Yori yucarina wai waya ñayijarā ñna. <sup>17</sup> Ito yija ado bajiro yiyijū Jesús ñnare:

—Yū rāca waya. Masare jirā yirāji mua, Diore ñna masitoni, yiyijū Jesús ñnare.

<sup>18</sup> Ito ĩ yirocati yori yucari cūcōri ĩ rāca sūya wayijarā ñna.

<sup>19</sup> Ito yija ito sōjūa busa wa remoyijū Jesús. Jabeto wa remocōri Santiago, ĩ ocabaji Juanre cuni ti bujayijū Jesús. Zebedeo rīa ñayijarā ñna. Cumajū ñna ya yori yucari sia queno sñayijarā ñna. <sup>20</sup> ñnare ticōri ñnare jiyijū Jesús. Cumajūti ñna jacū Zebedeore cū wayijarā ñre ejabuari masare cuni. Ito bajiri Zebedeo rīa Jesús rāca wacoayijarā ĩja.

*Rāmú sñāgāre rāmūre Jesús ĩ bucōare gaye*  
(Lc 4.31-37)

<sup>21</sup> Wacōri Capernaum cutojū ejayijarā ñna. Co rumū judio masa ñna tujacāri rumū minijuara wiju sājayijū Jesús. Ito sājacōri masare riasosñoyijū Jesús.

<sup>22</sup> Ujū ñasagu robo bajiro masare riasoyijū Jesús. Judio masa rotirise riasori masare bajiro meje riasoyijū Jesús. ñna rēto busaro queno riaso masiyijū ĩ. Ito bajiri Jesús ĩ riasorise tuocōri ucayijarā ñna. <sup>23</sup> Minijuara wiju ūmugū sīgū ñayijū ĩ ya usijū rāmú sñāgā. Ado bajiro awasāyijū ĩ:

<sup>24</sup> —Mure ti masia gua. Jesús ña mū, Nazaret wame cutiri cuto gagū ña mū, yiyijū rāmú sāja ecorū. ¿No yigū yigujada mū guare? ¿Guare bucōarocu ejari mū? Mure ti masia gua. Dios queno ĩ cōaru ña mū. Dios ĩ maigū ña mū, yi awasāyijū rāmú sāja ecorū Jesure.

<sup>25</sup> Ito yija Jesús rāmūre busi rotibisijū:

—Busibesa mū, ito yicōri budigoya mū ĩ ūmugāre, yi tudiyijū Jesús rāmūre.

<sup>26</sup> Ūmugāre usi jedi quedicōri ĩ tunuroca yiyijū rāmú. Ito yicōri rāmú buto awasācōri masare budigoyijū ĩja. <sup>27</sup> Ito bajija ticōri, masa ñarocōti ucayijarā. Ito yicōri ñnamasiti gāmeri seniñayijarā:

—¿Ñe ñatibeti? yiyijarā ñna. ¿Ñe ñatibeti mame ĩ riasorise? Āni ūmugū rāmūare bucōare buto masiami. Ito bajiri yiro robo cudiana rāmūa ñre, yiyijarā masa.

<sup>28</sup> Nocō mejeti Jesús ito ĩ yija bero Galilea sita gāna ñarocōti masi jedicoayijarā.

*Pedro mañicōre Jesús ĩ yisioire gaye*  
(Mt 8.14-15; Lc 4.38-39)

<sup>29</sup> Ito yija Jesús budi wayijū minijuara wiju. Santiago ĩ ocabaji Juan rāca cuni wayijū Jesús. Minijuara wiju budi wacōri Simón ya wiju ejayijarā ñna. ĩ

ocabaji Andrés rāca ĩna jūarā ya wi ñayiju iti wi. <sup>30</sup> Wiju ĩna sāja ejaroca Jesure gotiyijarā ĩna: “Simón mañicō cōgō yamo. Rujū yarise cō yosamo iso”, yiyijarā ĩna. <sup>31</sup> Ito yija Jesús iso tū eja rūgācōri ĩ ya āmona tūa jōrojōyiju. Ito ĩ yirijuti iso rujū yarise jedicoayiju. Ito bajiri iti jediroca masare eca bocasuyijo iso.

*Jājarā ñarise cutirāre Jesús ĩ yisioire gaye*

(Mt 8.16-17; Lc 4.40-41)

<sup>32</sup> Iti ñamica rāiocūroti cōrāre, ĩna ya usiju rūmá sāñarāre cūni Jesús tū āmi ejayijarā ĩna. <sup>33</sup> Iti cūto gāna ñarocōti soje tū minijuayijarā. <sup>34</sup> Jeyaro ñarise cōrāre yisioyiju Jesús. Ito yicōri ĩna ya usiju rūmá sāñarāre rūmáa bucōayiju Jesús. Rāmáa ĩre ĩna ti masija ticōri, ĩnare būsī rotibisiju Jesús.

*Minijuara wiju Jesús ĩ riasore gaye*

(Lc 4.42-44)

<sup>35</sup> Busucūro iti rāitāroca riti masa manojūa wayiju Jesús. ĩ Jacū Dios rāca būsirocū wayiju ĩ. <sup>36</sup> Ito yija Simón ĩ baba mesa rāca Jesús manija ticōri, ĩre āmarā wayijarā. <sup>37</sup> ĩre ti bujacōri ĩre būsijijarā ĩna:

—Masa jeyaro mure āmama, yiyijarā ĩna Jesure.

<sup>38</sup> Ito ĩna yibojarocati ado bajiro cūdiyiju Jesús ĩnare:

—Ita, gaje cūtoju wato mani. Itoju Dios oca quenarise gotito mani. Itire yiari wadicū yū, yiyiju Jesús ĩnare.

<sup>39</sup> Ito bajiri Galilea sitajūa wayiju Jesús. Galilea sitaju ejacōri Galilea sita ñari cūtoriju minijuara wiriju riaso ucuyiju Jesús. Ito yicōri ĩna ya usiju rūmáa sājanare rūmáare bucōayiju Jesús.

*Rujū camī jogagūre Jesús ĩ yisioire gaye*

(Mt 8.1-4; Lc 5.12-16)

<sup>40</sup> Rujū camī jogagū ejayiju Jesús tūju. ĩ tūju ejacōri ĩ ya rijomunigāna Jesús riojo ñini rūjūyiju. Ito bajiro rujicōri ado bajiro josayiju Jesure:

—Mū yūre yisio āmojama, yūre yisioyū ya mū, yiyiju rujū camī jogagū Jesure.

<sup>41</sup> Ito ĩ yija tūocōri, ĩre ti maiyiju Jesús. Ito bajiri ĩre moaīacōri ado bajiro yiyiju Jesús ĩre:

—Āmoa yū. Ito bajiri mure yisioyū ya yū, yiyiju Jesús camī jogagūre.

<sup>42</sup> Ito ĩ yirocāti ĩ ya rujū camī jogarise yati jedicoayiju ĩja. Quenari rujū, rujū cūticoayiju ĩja. <sup>43</sup> Iti yatija ticōri, būto ĩre goticōri wa rotiyiju Jesús camī jogagūre:

<sup>44</sup> —Tūoya mū. Yū mure yisiorisere goti batobesa gājerāre. Coji wasa. Mū ya rujūre ĩoña paire. ĩo tūocōri Moisés ñayorū rotiado bajiroti waja yiya. Ito bajiro mū yija ticōri, “ĩ ya rujū camī jogarise yati jedicoajū”, yi masirā yirāji masa mure, yiyiju Jesús ĩre.

<sup>45</sup> Ito bajiro, “Goti batobeja”, ĩ yibojarocati jeyaro masare goti batoyiju ĩ: “Yū ya rujū camī jogarise yisioquī Jesús”, yiyiju. Ito bajiro ĩ yija tūocōri, Jesús tū jājarā masa minijuayijarā, ĩre ti āmorā. Ito bajiri reco wa ucubisiju Jesús masa ĩna tiro riojo. Masa manojū ña ucuyiju Jesús ĩja. Ito ĩ yibojarocati jājarā masa ejayijarā mūcana ĩ tū, ĩre tūo āmorā.

## 2

*Rudurūre Jesús ĩ yisioire gaye*

(Mt 9.1-8; Lc 5.17-26)

<sup>1</sup> Yoa būsarijū Capernaumjū tūdi ejayiju Jesús mūcana. “Wiju ñaguīji Jesús”, masa ĩna yija tūocōri, ĩ tū jājarā masa minijuayijarā. <sup>2</sup> Ito bajiri wi daja

rētacoayiju. Dijū rāgōrajū mañijū. Soje cuni daja rētacoayiju. Dios oca masare riasoyiju Jesús. <sup>3</sup> Ito bajiro masare ī riasoroca ūmua juariarā ejayijarā rudurare āmi ejarā. <sup>4</sup> Masa jājarā ñaroju rudurare āmi ejabojayijarā ĩna Jesús tūju. Ito bajiri wī tutu joeju ĩre āmi maja wayijarā ĩna. Ito yī, Jesús rāgōro weca soje cudayijarā ĩna. Ito yicōri rudurare ī ya camana jidi rujioyijarā ĩna Jesús tūju. <sup>5</sup> “Yūre queno tuorūnāma ĩna”, yī ti masiyiju Jesús ĩnare. Ito bajiri rudurare ado bajiro yiyiju Jesús:

—Macu, mū ñeñaro yirise coecoaju mure, yiyiju Jesús rudurare.

<sup>6</sup> Ito ī yirocati, judio masa rotirise riasori masa tuoīa rujiyijarā. ĩnamasijua ado bajiro tuoīayijarā: <sup>7</sup> “¿No yija ito bajiro busiati āni ūmugū? Diore ñeñaro busiami. Gājerā ñeñaro yirisere coe masimenaji. Dios sīgūti ñaguñi itioni ñeñaro yirisere coe masigū”, yī tuoīayijarā ĩna. <sup>8</sup> Ito ĩna tuoīaroca Jesumasiti ĩnare tuoīa masicōyiju. Ito bajiri ado bajiro ĩnare seniñayiju ī:

—¿No yirā ito bajiro mua ya usiju tuoīati mua? <sup>9</sup> ¿No bajiro rudurare yu yija quenati mure? “Mū ñeñaro yirise coecoaju”, ¿yu yija quena ñarojada mua tuoīaja? “Wumña. Mū ya cama āmi wasa”, ¿yu yija quena ñarojada? ¿Disejua ñati josasabiti mua tija? <sup>10</sup> Masa Rījoru ña yu. Yu masirise mure ĩogū ya yu. “Adi sitaju masa ĩna ñeñaro yirisere coe masigū ñami Masa Rījoru”, mua yī masitoni, yu masirise mure ĩogū ya yu, yiyiju Jesús ĩnare.

Ito yicōri ado bajiro rudurare yiyiju Jesús:

<sup>11</sup> —Wumña. Mū ya cama āmiña. Mū ya wiju tudi wasa, yibu yu mure, yiyiju Jesús rudurare.

<sup>12</sup> Ito bajicōri rudurū wamuyiju ī ya cama āmigū. Masa jājarā tiro riojo wamū rāgū, budi wayiju macūju. Ito bajiri masa ñajediro tuo ucayijarā ĩja. Ito bajiri Diore rācuborā ado bajiro busiyijarā masa:

—Quenagūguti ñami Dios ĩja. Ado bajiriserē tīābiticu mani, yiyijarā masa.

*Levíre Jesús ĩjire gaye*  
(Mt 9.9-13; Lc 5.27-32)

<sup>13</sup> Mucana tudi wayiju Jesús itajura tñimaju. Jājarā masa minijuayijarā ĩ tu. ĩna ejaja ticōri, Dios oca ĩnare riasoyiju Jesús. <sup>14</sup> Ito rēta wacūju Levi wame cūtigare ti bujayiju Jesús. Alfeo macu ñayiju ī. Romano masa ujarā ye niyeru seniriju rujiyiju Leví. ĩnare yiari waja seni ĩsigū yiyiju Leví. ĩre ti bujacōri ado bajiro busiyiju Jesús ĩre:

—Yu rāca waya mū, yiyiju Jesús ĩre.

Ito ī yija tuoōōri, wamū rāgūyiju Leví. Ito yicōri Jesure sūya wayiju ī.

<sup>15</sup> Baraju ejaroca Leví ya wiju bayiju Jesús. Gājerā jājarā Jesús rāca rujiyijarā. Ujarāre yiari waja seni ĩsiri masa, ñeñaro yiri masa cūni, ito yicōri Jesús rāca riasotirā jājarā rujiyijarā ĩna. <sup>16</sup> Jesús gājerā rāca ī ba rujiroca fariseo gaye tuoīarā, judio masa rotirise riasori masa cūni ĩnare tiyijarā. Judio masa ñayijarā ĩna. Ñeñaro yirā rāca Jesús ī ba rujiya ticōri, Jesús rāca riasotirāre ado bajiro seniñayijarā fariseo gaye tuoīarā:

—¿No yija ujarāre yiari waja seni ĩsiri masa rāca, ñeñaro yirā rāca bati mure riasogu? yiyijarā ĩna ĩnare.

<sup>17</sup> ĩna ito bajiro busija tuoōōri, ado bajiro cūdiyiju Jesús ĩnare:

—Queno cati quenarāma uco masure āmado ma. Cōri masajua ñama uco masure āmorā. Queno ñari masare jigū meje wadibu yu. Ñeñaro yirāre jigū wadibu yu, yiyiju Jesús fariseo gaye tuoīarāre.



*Bamenati Diore rācubhore gaye*

(Mt 9.14-17; Lc 5.33-39)

<sup>18</sup> Co rŭmŭ Juan idé guri masŭ rāca riasotirā, fariseo gaye tŭoŭarā cŭni Diore tŭoŭa āmorā babisjarā ĩna. Ito bajiro ĩna babeja ticōri, ado bajiro Jesure seniāyjarā gājerā:

—Juan rāca sŭyarā Diore tŭoŭa āmorā babeama ĩna. Fariseo gaye tŭoŭarā rāca sŭyarā cŭni babeama ĩna. ¿No yija mŭ rāca riasotirāma batŭnati ĩna? yiyjarā ĩna Jesure tudirā.

<sup>19</sup> ĩna ito yijare cŭdiyijŭ Jesŭs:

—Queno tŭo masibeama mŭa. Queno tŭo masiŭna mŭa itire. Ado bajiro bajia iti. Āmo siare gaye tijaro yirona ĩna ji ņucana manoyo cŭtirocŭ ĩ ņajare ĩ rāca barā yirāji maji. <sup>20</sup> Co rŭmŭ ejaro yiroja ĩre ĩna ņia wari rŭmŭ. Iti rŭmŭ ņaro yiroja ĩja ĩna babiti rŭmŭ, yiyijŭ Jesŭs ĩnare.

<sup>21</sup> 'Saya bŭcŭro iti tadija, mamarona sere wōmenaji mani. Mamarona mani sere wōja tŭatu wato bŭcŭro tadioja. Ito bajicōri jaja goje bŭsa tadi waroja ĩja. Mame oca yŭ riasorise cŭni bŭcŭrā oca rāca tŭoŭa wisabesa, yiyijŭ Jesŭs ĩnare.

<sup>22</sup> Mŭcana ado bajiro gotiyijŭ Jesŭs:

—Ŭyé mame ide wecŭ wirowo baju bŭcŭ baju jiomenaji mani. Bŭcŭ baju mani jiojama wirowo cuducoaro yiroja. Ito yicōri idire, wirowo cŭni jŭajijŭ godaroja. Ito bajiro ŭyé mame ide wecŭ wirowo mama bajuna jioje ņaroja. Ito yicōri ŭyé ide, wecŭ wirowo cŭni corocō ņaro yiroja, yiyijŭ Jesŭs ĩnare.

*Jesŭs rāca riasotirā trigo ajeri beja āmicōri ĩna bare gaye*

(Mt 12.1-8; Lc 6.1-5)

<sup>23</sup> Judio masa ya tujacāra rŭmŭ wesecajŭ wayijŭ Jesŭs ĩre sŭyarā rāca. Ito ĩna waroca riti Jesŭs rāca sŭyarā weseca gaye ote beja āmiyjarā. Itire wirori sŭguē batecōri bayijarā ĩna. <sup>24</sup> Ito ĩna yija ticōri, fariseo gaye tŭoŭarā ado bajiro seniāyjarā Jesure:

—Tujacāra rŭmŭ moare ma. Tite mŭ. Mŭ rāca riasotirā weseca gaye ote ĩna beja baja, moado bajiro yama ĩna. Ito bajiro ĩna yija bŭcŭrā oca tŭorŭnŭbeama ĩna, yiyijarā fariseo gaye tŭoŭarā.

<sup>25</sup> Ito bajiro ĩna yibojarocati ado bajiro cŭdiyijŭ Jesŭs:

—Co rŭmŭ David ņayorŭ ĩ rāca gāna ņiocō wana ĩna yigore, ¿Dios oca tuti tŭiābiticati mŭa? Ado bajiro bajiyijŭ iti oca: <sup>26</sup> David Dios ya wi wayijŭ, paia ŭjŭ Abiatar wame cŭtigŭ ĩ ņaroca. ņiocōcōri Dios ya wi sājacōri naju ņasarise bayijŭ David. Diore naju cŭ ĩsire ņayijŭ iti. Ito yija Diore ĩsiado bajiro bajiyijŭ iti. Paia ŭjarā riti ĩna barise ņayijŭ iti naju. David itire bacōri ĩ rāca gānare cŭni ecayijŭ, yiyijŭ Jesŭs fariseo gaye tŭoŭarāre.

<sup>27</sup> Ito yicōri gaje ado bajiro gotiyijŭ Jesŭs ĩnare:

—Dios cŭyijŭ tujacāra rŭmŭ masa yeroti yiari. Masare ĩ rujeoroto riojŭna tujacāra rŭmŭ menibisijŭ Dios. Masa rujeoja berojŭnare tujacāra rŭmŭ meniijŭ Dios. <sup>28</sup> Ito bajiri yŭ ņa tujacāra rŭmŭ roti masigŭ. Yŭ ņa Masa Rŭjorŭ. Ito yicōri tujacāra rŭmŭ tirŭnŭgŭ ņa yŭ, yiyijŭ Jesŭs fariseo gaye tŭoŭarāre.

### 3

*Āmo digarŭre Jesŭs ĩ yisioire gaye*

(Mt 12.9-14; Lc 6.6-11)

<sup>1</sup> Mŭcana minijuarā wijŭ sājayijŭ Jesŭs. Itoju ņayijŭ ŭmŭgŭ ĩ ya āmo digarŭ.

<sup>2</sup> Fariseo gaye tŭoŭarā ado bajiro Jesure ti tŭoŭayjarā ĩna: “Jane tujacāra rŭmŭ ņabojarocati, ¿āni āmo digarŭre yisiojŭ yiguŭjida Jesŭs?” yi tiyijarā ĩna. “Ito

bajiro ĩ yija, ‘Seti ña ĩre. Ñeñaro yami’, yirā yirāji mani”, yi tuoĭa rujiyijarā ĩna. <sup>3</sup> Ito bajiro ĩna tuoĭa rujirocato ado bajiro yiyiju Jesús āmo digarare:

–Wamũña. Yu tu eja rügũña, yiyiju Jesús ĩre.

<sup>4</sup> Ito yicōri ito tu ñarāre ado bajiro seniñayiju Jesús:

–¿No bajiro manire cūyijari Dios tujacāra ramu mani yiroti? ¿Quenarise, ñeñarise ito yicōri cōrāre mani yisoroti, gaje mani yisiobeja, disejua quenati? yiyiju Jesús ĩnare.

Ito ĩ yija cūdire meje tuoiyjarā ĩna. <sup>5</sup> Ito bajiri āmo digarare ĩna ti maibeja ticōri, ĩnare junisini bajatobiti tiyiju Jesús. Ito yija āmo digarare ado bajiro busiyiju Jesús:

–Mu ya āmo ñu joya mu, yiyiju Jesús ĩre.

Ito ĩ yija tuoōri, ĩ ya āmo ñu joyiju ĩ. Ito yijare ĩ ya āmo quenacoayiju mɛcana. <sup>6</sup> Ito yija fariseo gaye tuoĭarā budi wayijarā Herodes ĩ ñarā rāca busirona. “¿No bajiro Jesure sĭarujati?” yi gāmeri busiyijarā ĩna.

### *Itajura tunimaju masa jājarā ĩna ejare gaye*

<sup>7</sup> Ito yija bero Jesuama wacoayiju ĩ rāca riasotirā rāca itajura tunimaju. Galilea gāna masa jājarā sɛya wayijarā ĩre. <sup>8</sup> “Tiyamani jaje ĩoami Jesús”, masa ĩna yija tuoōri, jājarā masa Jesús tu ejayijarā. ĩna ñayijarā Judea gāna, Jerusalén gāna, Idumea gāna, Jordán siduja gāna, Tiro gāna ito yicōri Sidón gāna. ĩre tirona ejayijarā ĩna. <sup>9-10</sup> Jājarā cōrāre Jesús ĩ yisioja tuoōri, masa jeyaro ĩre moaĭa āmoyijarā ĩna. Ito bajiri ĩ rāca riasotirāre ado bajiro rotiyiju Jesús: “Cuma ruco yucāma mua. Masa jājarā yure ĩna gāni biaja, cumaju sĭarocu ya yu”, yiyiju Jesús ĩnare.

<sup>11</sup> ĩna ya usiju rāmú sĭñarā Jesure ticōri ĩ riojo rijomunigāna ñini rŭjŭcōri awasĭyijarā ĩna:

–Matĭ ña Dios Macu, yiyijarā ĩna Jesure.

<sup>12</sup> Ito bajiro ĩna yija tuoōri: “Ito bajiro masare goti batobesa mua”, yiyiju Jesús ĩna ya usiju rāmú sĭñarāre.

### *Jua gubojeno apóstol mesare Jesús ĩ besere gaye*

*(Mt 10.1-4; Lc 6.12-16)*

<sup>13</sup> Ito bero tariaju maja wacōri, ĩ āmorāre bese jiyiju Jesús. Ito bajiri ĩ tu ejayijarā ĩna. <sup>14</sup> Jua gubojeno ñarāre riti jiyiju ĩ. ĩ rāca ñaronare riti jiyiju ĩ. Ado bajiro ĩnare gotiyiju Jesús: “Yu ya oca goti ucurā ñarā yirāji mua. Ito yicōri masare riaso ucurā ñarā yirāji mua”, yiyiju Jesús ĩnare. <sup>15</sup> “Yu masirise mware ĩsigū ya yu, rāmúa sĭñanare rāmúare mua bucōatoni”, yiyiju Jesús ĩnare.

<sup>16</sup> Āna ñama jua gubojeno ñarā Jesús ĩ beseana: Simón wame cutigure gaje wame wōyiju Jesús. Ito bajiri Simón Pedro wame cutiyiju ĩ. <sup>17</sup> Gājerā ñayijarā Santiago, ĩ ocabaji Juan, Zebedeo rĭa ñayijarā ĩna. ĩna jūarāre Boanerges wame yiyiju Jesús. ĩna ocana yijama, “Bujō Rĭa”, yireoni ñayiju. <sup>18</sup> Gājerā ñayijarā: Andrés, Felipe, Bartolomé, Mateo, Tomás, Santiago, Alfeo macu ñayiju ĩ Santiago, ito yicōri ñayijarā Tadeo, Simón celote gaye tuoĭagoru cūni. <sup>19</sup> Ito yicōri gāji Judas Iscariote ñayiju. Gājerā Jesure ĩna ñiatoni gotiri masu ñayiju ĩ. Itocō ñayijarā ĩ oca goti ucujaro yirocu Jesús ĩ cūana.

### *Rāmúa uju rotirise boca āmicōri yami Jesús, ĩna yire gaye*

*(Mt 12.22-32; Lc 11.14-23; 12.10)*

<sup>20</sup> ĩnare bese tĭocōri, ĩ rāca riasotirā rāca wiju tūdi wayiju Jesús. Mɛcana masa jājarā minijuayijarā ĩna tu. Ito bajiri ba masia mano yiyijarā ĩna. <sup>21</sup> Ado

bajiro yiyijarā masa Jesure: “Jesús queno tuoñabeami ñja. Mecari masu ñami ñja”, yiyijarā ñna. Itire tuocōri Jesús ñarā ñre jirā ejayijarā.

<sup>22</sup> Judio masa rotirise riasori masa Jerusalén gāna ado bajiro yiyijarā ñna cuni:

—Í ya usiju Beelzebú rúmúa uju sãñagú ñami í. Ito bajiri Beelzebú í masirisena rúmúa sãñanare rúmúare bucōami Jesús, yiyijarā ñna.

<sup>23</sup> Ito ñna yija tuocōri, ñnare jiyiju Jesús. Goti masiore ocana ñnare gotirocu jiyiju:

—Gāji ya usiju rúmú í sãñaja, ¿no bajiro ñmasiti ñre budigoguñjida? Budigob-iquñji í, yiyiju Jesús ñnare.

<sup>24</sup> Co cuto gāna masa ñna gāmeri jaja, yoiari ñnamenaji ñna. <sup>25</sup> Masa co wi gāna, sīgure bajiro ñna tuoñabeja, yoiari ñnamenaji ñna. <sup>26</sup> Rúmúa uju Satanás wame cutigu ricati í gotija, ito yicōri ñmasiti ricati í tuoñaja ñna masibiquñji, yiyiju Jesús ñnare.

<sup>27</sup> Ñimujua guamu ya wi sãjacōri í ya gajeoni ñmabiquñji. Cajero ñre siacōri, ito berojua í ya gajeoni ñmaroja, yiyiju Jesús ñnare.

<sup>28</sup> Gaje ado bajiro yiyiju Jesús:

—Riti mware gotia ya. Masare ñeñaro ñna yirise, ñeñarise ñna busija cuni, ñcabojo masiami Dios. <sup>29</sup> Ito bajibojarocati Espiritu Santore masa ñna busituja, iti ñeñaro ñna yirise ñcabojobiquñji Dios. Iti seti sasabetoja ñnare, yiyiju Jesús.

<sup>30</sup> “Í ya usiju rúmú sãñagú ñami”, ñre ñna yijare, ito bajiro yiyiju Jesús.

### *Jesús í ñarā ado bajiro bajiamu, yire gaye*

(Mt 12.46-50; Lc 8.19-21)

<sup>31</sup> Ito yija ejayijo Jesús jaco, í ocabajirā rāca. Ejabojarāti macūju tujayijarā ñna. Macūju ñacōri Jesure ji ñucayijarā ñna. <sup>32</sup> Jesús tu ruji gānirā ñre gotiyijarā, “Mu jaco ejamo”, yirona:

—Mu jaco, mu ocabajirā cuni macūju ñnama ñna. Mure ti āmoama ñna, yiyijarā ñna.

<sup>33</sup> Ito ñna yija tuocōri, ado bajiro cudiyiju Jesús:

—¿Ñimo ñati ya jaco? ¿Noa ñati ya ocabajirā? yiyiju Jesús í tu rujirāre.

<sup>34</sup> Í tu rujirāre ticōri ado bajiro gotiyiju Jesús ñnare:

—Mñati ña ya ocabajirā. Ito yicōri mñati ña ya jaco, yiyiju Jesús ñnare. <sup>35</sup> No Dios rotirise cudiguti í ñami ya ocabaji, ya ocabajio, ito yicōri ya jaco cuni, yiyiju Jesús ñnare.

## 4

### *Oteri masu gaye Jesús í goti masiore oca*

(Mt 13.1-9; Lc 8.4-8)

<sup>1</sup> Mucana tñdi riasoyiju Jesús itajura tunimaju. Masa jājarā ejayijarā ñna itoju Jesús tujare. Masa jājarā ñajare cumaju sãjacōri itoju rujiyiju Jesús. Masama ñnarocōti tujayijarā jajuju. <sup>2</sup> Ito yija goti masiore ocana ñnare riasoyiju Jesús. ñnare riasoguti ado bajiro gotiyiju Jesús:

<sup>3</sup> —Tuoja mña adire: Sīgū weseca í ya ote ajeri otegu wayiju í. <sup>4</sup> Wesecaju ejacōri iti ajerire í wējabateroca gaje ajeri maju quedi queayiju. Ito yija wadiyijarā minia. Wadicōri itire bacōyijarā ñna. <sup>5</sup> Gaje ajeri gūta wato quedi queayiju. Queno sita mañiju ito. Iti ajeri nocō mejeti judibojayiju, sita iti queno manijare. <sup>6</sup> Ūmacañi mña wadiguti itire asi siacōyiju. Ñe mari manicōri siniacoayiju iti. <sup>7</sup> Gaje ajeri jota watoju quedi queayiju. Ito bajiri jota mari itire dñrea siacōyiju. Ito bajiri queno bucña masibisiju iti. Ito yicōri queno

rica mañiju. <sup>8</sup> Gaje ajeriyama sita quenaro quedi queayiju. Ito yicōri judiyiju iti. Queno wanuyiju iti. Ito bajicōri queno rica cutiyiju. Coria sarari treinta ñari ajeri rica cutiyiju. Gaje sarari sesenta ñaricari, gaje sarari cien ñaricari rica cutiyiju, yi gotiyiju Jesús ñare.

<sup>9</sup> Ito yija ado bajiro yiyiju Jesús ñare:

—Itocō ña. Gāmo goje cutirā mña ñaja, t̄oaya, yiyiju Jesús ñare.

*¿No yija goti masiore ocana masare riasoati m̄a? ña yi seniñare gaye*  
(Mt 13.10-17; Lc 8.9-10)

<sup>10</sup> Ito bero Jesús siḡuti ñaroca ñ tu ñarā ñ rāca riasotirā rāca minijuacōri ado bajiro ñre seniñayjarā ña: “¿No yireoni ñati? ‘Siḡu oteri masu ñayiju’, m̄a yirise”, yiyijarā ña ñre. <sup>11</sup> Ito ña yija t̄ocōri, cutiyiju Jesús:

—“Ado bajiro ñre tuor̄un̄are miojuga yiguji Dios”, yi gājerā ña masibitire m̄ajua masiroca yami ñ. Gājerāma Diore tuor̄un̄amena goti masiore oca tuobojarāti t̄o masimenaji ña. <sup>12</sup> ña tibojaja bero timenare bajiro bajirā yirāji ña. Ito yicōri ña tuobojaja can̄i tuomenare bajiro bajirā yirāji ña. Ito bajiri t̄o masibiticōri Diore tuor̄un̄u sayamenaji ña. Ito yicōri ñeñaro ña yirise Diore ña goti r̄etobubeja ñeñaro ña yirisere coebiquji Dios, yiyiju Jesús ñare.

*Ado bajiro baja oteri masu ye, yi Jesús ñ goti quenore gaye*  
(Mt 13.18-23; Lc 8.11-15)

<sup>13</sup> M̄ucana t̄udi busiyiju Jesús ñare:

—“Oteri masu siḡu ado bajiro bajiyiju”, yiroca ñju m̄are yu gotija, ¿t̄o masibeati m̄a? Iti oca gotire m̄a t̄o masibeja, gaje yu gotiroti can̄i t̄o masimena yirāji m̄a, yiyiju Jesús ñare.

<sup>14</sup> Gaje ado bajiro ñare goti r̄etobuyiju Jesús:

—Oteri masu Dios oca goti ucuri masu robo bajiro bajiju ñami. <sup>15</sup> Coriarā masa ñama, ma ḡudareco ote ajeri quediana robo bajirā. Dios oca tuor̄aji ña tuorea. Ito bajijobarocati ña t̄oaja bero r̄um̄u ejacōri ña ācabojaroca yigu yiguji ñare. ña ya usiju ña t̄o āmisāre ña ācabojaroca yigu yiguji r̄um̄u. <sup>16</sup> Gājerā masa ñama, ḡuta wato ote ajeri quediana robo bajirā. Dios oca t̄ocōri wan̄u quenaro boca āmiyijarā ña. <sup>17</sup> Ito bajijobarocati Dios oca queno quedi s̄ajabea ñare, queno ñe mari manore bajiro. Ito bajiri ñare oca ñaja, gājerā ña ti teja, nocō mejeti Dios oca ña tuobojare ācabojarāji ña. <sup>18</sup> Gājerā masa ñama jota wato ote ajeri quediana robo bajirā. Dios oca tuor̄aji ña tuorea. <sup>19</sup> Itire t̄ocōri ruje t̄oñarā yirāji ña. Adi sita gaye, adi mac̄ar̄uc̄uro gaye ruje gajeoni t̄oñarāji ña. Ito bajicōri gajeoni jai busaro āmorā yirāji ña. Gajeonijure buto t̄oñacōri Dios ocare ācabojarā yirāji ña. <sup>20</sup> Gājerāma Dios oca t̄ocōri, queno t̄o sayarāji ña. ña ñama sita quenariju quediana robo bajirā. Rica jairo rica cutiric̄u robo bajiro bajirā ñama ña. Corocō meje ñarāji ña. Coriarā Dios oca t̄ocōri Dios ñ āmorise jabetoti yirāji. Gājerā Dios ñ āmorise jai busaro yirāji. Gājerā Dios ñ āmorise buto t̄oñarāji ña. Ito bajiri queno ñre moa ñsirā yirāji ña. ñaona ñarāji jairo rica cutiric̄u robo bajiro bajirā, yiyiju Jesús ñ rāca riasotirāre.

*Ado bajiro baja s̄abusuoraga, yi Jesús ñ riasore gaye*  
(Lc 8.16-18)

<sup>21</sup> M̄ucana gaje oca goti remoyiju Jesús ñare:

—Mujura jāi mani s̄asuaaja, sot̄u rocaju s̄asuaamenaji mani. Ito yicōri canira casabo rocajare mujura jāi s̄asuaamenaji mani. Mujura jāi mani s̄asuaaja ūmac̄uju s̄asuarā yirāji mani, jeyaro iti busutoni. <sup>22</sup> Yeyo c̄ure ñabobaroti, co

rumu goaro yiroja. Īna yeyo gotibojarisene cuni yoari yeyomenaji Īna. Co rumu masa t̄uo baja jedirā yirāji Īna. <sup>23</sup> Queno t̄ooya m̄ua gāmo goje cutirāma, yiyiju Jesús.

<sup>24</sup> M̄ucana t̄udi goti quenoyiju Jesús Īnare:

—No Īre t̄uor̄anuḡure jai busaro t̄uo masire gaye jidicāgū yiguĵi Dios. Ito bajiri jai busaro masigū yiguĵi Ī. No Īre t̄uor̄anubicare jabetacā Ī t̄uoĭabojarisere ĕmacōgū yiguĵi Dios Īre. Ito bajiri ñe t̄uoĭare mano tujagu yiguĵi Ī. <sup>25</sup> T̄uo masigū b̄uto busa t̄uo masigū yiguĵi. T̄uo masibic̄uama ācabojagu yiguĵi Ī t̄uobojare, yiyiju Jesús Īnare.

### *Ado bajiro baja ote gaye, yi Jesús ĩ riasore gaye*

<sup>26</sup> M̄ucana gaye goti masiore ocana masare riasoyiju Jesús:

—“Īre t̄uor̄anur̄are Ī rotiroju miojugu yiguĵi Dios”, yire oca ado bajiro baja iti. Oteri masu ote ajeri Ī oteado bajiroti baja iti. T̄uote m̄ua. <sup>27</sup> Co ñami r̄uyabeto canigū yiguĵi oteri masu. Ito yicōri co ūm̄ua r̄uyabeto yujiguĵi Ī. Ito yicōri ote ajeri judiroja. Judicōri b̄uc̄aroja. Iti b̄uc̄ua m̄ujarisere, ¿no bajiro b̄uc̄uati iti? yi masibiquĵi oteri masu. <sup>28</sup> Sitareti judiroja iti ajeri. Cajero judiroja rujagu, jaibitiguacā. Ito bero b̄uc̄ua m̄ujacōri jū cutiroja. Ito bajicōri rica cutiroja. <sup>29</sup> Iti ote botija ticōri, “Āmir̄uja yu”, yi t̄uoĭacōri itire āmigū wacu yiguĵi Ī. Īre t̄uor̄anur̄are Dios Ī miojuja ito bajiroti baja. “Yure queno t̄uor̄an̄uama Īna”, yi t̄uoĭacōri Īre t̄uor̄anur̄are miojugu yiguĵi Dios, yiyiju Jesús Īnare.

### *Ado bajiro baja mostaza ajeri, yi Jesús ĩ riasore gaye*

*(Mt 13.31-32; Lc 13.18-19)*

<sup>30</sup> M̄ucana ado bajiro gotiyiju Jesús:

—¿No bajiro bajiatu, “Īre t̄uor̄anur̄are miojugu yiguĵi Dios”, yire oca? ¿Ñe gaye ocana itire cōĭar̄ajida mani? <sup>31</sup> Mostaza ajeri sitaju oteado bajiro baja, “Īre t̄uor̄anur̄are miojugu yiguĵi Dios”, yire oca. Rica jeyaro ajeri r̄uja busarise ña mostaza ajeri. <sup>32</sup> Ito bajibojarocati iti aje judi b̄uc̄acōri gaye ote gaye r̄eto busaro ūmaricu ña. Rujari yoarise ña itigure. Ito bajicōri jesar̄aji minia ūmacañi Ī asirise rudirā, yiyiju Jesús Īnare.

### *Goti masiore ocana Jesús ĩ riasore gaye*

*(Mt 13.34-35)*

<sup>33</sup> Masare Dios oca riasogu, goti masiore ocana riasoyiju Jesús. “Queno t̄uo masibeama”, yi masicōri itocō goti tarojoyiju Jesús Īnare. <sup>34</sup> Goti masiore ocana riti masare riasoyiju Jesús. Ī siḡuti Ī r̄aca riasotirā r̄aca ñagū, goti masiore oca gaye queno goti r̄etobuyiju Jesús Īnare.

### *Minore, jac̄ur̄isere cuni Jesús ĩ r̄etore gaye*

*(Mt 8.23-27; Lc 8.22-25)*

<sup>35</sup> Iti rum̄uti r̄aioc̄uro ñaroca ado bajiro yiyiju Jesús:

—Sid̄uja j̄ea wato mani, yiyiju Jesús Ī r̄aca riasotir̄are.

<sup>36</sup> Ito Ī yija t̄uocōri: “Waju”, masare yicōri, Jesús Ī s̄añari cumaju eja s̄ajayijarā Īna. Ito bajiri itiganati Jesure āmi wayijarā Īna. Gaye cumari gāna cuni Īnare baba cuti wayijarā. <sup>37</sup> Ito Īna j̄ea waroca mino b̄uto w̄eayiju. Jac̄ur̄ise cuni b̄uto jac̄u s̄ajayiju cumaju. Ito bajiri ide dajacoayiju cuma ĩja. <sup>38</sup> Ito bajibojarocati Jesús Ī ya rijoga jeoadona cani s̄añayiju, cuma ūsi tutuju. Ito bajiro Ī canija ticōri, Īre yujioyijarā Ī r̄aca riasotirā:

—T̄ooya guare Riasogu m̄u. Rujarā ya mani. ¿Guare mai codebeati mu? yiyijarā Īna Jesure.

<sup>39</sup> Ito ña yija tuocōri, yuyiyijũ Jesús ñja. Yujicōri ado bajiro yiyijũ ñ:

—Wēabesa, yiyijũ Jesús minore. Jacũ jidicãña, yiyijũ Jesús ide jacūrisere.

Ito ñ yirocati mino rētaoayijũ ñja. Ide cuni jacūbiticoayijũ ñja. Quenaro tujacoayijũ ñja. <sup>40</sup> Ito bajirocati:

—¿No yirã güiati mũa? Güibesa. ¿Yũre tuorũnũbeati mũa? ¿Yũ masirisere tuoĩabeati mũa? yiyijũ Jesús ñ rãca riasotirãre.

<sup>41</sup> Ito bajiro ñ yibojarocati buto tuo ucayijarã ñna:

—¿Ñimũ ñnati ñniama? Minore rēta rotiami. Mino cuni, ide cuni ñre tuoã, yiyijarã Jesús rãca riasotirã.

## 5

*Gerasa gagũ rãmú sãñagũ oca*

*(Mt 8.28-34; Lc 8.26-39)*

<sup>1</sup> Jesús ñre suyarã rãca sidũja Gerasa sitaju jẽa ejayijarã ñna. <sup>2</sup> Jesús eja ñ maja waroca ñre bocayijũ gãji. Ñ ya usijũ rãmú sãja ecorũ ñayijũ. Masa yujeadoju ñacōri Jesús tu ejayijũ ñ. <sup>3</sup> Masa godana ñna yujeadoju ñayijũ ñ ñaro. Ñre sia sēobisijarã gãjerã come mana. <sup>4</sup> Ñ ya gũbo tĩgã ñ ya ãmore cuni siabojayijarã ñna. Ñre ñna siabojarocati coji meje tunu ruacōsotiyijũ ñ. Ñre tua yi masibisijarã masa. <sup>5</sup> Ñmũa, ñnami cuni wa ucuyijũ ñ. Tũria joeju cuni, masa yujeadoju cuni wa ucuyijũ ñ. Ñ wa ucuroju buto awasã ucuyijũ ñ. Ito yigu gãtana yijeyijũ ñmasiti. <sup>6</sup> Ito ñ bajiroca Jesure ti ñucacōri ñmaquedi wayijũ ñ Jesús tujũ. Jesús tu ejacōri ñ riojo rijomunigãna ñni rũjũyijũ ñ, ñre rũcũbuogũ. <sup>7-8</sup> Ñ ejaja ticōri, ado bajiro yiyijũ Jesús:

—Tuoya rãmú mũ. Ñnire ñ ya usijũ ñagũ budiya mũ, yiyijũ Jesús rãmũre.

Ito ñ yijare:

—Jesús, Dios Macũ ña mũãma. ¿Yũre no bajiro yigu yigujada mũ? Dios yũre tiro riojo bũsia yũ. Yũre juniro yibesa mũ, yi josayijũ ñ Jesure.

<sup>9</sup> Ito ñ yiroca ado bajiro yiyijũ Jesús ñre:

—¿Ñe wame cutiati mũ? yiyijũ Jesús.

Ito ñ yija:

—Jãjarã wame cutia yũ, jãjarã rãmúa gũa ñajare.

<sup>10</sup> “Adi sita sōjũna wasa”, gũare yibesa mũ, yi josayijũ rãmú Jesure. <sup>11</sup> Ito bajiroca tũriaju jãjarã ba rãgõ ucuyijarã ecana yesea. <sup>12</sup> Ñnare ticōri ado bajiro yiyijarã rãmúa Jesure:

—“Ecana yesea ñna ya usijũ sãjaña mũ”, gũare yiya mũ, yi josayijarã ñna Jesure, yeseare sãja ãmorã.

<sup>13</sup> Ito ñna yija ticōri: “Itoju wasa mũ”, yiyijũ Jesús ñnare. Ito ñ yija ãmagũre sãñabojana rãmúa budicoayijarã ñja, yesea ya usijũ sãja ãmorã. Ecana yesea dos milcõ ñayijarã ñna. Ito ñna ya usijũ rãmúa sãja ecocōri buto ñmaquedi wayijarã yesea. Gãtagãri joeju mũja wacōri quedi sãja wayijarã rujarajũ. Ito bajiri ñna ñnarcōti ruja jedicoayijarã ñna.

<sup>14</sup> Ito bajiri yeseare codebojarã ñmaquedi wacoayijarã ñna. Iti bajirisere gotiyijarã ñna gãjerãre. Jaja cuto cuni, jaibiti cuto cuni masare ñtire gotiyijarã ñna. Ito bajiri, “¿Ñe rētati?” yirona tirã wayijarã masa. <sup>15</sup> Jesús tu ejacōri, rãmúa sãja ecobojarũre tiyijarã ñna. “Jãjarã rãmúa sãñaru ñabojaguti, ñ ya usijũ rãmúa budigorũ ñnami ñja”, yi ti masiyijarã masa. Jesús tu rujigũ yutabuju ñ sãñarocaju tiyijarã ñna. Rãmúa ñna sãñaja tuo masigũ meje ñayijũ maji. Quenari usi, usi cutigu ñ tuoĩarise queno tuo masigũ ñayijũ ñja. Ito ñ bajija ticōri, buto

güiyijarã masa. <sup>16</sup> Ito bajiro iti rëtaja ticõri, rãmúá budigorú ì bajirise, ecana yesea ìna bajirise cuni gãjerãre gotiyijarã ito gãna. <sup>17</sup> Ito bajiri Jesure güicõri ìna cãtore ì budigotoni ìre josayijarã ìna.

<sup>18</sup> Ito Jesús cumajú ì sãñaroca rãmúá budigorú ado bajiro yiyijú ìre: “Mú rãca wa ãmoa yú cuni”, yì josayijú ì Jesure, ì rãca warocú. <sup>19</sup> Ito bajiro ì yibojarocati ado bajiro yiyijú Jesús ìre:

—Yú rãca wabesa. Mú ya wijú tãdi wasa. “Yúre ti maicõri, yúre queno yimi Dios”, yì gotiba mú ñarãre, yiyijú Jesús ì ya usijú rãmúá budigorúre.

<sup>20</sup> Ito Jesús ì yiroca rãmúá budigorú tãdicoayijú. Jua ñajamocõ cãtorijú goti ucuyijú ì. Rãmúá ì ya usijú sãñanare Jesús ì bucõare gaye goti ucuyijú ì. Ito bajiri iti bajirisere tãocõri úca jedicoayijarã masa.

*Jairo macore Jesús ì yisioire gaye*  
(Mt 9.18-26; Lc 8.40-56)

<sup>21</sup> Ito yija bero Jesús tãdi jëa wayijú cuma jajocana. Itajura tãnima Jesús ì rãgõroju jãjarã masa minijuayijarã ì tu. <sup>22</sup> Ito bajirocãti minijuara wì úju ejayijú Jesús tu. Jairo wame cãtiyijú ì. Jesure ticõri ì riojo rijomunigãna ñini rújüyijú Jairo. <sup>23</sup> Ito bajiro rujicõri ado bajiro Jesure josayijú ì:

—Yú maco cõgõ yamo. Iso cãtire ãmoa yú. Ito bajiri isore moaãgã waya mú, yiyijú ì Jesure.

<sup>24</sup> Ito bajiro Jairo ì yija tãocõri, ì rãca wayijú Jesús. Jãjarã masa ìre sãya wacõri bidiro ñayijarã ìna. <sup>25</sup> Ìna wato romio ñayijo. Iso ñayijo romia ñarise cõgõ. Jua gubojeno rodori tãjayijú iso cõroca riti. <sup>26</sup> Jãjarã úco masa úco yibojayijarã isore. Úco waja niyeru iso rãcorise ìsi jeocõyijo úco masare. Ìna úco yibojarocati buto busa cõ wayijo iso ìja. <sup>27</sup> Gãjerãre Jesús ì yisioire gaye tuo bújayijo iso. Ito bajiri jãjarã masa rãca ñayijo iso Jesús judoju. <sup>28</sup> “Jesús ya yutabujure yú moaãajama catigoja yú”, yì tãoãayijo isomasijumama. Ito bajiri ì ya yutabujure moaãayijo iso. <sup>29</sup> Ì ya yutabujure iso moaãarocati rì tãdicoayijú isore ìja. Iso rujú ñarise iti rëtaja tãoãa masijijo. <sup>30</sup> Jesure iso moaãaja bero, “Yú masirisena yisicoaju isore”, yì tãoãayijú Jesús. Ito bajiri juda ticõri ado bajiro masare senijayijú ì:

—¿Ñimo yú ya yutabujure moaãari? yiyijú Jesús ìnare.

<sup>31</sup> Ito ì yija ì rãca riasotirã ado bajiro yiyijarã:

—Mú tãju jãjarã ñama múre moaãarã. ¿No yigú senijati mú? “Ñimo yú ya yutabujure moaãari”, ¿yì senijati mú? yiyijarã ìna Jesure.

<sup>32</sup> Ito ìna yibojarocati ìre moaãagõre ti ãmayijú Jesús. <sup>33</sup> “Yú ña ìre moaãagoro”, yiroco buto ñaruo yijo iso Jesure güigo. Güibo jagoti rijomunigãna ñini rújüyijo iso Jesús riojo. Ito bajicõri ñajediro bajirisere gotiyijo iso Jesure. <sup>34</sup> Iso ito yija tãocõri, ado bajiro yiyijú Jesús:

—Maco, tãoya mú. Yúre mú tãorãñajare múre yisiobu yú. “Jesure yú moaãajama catigo yigoja yú”, mú yì tãoãajare múre yisiobu yú. Ito bajiri múre rì tãdicoaju. Wanú quenagõ, cãti quenagõ wasa mú, yiyijú Jesús isore.

<sup>35</sup> Ito bajiro isore ì yirocãti minijuara wì úju Jairo wame cãtigú ya wì gãna ejayijarã. Ado bajiro Jairore gotiyijarã ìna:

—Mú maco godacoamo. “Yú macore yisiojú waya”, yì josabesa Riasori masare ìja, yiyijarã ìna Jairore.

<sup>36</sup> Ito ìna yibojarocati:

—Güibesa. Itoti yú masirisere tãoãaña, yiyijú Jesús ìre.

<sup>37</sup> Gãjerãre sɔya rotibisiyɔ Jesús. Pedro, Santiago, Juan cɔni Santiago ocabaji, ìna ɔdiarãreti sɔya rotiyiyɔ Jesús. <sup>38</sup> Minijuara wi ɔɔɔ, ya wi tɔ ejacõri, bɔto ìna otija tɔoyiyɔ Jesús. <sup>39</sup> Ito bajiri wi sãjacõri ado bajiro yiyiyɔ ì:

—¿No yirã otiami mɔa? Macoacã cõgõ meje yamo iso. Canigõ yamo, yiyiyɔ Jesús otirãre.

<sup>40</sup> “Èsi jedicoañi iso”, yi masicõri Jesure ajayijarã ìna. Ito bajiro ìna yija ticõri, budi rotiyiyɔ Jesús ìnare. Ito yicõri macoacã ya sõa sãjayiyɔ Jesús. Iso jacɔsabatia rãca, ìre sɔyarã ɔdiarã rãca sãjayiyɔ Jesús. Ìna rãca sãjacõri macoacãre bɔsiyiyɔ Jesús. <sup>41</sup> Iso ya ãmore ñia tãa wɔmɔocõri ado bajiro yiyiyɔ Jesús:

—Talita cumi, yiyiyɔ Jesús isore. Masa oca yireoni bajiro: “ ‘Macoacã, wɔmɔña’, mɔre yibɔ yu”, yireoni ña iti.

<sup>42</sup> Ito ì yirocati wɔmɔ wayijo iso. Jua gɔbojeno rodoricõ tujago ñayijo iso. Tudi iso catija ticõri, bɔto ɔwayijarã masa. <sup>43</sup> Ito bajiri ado bajiro ìnare rotiyiyɔ ì: “Gãjerãre iti bajirisere gotibesa. Isore ecaya mɔa”, yi rotiyiyɔ Jesús ìnare.

## 6

### *Nazaretjɔ Jesús ì ware gaye* (Mt 13.53-58; Lc 4.16-30)

<sup>1</sup> Iti cãtore budi wayiyɔ Jesús. Budi wacõri ì ya cãto ñasarijɔ ejayiyɔ Nazaret wame cãtirojɔ. Ì rãca riasotirã cɔni wayijarã ì rãca. <sup>2</sup> Ito bajiri tujacãra rɔmɔ ñaroca masare riasosɔoyiyɔ Jesús minijuara wiyɔ. Ìre tɔocõri, “Bɔto masigũ ñami ì”, yirona ɔwayijarã ìna. Ito bajiri ado bajiro yiyijarã masa Jesure tɔocõri:

—¿No bajicõri bɔto tɔo masiati ãni? ¿Ñimɔ ìre riasoyijari? ¿No bajicõri ì bɔto tɔo masirise ñati ìre? Ìmasiti guijoro bajiami. Cõrãre ì moaãarocati ñarise rãtacoajɔ, yiyijarã ìna Jesús ya cãto gãna. <sup>3</sup> Gaje ado bajiro yiyijarã ìna: Iti ñami adoju yucɔ yijeri masɔ. María macɔ ñami ì. Ito yicõri Santiago, José, Judas, Simón mesa rãjorɔ ñami ì. Ì ocabajirã romia cɔni ado gãna ñama ìna, yiyijarã Jesús ya cãto gãna.

Ito bajiro ìna yija tɔocõri, Jesure boca ãmbisijarã ìna. <sup>4</sup> Ito ìna yibojarocati ìnare bɔsiyiyɔ Jesús:

—Diore goti ìsiri masare rãcɔbɔorã yirãji masa jeyaro. Ito bajibojarocati ì ya cãto gãna, ì ñarã, ì ya wi gãna cɔni rãcɔbɔomenaji ìna. Ì ñarã ìre tɔomenaji ìna, yiyiyɔ Jesús.

<sup>5</sup> Ito bajiri Jesure ìna tɔobejare tiyamani yi ìoado mañiyɔ Jesús. Ito bajibojarocati coriarãre ãmo moa jeocõri ìna ñarise rãtɔoyiyɔ Jesús, jãjarãre meje. <sup>6</sup> Ì ñarã ìre ìna tuorãnubeja ticõri, “Ayu, ¿no yirã tuorãnubeati ìna?” yi tɔoãiyiyɔ Jesús. Ito yija gaje cãtorijɔ wayiyɔ Jesús masare riaso ucugɔ wacɔ.

### *Dios oca ìna goti ucutoni ì rãca riasotirãre Jesús ì cõare gaye* (Mt 10.5-15; Lc 9.1-6)

<sup>7</sup> Ì rãca riasotirãre ji wayiyɔ Jesús. Jua gɔbojeno ãmɔa ñayijarã ìna. Gãjerãre riasojaro yirocɔ, ìnare cõayiyɔ Jesús. Co cãto rɔyabeto jãarã riti cõayiyɔ Jesús ìnare. Ito yicõri ì masirise jidicãiyiyɔ Jesús ìnare, “Rãmãare bucõama mɔa cɔni”, yirocɔ. <sup>8</sup> Ito yicõri ì rãca riasotirãre ado bajiro rotiyiyɔ Jesús: “Mɔa goti ucurã waja mɔa ya gajeoni ãmi wa yibesa. Najuro, tura baju, niyerure cɔni ãmi wa yibesa. Tueragɔ riti ãmi wasa, mɔa bogaja itiguna tue waja. <sup>9</sup> Gɔboco sãñacõri, yutabuju co bujuti sãña wasa. Mɔa sãñarise riti ãmi wasa”, yi rotiyiyɔ Jesús ìnare. <sup>10</sup> Gaje ado bajiro ìnare rotiyiyɔ Jesús:



—Cutori mua goti ucurā waja, mua ejari wi co witi ñacōama. Gaje wi, gaje wi wabeja. Gaje cutoju warā riti warā yirāji mua. <sup>11</sup> Gaje cutori mua waja, masa muare cudibeja, Dios oca ña tuo amobeja, itocōti ñare jidicāma. ñare jidicācōri ado bajiro yiba. Mua ya gubojū sita wārisere ja bateba ña ñarijare warā. Ito bajiro mua yija ticōri: “Bujato ya mani ñare. Queno yibea mani ñare”, yi tuoīarā yirāji ña, yiyiju Jesús ī rāca riasotirāre.

<sup>12</sup> Jesús ī gotirere tuoōri masare gotirona wayijarā ña: “Ñeñaro mua yirise jidicācōri Diore tuorūña”, yiyijarā ña masare. <sup>13</sup> Masare ña ya usiju rūmūa sñanare, rūmūare bucōayijarā ña. Ñarise cōrā jājarāre úye jio guyijarā ña. Ito bajiro yicōri ña ñarisere rētoyijarā ña.

*Juan idé guri masu ī godare gaye*  
(Mt 14.1-12; Lc 9.7-9)

<sup>14</sup> Masa jeyaro busiyijarā Jesús ī masiro robo ī yire gaye. Masa ña busire tuoōri iti cuto gagu uju Herodes cani, masiyiju Jesús ī masiro robo ī yire gaye. Itire oca tuoōri ado bajiro busiyiju Herodes:

—Juan masare idé guri masu ñaguīji mucana, yiyiju ī. Mucana tujacōri ī masiro robo ī yirisere yiguīji, yiyiju Herodes.

<sup>15</sup> Gājerāma ado bajiro yiyijarā:

—Diore goti isiri masu Elías ñayoru ñaguīji mucana, yiyijarā ña.

Ito ña yibojarocati gājerā ado bajiro yiyijarā mucana:

—Diore goti isiri masu jane mejeju ñayoru ñaguīji gajea, yiyijarā ña.

<sup>16</sup> Ito bajiro masa ña busija tuoōri, ado bajiro cudiyiju Herodes:

—Juan ñaguīji gajea. “Iti rāmūju ī ya rijoga jataţēña ĩre”, yicu yu. Iti rāmū yu sīa rotija bero mucana tadi tujacōaguīji gajea, yiyiju Herodes.

<sup>17-18</sup> Juan ī sīa ecoroto rioju, ado bajiro Herodesre busi tudiyiju ī:

—Mu ocabaji Felipe manojore rucobesa mu. Ito bajiro yibitiraja mu, yiyiju Juan Herodesre.

Felipe manajo ñabojaro Herodías wame cutiyijo iso. Herodes buto amoyiju isore. Ito bajiri Juan ito bajiro ī yija tuoōri, ĩre ñia rotiyiju Herodes ī ya surarare, ĩre ña tubiatoni.

<sup>19</sup> Ito bajiro Juan ī busija tuoōri, Herodías buto tuo tudiyijo ĩre. ĩre sīa amobojayijo iso. No bajiro ĩre sīa masia mañiju isore. <sup>20</sup> Quenarise riti tuoīagū ñayiju Juan. Ito yicōri queno usi cutigu ñayiju ī, Dios ī tija. Itire ticōri Juanre queno rucuboyiju Herodes. Ito bajiri Juanre camotayiju ī, Herodías sīame yiroca. Juan ī busirisere tuo oca jaibojaguti ĩre buto tuo wanuyiju Herodes.

<sup>21</sup> Co rāmū ī ñara rodo gāni biajare basa meni rotiyiju Herodes. ĩ ya moari masa ujarā rāca, ito yicōri surara ujarā rāca, Galilea ñari masa rāca cani ña rāca basa meniiju Herodes. ña basa wijari rāmū Juanre sīaroco tuoīacōyijo Herodías. <sup>22</sup> Iso maco ñare basa ĩoyijo ña wanutoni. “Quenoguti yure basa ĩoamo iso”, yi tuoīayiju Herodes. Ito bajiri ado bajiro yiyiju isore:

—¿Ñe mare ĩsigūti yu mu basare waja? Mu amorise yure seniña.

<sup>23</sup> Mu senija yu gajeoni rucorise gudarecona mare ĩsicuja yu. Adi cuto gagu uju ñacōri, mu senija gudarecona ĩsicuja yu. Bugu meje ya yu adire. Ri ya yu, yiyiju Herodes Herodías macore. <sup>24</sup> Ito ī yija tuoōri, iso jacore seniñagō wayijo iso:

—¿Ñe gajeoni ĩre senigōti yu, cana? yiyijo iso.

Ito yija:

—“Juan masare idé guri masu ya rijogare amoa yu”, yiba Herodesre, yiyijo Herodías iso macore.

<sup>25</sup> Ito bajiro jaco gotija tʷocōri, ʷsirio wayijo iso ʷju Herodes tʷju. Īre ado bajiro gotiyijo iso:

—Adocātati Juan ya rijoga āmoa yu. Somotērona jeocōri yare ĩsiña, yiyijo iso ĩre.

<sup>26</sup> Ito yija Herodes bʷto bojori bʷjayiju itire tʷocōri. Juanre s̄a āmōbitibojayiju ĩ. Ito yicōri isore maño āmōbisiju ĩ. Masa ĩna tiro riojo, “Mu āmoriseti mʷre ĩsicuja”, ĩ yicāre ñajare, iso seniro bajiroti ĩsiyiju ĩ isore. <sup>27</sup> Ito bajiri Juanre s̄a āmōbitibojaguti, ejori oca ĩ ya moari masare Juanre rijoga jata rotiyiju Herodes. Ito bajiro ĩ rotija tʷocōri, tubiara wi wayiju Juan ya rijoga jatagʷ wacʷ. <sup>28</sup> Ito ejacōri Juan ya rijoga jata, somotēroju jeocōri āmi wayiju ĩ. Āmi wacōri basari masore ĩsiyiju ĩ. Isoju ĩja iso jacore ĩsiyijo.

<sup>29</sup> Juanre s̄are gaye tʷocōri, ĩ rāca riasotiana ĩ ya rujare āmirā ejayijarā. Ito yicōri ĩre yuyeyijarā ĩna ĩja.

*Cinco mil ñarāre Jesús ĩ ecare gaye  
(Mt 14.13-21; Lc 9.10-17; Jn 6.1-14)*

<sup>30</sup> Mʷcana tʷdi ejacōri Jesús rāca minijuayijarā ĩ oca goti ucurā ejana. Ito bajiri ĩna riaso ucure gotiyijarā ĩna Jesure. ĩna tiado bajiroti ñarocōti goti jeoyijarā ĩna Jesure. <sup>31</sup> Jājarā masa warātibe, tʷdi warātibe, yi ñayijarā masa. Ito bajiri Jesús ĩre suyarā cʷni ba āmōbojayijarā. Dijʷ barajau mañiju ĩnare. Ado bajiro yiyiju Jesús ĩ cʷanare:

—Ita, wato. Ō, masa ĩna manojʷ tujacāto mani, yiyiju Jesús ĩnare. <sup>32</sup> Ito yija jajocana wayiju Jesús masa manojʷ. ĩ cʷana cʷni wayijarā ĩ rāca. <sup>33</sup> Masa jājarā tiyijarā ĩna waja. Jesús, ĩ cʷanare cʷni ti masiyijarā masa. Ito bajiri ĩna wagoja ticōri, boeju ũmaquedi wayijarā masa. Jesús ĩ cʷana rāca ĩna ejaroto riojuajʷ ejayijarā masa, bʷto wacōri. <sup>34</sup> Cumana ejacōri maja wacuti jājarā masare ti bʷjayiju Jesús. Oveja codegʷ mano bajiro bajiyijarā masa ĩ tija. Ito bajiri ĩnare ti maiyiju ĩ. Ito bajiri masare ti maicōri ĩnare riasosʷoyiju Jesús. <sup>35</sup> Ñamicaju ñaroca Jesure busirona ĩ tʷ ejayijarā ĩ rāca riasotirā. Ado bajiro yiyijarā ĩna:

—Ñamicaju ñacoaju ĩja. Queno masa mama adore. <sup>36</sup> Ito bajiri masa ĩna cʷtoju tʷdi wajaro. Ōju ĩna ñaroju bare gāme barā wajaro. Bare ma ado. Ito ñaroja, naju gāme barajʷ, yiyijarā ĩna Jesure.

<sup>37</sup> Ito yija ado bajiro yiyiju Jesús ĩnare:

—Masare ecaya mʷa, yiyiju ĩ.

Ito yija ĩja, ĩ rāca riasotirā ado bajiro ĩre seniñayijarā ĩna:

—¿Gua bare gāmerā warājida, jairo waja rācarisere? Masa jaijare najuro waja t̄jabea, yiyijarā ĩna Jesure.

<sup>38</sup> ĩna ito yija tʷocōri, ado bajiro ĩnare seniñayiju Jesús:

—¿Nocō naju rācoati mʷa? Titēña maji, yiyiju Jesús ĩ rāca riasotirāre.

Itire ticōri ĩre gotiyijarā:

—Co dʷjamocō ña it̄i naju. Ito yicōri wai cʷni jʷarā ñama, yiyijarā Jesure.

<sup>39</sup> Ito yija ado bajiro masare yiyiju Jesús: “Rujaria buri ruji wasa ta quenarise joeju”, yiyiju Jesús masare. <sup>40</sup> Ito bajiro ĩ yija tʷocōri, rujaria buri ruji wayijarā masa. Co bure ñayijarā cincuenta ñarā, gājerā cien ñarā rujisosa wayijarā masa. <sup>41</sup> Ito yija naju co dʷjamocō ñarisere, wai jʷarāre cʷni āmi rāsoyiju Jesús ĩ ya āmona. Iti rācōcōri macārcūroju ti mʷoyiju ĩ: “Queno ya Cuna mʷ”, yiyiju Jesús Diore. Ito yicōri najuro wē jea batoyiju ĩja. Ito yicōri ĩ rāca riasotirāre ĩsiyiju Jesús. “Masare batoya”, yirocʷ ĩsiyiju Jesús. Wai jʷarāre batoyiju Jesús masa ñarocōti ĩna batoni. <sup>42</sup> Ito bajiri masa jeyaro bayijarā. Yaji

quenaro ñayijarã masa ña iti bacõri. <sup>43</sup> Ña yaji rëtarisere jua gabojeno jiburijua miosã dajoyijarã ña ba ruarisere. <sup>44</sup> Jãjarã ñayijarã masa, najuro waire cuni barã. Cinco milcõ ñayijarã ña ãmua.

*Ide joe Jesús ñ ware gaye  
(Mt 14.22-27; Jn 6.16-21)*

<sup>45</sup> Ito yija ñ rãca riasotirãre ado bajiro yiyijua Jesús:

—Cuma sãjacõri siduja jëa wasa. Itoju Betsaidaju yure yuba, yiyijua Jesús ñnare. Ña jëa waroca masare ware goti ñayijua Jesús. <sup>46</sup> Ñnare ware goticõri turiaju maja wayijua Jesús, Diore busiroca. <sup>47</sup> Rãiocõro itajura gudarecoti tujayijua cuma maji. Ito bajiri Jesuama itajura tunima rügõcõri ti ñucayijua ñnare. <sup>48</sup> Jesús ñ tija buto weabojayijarã ña. Mino buto iti wëa tuojuare josari wea wabojayijarã ña. Ito bajiri busucõro ide joena wacõri ña tu eja wayijua Jesús. Ito bajibojarocati ñnare rëta wacu bajiro eja wayijua ñ. <sup>49-50</sup> Ide joe ñ waja ticõri, buto awasãyijarã ña ucarã. “Masu wujo ñaguñi”, yi tuoñayijarã ña. Ña ucaja ticõri, ado bajiro yiyijua Jesús:

—Oca sëoña mua. Güibesa mua. Yuti ña, yiyijua Jesús ñnare.

<sup>51</sup> Itocõti ña rãca cumaju sãja ejacoayijua Jesús ña. Ñ sãjarocati mino rëtaoayijua. Ito bajiri buto ti ucayijarã ña itire. <sup>52</sup> Bare jabetacãna jãjarã masare Jesús ñ ecaja tibojarãti, “Dioti ñami ñ”, yi masibisijarã ña maji. “Tiyamani ño masigü ñami Jesús”, yi ñmobisijarã ña. Queno tuo masibisijarã maji.

*Genesaret sita gãnare Jesús ñ yisioire gaye  
(Mt 14.34-36)*

<sup>53</sup> Itajura jëacõri Genesaret wame cutiri sitaju ejayijarã ña. Itoju cumare sia cüyijarã ña. <sup>54</sup> Cuma ña sia majaroca Jesure ti masiyijarã masa itijua gãna. <sup>55</sup> Jesure ticõri usirio wayijarã gãjerãre gotirona. Ito yija cõrãre ña ya camana ñmi wayijarã Jesús tajuã. <sup>56</sup> No ñ waro bajiroti jaibiti cuto, jaja cutoju, wi manojua, majua cuni cõrãre cü yuyijarã ña, Jesús ñ yisiotoni. Ñ ya yutabuju gaja moaãa ñmorã, ñre josayijarã ña. Jesús ya yutabuju gaja moañnare riti ña ñarise cutirise rëtaoayijua ña.

## 7

*Ñëñaro tuoñacõri ñëñarise yama masa, yi Jesús ñ riasore gaye  
(Mt 15.1-20)*

<sup>1</sup> Ito yija fariseo gaye tuoñarã, judio masa rotirise riasori masa rãca Jesús tu eja rügüyijarã ña. Jerusalëna wadiana ñayijarã ña. <sup>2</sup> Jesús tu ejacõri ñ rãca riasotirã coriarã ñmo coemenati ña baja tiyijarã ña. Ito bajiri bucürã ña rotiado bajiro ña yibeja ticõri, ñnare busituyijarã ña. <sup>3</sup> Judio masa ñajediro, fariseo gaye tuoñarã cuni bucürã ocare queno tuo suyayijarã ña. Bucürã ña rotiado bajiroti ruje ñmo coesotuyijarã ña baroto riojuã. <sup>4</sup> Bare waja yiaodoju bare gãme tudi ejacõri bucürã ña rotirise ña cãdiroto riojuã babisijarã ña. Bucürã ña rotiado bajiroti idira coa, ide gõnaradu, ito yicõri come sotu cuni coecõyijarã ña. Bucürã rotirise cãdirona ña ya caniado cuni queno coecõyijarã fariseo gaye tuoñarã, judio masa rotirise riasori masa cuni. <sup>5</sup> Ito bajiri Jesús rãca riasotirã ña ñmo coemenati baja ticõri, ado bajiro ñre senñayijarã ña:

—¿No yija mu rãca riasotirã bucürã oca tuoñnubeati? yiyijarã ña. Tite. Coji ruayabeto ñmo coemenati bama ña, yiyijarã fariseo gaye tuoñarã.

<sup>6</sup> Ito ñna yijare cudi yijũ Jesũs ñnare:

–“Queno yirã ña gũa”, yibojarãti mũa tuoĩaro bajiro yibea mũa. Jane mejeju mũare tuoĩa yugũ ado bajiro ucañi Diore goti ñsiri masũ Isaiãs ñayoru:

“Diore bũto rũcũbuoã gũa”, yirã ñabojarãti mũa ya usijũama queno ñre rũcũbuoãbea mũa.

<sup>7</sup> Minijua cõri, “Diore queno rũcũbuoã gũa”, yirã ñabojarãti rocati ya mũa. Ito yicõri rocati oca bũsi ajae mũa itire. Mũa gotijama, “Bũcũrã oca, Dios oca bajiro ti baja”, yi gotiboja mũa, yi ucañi Isaiãs ñayoru mũare tuoĩa yugũ, yiyijũ Jesũs ñnare.

<sup>8</sup> Dios ñ rotirisejũa queno tuoĩũnũbiticõri, bũcũrã ocajũare queno tuoĩũnũ mũa, yiyijũ Jesũs ñnare.

<sup>9</sup> Mũcana gaje ado bajiro ñnare goti remoyijũ Jesũs:

–Bũcũrã ocajũare tuo sũyarona Dios ñ rotiriserẽama cũdibea mũa. <sup>10</sup> Ado bajiro gotijijũ Moissẽs ñayoru: “Mũ jacũre, mũ jacore cũni rũcũbuoã”, yiyijũ ñ. “No ñ jacũre bũsitugũ, ñ jacore cũni bũsitugũ sũacõruja ñocũre”, yi ucañi Moissẽs ñayoru. <sup>11</sup> Mũama ricati bajiro rotia. Ado bajirojũa rotia mũa: “Yũ jacũsabiatiare ejabũado ma yũ. Ñarocõti yũ gajeoni cũtirise Dios ye riti ña. Ñ sũgũretĩ ejabũacũja yũ”, sũgũ ñ yija, “Queno yami”, ya mũa. <sup>12</sup> “Ito bajiro ñ tuoĩaja, no yibea ñ jacũsabiatiare ñ ejabũabeja”, ya mũa, yiyijũ Jesũs ñnare.

<sup>13</sup> Ito bajiro mũa bũsija, bũcũrã ocajũa tuoĩũnũcõri, “Dios oca waja ma”, yi tuoĩado bajiro ya mũa. Iti oca mũa tuoĩũnũrise gãjire, gãjire goti mũaja waju mũa. Gaje jaje ñaroja mũa ito yirise. Dios ocare tuoĩũnũrã meje ña mũa, yiyijũ Jesũs fariseo gaye tuoĩarã, ito yicõri judio masa rotirise riasori masare cũni.

<sup>14</sup> Ito bero masare jicõri ado bajiro gotijijũ Jesũs:

–Mũa ñarocõti tuo ya yũre. Ito yicõri tuo masiña mũa. <sup>15</sup> Mani ba sãrise meje ñaroja ñeñaro mani yiroca yirise. Mani ya usijũ iti ñeñaro tuoĩajare itina sũoriti ñeñaro ya mani. <sup>16</sup> Mũa gãmo goje cũtijama tuo ya, yiyijũ Jesũs masare.

<sup>17</sup> Ito yicõri masare ware goticõri wijũ sãjayijũ Jesũs. Wijũ ñ sãjaroca ñre senĩayijarã ñ rãca riasotirã:

–Jijũ mũ masare riasorise gayere queno gotiya gũare cũni, yiyijarã ñna Jesure. <sup>18</sup> Ito ñna yija tuo cõri, ado bajiro cudi yijũ Jesũs:

–¿Yũ riasorise gaye queno tuo bitĩ mũa cũni? “Masa ñna ba sãrise meje ñaroja ñeñaro ñna yiroca yirise”, yũ yija, ¿tuo masibeati mũa? yiyijũ Jesũs ñnare.

<sup>19</sup> Masa ñna ba sãrise jeragajũ riti waroja. ñna ya usijũ meje waroja iti. Ito yicõri ñna ba sãrise rãta budicoaro yiroja, yiyijũ Jesũs ñnare.

“Bare jeyaro quenarise riti ña”, yirocũ yiyijũ Jesũs. <sup>20</sup> Mũcana tũdi goti quenoyijũ Jesũs ñnare:

–Masa ñna ya usijũ iti ñeñaro tuoĩajare itina sũoriti ñeñaro yama ñna. <sup>21</sup> ñna ya usijũ ñeñaro tuoĩacõri ado bajiro ñeñarise yama masa. Manijũ macore rocati yama ñna. Riniamã. Sãmã. <sup>22</sup> Manojũ cũtirã ñabojarãti rocati yama ñna. Gãjire gajeoni uoãma. Ñeñarise ñajediro yama ñna. Rũoãma. Dios ñ rotiriserẽ cũdibeãma ñna. Gãjerãre ti tudiamã. Gãjerãre bũsituãma ñna. ñna gajeoni rãca, “No yija mana ña gũa”, yama ñna. “Gãjerã rãtoro masirã ña gũa”, yama ñna. Ito yicõri queno tuoĩabiticõri rocati yama ñnaõna. <sup>23</sup> Adi ñeñarise ñajediro yama ñna, ñna ya usijũ ñeñaro iti tuoĩajare, yiyijũ Jesũs ñnare.

*Gaje maso Jesure iso tuoĩũnũ sũyare gaye  
(Mt 15.21-28)*

<sup>24</sup> Itijuna wacōri Tiro wame cutiri cuto tu ejayiju Jesús. Ito ejacōri wi sājayiju ī. Masa īna masibeto eja āmoyiju Jesús. Ito bajibojarocati masicōyijarā īna. <sup>25</sup> Ito bajiri sigō Jesús ī ejare gaye masiyijo. Iso űayijo rāmú sāñagō jaco. Ito bajiri Jesús tu wadicōri iso ya rijomunigāna űini rūjūyijo iso, Jesús riojo. <sup>26</sup> Judio masagō meje űayijo iso. Sirofenicia gago űayijo iso. Jesús tu ejacōri ĩre josayijo: “Yū maco iso ya usiju rāmú sāñagō űamo. Ito bajiri iso ya usiju rāmú sāñagūre bucōañā mū”, yiyijo iso Jesure. <sup>27</sup> Ito yija ado bajiro gotiyiju Jesús isore:

—Cajero judio masare ejabnasuocuja yū, yiyiju Jesús. Gūa masa riojuaja yū mare ejabnaja, rīacare najuro ēmacōri yaire ecado bajiro baja, yiyiju Jesús isore.

<sup>28</sup> Ito ī yija tuocōri, ado bajiro cūdiyijo iso:

—Ri ya, yū űjū mū. Ito bajibojarocati yaia bare jeodo roca űarā boca barā yirāji rīaca īna queorisere, yiyijo iso.

<sup>29</sup> Ito iso yija ado bajiro cūdiyiju Jesús isore:

—Queno tuoīa mū. Ito bajiri mū ya wijū tūdi wasa. Rāmú budigocōami mū macore ĩja, yiyiju Jesús isore.

<sup>30</sup> Iso ya wi tūdi ejacōri caniado joeju maso iso jesaroca tiyijo iso. Rāmú budigoroju űayijo iso ĩja.

### *Tuobiti busibiti yigūre Jesús ĩyisioire gaye*

<sup>31</sup> Tiro catona wayiju Jesús. Ito wa rētayiju Sidón wame cutiri cuto. Ito rēta wacūti Decápolis wame cutiri cūtori cūni rētayiju. Ito rēta wacu ejayiju Galilea wame cutiritaju. <sup>32</sup> Ito ī űaroca tuobiti busibiti yigūre āmi ejayijarā masa. ĩre āmi ejacōri Jesure seniyijarā īna, tuobicure ĩ ya āmo moa jeotoni.

<sup>33</sup> Ito bajiri tuobicure gajerojuā āmi wayiju Jesús. Ito yicōri tuobicu ya gāmo gojeriju āmo wāsoa sōcōayiju Jesús. Ito yicōri āmona ĩ ya go ide āmicōri ĩ ya űemeroju moaīayiju busibicure. <sup>34</sup> Ito yicōri macārucāroju ti tuocōri usi āmiyiju Jesús. Ito yicōri ado bajiro yiyiju ĩre:

—Efata, yiyiju Jesús. “Gāmoro tuoya ĩja”, yireoni űayiju iti griego ocana.

<sup>35</sup> Ito ī yirocati tuobicu űabojarūti tuocoayiju ĩja. Ito yicōri ĩ ya űemero cūni quenacoayiju ĩre ĩja. Ito bajiri busicoayiju ĩ busibicu űabojaru. <sup>36</sup> Ito yija ado bajiro masare gotiyiju Jesús: “Gājerāre goti bato yibesa mūa”, yiyiju Jesús ĩnare. Ito ĩ yibojarocati masa jājarāre goti batoyijarā Jesús ĩ masiro robo ĩ yirisere. “Gotibesa”, ĩ yibojarocati bato busa masare goti bato wayijarā īna.

<sup>37</sup> Ito bajiro Jesús ĩ yija ti wanucōri, ado bajiro yiyijarā ĩna:

—Jeyaro ĩ yirisere quenasacōa, yiyijarā masa. Tuomenare cūni ĩna tuoroca, busimenare cūni ĩna busiroca yami Jesús, yiyijarā masa.

## 8

### *Cuatro mil űarāre Jesús ĩecare gaye (Mt 15.32-39)*

<sup>1</sup> Iti rāmuri mūcana tūdi jājarā masa minijuayijarā Jesús tūju. Jesús tu ĩna űaroca riti bare jedicoayiju ĩnare. Ito bajiri ĩ rāca riasotirāre jicōri ado bajiro yiyiju Jesús:

<sup>2</sup> —Āna masare ti maia yū. űdia rāmū tūja yū rāca ĩna űaroca. Ito bajiri bare ma ĩnare. <sup>3</sup> “Bamenati wasa”, ĩnare yū yija, ma gudarecoti boga quedirāji ĩna. Coriarā sōju wadiana űarāji, yiyiju Jesús ĩ rāca riasotirāre.

<sup>4</sup> Ito ĩ yija tuocōri, ado bajiro cūdiyijarā ĩ rāca riasotirā:

—Masa ñaro meje ñajare no bajiro masare bare eca masiado ma, yiyijarã Ìna Jesure.

<sup>5</sup> Ito Ìna yija seniñayiju Jesús Ìnare:

—¿Nocõ jaje naju rucocoti mua? yiyiju Jesús Ìnare.

—Jua ãmojeno najurori ña, yiyijarã Ìna.

<sup>6</sup> Ito yija jacaju masare ruji rotiyiju Jesús. Ito yicõri jua ãmojeno naju ñarisere ãmi rucoyiju Jesús. Itire rucocõri ado bajiro yiyiju Jesús: “Queno ya ma”, yiyiju Jesús Diore. Ito yicõri naju igata batocõri Ì rãca riasotirãre Ìsiyiju Jesús. Ìnajua masa jeyarore batoyijarã Ìja. <sup>7</sup> Ito yicõri wai canì jabeto rucoyijarã Ìna. Waire rucocõri, “Queno ya Dios ma”, yiyiju Jesús macana. Ito yicõri Ì rãca riasotirãre bato rotiyiju Jesús. <sup>8</sup> Masa ñarocõti ba jediyijarã. Sīgũ ruyabeto yaji quenaro ñayijarã Ìna. Ìna ba ruarise ãmicõri jua ãmojeno jiburi dajoyijarã Ìna. <sup>9</sup> Itiju Jesús rãca bana cuatro milcõ ñayijarã masa. Ìna ba tjoja bero Ìnare ware gotiyiju Jesús. <sup>10</sup> Ito bero cumaju sãjayiju Jesús Ì rãca riasotirã rãca. Cuma sãjacõri Dalmanuta sitaju wayijarã Ìna.

*“Tiyamani toña guare”, Ìna yire gaye*

*(Mt 16.1-4; Lc 12.54-56)*

<sup>11</sup> Ito Jesús Ì ejaja tuocõri, Ì rãca busirona Ì tu ejayijarã fariseo gaye tuoñarã. Ì wisajaro yirona Ìre seniñayijarã Ìna. “ ‘Dios cõaru ñami Ì’, gua yitoni, tiyamani ma Ìore ãmoa gua”, yiyijarã Ìna Jesure. <sup>12</sup> Ito bajiro Ìna yija tuocõri, bato usi ãmiyiju Jesús. “Teoro yama yure”, yirocu ito bajiro usi ãmiyiju Ì:

—¿No yija ãna masa tiyamani yì Ìo rotiani Ìna yure? yiyiju Jesús. Riti muare gotia yu. Tiyamani yì Ìobicuja yu masare, yiyiju Jesús Ì rãca riasotirãre.

<sup>13</sup> Ito yicõri masare cõ wayiju Jesús. Macana tudi cumaju sãjacõri, itajura gaje dajajua jãa wayijarã Ìna.

*Fariseo gaye tuoñarã ya naju wadare gaye*

*(Mt 16.5-12)*

<sup>14</sup> Jesús rãca riasotirã bare ãmi ware ãcabojayijarã. Ito bajiri Ìna ya cumaju naju jabetacã ñayiju. <sup>15</sup> Ito yija ado bajiro gotiyiju Jesús Ìnare:

—Fariseo gaye tuoñarã ya naju wadarise uco gaye queno tuo masiña mua. Herodes Ì gaye canì queno tuo masiña, yiyiju Jesús Ì rãca riasotirãre.

<sup>16</sup> Ito bajiro Jesús Ì yija tuocõri, Ìnamasi gãmeri busiyijarã:

—Mani naju rucobejare ito bajiro busiami Jesús, yiyijarã Ìna.

<sup>17</sup> Ìna busirise masicõyiju Jesús. Ito bajiri ado bajiro yiyiju Ì Ìnare:

—¿No yija, “Naju ma”, yati mua? yiyiju Jesús Ìnare. ¿Yure masibeati mua maji? ¿Mua ya usiju tuo masimena ña mua? yiyiju Jesús Ìnare. <sup>18</sup> Muare cajea ñabobarocati ti masibeata mua. Ito yicõri gãmorõ ñabobarocati tuo masibeata mua. ¿Yu masiro robo yu yirisere masibeati mua? yiyiju Jesús Ìnare. <sup>19</sup> ¿Co dajamocõ najurori cinco mil masa ñarãre yu bare ecaja bero ruyarise nocõ jiburi dajocati mua? yiyiju Jesús Ìnare.

Ito Ì yija tuocõri, ado bajiro cudiyijarã Ìna:

—Doce jiburi dajocu gua, yiyijarã Ìna.

<sup>20</sup> —Siete najurori cuatro mil masa ñarãre yu batoja, Ìna ba ruare, ¿nocõ jiburi dajocati mua? yiyiju Jesús Ì rãca riasotirãre.

—Siete jiburi dajocu gua, yiyijarã Ìna.

<sup>21</sup> Ito yija ado bajiro yiyiju Jesús Ìnare:

—¿Tuo masibeati mua maji? yiyiju Jesús.

*Betsaida gagu cajea macure Jesús Ì yisioare gaye*

22 Ito bero Jesús Ìre sɔyará rāca Betsaidajɔ ejayijɔ. Ito Ìna ejaroca cajea macɔre āmi ejayijarā masa Jesús tɔ. Ìre josayijarā Ìna cajea macɔre Ì moaɪatoni. 23 Ito yija cajea macɔ ya āmo ñiacōri Ìre tūa wayijɔ Jesús iti cuto sōjɔna bɔsacā. Ito yicōri Ì ya go idena cajea macɔre Ì ya cajea moaɪayijɔ Jesús. Ito yicōri ado bajiro Ìre seniɪayijɔ: “¿Ruyuati jabeto?” yiyijɔ Jesús cajea macɔre. 24 Ito bajiro Ì yija cajea tibicɔ tɔsɔoyijɔ jabeto. Ito bajiri ado bajiro cɔdiyijɔ Ì: –Tia yɔ jabeto. Ito bajibojarocati masare yɔ tija, yucɔ wārero bajiro baja, yiyijɔ Ì.

25 Ito yija Jesús mɔcana tɔdi moaɪa quenoyijɔ Ì ya cajeare. Ito Ì yija bero queno ticoayijɔ Ìja. Ñajediro queno ruyuyijɔ Ìre Ìja. 26 Ito yija Jesús ado bajiro gotiyijɔ Ìre:

–Mɔ ya wijɔ tɔdi wasa. Cutojɔ cɔni sāja wa yibeja. Ito yicōri gājerāre cɔni goti bato yibeja, yiyijɔ Jesús Ìre.

*Dios Ì cōarɔ ñami Cristo, yi Pedro Ì goti quenore gaye*  
(Mt 16.13-20; Lc 9.18-21)

27 Ito Ì yija bero Ì rāca riasotirā rāca wayijɔ Jesús, Cesarea Filipo wame cutiri cuto tɔ. Ma Ìna warojɔ Ì rāca riasotirāre ado bajiro seniɪayijɔ Jesús:

–¿No bajiro yati masa yɔre Ìna tija? “¿Ñimɔ ñati Ì?” Ìna seniɪaja, ¿no bajiro cɔdiati gājerā? yiyijɔ Jesús Ì rāca riasotirāre.

28 Ito Ì yija:

–Ado bajiro yama masa mɔre: “Juan masare idé guri masɔ ñami”, yima. Gājerā Ìna yijama, “Elías ñami”, yima Ìna. Gājerā Ìna yijama, “Diore goti Ìsiri masɔ ñami”, yima Ìna, yiyijarā Ìna Jesure. Ito yija ado bajiro Ìnare seniɪayijɔ Jesús:

29 –¿Mɔama, ñimɔ ñami, yati mɔa yɔre? yiyijɔ Jesús.

Ito Ì yija ado bajiro cɔdiyijɔ Pedro Ìre:

–Mɔti ña Cristo, Dios Ì cōarɔ, yiyijɔ Ì Jesure.

30 Ito bajiro Ì yija tɔcōri:

–Gājerāre goti batobesa mɔa, yiyijɔ Jesús Ì rāca riasotirāre.

*Yɔre sɪarā yirāji, Jesús Ì yire gaye*  
(Mt 16.21-28; Lc 9.22-27)

31 Ito yija Jesús ado bajiro Ìnare riasosɔoyijɔ:

–Yati ña Masa Rìjora. Bujato tōbujagɔ yigujɔ yɔ. Paia ɔjarā, judio masa rotirise riasori masa, ito yicōri bɔcɔrā cɔni, “Dios Macɔ meje ña mɔ”, yirā yirāji Ìna yɔre. Ito yicōri yɔre sɪarā yirāji. Ìna sɪaja, godacoagɔ yigujɔ yɔ maji. Godabojagɔti ɔdia rumɔ bero mɔcana tɔdi catigɔ yigujɔ yɔ, yiyijɔ Jesús Ìnare.

32 Ito bajiro Ìnare gotigɔ quenaro gotiyijɔ Jesús. Itire Ì bɔsija tɔcōri, ricati āmi wayijɔ Pedro Jesure. Ito yicōri, “Yibesa mɔ itire”, yi tɔdiyijɔ Pedro Jesure.

33 Ito Ì yija tɔcōri, juda rāgūyijɔ Jesús. Ito bajiro yicōri Ì rāca riasotirāre tiyijɔ Jesús. Ito yicōri ado bajiro oca sɔorise rāca gotiyijɔ Jesús Pedrorre:

–Rūmúa ɔjɔ Satanás wame cutigɔ bajiro bɔsia mɔ, yiyijɔ Jesús Ìre. Yɔ rāca ñabesa mɔ. Wasa mɔ. Dios Ì tɔoɪaro bajiro meje tɔoɪa mɔ. Masa Ìna tɔoɪabojaro bajirojɔna tɔoɪa mɔ, yiyijɔ Jesús Pedrorre.

34 Ito yija Ì rāca riasotirā, gājerāre cɔni jimioyijɔ Jesús. Ito yicōri ado bajiro gotiyijɔ Ì:

–Sīgū yɔre Ì sɔya āmoja, Ì ye ñaroti tɔoɪabiticōri yujɔare tɔo mai sɔyagɔ yigūji. Yucɔ gajagɔ robo bajiro tōbujabojagɔti yɔre riti sɔyagɔ yigūji Ì. 35 No Ì catirise maibojagɔti godagɔ yigūji. Ito bajibojarocati yɔre tɔorūnagū, yɔ oca Ì gotija tɔo junisinicōri Ìna sɪagūama catitiñare gaye bɔjagɔ yigūji. 36 Sīgū adi

macārucāroju gajeoni jeyaro ī bujabojaja, ī ya usi jeame ājuroju iti waja, ī ya gajeoni ī bujabojare ñe waja ma. <sup>37</sup> Ñe mani ya usi rēto busaro waja cutirise manoja. Catirāti Dios rāca mani oca quenoja quena. Mani godaja bero ī rāca oca quenore manoja ĩja. <sup>38</sup> Adi ramuri gāna ñeñaro yiri masa ñama. Ito yicōri Diore tuorānārā meje ñama ĩna. Ito bajiri, “Jesure rācubhogu ña yu”, yi tōōia bojobesa ĩna tiro riojo. Ito yicōri ñe bojore mano yu oca gotija quena. No yure masigū ñabojaguti yure ī bojoja, ito yicōri yu oca masibojaguti ī bojoja, yu tūdi ejari ramu ito bajiroti ĩre bojogu yigūja yu cani. Yu Masa Rījoru ñacōri yu Jacu Dios ī busurisena tūdi ejagu yigūja yu. Ito yicōri ī ñaro gāna āngel mesa rāca ejagu yigūja yu, yiyiju Jesūs.

## 9

<sup>1</sup> Ito yija gaje goti remoyiju Jesūs ĩnare:

–Īre tuorānārāre Dios ī miojuja, ī masirisena miojugu yiguūji. Riti mūare gotia yu. Mua coriarā adiju ñarā mua godaroto riojua ito bajiro ī yisuoja tirā yirāji mua, yiyiju Jesūs ĩnare.

*Īna tiro riojo Jesūs ĩ godo wedire gaye*  
(Mt 17.1-13; Lc 9.28-36)

<sup>2</sup> Co āmojeno āmūari bero Pedro, Santiago ito yicōri Juanre cani āmi wayiju Jesūs ūmari taria joeju. Itoju ĩna ejaroca ĩna tiro riojo Jesūs ī ya rio gajero bajiro godo wediyiju. <sup>3</sup> Ī ya yutabuju buto busa botiyiju. Ito yicōri yoyiju ī ya yutabuju. Īmua bueri botiro bajiro botiyiju. Saya coere rēto busaro botiyiju ī ya yutabuju. <sup>4</sup> Ito ĩna tiroca Elías ñayoru, ito yicōri Moisés ñayoru cani goāloyijarā Jesūs ta. Ito bajiri Jesūs rāca ĩna busija tiyijarā ĩna.

<sup>5-6</sup> Ītīre ticōri buto gūyijarā Pedro mesa. Buto guicōri queno tōōia masibisiju Pedro. Ito bajiri ado bajiro yiyiju ĩ:

–Tuoya yu Ūju mu. Gua adoju ñaja quenasacōa. Mūare wi meni ĩsiruja gua. Mure co wi, Moisésre gaje wi, ito yicōri Elíasre gaje wi meni ĩsiruja gua, yiyiju Pedro Jesure, queno tōōibiticōri. <sup>7</sup> Ito yija ide buere ruji ejacōri Jesūs, Moisés ito yicōri Elíasre cani gūmayiju. Ito yicōri bueri watoju oca ruyuyiju:

–Āni, yu Macuti ñami. Īre maisacōa yu. Īre queno tuoya mua, yi ruyuyiju oca.

<sup>8</sup> Ñajasaroti, ti batocōri Jesure riti tiyijarā ĩna. Gājerāma ruyubisijarā ĩja. Jesūs sīgūti ñayiju ĩna rāca.

<sup>9</sup> Ito yija taria joe ñana roja wayijarā ĩna ūdiarāti Jesūs rāca. ĩna roja waroca ado bajiro rotiyiju Jesūs ĩnare:

–Īju mua tigure gājerāre gotibeja. Yu ña Masa Rījoru. Godacōri mūcana tūdi catigu yigūja yu. Yu tūdi catiroto riojua mua tigure gājerāre gotibeja maji, yiyiju Jesūs ĩnare. <sup>10</sup> Īre queno tuocōri gājerāre gotibisijarā ĩna. Ito bajibojarocati ĩnamasiti gāmeri seniāyijarā:

–¿Ñe yireoni ñati? “Godacōri mūcana tūdi catigu yigūja yu”, yire, yiyijarā ĩna. <sup>11</sup> Ito bajiri Jesure seniāyijarā ĩna:

–¿No yija, “Cristo ejaroto riojua ejagu yiguūji Elías”, yati judio masa rotirise riasori masa? yiyijarā ĩna Jesure.

<sup>12</sup> Ito ĩna yija tuocōri:

–Riti ña. Elías ñayoru robo bajigu cajero ejashogu yiguūji. Jeyaro quenorocu ejagu yiguūji ĩ. Ito bajibojarocati yu Masa Rījoru ñagū quenabeto junirise bujagu yigūja. Ito yicōri masa yure rācubhomenaji. Dios oca tuti ucagore bajiroti yure rētaro yiroja. <sup>13</sup> Riti mūare gotia yu. Elías ñayoru robo bajigu iti



rəmuti ejacoaqui ĩja. Ito bajibojarocati masa ĩna ģmoro bajiroti ģeņarise yicā ĩna ĩre. Dios oca tutiju ucagore bajiroti rētaču Elías robo bajigure, yiyiju Jesús ĩnare.

*Rāmú sãñagũre rãmũre Jesús ĩ bucõare gaye*

(Mt 17.14-21; Lc 9.37-43)

<sup>14</sup> Ito yija gãjerã ĩ rãca riasotiri masa tu tãdi ejayiju Jesús. Itoju ejacõri ĩ rãca riasotirã tu masa jãjarã ĩna ģaja tiyiju Jesús. Ito yicõri judio masa rotirise riasori masa ĩ rãca riasotiri masa rãca ĩna gãmeri busija ti ejayiju Jesús. <sup>15</sup> Jesús ĩ ejaja ticõri, bũto wanuyijarã ĩna. Ito bajiri ĩ tu ũmaquedi wayijarã senirã warã.

<sup>16</sup> ĩ tu ĩna ejarocati seniĩayiju Jesús ĩnare:

—¿ĩna rãca ģeonire gãmeri busiri mũa? yiyiju Jesús ĩnare.

<sup>17</sup> Ito ĩ yija tuocõri, masa watoju sīgũ ado bajiro cãdiyiju Jesure:

—Tuoya riasogu mu. Yu macu ĩ ya usiju rãmú sãñagũ ģami ĩ. Ito yicõri busibicu ģami ĩ yu macu. Ito bajiri ĩre mu tuju ģmi wadibu yu. <sup>18</sup> Yu macu ya usiju sãjacõri ĩ quedi quearoca yami rãmú. Ito yicõri yu macu ya risere somo jairo budia. Guji cunĩ canamucõri ruju cunĩ tutua jedicoami ĩ. Nocõ mejeti rãmú ĩ ejajare ito bajiroti baji ģami yu macu. “Yu macu ya usiju rãmú sãñagũre bucõaña”, yibojabu yu mu rãca riasotirãre. Rãmũre bucõa masibeamã ĩna, yiyiju ĩ Jesure.

<sup>19</sup> Ito ĩ yija tuocõri, ado bajiro cãdiyiju Jesús:

—Yũre tuorũnumena ģa mũa maji. Yoari mũa rãca ģaboja yu. Ito bajibojarocati yũre tuobea mũa maji, yiyiju Jesús ĩ rãca riasotirãre. Yu tu ģmi waya macuacãre, yiyiju Jesús.

<sup>20</sup> Ito ĩ yija tuocõri, Jesús tuju ģmi wayijarã ĩre. Jesure ticõri macuacã ĩ cõ quediroca yiyiju rãmú. Ito bajiri jacaju quedi queacõri tunu cũñayiju macuacã. Ito yicõri ĩ ya rise somo budiyiju ĩre. <sup>21</sup> Ito yija Jesús seniĩayiju macuacã jacũre:

—¿Nocõ rodori tujati mu macu ito ĩ bajiroca? yiyiju Jesús ĩre.

Jesús ito ĩ yija tuocõri, ado bajiro cãdiyiju ĩ:

—Jaubicuaçã ãagũjuti ito bajisũoqui yu macu. <sup>22</sup> Coji meje jeameju ĩre queo tĩayiju rãmú. Ito yicõri ide ģariju cunĩ ĩre queo roayiju rãmú yu macuare sĩarocu. Mu ģuare ejabua ģojama, ģuare ti maicõri ģuare ejabuaya mu, yiyiju ĩ Jesure.

<sup>23</sup> Ito ĩ yija tuocõri, ado bajiro yiyiju Jesús ĩre:

—Mu yũre tuojama, ģejuã bũto josarise manoja, yiyiju Jesús ĩre.

<sup>24</sup> Ito ĩ yija tuocõri, ado bajiro cãdiyiju ĩ:

—“Yu macuare yisio masiguĩji Jesús”, yĩ tuoĩa yu. Ito bajiri bũto bũsa yu tuotoni, yũre ejabuaya mu, yĩ busiyiju ĩ awasãre rãca Jesure.

<sup>25</sup> ĩ awasãja tuocõri, jãjarã bũsa minijuayijarã masa Jesús tuju. Ito bajija ticõri, ado bajiro rãmũre oca seoro busiyiju Jesús:

—Tuoya rãmú mu. Masa ĩna busibitiroca, ĩna tuobitiroca cunĩ ya mu. Ito bajiri macuacã ya usire budigo rotia yu mũare. Ito yicõri mũcana tãdi ĩre sãjabesa mu, yiyiju Jesús rãmũre.

<sup>26</sup> Ito ĩ yiroca rãmú awasãcõri macuacã ĩ cõ quediroca yiyiju ĩ. Ito yicõri ĩ ya usiju sãñabojaru budigocoayiju ĩja. ĩ budigorocati cõgũ bajiro bajicoayiju macuacã. Ito bajija ticõri: “Cõcoami”, yiyijarã masa. <sup>27</sup> Ito ĩna yibojarcati Jesús macuacã ya ģmona tũa wũmũoyiju ĩre. Ito ĩ yirocati rũgõcoayiju ĩja.

<sup>28</sup> Ito yija bero wĩ sãjayiju Jesús. Ito ĩ sãja waroca ĩre seniĩayijarã ĩna ĩ rãca riasotiri masa:

—¿No yija bucõa masibiti ģua rãmũre? yiyijarã ĩna Jesure.

<sup>29</sup> Ado bajiro ñnare cudiyijũ Jesús:

–Bamena riti Diore senicõri, ãni rãmú robo bajigare bucõa masirãji mũa, yiyijũ Jesús ñnare.

*Yũre sãarã yirãji, mũacana Jesús i tũdi gotire gaye*

*(Mt 17.22-23; Lc 9.43-45)*

<sup>30-31</sup> Itijũna wayijarã ñna Jesús ito yicõri i rãca riasotirã cãni. Galilea sita ñna wa rëtaroca i rãca riasotirãre riasoyijũ Jesús. Ito bajiro ñnare i riaso ñnarijũ masa ñna masire ãmobisijũ Jesús.

–Yũ ñna Masa Rĩjorũ. Yũre ñnacõri sãarã yirãji masa. Godacoagu yigũja yũ. Ito bajijobaguti udiã rãmũ bero tũdi catigũ yigũja yũ mũacana, yiyijũ Jesús ñnare.

<sup>32</sup> I gotiriserere queno tũo masibisijarã ñna. Ito yicõri bũto Jesure seniña gũyijarã ñna.

*¿Ñimũ ñati ñasagu ñarocu? ñna yi seniñare gaye*

*(Mt 18.1-5; Lc 9.46-48)*

<sup>33</sup> Itijũna wana Capernaumjũ ejayijarã ñna. Itojũ ejacõri wi sãjayijarã ñna. Iti wijũ sãjacõri, ado bajiro ñnare seniñayijũ Jesús:

–¿Ma wadirã ñeonire gãmeri bũsiri mũa? yiyijũ Jesús ñnare.

<sup>34</sup> Jesús i seniñaja tũobojarãti cudibisijarã ñna. “¿Ñimũ ñaguñjida ñasagu mani wato?” yi gãmeri bũsijijarã ñna majũ wadirã. Ito bajiri Jesús i seniñaja cudibisijarã ñna ñja. <sup>35</sup> ñna cudibejare rujijijũ Jesús. Ito bajiro yicõri i rãca riasotirãre jímio jeocõyijũ Jesús:

–Sĩgũ ñasagu i ñna ãmoja, “Ñasabicũ ñna yũ”, yi tũoãgũ yiguñji i. Ito yicõri masa jeyarore moa ñsigũ yiguñji, yiyijũ Jesús ñnare.

<sup>36</sup> Ito yija ñna watojũ macũacãre cũyijũ Jesús. Ito yicõri macũacãre ãmi jeoyijũ Jesús. Ito bajiro yicõri ñnare ado bajiro gotijijũ:

<sup>37</sup> –No yũre rũcũbũogu ãni macũacãre boca ãmigãti, yũre boca ãmigãre bajiro yami i. No yũre boca ãmigãti yũ sigũre meje boca ãmiguñji. Yũre cõarure cãni boca ãmiami, yiyijũ Jesús.

*Manire tũo tudibicũ i ñaguñji mani baba, Jesús i yire gaye*

*(Mt 10.42; Lc 9.49-50)*

<sup>38</sup> Ito yija ado bajiro gotijijũ Juan Jesure:

–Guare riasogu, tũoya mũa. Mũa wamena sũoriti rãmũre bucõagũre ticũ gũa. Iĩ mani rãca ñagũ meje ñajare, “Yibesa”, yicũ gua ñre, yiyijũ Juan Jesure.

<sup>39</sup> Ito i yija tũocõri, ado bajiro cudiyijũ Jesús:

–Queno yami i. Ito bajiri ñre rëobesa, yiyijũ Jesús. Sĩgũ yũre rũcũbũocõri tiyamani i yi ñoja bero ñeñarise bũsitubiquñji yũre. <sup>40</sup> Ito bajiri manire tũo tudibicũ i ñaguñji mani baba. <sup>41</sup> Riti mũare gotia yũ. Dios i cõaru Cristo ñna yũ. Ito bajiri yũ ñarã mũa ñajare gãji mũare ide i ñoja ticõri, wanũgũ yiguñji Dios. Ito bajiri mũare queno i yijare ñre waja yigũ yiguñji Dios, yiyijũ Jesús ñnare.

*Ñeñaro mũa yi waja guijorise ña, yi Jesús i riasore gaye*

*(Mt 18.6-9; Lc 17.1-2)*

<sup>42</sup> Ito yija i rãca riasotirãre ado bajiro gotijijũ Jesús:

–No macũacã yũre tũorũnũsũogũre ñeñaro yiroca gãji i yija, ñre bũto waja senigũ yiguñji Dios. Quenogorama ito bajiro yigũre i ya ãmũmajũ gũtagã jajoca sia yocõri riaca ãcarojũ rucõaja quenaroja, yiyijũ Jesús ñnare. <sup>43</sup> “Mũa ñeñaro yirise jidicãña mũa”, yirocũ ado bajiro gotijijũ Jesús ñnare: Mũa ya ãmona ñeñarise mũa yija itire jatacõña. Manire co dũja ãmo manija quenabetoja. Ito bajijobarocati jũã ãmo, ãmo cutirã ñabojarãti jeame ãjũroju mani waja

rêto busaro quenabeto yiroja. <sup>44</sup> Itoju jeame yatirime meje ñaro yiroja. Ito yicôri co ramu ruyabeto rujure barâ yirâji becoa. <sup>45</sup> Mña ya gabona ñeñarise mña yija itire cuni jatacôña. Manire co ñaja gabo manija quenabetoja. Ito bajibojarocati jua gabo, gabo cutirâ ñabojarâti jeame ñujoroju mani waja rêto busaro quenabeto yiroja. <sup>46</sup> Itoju jeame yatirime meje ñaro yiroja. Ito yicôri co ramu ruyabeto rujure barâ yirâji becoa. <sup>47</sup> Mña ya cajeana ñeñarise mña yija itire ruacôña. Manire co ñaja cajea manija quenabetoja. Ito bajibojarocati jua cajea, cajea cutirâ ñabojarâti jeame ñujoroju mani waja rêto busaro quenabeto yiroja manire. <sup>48</sup> Itoju jeame yatirime meje ñaro yiroja. Ito yicôri co ramu ruyabeto rujure barâ yirâji becoa, yiyiju Jesûs ñnare.

<sup>49</sup> 'Mani jea waja, iti juniro bajiro tóbujarâ yirâji Diore tuorunumena. <sup>50</sup> Quenarise ña moa. Ito bajibojarocati moa ocarise iti jedija mucana tadi ocabetoja ñja. Ito bajiri waja mano bajiroti ñaroja moa ñja. Ito bajiri moa queno ocarise bajiro bajirâ ñaña mña. Ñe oca manoti ñaña mña. Ito yicôri sigû robo bajiro tuoia ñaña mña, yiyiju Jesûs i rãca riasotirãre.

## 10

### *Manojore jidicãre ma, yi Jesûs i riasore gaye* (Mt 19.1-12; Lc 16.18)

<sup>1</sup> Capernaumju ñacôri Judea sitaju wayiju Jesûs. Ito ejacôri Jordán wame cutirisa boejuaju wayiju Jesûs. Itoju masa jãjarâ minijuayijarâ mucana Jesûs rãca. Ñna ejaja ticôri, ñnare riasoyiju Jesûs i yisotiro bajiroti. <sup>2</sup> Jesûs masare i riaso ñaroca i tu ejayijarâ fariseo gaye tuoiarã. Jesûs i tuo wisajaro yirona ado bajiro ñre seniayijarâ ñna:

—¿Ûmugã i manojore cõaja, ñeñarise ñati iti? yiyijarã ñna Jesure. <sup>3</sup> Ito ñna yija ado bajiro cudiyiju Jesûs:

—¿No bajiro muare rotiyijari Moisés ñayoru? yiyiju Jesûs ñnare.

<sup>4</sup> Ito i yija tuocôri, ado bajiro cudiyijarã ñna:

—Ado bajiro gotiyiju Moisés ñayoru: “Sigû manojore i cõa ãmoja papera ucaruja. ‘Yu manoyo te ñamo. Ito bajiri isore cõagã ya yu’, yire papera uca ticôri, isore cõagã yiguji i”, yiyiju Moisés ñayoru, yiyijarã fariseo gaye tuoiarã Jesure.

<sup>5</sup> Ito ñna yija tuocôri, ado bajiro yiyiju Jesûs:

—Mña ya usiju tuo terã mña ñajare manojore cõare gaye rëobisiju Moisés.

<sup>6</sup> Jane mejeju cajero masare rujeosyogu ãmugã ito yicôri romiore cuni rujeoyiju Dios. <sup>7</sup> Ito bajiri manoyo bujacôri ricati ñagã yiguji ãmugã i manoyo rãca. Ito bajiri jacusabatia tu butogoroama ñasabiquji i ñja. <sup>8</sup> Ito yicôri manoyo rãca juarã ñabojarâti sigûre bajiroti ñarãji ñna. Ito bajiri juarã meje ñarãji. Sigû bajiroti ñacõrãji ñna ñja. <sup>9</sup> Manojore ãmo siaja bero sigûre bajiroti ñama ñna, Dios i tiro riojo. Ito bajiri manojore cõare ma ñja, yiyiju Jesûs ñnare.

<sup>10</sup> Wiju sãja wacôri Jesure i gotiriserẽ seniayijarã ñna i rãca riasotiri masa.

<sup>11</sup> Ito ñna yijare ado bajiro cudiyiju Jesûs:

—No manojore cõagã quenabeami. Ito yicôri gajeo i manoyo cutija rocati yigu bajiro yami i. Cajero i manoyo cutisogore ñeñaro yigu yami locũ. <sup>12</sup> Ito bajiroti romio cuni, iso manujure cõagõ quenabeamo. Ito yicôri gãji iso manuju cutija rocati ajego bajiro yamo iso. Cajero iso manuju cutisogore ñeñaro yigo yamo iso, yiyiju Jesûs ñnare.

### *Rãcare queno yijaro Dios, Jesûs i yire gaye* (Mt 19.13-15; Lc 18.15-17)

<sup>13</sup> Rĩacare tũa wadiyijarã masa Jesũs tũjũa. Rĩacare ĩ moaĩare ãmoyijarã masa. Ito bajiro ĩna yija ticõri, ado bajiro yiyijarã Jesũs rãca riasotiri masa:

–Jesure ƚsirioro yibesa mũa, yiyijarã ĩna masare. <sup>14</sup> Itire ticõri junisiniyijũ Jesũs. Ito bajiri ĩ rãca riasotirãre ado bajiro gotiyijũ Jesũs:

–Rĩacare rẽobesa, yũ tũ wadijaro ĩna. Rĩaca ñama yũre queno tũorũnarã. ĩna robo yũre queno tũorũnarãre ĩ rotirojũ miojugũ yiguĩji Dios. <sup>15</sup> Riti mũare gotia yũ. Rĩaca queno cudi ãmoama Dios ĩ rotirisere. No rĩaca ĩna cudiro bajiro cudi bicũ Dios ĩ rotirojũ ejabiquĩji, yiyijũ Jesũs ĩ rãca riasotirãre.

<sup>16</sup> Ito yicõri rĩacare ãmi jeoyijũ Jesũs. Ito bajiro yicõri ĩ ya ãmona ĩnare moa jeoyijũ. Ito yicõri: “Queno yijaro Dios mũare”, yiyijũ Jesũs rĩacare.

*Gajeonire bũto maisabeja quena, Jesũs ĩ yire gaye*  
(Mt 19.16-30; Lc 18.18-30)

<sup>17</sup> Itijũna Jesũs ĩ wasũorocati ĩ tũjũ ũmaquedi ejayijũ ãmũgũ. Jesũs riojo ejacõri rijomunigãna ñini rũjũyijũ ĩ:

–Tũoya Riasogu mũa. Quenagũ ña mũa. Dios rãca catitiña ãmoa yũ. ¿No bajiro yiguti yũ Dios rãca catitiñaroca? yiyijũ ĩ Jesure.

<sup>18</sup> Ito ĩ yija tũocõri, ado bajiro cudi yijũ Jesũs:

–¿No yija, “Quenagũ ña mũa”, yati mũa yũre? Dios sũgũti ñami quenagũ. <sup>19</sup> Dios ĩ rotirisere masia mũa. Ado bajiro gotia iti: “Masare sãbesa. Manojũ cũtigu gajeo rãca ajebesa. Rinibesa. Gãjire bũsitubesa. Gãjerãre rwobesa. Mũ jacũ, mũ jacore cũni queno rãcũbũoya”, yi gotia Dios oca. Itire masia mũa, yiyijũ Jesũs ĩre.

<sup>20</sup> Ito ĩ yija tũocõri, ado bajiro yiyijũ:

–Tũoya Riasogu mũa. Dios ĩ rotirisere masicõri mamũ ñagũjũti queno cudi cũ yũ, yiyijũ ĩ Jesure.

<sup>21</sup> Ito ĩ yija tũocõri, ĩre ti maiyijũ Jesũs:

–Coji gaye mũa yiroti rũya maji. Mũ ya gajeoni gãjerãre ĩsi jeocõña. Iti waja bũjacõri bojoro bũjarãre ĩsiña. Mũ ito yija ũmacũju Dios tũ ejacõri jairo waja bũjagũ yigũja mũa. Ito bajiri yũ gotirisere cudiya. Ito yicõri yũ rãca waya, yiyijũ Jesũs ĩre.

<sup>22</sup> Ito bajiro Jesũs bũsija tũocõri, bojori bũjayijũ ĩ. Gajeoni jaigũ ñacõri itire bũto maiyijũ ĩ. Ito bajiri Jesũs bũsire tũocõri bojori bũjaguti wayijũ ĩ.

<sup>23</sup> Ito yija Jesũs ĩ rãca riasotirãre ti batocõri ado bajiro bũsiyijũ:

–Gajeoni jairãre josari ñaro yiroja Dios ĩ rotirojũ ĩna ejaroto, yiyijũ Jesũs ĩnare.

<sup>24</sup> Ito bajiro ĩ yija tũocõri, ƚcayijarã ĩ rãca riasotiri masa. Ito bajiri mũcana ĩnare goti remoyijũ Jesũs:

–Tũoya yũ rĩa mũa. Gajeonire riti tũoĩarãre josari ñaroja ĩnare Dios ĩ rotirojũ ĩna ejaroto. <sup>25</sup> Gawa jota gojere camello ĩ rẽta wa ãmobjaja josari ñaroja ĩre. Ito bajibojarocati gajeoni jaigũ Dios ĩ rotirojũ ĩ wa ãmobjaja josari bũsa ñaroja ĩre, yiyijũ Jesũs ĩ rãca riasotirãre.

<sup>26</sup> Ito bajiro ĩ bũsija tũocõri, bũto oca jaiyijarã ĩna. Ito bajiri ĩnamasiti gãmeri seniãasũoyijarã:

–Riti ĩ yijama, sũgũ Dios tũ ejabiquĩji, yiyijarã ĩna.

<sup>27</sup> Ito yija Jesũs ĩnare ti maicõri, ado bajiro ĩnare gotiyijũ:

–Masa eja masiado manojã. Josari ñaroja ĩnare. Dios sũgũti jeyaro masigũ ñami. Ñejũa josarise manojã ĩre, yiyijũ Jesũs ĩnare.

<sup>28</sup> Jesũs ito yija tũocõri, Pedro cudi yijũ ĩre:

–Queno tũoya mũa. Gwa ya gajeonire jidicãcõri mũre sũya gwa, yiyijũ Pedro Jesure.

29-30 Ito ī yija ado bajiro cūdiyijū Jesús:

—Riti mware gotia yu. Gājerāre Dios oca gotirona yure sūyacōri īna nārāre cū warā yirāji coriarā. Īna ocabajirā, Īna jacu, Īna jaco, Īna rīa ito yicōri Īna ya wesecare cūni cū warā yirāji īna yure sūyarona. Ito bajiro yirāji īna gājerāre Dios oca goti āmorā. No yure sūya āmocōri ī nārāre cū wacure, queno yigu yiguīji Dios ĩre. Jaje wiri, wesecari, ocabajirā, jacosaromia ito yicōri rīa jājarā ĩsigū yiguīji Dios ĩre. Ito bajibojarocati yure sūyacōri quenabeto tōbujagu yiguīji ī. Ito bajicōri ija catitīnare ĩsigū yiguīji Dios ĩre. <sup>31</sup> Coriarā adocāta nāsari masa nabojarāti, ija Dios tū ejacōri nāsari masa meje nārā yirāji īna. Gājerāma adocāta nāsarā meje nabojarāti ija Dios tū ejacōri nāsari masa nārā yirāji īna, yiyijū Jesús ĩnare.

*Yure sīarā yirāji, Jesús ī yi busisusare gaye*

*(Mt 20.17-19; Lc 18.31-34)*

<sup>32</sup> Jerusalēnju wara mana wayijarā ĩna. Ī rāca riasotirā riojua wayijū Jesús. Ito ĩre ĩna sūya waroca tuoīa oca jaiyijarā ĩna. “¿No yija Jerusalēnju ī waja gūibeati Jesús?” yi tuoīayijarā ĩna. Īna bero sūyarāma buto gūiyijarā. Masa ĩna gūija ticōri, ricati ī rāca riasotirāre goti remosusayijū Jesús ī godaroti gaye:

<sup>33</sup>—Queno tuoja mwa. Jerusalēnju warā ya mani. Itoju Masa Rījoru yu nājare yure nīarā yirāji masa. Paia ujarā ito yicōri judio masa rotirise riasori masare cūni ĩsirona yure nīarā yirāji ĩna. Ito bajiri yure boca āmicōri sīa rotirā yirāji ĩna. “Īmo ĩre sīaīa”, yirā yirāji ĩna gawa masare. <sup>34</sup> Ito yicōri yure aja tudirā yirāji ĩna. Yure go ide eobate gurā yirāji ĩna. Yure bajerā yirāji ĩna. Ito yicōri yure sīarā yirāji ĩna. Ito bajibojarocati ūdia rāmū bero tūdi catigū yigūja yu mūcana, yiyijū Jesús ĩnare.

*Santiago mesa Jesure ĩna senīa āmore gaye*

*(Mt 20.20-28)*

<sup>35</sup> Ito yija Zebedeo rīa Juan, Santiago cūni eja rūgūyijarā ĩna Jesús tū:

—Tuoja Riasogu mū. “Ado bajiro gware queno yija”, mware gua senija mū cūdire āmoa gua, yiyijarā ĩna Jesure.

<sup>36</sup> Ito ĩna yija tuocōri, ado bajiro cūdiyijū Jesús:

—¿No bajiro yu yire āmoati mwa? yiyijū Jesús ĩnare.

<sup>37</sup>—Mū rotiroju gua ejaroca mū rāca gware ruji rotiba mū. Sīgūre mū riojocadūjaju ito yicōri gājire mū gācodūjaju mū ruji rotire āmoa gua, yiyijarā ĩna Jesure.

<sup>38</sup> Ito ĩna yija tuocōri, ado bajiro cūdiyijū Jesús:

—Mwa yure senibojarisere queno tuo masibea mwa. Quenabeto yu tuoīaroca yirā yirāji masa yure. ¿Yure bajiroti quenabeto tuoīa nēmecuti masirā yirājida mwa cūni? yiyijū Jesús ĩnare.

<sup>39</sup>—Nēmecuticōrāji gua, yiyijarā ĩna Jesure.

Ito ĩna yija ado bajiro yiyijū Jesús:

—Riti mware gotia yu. Quenabeto yu tuoīaro bajiroti quenabeto tuoīarā yirāji mwa cūni. <sup>40</sup> Ito bajibojarocati yu rāca mware ruji roti masibea yu. Yu riojocadūja, gācodūja cūni Dios sīgūti yu tū rujironare rotigū yiguīji. Itoju rujiado ĩnare queno ĩsigū yiguīji Dios, yiyijū Jesús ĩnare.

<sup>41</sup> Ito bajiro ĩna busija, gājerā Jesús rāca riasotirā jua dūjamocō nārā tuoīyijarā. Ito bajiri ĩnare tuocōri Juan, Santiagore cūni junisini tiyijarā ĩna.

<sup>42</sup> Ito bajija ticōri, ĩnare jīmioyijū Jesús:

—Wī ūju sīgū ī nāja itī wī gānare roti masiguīji. Ito bajiroti masa ūju sīgū ī nāja wī ūjarāre roti masiguīji ī. <sup>43</sup> ĩnare bajiro bajibitirūja mware. Ado robojua

bajia. Mwa wato no uju ũa āmogūti gājerāre moa ĩsija quena. <sup>44</sup> No ũasagu ũa āmogūti gājerāre ejabuaja quena. ĩnare moa ĩsiri masu robo bajiroti ĩ moa ĩsija quena. <sup>45</sup> Yu ũa Masa Rĳoru. Masa yure moa ĩsijaro yirocu meje wadicu yu adi sitaju. Masare ejabuarocu wadicu yu. Masare goda ĩsirocū wadicu yu. Ito yicōri ĩna ũeñaro yirise waja, waja yi ĩsirocū wadicu yu, yiyiju Jesús ĩnare.

*Cajea macure Jesús ĩyisiore gaye*

*(Mt 20.29-34; Lc 18.35-43)*

<sup>46</sup> Mucana wacōri Jericó wame cutiri cutoju ejayiju Jesús ĩre sayarā rāca. Ito cutoju Jesús ĩ budiroca ĩrāca riasotirā rāca, masa gājerā sayayijarā ĩre. ĩna wari ma tu rujiyiju tibicu, Bartimeo wame cutigu. Timeo macu ũayiju ĩ. Gajeoni macu ũari gājerā ĩre queno yitoni buto josayiju Bartimeo. <sup>47</sup> Jesús Nazaret gagu ĩ rēta waja tucōri, buto awasāre rāca ĩre jiyiju tibicu:

—Tuoja Jesús mu. David ũayoru janerābatia janami ũa mu. Yure ti maiña mu, yiyiju tibicu Jesure.

<sup>48</sup> Ito bajiro ĩ yija tucōri, jājarā ĩre tudiyijarā tibicure: “Bwsibesa mu”, yiyijarā masa ĩre. Ito bajiro ĩna yibojarocati buto busa awasāyiju mucana:

—Tuoja David janami mu. Yure ti maiña mu, yiyiju tibicu Jesure.

<sup>49</sup> Ito bajiro tibicu ĩ yija tucōri, tuja rāgūcoayiju Jesús ĩja.

—ĩre jiya mwa, yiyiju Jesús masare.

Ito ĩ yija tibicure jiyijarā ĩna:

—Wanu oca seña. Ito yicōri wamu rāgūña. Jesús mure jiami, yiyijarā masa tibicure.

<sup>50</sup> Ito bajiro ĩna yija tucōri, Jesús taju warocu yutabuju joegadore ruacōri bubu queda rāgū wayiju ĩ. <sup>51</sup> ĩ ejaja ticōri, ado bajiro yiyiju Jesús ĩre:

—¿No bajiro yu yire āmoati mu? yiyiju Jesús ĩre.

—Tuoja Riasogu mu. Yu ya cajea ruyubea yure. Ti āmoa yu, yiyiju tibicu Jesure.

<sup>52</sup> Ito yija ado bajiro ĩre cudiyiju Jesús:

—Wasa mu. “Jesús yure yisocōgū yiguñji”, mu yi tuoñajare mure yisioa yu, yiyiju Jesús tibicure.

Ito bajiro Jesús ĩ yirocaci ticoayiju tibitibojaru ĩja. Ito bajiri Jesure sayu wayiju ĩ tibitija bero ticōri.

## 11

*Jerusalénju Jesús ĩ ejare gaye*

*(Mt 21.1-11; Lc 19.28-40; Jn 12.12-19)*

<sup>1</sup> Jerusalén sōjua busa Olivos wame cutiri turia tu ejayijarā. Itoju ju cuto ũayiju. Betfagé, Betania wame cutiri cutori ũayiju iti turia tu. Ito tu busa ejacōri ĩ rāca riasotiri masa jūarāre cōayiju Jesús. <sup>2</sup> Ado bajiro gotiyiju Jesús ĩnare:

—Mani riojo ũari cutoju wasa. Itoju burro macu sia rāgōrare bujarā yirāji mwa. Noa masa mwa jeaũa yiya macu ũaguñji maji. ĩre ōjama. Ito yicōri ĩre āmi wadiba. <sup>3</sup> Gājerā mware senñaja: “¿No yirā ĩre āmi wati mwa?” ĩna yija, ado bajiro cudiba mwa: “Mani ũju āmoami ĩre. Ito bajiri āmi waju gwa. Nocō mejeti juda cōagū yiguñji mucana”, yi gotiba, yiyiju Jesús ĩna jūarāre.

<sup>4</sup> Ito ĩ yija tucōri, wayijarā ĩna. Ito ejacōri maju ĩna sia rāgōrare ti bujayijarā ĩna. Soje tuti rāgōyiju ĩ. ĩre bujacōri ōjayijarā ĩna.

<sup>5</sup> Itoju ũarā ĩnare ado bajiro senñayijarā:

—¿No yirona yati mwa? ¿No yija burro macure ōjati mwa? yiyijarā ĩna.

<sup>6</sup> Ito Ìna yija tʉocõri, Jesús Ì rotiado bajiroti cʉdiyijarã Ìna. Ito bajiri itijũ gãna Jesús rãca riasotirãre wa rotiyijarã. <sup>7</sup> Ito yija burro macure ãmi wayijarã Jesús tajũ. Ito yicõri Ìna ya yutabujuri burro macũ joejũ jeoyijarã. Ì tũ Ìna ãmi ejarocati burro joejũ mujã jeayijũ Jesús. <sup>8</sup> Jãjarã masa Ìna ya yutabujuri ruacõri Ì riojũna yutabujuri eyocũ yuyijarã Ìna. “Gũa Ʋjũ ña mũ”, yirona ito bajiro yiyijarã masa Jesure rãcũbʉorã. Gãjerã mimi caeri jatacõri jidicũ yuyijarã Ì cʉdatoni.

<sup>9</sup> Jesús riojũna ũmatũarã cʉni Ì berojũna sʉyarã cʉni ruje awasãyijarã masa wanũ quenarã:

–Dios sīgũti ñami quena bʉsagũ. Dios Macũ Ì cõaru Ʋjũ quenagũ ñami Ì.

<sup>10</sup> Mani ñicũ David ñayorũ Ì rotija quena ñayijũ. Ito bajiroti quenari rodo ñaro yiroja mʉcana. Dios sīgũti ñami quena bʉsagũ, yuyijarã Ìna wanũ quenarã.

<sup>11</sup> Ito bajiro Ìna yiroca riti Jerusalénjũ ejayijũ Jesús. Ito ejacõri Dios ya wi sãjayijũ Ì. Jeyaro ti batoyijũ Jesús. Ito bero iti rãioja ticõri, Betaniajũ tũdi wayijũ Jesús Ì rãca riasotirã rãca. Jũna gubojeno ñayijarã Ìna, Ì rãca riasotirã.

*Higuera rica manigãre Jesús Ì rojare gaye*  
(Mt 21.18-19)

<sup>12</sup> Gaje rãmũ Betaniana wayijarã Ìna. Ìna waroca Jesús ñiocõyijũ. <sup>13</sup> Sõjũna higuera wame cʉtiricũ tiyijũ Jesús. Rãjagũ robo bajiricũ ñacũ higuera wame cʉtiricũ. Queno jũ cʉtiyijũ. Ito bajiri tigũ wayijũ Jesús higuera gũ ricare barocũ. Ito bajibojarocati higuera gũ tũ ejacõri jũ riti bʉjayijũ Jesús. Rica mañijũ cũma meje ñajare. <sup>14</sup> Itigũ rica manija ticõri, ado bajiro yiyijũ Jesús itigure:

–Mũ ya ricare tũdi bamenaji masa. Rica mano yiroja Ìja, yiyijũ Jesús itigure. Ito bajiro Ì bʉsija tʉoyijarã Ì rãca riasotirã.

*Dios ya wijũ niyeru wasoari masare Jesús Ì bucõare gaye*  
(Mt 21.12-17; Lc 19.45-48; Jn 2.13-22)

<sup>15</sup> Jerusalén tũdi ejacõri Dios ya wi sãjayijũ Jesús Ì rãca riasotirã cʉni. Ito sãja ejacõri ito waja gãme ñarãre bucõayijũ Jesús. Niyeru wasoarãre Ìna ya niyeru jeoado tujũda queoyijũ Jesús. Ito yicõri buja waja gãmerã ye Ìna ya cumurori tujũda cõayijũ Jesús. <sup>16</sup> Ito bajiri Dios ya wijũ gajeoni ãmi wa rotibisijũ Ìnare. <sup>17</sup> Ito yicõri ado bajiro masare riasoyijũ:

–Ì oca tutina ado bajiro gotiami Dios: “Yũre rãcũbʉora wi ñaro yiroja yũ ya wi. Masa jeyaro yũre bʉsirã yirãji iti wijũ sãjacõri”, yì gotia Dios oca. Ito bajiro mũna yija riniri masa Ìna rudiri wi bajiro godo weoa mũna Dios ya wire, yiyijũ Jesús.

<sup>18</sup> Ito bajiro Jesús Ì yija tʉocõri, “¿No bajiro Ìre sjarajati mani?” yì tũõayijarã paia ʉjarã, judio masa rotirise riasori masa cʉni. Masa jeyaro Ìre riti Ìna tʉorũnjare, ito bajiro tũõayijarã Ìna, Jesure gũirã. <sup>19</sup> Rãiocũro ñaroca iti cʉtore wayijũ Jesús Ì rãca riasotirã rãca.

*Higuera rica manigã iti siniare gaye*  
(Mt 21.20-22)

<sup>20</sup> Gaje rãmũ busuri jĩjũ mʉcana mana warã higuera wame cʉtiricũ tũ ejayijarã Ìna. Ito ejacõri higuera gũ iti siniaja tiyijarã Ìna. Ñe mari cʉni sinicoayijũ itigũ Ìja. <sup>21</sup> Itocõti Jesús Ì bʉsigore tũõa bʉjayijũ Pedro:

–Tiya gũare Riasogũ mũ. Itigure mũ rojaja bero sinicoayija itigũ Ìja, yiyijũ Pedro Jesure.

<sup>22</sup> Ito Ì yija tʉocõri, ado bajiro gotiyijũ Jesús Ì rãca riasotirãre:

—Diore mua tuorānaja quena. “Diore gua senija cūdigu yiguūji”, mua yi tuoīaja quena, yiyiju Jesús ĩnare. <sup>23</sup> Riti muare gotia ya. Diore tuorānucōri, i turiare, “Cūni rūgūcōri riaca jajosaju quedi roaya”, mua yija ito bajiroti rētarō yiroja. Diore senicōri, “Yu senirise cūdibiquūji Dios”, yi tuoīabesa mua. Diore senicōri, “Yu senirise cūdigu yiguūji Dios”, yi tuoīaña mua. Mua ito yijati ito bajiroti rētarō yiroja. <sup>24</sup> Ito bajiri Diore senicōri: “Yure cūdicāñi ĩ”, yi tuoīaña mua ya usina. Mua ito yijati muare cūdigu yiguūji Dios. Ito yicōri mua āmorise muare ĩsigū yiguūji ĩ. <sup>25</sup> Diore busirāti, gājerā ñeñaro ĩna yirise ācabojoja quena. Ito bajiro mua yijati, mani Jacu ũmacūju gagu mua ñeñaro yirisere ācabojoju yiguūji ĩ cūni. <sup>26</sup> Ito bajibojarocati muare gājerā ĩna ñeñaro yirisere mua ācabojojeja, mani Jacu ũmacūju gagu mua ñeñaro yirise ācabojobiquūji ĩ cūni, yiyiju Jesús ĩnare.

*¿Ñimu ĩ rotijare ito bajiro yati mu? yi Jesure ĩna seniāre gaye*  
(Mt 21.23-27; Lc 20.1-8)

<sup>27</sup> Ito yija bero Jerusalénju tūdi wayiju Jesús ĩ rāca riasotirā rāca. Itoju ejacōri Dios ya wi wayiju Jesús. Ito ĩ ña ucurocati ĩ tu eja rūgūyijarā paia ujarā, judio masa rotirise riasori masa ito yicōri judio masa busarā cūni. <sup>28</sup> Ito ejacōri ado bajiro Jesure seniāyijarā ĩna:

—¿Dios ya wiju masare mu bucōaja, ñimu roticati mure? ¿Ito yicōri ñimu ĩ rotirise rāca ito bajiro yicati mu? yiyijarā ĩna Jesure.

<sup>29</sup> Ito ĩna yija tuocōri, ado bajiro cūdiyiju Jesús:

—Yu cūni coji gaye muare seniā āmoa. Mua yure cūdija tuocōri, yure rotigu wame gotigu yigūja ya muare. Ado bajiro muare seniā ya: <sup>30</sup> ¿Juan masare idé gutoni, ñimu rotiyijari ĩre? ¿Dios rotiyijarite ĩre? ¿Masajua rotiyijarite? Yure cūdiya mua, yiyiju Jesús ĩnare.

<sup>31</sup> Ito ĩ yija tuocōri, ĩnamasiti gāmeri tuoīa busiyijarā:

—¿No bajiro ĩre cūdirāti mani? “Juan masare idé gutoni cōayiju Dios”, mani yija, “¿No yija Juanre tuobiticati mua?” manire yigu yiguūji Jesús. <sup>32</sup> Ito bajibojarocati, “Masa rotiyijarā Juanre”, mani yija, manire junisinirā yirāji masa. “Juanre cōayiju Dios”, masa ĩna yi tuoīajama, ¿no bajiro Jesure cūdirā yirājida mani? yi tuoīayijarā paia ujarā. <sup>33</sup> Ito bajiri:

—Masibea gua, yiyijarā ĩna Jesure.

Ito ĩna yijare:

—Bau, yure rotiru wame gotibicūja ya cūni muare, yiyiju Jesús ĩnare.

## 12

*Queno moare rujeo masimena Jesús ĩ yire gaye*  
(Mt 21.33-46; Lc 20.9-19)

<sup>1</sup> Goti masiore ocana ado bajiro masare riasoyiju Jesús:

—Sīgū uyé wese oteyiju ĩ. Ito yicōri masa ĩna rinime yirocu camotayiju ĩ wesecare. Ito yicōri uyére wañiaroti goje meniyiju uyé idere ñurocu. Ito yicōri ũmari wi meniyiju ĩ ya wesecare, tirānucūja, yiroca. Ito yija bero gājerāre ado bajiro gotiyiju ĩ: “Yu ya wesecare mua codeja muare waja yigu yigūja ya”, yiyiju ĩ ĩnare. Ito yicōri wa ucugu wacoayiju ĩja. <sup>2</sup> Yoa busariju uyé rica busarocā ĩ ya moari masare cōayiju uyé ĩre āmi ĩsitoni. <sup>3</sup> Uyé weseju ĩ ejaroca ĩre ñiacōri jayijarā weseca coderi masa. ĩre uyé ĩsimenati, “Wasa”, yiyijarā ĩna. Ito bajiri ñe manoti tūdi ejayiju ĩre roti ñucarū tu. <sup>4</sup> Uyé ĩ āmibeja ticōri, gāji moari masare cōayiju weseca uju, uyé ĩre āmi ĩsitoni. Uyé weseju ĩ ejaja ticōri, ĩre cūni jayijarā ĩna. Ito bajiri ĩ ya rijogaju camī catiyiju ĩ. Ito bajiro ĩre yicōri



ñeñaro busiyijarã ina. <sup>5</sup> Ito bajiro ãre ãna yija ticõri, m̃acana gãjire cõayiju iti wese uju. Ì eja ja ticõri, ãre s̃ayijarã weseca coderi masa. Ito bajiri jãjarã busa cõayiju iti wese uju ãja. Ìnare c̃uni ito bajiroti yiyijarã weseca coderi masa. Coriarãre buto jayijarã. Gãjerãre s̃ayijarã ãna.

<sup>6</sup> ‘Sigũ macu c̃atijijũ iti wese uju. Ìre buto maiyiju Ì. “Yũ macure r̃uc̃ubhorã ãre tuorã yirãji ãna”, yi tuoãayiju Ì. Ito bajiri Ì macure c̃uni cõasusayiju Ì ãja. <sup>7</sup> Ito bajiri weseca uju macu Ì eja ja ticõri, ado bajiro gãmeri busiyijarã weseca coderi masa: “Adi wese uju macu ñami ãni. Ì jacu godaja bero adi wese Ì ya wese ñaro yiroja. Ìre s̃lato mani adi wese ujarã ñarona. Ito bajiri mani ãre s̃laja bero mani ya wese ñaro yiroja ãja”, yiyijarã ãna. <sup>8</sup> Ito bajiri ãre ñiacõri s̃ayijarã ãna. Ito yicõri Ì ya rujare weseca t̃animaju cõayijarã ãna. Itocõti ña adi oca, yiyiju Jesũ ãnare.

<sup>9</sup> Ito bajiro ãnare goti t̃icõri, ado bajiro senĩayiju Jesũ masare:

–¿No yigu yiguũjida weseca uju ãnare? Ado bajiro yigu yiguũji Ì. Weseca coderãre s̃lagũ wacu yiguũji Ì. Ito yicõri gãjerãre weseca code rotigu yiguũji Ì, yiyiju Jesũ ãnare.

<sup>10</sup> Gaje ado bajiro gotiyiju Jesũs:

–¿Dios oca tutire t̃ĩabeati m̃ua? Tuoya m̃ua ado bajiro gotia: Gũta wi meniri masa coga gãtagã cõayijarã ãna. Ito bajibojarocati gaje gãta r̃eto busaro quenarica ñayiju ãna cõabojaraga. Itiga gãtagãna suoriti quenari wi menigũ yiguũji Dios. Itiga gãtagã manija, ñe menire manija ãja.

<sup>11</sup> Ito bajiro ãmoñi Dios mani Uju. Ito bajiri itire masicõri buto tuoãa wanua mani, yi gotia Dios oca.

Ito bajiro yĩni Dios yure r̃etaroti tuoãa yugu, yiyiju Jesũ ãnare.

<sup>12</sup> Ito bajiro Jesũs Ì yija tuocõri, ãre ñia ãmobojayijarã iti cuto ñari masa. “Ìto bajirã ñama ãna’, manire yirocu iti ocare gotimi Jesũs”, yi tuoãayijarã ãna. Ito bajibojarocati masare gãirã Jesure ñiabisijarã ãna. Ito bajicõri itijuna wacoayijarã ãna ãja.

*Ujarãre mani waja ruyurioja ñaro bajiroti waja yija quena, Jesũs Ì yire gaye (Mt 22.15-22; Lc 20.20-26)*

<sup>13</sup> Fariseo gaye tuoãarã, Herodes Ì baba mesa c̃uni ejayijarã ãna Jesũs t̃aju. Ìna ujarã rotija tuocõri, Jesũs tu wayijarã ãna. “Jesũs Ì cud̃i masibeja, ãre oca meni masirã yirãji mani”, yi tuoãacõri Ì tu ejayijarã ãna. <sup>14</sup> Ì tu ejacõri ado bajiro yiyijarã ãna:

–Tuoya Riasogu m̃u. Riojo gotigu ña m̃u. Masa m̃ure busituja guijobea m̃ure. “Masa jeyaro coro bajiroti ñama”, yi tuoãa m̃u. Dios Ì gotirisere riojo riasogu ña m̃u. Riojo gotigu m̃u ñajare m̃ure senĩa g̃ua: “¿Roma cuto gagu ujure Ì rotiado bajiroti ãre g̃ua waja yija quenati? ¿Ìre g̃ua waja yibeja c̃uni quenatite?” yi senĩayijarã ãna Jesure.

<sup>15</sup> Ìna tuoãarise masiyiju Jesũs. Ito bajiri ado bajiro ãnare cudiyiju Ì:

–¿No yija yure ruo ãmoati m̃ua? Niyeru cuji yure ãmi ãsitẽña. T̃irocu ya yũ, yiyiju Jesũs ãnare.

<sup>16</sup> Ito Ì yija tuocõri, niyeru cuji ãre ãmi ãsijarã ãna. Iti cujire ticõri ado bajiro ãnare senĩayiju Jesũs:

–¿Ñimũ ya rio ñati m̃ua tija? Ito yicõri, ¿ñimũ wame ucare wãñati ado? yiyiju Jesũs ãnare.

Ito yija ado bajiro Jesure cudiyijarã ãna:

—Ћу Cesar ya rio bajiro bajia, yiyijarā ĩna Jesure.

<sup>17</sup> ĩna ito yija tucōri, ado bajiro cūdiyijū Jesús:

—Cesar ye iti ñajama ĩre ĩsija quena. Ito yicōri Dios ye iti ñaja cūni ĩre ĩsija quena, yiyijū Jesús ĩnare. Ito bajiro Jesús ĩ yija tuo ucayijarā ĩna.

*¿Godacōri tūdi caticoarā yirājida masa? yi Jesure ĩna seniñare gaye  
(Mt 22.23-33; Lc 20.27-40)*

<sup>18</sup> Ito yija saduceo gaye tuoñarā coriarā Jesure tirona ejayijarā ĩna. “Masa ĩna godaja tūdi catire ma”, yi tuoñarā ñayijarā saduceo gaye tuoñarā. Ito bajiri Jesure seniñarona ejayijarā ĩna ĩ tū:

<sup>19</sup> —Тюоя Riasogu мн. Ado bajiro manire ucañi Moisés ñayoru: “Rĭjoru ñasogū rĭa macūti ĩ manojore ĩ godagoja ĩ ocabaji manojore cūti wasoaja quena. Ito bajiro yigūti ĩ rĭjoru ñabojarure rĭa cūti ĩsigū yigūñi”, yi ucañi Moisés ñayoru, yiyijarā ĩna Jesure. <sup>20</sup> Ito bajiri mucana gaje oca goti remoyijarā ĩna Jesure:

—Jane mejeju sĭgū ñayiju. Co āmojeno ñarā ocabajirā cūtiyijū ĩ. Cajero manojore cūtiyijū ñasogū. Rĭa macūti ĩ manojore godagocoyijū ĩ. <sup>21</sup> Ito bajiri manujū godagorore manojore cūtiyijū ĩ bero gagū mucana. Ito yicōri ĩ cūni rĭa macūti cōcoayijū. Ito bajiri ĩ bero gagū iso rācati manojore cūtiyijū mucana. <sup>22</sup> Ito bajiroti ñasogū ñajacu ĩ ocabaji mesa ĩna jeyaro isore manojore cūtibojayijarā ĩna. Iso rāca rĭa cūtimena riti goda jedicoayijarā ĩna. ĩna goda jedija berōju godayijo ĩna manojore ñabojaro ĩja. <sup>23</sup> “Masa ĩna godaja mucana tūdi catirā yirāji”, ya мн. Riti мн gotija, ¿ñimū rāca manujū catigo yigōjida iso mucana tūdi caticōri? ĩna jeyaro manojore ñañi iso, yiyijarā saduceo gaye tuoñarā Jesure.

<sup>24</sup> Ito ĩna yija tucōri, ado bajiro cūdiyijū Jesús:

—Dios oca tutire masibeа мн. ĩ masirisere cūni masibeа мн. Ito bajiri masibiticōri, wisa мн. <sup>25</sup> Tūdi catirā yirāji masa Dios tū cati ñarona. Itoju manojore cūtimenaji masa. Ūmacūju Dios ñaro gāna āngel mesa robo bajirā ñarā yirāji masa, yiyijū Jesús ĩnare.

<sup>26</sup> Ito yija gaje goti remoyijū Jesús ĩnare: “Godabojarāti mucana tūdi catirā yirāji masa. ¿Moisés ñayoru ĩ ucare tĭabeati мн? Yucu ājuricu watoju Dios ĩ busire ruyuyijū Moisésre. Ado bajiro Moisésre busiyijū Dios: ‘Abraham ñayoru yure rucubogū yami. Isaac ñayoru ito yicōri Jacob ñayoru cūni yure rucuborā yama ĩna’, yiyijū Dios Moisés ñayorare. <sup>27</sup> ‘ĩna udiarā yure rucuborā yama’, Dios ĩ yija, catiri seyoama ĩna. Dios tūju ñarāji ĩna. Godarā meje ñama ĩna. Buto tuoĭa wisa мн”, yiyijū Jesús saduceo gaye tuoñarāre.

*Dios ĩ rotirise ñasarise gaye  
(Mt 22.34-40)*

<sup>28</sup> Judio masa rotirise riasori masū Jesús rāca ĩna busiroca tuo ñayijū ĩ. Ito bajiri, “Queno cūdiami Jesús”, yi tuo ñayijū ĩ. Ito bajiri Jesús tūjuа wayijū ĩ ĩja ĩre seniñarocu:

—¿Disejua ñati Dios rotirise ñasarise? yi seniñayiju ĩ Jesure.

<sup>29</sup> Ito yija ado bajiro cūdiyijū Jesús ĩre:

—Dios ĩ rotirise ñasarise ado bajiro gotia: “Тюоя Israel sita gāna мн. Dios sĭgūti ñami mani ĩju. <sup>30</sup> Dios mani ĩjure buto mani maija quena. Mani ya usĭjana, mani tuoñarisena, ito yicōri mani sēorisena cūni Diore buto mani maija quena”, yi gotia Dios ĩ rotirise ñasarise. <sup>31</sup> Iti bero gaye ito bajiroti gotia: “Manimasiti mani mairo bajiroti gājerāre cūni maija quena”. Disejua gaje

Dios ĩ rotirise rētoro ñasarise manoja, yiyijũ Jesús judio masa rotirise riasori masare.

<sup>32</sup> Ito yija ado bajiro yiyijũ judio masa rotirise riasori masũ Jesure:

—Queno ya riasogu mũ. Ri ya mũ. Dios sġũti ñami. Nijua gāji mami. Ito mũ yirise riti ña. <sup>33</sup> Mani Diore maija quena. Mani ya usijũna, mani tuoġarisena ito yicōri mani sēorisena cuni Diore maija quena. Manimasiti mani mairo bajiroti gājerāre cuni maija quena. Diore mani maija, masare cuni mani maija, iti ña ñasarise. Diore waibucurã soe ĩsiado rēto busaro quena ñaroja Diore ito yicōri masare cuni mani maija, yiyijũ judio masa rotirise riasori masũ Jesure.

<sup>34</sup> ĩ queno cudija tuocōri, ado bajiro yiyijũ Jesús ĩre:

—Yũ tija jabeto ruya, “Yũ Ʋjũ ñami Dios”, mũ yi tuoġaroto, yiyijũ Jesús ĩre.

Ito bajiro Jesús ĩ yija tuocōri, sġgũna seniña remo yibisijarã ĩja. “Mani rētoro masigũ ñaguġi Jesús”, yi tuoġayijarã ĩna. Ito bajiri ĩre seniña remobisijarã ĩja.

*¿Ñimũ janami ñayijari Cristo mũa tija? yi Jesús ĩ seniñare gaye*

*(Mt 22.41-46; Lc 20.41-44)*

<sup>35</sup> Co rãmũ Dios ya wjũ masare riaso ñagũ ado bajiro seniñayijũ Jesús ĩnare:

—“David ñayoru janerābatia janami ñaguġi Cristo”, yicã Dios ĩ rotirise riasori masa. ¿No yija itire yicati ĩna? <sup>36</sup> Jane mejeju Espĩritu Santo ĩ ejabuarisena ado bajiro ucañi David ñayoru:

Cristo, Dios cōaru ya Ʋjũ ñami ĩ. ĩ ñicujũ ya ñabobarocati yũ Ʋjũ ñami Cristo, yi ucañi David ñayoru. Gaje uca remoñi David: Yũ Ʋjũ Cristore ado bajiro gotiñi Dios: “Yũ ya riojocaduja rujiya. Mũ wajanare mũ rotiroca yigũ yigũja yũ”, yiñi Dios yũ Ʋjũre, yi ucayoñi David.

<sup>37</sup> ¿No yija, “Yũ Ʋjũ ñami Cristo”, yiyijari David ñayoru? Cristo David janerābatia janami ñacōri, ¿no bajiro David Ʋjũ bajiyijari Cristo? David ñayoru janerābatia janami ĩ ñaja, “Yũ Ʋjũ”, yibitiboru David, yiyijũ Jesús ĩnare.

Jesús queno busija tuocōri, wanũ quenayijarã masa.

*“Seti ña mũare”, fariseo gaye tuoġarēre Jesús ĩ yire gaye*

*(Mt 23.1-36; Lc 11.37-54; 20.45-47)*

<sup>38</sup> Masare ado bajiro riasoyijũ Jesús:

—Judio masa rotirise riasori masa robo mũa yibe yirona queno tuoġaña mũa. Tite. Ado bajiro yama ĩna. Yutabujuri quenarise yoarise sãñacōri masa ĩna tiro riojo wa ucu ãmorāji ĩna. Ito yicōri cuto gudareco gājire ĩna canamuoja, rucubũore rãca seniñare ãmorāji ĩna. <sup>39</sup> Minijuara wjũ sãjacōri rucubũora cumuro riti ruji ãmorāji ĩna. Ito yicōri basari rãmũ cuni ñasari masa tu riti ba ruji ãmorāji ĩna. <sup>40</sup> Manujũ godagoana romiare cuni ĩna ya wiri ĩmarāji ĩna. Ito yicōri masa ĩna tiro riojo yoari Diore busirāji ĩna. “Queno yirã ñama ĩna”, masa yi tuoġajaro yirona yoari Diore busirāji ĩna. Ito bajiro ĩna yija quenabetoja. Ito bajiri ñeñaro ĩna yirise waja, waja yirã buto busa quenabeto tōbujarã yirāji ĩna. ĩna robo mũa yibe yirona queno tuoġaña mũa, yiyijũ Jesús masare.

*Wajeago bojoro bujago Diore niyeru iso ĩsire gaye*

*(Lc 21.1-4)*

<sup>41</sup> Co rãmũ Dios ya wi sãjacōri niyeru cũra jedo tu rujiyijũ Jesús. Iti jedoju masa ĩna niyeru Diore cũ ĩsija tiyijũ Jesús. Gajeoni jairã jaje niyeru Diore cũ ĩsiyijarã iti jedoju. <sup>42</sup> Ito yija bojoro bujago ejayijo. Manujũ godagoro ñayijo iso. Jua cuji niyeru cujiri sãyijo iso. Cobre ñayijũ iti cujiri. Jabetacã waja cutirise ñayijũ iso sãrise. <sup>43</sup> Ito yija ĩ rãca riasotiri masare jimioyijũ Jesús:

—Riti muare gotia yu. Adio bojoro bujago ñabojagoti queno Diore ĩsimo iso. Gajeoni jairã rêto busaro ĩsimo iso. <sup>44</sup> Gajeoni jairãre jaje ña niyeru. ĩna ĩsibojarocati jairo ruya ĩnare maji. Isoama bojoro bujago ñabojagoti ĩsi jeomo iso. Iso bare waja yiroti Diore ĩsi jeocõmo iso, yiyiju Jesũs ĩ rãca riasotirãre.

## 13

*Dios ya wi õjea bate godaro yiroja, Jesũs ĩ yire gaye*  
(Mt 24.1-2; Lc 21.5-6)

<sup>1</sup> Dios ya wiju ñaru Jesũs ĩ budirocati ado bajiro yiyiju ĩ rãca riasotigu:

—Tiya Riasogu mu. Quenari wi ña iti wi. Gãta quenarisena queno wi meniñi ĩna, yiyiju ĩ Jesure.

<sup>2</sup> Ito ĩ yija tuocõri, ado bajiro cudiyiju Jesũs ĩre:

—Iti wire queno tiya mu. Jana batecõrã yirãji masa iti wire. Ito yicõri ñajediro gũtagãrire rea baterã yirãji masa. Ito bajiri adi wi gaye gũtagã gajega joe jesabeto yiroja. Ñarocõti godacoaro yiroja, yiyiju Jesũs ĩre.

*Adi amuari jediroto riojua ado bajiro rãtaru yiroja, Jesũs ĩ yire gaye*  
(Mt 24.3-28; Lc 21.7-24; 17.22-24)

<sup>3</sup> Ito yija bero Olivos wame cutiri turia majacõri rujiyiju Jesũs. Iti turia riojo sõju busã ñayiju Dios ya wi. Jesure ricati oca seniãrona ĩ ta eja rũgũyijarã Pedro, Santiago, Juan, ito yicõri Andrãs cani:

<sup>4</sup> —¿Nocãta rãtaru yirojada mu yirise? ¿No bajiro ti masirã yirãjida gua? Mu yirise rãtaroto riojua, ¿ñere tisuorã yirãjida gua? yiyijarã ĩna Jesure.

<sup>5</sup> ĩna ito yija tuocõri, ado bajiro gotiyiju Jesũs ĩnare:

—Queno tuoiaña gãjerã muare ruobe yirona. <sup>6</sup> “Dios ĩ cũana ña gua”, yi ruorã yirãji ĩna muare. Ito bajiroti masa jãjarãre ruorã yirãji ĩna.

<sup>7</sup> Masa gãmeri jarise ocare mua tuoja, gãibeja. Ito yicõri masa gãmeri sãrise ocare mua tuoja cani, gãibeja. Ito bajiroti rãtaru yiroja. Ito bajibojarocati susari rumu meje ñaroja maji. Jaje ñeñarise rãtaru yiroja susari rumu ejaroto riojua. <sup>8</sup> Co butu gãna gãmeri sãrã yirãji gaje butu gãna rãca. Ito yicõri co sita gãna gãmeri sãrã yirãji gaje sita gãna rãca. Co cuto ruayabeto sita ruero yiroja. Ito yicõri bare jediro yiroja. Ito bajiri ñiocõrã yirãji masa. Quenabeto tãbujasurã yirãji ĩna. Ito bajibojarocati buto busã rãtaru yiroja maji.

<sup>9</sup> Queno masima gãjerã muare ñiame yirona. Muare ñiacõri ñasari masa tu ami warã yirãji ĩna. Ito yicõri minijuara wiju muare bajerã yirãji ĩna. Yure tuorãnurã mua ñajare ujarã riojo muare jidi rũgõrã yirãji. ĩna tiro riojo, “Jesure tuorãnurã ña gua”, yirã yirãji mua. <sup>10</sup> Susari rumu riojua Dios oca quenarisere masa jeyaro masi jedirã yirãji ĩna. <sup>11</sup> Muare ñiacõri ujarã riojo muare ami cũrã yirãji ĩna. Ito bajiro muare ĩna yibojarocati gãibeja. Ujarãre mua cudiroti buto tuoia oca jaibeja. ĩnare mua queno cuditoni gotigu yiguũji Espĩritu Santo. Mua meje busirã yirãji. Espĩritu Santo muare quedi sãjacõri busigu yiguũji ĩ, yiyiju Jesũs ĩ rãca riasotirãre.

<sup>12</sup> Mucana ĩnare gaje goti remoyiju Jesũs:

—Sĩgũ rã ñabojarãti ĩna ñarãre sãa rotirã yirãji. Ito yicõri ĩna jacu ĩ rãre sãa rotigu yiguũji ĩ. ĩ rã cani ito bajiroti ĩna jacure sãa rotirã yirãji. <sup>13</sup> Yure mua tuorãnurã ticõri, buto junisirã yirãji ĩna. Ito bajibojarocati no yure tuorãnugãreti masogũ yiguũji Dios. ĩre catitũñare ĩsigũ yiguũji Dios, yiyiju Jesũs ĩnare.

14 'Diore goti ĩsiri masu ñayoru ĩ ucagore ticōri queno tuoñaña mua: "Co rumu, rāmá buto buogu cūrā yirāji masa Dios ya wiju. Quenabetoja iti", yi ucañi Diore goti ĩsiri masu. ĩre mua tija ejori rudi waja. Judea sitaju mua ñajama, gūtagūju rudi waja. 15 Mua ya wi rijogodoju mua ñaja, gajeoni āmirā ruji wabeja. Mua ruji waboriju manoja muare. 16 Weseca moarā mua ñaja cuni, yutabujure āmirā wiju tūdi wabeja. Mua tūdi waboriju manoja muare. 17 Romia rĭa sãñarā ĩna ñaja buto guijoro yiroja susari rumari. Ūjurā rucorāre cuni ito bajiroti guijoro yiroja. 18 Susari rumu juebusu ñaroca iti rētame yirona Diore seniña mua. 19 Susari rumari riojuña ñeñaro tōbujarā yirāji masa. Dios adi macārucuro ĩ rujeoja bero ĩna tōbujado rēto busaro tōbujarā yirāji masa ĩja. Ito bajiro macana tūdi rētabeto yiroja ĩja. 20 Yoari quenabiti rumari iti ñaja sĭgū ruyabeto goda jedirā yirāji masa. Ito bajibojarocati ĩ ñarā ĩ beseanare maicōri, yoari meje busati cūgū yiguĭji quenabiti rumari.

21 'Sĭgū ĩ muare gotija: "Tiya adoju ñami Cristo", ĩ yija, tūobeja ĩre. Gāji muare ĩ gotija, "Titēña ōju ñami, Dios ĩ cōaru", ĩ yija, cudibeja ĩre cuni. 22 Rūori masa jājarā wadirā yirāji. "Yuti ña Cristo", "Yuti ña Diore goti ĩsiri masu", yirā yirāji ĩna. Ito yicōri masare ruo āmorā ĩna masiro bajiro guijoro tiyamani ĩnare ĩorā yirāji ĩna. Dios ĩ beseanare cuni ruo āmobjarā yirāji ĩna. 23 Queno tuoña masiña mua. Iti rētaroto riojuña muare goticā yu. Ito bajiri queno bajiya mua, yiyiju Jesús ĩnare.

### *Yu Masa Rĭjoru tūdi ejagu yigūja, Jesús ĩ yire gaye*

(Mt 24.29-35,42,44; Lc 21.25-36)

24 'Quenabeto masa ĩna tōbujari rumari bero ũmacañi ĩ busurise jediro yiroja. ũami gagu ĩto bajiroti bajigu yiguĭji. Ito bajiri busumenaji ĩna ĩja. 25 ũocōa cuni ñarogorā yirāji. Ito yicōri quedirā yirāji ĩna. 26 Ito baji ñaroca yu Masa Rĭjoru ñajare yure tirā yirāji masa. Ide bueri watoju buto masirise rāca wadigu yigūja yu. Ito yicōri busurise rucogu wadigu yigūja yu. 27 Ūmacūju Dios ĩ ñaro gāna āngel mesare cōagū yigūja yu masare ĩna āmitoni. Ito bajiri macārucuro ñarocōti bata warā yirāji ĩna, Dios ĩ beseanare miojurona.

28 'Higuera wame cūtirica ocare tuo masiña muare yu gotija. Ito bajiri itigu jū buja ticōri, "Jabeto ruya cūma ejaroto", yi masia mani. 29 Ito bajiroti yu gotiado bajiroti iti rētasuoya ticōri, "Jabeto ruya Masa Rĭjoru ĩ tūdi wadiroto", yi masirā yirāji mua. Sōju meje ñagū yigūja yu. 30 Riti muare gotia yu. Adi rumari gāna ĩna goda jediroto riojuña, yu busiro bajiroti rētaroto yiroja. 31 Adi sita, macārucuro cuni jedicoaro yiroja. Ito bajibojarocati yu ocama jedibetoja. Yu gotiado bajiroti rētaroto yiroja.

32 'No yicōri yu tūdi wadiri rumu masire ma masare. Ūmacūju gāna āngel mesa cuni masimenaji. Yu Dios Macu ñabojaguti masibea yu cuni. Mani Jacu Dios sĭgūti masiami yu tūdi wadiroti rumu.

33 'Ito bajiri queno tirānūma mua. Yu wadiri rumu mua masibea queno tirānūma mua. 34 Muare oca gotia yu. Queno tuoja. Wĭ ũju ñayiju sĭgū. Wa ucugu warocu ĩ ya moari masare wĭ code rotiyiju ĩ. ĩ waroto riojuña ĩna moaroti gotiyiju ĩnare. Ito yicōri soje coderi masure tirānū rotiyiju wĭ ũju. 35 ĩ robo bajiro wacu yigūja yu cuni. Ito bajiri queno tirānūña mua. Yu wadiroti masibea mua. Rāiocuro, ñami gūdareco, cara yujirocati, busuri yu wadiroti masibea mua. 36 Itocōti yu ejaja canibeja. Masimena bajiro bajibeja. 37 Muare yu gotirise masa jeyarore goti jeocōa yu. Queno tirānūña mua, yiyiju Jesús ĩnare.

## 14

*Jesure ñia ãmorã ñna cãntre gaye*  
(Mt 26.1-5; Lc 22.1-2; Jn 11.45-53)

<sup>1</sup> Jua rãmu ruyayiju basa ñna meniroto. Naju wadarise uco wãoya mani bare basa ñayiju. Iti wame ñayiju Pascua. Iti rãmuri Jesure sãa ãmoyijarã paia ujarã, judio masa rotirise riasori masa cãni. Jesure ñia ãmorã, “¿No bajiro ñre oca menirujati mani?” yi tãoyijarã ñna. <sup>2</sup> Ado bajiro yiyijarã coriarã:

—Pascua basa ñaroca Jesure mani ñiaja, masa junisinirã yirãji manire. Ito bajiri ñre ñibitiruja mani Pascua basa iti ñaroca maji, yiyijarã ñna.

*Romio Jesús ya rijogaju sãtirise iso jiojeore gaye*  
(Mt 26.6-13; Jn 12.1-8)

<sup>3</sup> Betaniaju Jesús ñ ña ucurocati Simón rujã camì catigora ya wijã ñayiju ñ. Ito ñna ba rujirocati romio ejayiju ñna tã. Gãta alabastro wame cãtirisenã ñna meniraga rãcoyijo iso. Itigaju nardo úye jiocõri ãmi ejayijo iso. Queno sati quenarise ñayiju iti. Godana rujãre turoti ñayiju nardo úye. Iti ñayiju buto waja rãcurise. Itiga ãmumare wãjeacõri Jesús ya rijoga joeju úye jio guyijo iso.

<sup>4</sup> Ito bajiro iso yija ticõri, itiju ñarã coriarã junisinijarã:

—¿No yija úyere rocati cõati iso? <sup>5</sup> Iti úye trescientos waja cãtibojabã. Iti waja niyeru bujacõri bojoro bujarãre ñsirujaboyija isore, yiyijarã coriarã ñnamasiti tãoia bõsirã.

Ito bajiro tãoia cõri isore tudiyijarã ñna.

<sup>6</sup> Ito ñna yija tuocõri, ado bajiro yiyiju Jesús ñnare:

—Isore tudibesa mũa. ¿No yija isore rãcãbuobeati mũa? Iso yirise quenascõa yure. <sup>7</sup> Mũa rãca riti ñatĩñarã yirãji bojoro bujarã. Ito bajiri ñnare ejabuãtĩñarã yirãji mũa. Yuama mũa rãca ñatĩnabicu yigũja. Ito bajiri mũa rãca yũ ñaroca maji uyũare ejabuaja quena. <sup>8</sup> Adio iso tãoia bajiro queno yure yimo iso. Yũ godaroto riojua yũ ya rujãre úye queno sati quenarise tumo iso. <sup>9</sup> Riti mũare gotia yũ. Dijũ Dios oca quenarise ñna riasoja yure queno iso yigore gaye tãorã yirãji masa. Ito bajiri iso queno yirise tãoia cõri, isore ãcaboamenaji ñna, yiyiju Jesús ñnare.

*Jesure ñna ñiatoni Judas ñ oca menire gaye*  
(Mt 26.14-16; Lc 22.3-6)

<sup>10</sup> Ito yija paia ujarã rãca bõsiroca wayiju Judas Iscariote. Jesús rãca riasotirã jua gũbojeno ñagũ ñayiju ñ. Jesure ñiatoni paia ujarãre gotiyiju ñ. <sup>11</sup> Ñ gotija tuocõri, wanuyijarã ñna:

—Niyeru mure ñsiana gũa, yiyijarã ñna Judasre.

Ito bajiri, “Jesure ñna ñia masitoni, ¿no bajiro ñnare ñorujati yũ?” yi tãoyasoyiju Judas.

*Jesús ñ basusare gaye*  
(Mt 26.17-29; Lc 22.7-23; Jn 13.21-30; 1 Co 11.23-26)

<sup>12</sup> Naju wadarise uco wãoya mani bare basa ejayiju, Pascua basa ñsãwori rãmã. Oveja macu Diore soe ñsiri rãmã ñayiju iti rãmã. Iti rãmãti Jesús rãca riasotiri masa ado bajiro seniãyijarã ñre:

—¿Noju gũa ware ãmoati mũa, bare meni yurã Pascua basa baroti? yiyijarã ñna Jesure.

<sup>13</sup> Ito yija jũarã ñ rãca riasotirãre goti ñucayiju Jesús:

—Cũto wasa. Itoju ãmugũ ide gõnaradãna ide gõnagũre ti bujarã yirãji mũa.

Ñre Sũya waja. <sup>14</sup> Sũya sãjacõri wi ujuare seniãma: “Manire riasogu ado bajiro yimi: ‘¿Noju ñati yũ rãca riasotirã rãca Pascua basa menirã gũa baroti sãa?’”

yimi mani Ʋɔ̃ ɔ̃ware”, yiba m̃a, yiyijɔ̃ Jesú̃s Ɔ̃nare. <sup>15</sup> Ito bajiro m̃a yija t̃uoc̃õri, co s̃animu weca ñari s̃õa jajo s̃õa m̃aare gotigu yigũji. Ɔ̃na quenoc̃ãra s̃õa ñaroja. Ito bajiri iti s̃õajɔ̃ bare menima mani baroti, yiyijɔ̃ Jesú̃s Ɔ̃na j̃aarãre.

<sup>16</sup> Ito Ɔ̃ yija t̃uoc̃õri, Ɔ̃na j̃aarã wayijarã. Wac̃õri cut̃ojɔ̃ ejayijarã. Itoɔ̃m̃ Jesú̃s Ɔ̃ gotiado bajiroti ti ejayijarã Ɔ̃na. Itoɔ̃m̃ Pascua bare meniyijarã Ɔ̃na Ɔ̃ja.

<sup>17</sup> Iti r̃ãios̃horijɔ̃ ejayijɔ̃ Jesú̃s Ɔ̃ r̃ãca riasotirã r̃ãca. Jua gubojeno ñayijarã Ɔ̃na. <sup>18</sup> Ɔ̃na baroca ado bajiro gotiyijɔ̃ Jesú̃s Ɔ̃nare:

—Riti m̃aare gotia yɔ̃. Mani wato sig̃ũ ñami yɔ̃ r̃ãca bagu. Yure ñiajaro yirocu g̃ajerãre gotigu yigũji Ɔ̃, yiyijɔ̃ Jesú̃s Ɔ̃nare.

<sup>19</sup> Ito bajiro Ɔ̃ yija t̃uoc̃õri, buto bojori bujayijarã Ɔ̃na. Ito yic̃õri Ɔ̃nac̃õti Jesure ado bajiro senĩas̃uoyijarã:

—Ɔ̃ Ʋɔ̃jua ñati? yi jedi wayijarã Ɔ̃na.

<sup>20</sup> Ito yija Jesú̃s c̃udiyijɔ̃ Ɔ̃nare:

—Jua gubojeno ñagũ yɔ̃ ya t̃õroti yɔ̃ r̃ãca najuro weo bagu ñami Ɔ̃. <sup>21</sup> Dios oca tuti iti gotiro bajiroti r̃õtarõ yiroja yure. Yɔ̃ ña Masa R̃ijoru. Yure ñiac̃õri s̃iarã yirãji masa. Ɔ̃ni, g̃ajerã yure ñiajaro yirocu gotigu, bujato bujagu yigũji. Ito bajiri Ɔ̃ rujeabeja quenaboyija Ɔ̃re, yiyijɔ̃ Jesú̃s Ɔ̃nare.

<sup>22</sup> Ɔ̃na baroca riti Ɔ̃ ya ãmojɔ̃ najuro ãmi r̃uc̃oyijɔ̃ Jesú̃s. “Queno ya Dios m̃a”, yiyijɔ̃ Jesú̃s. Najuro igata batoc̃õri Ɔ̃siyijɔ̃ Ɔ̃nare. Ito yic̃õri ado bajiro Ɔ̃nare gotiyijɔ̃ Jesú̃s:

—Ɔ̃mo baya. Adi ña yɔ̃ ya ruja robo bajiro bajirise.

<sup>23</sup> Ito yija Jesú̃s Ɔ̃ ya ãmona rujat̃õro ãmiyijɔ̃. Iti t̃õro r̃uc̃oc̃õri, “Queno ya Dios m̃a”, yiyijɔ̃ Ɔ̃. Ito bajiro yic̃õri Ɔ̃nare Ɔ̃si ñuc̃ayijɔ̃ Jesú̃s. Ito bajiri Ɔ̃na ñaroc̃õti idi jediyijarã. <sup>24</sup> Ito yic̃õri ado bajiro Ɔ̃nare gotiyijɔ̃ Jesú̃s:

—Adi ña yɔ̃ ya r̃i robo bajiro bajirise. Yɔ̃ ya r̃i iti budija j̃ãjarã masa ñeñaro Ɔ̃na yirisere coero yiroja. Yɔ̃ ya r̃i yure iti budija tic̃õri, “Dios Ɔ̃ gotiado bajiroti yami Ɔ̃”, yi masirã yirãji masa. <sup>25</sup> Riti m̃aare gotia yɔ̃, juaji uyé ide idibic̃aja yɔ̃ maji. Dios Ɔ̃ rotirojɔ̃ ejac̃õri gajero bajirise idigu yig̃uja yɔ̃ m̃ucana, yiyijɔ̃ Jesú̃s Ɔ̃nare.

*“Jesure masibea yɔ̃, yig̃ũ yig̃uja m̃a”, Pedrorõ Jesú̃s Ɔ̃ yire gaye  
(Mt 26.30-35; Lc 22.31-34; Jn 13.36-38)*

<sup>26</sup> Ito yija Diore basa t̃uoc̃õri Olivos wame cut̃iri t̃ur̃iajɔ̃ wayijarã Ɔ̃na. <sup>27</sup> Ito Ɔ̃na waroca ado bajiro yiyijɔ̃ Jesú̃s Ɔ̃nare:

—Yure t̃uor̃ũnurã ñabojarãti t̃uõia jidic̃ãrã yirãji m̃a. Ito bajiri yure jidic̃ãc̃õri watorã yirãji m̃a ñaroc̃õti, yiyijɔ̃ Jesú̃s. Ito bajiroti gotia Dios oca tuti c̃uni. Tite m̃a: “Oveja coderi masure s̃lagũ yig̃uja yɔ̃. Ito bajiri Ɔ̃ ya oveja rudi batecoarã yirãji”, yi gotiami Dios Ɔ̃ oca tutina. <sup>28</sup> Yure Ɔ̃na ñiaja tic̃õri, rudi batecoarã yirãji m̃a. Ito bajibojarocati yure Ɔ̃na s̃ãja bero m̃ucana t̃udi catigu yig̃uja yɔ̃. T̃udi catic̃õri m̃a riojua b̃usa Galilea sitajɔ̃ wacu yig̃uja yɔ̃, yiyijɔ̃ Jesú̃s Ɔ̃nare.

<sup>29</sup> Ito Ɔ̃ yija t̃uoc̃õri, ado bajiro yiyijɔ̃ Pedro:

—Ɔ̃nama m̃are jidic̃ãrã yirãji. Yɔ̃ama bajibic̃aja, yiyijɔ̃ Pedro Jesure.

<sup>30</sup> Ito Ɔ̃ yija t̃uoc̃õri, ado bajiro c̃udiyijɔ̃ Jesú̃s Ɔ̃re:

—Riti m̃are gotia yɔ̃. Adi ñamiti cara juaji yujiroto riojua udiaji, “Jesure masibea yɔ̃”, yig̃ũ yig̃uja m̃a, yiyijɔ̃ Jesú̃s Pedrorõ.

<sup>31</sup> Ito Ɔ̃ yija t̃uoc̃õri, ado bajiro yiyijɔ̃ Pedro:

—Meje, “Jesure masibea yɔ̃”, yibic̃aja yɔ̃. Yure Ɔ̃na s̃ã ãmoja c̃uni, “Jesure masibea yɔ̃”, yibic̃aja yɔ̃, yiyijɔ̃ Pedro Jesure.

Pedro ī yiro bajiro riti yi jediyjarā īna.

*Getsemaní wame cutiri wesejũ Jesús ī Diore rācũbũore gaye  
(Mt 26.36-46; Lc 22.39-46)*

<sup>32</sup> Ito yija Getsemaní wame cutiri wesejũ wayijarā īna. Itojũ ejacōri ī rāca riasotirāre ado bajiro gotiyijũ Jesús:

—Ō Diore bũsigũ yũ waroca riti, ado rujiya maji, yiyijũ Jesús ĩnare.

<sup>33</sup> Ito bajiri ũdiarāre āmi wayijũ Jesús. Pedro, Santiago ito yicōri Juanre cuni āmi wayijũ ĩ. ĩna waroca riti buto tũoĩa bojori bũjasũoyijũ ĩ. <sup>34</sup> Ito bajiri ado bajiro yiyijũ Jesús ĩnare:

—Yũ ya ũsiyũ buto tũoĩa bojori bũja yũ. Ito bajiri goda wacũ ya yũ yiado bajaia yũre yũ ya ũsiyũ. Ado tujaya mũa maji. Canimenati yũre bocati ñama mũa, yiyijũ Jesús ĩna ũdiarāre.

<sup>35</sup> Ito yicōri ĩna riojũna sōjũna bũsacā wayijũ Jesús. Ito wacōri ĩ ya rio sitajũ muqueacōri Diore bũsi ñayijũ ĩ. Quenabeto junirise ĩre rētabitoni Diore seniijũ Jesús. <sup>36</sup> Diore bũsigũ ado bajiro yiyijũ Jesús:

—Cũna, ñejũna mũ yi masibiti manoja. Ito bajiri yũ tōbũjabe yirocũ, mũ yũre ejabũare āmoa yũ. Ito bajibojarocati yũ āmoro bajiro meje mũ yija quena. Mũ āmoro bajirojũna mũ yija quena, yiyijũ Jesús Diore.

<sup>37</sup> Diore bũsi tĩocōri tũdi wayijũ Jesús ĩna ũdiarā tujũ. ĩna caniroca ejayijũ Jesús. Ito ĩna bajija ticōri, ado bajiro yiyijũ Jesús Pedrore:

—Simón, ¿canigũ yati mũ? Coji cōrecō, ¿tirānũ sēobeati mũa? <sup>38</sup> Canibesa. Queno ti ñaña mũa. Ito yicōri Diore seniña, mũa ñeñaro yibe yirona. Mũa ya ũsiyũna queno tũoĩarā ñabojarāti, mũa ya rujũna queno yi masibea mũa, yiyijũ Jesús Pedro mesare.

<sup>39</sup> Ito yija Diore bũsirocũ wayijũ Jesús mũcana. ĩsenisũoado bajiroti gotiyijũ Jesús Diore mũcana. <sup>40</sup> Diore bũsi tĩocōri tũdi wayijũ Jesús ĩna tujũ mũcana. ĩnare wũjo buto jeobũajare canicoayijarā ĩna. Ito bajiri ĩna caniroca ti bũjayijũ Jesús ĩnare. Yujicōri buto Jesure bojo tiyijarā ĩna. Ito bajiri ĩre cũdi masibisijarā ĩna. <sup>41</sup> Jũaji Diore bũsicōri mũcana Diore bũsigũ wayijũ Jesús. Ito yija bero tũdi wayijũ ĩna tũ mũcana:

—¿Cani tujarā yati mũa maji? Itocō caniña mũa. Yũre ĩna ñiaroti rũmũ ejacoajũ ĩja. Yũ ña Masa Rĩjorũ. Ñeñara masa yũre ñiajaro yirocũ gotiri masũ ejacoami ĩja. <sup>42</sup> Ita. Wũmũña. Wato. Gājerā yũre ñiatoni gotiri masũ ejacoami, yiyijũ Jesús ĩ rāca riasotirāre.

*Jesure ĩna ñiare gaye  
(Mt 26.47-56; Lc 22.47-53; Jn 18.2-11)*

<sup>43</sup> Jesús ĩ bũsiroca riti ejayijũ Judas. Jesús rāca riasotigũ ñayijũ Judas, jũna gũbojeno ñagũ. Judas rāca masa jājarā wadiyijarā. Sarera jāi rũcocōri, yucũ rũcocōri wadiyijarā ĩna. ĩnare cōayijarā paia ũjarā, judio masa rotirise riasori masa, ito yicōri bũcũrā cuni. <sup>44</sup> Judas Jesure ĩna ñiarotire gotiyijũ ĩnare:

—Ado bajiro Jesure ĩogũ yigũja yũ mũare. Recoti yũ usugũ ĩ ñagũ yigũji. ĩre yũ ĩoja bero queno ñiama mũa, mũare ĩ rudibe yirona, yiyijũ Judas.

<sup>45</sup> Ito ejacōri Jesús tũ eja rũgũyijũ Judas. Ito yicōri Jesure ado bajiro yiyijũ ĩ:

—¿Ñati yũre Riasogũ mũ? yi ejayijũ Judas.

Ito yicōri Jesure usuyijũ ĩ. <sup>46</sup> Ito ĩ yija ticōri, ĩna ya āmona Jesure āmi wayijarā ĩna, ĩ rudibe yirona.



47 Ito tu rügögũ ĩ ya sarera jāi tūaweā āmiyijū. Ito yicōri paia ũjare moa ĩsiri masare ĩ ya gāmoro jatayijū ĩ. 48 Ito bajiro ĩ yija ticōri, ado bajiro yiyijū Jesús masare:

—¿Sarera jāi ruocōri, yuca ruocōri yare ñiarā wadiri mua? ¿Yū riniri masu meje ñabजारocati, “Riniri masu ñaguĩji”, yirona yare ñiarā wadiri mua? 49 Co ruma ruayabeto Dios ya wiju mua wato ñasotibu yu, muare riasogu. Ito yu ñabजारocati yare ñiabiticu mua maji. Mua yare ñiaja, Dios oca tuti gotiado bajiro rêta yare, yiyijū Jesús ĩnare.

50 Ito yija Jesure ĩna ñiaja ticōri, ĩ rāca riasotiri masa ñarocōti rudi batecoay-jijarā ĩna ĩja.

51 Sīgũ mamũ ĩna Jesure āmi warocati suya wayijū ĩnare. Saya jāina riti gūmayijū ĩ. Ito ĩ ñaroca ĩre ñabजारoyijarā itijū ñarā. 52 Ito bajibजारocati saya jidi queocōri ñe macuti ũmaquedi wayijū ĩ.

*Ĥjarā ñasarā, “Seti ña mure”, Jesurā ĩna yire gaye  
(Mt 26.57-68; Lc 22.54-55,63-71; Jn 18.12-14,19-24)*

53 Ito yija paia ũjũ ñasagu ya wiju Jesure āmi wayijarā ĩna. Ito bajiro yicōri minijuayijarā paia ũjarā ñarocōti. Judio masa rotirise riasori masa, bucurā cuni minijuayijarā ĩna. 54 Pedro sōju busaju suyayijū ĩnare gūigu. Paia ũjũ ñasagu ya wi ñari tūcũro ejayijū ĩ. Itoju ejacōri tujacoayijū Pedro ĩja Dios ya wi coderi masa rāca. Ito yicōri ĩna rāca jea sumayijū ĩ.

55 Ito bero paia ũjarā ito yicōri ũjarā ñasarā cuni Jesure sīa āmoyijarā ĩna. Ito bajiri, “Ado bajiro ñeñaro yami Jesús”, yi ruo gotironare āmabजारoyijarā ĩna. No yi buja masibisijarā ĩna. 56 “Adi seti ña Jesure”, jājarā ĩna yi ruobजारocati sīgũ tuoĩaro bajiro meje tuoĩa busiyijarā ĩna. 57 Coriarā wumu rügöcōri busi tudiyijarā Jesure:

58 —Ī busija tuobu gna: “Dios ya wi masa menira wi jana batecōcujā yu. Ito bajibजारocati ũdia ruma beroti mucana iti wire jōrojocujā yu, masa menire gaye meje”, yimi Jesús, yiyijarā ĩna.

59 Ito bajibजारāti sīgũre bajiro meje tuoĩayijarā ĩna.

60 Ito yija paia ũjũ wumu rügũyijū ĩna wato. Ito yicōri Jesure seniĩayijū ĩ:

—¿Cudibeati mu? ¿Ñeonire mure busituati ĩna? yiyijū paia ũjũ Jesure.

61 Ito bajiro ĩ yibजारocati itire cudibisijū Jesús. Cudibicuti tujayijū ĩ. Ito bajiri mucana tũdi seniĩayijū paia ũjũ ĩre:

—¿Mũti ñati Cristo, Dios Macu? yiyijū ĩ Jesure.

62 Ito ĩ yija tuocōri, ĩre cudiyijū Jesús ĩja:

—Au, ĩti ña yu, yiyijū Jesús. Yu ña Masa Rĩjoru. ĩja Dios rāca ĩ ya riojocadujā yu rujiija tirā yirāji mua. Yu Jacu Dios rāca ũmacujū ide bueri rāca gna ruji wadija tirā yirāji mua, yiyijū Jesús ĩnare.

63 Jesús ito ĩ yija tuocōri, ĩmasiti ĩ ya yutabuju ñigũyijū paia ũjũ. ĩ junisiniris-ere ĩorocu ito bajiro yiyijū ĩ. Ito yicōri ado bajiro yiyijū ĩ:

—Gājerā Jesure tore tuo āmobeā yu ĩja. 64 Mua cuni tuobu Diore Jesús ñeñaro ĩ yirise. Ito bajiri, ¿no bajiro āmoati mua? yiyijū paia ũjũ masare.

Ito bajiro ĩ yija tuocōri: “Īre sīarujā mani”, yi jediyijarā masa.

65 Ito yija coriarā Jesure go ide eobate guyijarā ĩna. Ito yicōri Jesús ya cajea moabiacōri ĩre jayijarā ĩna. ĩre jacōri ado bajiro seniĩayijarā ĩna:

—¿Ñimũ mure jari? Recoti mu tuo masijama, “Ī yure jami”, yigũ yigũja mu, yi ajevijarā ĩna Jesure.

Dios ya wi coderi masa cuni ĩ ya riojũ jayijarā ĩna.

*Jesure masibea yu, Pedro ï yire gaye*  
(Mt 26.69-75; Lc 22.56-62; Jn 18.15-18,25-29)

<sup>66</sup> Ito ña yiroca iti wi tu ñari tucũroju ñayiju Pedro. Ito ï ñaroca paia ujure moa ïsiri maso ejayijo ï tu. <sup>67</sup> Pedro jeame tu ï rujija ticõri, ïre ti rãgõcoayijo iso. Ito bajiri ado bajiro yiyijo iso ïre:

—Mu cuni Jesús Nazaret gagu rãca wa ucuyija mu, yiyijo iso Pedrore.

<sup>68</sup> Iso ito yija tuocõri, ado bajiro cudiyiju ï:

—Jesús rãca wa ucubiticu yu. ïre masibea yu. Mu busirisere tuo masibea yu, yiyiju Pedro isore.

Ito yicõri sãjasuora soje tujua budi wayiju ï. Ito ï bajiroca riti cara yuyiju.

<sup>69</sup> Paia ujure moa ïsiri maso mucana Pedrore ti bujacõri ado bajiro yiyijo itiju ñarãre:

—Ñi ñami Jesús rãca riasotiri masu, yiyiju iso.

<sup>70</sup> Iso ito yija tuocõri: “Ïre masibea yu”, yiyiju Pedro mucana. Ito yija itiju ñari masa ado bajiro yiyijarã Pedrore:

—Muti ña ña rãca gagu. Mu ña Galilea gagu. Ña bajiroti busia mu cuni, yiyijarã ña ïre.

<sup>71</sup> Ito yija ado bajiro cudiyiju Pedro:

—Jesure masibesacõa yu. Buguti yu yija yu ñeñaro tõbaroca yijaro Dios, yiyiju ï. Ito mu busigure masibea yu, yiyiju Pedro.

<sup>72</sup> Ito ï yirocati mucana tãdi yuyijiju cara. ï yujija tuocõri, Jesús ï gotire tuoña bujayiju Pedro: “Cara juaji ï yujiroto riojuã udiãji, ‘Jesure masibea yu’, yigu yigujã mu”, Jesús ï gotire tuoñacõri bato otiyiju Pedro.

## 15

*Pilato tujã Jesure ña ãmi ejare gaye*  
(Mt 27.1-2,11-14; Lc 23.1-5; Jn 18.28-38)

<sup>1</sup> Iti bususoroca paia ujarã, busurã cuni minijuayijarã. Ito yicõri judio masa rotirise riasori masa, ujarã ñasarã cuni ñajediro minijuayijarã. Mini-juacõri Jesure ãmo siacõri ïre ãmi wayijarã Pilato tujã. <sup>2</sup> ï tu Jesure ña ãmi jaroca ado bajiro seniñayiju Pilato ïre:

—¿Muti ñati judio masa uju? yiyiju Pilato Jesure.

Ito ï yija tuocõri, ado bajiro cudiyiju Jesús ïre:

—Mu yiro roboti ña, yiyiju Jesús ïre.

<sup>3</sup> Ito yija paia ujarã jaje oca meniyijarã Jesure. <sup>4</sup> Ito bajiri mucana tãdi seniñayiju Pilato Jesure:

—¿Cudibesacõati mu? ¿Masibeati mu, jeyaro mare oca menirã yama ña? yiyiju Pilato ïre.

<sup>5</sup> ï ito yibojarcoti ïre cudibisiju Jesús. ï cudibeja ticõri, bato tuoña ucayiju Pilato.

*Jesure sãruja mani, ña yire gaye*  
(Mt 27.15-31; Lc 23.13-25; Jn 18.38-19.16)

<sup>6</sup> Masa ña basa ñaroca riti ado bajiro yisotiyiju Pilato. Sigu tubiara wiju ñagure masa ña bucõa rotija, ïre bucõayiju Pilato. <sup>7</sup> Ito bajiro ña yi ñari ramu tubiara wiju sigũ ñayiju Barrabás wame cutigu. Masa siagoana rãca tubiara wiju ñayiju Barrabás. Oca riawusacõri masa siãna ñayijarã Barrabás mesa. <sup>8</sup> Ito yija judio masa ejacõri Pilatore ado bajiro yiyijarã ña:

—Mu yisotiro bajiro, sigũre mu bucõare ãmoa guã, yiyijarã ña ïre.

<sup>9</sup> Ito yija Pilato cudiyiju ñare:

—¿Ñimure ya bucõare ãmoati mua? ¿Judio masa ujure ya bucõare ãmoati mua? yiyiju Pilato.

<sup>10</sup> Jesure riti masa jãjarã Ìna tuo suyaya ticõri, buto junisiniyijarã paia ujarã. “Gũajũare riti Ìna tuo suyaya quena”, yirona buto junisiniyijarã Ìna Jesure. Ito bajiro Ìre ti terã Pilatore Ìsiyijarã Ìna. Ito bajiro Ìna yija tuo masicõyiju Pilato. <sup>11</sup> Paia ujarã oca sãoro masare busiyijarã. Ito yicõri ado bajiro Ìnare gotiyijarã: “Pilatore seniteña, Barrabásre Ì bucõatoni”, yiyijarã Ìna. <sup>12</sup> Ito yija Pilato seniiyiju masare:

—¿Ñe ya yire ãmoati mua, “Judio masa ujũ ñami”, mua yigure? yiyiju Pilato masare.

<sup>13</sup> Ito Ì yija tuocõri, awasã cudiyijarã Ìna:

—Yucutẽojũ Ìre jaju sãña, yiyijarã Ìna.

<sup>14</sup> Ìna ito yija tuocõri:

—¿Ñe ñeñarise yicati ãni? yiyiju Pilato masare.

Ito bajiro Ì yija tuocõri, mucana tudi awasã cudiyijarã masa:

—Yucutẽojũ Ìre jaju sãña, yiyijarã Ìna.

<sup>15</sup> Ito yija masa rãca queno ña ãmogũ Barrabásre bucõacõyiju Pilato Ìja. Ito yicõri, “Jesure bajeya mua”, yi rotiyiju Ì ya moari masare. Ìna baje ñoroca masare Ìsiyiju Pilato, Jesure Ìna jaju sãtoni.

<sup>16</sup> Ito bajiro surara ãmi wayijarã Jesure iti sita gagu uju ya wi totiju. Ito yicõri surara ujarã ñarocõti minijuayijarã iti wijũ. <sup>17</sup> Iti wi totiju ñacõri Jesure saya sũa ñiro sãyijarã Ìna, ujũ Ì sãñaro bajiro. Ito yicõri jota bedo seara bedo Ìre jeyijarã Ìre. <sup>18</sup> Ito yicõri ado bajiro Jesure tudi ajeyijarã Ìna:

—Judio masa ujũ ña mũ. Gũa bero catiba, yiyijarã Ìna Jesure.

<sup>19</sup> Ito yicõri Ì ya rijogaju yucuna Ìre jayijarã. Ito yicõri Ìre go ide eobate guiyijarã. Ì riojo rijomunigãna ñini rũjũcõri ado bajiro Ìre aja tudiyijarã Ìna: “Mũ ña ujũ ñasagu”, yi aja tudiyijarã Ìna Jesure. <sup>20</sup> Ìre aja tudi tuocõri Ì ya yutabuju sũaro ruayijarã Ìna. Ruagocõri mucana Ì sãñasuoadoti tudi sãyijarã Ìna mucana. Ito yicõri Jesure yucutẽojũ jaju sãrona Ìre tũa wayijarã Ìna Ìja.

*Yucutẽojũ Jesure Ìna jaju sãre gaye  
(Mt 27.32-44; Lc 23.26-43; Jn 19.17-27)*

<sup>21</sup> Jesure Ìna tũa waroca Ìna tu ejayiju Simõn wame cutigu. Cirene cuto gagu ñayiju Ì. Alejandro, ito yicõri Rufo jacũ ñayiju Ì. Jesús tu Simõn Ì rãta waroca Ì ya yucutẽore gaja rotiyijarã surara Ìre.

<sup>22</sup> Ito yija Jesure ãmi wayijarã Gõlgota wame cutiri tariaju. “Rijoga gãa”, yireoni ña iti Gõlgota yire. <sup>23</sup> Itoju ejacõri Jesure uyẽ ide, mirra uco wũsaro Ìre ioboyijarã Ìna. Itire idibisiju Jesús. <sup>24</sup> Ito yija Jesure yucutẽojũ jaju wõyijarã Ìna. Ì ya ãmo ito yicõri Ì ya gũbore cuni jajuayijarã come wacana. Jesús ya yutabujure ãmorã ado bajiro yiyijarã Ìna: “Ñimũjua Jesús ya yutabuju Ì bujaja tiana mani”, yirona gãta ajerina rea ajeyijarã surara. Ito bajiro yi ajecõri, Ì ya yutabujuri gãmeri batoyijarã Ìna Ìja.

<sup>25</sup> Busuri busa nueve tujarocacõ Jesure jajuayijarã Ìna. <sup>26</sup> Jesús ya rijoga weca cumu jãi ucara jãi wõyijarã Ìna. “Ãni ñami judio masa ujũ”, yi ucare ñayiju iti jãiju. “Iti waja seti ña Ìre”, yireoni ñayiju ito uca wõre. <sup>27</sup> Jesús rãca cocati jãarã riniri masare jajuayijarã Ìna. Sigũ Jesús ya riojocaduja ñayiju, gãji Ì ya gãcodujajua. <sup>28</sup> Ito iti bajija Dios oca tuti iti gotiro bajiroti rãtacoayiju: “Ñeñaro yirã rãca ñacõri, Ì cuni ñeñaro yigu ñaguñi”, yirã yirãji masa, yi ucare ñayiju Dios oca tutiju.

<sup>29</sup> Itiju gāna Jesús tu rēta warāti ĩre aja tudiyjarā ĩna:

—“Dios ya wire jana batecōcujā yu. Ito yicōri udiā ruma bero mūcana jōrojocujā yu”, yibojacu mu, yiyijarā masa Jesure. <sup>30</sup> Mūmasiti masoña. Ito yicōri yucutēoju wñāgā ruji waya mu, yiyijarā ĩna Jesure, ĩre aja tudirā.

<sup>31</sup> Paia ujarā, judio masa rotirise riasori masa cuni ito bajiroti aja tudiyjarā ĩna Jesure:

—Gājerāre masobojaguti ĩmasiti maso masibeami ĩ, yiyijarā ĩna. <sup>32</sup> Cristo, Israel sita gāna uju mu ñaja, ruji masigū yigujā mu. Yucutēoju mu rujija ti āmoa gna. Mu rujija ticōri, “Cristo ña mu”, yiana gna, yiyijarā ĩna Jesure.

Jesús rāca cocati yucutēoju jaju ecoana cuni aja tudiyjarā ĩre.

### *Jesús ĩ usi jedire gaye*

*(Mt 27.45-56; Lc 23.44-49; Jn 19.28-30)*

<sup>33</sup> Ūmua gūdareco ñaroca macārucāro ñarocōti rāitīacoayiju ĩja. Yoari rāitīayiju iti. Ñamicajua busa tres ñaroca itocō busuyiju mūcana. <sup>34</sup> Itocō tujarocati bato awasāyiju Jesús ĩ ocana:

—Eloi, Eloi, ¿lama sabactani? yiyiju Jesús. “Dios yu Jacu, ¿no yija yure wagoati mu?” yireoni ñayiju iti ĩ ocana.

<sup>35</sup> Coriarā ito ña coderā ĩ awasāja tuocōri, ado bajiro yiyijarā ĩna:

—Tuoya mua. Diore goti ĩsiri masu Elías wame cutigure jigū yiru ĩ, yiyijarā ĩna.

<sup>36</sup> Ito yija sigū ito ñagū ūmaquedi wayiju Jesús tujua. Ito yicōri ide udi āmirisena uyē ide jiare weoyiju. Ito yicōri ĩre itoju ñutubojayiju yucugna, Jesús ya rise tujū ĩ mimitoni. Idibisiju Jesús. Ito yija Jesure ado bajiro yiyiju ĩ:

—Yuya maji. Diore goti ĩsiri masu Elías mure ĩ rujoja tiana gna, yiyiju ĩ Jesure.

<sup>37</sup> Ito ĩ yija bero oca sēoro awasāyiju Jesús. Ito awasācōri usi jedicoayiju ĩ ĩja.

<sup>38</sup> ĩ usi jedirocati Dios ya wi saya webūtiro, wi gūdareco yobiado ūmacūjuana ñigā ruji wadicōri jacaju ñigā ruji ejacoayiju. <sup>39</sup> Co dūjamocō masacō surara uju Jesús riojo ñagū ĩ usi jedija ticōri, ado bajiro yiyiju ĩ:

—Dios Macuguti ñabojañi āni, yiyiju surara uju.

<sup>40</sup> Sōju busa ti ñayijarā romia cuni, Jesús ĩ godaja. ĩna wato ñayijarā María Magdalena, María Santiago mesa jaco, ito yicōri Salomé wame cutigo cuni. Sōju busa ti ñayijarā ĩna. <sup>41</sup> Galilea wame cutiri cutoju Jesús ĩ ña ucuroca ĩre ejabuagoana ñayijarā ĩna. Gājerā romia Jerusalénju Jesure suya ejagoana ĩ godaja ti ñayijarā ĩna cuni.

### *Jesure ĩna yujere gaye*

*(Mt 27.57-61; Lc 23.50-56; Jn 19.38-42)*

<sup>42</sup> Ito yija judio masa moasari ruma rāioacoayiju. Iti ruma ñayiju tujacāra ruma riojua ĩna queno yuri ruma. <sup>43</sup> Ito yiroca ejayiju José Arimatea gagu. ĩ José ñayiju ñasarā rāca ñagū. Diore tuorūnarāre ĩ miojuroti ruma bocati ñayiju ĩ cuni. Ito yija oca sēoro sāja wacōri Pilatore Jesús ya rujere seniyiju ĩ. <sup>44</sup> Ito ĩ yija tuocōri, “Agu, ¿no yija yoari mejeti usi jediati ĩ?” yi tuoñayiju Pilato. Ito bajiri surara ujure jiyiju Pilato: “¿Riti bajiati?” yiroca. <sup>45</sup> “Riti ña”, surara uju ĩ yija tuocōri, Jesús ya rujere āmi rotiyiju ĩ Josere. <sup>46</sup> Ito bajiro ĩ yija tuocōri, Jesús ya rujere gūmaroca saya coro waja yiyiju José. Ito yicōri Jesús ya rujere rujiogu wayiju ĩja. ĩre rujojo tīocōri ĩre gūmayiju José. Ito yicōri gūta totiju masari cumaju Jesús ya rujere yujeyiju José. Ito yicōri gūta jāi jaja jāina tubiayiju masari cuma sojere. <sup>47</sup> María Magdalena, María José jaco cuni tiyijarā Jesure ĩna yujeraju.

## 16

*Jesús ĩ tũdi catire gaye**(Mt 28.1-10; Lc 24.1-12; Jn 20.1-10)*

<sup>1</sup> Tujacãra rãmũ räiocũro ñaroca María Magdalena, María Santiago jaco ito yicõri Salomé wame catigo cãni ĩna udiarã sãtirise queno sãti quenarise waja gãmeyijarã ĩna Jesús ya rujare turona. <sup>2</sup> Tujacãra rãmũ busuri jĩju wayijarã ĩna Jesús ya masari cumaju. Ũmacañi joejeariju ejayijarã ĩna. <sup>3</sup> Ito yicõri ĩnamasiti busiyijarã:

–Jesús ya masari cuma gãtagã tubiadao, ¿Ñimũ manire ãmigo ĩsigũ yiguĩjida? yi busi wayijarã ĩna.

<sup>4</sup> Ito ejacõri ĩna tija gãtagã jajoca ĩna biabojaraga mañiju ĩja. Iti ñaraju meje ñayiju itiga ĩja. <sup>5</sup> Gũtagã manija ticõri, sãjayijarã ĩna. Ito sãja wacõri ĩna ti ñucaja riojocadaja sĩgũ mamũ yutabuju botiro sãñacõri rujiyiju. ĩre ticõri ucaiyijarã ĩna romia. <sup>6</sup> ĩna ucaja ticõri, ado bajiro ĩnare gotiyiju ĩ:

–Ũcabesa mũa. Jesús Nazaret gagũ mũa ãmagũ yucutẽojũ ĩna jajuru mami. ĩ godaja bero tũdi caticoami. Ito bajiri mami ado. Tiya mũa ado ĩre ĩna cũgoraju, yiyiju ĩ ĩnare. <sup>7</sup> Wasa. ĩ rãca riasotigoanare gotitẽña. Pedrore cãni gotiba, yiyiju ĩ. Ado bajiro mũa gotija quena: “Jesús mũa riojũaju Galileaju ejagu yiguĩji. Itoju ĩre tirã yirãji mũa. ĩ gotiadao bajiroti itoju ĩre ti bujarã yirãji mũa”, yi gotiba mũa ĩnare, yiyiju ĩ.

<sup>8</sup> Ito ĩ yija tuocõri, rudi budi wayijarã romia. Queno budi yire mejeti, nũũo budi wayijarã ĩna, ucarã. Ito bajija ticõri, gũirã gãjerãre goti bato yibisijarã ĩna.

*María Magdalenare Jesús ĩ goaĩore gaye**(Jn 20.11-18)*

<sup>9</sup> Semana gaye ñasũori rãmũ busuri jĩju mũcana tũdi caticõri María Magdalenare cajero goaĩoyiju Jesús. Jua ãmojeno rãmũa budigoro ñayiju iso. <sup>10</sup> Jesús ĩ tũdi catija ticõri, ĩ rãca riasotigoanare gotigo wayijo iso, ĩna oti bojori bujabe yiroco. <sup>11</sup> ĩna tu ejacõri ado bajiro yiyijo iso: “Mũcana catiami Jesús. ĩre tibũ yũ”, yibojayijo iso ĩnare. Iso gotija tuobojarãti, “Riti gotiamo”, yi tuorũnũbisijarã ĩna.

*Jũarã ĩ rãca riasotigoanare Jesús ĩ goaĩore gaye**(Lc 24.13-35)*

<sup>12</sup> Ito yija bero weseca ĩna wa ucuroca ĩ rãca riasotigoana jũarãre goaĩoyiju Jesús. Gajero bajiju ñacõri, ĩnare goaĩoyiju Jesús. Ito bajiri cajero ĩre ti masibisijarã ĩna maji. <sup>13</sup> Yoa busari, “ĩti ñami Jesús”, yi ti masicõri, tũdi wayijarã ĩna gãjerã Jesús rãca riasotigoanare gotirã warã. ĩna gotibojarocati ĩnare tuorũnũbisijarã ĩna cãni.

*Ado bajiro yũ oca masare riasoba mũa, yi Jesús ĩ rotire gaye**(Mt 28.16-20; Lc 24.36-49; Jn 20.19-23)*

<sup>14</sup> Ito yija bero co rãmũ ĩ rãca riasotigoana once ñarã ĩna ba rujiroca ĩnare goaĩayiju Jesús: “¿No yija gãjerã yũre tigoanare tuobeati mũa? Mũa ya usiju tuo ãmobeã mũa”, yi tudiyiju Jesús ĩnare.

<sup>15</sup> –Wasa, masa jeyarore Dios oca goti ucuba. “ĩre tuorũnũrãre masogũ yiguĩji Dios”, yire gaye riaso ucuba mũa. <sup>16</sup> No Diore tuorũnũcõri, idẽ gu ecoruti godabiquĩji. Catitĩñagũ yiguĩji. Ito bajibojarocati no yũre tuorũnũbicũama ĩ ñẽñaro yirise waja ñaro ya ĩre. Ito bajiri jeame ãjũroju ĩre cõagũ yiguĩji Dios, yiyiju Jesús. <sup>17</sup> Yũre tuorũnũrãre ti masirã yirãji mũa. Ado

bajiro yirã yirãji Ìna. Yare tɔɔrũnɛcõri yɛ masirisena sɔɔriti rãmúare bucõarã yirãji Ìna. Ìna masibiti oca ñabojareti bɛsirã yirãji Ìna. <sup>18</sup> ãñare Ìna ñiabojaja, ito yicõri ide junirisere Ìna idibojaja cɛni Ìnare junibetoja. Diore bɛsicõri cõrãre ãmo moa jeorã yirãji. Ito Ìna yirocati tujarã yirãji masa, yiyijɛ Jesús Ìnare.

*Macãrɛcãroju Jesús Ì mɛja ware gaye*

*(Lc 24.50-53)*

<sup>19</sup> Iti Ì bɛsija bero macãrɛcãroju mani Ɖju Jesure ãmi mɛja wayijɛ Dios. Ito bajiri Dios Ì riojocadɛjajɛ rujiyijɛ Jesús. <sup>20</sup> Ito Ì mɛjaja bero masa ñajedirore Dios oca goti ucurã wayijarã Ìna Ìja. Ito bajiro Ìna goti ucuja ticõri, Jesumasiti Ìnare ejabɛayijɛ Ì. Masa Ìnare queno tɔɔrũnɛjaro yirocɛ, Ì rãca riasotigoanare ejabɛayijɛ Jesús. Ito bajiri Ì ejabɛarisena tiyamani masare Ìoyijarã Ìna cɛni. Itocõti ña.

## El santo evangelio según San Lucas

### *San Lucas ĩ gotisore gaye*

<sup>1</sup> Nati mu yu baba Teófilo. Adi mare papera cōa yu. Adi rumuri Jesure rētagore oca ucari masa jājarā ñama ĩna ĩja. <sup>2</sup> Mani robo bajiroti cajero Jesús rāca riasotigoana ĩna gotija, tuoguanati ñama ĩna cuni. Ito bajiri ĩna ucarise ticōri, “Jesús rāca riasotigoana ĩna gotiro bajiroti ucama ĩna cuni”, yi tuoĭa mani. <sup>3</sup> Ito bajiro yi masibojagati jeyaro Jesure rētare oca queno riasoticōri, “Yu baba Teófilore yiari, yumasiti itire ucaçuja yu”, yi tuoĭacu yu. <sup>4</sup> Ito bajiro tuoĭacōri, “Jeyaro yu tuogore bajiroti bajiyija Jesure cuni”, mu yi tuo masitoni adi mare uca yu.

### *Juan ĩ ruजारoto riojua ángel ĩ goti yure gaye*

<sup>5</sup> Herodes, Judea sita uju ĩ ñaroca, sigū ñayiju pai Zacarías wame cutigu. Pai Abías gāna rāca gagu ñayiju Zacarías. ĩ manoyo Elisabet wame cutigo ñayijo iso. Pai Aarón ñajacu janeño ñayijo iso. <sup>6</sup> Dios ĩ tija queno yirā ñayijarā ĩna jāarā, Zacarías ĩ manoyo rāca. Ito yicōri Dios ĩ rotirise queno cudirā ñayijarā ĩna. Ito bajiri, “Īnare seti ña”, yi masibisijarā gājerā. <sup>7</sup> Ito bajibojarocati rīa mañijarā ĩna. No yicōri rīa cuti masibisijo Elisabet. ĩna jāarā bucarā riti ñayijarā ĩja.

<sup>8-9</sup> Co rumu Zacarías rāca gānare pai ye moare ñayiju Dios ya wiju. Paia ĩna yisotire yicōri Zacaríasre bese masiyijarā gājerā paia. “Muti ña Dios ya sōa sājaroçu, Diore queno sutirise soe ĩsiroçu”, yi ti masiyijarā ĩna Zacaríasre. <sup>10</sup> Ito ĩna yija tuocōri, Diore queno suti quenarise soe ĩsiroçu, Dios ya sōa sājayiju Zacarías. Ito ĩ soe ñaroca riti macūjua Diore busi ñayijarā masa jeyaro. <sup>11</sup> Iti ĩ soeroca riti Dios ñaro gagu ángel goaĭoyiju Zacaríasre. Diore soe ĩsiraju riojocadujajua goa rūgūyiju ĩ. <sup>12</sup> Ángelre ti bujacōri, no yi masibisiju Zacarías. Buto güiyiju ĩ. <sup>13</sup> Ito bajiro ĩ güija ticōri, ado bajiro ĩre gotiyiju ángel:

—Güibesa Zacarías mu. Mu busirisere tuoami Dios. Ito bajiri mu manoyo Elisabet macu cutigo yigōji. Ito yicōri Juan ĩre wame wōgū yigujaja mu. <sup>14-15</sup> Mu macu Dios ĩ tiro riojo queno yigu ñagū yiguĭji ĩ. Ito bajiri queno wanugū yigujaja mu. Ito yicōri ĩ rujeaja tuocōri, masa jājarā wanurā yirāji ĩna. Mu macu uyé ide idibiquĭji, sibiore cuni. Ito yicōri ĩ ruजारoto riojua Espiritu Santo quedi sājagā yiguĭji ĩre. <sup>16</sup> Mu macu ĩ riasorise tuocōri Israel sita gāna jājarā mani ũju Dios rāca tūdi usi cutirā yirāji ĩna. <sup>17</sup> Jane mejeju Elías wame cutigu, Diore goti ĩsiri masu ñayiju. ĩre bajiro queno oca sēoro masare riasogu yiguĭji mu macu. Dios ĩ cōaru Cristo ĩ ejaroto riojua, Dios oca queno masare riasogu yiguĭji mu macu. Ito bajiri Espiritu Santo ĩ ejabuarisena jacusabatia ĩna rīa rāca corocō usi cutiroca yigu yiguĭji ĩ. Ito yicōri Diore cudimena ĩna cūdiroca yigu yiguĭji ĩ. Ito bajiro yigu, Cristore masa ĩna boca āmi ñacāroca yigu yiguĭji mu macu, yiyiju ángel Zacaríasre.

<sup>18</sup> Ito ĩ yija tuocōri, ado bajiro ĩre seniñayiju Zacarías:

—¿Mu yirise rētaro yiroja, no bajiro yi tuoĭa ñagū yigujada yu? Bucugu ña yu. Ito yicōri yu manoyo cuni buco ñamo, yiyiju Zacarías.

<sup>19</sup> Ito ĩ yija ĩre cūdiyiju ángel:

—Gabriel ña yu. Ito yicōri Diore moa ĩsigū ña yu. Mare iti oca quenarise yu gotitoni yure cōami Dios. <sup>20</sup> Ito bajibojarocati yu busirisere mu tuorūnubejare

basi masibiticōri, basibicu ñagū yigujā mū. Ito bajiri mū macu ī rujearoto riojua basibicu riti ñagū yigujā mū maji. Ito bajiroti rētarō yiroja, Dios ī āmori ramujā, yiyiju ángel Zacaríasre.

<sup>21</sup> Ito ī yiroca macūju ñarā ruje tūoīayijarā masa Zacaríasre yurā. ¿No yija Dios ya wiju yoari sejati Zacarías? yī tūoīayijarā ĩna. <sup>22</sup> Ī budija bero no yī basi masia mañiju Zacaríasre. Ī ito bajija ticōri, “Dios ya sōaju ñasarise tiñi ĩ”, yiyijarā masa. Ījua basibicu ñacōri no bajiro yī basi masibisiju ĩnare. Ito bajiri basigūcātī ī ya āmona sōju quesoīayiju ĩ.

<sup>23</sup> Dios ya wiju ī moa tōja bero ī ya wiju tūdi wayiju Zacarías. <sup>24</sup> Ī ya wiju ĩ tūdi ejaia bero ī manojō Elisabet macu sāñagō ñayijo iso ĩja. Ito yicōri wiju ñagō, budibisijo iso co dūjamocō ūmacañicō. <sup>25</sup> Ado bajiro tūoīayijo iso. “Ito bajiro yū macu sāñaroca yīñi Dios yure. Gājerā yure ĩna ti tudibe yigu, ito bajiro queno yīñi Dios yure”, yī tūoīayijo iso.

### *Jesús ī rujearoto riojua ángel ī goti yure gaye*

<sup>26</sup> Co āmojeno ūmacañi macu sāña tujago Elisabet iso ñaroca, Dios ñaro gagu ángel Gabriel wame cutigūre cōayiju Dios, Nazaret wame cutiri cutoju. Galilea sitaju ñayiju iti cuto. <sup>27</sup> Itoju sīgō María wame cutigore oca gotirocure cōayiju Dios Gabrielre. Manujā maco ūmugū rāca ajeñabeco ñayijo iso. Ito yicōri José manojō ñaroco ñayijo iso. Masa uju ñayoru janami macu ñayiju José. Ī ñicaju David wame cutiyoyiju, jane mejeju masa uju ñayoru. <sup>28</sup> María tūju ejacōri ado bajiro isore gotiyiju ángel:

—¿Ñati mū? Mure oca gotigū wadibū yū. Dios ī tija, queno usi cutigo ñayiju mū. Ito bajiri mū rāca ñami Dios. Gājerā romia rēto busaro queno yīñi Dios mure, yiyiju ángel Maríare.

<sup>29</sup> Ito ī yija tūocōri, buto tūoīa jaiyijo iso ĩja. “¿No yija ito bajiro yure seniñati ĩ?” yī tūoīayijo iso. <sup>30</sup> Ito yija mūcana isore basiyiju ángel:

—Gūibesa María mū. Mure wanuami Dios. Ito bajiri mure queno yīñi ĩ.

<sup>31</sup> Macu sāñagō ñasūgo yigoja mū, ito yicōri macu cutigo yigoja mū. Īre macu cuticōri. Jesús wame yigo yigoja mū, mū macure. <sup>32</sup> Masa rētoro masi rētocūgū ñagū yiguñi ĩ. Ito yicōri, “Dios Macu”, wame cutigū yiguñi ĩ. Dios ūmacūju gagu Macu ñari ito bajiro wame cutigū yiguñi ĩ. Ī ñicaju David ñayoru robo bajiro ũju ñagū yiguñi ĩ cūni. Ito bajiro ī ñaroca yigu yiguñi Dios. <sup>33</sup> Israel sita gāna jeyaro uju ñagū yiguñi mū macu. Ito yicōri ī rotirise susabeto yiroja ĩja, yiyiju ángel Maríare.

<sup>34</sup> Ito ī yija tūocōri, ĩre seniñayijo María:

—¿Ūmugū rāca yū ñabitibojarocati yure macu rujeagu yiguñijida? yiyijo iso ĩre.

<sup>35</sup> Iso ito yija tūocōri, ado bajiro isore cūdiyiju ĩ:

—Ī ya usiti mure queo sāgū yiguñi Dios. Ito yicōri ī masirise mū rāca ñaro yiroja. Ito bajiro Dios ī yija ī ya usiti mū macu sāñarise bajiro yiroja mure. Īto bajiri macuacā mū rucorocū Dios ī āmorise riti yigu yiguñi ĩ. “Dios Macu ñami ĩ”, yirā yirāji masa. Gaje ado bajiro mure gotia yū. <sup>36</sup> Mū gajego Elisabet būco ñabojagoti macu cutigo yigōji iso. “Rīa cutiado mamo iso”, yibojacā masa. Ito ĩna yibojarocati co āmojeno ūmacañi tūja iso macu sāñaja bero. <sup>37</sup> “Diore disejua buto josarise manojā”, yiyiju ĩ Maríare.

<sup>38</sup> Ito ī yija tūocōri, ado bajiro cūdiyijo iso:

—Dios ī rotirise moa ĩsiri maso ña yū. Ito bajiri mū yiro bajiroti yire āmoa yū, yiyijo María.



Iso ito yija tuocōri, ūmacūju tūdi mājacoayiju ángel mucana.

### *Elisabetre María iso tigo ware gaye*

<sup>39</sup> Ito bajiro ī yira rumari bero usirio wayijo María, Judea sitaju gūta yucari űari cutoju Elisabetre tigo waco. <sup>40</sup> Ito ejacōri Zacarías ya wiju sājayijo iso. Ito sāja ejacōri, “¿Ñati mu?” yi seniīayijo iso Elisabetre. <sup>41</sup> María iso seniīaja tuocōri, Elisabet jeraga totiju macu sāñagū wāreyiju. Ito yicōri Espiritu Santo isore quedi sājayiju. <sup>42</sup> Ito bajicōri oca sēoro ado bajiro yi gotiyijo Elisabet Mariāre:

—Gājerā romia rētoro queno yiñi Dios mure. Ito yicōri mu macu rucorocare cūni queno yiñi Dios. <sup>43</sup> ¿Ñasari maso meje yu űabobarocati yu űju jaco űaroco yure tigo wadiri mu? <sup>44</sup> Yure mu seniīaja tuocōri, yu ya jeraga totiju sāñagū, yu macu wanūgū wāremi ī. <sup>45</sup> “Dios ī busiado bajiroti itire yicōgū yiguīji”, yiroco buto wanua mu, yiyijo Elisabet Mariāre.

<sup>46</sup> Ito yija ado bajiro yiyijo María:

Yu ya usina mani űjure buto rucubuo ya. Ito bajiri, “Queno ya mu”, ya yu ĩre.

<sup>47</sup> Dios űami yure masora. Ito bajiri ĩre queno wanua yu.

<sup>48</sup> ĩre moa ĩsiri maso űasago meje yu űabobarocati yure ācabojabiticōri queno yiquī Dios yure. Ito bajiri ĩre buto wanua yu. Ado bajiro busirā yirāji yu bero gāna. “Isore queno yiñi Dios”, yirā yirāji ĩna.

<sup>49</sup> Ito bajiro tuoīarā yirāji ĩna, rētoro masigū Dios yure queno ī yija ticōri. Queno yigu űami Dios. űeñarise yiīabicu űami ĩ.

<sup>50</sup> ĩre rucubuoīare ĩnare ti maitīñagū yiguīji Dios.

<sup>51</sup> Buto sēogū űami Dios. Ito bajiri jaje tiyamani ĩocāyiju ĩ. Ito yicōri, “Rētoro masirā űa gūa”, yi tuoīabobarāre, rētocūyiju Dios.

<sup>52</sup> űjarā űasabobarā ĩna űasabitiroca yiyiju Dios. Ito yicōri, “Gājerā rētoro masigū űa yu”, yi tuoīamenare ĩna űasarā űaroca yiyiju Dios.

<sup>53</sup> űio jogarāre quenarise ecayiju Dios. Ito yicōri gajeoni jairā űabobarāre cūni űe manoti ĩnare bucōayiju Dios.

<sup>54-55</sup> Mani űicusabatia Abraham űayora mesare ado bajiro gotiyiju Dios. “Mūare cūni, mūa janerābatiare cūni ti maicōri queno yi űacuja yu”, yiyiju Dios. Itire ācabojabeami Dios. Ito bajiri ī gotiado bajiroti, mani ĩsrael sita gāna ĩ rīa mani űajare, queno yi űami Dios manire. Ito bajiri ī Macu yu rucoroca yigu yiguīji Dios, yiyijo María Elisabetre.

<sup>56</sup> Ito yi, Elisabet ya wiju űdiarā ūmacañi űacōayijo María ĩja. Ito iso űaja bero tūdi wayijo mucana iso ya wiju ĩja.

### *Juan idé guri masu ĩ rujeare gaye*

<sup>57</sup> Elisabet iso macu rucori rumu ejaroca macu rucoyijo iso ĩja. <sup>58</sup> Dios isore queno yija, tuoījarā iso űarā ito yicōri iso tu űarā cūni. Ito bajiri isore wanarā ejayijarā ĩna, iso taju. <sup>59</sup> Macuacā ĩ joeaja bero űdia āmojeno rumari tujaroca ejayijarā ĩna mucana. Macuacāre ĩna yisotire bajiro ĩre wirowi tarona ejayijarā ĩna. Ito yicōri ĩ jacu Zacarías wamere wō āmobjayijarā ĩna. <sup>60</sup> Ito yibobarocati ĩ jaco āmobjisijo:

—Juan wame cutigu yiguīji, yiyijo iso.

<sup>61</sup> Iso ito yija tuocōri, ado bajiro seniīayijarā ĩna isore:

—¿No yija ito bajiro ĩre wame wō āmoati mu? Mani űarā sīgū ito bajiro wame cutirā mama, yiyijarā ĩna isore.

<sup>62</sup> Ito yicōri macuacā jacure seniñaron a ãmona ãre sōju quesoñayijarã ãna, “¿Dise wame ãmoati ma?” yirona. <sup>63</sup> Ito bajiro ãna yija ticōri, macuacā wame uca wōrocū ucara jāi ãnare seniñijū Zacarías. Ito yija, “Juan wame cutigū yiguñji”, yi uca wōyijū ã. Ito bajiro ã yija ticōri, “¿Ito bajiro wame ãmoati ã?” yirã, ruje tuoñayijarã ãna. <sup>64</sup> Ito bajiro ãna yiroca riti busi masibitira ñabojaguti busisñoyijū Zacarías mucana. “Queno ya Dios ma. Rētoro quenagū ña ma”, yi busisñoyijū Zacarías Diore rūcūñogū. <sup>65</sup> Ito ã yija tuoçōri, ã tuju ñarã ti ucayijarã ãna. Ito Judea sitaju, gāta yucarijū ñarã cūni iti oca rētagore tuoñayijarã ãna. Ito bajiri iti oca goti batoyijarã ãna. <sup>66</sup> Masa iti oca tuoçōri ruje tuoñayijarã ãna. Ito yicōri gāmeri seniñayijarã ãna: “¿Ñimū ñasagu yiguñjida ã busñaja? Mani ũjū Dios queno yiyijū ãre”, yi masi jediyijarã ãna ãja.

### *Zacarías Diore ã basare gaye*

<sup>67</sup> Ito bajiro ãna yi ñaroca Espiritu Santo quedi sājayijū macuacā jacū, Zacaríasre. ãre Espiritu Santo quedi sājaja ticōri, ado bajiro Dios oca gotiyijū Zacarías:

<sup>68</sup> Mani Israel gāna, mani ũjū Diore rūcūñogūja manire. ãti ñami rētoro masigū. Ito yicōri ã ñarã ña mani. Mani ñari tutijū ejacōri manire masorū ñami Dios.

<sup>69</sup> Manire masorocū, sigū rētoro masigūre cōagū yiguñji Dios. Mani ñicū David ñayorū Diore queno cūdigū janami ñagū yiguñji ã.

<sup>70</sup> Jane mejeju ãre goti ãsiri masana sñoriti ado bajiro goticãñi Dios manire:

<sup>71</sup> “Mña wajanare rētocūñaja yū. Ito yicōri mñare ti terãre cūni camotacūja yū.

<sup>72</sup> Mñare ti maicōri yū goticato bajiro ti yicūja yū”, yĩni Dios, yi gotiyijū Zacarías masare.

<sup>73</sup> Mani ñicū Abraham ñayorūre ado bajiro goticāyijū Dios:

<sup>74</sup> “Mñare masocūja yū, mña wajana ãna mñare ruyuriobe yirocū. Ito bajiro yicūja yū, gūimenati yare mña cūditoni.

<sup>75</sup> Mña catirocō mña queno yi ñatoni, ito yicōri yiro robo yūre mña cūdi ñatoni, ito bajiro mñare masocūja yū”, yĩni Dios, mani ñicū Abraham ñayorūre, yi gotiyijū Zacarías masare.

<sup>76-77</sup> Ito ã yija bero ado bajiro yiyijū Zacarías macuacāre gotigū: “Cristo, Dios ã cōarure masa ãre boca ãmi ñacātoni Dios oca ãnare gotigū yigūja mñ. ‘Mña ñeñaro yirise mña jidicāja bero, itire ãcaboçōri mñare masogū yiguñji Dios’, yi gotigū yigūja mñ masare. Ito bajiro mñ gotija tuoçōri, ‘Dios ũmacūju gagure goti ãsiri masū ñami’, yirã yirãji masa mñre”, yiyijū Zacarías, ã macuacāre gotigū.

<sup>78</sup> Manire ti maicōri seoro yibeami Dios. Ito bajiri manire masorocū, Cristore cōagū yiguñji Dios mani ñari sitaju.

<sup>79</sup> Ado ejacōri Diore masimenare ã oca gotigū yiguñji jeame ũjuroju ãna wabe yirocū. Ito yicōri ã rāca mani queno usi cutitoni, Cristore cōagū yiguñji Dios, yiyijū Zacarías masare gotigū.

<sup>80</sup> Busñā mñaja wacūti bñto Diore tuoññū mñaja wayijū Zacarías macū, Juan wame cutigū. Dios gayere queno tuoñacōri ãre bajiro usi cutigū ñayijū Juan. Jai tujacōri yucū manoju ña ucuyijū ã. Israel sita gānare Dios oca ã goti ucuroto riojū, itojū riti ña ucuyijū Juan maji.

## 2

*Jesucristo ã rujeare gaye*  
(Mt 1.18-25)

<sup>1</sup> Iti rumuriti masa uju Augusto wame cutigu, “Adocō ñama ya ya masa”, yiroca ña wame wō jeo amoyiju ī. Ito bajiri masa jeyarore wadi rotiyiju ī. <sup>2</sup> Siria sitaju Cirenio ī uju ñaroca ito bajiro bajiyiju iti cajero masare cōiare gaye. <sup>3</sup> Ito bajicōri masa jeyaro ña rujeara cutoju wame ucarona wayijarā ña. <sup>4</sup> Ito bajiri iti oca tuocōri wayiju José cuni. Galilea sita Nazaret wame cutiri cutoju ñacōri Judea sita Belén wame wame cutiri cutoju wayiju José ī wame wōroca. Jane mejeju Belénju rujeayiju David, masa uju ñayoru. David ñayoru janerābatia macu ñari Belénju wayiju José. <sup>5</sup> Itoju wayiju José ī manoyo ñaroco María rāca. Ī rāca ajebitibojagoti macu sāñagō ñayijo iso. <sup>6</sup> Belénju ña ejaja bero macu iso rucoroti rumu ejayiju isore. <sup>7</sup> Ito bajiri iso macu ñasugoru rucoyijo iso ĩja. Īre saya werorina gūmacōri ecana ña baricoroju ĩre sāyijo iso. Canira wiri daja rētajare ecana wiju ñayijarā ña.

### *Oveja coderi masare ángel ī gotire gaye*

<sup>8</sup> Belén tu busa ñayijarā oveja coderi masa. Ta weseju ñami rēta wayijarā oveja coderā. <sup>9</sup> Ñajasaroti Dios ñaro gagu ángel goayiju ĩnare. Ito yicōri Dios ĩ sīatarise busuoyiju ĩna wato. Itire ticōri buto güyijarā ña. <sup>10</sup> ĩna güija ticōri, ado bajiro yiyiju ī:

—Güibesa mua. Oca quenarise mware gotigu wadibu ya. Iti oca tuocōri masa jeyaro wanarā yirāji ña. <sup>11</sup> Adi ñamiti David ñayoru ya cutoju rujeami mware masoroca. Ī ñami mani Uju ñaroca Cristo, Dios ĩ cōaru. <sup>12</sup> Īre mua ti bujaja ado bajiro bajigu bujarā yirāji mua. Saya werorina gūmarure bujarā yirāji mua macuacāre. Ito yicōri ecana ña baricoroju cani sāñagū yiguūji ī, yiyiju ángel oveja coderi masare.

<sup>13</sup> Ito bajiro ī yija beroti ĩre bajiro bajirā ángel mesa jājarā goayijarā. Ito yicōri ado bajiro busiyijarā ña, Diore rucubhorā:

<sup>14</sup> Rētoro masigū ñami Dios ũmacūju gagu. Adi sita gāna, Dios rāca queno ũsi cutirā queno wanu quena ñajaro ña, yiyijarā ángel mesa.

<sup>15</sup> Ito yicōri tūdi mujacoayijarā ña. Ito ña mujagoja bero oveja coderi masa gāmeri busiyijarā ĩja:

—Ita, Belénju wato mani. Iti rētagore tūato mani. Ito yicōri mani Uju Dios ĩ gotirise tito mani, yiyijarā ña.

<sup>16</sup> Ito yicōri ũsirio wayijarā ña. Belénju ejacōri María, Josére cuni ti bujayijarā ña. Ito yicōri macuacāre ecana ña baricoroju sāñagūre ti bujayijarā ĩja. <sup>17</sup> Īre ti bujacōri, “Ado bajiro bajigu macuacāre ti bujarā yirāji mua”, yi ángel ĩ gotigorere goti jeoyijarā ña, itiju ñarāre. <sup>18</sup> Itire tuo wanucōri, “¿No yireoni ñati iti?” yi tuoia jediyijarā itiju ñarā. <sup>19</sup> Ito bajibojarocati Mariájama iti oca tuocōri iso ya ũsiju tuoia wanu ñayijo iso. <sup>20</sup> Ito bajiro iso tuoia ñaroca ña cutoju tūdi wayijarā oveja coderi masa. Warāti Diore rucubhorā ĩre wanu quenare oca busiyijarā ña. Ángel ĩ gotigore ñaro bajiroti iti rētaja ticōri, Diore rucubhorā wanu quenare oca busiyijarā ña.

### *Dios ya wiju Jesure ña āmi ejare gaye*

<sup>21</sup> ũdia āmojeno rumuri Jesús ĩ tujaroca judio masa ña yisotiado robo bajiro ĩre wirotayijarā ña. Macuacāre wirotayijarā ña taja bero Jesús ĩre wame wōyijarā ña. “Ito bajiro wame wōma”, yiyiju ángel, María iso macu sāñaroto rioju.

<sup>22-24</sup> Jane mejeju ado bajiro rotiyiju Moisés ñayoru: “Romio iso rucocja bero jūarā masacō rumuri bero iso ñarise cutirise coerona Diore oveja macu soe ĩsima. Oveja ĩ manija, buja robo bajirā jūarā ĩre soe ĩsima. Ito yicōri buja rīa

cuni quena ñarãji”, yi rotiyiju Moisés ñayoru. Ito bajiri i rotigore cudirona Dios ya wi Jerusalénju Jesure ami wayijarã i jacusabatia. Gaje ucare ado bajiro gotia Dios oca tuti: “Macu ñasogũ Dios yagu ñagũ yiguñi. Ito yicõri ire moa ñsigũ yiguñi i”, yi gotia Dios oca. Ito bajiri, “Ñani macuacã mare riti i moa ñsitori mare ñsia gua”, yi Diore busirona Jerusalénju Jesure ami wayijarã i jacusabatia.

<sup>25</sup> Ito rumari Simeón wame cutigu Jerusalénju ñayiju. Queno Diore cudigu ñayiju i. Israel sita gånare masorocure bocati ñayiju Simeón. Ito yicõri Espiritu Santo quedi sãjacãru ñayiju i. <sup>26</sup> Espiritu Santo ado bajiro goticãyiju Simeónre: “Cristo, Dios i cõarure tigu yiguja mu, mu godaroto riojua”, yiyiju Espiritu Santo Simeónre. <sup>27-28</sup> José, María rãca ñna wari rumati Simeónre cuni Dios ya wiju wa rotiyiju Espiritu Santo. Judio masa ñna yisotiado bajiro yirona Dios ya wiju Jesure ami sãja wayijarã ñna. Ñna iti wiju sãjaroca ñna tu eja rügãyiju Simeón. “Dios Macu ñaguñi”, yi tuoãcõri Jesure ami gajayiju i. Jesure ami gajacõri, “Queno ya mu”, yiyiju Simeón Diore wanugũ. Ado bajiro yiyiju Simeón, Diore:

<sup>29</sup> Yu Hju mu goticato bajiro ti yare iti rõtaja tia yu. Cristore ti buja yu, mu cõarure. Ito bajiri wanu quenare rãca godagu yiguja yu.

<sup>30-31</sup> Yumasiti tia yu, masa ñna ñeñaro yirise coerocure. Jesús guare cõayija mu masa jeyaro ñeñaro ñna yirise coerocure.

<sup>32</sup> Mu cõaru ñami, Israel sita gãna mejere cuni ñna tuo masiroca yirocu. Ito yicõri mu ñarã Israel sita gånare rãcubhorã yirãji masa jeyaro, yi wanuyiju Simeón, Diore queno cudigu ñari.

<sup>33</sup> Ñna macu jaibecuacãre i ito bajiro busija tuo ucayijarã ñna José, María cuni.

<sup>34</sup> Ito yija ñnare yiarì Diore busiyiju Simeón ñna queno ñtoni. Ado bajiro yi gotiyiju Simeón, ñnare. “Quenaro ñarã yirãji mua”, yiyiju Simeón, Mariãre, Josére cuni. Ito yicõri Jesús jaco Mariãre ado bajiro gotiyiju i:

—Ñani macuacã Dios i beseru ñami. I bucuacõri Israel sita gãna jãjarã Dios oca cudimenare ruyuriogu yiguñi i. Ire cudirãre ñeñaro ñna yirisere acabojogu yiguñi. “Dios i cõaru ñaguñi”, yi masibojarãti jãjarã ire busiturã yirãji. <sup>35</sup> Masa jeyaro ñna ya usiju ñna tuo labojarisere ti masicõgũ yiguñi i. Ito bajibojarocati mu macure ñna rãcubhojeba ticõri, bojori bujago yigoja mu, mu ya usiju, yiyiju Simeón macuacã jaco Mariãre.

<sup>36-37</sup> Ito bajiro ñna busi ñaroca, sigõ Ana wame cutigo Dios ya wiju ñayijo iso cuni. Iso ñayijo Diore goti ñsiri maso. Ito yicõri Fanuel maco ñari, Aser masa butu gago ñayijo iso. Bũco ñayijo iso ija wajeago. Ochenta y cuatro rodori tujayiju iso manuju i godagoja bero. Ado bajiro bajiyiju. Ñna amo siaja bero jua amojeno rodori ñabojayiju iso manuju maji. Ito bero godacoayiju i ija. Ito bajiri i godagoja bero Dios ya wiju riti ñasotiyijo iso. Iti wiju ñagõ ãmua cuni, ñami cuni Diore moa ñsotiyijo iso. Gajereama ba yujibecoti Diore rãcubhosago babeco riti ire busiyijo iso. <sup>38</sup> Jesús jacusabatia rãca Simeón i busi rügõroca, Ana cuni Diore busiroco eja rügãyijo iso. Ito bajiro Simeón i busija tuocõri, “Queno ya Dios mu”, yiyijo iso. Ito bajiro Diore, “Queno ya mu”, yi tuocõri, ado bajiro yi gotiyijo iso Jerusalén gånare: “Ñni ñami mani bocaticacu ñeñaro mani yirisere coerocu”, yiyijo iso masare.

### *Nazaretju ñna tudì ware gaye*

<sup>39</sup> José, María rãca Dios rotirise ñarocõti cudirã ejagoana, Galilea sitaju tudì wayijarã ñna mucana, ñna cato Nazaretju warã. <sup>40</sup> Ito bajicõri ñna cutoju

macuacá Jesús sēoro bũcua mũjayiyũ. Queno tuoĩare rāca bũcũayiyũ ĩ. Dios ĩ Jacu queno ejabũayiyũ ĩre.

### *Dios ya wiyũ Jesús ĩ tujare gaye*

<sup>41</sup> Co rodo ruyabeto Jerusalénjũ Pascua basa ĩna menija tirā wasotiyijarā ĩ jacũsabatia. <sup>42</sup> Jesús jua gũbojeno rodori ĩ tujaroca Jerusalénjũ Pascua basa tirā wayijarā ĩna. Co rodo ruyabeto basa rũmũ ĩna tisotiado bajiro iti Pascua basa tirā wayijarā ĩna mũcana. <sup>43</sup> Ito ejacõri, iti basare tiyijarā ĩna. Ito bajiri iti jedija ticõri, tũdi wayijarā ĩna mũcana. Ito bajiro ĩna tũdi waroca Jesuama tujacoayiyũ Dios ya wiyũ ĩja. ĩ jacũsabatia, “Tujacoaguĩji”, yi tuoĩabisijarā ĩna. <sup>44</sup> “Ado mani rāca warā wato ñaguĩji”, yi tuoĩayijarā ĩna. Ito bajiro tuoĩa warā riti, co rũmũ ãmũasaro wayijarā ĩna. Ito bajiro ĩna wajasaroti ĩre ãmabojayijarā ĩna, ĩja. “Mani rāca warā wato ñaguĩji”, yirona ãmabojayijarā ĩna. <sup>45</sup> Ito bajijobarocati ĩre bũjabisijarā ĩna. Ito bajiri ĩre bũjarona Jerusalénjũ ĩre ãmarā wayijarā ĩna mũcana.

<sup>46</sup> Udia rũmũ bero Jesure bũjayijarā ĩna, Dios ya wiyũ ĩ ñaroca. Judio masa rotirise riasori masa wato ĩre bũjayijarā ĩna. Riasori masa ĩna bũsirisere tuoõõri ĩnare seniĩayiyũ Jesús. ĩnajua cuni seniĩayijarā ĩre. <sup>47</sup> Queno masigũ ñari, queno ĩ cudi masija ticõri, tuo ucaiyijarā ĩna jeyaro. <sup>48</sup> Ito bajiroca ĩ jacũsabatia ĩre ti bũjacõri, tuo ucaiyijarā, ito ĩ yija tuoõõri. Ito bajiri ĩ jaco ado bajiro yiyijõ ĩre:

—¿No yija gũa waroca guare gotibicũti, tujacati macũ mũ? Mũ manija ticõri, bũto tuoĩa oca jaicũ yũ, mũ jacũ cuni, yiyijõ ĩ jaco ĩre.

<sup>49</sup> Iso ito bajiro yija tuoõõri, ado bajiro isore cũdiyiyũ Jesús:

—¿No yija yure ãmacati mũa? “ĩ Jacu ya wiyũ ñaguĩji”, ¿yi masibiticati mũa? yi cũdiyiyũ Jesús, ĩ jacũsabatia.

<sup>50</sup> Ito bajiro ĩ yibojarocati ĩ bũsirisere queno tuoĩ masibisijarā ĩ jacũsabatia.

<sup>51</sup> Ito ĩna yija bero ĩna rāca tũdicoayiyũ ĩ ĩja, Nazaretjũ. Nazaretjũ tũdi ejacõri ĩ jacũsabatia rotiro bajiroti cũdisotiyiyũ ĩ. Ito yicõri iso macũ Jerusalénjũ ĩ yigorere tuoĩa ñasotiyijõ Jesús jaco. <sup>52</sup> ĩ tuoĩarise rācati bũcua mũja wayiyũ Jesús. Dios cuni, masa cuni ĩre ti mai rũcũbũoyijarā ĩna ĩja.

## 3

### *Yucũ manojũ Juan idé guri masũ ĩ ña ucure gaye* (Mt 3.1-12; Mr 1.1-8; Jn 1.19-28)

<sup>1</sup> Tiberio wame cutigũ ujũ ĩ sājaja bero, quince rodori ĩ ña tujaroca Poncio Pilato wame cutigũ Judea sita ujũ ñayiyũ ĩ. Gāji Galilea sita gagũ ujũ ñayiyũ Herodes wame cutigũ. Ito yicõri ĩ ocabaji Felipe wame cutigũ jua sita ujũ ñayiyũ. Iti ĩ sita rũcorise wame cutiyiyũ Iturea, ito yicõri Traconite. Ito bero gāji Lisania wame cutigũ Abilinia sita ujũ ñayiyũ ĩ. <sup>2</sup> Masa ito bajiro sita ĩna rũco ñaroca Anás ito yicõri Caifás wame cutirā, ĩna ñayijarā paia ujarā. Ito bajiro ujarā ĩna ñaroca, Zacarías macũ Juan wame cutigũ yucũ manojũ ña ucuyiyũ. Ito ĩ ñaroca oca goti rotiyiyũ Dios ĩre. <sup>3</sup> Ito bajiro Dios ĩ gotija tuoõõri, riaca Jordán wame cutirisa tũjũ Dios oca goti ucugũ wayiyũ Juan. Ado bajiro yi goti ucuyiyũ ĩ:

—Mũa ñeñaro yirise jidicācõri quenarise mũa ya usiyũ tuoĩa wasoaya ĩja. Ito bajiro mũa tuoĩaja, mũa ñeñaro yirise ãcabojagũ yiguĩji Dios. Dios oca yũ gotirise mũa tuoĩanũja, idé gu roti masirāji mũa, yiyiyũ Juan masare gotigũ.

<sup>4</sup> Sigũ Diore goti ĩsiri masũ Isaías wame cutigũ ĩ ucado bajiroti yiyiyũ Juan. “Ado bajiro yigũ yiguĩji”, yirocũ uca yuyiyũ Isaías, Juanre tuoĩa yugũ:

Sīgū yucu manojū ado bajiro yi sēria gotigu yiguļi: “Mua ya usiju queno tūoīa ņaņa mua, mani Ūju ī ejaroto riojua, mua ya usiju ī queno ņa masitoni.

<sup>5</sup> Mūare ņeņaro tūoīare gaye ņaja itire jidicāņa. Mua ņeņaro yirise iti ruyaja, itire jidicācōri, quenarisejua tūoīaņa. Mua tūoīarise rocati iti wisaja quenarisejua tūoīa ņaņa. Ito yicōri jeyaro mua ņeņaro tūoīarise jidicāņa.

<sup>6</sup> Ito bajiro mua yija bero masare masorocu, Dios ī cōarure ti jedirā yirāji masa jeyaro”, yigu yiguļi sīgū yucu manojū, yi ucayiju Isaías, Juanre tūoīa yugu.

<sup>7</sup> Jājarā masa Juanre ņa idé gu rotirā ejaja, ado bajiro yiyiju Juan ņare:

—Āņa rima iti juniro bajiro ņeņaro yirā ņa mua. Ado bajiro tūoīaboja mua: “Dios ī waja seniri rumu iti ejaroca manire waja senibiquļi Dios. Mani ņeņaro yirā ņabojarocati manire ti maicōri manire waja senibiquļi”, yi tūoīaboja mua, yiyiju Juan masare.

<sup>8</sup> ņeņaro mua yirise jidicācōri quenarise riti tūoīa ņaņa mua. Ito bajiro riti yisotiba, “Quenarisejua tūoīarā ņama ļja”, masa mūare yi ti masitoni. Ado bajiro yi tūoīabesa mua. “Abraham ņayoru janerābatia ņa guama. Ito bajiri Dios ī beseana ņa gua cūni”, yi tūoīabesa mua. Ado bajiro bajia. Adi gātana Abraham janerābatia robo bajiro ī godo weo āmoja, godo weo masiguļi Dios, yiyiju Juan ņare.

<sup>9</sup> Ito yicōri ado bajiro goti masiore ocana gotiyiju Juan:

—Comeana yucure quēarocu ņacāmi Dios. Ito bajiri yucu queno rica manigūre ti bujacōri quēagū yiguļi Dios. Ito yicōri jeana soegu yiguļi ī. Ado bajiro yireoni ņa iti. Masa ņa ņeņaro yirise waja senirocu ņacāmi Dios. Ito bajiri ņa ņeņaro yirise jidicābeja ticōri ņare ruyuriogu yiguļi Dios. Ito yicōri jeame ūjuroju cōagū yiguļi Dios ņare, yiyiju Juan masare.

<sup>10</sup> Ito bajiro ī yija tūocōri, masajua ĩre ado bajiro seniļayjarā:

—Ķno bajiro gua yire āmoati Dios? yi seniļayjarā ņa Juanre.

<sup>11</sup> ņa ito bajiro yija cūdiyiju Juan:

—No camisa juaro rucogu, gāji rucobicure coro ĩsija quena. Ito yicōri no bare rucogu, bojoro bujarāre ĩsija quena, yiyiju Juan ņare.

<sup>12</sup> Ūjarāre yiari waja seni ĩsiri masa cūni, Juanre idé gu rotirā ejayjarā. ĩre ado bajiro seniļayjarā ņa:

—Guare riasogu, ķno bajiro gua yire āmoati Dios? yi seniļayjarā ņa Juanre.

<sup>13</sup> —Baņ, ūjarā mūare niyeru āmi rotirocōti āmiņa. Ito yicōri, ūjarā ņa rotiro rēto busaro āmibesa, yiyiju Juan ņare.

<sup>14</sup> Surara cūni ado bajiro ĩre seniļayjarā:

—Ķno bajiro gua yire āmoguļida Dios? yiyjarā ņa Juanre. ņa ito yija:

—Baņ, masare ņa rucorise ēmabesa. ĩnare tūocōri ņa rucorisere jeyaro ēmabesa. ĩnare sēoro yicōri ņa rucorisere ēmabesa. Ito yicōri, mua moare waja, ūjarā mūare ņa waja yirocōti boca āmiņa. Mūcana tūdi ĩnare seni ūyabesa, yiyiju Juan ņare.

<sup>15</sup> Ito bajiro ī yija tūocōri, ado bajiro tūoīa usirioyjarā ņa: “Cristo, ķDios ī cōarati ņati āni?” yi tūoīayjarā ņa. <sup>16</sup> Ito bajiro ņa yibojarocati ado bajiro yiyiju Juan ņare:

—Cristo meje ņa yu. Idenati masare idé gua yuama. Yu bero rētoro ņasagu ejagu yiguļi. Yu rētoro ņasagu ī ņajare ĩre bajiro rētoro ņasagu meje ņa yu. ĩre mua tūorūņajama Espiritu Santo mūare queo sāgū yiguļi ļja. Ito bajiro mūare

Espíritu Santo queo sãcõri queno m̃are m̃aa tuõaroti ejabuagu yiguĩji ĩ, yiyiju Juan ĩnare.

<sup>17</sup> Ito yicõri gaje ado bajiro gotiyiju Juan ĩnare:

–Yũ bero ejagu trigo ajeri besege bajiro yigu yiguĩji masare. Sĩgũ trigo otegu iti wirori coda batecõri ajeri riti seo masiguĩji ĩ. Ito bajiro ĩ codaja bero iti wirorire jeameju soeguĩji ĩ. Jedirime meje ñaroja itime jeame. Wirori ĩ soegori ajeriana ĩ cũroju seo cũgũ yiguĩji ĩ. Ito bajiro yigu yiguĩji mani Uju adoju ejagu. Trigo ajeri beseado bajiroti besege yiguĩji manire, yi gotiyiju Juan masare.

<sup>18</sup> Ito bajiro ĩ gotiro watoti Dios oca quenarise masare gotiyiju Juan, Diore ĩna cuditoni. <sup>19</sup> Gajerea, Herodes ujure goti tudiyiju Juan. ĩ ocabaji Felipe manajo Herodias wame cutigore Herodes ĩ manajo cutija, ito bajiro ĩre goti tudiyiju Juan. Gaje ĩ ñeñaro yirise masicõri ĩre goti tudiyiju Juan. <sup>20</sup> Ito bajiro ĩ busija tuobojaguti ĩre tuorũnabisija Herodes. Ito yicõri buto busa ñeñaro yi uyagu Juanre tubia rotiyiju ĩ.

*Jesure idé gure gaye*  
(Mt 3.13-17; Mr 1.9-11)

<sup>21-22</sup> Co ramũ tubiara wijũ ĩre ĩna tubiaroto riojuũ, jãjarã masare idé guiyiju Juan. Ito yicõri Jesure cani idé guiyiju Juan. ĩ idé guja bero Diore busiyiju Jesús. ĩto bajiro ĩ busi rãgõroca ũmacãju macãrucãroju janayiju. Ito yicõri bujare bajiro bajigũna quedi sãja wadicõri Jesús joe quedi jeayiju Espĩritu Santo. Ito bajiro ĩ quedi jeaja bero ado bajiro oca ruuyiju ũmacãju:

–Yũ macũ ña mũ, yũ maigũ. Mũre buto wanaũ yũ, yi busiyiju Dios, Jesure busiguũ.

*Jesucristo rujearoto riojuũju gãna*  
(Mt 1.1-17)

<sup>23</sup> Sĩgũ masucõ gãji ye juũ ñajamocõ rodori tujagu, masare riasosoyiju Jesús. “José macũ ñami Jesús”, yi tuõiyijarã masa. Iti riojuũ ado bajiro wame cutirã ñasoyijarã masa. José jacũ ñayiju Elí. <sup>24</sup> Elí jacũ ñayiju Matat. Matat jacũ ñayiju Leví. Leví jacũ ñayiju Melqui. Melqui jacũ ñayiju Jana. Jana jacũ ñayiju José. <sup>25</sup> José jacũ ñayiju Matatías. Matatías jacũ ñayiju Amós. Amós jacũ ñayiju Nahúm. Nahúm jacũ ñayiju Esli. Esli jacũ ñayiju Nagai. <sup>26</sup> Nagai jacũ ñayiju Maat. Maat jacũ ñayiju Matatías. Matatías jacũ ñayiju Semei. Semei jacũ ñayiju Josec. Josec jacũ ñayiju Judá. <sup>27</sup> Judá jacũ ñayiju Joanán. Joanán jacũ ñayiju Resa. Resa jacũ ñayiju Zorobabel. Zorobabel jacũ ñayiju Salatiel. Salatiel jacũ ñayiju Neri. <sup>28</sup> Neri jacũ ñayiju Melqui. Melqui jacũ ñayiju Adi. Adi jacũ ñayiju Cosam. Cosam jacũ ñayiju Elmadam. Elmadam jacũ ñayiju Er. <sup>29</sup> Er jacũ ñayiju Josué. Josué jacũ ñayiju Eliezer. Eliezer jacũ ñayiju Jorim. Jorim jacũ ñayiju Matat. <sup>30</sup> Matat jacũ ñayiju Leví. Leví jacũ ñayiju Simeon. Simeon jacũ ñayiju Judá. Judá jacũ ñayiju José. José jacũ ñayiju Jonam. Jonam jacũ ñayiju Eliaquim. <sup>31</sup> Eliaquim jacũ ñayiju Melea. Melea jacũ ñayiju Mena. Mena jacũ ñayiju Matata. Matata jacũ ñayiju Natán. <sup>32</sup> Natán jacũ ñayiju David. David jacũ ñayiju Isai. Isai jacũ ñayiju Obed. Obed jacũ ñayiju Booz. Booz jacũ ñayiju Salmón. Salmón jacũ ñayiju Naasón. <sup>33</sup> Naasón jacũ ñayiju Aminadab. Aminadab jacũ ñayiju Admin. Admin jacũ ñayiju Arni. Arni jacũ ñayiju Esrom. Esrom jacũ ñayiju Fares. Fares jacũ ñayiju Judá. <sup>34</sup> Judá jacũ ñayiju Jacob. Jacob jacũ ñayiju Isaac. Isaac jacũ ñayiju Abraham. Abraham jacũ ñayiju Taré. Taré jacũ ñayiju Nacor. <sup>35</sup> Nacor jacũ ñayiju Serug. Serug jacũ ñayiju Ragau. Ragau jacũ ñayiju Peleg. Peleg jacũ ñayiju Heber. Heber jacũ ñayiju Sala. <sup>36</sup> Sala jacũ ñayiju

Cainán. Cainán jacu ñayiju Arfaxad. Arfaxad jacu ñayiju Sem. Sem jacu ñayiju Noé. Noé jacu ñayiju Lamec. <sup>37</sup> Lamec jacu ñayiju Matusalén. Matusalén jacu ñayiju Enoc. Enoc jacu ñayiju Jared. Jared jacu ñayiju Mahalaleel. Mahalaleel jacu ñayiju Cainán. <sup>38</sup> Cainán jacu ñayiju Enós. Enós jacu ñayiju Set. Set jacu ñayiju Adán. Adánti ñayiju İja Dios rujeoru. Ito bajiri Dios macu ñayiju Adán.

## 4

### *Rāmúa uju Jesure İ usirio codere gaye* (Mt 4.1-11; Mr 1.12-13)

<sup>1</sup> Jesús İ idé gu ecoja bero Espiritu Santo İ rāca buto ñayiju. Ito yicōri riaca Jordán wame cūtirisa tu İ ñaroca, yucu manojū İre āmi wayiju Espiritu Santo.

<sup>2</sup> Yucu manojū ejacōri jūarā masacō rāmuri ñayiju Jesús itojū. Itojū İ ñari rāmuri cōti, bare babicūti ñayiju Jesús. Itocō bero ñiocōyiju mūcana. İ ito bajiro ñiocō ñaroca, ñeñaro İ yitoni usirioro yi codeyiju rāmúa uju Jesure. <sup>3</sup> Ado bajiro ruoyiju rāmú İre:

—Riti Dios Macu mu ñaja, adi gūtanati naju godo weogu yigūja mu, yiyiju rāmú Jesure.

<sup>4</sup> Ito bajiro rāmú İre yibojarocati:

—Yıbea. Dios oca tuti ado bajiro gotia: “Najuna riti meje catirā yirāji masa. Jeyaro Dios ocana suoriti queno wanu quena ñarā yirāji masa”, yi gotia Dios oca tuti, yiyiju Jesús rāmúre.

<sup>5</sup> Ito bero cogu gūtagū ūmaricu joeju āmi wayiju rāmú Jesure. Itojū āmi ejacōri yoari mejeti adi macārucāro ñajediro ñari cūtorire İo jecōyiju rāmú Jesure.

<sup>6-7</sup> Ado bajiro goti ruoyiju rāmú itigu gūtagū joeju ñacōri:

—Yure rācubuoju yu riojo rijomunigāna mu ñini rūjūja adocō mare İsicuja yu. Adi macārucāro jeyaro ñarise, ito yicōri adi macārucāro ñarā masa ñarocōti mare İsicuja yu. Ito yicōri adi macārucāro ñajediro uju ñagū yigūja mu, yure mu rācubuoja, yiyiju rāmú Jesure ruogu.

<sup>8</sup> Ito bajiro İ gotibojarocati:

—Wasa Satanás mu, yiyiju Jesús rāmúre. Ado bajiro gotia Dios oca tuti: “Mani Ūju Diore riti rācubuoçōri cūdija quena”, yi gotia Dios oca tuti, yiyiju Jesús rāmúre.

<sup>9-11</sup> İ ito yibojaroca riti Jerusalénju Jesure āmi wayiju rāmú mūcana. Ito ejacōri mūcana Dios ya wi joeju āmi mūja wayiju rāmú. Ito İre āmi mūja ejacōri ado bajiro yiyiju:

—Tuoja Jesús. Ado bajiro gotia Dios oca tuti:

Ángel mesare mare code rotigu yiguļi Dios. Mu quedi waja gūtagā joeju quedi jecōri mu ya gūbo jeabe yirona mare boca āmirā yirāji, yi gotia Dios oca tuti.

Riti Dios Macu mu ñaja adojuana bubu quedi wacu yigūja mu, yi ruoyiju rāmú Jesure.

<sup>12</sup> Ito bajiro İ yibojarocati ado bajiroju yiyiju Jesús İre:

—Mu ito bajiro yirisere cūdibicuja yu. Gaje ado bajiro gotia Dios oca. Tite mu: “No bajiro Dios İ yija ticūja yu”, yirocu İre usirio codebesa”, yi gotia Dios oca tuti, yiyiju Jesús rāmúre.

<sup>13</sup> Ito İ yija bero usirioro yire oca bujabisiju rāmú İja. Ito bajiri Jesure jabeto cūnigoju rāmú.

### *Galilea sitaju Jesús İ riasosore gaye* (Mt 4.12-17; Mr 1.14-15)



14 Galileaja tɔdi wayijɔ Jesús mɔcana, yuca manojɔ ña ucugora. Ito yicōri Espiritu Santo Jesús rāca ī ñajare bɔto ī tɔoia masirise ñayijɔ Jesure ĩja. Galilea ī tɔdi ejaroca masa jeyaro ī rētagorere bɔsiyijarā ĩna. 15 Ito bajiro wa ucu ī tɔdi ejaja bero judio masa ĩna minijuari wirijɔre riaso ucuyijɔ Jesús. Ito bajiro ī goti ucuja tɔocōri, “Queno gotiami āni”, yi rɔcabɔoyijarā masa jeyaro.

*Nazaretjɔ Jesús ī ware gaye  
(Mt 13.53-58; Mr 6.1-6)*

16-17 Ito yicōri ī bɔcɔnara cɔto Nazaret wame cɔtiri cɔtoju wayijɔ Jesús. Ito ejacōri judio masa ĩna tujacāri rumɔ ñaroca ĩna minijuari wirijɔ sāja ucuyijɔ Jesús, ī yisotiado bajiroti. Ito ī sāja ejaroca Isaías ī ucagora jū ĩsiyijarā gājerā ĩre, ī ti gotitoni. Iti jū boca āmicōri ī gotiroti āmayijɔ Jesús. Ito bajiro āmacōri bujayijɔ. Ado bajiro gotiyijɔ iti:

18 Espiritu Santo yɔ rāca ñami. Bojoro bujarāre oca quenarise yɔ gotitoni yɔre cūñi Espiritu Santo. Ito yicōri ĩna yɔ ɔsijɔ bojori bujarāre ĩna wanɔ quenaroca yɔ yitoni yɔre cūñi ī. Tubia ecoanare yɔ bucōatoni yɔre cūñi Espiritu Santo. Ñeñaro yirise jidicājaro ĩna yirocɔ, yɔre cūñi Espiritu Santo. Ito bajiri cajea timenare cɔñi mɔcana ĩna tɔdi tiroca yirocɔre yɔre cūñi Espiritu Santo. Ito yicōri gājerā ñeñaro yi ecoana ĩna jidicāroca yirocɔre yɔre cūñi Espiritu Santo.

19 Ito yicōri, “No ĩre tɔorɔnɔgāre queno yirocɔ ñacāmi Dios”, yɔ yi gotitoni yɔre cūñi Espiritu Santo, yi gotia iti oca, yi gotiyijɔ Jesús ĩna minijuari wijɔ.

20 Ito bajiro goti tɔocōri papera tutire biayijɔ ī. Ito yicōri iti wi ejabuari masɔre iti tutire jadacōayijɔ Jesús. Ito yicōri eja rŭjŭyijɔ. Ito bajiro ī yirise tɔcōri bɔto tiju wa rŭjŭcoayijarā ĩna. 21 Ito bajiro ĩna ti rujiroca mɔcana ado bajiro bɔsiyijɔ Jesús:

—Jane mejejɔ Isaías ī yɔre uca yure, adi rumɔ mɔa tiro riojo rēta yɔre, yiyijɔ Jesús ĩnare.

22 Ito bajiro Jesús oca quenarise ī gotija tɔocōri, tɔo ɔcayijarā ĩna. Ito yicōri masa jeyaro quenarise oca ĩre bɔsiyijarā ĩna. Ito bajiri ĩnamasiti ado bajiro gāmeri senŭayijarā ĩna:

—¿José macɔ meje ñati āni? yi gāmeri senŭayijarā ĩna.

23 Ito bajiro ĩna yija tɔo masicōri ado bajiro yi cɔdiyijɔ Jesús:

—Masa oca gotire robo bajiro yɔre yirā yirāji mɔa yɔre. “Sīgŭ ɔco masɔ ī ñaja, ĩmasiti yisio masigŭji”, yirā yirāji mɔa yɔre. Ito yicōri gaje ado bajiro yɔre yirā yirāji mɔa: “‘Capernaumjɔ tiyamani ĩoyijɔ Jesús’, yire oca tɔocɔ gɔa. Ito bajiri ado mɔ cɔtoju cɔni ito bajiroti mɔ ĩore ti āmoa gɔa”, yɔre yirā yirāji mɔa, yiyijɔ Jesús ĩnare.

24 Ito bajiro yicōri ado bajirojɔna yiyijɔ mɔcana:

—Riti mɔare gotia yɔ. Sīgŭ Diore goti ĩsiri masɔ ī cɔtoti ī gotija ī ñarā ĩre queno tɔorɔnɔmenaji ĩna. Ito bajiri adi cɔto gagu yɔ ñajare yɔre queno tɔorɔnɔmenaji mɔa, yiyijɔ Jesús ĩnare. 25-26 Jane mejejɔ gāna Diore ĩna tɔorɔnɔbitiado bajiroti queno tɔorɔnɔbea mɔa cɔni. Tite. Sīgŭ Elías wame cɔtigɔ Diore goti ĩsiri masɔ ī ñaroca ɔdia rodo gaje rodo gadarecō ide quedibisijɔ. Ito bajiri iti cɔtorijɔ bare mañijɔ. Ito bajicōri bɔto ñiojogayijarā masa. Ito bajiro iti baji ñaroca Israel sitaju manujɔ godagoana romia jājarā ñayijarā. Ito bajiborocati Diore masa ĩna tɔorɔnɔbitire waja, ĩnare ejabuatonɔ wa rotibisijɔ Dios Elíasre. Ado bajirojɔna yiyijɔ Dios. Sidón wame cɔtiri cɔto tɔ Sarepta gago ĩre tɔorɔnɔgōre ejabuatonɔ wa rotiyijɔ Dios Elíasre, yiyijɔ Jesús.

27 Ito bero Eliseo wame cɔtigɔ Diore goti ĩsiri masɔ ī ñaroca Israel sita gāna

jājarā cami jogarā ñayijarā. Ito bajibojarocati Diore masa ña tworūnabitire waja, ñnare yisio rotibisiya Dios Eliseore. Ado bajirojua yiyija Dios. Sīgū Siria sita gaga Naamán wame cutigure, yisio rotiyija Dios, Eliseore, yi gotiyija Jesús iti wi minijua ñaräre.

<sup>28</sup> Ito bajiro i yija twocōri, iti wi minijua ñarā buto junisiniyijarā ñna. <sup>29</sup> Turia gūtareco ñayija iti cuto. Ito bajiro ñre junisinicōri turia joeju Jesure āmi wayijarā ñna. Ito ejacōri ñre tumicā queorona yibojayijarā ñna. <sup>30</sup> Ito yibojaro ca riti ñna wato ñbojaguti wa godacooyija i.

*Rāmú sãñagũre rãmũre Jesús i bucõare gaye*  
(Mr 1.21-28)

<sup>31</sup> Ito bajiro ñnare rudigocōri Capernaumja wayija Jesús. Galilea sitaja ñayija Capernaum wame cutiri cuto. Itoja ejacōri tujacāra rāmũ ñaroca masa ñna minijuari wija sãjayija Jesús. Ito sãjacōri masare riasoyija i. <sup>32</sup> Dios cūru ñari, queno masare riaso masiyija Jesús. Ito bajiri i busija twocōri, tuo ucayijarā masa.

<sup>33</sup> Ito bajiro i busi ñaroca, iti wija sīgū i ya usija rāmú sãja ecoru ñayija. Ado bajiro Jesure seoro seria busiyija i:

<sup>34</sup> —Wasa, Jesús Nazaret gaga mu. ¿No yija guare usirioro yati mu? Guare ruyurioroca eja mu, yiyija rāmú sãja ecoru Jesure. Mure ti masia yu. Dios Macu quenagūti ñacōa mu, yiyija i Jesure.

<sup>35</sup> Ito i yija ado bajiro yi tudiyija Jesús ñre:

—Busibesa ñja, yiyija Jesús ñre. Ito yicōri, Ñni ya usija sãñagũ, budiya mu, yiyija Jesús rãmũre.

Ito bajiro i yirocati, masa jājarā tiro riojo ñre tumicācũ, budicooyija rāmú ñja. Ito bajiro budigoja bero queno cati quenagũ tujayija masu ñja. <sup>36</sup> Jesús i ito bajiro rãmũre i budi rotija ticōri, mano ti ucayijarā ito ñarā. Iti ticōri ñnamasiti gãmeri busiyijarā ñna ñja:

—¿Ñe gaye ñarojada i ito bajiro busija? Buto i tuo masirisena rãmũre budi rotiami ñni. Rãmũare i budi rotija cojisiti budicoama, yi gãmeri busiyijarā ñna.

<sup>37</sup> Ito bajiro Jesús i yirere twocōri iti cuto tu ñarā ñna ñnrocōti itire gãmeri busiyijarā ñna.

*Pedro mañicõre Jesús i yisioire gaye*  
(Mt 8.14-15; Mr 1.29-31)

<sup>38</sup> Jesús judio masa ñna minijuari wija ñaru budi wayija i. Ito yicōri Simón Pedro wame cutiga ya wija wayija. Ito ya wi sãja ejacōri Simón mañicõ ruju yarise iso cõja tiyija Jesús. Iso ito bajija ticōri, ito gãna isore yisioroti ñmorā josayijarā Jesure. <sup>39</sup> Iso tujaj eja rügücōri ruju yarise rēta rotiyija Jesús. Ito i yirocati ruju yarise rētaooyija isore ñja. Ito bajiro iti rētarocati masare eca bocasooyijo iso.

*Jājarā ñarise cutiräre Jesús i yisioire gaye*  
(Mt 8.16-17; Mr 1.32-34)

<sup>40</sup> Ito bajiro i rētaja twocōri, ũmacañi i quedi sãgũ waga yiroca cõräre āmi minijuayijarā ñna Jesús tujaj ñnare i yisiotoni. Ricati riti cõrā ñayijarā ñna. ñna ito bajija ticōri, i ya ñmona moa jeoyija Jesús. Ito bajiro i yirocati rētaooyija. <sup>41</sup> Ito yicōri jājarā rãmú sãja ecoanare cani rãmũare budi rotiyija Jesús. Ito bajiro i yirocati budirāti awasãyijarā rãmú ñja.

—Dios Macuguti ña mu, yi awasãyijarā rãmú, budi warā. “Cristo Dios i cõaru ñami”, ñna yija ti masicōri, “Busibesa”, yi tudiyija Jesús rãmũare.

*Minijua ra wija Jesús i riasore gaye*  
(Mr 1.35-39)

<sup>42</sup> Gaje rumu busuri cuto tunima sōjuaju wayiju Jesús. Ito bajiro i wagoja bero ire amayijarā masa ija. Ito bajiro ire amara riti i naraju ire bujacōyijarā ina. Ire bujacōri gaje cutoju ire wa rotibitibojayijarā ina. <sup>43</sup> Ito bajiro ina wa rotibitibojarocati ado bajiro yiyiju Jesús inare:

—Gaje catori gānare cuni, “Ire tuorūnūrāre i rotiroju miojugu yiguji Dios”, yire oca goti ucuruja yure. Ito bajiro yu goti ucutoni yure cūni Dios, yiyiju Jesús inare.

<sup>44</sup> Ito i yija bero Galilea sitaju judio masa ina minijuari wiriju Dios oca goti ucuyiju Jesús ija.

## 5

*Wai jājarā ina sīaroca Jesús i yire gaye*  
(Mt 4.18-22; Mr 1.16-20)

<sup>1</sup> Co rumu Genesaret wame cutirita tunima Jesús i naroca jājarā masa ejayijarā. Dios oca i gotija buto tuo amocōri i taju ejayijarā ina. Jājarā nacōri buto bidiro űayijarā. Ito bajiri rūgōraju mañiju Jesure. <sup>2</sup> Ito bajiro ire rūgōraju maniroca itajura tunima juaga cuma iti jayaja tiyiju Jesús. Iti cuma ujarā wai jori masa űayijarā. Ito tu ina ya yori yucari coerā yiyijarā ina. <sup>3</sup> Iti cuma jayaja ticōri, itiga cumaju sājayiju Jesús. Ito yicōri űuro rotiyiju Jesús itiga cumare. Itiga cuma Simón yaga űayiju. Iti cumaju rujicōri masare Dios oca riasoyiju Jesús. <sup>4</sup> Riaso ticōri ado bajiro gotiyiju Jesús Simónre:

—Ucaroju wija wato mani. Itoju ma ya yori yucarina wai űuma ma, yiyiju Jesús Simónre.

<sup>5</sup> Ito i yija tuocōri, ado bajiro cūdiyiju i:

—Guare riasogu, űamiasaro wai jobojobu gu, sīabiju. Ito bajibojarocati mu rotiro bajiroti, yorigu űucuja yu, yiyiju Simón Jesure.

<sup>6</sup> Ito yicōri ina yorigu űuroca, jājarā wai sājayijarā ija. Ito bajiri ina ya yorigu cudusoyiju ija. <sup>7</sup> Ito bajiro ina wai űaja ticōri, gaje cuma ina baba mesa űari cumare amo buye űucayijarā, ina ejabuatonu. Ito bajiro ina jija ticōri, ejayijarā ina. Ito ejacōri jājarā wai bujayijarā ina. Iti cuma jua cumari carisere dajocōyijarā. Jabeto rayabojayiju iti rujaroto. <sup>8</sup> Ito bajiro wai jājarā bujacōri Jesús riojo rijomunigāna űini rūjūyiju Simón Pedro. Ito yicōri ado bajiro yiyiju:

—Yu űju buto űeűaro yi jaigu űa yu. Queno yigu űa ma. Ito bajiri yu tu ma űaja quenbetoja, yiyiju Simón Jesure.

<sup>9</sup> Simón ito yicōri i rāca gāna cuni wai jājarā ina űaja ticōri, ti ucayijarā ina.

<sup>10</sup> Gaje cuma űarā cuni ti ucacoayijarā ina. Ina űayijarā Zebedeo rīa. Santiago, Juan wame cutirā űayijarā ina. Ina ti ucaja ticōri, Simónre ado bajiro yiyiju Jesús:

—Gūibesa. Wai joreti űa ma ya moare. Ito bajibojarocati jane gaje maare moare cūa yu. Masa Diore ina masitoni oca riaso ucuri masa maare cūa yu adocāta, yiyiju Jesús, Simón mesare.

<sup>11</sup> Ito i yija bero tunimaju jāja wayijarā macana. Ito yicōri jeyaro ina moabojarisere jidicācōri Jesús rāca wayijarā ina ija.

*Ruju cami jogagure Jesús i yisioire gaye*  
(Mt 8.1-4; Mr 1.40-45)

<sup>12</sup> Co rumu Jesús gaje cuto i űa ucuroca sigū i ya ruju cami jogagu űayiju. Jesure ti bujacōri i riojo űini rūjūcōri ire josayiju:

—Yu Uju, yure mu yisio amoja, yisiojaja mu, yiyiju cami jogagu Jesure.

<sup>13</sup> Ito i yija tuoçori, i ya amona moa jeoyiju Jesús ire. Ito yicöri ado bajiro yiyiju ire:

—Amoa yu. Mure yisioa yu, yiyiju Jesús.

Ito i yirocati i ya cami yaticoayiju ija. <sup>14</sup> Ito bajiro ire yisioçori, gãjeräre goti bato rotibisiju Jesús. Ito yicöri ado bajiro yiyiju ire:

—Riojoti pai taju wasa mu. I taju ejaçori mu ya ruju cami yatirise gaye ioma. Ito yicöri Moisés ñayoru i rotiado bajiroti Diore waibucu soe isi rotiba. Ito mu yija ticöri, “I ya cami yati jedicoaju ija”, yi masira yiraji masa mure, yiyiju Jesús ire.

<sup>15</sup> Ito bajiro, “Goti batobeja”, i yibojarocati cojisiti oca tijaçoyiju cami jogagure Jesús i yisioe gaye. Ito bajija tuoçori, jãjarã Jesús taju minijuayijarã, i busija tuo amora. Ito yicöri ina çorisere yisio roti amora ejayijarã ina. <sup>16</sup> Masa jãjarã ina ñajare coji meje masa manoj i Jacu Diore busirocu wayiju Jesús.

### *Rudurure Jesús i yisioe gaye*

*(Mt 9.1-8; Mr 2.1-12)*

<sup>17</sup> Co ramu Jesús i riasoroca fariseo gaye tuoïarã ito yicöri judio masa rotirise riasori masa çuni tuo rujiyijarã ina. Ado bajiro wame çutiri çutori wadiana ñayijarã ina. Galilea sita gãna, Judea sita gãna ito yicöri Jerusalén wame çutiri çuto gãna wadiana ñayijarã ina. Masa tiro riojo çõrare Jesús i yisiotoni i masirise jidicayiju Dios. <sup>18</sup> Ito bajiro i yi ñaroca juariarã amua rudurure ami ejayijarã ina, i ya camana. Ito ejaçori Jesús taju sãja wacöri ire cü amobojayijarã ina. <sup>19</sup> Ito bajibojarocati masa jãjarã ina ñajare no bajiro sãja masia mañiju ñnare. Ito bajija ticöri, wi tutu joeju rudurure ami maja wayijarã ina. Ami maja ejaçori Jesús rügõro weca soje cudayijarã ina. Ito yicöri rudurure i ya camana jidi rujiyijarã ina Jesús ta. <sup>20</sup> Ito bajiro ina yija ticöri, ado bajiro tuoïayiju Jesús: “Yure tuorñunacõama ina”, yi tuoïayiju Jesús. Ito bajiro tuoïacöri:

—Mu ñeñaro yirisere açabojocõa yu, yiyiju Jesús rudurure.

<sup>21</sup> Ito bajiro i yija tuoçori, fariseo gaye tuoïarã ito yicöri judio masa rotirise riasori masa çuni ado bajiro tuoïayijarã ina: “Ani ito bajiro i busija, Diore ñeñaro yigu yami i. Dios meje ñami i. Dios sigüti ñami masa ina ñeñaro yirisere açaboja masigü”, yi tuoïayijarã ina.

<sup>22</sup> Ito bajiro ina tuoïarisere imasiti tuoïa masicõyiju Jesús. Ito bajiri ado bajiro yiyiju i ñnare:

—¿No yija ito bajiro tuoïati mua? yiyiju Jesús ñnare. <sup>23</sup> Mua tija, ¿No bajiro rudurure yu yija quenati? Ito yicöri, ¿diseju ñati josasabiti mua tija? “Mu ñeñaro yirisere coecoaju”, ¿yu yija quena ñarajada? “Wumuña, wasa”, ¿yu yija quena ñarajada, mua tuoïaja? ¿Diseju ñati josasabiti, mua tija? <sup>24</sup> Masa Rijoru, Dios i çõaru ña yu. Ito bajiri, “Masa ina ñeñaro yirisere coe masiami Jesús”, mua yi masitoni mua tiro riojo anire yisioçu ya yu, yiyiju i ñnare.

Ito yicöri rudurure ado bajiro yiyiju:

—Wumuña, ya yu mure. Mu ya cama amiña, ito yicöri mu ya wiju tuði wasa, yiyiju Jesús rudurure.

<sup>25</sup> Ito bajiro i yirocati masa jãjarã ina tiro riojo wumuyiju ruduru. Ito yi, i ya cama ami, budì wayiju i. Ito yicöri Diore räcubuo busi wayiju i, i ya wiju tuði wasu. <sup>26</sup> Ito i yija ticöri, ti acayijarã masa. Ito bajiri Diore räcubuo busiyijarã ina. Güire räca ado bajiro yiyijarã ina:

—Adi ramu tiyamani tia manì, yiyijarã ina.

*Levíre Jesús ĩ jire gaye*  
(Mt 9.9-13; Mr 2.13-17)

<sup>27</sup> Ito bajiro masare ĩ yi ĩo ñaja bero budiyijũ Jesús m̄acana. Ito bajiro budi wacõri ɛjarãre yiari waja seni ĩsiri masare tiyijũ Jesús. ĩ ñayijũ Leví wame cutigũ. Waja ĩ seni ñarijũ rujiyijũ ĩ. ĩre ti b̄ajacõri:

—Yũ rãca waya, yiyijũ Jesús ĩre.

<sup>28</sup> Ito ĩ yija t̄ocõri, ĩ moabojarisere jidicãyijũ Leví, Jesús rãca wa ãmogã.

<sup>29</sup> Ito bero ĩ rãca wa, Leví ya wi ejayijarã ĩna. Itoju ejacõri Jesure basa jeo b̄arocũ basa meniyijũ Leví. Ito bajiro ĩna basa meni ñaroca jãjarã ɛjarãre yiari waja seni ĩsiri masa ñayijarã ĩna. Ito yicõri gãjerã c̄uni, jãjarã ĩna rãca ba rujiyijarã ĩna. <sup>30</sup> Ito bajiro ĩna ba rujiya ticõri, judio masa rotirise riasori masa ito yicõri fariseo gaye t̄oĩarã c̄uni, Jesús rãca riasotirãre ado bajiro busituyijarã:

—¿No yija ɛjarãre yiari waja seni ĩsiri masa rãca, ito yicõri ñeñaro yi jairã rãca baba cuti bati m̄ua? yi busituyijarã ĩna Jesús rãca riasotirãre.

<sup>31</sup> Ito bajiro ĩna yija t̄ocõri, ado bajiro c̄udiyijũ Jesús:

—Ado bajirojũna bajia. Queno cati quenarã, c̄omena ɛco yiri masare jime-naji. Ito yicõri b̄uto cõrãjũna ɛco yiri masare jirãji. <sup>32</sup> Queno yirãre yiari meje wadibũ yũ. Ñeñaro yi jairãjũare yiari wadibũ yũ. Ito yicõri quenarise ĩna t̄oĩa wasoatoni wadibũ yũ, yiyijũ Jesús ĩnare.

*Bamenati Diore r̄ucũb̄uore gaye*  
(Mt 9.14-17; Mr 2.18-22)

<sup>33</sup> Ito ĩ yija ado bajiro seniĩayijarã ĩna Jesure:

—Juan rãca riasotirã coji meje bamena riti Diore r̄ucũb̄uorã ĩre senisotiamã ĩna. Ito bajiroti bajiamã fariseo gaye t̄oĩarã rãca riasotirã c̄uni. M̄ũ rãca riasotirãma ĩnare bajiro yibeama ĩna. B̄uc̄urã rotire queno c̄udibeama ĩna. Ito yicõri, “Diore b̄asiana”, yirona bare jidicãbeama ĩna, yi tudiyijarã ĩna Jesure.

<sup>34</sup> ĩna ito yija t̄ocõri, ĩnare ado bajiro c̄udiyijũ Jesús:

—Sĩgũ, ĩ ãmo siari r̄umũ ĩ baba mesa ĩ rãca ĩna wanũ baroca, “Babesa”, yi masimenaji gãjerã. <sup>35</sup> Ito bajibojarocati co r̄umũ gãjerã ĩre ñiagoja ticõri, bojori b̄ajarã yirãji ĩ baba mesa. Ito bajiri ĩre t̄oĩarã bamenaji ĩna, yiyijũ Jesús masare.

<sup>36</sup> Ito yicõri gaje ado bajiro goti masiore ocana ĩnare gotiyijũ Jesús:

—Sĩgõ saya b̄uc̄uro sere wõroco mamarore tabecõji. Ito bajiro mamaro tagoja mamaro c̄uni ñeñacoaroja. Ito yicõri b̄uc̄urore mamaro iso sere wõbojaja b̄uc̄uro bajiro corocõ ejabetoja. <sup>37</sup> ɛyẽ ide mani menija mama bajujũ jiosãrã yirãji mani. B̄uc̄ũ baju mani jiosãjama, ñigãcoaro yiroja. Ito yicõri iti baju c̄uni goda, ɛyẽ ide c̄uni goda bajiro yiroja. <sup>38</sup> Ito bajiri ɛyẽ ide menicõri mama bajuri jiosãrã yirãji mani. Ito yicõri iti baju c̄uni, ɛyẽ ide c̄uni godabetoja.

<sup>39</sup> Mani ɛyẽ ide b̄uc̄ũ idĩĩacõri mame idi ãmomenaji mani. “B̄uc̄ujũna queno s̄uti quena”, yicõri mamere idi ãmomenaji mani. Ito bajiroti bajia mame oca yũ riasoja c̄uni. B̄uc̄urã oca t̄orũnarã ñacõri mame oca yũ riasoja t̄uo ãmobeã m̄ua, yiyijũ Jesús ĩnare.

## 6

*Jesús rãca riasotirã trigo ajeri beja ãmicõri ĩna bare gaye*  
(Mt 12.1-8; Mr 2.23-28)

<sup>1</sup> Co r̄umũ tujacãra r̄umũ ñaroca, ĩ rãca riasotirã rãca trigo wesejũ eja wayijũ Jesús. Itoju ejacõri itire beja ãmiyijarã ĩ rãca riasotirã. Ito yicõri wirorire

sĩguẽ bategocõri bayijarã ãna. <sup>2</sup> Ito bajiro ãna baja tiyijarã fariseo gaye tũoĩarã coriarã. Ito bajiro ãna baja ticõri, ãnare seniĩayijarã fariseo gaye tũoĩarã:

—¿No yija tujacãra rãmũ ñabojarocati moati mũa? Tujacãra rãmũ moare ma, yiyijarã ãna.

<sup>3</sup> ãna ito yija tũocõri, ado bajiro cãdiyijũ Jesũs:

—Co rãmũ David ñayorũ ã baba mesa rãca ñiojogacõri ãna yigore, ¿Dios oca tutijũ tibiticati mũa? <sup>4</sup> Ado bajiro yiyijũ David ñayorũ. Dios ya wijũ sãjacõri, Diore paia naju ãna cũ ãsirere ãmicõri bayijũ David. Ito yicõri ã baba mesare cãni ecayijũ ã. Paia riti ãna baroti ñabojayijũ iti naju. Ito bajibojarocati bũto ñiojogacõri bayijũ David ã baba mesa rãca. Itire ãna baja tibojaguti, “Ñeñaro yama ãna”, yibisijũ Dios ãnare, yiyijũ Jesũs ãnare.

<sup>5</sup> Gaje ado bajiro gotiyijũ Jesũs ãnare:

—Masa Rĩjorũ, Dios ã cũrũ ña yũ. Ito bajiri tujacãra rãmũ gaye yũ rotiroti cãni cũquĩ Dios yũre, yiyijũ Jesũs fariseo gaye tũoĩarãre.

### *Ãmo digarũre Jesũs ã yisioire gaye*

*(Mt 12.9-14; Mr 3.1-6)*

<sup>6</sup> Gaje tujacãra rãmũ ñaroca judio masa ãna minijuari wijũ sãjayijũ Jesũs. Ito yicõri ãnare riasoyijũ ã. Ito bajiro ã riaso ñaroca sigũ ã ya ãmo riojocadũja digarũ ñayijũ.

<sup>7</sup> Ito yicõri fariseo gaye tũoĩarã, judio masa rotirise riasori masa cãni ti rujiyijarã ãna. Jesure ticõri ado bajiro tũoĩa rujiyijarã ãna: “Jane tujacãra rãmũ ñabojarocati, ¿ãni ãmo digarũre yisioĩogũ yiguĩjida Jesũs?” yi ti rujiyijarã ãna. “Ito bajiro ã yija, ‘Seti ña ãre. Ñeñaro yami’, yirã yirãji mani”, yi tũoĩa rujiyijarã ãna.

<sup>8</sup> Ito bajiro ãnamasi ãna tũoĩabojarocati tũoĩa masicõyijũ Jesũs, ã masirisena. Ito yicõri ãmo digarũre ado bajiro yiyijũ Jesũs:

—Wãmũña, waya ado yũ tujũ, yiyijũ Jesũs ãmo digarũre.

ã ito yija ãmo digarũ Jesũs tujũ wacõri eja rũgũyijũ. <sup>9</sup> Ito bajiro ã eja rũgũroca ado bajiro yiyijũ Jesũs, ito ñarãre:

—Mũare seniĩagũ ya yũ. ¿No bajiro manire cũyijari Dios tujacãra rãmũ mani yiroti? ¿Quenarise, ñeñarise ito yicõri cõrãre mani yisioroti, gaje mani yisioĩeja, disejũa quenati? yiyijũ Jesũs ãnare.

<sup>10</sup> Ito bajiro bũsi tĩogũ iti wi ñarãre ti jeocõyijũ Jesũs. Ito yicõri ãmo digarũre ado bajiro yiyijũ ã:

—Mũ ya ãmo ñũ joya, yiyijũ Jesũs ãre.

Ito bajiro Jesũs ã yirocaci, ã ya ãmo ñũ joyijũ ã. Ito bajiro ã yirocaci ã ya ãmo quenacoayijũ ãja. <sup>11</sup> Ito bajiro ã yija ticõri, fariseo gaye tũoĩarã ito yicõri judio masa rotirise riasori masa cãni bũto ti junisiniyijarã ãna Jesure. Ito yicõri ãnamasiti gãmeri seniĩayijarã: “¿No bajiro yirũjati mani Jesure?” yiyijarã ãna.

### *Jũa gũbojeno apõstol mesare Jesũs ã besere gaye*

*(Mt 10.1-4; Mr 3.13-19)*

<sup>12</sup> Iti rãmũriti tũria joejũ maja wayijũ Jesũs, Diore bũsiroca. Itojũ ñacõri ñamiasaro Diore bũsisotiyijũ Jesũs. <sup>13</sup> Ito yicõri ãmacaũni joejea mũa wadiroca ã rãca riasotirãre jiyijũ Jesũs. Ito yicõri ãna ejaroca jũa gũbojeno ñarã ãmũare beseyijũ ã. Ito yicõri ã oca ãna goti ucutoni ãnare cũyijũ Jesũs. <sup>14</sup> Ado bajiro wame cõtĩrã ñayijarã ãna: Sĩgũ ñayijũ jũa wame, wame cõtĩgũ, Simõn Pedro. ã ocabajĩ ñayijũ Andrẽs wame cõtĩgũ. Ito yicõri gãjerã ñayijarã Santiago, Juan, Felipe, Bartolomẽ, <sup>15</sup> Mateo, Tomãs, Alfeo macũ Santiago gãji ñayijũ Simõn celote gaye tũoĩagorũ. <sup>16</sup> Ito yicõri Santiago macũ ñayijũ Judas wame cõtĩgũ. Gãji

Judas Iscariote wame cutigu ñayiju. Ì ñayiju Jesure gājerā Ìna ñiatoni gotiroca. Ito bajiro wame cutirā ñayijarā Ìna, Jesús Ì oca Ìna goti ucutoni Ì cūana.

*Jājarā masare Jesús Ì riasore gaye*  
(Mt 4.23-25)

<sup>17</sup> Ito bajiro Ìnare bese tīocōri Ìna rāca roja wayiju Jesús. Roja wa, turia judoju tujayijarā Ìna. Itoju jājarā ñayijarā Judea sita gāna, Jerusalén gāna, ito yicōri itajura tu ñari cutori Tiro, Sidón wame cutiri cutori gāna cūni ñayijarā. Iti cutori gāna ejayijarā Jesure tuo āmorā. Ito yicōri jājarā cōrā yisio roti āmorā ejayijarā Ìna. <sup>18</sup> Rūmūa sāja ecoanare cūni rāmūare budi rotiyiju Jesús, ito bajiro Ìna ejaja ticōri. <sup>19</sup> Cōrāre cūni Ì masirisena rētoyiju Jesús. Ito bajiro masare Ì rētoja ticōri, masa jeyaro Ìre moaīa āmoyijarā, Ìna cōrise rētatoni.

*Mani wanu quenaroca yiroti gaye*  
(Mt 5.1-12)

<sup>20</sup> Ito Ìna yi ñaroca, Ì rāca riasotirāre busi āmogū Ìnare tiyiju Jesús:

–Adocāta bojoro bujarā ña mua maji. Bojoro bujarā ñabojarāti, ija Dios Ì rotiroju ejacōri, Ì rucorise bujarā yirāji mua. Ito yicōri wanu quenarā yirāji mua.

<sup>21</sup> 'Adocāta ñiojogarā ña mua maji. Ñiojogarā ñabojarāti ija queno yaji quenaro wanu ñarā yirāji mua.

'Adocāta bojori buja, oti ñarā ya mua. Ito bajibojarocati ija queno wanucōri aja quenarā ñarā yirāji mua.

<sup>22</sup> 'Yu Masa Rījorure, mua queno cudija ticōri, gājerā muare ti tudirā yirāji Ìna. Ito yicōri muare cōa āmorā yirāji Ìna. "Ñeñaro yirā ñama", yirā yirāji muare busiturā. Ito bajiro muare Ìna busitubojarocati, ija wanu quenarā yirāji mua.

<sup>23</sup> Jane mejeju cūni Ìna ñicusabatiaju cūni ito bajiro Diore goti Ìsiri masare ñeñaro yiyijarā Ìna. Ito bajiro muare Ìna ñeñaro yibojarocati queno wanu quenaña mua. Ija ūmacāju ejacōri Dios taju quenarise bujarā yirāji mua. Ìre tuorūnu jidicābitiana mua ñajare, ito bajiro yigu yiguji Dios muare.

<sup>24</sup> 'Mua gajeoni jairā, ado mua ñajama queno wanu quena ñaboja mua. Diore tuorūnumena ñari ija bojoro bujarā yirāji mua.

<sup>25</sup> 'Mua queno yaji quenarā, ñaja wanu quenare rāca ñaboja mua. Diore tuorūnumena ñari ija ñiojogarā yirāji mua.

'Mua ajare jairā, adocāta mua ajaja queno wanu quenaboja mua. Diore tuorūnumena ñari ija buto tuoīa bojori bujacōri, otirā yirāji mua.

<sup>26</sup> 'Adocāta "Queno yirā ña mua", yi masa muare Ìna rucūbhoja tuocōri, queno wanu quenaboja mua. Ito bajiro jane mejeju cūni ruore oca riasori masare queno rucūbho busiboyijarā Ìna. Diore tuorūnumena ñari ija buto tuoīa bojori bujarā yirāji mua, yiyiju Jesús Ìnare.

*Mani wajanare cūni ti maija quena, yi Jesús Ì riasore gaye*  
(Mt 5.38-48; 7.12)

<sup>27</sup> Ito yicōri mucana Ìnare busi remoyiju Jesús:

–Mua yure tuorūnrāreama, ado bajiro gotia yu: Mua wajanare queno ti maiña. Ito yicōri muare ti tudirāre queno yiya. <sup>28</sup> Muare busiturāre cūni, quenaro busiya mua. Ito yicōri muare ñeñaro yirāre yari Diore seni Ìsotiya.

<sup>29</sup> Sīgū riojocaduja wayugaju Ì jaja, mucana gaje duja Ì ja āmoja rēobeja. Ito yicōri gāji camisa juaro mua sāñaroca, joegadore Ì ruaja, ito roca gadore Ì rua āmoja, cūni rēobeja. Ì seniro rēto busaro Ìsija quena. <sup>30</sup> Ito yicōri no mua rucorise Ìna senija, Ìna seniro bajiroti Ìsima. Ito yicōri sīgū mua rucorise Ì

ēmaja, “Itire jɔdacōaña”, yi josabeja. <sup>31</sup> Gājerā m̄uare queno yire m̄ua āmoja, ito bajiroti ñnare queno yiba m̄ua c̄uni.

<sup>32</sup> Manire mairāre riti mani maija, mani rāca queno wan̄ubiqūji Dios. Ñeñaro yirā c̄uni ito bajiroti ñnare mairāre mairāji. Manire maimena ñabobarocati maniyama ñnare maija quena. <sup>33</sup> Manire queno yirāre riti mani queno yija, mani rāca queno wan̄ubiqūji Dios. Ñeñaro yirā c̄uni ito bajiroti ñnare queno yirāre queno yirā yirāji. Manire queno yimena ñabobarocati maniyama ñnare queno yija quena. <sup>34</sup> Gājire wasoaga, “Ija m̄ucana jai b̄usaro b̄ujagu yiḡuja yu”, mani yi t̄uoñaja, mani rāca queno wan̄ubiqūji Dios. Ñeñaro yirā c̄uni ito bajiro t̄uoñac̄ori wasoarā yirāji. Manire wasoamena ñabobarocati maniyama ñnare wasoaja quena. <sup>35</sup> Ito bajibobarocati m̄uama, m̄ua wajanare mair̄uja. Ito yic̄ori ñnare queno yija. Ito yic̄ori gājire wasoaga, “Ija jai b̄usaro b̄ujagu yiḡuja yu”, yi t̄uoñabic̄uti wasoaja quena. Ito bajiro m̄ua queno yija, Dios t̄aju m̄ua ejaroca m̄uare queno waja yigū yigūji. Ito bajiro m̄ua queno yirā ñaja, Dios r̄ia ña m̄ua. Dios c̄uni masa jeyarore queno yigū ñami. “Queno ya m̄u”, yimenare c̄uni, ñeñaro yi jairāre c̄uni queno yigū ñami Dios. <sup>36</sup> Mani Jac̄u masare ñ ti mairo bajiroti m̄ua c̄uni masare ti maija quena, yiyij̄u Jesús ñ rāca riasotirāre.

*Gājerāre seti yibesa, yi Jesús ñ riasore gaye  
(Mt 7.1-5)*

<sup>37</sup> Gaje ado bajiro gotiyij̄u Jesús ñnare:

—Gājerāre, “Ñna ñama ñeñarise yi jairā”, m̄ua yibeja m̄uare c̄uni, “Ñna ñama ñeñarise yi jairā”, yibiqūji Dios m̄uare. Ito yic̄ori gājerāre, “Ñnare seti ña. Ito bajiri ñnare ruyurioḡu yigūji Dios”, m̄ua yibeja m̄uare c̄uni, “Ñnare seti ña. ñnare ruyurioc̄uja yu”, yibiqūji Dios m̄uare. Gājerā ñeñaro yirise m̄ua ācabojaja, m̄ua ñeñaro yirisere c̄uni ācabojogu yigūji Dios. <sup>38</sup> Gājerāre m̄ua ñsija, m̄uare c̄uni queno ñsiḡu yigūji Dios. Gājerāre m̄ua ñsiro bajiroti, m̄uare c̄uni ñsiḡu yigūji Dios. Ito yic̄ori gājerāre m̄ua ñsiro bajiroti r̄eto b̄usaro m̄ua boca āmi masiroc̄o ñsiḡu yigūji Dios, yiyij̄u Jesús ñnare.

<sup>39</sup> Ito yic̄ori ado bajiro goti masiore ocana gotiyij̄u Jesús:

—¿Ñsiḡu cajea mac̄ure ito yic̄ori gāji cajea mac̄u m̄ucana, cajea mac̄ure t̄ua wa masigūjida? Meje, ito bajiroj̄ua meje baja. Cajea tibicū ñari ñre t̄ua wabojagu r̄acati gojejū quedi s̄ajac̄arāji ñna. Dios oca riojo ñnasarisere mani t̄uo s̄uyabeja cajea mana robo bajiro bajirāji mani, yiyij̄u Jesús ñnare.

<sup>40</sup> ñnare riasori mas̄u r̄eto b̄usaro masirā meje ñama ñ riasorā. Ito bajibobarocati ñna queno riasoti jeoc̄oja, ñnare riasori mas̄u bajiroti masirāji ñna c̄uni, yiyij̄u Jesús.

<sup>41</sup> Iti oca goti t̄ioc̄ori m̄ucana ado bajiro gaje oca gotiyij̄u Jesús:

—M̄ua babare cajeajū s̄ujuraciā iti ñaja, ti b̄uja masia m̄ua. Ito bajibobarocati m̄ua ya cajeajū sita jaje iti s̄aña biaja ti b̄uja masibea m̄ua. <sup>42</sup> Ado bajiro m̄ua babare yibojaja m̄ua: “Yū baba m̄u ya cajeajū sita aje ña. Yū iti ajere āmic̄ac̄uja yu”, yibobarāti m̄ua ya cajeajū sita jaje iti s̄añajama, āmic̄ā masibea m̄ua. “Queno yirā ña ḡuama”, yirā ñabobarāti, ñeñaro yirā ña m̄ua c̄uni. M̄ua ya cajeajū s̄añarisere āmic̄aña. Itire āmic̄ac̄ori queno ti masirā yirāji m̄ua. Ito yic̄ori m̄ua babare cajeajū sita ajere āmic̄ā masirā yirāji m̄ua, yiyij̄u Jesús.

Iti yireoni ña, mani baba ñ ñeñaro yija ti masibobarāti, manimasiti ñeñaro yirisereama ti masibea mani, yiyij̄u Jesús.



*Ricana s̄hori yucugure ti masia mani, yi Jesús ĩ riasore gaye*  
(Mt 7.17-20; 12.34-35)

<sup>43</sup> Ito yicōri m̄cana ĩnare goti masiore ocana gotiyij̄u Jesús:

—Yucuḡu queno wan̄aric̄u, ñeñarise rica cutibetoja. Ito yicōri yucuḡu ñeñaric̄u, quenarise rica cutibetoja. <sup>44</sup> Iti yuc̄u ricare ticōri, “Itiḡu rica ña adi”, yi ti masia mani. Jotaḡuj̄u higos rica mani āmaja bujamenaji mani. Ito yicōri yusiḡure ūyé mani āmabojaja, bujamenaji mani. <sup>45</sup> Ito bajiro queno usi cutiḡu, ḡajerāre c̄ani queno yigūji ĩ. Ito yicōri ñeñaro usi cutiḡu, ḡajerāre c̄ani ñeñaro yiḡu yigūji ĩ. Mani ya usij̄u mani t̄oñaro bajiroti busibua mani, yiyij̄u Jesús ĩnare.

*Ȳre queno t̄hor̄ānr̄a sita butiroj̄u wi menir̄a bajiro bajir̄a ñama, yi Jesús ĩ riasore gaye*  
(Mt 7.24-27)

<sup>46</sup> Gaje ado bajiro yiyij̄u Jesús ĩ r̄aca riasotir̄are: —“Gua Ūju ña m̄u”, yibojar̄ati, yu rotirisere c̄adibeaa m̄u. <sup>47-48</sup> No yu t̄aju ejar̄a yu rotirisere ĩna c̄adija, siḡu queno butiroj̄u wi meniḡu bajiro bajir̄a ñama ĩna. Tite. Siḡu butiroj̄u jubeju ĩ botari juja, jue iti buto s̄oro ejaja jujabetoja iti wi. Ito bajiro bajir̄a ñama ȳre queno c̄adir̄a. Ḡajer̄a ĩnare ñeñaro yi josabojarocati ȳre t̄hor̄ānr̄u jidic̄amenaji ĩna. <sup>49</sup> Ito bajibojarocati, no yu rotirise queno c̄adimena, ĩnare bajiro bajibeama ĩna. Siḡu sita jidiroj̄u wi meniḡu bajiro bajir̄a ñama ĩnama. Tite. Siḡu sita jidiroj̄u ĩ botari juja, jue iti buto s̄oro ejaja iti wi jujacoaro yiroja. Ito bajiri t̄adi rujubetoja ĩ ya wi ĩja. Ito bajiro bajir̄a ñama ȳre queno c̄adimena. Ḡajer̄a ĩnare ñeñaro yija ticōri, ȳre jidic̄ar̄a yir̄aji, yiyij̄u Jesús ĩ r̄aca riasotir̄are.

## 7

*Surara ūju ya moari mas̄re Jesús ĩ yisioire gaye*  
(Mt 8.5-13)

<sup>1</sup> Masare ĩ riaso āmorise riaso t̄ocōri Capernaum̄u wayij̄u Jesús. <sup>2</sup> Iti c̄uto ñayij̄u surara ūju. ĩre moa ĩsiri mas̄u buto c̄oyij̄u. Ito bajiri usi jedi war̄ati ñayij̄u ĩ. Ito ĩ bajija ticōri, buto ĩre ti maiyij̄u surara ūju. <sup>3</sup> Ito bajiri Jesús c̄or̄are ĩ yisioire gaye t̄ocōri, judio masa buc̄ar̄are, Jesure ji rotiyij̄u ĩ. ĩ ya moari mas̄re Jesús ĩ yisioire āmoyij̄u ĩ. <sup>4</sup> Ito ĩ yija t̄ocōri, Jesure jir̄a wayijar̄a ĩna. Jesús t̄aju ejacōri ado bajiro ĩre senīa josayijar̄a:

—“ĩre jit̄eña”, ḡuare yi ñucaḡu, queno yiḡu ñami ĩ. Ito bajiri ĩre ejabuar̄aja m̄u. <sup>5</sup> Romano mas̄u ñabojaguti mani ñar̄are queno r̄uc̄ub̄oami ĩ. Ito yicōri minijuara wi gua meni masitoni ḡuare niyeru ĩsiqū ĩ. Ito bajiri ĩre ejabuar̄aja m̄u, yi josayijar̄a ĩna Jesure.

<sup>6</sup> ĩna ito yija t̄ocōri, ĩna r̄aca s̄aya wayij̄u Jesús. Ito wi ejar̄a wana ĩna yiroca surara ūju ĩ baba mesare Jesure oca goti boca rotiyij̄u. “Ado bajiro Jesure gotiba”, yi rotic̄oyij̄u ĩ:

—Yu Ūju m̄are usirioro yi remo āmobeaa yu. R̄etoro quenaḡu ña m̄u. Yujuu quenaḡu meje ña. Ito bajiri, yu ñeñaro yirisere bojogu, “Yu ya wij̄u s̄aja waya, yi masibeaa yu m̄are”, yi gotiba ĩre, yi rotic̄oyij̄u surara ūju.

<sup>7</sup> Gaje ado bajiro yi rotic̄oyij̄u ĩ:

—Ñeñaro yiḡu ñari, m̄u t̄aju wa masibeaa yu. M̄u masirisena m̄u yisio ñucaja, yu ya moari mas̄u caticoagu yigūji m̄cana. <sup>8</sup> Ḡaji ūju bero gaḡu ña yu. Ito yicōri yu beroj̄ua ñama ḡajer̄a surara. ĩnare roti masia yu. Ito bajiri siḡure, “Wasa”, yu yija, wami. Ito yicōri ḡajire, “Waya”, yu yija, wadiami. Ito

yicōri yare moa ĩsiri masare yu moa rotija, moami. Ito bajiri rētoro queno roti masigū mu ñajare, “Mu yisio ñucaja, yu ya moari masu tujacoagu yiguji mucana”, yi tūoia yu, yi gotiba Jesure, yi roticōayiju surara uju.

<sup>9</sup> Ito ĩ yi ñucare tuocōri, tuo ucayiju Jesús. Ito yicōri juda rāgūcōri ĩre sayarāre ado bajiro yiyiju Jesús:

–Ī surara uju yare queno tuorūnāñi. Mani masa wato ĩre bajiro tuorūnarā mama, yi gotiyiju Jesús ĩnare.

<sup>10</sup> Ito ĩ yija tuocōri, tūdi wasuoyijarā oca goti bocari masa. Tūdi ejacōri ĩna tija ñarise cōbojara tujara ñayiju ĩ ĩja.

### *Wajeago macare Jesús ĩ masore gaye*

<sup>11</sup> Ito bajiro ĩ yija bero Nañ wame cutiri cutoju wayiju Jesús, ĩ rāca riasotirā rāca. Ito yicōri masa jājarā wayijarā ĩ rāca. <sup>12</sup> Iti cutoju ĩna ejaroca sigū godarare ĩna yujerā waja tiyiju Jesús. Wajeago macu ñayiju ĩ, ĩna yujeroca. Ito yicōri ĩ sigūti ñabojayiju iso macu. Jājarā iti cuto gāna ĩre yujerona wayijarā ĩna. <sup>13</sup> Wajeago iso bojori bujaja ticōri, buto ti maiyiju Jesús isore. Ito bajiro ti maicōri ado bajiro yiyiju Jesús isore:

–Otibesa, yiyiju ĩ.

<sup>14</sup> Ito bajiro ĩ yija bero ĩ ya masari cumaju moaĭayiju Jesús. Ito bajiro ĩ yija ticōri, ĩre yujerā wabojarā tuja rāgūcoayijarā ĩna ĩja. Ito bajiro ĩna tuja rāgūroca godarare ado bajiro yiyiju Jesús:

–Wuñña mamu mu, yiyiju Jesús godarare.

<sup>15</sup> Ito bajiro ĩ yirocati, jāja rūjūyiju godaru ñabojaguti. Ito bajiro bajiru ñabojaguti busiyiju mucana. Ito ĩ bajija ticōri, ado bajiro yiyiju Jesús ĩ jacore: “Īmo, āni ñami mu macu”, yiyiju Jesús isore. <sup>16</sup> Ito bajiro ĩ yi masoja ticōri, ti guiyijarā ĩna, ito ñarā. Ito yicōri ado bajiro Diore rucabuo busiyijarā ĩna:

–Sigū Diore goti ĩsiri masu mani taju ejami ĩja, yiyijarā ĩna.

Gaje ado bajiro busiyijarā ĩna:

–Dios ñarā mani ñajare manire ejabaroca ejami adoju, yi wanarā rucabuooyijarā ĩna Diore.

<sup>17</sup> Ito yicōri Jesús godarare ĩ masore gaye tuo jedicoayijarā Judea sita gāna. Ito yicōri iti sita tu gāna cūni tuo jedicoayijarā ĩna.

### *“Jesure titēña”, Juan idé guri masu ĩyi ñucare gaye*

*(Mt 11.2-19)*

<sup>18</sup> Juan rāca riasotiri masa, Jesús ĩ yigore ticōri goti jeocōyijarā ĩna Juanre. ĩna ito yija tuocōri, jūarāre jiyiju Juan. <sup>19</sup> Ito bajiri ĩna jūarāre, “Ado bajiro Jesure seniĭama mu”, yi ñucayiju Juan ĩnare: “¿Riti Dios ĩ cōaru, Cristo ñati mu? Ī meje mu ñajama, ¿gājire bocatirā yirājida gna maji? yiba”, yi roti ñucayiju Juan ĩna jūarāre. <sup>20</sup> Ito ĩ yija tuocōri, wayijarā ĩna. Jesús taju ejacōri ado bajiro ĩre yi gotiyijarā ĩna:

–Juan, masare idé guri masu, gware seniĭa roti ñucami mare. ¿Riti, Dios ĩ cōaru, Cristo ñati mu? Ī meje mu ñajama, ¿gājire bocatirā yirājida gna maji? yiyijarā ĩna Jesure.

<sup>21</sup> Ito bajiro ĩna seniĭa ñaroca, jājarā masa cōrāre yisioyiju Jesús. Ito yicōri ĩna ya usiju rūmúa sāja ecoana, cajea mana, ito yicōri gājerā jeyaro ñarise cōrāre cūni masoyiju Jesús. Ito bajiro ĩ yija Juan oca ĩ seniĭa roti ñucana cūni tiyijarā ĩna. <sup>22</sup> Ito yicōri ado bajiro Juan ĩ cōanare gotiyiju Jesús:

–Wasa. Muñ tirise ito yicōri muñ tuogorise cūni Juanre gotiba. Cajea mana ĩna tiroca yu yirise, ruduana ĩna waroca yu yirise, wirowoganare yu yisiorise gaye, gāmo goje tuomena ĩna tuoroca yu yirise, godana ñabojarocati ĩna catiroca

ya yirise, ito yicōri bojoro bujarāre Dios ī masoroti oca ya goti masiorisere cūni, gotiba Juanre. <sup>23</sup> Ito yicōri, no yure tʷorūnʷosotigati, queno wanugū yiguŋi ī, yiyijū Jesús, Juan ī oca seniña roti űucanare.

<sup>24</sup> Ito ī yija tʷocōri, tʷadi wayijarā űna. Ito bajiro űna tʷadi waja bero, Juan ī bajigore gaye masare gotiyijū Jesús:

—¿Yucu manojū warā, űimare tʷoĭa wacati mʷa? ¿Sĭgū űmugū mino iti waja, űe rāgōgūre tʷoĭa wacatite mʷa? yi seniñayijū Jesús masare. Yucugū cogu mino wēaja wārericu bajiro meje űami Juan. Queno tʷoĭagū űami ī. <sup>25</sup> ¿ĭre mʷa ti bujaja yutabuju quenarise sāñagū űacati ĭ? Yutabuju quenarise sāñarā bajiro bajigu meje űami ī. Yutabuju quenarise sāñarā űjarā ya wijū űarāona űarāji űna. ĭna robo bajigu meje űaguŋi Juan. <sup>26</sup> Yucu manojū warā, ¿Diore goti ĭsiri masare tirā wasotiri mʷa? Itoju ejacōri, “Diore goti ĭsiri masu űami”, yi masiyija mʷa. Riti űa, gājerā Diore goti ĭsiri masa rētoro űasagu űami Juan. <sup>27</sup> Jane mejeju Juanre ado bajiro yi goti yucāyijū Dios oca: Mʷa waroto riojūa sĭgū masu cōa ya. Masa mure bocati űaroca, yirocure cōa ya, yi gotia Dios oca tuti, yiyijū Jesús.

<sup>28</sup> Sĭgū adi tutijū, Juan masare idé guri masu rētoro űasagu mami. Ito bajibojarocati Dios ĭ rotiroju űarā Juan ī űasado bajiro rēto busaro űasarā yirāji űna, yiyijū Jesús ĭnare.

<sup>29</sup> Juan Dios oca ĭ gotija tʷogoana, “Riti, Dios rotirise quenarise űa. Itire cūdi āmoa gua”, yicōri, Juanre idé gu rotiyijarā űna. Ito yicōri űjarāre yiari waja seni ĭsiri masa cūni, ito bajiroti yiyijarā űna. <sup>30</sup> Ito bajibojarocati fariseo gaye tʷoĭarāma ito yicōri judio masa rotirise riasori masama, Dios rotirisere te űayijarā. Ito bajiri Juanre idé gu rotibisijarā űna.

<sup>31-32</sup> Gaje ado bajiro gotiyijū Jesús:

—Adi rumari gāna Juanre teama, ito yicōri yure cūni teama űna. Rĭaca minijuacōri űna awasā aje cūñaro bajiro bajirā űama ĭnaona. Tite. Ado bajiro awasā ajeama rĭaca: “Gua seru juti ajeroca, mʷama juti āmobiju. Ito yicōri masa godaroca űna otirise gua oti queso aje āmoja, mʷama gua rāca oti queso aje āmobiju”, yi awasā ajeama rĭaca. Ito bajiro bajiamā Juanre terā ito yicōri yure terā cūni. Tite. <sup>33</sup> Babicuti Diore rācubʷogū seniquī Juan. Ito yicōri ayé ide idibitiquī ī. Ito bajiro ī yija ticōri, “Rāmú sāja ecoru űami”, yicu mʷa ĭre. <sup>34</sup> ĭ bero ya, Masa Rĭjoru, ejacu. Ba, idi yigu űa yuama. Yu ito bajiro yija ticōri, ado bajiro ya mʷa yure: “Jairo bagu űa mʷ. Idire cugu űa mʷ. űeñaro yi jairā rāca baba cutigu űa mʷ. Ito yicōri űjarāre yiari waja seni ĭsiri masa rāca baba cutigu űa mʷ”, ya mʷa yure. <sup>35</sup> Sĭgū Dios robo bajiro queno tʷoĭare cutigu ĭ űaja, jeyaro ĭ yiriserē ticōri, “ĭ űami Dios robo bajiro tʷoĭare cutigu”, yi tʷoĭa mani. Ito bajiri ya yirise ticōri, “Dios robo bajiro tʷoĭare cutigu űami”, yi masi űarā yirāji mʷa yure, yiyijū Jesús ĭnare.

### *Simón fariseo gaye tʷoĭagū ya wijū Jesús ĭ űare gaye*

<sup>36</sup> Ito ī yija bero sĭgū fariseo gaye tʷoĭagū Jesure jiyijū ĭ ya wijū, bagu watoni. Ito ī yija tʷocōri, ĭ ya wijū wayijū Jesús. Iti wijū sājacōri bara mesa taju eja rūjūyijū Jesús. <sup>37</sup> Ito bajiro ĭ bagu waja tʷocōri, iti cuto gago sĭgō wedi maso ĭ taju wayijo iso. Itoju waco queno sutirise ayé, coga dajaro āmi wayijo iso. Itiga űayiju gūta alabastro wame cutirisena űna meniraga. <sup>38</sup> Ito Jesús taju sāja ejacōri ĭ ya gubʷo taju eja rūjūyijo iso. Ito yicōri iso ya yago idena Jesús ya gubore coesʷoyijo iso. ĭ ya gubore coe tʷocōri iso ya joanati Jesús ya gubore weja caroyijo iso. Ito yicōri ĭre wanugō ĭ ya gubore usuyijo iso. Gajanoa ito bero ayé queno sutirise ĭ ya gubojū tuyijo iso. <sup>39</sup> Iso ito yija ticōri, Jesure

jigoru fariseo gaye tʷoɪagū ado bajiro tʷoɪayiju: “Riti Diore goti ĩsiri masu ĩ ñajama, adio ĩ ya gubo coegore ti masiboru. Ito yicōri, ‘Wedi maso ñamo’, yi masiboru ĩ”, yi tʷoɪayiju fariseo gaye tʷoɪagū Jesure jiru. <sup>40</sup> Fariseo gaye tʷoɪagū ĩ tʷoɪarisere tʷo masicōri, ado bajiro yiyiju Jesús ĩre:

–Simón, mare jabeto goti āmoa yu, yiyiju Jesús ĩre.

–Ba, gotiya yare riasogu ma, yiyiju Simón Jesure.

<sup>41</sup> Ito ĩ yija tʷocōri, ado bajiro goti masiore ocana gotiyiju Jesús ĩre:

–Juarā āmua ñayijarā, niyeru wasoari masure waja ruyuriorā. Sīgū quinientos niyeru kujiri waja ruyuriyiju. Ito yicōri gāji cincuenta niyeru kujiri waja ruyuriyiju. <sup>42</sup> Ito bajibojarocati ĩna waja ruyuriogure waja yi masibisjarā ĩna. Ito bajiro ĩna waja ruyuriobojarocati ĩnare niyeru wasoagoru tʷdi seni űyabisiju ĩja, yi gotiyiju Jesús Simónre.

Gaje ado bajiro Simónre seniűayiju Jesús:

–¿Nijua buto busa ĩnare niyeru wasoagorure mairājida ĩna? yi seniűayiju Jesús Simónre.

<sup>43</sup> Ito bajiro ĩ seniűaja, tʷocōri:

–Yu tija, jai busaro waja ruyuriogujua ĩre buto maiguji, yiyiju Simón.

Ito ĩ yija tʷocōri:

–Riti ya ma, yiyiju Jesús ĩre.

<sup>44</sup> Ito yicōri ĩre gubo coegoguare ticōri, busiyiju Jesús Simónre:

–Adiore tiya. Ma ya wiju yu sājaroca yare ide ĩsibiju ma, yu ya gubo coeroti. Ito bajibojarocati adiojama iso ya yago idenati yu ya gubore coemo iso. Ito yicōri iso ya joanati yare weja caromo iso. <sup>45</sup> Yare wanugū, yare usubiju ma. Ito bajibojarocati adioama, yare wanugō queno gubojū usumo iso.

<sup>46</sup> Ito yicōri yu ya rijogaju űye tubiju ma. Ito bajibojarocati adioama űye queno sutirise yu ya gubojū tumo iso. <sup>47</sup> Ito bajiri ado bajiro mare gotia Simón yu: Ñeñaro yi jaigo ñabojarocati, yare buto iso maija ticōri, iso ñeñaro yirisere ācabojoa yu. Sīgū jabetacā busa ñeñaro yigure, ĩre yu ācabojaja, jabetacā busa yare maigū yiguji ĩ. Ito yicōri buto ñeñaro yigure yu ĩ ñeñaro yirisere ācabojaja buto busa yare ti maigū yiguji ĩ. Iti tʷo masiña, yiyiju Jesús Simónre.

<sup>48</sup> Ito yicōri romiore ado bajiro yiyiju Jesús:

–Ma ñeñaro yirisere ācabojacōa yu, yiyiju Jesús isore.

<sup>49</sup> Ito ĩ yija tʷocōri, gājerā iti wiju ĩna rāca bari masa, ĩnamasiti gāmeri seniűayijarā ĩna:

–¿Ñimu ñati āni, masa ĩna ñeñaro yirisere ācabojagu? yi gāmeri seniűayijarā ĩna.

<sup>50</sup> Ito bajiro ĩna yiroca, romiore ado bajiro gotiyiju Jesús:

–Yure queno tʷorūna ma. Ito bajiri mare masoroca ma ñeñaro yirisere ācabojacōa yu. űsirioro yibecoti wasa ma, yiyiju Jesús isore.

## 8

### *Jesure romia ĩna ejabware gaye*

<sup>1</sup> Ito yija bero gaje catoriju Dios oca goti ucugu wayiju Jesús. “ĩre tʷorūnarāre ĩ rotiroju miojugu yiguji Dios”, yire gaye goti ucugu wayiju ĩ. Ito yicōri ĩ rāca riasotirā, jua gubojeno ñarā rāca wayiju ĩ. <sup>2</sup> Romia cuni ĩna rāca wayijarā. ĩna ñayijarā ĩna ya űsiju rūmūa sāja ecoanare Jesús ĩ bucōagoana. Ito yicōri ñarise cōana ĩ masogoana cuni wayijarā ĩna rāca. Sīgō María Magdalena wame cutigo ĩna rāca wayijo. Iso ñayijo jua āmojeno rūmūa ñarāre Jesús ĩ bucōagoro. <sup>3</sup> Ito yicōri gajeo Juana wame cutigo ñayijo. Iso ñayijo Cuza manajo. Herodes ya

moari masa uj̄n ñayij̄u Cuza. Ito yicōri gajeo Susana wame cutigo ñayijo. Ito yicōri gājerā c̄ni jājarā Jesús rāca romia wayijarā ña. Ña ejabua masiro bajiro ejabuayijarā ña.

*Oteri masu gaye Jesús i goti masiore oca*  
(Mt 13.1-9; Mr 4.1-9)

<sup>4</sup> Ito bajiro Jesús i wa ucuroca co cuto gāna meje i tu minijuayijarā, ñre ti āmorā. Ito bajiro ña ejaja ticōri, goti masiore ocana gotiyij̄u Jesús ñare:

<sup>5</sup> —Sīgū weseca i ya ote ajeri otegu wayij̄u i. Wesecaj̄u ejacōri, iti ajerire i wējabateroca gaje ajeri maj̄u quedi queayij̄u. Ito bajiro quedi quearisere gājerā itire cudabia rojocōyijarā. Ito yicōri minia c̄ni bayijarā, iti ajerire.

<sup>6</sup> Gaje ajeri gūta watoj̄u quedi queayij̄u. Iti gūta wato quedi queara ajeri nocō mejeti judibojayij̄u. Ito bajibojarocati yoari mejeti siniacoayij̄u sita iti ide manijare. <sup>7</sup> Gaje ajeri jota watoj̄u quedi sāja wayij̄u. Ito quedi sājacōri, iti judi m̄ja waroca jota mari d̄rea ślacōyij̄u itire. <sup>8</sup> Ito yicōri gaje ajeri sita quenarise joej̄u quedi queayij̄u. Ito bajiri iti ajeri judi bucacōri quenarise rica cutiyij̄u. Ito yicōri coria sarari cien ñari ajeri rica cutiyij̄u, yiyij̄u Jesús ñare.

Ito bajiro iti goti t̄iocōri mucana ado bajiro yiyij̄u Jesús ñare:

—No gāmo goje cutirā tuoya, yiyij̄u Jesús oca s̄oro ñare.

*¿No yija goti masiore ocana riasoati mu? ña yi seniñare gaye*  
(Mt 13.10-17; Mr 4.10-12)

<sup>9</sup> Ito i yija t̄iocōri, ado bajiro ñre seniñayijarā i rāca riasotiri masa:

—¿Ñe yireoni ñati iti goti masiore oca? yiyijarā ña.

<sup>10</sup> Ña ito yija:

—“No ñre tuor̄ñurā i rotiroj̄u miojuḡu yiguñi Dios”, yi gājerā ña tuo masibiti gaye mu tuo masiroca yami Dios muareama. Gājerāma iti oca tuobojarāti queno tuo masimenaji ña. Ito bajiroti yi gotiyijarā Diore goti isiri masa. Tite mu. “Tuobojarāti, tuo masimenaji ña. Ito yicōri t̄ibojarāti, ti masimenaji ña”, yi goticāyijarā jane mejeju, yiyij̄u Jesús ñare.

*Ado bajiro baja oteri masu ye, yi Jesús i goti quenore gaye*  
(Mt 13.18-23; Mr 4.13-20)

<sup>11</sup> Ito yicōri mucana t̄adi riasoyij̄u Jesús ñare:

—“Oteri masu sīgū ado bajiro bajiyij̄u”, yirocu muare gotibu yu. Ito bajiri adocāta muare goti r̄etobuḡu ya yu, mu queno tuo masitoni. Oteri masu, Dios oca goti ucuri masu robo bajigu ñami i. Ito yicōri i oteri ajerioniti ña Dios oca mani tuorise. Tite mu. Ado bajiroj̄u baja iti oca. <sup>12</sup> Coriarā masa Dios ocare tuorāji tuorea. Ito bajibojarocati ña ācabojaroca yigu yiguñi r̄amú. Ito bajiri Diore tuor̄ñumenaji ña. Ito bajiri ñre ña tuor̄ñunbejare ñare masobiquñi Dios. Dios ocare ña ācabojaja, maj̄u ote ajeri quedi queado bajiro bajirā yirāji ñaōna. <sup>13</sup> Gājerāma Dios ocare t̄iocōri queno wan̄u quenare rāca boca āmirāji ña. Ito bajibojarocati ñare oca ñaja, ito yicōri gājerā ñare ti teja, Diore tuor̄ñumenaji ña. Ito yicōri nocō mejeti i oca ña tuobojarere jidicārā yirāji ña. Ito bajiro ña yija, gūta wato quedi queara ajeri bajiro queno ñe mari mana robo bajirā yirāji ñaōna. <sup>14</sup> Gājerāma Dios ocare tuobojarāti adi mac̄ñuc̄uro gayere buto tuoñarā yirāji ña. Ito bajiro tuoñacōri adi mac̄ñuc̄uro ñeñarise gajeonire c̄ni jidicā āmomenaji ña. Ito bajiro ña jidicā āmobeja jota mari wato ote ajeri quedi queado bajiro bajirā yirāji ñaōna. Ña ñama Diore queno moa isimena. <sup>15</sup> Gājerāma Dios oca t̄iocōri, ñre queno tuor̄ñurā yirāji ña. Ito bajiro ñre queno tuor̄ñurā ñari ñre jidicāmenaji ña. Ito yicōri i āmoro

bajiro yirā yirāji ĩna. Ito bajiro ĩna yija sita quenarise joeju ote ajeri queda queado bajiro bajirā yirāji ĩnaoĩna. ĩna ĩnama Diore queno moa ĩsirā, yiyiju Jesús ĩnare.

*Ado bajiro baja sĭabusuoraga, yi Jesús ĩ riasore gaye*  
(Mr 4.21-25)

<sup>16</sup> Mũcana tũdi goti masiore ocana gotiyiju Jesús:

—Mujura jāi sĭacõri riri sotũ rocaju mucũmenaji mani. Ito yicõri gaje mujura jāi sĭacõri canira casabo rocajuare sĭa cũmenaji mani. Ado bajirojuã yirāji mani. Mujura jāi sĭasuara tutuju sĭasuara yirāji mani. Ito bajiro mani sĭasuaja, masa sãja wadirā ti masirā yirāji ĩna. <sup>17</sup> Ado bajirojuã baja iti yireoni. Masa ĩna tũo masibitire ija tũo masicoarā yirāji ĩna. Ito yicõri yeyoro masa ĩna tũoĭabojarisere masa jeyaro masicõrā yirāji ĩna, yiyiju Jesús.

<sup>18</sup> Queno tũoya mũa, yũ gotirisere. Sĭgũ Diore queno tũorũnũgũre bũto bũsa Dios oca ĩ tũo masiroca yigu yiguĭji Dios. Ito bajibojarocati gãjĭama Diore queno tũorũnũbicũ ĩ ĩnjare Dios oca ĩ masibojarisere ĩ acabojaroca yigu yiguĭji Dios, yiyiju Jesús ĩ rãca riasotirãre.

*Jesús ĩ ĩarā ado bajiro bajĭama, yire gaye*  
(Mt 12.46-50; Mr 3.31-35)

<sup>19</sup> Ito ĩ yija bero ĩ jaco, ĩ ocabajirā ĩre ti ãmorā ejabojayĭjarā ĩna. Jãjarā masa ĩna ĩnjare ĩ tũju eja masia maĭĭju ĩnare. <sup>20</sup> Ito bajiro ĩna bajĭa ticõri, sĭgũ ado bajiro Jesure gotiyiju:

—Mũ jaco, mũ ocabajirā mũre tirā wadiana macũju ĩnama, yi gotiyiju ĩ Jesure.

<sup>21</sup> Ito ĩ yija tũocõri, ado bajiro ĩre cudiyiju Jesús:

—No Dios oca tũorãti, ito yicõri itire cudirãti, ĩna ĩnama yũ jaco robo, yũ ocabajirā robo bajiro bajirā, yiyiju Jesús.

*Minore, jacũrisere cuni Jesús ĩ rẽtore gaye*  
(Mt 8.23-27; Mr 4.35-41)

<sup>22</sup> Co rãmũ Jesús ĩ rãca riasotirā rãca cumaju sãjayiju. Ito yicõri ado bajiro yiyiju:

—Ita, sidũjaju wea jẽa wato, yiyiju Jesús ĩ rãca riasotirãre.

Ito ĩ yija tũocõri, gaje dũjaju jẽa wayĭjarā ĩna. <sup>23</sup> Ito bajiro jẽa wacũju, canicoayiju Jesús. ĩ canigoja bero bũto mino wẽayiju. Ito yicõri itira itajura bũto jacũyiju. Iti jacũrise cumaju jairo ruja sãjayiju. Ito bajiri jabeto ruayabojayiju cuma iti rujaroto. <sup>24</sup> Ito bajĭa ticõri, bũto gũiyĭjarā ĩ rãca riasotiri masa. Ito bajiri Jesure yujioyĭjarā ĩna. Ado bajiro yi yujioyĭjarā ĩna Jesure:

—Jesús, guare riasogu, yujiya mũ. Canibesa. Rujarā ya mani, yiyĭjarā ĩna Jesure.

ĩna ito yija tũocõri, yujiyiju Jesús. Ito yicõri jacũrisere ado bajiro yiyiju Jesús: “Itocõti jacũña. Mino cuni itocõti wẽaña”, ĩ yirocãti, rẽtacoayiju ĩja. <sup>25</sup> Mino iti rẽtaja bero ado bajiro ĩnare seniãyiju ĩ ĩja:

—¿Ñe rẽtati, yũre tũorũnũbeati mũa? yiyiju Jesús ĩnare.

Ito bajiro iti rẽtaja, mano ti wãyĭjarā ĩna, ĩ rãca riasotiri masa. Ito yicõri ĩnãmasiti ado bajiro gãmeri bũsiyĭjarā ĩna:

—¿Ñimũocũ ĩnati ãni? ĩ bũsirocãti mino cuni rẽtacoaju. Jacũrise cuni tũjacoaju, yi gãmeri bũsiyĭjarā ĩna.

*Gerasa gagũ rãmũ sãñagũ oca*  
(Mt 8.28-34; Mr 5.1-20)

26 Gaje daja Galilea wame cutiri dajaju ñana jêa wa, Gerasa wame cutiri sitaju ejayijarã ñna. 27-29 Cumana jêa waru jêa ejacõri maja wayiju Jesús. Ito bajiro waroca sîgû iti cuto gagu rãmúá sãja ecoru bocayiju Jesure. Í ãmugû yoari yutabuju sãñare mejeti ña ucuyiju Í. Ito yicõri wiju ña masibisiju Í. Ito bajiri gûta gojeriju ñayiju Í ñaro. Iti gûta gojeri ñayiju masa ñna yujerise. Itoju ñasotiyiju rãmúá sãja ecoru, Í ñaro.

Ito Í ñaroca coji meje rãmúá sãjayijarã Íre. Ito yicõri gãjerã ito gãna coji meje Í ya ãmori Í ya gubori cuni come mana Íre siasotibojayijarã ñna. Ito bajiro ñna siabobarocati, buto tunu ruacõsotiyiju Í. Ito yicõri Í ya usiju ñarã rãmúá yucu manojw wa rotiyijarã Íre. Ito bajiro yucu manojw waca yigujw Jesure bocayiju Í. Íre bocacõri Jesús riojo ñini rújuyiju rãmúá sãja ecoru. Ito yicõri buto awasãyiju Í. Ito bajiro Í yija ticõri, Í ya usiju ñarã rãmúare budi rotiyiju Jesús. Í budi rotija tucõri, ado bajiro Jesure seniñayijarã ñna rãmúá:

—¿Mu ãmacãju gagu Dios Macu, guare no bajiro yigu yigujada mu? Buto ñeñaro gua tõbujaroca yibesa, yiyijarã rãmúá Jesure.

30 Ñna ito bajiro josaja tucõri, ado bajiro seniñayiju Jesús ñnare:

—¿Ñimu wame cutiati mu? yiyiju Jesús.

Ito bajiro Í seniñaja tucõri:

—Legión wame cutigu ña yu, yiyiju rãmúá.

Jãjarã yireoni ña Legión. Ito bajiri ito bajiro wame cutiyiju Í rãmúá. Jãjarã rãmúá ñayijarã Í ãmugûre.

31 Ñna rãmúá Jesure ado bajiro yi seniñayijarã:

—“Sõju wasa”, yibesa guare, yiyijarã rãmúá Jesure.

32 Ito yiroca turia joeju jãjarã ecana yesea ba rügõ ucuyijarã. Ito bajiro bajija ticõri, Jesure buto seni josayijarã ñna:

—Yeseare gua sãjatoni guare sãja rotiya mu, yiyijarã rãmúá Jesure.

Ñna ito yija tucõri:

—Baw, yeseare sãjaña mua, yiyiju Jesús ñnare. 33 Ito Í yija tucõri, masu ya usiju sãñabojana budi jedicoayijarã, yeseare sãjarona. Ito yicõri yesea rãmúá sãja ecocõri buto sëoro ãmaquedi wayijarã ñna. Ito bajiro buto ãmaquedi jati wacõri, turia joejuna bubu jati waca yirãju, itajuraju quedi roa goda jedicoayijarã yesea.

34 Ito ito bajiro rêtaja ticõri, yeseare coderi masa ãmaquedi wayijarã tutoriju goti ucurona. Ito ito bajiro rêtagorere jaibiti cuto cuni, jaja cuto cuni goti ucuyijarã ñna. 35 Ito bajiro ñna gotija tucõri, “Ita mani cuni. Tito”, yiyijarã gãjerã. Ito yicõri Jesús taju ejacõri rãmúá sãja ecogorere ti bujayijarã ñna. Queno usi cutigu rujyiju Í Íja, Jesús taju. Ito yicõri yutabuju sãñaru ñayiju Í Íja. Ito bajiro Í bajija ticõri, ti ucacoayijarã ñna. 36 Í ito bajija ticõri:

—Rãmúá sãja ecoru ñabojaru rãmúare budi rotiñi Jesús, yiyijarã ñna. 37 Itire tucõri Gerasa gãna, ito yicõri ito tu gãna cuni buto güicõri Jesure wa rotiyijarã ñna. Ñna ito yija tucõri, cumaju sãjayiju Jesús. 38 Ito bajiro cumaju Í sãjaroca rãmúá Í bucõagoru, ado bajiro seni josayiju Jesure:

—Yu cuni mu rãca wa ãmoa yu, yi seniñayiju Í. Ito bajiro Í yija tucõri:

39 —Mu ya wiju tadi wasa. Ito yicõri ado bajiro yi gotiba, “Jesús yu ya usiju rãmúá sãñabojanare bucõacõqui”, yi gotiba mu, yiyiju Jesús rãmúá Í bucõagorere.

Ito Í yija tucõri, cutoriju wayiju rãmúá budigoru. Ito yicõri jeyaro Íre rêtagorere goti ucuyiju, Jesús Í rotiado bajiroti.

*Jairo macore Jesús ĩ yisioire gaye*  
(Mt 9.18-26; Mr 5.21-43)

<sup>40</sup> Ito bajiro ĩ yi ucuja bero, tũdi jĕa wayijũ Jesús mũcana. Ito bajiro ĩ jĕa ejaroca wanũ quenare rāca ĩre boca āmijijarā masa. <sup>41-42</sup> Ito bajiro ĩ jĕa ejaroca, ĩna masa jājarā wato sĭgũ judio masa ĩna minijuari wi ẽjũ jairo wame cũtigũ wadiyijũ. Wadicõri Jesús riojo rijomunigāna ĩnini rũjũyijũ ĩ. ĩ maco jũa gũbojeno rodori tũjago ñayijo iso. Sĭgõti ñayijo ĩ maco, ito yicõri bũto cõyijo iso. Goda waroti ñayijo iso. Ito bajija ticõri, Jesure ĩ ya wijũ ĩ watoni ĩre jigũ ejayijũ Jairo. Ito bajiro ĩ senija tũocõri, Jairo ya wijũ wayijũ Jesús.

Ito Jairo ya wi ĩ waroca masa jājarā ñayijarā. Ito bajiri masa jājarā gāni bia wayijarā ĩre.

<sup>43</sup> Ito yicõri ĩna masa rāca sĭgõ romia ñarise cõgõ ñayijo. Jũa gũbojeno rodori cõ tũjayijijo iso. Ito yicõri isore ũco yigoanare iso rũcorise ñarocõti waja yi jeocõyijijo iso. ĩna ito bajiro ũco yibojarocati rĕta masibisijũ isore. <sup>44</sup> Ito bajiro masa jājarā wato Jesús ya yutabuju gaja moaĩayijijo iso. Iso ito bajiro ĩ ya yutabujure moaĩarocati iso ñarise cũtibojarise rĕtacoayijũ isore ĩja. <sup>45</sup> Ito bajiro ĩ ya yutabujure iso moaĩaja tũo masicõri ado bajiro seniĩayijũ Jesús:

—¿Noa yũ ya yutabujure moaĩari? yi seniĩayijũ ĩ.

Ito bajiro ĩ seniĩaja tũocõri: “Moaĩabijũ gũa cũni”, yijijarā ĩna ñarocõti Jesure. Ito bajiro ĩnare ĩ seniĩaja bero, ado bajiro cũdiyijũ Pedro:

—Gũare riasogu, mũ tũjũ masa jājarā ñama. Jājarā mũre gāni bia wama. Ito yicõri jājarā mũ ya yutabujure cāoama. No yigũ ito yiri mũ, “¿Ñimo yũ ya yutabujure moaĩari?” yibũ mũ, yiyijũ Pedro Jesure.

<sup>46</sup> Ito yija Jesús ado bajiro yiyijũ ĩnare:

—Sĭgõ yũre moaĩamo. Ito bajiro iso moaĩaja, yũ masirise rāca isore ñarise rĕtomũ yũ, yiyijũ Jesús.

<sup>47</sup> ĩre yutabuju moaĩare ĩ masija tũocõri, bũto gũyijijo iso. Ito yicõri iso ya rujũ nũrũogõti Jesús riojo iso ya rijomunigāna ĩnini rũjũyijijo iso. Ito yicõri masa jājarā ĩna tũoroca Jesure iso moaĩagorere gotiyijijo iso: “ ĩ ya yutabujure yũ moaĩajama, yũ cõrise rĕtacoaro yiroja’, yi tũoĩacõri, mũ ya yutabujure moaĩamũ yũ. Ito yicõri yũ moaĩarocati yũ rujũ ñarise rĕtacoajũ ĩja”, yi gotiyijijo iso, masa ĩna tũoro riojo. <sup>48</sup> Iso ito yija tũocõri:

—Maco, tũoya mũ. Yũre mũ tũorũnũrise mũre yisioçã. Ito bajiri wanũ quenagõ, cati quenagõ wasa mũ, yiyijũ Jesús isore.

<sup>49</sup> Ito bajiro isore ĩ goti ñaroca Jairo ya wi ñarā ejayijarā Jairore gotirā:

—Mũ maco godacoamo. Ito bajiri mũcana tũdi ũsirĩoro yĩbesa āni riasogũre, yijijarā ĩna Jairore.

<sup>50</sup> ĩna ito yija tũocõri, Jairore ado bajiro yiyijũ Jesús:

—Gũibesã. Diore mũ rũcũbũoja, mũ maco mũcana tũjacoago yigõji iso, yiyijũ Jesús ĩre. Ito yicõri Jairo ya wijũ wayijarā ĩna.

<sup>51</sup> ĩ ya wijũ ejacõri Pedro, Santiago ito yicõri Juanre cũni sāja rotiyijũ Jesús. Ito yicõri cõgõ jacũsabatiare cũni sāja rotiyijũ ĩ. Gājerāre sāja rotibisijũ Jesús.

<sup>52</sup> Iti wi ñarā masa, macoacã iso godaja ticõri, bũto otijijarā ĩna. ĩna ito bajiro otija ticõri, ado bajiro yiyijũ Jesús ĩnare:

—Otibesã, Adio macoacã cõgõ meje yamo iso. Canigõ yamo, yiyijũ Jesús.

<sup>53</sup> Ito ĩ yija, ito oti ñarā bũto ĩre aja tudijijarā ĩna. “Godasacoamo iso”, yi tũoĩayijarā ĩna. <sup>54</sup> Ito bajiro ĩna yibojarocati godaro iso ñari sãnimũjũ sājacõri iso ya āmore ñayijũ Jesús. Ito yicõri ado bajiro yiyijũ Jesús isore:

—Macoacã, wũmũ rũgũña, yiyijũ Jesús isore.



<sup>55</sup> Ito ĩ yirocati cojisiti tujacoayijo iso, godaro ñabojagoti. Ito yicōri godaro ñabojagoti wamu rūgūyijo iso. Ito iso bajija ticōri, “Bare ecaya isore”, yiyiju Jesús. <sup>56</sup> Ito bajiro iso tujaja ticōri, ti mcacoayijarā iso jacusabatia. Ito bajibojarocati iso jacusabatiare oca goti bato rotibisiju Jesús, iso tujarise gayere.

## 9

### *Dios oca ĩna goti ucutoni ĩ rāca riasotirāre Jesús ĩ cōare gaye* (Mt 10.5-15; Mr 6.7-13)

<sup>1</sup> Co ruma ĩ rāca riasotirā, jua gubojeno ñarāre miojuyiju Jesús. Ito bajiro ĩna minijuaja ticōri, ĩ masirise ĩsiyiju Jesús ĩnare, rāmúa sāja ecoanare rāmúare ĩna bucōa masitoni. Ito yicōri cōrāre cuni ĩna maso masitoni, ĩ masirise ĩsiyiju Jesús ĩnare. <sup>2</sup> Ito yicōri, “Īre tuorānūrāre ĩ rotiroju miojugu yiguĭji Dios”, yire oca goti ucu rotiyiju Jesús ĩnare. Ito yicōri, “Cōrāre cuni yisorā yirāji mūa”, yi roti ñucayiju Jesús ĩnare. <sup>3</sup> Gaje ado bajiro ĩnare gotiyiju Jesús:

—Iti mūa oca goti ucurā waja gajeoni āmimenati waja. Ito yicōri mūa ya turigu cuni āmi wabeja. Ito yicōri tura baju, naju, niyeru cuni āmi wabeja. Ito yicōri yutabuju mūa sāñarise rāca riti waja. Wasoa sāñado āmimenati waja, yiyiju Jesús. <sup>4</sup> Ito yicōri cuto mūa ejaja mūa sāja ejari witi ñacōama. Iti wi ñarāti mcana gaje cutoju warā yirāji mūa. <sup>5</sup> Gaje cutoju mūa ejaroca iti cuto gāna mūare ĩna boca āmibeja riojoti rētaoaja. Ito yicōri iti cuto rēta warāti mūa ya gubuju sita wārisere ja bateba. Ito bajiro mūa yija ticōri, “Īnare queno boca āmibiju mani”, yi tuoārā yirāji iti cuto gāna, yiyiju Jesús ĩnare.

<sup>6</sup> Ito bajiro ĩ yija tuocōri, jeyaro catoriju Dios oca goti ucurā wayijarā ĩna. Ito yicōri cōrāre cuni maso ucurā wayijarā ĩna.

### *Herodes ĩ tuoĭa oca jaire gaye* (Mt 14.1-12; Mr 6.14-29)

<sup>7</sup> Ito bajiro ĩna yi ucuroca, Herodes Galilea sita ũju, jeyaro Jesús ĩ yigore tuoŷiju ĩ. Gājerā Herodesre ado bajiro yi gotiyijarā ĩna: “Godaru ñabojaguti mcana catiami Juan”, yiyijarā gājerā ĩre. ĩna ito yija tuocōri, no bajiro yi tuoĭa masibisiju Herodes. <sup>8</sup> Gājerāma, Herodesre ado bajiro yiyijarā ĩna: “Elías goaĭoru”, yiyijarā gājerā. Ito yicōri gājerāma, “Jane mejeju Diore goti ĩsiri masu godacōri mcana catiru”, yiyijarā ĩna. <sup>9</sup> ĩna ito bajiro gotirise tuocōri, ado bajiro yiyiju Herodes:

—Yumasiti Juanre ĩna rijoga jatatoni roti ñucacu yu. ¿Ñimūōcū ñati ito bajiro jaje oca ruyugu? yiyiju Herodes.

Ito bajiro iti bato oca ruyuja tuocōri, bato ti āmoyiju Herodes Jesure.

### *Cinco mil ñarāre Jesús ĩ ecare gaye* (Mt 14.13-21; Mr 6.30-44; Jn 6.1-14)

<sup>10</sup> Jesús ĩ oca ĩna goti ucutoni ĩ cūana tūdi ejarā ĩnare rētagore Jesure goti jeocōyijarā ĩna. Ito bajiro ĩna gotija bero ricati busa Betsaida wame cūtiri cuto taju ĩnare āmi wayiju Jesús. <sup>11</sup> Ito bajibojarocati “Ito warāji ĩna”, yi masicōri ĩnare sūya wayijarā masa jājarā. Ito bajiro ĩna sūya ejaja ticōri, wanare rāca ĩnare boca āmijiju Jesús. Ito yicōri, “Īre tuorānūrāre ĩ rotiroju miojugu yiguĭji Dios”, yire oca gotiyiju Jesús ĩnare. Ito yicōri cōrāre cuni masoyiju ĩ.

<sup>12</sup> Rāiocūro ña wadiroca ĩ oca goti ucutoni ĩ cūana ĩ taju minijuacōri ado bajiro yiyijarā ĩna ĩre:

—Buto cuto meje ña ado. Ito bajiri queno bare buja masiña ma ado. Ito bajiri masare cutoju wa rotiya, bare ña buja masitoni, ito yicōri ña cani masitoni, yiyijarā ña Jesure.

<sup>13</sup> Ito ña bajiro yibojarocati:

—Muati ñare bare ecaya, yiyiju Jesús.

Ito ñi yija t̄ocōri, ado bajiro yiyijarā ña Jesure:

—Najuro co ñajamocō, ito yicōri wai j̄arāti ñama guare. ¿Ña ñarocōti masa ña barotire gua waja yirā ware āmoati mu? yiyijarā ña Jesure.

<sup>14</sup> Cinco milcō ñayijarā ña āmu. Romia ito yicōri r̄aca cani ñayijarā ña wato. Ito bajiro jājarā ña ñaja ticōri, ñi r̄aca riasotirāre ado bajiro yiyiju Jesús:

—Rujariaburi ruji rotiya, yiyiju Jesús ñi r̄aca riasotirāre.

<sup>15</sup> Ito bajiro ñi yija t̄ocōri, ito bajiro masare ruji rotiyijarā ña. <sup>16</sup> Ito bajiro ña rujija ticōri, co ñajamocō naju ñarisere, wai j̄arāre cani āmi r̄acoyiju ñi ya āmona. Ito yicōri macār̄ac̄oroju ti m̄ocōri Diore, “Queno ya mu”, yiyiju Jesús. Ito yicōri ñi najurore igata batoyiju, waire cani. Ito yicōri ñi r̄aca riasotirāre ñiyiju, masare ña batotoni. <sup>17</sup> Ito bajiro ña batoja boca āmicōri masa ñarocōti jediyijarā ña. Ito yicōri yaji quenaro ñayijarā ña. Ito bero ña yaji r̄etagore j̄ua gubojeno jiburi miosā dajoyijarā ña.

*Cristore “Dios ñi cōaru ña mu”, yi Pedro ñi goti quenore gaye  
(Mt 16.13-19; Mr 8.27-29)*

<sup>18</sup> Co r̄amu Diore busiroca gajeju busa wayiju Jesús. Ito ñi Jacure busi ñaroca, ñi r̄aca riasotirā ejayijarā ña. ña ejaja ticōri, ado bajiro ñare seniñayiju Jesús:

—¿No bajiro yi busiri masa yure? yiyiju Jesús.

<sup>19</sup> Ito ñi yija ado bajiro cudiyijarā ña:

—Gājerāma mure, “Masare idé guri masu, Juanti ñami”, yama ña mure. Gājerāma, “Elías ñami”, yama ña mure. Ito yicōri gājerāma, “Jane mejeju Diore goti ñsiri masu godacōri m̄cana catiru ñami”, yama ña mure, yiyijarā ña Jesure.

<sup>20</sup> ña ito yija t̄ocōri, ado bajiro seniñayiju Jesús:

—Muama, “Ñimu ñaguñi”, ¿yi t̄oñati yure? yiyiju Jesús.

Ito ñi yija ado bajiro cudiyiju Pedro:

—Cristo Dios ñi cōaru ña mu, ya yu mure, yiyiju Pedro Jesure.

*Yure s̄arā yirāji, Jesús ñi yire gaye  
(Mt 16.20-28; Mr 8.30-9.1)*

<sup>21</sup> Ito ñi yija t̄ocōri, gājerāre goti bato yibesa, yiyiju Jesús Pedrorre. <sup>22</sup> Ito yicōri ñare ado bajiro yiyiju Jesús:

—Yu Masa R̄jor̄u ñeñaro t̄obujagu yiguja yu. Ito bajiri judio masa busarā, paia ujarā, ito yicōri judio masa rotirise riasori masa cani yure ti tudirā yirāji ña. Ito bajiri yure s̄arā yirāji masa. Ito bajiro yure ña yibojarocati yu godaja bero, uñia r̄amu bero m̄cana t̄adi yu catiroca yigu yiguñi Dios, yiyiju Jesús ñare.

<sup>23</sup> Ito bero ña ñajedirore ado bajiro gotiyiju Jesús:

—S̄igū yure ñi s̄aya āmoja, ñi ye ñaroti t̄oñabiticōri yujare t̄uo mai s̄yagu yiguñi. Yucut̄eo gajagu robo bajiro t̄obujabojaguti yure riti s̄yagu yiguñi ñi. <sup>24</sup> No ñi catirise maibojaguti godagu yiguñi. Ito bajibojarocati yure t̄uoḡan̄ḡu, yu oca ñi gotija t̄uo junisinicōri ña s̄iaḡama catit̄ñare gaye bujagu yiguñi. <sup>25</sup> S̄igū adi macār̄ac̄oro gaye gajeoni jeyaro ñi bujabojarocati ñi godari r̄amu, catit̄ñare ñi bujabeja, ito yicōri Dios ñe ruyurioja ñeju waja mano yiroja ñe. <sup>26</sup> Yu Masa

Rĩjoru uju ñacõri tũdi ejagu yiguja yu mucana. Rẽtoro ñasarise yu Jacu yure ĩ ĩsijare ito yicõri ángel mesa ĩna ñasaro bajiro yure ĩ jidicãjare, co rumu ñasari masu uju tũdi ejagu yiguja yu. No yure masigũ ñabojaguti, yure ĩ bojoja ito yicõri yu oca masibojaguti ĩ bojoja yu tũdi ejari rumu ito bajiroti ĩre bojogu yiguja yu cuni. <sup>27</sup> Riti ya yu muare. Mũa wato coriarã, ado ñarã ĩna godaroto riojua, “ĩre tuorũnarãre miojusũogu yami Dios”, yi ti masirã yirãji ĩna, yiyiju Jesũs ĩnare.

*ĩna tiro riojo Jesũs ĩ godo wedire gaye*

(Mt 17.1-8; Mr 9.2-8)

<sup>28</sup> Ito bajiro ĩ yija bero, udia amojeno rumuri berocõ, gũtagũju mũja wayiju Jesũs ĩ Jacu Diore busiroca. Ito yicõri Pedro, Santiago, Juanre cuni ami wayiju ĩ. <sup>29</sup> Gũtagũ joeju ejacõri Diore busiyiju Jesũs. Ito bajiro Diore ĩ busiroca ĩ ya rio gajero bajiro godo wediyiju. Ito yicõri ĩ ya yutabuju cuni bato boticõri yoro ñayiju. <sup>30</sup> Ito ĩ yi ñaroca, umua jũarã ĩ rãca busirã goaĩoyijarã. ĩna jũarã ñayijarã Elías, Moisés ñayoana. <sup>31</sup> Ito bajicõri Dios ĩ yorise watoju ñayijarã ĩna. Ito bajiro Jesure busirã, Jerusalenju ñeñaro tũbujacõri ĩ godaroti gayere ĩre busiyijarã ĩna. <sup>32</sup> Ito bajiro ĩna yiroca, Pedro mesa bato canibojarãti, ito bajijare yuyijarã. Yujicõri Jesũs ĩ yorise, ito yicõri ĩ rãca ñarã yorisererã tiyijarã ĩna. <sup>33</sup> ĩna jũarã Jesũs rãca busiana, ĩna ĩre wagoja ticõri, ado bajiro yiyiju Pedro:

—Guare riasogu, iti rẽtaroca gua ti ñaja quena ña guare. Muare yiari udia wi meni ĩsirũja gua. Mũre co wi, Moisésre gaje wi, ito yicõri Elíasre gaje wi, yiyiju Pedro Jesure.

Ito bajiro busibojaguti, ĩ busirisere tuo masibisiju Pedro. <sup>34</sup> Ito bajiro ĩ busiroca, ide bueri ruji wadiyiju. Ide bueri ĩnare quedi jea biajare gũiyijarã ĩna. <sup>35</sup> Ito yicõri ide bueri wato ado bajiro oca ruyuyiju ĩnare:

—Āni ñami yu Macu yu maigũ. ĩre queno tuorũnaña mũa, yi ruyuyiju oca ĩnare.

<sup>36</sup> Ito bajiro oca ĩna tuoja bero Jesũs sigũti ĩ ñaja tiyijarã ĩna. Iti rẽtaja ticõri, ito baja yibisijarã ĩna. Ito yicõri gãjerãre cuni goti bato yibisijarã.

*Rãmú sãñagũre rãmũre Jesũs ĩ bucõare gaye*

(Mt 17.14-21; Mr 9.14-29)

<sup>37</sup> Ito bajiri gaje rumu gũtagũ joeju ñana ruji wayijarã ĩna. ĩna ruji ejaja ticõri, masa jãjarã Jesure bocatiyijarã. <sup>38</sup> Masa jãjarã wato sigũ oca seoro Jesure busiyiju:

—Yure riasogu mũre josa yu, yu macure mũ ti maitoni. ĩ sigũti ñami yu macu.

<sup>39</sup> Biyaro rãmú ĩre sãjacõri, ĩ usi jediroca yami. ĩ awasãroca ito yicõri ĩ ya rise somo budiroca yami. Ito bajiro ñeñaro ĩre yicõri ĩre budigo amobeami rãmú.

<sup>40</sup> Mũ rãca riasotirãre rãmú bucõa rotibojacu yu. Ito yu yibojarocati, rãmũre bucõa masibiticã ĩna, yiyiju ĩ Jesure.

<sup>41</sup> Ito ĩ yija tuocõri, Jesũs ado bajiro cadiyiju:

—Ba, ya yu. Queno yure tuorũnarã meje ña mũa. Ito yicõri yure rãcũbuorã meje ña mũa. Yoari muare yu riasobojarocati yure tuorũnũbea mũa maji, yiyiju Jesũs ĩnare.

Ito yi tũcõri rãmú sãja ecoru jacure:

—Adojua mũ macure ami wadite maji mũ, yiyiju ĩ.

<sup>42</sup> Ito bajiro macuacãre ĩ ami waroca mucana tũdi rãmú quedi sãjayiju ĩre. Ito yicõri jacaju ĩ quedi quearoca yicõri ĩ usi jediroca yiyiju rãmú ĩre. Ito bajiro ĩ yija ticõri, rãmũre budi rotiyiju Jesũs. Rãmũre Jesũs ĩ bucõaja bero queno cati quenayiju macuacã mucana. Ito yicõri macuacãre ĩ jacure judacõayiju Jesũs

mucana. <sup>43</sup> Dios ĩ masirisena ito bajiro Jesús ĩ yija ticōri, ito ñana ti ucayijarā masa.

*Yure sġarā yirāji, yi mucana Jesús ĩ tūdi gotire gaye*  
(Mt 17.22-23; Mr 9.30-32)

Ito bajiro ĩ yirise masa ĩna ti wanuroca, ado bajiro yiyijū Jesús ĩ rāca riasotirāre:

<sup>44</sup> —Ado yū gotirise queno tayoya mūa. Ito yicōri ācabojaheja. Yū ña Masa Rġjorū Dios ĩ cōarū. Yure ñiacōri gājerāre ĩsirā yirāji ĩna, yure ĩna sġatoni, yiyijū Jesús ĩ rāca riasotirāre.

<sup>45</sup> Ito bajiro ĩ yibjojarocati, ĩnare tūo masi rotibisijū Dios maji. Ito bajiro ĩ yijare Jesús ĩ gotirisere tūo masibisijarā ĩna. “Mū gotirisere mucana guare goti quenoña”, yi gūi ñayijarā ĩna.

*¿Ñimū ñati ñasagu ñarocū? ĩna yi seniāre gaye*  
(Mt 18.1-5; Mr 9.33-37)

<sup>46</sup> Ito bajiro ĩna baji ñaroca:

—¿Ñimūjūa ñagū yigūjida ñasagu? yi gāmeri būsijijarā ĩna Jesús rāca riasotiri masa.

<sup>47</sup> Ito bajiro ĩna gāmeri būsirisere, tūo masicōyijū Jesús. Ito yicōri sġgū macuacāre ĩ tū tūami rūgōyijū Jesús.

<sup>48</sup> Ito yicōri ĩ rāca riasotirāre ado bajiro yiyijū Jesús:

—No yure rūcubūocōri āni macuacāre boca āmiro bajiro, yure cūni boca āmigū ñami ĩocū. Ito yicōri yure boca āmigū, yure cōarure boca āmigū ñami ĩ. No mūa rāca gagū, “Gājerā rēto būsaro tūoġagū ña yū”, yibicū ĩ ñagū yigūji ñasagu, yiyijū Jesús ĩnare.

*Manire tūo tudibicū ĩ ñaguġji mani baba, Jesús ĩ yire gaye*  
(Mr 9.38-40)

<sup>49</sup> Ito ĩ yija bero ado bajiro yiyijū Juan ĩre:

—Guare riasogū, sġgū mū wamena rūmūare bucōagū ticū gūa. Gūa rāca gagū meje ĩ ñajare rēocū gūa ĩre, yiyijū Juan Jesure.

<sup>50</sup> Ito ĩ yija tūocōri:

—Rēobeja mūa. No manire tūo tudibicū ĩ ñaguġji mani baba, yiyijū Jesús ĩnare.

*Santiago, Juanre cūni Jesús ĩ goti quenore gaye*

<sup>51</sup> Ūmacūjū Jesús ĩ waroto iti cōñajare, “Yure ĩna sġa āmobojarocati Jerusalénjūa wasagu yigūja yū”, yi oca sēoyijū Jesús. <sup>52</sup> Ito bajiro tūoġacōri ĩ riojūa queno yuronare cōayijū Jesús. Samaria sita cutojū canirajuri āmarā wayijarā ĩna.

<sup>53</sup> Jerusalénjūa warā yama yi ti masicōri, boca āmi āmobisijarā Samaria sita gāna ĩnare. <sup>54</sup> Ito bajiro ĩna yija ticōri, Jesús rāca riasotirā Santiago, Juan ado bajiro yiyijarā Jesure:

—¿Gūa ĩnare ruyuriorona Diore jea queo rotire āmoati mū? yiyijarā ĩna Jesure.

<sup>55</sup> ĩna ito yija tūocōri, oca sēoro ĩnare ticōri ado bajiro ĩnare tudijijū Jesús:

—Ito bajiro mūa tūoġaja, rūmū bajiro tūoġarā ña mūa. <sup>56</sup> Yū ña Masa Rġjorū. Masare ruyuriorocū meje wadicū yū. ĩnare masorocū wadicū yū, yiyijū Jesús ĩnare.

Ī ito yija bero gaje cutojū wayijarā ĩna mucana.

*Jesure tūo sūya āmorā*  
(Mt 8.19-22)

<sup>57</sup> Ito ma ĩna waroca sġgū āmūgū ado bajiro yiyijū Jesure:

—Yū Ūjū, no mū waroti mū rāca wa āmoa yū, yiyijū ī Jesure. <sup>58</sup> Ito bajiro ī yija tūocōri, ado bajiro cūdiyijū Jesús ĩre:

—Buyairo mesa totijū canicā ĩna. Ito yicōri minia ĩna ya jibūrijū canicā ĩna. Ito bajibojarocati yū Masa Rĭjorū, dijū yū canirijū ma yūre. Ito bajiri yūre mū sūyaja josari űaroja mūre, yiyijū Jesús ĩre.

<sup>59</sup> Ito yicōri gājire ado bajiro yiyijū Jesús:

—Yū rāca waya, yiyijū Jesús.

Ito ī yijare:

—Yū Ūjū, yū jacū rāca űagū ya maji. Ī godaja bero mū rāca wacūja yū, yiyijū ī Jesure.

<sup>60</sup> Ito bajiro ī yija tūocōri, ado bajiro cūdiyijū Jesús:

—Yūre masimena mojaro itirea. Muāma, “Īre tūorūnūrāre miojugū yiguĭji Dios”, yire oca goti ucuya muāma, yiyijū Jesús ĩre.

<sup>61</sup> Ito yija ado bajiro yiyijū gāji Jesure:

—Yū Ūjū, mū rācati wa āmoa yū. Cajero maji yū ya wi gānare ware gotigu wacū ya yū maji, yiyijū ī Jesure.

<sup>62</sup> Ito ī yija tūocōri, ado bajiro cūdiyijū Jesús:

—Sĭgū yū rāca wasūogū, iti rūmūjū ī yigore mūcana tūdi ī tūoĭaja, Dios masa jeyaro űjare queno moa ĩsi masibeami ĩocū, yiyijū Jesús ĩre.

## 10

### *Setenta y dos űarāre Jesús ī cōare gaye*

<sup>1</sup> Ito ī yija bero setenta y dos űarā beseyijū mūcana. Ito yicōri ī waroti cūtoricōti jūarā, jūarā, jūarā ī riojūa wa yu rotiyijū.

<sup>2</sup> ĩnare wa yu rotigū ado bajiro yiyijū ī ĩnare:

—Riti ya yū. Ote jaje iti bucūabojarocati moari masajūa jaibeamā. Ito bajiri ote űjare ī ya moari masare ote āmi rotija quena. Riti ya yū. Jājarā űama yū oca masimena. Ito bajibojarocati coriarā űama yū oca ĩnare goti ucuroña. Ito bajiri Diore seniña ĩ oca goti ucuronare ī cōatoni. <sup>3</sup> Wasa mūa. Guĭjorojū mūare cōa yū. Ito bajiri queno tūoĭaña. Oveja yaia tū ĩna ejarā waro bajiro mūare cōa yū. <sup>4</sup> Gajeoni sāra buju āmi wabeja. Niyeru sāra buju cūni āmibesa. Ito yicōri gaje gūboco mūa wasoaroti āmi wabeja. Ma masa mūa bocaja yoari busi rāgō yibeja mūa. <sup>5</sup> Cuto ejacōri co wi mūa sājaja, iti wi gānare ado bajiro yiba: “Dios queno yijaro mūare ito yicōri queno űaña mūa”, yiba mūa. <sup>6</sup> ĩna mūare queno ĩna cūdija, quena űaro yiroja ĩnare. Ito bajibojarocati queno mūare ĩna cūdibeja quenabeto yiroja ĩnare. <sup>7</sup> ĩna cūdija ticōri, iti wi tujacōri, ĩna ecaro bajiroti baba mūa. Diore moa ĩsirā mūa űajare mūa riasorājūa mūare bare ecarā yirāji ĩna. Gaje wi, gaje wi, sāja ucu yibeja mūa. <sup>8</sup> Cuto mūa ejaja ĩna mūare boca āmija ĩna ecaro bajiroti baba. <sup>9</sup> Ito gāna cōrā ĩna űaja, ĩnare yisioba. Ito yicōri ado bajiro ĩnare gotiba: “Yoari mejeti ĩre tūorūnūrāre ī rotirojū miojugū yiguĭji Dios. Ito bajiri ĩre mani tūorūnūja quena”, yī gotiba.

<sup>10</sup> Gaje cuto mūare ĩna boca āmibeja, majū wija rūgūcōri ado bajiro ĩnare gotiba:

<sup>11</sup> “Mū ya cuto gaye sita gua ya gūboco wārisere jacācōa gua mūa guare boca āmibejare. Masiña mūa. ‘Īre tūorūnūrāre miojugū yiguĭji Dios’, yire gaye mūare gotirona ejabojā gūa”, yiba ĩnare, yiyijū Jesús.

<sup>12</sup> ‘Gaje ado bajiro mūare gotia yū. Iti cuto gāna mūare boca āmimena, Sodoma cuto gāna rēto busaro űeñaro tōbūjarā, yirāji ĩna, Dios ī waja seniri rūmū, yiyijū Jesús ī rāca riasotirāre.

*Cutori gāna riojo cudimena oca*  
(Mt 11.20-24)

<sup>13</sup> Gaje ado bajiro gotiyijū Jesús ĩnare:

—Bujato bajia ĩnare. Buto ñeñaro tōbujarā yirāji Corazín gāna, ito yicōri Betsaida gāna cuni. Ito bajiroti tōbujarā yirāji. Jaje tiyamani ĩnare ĩbojacu yu. Ito yu yibojarocati ĩna ñeñaro yirise jidicā āmobiticā ĩna. ĩnare yu ĩcato bajiroti Sidón, ito yicōri Tiro gāna yu ĩoja, ĩna ñeñaro yirise iti rumujū jidicāboana. Ito yicōri ĩna ñeñaro yirise tuoĭa bojori bujarā, saya wanare gaye meje sāñaboana ĩna. Ito yicōri “Buto bojori buja gua”, yirona oja tuboana ĩna ya riojū. <sup>14</sup> Dios ĩ waja seniri rumu Tiro, Sidón gāna rētoro ñeñaro tōbujarā yirāji Betsaida gāna, Corazín gāna cuni. <sup>15</sup> Ito yicōri, “Ūmacūju Dios tujū ejarā yirāji mani”, yi tuoĭabojarāji Capernaum gāna. Ito bajiro tuoĭabojarāti jeame ūjuroju warā yirāji ĩna, yiyijū Jesús ĩ rāca riasotirāre.

<sup>16</sup> No muare tuoguti, yure cuni tuogu ñami. No muare āmobeā yirā, yure cuni āmorā meje ñama ĩna. No yure āmobeā yigū, yure cōarure cuni āmogū meje ñami ĩocā, yiyijū Jesús ĩ rāca riasotirāre.

*Setenta y dos ñarā ĩna tūdi ejare gaye*

<sup>17</sup> Mucana ĩ tu tūdi ejarā buto wanū tūdi ejayijarā Jesús ĩ cūana setenta y dos ñarā. Ito yicōri Jesure ado bajiro yiyijarā ĩna:

—Gua Ūju, rāmūā sāja ecoana rāmūare gua budi rotija, ñaro bajiroti guare cudicā ĩna, yiyijarā ĩna Jesure.

<sup>18</sup> ĩna ito yija tuocōri, ado bajiro yiyijū Jesús ĩnare:

—Rāmūā ūju Satanás rētoro masigū ña yu. Ūmacūju bujo ĩ jarise robo bajiro Satanás ĩ quedi wadija ticu yu. <sup>19</sup> Cotiwāja, āñare cuni cudabojarāti mūa cuni ecobe yirocu, yu masirise muare jidicācu yu. Ito yicōri mūa wjacure rētocūma yirocu, cūcu yu muare. Yu masirise muare yu jidicājare ñejua muare junibetoja. <sup>20</sup> “Rāmūare gua budi rotija ñaro bajiroti cūdiqū guare”, yi masibojarāti buto wanū quenasaroti meje ña itiamā. “Ūmacūju yu warotoju yu wame wōre ñacāroja”, mūa yi masija, iti ña buto wanū quenare gaye, yiyijū Jesús ĩnare.

*Jesús ĩ wanare gaye*  
(Mt 11.25-27; 13.16-17)

<sup>21</sup> Ito ĩ yirocati Jesús ĩ wanū quenaroca yiyijū Espiritu Santo. Ito bajiri ado bajiro yiyijū Jesús Diore:

—Cuna mure buto rucubuoā yu. Mū ña adi tuti gagu Ūju, macārucāro jeyaro Ūju. Ado gāna buto riasotiana, ito yicōri buto masirā, mū oca ĩna tuo masibitire oca, ñasari masa mejejuare mū oca ĩna tuo masiroca yicu mū. Mū āmoro bajiroti bajicu. Iti ya yu Cuna mure, yiyijū Jesús Diore.

<sup>22</sup> Jeyaro ūju yu ñatoni yure cūquī yu Jacu. Yu Jacu sigūti queno yure masiguji. Ito yicōri yu sigūti yu Jacure queno masia. Gājerā cuni yu Jacure masiroca, yu yi āmoja, yu jacure masirā yirāji ĩna cuni, yiyijū Jesús masare.

<sup>23</sup> Ito yicōri ĩ rāca riasotirāre riti ado bajiro yiyijū Jesús:

—Yu ĩorise ticōri buto wanū quenare ña muare. <sup>24</sup> Ado bajiro muare ya yu. Jane meje gāna Dios oca goti ĩsiri masa, ito yicōri ūjarā masa cuni adocāta mūa tirise buto ti āmobjayijarā ĩna. Ito bajibojarāti itire ti bujabisijarā ĩna. Ito yicōri adocāta mūa tuorise buto tuo āmobjayijarā. Ito bajibojarāti itire tuobisijarā ĩna, yiyijū Jesús ĩ rāca riasotirāre.

*Samaria sita gagū gājire ĩ queno yire gaye*

25 Ito bajiro yi ñaroca sīgū judio masa rotirise riasori masu, wadiyijū Jesús rāca busiroca: “Riti masiati Jesús”, yi tuoīacōri seniīagū ejayijū ī. Ado bajiro ĩre seniīayijū:

—¿Yu ũjū, catitīñare gaye yu buja āmoja no bajiro yigujada yu? yiyijū ī Jesure.

26 Ito ĩ yija tuoōōri:

—¿No bajiro wāñati ucare, Dios ĩ rotire gaye? Ito yicōri, ĩtore ma tija no bajiro tuoīati ma? yiyijū Jesús ĩre.

27 Ito bajiro ĩ yija tuoōōri, ado bajiro cūdiyijū judio masa rotirise riasori masu:

—“Mani ũjū Diore buto maija quena. Mani tuoīa oca seōrisena, ito yicōri mani ya usina cūni buto Diore mani maija quena. Ito yicōri manimasi mani mairo bajiroti mani ñarāre cūni mani maija quena”, yi gotia Dios oca, yiyijū ĩ Jesure.

28 Ito ĩ yija tuoōōri:

—Ñaro bajiroti cūdia ma. Ito bajiroti ya Dios oca. Ito bajiro ma yija, catitīñagū yigujā ma, yiyijū Jesús judio masa rotirise riasori masure.

29 —“Yu ñarāre queno yigū meje ña yu”, yi tuo masicōri, “¿Noajua ñati yu ñarā?” yi seniīayijū ĩ Jesure.

30 Ito bajiro ĩ yija tuoōōri, ado bajiro gotiyijū Jesús ĩre:

—Sīgū Jerusalénjū ñagū Jericóju roja wayijū. Ma ĩ waroca riniri masa ĩre ñiacōri jeyaro ĩ gajeoni cutirise ĩre ēmayjarā. ĩ ya yutabujuri cūni ĩre ēma jeocōyjarā ĩna. Ito yicōri ĩre buto janugā cūcōri, ĩre wagoyjarā ĩna. 31 Ito ĩ baji cūñaroca pai cūni iti mati wayijū. ĩre ti bujabojaguti riojoti rētaoayijū ī. 32 ĩ bero gāji Levita masu ejayijū ĩ tu. ĩre ti buja wacuti riojo rētaoayijū ĩ cūni. 33 Ito bajiro ĩre ĩna ti rētaja bero sīgū Samaria sita gagu iti ma wacuju ti bujayijū ĩre. Ito yicōri ĩre ti maiyijū. 34 Ito bajiri ĩ tu ejacōri ĩre camī uco yiyijū ī. Iti camī uco yigū ayena ito yicōri ayé idena uco yiyijū ĩre. Ito yicōri ĩ ya camire wōbiayijū. Ito bajiro ĩre yicōri ĩ ya burro joeju ĩre mōjeoyijū. Ito yi tīgū, canira wiju ĩre āmi wacōri ñamiasaro ĩre tirūnyijū. 35 Samaria sita gagu busuri wacu canira wi ujure juati niyeruti ĩsiyijū. Iti ĩsi wacu ado bajiro yiyijū ĩ ĩre: “Āni cōgure tirūnaña. Jairo waja mure iti godaja, tūdi ejagu mure wa yicuja ya mucana”, yiyijū ĩ canira wi ujure, yi oca gotiyijū Jesús judio masa rotirise riasori masure. Iti oca goti tīgū ado bajiro ĩre seniīayijū mucana Jesús: 36 “¿ĩna udiarā wato ñimujua ñarada riniri masa ĩna jasía cūwure, ti mairu?” Yi seniīayijū Jesús judio masa rotirise riasori masure.

37 Ito ĩ yija tuoōōri:

—Samaria sita gagu ĩre ti mairu. ĩ ñaru ĩ yagu, yiyijū ĩ Jesure.

Ito bajiro ĩ yija ado bajiro yiyijū Jesús ĩre:

—Wasa, ĩ yiado bajiroti yiba ma cūni, yiyijū Jesús ĩre.

### *Marta mesa ya wiju Jesús ĩ ejare gaye*

38 Ito ma wacuju cuto ejayijū Jesús. Iti cuto ejacōri Marta wame cutigo, ya wi wayijū ī. ĩ ejaja ticōri, queno boca āmiyijo iso ĩre. 39 Iso ocabajio María wame cutigo ñayijo. Iso Jesús ya gūbo tu rujicōri, ĩ gotirisere tuo rujijijo. 40 Martama iso moarise gaye tuoīagō usirioro tōbujayijo. Ito bajiri Jesús tu eja rāgūcōri, ado bajiro busiyijo iso:

—¿Yu ũjū, no yibeati mure yu ocabajio yare ejabuabecoti ma tu iso rujija? “Ma rījorore ejabuaya maji”, yiya isore, yiyijo Marta Jesure.

41 Ito bajiro Marta iso yibojarocati ado bajiro cūdiyijū Jesús isore:

—Marta mu moare cutirise usirioro baja mare. Ito bajiri usirioro tɔbɔja mu.  
 42 Buto ñasarise gaye cɔjiti ña. Yu busirise tɔocɔri, mu ocabajio María, ñasarisere bɔjamo. Nijna iso tɔo ãmisãrise isore ãmicãbiquji yiyiju Jesús Martare.

## 11

*Diore mani seniroti Jesús i riasore gaye  
 (Mt 6.9-15; 7.7-11)*

1 Co rumu Diore busiyiju Jesús. I busi tioroca i rãca riasotigu sīgũ ado bajiro busiyiju:

—Yu Uju, Juan rãca riasotiana i riasoado bajiro guare cuni riasoya, Diore gua busi masitoni, yiyiju i Jesure.

2 Ito i yija tɔocɔri:

—Diore mu busija ado bajiro yiba:

Gua Jacu, umacũju gagu ña mu. Mu wame masicɔri masa jeyaro rucubuojaro ñna. Masa jeyaro Uju mu ñaroti rumu ejare ãmoa gua. Umacũjuga tuti cuni mu ãmoro bajiroti ñayija. Ito bajiri adi sitaju cuni mu ãmoro bajiro riti ñare ãmoa gua.

3 Co rumu guayabeto gua baroticɔti guare naju ñsiña.

4 Gua ñeñaro yirisere ãcabojoa. Gua cuni guare ñeñaro yirãre ãcabojoa. “¿No bajiro yure cãdirã yirãjida ñna?” yi tɔoãbesa guare. Gua ñeñaro yibititoni guare ejabuaya. Itocɔ ña. Amén, yiba. Ito bajiro Diore mua busija quena, yiyiju Jesús i rãca riasotirãre.

5-7 Gaje ado bajiro ñnare gotiyiju Jesús:

—Sīgũ mua baba ñami gudareco mua ya wi ejacɔri ado bajiro i yija, “Yu baba, gãji yu baba wa ucuri masu yu ya wiju ejami. Ñe ecare ma yure. Ito bajiri yure naju wasoaya mu”, i yija, mua wi toti ado bajiro cãdirã yirãji mua: “Usirioro yibesa yure. Soje cuni biado ña. Ito yicɔri yu rã rãca canigũ ya yu. Ito bajiri ñeña ñsirocũ wagãdo ma yu”, yi cãdirã yirãji mua. 8 Ito bajiro mua babare mua ñsi ãmobotibojaja cuni, ñre ñsirã yirãji mua, mucana i usirioro seni uyabe yirona. Ito yicɔri i ãmorocɔ ñsirã yirãji mua, ya yu muare. 9 Ado bajiroti yire ña Diore mani senija. Mani Diore senija manire ñsigũ yiguñji. Ñre mani ãmaja bujarã yirãji mani. “Mure busi ãmoa yu”, mani yija, busi rotigu yiguñji manire. 10 No senigũti boca ãmiguñji. No ãmagũti bujagu yiguñji. “Busi ãmoa yu”, yigureti busi rotigu yiguñji Dios.

11 Adocãta mua rã ñna naju senija, ¿Gũtagã ñsire ñarojada muaca? Ito yicɔri wai ñna senija, ¿Ñña ñsire ñarojada muaca? 12 Ito yicɔri cara ria ñna senija, ¿cotiwãja ñsire ñarojada muaca? Ñsimenaji mua, yi tɔoã yu. 13 Ñeñaro yirã ñbojarãti, mua rã ñna senija quenarise yirã yirãji mua. Mani rãre quenarise riti mani ñsija, Dioama mani Jacu umacũju gagu, ñre mani senija, yiro bajiroti Espiritu Santo manire queo sãguñji, yiyiju Jesús i rãca riasotirãre.

*Rãmúu ujũ rotirise boca ãmicɔri yami Jesús, ñna yire gaye  
 (Mt 12.22-30; Mr 3.20-27)*

14 Sīgũre rãmúu quedi sãjacɔri, i busibeto yiyiju. Ito i baji ñaroca rãmúre bucɔayiju Jesús. Rãmúre i bucɔaja beroti busicoayiju i busibicu ñbojaru. Ito bajiro iti rãtãja ticɔri, ucayijarã masa. 15 Ito bajibojarocati coriarã ado bajiro tɔoãyijarã:

—Ñni umũgũ rãmúare i bucɔarise, rãmúu ujũ Beelzebú wame cutigu masirisenati bucɔami, yi tɔoãyijarã coriarã.



16 Gājerāma, “Dios cōaru ñami ĩ”, gua yi tuoĩatoni, ũmacūju gaye tiyamani guare ĩogū yiguĩji ĩ, yi tuoĩayijarā ĩna. 17 Ito bajiro ĩna tuoĩarisere masicōyiju Jesús. Ito bajiri ado bajiro gotiyiju ĩ ĩnare:

—Co sita gāna ñabojarāti ricati riti ĩna tuoĩaja, ito yicōri ĩna gāmeri jaja, queno ña masimenaji ĩna. Co wi gāna ñabojarāti ricati riti ĩna tuoĩaja queno corocō ña masimenaji ĩna. 18 Ito bajiroti rāmúa uju Satanás, ĩ ñarāre ricati riti tuoĩaroca ĩ yija, ĩna uju queno ña masibiquĩji. Ado bajiro muare gotia yu. “Rāmúa uju Beelzebú ĩ masirisena rāmúare bucōami”, yiboja mua yure. 19 Rāmúa uju masirisena yu rāmúare bucōaja, ĩ mua rāca gānama ñimu masirisena rāmúare bucōati ĩna? “Gua rāca gānama rāmú masirise gayena meje rāmúare bucōama ĩna”, yi tuoĩa mua. Ito bajiri itire ti masicōri, “Rāmú masirisena meje rāmúare bucōami ĩ canĩ”, yi tuoĩa masia mua yure canĩ. 20 Ado robojua baja. Dios ĩ masirisena rāmúare bucōa yu. Ito bajiro yu yija ticōri, “Mani wato ñacāguĩji Dios. ĩre tuorānūrāre miojusuogu yami Dios”, yi masirūja muare.

21 ‘Īmagū sēogū, ito yicōri queno bisu catigu, ĩ ya wiju ĩ tirānūja, iti wiju gaye quenoti ñacōaroja. 22 Ito yibojarocati gāji ĩ rēto busaro sēocōri rētocūgū yiguĩji ĩre. “Adi yu bisu catija ñimajua yure rētocūbiquĩji”, yi ĩ tuoĩabojarocati ĩre rētocūgū yiguĩji. Ito yicōri ĩ gajeoni catibojarise ĩre ēmagū yiguĩji. Rāmúa uju rētoro masigū ña yu. Ito bajiri rāmúare bucōa masia yu, yi oca gotiyiju Jesús ĩnare.

23 ‘No yu rācajua ñabicu, yu rāca gagu meje ñami ĩocū. No yure ejabuabicu, gājerāre Diore masiroca yu yi āmbojarocati yure ñeñaro yi codegu ñami ĩ, yiyiju Jesús ĩnare.

### *Masare budigocōri mucana tūdi rāmú ĩ sājare gaye* (Mt 12.43-45)

24 ‘Sīgū masare rāmú ĩ budigoja, yucu manojū wa ucuguĩji tujaraju āma ucugu. ĩ bajabeja ado bajiro tuoĩagū yiguĩji ĩ: “Yu budigorare mucana tūdi sājacuja yu”, yi tuoĩagū yiguĩji ĩ. 25 Mucana tūdi ejagu ĩ budigorare quenora wi, ueri manĩ wi robo bajiro, ti ejagu yiguĩji ĩ. 26 Ito bajiro ti ejacōri gājerā rāmúa jua āmojeno ñarā ĩ rētoro ñeña busarā jigu yiguĩji ĩ, ĩ rāca ñatoni. Ito yicōri ĩna ñarocōti ĩ ũmagūre sājara yirāji. Ito bajicōri ĩ ũmagū, cajero ĩ bajiado rēto busaro bajigu yiguĩji. Ito bajiri, rāmú mucana tūdi sājame yirocu, Diore ĩ tuorānu suyaja quena, yiyiju Jesús ĩnare.

### *Dios oca mani tuorānūja wanu quenarā yirāji mani, Jesús ĩyire gaye*

27 Ito bajiro Jesús ĩ busiro toto ĩre tuorā wato sīgō oca sēoro ado bajiro busiyijo:

—Mu jaco mare rucocōri, mare ũjugō bato wanuyijo iso, yiyijo iso Jesure.

28 Ito bajiro iso yija tuocōri, ado bajiro yiyiju Jesús isore:

—Yu jaco rētoro wanurā yirāji, Dios rotirise tuocōri ĩna cudija, yiyiju Jesús isore.

### *Tiyamani mu ĩore āmoa gua, yi ĩna senire gaye* (Mt 12.38-42; Mr 8.12)

29 Ito bajiro Jesús ĩ busiroca jājarā busa masa ĩ tu minijua wayijarā. Ito yicōri ado bajiro ĩnare gotiyiju ĩ:

—Adi ramuri gāna ñeñaro yi jairā ña mua. Ado bajiro ya mua yure: “Tiyamani mu ĩoja ticōri, ‘Dios ĩ cōaruti ñami āni’, yiana gua”, ya mua yure. Ito mua yibojarocati tūdi muare ĩobicuja yu. Diore goti ĩsiri masu, Jonás ñayoru, ĩre rētagore riti muare goticuja yu. 30 Jonásre rētare ticōri, “Āniti ñami Dios ĩ cōaru”, yiyijarā Nínive cuto gāna. Yure canĩ ito bajiroti yirā yirāji mua. Yu ña Masa

Rījoru. Yare rētare masicōri, “Ī űami Dios ĩ cōaru”, yirā yirāji mua cuni yare. <sup>31</sup> Dios masare űeņaro ĩna yirise waja ĩ waja seniri rumu ado bajiro rētaro yiroja. Sheba cuto gago ujo űayoro, mua adi rumari gānare, “Muare seti űa”, yigo yigōji iso. Jane mejeju sōju wayoyijo iso, queno tūoĳagū rāca Salomōn wame cutigū rāca riasotiroco. Adocāta sīgū mua rāca űami Salomōn űajacu rētoro tūo masigū. Ito ĩ bajibojarocati queno ĩre tūorūnubea mua. <sup>32</sup> Ninive cuto gāna cuni ado bajiro yirā yirāji muare Dios ĩ waja seniri rumu: “Jaje seti űa muare”, yirā yirāji ĩna. Jane mejeju Ninive cuto gānare Dios oca gotiyoyiju Jonās űayoru. Jonās ĩ gotija tūocōri, űeņaro ĩna yirise jidicāűi ĩna. Ito bajiri quenarise riti tūoĳaűi ĩna. Adocāta sīgū űami mua rāca Jonās űayoru rētoro űasagu. Ito ĩ bajibojarocati queno ĩre tūorūnubea mua, yiyiju Jesūs ĩnare.

*Mani ya cajea busurica robo bajiro baja, yi Jesūs ĩ riasore gaye*  
(Mt 5.15; 6.22-23)

<sup>33</sup> Noajua sĳabusuoraga sĳayocōri ruyubetoju, jacaju cuni cūmenaji mani. Ito yicōri rujajedo totiju cuni cūmenaji mani. Ruyubeto cūrāonati gaje tutuju jeobusurāji mani, ejari masa queno tijaro yirona. <sup>34</sup> Rāitĳarise iti godaroca ya busurica. Mani ya cajea cuni busurica robo bajiro baja. Ito bajiri cajeana suoriti mani ya űsi queno tūo masiro yiroja. Tite mua. Quenarise mani tija queno tūoĳarā yirāji mani, mani ya űsiju. Ito bajibojarocati űeņarise mani tija űeņaro tūoĳarā yirāji mani, mani ya űsiju. Ito bajiro mani yija busuroju meje űarā yirāji mani. Rāitĳaroju űarā bajiro űarā yirāji mani űeņarise mani tūoĳa űyaja. <sup>35</sup> Ito bajiri quenarise riti tūoĳaraja manire, űeņarise riti mani tūoĳa űyabe yirona. <sup>36</sup> Mare sĳaticōri, “Adi majua űa quenari ma. Adi majua űa űeņari ma”, yi ti masia mani. Ito bajiroti baja mani ya űsiju cuni. Mani ya űsiju quenarise riti mani tūoĳa űaja, “Iti űa űeņarise”, yi ti masia mani, yiyiju Jesūs ĩ rāca riasotirāre.

*Mua fariseo gaye tūoĳarāre seti űa, Jesūs ĩ yire gaye*  
(Mt 23.1-36; Mr 12.38-40; Lc 20.45-47)

<sup>37</sup> Jesūs ĩ busi tĳoroca sīgū fariseo gaye tūoĳagū, “Yu ya wiju bato mani”, yirocu Jesure baba cutiyiju. Ito ĩ yija tūocōri, ĩ ya wiju sāja wacōri badoju eja rūjūyiju Jesūs. <sup>38</sup> ĩna baroto rioju judio masa ĩna āmo coesotiro bajiro Jesūs ĩ āmo coebeja ticōri, ti űcayiju fariseo gaye tūoĳagū. <sup>39</sup> ĩ ti űcaja ticōri, ado bajiro yiyiju mani űju Jesūs ĩre:

–Mua fariseo gaye tūoĳarā, joeti coeboja mua. Somotēro idira tērori cuni joeju riti coea mua. Totijuama űarocōti űeri cuticōa. Mua guaja cuni, joe ruju riti coea mua. Jubejuama űeņaro tūoĳa mua maji. Ito bajiri gājerā ĩna rucorise ti űorā ĩnare ruoa mua. <sup>40</sup> Queno tūoĳarā meje űa mua. Dios mua ya ruju rujeoru, mua ya űsi cuni meniűi. ĳtire masibeati mua? <sup>41</sup> Mua ya űsiju queno tūoĳacōri bojoro bujarāre ejabuaraja muare. Ito bajiro mua yija queno űsi cuti űarā yirāji mua.

<sup>42</sup> Bujato bujarā yirāji mua, fariseo gaye tūoĳarā. Dios ĩ rotiado bajiroti jeyaro mua bujarise ĩre jabeto judacōa mua. Ito bajiro mua yiriseama quena űa. Ito bajiro queno yirā űabojarāti gājerāre queno yĳbea mua. Ito yicōri Diore maibe. Ito bajiro yibitiraja muare.

<sup>43</sup> Bujato bujarā yirāji mua, fariseo gaye tūoĳarā. Minijuara wiju sāja wacōri rucuboraju riti ruji āmboja mua. Ma warā cuni gājire mua bocaja, rucubore rāca ĩ seniĳare āmoa mua. Mua űaroti gaye riti tūoĳa mua.

<sup>44</sup> Bujato bujarā yirāji mua. Gājerā ĩna tiro riojo queno yirā űa mua. Ito bajibojarocati ĩna tibetoju űeņaro yirā űa. Ito bajiro mua yija ticōri, “Queno

yirā ñama ña”, yibojama gājerā. Ito bajiro ña tuoľabojarocati queno yirā meje ña mua, yiyiju Jesús ñare.

<sup>45</sup> Ito bajiro i busija tuocōri, siġā judio masa rotirise riasori masu ado bajiro cadiyiju ire:

—Yare riasogu, ito bajiro mu busija queno ejabea guare, yiyiju i Jesure.

<sup>46</sup> Ito i yija tuocōri, Jesujua ado bajiro yiyiju ire:

—Bujato bujarā yirāji mua judio masa rotirise riasori masa cuni. Gājerāre jaje ūma rotia mua. Ñimujua muo yiado ma itire. Ito bajiro yicōri ñare ūma ejabua amobeaa mua. Jaje rotia mua. Jaje mua rotibojaja ñimujua muare cadi masibiquji. Ito bajiro rotirā ñabojarāti mua rotiro bajiroti yibea mua cuni.

<sup>47</sup> Bujato bujarā yirāji mua. Mua ñicusabatia Diore goti ĩsiri masare siañi. Ñare bajiroti baja mua cuni. <sup>48</sup> Ito bajiro mua bajija ti masicōri, “Ña ñicusabatia robo bajiro tuoľarā ñama ña cuni”, yi tuoľama masa muare.

<sup>49</sup> Ito bajiro ña yiroto riojua masi yucāyiju Dios. Jane mejeju queno tuoľagā ñari, ado bajiro yiyiju Dios muare tuoľa yugu: “Yare goti ĩsiri masa, ito yicōri yu oca goti ucuri masare cuni, ña tu yu cōaja, coriarāre sīarā yirāji ña. Ito yicōri gājerāre ña tōbujaroca yirā yirāji ña”, yi gotiyiju Dios jane mejeju. <sup>50-51</sup> Jane mejeju adi macārucāro i rujeoja bero ire goti ĩsiri masare siasuofni mua ñicusabatia. Tite mua. Abel ñayorare siañi ña. I bero gānare cuni jājarāre siañi ña. Ito yicōri Zacarías wame cutigare Dios ya wi gudareco rūgōgūre ire siasusañi mua ñicusabatia. Ito bajiri ña sīare waja, waja senigū yiguji Dios, ya yu muare adi rumuri gānare cuni, yiyiju Jesús.

<sup>52</sup> Bujato bujarā yirāji mua judio masa rotirise riasori masa. Dios oca riasotirā ñabojarāti, i ocare queno tuorūnubea mua. Ito yicōri Dios ocare gājerā ña tuorūnu amobojarocati rēoa mua ñare, yiyiju Jesús ñare.

<sup>53</sup> Ito bajiro Jesús i busi waja tuocōri, judio masa rotirise riasori masa, ito yicōri fariseo gaye tuoľarā bato junisiniyjarā ña Jesure. Ito bajiro junisinicōri usirioro ire jeyaro seniľayjarā ña. <sup>54</sup> Ito bajiro usirioro seniľa codeyjarā ña, i queno cadi masibeja ticōri, “Ire seti ña”, yirona.

## 12

*“Queno yirā ña gua”, yibojarāti ñeñarise yija quenabea, yi Jesús i riasore gaye*

<sup>1</sup> Ito baji ñaroca jājarā busa masa minijuarā, bidi warā gāmeri cadayijarā ña. Ito bajiro ña baji ñaroca i rāca riasotirāre ado bajiro gotisuoijju Jesús:

—Fariseo gaye tuoľarāre queno tuoľa masima. Mua tiro riojo queno yirāji ña. Ito bajibojarāti mua tibetoju ñeñaro yirāji ña. “Queno yirā ña gua”, yirā ñabojarāti ñeñaro yama ña. <sup>2</sup> Jeyaro mani yeyo busibojarise gayere masi jeorā yirāji masa. Ito yicōri no mani yeyobojarise cuni bujacōrā yirāji ña. <sup>3</sup> Mua yeyo busibojarisere masa jeyaro tuorā yirāji ña. Ito yicōri sojere biatucōri mua yeyo busibojarisere cuni masa jeyaro ña tuo jeditoni ūmacājju oca ruyuro yiroja, yiyiju Jesús i rāca riasotirāre.

*Diore mani ġūija quena, Jesús i yire gaye  
(Mt 10.26-31)*

<sup>4</sup> Mucana ado bajiro gotiyiju Jesús ñare:

—Yu baba mesa ado bajiro muare gotia yu. Rujure sīarāre ġūibitirāja manire.

Ña sīaja bero ñejuja gaje ñeñaro manire yi masimenaji ña ĩja. <sup>5</sup> “ĶÑimujua man i ġūija quenati?” yirocu muare gotigu ya yu. Diore mani ġūija quena. Dios

ī sīaja bero jeame ūjuroju mani ya ūsire ī cōa āmoja, cōagū yiguūji ī. Ito bajiri ījuare mani gūija quena.

<sup>6</sup> Co đajamacō minia mani īsija niyeru juatiacā senirā yirāji mani. Queno waja mama īnaōna. Queno waja mana īna űabojarocati sīgū īnare ācaboja yibiquūji Dios. Īnare queno tirānugū yiguūji Dios. <sup>7</sup> Manire cūni queno tirānūami Dios. Mani ya joare cūni, “Itocō joa cutiami ī”, yi masiami manire. Ito bajiri tuoīa oca jabitirūja manire. Minia rētoro űasarā űa mani, Dios ī tija, yiyiju Jesús Īnare.

*“Jesure masigū űa yu”, mūa yi bojobeja quena, Jesús ī yire gaye*  
(Mt 10.32-33; 12.32; 10.19-20)

<sup>8</sup> Ado bajiro mūare gotia yu: No masa riojo, “Jesure masia yu, ito yicōri Īre rūcūbuoa yu”, yigūre, yu Masa Rījora cūni, “Masia yu Īre”, yigu yigūja yu ángel mesa īna tiro riojo. <sup>9</sup> No “Jesure masibeja yu”, ī yija, “Masibeja yu cūni Īre”, yigu yigūja yu ángel mesa tiro riojo.

<sup>10</sup> No yu Masa Rījore, busitugū űabojaguti, “űeñaro yu yirise yure ācaboja”, ī yija tuoōri, Īre ācaboju yiguūji Dios. Ito bajibojarocati no Espīritu Santore busitugureama ī űeñaro yirisere ācaboja masibiquūji Dios.

<sup>11</sup> Minijuara wijū mūare āmi warā yirāji, ūjarā riojo, “Ānare seti űa”, yirona. Ito bajiro īna yibojarocati, “Ado bajiro cudicūja yu”, yi tuoīa ūsirio yibeja.

<sup>12</sup> Mūa busiroti iti eja waja, Espīritu Santo mūare ejabūagu yiguūji mūa queno busi masitoni, yiyiju Jesús Īnare.

*Gajeonire mani seobeja quena, Jesús ī yire gaye*

<sup>13</sup> Ito bajiro īna baji űaroca masa wato gagū sīgū ado bajiro yiyiju Jesure:

—Yure riasogu, guā jacū ī rūcogore gudarecona jidicājaro yu rījora yare, Īre gotiya yiyiju ī Jesure.

<sup>14</sup> Ito bajiro ī yija Jesuūama ado bajiro cudiyiju Īre:

—Ito bajiro yirocare meje ado yare cūni yu jacū, yiyiju Jesús Īre.

<sup>15</sup> Ito yicōri gaje ado bajiro gotiyiju Jesús Īnare:

—Queno tuoīa űa mūa gājerā ya gajeoni ūobe yirona. Gajeoni jairo mani rūcoja, jabetacā mani rūcoja cūni no yibeja. Buto űasarise meje űa gajeoni, yiyiju Jesús Īnare.

<sup>16</sup> Ito bajiro Īnare goticōri ado bajiro Īnare oca goti masioyiju Jesús:

—Sīgū gajeoni jaigu űayiju. Ī űari sita gaye ote queno rica cutiyiju. <sup>17</sup> Ito bajiro ī ya ote rica cutija ticōri, ado bajiro tuoīayiju ī: “¿Yu ya ote jaje busariserere no bajiro cūgū yigūjada yu?” yi tuoīayiju ī. <sup>18</sup> Gajereama ado bajiro tuoīayiju ī: “Mūtari wiri seora wiri jana batecūja yu. Ito yicōri cūri wiri menicūja. Ito bajiro cūri wiri menicōri yu ya ote seocūja yu, ito yicōri yu gajeoni cutirise cūni. <sup>19</sup> Iti gajeoni yu seorise jaje rodori űagū yigūja yu itina. Ito yicōri queno űacōagū yigūja yu īja. Yūmasiti queno bacūja yu. Idicūja yu”, yi tuoīayiju ī. <sup>20</sup> Ito bajiro yi ī tuoīabojarocati, ado bajiro yiyiju Dios Īre: “Queno tuoīabicū űa mū. Adi űamiti godagu ya mū. Ito bajiri jeyaro mū seobarise gāji ye űaro yiroja”, yiyiju Dios Īre, yi gotiyiju Jesús ī rāca riasotirāre. <sup>21</sup> Ito bajiro rētarō yiroja sīgū ī gajeoni cutirise ī seomcutija. Ito bajiro ī yija Dios taju űe bujabiquūji Īocā. Dios ī tija waja mamī, yiyiju Jesús Īnare.

*Īrīa masare tirānugū yiguūji Dios, yi Jesús ī riasore gaye*  
(Mt 6.25-34)

<sup>22</sup> Mūcana tūdi ado bajiro yiyiju Jesús ī rāca riasotirāre:

—“¿Mani catirã baroti, no bajiro bujarãti mani?” yi tuoia usirio yibesa. Ito yicõri, “¿No mani sãñaroti bujarãti mani?” yi tuoia usiriobesa. <sup>23</sup> Bare rëto busaro ñasarise ña mani catirise. Ito yicõri yutabujuri rëto busaro ñasarise ña mani ya ruju. Ito bajiri manire rujeorũ ñari mani ña masitoni bare, yutabujuri cuni Ìsigũ yiguĩji Dios. <sup>24</sup> Ìriare tuoiate mua. Weseca menicõri ote otecõri habiticã Ìna. Ito yicõri ote rica bujacõri Ìna seoroto manoja Ìnare. Ito bajibojarocati Dioama queno ecaguĩji Ìnare. Dios Ì tija watirã rëto busaro ñasarã ña mani. <sup>25</sup> “Yoari cati ãmoa yũ”, yi mani tuoiaobojaja cuni, “Itocõ catigũ yigũja yũ”, yi masibea mani. <sup>26</sup> “Itocõ catigũ yigũja yũ”, mani yi masibeja gaje gaye cuni tuoia usiriobiticõruja manire, yiyijũ Jesús Ìnare.

<sup>27</sup> Gaje, go iti judi mujarise tuoiate mua. Judi mujacõri moabetoja iti. Ito yicõri iti sãñaroti cuni ãmabetoja. Ito bajibojarocati uju Salomõn ñayoru seyorisẽ Ì sãñare rëtoro seyorisẽ ña go. <sup>28</sup> Nocõ mejeti ñacu go. Gaje rumuti ùmacañi Ì asirisenati siniacoacu. Ito bajibojarocati seyorisẽ cũi Dios itire. Go rëtoro ñasarã ña mani. Ito bajiri Ìre queno tuorãnurã meje ñabojarocati queno tirãngũ ñari mua sãñarotire muare jidicãgũ yiguĩji Dios. <sup>29</sup> Ito bajiri, “¿Gua sãñaroti, gua baroti no bajiro bujarujati?” yi tuoia usiriobiticõruja muare. <sup>30</sup> Ito bajiro tuoia usirio ñama adi macãrucõro gãna. Manireama mani jacũ sigũti ñami. “Adi ma Ìnare. Adire ãmoama Ìna”, yi masiguĩji Ì. <sup>31</sup> “Dios masa jeyaro Uju Ì rotiro bajiro yicũja yũ”, mani yija, iti ña ñasarise gaye. Ito bajiro mani yija mani ãmorise Ìsigũ yiguĩji Dios manire.

*Ìmacũju Dios tu quenarise mani bujaroti gaye  
(Mt 6.19-21)*

<sup>32</sup> Gũbesa yũ coderã mua. Coriarãti ña mua. Ito bajibojarocati Ì rotiroju mua ejare buto ãmoami Ì mani Jacũ. <sup>33</sup> Mua rucorisẽ gãjerãre Ìsima. Iti waja bujacõri bojoro bujarãre Ìsima mua. Ito bajiro mua yija jai busaro Dios tu bujarã yirãji mua. Itoju mua bujaroti jogarisẽ meje ñaroja. Ito yicõri itoju mua bujarise ñimujua rinibiquĩji. Ito yicõri mua bujarisere butua bamenaji. <sup>34</sup> No mani gajeoni cutiroju iti tu ñarona buto tuoiarã yirãji mani, yiyijũ Jesús Ìnare.

*Quenaro ña yucãña mua, Jesús Ì yire gaye*

<sup>35</sup> Quenaro ña yucãña mua, jeyaro mua rëtaroti gaye yiari. <sup>36</sup> Ìna uju ãmo siare basa ti tío, budi wadicõri Ìna bocati ñado robo bajiro ña yucaña mua. Soje tu Ì ejaroca jana yucãdo bajiro ñacãña mua. <sup>37</sup> Queno ña yucõri Ìna uju Ì ejaia ticõri, queno wanurã yirãji Ìna. Ito bajiro Ìna bajija ticõri, “Rujija muare ecagu ya yũ”, yigũ yiguĩji Ì, Ìnare wanugũ. <sup>38</sup> Ñami gudareco, busurijua cuni, Ì ejaroto riojua Ìna ña yucãja wanurã yirãji Ìna. <sup>39</sup> Adi yu gotirisere ãcabojabeja mua. Sigũ wi gagũ, “Itocõ tujaroca ejagu yiguĩji riniri masũ”, Ì yi masija, ña yucãborũ Ìocũ, riniri masũ sãjacõri rinime yirocu. <sup>40</sup> Itioni bajiroti queno ña yucaña mua cuni. “Adocõ ejagu yiguĩji Masa Rìjoru”, mua yi masibiti rumu ejaũ yiguĩji. Ìti ña yũ Masa Rìjoru, yiyijũ Jesús Ìnare.

*¿No bajiro bajiguĩjida queno tuoiaqũ? yi Jesús Ì riasore gaye  
(Mt 24.45-51)*

<sup>41</sup> Ito Ì yija tuocõri, Pedro ado bajiro Ìre seniãayiju:

—Yũ Uju, ¿ito bajiro oca mu goti masiorise, gua ye riti ñati? ¿Masa jeyaro ye ñanti? yiyijũ Ì Jesure.

<sup>42-44</sup> Ito bajiro Ì yija tuocõri, ado bajiro cudiyijũ mani uju Ìre:

—¿No bajigu ñati tuo masicõri Ì ujure queno moa Ìsigũ? Tite mu. Ado bajirojua bajiami Ìocũ. Ì uju Ìre wijũ cũgũ yiguĩji Ì codetoni, ito yicõri gãjerã

Īre moa Īsiri masare bare ĩ ecatoni. Sĭgū moa Īsiri masu, ĩ rotiado bajiroti ĩ moagore ti ejaĉōri wanugū yiguĭji Īju Īre. Īju ĩ rotiado bajiroti ĩ moaja ticōri, jeyaro tirānuri masu cūgū yiguĭji ĩ ito bero. <sup>45</sup> Ito bajibojarocati, “Coji ejabiquĭji yu uju maji”, yi tuoĭacōri Īre queno moa Īsibiquĭji. Ado bajiro yigu yiguĭji. Gājerā ĩ rāca moari masare sēoro ĩnare rotigu yiguĭji. Ūmūare romiare cūni, ito bajiro yigu yiguĭji ĩ. Ito yicōri bare ba, idi mecu yigu yiguĭji. <sup>46</sup> Ito bajiro, “Jane ejagu yiguĭji yu uju”, ĩ yibiti ramu Īre ejabiagu yiguĭji ĩ uju. ĩ ito yire waja buto waja senigū yiguĭji Īre. Ito yicōri queno cūdimenare ĩ moa rotiado bajiro Īre cūni moa rotigu yiguĭji ĩ.

<sup>47</sup> ĩ uju rotirise yiro robo yi masibojaguti ĩ ũa yucābeja, ito yicōri yiro robo ĩ yibeja ĩ uju buto bajegu yiguĭji Īre. <sup>48</sup> “Ado bajiro āmoami yu uju”, yi masibicu ũari, ĩ ujuare queno ĩ cūdi masibeja, ito yicōri yiro robo ĩ yibeja buto bajebiquĭji ĩ uju Īre. No Diore ĩ cūdiroca yigu buto busa ĩ cūdire āmogū yiguĭji Dios. No Īre tuorānuroca ĩ yigu buto busa ĩ tuorānure āmogū yiguĭji Dios, yiyiju Jesūs ĩ rāca riasotirāre.

*Yure mna tuorānija ticōri, mware ti junisinirā yirāji, Jesūs ĩ yire gaye (Mt 10.34-36)*

<sup>49</sup> Masa yure ĩna tuorānūtoni adi macārucūroju wadiru ũa yu. Coriarā yure tuorānūrā yirāji. Gājerā tuorānumena yirāji. Sĭgūre bajiro tuoĭamena ũarā yirāji ĩna. Yure rētaroti ũabojarocati iti rētaja quena yure. <sup>50</sup> Jaje quenabeto tōbujagu yiguja yu. Iti rētaroto riojua buto tuoĭa usirioa yu. <sup>51</sup> “Masa jeyaro, sĭgū ruyabeto oca mano ĩna ũatoni wadiru ũami ĩ”, yi tuoĭabojaja mna yure. Bajibeja. Yu oca tuocōri sĭgūre bajiro tuoĭamena yirāji masa. <sup>52</sup> Jane adi ramūna ado bajirojua ũarā yirāji masa. Co dūjamocō ũarā ũdiarā yure tuorānūrā yirāji. Gājerā tuorānumena yirāji. Yibeja, ũdiarā yure tuorānūbiticōri jūarā yure tuorānūrā yirāji gajea. <sup>53</sup> Jacu yure ĩ tuorānūja, macu tuorānūbicu yiguĭji. Macu ĩ tuorānūja, jacu tuorānūbicu yiguĭji. Jaco iso tuorānūja, maco tuorānūbeco yigōji. Maco iso tuorānūja jaco tuorānūbeco yigōji. Mañicō iso tuorānūja, jējo tuorānūbeco yigōji. Jējo iso tuorānūja, mañicō tuorānūbeco yigōji. Yu oca tuocōri sĭgūre bajiro tuoĭamena yirāji masa, yiyiju Jesūs ĩ rāca riasotirāre.

*“Queno yirā ũa gna”, yibojarāti mna tuoĭaro bajiro yibeja mna, Jesūs ĩ yire gaye (Mt 16.1-4; Mr 8.11-13)*

<sup>54</sup> Gaje ado bajiro goti remoyiju Jesūs masare:

—Ūmacañi ruji waro ide bueri iti mūja wadija ticōri, “Ide quediwo wadia”, yi masia mna. Mna yiro bajiroti quedia iti. <sup>55</sup> Wesicajuare mino iti wēa muocōaja ticōri, “Asiro wado ya”, yi masia mna. Mna yiro bajiroti bajia iti. <sup>56</sup> Macārucūro gaye ticōri, “Ado bajiro rētaro yiroja”, yi masia mna. ¿No yija ito bajiro ti masirā ũabojarāti, “Gua ũeñaro yirise gua jidicābeja quenabeto tōbujarā yirāji gna”, yi masibeati mna? “Queno yirā ũa gna”, yibojarāti mna tuoĭaro bajiro yibeja mna, yiyiju Jesūs ĩnare.

*Gāji rāca mna oca josaja, oca quenoja quena, Jesūs ĩ yire gaye (Mt 5.25-26)*

<sup>57</sup> “Ado bajiro yija quena manire”, yi tuoĭa mna. Ito bajibojarocati “Quenarise riti yirūja manĭ”, yibeja mna. <sup>58</sup> Gāji mware ĩ seti yija, oca quenori masu taju mna waroto riojua oca quenoña. Oca quenori masu tu ejamenati mna oca queno masibeja porecia tu mware āmi wacu yiguĭji. ĩna poreciaju mware tubiarā yirāji. <sup>59</sup> ũeñaro mna yigore mna waja yibeja, budimena yirāji mna. Ito bajiroti bajia. Ito bajiri Dios ĩ waja seniri ramu ejaroto riojua ĩ rāca

oca quenofña. Mña quenobeja ĩ waja seniri r̄m̄m̄ m̄uare jeame ũjuroj̄m̄ cōagũ yiguĩji. Ito yicōri ĩ cōaja bero m̄ucana t̄adi budire ma, ya ȳm̄ m̄uare, yĩ gotiyij̄m̄ Jesũs ĩnare.

## 13

### *Diore mani tuorũnũja iti ña ñasarise, Jesũs ĩyire gaye*

<sup>1</sup> Ito r̄m̄m̄riti ado bajiro Jesure gotirã ejayijarã masa:

—Galilea gãna Diore r̄c̄ub̄uorona waib̄uc̄urã s̄ĩacã ĩna. Ito bajiro waib̄uc̄urãre ĩna s̄aja bero Pilatojuama ĩnareti s̄ĩa rotiquĩ ĩ ĩja. Ito bajiro yicōri waib̄uc̄urã ya rĩ r̄aca ĩna ya rĩre w̄hoquĩ ĩ ĩja, yĩ goti ejayijarã ĩna Jesure.

<sup>2</sup> ĩna ito yija tuocōri, ado bajiro yiyij̄m̄ Jesũs:

—¿No bajiro tuoĩati m̄ua? “Gãjerã Galilea gãna r̄etoro ñeñaro yirã ñacã ĩna. Ito bajiri goda jediyijarã ĩna”, ¿yire masiati m̄ua? <sup>3</sup> Meje ito bajiro meje baja. Ado bajiro ya ȳm̄ m̄uare: M̄uare c̄uni m̄ua ñeñaro m̄ua yirise m̄ua jidicãbeja, ito bajiroti godarã yirãji m̄ua c̄uni. <sup>4</sup> “Jerusalénj̄m̄ ũmari wi Siloé wame c̄utiri wi dieciocho ñarã ĩna juja quedi godaja, gãjerã Jerusalén gãna r̄etoro seti ñadoja ĩnare”, ¿yĩ tuoĩati m̄ua? <sup>5</sup> Meje, ito bajiro meje ya ȳm̄. M̄ua ñeñaro yirise m̄ua jidicãbeja, ito bajiro r̄etaro yiroja m̄uare c̄uni, yiyij̄m̄ Jesũs masare.

### *Higueragũ rica manigũ gaye Jesũs ĩgotire*

<sup>6</sup> Ito bero masare goti masiore ocana ado bajiro gotiyij̄m̄ Jesũs:

—Sĩgũ higuera wame c̄utiricũ ĩ oteragũ tigũ wayij̄m̄, “¿Rica c̄utic̄uati?” yirocũ. Rica manigũti ti ejayij̄m̄ ĩ itigũre. <sup>7</sup> Ito bajija ticōri, ĩ ya wese coderi masare ado bajiro yiyij̄m̄: “Tite. Ũdia rodoj̄m̄ coji r̄ayabeto rica amigũ ejasotiboja ȳm̄. Rica ma itigũ. Quẽacãcõña. Rica cutia yiro meje ña ajea itigũ”, yiyij̄m̄ ĩ, ĩ ya wese coderi masare. <sup>8</sup> Ito bajiro ĩ yija tuocōri: “Ȳm̄ ũj̄m̄, ito ñacõato maji. Sita seacũgũ ya maji. Ito yicōri quenarise itigũre tuc̄aja ȳm̄. <sup>9</sup> Ito yija rica c̄utiro yiroja gajea. ĩti rica manija, quẽacõre ñaro yiroja”, yiyij̄m̄ ĩ, ĩ ũj̄re. Ito bajiroti baja. Sĩgũ, “Diore tuorũnũgũ ña ȳm̄”, yibo jaguti ĩ ñeñaro yirise ĩ jidicãbeja ticōri, ĩre waja senigũ yiguĩji Dios, yĩ gotiyij̄m̄ Jesũs ĩnare.

### *Tujacãra r̄m̄m̄ cōgõre Jesũs ĩvisiore gaye*

<sup>10</sup> Co r̄m̄m̄ tujacãra r̄m̄m̄ judio masa ĩna minijuasotiri wij̄m̄ riaso ñayij̄m̄ Jesũs. <sup>11</sup> Ito ĩ yiroca s̄ĩgõ ñayijo dieciocho rodori cõ tujago. Ito bajiri isore ruja mutigũ ñaroca yiyij̄m̄ r̄m̄m̄. Ito bajicōri riojo r̄ũgõ masibisijo iso. <sup>12</sup> Isore ticōri isore busirocũ ĩi ñucayij̄m̄ Jesũs:

—Romio m̄ure quenoa ȳm̄. M̄ñ ñarise c̄utirise ma m̄ure ĩja, yiyij̄m̄ Jesũs isore.

<sup>13</sup> Ito yicōri isore am̄o moa jeoyij̄m̄ Jesũs. Ito ĩ yirocati riojo r̄ũgõcoayijo iso ĩja. Ito bajiri Diore r̄c̄ub̄uogo wan̄ure ocana ĩre busisuooyijo iso. <sup>14</sup> Tujacãra r̄m̄m̄ Jesũs isore yisioja ticōri, iti wi minijuara wi ũj̄m̄ Jesure junisiniyij̄m̄. Ito bajiri ado bajiro yiyij̄m̄ ĩ masare:

—Co am̄ojeno r̄m̄m̄ri ña moaroti r̄m̄m̄ri. M̄ña yisio roti am̄oja iti r̄m̄m̄ri wadija quena, tujacãra r̄m̄m̄ meje, yiyij̄m̄ ĩ masare.

<sup>15</sup> Ito bajiro ĩ yija tuocōri, ado bajiro c̄udiyij̄m̄ mani ũj̄m̄ ĩre:

—“Tujacãra r̄m̄m̄ moare ma”, yĩ bojarãti moarãji m̄ua. Tite. Tujacãra r̄m̄m̄ ñabobarocati m̄ua ya wesc̄u m̄ua ya burro ide iditoni õja m̄ua. <sup>16</sup> Adio ñamo mani ñicũ Abraham janerãbatia janeño. Dieciocho rodori iso cõ ñaroca yĩni r̄m̄m̄ũa ũj̄m̄ Satanás. ¿Tujacãra r̄m̄m̄ ñabobarocati isore ȳm̄ yisioja quenabetojada? yiyij̄m̄ Jesũs ĩre.

17 Ito bajiro Jesús ĩ busija tuocōri, ĩ wajana ĩre bojo tiyijarā ĩna. Masama jeyaro tiyamani Jesús ĩ ĩoja ticōri, buto wanu quenayijarā ĩna.

*Ado bajiro baja mostaza ajeri, yi Jesús ĩ riasore gaye*  
(Mt 13.31-32; Mr 4.30-32)

18 Ito yija mucana ado bajiro gotiyiju Jesús masare:

—Īre tuorūnarāre ĩ rotiroju Dios ĩ miojuja, ¿no bajirojada? ¿Ñe goti masiore ocana mware goti rētobugujada yu? Ваи, ado bajiroju mware goticuja yu.

19 Mostaza ajerire tuoiate mua. Sīgū ĩ ya weseca mostaza ajeri oteyiju. Gaje ote ajeri rētoro mutacā busa ña iti mostaza ajeri. Ito bajiro mutacā ñabojaroti busa wato gaje ote yucari rēto busaro jajocu ñaroja itigu. Jajocu itigu ñajare itigu rujuriju minia jibu menirāji ĩna. Itire bajiroti Dios mani ũju ĩ ñaja, gājerare goti āmorāji mani, jājarā busa ĩre masirā ĩna ñatoni, yiyiju Jesús ĩnare.

*Ado bajiro baja naju wadarise uco, yi Jesús ĩ riasore gaye*  
(Mt 13.33)

20 Gajereama ado bajiro yiyiju Jesús ĩnare:

—Īre tuorūnarāre ĩ rotiroju Dios ĩ miojuja, ¿no bajirojada? Ado bajiro goti masiorena mware gotia yu. 21 Romio pan menigō waco udia coacō pan menire gaye āmiyijo iso. Ito yicōri wadarise uco wuoyijo iso. Ito bajiri iso wuoya jairo wadayiju iti. Itire bajiroti bajiro yiroja, “Īre tuorūnarāre ĩ rotiroju miojugu yiguji Dios”, masare mani yi riaso ucuja. Ito bajiri jājarā busa ĩre tuorūnu warā yirāji ĩja, yi riasoyiju Jesús masare.

*Eyabiti soje ña Dios tu sājara soje, yi Jesús ĩ riasore gaye*  
(Mt 7.13-14,21-23)

22 Ito yija Jesús Jerusalenju wasuoyiju mucana mana. Wacu riti cutori ĩ ejaja masare riaso rēta wayiju ĩ. 23 Ito bajiro ĩ riaso rēta waroca sīgū ĩre seniāyiju:

—Yu ũju, ¿coriarāreti, masogū yiguji Dios? yiyiju ĩ Jesure.

Ito bajiro ĩ yija tuocōri, ado bajiro cudiyiju Jesús:

24 —Masa jeyaro meje Dios ĩ ñaroju sājara yirāji ĩna. Ito bajiri ñeñaro mua yirise jidicāna mua, “Dios ñaroju sājana gua”, yirona. Jājarā sāja āmobjarā yirāji ĩna. Ito bajibojarocati coriarāti sājara yirāji. 25 Ado roboju baja. Dios ĩ ñaroju ĩ biaja, macūjuju mua ñaja, sāja masimena yirāji mua. “Gua ũju, guare soje jana ĩsiña”, yibojarā yirāji mua. “Meje yu ñarā meje ña mua. Mware masibea yu”, yigu yiguji Dios. 26 Ito bajiro ĩ yija tuocōri, ado bajiro cudibojarā yirāji mua: “Mu rāca bacu gua. Mu rāca ñacu gua. Ito yicōri gua ya cutoriju masare riaso ucucu mu”, yibojarā yirāji mua. 27 Ito bajiro mua yibojarocati ado bajiro muare cudigu yiguji ĩ: “Mware masibea yu. Yu tu ñabesa mua. Ñeñaro yi jairā ña mua”, yigu yiguji ĩ, ya yu mware. 28 Dios ĩ rotiroju sāja masimena yirāji mua. Abraham, Isaac, Jacob, ito yicōri Diore goti ĩsiri masa ñayoana ĩ tu ĩna ñaja tibojarā yirāji mua. Ito bajibojarocati ĩna taju eja masimena yirāji mua. Mware cōacōgū yiguji Dios. Ito bajiri sāja masibiticōri ruje otirā yirāji mua. Ito yicōri buto tōbujarā ñari mua ya guji cuni canamuorā yirāji. 29 Co sita gāna ruayabeto Dios ĩ rotiroju ejacōri minijua barā yirāji. ĩna rāca sāja masibiticōri ti bujatomena yirāji mua. 30 Adoju coriarā ñasari masa ñarā, itoju ñasari masa meje ñarā yirāji ĩna. Ito yicōri adoju coriarā ñasari masa meje ñarā itoju ñasari masa ñarā yirāji ĩna, yiyiju Jesús ĩnare.

*Jerusalén gānare tuoia maigū Jesús ĩ otire gaye*  
(Mt 23.37-39)

31 Iti ramuti Jesure oca gotirā ejayijarā fariseo gaye tuoīarā:



—Rudi wasa adijure. Herodes mare sġa āmoami, yiyijarā ĩna Jesure.

<sup>32</sup> ĩna ito bajiro yija tuocōri:

—Ī ñeñaro yi jaigure ado bajiro gotitēña mua: “Tuoya jane, jane busuri cuni cōrāre yisiočuja yu. Rūmú sāñarāre cuni rūmūare bucōacuja yu. Ito yicōri, ija sōjua moa tlogū yigūja yu, yimi”, yi gotitēña mua Herodesre, yiyiju Jesús fariseo gaye tuoġarāre. <sup>33</sup> Jane, jane busuri, gaje ruma cuni Jerusalēnju ware ña yure. Jerusalēnju godagu yigūja, jājarā Diore goti ĩsiri masa ĩna godado bajiroti, yiyiju Jesús ĩnare.

<sup>34</sup> Jerusalēn gānare tuoġagū, ado bajiro busiyiju Jesús:

—Diore goti ĩsiri masare sġayija mua. Mware oca gotitoni Dios ĩ cōanare cuni gūta reayija mua. Coji meje mware mioju āmobojaču yu. Cara iso ġiare caero rocaju iso miojuro bajiro, mware yi āmobojaču yu. Ito bajiro yu yi āmobojarocati āmobitica mua. <sup>35</sup> Queno tuoġaġa mua. Mwa wiri wagora wiri bajiro tujaro yiroja. Ito yicōri mware jidicāgū yiguġji Dios. Riti ado bajiro mware gotia yu. “Guare yiari Dios ĩ cōaru ña m. Mare queno yiñi Dios”, mua yiroto riojua mčcana juaji yure timena yirāji mua, ya yu mware, yiyiju Jesús masare.

## 14

### *Rujari mijigāre Jesús ĩ yisioare gaye*

<sup>1</sup> Co ruma tujacāra ruma fariseo gaye tuoġarā uju tu bagu wayiju Jesús. Gājerā fariseo gaye tuoġarā, “¿No bajiro yigu yiguġjida Jesús?” yi tuoġayijarā ĩna. <sup>2</sup> Ito bajiro Jesús ĩ baji ñaroca, sġgū rujari mijigū ejayiju ĩ tu. <sup>3</sup> Ī ejaja ticōri, judio masa rotirise riasori masa, ito yicōri fariseo gaye tuoġarāre ado bajiro seniāyiju Jesús ĩnare:

—¿Cōgūre tujacāra ruma ñaroca mani yisioja quenati? yiyiju Jesús ĩnare.

<sup>4</sup> ĩnama cūdibisijarā. ĩna cūdibeja ticōri, cōgūre moaġacōri ĩre yisioyiju. Ito yicōri, “Wasa mu”, yiyiju ĩ ĩre. <sup>5</sup> Ito yicōri fariseo gaye tuoġarāre, ado bajiro yiyiju Jesús:

—“Tujacāra ruma moare ma”, yibojarāti moarāji mua. Tite. Sġgū mua macu, ito yicōri ecaru wecu ide gojeju ĩ quedi sājaja, yoari mejeti āmimorāji mua ĩre, tujacāra ruma ñabojarocati, yiyiju Jesús ĩnare.

<sup>6</sup> Ito ĩ yija tuocōri, no bajiro cūdi masibisijarā ĩna.

### *Ado bajiro bajiamā āmo siare basa tiri masa, yi Jesús ĩ riasore gaye*

<sup>7</sup> Barā ejari masa cumurori rūcubhoraju riti ĩna ruji āmoja ticōri, ado bajiro goti masioyiju Jesús ĩnare:

<sup>8-9</sup> —Sġgū āmo siare basa titoni ĩ jija, buto rūcubhoraju meje rujiba mua. Buto rūcubhoraju mua rujija, gāji mua bero ñasari masu ĩ ejaja ticōri, mware oca cōari masu, ado bajiro yigu yiguġji: “Ba u wmuña, ānijua ñami ñasari masu, ĩjua mua godo rujijaro”, yigu yiguġji. Ito bajiro ĩ yija tuocōri, masa tiro riojo bojo bjarā yirāji mua, ĩ ito yija. Ito yicōri susari cumuroju rūcubhoraju meje masa tu rujirā yirāji mua. <sup>10</sup> Ado bajirojua mua yija quena. Gāji mware oca cōaja buto rūcubhoraju meje rujiba. Ito bajiro mua yija mware oca cōari masu, ado bajiro yigu yiguġji: “Yu baba rūcubhoraju busa rujiya mu”, yigu yiguġji ĩ mware. Ito bajiro mware ĩ yija, mua rāca gāna ti rūcubhorā yirāji ĩna mware.

<sup>11</sup> “Masa rētoro ñasagu ña yu”, yigu, ñasari masu meje ĩ ñaroca yigu yiguġji Dios ĩre. Gājiamā, “Gājerā rētoro ñasagu ña yu”, yibicu, Ī ñasari masu ñaroca yigu yiguġji Dios ĩre. Ito bajiri, “Gājerā rētoro ñasagu ña yu”, yi tuoġabitiraja manire, yiyiju Jesús ĩnare.

12 Ito yicōri ado bajiro yiyijū Jesús ĩre oca cōarare:

–Gājerāre mū ba roti āmoja, mū baba mesa, mū ocabajirā, mū tū gāna, ito yicōri gajeoni jairāre, “Barā waya”, yibeja. ĩnare riti mū jija, “Yūre cūni bare eca gāmejaro ĩna”, yigū bajiro ya mū. 13 Ito bajiri ito bajiro tūoĭabesa itire. Ado bajirojūna mū yija quena. Gājerāre, “Barā waya mūna”, mū yī āmoja bojoro bĭjarājūare mū jija quena. Ruduana, queno wa masimena, ito yicōri cajea timenare cūni mū jija quena. 14 Ito bajiro ĩnare yicōri queno wanū quenagū yigūja mū, “Yūre waja yĭlodo mama ĩna”, yirocu. “Diojūna yūre waja yigū yigūjji ĩre tūorānūrā tūdi catiroca ĩ yiri rāmū”, yī tūoĭacōri wanūgū yigūja mū, yiyijū Jesús ĩre.

*Basa bꞏcꞏ gaye Jesús ĩ riasore gaye  
(Mt 22.1-10)*

15 Iti tūocōri sĭgū Jesús rāca ba rujigū, ado bajiro yiyijū:

–No Dios rotirojo ba ejagu, wanū quenagū yigūjji, yiyijū ĩ Jesure.

16 Mūcana gaje goti masiore ocana ado bajiro gotiyijū Jesús ĩnare:

–Co rāmū sĭgū basa bꞏcꞏ menigū jājarā masare, jī űucayijū. 17 Basa űasuroca ĩre moa ĩsiri masare, “Masare jĭtēna. Itocō űa waju ĩja”, yiyijū ĩ, ĩ ya moari masare. 18 ĩnare ĩ gotibojarocati, “Bĭjato bajaia no masia ma guare. Wado ma guare, moare jaje űa”, yiyijarā ĩna. Sĭgū ado bajiro yiyijū: “Canūti sita cojū waja yĭbū yū. Ito bajiri itire tigū wacu ya yū”, yiyijū sĭgū ĩre. 19 Gāji ado bajiro yiyijū: “Co dĭjamocō babari wecu waja yĭbū yū. Ito bajiri ĩnana moalashogū wacu ya yū. Ito bajiri josabesa yure. Wado ma yū”, yiyijū ĩ. 20 Gājiama ado bajiro yiyijū: “Canūti manojū bĭjabū yū. Ito bajiri wa masia ma yure”, yiyijū ĩ, ĩnare jĭgū ejabojare. 21 Ito bajiro ĩna yija tūo tūdi wacōri, ĩ ւjare űarocōti gotiyijū ĩ. Ito ĩ yija tūocōri, ĩ ւjū junisinijijū. Ito bajiri gājerājūare jī roti űucayijū ĩ mūcana ĩre. “Coji wasa cūtoju, cūri mari mutari mari cūni warā mū ti bĭjaro bajiroti āmi wadiba. Bojoro bĭjarā, ruduana, cajea mana, wa masimenare cūni āmi wadiba mū”, yiyijū ĩ ĩre moa ĩsiri masare. 22 ĩ ւjū rotiro bajiroti yiyijū ĩ. Ito yī, ĩnare āmi tūdi ejacōri ĩ ւjare gotiyijū: “Yū ւjū mū rotiado bajiroti ya yū. Ito bajibojarocati mū ya wi masa dajabea maji”, yiyijū ĩ, ĩ ւjare. 23 Ito yija ĩ ւjū ado bajiro gotiyijū ĩre: “Cūto tūnima gānare, masa mū bocaja bĭto adojū wadi rotiba, yū ya wi iti dajatonĭ. 24 Cajero yū oca cōabojana, yū ya wi sĭjacōri bamena yirāji ĩna, ya yū mure”, yiyijū ĩ ya moari masare. Ito bajiri Dios űarojū mūna eja āmoja, mūna űaroti gaye riti tūoĭabiticōri Diore riti mūna tūorānū sūyaja quena, yī oca goti masioyijū Jesús ĩnare.

*Yūre mūna tūorānū sūya āmoja josari űaro yiroja mūare, Jesús ĩ yire gaye  
(Mt 10.37-38)*

25 Co rāmū jājarā masa Jesure sūa wayijarā. Ito bajiro ĩna baji űaroca ĩnare jūda ticōri, ado bajiro yiyijū ĩnare:

26 –Sĭgū yū rāca ĩ riasoti āmoja, ĩ jacusabatia, ĩ manojū, ĩ ria, ĩ űarā rēto bĭsaro maigū yigūjji yure. ĩ queno catija, ĩ cōja cūni yure maigū yigūjji ĩ. 27 űeűaro tōbujagu yure ĩ tūorānūbeja yū rāca riasotigū űabiquĭji ĩ. 28 Ado bajirojūna bajaia. űmari wi mūna menĭ āmoja, mūna meniroto riojūna, “¿Waja űĭjacuri seyoati?” yirona cōiarā yirāji mūna. 29 Ito bajiro mūna yibeja menisubojarāti mūna tĭobeja, gājerā mūare ticōri ajarā yirāji. 30 Ado bajiro yī ajarā yirāji ĩna mūare: “Āni űmugū űmari wi menisubojagūti tĭo masibeami”, yī ajarā yirāji ĩna mūare. 31 Sĭgū sita ւjū, gaje sita gagū rāca ĩ gāmeri sĭa āmoja, ĩna gāmeri cana mūoroto riojūna, ado bajiro tūoĭagū yigūjji ĩ: “¿Yū ya surara diez mil űarā,

ĩ ñarã veinte mil ñarãre rētocūrã yirājida Ìna?" yi tũoĩagũ yiguĩji. <sup>32</sup> "Ĩnare rētocũado ma yũ", ĩ yija, gaje sita gagu sũju ĩ tujaroca oca quenori masa cõagũ yiguĩji ĩ. <sup>33</sup> Iti bajiroti, mũa rucorise maicõri mũa jidicã ãmobeja yũ rãca riasoti masimenaji mũa. Ito bajiri yũre mũa sũyaroto riojũna mũa queno tũoĩaja quena, yiyijũ Jesũs ĩnare.

*Moa iti ocabeja ñe waja ma, yire gaye*

*(Mt 5.13; Mr 9.50)*

<sup>34</sup> 'Moa iti ocaja quenarise ña. Iti ocabeja ñe waja manoja iti. <sup>35</sup> Ocabitireama ñe yiya manoja. Ito bajiri itire cõacõrã yirãji masa, iti ocabejare. Ñe waja manoja itioni. Mũa gãmo goje cutirã tũo masiña. Yũ sũgũre mũa tũorũnubeja moa ocabiti waja mani robo bajiro ñarã yirãji mũa. Ito bajiri yũre mũa sũya ãmoja yũre riti tũorũnuba quena, yiyijũ Jesũs ĩnare.

## 15

*Oveja wisarũre ãmagũ yiguĩji coderi masũ, yi Jesũs ĩ riasore gaye*

*(Mt 18.10-14)*

<sup>1</sup> Jãjarã wãjarãre yĩari waja seni ĩsiri masa, ito yicõri ñeñaro yi jairã cuni, Jesũs tũ minijua wayijarã ĩ busija tũorona. <sup>2</sup> ĩna rãca Jesũs ĩ baba cutija ticõri, fariseo gaye tũoĩarã, ito yicõri judio masa rotirise riasori masa cuni Jesure busituyijarã Ìna:

—Ñni Jesũs ñeñaro yirãre boca ãmiami. Ito yicõri Ìna rãca bami ĩ, yi busituyijarã Ìna ĩre.

<sup>3</sup> ĩna ito yija tũocõri, ado bajiro oca goti masioyijũ Jesũs: <sup>4</sup> —Mũa wato sũgũ cien oveja rucogu, sũgũ ĩ wisaja, gãjerã noventa y nueve ñarãre wago cũgũ yiguĩji ĩ, gãji wisarũre ãmagũ wacũ. ĩre ãma bũjacõrijũ sũsagu yiguĩji ĩ. <sup>5</sup> ĩre bũjacõri wanũgũ, gãcojoejũ gajagu yiguĩji ĩre. <sup>6</sup> ĩre bũja tũdi ejacõri ĩ baba mesare jicõri, ado bajiro yigu yiguĩji ĩ ĩnare: "Yũ rãca wanũña mũa. Oveja godarũre bũjacõmũ yũ", yigu yiguĩji ĩ ĩnare. <sup>7</sup> Sũgũ ĩ ñeñaro yirise ĩ jidicãja ticõri, bũto busa wanũrã yirãji ãngel mesa. Jãjarã queno yirãre wanũrã ñabobarãti sũgũ ĩ ñeñaro yirise ĩ jidicãja ticõri, bũto busa wanũrã yirãji Ìna, yiyijũ Jesũs ĩnare.

*Romio niyeru cuji ruyuriocõri tũdi iso bũjare gaye*

<sup>8</sup> Gaje ado bajiro ĩnare goti masioyijũ Jesũs:

—Sũgõ jũna dũjamocõ niyeru tiri rucocõri coti iso ruyurioja, sũabusuoragũ sũagõ yigõji. Roariti iso ya wi tũcãgõ yigõji. Iti cuji bũjacõrijũ ãmasũsago yigõji iso.

<sup>9</sup> Iti cuji bũjacõri iso baba mesare jigo yigõji iso. Ito yicõri ado bajiro yigo yigõji: "Yũ rãca wanũña. Niyeruti godarati bũjacõmũ yũ", yigo yigõji iso ĩnare.

<sup>10</sup> Ito bajiroti ãngel mesa cuni bũto wanũrã yirãji, sũgũ ĩ ñeñaro yirise ĩ jidicãja ticõri, yiyijũ Jesũs ĩnare.

*Ĩ macũ tũdi ejaja ticõri, ĩ ñeñaro yigore jacũ ĩ ãcabojare gaye*

<sup>11</sup> Mũacana ado bajiro ĩnare goti masioyijũ Jesũs:

—Sũgũ ñayijũ jũarã rã cutigu. <sup>12</sup> ĩ macũ, bero gagũ ado bajiro yiyijũ ĩ jacũre: "Cũna ija yũ rucoroti gaye adocãtati ĩsiña yũre", yiyijũ ĩ. Ito ĩ yija tũocõri, ĩ rĩare, ĩna rucorotire ĩnare batoyijũ ĩ. <sup>13</sup> ĩ batoja bero co rumũ ĩ macũ, bero gagũ ĩ ya gajeoni mioyujijũ. Ito yicõri sũju gaje sitaju wayijũ. Itoju ejacõri ñeñaro yicõri ĩ ya niyerure jeoyijũ ĩ. <sup>14</sup> Ito ĩ baji ñaroca iti sitaju bare queno mañijũ. Ito bajijare ruje ñiocõsotiyijũ ĩ. <sup>15</sup> Ito bajiri sũgũ iti sita gagu tũ moare ãmagũ wayijũ. Moare ĩ bũjaja bero, iti sita gagũ ĩ ya yesear code rotiyijũ.

16 Ñiocō wacu ñna cōareti yesea ñna bariseti ba ãmbojayiju. Ito ñ bajibojarocati sīgũjũama ecabisijarã ñre. 17 Ito baji ñagũju tũoĩayiju ñ ñja: “Yũ jacũ ya moari masa jãjarã ñbajojarocati ñna ba ruarise ruyaroja ñnare. Ito ñna bajiroca yũjũama adoju ñiojoga godagũ ya yũ. 18 Yũ jacũ tũju tũdi wacu yigũja yũ. Ñ tũ ejacõri, ado bajiro ñre yicũja ya: ‘Cũna ñeñaro mure yicũ yũ. Ito yicõri Dios ñ tiro riojo cuni ñeñaro yicũ yũ. 19 Ito bajiri, ‘yũ macũ’, mũ yigũcõcũ meje ña yũ. Mure moa ñsiri masũ bajiroti ñacũja yũ’, yigũ yigũja yũ, yũ jacure”, yĩ tũoĩayiju ñ. 20 Ito bajiro tũoĩacõri ñ jacũ tũ tũdi wasũoyiju ñ.

‘Sõju ñ tũjaroca ñ jacũ ñre ti bũjacõri ñre ti maiyiju. Ito bajiri ñmaquedi wacõri ñre jababayiju ñ. Ito yicõri ñre wanũgũ usuyiju. 21 Ñ ito yijare ñ macũ ado bajiro yiyiju ñre: ‘Cũna ñeñaro mure yicũ yũ. Ito yicõri Dios ñ tiro riojo cuni ñeñaro yicũ yũ. Mũ macũ bajiro meje baja yũ ñja”, yiyiju ñ, ñ jacure. 22 Ito ñ yibojarocati ñre moa ñsiri masare ji ñucacõri ado bajiro yiyiju ñ: ‘Yutabuju quenarise ãmi wadicõri, sãña mũa ñre. Ito yicõri ñmo sãñara bedo, sãña. Ito yicõri gũboco cuni ñre sãña. 23 Wecũ macũ ri jaigũre sãña mũa. ñre bacõri basa meni, wanũ quena yiana mani. 24 Ñni yũ macure ‘Godacoaguñji’, yibojacũ yũ. Catiñi maji. ‘Wisa godacoañi’, yibojacũ mani. ñre bũjacõa mani”, yiyiju ñ ñre moa ñsiri masare. Ito bajiro ñ rotija tũo wanũcõri, basa gaye menisũoyijarã ñna.

25 Ito bajiro iti baji ñaroca wesecajũ moagũ yiyiju ñ macũ ñnasũogũ. Tũdi wacu wi tũ ñna basaja tũoyiju ñ. 26 Ito bajiro ñna basa ñaja tũocõri, sīgũ moa ñsiri masare ji ñucayiju, “¿No bajiatĩ?” yirocũ. 27 Ñ seniñajare ado bajiro gotiyiju ñ: “Mũ ocabajĩ tũdi ejacoami queno cati quenagũ. Ñ tũdi ejajare wecũ macũ ri jaigũre sãa rotimi mũ jacũ”, yiyiju ñ ñre. 28 Ito bajiro ñ gotija tũocõri, junisiniyiju ñ. Ñ sãja ñmobeja ticõri, “Sãjaña mũ”, yirocũ ñre jigũ budi wayiju jacũ. 29 Ito bajiro jacũ ñ josaja ticõri, ado bajiro yiyiju ñ, ñ jacure: “Mũ masia co rodo meje queno cũdicõri moa ñsibojacũ yũ. Ito yũ yibojarocati sīgũ cabra macũ yũre ñsibiticũ mũ, yũ baba mesa rãca basa yũ menitoni. 30 Ñni mũ macũ romia rãca niyeru aje bategũreama ñ ejaja ticõri, wecũ macũ jaigũ sãayija mũa”, yiyiju ñ, ñ jacure.

31 Ito ñ yija tũocõri, ñ jacũ ado bajiro yiyiju: “Yũ macũ, yũ rãca riti ñacũ mũ. Ito bajiri yũ rũcorise jeyaro mũ ye riti ña. 32 Adi rãmũri mũ ocabajĩ ñ tũdi ejaja ticõri, basa meniũja manire. Ito yicõri wanũrũja manire. ‘Godacoañi’, yĩ tũoĩabojacũ yũ. Ito yũ yibojarocati catiñi ñ. Ito yicõri, ‘Wisa godacoañi’, yĩ tũoĩabojacũ mani. Ito mani yibojarũretĩ bũjacõa mani”, yiyiju ñ, ñ macũ ñnasũogũre. Ito bajiroti manire cuni boca ñmigũ yigũñji Dios. Sīgũ ñ ñeñaro yirise jidicãja ticõri, bũto wanũre rãca ñre boca ñmigũ yigũñji Dios, yiyiju Jesús ñ rãca riasotĩrãre.

## 16

### *Ëjũre roti ñsiri masũ ñ rotiado bajiro ñ yibitire gaye*

1 Mũcana ñ rãca riasotĩrãre ado bajiro yiyiju Jesús: –Sīgũ ñayiju niyeru jaigũ. Ito bajiri sīgũre ñ ya niyeru, ito yicõri ñ ya moari masare cuni tirũna rotiyiju. Co rãmũ, “Mũ ya niyeru mũ tirũna rotibojarũ mũ ya niyeru aje bategũ yami”, yire gaye oca ejayiju ñ ñjũre. 2 Ito bajiri, “¿Riti bajiatĩ iti oca?” yirocũ, ji ñucayiju ñ ñjũ ñre. Ñ ejaja ticõri, ado bajiro yiyiju ñre: “Mũ moagore, ‘Ado bajiro moacũ yũ’, yiarĩ gotiya mũ yũre. Ito bero yũ rãca moabicũ yigũja mũ ñja. Ito bajiri yũ rũcorisere tirũnũbicũ yigũja mũ ñja”, yiyiju ñ ñjũ ñre. 3 Ito ñ yija tũocõri, ado bajiro tũoĩayiju ñ, ñre roti ñsiri masũ: “Yũ ñjũ yũre ñ bucõaja, ¿no yicũja yũa? Weseri moare queno seõbea yũ. Gãjerãre bare yũ seni ruji ucurotire bojo ña yũ”, yĩ tũoĩayiju ñ. 4 “Yũ ñjũ yũre ñ bucõaja, ado

bajiro yu yijare āmirā yirāji gājerā yure”, yi tuoīayiju ī. <sup>5</sup> Ito bajiro tuoīacōri ī ūjare waja ruyuriorāre jiyiju ī. Īna ejaja ticōri, Īnare seniīayiju: “¿Nocō yu ūjare waja ruyurioati mua?” yiyiju ī. <sup>6</sup> “Cien ūyegari roa bare gaye waja ruyurioa yu ĩre”, yi cadiyiju sīgū. Ito ī yija tuocōri, ĩna ūjare roti ĩsiri masare ado bajiro yiyiju: “Adocāta yoari mejeti cincuenta ūyegari mare waja yigu ya yu”, yi wōña mu, yi rotiyiju ī ĩre. <sup>7</sup> Gāji ī ūjare waja ruyuriogare, “¿Nocō waja ruyurioati mua?” yi seniīayiju. “Cien jibari trigo ajeri ĩre waja ruyurioa yu”, yiyiju ī. “Yoari mejeti ochenta jibari mare waja yicuja yu”, yi wōña, yi rotiyiju ī ĩre. <sup>8</sup> Ito bajiro ī yija tuocōri, “Queno yigu meje űabojaguti tuoīa masigū űami ĩ”, yi tuoīayiju ī ūjare, yi oca gotiyiju Jesūs ī rāca riasotirāre. Ito bajiro tuoīama adi macārucāro gaye buto tuoīarā. Adi macārucāro gaye buto tuoīarā, masare tuocōri waja buja masiama ĩnaōna. Yure tuorūnūrāma ito bajiro yibeama ĩna. “Waja buja masiama mani”, yi tuoīacōri buto tuo masirā űama adi macārucāro gaye tuoīarā, yiyiju Jesūs ī rāca riasotirāre.

<sup>9</sup> Ado bajirojua mua yija quena yu tija. Adi macārucāro gaye mua rucorisena gājerāre ejabuaya, queno mare ĩna baba catitoni. Ito bajiro ĩnare mua yija, űmacāju catitūnadoju mua ejaroca mare boca āmirā yirāji ĩna, yiyiju Jesūs ĩnare.

<sup>10</sup> No jabetacā rucogu yiro robo ī yija, jairo ī rucobojaja cuni ito bajiroti queno yigu űatīnagū yiguīji ĩocū. No jabetacā rucogu yiro robo yibicu, ī jairo rucobojaja cuni, yiro robo yigu meje űagū yiguīji ĩocūama. <sup>11</sup> Adi macārucāro gaye gajeoni jaje rucobojarāti yiro robo mua yibeja, űmacāju gaye quenarise Dios ī cōarise cuni boca āmimena yirāji mua. <sup>12</sup> Gājerā ye gajeoni queno mua tirūnūbeja mua ye űarotire cuni queno tirūnūmena yirāji mua. Ito bajiri queno mare ĩsibicu yiguīji Dios, yiyiju Jesūs ĩnare.

<sup>13</sup> Cocati mani ūjarā jūarāre cadi masibeama mani. Jūarā ĩna űaja sīgūre queno ti maicōri, gājire ti tudirā yirāji mani. Sīgūre queno cadirā yirāji mani. Gājire queno cadimena yirāji mani. Iti robo bajiroti Diore mani cadija, niyerujare buto tuoīamenaji mani. Niyerure riti mani buto tuoīaja Diore queno cadisabea mani, yiyiju Jesūs ī rāca riasotirāre.

<sup>14</sup> Ito bajiro Jesūs ī busija, fariseo gaye tuoīarā tuo rujijjarā. Īna űayijarā niyerure buto mairā. Ito bajiri Jesure aja tudiyijjarā ĩna. <sup>15</sup> Ito bajiro ĩna aja tudi rujija ticōri, ado bajiro yiyiju Jesūs ĩnare:

—Masa ĩna tiro riojo riti, “Queno yirā űa gūa”, yiboja mua. Ito bajiro mua tuoīabojarise masicōguīji Diojuma. “űasarise űa”, masa ĩna yi tuoīabojarise, űasarise meje űa, Dios ī tija, yiyiju Jesūs ĩnare.

### *Dios ī rotirise űatīnaroti űa, Jesūs ī yire gaye*

<sup>16</sup> Juan masare ī riasoroto riojua, Dios ī rotirise, ito yicōri ĩre goti ĩsiri masa ĩna ucare gaye riti űayiju maji masa ĩna tuoroti. Ito bero adi rumarīama, “No ĩre tuorūnūrāreti ī rotiroju miojugu yiguīji Dios”, yi riasore gaye űa ĩja. Jājarā ado bajiro tuoīabojarāji mua: “Yurioti ado bajiro yu yija Dios ī rotiroju ejagu yiguja yu”, yi tuoīabojarā jājarā űama, yiyiju Jesūs ĩnare.

<sup>17</sup> Adi tuti adi macārucāro cuni coji jedibetoja. Ito yicōri Dios ī rotirise cuni jedibeto yiroja. űatīnaroti űa Dios ī rotirise, yiyiju Jesūs ĩnare.

*Manojore jidicāre ma, yi Jesūs ī riasore gaye  
(Mt 19.1-12; Mr 10.1-12)*

18 'Sīgū ī manojo ñasno go rāca isore jidicācōri gajeo rāca ī manojo cutibojaja isore ajegu yigūji īocū. Ito yicōri ī cōarore gāji ī manojo cutija, iso rāca ajegu yigūji īocū cūni, yiyiju Jesūs ī rāca riasotirāre.

*Niyeru jaigu ñabojaru jeame ajuroju ñeñaro ī tōbujare gaye*

19 Mucana gaje ado bajiro gotiyiju Jesūs īnare:

—Sīgū niyeru jaigu quenarise yutabujuri sāñagū ñayiju. Co ruma ruyabeto ī āmoro bajiro ī ya niyerure aje batesotiyiju ī. 20 Ito ī baji ñaroca sīgū Lázaro wame cutigu ñayiju bojoro bujagu. Buto rujuri camī cutigu ñayiju ī. Ito bajicōri niyeru jaigu ya, soje tū macāju ruyiyiju. 21 Niyeru jaigu ī bagorise barocū, ito rujibojayiju Lázaro. Ito ī rujiroca yaia ejacōri, ī ya camire weroyijarā. 22 Co ruma bojoro bujagu godayiju. Ī godarocati, āngel mesa āmi wayijarā Īre Abraham tū Diore tuorānūrā īna ñaroju. Ito bero niyeru jaigu cūni godacoayiju ĩja. Ito bajiri ĩre yujeyjarā masa. 23 Diore tuorānūbicū ñari ñeñaro yigoana īna ñaroju ejacōri buto tōbujayiju niyeru jaigu ñabojaru. Ito bajiro tōbujaja ñagū sōju Abraham ñayorure ti bujayiju ī. Ito bajiri Lázaro ī rācaju ī ñaja ti bujayiju. 24 Ito bajiri ado bajiro oca sēoro busibojayiju ī: “Ñicu Abraham yare ti maīña mū. Adoju jeame ajuroju ñeñaro tōbujaja yū. Ito bajiri Lázarore cōaña, ī ya āmo wāsoa ide yicōri yū ya ñemero ide weogu wadijaro. Ito yija jabeto tujari seyoa yū”, yibojayiju ī Abrahamre. 25 Ito ī yibojarocati ado bajiro cūdiyiju Abraham ĩre: “Tuoya yū janami mū. Catigu queno ñacācū muāma. Lázaroreama ī catibojaja queno ejabiticu. Ito bajiri adoju queno ñagū yami ī. Muāma ñeñaro tōbujagu ya mū itoju. 26 Mani watojoe ūmari goje eyari goje ña. Ito bajiri no yi masia ma manire”, yiyiju ī, niyeru jaigu ñabojarure. 27 Ito bajiro ī yija tuocōri, ado bajiro cūdiyiju ī: “Tuoya yū ñicu mū. Lázaro ado ī eja masibeja, cūna taju wajaro. 28 Itoju ñarāji yū ñarā, yū ocabaji mesa. Co dūjamocō ñarāji īna. Īnare gotigu wajaro ī, ado ñeñaro tōbujarajū īna ejabe yirocū”, yiyiju ī Abrahamre. 29 Ito ī yija tuocōri, ado bajiro yiyiju Abraham: “Moisés ñayoru ī ucayore, ito yicōri Diore goti ĩsiri masa īna ucare ñacā ĩnare. Itijū tuorānūruja ĩnare”, yiyiju Abraham ĩre. 30 “Meje ñicu, sīgū godana wato gagu wacōri ī gotija tuocōri, ñeñaro īna yirise jidicārā yirāji īna”, yiyiju ī. 31 Ito ī yija tuocōri: “Moisés ñayoru ī gotire gaye ito yicōri Diore goti ĩsiri masa īna ucare gaye īna tuorānūbeja, godarā wato ñagū mucana caticōri ī gotibojaja, tuorānūmena yirāji īna ĩre cūni”, yiyiju Abraham niyeru jaigu ñabojarure. Ito bajiri Dios ñaro mūa eja āmoja catirāti ñeñaro mūa yirise jidicācōri Diore tuorānūña, yi gotiyiju Jesūs ī rāca riasotirāre.

## 17

*Ñeñaro mūa yi uyaja guijorise ña, yi Jesūs ī riasore gaye*

*(Mt 18.6-7, 21-22; Mr 9.42)*

1 Mucana tūdi busigu ado bajiro yiyiju Jesūs ī rāca riasotirāre:

—Co ruma ruyabeto mani ñeñaro yitoni usirioro yi codeami rāmá. Mani ñeñaro yitoni usirioro yigu ñeñaro tōbujagu yigūji. 2 Jane yare tuorānūsuorā ñeñaro īna yiroca yigu, ñeñaro tōbujagu yigūji ī. Ito bajiri ī ya āmumaju gūtagā rācuricā sia yocōri riaca jajosaju rucōaja quena ĩre. 3 Itire queno tuoīa masiña mūa.

'Sīgū mūa yagu ñeñaro ī yija, “Dios tiro riojo queno yibea mū”, yiba ĩre. Ito bajiro mūa yija tuocōri, ī ñeñaro yirise ī jidicāja, “Mū ñeñaro yirisere ācabojoa gūa”, yiba ĩre. 4 Co rumarē juā āmojenocō muare ñeñaro sīgū ī yija, “Muare

ñeñaro yibu yu", i yija tuocōri, "Mu ñeñaro yirisere ãcabojoa gna", yiba ñre, yiyiju Jesús.

*Yure mna tuorñuja mna ãmoro bajiro rētaro yiroja, yi Jesús i riasore gaye*

<sup>5</sup> Co rñmñ ado bajiro yiyijarã Jesús rãca riasotirã ñre:

—Mñre tuorñuna gna. Ito bajibojarocati bũto bũsa gna mñre tuorñuroca yija, yiyijarã ñna Jesure.

<sup>6</sup> Ñna ito yija:

—Jabetacã yure mna tuorñuja, jaibiti aje mostaza aje robo bajiro yure mna tuorñuja, mna rotiro bajiroti bajiroja. Ito bajiri, yucũgu Sicómoro wame cutiricure ado bajiro roti masirãji mna: "Mñmasiti rudu wacōri itajura gũdarecoju rũgũña", yi rotirãji mna. Ito bajiro mna rotiro bajiroti yiroja itigu yucũgu, yure mna tuorñuja, yiyiju Jesús ñnare.

*Ñju rotiro bajiroti moari masũ i cũdija quena, Jesús i yire gaye*

<sup>7-9</sup> Gaje ado bajiro gotiyiju Jesús ñnare:

—Sĩgũ mñare moa ñsiri masũ ovejare tirñucōri i tũdi ejaja, mna riojuajua basũobiqũji. Ado bajiro ñre rotirã yirãji mna: "Bare meni ñsiña gñare. Ito yicōri gna ba rujiroca gñare codeya mñ. Gna ba tũjoa beroju mñ baja quena", yi rotirã yirãji mna. "Iti ña yu ya moare", yi tuoĩacōri mna rotiro bajiroti yigu yiguĩji. Ito bajibojarocati biyaro goroama, "Queno ya mñ", yimena yirãji mna ñre. <sup>10</sup> Ito bajiroti mna cñni Dios i rotirisere cũdibojarãti, "Ññasarã meje ña mani. Mani uju i ñaja cũdirũja manire. Ititi ña, mani ya moare", yirũja mna, yiyiju Jesús ñnare.

*Jna dũjamocõ ruju cami jogarãre Jesús i yisioire gaye*

<sup>11</sup> Jerusalénju wacu Galilea sita rētacōri, Samaria sitaju ejayiju Jesús. <sup>12</sup> Iti sita, cuto i ejaroca jua dũjamocõ ãmna wadicōri sũ basaju tujayijarã. Ruju cami jogarã ñayijarã ñna. <sup>13</sup> Ado bajiro yi awasãyijarã ñna Jesure:

—Jesús gna Eju, gñare ti maiña, yi awasãyijarã ñna.

<sup>14</sup> Ñnare ticōri ado bajiro yiyiju Jesús:

—Wasa paiare, mna ya rujuĩ iotēña, yiyiju ñnare.

Ito i yijare wayijarã ñna. Ñna wasuorocati ñna ya cami yaticoayiju. <sup>15</sup> Sĩgũ ñna rãca gagu i ya cami yatija ticōri: "Yure queno yami Dios. Rētoro masigã ñami Dios", yi tũdi wayiju i Jesús tũjuare. <sup>16</sup> Jesús tu ejacōri rijomunigãna ñini rũjũyiju i. Ito yicōri i ya rio sitaju muquea ruji wayiju, "Queno ya mñ", yirocu. Judio masũ meje ñayiju i. Samaria sita gagũña ñayiju. <sup>17</sup> I ejaja ticōri, ado bajiro yiyiju Jesús ñre:

—Jna dũjamocõ cami cutirãre yisiobu yu. ¿Noju ñati gãjerã mñ rãca gãna? <sup>18</sup> ¿Mñ Samaria sita gagu sũgũti, "Queno yami Dios", yirocu gotigu wadiri mñ? yiyiju Jesús ñre.

<sup>19</sup> Ito yicōri gaje ado bajiro yiyiju i:

—Wñmñña, wasa. "Jesús yure yisiogu yiguĩji", yi mñ tuoĩajare, mñ ya cami yaticoajũ, yiyiju Jesús ñre.

*¿Nocãta masare Dios i miojuri rñmñ ejaro yirojada? yi Jesure ñna senĩare gaye*

(Mt 24.23-28,36-41)

<sup>20</sup> Co rñmñ fariseo gaje tuoñarã, ado bajiro yi senĩayijarã Jesure:

—Ñre tuorñunãrãre i rotiroju Dios i miojuri rñmñ, ¿nocãta ejaro yirojada? yi senĩayijarã ñna Jesure.

Ñna ito yija tuocōri, ado bajiro cũdiyiju Jesús:

—Īre tuorūnarāre Dios ī miojuja, masa jeyaro recoti mani tiriseoni meje űaraja. <sup>21</sup> Diore tuorūnarā mua űaja, mua ya usiju űacāguļi ĩja. Ito bajiri, “Recoti ado űa. Ōju űa ĩrotiro”, yi masiűa ma, mani ya usiju ĩ űajare, yiyiju Jesús fariseo gaye tuoĳarāre.

<sup>22</sup> Īnare ĩ busija bero ĩ rāca riasotirāre, ado bajiro yiyiju Jesús:

—Yu űa Dios Macu, Masa Rĳoru. Co rumu yure ti āmobojarā yirāji mua. Ito bajibojarāti yure ti bujamena yirāji mua. <sup>23</sup> “Ado űami Jesús”, ĩna yija, “Ō űaguļi gajea Jesús”, yibojarā yirāji masa muare. Ito bajiro ĩna yija ĩna rāca suya wabeja. Macu yiguja yu itoju. <sup>24</sup> Ūmacūju gaye bujo borea yirise iti busu bataja masa jeyaro tirā yirāji. Ito bajiroti bajiro yiroja Masa Rĳoru űacōri, yu tūdi ejari rumu. Masa jeyaro tirā yirāji ĩna, yu ito bajija. <sup>25</sup> Iti rioju adojū űagū, buto űeűaro tōbujagu yiguja yu. Iti rumuri masa tirā yirāji yure. <sup>26</sup> Noé űayoru ĩ catiroca masa Diore rūcabuobitiyoűi. Ito bajiro bajirā yirāji masa, yu Masa Rĳoru yu tūdi ejari rumu. <sup>27</sup> Noé űayoru ĩ űaroca masa idirātibe, barātibe, manujo cutirātibe ito yicōri ĩna rĳa romiare manuju bosarātibe yi űayijarā ĩna. “Manire ruyuriobiquĳi Dios”, yi tuoĳa űayijarā ĩna. Ito bajiro ĩna baji űabojaroca riti, cumaju sājajiju Noé űayoru. Cumaju ĩ sājaja bero rujajiju. Ito bajiri űarocōti goda jedicoayijarā ĩna. <sup>28</sup> Ito bajiroti rētayiju Lot űayoru ĩ űaroca cūni. Ī űajacu ĩ űaroca ado bajiro bajijijarā ĩna. Barā, idirā, waja gāmerā, gājerāre ĩsirā, ito yicōri wiri meni űacōayijarā ĩna. “Manire ruyuriobiquĳi Dios”, yi tuoĳa űayijarā ĩna. <sup>29</sup> Ito bajiro ĩna baji űaroca ĩna űari cuto Sodoma wame cutire cutore budigoyiju Lot. Lot iti cuto ĩ budigoja bero űmacūju gaye jea azufre wame cutirise queoyiju Dios. Ito yicōri gūta ājurise cūni queoyiju. Ito bajiri űarocōti na jedicoayijarā ĩna ĩja. <sup>30</sup> Ito bajiroti bajiro yiroja, yu Masa Rĳoru yu goaĳori rumu cūni. Ito bajiro yu goaĳori rumu Diore rūcabuorā meje űarā yirāji masa, yiyiju Jesús ĩnare.

<sup>31</sup> Yu tūdi ejari rumu sĳgū wi rijogodo ĩ bua űaja, ĩ ya gajeoni āmigū ruji wabitorūjaguļi ĩ. Ito yicōri sĳgū ĩ ya weseca ĩ moaroca yu tūdi ejaja, ĩ ya gajeoni āmigū wacu tūdi wabitorūjaguļi ĩ cūni. <sup>32</sup> Lot manujo űayorore bajire gaye tuoĳaűa mua. Iso ya gajeonire tuoĳa jidicā āmobisijo iso. Ito bajiri godayijo iso. <sup>33</sup> No ĩ catirise maibojagati godagu yiguļi. Ito bajibojarocati yure tuorūnugū, yu oca ĩ gotija tuo junisnicōri, ĩna sĳagūama catitiűare gaye bujagu yiguļi.

<sup>34</sup> Co rumu yu ejari rumu jūarā ĩna caniroca ejagu yiguja yu. Jūarā ĩna canibojarocati sĳgāre āmigū yiguļi Dios. Ito yicōri gājire ruacōgū yiguļi. <sup>35</sup> Romia jūarā coro tu oe rujirā yirāji. ĩna ito bajibojarocati sĳgōre āmigū yiguļi Dios. Ito yicōri gajeore ruacōgū yiguļi. <sup>36</sup> Jūarā űmua wesecaju moa űarā yirāji. Ito bajibojarocati sĳgāre āmigū yiguļi Dios. Gājire ruacōgū yiguļi, yiyiju Jesús ĩ rāca riasotirāre.

<sup>37</sup> Ito bajiro ĩ yija tuocōri, ado bajiro ĩre seniĳayijarā ĩna:

—ĳNoju rētaru yirojada iti? yi seniĳayijarā ĩna mani Ĥjare.

Ado bajiro goti masiore ocana cūdiyiju Jesús ĩnare:

—Ruju jogarise iti űaro itoju minijuarā yirāji yuca. No masa ĩna űeűaro yiroju, ito bajiro rētaru yiroja, yiyiju Jesús ĩnare.

## 18

### *Oca quenori masu tu wajeago iso ejasotire gaye*

<sup>1</sup> Diore busi jidicāmenati buto busa oca sēojaro yirocu, ado bajiro goti masiore ocana gotijiju Jesús ĩnare:



2 —Cutoju ñayiju sīgū oca quenori masu. Diore güibisiju, ito yicōri masare cuni rūcubobisiju ī. <sup>3</sup> Iti cutoju sīgō ñayijo manuja godagoro. Coji meje oca quenori masu tu ejasotibojayijo iso, “Mu rāca oca cutigujūare seti ña”, ī yitoni. <sup>4-5</sup> Biyaro iso ejasotibojarocati, isore boca āmbisiju oca quenori masu. Biyaro iso ejaja ticōri, ado bajiro tuoñayiju ī. “Yu isore tirānubeja biyaro ejasotigo yigōji iso. Ito yicōri bogagu yigujaja yu. Ito bajiri Diore güibitibojaguti, masare cuni rūcubobitibojaguti isore ejabucujaja yu, yure iso usirioro yi rētocūme yiroca”, yi tuoñayiju oca quenori masu, yi oca gotiyiju Jesús ī rāca riasotirāre.

<sup>6</sup> Ito yicōri mucana mani Uju ado bajiro gotiyiju:

—Ñeñaro yigu ñabojaguti isore bogagu ejabuayiju oca quenori masu. <sup>7</sup> ¿Dios ñarāre ūmua, ñami cuni ña josaja, ñare tirānubiquijida? ¿Ito yicōri yoari ñare ejabuabiquijida? <sup>8</sup> Ado bajirojua mware ya yu. Yoari mejeti ñare ejabuagu yiguji. Yu Masa Rjorū adi sitaju tūdi ejaḡu yigujaja mucana. ¿Adoju yu tūdi ejaroca yure tuorūnūrā ñarā yirājida maji? yiyiju Jesús ñare.

*“Ñasarā ña gna”, yibojarāre ñasamena ña ñaroca yigu yiguji Dios, Jesús ī yire gaye*

<sup>9</sup> “Gājerā rētoro queno yirā ña gna”, yi tuoñacōri, gājerāre ti tudirāre ado bajiro oca goti masioyiju Jesús ñare:

<sup>10</sup> —Co rumu ūmua jāarā Dios ya wiju Diore busirā wayijarā. Sīgū ī rāca gagu fariseo gaye tuoñagū ñayiju. Gāji ujarāre yiari waja seni ĩsisotiri masu ñayiju. <sup>11</sup> Fariseo gaye tuoñagū rūgōcōri, ado bajiro Diore busiyiju: “Gājerā bajiro bajigu meje ña yu. Riniri masu meje ña yu. Ñeñaro yiri masu meje ña yu. Gāji manojō rāca ajegu meje ña yu. Ito yicōri āni bajiro bajigu meje ña yu. Ī ñami ujarāre yiari waja seni ĩsiri masu. Īre bajiro bajigu meje ñacōri, ‘Queno ya Dios mu’, ya yu. <sup>12</sup> Co semana ruyabeto jua rumu mure rūcubobuḡu babicu riti busisotia yu mure. Ito yicōri jeyaro yu bujarise jabeto mure ĩsisotia yu”, yi busiyiju ī Diore. <sup>13</sup> Ito bajiro ī yiroca ujarāre yiari waja seni ĩsiri masuama bojori bujagu jacajua riti ti wa rūḡucoayiju. Buto bojori bujacōri soje tūju tujayiju ī. Diore ado bajiro busiyiju ī: “Dios yure ti maiña. Ñeñaro yi jaigu ña yu”, yiyiju ī, yi gotiyiju Jesús ñare.

<sup>14</sup> ‘Ado bajiro mware gotia yu. Ujarāre yiari waja seni ĩsiri masu, ito bajiro Diore ī busija, ñeñaro ī yirisere ācabojoyiju Dios. Ito bajibojarocati fariseo gaye tuoñagūreama ī ñeñaro yirise ācabobobisiju Dios. No, “Gājerā rētoro ñasarā ña gna”, yibojarāre ña ñasamena ñaroca yigu yiguji Dios. Ito yicōri, “Ñasarā meje ña gna”, yirāreama, ñasarā ña ñaroca yigu yiguji Dios, yiyiju Jesús ñare.

*Rīacare queno yijaro Dios, Jesús ī yire gaye*  
(Mt 19.13-15; Mr 10.13-16)

<sup>15</sup> Īna rīare Jesús ī moaīatoni āmi ejayijarā masa ī tūju. Ito bajiro rīacare ña āmi ejaja ticōri, “Āmi wadibesa”, yiyijarā Jesús rāca riasotirā. <sup>16</sup> Ito bajiro ña yija tuocōri, ado bajiro yiyiju Jesús:

—Rīacare rēobesa, yu tu wadijaro ña. Rīaca ñama yure queno tuorūnūrā. Īna robo yure queno tuorūnūrāre riti ī rotiroju miojugu yiguji Dios. <sup>17</sup> Riti mware gotia yu. Rīaca queno cūdi āmoama Dios ī rotirisere. No rīaca ña cūdiro bajiro cūdi āmobicuti Dios ī rotiroju ejabiquji, yiyiju Jesús ñare.

*Gajeonire buto maisabeja quena, Jesús ī yire gaye*  
(Mt 19.16-30; Mr 10.17-31)

<sup>18</sup> Sīgū judio masa uju Jesure ado bajiro seniñayiju:

—Yu Uju queno yigu, ¿no bajiro yicōri catitñare gayere bujagu yigujada yu? yiyiju i Jesure.

<sup>19</sup> Ito bajiro i yija tuocōri:

—¿No yija queno yigu yati mu yure? Sīgū ñami queno yigu. İti ñami Dios.

<sup>20</sup> Dios i rotirise masigū ña mu: “Gāji manajo rāca ajebitiruja mu. Gājire sīabitiruja mu, rinibitiruja, gājerāre tuo gotibitiruja, ito yicōri mu jacusabatiare rāchboruja mu”, yiyiju Jesús İre.

<sup>21</sup> Ito bajiro i yija ado bajiro cūdiyiju i Jesure:

—Ñarocōti itire macuacā ñagūju cūdisuocu yu, yiyiju i Jesure.

<sup>22</sup> Ito i yija ado bajiro cūdiyiju Jesús:

—Jabeto rāya maji queno Diore mu cūdi jeoroti. Ñarocōti mu cūdi jeo āmoja, ado bajiro yiya. Jeyaro mu rucorise gājerāre İsi jeocōña. Ito yicōri iti waja bujacōri bojoro bujarāre İsiña. Ito bajiro mu yija, ũmacūju queno bujagu yigujada mu. Ito bajiri yu gotirise cūdiya. Ito yicōri yu rāca waya, yiyiju Jesús İre.

<sup>23</sup> Ito bajiro Jesús busija tuocōri, bato bojori bujayiju İ. Gajeoni jaigu ñacōri itire bato maiyiju. Ito bajiri Jesús busire tuocōri bojori bujaguti wayiju İ. <sup>24</sup> İ bojori bujaja ticōri, ado bajiro yiyiju Jesús i rāca riasotirāre:

—Niyeru jairā Dios i rotiroju josari bero ejarā yirāji İna. <sup>25</sup> Gawa jotaga yuta jiosōrajare, camello queno sāja masibiquji. İti robo bajiroti Dios i rotiroju queno eja masibiquji niyeru jaigu, yiyiju Jesús İnare.

<sup>26</sup> Ito bajiro i yija tuocōri, ado bajiro yiyijarā İna:

—¿Ito yija noajua Dios i ñaroju ejarā yirājida? Riti mu yijama sīgū ejabiquji gajea, yiyijarā İna Jesure.

<sup>27</sup> İna ito yija tuocōri, ado bajiro yiyiju Jesús macana:

—Masamasiti yiado ma itire. Dios sīgūti jeyaro yi masiguji. Ñeju josarise manaja İre, yiyiju Jesús İnare.

<sup>28</sup> Ito bajiro i yija tuocōri, ado bajiro yiyiju Pedro Jesure:

—Gua Uju, mu rāca warona jeyaro gua rucorisere jidicacu gua, yiyiju i Jesure.

<sup>29-30</sup> Ito yija Jesujama ado bajiro cūdiyiju:

—Riti ya yu muare. “Dios ñami mani Uju”, yi goti ucurona, İna ya wi, İna jacusabatia, İna manojosāromia, ito yicōri İna rīare cūni İna cū waja, queno waja bujarā yirāji İna. Ito yicōri ũmacūju Dios taju catitñarā yirāji İna, yiyiju Jesús İre.

*Yure sīarā yirāji, Jesús i yi busisusare gaye*

*(Mt 20.17-19; Mr 10.32-34)*

<sup>31</sup> Ito i yija bero juu gubojeno ñarā, i rāca riasotirāre ricati busa ji wayiju Jesús İnare busirocu. Ito yicōri ado bajiro yiyiju İ İnare:

—Adocāta Jerusalēnju warā ya mani. Itoju mani ejaroca jane mejeju Diore goti İsiri masa İna ucado bajiroti rētarō yiroja Masa Rījorare. <sup>32</sup> Gaje masa İre İna ñiatoni, mani masati İre oca menirā yirāji. İre ñiacōri aja tudirā yirāji İna. Ito yicōri İre tiborā yirāji İna. İre go ide eobate gurā yirāji İna. <sup>33</sup> İre jarā yirāji İna. Ito yicōri İre sīarā yirāji. İre İna sīabojarocati ũdia rumu bero godana wato ñabojaguti macana tūdi catigu yiguji İ, yiyiju Jesús İnare, İre rētaroti gaye tuoİa yugu.

<sup>34</sup> Ito bajiro i gotibojarocati tuo masibisjarā İna. “İti gayere busiguji”, yi masibisjarā İna. Ito bajiri i busirise queno tuo masibisjarā İna.

*Cajea macure Jesús i yisioire gaye*

*(Mt 20.29-34; Mr 10.46-52)*

<sup>35</sup> Jericó ejagu wagu ĩ yiroca ma tu sĭgũ cajea macu rujiyiju. Ito ma tu rujicōri masa ĩre ti maitoni masare josayiju. <sup>36</sup> Jājarā masa ĩna rētaja tuocōri, “¿No bajiatu?” yiroca seniĭayiju ĩ.

<sup>37</sup> Ito ĩ yija:

—Jesús Nazaret gagu rētagũ wagu yami, yiyijarā ĩna.

<sup>38</sup> ĩna ito yija tuocōri, awasāyiju ĩ:

—Jesús, David ñayoru janerābatia janami, yure ti maiña mu, yi awasāyiju.

<sup>39</sup> ĩre rētasuorā, “Awasābesa mu”, yibojayijarā ĩna ĩre. Ito yibojarocati buto busa awasāyiju ĩ:

—David ñayoru janerābatia janami yure ti maiña mu, yi awasāyiju ĩ.

<sup>40</sup> Iti tuocōri tuja rügūyiju Jesús. Ito yicōri, “Cajea tibicare āmitēña”, yi ñucayiju. ĩ tu ĩ ejagu wagu yiroca, ado bajiro seniĭayiju Jesús cajea macure.

<sup>41</sup> —¿No bajiro mure yu yire āmoati mu? yiyiju ĩ ĩre.

—Yu ĩju mucana tadi cajea ti āmoa yu, yiyiju ĩ Jesure.

<sup>42</sup> Ito ĩ yija tuocōri:

—Mucana tiya mu. “Jesús yure yisogũ yiguĭji”, mu yi tuoĭajare, tadi mu cajea tiroca ya yu, yiyiju Jesús ĩre.

<sup>43</sup> Ito ĩ yirocaci cajea macu ñabojaru ticoayiju ĩja. Ito yicōri Jesús rāca wacu, “Buto rētoro masigũ ñami Dios”, yi wanu quena wayiju ĩ. Jājarā masa ito bajiro iti rētaja ticōri, “Queno yigu ñami Dios”, yi wanu quena wayijarā ĩna canu.

## 19

### *Jesure Zaqueo ĩ ti āmore gaye*

<sup>1</sup> Ito yija bero Jericóju ejayiju Jesús ĩja. Ito yicōri iti cutoju wa ucuyiju Jesús.

<sup>2</sup> Iti cuto gagu sĭgũ niyeru jaigu ñayiju, Zaqueo wame cutigu. ĩjarāre yiari waja seni ĩsiri masa uju ñayiju ĩ. <sup>3</sup> ĩ Zaqueo Jesure buto ti āmoayiju. Ito bajibojarocati ũmabicu ñari, masa ĩna jājarā ñajare Jesure ti bujabisiju ĩ. <sup>4</sup> Ito bajiri masa rioju āmaquedi wacōri, ma tu rügōricare Sicómore wame cutiricare mũja jeayiju Zaqueo Jesús ĩ rētaja tiroca. <sup>5</sup> Ito rēta wacu ti mucōri ado bajiro yiyiju Jesús Zaqueo:

—Zaqueo coji ruji waya mu. Jane mu ya wi tuja āmoa yu, yiyiju Jesús ĩre.

<sup>6</sup> Jesús ito bajiro ĩ yija tuocōri, ejoriti ruji wayiju ĩ. Ito yicōri wanure rāca Jesure boca āmicōri, ĩ ya wiju āmi wayiju. <sup>7</sup> Zaqueo rāca Jesús ĩ waja ticōri, ĩre busituyijarā masa. “Ñeñaro yi jaigu ya wi tujagu wami”, yirona busiyijarā ĩna.

<sup>8</sup> ĩ ya wiju Jesús ĩ ñaroca, ado bajiro yiyiju Zaqueo Jesure:

—Yu ĩju, tite mu. Bojoro bujarāre gudarecona yu rucorisere ĩnare ĩsi batogu yiguja yu. Yu tuo āmigoanare juarijiricō ĩnare judacōgũ yiguja yu, yiyiju ĩ Jesure.

<sup>9</sup> Ito ĩ yija tuocōri, ado bajiro yiyiju Jesús:

—Mu ñeñaro yirise mu jidicāja ticōri, mu ñarāre, mure canu masogũ yiguĭji Dios, ya yu mure. Ñeñaro yigu ñari mu ñicu Abraham ñayoru Diore ĩ rucuboado bajiro yibiticu mu maji. <sup>10</sup> Mure bajiro jeame ũjuroju wabooanare masori masu wadia yu. Yu ña Masa Rĭjoru, yiyiju Jesús ĩre.

### *Moa ĩsiri masa gaye Jesús ĩ goti masiore oca* (Mt 25.14-30)

<sup>11</sup> Ito bajiro Jesús ĩ yi ñaroca ĩ busirise tuo ñayijarā masa. “Yoari mejeti Jerusalénju manĭ ejaja beroti, ĩre tuorānārāre ĩ rotiroju miojusuogũ yiguĭji

Dios”, yi İna tũoĩabojarisere masicũyijũ Jesũs. <sup>12</sup> Ito bajiri goti masiore ocana ado bajiro yiyijũ Jesũs İnare:

–Sĩgũ ñasari masa rãca gagũ ñayijũ. Sũju gaje sitajũ wayijũ ĩ, “Mũ ya sita uju ñama mũ”, gãji İre yitonĩ. <sup>13</sup> ĩ waroto riojũ jũa dũjamocũ İre moa İsiri masare jiyijũ ĩ. Sĩgũ ruyabeto İnare niyeru tiri bũto waja cũtirise İsiyijũ ĩ. Ito yicũri ado bajiro rotiyijũ ĩ İnare: “Ito yũ waroca riti adi niyeruna moacũri jai busaro niyeru bũja İsiña mũa yũre”, yiyijũ ĩ İnare. <sup>14</sup> ĩ ya sita gãna ti teyijarã İre. Ito bajiri ĩ beroti masa cũayijarã İna. “Ăni gua uju ñare ģmobeaa gua”, İna yi gotitoni İnare cũayijarã İna. <sup>15</sup> Ito bajiro İna yibojarocati gaje sita gagũ uju İre wame yiyijũ. “Mũ ya sita uju ñama”, ĩ yija bero, ĩ ya sitajũ tũdi wayijũ ĩ mũcana. Itojũ tũdi ejacũri, ĩ ya moari masare jiyijũ ĩ. “ĴYũ niyeru cũ warena, nocũ jairo niyeru bũja remoyijari İna?” yirocũ, İnare jiyijũ ĩ. <sup>16</sup> İna ejaja ticũri, cajero gagure seniĩasũoyijũ ĩ: “ĴNocũ jairo niyeru bũja remori mũ?” yiyijũ ĩ. Ito ĩ yija tũocũri: “Yũ uju mũ ya niyeruna jũa dũjamocũti mũcana tũdi bũja remomũ yũ”, yiyijũ ĩ. <sup>17</sup> Ito yija tũocũri, ado bajiro cũdiyijũ ĩ uju İre: “Queno yiyija mũ. Queno yũre moa İsigũ ña mũ. Jabetacã yũ mũre rotija, ñaro bajiroti yũre cũdiyija mũ. Ito bajiri jũa dũjamocũ cũtori tirũnũrocũre cũa yũ mũre”, yiyijũ ĩ İre. <sup>18</sup> ĩ bero gãji ado bajiro yiyijũ ĩ uju: “Yũ uju, mũ ya niyeruna co dũjamocũti bũja remomũ yũ”, yiyijũ ĩ İre. <sup>19</sup> Ito ĩ yija tũocũri, ado bajiro yiyijũ ĩ uju: “Mũ yũre queno cũdire waja co dũjamocũ cũtori tirũnũgũ ya mũ”, yiyijũ ĩ İre. <sup>20</sup> ĩ bero gãji mũcana ĩ tũ ejayijũ. “Yũ uju, ado ña mũ ya niyeru. Resurona gũmacũri seocũ yũ itire. <sup>21</sup> Mũre tũo gũicũ yũ. Oca sũogũ ña mũ. Gãjerã İna otebojareti ģmagũ ña mũ. Ito yicũri gãjerã İna bũjaretĩ ģmagũ ña mũ. Ito bajiri mũre masicũri mũre tũo gũicũ yũ”, yiyijũ ĩ, ĩ uju:re. <sup>22</sup> Ito bajiro ĩ yija tũocũri, ado bajiro yiyijũ ĩ uju: “Yũre queno moa İsigũ meje ña mũ. Janeti yũre mũ busigorisenati, mũre sũoro yigũ ya yũ. ‘Sũoro yigũ ña mũ. Ito yicũri gãjerã ya otere ģmagũ ña mũ. Ito yicũri gãjerã ye ñaboreti ģmagũ ña mũ’, yiyija mũgo yũre. <sup>23</sup> Ito bajiro yi masibojaguti, Ĵno yija yũ ya niyerure jai busaro bũja remora wijũ cũbiticati mũ? Mũcana yũ ya wijũ tũdi ejacũri jai busaro niyeru ti tũdi eja ģmobjacu yũ”, yiyijũ ĩ uju İre. <sup>24</sup> Ito yicũri gãjerã itijũ ñanare ado bajiro rotiyijũ ĩ: “Ĵrũcoriti niyerutire ģmaña mũa. Ito yicũri jũa dũjamocũ rũcogũre İsiña mũa”, yiyijũ ĩ İnare. <sup>25</sup> ĩ ito yija tũocũri: “Tite gua uju. Jũa dũjamocũ niyeru ñacã İre”, yiyijarã İna İre. <sup>26</sup> Ito yija İna uju ado bajiro cũdiyijũ: “Tite. Ado bajiro mũare gotia yũ. No yũre queno moa İsigũre jai busaro İre İsi remogũ yigũja yũ. Ito bajibojarocati no queno yũre moa İsibicũreama ĩ rũcoriseacãti ģma jeocũcũja yũ. İre ģmacũri gãji yũre queno moa İsigũre İsigũ yigũja yũ. <sup>27</sup> Ito yicũri uju yũ ñare ģmobitianare, adojuã ģmi waya İnare. Ito yicũri, yũ tiro riojo İnare sũaña”, yiyijũ uju ĩ ya moari masare. Ito bajiri iti oca tũocũri Diore mani queno moa İsija quena, yi oca goti masioyijũ Jesũs masare.

*Jerusalėnju Jesũs ĩ ejare gaye*  
(Mt 21.1-11; Mr 11.1-11; Jn 12.12-19)

<sup>28</sup> Ito ĩ yija bero, Jerusalėnju wayijũ Jesũs mũcana. <sup>29</sup> ĩ waro riojo Olivos wame cũtiri tũria ñayijũ. Iti tũria jũdo jũa cuto ñayijũ. Betfagė, ito yicũri Betania wame cũtiri cũtori ñayijũ iti. ĩ ejaroto riojũ jũarã ĩ rãca riasotirãre cũayijũ ĩ. <sup>30</sup> Ado bajiro yiyijũ ĩ İnare:

–I cũtoju wasa. Ito ejacũri burro, İna sia rũgũgũre bũjarã yirãji mũa. Sĩgũ masũ mũja jeaĩaña macũ ñaguĩji maji. İre ōjacũri ģmi wadiba. <sup>31</sup> Sĩgũ mũare

Ī seniġaja: “¿No yirā ĩre ōjati mua?” ĩ yija, ado bajiro gotiba ĩre: “Mani Ŭju ĩre āmoami”, yiba ĩre, yiyiju Jesús ĩ rāca riasotirāre.

<sup>32</sup> Ito ĩyija tuocōri, wayijarā ĩna. Ito ejacōri Jesús ĩ gotiado bajiroti bujayijarā ĩna ĩja. <sup>33</sup> Burrora ti bujacōri ōjayijarā ĩna. ĩre ĩna ōjaroca ado bajiro seniġayijarā ĩ ujarā:

—¿No yija ĩre ōjati mua? yiyijarā ĩna.

<sup>34</sup> ĩna ito yija tuocōri:

—Mani Ŭju ĩre āmoami. Ito bajiri ĩre ōja gua, yiyijarā ĩna.

<sup>35</sup> Ito yicōri Jesús tuju ĩre āmi wayijarā ĩna ĩja. Jesús tu ejacōri ĩna ya yutabuju ruacōri burro joe jidi jeoyijarā ĩna. Ito yicōri Jesús ĩ mġa jeatoni ĩre ejabuayijarā ĩna. <sup>36</sup> ĩ joe jesa wayiju Jesús ĩja. Ito bajiro ĩ jesa waroca jājarā ĩna ya yutabujuri ruacōri ĩ waro riojo eyocū yuyijarā ĩna. “Gua Ŭju ĩna mu”, yirona ito bajiro yiyijarā masa, ĩre rucubhorā. <sup>37</sup> Ito bajiro wacuju turia judo ejayiju, Jerusalén roja wara maju. Ito ĩ ejaroca ĩre rucubhorā ado bajiro yi awasā wanuyijarā masa: “Rētoro quenagū ĩami Dios. Jaje tiyamani manire ioami”, yi awasā wanuyijarā ĩna. Diore rucubhorā:

<sup>38</sup> —Quenarise ĩjaro mani Ŭjure. ĩ ĩami Dios ĩ cūru. Ŭmacuju gāna cuni wanu quenare rāca ĩjaro ĩna. Masa jeyaro Diore queno rucubhorā, yiyijarā ĩna Jesure wanurā.

<sup>39</sup> Jesure sayarā ĩna rāca ĩbajoyijarā fariseo gaye tuoġarā cuni. Masa ĩna ito bajiro wanu busija tuocōri, Jesure ado bajiro yiyijarā ĩna:

—Guare riasogu, ito bajiro mare busi sayarāre, “Busibesa mua”, yiya, yiyijarā fariseo gaye tuoġarā Jesure.

<sup>40</sup> Ito bajiro ĩna yibojarocati:

—Riti ado bajiro muare gotia yu. Yure ĩna awasā wanubeja, masa ĩna awasā wanuro bajiro gūta cuni awasā wanuro yiroja, yiyiju Jesús ĩnare.

<sup>41</sup> Ito bajiro wacuti Jerusalénju ticōyiju ĩ. Iti cuto gānare tuoġacōri otiyiju Jesús.

<sup>42</sup> Tuoġa oticōri ado bajiro yiyiju Jesús:

—Wanu quenatūñare buja masibojarāti āmobisjarā ĩna. Ito bajiri adocāta buja masiñna ma ĩnare. <sup>43</sup> Quenabiti rumari ejaro yiroja ĩnare. Ito bajiri ĩna wajana rujabedo ĩnare camotarā yirāji. Ito yicōri coju ruyabeto camotarā yirāji ĩnare sġarona. <sup>44</sup> Ito bajiro yicōri ĩnare ruyurio jeorā yirāji. Ito yicōri ĩnare sġarā yirāji. ĩnare sġacōri ĩna cuto Jerusalénre dara baterā yirāji ĩna. Ito bajiri ĩna camotabojare gūta ĩnarocōti quedicoaro yiroja. Ito bajiro rētarō yiroja, ĩnare Dios boca āmi āmobojarocati ĩna āmobitire waja, yiyiju Jesús.

*Dios ya wiju niyeru wasoari masare Jesús ĩ bucōare gaye  
(Mt 21.12-17; Mr 11.15-19; Jn 2.13-22)*

<sup>45</sup> Ito bajiro Jerusalénju ejacōayiju Jesús ĩja. Ito bajiro ejacōri Dios ya wiju sġayiju ĩ. Ito sġacōri waja gāmeri masare ti bujayiju Jesús. ĩnare ti bujacōri ĩnare bucōayiju ĩ. <sup>46</sup> Ito yicōri ado bajiro yiyiju ĩ:

—Dios oca tuti ado bajiro gotia: “Yure rucubhorona yu ya wi sġjarā yirāji masa”, yi gotia Dios oca tuti. Mua ito bajiro niyeru gāmeri waja yija, riniri masa ĩna rudiriju robo bajiro ya mua, yi tudiyiju Jesús waja gāmeri masare.

<sup>47</sup> Jerusalén ĩnagū co rumu ruyabeto Dios ya wiju masare riasosotiyiju Jesús. Ito bajibojarocati paia ujarā, judio masa rotirise riasori masa, ito yicōri cuto ujarā cuni ti tujabisjarā ĩna. Ito bajiri ado bajiro yi tuoġayijarā ĩna: “ ĩre seti ĩna”, mani yija, ĩre sġarā yirāji mani”, yi tuoġayijarā ĩna. <sup>48</sup> Ito bajibojarocati masama Jesure wanucōri buto busa ĩre tuorānuyijarā ĩnama. Ito bajiri, “Seti ĩna ĩre”, yi masibisjarā ujarā mesa.

## 20

*¿Ñimũ ĩ rotijare ito bajiro yati mũ? yi Jesure ĩna seniũare gaye  
(Mt 21.23-27; Mr 11.27-33)*

<sup>1</sup> Co rãmũ Dios ya wĩju masare riaso ñayiju Jesũs. Masare Dios ĩ masore gayere ĩnare riaso ñayiju Jesũs. Ito bajiro ĩ riaso ñaroca paia Ƶjarã ejayijarã. Ito yicõri judio masa rotirise riasori masa, judio masa bucũrã cãni ejayijarã.

<sup>2</sup> Jesũs tũ ejacõri ado bajiro seniũayijarã ĩna:

—¿Waja gãmeri masare mũ bucõaja ñimũ rotirisena ĩnare bucõati mũ? Ito yicõri, ¿ñimũ mure cũcati ito bajiro mũ yitoni? yi seniũayijarã ĩna Jesure.

<sup>3</sup> ĩna ito yija tũocõri:

—Yũ cãni mũare ado bajiro seniũa yũ. Cũdiya mũa cãni yũre. <sup>4</sup> ¿Ñimũ masare Juan ĩ idé gutoni cõayijari? ¿Dios ĩre cõayijarite? ¿Masa ĩre cõayijarite? yi seniũayiju Jesũs ĩnare.

<sup>5</sup> Ito bajiro ĩ yija tũocõri, ĩnamasiti gãmeri tũoĩa bũsiyijarã ĩna:

—¿No bajiro ĩre cũdirujati mani? “Dios cõayiju ĩre”, mani yija, “¿No yija ito bajibojarocati ĩre tũorũnũbiticati mũa?” yigu yiguĩji ĩ manire, yi tũoĩayijarã ĩna. <sup>6</sup> “ ‘Masa cõarũ ñami Juan’, mani yija, masa manire junisinicõri gãtagãna manire rea sũarã yirãji. ‘Diore yiari bũsiĩni Juan’, yi tũoĩacõri gãtagãna rea sũarã yirãji ĩna manire”, yi tũoĩa gãmeri bũsiyijarã ĩna. <sup>7</sup> Ito bajiro tũoĩacõri ado bajiro cũdiyijarã ĩna Jesure:

—“Ī ñaĩni masare idé gutoni cõarũ”, yi masibea gãa, yiyijarã ĩna Jesure.

<sup>8</sup> ĩna ito yija tũocõri:

—“Ī rotirisena ya yũ”, yi gotibicũja yũ cãni, yiyiju Jesũs ĩnare.

*Queno moare rujeo masimena Jesũs ĩ yire gaye  
(Mt 21.33-44; Mr 12.1-11)*

<sup>9</sup> Ito yicõri masare bũsiũoyiju Jesũs mũcana. Ado bajiro goti masiore ocana gotiyiju Jesũs ĩnare:

—Sĩgũ ñayiju Ƶyé wese, rucogu. Gaje sita yoari waroca ĩ ya Ƶyé wesere gãjerã moari masare wasoayiju ĩ. Ito yicõri yoari gaje sitaju ñayiju ĩ. <sup>10</sup> Ƶyé iti rica cũtiroca sĩgũ ĩ ya moari masare cõayiju ĩ, ĩ ya ote ãmitoni. Iti ote coderi masa ĩ wadija ticõri, ĩre jaĩosãcõyijarã ĩna. Ito bajiri ñe macũti tũdi wayiju ĩ. <sup>11</sup> Ito bajiro ñe macũti ĩ ejaja ticõri, gãji ĩre moa ĩsiri masare cõayiju ĩ. Iti ote coderi masa ĩ ejaja ticõri, ĩre tiboyijarã ĩna. Ito yicõri jaĩosãcõyijarã ĩna. Ito bajiri ĩ cãni ñe macũti tũdi wayiju. <sup>12</sup> Ī ito bajija ticõri, gãjire cõayiju mũcana. Ī ejaja ticõri, ito bajiroti ĩre cãni jaĩosãcõyijarã ĩna mũcana.

<sup>13</sup> Īti jeyaro bajija ticõri, ado bajiro tũoĩayiju iti sita Ƶju: “¿No bajiro yirũjati yũ? Ado bajiro yicũja yũ. Yũ macũ, yũ maĩgũre cõagũ ya yũ. ĩre ĩna tija rũcũborã yirãji gajea”, yi tũoĩaboyaju ĩ. <sup>14</sup> Ī macũ ejaja ticõri, ado bajiro ĩnamasi gãmeri tũoĩa bũsiyijarã ĩna, ote coderi masa: “Ãni ñami adi sita Ƶju ĩ godaja bero boca ãmiroca. ĩre sĩacãcõrũja, manijũa bũjana yirona”, yi tũoĩa gãmeri bũsiyijarã ĩna. <sup>15</sup> Ito bajiri ĩre tucõa wacõri sĩayijarã ĩna, yi oca goti masoyiju Jesũs masare. Ito yicõri ado bajiro ĩnare seniũayiju Jesũs:

—Īna ito bajiro yija, ¿no bajiro yigu yiguĩjida iti sita Ƶju? <sup>16</sup> Ado bajirojũa yigu yiguĩji. Ote coderi masa tũ ejacõri ĩnare sĩagũ yiguĩji. Ito yicõri ĩ ya sita gãjerãre wasoagu yiguĩji. Dios cãni ito bajiroti yigu yiguĩji. No ĩ cõarare boca ãmimenareti ruyuriogu yiguĩji Dios, yiyiju Jesũs ĩnare.

Ito bajiro ĩ yija tũocõri, ado bajiro yiyijarã ĩna:

—Iti ito bajiro rõtame yirocũ camotajaro Dios, yiyijarã ĩna.

17 Īnajuare ticōri ado bajiro yiyijū Jesús:

—ĶÑe yireoni ñati adi Dios oca tuti gaye m̄ua t̄uoĭaja?

Gūta wi meniri masa coga gūtagā cōayijarā Īna. Ito bajibojarocati gaje gūta rēto b̄sarō quenarica ñayijū itiga Īna cōabojaraga. Itiga gūtagāna suoriti quenari wi menigū yiguĭji Dios. Itiga gūtagā manija, ñe menire manoja ĭja, yi gotia Dios oca tuti.

18 No gūtagā joe quedi jeagure ĩ ya gōari jearo yiroja. Ito yicōri itiga gūtagā sīgure iti quedi jeaja mano abocōro yiroja. Ado bajiro baja ito oca. No Dios ĩ cōarure tuorānubicu catitīñabicu yiguĭji ĩocū. Ito yicōri jeame ājurojū ĩ cōa āmorāre ruyuriorocū cōagū yiguĭji ĩ, yi gotiyijū Jesús masare.

19 Ito bajiro Jesús ĩ oca goti masioja t̄uocōri, “Manireti b̄siami”, yi t̄uo masiyijarā paia ūjarā, judio masa rotirise riasori masa c̄uni. Ito bajiri Jesure ñia āmoyijarā Īna. Ito bajibojarocati masare gūirā ñia masibisijarā Īna maji.

*Ĥjarāre mani waja ruyurioja ñaro bajiroti waja yija quena, Jesús ĩ yire gaye (Mt 22.15-22; Mr 12.13-17)*

20 Īre ñia masibiticōri coriarā Jesús rāca baba cuti r̄uorōnare cōayijarā Īna: “Titēña. Sita ūjarāre ĩ b̄situja t̄uoba. ĩ b̄situja t̄uocōri, ‘Īre seti ña’, yirā yirāji mani. Ito yicōri adi sita ūjū t̄ujū ĩre āmi warā yirāji mani”, yiyijarā Īna. 21 Jesús rāca baba cuti r̄uoaana ĩ t̄a ejacōri, ado bajiro ĩre gotiyijarā Īna:

—Guare riasogu, jeyaro m̄u riasorise, m̄u b̄sirise riti ñasarise ña, yi t̄uoĭa gua. Masa ñasari masa, ñasamenare c̄uni corocōti ti maia m̄u. Dios ĩ āmoro bajiro masa Īna yitoni, queno riasoa m̄u. 22 Ito bajiri ado bajiro m̄ure seniĭa gua: “ĶRoma cuto gagū ūjure ĩ rotiado bajiroti ĩre gua waja yija quenati? ĶĪre gua waja yibeja c̄uni quenatite?” yi seniĭayijarā Īna Jesure.

23 Ito bajiro Īna yibojarocati Īna ñeñaro t̄uoĭarisere t̄uo masicōyijū Jesús. Ito bajiri ado bajiro yiyijū ĩ ĩnare:

24 —Adi sita gaye niyeru cuji ĩsiña yare, yiyijū Jesús.

Iti cuji niyeru cuji boca āmicōri ado bajiro seniĭayijū Jesús ĩnare:

—ĶÑimū ya rio ito yicōri ñimū wame wāñati adi cujijū? yi seniĭayijū Jesús ĩnare.

Ito ĩ yija t̄uocōri:

—Adi sita ūjū rioti ña, ito yicōri ĩ wame c̄uni, yiyijarā Īna Jesure.

25 Īna ito yija ado bajiro c̄udiyijū Jesús ĩnare:

—Sita ūjū gaye iti ñajama ĩreti ĩsija quena. Ito yicōri Dios ye iti ñaja Diore ĩsija quena, yiyijū ĩ ĩnare.

26 Ito bajiro queno Jesús ĩ c̄udija t̄uocōri, masa t̄uoro riojo oca meni masibisijarā Īna. ĩ queno c̄udi masija ticōri, mano ūcayijarā Īna. Ito bajiri ĩre oca meni āmobjarāti b̄sibisijarā Īna ĭja.

*ĶGodacōri t̄udi caticoarā yirājida masa? yi Jesure ĩna seniĭare gaye (Mt 22.23-33; Mr 12.18-27)*

27 Ito ĩ baji ñaroca coriarā saduceo gaye t̄uoĭarā, Jesure ti āmorā ejayijarā. Saduceo gaye t̄uoĭarā, “Godabojarāti m̄ucana t̄udi catire manoja”, yi t̄uoĭarā ñayijarā Īna. Ito bajiri ado bajiro Jesure seniĭayijarā Īna:

28 —Guare riasogu, Moisés ñayoru ado bajiro ūcayoñi: “Rĭjoru ñasogu rĭa macuti manojore ĩ godagoja ĩ ocabaji manojō cuti wasoaja quena. Ito bajiro yiguti ĩ rĭjoru ñabojarure rĭa cuti ĩsigū yiguĭji”, yi ūcañi Moisés ñayoru, yiyijarā Īna Jesure.

29 Gaje ado bajiro gotiyijarā Īna Jesure:

—Mure oca gotia gna. Sīgū rīa ado bajiro rētayjarā. Jua āmojeno űayjarā ĩna. űasuoḡu manajo cutibojaguti rīa macuti godagoyiju. <sup>30</sup> Ī bero gagu manuju godagoro rāca manajo cutibojayiju. Ī cuni rīa macuti godagoyiju. <sup>31</sup> Ito yicōri ĩna bero gagu cuni manuju godagoro rāca manajo cutibojayiju. Ī cuni rīa macuti godacoayiju. Ī bero gāna cuni isore manajo caticōri, rīa manati goda jediyjarā ĩna. <sup>32</sup> ĩna goda jedija beroju goda sūyayijo ĩna manajo űabojaro cuni. <sup>33</sup> ĶŪmacūju mūcana tūdi ĩna catija űimu manojouma űasagōjida ĩna jeyaro manajo iso űaja bero? yi seniĳayjarā ĩna Jesure.

<sup>34</sup> Ito yija Jesūs ado bajiro cūdiyiju ĩnare:

—Adi tutiju masa ĩna űaja, manajo cuti, manuju cuti yama ĩna. <sup>35</sup> Adi tutiju ito bajiro ĩna yi űabojarocati mūcana tūdi caticōri, Dios tujū ĩna ejaja manajo cutire manoja itojuma. Ito yicōri ĩna rīa romiare manajo cuti rotimenaji ĩna. <sup>36</sup> Dios rīa űari mūcana tūdi catirā yirāji ĩna. Ito yicōri juaji godamenaji ĩna. Ángel mesa robo bajiro bajirā yirāji ĩna ĩja. <sup>37</sup> Gaje Moisés űayoru ĩ ucare ticōri, “Godana mūcana tūdi catirā yirāji”, yi tuoĳa mani. Yucu tutu űjūrise wato Dios oca ruyurisere ucayoyiju Moisés. Ado bajiro gotiyiju Dios Moisésre: “Yū űa Abraham űju, Isaac űju, ito yicōri Jacob űju cuni”, yiqū Dios yare, yi ucayiju Moisés űayoru. <sup>38</sup> Iti oca tūcōri, “Godana űju meje űami Dios. Catirā űjujūa űami”, yi tuoĳa mani. Godana űabojarāti Dios ĩ tija catirā riti űarāji masa, yiyiju Jesūs ĩnare.

<sup>39</sup> Ito ĩ yija tūcōri, judio masa rotirise riasori masa, ado bajiro yiyjarā ĩna: —Queno űaro bajiroti tuo masia, gna űju mū, yiyjarā ĩna Jesure.

<sup>40</sup> Ito yicōri queno masigū ĩ űajare űejua gaje seniĳa űya masibisjarā ĩna.

*Ķűimu janami űayjari Cristo mūa tija? yi Jesūs ĩ seniĳare gaye*  
(Mt 22.41-46; Mr 12.35-37)

<sup>41</sup> Ito bero ado bajiro ĩnare seniĳayiju Jesūs:

—ĶNo yija, “David űayoru janerābatia janami űami Cristo”, yati masa?

<sup>42</sup> David űayoru ĩmasiti, Salmos wame cutiri tutiju ucagu ado bajiro yiĳi:

Yū űjūre ado bajiro yiĳi Dios: “Yū ya riojocadūja rācūbūoraju, rujiya mū.

<sup>43</sup> Mū wajanare mū rētocūroca yigu yigūja yū”, yiĳi Dios yū űjūre, yi ucayoĳi David.

<sup>44</sup> ĶNo yija, “Yū űju űami Cristo”, yiyjari David űayoru? Cristo David janerābatia janami űacōri, Ķno bajiro David űju bajiyjari Cristo? Ī janerābatia janami ĩ űaja, “Yū űju”, yibitiboru David űayoru, yiyiju Jesūs ĩnare.

*“Seti űa mūare”, judio masa rotirise riasori masare, Jesūs ĩ yire gaye*  
(Mt 23.1-36; Mr 12.38-40; Lc 11.37-54)

<sup>45</sup> Ī rāca riasotirāre, Jesūs ĩ busi űaroca jājarā masa tuo űayjarā. Ado bajiro yiyiju Jesūs ĩnare:

<sup>46</sup> —Judio masa rotirise riasori masa bajiro mūa yibe yirona queno tuoĳaűa mūa. Tite. Ado bajiro yama ĩna. Yutabujuri quenarise yoarise sāűacōri masa ĩna tiro riojo wa ucu āmorāji ĩna. Ito yicōri cuto gadareco gājire ĩna canamūoja, rācūbūore rāca seniĳare āmorāji ĩna. Minijuara wiju sājacōri rācūbūora cumuro ruji āmorāji ĩna. Ito yicōri basari ramū cuni űasari masa tu riti ba ruji āmorāji ĩna. <sup>47</sup> Manuju godagoana romiare cuni ĩna ya wiri emarāji ĩna. Ito yicōri masa ĩna tiro riojo yoari Diore busirāji ĩna. “Queno yirā űama ĩna”, masa yi tuoĳajaro yirona yoari Diore busirāji ĩna. Ito bajiro ĩna yija quenabetoja. Ito bajiri űeűaro ĩna yirise waja, waja yirā buto busa quenabeto tōbujarā yirāji ĩna. ĩnare bajiro mūa yibe yirona queno tuoĳaűa mūa, yiyiju Jesūs masare.



## 21

*Wajeago bojoro bajago Diore niyeru iso ĩsire gaye  
(Mr 12.41-44)*

<sup>1</sup> Dios ya wiju Jesús ĩ ĩaroca masa Diore yiari niyeru ĩna sãri jedore ĩna niyeru sãja ti codeyiju ĩ. Ito bajiri niyeru jairãre cuni ĩna sãja tiyiju ĩ. <sup>2</sup> Ito yicõri manũju godagoro bojoro bajago ĩnabojagoti jaati niyeruti waja mani iso sãja tiyiju Jesús. Cobre ñayiju iso sãrise. <sup>3</sup> Ito bajiro iso yija ticõri, ado bajiro yiyiju Jesús:

—Riti mũare gotia yũ. Niyeru jairã rẽto busaro ĩsiamo adio bojoro bajago.

<sup>4</sup> ĩna niyeru jairã jaje rucocõri rẽtarisere ĩsiamã ĩna. Iso bojoro bajagoama ĩnarocõti, iso rucobojariseti ĩsiamo, yiyiju Jesús ĩnare.

*Dios ya wi õjea bate godaro yiroja, Jesús ĩ yire gaye  
(Mt 24.1-2; Mr 13.1-2)*

<sup>5</sup> Ado bajiro busiyijarã coriarã, Dios ya wire ti tuoĩacõri:

—Queno seyo quenari wi ña adi wi. Adi wi gũta quenarisena ĩna menira wi ña. Ito yicõri jãjarã Diore yiari iti wire rucubũorã, iti wi ñarotire ĩsifi ĩna, yiyijarã ĩna.

ĩna ito yija tuocõri, ado bajiro yiyiju Jesús:

<sup>6</sup> —Co rũmũ ado jeyaro mũa ti ĩnabojarise gãjerã ruyuriorã yirãji. Ito bajiri adi wi gaye gũtagã gajega joe jesabeto yiroja, yiyiju Jesús ĩnare.

*Adi amũari jediroto riojũa ado bajiro rẽtaro yiroja, Jesús ĩ yire gaye  
(Mt 24.3-28; Mr 13.3-23)*

<sup>7</sup> Ito ĩ yija ado bajiro seniĩayijarã ĩna ĩre:

—Gũare riasogũ, ¿nocãta rẽtaro yirojada iti gũare mũ busirise? ¿no bajiro ti masicõri, “Ito bajiro rẽtaro ya”, yi masirã yirãjida gũã? yiyijarã ĩna Jesure.

<sup>8</sup> Ito bajiri Jesús ado bajiro yiyiju:

—Queno tuoĩañã mũa, gãjerã ĩna mũare ruobe yirona. Jãjarã mũare ruorona ejarã yirãji ĩna. “Yuti ña Cristo”, yirã yirãji ĩna. Ito yicõri, “Adi rũmariti ña, susari rũmũri”, yi ruorã yirãji ĩna. Ito bajiri ĩnare tuorũnũbeja mũa. <sup>9</sup> Masa ĩna gãmeri sãrise gaye mũa tuoja, ito yicõri ujarãre, masa ĩna queno tuo amobeja, ĩna oca meni amoja cuni gũibeja mũa. Ito bajiro rẽtaro yiroja cajero susari rũmũ iti ejaroto riojũa, yiyiju Jesús ĩnare.

<sup>10</sup> Ito yicõri mũcana ado bajiro goti remoyiju:

—Co masa ĩnabojarãti gãmeri sãrã yirãji ĩna. Ito yicõri co sita gãna gaje sita gãna rãca gãmeri sãrã yirãji. <sup>11</sup> Co cuto meje sita bũto uero yiroja. Ñiocõrã yirãji masa. Ñarise ñaro yiroja. Ito yicõri umacũju gaye guijorise tiyamani goãoro yiroja.

<sup>12</sup> Iti jeyaro rẽtaroto riojũa, yũre tuorũnũrã mũa ñajare mũare ñiarã yirãji.

Ito yicõri mũa tũbujaroca yirã yirãji ĩna. Minijuara wiju ujarã riojo, “Ãnare seti ña”, yirona mũare amũ warã yirãji ĩna. Yũre tuorũnũrã mũa ñajare tubiara wiju mũare cũrã yirãji ĩna. Masa ujarã, sita ujarã riojo cuni, “ĩnare seti ña”, yirona amũ warã yirãji ĩna mũare. <sup>13</sup> Ito bajiro mũare ĩna yija, “Jesure rucubũorã ña gũã”, yi gotirã yirãji mũa. <sup>14</sup> “Mũare seti ña”, ĩna yija, “Ado bajiro cudiana mani”, yi tuoĩa usiriobeja. <sup>15</sup> Mũa queno cudi masitoni tuo masire gaye mũare jidicãgũ yigũja yũ. Ito bajiri queno mũa busi masijare, mũa wajana sũgũjũ mũare busi rẽtocũ yimena yirãji. <sup>16</sup> Mũa jacusabatia, mũa baba mesa, mũa ñarã, ito yicõri mũa co masi, mũare gãjerã ñiatoni gotirã yirãji. Ito yicõri mũa coriarãre sãrã yirãji ĩna. <sup>17</sup> Ito yicõri yũre tuorũnũrã mũa ñajare masa jeyaro

mũare ti tudirã yirãji. <sup>18</sup> Queno mũare tirũnũgũ yigũja yũ. Ito bajiri cora joara godabeto yiroja mũare. <sup>19</sup> Yũre mũa tũorũnũrise mũa jidicãbeja catitũñarã yirãji mũa, yiyijũ Jesũs ñare.

<sup>20</sup> Mũcana ado bajiro goti remoyijũ Jesũs:

–Jerusalẽnũ surara ña gãni biaja tũocõri, “Nocõ mejeti adi cãtore ruyuriorã wana yama”, yi tũoĩarã yirãji mũa. <sup>21</sup> Ito bajiri Judea sita gãna, gãta yucãrijũ rudirũjarãji ña. Ito yicõri Jerusalẽn cãtoju ñarã, iti cãtore budigorũjarãji ña. Ito yicõri joaju ñarã cãtojuare wija wadibitirũjarãji ña. <sup>22</sup> Ito rãmũri buto ñeñaro tũbũjarã yirãji masa. Dios oca tuti iti gotiro bajiroti, rẽtarõ yiroja. <sup>23</sup> Bũjato bũjarã yirãji iti rãmũri macũ sãñarã ñarã. Ito yicõri macũacãre ũjurã cuni bũjato bũjarã yirãji. Ito rãmũri iti sitare ñarise jaje ñaro yiroja. Ito yicõri ñeñaro tũbũjarã yirãji ña. <sup>24</sup> Masa jãjarã godarã yirãji ña gãmeri sãaroca. Ito yicõri gãjerãre ñiacõri jaje cãtorijũ tubiarã yirãji ña. Ito yicõri gaje sita gãna gãjerã ñabõjarãti Jerusalẽn cãtoju ejacõri ñarã yirãji ña. Dios ñ ãmorocõti iti sitare ñarã yirãji ña, yiyijũ Jesũs ñ rãca riasotirãre.

*Yũ Masa Rĩjorũ tũdi ejagũ yigũja, Jesũs ñ yire gaye  
(Mt 24.29-35, 42-44; Mr 13.24-37)*

<sup>25</sup> Mũcana ado bajiro goti remoyijũ Jesũs:

–Sũsari rãmũri ejaroto riojuã ũmacañi ũmũa gagũ, ñami gagũ, ito yicõri ñocõbare cuni, tiyamani jaje goaro yiroja. Ito yicõri adi tutijũ ñarã, sĩgũ bajiro riti tũoĩacõri ña masimena yirãji ña. Ide jacũrise buto iti ruyuja tũocõri, buto tũoĩa oca jairã yirãji ña. <sup>26</sup> Adi macãrũcũro gaye rẽtaroti tũoĩa gãirã, ũsi jedirã yirãji masa. Ñocõa cuni quedicoarã yirãji. <sup>27</sup> Ito yicõri yũ Masa Rĩjorũre tirã yirãji masa. Ide buerina wadigũ yigũja yũ. Dios ñ rotirisena queno ruyugũ yigũja yũ, masa ña tija. <sup>28</sup> Ito ito bajiro rẽtarõ wado yiroca wanũ oca sũocõri ti tũorã yirãji mũa. Yoari mejeti masogũ yigũjũ Dios mũare, yiyijũ Jesũs masare.

<sup>29</sup> Gaje goti masiore ocana ado bajiro gotiyijũ Jesũs ñare:

–Hĩgueragũre tũoĩate mũa. <sup>30</sup> Itigũ jũ buja ticõri, “Jabeto rũya cũma ejaroto”, yi ti masia mũa. <sup>31</sup> Ito bajiroti, jĩjũ yũ gotirise bajiro iti rẽtaja ticõri, “Jabeto rũya ñre tũorũnũrãre Dios ñ miojuroto”, yi masirã yirãji mũa, yiyijũ Jesũs ñare.

<sup>32</sup> Riti mũare gotia yũ. Adi macãrũcũro gãna ña goda jediroto riojuã, yũ bũsiro bajiroti rẽtarõ yiroja. <sup>33</sup> Adi sita macãrũcũro cuni jedicoaro yiroja. Ito bajibõjarocati yũ ya ocama jedibeto yiroja. Yũ gotiado bajiroti rẽtarõ yiroja, yiyijũ Jesũs ñare.

<sup>34</sup> Queno tũoĩañã mũa. Basa gaye riti tũoĩa rẽtocũ yibeja. Ito yicõri mecũbeja. Ito yicõri adi macãrũcũro gaye riti tũoĩabeja. Ito gaye riti mũa tũoĩaja, yũ tũdi ejari rãmũ mano ũcarã yirãji mũa. Ñacãmena yirãji mũa. <sup>35</sup> Adi macãrũcũro gãna jeyaro yũ tũdi ejari rãmũ mano ũcarã yirãji. Yũ tũdi ejari rãmũ yũre bocati ñamena yirãji ña. Ito bajiri mano ũcarã yirãji ña. <sup>36</sup> Ñare bajiro bajibeja mũama. Queno ña yucãña mũa, yũ ejaroto riojuã. Ija iti rẽtaroti gayere mũare rẽtame yirona Diore bũsitũñasotiba mũa. Ito yicõri yũ Masa Rĩjorũ riojo mũa ña masitoni Diore bũsitũñasotiba mũa, yiyijũ Jesũs ñare.

<sup>37</sup> Co rãmũ rũyabeto minijuara wijũ masare Dios oca gotisotiyijũ Jesũs. Ito yicõri ñamijũã Olivos wame cãtiri tũriaia canigũ wasotiyijũ ñ. <sup>38</sup> Co rãmũ rũyabeto busuri jĩjũ ejasotiyijarã masa ñ bũsirisere tũorona.

## 22

*¿No yicōri Jesure ñiarujati mani? Ìna yi tñoĩare gaye  
(Mt 26.1-5,14-16; Mr 14.1-2,10-11; Jn 11.45-53)*

<sup>1</sup> Iti rumuriti cōña wayiju naju wadarise uco wñoaya mani bare basa. Gaje Pascua wame cūtiyiju iti basa. <sup>2</sup> Jesure siarona, ¿no bajiro yicōri sīarujati mani? yi tñoĩayijarā paia ujarā, ito yicōri judio masa rotirise riasori masa. Ìre sīa āmbojarāti masajuare tño gūiyijarā Ìna.

<sup>3</sup> Iti rumuriti Judas Iscariotere rāmúa ujū Satanás wame cūtigū quedi sājayiju. Judas ñayiju jua gubojeno ñagū Jesús rāca riasotigū. <sup>4</sup> Paia ujarā ito yicōri minijuara wi ujarāre cūni busigu wayiju Ì. ¿No bajiro mūare Jesure gotiguti ya? yirocu, Ìnare busigu wayiju Ì. <sup>5</sup> Ito Ì yija tuocōri, wanuyijarā Ìna. Ito bajiri, “Mure niyeru Ìsiana gua”, yiyijarā Ìna Judasre. <sup>6</sup> Ìna ito yija tuocōri, ñaro bajiroti cūdiyiju Ì. “¿Nocāta masa mano Ìnare Ìogū yigujada ya?” yi tñoĩa ñayiju Ì.

*Jesús Ì basusare gaye*

*(Mt 26.17-29; Mr 14.12-25; Jn 13.21-30; 1 Co 11.23-26)*

<sup>7</sup> Ito yija naju wadarise uco wñoaya mani bare basa ejayiju. Iti rumu Pascua ñaroca Diore rūcūbuorā oveja macū sīacōri Ìna soera rumu ñayiju. <sup>8</sup> Ito bajiri Pedro, Juanre ado bajiro gotiyiju Jesús Ìnare:

—Mani Pascua basa mani baroti quenotēña, yiyiju Jesús Ìnare.

<sup>9</sup> Ito Ì yija tuocōri, Ìre senīayijarā Ìna:

—¿Noju gua quenore āmoati mū? yiyijarā Ìna.

<sup>10</sup> Ado bajiro Ìnare cūdiyiju Jesús:

—Cūtoju mūa ejaja ide gōna wacure ti bujarā yirāji mūa. Ito bajiri Ìre sūya warā yirāji mūa. Ì bero wacōri Ì sājari wiju ejaba mūa. <sup>11</sup> Iti wi ujure ado bajiro gotiba mūa. “¿Di sōa ñati ya riasorā rāca Pascua basa baroti sōa?” yimi mani Ūju, yi gotiba Ìre. <sup>12</sup> Ito bajiro mūa yija tuocōri, co tuti weca ñari sōa, jaja sōa, quenocāra sōa mūare gotigū yiguji. Mūare Ì gotija bero iti sōaju bare menima mūa, yiyiju Jesús Ìnare.

<sup>13</sup> Ito Ì yija tuocōri, wayijarā Ìna. Itoju ejacōri Ì gotiado bajiroti bujayijarā Ìna. Ito yicōri bare meniyijarā Pascua basa ñaroca Ìna baroti.

<sup>14</sup> Bare tījaroca Jesús Ì rāca riasotirā rāca bare jeoado tū rujiyijarā Ìna. <sup>15</sup> Ito yija ado bajiro Ìnare gotiyiju Jesús:

—Yure Ìna sīaroto riojua adī Pascua basa mūa rāca basusarocu ruje tñoĩacu ya. <sup>16</sup> Itire mūcana tūdi mūa rāca babicu yigujaja ya, Dios rotiroju Ìre tuorūnūrāre Ì miojuroto riojua, yiyiju Jesús Ìnare.

<sup>17</sup> Ito yija bero rujatēro āmi rucocōri, “Queno ya Dios mū”, yiyiju Ì. Ito yicōri Ìnare ado bajiro yiyiju Jesús:

—Ìmo adi mūamasiti bato idiya. <sup>18</sup> Dios rotiroju Ìre tuorūnūrāre Ì miojuroto riojua, mūa rāca juaji uyé ide idibicuja ya, yiyiju Jesús Ìnare.

<sup>19</sup> Ito bero Ì ya āmona naju āmi rucocōri, “Queno ya Dios mū”, yiyiju. Ito bero igata batocōri ado bajiro yiyiju Ìnare:

—Adi ña ya ruja robo bajiro bajirise. Mūare yiari goda Ìsigū yigujaja ya. Ito bajiri iti bacōri yure tñoĩama mūa, yiyiju Ì Ìnare.

<sup>20</sup> Ìna baja bero ito bajiroti yiyiju uyé ide tērona. Ado bajiro yiyiju Ìnare:

—Yū ya rí mūare yiari iti budija ticōri, “Riti ña Dios Ì gotire. Bucū oca jidicācōri mame oca wasoāni Dios”, yirā yirāji mūa, yiyiju Jesús Ìnare.

<sup>21</sup> Mūcana busigu ado bajiro yiyiju Jesús:

—Gãjerã yure ña ñiatoni gotirotocũ ado mani rãca ñaguñji. <sup>22</sup> Yũ ña Masa Rĩjoru. Dios ñ amoro bajiroti rëtarõ yiroja yure. Ito bajibojarocati masa yure ñiatoni gotirotocũ bujato bujagu yiguñji, yiyijũ Jesús ñnare.

<sup>23</sup> Ito ñ yija tuocõri, ñnamasiti gãmeri seniñayijarã ñna:

—¿Ñimũ ñnaguñjida ñiatoni gotirotocũ? yiyijarã ñna.

*¿Ñimũ ñnaguñjida ñnasaqu ñnarcũ? yi Jesure ñna seniñare gaye*

<sup>24</sup> Ito yija ado bajiro gãmeri tuoĩa busiyijarã ñna:

—¿Ñimũ ñnaguñjida mani wato rëtorõ ñnasaqu ñnarcũ? yi tuoĩayijarã ñna.

<sup>25</sup> Ito bajiro ñna tuoĩaja ticõri, ado bajiro yiyijũ Jesús ñnare:

—Adi macãrucũro gãna ujarã ñnasarã ñna ya moari masare rotirãji. Ito bajiri ñna moa ñsiri masajũa ñe gaje yire manijare, riojoti “Baũ, quena ña”, yicõrãji ñna. <sup>26</sup> Mũama ito bajiro meje bajirũja. Ñnari masa mũa ña ãmoja, “Ñnasarã meje ña gũa”, yi tuoĩarã yirãji mũa. Ito yicõri no rotiri masũ ña ãmogũ, mũare ñ moa ñsija quena. <sup>27</sup> Mũa tija ¿ñimujũa ñati ñnari masũ ba rujigujũa, ecari masujũa? Yũ tuoĩaja, ba rujigujũa ñami ñnasaqu. Ito bajiri mũa Ujũ ñnabojaguti, mũare moa ñsiri masũ robo bajiro ado mũa watojũ ña yũ, yiyijũ Jesús ñnare.

<sup>28</sup> Coji ruayabeto yũ tũbujaja yũ rãca ñatĩñacũ mũa. Gãjerã yure ti tudibojarocati mũama yure jidicãbiticũ. <sup>29</sup> Yũ rotirotojũ yure cũgũ yiguñji Dios. Ito bajiri mũa cũni yũ rotirojũ yũ rãca ñarã yirãji mũa. <sup>30</sup> Yũ rãca barã yirãji mũa. Itojũ yũ rãca ñarã ujarã ñna rujiri cumurojũ rujirã yirãji mũa cũni. Ito yicõri Israel sita gãna jũa gubojeno masa buturi gãnare yũ rãca beserã yirãji mũa, yiyijũ Jesús ñnare.

*“Jesure masibea yũ”, yigũ yigũja mũ, Pedrore Jesús ñ yire gaye*  
(Mt 26.31-35; Mr 14.27-31; Jn 13.36-38)

<sup>31</sup> Gaje ado bajiro gotiyijũ mani Ujũ:

—Simón tuoyã mũ. Trigo ajeri ñna sũguẽ bateado bajiro mũare yi ãmoami rãmũa uju. Mũre ruocõri mũ uju ña ãmoguñji Satanás wame cutigu. <sup>32</sup> Ito ñ yi ãmobojarocati mũre yiari Diore busisotia yũ, Diore mũ tuoĩa jidicãbititoni. Mũcana yure mũ tuorũnũ quenoja mũ ñarã yure ñna tuorũnũ oca sãotoni ñnare ejabũaba, yiyijũ Jesús Simón Pedrore.

<sup>33</sup> Ito bajiro ñ yija tuocõri, ado bajiro yiyijũ Simón Pedro:

—Yũ Ujũ mũre ñna tubiaja, mũre ñna sĩaja cũni mũ rãca warocũ ñnacã yũ. Mũre jidicãbiticũja yũ, yiyijũ ñ Jesure.

<sup>34</sup> Jesujũa ado bajiro yiyijũ Pedrore:

—Riti mũre gotia yũ. Adi ñnamiti busurijũa cara ñ yujiroto riojũa udiãji, “Jesure masibea yũ”, yigũ yigũja mũ, yiyijũ Jesús Simón Pedrore.

*Jesure ñna sãroti cõña ware gaye*

<sup>35</sup> Ito ñ yija bero ado bajiro yiyijũ Jesús ñ rãca riasotirãre:

—Yũ oca goti ucuroña cõacũ yũ mũare. “Ñiyeru sãra buju, gũboco cũni ãmima”, yibiticũ yũ mũare. Ito bajiro yũ yibojarocati disejũa mũare ruayabiticũ, yiyijũ Jesús ñnare:

—Ri ya mũ, ruayabitibojacũ gũare, yiyijarã ñna Jesure.

<sup>36</sup> ñna ito yija ado bajiro cudiijũ Jesús ñnare:

—Adocãtamũri ñja mũare rotia yũ. No niyeru ruocũ, niyeru sãra buju ruocũ cũni ãmi waja quena. Sarera jãni ruocibicũ ñ ya camisa ñsicõri wasoa ãmija quena. <sup>37</sup> “Ñeñaro yirãre ñna sĩado bajiro sãrã yirãji ñre”, yi gotia Dios oca yure rëtaroti gaye. Ito bajiroti rëtarõ yiroja iti, yiyijũ Jesús ñnare.

<sup>38</sup> Ito ñ yija tuocõri:

—Gua Uju ado ña jua jāi sarera jāiri, yiyijarā ĩre.

—Itocō ñajaro maji, yiyiju Jesús ĩnare.

*Getsemani wame cutiri weseju Jesús ĩ Diore rācubmore gaye*  
(Mt 26.36-46; Mr 14.32-42)

<sup>39</sup> Ito ĩ yija bero ĩ yisotiro bajiro yigū Olivos wame cutiri tarajū wayijū ĩ. Ito bajiri ĩ rāca riasotirā ĩre sūya wayijarā. <sup>40</sup> Diore ĩ bāsīsotirojū ejačōri ado bajiro gotiyiju Jesús ĩnare:

—Diore seniña mūa ñeñaro yibe yirona, yiyiju Jesús ĩnare.

<sup>41</sup> Ito yicōri ĩnare cūcōri gātagā rea ñucaja quedirocō wayijū Jesús. Ito yicōri ñini rūjūcōri Diore bāsiyiju Jesús. <sup>42</sup> Ado bajiro yiyiju ĩ Diore:

—Cūna mū āmoja ija yū tōbujaroti gaye camotaya. Ito bajibojarocati yū āmoro bajiro meje mū yija quena. Mū āmoro bajirojūa mū yija quena, yiyiju Jesús Diore.

<sup>43</sup> Ito ĩ yija bero sīgū ángel ĩre goaĭocōri ĩ oca sēoroca yiyiju. <sup>44</sup> Buto tuoĭa oca jaicōri tōbujayiju ĩ. Ito yicōri buto oca sēocōri Diore bāsiyiju. Buto oca sēocōri ĩ bāsiroca riti asi budirise bajiro rí budiyiju ĩre.

<sup>45</sup> Diore bāsi tlogū wamū rūgūcōri mūcana ĩ rāca riasotirā tū wayijū ĩ. ĩna tū ejačōri tiyiju ĩ. Buto tuoĭa oca jaicōri caniana ñayijarā ĩna. <sup>46</sup> Ito yija ado bajiro yiyiju ĩ:

—¿No yija caniatu mūa? Diore seniña mūa ñeñaro yibe yirona, yiyiju Jesús ĩnare.

*Jesure ĩna ñiare gaye*  
(Mt 26.47-56; Mr 14.43-50; Jn 18.2-11)

<sup>47</sup> Jesús ĩ bāsiroca riti, masa jājarā ejayijarā. ĩnare ũmatā wacu Jesús tū eja rūgūyiju Judas wame cutigū. ĩ ñayiju Jesús rāca riasotigoru jua gūbojeno ñarā rāca ñagoru. Jesús tū ejačōri wayugaju muwācōri usuyiju ĩre. <sup>48</sup> ĩ ito yija ado bajiro yiyiju Jesús ĩre:

—Judas, yū ña Masa Rījoru. ¿Gājerā yure ñiatoni yure usu ĩoati mū? yiyiju Jesús ĩre.

<sup>49</sup> Ito gāna Jesús rāca ñarā, iti ito bajija ticōri, ado bajiro seniñayijarā Jesure:

—¿Gua Uju sarera jāina ĩnare gāmeri jarujabeati maní? yiyijarā ĩna.

<sup>50</sup> ĩna rāca gagū sīgū paia ujure moa ĩsiri masure riojocaduja gāmoro jatayiju.

<sup>51</sup> Ito bajiro ĩ yija ticōri, ado bajiro yiyiju Jesús:

—Ito mūa yirise itocō jidicāña, yiyiju Jesús.

Ito bajiri gāmoro moaĭacōri ĩre yisoyiju Jesús. <sup>52</sup> Ito yicōri ĩre āmi warona paia ujarā, minijuara wi ujarā ito yicōri judio masa bucarāre cūni, ado bajiro yiyiju Jesús:

—Riniri masu meje ña yū. ¿No yirā yure āmirona sarera jāiri rucocōri, yucu rucocōri ejati mūa? <sup>53</sup> Co gumū ruyabeto minijuara wiju yū ñaja yure ñiabiticu mūa. Adocāta rāmūa uju ĩ āmoro bajiro, bajiro yiroja. Ito bajiri ĩre cūdirā mūa āmoro bajiro ya mūa, yiyiju Jesús ĩnare.

*Jesure masibeja yū, Pedro ĩ yire gaye*  
(Mt 26.57-58,69-75; Mr 14.53-54,66-72; Jn 18.12-18,25-27)

<sup>54</sup> Ito ĩ yija bero paia uju ya wiju ĩre āmi wayijarā ĩna. Pedro sō būsaju sayayiju. <sup>55</sup> Paia uju ya wi soje riojo jea riocōri sūma rujiyijarā ito gāna. Pedro ĩna tū ejačōri ĩna wato jea sūma rujiyiju ĩ cūni. <sup>56</sup> Sīgō iti wi moari maso ĩ sūma rujija ticōri, ĩre riti tiyijo. Ito yicōri ado bajiro yiyijo iso:

—Āni cūni Jesús rāca gagū ñami, yiyijo iso.

57 Ito bajiro iso yija tɔocɔri, goti ãmobisija Pedro.

—Ìre masibea yɛ, yiyijɛ Ì isore.

58 Ito bero yoa busari gãji Ìre ticɔri ado bajiro yiyijɛ:

—Jesús rãca gaguti ña mɛ cɔni yiyijɛ Ì Pedroro.

Ito Ì yija tɔocɔri:

—Buguti ya mɛ. Meje ña yɛama, yiyijɛ Pedro.

59 Coji cɔre berocɔ gãji, ado bajiro Ìre yisayijɛ:

—Riti ya yɛ, Jesús rãca gaguti ñami ãni. Galilea gaguti ñami Ì. Ito bajiroti busiami, yiyijɛ Ì gãjerãre.

60 Ito bajiro Ì yija tɔocɔri, ado bajiro yiyijɛ Pedro:

—Mɛ busirisere masibea yɛ, yiyijɛ Pedro.

Ito bajiro Ì busiroca riti cara yujicoayijɛ Ìja. 61 Ito Ì bajiroca riti mani Ʋjɛ jɛda tiyijɛ Pedroro. Ito Ì yija ticɔri, mani Ʋjɛ Ì gotire tɔoia bujayijɛ Pedro. Cara Ì yujiroto riojɛa ɛdiaji, “Jesure masibea yɛ”, yigɛ yigɛja mɛ, Jesús Ì yire gaye tɔoia bujayijɛ Pedro. 62 Ito bajiri gajero busa wacɔri buto tɔoia otiyijɛ Pedro.

### *Jesure Ìna aja tudire gaye*

(Mt 26.67-68; Mr 14.65)

63 Jesure ñiacɔri Ìre coderi masa aja tudiyijarã. Ito yicɔri Ìre jayijarã. 64 Ì ya cajea moabiacɔri Ì ya riojɛ jayijarã Ìna. Ito yicɔri ado bajiro seniayijarã Ìna Ìre.

—Queno tɔoia gɛ mɛ ñaja, “Ì yure jami”, yi masigɛja mɛ, yiyijarã Ìna Ìre.

65 Gaje jaje Ìre aja tudiyijarã Ìna.

### *Ʋjarã ñasarã, “Seti ña mure”, Jesure Ìna yire gaye*

(Mt 26.59-66; Mr 14.55-64; Jn 18.19-24)

66 Gaje rɛmɛ busuri, judio masa busarã, paia ɛjarã, ito yicɔri judio masa rotirise riasori masa cɔni, minijuayijarã. Minijuacɔri Jesure ɛjarã ñasarã riojo ãmi wayijarã Ìna. Ito ejaɔri Ìre seniayijarã Ìna:

67 —¿Muti ñati Cristo Dios Ì cɔaru? yiyijarã Ìna Jesure.

—“Ìti ña yɛ”, yɛ yibojaja cɔni tɔomena yirãji mɛa yure. 68 Mɛare yɛ seniabojaja cɔni cɛdimena yirãji mɛa. Ito yicɔri yure jidicãmena yirãji mɛa.

69 Jane adi rɛmɛna rɛtoro masigɛ Dios ya riojocadaja rɛcɛɔorajɛ rujigɛ yigɛja yɛ. Yɛ ña Masa Rĩjoru, yiyijɛ Jesús Ìnare.

70 Ito bajiro Ì yija tɔocɔri, ado bajiro seniã jediyijarã Ìna:

—¿Dios Macɛ mɛ ñarise riti ñati? yiyijarã.

—Ìti ña yɛ. Mɛa yiro bajiroti bajia, yiyijɛ Jesús Ìnare.

71 Ito bajiro Ì yija tɔocɔri:

—“Ìti ñami ñeñaro busigɛ”, gãjerã Ìna yire ãmobeã Ìja. Manimasiti Ì busija tɔoa mani, yiyijarã Ìna.

## 23

### *Pilato tɛjɛ Jesure Ìna ãmi ejare gaye*

(Mt 27.1-2,11-14; Mr 15.1-5; Jn 18.28-38)

1 Ito yija Pilato riojo Jesure ãmi wa jediyijarã Ìna. 2 Ʋjɛ riojo ãmi ejaɔri, “Ãni ñami seti cɛtigɛ”, yirona busisɔoyijarã Ìna:

—Ãni ñami gua masa ricati riti tɔoiaroca yigɛ. Ito bajiri ado bajiro yiquĩ Ì gua masare. “Roma gagɛ ɛjare Ì rotiro bajiro niyeru Ìsibitiraja mɛare”, yiquĩ ãni. Ito yicɔri, “Yuti ña Cristo Dios Ì cɔaru mɛa ɛjɛ”, yiquĩ Ì, yiyijarã Ìna Pilatore gotirã.

3 Ìna ito yijare ado bajiro seniayijɛ Pilato Jesure:

—¿Judío masa ɛjɛ ɲati mɛ? yiyijɛ ɪ Jesure.

—Aɛ ɪti ɲa yɛ. Mɛ yiro bajiroti baja, yiyijɛ Jesús.

<sup>4</sup> Ito ɪ yija tɔocɔri, paia ɛjará, masare cɛni ado bajiro yiyijɛ Pilato.

—Yɛ tija ɲejɛa seti ma ɛnire, yiyijɛ Pilato ɪnare.

<sup>5</sup> Ito ɪ yibojarocati ɪre seti ɲasameti, yi bɛsiyijará ɪna:

—ɪ riasorise tɔocɔri, sɪgɛ bajiro meje tɔoɪama Judea sita gāna ɪja. Galileajɛ cajero riasosɔoɪi ɪ. Ito bajiro riaso wadicɔri adoju ejami ɪ, yiyijará ɪna.

### *Herodes tɔjɛ Jesure ɪna ɛmi ejare gaye*

<sup>6</sup> ɪna ito yija tɔocɔri:

—¿Galilea gagɛ ɲati ɛni? yi seniɪayijɛ Pilato ɪnare. <sup>7</sup> —Galilea gaguti ɲami ɪ, yiyijará ɪna.

ɪna ito yija tɔocɔri:

—Adi rɛmɛriti ejami Galilea gagɛ ɛjɛ Herodes wame cɛtigɛ. Ito bajiri ɪ tɔ ɛmi wasa mɛa, yiyijɛ Pilato ɪnare. <sup>8</sup> Jesús rāca ɪna eja ticɔri, bɛto wanayijɛ Herodes. Yoari ɪ oca tɔocɔri ruje ɪre ti ɛmoyijɛ Herodes. Tiyamani Jesús ɪ yija ti ɛmoyijɛ Herodes. <sup>9</sup> Jesure ticɔri jaje ɪre seniɪabojayijɛ ɪ. Ito bajibojarocati Jesús coji cɛdibisijɛ ɪre. <sup>10</sup> Paia ɛjará, judío masa rotirise riasori masa cɛni ito ɲayijará. “Seti ɲasacɔa ɪre”, yiyijará ɪna. <sup>11</sup> Ito yija bero, Herodes ɪ ya surara rāca Jesure aja tudiyijará ɪna. ɪre tudisará ɲará ɛjará mesa ɪna sāɲarise ɪre sāyijará ɪna, ɪre aja tudirá. Ito bajiro ɪna yija bero mɛcana tɔdi Jesure Pilato tɔjɛ cɔayijɛ Herodes. <sup>12</sup> Ito bajiro ɪna yira rɛmɛti Herodes Pilato rāca queno gāmeri baba cɛtiyijará ɪna ɪja. Ito bajiro ɪna bajiroto rioju bɛto gāmeri ti tudirá ɲayijará ɪna maji.

### *Jesure sɪarɛja mani, ɪna yire gaye* (Mt 27.15-26; Mr 15.6-15; Jn 18.39-19.16)

<sup>13</sup> Mɛcana Jesure ɪna ɛmi eja ticɔri, paia ɛjará ɲasará ɛjará, ito yicɔri masare cɛni miojuyijɛ Pilato. <sup>14</sup> Ado bajiro yiyijɛ ɪ:

—“Gɛa masare sɪgɛre bajiro gɛa tɔoɪaroca yibeami ɛni”, yirona yure ɛmi ejacɛ mɛa. ɛnire, “¿Riti mɛre seti ɲati?” yirocɛ seniɪabojacɛ yɛ, mɛa tiro riojo. Ito bajibojarocati, “ɪre seti ɲa”, mɛa yibojarocati disejuɛ seti ma ɪre yɛ tija. <sup>15</sup> Ito yicɔri, Herodes cɛni, “Iti seti ɲa ɪre”, yi masibisɪ ɪ cɛni. Ito bajiri, “Iti seti ɲa ɪre”, yi masibiti wacɛ gɛajɛare juɔacɔaɲi ɪ. “Ito bajiro seti cɛtiami ɛni”, yi masibeɛa mani. Ito bajiri ɪre sɪado ma mani. <sup>16</sup> ɪre baje rotigɛ yɛ yɛ. Ito yicɔri ɪre bucɔacɛja yɛ, yiyijɛ Pilato.

<sup>17</sup> Pascua basa ɲaroca, “ɛnire mɛ bucɔare ɛmoa gɛa”, masa ɪna yigɛreti bucɔasotiyijɛ Pilato. Ito bajiri ado bajiro ɪnare seniɪayijɛ ɪ: <sup>18</sup> “¿ɲimɛjuare yɛ bucɔare ɛmoati mɛa?” ɪ yiroca masajɛa ado bajiro awasá bɛsiyijará:

—Sɪacɔɲa ɛni ɛmɛgɛre. Ito yicɔri, Barrabás wame cɛtigɛre jidicáɲa, yi awasáyijará ɪna.

<sup>19</sup> Cɛto gānare oca menicɔri sɪari masɛ ɪ ɲajare ɪna tubiarɛ ɲayijɛ Barrabás. <sup>20</sup> Jesuɛare jidicá ɛmobjayijɛ Pilato. Ito bajiri mɛcana masare bɛsibojayijɛ.

<sup>21</sup> Ito bajiro ɪ bɛsibojarocati bɛto bɛsa awasáyijará ɪna:

—Sɪacɔɲaja ɪre. Sɪacɔɲaja ɪre, yiyijará ɪna.

<sup>22</sup> Mɛcana tɔdi ɛɔiaji bɛsigɛa ado bajiro yiyijɛ Pilato ɪnare:

—¿ɲeoni ɲeɲaro yicati ɛni? Yɛ tija, “Itina godarɛjami ɪ”, yi masibeɛa yɛ ɪre. Ito bajiri ɪre bajecɔri jidicáɛja yɛ, yibojayijɛ ɪ masare.

<sup>23</sup> Buto awasã busirã, “Yucutêoju Ìre jaju sãña”, yiyijarã Ìna. Buto masa Ìna awasãja, paia ɛjarã Ìna awasãja tuocõri, “Ìna ãmoro bajiroti yijaro no cuni”, yi tuoïayiju Pilato. <sup>24</sup> Ito bajiri, “Ìna ãmoro bajiroti yicuja no cuni”, yi tuoïayiju Pilato Ìja. <sup>25</sup> Ito bajiro tuoïacõri, masare oca menicõri sãri masure bucõayiju Pilato. Ito yicõri Jesure Ìnare Ìsiyiju Pilato, Ìna ãmoro bajiro Ìna yitoni.

*Yucutêoju Jesure Ìna jaju sãre gaye  
(Mt 27.32-44; Mr 15.21-32; Jn 19.17-27)*

<sup>26</sup> Ito bajiri Jesure yucutêoju jaju sãrona Ìre ãmi wayijarã Ìna. Ito bajiro Ìna waroca Cirene gagu Simõn wame cutigu joaju wadicõri ejayiju. Ìre ti bujacõri yucutêo Ìre gaja rotiyijarã surara. Ito bajiri Jesús bero yucutêo gaja suyayiju Ì.

<sup>27</sup> Masa jãjarã Ì bero suya wayijarã. Ito yicõri romia jãjarã awasã otiyijarã Ìre tuo mairã. <sup>28</sup> Ito bajiro Ìna otiroca Ìnare juda ticõri ado bajiro yiyiju Jesús:

—Jerusalén gãna romia yure otibesa mua. Muamasiti, ito yicõri mua Ìnare rêtartore tuoïa otiya mua. <sup>29</sup> Ado bajiro yirã yirãji masa buto Ìna tóbujari rumu: “Romia rãa mana queno wanu quenama Ìna. Ito yicõri rãa rucomena, ùjumena cuni wanuama Ìna”, yirã yirãji masa. <sup>30</sup> Gũare Dios tibe yirona ado bajiro yirã yirãji masa: “Gũa joe juja biaya”, yirã yirãji gãta yucurire. Ito yicõri, “Gũare õjea biaya”, yirã yirãji turiare. <sup>31</sup> Yũjuare tóbujaroca Ìna yija, yu rêto busaro mua tóbujaroca yirã yirãji Ìna, yiyiju Jesús romiare juda ticõri.

<sup>32</sup> Ñeñaro yi jairã jũarãre ãmi wayijarã Jesús rãcati Ìnare jaju sãrona.

<sup>33</sup> Calavera wame cutiriju ejaacõri Jesure jajuyijarã Ìna. Ito yicõri Ì rãca gãna jũarãre cuni, sãgũ Jesús ya riojocaduja, ito yicõri gãji Ì ya gãcodujare jajuyijarã Ìna cõtõni. <sup>34</sup> Ìre Ìna jajuroca ado bajiro yiyiju Jesús Diore:

—Cuna, yure Ìna ñeñaro yirisere Ìnare ãcabojoya, “Buto ñeñaro ya mani”, yi masibeama surara, yiyiju Jesús Diore.

“¿Jesús Ì sãñagore ñimujua bujagu yiguñida?” yirona gãta ajeri rea ajeyijarã surara. <sup>35</sup> Ito bajiro yi ajecõri Ì ya yutabujuri gãmeri batoyijarã Ìna Ìja. Ì godaroca jãjarã masa ti ñayijarã Ìre. Ito ñarã ɛjarã Jesure aja tudiyijarã. Ado bajiro aja tudiyijarã Ìna:

—Gãjerãreama masoñi Ì. Riti Cristo Dios cõaru Ì ñaja Ìmasiti masogũ yiguñji, yi aja tudiyijarã Ìna.

<sup>36</sup> Surara cuni ito ñarã, ito bajiroti Ìre aja tudiyijarã. Ì tu eja rãgucõri ayé ide sũerise Ìre iobojayijarã Ìna. <sup>37</sup> Ito yicõri ado bajiro yiyijarã Ìna:

—Riti judio masa ɛju mu ñaja, muamasiti masogũ yiguja mu, yiyijarã Ìna.

<sup>38</sup> Jesús ya rijoga weca ɛdiaji gaye oca ucare wãñayiju. Griego, Latín, Hebreo ocana cuni ucare ado bajiro ñayiju: “Áni ñami judio masa ɛju”, yi busiyiju iti Ìna ucare.

<sup>39</sup> Sãgũ ñeñaro yi jaigu Ì rãca godarocu ado bajiro yiyiju:

—Riti Cristo mu ñaja muamasiti masoña. Ito yicõri gũare cuni masoña mu, yi aja tudiyiju Ìre.

<sup>40</sup> Gãji gaje duja gagu Jesús rãca godarocu, ado bajiro yiyiju Jesure aja tudigujuare:

—¿Diore gũire mati mure? Mani ñeñaro yirise waja godarã ya mani.

<sup>41</sup> Ñeñaro yicu mani. Ito bajiri iti waja quenabeto tóbujarã ya mani. Mani ñeñaro yiado bajiroti itire waja yirã ya mani. Ito bajibojarocati ãniama ñeñaro yibicu ñabojaguti mani rãca godagu yiguñji, yiyiju Ì Jesure aja tudigure.

<sup>42</sup> Ito yija Jesure ado bajiro yiyiju Ì:



—Mu rotiroju ejacōri mure tuorūnūrāre mu miojusuoja yure ācabojabeja, yiyiju ī Jesure.

<sup>43</sup> Ito bajiro ī yija tuocōri:

—Jane adi rāmūti ñe ñeñarise manojū yū rāca ñagū yigūja mu, ado yū yirise riti mure gotia yū, yiyiju Jesús ĩre.

*Jesús ĩusi jedire gaye*

(Mt 27.45-56; Mr 15.33-41; Jn 19.28-30)

<sup>44</sup> Ito bajiro iti baji ñaroca ūmua gūdarecocō tujayiju. Ito yija bero macārucāro ñarocōti rāiocoyiju. Yucu weca ūmacañi tujarocacō rāitlayiju.

<sup>45</sup> Ūmacañi ūmua gagu cūni busubisiju. Ito yicōri minijuara wi yobiado saya webutiro gūdarecona ñigāyiju. <sup>46</sup> Ito bajiroca Jesús ado bajiro awasāyiju:

—Cūna, yū ya Ūsi āmiña mu ĩja, yiyiju Jesús Diore.

Ito yi tlogūti ūsi jedicoayiju.

<sup>47</sup> Surara ūju Roma gagu ito bajiro iti rētaja ticōri, Diore rācubuo busiyiju:

—Riti seti manibojañi āni, yiyiju surara ūju.

<sup>48</sup> Masa ito ti ñana ito bajiro iti rētaja ticōri, bojori bujarā ĩna ya ūsi riojo jatu wayijarā. <sup>49</sup> Jesús rāca baba cutigoana Galilea gāna romia ĩre sūya wana cūni sō busaju ti rügōyijarā ĩna, ito iti bajijare.

*Jesure ĩna yujere gaye*

(Mt 27.57-61; Mr 15.42-47; Jn 19.38-42)

<sup>50</sup> Sīgū ñayiju ī yiro bajiroti queno yigu. José wame cutigu ñayiju ī. Judea sitaju Arimatea wame cutiri cutoju gagu ñayiju ī. Judio masa ūjarā ñasari masa rāca gagu ñayiju ī. <sup>51</sup> “Īre tuorūnūrāre ī rotiroju miojugū yiguñi Dios”, yi tuoña yugu ñayiju ī. Ito bajiri ūjarā ñasarā ĩna yiriser queno ĩna robo tuoñabisiju ī.

<sup>52</sup> Ito bajiri Pilatore busirocu wayiju ī. Itoju ejacōri Jesús ya rujure seniyyiju ī.

<sup>53</sup> “Baū”, ĩ yija tuocōri, Jesús ya rujure yucutēoju ñagūre rujiogu wayiju ī. Īre rujiocōri saya botirona ĩre gūmayiju. Ito yicōri gūta turiaju ĩna goje meniadoju Jesús ya rujure cūyiju ī. Yujeñañi mani goje ñayiju iti goje. <sup>54</sup> Tujacāra rāmū riojuā ĩna queno yuri rāmū ñayiju José Jesure ĩ yujera rāmū. Ito bajiri jabetoti ruayaju tujacāra rāmū iti busuroto.

<sup>55</sup> Cajero Galilea gāna romia Jesure sūya wadiana gūta gojeju ĩre ĩna cūja, “¿Ado bajiro cūati ĩna?” yi tiyijarā ĩna. <sup>56</sup> ĩna cūja bero wiju tūdi wayijarā ĩna. Wiju tūdi ejacōri queno sutirise, ito yicōri ruju ture gaye quenoyijarā ĩna. Ito yija judio masa ĩna rotiado bajiroti tujacāra rāmū ñacōayijarā ĩna.

## 24

*Jesús ĩ tūdi catire gaye*

(Mt 28.1-10; Mr 16.1-8; Jn 20.1-10)

<sup>1</sup> Tujacāra rāmū bero busuri jiju tūdi tirā wayijarā ĩna. Sutirise ruju ĩna turotire ĩna moa quenorere āmi wayijarā ĩna. Gājerā romia cūni ĩna rāca wayijarā. <sup>2</sup> Itoju ejacōri ĩna tija gūta goje biado gajeroju iti cū ñaja tiyijarā ĩna.

<sup>3</sup> Ito bajija ticōri, sājayijarā ĩna. Sājacōri mani Ūju ya rujure ti bujabisijarā ĩna.

<sup>4</sup> Ito bajija ticōri, ūcayijarā ĩna. Ito yicōri, “Ito yirūja manire”, yi masibisijarā ĩna. Ito bajiro ĩna baji ñaroca ūmua jūarā ĩna tu rügōja tiyijarā. Saya yorise sāñarā ñayijarā ĩna. <sup>5</sup> ĩnare gūirā jacaju muqueayijarā ĩna. Ito bajiro ĩna gūija ticōri, ado bajiro yiyijarā ĩna ūmua:

—¿No yija ī catibojaroti godanare ĩna yujeroju āmati mūa? <sup>6</sup> Mami ī adojū. Catigu ñami ī. Mucana tūdi catiru ñami ī. Galilea ñagū mūare ī busire tuoñate

mua. Ado bajiro muare gotiñi ì: <sup>7</sup>“Yu Masa Rìjorure ñeñaro yirã yure ñiacõri yu tóbujaroca yirã yirãji ñna. Ito yicõri yure yucutẽojũ sïarã yirãji ñna. Ito bajiro ñna yibojarocati mucana udia rãmũ bero catigũ yigũja yu”, yi gotiñi Jesús muare, yiyijarã ñna romiare.

<sup>8</sup> Ito bajiro ñna yija tuocõri, Jesús ì busire gaye tuoña bujayijarã ñna. <sup>9</sup> Ito yija bero iti tuo tãdi wacõri Jesús rãca riasotigoana coga gubojeno ñarã, ito yicõri ito ñarãre canì jeyaro ñna tigorere gotiyijarã ñna. <sup>10</sup> ñna romia Jesús rãca riasotigoanare oca ãmi wana ñayijarã María Magdalena, Juana, María Santiago jaco canì. Ito yicõri gãjerã romia canì ñayijarã iti oca gotiana. <sup>11</sup> Ito bajiro romia gotija tuocõri, “Burãti yama”, yi tuoñayijarã Jesús rãca riasotigoana. Ito bajiri ñnare tuorũnũbisijarã ñna.

<sup>12</sup> Ito bajibojarocati Pedroama ùmaquedi wacõri masari cuma tigũ wayijũ. Ito totijũ ì tija gũmado riti gajerojũ iti cũ ñaja tiyijũ ì. Ito bajija ti ucacõri ì yu wijũ tãdi wayijũ ì.

*Jũarã ì rãca riasotigoanare Jesús ì goãiore gaye  
(Mr 16.12-13)*

<sup>13</sup> Iti rãmũ riti jũarã Jesús rãca riasotigoana Emaús wame cutiri cutojũ wasũoyijarã. Jerusalén sõjũna once kilõmetroco ñayijũ Emaús cuto. <sup>14</sup> Jeyaro ñna tigure gaye warãti busi wayijarã ñna. <sup>15</sup> Ito bajiro ñna tuoña busi waroca Jesuti mucana ñna tu ejacõri ñna rãca wayijũ. <sup>16</sup> Ìre tigoana ñabojarãti “Jesuti ñami ì”, yi masibisijarã ñna. <sup>17</sup> Ito bajiro ñna waroca Jesús ado bajiro ñnare seniñayijũ:

—¿Ma warã ñe gaye tuoña busiati mua? Ito yicõri, ¿no yija bojori bujati mua? yiyijũ Jesús ñnare.

<sup>18</sup> Ito ì yija tuocõri, Cleofas wame cutigũ, ado bajiro cudiyijũ:

—Masa jeyaro Jerusalénjũ rêtare gayere masiama ñna. ¿No yija Jerusalénjũ ñarũ ñabojaguti itire masibeati mu? yiyijũ ì Jesure.

<sup>19</sup> Ito bajiro ì yija tuocõri:

—¿Ñe rêtacati? yiyijũ Jesús.

Ito ì yija ado bajiro yiyijarã ñna Jesure:

—¿Jesús Nazaret gagure rêtare masibeati mu? Ado bajiro baja iti. Diore goti ìsiri masũ ñaquì ì. Jaje tiyamani yiquì ì. Ito yicõri Dios ì masirisena masare riasoquì ì. Dios canì ìre rucubũoñi. <sup>20</sup> Paia ujarã, gua ujarã canì ìre sĩa rotirã gãjerãre ìsicã ñna. Ito yicõri yucutẽojũ ìre sĩa roticã ñna. <sup>21</sup> “Ì ñagũ yigũji gua masa Israel gãna uju. Guare masorocu ñagũji ì”, yi tuoñabojacu gua. Ito bajibojarocati udia rãmũ tũja ìre ñna sĩaja bero. <sup>22</sup> Jjũ gua rãca gãna romia masari cuma tirã wabojana. Ñe manoti ti ejayijarã ñna. Ito bajiri guare ñna goti tãdi ejajare ucabũ gua. <sup>23</sup> Gũna tu ejacõri ado bajiro goticã ñna: “Dios ñaro gãna ángel mesare jũarã tibũ gua. ‘Mami Jesús. Catigũ ñami’, yi gotima ñna guare”, yi goti tãdi ejacã guare romia. <sup>24</sup> Gũna rãca gãna coriarã wacõri masari cuma tirã ejañi. Ito bajiri romia ñna gotiado bajiroti ti ejayijarã ñna. Itoju Jesure ti bujabisijarã ñna canì, yiyijarã ñna Jesure.

<sup>25</sup> ñna ito yija tuocõri, ado bajiro yiyijũ Jesús ñnare:

—Queno tuoña masimena ña mua maji. Ito bajicõri, Diore goti ìsiri masa ñna gotija tuorã ñabojarãti ì ocare tuorũnũ jeobea mua maji. <sup>26</sup> Yure tuoña yurã ado bajiro yi ucayoñi Diore goti ìsiri masa: “Dios ì ñaroju ì ejaroto riojũna tóbujagu yigũji Cristo Dios ì cõaru”, yi ucayoñi Diore goti ìsiri masa, yiyijũ Jesús ñnare.

<sup>27</sup> Ito ï yija bero Dios oca tuti ï oca gaye iti busija ïnare goti rëtbodyijũ Jesũs. Cajero Moisés ï ucara tuti gaye ïnare goti rëtbodyijũ ï. Ito yicõri Diore goti ïsiri masa ïna ucare cãni goti rëtbodyijũ Jesũs ïnare.

<sup>28</sup> ïna wara cutojũ ejacõri gaje majũ riojoti rëta wacũ bajiro yiyijũ Jesũs. <sup>29</sup> ï rëta wabe yirona ado bajiro yiyijarã ïna:

—Ado gua rãca tujaya mũ. ïmacañi quedi sãjacoami. Rãio wato ya ïja, yiyijarã ïna Jesure.

ïna ito yija tucõri, ïna rãca wijũ sãjayijũ Jesũs ito canirocũ. <sup>30</sup> Bara casabo tũ ïna rujiroca naju ãmi rucoyijũ Jesũs. Ito yicõri, “Queno ya Dios mũ”, yiyijũ ï. Ito ï yija bero igata batocõri ïnare ïsiyijũ ï. <sup>31</sup> Ito bajiro ï yirocati ïna ya cajeari titãcãdo robo bajiro ejayijũ ïnare. Ito bajiri Jesure ti masiyijarã ïna ïja. “Jesuti ñami ãni”, ïna yirijuti godacoayijũ Jesũs mũcana. <sup>32</sup> ïna jãarã ado bajiro gãmeri busiyijarã ïna:

—Ma manire ï busi wadija queno usi quedi sãjamũ manire. Ito yicõri Dios oca tuti gaye manire ï goti rëtbodyija queno usi quedi sãjamũ manire, yĩ gãmeri busiyijarã ïna.

<sup>33</sup> Ito bajija bero yumenati riojoti Jerusalénjũ tãdicoayijarã ïna ïja. Jerusalénjũ ïna ejaroca coga gãbojeno Jesũs rãca riasotigoana, ito yicõri ïna rãca gãna cãni minijua ñayijarã ïna. <sup>34</sup> ïna jãarã tãdi ejaja ticõri, ado bajiro goti bocayijarã ïna.

—Riti mũcana mani Ujũ caticoañi. Simón ïmasiti ïre tiñi, yĩ goti bocayijarã ïna.

<sup>35</sup> Ito yija ïnajua cãni ïna ma waroca ïnare bajire gayere gotiyijarã ïnajua cãni mũcana: “Ma gua waroca sigũ suaquĩ guare. Wijũ ejacõri naju ï bato ïsija ticõri, ‘Jesuti ñami ãni’, yĩ ti masicũ gua cãni”, yĩ gotiyijarã ïna, ito minijua ñanare.

*ï rãca riasotigoanare Jesũs ï goãtore gaye  
(Mt 28.16-20; Mr 16.14-18; Jn 20.19-23)*

<sup>36</sup> Ito bajiro ïna busi ñarocati ïna wato goãoyijũ Jesũs mũcana.

—Ñati mũa. Ñe mano queno ñaña mũa, yĩ ejayijũ Jesũs ïnare.

<sup>37</sup> Ito bajija ti ucacõri gãuyijarã ïna, “Wũjo ñaroja”, yirona. <sup>38</sup> ïna gãujare ado bajiro yiyijũ Jesũs:

—¿No yija ti ucati mũa? ¿No yija, “Jesuti ñami. Jesuti ñaguĩji gajea”, yĩ tucõlati mũa? <sup>39</sup> Yũ ya ãmo tiya mũa. Ito yicõri yũ ya gãbori cãni tiya mũa. Yuti ña yũ. Yũre queno ticõri moãña mũa. Wũjo ñajama yũ robo bajiro gãõ cuti, ri cuti yibetoja, mũa tija, yiyijũ Jesũs ïnare.

<sup>40</sup> Ito yicõri ï ya ãmori ï ya gãbori cãni ïnare ïoyijũ ï. <sup>41</sup> Wanũbojarãti, “ï meje ñaguĩji”, yirona ucayijarã ïna. Ito bajija ticõri, ado bajiro yiyijũ Jesũs ïnare:

—¿Bareoni jabeto ñacuati mũare? yiyijũ Jesũs ïnare.

<sup>42</sup> Ito yija wai jãora cuji co cuji ïre ïsiyijarã ïna. <sup>43</sup> Itire boca ãmicõri ïna tiro riojo bayijũ ï. <sup>44</sup> Iti bacõri ado bajiro yiyijũ Jesũs ïnare:

—Canuti yũre rëtacati gayere mũa rãca ñagũjũ, “Ado bajiro rëtarõ yiroja yũre”, yĩ goticãcũ yũ mũare. Ado bajiro mũare yicũ yũ: Moisés ï ucare, Diore goti ïsiri masa ïna ucare, David ñayorũ ï ucarena cãni, “Ado bajiro rëtarõ yiroja Dios ï cõarũre”, yĩ ucañi ïna. “ïna ucado bajiroti yũre rëtarõ yiroja”, yĩ mũare goticãcũ yũ, yiyijũ Jesũs ïnare.

<sup>45</sup> Ito ï yija bero Dios oca tuti gaye ïna tucõ masitoni ïnare goti rëtbodyijũ ï.

<sup>46</sup> Ado bajiro yiyijũ ï ïnare:

—Cristo Dios ĩ cõaru quenabeto tõbujacõri godagu yiguĩji. Ito yicõri mũcana godana wato ñabojacõri tũdi catigu yiguĩji mũcana. <sup>47</sup> Iti oca masa jeyarore goti ucure ñaro wado yiroja. “Mũa ñeñaro yirisere jidicãña. Ito yicõri Jesucristore tuorãnuña ñeñaro mũa yirise Dios ĩ ãcabojotoni”, yi goti ucure ñaro wado yiroja. Jerusalén gãnare goti tiocõri masa jeyarore goti ucure ñaro wado yiroja, yi gotia Dios oca. <sup>48</sup> Ito bajiro iti rõtaja tigoana ña mũa. <sup>49</sup> Yũ Jacũ ĩ rotiado bajiroti mũare Espĩritu Santo queo sãgũ yigũja yũ. Espĩritu Santona sũoriti Dios ĩ masirise mũare ĩ queo sãroto riojũa ado Jerusalénjũti ñacõaña maji, yiyijũ Jesús ĩnare.

*Macãrcãroju Jesús ĩ mũja ware gaye  
(Mr 16.19-20)*

<sup>50</sup> Ito bajiro ĩ yija bero Betaniajũ ĩnare ãmi wayijũ. ĩ ya ãmori ñũ mũocõri, “Mũare queno yijaro Dios”, yiyijũ ĩ. <sup>51</sup> Ito bajiro ĩnare ĩ yija bero ũmacũju ãmi wayijũ Dios ĩre. <sup>52</sup> Bũto ĩre rãcũbũo wanũ quenacõri Jerusalénjũ tũdi wayijarã ĩna. <sup>53</sup> Ito yicõri co rũmũ rayabeto rãcũbũorã Dios ya wijũ minijuasotiyijarã ĩna. Itocõ ña.

## El santo evangelio según San Juan

### *Dios oca gotirocɔ masa rāca Cristo ǐ ñare gaye*

<sup>1</sup> Cajero ñe manirajuti Cristo, Dios oca goti rēto**bu**rocɔ ñacāyijɔ. ǐ Dios rācati ñayijɔ. Ito yicōri ǐti ñayijɔ Dios. <sup>2</sup> Adi macārucāro ǐ rujeoroto riojuajɔ Dios rāca ñacāyijɔ Cristo. <sup>3</sup> ǐna sɔoriti macārucāro gaye jeyaro rujeoyijɔ Dios. Ñejua gaje Cristo manoti rujeobisijɔ Dios. <sup>4</sup> ǐti ñami catitñare rucogɔ. Ito yicōri ǐti ñami busurise rucogɔ. Ito bajigɔ ñari masa ǐna tuo masiroca yi masiami ǐ. <sup>5</sup> Rāitīaroju masa ǐna ñeñaro yibojaja cɔni busu masiguǐji Cristo. “Ñeñaro yirā ña mani”, ǐna yi masiroca, yigɔ yiguǐji Cristo. Ito bajiri ǐre rēto**c**ū masibicɔ yiguǐji rāitīaro ñagū rāmúa ɔju.

<sup>6</sup> Sīgū āmugū ñaquǐ gɔa masare ǐ riasotoni Dios ǐ cūru. ǐ wame cutiquǐ Juan idé guri masɔ. <sup>7</sup> “Cristo ñami busurise rucogɔ”, masare yi riasorocɔ wadiñi Juan idé guri masɔ. Cristore masa ǐna tuorūnɔtoni Dios ocare gotigɔ wadiñi Juan idé guri masɔ. <sup>8</sup> ǐ meje ñañi busurise rucogɔ. Cristo, busurise rucogare bɔsi ǐsigū wadirɔ ñañi Juan. <sup>9</sup> Busurise rucosagɔ ǐ ñaquǐ Cristo. Jeyaro masa ǐna tuo masitoni wadirɔ ñaquǐ Cristo. Ito bajigɔ ñari ñajediro masa ǐna tuo masitoni wadiñi ǐ.

<sup>10</sup> Adi macārucāro rujeoroto riojuajɔ ñacāyijɔ ǐ Dios oca gotiri masɔ. ǐna sɔoriti adi macārucāroju Dios ǐ menire ñabojarocati adi macārucāro gāna masa ǐre ti masibisijarā maji. <sup>11</sup> Adi macārucāro ǐ rujeore ñabojarocati ǐ ñarājua ǐre boca āmibisijarā. <sup>12</sup> Gājerā coriarāma ǐre queno boca āmiyijarā. Ito yicōri ǐre tuorūnuyjarā ǐna. Ito bajiri ǐre ǐna tuorūnujare Dios rīa ǐna ñaroca yiyijɔ Cristo. “Yare masogū yiguǐji Cristo”, yi tuorūnūrāre Dios rīa ǐna ñaroca yiyijɔ Cristo. <sup>13</sup> Ito bajiri Dios rīati ñama ǐna ǐja. ǐre boca āmicōri ǐ rīa ñama ǐja. Masa ǐna rīa cutirona ǐna yiro bajiro meje ña. Dios rīati ǐna ñaroca Cristo ǐ yiana ñama ǐna. Ito bajiri Dios rīati ñama ǐna ǐja. Ito yicōri Dioti ñami ǐna Jacɔ.

<sup>14</sup> Dios oca gotiri masɔ manire bajiroti ruju cuticōri, mani wato ña ucuquǐ. ǐti ñami masare ti maigū, ito yicōri riojo gotigɔ. ǐ, Dios Macɔ sīgū ñagūre ticōri, “ǐti ñami busurise rucogɔ. ǐ Jacɔre bajiroti rētoro ñasagɔ ñami ǐ cɔni”, yi tuoǐa mani. <sup>15</sup> Juan idé guri masɔ, Cristore bɔsi ǐsigū ado bajiro masare gotiquǐ ǐ ejaroca:

—ǐni gaye gotisɔogɔ, ado bajiro mɔare goticɔ yɔ. “Yɔ berojuā sīgū ejaɔ yiguǐji. Yɔ berojuā ejaɔ ñabojaguti, yɔ rētoro ñasagɔ ñagū yiguǐji ǐ. Yɔ riojuajɔ ñacāñi ǐ”, yi goticɔ yɔ, yiquǐ Juan idé guri masɔ, masare gotigɔ.

<sup>16</sup> Mani jeyaro queno ǐ yirise boca āmisotia mani. Manire ǐ queno yiado bajiroti manire queno yitñami maji. <sup>17</sup> Moisés ñayorūna sɔoriti bɔcɔrā ǐna rotire gaye manire ejayija. Dios manire ǐ ti mairise gayeama, ǐ oca riojo ñasarise cɔni, Cristona sɔoriti manire ejayija. <sup>18</sup> Sīgūjuā Diore tigɔ maquǐji. ǐ Macɔ sīgūti ǐre tiguǐji. ǐ ñaguǐji ǐ Jacɔ robo bajiroti corocō tuoǐagū. “Ito bajiro bajigɔ ñami Dios”, mani yi masitoni, manire riasogɔ ñami Cristo.

*Jesucristore Juan ǐ bɔsi ǐsire gaye  
(Mt 3.11-12; Mr 1.7-8; Lc 3.15-17)*

19 Paia mesare ito yicōri levita masare cuni cōañi judio masa Jerusalén gāna. “¿Ñimu ñati mu?” Juan idé guri masare ñna yi seniñatoni ñnare cōañi ñna. 20 Ito bajiro ñre ñna seniñaja tucōri, riojo ñnare cadiquí Juan idé guri masu:

—Yu, Cristo Dios í cōaru meje ña yu, yiquí Juan ñnare.

21 Mucana tūdi ñre seniña quenocā ñna:

—¿Ito yijama ñimujua ñasati mu? ¿Elías, Diore goti ñsiri masujua ñatite mu? yi seniñacā ñna ñre.

—Í meje ña yu, yiquí í ñnare.

Ito yija mucana tūdi ñre seniñacā ñna:

—¿Mutí ñati Diore goti ñsiri masu, “Ejagu yiguñi”, ñna yicacu? yi seniñacā ñna Juan idé guri masare.

—Í meje ña yu, yiquí í.

22 Ito í yija tucōri, ado bajiro yicā ñna:

—¿Ñimujua ñasati mu? yicā ñna. Guare roticōarāre oca āmi tūdi wa āmoa gu. Mumasiti mu gaye, ¿no bajiro guare gotiati mu? yi seniñacā ñna Juan idé guri masare.

23 ñna ito yija tucōri, ado bajiro cadiquí í ñnare:

—Yuti ña, yucu manojū masare oca sēoro goti ucugu: “Mani Ujū í ejaroto riojua, mua ñeñaro yirise jidicācōri ñre ña yucāña”, yi goti yuri masu ña yu. Isaias ñayoru, Diore goti ñsiri masu, í yiado bajiroti yi gotia yu cuni, yiquí Juan idé guri masu ñre oca seniñacāñare.

24 Juan idé guri masu tu oca seniñarā ejacāna, ñna ñañi fariseo gaye tuoñarā ñna cōana. 25 Mucana tūdi ñre seniñacā ñna:

—Ito yija, Cristo meje ñabojaguti, Elías meje ñabojaguti, Diore goti ñsiri masu meje ñabojaguti, ¿no yija masare idé guati mu? yi seniñacā ñna Juan idé guri masare.

26 ñna ito yija tucōri, ado bajiro cadiquí í:

—Yu masare idé guja, idenagoti idé gua yu. Sīgū ñami ado mani wato mua masibicu. 27 Yu rētoro ñasagu ñami í. Yu bero ejaru ñabojaguti, yu rētoro ñasagu ñami í. ñre bajiro bajigu meje ña yuama. Yu rētoro quenagū í ñajare í rāca corocō ñado ma yu. Ito bajiro quenagū meje ñacōri í ya gaboco oja masibea yu, yiquí Juan idé guri masu ñre seniñacāñare.

28 Jordán wame cutirisa tujū masare Juan idé guroca ito bajiro rētacu. Betania wame cutirijū ñacu itijū, Jordán tanima.

### *Oveja Macu robo bajigu ñami Jesús, yire gaye*

29 Ito bero gaje ramu, Jesús guu tujū í wadija tiquí Juan idé guri masu. Ito bajiri masare ado bajiro gotiquí í:

—Tiya mua, āniti ñami Dios yagu, Oveja Macu robo bajigu. Masa ñna ñeñaro yirise waja yi ñsirocu ñari Oveja Macu robo bajiro bajigu ñami í. Íti ñami adi macārucāro gānare ñna ñeñaro yirisere waja yi ñsiri masu. 30 Í gaye gotisugū, ado bajiro muare goticu yu: “Yu berojua sīgū ejagu yiguñi. Yu berojua ejagu ñabojaguti yu rētoro ñasagu ñagū yiguñi í. Yu riojuaju ñacāñi í”, yi goticu yu muare. 31 Yu cuni, “Í ñaguñi”, yi masibiticu maji. Ado ña yu masare idé gugu. “Āni ñami Dios í cōaru”, mani ñarā cuni ñna yi masitoni, yi gotia yu, yiquí Juan idé guri masu ñre seniñacāñare.

32 Gaje ado bajiro masare gotiquí í:

—Espíritu Santo bujare bajigu ruji wadicōri, í joejare í quedi jeaja ticu yu.

33 ñre tibojaguti, “Íti ñaguñi Cristo”, yi masibiticu yu maji. Yure masare idé gu roticacu, yare í gotigore tuoña bajacōri, “Āniti ñami Cristo”, yi masicu yu íja. Ado

bajiro yare gotiquí ĩ yare idé gu roticacũ: “Sĩgũre Espĩritu Santo ĩ quedi jeaja, mũ tija, ĩti ñami masare Espĩritu Santo queo sãgũ”, yiquĩ yare idé gu roticacũ. <sup>34</sup> ĩre tigorũ ña yũ. Ito bajiri, “Dios Macũ ñami ĩ”, yi masia yũ, yi gotiquĩ Juan idé guri masũ, masare gotigũ.

### *Jesús rãca riasotisũoana gaye*

<sup>35</sup> Ito bero gaje rãmũ ito ñacũ gũa mũcana. Jũarã ñacũ gũa Juan idé guri masũ rãca riasotirã. <sup>36</sup> Jesũs ĩ rãta waja ticõri, ado bajiro gũare gotiquĩ Juan idé guri masũ:

–Tiya, ãniti ñami Dios yagũ Oveja Macũ robo bajiro bajigũ, mani ñẽñaro yirise waja yi ĩsiri masũ, yiquĩ Juan gũare.

<sup>37</sup> Ito bajiro ĩ yija tũocõri, Jesure sũya wacũ gũa ĩja. <sup>38</sup> Ito bajiro gũa ĩre sũya waja jũda ticõri, ado bajiro yiquĩ Jesũs:

–¿Ñere ãmarã yati mũa? yiquĩ Jesũs gũare.

–Riasori masũ, ¿noju ñati mũ ñaro? yĩ seniĩacũ gũa Jesure.

<sup>39</sup> –Adoju tirã waja maji, yi cãdiquĩ Jesũs gũare.

Ito ĩ yijare ĩre sũya wacõri, ĩ ñaroju ticũ gũa ĩja. Ito bajiri iti rãmũ ĩ rãcati ñarã rãicoacũ gũa. Yucũ wecacõ tũjaquĩ ũmacañi.

<sup>40</sup> Juan idé guri masũre tũocõri, yũ rãca Jesure sũya wacũ ñaquĩ Andrés. ĩ ñaquĩ Simõn Pedro ocabaji. <sup>41</sup> Jesure ti masicõri, ĩ rĩjorũ Simõnre gotirocũ ãmagũ waquĩ ĩ. ĩ rĩjorũ tũ ejacõri, ado bajiro gotiyijũ Andrés:

–Dios ĩ cõarũ Cristore bũjacõa yũ, yi ejayijũ ĩ.

<sup>42</sup> Ito yija, Simõnre gũa tũju ãmi wadiquĩ Andrés. Simõnre ticõri, ado bajiro yiquĩ Jesũs:

–Mũ ña Simõn, Jonás macũ. Ito bajibojarocati Pedro wame cãtigu yigũja mũ ĩja. Gãtagã yireoni ña iti, yiquĩ Jesũs Simõnre.

### *Natanael, Felipere cãni Jesũs ĩ jire gaye*

<sup>43</sup> Ito bero gaje rãmũ, Galilea wame cãtirita tũju waquĩ Jesũs. Itoju ejacõri, Felipe wame cãtigũre bũjaquĩ. Ito yicõri ado bajiro ĩre yiquĩ Jesũs:

–Yũ rãca waya, yiquĩ Jesũs ĩre.

<sup>44</sup> Betsaida wame cãtiri cãto gagũ ñaquĩ Felipe. Pedro ocabaji Andrés cãni ĩna ñaro ñacũ ito. <sup>45</sup> Jesure tũocõri, Natanaelre ãmagũ waquĩ Felipe. ĩre bũjacõri, ado bajiro ĩre gotiyijũ ĩ:

–Moisės ñayorũ Dios ĩ rotire ucagũ, ĩ uca gotirare bũjacõmũ yũ ĩja. Diore goti ĩsiri masa ĩna ucãrãre bũjacõmũ yũ ĩja. ĩ ñami Jesũs, Nazaret gagũ, Josã wame cãtigu ĩ masorũ, yiyijũ ĩ Natanaelre gotigũ.

<sup>46</sup> ĩ ito yija tũocõri, ado bajiro seniĩayijũ Natanael:

–¿Nazaret gagũ ĩ ñaja quenagũ ñaguĩjida mũca? yĩ seniĩayijũ ĩ Felipere.

–Wayã tito, yiyijũ Felipe Natanaelre. Ito bajiro yicõri gũa tũju ejacã ĩna ĩja.

<sup>47</sup> Natanael ĩ ejaja ticõri, ado bajiro yiquĩ Jesũs:

–Sĩgũ Israel sita gagũgoro ejaquĩ ado. ĩre rãore ma, yiquĩ Jesũs, Natanaelre ticõri.

<sup>48</sup> Ito ĩ yijare:

–¿No bajiro yare ti masiati mũ? yĩ seniĩaquĩ ĩ Jesure.

–Felipe mũre ĩ jiroto riojũna, higuera wame cãtiricũ roca mũ rãgõroca tibũ yũ mũre, yiquĩ Jesũs ĩre.

<sup>49</sup> Ito ĩ yija tũocõri:

–Yare Riasogu, mũti ña Dios Macũ, ito yicõri gũa Israel sita gãna Ũju ña mũ, yiquĩ Natanael Jesure.

<sup>50</sup> Ito ĩ yija tʷocōri, ado bajiro cʷdiqũ Jesũs ĩre:

—Higuera wame cʷtiricu roca mʷ rʷgōroca mʷre tibʷ yʷ, ĩmʷre yʷ yija, yʷre tʷorʷnʷati mʷ? Gaje iti rēto bʷsaro bajirise tigu yigʷja mʷ, yiqũ Jesũs ĩre.

<sup>51</sup> Gaje ado bajiro gotiqũ Jesũs gʷare:

—Riti mʷare gotia yʷ. Macʷrʷcāro soje iti janaroca, Yʷ Masa Rĩjora tʷja, ʷngel mesa yʷ tʷja ĩna rujija, ĩna mʷjaja cʷni tirʷ yirʷji mʷa, yiqũ Jesũs gʷare.

## 2

### *Caná wame cʷtiri cʷtoju ĩna ʷmo siare gaye*

<sup>1</sup> Jʷa rʷmʷ bero Galilea sita Caná wame cʷtiri cʷtoju ʷmo siare ĩaro wado yicʷ. Jesũs jaco cʷni ĩacō itoju. <sup>2</sup> Gʷa Jesũs rāca riasotirʷre cʷni basa gʷare goticā ĩna. Ito bajiri gʷa cʷni Jesũs rāca ĩacu itoju. <sup>3</sup> Ito bajiro gʷa idi ĩaroca, ʷyé ide jedicoacu. Ito bajija ticōri, Jesũs jaco ado bajiro yicō ĩre:

—ʷyé ide jedicoaju ĩja, yicō iso Jesure.

<sup>4</sup> Iso ito yija tʷocōri:

—ĩCana, no yija yʷre iti gotiati mʷ? Tiyamani yʷ ĩoroti ejabea maji, yiqũ Jesũs isore.

<sup>5</sup> Ito bajiro ĩ yija tʷocōri, iori masare ado bajiro yicō iso:

—Jeyaro ĩ rotiro bajiroti cʷdiya, yicō iso ĩnare.

<sup>6</sup> Itoju ĩacu ide gōnaraduri, gʷtana ĩna menira sotari. Coga ʷmojeno sotari ĩacu. Ide gōnacōri bʷcʷrā ĩna rotiado robo bajiro ĩna coesotiri sotari ĩacu iti sotari. Cincuenta, setenta cʷni ide coari dajarise ĩacu iti sotari. <sup>7</sup> Iori masare ado bajiro rotiqũ Jesũs:

—Adi sotarire ide jio dajoya, yiqũ Jesũs ĩnare.

Ito ĩ yija tʷocōri, iti sotari ĩarocōti jio dajocā ĩna. <sup>8</sup> ĩna cʷdiya ticōri, ado bajiro rotiqũ Jesũs ĩnare:

—ĩabeto gōnacōri, basa ʷjʷre ĩsitēña mʷa, yiqũ ĩ ĩnare.

ĩ rotiro bajiroti yicā ĩna. Basa ʷjʷre ide iocā ĩna. <sup>9</sup> Iti ide ĩ boca idija, ʷyé ideti ĩacoacu iti ĩja. “Ito gaye ĩaroja”, yi masibitiquĩ ĩ. Iori masa riti masicā ĩna ʷmiadore. Iti idicōri, mame manojo cʷtigʷre ji ĩucaquĩ basa ʷjʷ. <sup>10</sup> ĩ ejaroca ado bajiro ĩre yiqũ ĩ:

—Gājerāma, basa ĩna menisʷoja, quenarise iosʷocā. Jairo masa ĩna idija bero quenasabiti ide iocā ĩna. Mʷāma gaje idire rētoro quenarise seoyija mʷ. Adocāta mʷ ĩorise quenarise ĩa, yiqũ basa ʷjʷ mame manojo cʷtigʷre.

<sup>11</sup> Iti ĩacu tiyamani Jesũs ĩ ĩosʷore Galilea sita, Caná wame cʷtiri cʷtoju. Iti ticōri, rētoro ĩ masirise ĩ ĩoja, ticʷ gʷa, ĩ rāca riasotirʷ. Ito bajiri ĩre tʷorʷnʷacu gʷa ĩja.

<sup>12</sup> Iti basa rētaja bero Capernaum wame cʷtiri cʷtoju wacu gʷa Jesũs rāca. ĩ jaco, gʷa ĩ rāca riasotirʷ, ĩ ĩarā cʷni ĩ rāca wacu gʷa. Itoju yoa bʷsari ĩa ucucu gʷa.

### *Niyeru wasoari masare Jesũs ĩ bucōare gaye* (Mt 21.12-13; Mr 11.15-18; Lc 19.45-46)

<sup>13</sup> Judio masa pascua basa ĩna meniroti rʷmʷ riojuaca rʷmʷ Jerusalénju wacu gʷa Jesũs rāca. <sup>14</sup> Itoju Dios ya wi ejacōri, ta wecʷa, oveja, buja ĩsiri masare ti bʷjaquĩ Jesũs. Ito yicōri niyeru wasoari masa ĩna rujiadoju, ĩna rujija ti bʷjaquĩ ĩ. <sup>15</sup> Ito bajiro ĩna yi ĩaja ticōri, bajera ma meniquĩ Jesũs. Ito bajiro yicōri, ĩna ya wecʷa rāca, ĩna ya oveja rāca Dios ya wi ĩarāre bucōaquĩ Jesũs. Niyeru wasoari masa ya niyeru cujirire ware batecōquĩ ĩ. ĩna ya



casabori gaye tujəda queoquĩ Jesús. <sup>16</sup> Ito yicōri, buja ĩsiri masare ado bajiro yiquĩ Jesús:

—Āna m̄ua ĩsironare āmi budi wasa m̄ua. Yu Jacu ya wire gajeoni ĩsira wi godo weobesa m̄ua, yiquĩ Jesús ĩnare.

<sup>17</sup> Ito bajiro ĩ yija t̄uocōri, Dios oca tuti gotire t̄uoĩa bujacu ḡua ĩ rāca riasotirā: “B̄to m̄u ya wire t̄uoĩa r̄acub̄uo ya”, yi Dios oca tuti gotire gaye t̄uoĩa bujacu ḡua.

<sup>18</sup> Ito yija ito ñarā judio masa Jesure seniñacā:

—¿No bajiro ĩogū yigujada m̄u, “Dios ĩ rotirena waib̄ucurā ĩsiri masare bucōa m̄u”, ḡua yitoní? yi seniñacā ĩna Jesure.

<sup>19</sup> ĩna ito yija t̄uocōri, ado bajiro c̄uđiquĩ Jesús ĩnare:

—Adi Dios ya wire m̄ua ruyurioja, uđia r̄um̄u beroti m̄ucana t̄uđi iti wire j̄oroḡu yiguja yu, yiquĩ Jesús ĩnare.

<sup>20</sup> Ito ĩ yija t̄uocōri:

—Cuarenta y seis rodori sejayijarā ĩna adi wi menirā. M̄uāma, “Uđia r̄um̄u beroti j̄oroḡuja”, ¿yire masiati m̄u? yicā ĩna Jesure.

<sup>21</sup> Ito bajiro Dios ya wire Jesús ĩ t̄uoĩa b̄usija, ĩ ya ruju gayere b̄usigu yĩñi Jesús. <sup>22</sup> Iti Jesús ĩ b̄usigore m̄ucana t̄uđi Jesús ĩ catiroc̄aj̄u, ĩ b̄usigore t̄uoĩa bujacu ḡua, ĩ rāca riasotigoana. Ito bajiri Dios oca ĩ b̄usigore c̄uñi t̄uor̄an̄acu ḡua ĩja.

### *Mani t̄uoirise masi jeoḡu ñami Jesús, yire gaye*

<sup>23</sup> Jerusalén ñacōri, pascua basa ĩna meniroca jaje tiyamani masare ĩoquĩ Jesús. Ito bajiro ĩ yijare, j̄ajarā masa ĩre t̄uor̄an̄acā ĩna ĩja. <sup>24</sup> “Masa jeyaro ñeñaro yirā ñama”, yi ti masicōri, ĩnare queno t̄uor̄an̄usabitiquĩ Jesús. <sup>25</sup> Masa jeyaro ĩna ya usij̄u ĩna t̄uoirise ti masigū ñaqui Jesús. “Ito bajiro bajirā ñama masa”, yi t̄uoĩa masicāñi Jesús.

## 3

### *Nicodemo Jesús t̄u ĩ ejare gaye*

<sup>1</sup> S̄igū fariseo gaye t̄uoĩagū, Nicodemo wame c̄utigu ñayij̄u. Judio masa rāca ñasagu ñayij̄u ĩ. <sup>2</sup> ĩ Nicodemo, ñamij̄u Jesure tigu ejayij̄u. ĩ t̄u ejacōri, ado bajiro yiyij̄u ĩ Jesure:

—Riasori masu, “Guare riasotoni m̄ure cōañi Dios”, yi t̄uoĩa ḡua m̄ure. M̄u rāca Dios ĩ ñajare tiyamani ĩo masia m̄u. Ñimuj̄ua ḡaji tiyamani m̄u ĩoro bajiro yibiquĩji, Dios ĩ rāca ñabeja, yiyij̄u ĩ Jesure.

<sup>3</sup> —Riti m̄ure ado bajiro gotia ĩ. No m̄ucana t̄uđi rujea quenobicu Dios ĩ rotiroj̄u tibiquĩji, yiyij̄u Jesús Nicodemore.

<sup>4</sup> Ito ĩ yija t̄uocōri, ado bajiro Jesure seniñayij̄u Nicodemo:

—¿No bajiro am̄ugū jaigu ñac̄abojaḡuti m̄ucana t̄uđi rujea quenoguĩjida? Jacore s̄ajacōri, m̄ucana t̄uđi rujea quenoguĩjida? yi seniñayij̄u ĩ Jesure.

<sup>5</sup> —Riti m̄ure gotia yu. Masa jeyaro jacona rujear̄aji. Ito bajibojarocati Esp̄iritu Santona rujeabicu Dios ĩ rotiroj̄u ejabiquĩji. <sup>6</sup> Masana rujeana, masati ñar̄aji. Esp̄iritu Santona rujeana ĩ ya usina catit̄ñarā yir̄aji ĩna. <sup>7</sup> “No Dios t̄uj̄u eja am̄oja, m̄ucana t̄uđi rujea quenoja quena”, ya yu m̄ure. Ito bajiro yu yija, t̄uo ucabesa m̄u. <sup>8</sup> Mino iti am̄oro bajiroti w̄ea ñucaro yiroja. Mino iti uđija t̄uo mani. Ito bajibojarocati, “Ito gaye wadiroja, ito waroja”, yi masibea mani. Ito bajiroti bajigu ñami Esp̄iritu Santo c̄uñi. “Ñimuj̄uare

itocō rujea quenogū yiguŕi Espíritu Santo”, yi masibea mani, yiyijū Jesús Nicodemore.

<sup>9</sup> Ito yija macana tūdi senīa quenoyijū Nicodemo:

—¿No bajiro bajirojada iti? yi senīayijū ī Jesure.

<sup>10</sup> Ado bajiro ĩre cūdiyijū Jesús:

—Israel sita gānare riasori masū űnasagū űna mū. ¿Ito bajibo jagūti adi gayeama masibeati mū? <sup>11</sup> Riti mūre gotia yū. Yū masirisere busia yū. Ito yicōri yū tigare mūre gotia yū. Ito bajibo jarocati yū gotirisere queno tuorūnubea mū. <sup>12</sup> Adi sitajū gaye yū busirise mū tuorūnubeja, Dios ī űnaraju gaye yū busija cūni, tuorūnubicu yigūja mū, yiyijū Jesús ĩre.

<sup>13</sup> Gaje ado bajiro gotiyijū Jesús:

—Sīgū űmacūjū mūjagorū maquŕi. Yū sīgūti űna űmacūjuna ruji wadicōri macana tūdi itojū mūja warocū. Yū űna Masa Rĭjorū. Yūti űna itojū mūja warocū. <sup>14</sup> Jane mejeju Moises űayorū yucū manojū ĩna űna ucuroca yucū joe āñare jeoyijū, masa ĩna ti mūotoni. Āñare ti mūocōri āñā cūni ecoana űbobarāti godabisijarā ĩna. Ito bajiro ti yū cūni Masa Rĭjorū, yucūna mūo ecogu yigūja. <sup>15</sup> No yare tuorūnugūti godabicū yiguŕi catitīñagū yiguŕi, yiyijū Jesús Nicodemore gotigū.

### *Ñajediro masare Dios ī maire gaye*

<sup>16</sup> Ñajediro masare buto maiyijū Dios. Ito bajiri ī Macū sīgū űagūre cōayijū, masare ī goda ĩsitioni. No Jesure tuorūnugūti godabiqūji, catitīñagū yiguŕi. <sup>17</sup> Adi macārūcūro gānare ī ruyuriontoni meje ī Macūre cōayijū Dios. Ado robojūa bajiyijū. Masare masojaro yirocū ī Macūre cōayijū Dios.

<sup>18</sup> No ī Macūre tuorūnugūre waja senibicu yiguŕi Dios. No Dios Macū sīgū űagūre tuorūnubicu, ī tuorūnubitire waja ĩre ruyuriogū yiguŕi Dios. <sup>19</sup> “Yū Macūre tuorūnūmenare ĩnare ruyuriogū yigūja yū”, yicāñi Dios. Ado bajiro baja: Busurise rucogū űari masa ĩna tuo masiroca yi masiami Jesús. Ito bajiri adi tuti ejacōri, “Ñeñaro yirā űa mani”, masa ĩna yi masiroca yiñi Jesús. Buto ñeñaro yi jairā űari busurise rētoro rāitlarisere āmoyijarā ĩna. Quenarise yi āmobicōri ñeñarisejuare riti buto yi āmoyijarā ĩna. Ito bajiri Jesure ĩna tuorūnubitire waja jeame ājuroju ĩnare cōagū yiguŕi Dios. <sup>20</sup> Ñeñaro yirā űarocōti busurise ti teama ĩna. Ito bajiri busurise rucogū yū űajare, yare boca āmimenaji ĩna. ĩna ñeñaro yirise goabe yirona yare boca āmimenaji ĩna. <sup>21</sup> Oca riojo gotire cūdirāma, yū busurise rucogūre boca āmirā yirāji ĩnama. Ito bajiri ĩna queno cūdija ticōri, “ĩna queno yiroca yami Dios”, yi ti masirā yirāji gājerā, yiyijū Jesús Nicodemore.

### *Juan idé guri masū Jesús gayere ī gotire gaye*

<sup>22</sup> Ito yija bero, gūa Jesús rāca riasotirā ī rāca Judea sitajū wacū. Itojū yoa busari ī rāca masare idé gū űacū gūa. <sup>23</sup> Juan idé guri masū cūni Salim cūto sōjūa Enón wame cūtiri cūtoju masare idé gū űayijū ī cūni. Itojū ide jairo iti űajare, masa jājarā idé gū rotirā ejayijarā. Ito bajiri ĩnare idé guyijū Juan. <sup>24</sup> Ito bajiro rētayijū, Juan idé guri masūre ĩna tubiaroto riojūa.

<sup>25</sup> Ito baji űaroca coriarā Juan idé guri masū rāca riasotirā, sīgū judio masū rāca gāmeri busi űayijarā ĩna. “Busūrā ĩna rotiado bajiro mani cūdija ticōri, mani ñeñaro yirisere coegū yiguŕi Dios”, yi gāmeri busi űayijarā ĩna. <sup>26</sup> ĩna gāmeri busija bero Juan tū ejacōri ado bajiro senīayijarā ĩna:

—Guaire riasogu, ¿Jordán wame cutirisa siduja mu tigorere masiati mu? Í gayere guare busibu mu. Adi rumuri buto masare idé guguji. Ito bajiri masa íre riti suyaraji ina, yi gotiyijará ina Juan idé guri masare.

<sup>27</sup> Ina ito yija tuocõri:

—Ñe manoti ñaraji masa, Dios í isibeja. Dioti ñami masa ina moaroti cõri masu. <sup>28</sup> “Yu meje ña Cristo. Í ejaroto riojua Dios í cõa yura ña yu”, yari mware goticãcu yu. “Ito bajiro gotiqui Juan guare”, yi masirã ña mua, yiyiju Juan í rãca riasotirãre. <sup>29</sup> Goti masiore ocanã ado bajiro gotiyiju Juan: “ãmo siari ruma isore ñiagũ, iso manuju ñarocu ñaguji í. Í, ãmo siagu baba, í ãmo siare gaye í tuoja buto wanu quenagũ yiguji í. ‘Masare idé gugu yiguji’, mua yija tuocõri, itire bajiroti wanu quena yu cani. <sup>30</sup> Yu rãtoro ñasagu í ñare ãmoa yu. Yure ina rãcuburogo rãto busaro masa íre rãcuburogo ãmoa yu”, yiyiju Juan í rãca riasotirãre.

*Ûmacãju wadiru ñami Cristo, yire gaye*

<sup>31</sup> Ûmacãju gagu wadiru, í ñami ñasagu. Ñimu gãji í rãtoro ñasagu maquji. Adi macãrucãroju rujearu í ñami adi macãrucãro gagu. Ito bajiri adi macãrucãro gaye busiami í. Ûmacãju gagu wadiruama í ñami ñasagu. <sup>32</sup> Í tigare, í tuogore cani busiami íocũ. Ito bajiborocati, noajua queno tuorũnũbeama í busirisere. <sup>33</sup> No íre tuorũnũgũti, “Queno riojo yigu ñami Dios”, yi masiguji íocũ. <sup>34</sup> Dios í cõaũama Dios ocareti gotiguji. Jabetacã meje í ya usi queo sãgũ yiguji Dios íre. <sup>35</sup> Í Macare maigũ, “Jeyaro rotijaro í”, yirocu Cristore cõni maní Jacu Dios. <sup>36</sup> No Dios Macare tuorũnũgũti catitĩnãgũ yiguji. Í Macare tuorũnũbicũama catitĩnãre bujabicu yiguji. Íocũreama buto ñeñaro í tãbjaroca yigu yiguji Dios.

## 4

*Samaria sita gago rãca Jesús í busire gaye*

<sup>1</sup> “Juan rãto busaro masare idé guami Jesús, ito yicõri íre jãjarã busa suyama ina”, yire gaye masiñi fariseo gaye tuõarã. <sup>2</sup> Quenogoroama Jesús meje masare idé guquĩ. Gua Jesús rãca riasotirãju masare idé gucu gua. <sup>3</sup> Fariseo gaye tuõarã ina masija tuocõri, Judea sitare wacoacu gua Jesús rãca. Ito yicõri Galilea sitaju wacu gua macana.

<sup>4</sup> Ito warã riti Samaria sitaju ejacu gua. <sup>5</sup> Ito rãta wacõri, Sicar wame cutiri cutõju ejacu gua. Iti cutõ Jacob ñayoru í macu Josere ísira sita tu ñacu iti cutõ. <sup>6</sup> Itoju ñacu Jacob ñayoru ya ide goje. Boga wadiru ñari iti goje tu eja rũjũquĩ Jesús. Ëmua gudareco ejarecõro ñacu. <sup>7-8</sup> Guama í rãca riasotirã cutõju wacu bare waja yirã warã. Itoju Jesús í ruijroca, sigõ Samaria sita gago ide gõnagõ ejayijo. Iso ejaja ticõri, isore ado bajiro ide seniujiju Jesús:

—Íde ioya yare, yiyiju í isore.

<sup>9</sup> Íde í seniujiju tuocõri, ado bajiro yiyijo Samaria sita gago:

—¿Mu no yija judio masu ñabõjaguti, yu Samaria sita gagore ide seniati mu? yiyijo iso Jesure. Samaria sita gãna rãca judio masa rãca queno baba catibiticõri, ito bajiro yiyijo iso.

<sup>10</sup> Iso ito bajiro yija tuocõri:

—Dios í ísiroti mu masija, ito yicõri, “Í ñami yare ide senigũ”, mu yi masija, yujũare ide seniboroja mu. Ito bajiro mu yija, ide catitĩnãre gaye mure ísiboraja yu, yiyiju Jesús isore.

<sup>11</sup> Ito í yijare:

—Ñena ide gōnare ma mure. Jubejū ña ide goje. ¿Nojū gaye yure ide catitñāre gaye ĩsigū yigujada mū? <sup>12</sup> Mani riojūa gagu Jacob ñayoru adi goje ide gojere cūñi ĩ. ĩ cūni idiñi iti goje gaye. ĩ rīa cūni idiñi. ĩ ya ecana cūni idiñi. ¿ĩ rēto busaru ñasagu ñati mū? yiyijo iso Jesure.

<sup>13</sup> Ito bajiro iso yija tucōri, ado bajiro cūdiyijū Jesús isore:

—No adi goje gaye ide idibojarāti, mūcana tūdi idi āmocoarā yirāji. <sup>14</sup> No ide catitñāre gaye yū ioana, mūcana tūdi idi āmomena yirāji. Yū ĩnare ide iorise ide ūmaburi goje robo bajiro ūmabato ñaro yiroja, ĩna catitñātoni, yiyijū Jesús isore.

<sup>15</sup> Ito ĩ yija tucōri:

—Yū Ūjū, iti gaye ide āmoa yū cūni, mūcana tūdi ide yū idibe yiroco. Ito yicōri mūcana tūdi adi goje gōnagō wadibe yiroco, yiyijo iso Jesure.

<sup>16</sup> Ito yija, ado bajiro yiyijū Jesús isore:

—Wasa, mū manujure jitēña, ito yicōri adoju waya, yiyijū Jesús isore.

<sup>17</sup> Ito ĩ yija ado bajiro cūdiyijo iso:

—Manujū maco ña yū, yī cūdiyijo iso.

—“Manujū maco ña yū”, mū yirise riti ya mū. <sup>18</sup> Co dūjamocō āmūa rāca ñagoro ña mū. Ito bajicōri adocāta mū rāca ñagū, mū manujū meje ñami ĩ. Ito bajiri, “Manujū maco ña yū”, mū yiriseama riti ya mū, yiyijū Jesús isore.

<sup>19</sup> Ito ĩ yija tucōri, ado bajiro yiyijo iso ĩre:

—Yū Ūjū, jeyaro masigūocū ña mū. “Diore goti ĩsiri masū ñami āni”, ya yū mure. <sup>20</sup> Gūa Samaria sita gāna ñicusabatia, adi burojū Diore rūcūbuoñi. Mūa judio masama, “Jerusalénjū Diore rūcūbuoja quena”, ya mūāma, yiyijo iso Jesure.

<sup>21</sup> Iso ito yijare:

—Yure tūorūññā romio mū. Co rāmū Diore mūa rūcūbuoroti rāmū ejaro yiroja. Adi buro meje, ito yicōri Jerusalénjū wamenati Diore rūcūbuo ñarā yirāji mūa. <sup>22</sup> Mūa Samaria sita gāna, mūa rūcūbuorocare queno masibeja mūa maji. Gūama, gūa rūcūbuorocare queno masia. Gūa judio masana suoriti masare masogū yiguñi Dios. <sup>23</sup> Ija ñaro yiroja, ito yicōri adocāta cūni ña, riojo Diore masa ĩna rūcūbuo āmosaja, ĩna ya usijū ĩre rūcūbuorā yirāji ĩna. Ito bajiro ĩre rūcūbuore āmoami mani Jacū. <sup>24</sup> Rujū meje ñami Dios. Ūsiti ñami ĩ. Ito bajiri Dios ĩ āmoro bajiro riti Espiritu Santo ĩ ejabuarisena Diore mani rūcūbuoja quena, yiyijū Jesús isore.

<sup>25</sup> Ito ĩ yija tucōri, ado bajiro yiyijo iso:

—Dios ĩ cōaru, Mesías ejaḡu yiguñi, yī tūoña yū. ĩ ñaguñi Cristo ĩna yigū. ĩ ejagujū, gūare queno goti rētobugū yiguñi, yiyijo iso Jesure.

<sup>26</sup> Iso ito yija:

—Yū adocāta mure busigū, ĩti ña, yiyijū Jesús isore.

<sup>27</sup> Ito bajiro ĩ yī ñaroca, tūdi ejacu gūa ĩ rāca riasotirā. Romio rāca ĩ busija ticōri, jabeto ti acacu gūa. Ito bajibojarocati, “¿Ñe gaye ĩre āmoati mū? ¿Ñe gaye isore senīati mū?” yī senīabiticu gūa. <sup>28</sup> Ito yirocāti ide gōnaradu jidi rojocōri cūtojū wacō iso. Cūtojū ejacōri, masare ado bajiro gotiyijo iso:

<sup>29</sup> —Jeyaro yū yigore, “Ado bajiro yicū mū”, yī gotigure tirā waya mūa cūni. ¿Cristo meje ñaguñjida mūaca? yiyijo iso masare.

<sup>30</sup> Ito bajiro iso yija tucōri, Jesure ti āmorā gūa tū ejacā iti cūto gāna. <sup>31</sup> Ito bajiroca riti:

—Gūare riasogū, jabeto baya maji, yī josa ñacu gūa.

<sup>32</sup> Ito gūa yibojarocati, ado bajiro cūdiqū Jesús:

—Mūa masibiti, yū baroti ñacā yure, yiqū Jesús gūare.

33 Ito bajiro ī yija tʰocōri:

—¿Sīgū ĩre bare cūgū ejarūda? yī gāmeri senīasʰocʰu guamasiti.

34 Ito bajiro gʰa gāmeri busija tʰo masicōri, ado bajiro yiqūī Jesús gʰare:

—Yure cōaru ī āmoro bajiro yʰ yija, ito yicōri iti moare yʰ gajanoaja, iti űa yʰ ya bare bajiro bajirise. Masama bare ba wanʰotiamā. Yʰama yʰre cōaru ī āmoro bajiro yicōri wanʰa yʰ. 35 “Jʰuararā űmacañi rʰya maji, ote iti bucʰaroto”, ote wese űjʰ ī yīado bajiro yī tʰoĭabesa mʰa. “Masare Dios oca mani riasorijʰ ejabea maji”, yī tʰoĭabesa mʰa. Yʰama ado bajiro ya: Ote bucʰacoaju ĩja, adocāta āmija quena. Tiya, masa jājarā yʰre tʰorānʰuroca űacāma ĩja. Adocāta ĩnare riasoja quena. 36 No ote miojuguti, waja boca āmigū yiguĭji. Itire bajiroti, no yʰre masa ĩna tʰorānʰuroca yigure ĩre queno waja yigu yiguja yʰ. ĩ űami catitīñare gaye masa ĩna buja masiroca yigu. Ito bajiri yʰ oca masare riasogu cʰni, yʰre masa ĩna tʰorānʰuroca yigu cʰni corocōti wanʰrā yirāji ĩna. 37 Riti baja bucʰrā ĩna busigore: “Sīgū űaguĭji otegu. Gāji űaguĭji itire miojugʰ”, yiyijarā bucʰrā. Riti baja iti. Tʰote. Coriarā űama yʰ oca masare riasorā. Gājerā űama yʰre masa ĩna tʰorānʰuroca yirā. 38 Ote wese űjʰ ricare mioju rotigu yiguĭji ī ya moari masare, otegoana meje ĩna űabojarocati. Yʰ cʰni ito bajiroti mʰare cōa, yʰre masa ĩna tʰorānʰuroca mʰa yī masitoni. Yʰ oca ĩnare riasosʰoana meje űabojarocati mʰare cōa yʰ. Mʰa riojʰa gājerā ĩnare riasosʰoñi. Ito bajiri josari mejeti yʰre ĩna tʰorānʰuroca yī masirā yirāji mʰa, yiqūī Jesús gʰare.

39 “Jeyaro yʰ yigure yʰre gotiquī ĩ”, romio iso yī gotija tʰocōri, jājarā iti cʰto gāna Samaria sita gāna Jesure tʰorānʰucā ĩna ĩja. 40 Ito bajiri iti cʰto gāna Jesure ti wanʰcōri gʰare tuja roticā ĩna. Ito bajiri ĩna rāca jʰa rʰmʰ űacu gʰa. 41 Jesumasiti ī riasoja tʰocōri, jājarā busa ĩre tʰorānʰucā ĩna. 42 Jesure tʰorānʰcōri, ado bajiro busicā ĩna romiore:

—Mʰre gʰa tʰogore gaye riti meje, ĩre tʰorānʰa gʰa. Adocāta guamasiti ĩre tʰocōri, tʰorānʰa gʰa ĩja. “Īti űami Cristo, adi macārucāro gānare masorocʰ”, yī ti masia gʰa ĩja, yicā iti cʰto gāna romiore.

### *űasagu macʰre Jesús ĩ yisioire gaye*

43 Ito yija bero, jʰa rʰmʰ beroti Samaria sitana űacōri, Galilea sitaju wasʰocʰ gʰa mʰcana Jesús rāca. 44 Riti baja Jesús ĩ busigore: “Diore goti ĩsiri masare ĩ ya sita gāna ĩre queno rʰcʰbʰomenaji”, yī gotiquī Jesús gʰare.

45 Galilea sitaju Jesús rāca gʰa ejaroca, queno boca āmicā ito gāna. ĩna cʰni Jerusalénjʰ pascua basa ti tʰdi ejana űañi. Ito yicōri iti basa rʰmʰri jeyaro Jesús ĩ yigure tiana űari seyoñi ĩna cʰni.

46 Ito yija bero, Galilea sitaju Caná wame cʰtiri cʰtoju tʰdi wacu gʰa Jesús rāca. Ito űacu idena űyé ide ĩ godo weogoraju. Itoju űaqui sīgū űjʰre moā ĩsiri masʰ űasagu. ĩ macʰ Capernaum wame cʰtiri cʰtoju cō űañi. 47 “Judea sitana wacōri, Galilea sitaju ejayiju Jesús”, yija tʰocōri, ĩre tigu ejaquī űjʰ ya moari masʰ űasagu. Jesús tʰ ejaocōri ado bajiro josaquī ĩre:

—Yʰ ya wijʰ waya. Yʰ macʰ cō wacu yiguĭji. Yʰ macʰre yisioju waya, yiqūī ĩ Jesure.

48 Ito ĩ yija tʰocōri, ado bajiro yiqūī Jesús:

—Tiyamani mʰa tibeja, yʰre queno tʰorānʰabea mʰa, yiqūī Jesús ĩre.

49 Ito bajiro ĩ yibojarocati:

—Yʰ űjʰ coji waya, yʰ macʰ ĩ godare āmobeja yʰ, yiqūī moa ĩsiri masʰ űasagu Jesure.

50 Ito ĩ yija tʰocōri:

—M<sub>u</sub> ya w<sub>i</sub>ju t<sub>u</sub>di wasa. M<sub>u</sub> mac<sub>u</sub> catigu<sub>i</sub>ji, yiqu<sub>i</sub> Jesús ĩre.

Ito bajiro Jesús ĩ yija t<sub>u</sub>ocōri, “Riti gotiami Jesús”, y<sub>i</sub> t<sub>u</sub>or<sub>u</sub>naqu<sub>i</sub> ĩ. Ito bajiri ĩ ya w<sub>i</sub>ju t<sub>u</sub>di was<sub>u</sub>oqu<sub>i</sub> ĩ ĩja. <sup>51</sup> ĩ ya w<sub>i</sub>ju eja<sub>u</sub> wagu ĩ yiroca ĩre eja<sub>u</sub>ari masa ado bajiro ĩre goti bocayjarā ĩna:

—M<sub>u</sub> mac<sub>u</sub> caticoami ĩja, yiyijarā ĩna.

<sup>52</sup> ĩna ito yija t<sub>u</sub>ocōri:

—¿Nocāta catis<sub>u</sub>ori y<sub>u</sub> mac<sub>u</sub>? y<sub>i</sub> seni<sub>i</sub>ayiju ĩ ĩnare.

—Ñamica, ũmacañi ĩ juja r<sub>u</sub>g<sub>u</sub>riju, ĩre ñiotar<sub>u</sub>job<sub>u</sub>, yiyijarā ĩna, ĩna <sub>u</sub>je.

<sup>53</sup> Ito bajiro ĩna yija t<sub>u</sub>ocōri, t<sub>u</sub>o<sub>i</sub>a b<sub>u</sub>jayiju ĩ. “Itocō ũmacañi ĩ juja r<sub>u</sub>g<sub>u</sub>rijuti, ‘M<sub>u</sub> mac<sub>u</sub> catigu<sub>i</sub>ji’, y<sub>i</sub> gotimida Jesús y<sub>u</sub>re”, y<sub>i</sub> t<sub>u</sub>o<sub>i</sub>a b<sub>u</sub>jayiju ĩ. Ito bajiri ĩ, ĩ ñarā c<sub>u</sub>ni Jesure t<sub>u</sub>or<sub>u</sub>na<sub>u</sub>yijarā ĩna ĩja.

<sup>54</sup> Iti ñacu bero gaye tiyamani Jesús ĩ ĩore, Judea sitana, Galileaj<sub>u</sub> t<sub>u</sub>di eja<sub>u</sub>cōri, ĩ ĩore gaye.

## 5

### *Cō ñarure Jesús ĩ yisio<sub>u</sub>re gaye*

<sup>1</sup> Ito bajija bero m<sub>u</sub>cana t<sub>u</sub>di basa menicā judio masa. Ito bajiri itire tigu waqu<sub>i</sub> Jesús m<sub>u</sub>cana Jerusalénj<sub>u</sub>. ĩ rāca wac<sub>u</sub> g<sub>u</sub>a c<sub>u</sub>ni. <sup>2</sup> Iti c<sub>u</sub>to Oveja wame c<sub>u</sub>tiri soje t<sub>u</sub> ñacu masa ĩna guarita. Hebreo ocana Betzata wame c<sub>u</sub>tic<sub>u</sub> itira. Itira t<sub>u</sub> co d<sub>u</sub>jamocō j<sub>u</sub>ri ñacu ide ñura j<sub>u</sub>ri. <sup>3</sup> Iti roca cōrā jājarā jaca<sub>u</sub> c<sub>u</sub>ñacā. Cajea mana, queno wa masimena c<sub>u</sub>ni, ito yicōri ruduana c<sub>u</sub>ni ñacā itoj<sub>u</sub>. “¿Nocāta iti jac<sub>u</sub>ja tiana?” yirona bocati c<sub>u</sub>ñacā ĩna. <sup>4</sup> Co r<sub>u</sub>m<sub>u</sub>rea ángel ruji eja<sub>u</sub>cōri, ide jac<sub>u</sub>roca y<sub>i</sub>ni. Ito ĩ yija bero, no itira cajero quedi roas<sub>u</sub>ogureti ĩ ñarise catirise r<sub>u</sub>tacoayij<sub>u</sub> ĩja. <sup>5</sup> Itoj<sub>u</sub> cōrā wato s<sub>i</sub>g<sub>u</sub> ñaqu<sub>i</sub> treinta y ocho rodori cō ñaru. <sup>6</sup> ĩ c<sub>u</sub>ñaja ticōri, “Yoariguti cōri seyof<sub>u</sub>i āni”, y<sub>i</sub> tiqu<sub>i</sub> Jesús ĩre. Ito bajiri ado bajiro ĩre seni<sub>i</sub>aqu<sub>i</sub> Jesús:

—¿M<sub>u</sub>cana t<sub>u</sub>di cati quenag<sub>u</sub> ña āmoati m<sub>u</sub>? yiqu<sub>i</sub> Jesús ĩre.

<sup>7</sup> Ito bajiro ĩ yija t<sub>u</sub>ocōri:

—Y<sub>u</sub> <sub>u</sub>ju, s<sub>i</sub>g<sub>u</sub>j<sub>u</sub>a y<sub>u</sub>re idej<sub>u</sub> queo roag<sub>u</sub> mami, iti jac<sub>u</sub>roca. Coji r<sub>u</sub>yabeto y<sub>u</sub> ide c<sub>u</sub>o ām<sub>u</sub>bojarocati, g<sub>u</sub>jerā riti y<sub>u</sub> rioj<sub>u</sub>a ide c<sub>u</sub>osotiam<sub>u</sub>, yiqu<sub>i</sub> ĩ Jesure.

<sup>8</sup> Ito ĩ yija:

—W<sub>u</sub>m<sub>u</sub>ña, m<sub>u</sub> ya cama āmi wasa, yiqu<sub>i</sub> Jesús ĩre.

<sup>9</sup> Ito ĩ yirocariti, queno cati quenag<sub>u</sub> ñacōaqu<sub>i</sub> ĩ m<sub>u</sub>cana. ĩ ya cama āmicōri, was<sub>u</sub>oqu<sub>i</sub> ĩ. Iti r<sub>u</sub>m<sub>u</sub>ti g<sub>u</sub>a judio masa ya tujacāra r<sub>u</sub>m<sub>u</sub> ñacu. <sup>10</sup> Ito bajiri ĩ ya camare ĩ gajaja ticōri, ado bajiro yicā judio masa ĩre:

—Jane tujacāra r<sub>u</sub>m<sub>u</sub> ña. Ito bajiri m<sub>u</sub> ya camare gajare ma m<sub>u</sub>re, yicā judio masa.

<sup>11</sup> Ado bajiro c<sub>u</sub>diqu<sub>i</sub> ĩ cōgor<sub>u</sub>:

—M<sub>u</sub>cana t<sub>u</sub>di cati quenaroca y<sub>u</sub>re yig<sub>u</sub>, ado bajiro yimi y<sub>u</sub>re: “M<sub>u</sub> ya camare āmi wasa”, yimi ĩ y<sub>u</sub>re, yiqu<sub>i</sub> ĩ judio masare.

<sup>12</sup> Ito ĩ yija t<sub>u</sub>ocōri:

—¿Ñim<sub>u</sub> ñari, “M<sub>u</sub> ya camare āmi wasa”, m<sub>u</sub>re yig<sub>u</sub>? y<sub>i</sub> seni<sub>i</sub>acā ĩna ĩre.

<sup>13</sup> Ito bajiro ĩna seni<sub>i</sub>ab<sub>u</sub>jarocati, “ĩ ñami”, y<sub>i</sub> masibitiqu<sub>i</sub> ĩ. Itoj<sub>u</sub> masa jājarā ñacā. Ito bajicōri Jesuama masa jājarā watoj<sub>u</sub> wa godacoaqu<sub>i</sub> ĩ. <sup>14</sup> M<sub>u</sub>cana ito bero Dios ya w<sub>i</sub>ju g<sub>u</sub>a ñaroca, ti b<sub>u</sub>jaqu<sub>i</sub> Jesús m<sub>u</sub>cana ĩ yisio<sub>u</sub>re. ĩre ti b<sub>u</sub>jacōri, ado bajiro yiqu<sub>i</sub> Jesús ĩre:

—T<sub>u</sub>oya, queno t<sub>u</sub>di m<sub>u</sub>cana catia m<sub>u</sub>. M<sub>u</sub>cana t<sub>u</sub>di ñeñaro yibeja, b<sub>u</sub>to b<sub>u</sub>sa m<sub>u</sub> tōb<sub>u</sub>jabe, yiqu<sub>i</sub> Jesús ĩre.

<sup>15</sup> Ito ĩ yibojarocati m̄cana t̄adi judio masa t̄a wac̄ōri, “Jesuti ñami, m̄cana t̄adi ȳa cati quenaroca yiḡu”, yi judio masare gotiñi ĩ. <sup>16</sup> Ito bajiro ĩ yija t̄uoc̄ōri, Jesure s̄ia ãmorã us̄irio codecã ĩna. Tujacãra r̄um̄u ñabojarocati c̄ōḡure ĩ yisioja tic̄ōri, ĩre s̄ia ãmocã ĩna. <sup>17</sup> Gua t̄uj̄a ĩna ejaja tic̄ōri, ado bajiro yiquĩ Jesũs ĩnare: –Moatũñagũ ñami ȳa Jac̄u. Ito bajiro ȳa c̄uni moatũña, yiquĩ Jesũs ĩnare.

<sup>18</sup> Ito bajiro ĩ yija t̄uoc̄ōri, buto b̄usa ĩre s̄ia ãmocã ĩna. Tujacãra r̄um̄u ñaroca c̄ōḡure ĩ yisiorena suori meje, ĩre junisinicã ĩna. “Dios ñami ȳa Jac̄u”, Jesũs ĩ yija t̄uoc̄ōri, “Dios robo bajiro ñasagu ña ȳa”, yiroc̄u yami ĩ, yi t̄uoiacã ĩna. Ito bajiro buto b̄usa ĩre s̄ia ãmocã ĩna ĩja.

### *Dios Mac̄u ñari ĩ rotirisena suori Jesũs ĩ ñare gaye*

<sup>19</sup> Ito bajiro ĩna t̄uoīaja ti masic̄ōri, ado bajiro yiquĩ Jesũs, ĩnare:

–Riti m̄uare gotia ȳa. Ȳa, Dios Mac̄u, ȳa ãmoro bajiro riti meje ya ȳa. Ȳa Jac̄u ĩ yirise tic̄ōri, ito bajiro ya ȳa. Jeyaro ȳa Jac̄u ĩ yiro bajiroti ȳa ĩ Mac̄u c̄uni ito bajiroti ya. <sup>20</sup> Ȳa Jac̄u yure maic̄ōri, jeyaro ĩ yirise yure ĩoami ĩ. Ito yic̄ōri buto b̄usa ñasarise yure ĩogũ yiguĩji maji. Ito bajiro yure ĩ ĩoja tic̄ōri, ti ucarã yirãji m̄ua. <sup>21</sup> Godarãre m̄cana ĩna t̄adi catiroca yami ȳa Jac̄u. Ito bajiro ȳa, ĩ Mac̄u c̄uni ĩna catiroca ȳa yi ãmoja, ĩna catiroca yiḡu yiḡuja ȳa. <sup>22</sup> Masa ĩna ñeñaro yirise c̄oīagũ meje ñami ȳa Jac̄u. Ȳujuare c̄ũni ĩ, masa ĩna ñeñaro yirise ȳa c̄oīatoni. <sup>23</sup> Ito bajiro yiñi ȳa Jac̄u, ĩre ĩna r̄ac̄ub̄oro bajiroti yure c̄uni ĩna r̄ac̄ub̄otoni. Yure r̄ac̄ub̄obic̄u, ȳa Jac̄u, yure c̄õarare c̄uni r̄ac̄ub̄obiquĩji, yiquĩ Jesũs judio masare.

<sup>24</sup> Gaje ado bajiro gotiquĩ Jesũs:

–Riti m̄uare gotia ȳa. No ȳa busirisere tuor̄unagũ, yure c̄õarare c̄uni tuor̄unagũti catitũñagũ yiguĩji ĩ. ĩoc̄ure ruyuriobic̄u yiguĩji Dios. Godabojaguti catitũñagũ yiguĩji ĩoc̄u. Ito bajiro catitũñagũ yiguĩji ĩ ĩja. <sup>25</sup> Riti m̄uare gotia ȳa. Yure tuor̄un̄umena godacãna robo bajiro bajirã ñama ĩna. ĩja ñaro yiroja, adocãta c̄uni ña, ȳa Dios Mac̄u busirisere tuorã yirãji ĩna. Yure ĩna tuor̄un̄aja, catitũñarã yirãji. <sup>26</sup> Catitũñare gaye r̄ucoḡu ñami ȳa Jac̄u. Ito bajiro masa ĩna catiroca yi masiami ĩ. Masa ĩna catitũñaroca ȳa yitoni, yure c̄iquĩ C̄una. <sup>27</sup> Masa R̄ijor̄u, ȳa ñajare masare ĩna ñeñaro yirise ȳa waja senitoni, yure c̄iquĩ C̄una, ya ȳa m̄uare. <sup>28</sup> Ito bajiro ȳa yija t̄uoc̄ōri, t̄uoc̄u ucabesa m̄ua. ĩja ȳa busirisere godana jeyaro t̄uoc̄u jedirã yirãji. <sup>29</sup> Ȳa oca t̄uoc̄ōri, masari cuma ñana budirã yirãji ĩna. Queno yigoana, t̄adi catic̄ōri, Dios rãca catitũñarã yirãji ĩna. Ñeñaro yigoanama, t̄adi ĩna catiroca ĩnare waja senigũ yiguĩji Dios. Ito yic̄ōri jeame ãjoroju ĩnare c̄õagũ yiguĩji ĩ, yiquĩ Jesũs judio masare.

### *Ī rotirise yure c̄ũni Dios, Jesũs ĩ yire gaye*

<sup>30</sup> Gaje ado bajiro gotiquĩ Jesũs ĩnare:

–Ȳa ãmoro bajiro riti yiroc̄u meje wadic̄u ȳa. Masare ĩna ñeñaro yirise waja ȳa senija, Dios ĩ rotiro bajiroti ya ȳa. Masare ĩna ñeñaro yirise ȳa waja senija, ñeñaro ĩna yiadoc̄ōti senia ȳa. Ȳa ãmoro bajiro meje ya ȳa. Yure c̄õar̄u ĩ ãmoro bajiroju ya ȳa. <sup>31</sup> “Ȳuti ña Dios ĩ c̄õar̄u”, ȳa yibojaja, “Īti ñami”, yi masimenaji ḡajerã. <sup>32</sup> “Īti ñami Dios ĩ c̄õar̄u”, yure yi ĩsigũ ñami ḡaji. Yure ĩ busi ĩsirise, oca riojo ñasarise ña. Ito bajiro ĩre tuorã yirãji masa. <sup>33</sup> “Īti ñati Dios ĩ c̄õar̄u?” yi Juan idé guri masure senia rotiyija m̄ua. M̄uare ĩ cadire, riti ña. <sup>34</sup> “Riti, Dios ĩ c̄õar̄u ñami Jesũs”, Juan idé guri masu yure ĩ busi ĩsija, ĩ busi ĩsibeja c̄uni no yibeja, Dios ĩ c̄õar̄uti ña ȳa. Juan idé guri masu gaye m̄uare gotia ȳa, Dios ĩ masoana m̄ua ñatoni. <sup>35</sup> M̄ua t̄uoc̄u masijaro yiroc̄u, busurica yoc̄ōri yiḡure bajiro yiñi Juan. Ito bajiro ĩre t̄uoc̄ōri, wan̄uyija m̄ua. <sup>36</sup> Juan yure ĩ busi ĩsigore r̄eto busaro

ñasarise ña yure. Tiyamani yu ñorise, iti ña yu Jacu ñ rotire. Itire ticōri, “Riti Dios ñ cōaru ñami”, yi masirāji mua yure. <sup>37</sup> Yu Jacu yure cōaru cuni, “Riti ñni ñami yu cōaru”, yi yure busi ñsiqui. Ìreama tuogoana meje, tigoana meje ña mua. <sup>38</sup> Ì ocare tuo ñmorā meje ña mua. Yure ñ cōarure cuni tuorñnabea mua. Ito bajiri mua ya usiju ñ ocare queno tuo masibea mua. <sup>39</sup> Dios oca tutire queno ticōri rēoariti riasotia mua. Catitññare gaye buja ñmorā, itire riasotia mua. Yu gayereti gotia Dios oca. <sup>40</sup> Ito bajibojarocati yure boca ñni ñmobebea mua. Yure mua boca ñmija, catitññare gaye bujarā yirāji mua.

<sup>41</sup> Masa yure ñna rucubhotoni meje wadicu yu. <sup>42</sup> Muare ti masia yu. Ito bajiri, “Diore mairā meje ña mua”, yi ti masia yu muare. <sup>43</sup> Yu Jacu ñ rotirisena wadiru ña yu. Ito bajibojarocati yure boca ñmibebea mua. Sīgū ñ ñmorō bajiro ñ wadija, Ìreama boca ñmirā yirāji mua. <sup>44</sup> Muamasi gāmeri rucubhoorejua ñmobebea mua. Dios sīgūti ñni mani Uju. Ito bajibojarocati ñre cudibiticōri muare ñ wanaroca yibea mua. Ito bajiro bajirā ñari yure cuni tuorñnabea mua. <sup>45</sup> Yu Jacu riojo, “Ñnare seti ña”, yibicuja yu muare. Moisés ñayoruti ñagūji, “Muare seti ña”, yigu. Moisés ñayoru ñ rotirisena suoriti, “Dios tu ejarā ya mani”, yi tuoñboja mua. <sup>46</sup> Yu gaye ucayoñi Moisés ñayoru. Ì ucarisere mua tuorñnaja, yure cuni tuorñnaboana mua. <sup>47</sup> Ì ucagore gaye mua tuorñnabeja, yure cuni tuorñnabena yirāji mua, yiqui Jesús judio masare.

## 6

### *Cinco mil ñarāre Jesús ñ ecare gaye (Mt 14.13-21; Mr 6.30-44; Lc 9.10-17)*

<sup>1</sup> Ito bajiro ñ yija bero, itajura Galilea wame cutirita siduja jēa wacu gua Jesús rāca. Tiberias wame cuticu gaje itira wame. <sup>2</sup> Cōrāre Jesús ñ yisioja ticōri, ito yicōri tiyamani ñ ñoja ticōri, jājarā masa suyacā guare. <sup>3</sup> Gaje ñujaju ejaçōri, gaje buro maja wacu gua Jesús rāca. Itoju Jesús rāca rujicu gua ñ rāca riasotirā. <sup>4</sup> Pascua basa judio masa ñna meniroti nocō mejeti ruayacu. <sup>5</sup> Jājarā masa Jesure ñna suyajaja ticōri, ado bajiro yiqui ñ Felipe:

—Ñna masa jeyarore yiari, ¿no bare waja yirā yirājida mani? yiqui Jesús Felipe.

<sup>6</sup> “Ado bajiro yigu yiguja yu”, yi masibojaguti, “No bajiro Felipe ñ cudija, tuocuja”, yirocu seniñari seyoquī Jesús. <sup>7</sup> Ito yijare Felipe ado bajiro cudiqui:

—Doscientos niyeru cujirina naju yu waja yibojaja cuni, masa jeyarore tñjabetoja, yiqui ñ Jesure.

<sup>8</sup> Ito ñ yija tuocōri, ado bajiro cudiqui gua rāca gagu, Andrés wame cudigu. Ì cuni Jesús rāca riasotiguti ñnaquī. Ìti ñnaquī Simón Pedro ocabaji. Ado bajiro yiqui ñ:

<sup>9</sup> —Ado ñni sīgū macuacā, co ñujamocō cebada wame cutirise naju ruocogu ito yicōri wai jāarā ruocogu. Masa jājarā ñna ñajare tñjado ma adi, yiqui Andrés.

<sup>10</sup> Ito ñ yija:

—Masa jeyarore ruji rotiya, yiqui Jesús.

Ta quenarise jaje ñnacu itoju. Ito bajiri cinco milcō ñmua rujicā ñna. <sup>11</sup> Ìna rujija ticōri, ñ ya ñmōna naju ñniquī Jesús. “Queno ya Dios mu”, yicōri, gua ñ rāca riasotirāre ñsiqui ñ. Najuja ito rujirāre batocu ñja. Waire cuni ito bajiro batocu gua. Masa ñna ñmorocōti ñsicu gua. <sup>12</sup> Masa ñna yajija ticōri, ado bajiro yiqui Jesús guare:

—Ruayarise miojuya, iti godabe yirona, yiqui Jesús guare.



<sup>13</sup> Cebada wame cutirise naju ruyarise jua gubojeno jiburi dajacu, gua bato ruarise. <sup>14</sup> Ito bajiro tiyamani Jesús ĩ ĩoja ticōri, ado bajiro yicā masa:

—Riti, Diore busi ĩsiri masu ñami āni, adi macārucārojare mani bocatiru, yicā masa.

<sup>15</sup> “Yu āmōbitibojarocati yare āmi wacōri, cuto ujū yare cū āmoama āna”, yi tuoīacōri, sīgūti turia joeju maja waquī Jesús.

*Ide joe Jesús ĩ ware gaye*  
(Mt 14.22-27; Mr 6.45-52)

<sup>16</sup> Iti rāioja ticōri, gua Jesús rāca riasotirā itajuraju roja wacu. <sup>17</sup> Iti rāitīaja tibojaguti gua tu tūdi ejabitiquī Jesús maji. Ito bajiri cumaju sājacōri jēa wasuocu gua, Capernaum wame cutiri cutoju ejarā warā. <sup>18</sup> Ito bajiro gua jēa waroca bato mino wēasuocu. Ito yicōri jacūrise bucu, curise jacūcu. <sup>19</sup> Cinco, seis kilómetrocō gua wa tujaroca, ide joe cūda wadicōri cuma tūju Jesús ĩ wadija ticu gua. Ito bajijare ti ucacu gua ĩja. <sup>20</sup> Gua ti ucaja ticōri, ado bajiro yiquī Jesús:

—Yuti ña. Gūibesa, yiquī Jesús guare.

<sup>21</sup> Ito ĩ yija tuocōri, wanure rāca boca āmicu gua ĩre ĩja. Ito yija bero yoari mejeti gaje daja jēa ejacu gua, gua tuoīa waroju.

*Jesure masa ĩna āmare gaye*

<sup>22</sup> Ito bero gaje ramu itajura gaje daja tujana, “Ñari cumanati wañi ĩna. Ito bajibojarocati Jesuama wabisī ĩna rāca”, yicā ĩna. <sup>23</sup> Ito bajiro ĩna baji ñaroca Tiberias cuto gāna gaje cumarina ejayijarā ĩna tu. “Queno ya Dios mu”, yi Jesús ĩ gotiraju tu, ito yicōri masa ĩna bagoraju tu ejayijarā ĩna. <sup>24</sup> Itiju Jesús ĩ manija ticōri, gua ĩ rāca riasotirā gua manija ticōri, iti cumarina Capernaumju ĩre āmarā wayijarā ĩna.

*Jesuti ñami catitñare gaye rucogu, yire oca*

<sup>25</sup> Itajura sidujaju ejacōri guare ti bujacā ĩna ĩja. Jesure ti bujacōri ado bajiro ĩre seniācā ĩna:

—Guare riasogu, ¿nocāta ado ejari mu? yi seniācā ĩna Jesure.

<sup>26</sup> Ito bajiro ĩna yija tuocōri:

—Riti muare gotia yu. Yaji quenaro babu mua, ito bajiri yare āma mua. Tiyamani yu ĩorise gaye ti masicōri meje yare āma mua. <sup>27</sup> Bare jedirise gaye bujarona meje moaña mua. Bare jogarise gaye meje, catitñare gaye bujarona moaña mua. Yu ña Masa Rĳoru, bare jogabiti gaye muare ĩsirocu. “Ito bajiro ĩ yiton ĩre cūñi Dios”, yure mua yi masiroca yami Dios, yiquī Jesús masare.

<sup>28</sup> Ito ĩ yija ĩre seniācā ĩna:

—¿No bajiro Dios ĩ āmoro bajiro yirājida gua? yicā ĩna Jesure.

<sup>29</sup> ĩna ito yija tuocōri, ado bajiro cūdiqū Jesús:

—Dios ĩ cōarure mua tuorūnare āmoami Dios, yiquī Jesús masare.

<sup>30</sup> Ito ĩ yijare:

—¿Ñe tiyamani guare ĩogū yigujada mu, itire ticōri mure gua tuorūnatonĳ? ¿Ñe gaye guare ĩogū yigujada mu? <sup>31</sup> Mani ñicūsabatia ñayoana yucu manojū ña ucurā, manā wame cutirise bayijarā ĩna maji. Itire gotia Dios oca cūni. Tuote: “Ūmacūju gaye naju ĩnare ecarocu queoñi Dios”, yi gotia Dios oca, yicā masa Jesure.

<sup>32</sup> ĩna ito yija tuocōri, cūdiqū Jesús:

—Riti muare gotia yu. Moisés ñayoru meje ūmacūju gaye naju ĩnare ecañi. Yu Jacuti ñañi ūmacūju gaye naju ñasarise ĩnare ecaru. <sup>33</sup> Naju ūmacūju gaye

ñasarise rucogũ ñaguĩji Dios ĩ cõaru. Naju ñasarise rucocõri, masare catitiñare ĩsigũ yiguĩji ĩ, yiquĩ Jesũs masare.

<sup>34</sup> Ito ĩ yija:

—Gua Eju, iti naju catitiñare gaye riti guare ecasotiya, yicã ĩna Jesure.

<sup>35</sup> Ito ĩna yija tuocõri, ado bajiro yiquĩ Jesũs ĩnare:

—Yuti ña naju ñasarise rucogũ, ito yicõri catitiñare ĩsigũ. No yare boca ãmigũti juaĵi ñiocõbica yiguĩji ĩ. Najuro babojarãti macana tãdi ñiocõrã yirãji mũa. Ide idibojarãti macana tãdi idi ãmorã yirãji mũa. No yare boca ãmigũti ñe gaje ãmobicũ yiguĩji. No yare tuorũnugũti ñe gaje ãmobicõri queno wanũ quenagũ yiguĩji. <sup>36</sup> “Yure tibojarãti, yure tuorũnũbea mũa”, yiani mũare goticũ yũ. <sup>37</sup> No yure boca ãmirãti, ĩna ñama yũ Jacũ yure ĩ ĩsiana. No yure boca ãmi ãmogũre, ĩre rẽobicũja yũ. “Yure boca ãmibesa mũa”, yibicũja yũ. <sup>38</sup> Ũmacũjuna wadicõri, yũ ãmoro bajiro yigũ meje wadicũ yũ. Yure cõaru ĩ ãmoro bajiro yirocũ wadicũ yũ. <sup>39</sup> Ado bajiro ãmoami yũ Jacũ yure cõaru. Yure ĩ ĩsiana, sũgũ ĩ godare ãmobeami ĩ. Sũsari rũmũ ĩna tãdi catiroca yũ yire ãmoami ĩ. <sup>40</sup> No yure boca ãmicõri, yure tuorũnugũ ĩ catitiñare ãmoami yũ Jacũ Dios. Ito bajiri yure tuorũnũrãre ĩna tãdi catiroca yigũ yigũja yũ sũsari rũmũ, yiquĩ Jesũs masare.

<sup>41</sup> Ito ĩ yija bero, ĩre bũsitusuocã judio masa. “Yũ ña naju ñasarise rucocõri, ũmacũjuna wadicũ”, Jesũs ĩ yija tuocõri, ĩre bũsitusuocã ĩna. <sup>42</sup> Ito yicõri, ado bajiro gãmeri bũsicã ĩna:

—¿Āni Jesũs, Josẽ macũ meje ñati? ĩ jacure, ĩ jacore cũni ticũ mani. ¿No yija ito bajibo jaguti, “Ũmacũju gagũ wadirũ ña yũ”, yati ĩ? yicã ĩna.

<sup>43</sup> Ito bajiro ĩna yija masicõri:

—Itocõ bũsitu jidicãña mũa. <sup>44</sup> Noa yure boca ãmimenaji, Yũ Jacũ yure cõaru yure ĩna boca ãmiroca ĩ yibeja. No yure boca ãmirãre sũsari rũmũ ĩna tãdi catiroca yigũ yigũja yũ. <sup>45</sup> Diore goti ĩsiri masa ĩna ucare ado bajiro gotia: “Masa jeyarore riasogũ yiguĩji Dios”, yĩ gotia iti. Ito bajiri no yũ Jacũ riasorise gaye tuorũnũrã, yure cũni boca ãmirã yirãji, yiquĩ Jesũs judio masare.

<sup>46</sup> Gaje ado bajiro gotiquĩ Jesũs:

—No yũ Jacure tigũ maquĩji. Yũ sũgũti ĩ tu wadirũ ñari, ĩre tigorũ ña yũ. <sup>47</sup> Riti mũare gotia yũ. No yure tuorũnugũti catitiñagũ yiguĩji. <sup>48</sup> Yũ ña naju ñasarise rucogũ, ito yicõri catitiñare gaye rucogũ. <sup>49</sup> Mani ñicũsabatia yucũ manojũ manã wame cutirise naju babojarãti goda jediñi ĩna. <sup>50</sup> Mũare yũ bũsiriseama, naju ũmacũju gaye ruji wadirise gaye, mũare bũsia yũ. Yũ rucorise najure bacõri, godamena yirãji. <sup>51</sup> Yuti ña, naju catitiñare gaye rucocõri, ũmacũjuna ruji wadirũ. No iti gaye naju bagũ catitiñagũ yiguĩji. Mũare yũ naju ĩsirise, yũ ya rujũti ña. Masa jeyarore yiani yũ ya rujũ ĩsigũ yigũja yũ, yiquĩ Jesũs judio masare.

<sup>52</sup> Ito ĩ yija tuocõri, ĩnamasiti gãmeri bũsitusuocã judio masa:

—¿No bajiro ĩ ya rujure manire ecagũ yiguĩjida ĩ? yicã ĩna.

<sup>53</sup> Ado bajiro cãdiquĩ Jesũs ĩnare:

—Riti mũare gotia yũ. Yũ Masa Rĩjorare yũ ya rujũ mũa babeja, ito yicõri yũ ya rĩ mũa idibeja, catimena yirãji mũa. <sup>54</sup> No yũ ya rujure bacõri, ito yicõri yũ ya rĩre idigũ catitiñagũ yiguĩji. Sũsari rũmũ tãdi ĩ catiroca yigũ yigũja yũ. <sup>55</sup> Yũ ya rujũ iti ña bare ñasarise. Ito yicõri yũ ya rĩ iti ña idire ñasarise. <sup>56</sup> Yũ ya rujure bagũ, ito yicõri yũ ya rĩre idigũ, ĩ ya usĩjure ñagũ yigũja yũ. Ito bajiri yure bajiroti usi cutigũ yiguĩji ĩ. <sup>57</sup> Yũ Jacũ yure cõaru, catire rucogũ ñami ĩ. Ito bajiri ĩna sũoriti catia yũ. Ito bajiroti, no yure boca ãmigũ, yũna sũoriti catigũ yiguĩji ĩ. <sup>58</sup> Ũmacũju gaye naju wadire gaye bũsia yũ. Iti gaye naju manã

wame cõtirise robo bajirise meje ña. Mani ñicusatia maná wame cõtirisere babojarãti goda jediñi ña. No naju ñasarisere baɣama catitĩñagũ yiguĩji ñocũ, yiquĩ Jesũs judio masare.

<sup>59</sup> Capernaum wame cõtiri cãto minijuara wiju ito bajiro riasoquĩ Jesũs masare.

*Jesũs ocare mani tũorũnũja catitĩñarã yirãji mani, yire gaye*

<sup>60</sup> Ito bajiro riasore gaye Jesũs ñ busija tuocõri, jãjarã ñre sũyarã ado bajiro gãmeri busicã ña:

— Ito bajiro ñ riasorise josari ña. Itire queno tũo masibea mani. Sigũjũa itire boca ãmigũ mami, yicã ña.

<sup>61</sup> “Yũ riasorise tuocõri, tuoĩa bujatobeama ña”, yi masiri seyoquĩ Jesũs. Ito bajiri ado bajiro ñnare yiquĩ ñ:

— ¿Ito bajiro muare yũ riasorise tuoĩa bujatobeati mua? yiquĩ Jesũs ñnare. <sup>62</sup> Yũ Masa Rĩjoru, ñmacãju yũ ñagoado mucana yũ tudĩ mua waja, ¿no bajiro tuoĩarã yirãjida mua? <sup>63</sup> Espĩritu Santo ñami masa ña catitĩñaroca yigu. Masama gãjerã ña catitĩñaroca yi masimenaji ña. Jĩju muare yũ gotirise Espĩritu Santo riojo ñ goticãrise ña. Itire mua tũorũnũja, mua catitĩñaroca yigu yiguĩji ñ. <sup>64</sup> Mua coriarã, yũre tũorũnũmena ñarãji maji, yiquĩ Jesũs ñnare.

Cajerojũti, “Ña ñarã yirãji yũre tũorũnũmena. Ito yicõri ñ ñagũ yiguĩji, yũ wajanare yũre ña ñiatoni gotiri masũ”, yi masi yucãri seyoñi Jesũs cajerojũti.

<sup>65</sup> Ado bajiro masare goti quenoquĩ Jesũs:

— Espĩritu Santo ñami masa ña catitĩñaroca yigu. Itire masicõri jĩju ado bajiro muare gotibũ yũ: Noa yũre boca ãmimenaji, yũ Jacũ yũre ña boca ãmiroca ñ yibeja, yibũ yũ, yiquĩ Jesũs masare.

<sup>66</sup> Ito ñ yija tuocõri, jãjarã ñre sũyabojarã ñre jidicãcã ña. Ito bajiri gũa rãca wa ucubiticã ña ñja. <sup>67</sup> Ito bajiro ña bajija ticõri, gũa ñ rãca riasotirã jũa gubojeno ñarãre senũiquĩ Jesũs:

— ¿Mua cãni yũre jidicã ãmoati? yiquĩ Jesũs gũare.

<sup>68</sup> Ito ñ yija tuocõri, ado bajiro cãdiquĩ Simõn Pedro:

— Gũa Ũju, mũre gũa jidicãja, ¿ñimũ tũ warã yirãjida gũa? Mũ ya oca ña catitĩñare oca. <sup>69</sup> Mũre tũorũñcãcũ gũa. “Mũ ña Cristo, Dios catitĩñagũ Macũ”, yi masia gũa mũre, yiquĩ Simõn Pedro Jesure.

<sup>70</sup> Ito ñ yija tuocõri, ado bajiro yiquĩ Jesũs gũare:

— Mua jũa gubojeno ñarãre besecãcũ yũ. Ito bajibojarocati mua wato sigũ ñami rãmã yagũ, yiquĩ Jesũs, gũare.

<sup>71</sup> Ito bajiro ñ busija, Judas Iscariote Simõn macure, yi tuoĩa busiquĩ Jesũs. Jesũs rãca riasotigu ñabojagũti Judas ñaqui Jesũs wajana ñre ñiatoni gotiri masũ. Gũa jũa gubojeno ñarã rãca gagũ ñabojaquĩ Judas.

## 7

*Jesũs ocabajirã ñre ña tũorũnũbitire gaye*

<sup>1</sup> Ito yija bero mucana Galilea sitaju wa ucucũ gũa Jesũs rãca. Judea sitaju ña ãmõbitiquĩ Jesũs, iti sita gãna judio masa ñre ña sĩa ãmojare. <sup>2</sup> Chozas basa, judio masa ña meniroti jabeto ruyacũ. <sup>3</sup> Ito bajiri Jesũs ocabaji mesa ado bajiro yicã ñre:

— Judea sitaju mũre sũyarã jãjarã busa ñarãji. Ito bajiri ado tujabesa. Itoju wasa. Itoju tiyamani gaye mũ ñoja, tirã yirãji ña cãni. <sup>4</sup> No masa ñre ti masire ñ ãmoja, yeyoroju tiyamani yi ñobiquĩji ñ. Masa tiro riojo ñogũ yiguĩji ñ. Tiyamani

gaye m̄a yiado bajiroti masa jeyaro tiro riojo ñoja quena, yicã Jesús ocabaji mesa ñre.

<sup>5</sup> Ñ ocabaji mesa c̄ani queno ñre tuor̄un̄abiticã ñna. <sup>6</sup> Ito bajiri ado bajiro yiquĩ Jesús ñnare:

— Judea sitaj̄u ȳu waroto ejabea ȳure maji. Adocãta c̄ani m̄na waja quenacõa m̄nareama. <sup>7</sup> Adi macãr̄uc̄uro gãna m̄nare ti tudimenaji. Ȳureama ti tudirã yirãji. “Ñeñaro yirã ña m̄na”, ȳu yijare, ȳure ti terã yirãji ñna. <sup>8</sup> Basa titẽña m̄nama. Ȳureama ȳu waroto ejabea maji, yiquĩ Jesús ñ ocabajirãre.

<sup>9</sup> Ito bajiro Jesús ñ yija bero Galilea sitaj̄u jabeto tujac̄u ḡua ñ rãca maji.

### *Ñna basaroca Jesús ñ riasore gaye*

<sup>10</sup> Ñ ocabajirã waja bero Jesús c̄ani basa tigu waquĩ. Ñre baba c̄ati wac̄u ḡua c̄ani. Buto masa ñna tiro riojo meje ña ucuquĩ Jesús, basa tigu. <sup>11</sup> Basa r̄am̄u ñaroca Jesure ãmabojacã judio masa. Ado bajiro yicã ñna:

— ¿Noju ñaguñjida ñ? yi busicã ñna.

<sup>12</sup> Basa r̄am̄u ñaroca, jãjarã masa Jesús gaye busicã ñna. Coriarã ado bajiro yicã: “Queno yigu ñaguñji ñ”, yicã coriarã. Gãjerãma ado bajiro yicã: “Queno yigu meje ñaguñji ñ. Masare r̄oḡu ñaguñji ñ”, yicã gãjerã.

<sup>13</sup> Judio masa ñjarãre güirã, recoti ñ gaye busi joeobiticã ñna.

<sup>14</sup> Basa ḡudareco iti tujaroca Dios ya wi sãjac̄u ḡua Jesús rãca. Iti wij̄u sãjac̄ori, masare riasos̄oquĩ Jesús. <sup>15</sup> Ñ riasoja tuo uc̄ac̄ori, ado bajiro yicã judio masa ñjarã:

— Riasotibitigoru ñabojaguti, ¿no yija queno masiati ãni? yicã ñna.

<sup>16</sup> Ito bajiro ñna tuoñaja tic̄ori, ado bajiro yiquĩ Jesús ñnare:

— Ȳu riasorise ȳu ye meje ña. Ȳure c̄õaru gaye ña iti. <sup>17</sup> Dios ñ ãmoro bajiro m̄na yi ãmoja, “Dios gaye riasoami ñ, ñ gayeti riasoami ñ”, yi masirã yirãji m̄na ȳure. <sup>18</sup> No ñ gayeti ñ busija, masa ñna ñre r̄uc̄ub̄ore ãmoguñji. No ñre c̄õaru gaye ñ busija, ñre c̄õarujuare masa ñna r̄uc̄ub̄ore ãmoguñji ñ. Ñ busirise riti ñaroja. Ñejuã r̄õore oca manoja ñre, yiquĩ Jesús masare.

<sup>19</sup> “Moisés ñayoru ñ rotire gaye m̄nare c̄ũñi. Ito bajibojarocati m̄na siḡuj̄ua iti rotire gaye c̄udi jeobea m̄na. ¿No yija ȳure s̄ña ãmoati m̄na?” yiquĩ Jesús masare.

<sup>20</sup> Ito ñ yija tuoc̄ori, ado bajiro cudicã masa ñre:

— R̄um̄ú sãñaḡu ña m̄u. Ñim̄juã m̄ure s̄ña ãmoḡu maquñji, yicã ñna Jesure.

<sup>21</sup> Ñna ito yijare:

— Tujacãra r̄am̄u ñaroca siḡu cõḡure ȳu yisioja tic̄ori, itire ti uc̄ab̄u m̄na.

<sup>22</sup> Moisés ñayoru ñacare wiroti tare gaye m̄nare rotifi ñ. Ñna s̄õori meje iti rotire ñas̄oyija. Ñ riojua gãna c̄ani ito bajiroti yiyijarã ñna. Iti rotire m̄nare ñajare, tujacãra r̄am̄u ñabojarocati ñacare wiroti ta m̄na. <sup>23</sup> Moisés ñayoru ñ rotirise cudirona tujacãra r̄am̄u ñabojarocati ñacare wiroti ta m̄na. Ito bajiri tujacãra r̄am̄u ñabojarocati siḡu cõḡure ȳu yisioja, ¿no yija ȳure junisiniati m̄na?

<sup>24</sup> Rocati queno tuoña jeobitibojarãti, “Ñre seti ña”, yibesã m̄na. “Ñre seti ña”, m̄na yi ãmoja, cajero queno tuoña jeoc̄ori, “Ñre seti ña”, yija quena, yiquĩ Jesús masare.

### *Dios ñ cõaru ña ȳu, Jesús ñ yire gaye*

<sup>25</sup> Ito ñ yija tuoc̄ori, Jerusalén gãna ñnamasiti gãmeri seniñas̄ucã:

— ¿Ñni meje ñati s̄ñaronã ñna ãmaḡu? <sup>26</sup> Ado mani jeyaro tiro riojo busi ñami ñ. Ito bajibojarocati siḡu ñre r̄õoḡu mami. Ado gãna ñjarã mesa, “Cristo Dios ñ

cōaru ñaguñji āni”, ¿yi tuoñarājida ñna? <sup>27</sup> “Iti cuto gagu wadiñi ñ”, yi masia mani. Cristoreama, ñ eja, “Ito gagu wadiñi ñ”, yi masimena yirāji mani.

<sup>28</sup> Ñna ito yija tuoçōri, Dios ya wiju riaso ñabojaru, oca seoro ado bajiro busiqui Jesús:

—¿Yure ti masiati mua? “Ito gagu wadiru ñami ñ”, ¿yure yi masiati mua? Yumasi meje wadicu. Dios yure ñ cōajare wadicu yu. Riojo gotigu ñami yure cōaru. Ñre ti masirā meje ña mua maji. <sup>29</sup> Yumama, ñre masia. ñ cōaru ña yu. Ito yicōri, ñ tu wadiru ña yu, yiqui Jesús ñnare.

<sup>30</sup> Ito ñ yija tuoçōri, ñre buto ñia āmocā judio masa ujarā. Ito bajibojarocati sigū ñre ñiagū maniqui. Dios ñ ñiarotiraju ejabiticu maji. Ito bajiri ñia masibiticā ñna maji. <sup>31</sup> Gājerāma jājarā ñre tuoñarācā ñna. Ito bajiri ado bajiro yicā ñna:

—Cristo Dios ñ cōaru ñaguñji āni. ñ rētero tiyamani yigu maquñji, yicā ñna ñre tuoñarā.

### *Fariseo gaye tuoñarā Jesure ñna ñia amore gaye*

<sup>32</sup> Jesús gaye masa ñna busija, tuoñi fariseo gaye tuoñarā. Ito bajiri porecia masare, Jesure ñia rotiñi fariseo gaye tuoñarā, ito yicōri paia ujarā cuni. <sup>33</sup> Ñna eja ticōri, ado bajiro yiqui Jesús:

—Yure cōaru tu tūdi wacu yiguja yu. Ito bajiri yoari mejeti masa tu ñagū yiguja yu maji. <sup>34</sup> Yure āmabojarāti tūdi yure bujamena yirāji mua. Yu ñaroju wa masimena yirāji mua, yiqui Jesús masare.

<sup>35</sup> Jesús ito ñ yija tuoçōri, judio masa ñnamasiti gāmeri seniñacā ñna:

—¿Noju wacu yiguñjida āni, ñre mani ti bujabetoju? Mani masa sōju wacōri griego masa rāca wusarā tu, wacu yiguñji gajea. Ito yicōri, ñnare riasogu wacu yiguñji gajea. <sup>36</sup> “Yure āmabojarāti yure bujamena yirāji mua. Ito yicōri yu ñaroju wa masimena yirāji mua”, ito bajiro ñ yija, ¿no yireoni ñati iti? yi gāmeri basicā ñna.

### *No yure senirāti catitñare bujarā yirāji, yi Jesús ñ riasore gaye*

<sup>37</sup> Basa ñasusari rumu, iti rumu ñacu ñasari rumu. Iti rumu wamu rūgūcōri, oca seoro busiqui Jesús:

—Sigū ñ idi āmoja, ide senigū yiguñji. Iti bajiroti, no catitñare gaye ñ buja āmoja, yu tu wadicōri seni eja yiguñji. <sup>38</sup> Ado bajiro gotia Dios oca. Tuote mua: “Sigū yure ñ tuoñarāja, ñ ya usiju ide catitñare gaye ide goje robo bajiro ñ ya usiju umabato ñaro yiroja”, yi gotia Dios oca, yi gotiqui Jesús masare.

<sup>39</sup> Iti gaye Jesús ñ busija, “Yure tuoñarāre ñna ya usiju, Espiritu Santo quedi sājagū yiguñji ñnare”, yigu yiqui Jesús, ito bajiro ñ busija. Jesús umacūja rūcūboraju ñ tūdi ejabeja, Espiritu Santore adi sitaju cōabisī Dios maji.

### *Ricati riti masa ñna tuoñare gaye*

<sup>40</sup> Jesús ñ busija tuoçōri, ado bajiro yicā coriarā:

—Riti Diore goti ñsiri masu wadiru ñami āni, yicā coriarā.

<sup>41</sup> Gājerāma ado bajiro yicā ñna:

—Cristo Dios ñ cōaru ñami āni, yicā ñna.

Gājerāma ado bajiro yicā:

—¿Galilea gagu Cristo no bajiro ñaguñjida? <sup>42</sup> Dios oca iti gotija, “David uju ñayoru, janerābatia janami, ñagū yiguñji Cristo. Ito yicōri David ñayoru robo bajiro Belén gaguti ñagū yiguñji ñ cuni”, yi gotia Dios oca, yicā ñna.

<sup>43</sup> Ito bajiro Jesús gaye ñna busija tuoçōri, ricati riti tuoñacā masa. <sup>44</sup> Coriarā ñre ñia āmbojacā. Ito bajibojarocati sigū ñre ñiagū maniqui.

### *Ujarā Jesure ñna tuoñarābitire gaye*

<sup>45</sup> Jesure ñia masibiticōri, fariseo gaye t̄oīarā ito yicōri paia ɥarā t̄u c̄uni t̄udi wacā porecia. Ñe manati ña ejaja ticōri, ado bajiro ñnare senīyijarā ña:

—¿No yija ñre āmi wadibiti m̄a? yiyijarā ña.

<sup>46</sup> Ado bajiro c̄adiyijarā porecia:

—Sīḡj̄ma ī robo bajiro b̄usirā masa manicā, yiyijarā ña.

<sup>47</sup> Ito yijare, fariseo gaye t̄oīarā ado bajiro yiyijarā:

—¿Ī t̄uorisere ñre t̄uori m̄a? <sup>48</sup> M̄a ɥarā ña ḡa. Ḡama sīḡū ñre t̄uor̄n̄uḡū ma. <sup>49</sup> Ado ḡāna masa Moisés ñayor̄ū Ī rotire gaye masibiticōri Jesure t̄uor̄n̄ur̄āji ñaōna. Ito bajiro ña bajijare ñnare ruyurioḡu yiḡūji Dios, yiyijarā fariseo gaye t̄oīarā.

<sup>50</sup> Nicodemo ñamij̄u Jesure tiḡu ejar̄u, fariseo gaye t̄oīaḡū ñayij̄u Ī c̄uni. Ī baba mesare ado bajiro yiyij̄u Ī:

<sup>51</sup> —Ado bajiro bajaia mani rotirise: Cajero seti c̄atiḡure mani senīa t̄uobeja, “Ñre seti ña”, yi masibea mani, yi gotia mani rotirise, yiyij̄u Nicodemo Ī baba mesare.

<sup>52</sup> Ito Ī yijare:

—¿Galilea sita gaḡu ñati m̄u c̄uni? Dios oca tutire riasot̄iate m̄u. Itire m̄u riasot̄ija bero, “Diore goti Īsiri mas̄u Galilea wadir̄u mac̄u yiḡūji”, yire gaye masiḡū yiḡūja m̄u c̄uni, yiyijarā ña, Nicodemore tudirā.

<sup>53</sup> Ito yija bero batacōri ña ya wirij̄u wasosayijarā ña.

## 8

### *Romio gajeo man̄j̄u rāca ajegore gaye*

<sup>1</sup> C̄utoj̄u ḡa tujaroca Jesuama Olivos wame c̄atiri buroj̄u maja waquī. <sup>2</sup> Gaje r̄am̄u busuri, Dios ya wij̄u ḡa ñaroca t̄udi ejaquī Jesús m̄acana. Ī ejaja ticōri, j̄ājarā masa Ī t̄u minijuacā. ña minijuaja ticōri, eja r̄j̄ūquī Ī ñnare riasoroc̄u.

<sup>3</sup> Ito bajiro Ī yiroca fariseo gaye t̄oīarā, b̄uc̄arā rotirise riasori masa c̄uni ejacā. Sīḡō romio gajeo man̄j̄u rāca ajegore ña b̄ujarore āmi ejacā ña. Isore āmi ejacōri, ḡa riojo isore rojocā ña. <sup>4</sup> Ito yicōri, ado bajiro Jesure yicā ña:

—Riasoḡu, adio romiore gajeo man̄j̄u rāca iso ajeroca ti b̄ujab̄u ḡa.

<sup>5</sup> Moisés ñayor̄ū Ī rotire, ado bajiro rotia: Ito bajiro yigore ḡātana rea s̄iaña, ya it̄i. ¿M̄uāma no bajiro t̄uōiati? yicā ña Jesure.

<sup>6</sup> “No bajiro manire Ī c̄adija t̄uona” yirona ito bajiro seniari seyocā ña. “Manire Ī c̄adi masibeja, ñre seti ña”, yi masirā yir̄āji mani, yi t̄uōiari seyocā ña. ña ito yija masicōri, jacaju ñini r̄j̄ūcōri, Ī ya āmo w̄asoana ucas̄oquī Jesús. <sup>7</sup> ñre ña senīa ɥyam̄c̄atija t̄uocōri, w̄m̄m̄ r̄aḡūquī Jesús ĩja. Ito yicōri ado bajiro ñnare yiqūī:

—M̄a sīḡū ñeñaro yīlamena ñajama, isore cajero ḡātana reaja quena, yiqūī Jesús ñnare.

<sup>8</sup> Ito bajiro yi t̄ioḡū ñini r̄j̄ūquī Jesús m̄acana. Ito yicōri, m̄acana jacaju ucaquī Ī. <sup>9</sup> Ito Ī yija t̄uocōri, “Mani sīḡū r̄ayabeto ñeñaro yir̄ā riti ña mani”, yi t̄uōia masicā ña. Ito bajiri b̄uc̄arā budi was̄ocā ña. Ito yicōri, ña ñarocōti budi jedicoacā ña ĩja. ña budi jedija bero, romio riti ito tujacō Jesús t̄u. <sup>10</sup> Ito yija Jesús w̄m̄m̄ r̄aḡūquī m̄acana. Romio sīḡōreti ticōri, ado bajiro yiqūī Jesús isore:

—Nomi, ¿noju ñati, “Isore seti ña”, m̄are yir̄ā? ¿Sīḡūj̄ma, “M̄are seti ña”, yiḡu mati? yiqūī Ī isore.

<sup>11</sup> Ito Ī yija bero c̄adicō iso:

—Y<sub>u</sub> U<sub>ju</sub>, sīgū mami, “M<sub>u</sub>re seti ña”, y<sub>u</sub>re yig<sub>u</sub>, yicō iso Jesure.

Iso ito yija t<sub>u</sub>ocōri, ado bajiro yiquī Jesús:

—Y<sub>u</sub> c<sub>u</sub>ni, “M<sub>u</sub>re seti ña”, yibea. Wasa, m<sub>u</sub>cana t<sub>u</sub>di ñeñaro yibeja ĩja, yiquī Jesús isore.

*Y<sub>u</sub>ti ña adi macār<sub>u</sub>cārore busurise r<sub>u</sub>cog<sub>u</sub>, Jesús ĩyire gaye*

<sup>12</sup> M<sub>u</sub>cana masare gotig<sub>u</sub>, ado bajiro b<sub>u</sub>siquī Jesús:

—Y<sub>u</sub> ña busurise r<sub>u</sub>cog<sub>u</sub>, ito yicōri, adi macār<sub>u</sub>cārore busug<sub>u</sub>. Busurise r<sub>u</sub>cog<sub>u</sub> ñari adi macār<sub>u</sub>cāro gāna ĩna t<sub>u</sub>o masiroca ya y<sub>u</sub>. No y<sub>u</sub>re s<sub>u</sub>yaguti rāitīaroju wa ucubic<sub>u</sub> yiguīji. ĩre sīatitīñagū yiguja y<sub>u</sub>, ĩ queno t<sub>u</sub>o masitoni. Ito bajiri y<sub>u</sub>re boca āmicōri catitīñagū yiguīji ĩ, yiquī Jesús.

<sup>13</sup> Ito bajiro ĩ yija t<sub>u</sub>ocōri, ado bajiro yicā fariseo gaye t<sub>u</sub>oīarā:

—“Riti gotia y<sub>u</sub>”, ya m<sub>u</sub>, masa m<sub>u</sub>re ĩna r<sub>u</sub>c<sub>u</sub>b<sub>u</sub>otoni. Ito bajiro m<sub>u</sub> yibojaja, ñe waja ma iti. R<sub>u</sub>og<sub>u</sub> ya m<sub>u</sub>, yicā ĩna Jesure.

<sup>14</sup> ĩna ito yijare ado bajiro c<sub>u</sub>diqū Jesús:

—Y<sub>u</sub>masiti y<sub>u</sub> gotirise ñabojarocati, riti ña y<sub>u</sub> gotirise. Iti ña oca riojo ñasarise. Y<sub>u</sub> masia y<sub>u</sub> wadigoadoju. Ito yicōri y<sub>u</sub> warotoju masia y<sub>u</sub>. M<sub>u</sub>ama y<sub>u</sub> wadigoadoju masibe. Ito yicōri, y<sub>u</sub> warotoju c<sub>u</sub>ni masibe m<sub>u</sub>a. <sup>15</sup> “M<sub>u</sub>re seti ña”, y<sub>u</sub>re m<sub>u</sub>a yija, adi macār<sub>u</sub>cāro gāna ĩna t<sub>u</sub>oīado robo bajiro ya m<sub>u</sub>a. Y<sub>u</sub>ama, “M<sub>u</sub>are seti ña”, yibe y<sub>u</sub>. <sup>16</sup> “M<sub>u</sub>are seti ña”, y<sub>u</sub> yija, riojo m<sub>u</sub>are gotiboguja y<sub>u</sub>. Masare ĩna ñeñaro yirise y<sub>u</sub> waja senija, y<sub>u</sub> sīgū meje senia y<sub>u</sub>. Y<sub>u</sub> Jac<sub>u</sub> y<sub>u</sub>re seni rotig<sub>u</sub>, y<sub>u</sub> rācati senigū yiguīji ĩ. <sup>17</sup> M<sub>u</sub>a b<sub>u</sub>c<sub>u</sub>rā rotirise ado bajiro ucare ña: “ĩre seti ña”, j<sub>u</sub>arā ĩna yija, ĩnare t<sub>u</sub>or<sub>u</sub>n<sub>u</sub>ja quena, ya m<sub>u</sub>a b<sub>u</sub>c<sub>u</sub>rā rotirise. <sup>18</sup> “Riti gotia y<sub>u</sub>”, ya y<sub>u</sub> y<sub>u</sub>masi c<sub>u</sub>ni. Y<sub>u</sub> Jac<sub>u</sub> y<sub>u</sub>re cōaru c<sub>u</sub>ni, “Riti gotiami āni”, yi goti ejab<sub>u</sub>ami ĩ y<sub>u</sub>re yiari, yiquī Jesús ĩnare.

<sup>19</sup> Ito ĩ yija t<sub>u</sub>ocōri, ado bajiro ĩre senīlacā ĩna:

—ĭNoju ñati m<sub>u</sub> Jac<sub>u</sub>? yicā ĩna Jesure.

Ito yijare c<sub>u</sub>diqū Jesús:

—Y<sub>u</sub>re ti masibe m<sub>u</sub>a. Ito yicōri y<sub>u</sub> Jac<sub>u</sub>re c<sub>u</sub>ni ti masibe m<sub>u</sub>a. Y<sub>u</sub>re m<sub>u</sub>a ti masija, y<sub>u</sub> Jac<sub>u</sub>re c<sub>u</sub>ni ti masiboana m<sub>u</sub>a, yiquī Jesús ĩnare.

<sup>20</sup> Dios ya wij<sub>u</sub> ñacōri ito bajiro masare riasoquī Jesús. Masa ĩna niyeru sāra jedori t<sub>u</sub>ju r<sub>u</sub>gōcōri ito bajiro masare riasoquī Jesús. ĩre ĩna ñiarotiju ejabitic<sub>u</sub> maji, ito bajiri sīgūju ĩre ñiag<sub>u</sub> maniquī.

*Y<sub>u</sub> warotoju wa masimenaji m<sub>u</sub>a, Jesús ĩyire gaye*

<sup>21</sup> M<sub>u</sub>cana masare gotig<sub>u</sub>, ado bajiro b<sub>u</sub>siquī Jesús:

—Wac<sub>u</sub> ya y<sub>u</sub>. Y<sub>u</sub>re āmabojarā yirāji m<sub>u</sub>a. M<sub>u</sub>a ñeñaro yirise jidicāmenati godarā yirāji m<sub>u</sub>ama. Ito bajiri y<sub>u</sub> waroju wa masimena yirāji m<sub>u</sub>a, yiquī Jesús ĩnare.

<sup>22</sup> Ito ĩ yija t<sub>u</sub>ocōri, ado bajiro yicā judio masa:

—ĭMasiti sīa godag<sub>u</sub> yati āni? Ito bajiri, “Y<sub>u</sub> warotoju wamena yirāji m<sub>u</sub>a”, yami ĩ, yi gāmeri senīari seyocā ĩna.

<sup>23</sup> ĩna ito yija t<sub>u</sub>ocōri:

—M<sub>u</sub>a ado jaca gāna ña. Y<sub>u</sub>ama ũmacūju gag<sub>u</sub> ña. Adi sita gāna ña m<sub>u</sub>a. Y<sub>u</sub>ama adi sita gag<sub>u</sub> meje ña. <sup>24</sup> Ito bajiri, “M<sub>u</sub>a ñeñaro yirise jidicāmenati godarā yirāji m<sub>u</sub>a”, yib<sub>u</sub> y<sub>u</sub> m<sub>u</sub>are. “ĩti ña y<sub>u</sub>”, y<sub>u</sub> yiro bajiro y<sub>u</sub>re m<sub>u</sub>a t<sub>u</sub>or<sub>u</sub>n<sub>u</sub>beja, m<sub>u</sub>a ñeñaro yirise jidicāmenati godarā yirāji m<sub>u</sub>a, yiquī Jesús ĩnare.

<sup>25</sup> Ito ĩ yija t<sub>u</sub>ocōri, ado bajiro ĩre senīlacā ĩna:

—Ito yijama, ĭñimuj<sub>u</sub> ñasati m<sub>u</sub>? yicā ĩna Jesure.

ĩna ito yija:

—“Íti ña ya”, yiarì mware goticãbojabu ya. <sup>26</sup> Jaje mware gotiroti ñaboja yure. Ito yicõri, “Mware seti ña”, ya yi ãmoja, jaje gotiroti ñaboja yure. Yure cõaru ïti ñami riojo gotigu. Adì sita gãna masare ya gotirise, ïre tuocõri gotia ya, yiquí Jesús ïnare.

<sup>27</sup> Ito bajiro ïnare ï busibojarocati, “Mani Jacu Dios gaye busiami ï”, yi masibiticã ïna. <sup>28</sup> Ito bajiri ado bajiro ïnare gotiquí ï:

—Yü ña Masa Rïjora. Yucutõona yure mua mwoja, “Dios Macu ña ya”, ya yiado bajiroti yure ti masirã yirãji mua. “Ímasirio tuoïacõri meje busiñi. Í Jacu ï riasoado bajiro riti busiñi”, yi masirã yirãji mua yure. <sup>29</sup> Yure cõaru ya rácati ñami. Yü Jacu ï wanrise gaye riti ya ya. Ito bajiri yure wagobitisotiami ï, yiquí Jesús masare.

<sup>30</sup> Ito bajiro Jesús ï yija tuocõri, jãjarã masa ïre tuorũnucã.

### *Dios rãa meje ñama ñeñaro yirã, yire gaye*

<sup>31</sup> Ito bajiri, ado bajiro gotiquí Jesús, judio masare ïre tuorũnucãre:

—Yü busirise mua jidicãbeja, riti ya rãca riasotirã ñarã yirãji mua. <sup>32</sup> Ito bajiro yicõri, oca riojo ñasarise masirã yirãji mua. Oca riojo ñasarise tuocõri, mua ñeñaro yirisere jidicãrã yirãji mua. Ito bajiri rãmãre moa ïsiri masa meje ñarã yirãji mua ïja, yiquí Jesús.

<sup>33</sup> Ito ï yija tuocõri:

—Abraham ñayora janerãbatia ña gna. Rãmãre moa ïsiri masa ñabiti wadicu gna. ¿No yija, “Rãmãre moa ïsiri masa meje ñarã yirãji mua”, yati mü gware? yicã ïna Jesure.

<sup>34</sup> ïna ito yija tuocõri:

—Riti mware gotia ya. No ñeñaro yirã rãmãa ujure moa ïsiri masa ñama ïnaõna. <sup>35</sup> Sïgũ macucã ï jacusabatia rãca ñaguñi. Sïgũ ïre moa ïsiri masuama, ï rãa rãca ñagũ meje ñaguñi. Sïgũ macu ï jacu robo bajiro roti masigũ yiguñi. <sup>36</sup> Dios Macu ñari roti masigũ ña ya. Ito bajiri rãmãa ujure moa ïsiri masa ñabitiroca mware ya yija, riti ïre moa ïsiri masa meje ñarã yirãji mua.

<sup>37</sup> “Abraham ñayora janerãbatia ña mua”, yi masia ya mware. Í janerãbatia ñabojarãti ya busirise tuorũnucãbiticõri, yure sãa ãmoa mua. <sup>38</sup> Cuna yure ï ïogore mware busia ya. Mua jacu ï rotiado bajiro riti ya mua, yiquí Jesús ïnare.

<sup>39</sup> Ito ï yija tuocõri, ado bajiro cudicã ïna:

—Gna ñicusabatia ñicu ñayoñi Abraham, yicã ïna, Jesure.

Ína ito yija:

—Riti Abraham janerãbatia mua ñajama, ï yiado bajiro yiboana mua. <sup>40</sup> Oca riojo ñasarise, Dios yure ï riasoado bajiroti mware ya riasobojarocati, yure sãa ãmoa mua. Abraham ñayorucama ito bajiro yibitiyoñi. <sup>41</sup> Yure mua sãa ãmoja, mua jacu ï rotiado bajiroti ya mua, yiquí Jesús ïnare.

Ito ï yija tuocõri:

—Jacu manoti gna jacosaromia bujana meje ña gna. Sïgũ ñami gna jacu. Í ñami Dios, yicã ïna Jesure.

<sup>42</sup> ïna ito yija tuocõri, ado bajiro cudiquí Jesús:

—Dios tu wadicõri ado ña ya. Riti mua jacu Dios ï ñaja, yure mailboana mua. Yumasi meje wadicu ya. Dios yure ï cõajare wadicu ya. <sup>43</sup> ¿No yija ya busirise tuo masibeati mua? Yü busirise tuo ãmobeja mua. Ito bajiri itire tuo masibeja mua. <sup>44</sup> Mua jacu rãmãa ujure ñami ï. Ito yicõri ï rãa ña mua. Ito bajiri ï ãmoro bajiroti yi ãmoa mua. Cajerojuti masare sãari masu ñañi rãmã. Oca riojo gotire wanugũ meje ñami ï. Ito yicõri, cojirea riojo gotigu meje ñami ï. Rãore oca



ĩ gotija socagu ñari, ito bajiroti ruo gotiguĩji ĩ. ĩ ñami ruore jaigu, ito yicõri ruore jacu. <sup>45</sup> Mña jacu ĩ ñajare, oca riojo ñasarise yu muare gotibojaja, yure tuorũnabea mña. <sup>46</sup> “Ado bajiro ñeñaro yicu mu”, yure yigu sīgũ mami mña rāca. Oca riojo ñasarise muare yu gotibojaja, ¿no yija yure tuorũnabeati mña? <sup>47</sup> Dios ñarā mña ñaja, recoti Dios ocare tuorũnarā yirāji mña. Dios ñarā meje ñari, yure tuo amobe a mña, yiquĩ Jesũs ĩnare.

*Abraham ñayoru riojũajuti Cristo ĩ ñacāre gaye*

<sup>48</sup> Ito yija ado bajiro cudicā judio masa:

—“Samaria sita gagũ, rāmú sãñagũ ña mu”, muare gña yija, riti ya gña, yicā judio masa Jesure.

<sup>49</sup> ĩna ito yija tuocõri:

—Ñeja rāmú sãñagũ meje ña yu. Yu Jacu Diore rucubuo a yu. Mñama yure rucubuo bea. <sup>50</sup> Masa ĩna yure rucubuo toni wadiru meje ña yu. Sīgũ ñami masa ĩna yure rucubuo re amogũ. ĩ ñami yure rucubuo menare ti masigũ, ito yicõri ĩna ñeñaro yirise waja senigũ. <sup>51</sup> Riti muare gotia yu. No yu busirise tuorũnagũ godabicu yiguĩji. Dios rāca catitĩñagũ yiguĩji, yiquĩ Jesũs.

<sup>52</sup> Ito ĩ yija tuocõri, ado bajiro yicā judio masa:

—Iti muare gña tuoja, “Riti rāmú sãñagũ ñami”, yi masia gña, muare ĩja. Abraham ñayoru, Diore goti ĩsiri masa ñayoana cuni goda jediñi ĩna. “Yure tuorũnarā godamenaji”, yiboja mu. <sup>53</sup> ¿Gña ñicusabatia ñicu, Abraham ñayoru rētoro ñasagu ñati mu? ĩ cuni, Diore goti ĩsiri masa cuni goda jedicoañi ĩna. ¿Ñimu ña yu yati muāma? yicā ĩna Jesure.

<sup>54</sup> ĩna ito yija tuocõri:

—Yumasiti, “Masa ĩna rucubuo gũ ña yu”, yu yibojaja, ñe waja ma iti. Yu Jacu ñami yure rucubuo gũ, “Iti ñami gña yagu Dios”, mña yibojagu. <sup>55</sup> ĩre queno masibe a mña. Yama ĩre queno masia. “ĩre masibe a yu”, yu yibojaja, mña robo bajiroti socagu ñaborũja yu cuni. Yama, queno masisacõ a ĩre. ĩ yiro bajiroti cudia yu. <sup>56</sup> Mña ñicusabatia ñicu Abraham ñayoru, “Co rāmũ eja gũ yiguĩji Cristo”, yirocu wanu yuñi. Adi sitaju yu ejaja ticõri, wanũsacõquĩ ĩ, yiquĩ Jesũs judio masare.

<sup>57</sup> Ito ĩ yija tuocõri, ado bajiro yicā ĩna Jesure:

—Bucũgũ meje ña mu maji. Cincuenta rodori tũjabe a mu maji. Ito bajiboracati, ¿no yija, “Abraham ñayoru re ticu yu”, yati mu? yicā ĩna.

<sup>58</sup> ĩna ito yijare:

—Riti muare gotia yu. Abraham ñayoru ĩ ñaroto riojũajũ, ñacācu yu, yiquĩ Jesũs ĩnare.

<sup>59</sup> Ito ĩ yija tuocõri, gũta amicā ĩre rearona. ĩna ito yijare, “Ito baja”, yi masia manoti ĩna watoti budicoaquĩ Jesũs, Dios ya wire budigo wacu.

## 9

*Caje a macũ rujearu re Jesũs ĩ yisio re gaye*

<sup>1</sup> Ito yija bero busa Jesũs rāca gña rũgõ ucuroca sīgũ caje a macũ rujearu re ti bujaquĩ Jesũs. <sup>2</sup> Gña Jesũs rāca riasotirā ado bajiro seniāacu Jesure:

—Gñare riasogu, ¿no yija caje a macũ rujeayijari añi? ¿ĩ jacũsabatia ĩna ñeñaro yire waja ito bajiro rujeayijari ĩ? ¿ĩmasi ñeñaro yire wajati bajiyijarite? yicu gña Jesure.

<sup>3</sup> Ito bajiro gña yijare:

—Īmasi ñeñaro yire waja meje, ito yicōri ī jacusabatia ĩna ñeñaro yire waja meje ito bajiro rujeañi āni. Dios ī masirise masa ĩna titoni, ito bajiro rujeañi āni. <sup>4</sup>Ϝmua ña maji. Ito bajiri yare cōaru ī rotiado bajiroti moagū ya yu. Yoari mejeti rāioro yiroja. Noajua moa masimena yirāji itocō. <sup>5</sup>Busurise rucogu ña yu. Ito bajiri adi macārucāro yu ñaroca, masa ĩna tuo masiroca ya yu maji, yiquī Jesu.

<sup>6</sup>Ito bajiro yi tlocōri, jacaɟu go eocūquī ī. Sitare jabeto ide yiquī ī itina. Ito yicōri, cajea macure itina tuquī ī, ī ya cajeare. <sup>7</sup>Ito bajiro yi tlocōri, ado bajiro rotiquī cajea macure:

—Siloé wame cutirita masa ĩna guaritaju wasa. Itoɟu ejacōri, mu ya cajeare gōna coeba, yiquī Jesús cajea macure. “Cōaru”, yireoni ña Siloé wame.

Jesús ī gotija tlocōri, ī gotiro bajiroti coegu waquī cajea macu. Ī coe tloja bero tūdi eɟagu ticoaquī ī ĩja. <sup>8</sup>Ī ñarā, ĩre tigoana cani ado bajiro yicā ĩna:

—“Yare ti maicōri, yare jabeto ĩsiña”, ɟyi rujicacu meje ñati āni? yicā ĩna.

<sup>9</sup>—Īti ñami, yicā coriarā.

—Ī meje ñami. Ī robo bajigati ñami ñarea, yicā gājerā.

Īna ito yija tlocōri, ĩmasiti ado bajiro yiquī:

—Īti ña yu, yiquī ī.

<sup>10</sup>Ito ī yijare, ado bajiro ĩre seniācā masa:

—ɟNo bajiro yicōri, cajea tiati mu? yicā ĩna ĩre.

<sup>11</sup>Īna ito yijare:

—Sīgū Jesús wame cutigu ī ya go idena sita ide yicōri, yare cajea tumi ī. Iti tucōri, ado bajiro rotimi yare: “Siloé wame cutirita wacōri, coeba”, yimi yare. Itira ejacōri yu ya cajea gōna coebu yu. Ito bajiro yu yirocati ruycuoaɟu yare, yiquī ī.

<sup>12</sup>Ito ī yija tlocōri, ado bajiro ĩre seniācā masa:

—ɟNoɟu ñaguñjida mare ito bajiro yiru? yicā ĩna.

Īna ito yija tlocōri:

—Ba, masibe a yu, yiquī cajea macu ñagoru.

### *Cajea macure ĩna seniā josare gaye*

<sup>13</sup>Ito ī yija tlocōri, fariseo gaye tuoīarā ture cajea macu ñabojarye āmi wacā ĩna. <sup>14</sup>Ī ya go idena cajea macure Jesús ī visiora ruɟu, tujacāra ruɟu ñacu.

<sup>15</sup>Cajea macu ñabojarye ĩna āmi ejaɟa ticōri, ado bajiro ĩre seniāyjarā fariseo gaye tuoīarā:

—ɟNo yicōri cajea tiati mu mɟcana? yiyjarā fariseo gaye tuoīarā.

Ito bajiro ĩna seniāɟa tlocōri:

—Go idena sitare ide yicōri, yu ya cajeare tuquī ī. Iti yu coeɟa bero tia yu ĩja, yiyɟu ī.

<sup>16</sup>Ito ī yija:

—Mare ito bajiro yiru, Dios yagu meje ñañi. Tujacāra ruɟare rucubnobisī ī, yiyjarā ĩna.

Gājerāma ado bajiro yiyjarā:

—Ñeñaro yigu ī ñaja, tiyamani yibitiboru ī, yiyjarā gājerā.

Ito bajiri ricati riti tuoīayjarā ĩna fariseo gaye tuoīarā. <sup>17</sup>Ito yijare mɟcana tūdi seniāyjarā ĩna, cajea macu ñagoru:

—ɟMāma no bajiro tuoīati, mu cajea tiroca yirare? yiyjarā ĩna.

Īna ito yija tlocōri:

—Diore goti ĩsiri masu ñaguñji, ya yuama, yiyɟu ī.

18 “Cajea macu rujearu macana tædi cajea tiru ñami”, yi ãmobisijarã ñna judio masa ujarã. Ito bajiri cajea macu jacusabatiare ji ñucayijarã ñna. 19 Ñna ejaja ticõri, ado bajiro ñnare seniñayijarã ñna:

—¿Mu macuti ñati ñni, cajea macu rujearu? ¿No yija cajea macu ñabojarati adocãta tiati? yiyijarã ñna, ñ jacusabatiare.

20 Ñna ito yija tuocõri, ado bajiro cudiyijarã ñna:

—Gua macu, cajea macu rujearu ñami ñni. 21 Ito bajiro ñ tija, ito yicõri ñre cajea tiroca yirure masibea gua. Ñre seniñaita mua. Bucugu ñami ñja, ñmasiti gotiguõcũ ñami, yiyijarã ñ jacusabatia.

22 Judio masa ujarãre güirã, ito bajiro yiyijarã ñ jacusabatia. “Jesús ñami Cristo, Dios ñ cõaru”, yirãre rëorã ya mani macana minijuara wiju ñna sãjame yirona, yi tuoña yucayijarã judio masa. 23 Ito bajiro ñnare güirã, “Bucugu ñami, muamasiti ñre seniñaña”, yiyijarã cajea macu ñabojaru jacusabatia.

24 Ñna ito yija tuocõri, cajea macu ñabojarure ji ñucayijarã judio masa ujarã macana:

—Dios ñ tiro riojo, riojo guare gotiya. “Mure yisioru, ñeñaro yi jaigu ñañi”, yi masia gua, yiyijarã ñna.

25 Ñna ito yija tuocõri:

—“Ñeñaro yigu, ñeñaro yigu meje ñaguñi”, yi masibea yu. Adi riti masia yu, cajea macu ñacu yu maji. Adocãtama yu cajea tia ñja, yiyiju ñ.

26 Ito ñ yija tuobojarati macana tædi seniñayijarã ñna:

—¿No bajiro mure yicati ñ, mu titoni? yiyijarã ñna ñre.

27 Ñna ito yijare:

—Mure goticãbojabu yu. Yure tuorãnabea mua. ¿No yija macana tædi gotire ãmoati mua? ¿Mua cuni ñre oca tuo suyã ãmoati? yiyiju ñ judio masa ujarãre.

28 Ito bajiro ñ yija tuocõri, ñre busi tudiyijarã ñna:

—Ñre oca suyagu ya mu. Moisés ñayoru ocare suyã guama. 29 “Moisés ñayorure busiñi Dios”, yi tuoña gua. Mure yisiorureama masibea gua. “Ito gagu ñaguñi ñ”, yi masibea gua ñreama, yiyijarã ñna.

30 Ñna ito yija tuocõri, cudiyiju ñ:

—Yu ya cajea ñ yisioru ñabojarocati, “Ito wadiru ñaguñi ñ”, yi masibea mua. Mua ñre ti masibeja bujatobea yu. ¿No yija ñre ti masibeati mua? Mua ñre ti masibeja queno tuo masire ma yure. 31 “Ñeñaro yirãre tuobiquñi Dios. Ñre rucubucõri, ñ ãmoro bajiro yirãre riti tuogu yiguñi Dios”, yi tuoña mani.

32 “Cajea macu rujearu ñ tiroca yifñi sigũ”, yire gaye tuoña manicu. 33 Ñni yure yisioru, Dios tu wadiru meje ñ ñaja, yure no yibitiboru, yiyiju ñ.

34 Ito ñ yijare:

—Ñeñaro yi jaigu rujearu ña mu. “Ñnare riasocuja yu”, ¿yi tuoñati mu, guare? yiyijarã ñna cajea macu ñabojarure.

Ito yicõri, ñre bucõayijarã ñna, ñna minijuari wiju ñagure.

*“Dios oca tuorãnãmena cajea mana robo bajirã ñna”, yire gaye*

35 Cajea macu ñabojarure ñna bucõare gaye tuo bujacu gua Jesús rãca. Ito bajiro ñre ti bujacõri, ado bajiro ñre yiquñi Jesús:

—¿Dios Macure tuorãnãti mu? yiquñi Jesús ñre.

36 Ito ñ yija:

—Yu Uju, yure gotiya. “Ñ ñami”, yiya yure, ñre tuorãnãrocu ya, yiquñi ñ Jesure.

37 Ito ñ yija, ado bajiro ñre cudiquñi Jesús:

—Īre ticācu mu. Adocāta mu rāca bušigu, ĩti űa yu, yiquĩ Jesũs ĩre.

<sup>38</sup> Ito ĩ yija tuocōri, Jesũs riojo rijomunigāna űini rũjũquĩ ĩ, ĩre rācubuoḡu. Ito bajiro yicōri:

—Mure tuorūnua yu Ūju yu, yiquĩ ĩ.

<sup>39</sup> Ito yija bero, ado bajiro yiquĩ Jesũs masare:

—“Āna űama yure cūdirā. Āna űama yure cūdimena”, yi buširocu wadiru űa yu. Cajea mana robo bajirā űama Dios oca tuo masimena. Ito bajiri ĩnare ĩna tuo masiroca yigu yiguja yu. “Queno masirā űa ḡua”, yibojarāreama, ĩna tuo masibitiroca yigu yiguja yu. Ito bajiri tuo masibiticōri, cajea manare bajiro bajirā űarā yirāji ĩna, yiquĩ Jesũs ĩnare.

<sup>40</sup> Ito ĩ yija tuocōri, ito űarā coriarā fariseo gaye tuoűarā seniācā ĩna Jesure:

—“Tuo masibiticōri, cajea manare bajiro bajirā űa mua”, űyati mu ḡware? yic ĩna Jesure.

<sup>41</sup> ĩna ito yija:

—Tuo masimena mua űaja, seti cutirā meje űaboana mua. “Queno masirā űa ḡua”, mua yire waja, seti cutirā űa mua, yiquĩ Jesũs ĩnare.

## 10

### *Ovejare coderi masa oca*

<sup>1</sup> Mucana masare riasosuoḡu ado bajiro yiquĩ Jesũs:

—Riti mure gotia yu. No oveja ĩna űari sānimu ĩna ya soje sājabicu, gaje duja jore sājagũ tuocōri rinigũ űami ĩocũ. <sup>2</sup> ĩna ya soje sājagũama, ĩnare tirūnucōri codeḡu űami. <sup>3</sup> Ovejare tirūnari masu ĩ sājatoni ĩre soje jana ĩsigũ yiguĩji soje coderi masu. ĩ sājaroca ĩ ya ocare tuo masirā yirāji ĩ ya oveja. ĩ ya ovejajure ti masicōri, wamena ĩnare ĩre bucōagũ yiguĩji ĩ. <sup>4</sup> ĩnare bucōa jeocōri, ĩna riojua ĩnare tua űmatāḡu yiguĩji ĩ. ĩ ya ocare tuo masicōri, ĩre suyarā yirāji ĩna. <sup>5</sup> ĩ oca ĩna tuo godu weobejama ĩre suyamena yirāji ĩna. ĩ ya ocare tuo masibiticōri, ĩre rudirā yirāji ĩna, yiquĩ Jesũs masare.

<sup>6</sup> Riasore oca ĩnare goti masioquĩ Jesũs. Ito bajibojarocati itire tuo masibiticā ĩna.

### *Buto masare codeḡu űami Jesũs, yire gaye*

<sup>7</sup> Ito yija mucana tūdi gotiquĩ Jesũs ĩnare:

—Riti mure gotia yu. Yu űa soje, oveja ĩna sājari soje bajiro bajigu. <sup>8</sup> Yu riojua wadiana űarocōti, ruori masa ito yicōri riniri masa cūni űaűi ĩna. Ito bajiri yu ya oveja mesare tuorūnubisijarā. <sup>9</sup> Yu űa soje bajiro bajigu. No yuna suoriti sājagũ, ĩre masoḡu yiguja yu. Ado bajiro bajigu yiguĩji ĩocũ: Oveja ĩna űari sānimuju sājacōri, mucana tūdi, budi, yi űagũ, űagũ yiguĩji ĩocũ. Queno wana quenagũ yiguĩji ĩ. Ito yicōri, quenari wese ĩ baroti bujagu yiguĩji ĩ. Ito bajiro bajirā űarā yirāji yure boca āmirā. ĩnare tirūnugũ yiguja yu.

<sup>10</sup> Riniri masu ĩ ejaja, rinicōri sīagūti ejagu yiguĩji ĩ. Ito yicōri, ruyurioguti ejagu yiguĩji ĩocũ. Yuama masa ĩna catitūnaroca yigu wadiru űa yu. Ito yicōri, űe ruayabeto queno ĩna űaroca yigu wadiru űa yu. <sup>11</sup> Yu űa ovejare queno coderi masu. Yure tuorūnūrāma yu ya oveja bajiro bajirā űarā yirāji. Yu ya oveja bajiro bajirāre goda ĩsirocu űacā yu. <sup>12</sup> Sīgũ waja bujarocu ĩ moaja, queno oveja coderi masu meje űagũji ĩocũ. Buyairo ĩ ejaja ticōri, ovejare wagogu yiguĩji ĩ. ĩ ya oveja meje ĩna űajare, ĩnare wagogu yiguĩji ĩ. Ito bajiri buyairo ejacōri, ovejare űagũ yiguĩji, ito yicōri ĩnare ĩo bategu yiguĩji ĩ. <sup>13</sup> Waja bujarocu riti

sīgū ī moaja, ovejare wagogu yiguīji ī, ī ñarā meje īna ñajare. Īnare maigū meje ñari Īnare ī wagoja no yimenaji ĩre, yi riasoquī Jesús masare.

14-15 Yū ña ovejare queno coderi masu. Yū Jacu yure ī masiro bajiroti, yū cūni ito bajiroti ĩre masia. Ito bajiroti yū ya ovejare ti masia yū. Īnajua cūni ito bajiroti yure ti masiama ĩna. Yū ya ovejare goda ĩsirocu ñacā yū. 16 Adi sānimū gāna meje ñama gājerā yū ya oveja. Īna ñama gājerā masa. Īnare cūni āmigū yiguja yū. Īna cūni yure cadirā ñama ĩna. Co ramu co sānimuti ñarā yirāji ĩna. Ito yicōri, yū sīgūti ñagū yiguja Īnare coderi masu, yiquī Jesús masare.

17 'Godagu yiguja yū, mūcana tūdi catirocu. Ito bajiro yū yijare yū ñarā catitīñarā yirāji Dios rāca. Ito bajiri yū Jacu buto yure maiami. 18 Masama yure sīamena yirāji. Yūmasiti yū āmoro bajiroti masare yiari goda ĩsigū yiguja yū. Masare yiari yū goda ĩsi āmoja, iti ña yū āmoro bajiro yū yiroti. Ito yicōri, mūcana tūdi yū cati āmoja cati masigū ña yū. Ito bajiro yū yi masitoni yure cūquī yū Jacu, yiquī Jesús masare.

19 Ito bajiro ī yija tuocōri, judio masa ujarā ricati riti tuoīacā ĩna ĩja. 20 Coriarā jājarā ado bajiro yicā:

—Rūmú sāñagū, mecūri masu ī ñabojarocati, ¿no yija masa ĩre tuorūnūati? yicā ĩna.

21 Gājerāma ado bajiro yicā ĩna:

—Rūmú sāñagū ī ñaja, ito bajiro busibitiboru ī. Ito yicōri, rūmú sāñagū ī ñaja, cajea mana ĩna tiroca yibitiboru, yicā ĩna.

### *Jesure judio masa ĩna āmobitire gaye*

22 Ito ramūri juebucu ñacu. Jerusalénju Dios ya wi cajero ĩna cudabiare basa, mūcana tūdi tuoīarā basa menicā ĩna. 23 Ide ñuraju roca, Salomón wame cutiri dujajuare Dios ya wiju sāja wacu gua Jesús rāca. 24 Ito bajiro gua baji ñaroca Jesure gāni biacōri, ĩre senīacā judio masa:

—¿Nocāta, “Ī meje ñami ī. Īti ñami”, mure yi masirā yirājida gua? Cristo Dios ī cōaru mū ñaja, adocātati riojo guare gotiya, yicā ĩna Jesure.

25 Īna ito yija tuocōri, ado bajiro cudiquī Jesús:

—Mūare goticābojacu yū. Ito bajibojarocati yure tuorūnūbiticu mūa. Yū Jacu ī rotirisena jaje mūare ĩbojacu yū. Itire ticōri, “Īti ñami”, yi masirūjabojacu mūare. 26 Yū ya oveja meje ñari, yure tuorūnūbea mūa. Canu mūare yū goticato bajiroti bajia. Yū ñarā meje ñari, yure tuorūnūbea mūa, ya yū mūare.

27 Oveja ĩna uju ocare ĩna tuo masiro robo bajiro, yū ñarā yure tuo masiama ĩna. Yū cūni ĩnare ti masia. Ito yicōri yure sayarā yirāji ĩna. 28 Īna catitīñaroca ya yū. Ito bajiri coji godacoa yimenaji ĩna. Sīgūjua yū rucorāre ēmabicu yiguīji.

29 Īnare yū rucotoni yure cūquī Cūna. Nijua ī rētoro sēogū maquīji. Ito bajiri sīgūjua yū rucorāre ēma masigū maquīji ĩja. 30 Yū, ito yicōri yū Jacu rāca riti ña gua, yiquī Jesús judio masare.

31 Ito yija mūcana ĩre rearona gūta āmicā ĩna. 32 Īna ito yija ticōri, ado bajiro yiquī Jesús ĩnare:

—Yū Jacu ī masirisena sūoriti jaje mūa tiro riojo quenarise yibojacu yū. ¿Disejua queno yū yire waja yure gūta rearā yirājida mūa? yiquī Jesús ĩnare.

33 Ī ito yijare ado bajiro cudicā judio masa:

—Mū queno yire wajare meje mure gūta rearā yirāji gua. Mū ya ocana Diore mū busiture waja mure rearā yirāji gua. Gua robo āmugū ñabojaguti, “Dios ña yū”, yiboja mū, yicā ĩna Jesure.

34 Īna ito yijare Jesús ado bajiro yiquī:

—“Yu bajiroti bajirā ña mua cuni”, yiñi Dios, yi ucare ña mua ñicsabata ña rotire. <sup>35</sup> “Dios oca riojo ñasarise ña”, yi tuoña mani. I oca tuorñuanare, “Yu bajiroti bajirā ña mua cuni”, yiñi Dios i oca tutina. <sup>36</sup> Yure besecori adi sitaju yure coaqui Dios. Ito bajiri, “Dios Macu ña yu”, yu yijare, çno yija, “Diore bsitua mu”, yati mua yure? <sup>37</sup> Yu Jacu i yiro bajiro yu yibeja, yure tuobesa. <sup>38</sup> Yu Jacu i yiro bajiro yu yija, yure tuorñuabitibojarati, yu yigore ticori, “Riti gotiami”, yi tuoñaraja muare. Ito bajiri, “Yure bajiroti usi cutigu ñami yu Jacu. Yu cuni ñre bajiroti usi cutia”, yu yija, “Riti gotiami”, yi masiraja muare coji bsati, yiqui Jess ñare.

<sup>39</sup> Ito i yija tuocori, mucana ñre ñia ãmobojacã ña. Jesujuama rudicoaqui.

<sup>40</sup> Rudi wacori, Jordãn wame cutirisa siduja waqui Jess mucana. ñre baba cuti wacu gua cuni. Itoju ejacori, Juan i ide gu ñacatiju tujaqui Jess. <sup>41</sup> Jãjarã masa ñre tirã ejacã. ñre ticori, ado bajiro yicã ña:

—Tiyamani ïobitibojaguti, ãni gaye i gotire gaye, riti gotiñi Juan, yicã masa.

<sup>42</sup> Itoju Jess ñaroca jãjarã ñre tuorñucã masa.

## 11

### *Lázaro i godare gaye*

<sup>1</sup> Sigu ñañi ñarise cogu. I wame cutiqui Lázaro. I ñarã romia ñacã Maria, gaje Marta. ña ñacã Betania gãna. <sup>2</sup> Iso Maria ñaco Jess ya gubore queno suti quenarise jio gugoro. Jiocori iso ya joana weja carogoro ñaco iso, Lázaro ocabajio. <sup>3</sup> Lázaro i coja ticori, i ñarã romia Jesure oca coañi ña:

—Gua Ûju, mu baba Lázaro co ñami, yi oca coañi ña Jesure.

<sup>4</sup> Iti oca tuocori ado bajiro yiqui Jess guare:

—Adi ñarise ñre ruyuriobetoja. Godarocu meje co ñaguñi ï. Ado robojua baja. “Retoro ñasagu ñami Dios, ito bajiroti retoro ñasagu ñami Dios Macu cuni”, masa ña yi rucubuotoni, co ñaguñi Lázaro, yiqui Jess.

<sup>5</sup> Lázaro, i ocabajirã romia Maria, Martare cuni tuo maiñi Jess. <sup>6</sup> “Co ñami Lázaro”, yire oca tuobojaguti wabitiqui Jess maji. Gua ñariju jua rumu ñacoacu gua Jess rãca maji. <sup>7</sup> Jua rumu bero gua i rãca riasotirãre ado bajiro yiqui Jess:

—Ita mucana Judea sitaju. Lázaro i ñaroju wato mani, yiqui Jess guare.

<sup>8</sup> Ito i yija tuocori:

—Canu bsati itoju gãna judio masa mure gutana rea sã ãmobojañi ña. çItoju tudi ware tuoñati, guare riasogu mu? yi seniãacu gua Jesure.

<sup>9</sup> “Yure ña sãrotiju ejabea maji”, yirocu ado bajiro cudiqui Jess guare:

—Ëmua co ãmua doce hora busurise ña. Ito bajiri sigu i wa ucuja juatabiquiñi iti busujare. Macãrucãro busurise iti ñajare ti masigu yiguñi. Ito bajiri juatabiquiñi ï ãmua ñajare. <sup>10</sup> Ñami i wa ucuja juatagu yiguñi, busurise iti manijare, yiqui Jess guare.

<sup>11</sup> Itire goticori mucana gaje gotiqui Jess guare:

—Mani baba Lázaro canicoaguñi. Ito bajiri ñre yujiogu waju yu, yiqui Jess.

<sup>12</sup> Ito i yija tuocori:

—Gua Ûju, ï canija quena ña ñre. Tujacoagu yiguñi ï, yicu gua Jesure.

<sup>13</sup> “Canigu yiguñi”, Jess i yija, “Wujore, yiguñi Jess”, yire masicu gua. Ito bajiro gua tuoñabojarocati, Jesuama, “Godacoami”, yireoni yigu yiñi ï. <sup>14</sup> “Yure queno tuo masibeama ña”, yi tuoñacori, riojo guare gotiqui Jess ña:

—Lázaro godacoami ĩja. <sup>15</sup> Queno yiguti ĩ tujũ ñabisija yũ. Ito bajicõri yure tuorũnarã yirãji mua. “Riti Dios Macũ ña mũ”, yure yi rũcũbuorã yirãji mua. ĩ tu ita ĩja, yiquĩ Jesũs guare.

<sup>16</sup> Sigũ Jesũs rãca riasotigũ, gũa rãca gagũ Tomás wame cutiquĩ. “Sũrũaru”, yicu gũa ĩre. Ado bajiro yiquĩ ĩ, gũajũare:

—Ita mani cũni. Jesũs rãcati godana mani cũni, yiquĩ Tomás gũa ĩ baba mesare.

*Yũ ña masa tũdi catiroca yigũ, Jesũs ĩ yire gaye*

<sup>17</sup> Betaniajũ gũa ejaroca, “Jũaria rũmũri tũja Lázaro ĩna yujeja bero”, yicã masa, gũare gotirã. <sup>18</sup> Jerusalén rocajũa bũsa ñacũ Betania. Coji cõre gũdarecocõ ñacũ Betania. <sup>19</sup> Ito bajiri jãjarã Jerusalén gãna judio masa ejacã Lázaro ĩ godaja otirã. “Bũjato bajia, mua rĩjorũ ĩ godaja”, yi Marĩa, Martare cũni gũañagõ otirã ejacã ĩna. <sup>20</sup> “Wadiami Jesũs”, yire oca tuocõri, ĩre bocago ejacõ Marta. Marĩa ejabiticõ. Wijũ ñacõañi iso. <sup>21</sup> Jesũs tujũ ejacõri ado bajiro yicõ Marta:

—Yũ Ujũ, mũ iti rũmũ bũsa ado mũ ñajama, bai godabitiborũ ĩ. <sup>22</sup> “ĩ godaja bero ñabojarocati, no Diore mũ senija, ito bajiroti mũre ĩsigũ yiguĩji Dios”, yi tũoĩa yũ, yicõ Marta Jesure.

<sup>23</sup> Iso ito yija tuocõri:

—Mũ rĩjorũ tũdi catigũ yiguĩji, yiquĩ Jesũs isore.

<sup>24</sup> Ito ĩ yija:

—Riti gotia mũ. Sũsari rũmũ masare tũdi ĩna catiroca Dios ĩ yiri rũmũ, tũdi catigũ yiguĩji bai, yi tũoĩa yũ, yicõ Marta Jesure.

<sup>25</sup> Iso ito yija tuocõri, ado bajiro yiquĩ Jesũs:

—Yũ ña tũdi masa ĩna catiroca yigũ. Ito yicõri yũti ña catitũñare rũcogũ. No yure tuorũnũgũti catitũñagũ yiguĩji. Godabojaguti tũdi catigũ yiguĩji ĩocũ ĩja, yiquĩ Jesũs isore. <sup>26</sup> Mũcana tũdi yũ ejari rũmũ, yure tuorũnũ ña yucãrã catitũñarã yirãji ĩna. Godamenaji ĩna. ¿Itire tuorũnũti mũ cũni? yi seniãaquĩ Jesũs Martare.

<sup>27</sup> Ito ĩ yija tuocõri:

—Yũ Ujũ, mũ yiro bajiroti bajia. Mũti ña Cristo, Dios ĩ cõaru. Mũti ña Dios Macũ, adi macãrũcũroju wadirũ. Itire tuorũnũ yũ, yicõ iso Jesure.

*Lázaro ya masari cuma tũ Jesũs ĩ otire gaye*

<sup>28</sup> Iso ito yija bero iso rĩjoro Marĩare jigo wacõ Marta. Iso tũ ejacõri, ado bajiro Marĩare goti rudiyijo iso:

—Manire riasori masũ ĩto ñami. “Wadijaro”, yimi mũre, yiyijo Marta iso rĩjore.

<sup>29</sup> Iso ito yiroca riti wũmũcõri, Jesure tigo wadiñi Marĩa. <sup>30</sup> Cũtoju ejabiticũ gũa Jesũs rãca maji. Marta iso bocacatojuti ñacũ gũa maji. <sup>31</sup> Marĩa rãca ñañi judio masa, iso yagũ godajare otirã. Ejori iso wũmũ waja ticõri, isore sũya wadiñi ĩna cũni. “Masari cumajũ otigo wagõji”, yi tũoĩari seyoñi ĩna.

<sup>32</sup> Gũa tũ ejacõri Jesũs riojo rijomunigãna ñini rũjũcõ Marĩa. Ito yicõri ado bajiro ĩre bũsicõ iso:

—Yũ Ujũ, mũ iti rũmũ bũsa mũ ado ñajama, bai godabitiborũ, yicõ iso Jesure.

<sup>33</sup> Marĩa iso otija ticõri, iso rãca wadiana judio masa ĩna otija ticõri, bojori bũjaquĩ Jesũs cũni. Ito bajiri ĩ ya usijũ bũto bojori bũja ñaquĩ Jesũs. <sup>34</sup> Ado bajiro ĩnare seniãaquĩ Jesũs:

—¿Noju ĩre yujeri mua? yi seniãaquĩ Jesũs.

Ito ĩ yija tuocõri:

—Adojua tigu waya mu, yicã İna Jesure.

<sup>35</sup> İna ito yija tucõri, otiquĩ Jesús İja. <sup>36</sup> Jesús İ otija ticõri, ado bajiro yicã judio masa:

—Tite mua. Lázaro buto tuo mairi seyoami İ, yicã İna.

<sup>37</sup> Gãjerã coriarãma ado bajiro yicã İna:

—Cajea tibicare yisioḡu ñabojaguti, ¿no yija Lázaro İ godabitiroca yibisijari İ? yicã İna coriarã.

*Lázaro tudi İ catiroca Jesús İ yire gaye*

<sup>38</sup> Mucana Jesús bojori bujaguti eja rãḡuquĩ, masari cuma taju. Gãta toti ñacu godarãre İna cõrajũ. İti soje gãtana biare cuticu. <sup>39</sup> Ito yija ado bajiro rotiquĩ Jesús:

—Itiga gãtagã amigoya, yiquĩ Jesús.

Ito İ yija tucõri, ado bajiro yicõ Marta, godaru ocabajio:

—Juarã rumari taja İ godaja bero. Bũoro aniguĩji İja, yicõ iso Jesure.

<sup>40</sup> Iso ito yibojarocati:

—Yure mu tuorũnaja, rẽtoro ñasarise Dios gaye tigo yigoja mu, mure gotibu yũ, yiquĩ Jesús isore.

<sup>41</sup> “Gãtagã amicãña”, Jesús İ yija tucõri, gãtagãre amigocã masa. Ito yija macãrucõrojuare ti mucõri, ado bajiro yiquĩ Jesús:

—Cuna, queno ya mu. Yure tuo mu. <sup>42</sup> Yũ masia, coji ruayabeto yure tuosotia mu. Ito bajibojarocati adi sita gãna mure İna tuorũnatoni, İna tiro riojo mu rãca busia yũ. “Dios İ cõaru ñami añi”, İna yitoni, mu rãca busia yũ, yiquĩ Jesús, Diore busigu.

<sup>43</sup> İti goti tũḡati awasãquĩ Jesús İja:

—Lázaro, budi waya adojuã, yiquĩ Jesús.

<sup>44</sup> İna yujebojaruti budiquĩ Lázaro İja. İ ya ricari, ito yicõri İ ya rujare cuni sayana durea biaru ñaquĩ İ. Gũbori cuni, İ ya rijoga cuni saya werona biaru ñaquĩ. Ruyubicũ ñaquĩ İ. Ito bajiro ado bajiro masare rotiquĩ Jesús:

—İre õjaña, İ watoni, yiquĩ Jesús.

*Jesure ñiarona İna cunire gaye*  
(Mt 26.1-5; Mr 14.1-2; Lc 22.1-2)

<sup>45</sup> Ito bajiro Jesús İ yija ticõri, jãjarã judio masa Mariãre baba cutiana Jesure tuorũnucã İna İja. “Riti Dios İ cõaru ñami añi”, yi tuorũnucã İna İja.

<sup>46</sup> Gãjerãma fariseo gaye tuoĩarãre tirã wacã İna. İna taju ejacõri, Jesús İ İgore İnare gotiyijarã İna. <sup>47</sup> İna ito yijare, fariseo gaye tuoĩarã, paia ujarã rãca, ujarã ñasarã rãca minijuayijarã. Ito yicõri ado bajiro busiyijarã İna:

—¿No bajiro yirũjati mani? Jaje tiyamani İḡũ ñami añi. <sup>48</sup> İre mani camotabeja, masa jeyaro İre tuorũnrã yirãji. İna ito yija ticõri, mani ya minijuara wire ruyuriorã wadirã yirãji romano masa. Ito yicõri manire cuni ruyuriorã wadirã yirãji İna, yi gãmeri busiyijarã İna.

<sup>49</sup> İti rodore paia uju Caifãs wame cutigu ñaquĩ. İnare ado bajiro gotiyiju İ:

—Masirã meje ña mua. <sup>50</sup> Sigu mani jeyarore yiarı İ goda İsija quena. Mani jeyarore İna ruyurioja quenabetoja, yiyiju Caifãs.

<sup>51</sup> Paia uju ñari, İmasirio tuoĩacõri meje yiyiju Caifãs. İ masia mani ito bajiro İ busiroca yiyiju Dios İre. Ito bajiro İ busija, İjaju bajiroti gaye busiyiju İ. “Judio masa ñajedirore goda İsigũ yiguĩji Jesús. <sup>52</sup> İnare riti meje goda İsigũ yiguĩji İ. Dios İ beseana di sita gãna ruayabeto manire goda İsigũ yiguĩji İ. Sigu řiare bajiro mani ñatoni manire goda İsigũ yiguĩji Jesús”, yigu bajiro yiyiju İ Caifãs.



<sup>53</sup> Iti rumarinati, “¿No bajiro Jesure sjarujati mani?” yi busi ñayijarã judio masa ujarã.

<sup>54</sup> Ito bajiri masa ña tiro riojo wa ucubitiqũ Jesús ñja. Judea sita Jesús ñ wagoja, ñre suya wacu gwa cuni. Efraín wame cutiri cuto wacu gwa. Yucu mano tujũ ñacu iti cuto. Itoju tujacu gwa Jesús rãca.

<sup>55</sup> Yu ñarã judio masa pascua basa ña meniroto jabeto rayayiju. Ito bajiri masa jãjarã wayijarã Jerusalénju. Pascua basa riojua ña ñeñaro yirise coe rotirã ejayijarã ña. <sup>56</sup> Itoju ejacõri, Jesure amabojayijarã ña. Dios ya wiju ejacõri ado bajiro gãmeri seniñayijarã ña:

—¿No bajiro tuoñati mua? ¿Basa tigu ejagu yiguñjida mua? Ejabicu yiguñji gajea, yi gãmeri busiyijarã ña.

<sup>57</sup> Fariseo gaye tuoñarã, paia ujarã cuni, “Jesure mua ti bujaja, guare gotiba. Ñe ñiarona ya gwa”, yi gotiyijarã ña masare.

## 12

### *Jesús ya gubore sutirise María iso jio gure gaye* (Mt 26.6-13; Mr 14.3-9)

<sup>1</sup> Coga amojeno rumari pascua basa ña meniroto riojua Betania wame cutiri cutoju wacu gwa Jesús rãca. Iti cuto ñacu Lázaro ñ ñaro. Ito ñacu Lázarore mucana tũdi ñ catiroca Jesús ñ yiraju. <sup>2</sup> Jesús ñ ejaja ticõri, ñre rucuborã ñre bare meni ñsicã Lázaro ñ ocabajirã romia. Marta ñacõ guare bare jeogo. Lázaro cuni gwa rãca ba rujiqũ ñ. <sup>3</sup> Gwa baroca úye queno suti quenarise nardo wame cutirise ñmi ejacõ María. Co coacõ ñacu iti. Buto waja cutirise ñacu. Itina Jesús ya gubore jio gucõ iso. Ito yicõri iso ya joana weja carocõ iso. Wi dajaroti suti dajacoacu iti sutirise. <sup>4</sup> Itoju ñaqui Judas Iscariote. ñ cuni guare bajiroti Jesús rãca riasotigu ñabojaqui. ñ ñaqui Jesús wajana ñre ñiatoni gotiri masu. Jesús ya gubore iso jio guja ticõri, ado bajiro yiqui Judas:

<sup>5</sup> —Iti úye queno suti quenarise ñsicõri, trescientos niyeru cujiri amirujaboyija mu. Iti waja bujacõri bojoro bujarãre ejabuarujaboyija mu, yiqui Judas.

<sup>6</sup> Bojoro bujarãre tuo maigũ meje yiqui ñ, ito ñ yirise. Riniri masu ñari ito bajiro yiqui ñ. ñ ñaqui gwa ya niyeru awiruca seori masu. Iti awiruca gwa sãrisere amisotiñi ñ. <sup>7</sup> Ito yija ado bajiro yiqui Jesús ñre:

—Uñsio codebesa isore. Yure ña yujerotire tuoña yugo ito bajiro yamo iso.

<sup>8</sup> Mua rãca riti ñatñarã yirãji bojoro bujarã. Ito bajiri ñare ejabuatiñarã yirãji mua. Yama mua rãca ñatñabicu yiguja. Ito bajiri mua rãca yu ñaroca maji yuñare ejabuaja quena, yiqui Jesús ñre.

### *Lázarore sã amorã ña cunire gaye*

<sup>9</sup> “Betaniaju ñaguñji Jesús”, yire oca, jãjarã tuoñi judio masa. Jesure riti tirã meje ejacã ña. Lázarore tũdi ñ catiroca Jesús ñ yirure tirã rãcati wadñi ña. <sup>10</sup> Ito bajiro masa ña yija ticõri, Lázarore cuni sãre cunícã paia ujarã. <sup>11</sup> Lázaro ñ tũdi catija ticõri, paia ujarãre jidicã wacã masa. Ito yicõri Jesure tãorãncã ña ñja. Ito bajiare Lázarore cuni sã amoñi paia ujarã.

### *Jerusalénju Jesús ñ ejare gaye* (Mt 21.1-11; Mr 11.1-11; Lc 19.28-40)

<sup>12</sup> Ito bero gaje rumu, “Ado ejagu yiguñji Jesús”, yire oca tuo jedicã masa. ña ñacã Jerusalénju pascua basa tirã ejana. <sup>13</sup> Ito bajiri Jesure boca amirona rujaño caeri amicã ña. Ito yicõri ado bajiro awasãcã ña, ñre wanarã:

—Rêtoro ñasagu ñami Dios. Ì cōarure queno yijaro Dios. Gua Israel gāna Hju ñarocure queno yijaro Dios, yi awasacā Ìna, Ìre wanurā.

<sup>14</sup> Burro wame catigure bujacōri, muja jeaquī Jesús. Ito bajiroti yi gotia Dios oca cuni. Tūote mua:

<sup>15</sup> Mua Siōn cuto gāna, guibesa. Mua Hju ñarocu burro joe jesa wadiami, yi gotia Dios oca.

<sup>16</sup> Cajero queno tuo masibiticu gua Jesús rāca riasotirā maji. Ūmacūju Jesure rācubhoraju ī mujaja bero, “Riti gotia Dios oca. Jeyaro itī gotiado bajiroti rētacu”, yi masicu gua ĩja.

<sup>17</sup> Masa jājarā ticā masari cumaju ñagū Lázarore tudī ĩ catiroca Jesús ĩ yija. Ī catija tigoana ñari masa jeyarore goti batofñi Ìna. <sup>18</sup> Ito bajiri, “Tiyamani gaye, ĩoami Jesús”, yire oca tuocōri, Jesure tirā masa jājarā ejacā. <sup>19</sup> Ito bajiro masa ĩna yija ticōri, fariseo gaye tuoñarā ĩnamasiti gāmeri busiyijarā:

—Tiya, masa jeyaro ĩ ocare tuo sayā wama ĩja. No yiado ma manire, yiyijarā fariseo gaye tuoñarā.

### *Griego masa Jesure ĩna āmare gaye*

<sup>20</sup> Basa ñaroca Jerusalénju Diore rācubhorā wana rāca wusayijarā coriarā griego masa. <sup>21</sup> Felipere oca seniñarā wayijarā ĩna. Galilea sita Betsaida wame catiri cuto gagu ñaquī Felipe. Ado bajiro Felipe yiyijarā ĩna:

—Jesure ti āmosacōa gua, yi josayijarā ĩna Felipere.

<sup>22</sup> ĩna ito yija tuocōri, Andrésre gotigu wayiju Felipe. Ito bajiri ĩna jāarā Jesure gotirā ejacā gua taju. <sup>23</sup> ĩna oca gotija tuocōri, ado bajiro yiquī Jesús ĩnare:

—Yu ña Masa Rījoru. Ūmacūju rācubhoraju yu tudī mujarotiju ejacoaju ĩja. Yure ĩna sīarotiju ejacoaju ĩja. <sup>24</sup> Riti muare gotia yu. Trigo aje queno carabetoti jacaju itī quediya, judibetoja. Queno caracōri itī quediya, jaje judiro yiroja mucana. Godacōri mucana tudī catiado bajiro bajia itī. <sup>25</sup> No ĩ catirise maibojaguti godagu yiguĭji. Ito yicōri Dios tu ejabiquĭji ĩ. No adi macārucāroju ĩ ñarise maibicāma godabicu yiguĭji. Catitūñare gaye bujagu yiguĭji locāama. <sup>26</sup> No yure moa ĩsi āmogū, yure sayaja quena. No yu ñaroti, ito ñagū yiguĭji yure moa ĩsigū cuni. No yure moa ĩsigūre rācubhogu yiguĭji yu Jacu, yiquī Jesús ĩnare.

### *Yure sīarā yirāji, Jesús ĩyi gotire gaye*

<sup>27</sup> ĩ Jacure busigu ado bajiro yiquī Jesús:

—Buto tuoĭa oca jaia yu. “Cuna adocāta yure rētaroti gaye, itī yure rētame yiroca yure masoña”, ¿yirājati yu? Meje ito bajiro yibicūja yu. Itire tōbujarocu wadiru ña yu. <sup>28</sup> Cuna, mu āmoro bajiroti rētajaro, masa mure ĩna rācubhotoni, yiquī Jesús, Diore busigu.

Īto ĩ yirocati, ūmacūju oca ruyucu:

—Masa yure ĩna rācubhoroca yicācu yu. Mucana tudī ĩna rācubhoroca yigu ya yu, yire oca ruyucu ūmacūju.

<sup>29</sup> Gua itī oca tuocōri:

—Bujō ñaru, yicu gua coriarā. Gājerāma:

—Ángel busiru, yicā ĩna.

<sup>30</sup> Ito bajiro masa ĩna yija tuocōri, ado bajiro yiquī Jesús:

—Yure yiari meje oca ruyubu. Muare yiari, mu tuotoni oca ruyubu.

<sup>31</sup> Adocāta adi macārucāro gānare Dios ĩ beserotiju ejacoaju ĩja. Ito yicōri, adi macārucāro gānare ñeñaro yi rotigure, ĩre bucōagū yiguĭji Dios. <sup>32</sup> Masa yucātēoju yure ĩna mucō rāgōja, jājarā yure ĩna boca āmiroca yigu yiguja yu, yiquī Jesús masare.

33 “Ito bajiro godagu yiguñji”, masa ñna yi t̃uo masitoni, ito bajiro gotiquĩ Jesús ñnare. 34 Ito ñ yijare, ado bajiro c̃adicã masa:

—Gua masa b̃ucurã papera tuti iti gotija, “Catitñagũ yiguñji Cristo”, yi gotia iti. ¿No yija, “Masa R̃jorure m̃uorã yirãji ñna”, yati m̃u? ¿Ñimũ ñati Masa R̃joru? yicã ñna Jesure.

35 ñna ito yijare ado bajiro c̃adiquĩ Jesús:

—Yũ ña busurise r̃ucogu, m̃ua t̃uo masiroca, m̃ua ti masiroca c̃uni yigu. Yoari mejeti m̃uare wagogu yiguja yũ. Yũ waroto riojua m̃uare riasogu ya yũ maji. Ito bajiri m̃ua rãca yũ ñaroca riti queno riasotiya m̃ua. Ito bajiro m̃ua yija queno t̃uo masirã yirãji m̃ua. Ito yic̃ori ñeñaro yimenaji m̃ua. No rãit̃iaroju wacu, “Ito waguja yũ”, yi masibicu yiguñji. Ito bajiro yibojama ñeñaro yirã.

36 Yũ ña busurise r̃ucogu. Yũre t̃uorũnũña m̃ua, m̃ua rãca yũ ñaroca riti maji. Yũre m̃ua t̃uorũnũja, queno t̃uo masirã yirãji. Ito yic̃ori yũ ñarã ñatitñarã yirãji, yiquĩ Jesús masare.

Ito bajiro masare ñ gotija bero, gua masibetoju wa godacoquĩ Jesús ñja.

### *Judio masa Jesure ñna t̃uorũnũbitire gaye*

37 Jaje tiyamani masa ñna tiro riojo ñ ñobjarocati, ñre t̃uorũnũbiticã masa.

38 ñna Jesure t̃uorũnũbeja, Isaías ñayoru ñ ucado bajiroti r̃etacu. Ado bajiro ucayofñi ñ:

Gua Uju, gua gotirise s̃igũ t̃uorũnũgũ mami. Ito yic̃ori, m̃u ñorisere s̃igũ t̃uorũnũgũ mami, yi ucañi Isaías ñayoru.

39 “Dios ñ c̃õarure t̃uorũnũmena yirãji masa”, yirocu ado bajiro ucañi Isaías ñayoru:

40 ñna tibitiroca yigu yiguñji Dios. Ito yic̃ori ñna ya usiju ñna t̃uo masibitiroca yigu yiguñji Dios. Ito bajiri ñna ya cajeana ti masimena yirãji ñna. ñna ya usina queno t̃uo masimena yirãji ñna. Ito yic̃ori, Dios ñ c̃õarure t̃udi yisio rotimena yirãji ñna, yi ucañi Isaías ñayoru.

41 Isaías ñ c̃ãiroju, b̃uto Cristo ñ ñasarise tiyiju ñ. Ito bajiri iti gaye ucayofñi ñ.

42 “Ito bajiro bajirã yirãji”, Isaías ñ yire ñabjarocati jãjarã judio masa Jesure t̃uorũnũcã. ñna ujarã c̃uni coriarã Jesure t̃uorũnũcã. Masa ñna t̃uoro riojo, “Jesure t̃uorũnũgũ ña yũ c̃uni”, yibiticã ñna. “Fariseo gaye t̃uolarã manire bucõarã yirãji ñna”, yirona gotibiticã ñna. 43 Dios gaye r̃eto b̃usaro, masa gaye r̃ucub̃uore ãmocã ñna.

### *Yũ ocare t̃uorũnũbitianare ruyuriogu yiguñji Dios, Jesús ñ yire gaye*

44 Gua t̃u t̃udi ejac̃ori, ado bajiro masare oca s̃õoro b̃usiquĩ Jesús:

—Yũre t̃uorũnurã, yure riti meje t̃uorũnurã yirãji. Yũ Jacu yure c̃õarure c̃uni t̃uorũnurã yirãji. 45 Yũre m̃ua tija, yure c̃õarure c̃uni tia m̃ua. 46 Yũ ña busurise r̃ucogu. Yũre t̃uorũnurã rãit̃iaroju ñna ñame yirocu, adi macãr̃ucãrojure wadicu yũ. 47 Yũ ocare t̃uobojaguti, yure ñ t̃uorũnũbeja, yũ meje ña ñre ruyuriorocu. Adi macãr̃ucãro g̃anare ruyuriorocu meje wadicu yũ. Masare masorocujua wadicu yũ. 48 Yũre r̃ucub̃uobitic̃ori, yũ ocare t̃uorũnũbicare, ruyuriorocu s̃igũ ñacãguñji. Yũ ocare ñ t̃uorũnũbiti waja susari r̃umu ñre ruyuriogu yiguñji Dios. 49 Yũ masirio meje b̃usia yũ. Yũ Jacu yure c̃õaru, yũ b̃usiroti, yũ riasoroti c̃uni yure c̃ucãquĩ ñ. 50 “Yũ Jacu ñ rotirise gaye ñna t̃uorũnũja, catitñarã yirãji ñna”, yi t̃uoña yũ. Yũ b̃usija, yũ Jacu ñ rotiado bajiroti b̃usia yũ, yiquĩ Jesús masare.

1 Pascua basa ñaroto riojua, “Yu adi macārucārore wagoçōri yu Jacu tu yu waroto ejacoaju ñja”, yi tñoñari seyoñi Jesús. Adi macārucāro gānare ñ ñarāre maisotiqui Jesús. “Riti mñare buto maisacōa yu”, yi ñoroca, goda ñsiroca ñacāñi Jesús.

2 Gña basusaroca Judas Iscariote Simón macure ñ ya usiju ñacāri seyoñi rāmá. Judas ya usiju ñacōri, “Jesús wajana ñre ñna ñiatoni gotiba”, yi ñari seyoñi rāmá Judasre. 3 Ado bajiro yi tñoñari seyoñi Jesús, “Dios yagu wadiru ña yu, ito yicōri ñ tu tñdi wacu yiguja yu. Yu roti masitoni yu Jacu ñ cūru ña yu”, yi tñoñari seyoñi Jesús. 4 Gña basusa ñaroca bare jeoado tu rujigu wamñ rügāquí Jesús. Joegado ñ sñāro ruacōri, toallana ñ ya jeragaju wēo taquí. 5 Ito yicōri rujatēroju ide jioquí. Ito yicōri gña ya gñbori coesñoquí Jesús. Coe tñocōri toalla ñ wēo tarona gña ya gñbori caroquí ñ.

6 Simón Pedore gubo ñ coegu wagu yiroca ado bajiro yiquí Simón Pedro ñre: —¿Yu ñju, yu ya gñbore coegu yati mñ? yiquí Pedro.

7 Ito ñ yijare cñdiquí Jesús:

—Adocāta mña ya gñbori yu coerise queno tño masibea mña maji. Ija co ramñ masirā yirāji mña itire, yiquí Jesús.

8 Ito ñ yibojarocati:

—Yu ya gñbore coebicu yiguja mñ, yiquí Pedro Jesure.

Ito ñ yijare:

—Mñ ya gñbori yu coebeja yu rāca gagu meje ñagū yiguja mñ, yiquí Jesús Pedore.

9 Ito ñ yija tñocōri, cñdiquí Pedro:

—Mñ ito yija, yu ya gñbori riti meje coeya. Yu ya āmo cñni, yu ya rijoga cñni coeya, yiquí Pedro Jesure.

10 Ito ñ yija tñocōri, ado bajiro cñdiquí Jesús:

—Gua tñocāre jeyaro rujari coere ma. Gñbori riti coeja quena. ñeri mana bajiro bajirā ña mña. Ito bajibojarocati sīgū ñami mña rāca gagu ñeri jaigu bajiro bajigu, yiquí Jesús gñare.

11 “Ñ ñami yare ñna ñiatoni gotiri masu”, yi masicōri, “Mña jeyaro meje ñeri mana ña mña”, yiquí Jesús gñare.

12 Gña ya gñbori coe tñogū joe ñ sñāro sñānāquí Jesús mñcana. Bare jeoado tu rujicōri ado bajiro yiquí ñ mñcana gñare:

—¿Mñare gñbori yu coerise tño masiati mña? 13 “Gñare riasogu, gña ñju”, ya mña yare. ñti ña yu. Ito bajiro yare mña yija quena ña. Riojo ya mña. 14 Yu mña ñju, mñare riasogu ñabojaguti mña ya gñbori yu coeja, mñamasi cñni gāmeri gñbori coeja quena. 15 Yu yiro bajiro mña yitoni mñare ñocāmñ yu. 16 Riti mñare gotia yu. Sīgū moa ñsiri masu ñ ñju rētoro ñasabiquíji ñ. Sīgū gāji cōaru ñ ñaja ñre cōaru rētoro ñasabiquíji ñ. 17 Ito yu busirise tñocōri, ito yicōri itire mña queno cñdija, wamñ quenarā yirāji mña, yiquí Jesús, gñare.

18 Mñcana gaje ado bajiro gotiquí Jesús gñare:

—Mña jeyarore tñoñagū meje busia yu. “Ñna ñama yu beseana”, yi masia yu. Dios ñ busigore rētoro ya. Ado bajiro gotia iti ñ oca tutina: “Yu rāca bagu ñabojaguti yare jidicāgū yiguñi”, yi gotia Dios oca. 19 Ito rētoro riojua mñare gotia yu. Ito bajiri iti rētaja ticōri, “Dios cōaru ña yu”, yu yiro bajiroiti yare tñorñurā yirāji mña. 20 Riti mñare gotia yu, Yu cñanare boca āmirā yare cñni boca āmirā yirāji. Noa yare boca āmirā yare cñanare cñni boca āmirā ñama ñaona, yiquí Jesús gñare.

*Yure İna ñiatoni yu wajanare gotigu yiguñi Judas, Jesús ĩ yire gaye (Mt 26.20-25; Mr 14.17-21; Lc 22.21-23)*

<sup>21</sup> Ito bajiro ĩ yija bero, ĩ ya usijũ bũto tũoĩa bojori bũjaquĩ Jesús. Queno riojo guare gotigu ado bajiro yiquĩ ĩ:

—Riti mũare gotia yu. Yure İna ñiatoni yu wajanare gotigu yiguñi mũa rãca gagu, yiquĩ Jesús guare.

<sup>22</sup> Ito ĩ yija tũocõri, gua ĩ rãca riasotirã gumasiti gãmeri ticu. “İre busiguñi”, yi masibiticu gua. <sup>23</sup> Yu ĩ rãca riasotigure bũto maiquĩ Jesús. Ito bajiri gua basasacati rãmũ ĩ tũ ba rujicu yu. <sup>24</sup> ¿Ñimũre tũoĩagũ busiati mũ? yi Jesure yu seniĩatoni yure ti ñucaquĩ Simõn Pedro. <sup>25</sup> Ito ĩ yija ticõri, Jesús tũ bũsa eja rũjũcõri, ĩre seniĩacu yu:

—Yu Uju, ¿ñimũua ñati mũre oca menirocu? yicu yu Jesure.

<sup>26</sup> Ado bajiro cudiquĩ Jesús yure:

—Najuro yosecõri, yu İsigũ, ĩ ñagũ yiguñi, yiquĩ Jesús yure.

Ito bajiro ĩ yija bero, Judas Iscariote Simõn macũre İsiquĩ ĩ. <sup>27</sup> Iti naju ĩ boca amirocati rãmũa uju Satanás sãjacoari seyoquĩ Judas ya usijũ. Ito bajijare ado bajiro yiquĩ Jesús ĩre:

—Yure mũ oca meni amõrise cojisiti wacõri oca meniña, yiquĩ Jesús Judasre.

<sup>28</sup> ĩ rãca ba rujicãna gua sũgũjua ito bajiro ĩ busirisere tũo masibiticu gua.

<sup>29</sup> Gua ya niyeru awirucare tirũngũ ñaquĩ Judas. Ito bajiri, “Basa rãmũ ñaroca mani baroti waja yitẽña”, yiguñi Jesús, yire masicu gua. “Bojoro bũjarãre niyeru İsitẽña”, yiguñi gajea, yire masicu gua.

<sup>30</sup> Naju Jesús ĩ İsirise boca bacõri, wacoaquĩ ĩ İja. Ito bajiro ĩ yiroca ñamiju ñacoacu İja.

### *Mame rotire gaye*

<sup>31</sup> Judas ĩ wagoja bero ado bajiro yiquĩ Jesús guare:

—Umacũju, yu Masa Rĩjoru, yure rũcũbũoroju ware ejacoaju İja. Yure rẽtaroti gaye ticõri, Diore rũcũbũorã yirãji masa. <sup>32</sup> Diore masa İna rũcũbũoroca yu yija, yure cunĩ İna rũcũbũoroca yigu yiguñi Dios. Yoari mejeti ito bajiro yigu yiguñi Dios. <sup>33</sup> Yu rĩa robo bajirã ña mũa. Mũa rãca yoari ñabicũja yu İja. Yure amabõjarã yirãji mũa. Canũ gãjerã judio masare yu goticato bajiroti adocãta mũare cunĩ gotia yu. “Yu waroto wa masimenaji mũa”, ya yu mũare cunĩ.

<sup>34</sup> Adocãta mame rotire gaye mũare gotigu ya yu. Ado bajiro bajia iti. Gãmeri ti maima mũa. Mũare yu ti mairo bajiroti mũa cunĩ gãmeri ti maija quena.

<sup>35</sup> Mũa gãmeri ti maija ticõri, “Jesús rãca riasotirã ñama İna”, yirã yirãji masa jeyaro.

*“Jesure masibea yu”, yigu yigũja mũ, Pedrore Jesús ĩ yire gaye (Mt 26.31-35; Mr 14.27-31; Lc 22.31-34)*

<sup>36</sup> Ito ĩ yija tũocõri, Jesure seniĩaquĩ Simõn Pedro:

—Yu Uju, ¿noju wacu yati mũ? yiquĩ Pedro ĩre.

Ito bajiro ĩ yijare:

—Adocãta yu warotoju wa masibicũja mũama maji. İja yure sũyagu yigũja mũcana, yiquĩ Jesús Pedrore.

<sup>37</sup> Ito ĩ yija tũocõri:

—Yu Uju, ¿no yija adocãta mũ rãca wa masibicũjada yu? Gãjerã yure İna sãbõjaroacati mũre jidicãbicũja yu. Mũre goda İsirocu ñacã yu, yiquĩ Pedro Jesure.

<sup>38</sup> Ito ĩ yijare cudiquĩ Jesús:

—¿Riti yure goda İsirocü ñacāti mü? Riti müre gotia yu. Cara İ yujiroto riojua adiaji, “Jesure masibea yu”, yigu yiguja mü, yiqui Jesús Pedrore.

## 14

### *Yuna şhoriti mani Jacu tu ejarā yirāji müa, Jesús İ yire gaye*

<sup>1</sup> Mücana gaje ado bajiro gotiqui Jesús guare:

—Buto tũa ũsirio yibeja müa. Diore tuorũnũcõri, yure cuni tuorũnũña. <sup>2</sup> Cuna ya wi müa ñarotijuri jaje ñaroja. Ito bajiro iti bajibeja müare gotibitiboa yu. Itoju müa ñarotiju queno yugu waju yu. <sup>3</sup> Ito wacõri müa ñarotijuri queno tiogũ mücana tũdi wadigu yiguja yu. Ito yicõri yu ñaroju müa ñatoni müare amigũ ejagu yiguja yu. <sup>4</sup> Yu warotiju masia müa. Ito yicõri itoju wara mare masia müa, yiqui Jesús guare.

<sup>5</sup> Ito İ yibojarocati ado bajiro yiqui Tomás:

—Gua ũju, mü warotore masibea gua. ¿No bajiro ito wara mare masirā yirājida gua? yiqui Tomás Jesure.

<sup>6</sup> Ito İ yijare ado bajiro cãdiqui Jesús:

—Yu ña ito wara ma bajiro bajigu. Yuti ña riojo gotigu. Yuti ña catitũñare rucoga. Yu sigũna şhoriti yu Jacu tu ejare ñaro yiroja. <sup>7</sup> Yure müa ti masija yu Jacure cuni ti masirā yirāji müa. Yure ticõri İre ticā müa. Ito bajiri İre ti masirā ña müa İja, yiqui Jesús guare.

<sup>8</sup> Ito İ yijare ado bajiro yiqui Felipe İre:

—Gua ũju, mü Jacure gua tiroca yiya. Ito bajiro mü yija quena ñaroja guare. “Riti gotia mü”, yi masirā yirāji gua İja, yiqui Felipe Jesure.

<sup>9</sup> Ito İ yijare:

—Iti rumaju müa rāca ñaşocü Felipe yu. ¿No yija ito bajibojarocati yure ti masibeati mü maji? Noa yure tigoana yu Jacure cuni tirā ñama. Ito bajiri, ¿no yija İre tigoana ñabojarāti, “Mu Jacure gua tiroca yiya”, yati müa yure? <sup>10</sup> “Yu Jacu rāca ña yu. İ cuni yu rāca ñami”, yu yija, ¿yure tuorũnũbeati müa? Yu müare busirise yumasi tũa rujeocõri meje busia yu. Yu Jacu yu rāca ñagũ, yuna şhoriti İ moarise yami İ. <sup>11</sup> “Yu Jacu rāca ña yu. İ cuni yu rāca ñami”, yu yija yure tuorũnũña. Yu busirise müa tuorũnũ amobeja, tiyamani yu İorise ticõri, yure tuorũnũña. <sup>12</sup> Riti müare gotia yu. No yure tuorũnũgũ, yu yiro bajiroti yigu yiguji. Yu Jacu tu wacu ya yu. Dios tu yu tũdi wajare, tiyamani yu İogore řeto busaro tiyamani İorāji müa cuni. <sup>13</sup> Yure müa tuorũnũja, no müa seniuro bajiroti müare İsigũ yiguja yu. Ito bajiro yu yijare, yu Jacure rucũborā yirāji masa. <sup>14</sup> Yure müa tuorũnũja, no müa seniuro bajiroti cãdigu yiguja yu, yiqui Jesús guare.

### *Eşpiritu Santore cõagũ yiguji Dios, Jesús İ yire gaye*

<sup>15</sup> Yure müa maija yu rotirisere cãdirā yirāji müa. <sup>16</sup> Ito bajiro müa yija yu Jacure senigũ yiguja yu, yure wasoarocü İ cõatoni. İ cõarocü İ ñagũ yiguji Espiritu Santo riojo gotigu. Müa rāca ñatĩñagũ yiguji müare ejabuarocü. Ito yicõri müa bojori bujaja müare baba cãtigu yiguji. <sup>17</sup> Adi macãrucũro gāna İre ti masibeama İna. Ito bajiri İre boca āmi masimenaji İna. Müa rāca İ ñajare, İre masirā ña müama. Müa ya usiju ñatĩñagũ yiguji İ. <sup>18</sup> Müare jidicābicu yiguja yu. Mücana müa rāca ñarocü ejagu yiguja yu. <sup>19</sup> Yoari mejeti wacu ya yu İja. Ito bajiri yure tuorũnũmenama yure timenaji İja. Müama tũdi yure tirā yirāji. Tũdi cãtigu yiguja yu. Ito bajiri müa cuni catirā yirāji. <sup>20</sup> “Yu Jacu rāca ña yu. Ito yicõri müa rāca ña yu, müajua cuni yu rāca ña”, yu yicato bajiro, tũdi yu catiri

rãmu, “Riti gotiñi Jesús”, yi tãoĩarã yirãji mua. <sup>21</sup> Yu rotirise masicõri cudigu Ìocuti ñami yure maigũ. Yure maigũre maigũ yiguĩji yu Jacu cãni. Yu cãni ìre maigũ yigũja. Ito yicõri yure ì ti masiroca yigu yigũja yu, yiquĩ Jesús guare.

<sup>22</sup> Ito ì yija tãocõri, Judas Iscariote meje, gãji Judas wame cutigu ado bajiro ìre cudiquĩ:

—Gua Ëju, ¿no yija adi macãrucãro gãnare Ìobicuti, guare riti goaĩogũ yigujada mua? yi seniãaquĩ ì Jesure.

<sup>23</sup> Ito ì yijare:

—No yure mairã, yu busirise tuorãnurã yirãji. Ito bajiri yu Jacu ìnare maigũ yiguĩji. Ito bajiri yu cãni yu Jacu rãca ìna tu ñarã wadirã yirãji gua. <sup>24</sup> No yure ti maibicu yu busirise tuorãnubiquĩji. Yu busija mua tuorise yumasã tãoĩa rujeocõri busire meje ña.

<sup>25</sup> Mua rãca yu ñarijugoti itire muare gotia yu. <sup>26</sup> Yure wasoarcure Espiritu Santo cõagũ yiguĩji yu Jacu. Muare ejabuagu yiguĩji ì. Ito yicõri mua bojori bujaja muare baba cutigu yiguĩji ì. Jeyaro muare riasogu yiguĩji ì. Jeyaro muare yu gotirise mua tãoĩa bujaroca yigu yiguĩji ì, yiquĩ Jesús guare.

<sup>27</sup> Gaje ado bajiro gotiquĩ Jesús guare:

—Muare ware gotigu, “Ñe oca mano queno ñama mua”, ya yu muare. Mua queno ñaroca ya yu. Adi macãrucãro gãnama queno mua ñaroca yi masimenaji. Yu ña mua tãoĩa usriobeto ñaroca yigu. Ito bajiri tãoĩa usriobeto yibesã. Ito yicõri guĩbesã. <sup>28</sup> “Wacu ya yu, ito bajibojarocati mua rãca ñagũ ejaqu yigũja mũcana”, yu yija tuobu mua. Riti yure mua maija, “Yu Jacu tu wacu ya yu”, yu yija, queno wanu quenaboã mua. Ì ñami yu rãto busaro ñagũ. <sup>29</sup> Jeyaro iti rãtaroto riojua iti muare gotia yu. Ito bajiri iti rãtaja ticõri, yure tuorãnurã yirãji mua.

<sup>30</sup> Yoari mejeti muare busigu ya yu. Adi macãrucãro gãnare ñeñaro yi rotigu wadicõaguĩji rãmua ãju. Yure roti masigũ meje ñami ì. <sup>31</sup> Yu Jacu ì rotiado bajiroti ya yu. Ito bajiro yu yija ticõri, “Ì Jacure maigũ ñami ì”, yi yirãji adi macãrucãro gãna, yiquĩ Jesús guare. Ito bajiro ì yija bero:

—Ita, adijure wagoto mani, yiquĩ Jesús guare.

## 15

### *Hyégũ ñasaricu robo bajigu ña yu, Jesús ì yire gaye*

<sup>1</sup> Mũcana gaje ado bajiro gotiquĩ Jesús guare:

—Hyégũ ñasaricu robo bajigu ña yu. Hyégure tirãnugũ robo bajiro bajigu ñami yu Jacu. <sup>2</sup> Yu ya rujuari iti rica manija jatagu yiguĩji ì. Yu ya rujuari iti rica cutija, queno tirãnugũ yiguĩji, jai busaro iti rica cutitoni. Yu ya rujuari gaja iti siniaja itire bejagu yiguĩji ì. Ito yicõri gajeoni iti judija itire ãmicãgũ yiguĩji, jai busaro iti rica cutitoni. <sup>3</sup> Yu riasorise tuorãnucõri queno ña mua. Ueri mana bajiro baja mua. <sup>4</sup> Yure bajiroti usi cutisotiya mua cãni. Ito bajiro mua yija, mua rãca ñatĩnagũ yigũja yu. Yucu ruju rujagure iti wãñabeja rica mano yiroja. Ito bajiroti yure mua tuorãnubeja yure queno moã Ìsimenaji mua. Yure moã Ìsibiticõri, hyégũ rica manigũ bajiro bajirã yirãji mua, yiquĩ Jesús guare.

<sup>5</sup> Gaje guare ado bajiro riasogu ì:

—Yu ña rujagu robo bajigu. Yu ya rujuari robo bajirã ña mua. No yure bajiro usi cutirã ìna rãca yu ñajare, yure queno moã Ìsirã yirãji ìna. Ito yicõri rica cutirã bajiro bajirã yirãji ìna. Yu manija no yi masimenaji ìna. <sup>6</sup> No yu rãca sīgũre bajiro usi cutibicure ìre cõagũ yiguĩji yu Jacu. Siniara rujuarire ãmicõri, jeameju soeado bajiro yigu yiguĩji yu Jacu Ìocure.

<sup>7</sup> Yure bajiro usi cutisoticōri yu riasorise ācabojabiticōri mua āmoro bajiro mua senija, mua āmoro bajiroti cudigu yiguja yu. <sup>8</sup> Yure mua queno moa ĩsija ticōri, yu Jacure queno rūcubhorā yirāji masa. Ito yicōri, “Riti Jesūs rāca queno riasotiana űama āna”, yi masirā yirāji masa muare. <sup>9</sup> Yu Jacu yure ĩ mairo bajiroti muare maia yu. Yu mairā űa mua. Ito bajiri ito bajiroti űa űa mua. <sup>10</sup> Yu rotirise mua cudi űasotija, yu mairā űatűarā yirāji mua. Ito bajiroti yu Jacu ĩ rotirise cudisotia yu cuni. Ito bajiri yure maisotiami Cuna.

<sup>11</sup> Yu rāca mua wanu quenatoni itire muare gotia yu. Ito yicōri mua ya usiju queno mua wanu quenatoni, itire muare gotia yu. <sup>12</sup> Ado bajiro bajia yu rotirise: Yu muare mairo bajiroti, mua gāmeri ti maija quena. <sup>13</sup> Sigū ĩ baba mesare maigū, ĩnare ĩ goda ĩsija iti űa buto maire gaye. <sup>14</sup> Yu rotiro bajiroti mua cudija, yu baba mesa űarā yirāji mua. <sup>15</sup> Ito bajiri, “Yure moa ĩsirā űa mua”, yibea yu ĩja muare. Moa ĩsiri masama ĩna uju yirisere masimenaji ĩna. “Yu baba mesa űa mua”, ya yu muare adocāta. Jeyaro yu Jacu yure ĩ gotire mua masiroca yicacu yu. Ito bajiri yu baba mesa űa mua. <sup>16</sup> Mua meje űa yure beseana. Yujua muare besecu. Muare cūa yu, yu ocare gājerāre mua riasotoni. Ito bajiro mua yija coriarā queno yure ṯorūṉsotirā yirāji ĩna. Iti űa rica jogabiti robo bajirise. Ito bajiro masare mua riasoja ticōri, yure mua seniro bajiroti ĩsigū yiguĵi yu Jacu. <sup>17</sup> Ado robojua űa muare yu rotirise: “Gāmeri ti maiıa mua”, yi rotia yu muare, yiquĵi Jesūs guare.

### *Adi macārucāro gāna manire ti tudirā yirāji, Jesūs ĩ yire gaye*

<sup>18</sup> Gaje guare ado bajiro riasoquĵi Jesūs:

—Adi macārucāro gāna muare ĩna ti tudija, “Manire ĩna ti tudiroto riojua Jesure ti tudisuoĵi ĩna”, yi ṯoĵarā yirāji mua. <sup>19</sup> Adi macārucāro gāna ĩna űarāre mairāji. Adi macārucāro gāna ĩna ṯoĵaro bajiro mua ṯoĵaja, muare cuni maiboana ĩna. Adi macārucāro gāna wato űarāre muare besecu yu. Adocāta ĩna bajiro ṯoĵarā meje űa mua. Ito bajiri muare ti tudiana ĩna. <sup>20</sup> Yu busirise ṯote mua: “Moa ĩsiri masa ĩna uju rēto busaro űasarā meje űama ĩna”, yiarī muare gotibu yu. Adi macārucāro gāna yure usirio codeama. Ito bajiri muare cuni usirio coderā yirāji ĩna. Yu riasorisere cudibiticā ĩna. Ito bajiri muare cuni cudimena yirāji ĩna. <sup>21</sup> Yure cōarure masibeama adi macārucāro gāna. Ito bajiri yu űarā mua űajare, muare usirio coderā yirāji ĩna, yiquĵi Jesūs guare.

<sup>22</sup> Gaje guare ado bajiro riasoquĵi Jesūs:

—Adi macārucāro gānare busirocu yu wadibeja ĩnare seti maniboadoja. Yu ĩnare gotija bero űajare, “Guare seti ma”, yi masibeama ĩna ĩja. <sup>23</sup> No yure ti tudirā yu Jacure cuni ti tudirā űama ĩna. <sup>24</sup> ĩna tiro riojo tiyamani yu ĩobeja seti maniboadoja ĩnare. Tiyamani yu ĩoja tigoana űama ĩna. Tigoana űabojarāti yure ti tudiana ĩna. Ito yicōri yu Jacure cuni ti tudiana ĩna. <sup>25</sup> ĩna ya papera tuti ucare gaye iti gotiado bajiroti rēta adocāta. Ado bajiro gotia iti: “űe manoti yure ti tudiana ĩna”, yi gotia iti oca.

<sup>26</sup> Espiritu Santo riojo gotigure mua tu cōagū yiguja yu. Muare ejabuagu yiguĵi ĩ. Ito yicōri mua bojori bujaja muare baba cutigu yiguĵi. Yu Jacu tu wadira űagū yiguĵi ĩ. Yu gaye muare gotigu yiguĵi ĩ. <sup>27</sup> Cajerojuti yu riasosurocajuti yu rāca űasocu mua. Ito bajiri masare mua riasoja mua cuni yu gaye busirā yirāji mua, yiquĵi Jesūs guare.

## 16

<sup>1</sup> Gaje guare ado bajiro gotiquĵi Jesūs:



—Adi oca m̄are gotia yu, ija iti r̄etaroca yure m̄a jidic̄ame yirocu. <sup>2</sup> Ija ña ya minijuara wiju m̄a ñaroca m̄are buc̄arā yirāji ña. Ito yic̄ori m̄are ña s̄aja, “Diore c̄adirā s̄ia mani”, yi t̄oïabojarā yirāji ña. <sup>3</sup> Ito bajiro yirā yirāji ña, yure c̄ani yu Jac̄ure c̄ani masimena ñari. <sup>4</sup> Ito oca m̄are gotia yu. Ija ito bajiro iti r̄etaroca, “Ito bajirogo yiquida Jesús”, yi m̄a t̄oïa bujatonì, m̄are gotia yu.

### *Esp̄iritu Santo ï moarise*

‘Cajero m̄are riasogu iti oca gotibiticu yu maji. “Ña r̄aca ñagū yigūja yu maji”, yi t̄oïagū iti oca m̄are gotibiticu yu maji. <sup>5</sup> Yure c̄aru tu ñagū wacu ya yu adocāta. Ito bajibojarocati, “¿No wati m̄a?” yi seniñabea m̄a yure. <sup>6</sup> Ito oca m̄are yu gotijare m̄a ya us̄iju bojori buja m̄a. <sup>7</sup> Riti m̄are gotia yu. Yu waja quena ñaro yiroja m̄are. Yu wabeja, m̄are ejabuaroçu, m̄a bojori bujaja m̄are baba cutiroçu m̄a r̄aca ñagū wadibiqūji Esp̄iritu Santo. Yu wajama ñe c̄ogū yigūja yu. <sup>8</sup> Ì wadija, “Ñeñaro yirā ña mani”, adi mac̄aruc̄uro ḡana yi ña t̄oïaroca yigū yigūji Ì. “Quenarise mani yija, Diore c̄adirāji mani”, ña yi masiroca yigū yigūji Esp̄iritu Santo. “Diore mani c̄udibeja manire waja senigū yigūji”, ña yi masiroca yigū yigūji Esp̄iritu Santo. <sup>9</sup> Adi mac̄aruc̄uro ḡana yure t̄or̄anub̄itiana ñari seti cutirā ñama ña ña. <sup>10</sup> Yu Jacu Ì ñaroju yu wajare, “Quenarise mani yija, Diore c̄adirāji mani”, yi masirā yirāji masa. Yu Jacu tu yu wajare, yure timena yirāji m̄a. <sup>11</sup> Adi mac̄aruc̄uro ḡanare ñeñaro yi rotigū Satanásre ruyuriogu yigūji Dios. Ito bajiri, “Diore mani t̄or̄anuja Ì yiro bajiroti jeame aj̄aroju c̄obacu yigūji Dios, manire”, masa ña yi masiroca yigū yigūji Esp̄iritu Santo.

<sup>12</sup> Jaje gotiroti ñaboya yure maji. Ito bajibojarocati adocāta yu goti jeoja itire t̄o masimenaji m̄a maji. <sup>13</sup> Esp̄iritu Santo riojo gotigū Ì ejaroca riojo oca ñasarise m̄are riasogu yigūji Ì. Ì masirio meje busigu yigūji. Ì t̄ogore m̄are gotigū yigūji. Ija r̄etaroti gaye m̄a masiroca yigū yigūji Ì. <sup>14</sup> Yu riasorise gaye boca ãmic̄ori m̄a masiroca yigū yigūji Esp̄iritu Santo. Ito bajiro yic̄ori masa yure ña r̄uc̄ab̄uroca yigū yigūji Esp̄iritu Santo. <sup>15</sup> Ñaroc̄oti yu Jacu Ì gotiro bajiroti gotia yu c̄ani. Ito bajiri, “Yu riasorise boca ãmic̄ori, m̄a masiroca yigū yigūji Esp̄iritu Santo”, yibu yu m̄are, yiqui Jesús guare.

<sup>16</sup> Gaje guare ado bajiro gotiqui Jesús:

—Yu Jacu tu wacu ya yu. Ito bajiri noc̄o mejeti yure timena wana ya m̄a. Ito bajibojarocati m̄cana yoari mejeti t̄adi yure tirā yirāji m̄a, yiqui Jesús ḡa Ì r̄aca riasotirāre.

### *Bojori bujabojana t̄adi wanu quenarā yirāji m̄na m̄cana, Jesús ï yire gaye*

<sup>17</sup> Ito Ì yija t̄oc̄ori, ḡa coriarā ado bajiro ḡameri seniñacu ḡa:

—¿No yireoni ñati iti? yicu ḡa. “Yu Jacu tu wacu ya yu, ito bajiri yure timena wana ya m̄a. Ito bajibojarocati m̄cana yoari mejeti yure tirā wana ya m̄a”, yami manire. ¿No yireoni ñati iti? yicu ḡa. <sup>18</sup> “Yoari mejeti”, manire Ì yija, ¿no yireoni ñarojada? “Iti gaye busiguji, yi masibeja mani”, yi ḡameri busicu ḡa Jesús r̄aca riasotirā.

<sup>19</sup> “Yure seniña ãmoama ãna”, yi t̄oïari seyoqūi Jesús. Ito bajiri ado bajiro yiqui Ì guare:

—Yoari mejeti yure timena wana ya m̄a. Ito bajibojarocati m̄cana noc̄o mejeti yure tirā wana ya m̄a, yibu yu m̄are. Ito bajiro yu yirise, ¿muamasiti ḡameri seniñati m̄a? <sup>20</sup> Riti m̄are gotia yu. Otic̄ori, buto bojori bujarā yirāji m̄a. Adi mac̄aruc̄uro ḡanama wanurā yirāji ña. Bojori bujarā ñabojarāti yoari mejeti m̄cana t̄adi wanurā yirāji m̄a. <sup>21</sup> Ado bajiro baja: S̄iḡo romio macu

rucogo wago iso yija, tuoŋa oca jaigo yigōji, “Yure juniro yiroja”, yiroco. Iso macu rucuja bero junirise gaye tūdi tuoŋabeco yigōji iso. Adi macārucōjore macacā ī rujeajare buto wanu quenagō yigōji iso. <sup>22</sup> Ito bajiroti ma cūni adocāta tuoŋa oca jaia. Mucana mure tigu ejaɣu yiguja yu. Yure ma tija ma ya usiju buto wanarā yirāji ma. Ito bajiro ma wanaja, ŋimujua mure camota masibiquiji.

<sup>23</sup> Iti rumu iti ejaia ŋeja ma yure senimena yirāji ma. Riti mure gotia yu. Yure tuorūncōri, yu wamena yu Jacure ma senija, ma seniro bajiroti īsigū yiguŋi ī. <sup>24</sup> Adi riojua yu wamena senibiticu ma maji. Adi ruma yu wamena senisurō ya ma. Ito bajiri queno ma wanu quenatoni ma boca āmiroca yigu yiguŋi Dios, yiqui Jesús guare.

### *Adi macārucōro ŋeŋaro yirā ŋjure rētocūcu yu, Jesús ī yire gaye*

<sup>25</sup> Gaje guare ado bajiro gotiqui Jesús:

—Iti mure yu gotirise goti masiore ocana gotibu yu. Ija ŋaro yiroja goti masiore ocana meje mure yu busiri rumu. Recoti ma tuoro riojo yu Jacu gaye mure busigu yiguja yu. <sup>26</sup> Iti ruma yu wamena yu Jacure senirā yirāji ma. Ito bajiri mure yiari yu Jacure busi īsire mano yiroja. Mamasiti busirā yirāji ŋa. <sup>27</sup> Mure yiari yu Jacure busi īsibicuja yu ŋa. Yu Jacumasiti mure maicāmi. Yure ma majare yu Jacu mure maicāmi. “Dios yagu wadiru ŋami Jesús”, ma yijare mure maicāmi ī. <sup>28</sup> Yu Jacu tu wadicōri, adi macārucōroju ejaɣu yu. Adi macārucōro gānare wagocōri, yu Jacu tu wacu ya yu mucana, yiqui Jesús gua ī rāca riasotirāre.

<sup>29</sup> Ito ī yija tuocōri, cūdicu gua:

—Goti masiore ocana meje, queno riojo gotia mu adocāta. <sup>30</sup> “Jeyaro masigū ŋa mu”, yi ti masia gua ŋa. “¿Riti gotiati mu?” yi seniare ma ŋa. “Dios tu wadiru ŋa mu”, yi tuorūnma gua mure ŋa, yicu gua Jesure.

<sup>31</sup> Gua ito yijare, ado bajiro cūdiqū Jesús:

—¿Riti adocāta yure tuorūnati ma? <sup>32</sup> Batacōri, yure ma wagoroto ejacoaju. Riti gotia yu. Yure ma wagoroto ejacoaju ŋa. Ito bajibojarocati sigū meje ŋa yu. Yu Jacu yu rācati ŋami. <sup>33</sup> Iti jeyaro mure gotia yu, yure tuorūncōri, ma ya usiju usirote mano ma ŋatoni. Adi macārucōroju ma ŋaja, jeyaro tōbujarā yirāji ma. Oca sēoŋa ma, adi macārucōro gānare ŋeŋaro yi rotigure rētocūcu yu, yiqui Jesús gua ī rāca riasotirāre.

## 17

### *Ī rāca riasotirāre yiari Jesús Diore ī seni īsire gaye*

<sup>1</sup> Ito bajiro ī yija bero macārucōroju ti tuocōri, ado bajiro yiqui Jesús:

—Cūna mu tu yu tūdi ejaroti ejacoaju ŋa. Yu ŋa mu Macu. Masa yure ŋa rūcūboroca yiya. Ito bajiroti yu cūni mure ŋa rūcūboroca yigu yiguja.

<sup>2</sup> Yu ŋa mu Macu. Masare yu roti masitoni yure cūyija mu. Yure mu īsiana ŋa catitūnaroca yu yi masitoni yure cūyija mu. <sup>3</sup> Ado bajiro bajia catitūnare gaye: Mu sigūti riojo oca ŋasarise gotigure masicōri, ito yicōri yu Jesucristo mu cōngare tuorūncōri, catitūnarā yirāji masa. Ito bajiro bajia catitūnare gaye.

<sup>4</sup> 'Adi macārucōro yu ŋaja mure masa ŋa rūcūboroca yicu yu. Yure mu roti ŋucacato bajiroti itire gajanoa yu. <sup>5</sup> Adi macārucōro iti ŋaroto riojuaju mu rāca rūcūboroca ŋacu yu. Cūna, ito bajiroti adocāta mu tiro riojo masa yure ŋa rūcūboroca yiya.

<sup>6</sup> 'Yu rāca riasotirā adi macārucōro gāna wato mu beseana ŋama. Īnare besecōri, yure īsiyija mu. Mure ŋa masiroca yicu yu. Mu ŋarā ŋaŋi ŋa. Īnare

yure İsiyija mu. Mu ocare cãdisotirã ñama İna. <sup>7</sup> No yure mu İsirise, “Dios ye wadire ña”, yi tuo masiama İna. <sup>8</sup> Mu ocare yure mu goticato bajiroti İnare goticu yu. İti ocare tuoçõri, boca ãmicã İna. “Dios tu wadiru ñami ãni”, yi masiama İna, yure İja. “Dios İ cõaru ñami ãni”, yi yure tuoṛãnuama İna İja.

<sup>9</sup> İnare yiari mure busia yu. Adi macãrucãro gãnare yiari meje mure busia yu. Yure mu İsiana, mu ñarã İna ñajare, İnare yiari busia yu. <sup>10</sup> Yu ñarã jeyaro mu ñarãti ñama İna. Ito yicõri mu ñarã yu ñarãti ñama İna. Yu rãca riasotirã mu ñarã ñama. İna queno yirise ticõri, yure rucubuoṛã yirãji masa.

<sup>11</sup> Mu rãca ñagũ wacu ya yu. Ito bajiri adi macãrucãrore wagogu ya yu İja. Yu rãca riasotirãma adi macãrucãroju tujarã yama. Cuna, ñeñarise yilãbicu ña mu. Æna yure mu İsianare mu masirisena İnare tirãnuama. Mani sigũre bajiro tuoİarã ña. Manire bajiroti İna cuni sigũre bajiro İna tuoİatoni İnare tirãnuña. <sup>12</sup> Adi macãrucãroju yure mu İsiana rãca yu ñaroca mu masirisena queno İnare tirãnuacu yu. Sigũ yure godagobe yirocu queno İnare tirãnuacu yu. Ito bajibojarocati sigũ ñaqui yure godagocacu. İ ñaqui jeame ujuoju warocu. Mu oca iti gotiro bajiroti iti rãtatoni yure godagoqui İ.

<sup>13</sup> Adocãta mu tu wacu ya yu. Adi macãrucãroju ñagũ maji adi oca İnare gotia yu. Yu wanaro bajiroti İna cuni wanu quena jeditioni iti oca İnare gotia yu. <sup>14</sup> Mu ocare İnare goticu yu. Adi macãrucãro gãna bajiro meje tuoİa yu. Yu rãca riasotirã cuni adi macãrucãro gãna bajiro tuoİarã meje ñama İna. Ito bajiri adi macãrucãro gãna İnare ti tudiamã. <sup>15</sup> Adi macãrucãrojure İnare mure ãmigo rotibea yu. Ado bajirojuã mure senia yu: “İnare camotaya rãmũ usirioro İnare yibe yirocu”, ya yu mure. <sup>16</sup> Adi macãrucãro gãna bajiro tuoİagũ meje ña yu. Ito bajiri yu rãca riasotirã cuni adi macãrucãro gãna bajiro tuoİarã meje ñama İna. <sup>17</sup> Mu oca ña oca riojo ñasarise. Mu ñarã queno yirã riti İna ñatİñatoni mu oca ñasarisere İna masiroca yiya. <sup>18</sup> Adi macãrucãro gãna wato yure cõayija mu. Yu cuni ito bajiroti adi macãrucãro gãna wato yu rãca riasotirãre cõa yu. <sup>19</sup> İnare yiari, mure riti cãdigu yigũja yu. Ito yicõri mu yagu riti ñagũ yigũja yu. Ito bajiro yu yija ticõri, mu oca riojo ñasarise cãdicõri, mu ñarã riti ñarã yirãji İna cuni, yiquİ Jesũ Diore busigu.

<sup>20</sup> Gaje Diore ado bajiro gotiquİ Jesũs:

–İnare riti yiari meje mure busia yu. İna riasorise tuoçõri, yure tuoṛãnuã yirãji gãjerã. İnare yiari cuni mure busia yu. <sup>21</sup> İna jeyaro sigũre bajiro İna usi cutitioni mure busia yu. Manire bajiroti İna usi cutire ãmoa yu. Cuna yure bajiroti usi cutigu ña mu. Yu cuni mure bajiro usi cutia. Ito bajiro manire bajiro sigũ bajiro riti İna usi cutire ãmoa yu. Ito bajiro İna bajija ticõri, “Riti Dios İ cõaru ñaİi Jesũs”, yirã yirãji adi macãrucãro gãna. <sup>22</sup> Yure masa İna rucubuoṛoca mu yado bajiroti İnare masa rucubuoṛoca yicu yu cuni. Sigũre bajiro usi cutirã İna ñatoni ito bajiro İnare yicu yu. Mani cuni ito bajiroti sigũre bajiro bajia mani. <sup>23</sup> Yu bajiroti usi cutirã ñama İna. Yu cuni mu bajiroti usi cutigu ña yu. Ito bajiri sigũ bajiro riti tuoİa jedirã yirãji İna. Ito bajiro İna bajija ticõri, “Dios İ cõaruİ ñaİi Jesũs”, yi masirã yirãji adi macãrucãro gãna. “İ Macure İ mairo bajiroti İnare cuni maiami Dios”, yi masirã yirãji adi macãrucãro gãna.

<sup>24</sup> Cuna, yu rãca riasotirã yure mu İsiana ñama İna. No yu ñaroju yu rãca İna ñare ãmoa yu. Ito bajicõri, masa İna yure rucubuoṛoca mu yire ti masirã yirãji İna. Ito yicõri, “Adi macãrucãro iti ñaroto riojuaju Jesure maiİi Dios”, İna yi masire ãmoa yu. <sup>25</sup> Cuna ñeñarise macu ña mu. Adi macãrucãro gãna mure

ti masibeama ĩna. Yũama mũre ti masia. Āna yũ rāca riasotirā, “Dios ĩ cõaru ña mũ”, yi masiama ĩna, yũre. <sup>26</sup> Mũre ĩna ti masiroca yicũ yũ. Ito bajicõri, mũre ĩna masitiĩnaroca yigũ yigũja yũ. Ito bajiro yigũ yigũja yũ, yũre mũ mairo bajiro ĩna gãmeri maitoni. Ito yicõri ĩna rāca ñatiĩnagũ yigũja yũ, yiquĩ Jesũs Diore busigũ.

## 18

### *Jesure ĩna ñiare gaye*

(Mt 26.47-56; Mr 14.43-50; Lc 22.47-53)

<sup>1</sup> Ito bajiro Jesũs ĩ busija bero Cedrõn wame cutiri jaribũ sidujajũ wacũ gũa ĩ rāca. Ito wacõri ote wese wijacũ gũa, Jesũs rāca. <sup>2</sup> Coji meje iti ote weseju minijuasotica gũa. Ito bajiri Judas, Jesure oca menirocũ cũni tisoitiqũ ĩti wesere. <sup>3</sup> Ito bajiri iti wesere masicõri, surarare, porecia masare cũni āmi ejaquĩ Judas. Paia ujarā, fariseo gaye tũõiarā cũni ĩna cõana ñaĩni ĩna. Sarera jairina bisu cuticā ĩna. Siabusuoragari, ito yicõri mujura jairi cũni rucocā ĩna. <sup>4</sup> “Ado bajiro yũre rētarõ yiroja”, yigũ ĩnare boca āmigũ waquĩ Jesũs. ĩnare boca āmicõri, ado bajiro ĩnare seniĩaquĩ ĩ:

—¿Ñimũre āmati mua? yiquĩ Jesũs ĩnare.

<sup>5</sup> Ito ĩ yijare:

—Jesũs Nazaret gagure āma gũa, yicā ĩna.

Ĩna ito yija tũocõri:

—Ĩti ña yũ, yi cudiquĩ Jesũs.

Ĩna rāca ñaquĩ Judas, Jesure oca menirũ cũni. <sup>6</sup> “Ĩti ña yũ”, Jesũs ĩ yirocati jũdojuana juja quedicoacā ĩna. <sup>7</sup> Ito yi mũcana tũdi ĩnare seniĩaquĩ Jesũs:

—¿Ñimũre āmasati mua? yiquĩ ĩnare.

Ito ĩ yija tũocõri:

—Jesũs Nazaret gagure āma gũa, yicā ĩna.

<sup>8</sup> ĩna ito yija tũocõri:

—“Ĩti ña yũ”, yicā mũ yũ, mũare. Yũre riti mũa āmajama, yũ rāca gãnama wacoajaro, yiquĩ Jesũs ĩnare.

<sup>9</sup> Ito bajiro yiquĩ Jesũs, iti mũmũju ĩ gotigoado bajiro iti rētatoni. Iti mũmũju ado bajiro gotiquĩ ĩ: “Yũ Jacũ yũre ĩ ĩsicāna sigũjua yũre godabiticā”, yiquĩ Jesũs iti mũmũju. <sup>10</sup> Ito bajiro Jesure ĩna ñia āmoja ticõri, ĩ ya sarera jai āmiquĩ Simõn Pedro. Iti jaina paia ujure moa ĩsiri masũ, Malco wame cutigure ĩ ya gãmoro riojocadujare jataquĩ Pedro. <sup>11</sup> Ito ĩ yijare:

—Mũ ya sarera jaire seoya mũcana. Yũ tũbujaroti Dios ĩ āmoja, camotabucija yũ. “Itire camotagũ yiguĩji”, ¿yire masiati mũ? yiquĩ Jesũs Pedroro.

### *Anás tũ Jesure ĩna āmi ejare gaye*

(Mt 26.57-58; Mr 14.53-54; Lc 22.54)

<sup>12</sup> Ito yija surara ĩna uju rāca, judio masa porecia cũni Jesure ñiacā ĩna. ĩre ñiacõri, ĩ ya āmori siacā ĩna. <sup>13</sup> Ito yicõri Anás ya wijũ āmicoacā ĩna, ĩre ĩja. Caifás maĩnicũ ñayijũ Anás. Iti rodori paia uju ñayijũ Caifás. <sup>14</sup> ĩ Caifás ñayijũ, “Mani ñarocõti godaja quenabetoja. Manire yiari sigũ ĩ goda ĩsija quena”, yi ĩ ñarā judio masare gotigorũ ñayijũ ĩ.

### *Jesure masibea yũ, Pedro ĩ yire gaye*

(Mt 26.69-70; Mr 14.66-68; Lc 22.55-57)

<sup>15</sup> Simõn Pedro, gãji gũa rāca gagũ, Jesure ĩna āmi waja sũya wacā ĩna. Simõn Pedro rāca wacacũ paia ujure baba cutigũ ñasotiyijũ ĩ. Ito bajiri josari mejeti

paia ɯɟu ya wi sabiara cɯnɪ rɛta sājacoayijɯ ɪ. <sup>16</sup> Pedroama sabiara cɯnɪ jɯdojɯa sājabicɯti tujacoayijɯ. Ito bajiri gāji Jesús rāca riasotirɯ paia ɯɟu baba sabiara cɯnɪ coderi maso rāca bɯsigɯ wayijɯ. Ito yicōri Pedrore jisōyijɯ ɪ baba. <sup>17</sup> Ito cɯnɪ coderi maso ado bajiro seniɯayijo Pedrore:

—Jesús rāca riasotigorɯ meje ñati mɯ cɯnɪ? yiyijo iso Pedrore.

Iso ito yijare:

—Meje ña yɯ, yiyijɯ Pedro.

<sup>18</sup> Ito ɯsajare moa ɪsiri masa, porecia masa cɯnɪ jea riocōri, suma ñayijarā ɪna. Pedro cɯnɪ ɪna rāca suma ñayijɯ.

*Paia ɯɟu Jesure ɪ seniɯare gaye*  
(Mt 26.59-66; Mr 14.55-64; Lc 22.66-71)

<sup>19</sup> Jesure ɪna āmi ejaja ticōri, paia ɯɟu Anás wame cɯtigɯ Jesure ado bajiro seniɯasɯoyijɯ:

—¿Noa ñati mɯ rāca riasotiana? Ito yicōri, ¿ñe gaye ɪnare riasocati mɯ? yiyijɯ ɪ Jesure. <sup>20</sup> Ito ɪ yija tɯocōri, ado bajiro cɯdiyijɯ Jesús:

—Masa jeyaro tiro riojo bɯsisotica yɯ. Dɪos ya wijɯ, mani masa judio masa minijuara wijɯ cɯnɪ masare riasoca yɯ. Ito bajiri yɯ goti rudire ma. <sup>21</sup> ¿No yija yɯre itire seniɯati mɯ? Yɯre tɯogonare seniɯate mɯ. Yɯ bɯsigore gaye mɯre gotirā yirāji ɪna. Yɯ bɯsigore masirāji ɪna, yiqɯɪ Jesús paia ɯɟure.

<sup>22</sup> Jesús ito bajiro ɪ yija tɯocōri, sīgɯ porecia masɯ, Jesús ya riojɯ jayijɯ.

—¿Paia ɯɟure, no yija ito bajiro cɯdiati mɯ? yiyijɯ ɪ Jesure.

<sup>23</sup> Ito ɪ yija cɯdiyijɯ Jesús:

—Riojo meje yɯ gotija, “Ado bajiro rɯo gotia mɯ”, yiya yɯre. Yɯ gotirise riojo gotia yɯ. Ito yibojarocati, ¿no yija yɯre jati mɯ? yiyijɯ Jesús ɪre.

<sup>24</sup> Ito ɪ yija bero paia ɯɟu Caifás wame cɯtigɯ tɯ Jesure siarɯreti cōayijɯ Anás maji.

*Jesure masibea yɯ, mɯcana Pedro ɪ yire gaye*  
(Mt 26.71-75; Mr 14.69-72; Lc 22.58-62)

<sup>25</sup> Ito baji ñaroca jea suma ñayijɯ Pedro maji. ɪ rāca jea suma ñarā ado bajiro ɪre seniɯayijarā:

—¿ɪ rāca riasotigorɯ meje ñati mɯ cɯnɪ? yiyijarā ɪna Pedrore.

ɪna ito yijare:

—Meje, ɪ rāca riasotigorɯ meje ña yɯ, yiyijɯ Pedro.

<sup>26</sup> Ito ɪ yija, sīgɯ paia ɯɟu moa ɪsiri masɯ ado bajiro seniɯayijɯ Pedrore:

—Ote wese ɪ rāca mɯ ñaroca, ¿tibiticati yɯ mɯre? yiyijɯ ɪ Pedrore. Pedro gāmoro ɪ jatarɯ oca bɯsigɯ ñayijɯ ɪ.

<sup>27</sup> Ito bajiro ɪ seniɯaja tɯocōri: “Jesure masibea yɯ”, yiyijɯ Pedro mɯcana. Ito bajiro ɪ yirocati, cara yujicoayijɯ ɪja.

*Pilato tɯɟu Jesure ɪna āmi ejare gaye*  
(Mt 27.1-2,11-14; Mr 15.1-5; Lc 23.1-5)

<sup>28</sup> Ito yija bero Caifás ya wina romano masa ɯɟu ya wijɯ Jesure āmi wayijarā ɪre ñiana. Ito ɪna yiroca riti busu mɯja wadicoayijɯ ɪja. ɪna judio masa romano masa ɯɟu ya wijɯ sājabisijarā ɪna. “Gaje masa ya wi mani sājaja pascua basa bare bamenaji mani”, yl tɯoɪarā sājabisijarā ɪna. <sup>29</sup> Ito bajiri Pilato ɪmasiti ɪnare bɯsiroca budi wayijɯ:

—¿Ñe seti cɯtiati āni, mɯa tija? yiyijɯ Pilato judio masare.

<sup>30</sup> Ito ɪ yijare cɯdiyijarā ɪna:

—ɪ seti macɯ ñaja, mɯ tɯ ɪre āmi ejabitiboana gɯa, yiyijarā ɪna Pilatore.

<sup>31</sup> Ìna ito yijare:

—Ìre ãmi wasa mua. Mua masa bucürã rotirena, “Ado bajiro seti cutia mu”, yiba mua ìre, yiyiju Pilato judio masare.

Ito ì yija tuocõri, ado bajiro cadiyijarã ìna:

—Ìre sãa amoboja gua. Ito bajibojarocati gua judio masa bucürã rotirena ìre sãa masibea gua, yiyijarã ìna Pilatore.

<sup>32</sup> “Yucutẽoju yure jaju siarã yirãji masa”, Jesús ì yicãdo bajiroti rõtayiju ito bajiro ìna yija. <sup>33</sup> Mucana ì ya wi tudì sãjacõri, ado bajiro Jesure seniãayiju Pilato:

—¿Judio masa uju ñati mu? yiyiju Pilato Jesure.

<sup>34</sup> Ito ì yijare, ado bajiro cadiyiju Jesús:

—¿Mumasi tuoĩacõri, ito bajiro yi seniãati mu? ¿Gãjerã mure ìna gotijare ito bajiro yure seniãati mu? yiyiju Jesús Pilatore.

<sup>35</sup> Ito ì yijare:

—¿Judio masu ñati yu, mu tija? Mu ñarãti, paia ujarã cuni yu tu ãmi ejama ìna mure. ¿No bajiro yicati mu? yiyiju Pilato Jesure.

<sup>36</sup> Ito ì yija cadiyiju Jesús:

—Adi macãrucũro uju meje ña yu. Adi macãrucũro uju yu ñaja yure sayari masa gãmeri jaboana judio masa yure ñiame yirona. Adi macãrucũro uju meje ña yu. Adi macãrucũroju meje ña yu rotiroto, yiyiju Jesús Pilatore.

<sup>37</sup> Ito ì yijare:

—¿Ito yicõri, uju ñati mu? yiyiju Pilato.

Ito ì yija cadiyiju Jesús:

—Mu yiro bajiroti uju ña yu cuni. Adi macãrucũroju wadicõri, rujeacu yu, riojo oca ñasarise gotirocu. Riojo oca ñasarise cudirã ìna ñama yure tuogũnũã, yiyiju Jesús Pilatore.

<sup>38</sup> Ito ì yija:

—¿Ñe ñati oca riojo ñasarise? yiyiju Pilato Jesure.

*Jesure sãarũja mani, ìna yire gaye*

*(Mt 27.15-31; Mr 15.6-20; Lc 23.13-25)*

Ito bajiro Jesure seniãacõri, ì ya wi budi wacõri, judio masare busigu wayiju Pilato mucana:

—Yu tija ñe seti macu ñami ãni. <sup>39</sup> Co rodo rayabeto pascua basa mua menija sãgũ tubiarure bucõasotia yu mure yari. ¿Mua judio masa ujure yu bucõare ãmoati mua? yiyiju Pilato judio masare.

<sup>40</sup> Ito ì yijare, ado bajiro awasã cadiyijarã ìna:

—Ìre meje bucõañã mu. Barrabásjure bucõañã, yiyijarã ìna Pilatore.

Riniri masu ñayiju Barrabás.

## 19

<sup>1</sup> Ìna ito yija tuocõri, Jesure baje rotiyiju Pilato ìja. <sup>2</sup> Jesús ya rijoga joe jota bedo seara bedo jeoyijarã surara. Ito yicõri ujarã ìna sãñaro bajiro sũaro sãyijarã ìna Jesure. <sup>3</sup> Ito yija bero ì tu busa eja rãgũcõri, ado bajiro yiyijarã ìna:

—Judio masa uju catijaro, yi aja tudiyijarã ìna Jesure.

Ito yicõri rioju ìre jayijarã ìna.

<sup>4</sup> Mucana budi wacõri, judio masare gotigu ejayiju Pilato:

—Tiya mua. Ì seti manijare ìre bucõagũ ya yu, yiyiju Pilato judio masare.

<sup>5</sup> Ito ì yija, jota bedo jesaru, sũaro sãñaru budiyiju Jesús. Ito yija ado bajiro yiyiju Pilato masare:

—Tiya, ãni ñami umugũ, yiyiju Pilato.

<sup>6</sup> Jesús ĩ budija ticōri, ado bajiro awasāsuyijarā paia ujarā, porecia cuni:  
—Yucutēoju ĩre jaju sīaña, ĩre sīaña, yi awasāyijarā ĩna.

Īna ito yija tucōri:

—Mhamasi ĩre āmi wacōri, yucutēoju jaju sīatēña mua. Yu tijama, ñe seti ma ĩre, yiyiju Pilato judio masare.

<sup>7</sup> Ito ĩ yijare ado bajiro cadiyijarā judio masa:

—Gua bucārā masa ĩna rotirena ĩ godaja quena. “Dios Macu ña yu”, ĩ yire waja ĩ godaja quena, yiyijarā ĩna Pilatore.

<sup>8</sup> Ito bajiro ĩna yija tucōri, bato busa güiyiju Pilato. <sup>9</sup> Tudi wi toti Jesure āmi sācōri, ado bajiro seniāyiju Pilato ĩre:

—¿Noju gagu ñati mu? yiyiju Pilato ĩre.

Ito bajiro ĩ yibojarocati ĩre cūdbisiju Jesús.

<sup>10</sup> Mucana tudi ĩre seniāyiju Pilato:

—¿Yure cūdbeati mu? Gājerā mure yucutēoju yu jaju roti āmoja jaju roti masia yu. Mure yu bucōa āmoja, bucōa masia yu. ¿Itire masibeati mu? yiyiju Pilato Jesure.

<sup>11</sup> Ito ĩ yijare:

—Mu rotioca Dios ĩ mure yibeja, yure roti masibitiboa mu. Mu rēto busaro seti cutigu ñami yure ĩna ñiatoni gotirū, yiyiju Jesús Pilatore.

<sup>12</sup> Ito ĩ yija tucōri, “¿No bajiro yicōri Jesure bucōarajati yu?” yi tuoīayiju Pilato. Ito bajiro ĩ tuoīabojarocati judio masa ado bajiro awasāyijarā:

—Īre mu bucōaja mua romano masa uju ñasagu baba meje ñagū yigūja mu. No, “Uju ñagū yigūja yu”, yigu, ĩ ñami masa uju wajacu, yiyijarā ĩna Pilatore.

<sup>13</sup> Īna ito yija tucōri, Jesure āmi rotiyiju Pilato ĩja. Ito yicōri ujarā ĩna rujiriju rujiyiju Pilato ĩja. Itiju Gabata wame cutiyiju hebreo ocana. “Gātana buoraju”, yireoni ñayiju itiju. <sup>14</sup> Pascua basa riojua ūmua gudareco ñayiju iti ruma. Ito yija Pilato ado bajiro yiyiju judio masare:

—Āni ñami mua uju, yiyiju Pilato.

<sup>15</sup> Ito bajiro ĩ yibojarocati bato awasāyijarā ĩna:

—Sīacōruja ĩre. Sīacōruja ĩre. Yucutēoju ĩre jaju sīaña, yiyijarā ĩna Pilatore.

Īna ito yijare:

—¿Mua ujure jaju sīagū yigujada yu? yiyiju Pilato ĩnare.

Ito ĩ yijare, ado bajiro cadiyijarā paia ujarā:

—Romano masa uju riti ñami gua uju. Ñimujua gāji mami, yiyijarā ĩna Pilatore.

<sup>16</sup> Ito bajiro ĩna yija tucōri, yucutēoju Jesure ĩna jaju sīatoni ĩnare ĩsiyiju Pilato. Ito bajiri Jesure āmicoayijarā ĩna ĩja.

*Yucutēoju Jesure ĩna jaju sīare gaye  
(Mt 27.32-44; Mr 15.21-32; Lc 23.26-43)*

<sup>17</sup> Īre ĩna āmi waja, suya wacu gua cuni. Īre āmi wacōri, yucutēo ĩre gaja roticā ĩna. Hebreo ocana Gólgota wame cutiri buroju ĩre āmi wacā ĩna. “Rijoga gōari ñaro”, yireoni ñacu itiju. <sup>18</sup> Itoju āmi ejacōri, Jesure yucutēoju jajucā ĩna. Gājerā jūarā juu duja gāna yucutēoju yosacā ĩna. Īna gudareco ñaquī Jesús. <sup>19</sup> Jesús ĩ wāñariteoju ĩ ya rijoga weca wame wō rotiquī Pilato. Ado bajiro goticū iti: “Jesús Nazaret gagu, judio masa uju”, yi wāñacu iti. <sup>20</sup> Judio masa jājarā ticā iti ucarere. Jesure yucutēoju ĩna jajucati cuto tuti ñacu. Ī ya rijoga weca wame wāñarise griego oca, hebreo oca, latín oca cuni ñacu iti. <sup>21</sup> Ito bajiri judio masa paia ujarā ado bajiro yicā Pilatore:

—“Judio masa ujū ñami”, yi ucabesa. “Judio masa ujū ña yu”, yibojaru, yi ucaja quena, yicā ña Pilatore.

<sup>22</sup> Ito bajiro ña yibojarocati ado bajiro cadiquī Pilato:

—Yu ucare ito bajiroti tujaro ya, yiquī Pilato ñare.

<sup>23</sup> Surara yucateoju Jesure jaju tiorā ī ya yutabujurire āmicā ña. Itire āmicōri, juararori batocā ña. Ito yicōri ñacōti gāji coro, gāji coro āmicā ña. Jesús ī sãñado joegadoama jioya mano ñacu. Riojoti sua mūja, gajanoado ñacu.

<sup>24</sup> Ito bajiri ado bajiro yicā surara:

—Itore ñigāmena mani. Ñimūja itore ī bñajaja tiana yirona, gūtana rea ajecā ña.

Ito bajiro ña yija Dios oca tuti iti gotiado bajiroti rētaču. Ado bajiro gotia ī oca: “Yu ya yutabujurire batocā ña. Ñimūja adore ī bñajaja tiana yirona, gūta ajerā yirāji”, yi gotia Dios oca. Ito bajiroti yicā surara.

<sup>25</sup> Jesús ī yucateoju wãñaro roca adocō jãjarã ñacu gūa. Ī jaco, Cleofas manajo María, María Magdalena, ito yicōri yu cuni ñacu ña rãca. <sup>26</sup> Jesús ī jacore, ito yicōri yu ī maigūre ticōri, ado bajiro yiquī Jesús ī jacore:

—Cana ī ñagā yiguīji mū macu, yiquī Jesús ī jacore.

<sup>27</sup> Ito yicōri yujare ado bajiro yiquī:

—Iso ñagō yigōji mū jaco, yiquī Jesús yure.

Ito ī yija bero isore boca āmicōri, yu ya wiju isore codeču yu ĩja.

### *Jesús ĩ usi jedire gaye*

(Mt 27.45-56; Mr 15.33-41; Lc 23.44-49)

<sup>28</sup> Ito ĩ yija bero, “Dios ī āmoro bajiroti yure rēta jedicoaju ĩja”, yi tũoiaquī Jesús. Dios oca tuti iti gotiro bajiroti iti rētatoni:

—Idi āmoa yu, yiquī Jesús.

<sup>29</sup> Ito ñacu uyé ide jiaradu. Ide udi āmirisena itire udi āmicā ña surara. Ito yicōri hisopo wame catiricu ruju gaja siacā ña itire. Ito yicōri Jesús ya rise tu ñutucā ña. <sup>30</sup> Uyé ide jiare weroñacōri, ado bajiro yiquī Jesús:

—Dios ī goticādo bajiroti rēta jedicoaju ĩja. Itocō ña, yiquī Jesús.

Ito yija ĩ ya rijoga queo yocōri, usi jedicoaquī Jesús ĩja.

### *Jesús ya warubū surara ĩ sare cudare gaye*

<sup>31</sup> Iti rāmū pasqua basa riojua ñacu. Busuri gūa judio masa ya tujacāra rāmū ñaro yicu. Ito bajiri yucateoju godana ya ruju wãñare āmobicā ña tujacāri rāmū ñajare. Tujacāra rāmū guijori rāmū ñacu gūa judio masare. Ito bajiri Pilatore ado bajiro senicā ña: “Yucateoju wãñarare sagaro gōare jajea rotiya. Ito yicōri ña ya rujari rujio rotiya”, yicā ña Pilatore. <sup>32</sup> Pilato ĩ rotija tuocōri, ĩ ya surara wacōri, yucateoju wãñarare ña ya sagaro gōarire jajeacā ña. Jesús tu jãarā yucateoju wãñarare ña ya gōarire jajeacā ña. <sup>33</sup> Jesús tujū eja rügūcōri, “Usi jedicoañi āni”, yi ti masicā ña. Ito bajiri ĩ ya sagaro gōare jajeabiticā ña.

<sup>34</sup> Ito bajibojarocati Jesús ya warubū sare cudaquī sigū surara masu. Ito ĩ yirocātī rī ide wusarise budicu. <sup>35</sup> Yu itire gotigū, itire tigorū ña yu. “Riti gotia yu itire”, ya yu. Mūa cuni itire tuorūnūtoni, riojo itire gotia yu. <sup>36</sup> Iti jeyaro rētaču Dios oca tuti iti goticato bajiroti. Tũote. Ado bajiro gotia Dios oca: “Īre co gōa jajeamena yirāji ña”, yi gotia Dios oca. <sup>37</sup> Gajeju Dios oca iti gotija ado bajiro gotia: “Sare cuda ecorare tirā yirāji masa”, yi gotia Dios oca.

### *Jesure ña yujere gaye*

(Mt 27.57-61; Mr 15.42-47; Lc 23.50-56)



38 Ito bajija bero José Arimatea gagu Jesús ya rujure āmiroca Pilatore seniyyu ī. Jesús ocare tuo sayagoru ñayiju ī, ito bajibojaguti gājerāre goti batobisiju ī, judio masare güigu. “Āmiña”, Pilato ī yija tuocōri, Jesús ya rujure rujiogu wayiju José. 39 Nicodemo ñamiju Jesús rāca busigu ejagoru cani ejayiju. Treinta kilos rācarisecō queno suti quenarise āmi ejayiju ī. Mirra wame cutirise, āloes wame cutirise wāore ñayiju iti sutirise. 40 Ito bajiri José, Nicodemo rāca Jesús ya ruju āmicōri saya botirona sutirise tucōri, ĩre gūmayijarā ĩna. Judio masa, masa yujerā ĩna yisotirise ñayiju iti. 41 Jesure yucutēoju ĩna jaju sīaraju ote wese tu ñayiju. Iti weseju masari cuma mama goje ñayiju. Gājerāre yujeñaña mani goje ñayiju iti goje. 42 Jabeto ruayayiju tujacāra ramu iti busuroto. Ito bajiri iti gojeju Jesús ya rujure sāyijarā ĩna, sōju meje iti goje ñajare.

## 20

### *Jesús ĩ tūdi catire gaye*

(Mt 28.1-10; Mr 16.1-8; Lc 24.1-12)

1 Gua masa ya moashora ruma busuri jiju rāitīa busaroca wayijo María Magdalena. Jesús ya masari cuma tu ejacōri, iso tija gūta biaraga mañiju. 2 Ito iti bajija ticōri, ũmaquedi wacōri, gua tu ejacō iso. Simón Pedro, ito yicōri yu Juan Jesús ĩ buto maicana ñacu gua. Gua tu ejacōri, ado bajiro yicō iso:

—Mani ũju ya rujure āmicoañi ĩna. “Itoju ī ya rujure cūana ĩna”, yi masibea yu, yicō iso guare.

3 Iso ito yija tuocōri, yu Pedro rāca masari cumaju tirā wacu gua. 4 Gua jūarā cocati ũmaquedi wacu. Pedro rēto busaro ũmaquedicu yu. Ito bajiri yujua cajero masari cuma ejashocu. 5 Muqueacōri, ito tisōcu yu. ĩre ĩna gūmagore riti ticu yu. Itoju sājabiticu yu maji. 6 Yu bero ejaquī Simón Pedro. ĩama masari cumaju sājacoaqui ĩja. ĩ cani Jesure ĩna gūmagore riti tiquī. 7 Jesús ya rijoga gūmado gajeroju iti jesaja tiquī. Dureare rujajucu gajeroju iti jesaja tiquī. 8 Ito yija yu cajero ejacacu cani sājacoacu. Iti rētare ticōri, “Tūdi caticoañi Jesús”, yi tuoiacu yu ĩja. 9 Ito riojua, “Godabojaguti tūdi catigu yiguñi Jesús”, Dios oca iti yire gaye tuo masibiticu gua maji. 10 Ito yija bero gua ya wiju tūdi wacu gua.

### *María Magdalenare Jesús ĩ goafore gaye*

(Mr 16.9-11)

11 María Magdalenama masari cuma tu otu tujacō. Otigoti masari cumaju tisōyijo iso. 12 Ito iso tisōja jūarā āngel mesa botirise sāñarā rujiyijarā. Sīgū Jesús ya rijoga ñagoadojua rujiyiju. Gāji ī ya gabori ñagoadojua rujiyiju. 13 Ito yija ado bajiro seniñayijarā ĩna María Magdalenare:

—¿No yija otiami mu? yiyijarā āngel mesa isore.

ĩna ito yija:

—Yu ũju ya rujure āmicoañi ĩna. “Itoju ī ya rujure cūana ĩna”, yi masibea yu, yiyijo iso āngel mesare.

14 Ito bajiro yigoti, Jesure juda ti bajayijo iso. Ito bajibojarocati, “Jesuti ñami āni”, yi masibisijo iso. 15 Ito yija ado bajiro seniñayiju ĩua isore:

—¿No yija otiami romio mu? ¿Ñimare āmati mu? yiyiju Jesús isore.

“Adi wese coderi masu ñaguñi”, yire masiyijo iso. Ito bajiri ado bajiro ĩre yiyijo iso:

—ĩ ya rujure mu cūja, “Ito cūmu yu”, yija yare. Āmigō waroco ya yu, yiyijo ĩre.

16 Iso ito bajiro yija tʉocõri, ado bajiro yiyijũ Jesús isore:

—María, yiyijũ Jesús isore.

Ito i yija tʉocõri, ado bajiro yiyijo iso hebreo ocana:

—Rabuni, yiyijo iso. “Yare riasogu”, yireoni ñayiju iti.

17 Ito yija ado bajiro cudiyijũ Jesús:

—Yure moaĩabesa maji. Yũ Jacu tũ mujabea yũ maji. Wasa yũ ñarãre ado bajiro gotitẽña: “Dios sigũti ñami mani Jacu. Ito yicõri i sigũti ñami mani Uju. I ñaroju wacu wagu ya yũ”, yi gotitẽña, yimi Jesús yure, yi rotiyijũ Jesús María Magdalenare.

18 Ito yija guare gotigo ejacõ iso. “Mani Ujũre tibũ yũ”, yicõ iso. Ito yicõri Jesús i gotiado bajiro guare goticõ iso.

### *Ĩrãca riasotigoanare Jesús i goaĩore gaye*

(Mt 28.16-20; Mr 16.14-18; Lc 24.36-49)

19 Gũa masa ya moasũora gumũ ñacu iti rumũ. Iti ñami gũa Jesús rãca riasotigoana wijũ minijua ñacu. Gũa ñarã judio masare guĩrã soje biacõri, ñacu gũa. Ñajasaroti gũa wato goa rũgũquĩ Jesús.

—Ñati mũa, ñe oca mano queno ñaña mũa, yiquĩ Jesús guare.

20 Ito i yija bero i ya ãmori, ito yicõri i ya warubũ ñoquĩ guare. Gũa i rãca riasotigoana gũa Ujũre ticõri, bũto wanũcu gũa. 21 Mũcana tũdi ado bajiro gotiquĩ Jesús guare:

—Ñe oca manoti queno ñaña mũa. Yũ Jacu yũre i cõado bajiroti yũ cuni mũare cõa yũ Ija, yiquĩ Jesús guare.

22 Ito yija guare juti jeocõri, ado bajiro yiquĩ i:

—Mũa ya usiju Espiritu Santo i quedĩ sãjaroca ya yũ. 23 ĩre boca ãmicõri, gãjerã ña ñeñaro yirise mũa ãcabojaja, ñnare seti mano yiroja. Ña ñeñaro yirise mũa ãcabojabeja, seti cutirãti ñarã yirãji ñaõna, yiquĩ Jesús guare.

### *Tũdi Jesús i catija bero Tomás i tire gaye*

24 Ito bajiro guare Jesús i goaĩoroca Tomás gũa rãca gagũ maniquĩ. I ñaqui “Sũrũaru”, gũa yicacu. 25 Tomásre ti bũjacõri:

—Mani Ujũre tibũ gũa, yibojacu gũa ĩre.

Ito bajiro gũa yibojarocati Tomás ado bajiro yiquĩ:

—I ya ãmo ña ja cudarajũ yũ tibeja, ito yicõri ĩre ña ja cudarajũ yũ ya ãmo wãsoana yũ ñusõĩabeja, ito yicõri i ya warubũ ĩre ña sare cudadoju yũ ya ãmona yũ moaĩabeja, “Iti ñami”, yi masibicũja yũ, yiquĩ Tomás guare.

26 Udia ãmojeno gumũri bero mũcana tũdi minijuacu gũa. Iti rumũ gũa minijuacati rumũ Tomás cuni ñaqui Ija. Soje biado ñabojarocati gũa wato goa rũgũquĩ Jesús.

—Ñati mũa, ñe oca mano queno ñaña mũa, yiquĩ Jesús guare.

27 Ito yicõri Tomásre ado bajiro yiquĩ i:

—Yũ ya ãmore ticõri, mũ ya ãmo wãsoana yure ñusõĩaña. Mũ ya ãmona yũ ya warubũ susuro yure moaĩaña. “I meje ñagũji”, yibeja Ija. “Iti ñami”, yi masiña mũ Ija, yiquĩ Jesús ĩre.

28 Ito i yijare:

—Yũ Uju, Dioti ña mũ, yiquĩ Tomás Jesure.

29 Ito i yijare Jesús cudiqũ:

—Tomás yure ticõri, yure tũorũna mũ. Gãjerãma yure tibitibojarãti yure ña tũorũnja, queno wanũ quenarã yirãji ña, yiquĩ Jesús Tomásre.

*Cristore tuorānūña mña cuni, yirocu adi uca yu, San Juan ī gotire gaye*

<sup>30</sup> Gaje jaje tiyamani ūoquī Jesús gña ī rāca riasotirā tiro riojo. Iti űarocōti űa jedibea adi papera tutijū. <sup>31</sup> Adi yu ucarise, “Jesuti űaűi Cristo, ito yicōri Dios Macu űaűi”, yī mña tuorānūtoni uca yu. Īre tuorānūcōri, catiűűare mña bujatonī itire uca yu.

## 21

*űa āmojeno ī rāca riasotigoanare Jesús ī goaĳore gaye*

<sup>1</sup> Ito bajija bero mñcana tūdi goaĳoquī Jesús, guare ī rāca riasotigoanare. Tiberias wame cutirita tunimaju guare goaĳoquī Jesús. Ado bajiro bajicu ī goaĳoja. <sup>2</sup> Adocō jājarā űacu gña minijuacana, Simón Pedro, Tomás “Sārūaru”, gña yigu, Natanael Galilea sita Caná wame cutiri cuto gagu, gña Zebedeo rīa, ito yicōri gājerā jūarā Jesús rāca riasotigoana űacu gña. <sup>3</sup> Gña ito baji űaroca ado bajiro yiquī Simón Pedro:

—Wai jogu wacu ya yu, yiquī Pedro.

Ito ī yijare:

—Gña cuni mñ rāca wajū, yicu gña.

Ito yicōri wacu ĳja. Cumaju sājacōri, űamiasaro wai jobojacu gña. <sup>4</sup> Iti busu mña wadiroca itajura tunima guare goaĳoquī Jesús. Ito bajibojarocati, “Īti űaguĳi”, yī masibiticu gña. <sup>5</sup> Ado bajiro guare yī ruyūquī ĳ:

—ĳWai sĳabeati mña? yiquī Jesús guare.

Ito ī yijare:

—Sĳabea, joboja gña, yicu gña ĳre.

<sup>6</sup> Gña ito yijare:

—Cuma riojocadūjare yorigu cōa roaya mña. Ito bajiro mña yija wai sĳarā yirāji mña, yiquī Jesús guare.

Ī roticato bajiroti yicu gña. Wai jājarā ĳna űajare, yorigure mosā masibiticu gña, wai jājarā ĳna űajare. <sup>7</sup> Ito baji űaroca, yu Jesús ī maigū ado bajiro yicu yu Pedre:

—Mani űjuti űami ĳ, yicu yu Pedre.

“Mani űjū űami”, yu yija tuocōri, wasoro yosagu űari joegado sāűaquī ĳ. Ito yicōri itajuraju quedi roacoaquī ĳ. Ito yicōri Jesús tūju bati waquī. <sup>8</sup> Cien metrocō tunima sōjuā jayacu gña. Ito warāti jaju tunima ejacu gña. Wai yorigu rāca weja jājā ejacu gña. <sup>9</sup> Cuma majacōri, jeame weca wai jūoana ti ejacu gña. Ito yicōri naju cuni itī űaja ti ejacu gña. <sup>10</sup> Gña ejaja ticōri, ado bajiro yiquī Jesús, guare:

—Wai jane mña sĳana űdiarācō āmi waya, yiquī Jesús guare.

<sup>11</sup> Ito ī yija tuocōri, cumaju mña sājaquī Simón Pedro, ito yicōri wai curā yoriguju űarā jajaju waire weja mocūquī ĳ. Ciento cincuenta y tres űarā űacā wai jeyaro. Jājarā ĳna űabojarocati cudubiticu yorigu. <sup>12</sup> Ito yija Jesús ado bajiro yiquī guare:

—Ba yujirā waya maji, yiquī Jesús guare.

“ĳűimu űati mñ?” yī seniĳabiticu gña, “Mani űjuti űami”, yī masicōri. <sup>13</sup> Ito yicōri gña tūju eja rūgūcōri, naju guare batoquī ĳ. Waire cuni ito bajiroti yiquī.

<sup>14</sup> Itina űdijaji goaĳoquī Jesús guare, godacōri tūdi ĳ catija bero.

*Simón Pedro rāca Jesús ī busire gaye*

<sup>15</sup> Gña ba yuji tōja bero ado bajiro seniĳaquī Jesús Simón Pedre:

—ĳMñ rāca gāna rētoro yure maiati Simón, Jonás macu mñ? yiquī Jesús Simón Pedre.

Ito ï yijare:

—Mure maia yu Uju yu. “Yure maiami”, yi masia mu, yiqui Pedro Jesure.

Ito ï yijare:

—Oveja rare ina ecasotiado bajiro yure yiari yu narare riaso isima mu, yiqui Jesus ire.

<sup>16</sup> Mucana tadi juaji seniiaqui Jesus Simon Pedrose:

—¿Yure maiati Simon, Jonás macu mu? yiqui Jesus Pedrose.

—Mure maia yu Uju yu. “Yure maiami”, yi masia mu yiqui Pedro Jesure.

Ito ï yijare:

—Ovejare ina codeado bajiro yure yiari yu narare code isima mu, yiqui Jesus Pedrose.

<sup>17</sup> Ito yija mucana tadi udiayi seniia quenoqui Jesus ire:

—¿Yure maiati Simon, Jonás macu mu? yiqui Jesus Pedrose.

Udiayiju, “¿Yure maiati mu?” Jesus ï yija tuocori, bojori bujaqui Pedro. Ito bajiro ado bajiro yiqui ï Jesure:

—Jeyaro masigu na, yu Uju mu. Yu mure mairise masia mu, yiqui Pedro Jesure.

Ito ï yijare:

—Ovejare ina ecasotiado bajiro yure yiari yu narare riaso isima mu. <sup>18</sup> Riti mure gotia yu. Iti rumaju mamu mu naja yutabuju sanacori, mu amoro bajiroti wa ucusotiyija mu maji. Mu bucagu naja mu ya amo siacori, mu wa amobetoju mure ami wara yiraji ina, yiqui Jesus Pedrose.

<sup>19</sup> “Ito bajiro mu godaja ticori, Diore rucabuora yiraji masa”, yirocu ito bajiro gotiqui Jesus Pedrose. Ito ï yija bero:

—Wayu yu raca. Yu oca tuo suyagu wayu, yiqui Jesus ire.

### *Yu Juan ï raca riasotigore Jesus ï buto maire gaye*

<sup>20</sup> Juda ticori, inare yu sayaja tiqui Pedro. Yu na Jesus raca riasotigoru buto ï maicacu. Yu na Jesus raca basusacati rumu ï tu rujicacu. Yu na Jesure seniiacacu, “¿Nimu nati mure ina niatoni gotiri masu?” yi seniiacacu na yu.

<sup>21</sup> Yure ticori, ado bajiro Jesure seniiaqui Pedro:

—Yu Uju, zaniamu no bajiro godagu yiguji? yiqui Pedro Jesure.

<sup>22</sup> Ito ï yija ado bajiro cadiqui Jesus:

—Mucana tadi yu ejarijuju ï catire yu amoja, catigu yiguji maji. Iti mu masibeja, no yibea mure. Muma yure sayaba, yiqui Jesus Pedrose.

<sup>23</sup> Ito ï yija tuocori: “Juan godabicu yiguji”, yire masica ina. Jesuama, “Godabicu yiguji”, yibitiqui. Ado bajiroju yiqui: “Yu tadi ejarijuju ï catire yu amoja, catigu yiguji maji. Iti mu masibeja, no yibea mure”, yigu yiqui Jesus. Iti oca queno tuo masibiticori, “Godabicu yiguji Juan”, yire oca batobojañi ina.

<sup>24</sup> Yu na Juan, Jesus raca riasotigoru. Yuti na adi paperare ucaru. “Riojo gotiami”, yi masia mu yure.

<sup>25</sup> Gaje jaje na Jesus ï yigore. Jeyaro Jesus ï yigore mani uca jeobojaja cuni, adi macarucurore daja retacoabodoja papera tutiri. Itocõ na.

## Los Hechos de los apóstoles

### *Espíritu Santo mware queo sāgū yiguŕji Dios, Jesús ĩ yire gaye*

<sup>1</sup> Yū baba Teófilo, ŕati mū. Iti rāmujū mure papera yū cōasucati Jesús ĩ yigore, ito yicōri ĩ riasore gaye mure papera cōacu yū. <sup>2</sup> Ņajediro ĩ yigore mure gotigū macārucūro ĩ mūja warajūna ucāsasacu yū. Ūmacūju ĩ mūjaroto riojūa ĩ oca goti ucuronare beseyijū Jesús. Apóstoles wame cutiyijarā ĩna. Espiritu Santore tūocōri, “Adi ŕa mūa moaroti”, yiyijū Jesús ĩnare. <sup>3</sup> Jesús ĩ godaja bero mūcana tūdi caticōri ĩ oca goti ucutoni ĩ cūanare goaŕoyijū Jesús. Jūarā masacō rāmuri goa ŕayijū Jesús, coji meje. ĩ tūdi catire gaye queno ĩna masisatoni biyaro goaŕoyijū Jesús, ĩ cūanare. ĩnare goaŕocōri, “No ĩre tūorānūrāreti ĩ rotiroju miojugū yiguŕji Dios”, yire oca riasoyijū Jesús ĩnare.

<sup>4</sup> ĩna rāca ŕagūju, ado bajiro gotiyijū Jesús ĩnare maji:

—Ado Jerusalénre wagobeja mūa. Mani Jacū Dios ĩ gotiado bajiroti Espiritu Santo ĩ ejarotire bocatiya mūa, yiyijū Jesús ĩnare. Ito yicōri, coji meje mware goticu yū itire, yiyijū Jesús ĩnare. <sup>5</sup> Iti rāmujū ŕeñaro mūa yirise jidicāja bero mware idé guŕi Juan. Ito bajiri nocō mejeti Espiritu Santo queo sāgū yiguŕji Dios mware, yiyijū Jesús ĩ cūanare.

### *Macārucūroju Jesús ĩ mūja ware gaye*

<sup>6</sup> Jesús rāca minijuacōri ado bajiro seniŕayijarā ĩna ĩre:

—Jane mejeju romano masa gua ya sita ēmacōri guare moa rotiyōni ĩna. ¿Adocāta ĩnare bucōagū yigujada mū? Ito yicōri, ¿ado gua rotigoraju mūcana guare judacōa rotigu yigujada mū? yiyijarā ĩna Jesure.

<sup>7</sup> ĩna ito yija tūocōri, ado bajiro cūdiyijū Jesús ĩnare:

—No yicōri masire ma mware. Mani Jacū Dios, ĩ masirisena ĩ yirotire, ĩ sīgūti masiami itire. Masibea mūa. Di rāmū, di rodo, di ūmūa, yī masibea mūa. Dios sīgūti masiami ĩ yirotire. <sup>8</sup> Adijūa ŕa mūa masiriseoni. Espiritu Santo ĩ wadiroca, oca sēorise ejaro yiroja mware. Ito yicōri gājerā cūtorijū wacōri, ĩnare yure busirā yirāji mūa. Jerusalénju, Judea sitaju cūni, Samaria sitaju cūni, macārucūro ŕarocōjūti, yure busirā yirāji mūa, yiyijū Jesús apóstol mesare.

<sup>9</sup> Iti ĩnare goti tūocōri, ĩre ĩna tibojaroca riti ūmacūju mūja wasoyijū Jesús. Ito bero ide bueri ite ejarocati, ruyubiticoayijū Jesús ĩja. Ito bajiri tūdi tibisijarā ĩna Jesure. <sup>10</sup> ĩ mūjagoraju macārucūroju ti mūo ŕayijarā ĩna. Ito bajiro ĩna ti mūo ŕaroca ŕajasaroti Dios ŕaro gāna jūarā āngel mesa goa rūgūyijarā ĩna tū. Yutabuju būto yorise sānarā ŕayijarā ĩna. <sup>11</sup> Ado bajiro gotiyijarā ĩna:

—Mūa Galilea gāna, macārucūroju ti mūo rūgōbesa. Āni Jesuti, macārucūroju mūja wacu, mūcana ĩ mūja waja, mūa tiado bajiroti mūcana tūdi ejagu yiguŕji ĩja, yiyijarā āngel mesa Jesús ĩ cūanare.

### *Judas ŕajacure wasoaronu Matíasre ĩna besere gaye*

<sup>12</sup> Olivos wame cutiri tūriaju ŕayijarā Jesús ĩ cūana. Ito bero Jerusalénju tūdicoyijarā ĩna ĩja. Sōju meje ŕayijū ite cuto. Coji cōrecō ŕayijū ite cuto. <sup>13</sup> Cūtoju ejacōri ĩna ŕari wijū mūja wacōri, co sānimū weca sājayijarā ĩna. ĩna ŕayijarā ado bajiro wame cutirā: Pedro, Juan, Santiago, Andrés, Felipe, Tomás, Bartolomé, Mateo, ito yicōri Alfeo macū Santiago. Ito bero gājerā

ñayijarã Simón celote gaye tuoĩagorũ, ito yicõri Santiago macũ Judas. Itocõ ñayijarã ñna. <sup>14</sup> Sīgũre bajiro usi cõtĩcõri minijuasotiyijarã ñna Diore busirona. Jesús ocabajirã, ito yicõri Jesús jaco María, gãjerã romia cãni cojuti minijucõri Diore busiyijarã ñna.

<sup>15</sup> Iti rumũriti Jesure masirã minijuyijarã. Co ãmojeno masa ñayijarã ñna. Ñna wato wũmũ rũgũcõri, ado bajiro gotiyijũ Pedro ñnare:

<sup>16</sup> —Твоѡа уѡ ñarã mũa. Jane mejeju mani ñicũ David ñayorũ, Espĩritu Santo ĩ rotija ucayofũ, Judas ĩ ñarotire. “Jesure ñna ñiatoni gotigũ yigũji Judas wame cõtigũ”, yĩ tuoĩa yugũ ito bajiro ucañi David ñayorũ. Iti ĩ ucayore bajiroiti rõtacu. Ado bajiro rujeayijũ Dios ĩ busire. Тѡote mũa, yiyijũ Pedro ñnare.

<sup>17</sup> Judas cãni mani rãca cocati Jesús rãca riasotiquĩ. Ito yicõri mani rãca moaquĩ. <sup>18</sup> Mani rãca moacacũ ñabojaguti Jesure ñna ñiatoni oca meniñi ĩ. Ito bajiro ñeñaro ĩ yija bero yucagũ ũmacũju mũja wacõri ĩ ya ãmũmajũ jũgũbo siayijũ. Ito bajiro yicõri bubu quedi yojayijũ. Ito bajicõri godacoayijũ ĩja. Ito bero ũmacũju wada yojacõri ĩ ya jeraga joto watoju ĩ ya gũdamisi budi yojayijũ. ĩ ñajacũ ñeñaro yire wajana suori ĩ ñajacũ ya niyeru ãmicõri coju sita waja yiyijarã gãjerã. <sup>19</sup> Jerusalén gãna itire tuobũjacõri, “Acéldama”, wame yiyijarã iti sitare. Ñna ocanama, “Sĩare waja ñna waja yira sita ña”, yireoni ñayijũ. <sup>20</sup> Jane mejeju David ñayorũ ado bajiro ucañi:

Wagoado ñaro yiroja ĩ ya wi. Masa ñamenaji ĩ ya wire. Ito yicõri gãji moa wasoagũ yigũji ĩ ya moare, yĩ ucañi David ñayorũ, yiyijũ Pedro ñnare.

<sup>21-22</sup> Ito bajiri Judasre wasoato mani. “Jesús ĩ godaja bero mũcana tũdi catiami”, yĩ masigũre mani beseja quena. Ito yicõri Juan Jesure ĩ idé guroca tirũ, ito yicõri Jesús ĩ mũajaja tigorũre mani beseja quena. Gãjire beserũja manire, mani rãca ñacacũre. Ito yicõri Jesús ĩ wa ucuroca wa ucũrũre beserũjarãji mani. Ito bajigare ãmarũjarãji mani, yiyijũ Pedro ñnare.

<sup>23</sup> Pedro ĩ busija bero, ito ñarã jũarã ãmũare beseyijarã ñna. “José Justo Barsabás wame cõtigũ quenami”, yiyijarã ñna. “Matías ĩ cãni quenami”, yiyijarã ñna. <sup>24</sup> Ito bajiro yicõri, Diore ado bajiro seniyijarã ñna:

—Dios gũa ũju, mũ masia masa jeyaro ñna tuoĩarise gaye. Ito bajiri guare ioña mũ beserũre. <sup>25</sup> Judasre wasoarocũ ito yicõri gũa rãca riasotirocũre ioña guare. Judas guare wagoquĩ ñeñaro yĩ ãmogũ. Ito bajiri adocãta ñeñaro yirise waja, waja yiadoju ñaguji ĩ, yiyijarã ñna Diore senirã.

<sup>26</sup> Ito yija José Justo wame gũtagãju uca wõyijarã ñna, ito yicõri Matías wame gajegãju. Itigari gũtagãri queocõri, “Tito maji, ñĩmũ ñati Dios ĩ beserũ”, yiyijarã ñna. Gũtagã ito quediya ticõri, “Matías ñami Dios ĩ beserũ”, yĩ masiyijarã ñna. Ito bajiro bajicõri ñna rãca ñasũoyijũ Matías coga gũbojeno ñarã tu. Jũa gũbojeno ñarocũ ñayijũ ĩ.

## 2

### *Espĩritu Santo ĩ quedi sãjare gaye*

<sup>1</sup> Pentecostés ñari rumũ ejaroca Diore masirã ñarocõti cojuti minijua ñayijarã. <sup>2</sup> Ñajasaroti oca seoro ruyuyijũ ũmacũju. Buto mino iti wẽaro bajiro bajiyijũ. Ñna ñari wiju sãjacõri buto busiyijũ iti. <sup>3</sup> Ito yicõri jea ũju mũjarise bajirise goayijũ. Ito yicõri sīgũ rayabeto quedi jeayijũ iti. <sup>4</sup> Ito yija, Diore riti tuorũnũjaro ñna yirocũ, Espĩritu Santo quedi sãjayijũ ñnare. Itijunati ricati riti ñna masibiti oca ñabojareti busisũoyijarã ñna, Espĩritu Santo ĩ rotiro bajiroiti.

<sup>5</sup> Iti rumuriti Jerusalénju judio masa gaje cutori gāna wadiana ñayijarā ĩna. Diore rūcuburona wadiana ñayijarā ĩna. <sup>6</sup> ĩna busirise iti ruyuja tucōri, minijuayijarā masa. Sigū ruyabeto ĩnarioti ĩna oca tucuyijarā ĩna. Ito bajiri, no yi masia mañiju ĩnare. <sup>7</sup> Ito bajicōri mano ucayijarā ĩna. Ito yicōri ado bajiro ĩnamasiti gāmeri busiyijarā ĩna:

—¿Galilea sita gāna meje ñati, mua tija? <sup>8</sup> Jeyaro ricati ĩna busija, ¿no yija mua oca, yu oca cuni jeyaro oca ĩna busija tucoti mani? Gaje cutori gāna ña mani. <sup>9</sup> Jeyaro gāna ña mani. Tite mua. Ado ñama Partia gāna, Media gāna, Elam gāna, Mesopotamia gāna, Judea gāna, Capadocia gāna, Ponto gāna, Asia gāna, <sup>10</sup> Frigia gāna, Panfilia gāna, Egipto gāna, ito yicōri Cirene cuto sōjua Africa gāna, ito yicōri adiju gāna Roma gāna. Adiju rujeanati ñama judio masa coriarā. Gājerāma judio masa ĩna tucōiare gayere boca āmigoana ñama ĩna. <sup>11</sup> Ito yicōri Creta gāna, ito yicōri Arabia gāna, adocō jājarā ña mani. ¿No yija mani jeyaro gāna ñabojarāti, Dios ĩ queno yirise ĩna busija tucoti mani? yiyijarā ĩna.

<sup>12</sup> Mano ĩna ruju ucaya, no yi masia mañiju ĩnare. ĩnamasiti gāmeri seniñayijarā:

—¿No yireoni ñati adi? yiyijarā ĩna.

<sup>13</sup> Coriarā ado bajiro busiyijarā:

—Mecurā yama, yi aja tudiyijarā ĩna, Espiritu Santo sājagoanare.

### *Masare Pedro ĩ gotire gaye*

<sup>14</sup> ĩna aja tudija tucōri, ĩ baba mesa apóstol mesa rāca wamu rūgūyiju Pedro. ĩna ito yija ticōri, oca sēoro busiyiju Pedro, minijua ñarā jeyaro ĩna tucotoni:

—Queno tucoya yu ñarā mua, yu busirise. Adiju Jerusalén gāna mua, queno tucoya mua cuni. <sup>15</sup> “Mecurā ya mua”, yibojarāji mua guare. Mecurā meje ya gua. Busuri ĩju ña maji. Mecuraju meje ña maji. <sup>16</sup> Ado robojua baja. Guare mua tirise, “Ito bajiro rētaro yiroja”, yiyiju Dios oca goti ĩsiri masu, Joel wame cutigu. Jane mejeju ado bajiro ucayoñi Joel, Diore yiari:

<sup>17</sup> Susari rumuri Espiritu Santo masa jājarāre queo sāgū yigūja yu. Yu yerioti busirā yirāji mua rīa masa. Yu ye gaye tireti goaro yiroja mamarāre cuni. Bucurāreama cāiriju ĩnare busicūja yu.

<sup>18</sup> Susari rumuri Espiritu Santo sācūja yu, yare ejabuari masare. Ito bajiri yu yerio busirā yirāji ĩna.

<sup>19</sup> Ūmacūju macārucūroju tiyamani mware ĩogū yigūja yu. Mua ñari tuti, adi sita cuni, tiyamani ĩogū yigūja yu. Rī ñaro yiroja, ito yicōri jea ājūrise, ito yicōri bueri bue dajaro yiroja.

<sup>20</sup> Ūmacañi cuni yaticoagu yiguñi. Ūmacañi ñami gagu cuni, rī robo bajiro sūagū yiguñi. Iti jeyaro baji jediroca, Jesús ñeñaro yiri masare waja seniri rumu ejaro yiroja. Ñasari rumu ñaro yiroja Jesús ĩ ito bajiro ĩ ĩori rumu. Gujori rumu ñaro yiroja.

<sup>21</sup> “Yu ĩju, ñeñaro yigu ña yu. Yu ñeñaro yirisere ācabojoya mu”, yare yirāreama jeame ājūroju ĩna wabore ñaroca ĩnare masogū yigūja yu, yiyiju Dios, Joelre gotigu, yiyiju Pedro masare.

<sup>22</sup> Ito yija mucana tūdi busi remoyiju ĩ:

—Tucoya yu ñarā ado yu gotiroti. Nazaret gagu Jesús ĩ masiro robo yicōri mware ĩoñi. “Dios ĩ rotiro bajiroti yiñi Jesús”, yi masiarāji mua itire tigoana ñari. <sup>23</sup> Ito bajibojarocati, Jesure ñiacōri, masa quenamenare ĩsiyija mua yucutēoju ĩna jajutoni. Iti mua yiroto riojūaju masi yucāru Dios. Ito bajibojarocati mware camotabitiru Dios. Jesure sīatoni gājerāre mua ĩsire waja mwareti seti ña. <sup>24</sup> Dioama Jesús ĩ godaja bero mucana tūdi ĩ catiroca yicōñi.

Ito bajiri godagoana ɛju Satanás, Jesure ñiacũ masibisiju. Ito bajiri mɛcana tɛdi caticoañi ĩ. <sup>25</sup> Jane mejeju mani ñicu David ñayoru Jesús ĩ Jacure ĩ busigore ucañi. Tite mɛa. Ado bajiro busiyiju Jesús Diore:

Cɛna yɛ rãcati ña mɛ. Ito bajiri ñeju gũire ma yure.

<sup>26</sup> Yɛ tɛoñaja queno sosa yure. Ito bajiri bɛto wanɛcõri mare busia yɛ. Ito bajiri yɛ ya ruju godaja bɛjatobiti yibicɛja yɛ.

<sup>27</sup> Cɛna yɛ masia godarã watoju yure wagobicɛja mɛ. Mɛ Macɛ ña yɛ. Mɛre rɛcɛbuoɔa yɛ. Ito bajiri yɛ ya ruju jogaroca yibicɛja mɛ.

<sup>28</sup> Ito bajiri mɛcana tɛdi yɛ catiroca yigɛ yigɛja mɛ. Bɛto wanɛ quenagã yigɛja yɛ, mɛ rãca yɛ ñaja mɛcana, yiyiju Jesús Diore, yi ucañi David ñayoru, yiyiju Pedro masare.

<sup>29</sup> Ito yicõri gaje ña. Tɛoya yɛ ñarã mɛa. Mani ñicu David ñayoru ĩ cõja adoti yuje ecoñi. “Ado ña ĩre yujeado”, ya mani. Ito bajiri ĩ tɛoñarise gaye meje busiyoru ĩ. <sup>30</sup> David catigɛju, ija bajirotire goti yuri masɛ ñayoyiju. “Ija yɛ janerãbatia Dios ĩ cõaru sīgũ ñagũ yiguñi. Yɛ robo ɛju ñagũ yiguñi ĩ”, yi tɛoñayiju David, Dios ĩ gotija tɛocõri. Tite mɛa. <sup>31</sup> Ado bajiro ucañi David: “Cristo mɛcana tɛdi catigɛ yiguñi. Ito yicõri ĩ ya ruju godana watoju jogabeto yiroja”, yĩ David. Ito ĩ yirisere, ija bajirotire gotigɛ yĩni ĩ, yiyiju Pedro.

<sup>32</sup> Mɛcana tɛdi busi remoyiju Pedro:

—Jesús ĩ godaja bero, mɛcana tɛdi ticɛ gɛa. Ito bajiri, “Īre tɛdi catioñi Dios”, ya gɛa. <sup>33</sup> Dios ũmacɛjuna ñacõri Jesure jiyiju. Dios tɛ ejacõri ĩ ya riojocadɛja, rɛcɛbuoraju, rujuju Jesús. Dios ĩ goticãdo bajiroti Jesure cũni, Espiritu Santore gɛare ĩ queo sãtoni. Jijɛ mɛa ĩrise, ito yicõri mɛa tɛorise, Espiritu Santo ĩ ejaja ito bajiro rɛtamɛ. Ititi ña ĩ wadire gaye. <sup>34</sup> David ñayoru ĩmasire rɛtaroti meje ucayoñi ĩ. Jesús ĩ majado bajirogoroama, ĩ ya ruju rãca ñarocõti ũmacɛju mujabituyoyiju David. Ito bajiri ado bajiro ucayoñi David: Mani ɛju Cristore ado bajiro yĩni Dios: “Yɛ tɛ riojocadɛja rujiya, rɛcɛbuoraju.

<sup>35</sup> Mɛ wajana queno mare ĩna cãdiroca yigɛ yigɛja yɛ”, yiyiju Dios mani ɛjure. Ito bajiro ucayoñi David, yiyiju Pedro.

<sup>36</sup> Yɛ ñarã, ito bajiri ĩja, “Riti ña”, yi masitoni mɛare busia yɛ. Cristore, yucɛtɛoju mɛa sɛarɛreti, mani ɛju ñarocure, manire masorocure cũni Dios. Īti ñami mɛcana, yiyiju Pedro masare.

<sup>37</sup> Ito bajiro ĩ yija tɛocõri, bɛto tɛoña usi bata bɛjatobisijarã ĩna. Ito bajiri Pedro mesare senĩayijarã ĩna:

—¿No yirujati gɛa ĩja? yiyijarã ĩna.

<sup>38</sup> ĩna ito yija tɛocõri, Pedro ado bajiro cãdiyiju ĩnare:

—Ñeñaro mɛa yirise jidicãña, mɛa ñeñaro yirisere Dios ĩ ãcabojotoni. Ito yicõri, “Jesucristore masirã ñama”, gãjerã ĩna yi masitoni, idé gu rotiya mɛa. Ito yija Espiritu Santo queo sãgũ yiguñi Dios mɛare. <sup>39</sup> Dios, Espiritu Santo sã ãmoguñi mɛare, ito yicõri mɛa rĩare, mɛa janerãbatiare, ito yicõri sõju gãnare cũni. Ī beserã ñajedirore Espiritu Santo sã ãmoguñi Dios, yiyiju Pedro.

<sup>40</sup> Iti riti busigɛ meje yiyiju Pedro. Ito yicõri masare riaso busiyiju ĩ. Gaje ado bajiro ĩnare riaso busiyiju Pedro:

—Masa ñeñarã rãca wɛsabesa mɛa. Camotadiya mɛa, ĩna rãca jeame ɛjuoroju mɛa wabe yirona, yiyiju Pedro.

<sup>41</sup> Ito bajiro Pedro ĩ gotija tɛo wanɛcõri, ɛdiaji mil masa ñarã Jesure boca ãmijarã. Ito yicõri yoari mejeti idé gu rotiyijarã ĩna. <sup>42</sup> Ito bajiro yicõri apóstol mesa rãca ĩna riasorise tɛorona ĩna tɛ minijuasotiyijarã. ĩna riasorisere tɛo ñiacõri itire tɛorũju jidicãbisijarã ĩna. Ito bajiri sīgũ bajiro riti usi catiyijarã ĩna



ĭja. Ito bajiro tŭoĭacŏri ĩna rŭcorisere maimenati bojoro bujaräre ĩsiyijarä ĩna. Coji rŭyabeto minijuacŏri Diore busiyijarä ĩna. Ito yicŏri, “Iti ña Jesús ya ruju robo bajirise”, yi tŭoĭacŏri naju bato bayijarä ĩna. Manire yiari Jesús ĩ goda ĩsire tŭoĭarä ĩ rotiro bajiro najure bato bayijarä.

### *Cajero Jesure tŭorŭnŭsŭoana ĩna ñare gaye*

<sup>43</sup> Apŏstol mesa jaje tiyamani ĩoyijarä, Dios ĩna rāca ĩ ñajare. Itire ticŏri mano ŭcayijarä masa ito gāna. <sup>44-45</sup> Sĭgŭ rŭyabeto Jesure masirāma sĭgŭ bajiro riti ŭsi cŭtiyijarä ĩna. Gājerä bojoro bujaja ticŏri, ĩna ya gajeoni ĩsicŏri waja āmiyijarä ĩna, bojoro bujaräre niyeru ĩsirona. <sup>46-47</sup> Co rŭmŭ rŭyabeto, sĭgŭ bajiro riti tŭoĭarä ñari, Dios ya wijŭ minijuasotiyijarä ĩna Diore busirona. “Ñasagŭ ña Dios mŭ”, yi busiyijarä ĩna, Diore rŭcŭbuorä. Ito yi tŭdi wacŏri ĩna ya wirijŭ naju bato bayijarä ĩna. Buto wanŭ quenayijarä ĩna, ĩna baba mesa rāca bare bato barona. “Gājerä rĕtoro tŭoĭa mäsirä ña mani”, yi tŭoĭabisijarä ĩna. Queno ĩna yirise ti masicŏri, “Queno yirä ñama”, yiyijarä cŭto gāna. Co rŭmŭ rŭyabeto iti cŭto gāna coriarä Jesure boca āmiyijarä. Jesure boca āmicŏri Jesure masirä tŭ minijuayijarä ĩna. Ito bajiri jājarä busa Jesure masirä bujŭ wayijarä ĩna.

## 3

### *Rudurŭre yisioŕe gaye*

<sup>1</sup> Co rŭmŭ rŭyabeto tres ñaroca riti Diore busisotiyijarä ĩna. Ito bajiri itocŏ tujaroca Dios ya wijŭ mŭja wayijarä ĩna, Pedro, Juan rāca juarä, Diore busirona. <sup>2</sup> Soje tŭ sĭgŭ masŭ rujiyijŭ. Cajerojŭti wa masibicŭ rujearŭ ñayijŭ ĩ. Ito bajiri wa masibisijŭ ĩ. Co rŭmŭ rŭyabeto ĩ baba mesa ĩre āmi wasotiyijarä. Ito yicŏri soje tŭ ĩre jidi rojosotiyijarä ĩna. Iti soje ado bajiro wame cŭtiyijŭ. Seyori soje ñayijŭ iti soje. Iti soje tŭ rujicŏri ito ejaräre, “Yŭre ti maiñame, jabeto niyeru yŭre ĩsiña mŭa”, yi rujiyijŭ ĩ. <sup>3</sup> Pedro mesare säjarä wana yiroca: —Yŭre jabeto ti maiñame mŭa, yiyijŭ rudurŭ.

<sup>4</sup> Ito ĩ yija tŭocŏri, queno tisayijarä ĩna ĩre. Ado bajiro yiyijŭ Pedro ĩre:

—Adojŭa tiya mŭ, yiyijŭ ĩre.

<sup>5</sup> “Yŭre jabeto ĩsirä yiräji”, yirocŭ queno tŭoĭabojayijŭ ĩ. <sup>6</sup> Ito yija Pedro ado bajiro yiyijŭ ĩre:

—Niyeru ma yŭre, manirea. Gaje ñasarisejŭa mŭre ejabuacŭja yŭ. Jesucristo Nazaret gagŭre tŭorŭnŭcŏri, “Wŭmŭña mŭ, wasa”, ya yŭ mŭre yiyijŭ Pedro rudurŭre.

<sup>7</sup> Ito bajiro yicŏri ĩ ya riojocadŭja ñiacŏri tŭa wŭmŭo rŭgŏyijŭ Pedro. Ito ĩ yirocati, ĩ ya ñicŭri sĕocoayijŭ ĩre, rudurŭ ñabojarure. <sup>8</sup> Ito bajiri bubu quedi rŭgŭcŏri, wasŭoyijŭ ĩ. Pedro mesa rāca säja wayijŭ rudurŭ ĩja, Dios ya wijŭre. “Dios queno yami yŭre. Yŭ ñarise cŭtirise yŭre yisioami ĩ”, yi wanŭ quena wayijŭ ĩ. <sup>9</sup> Iti wijŭ Dios ya wijŭ ñarä ĩ waja tiyijarä ĩna. “Queno yami Dios yŭre”, ĩ yi busija tŭoyijarä ĩna. <sup>10</sup> Ito bajiri ĩre ti masicŏri ŭcayijarä ĩna. “Soje tŭ rujigŭ, rudurŭ, niyeru seni rujigŭ, ĩmeje ñati ĩ?” yiyijarä ĩna ŭcare rāca.

### *Pŏrtico de Salomŏn wame cŭtirijŭ masare Pedro ĩ gotire gaye*

<sup>11</sup> Rudurŭ ñabojarŭ, Pedro mesa watoje ñayijŭ ĩ. ĩnare jidicābisijŭ ĩ. Dios ya wi tŭ, Pŏrtico de Salomŏn wame cŭtirijŭ rŭgŏyijarä ĩna Pedro mesa. Iti ito bajiro rĕtaja ti ŭcacŏri, masa jājarä ŭma minijuayijarä ĩna. <sup>12</sup> Masa ĩna minijuaja ticŏri, ado bajiro busiyijŭ Pedro ĩnare:

—ĩNo yija ti ŭcati, yŭ ñarä mŭa? Sŏco busa tiya guare. Āni rudurŭre guamasiti yisioyijŭ. Guŭ masiro robo yija meje, Diore queno guŭ cŭdija meje wami āni rudurŭ. <sup>13</sup> Ado robojŭa bajia. Jesús ŭmacŭja gagŭ ĩre yisioñi. Mani

ñicusabatia Abraham, Isaac, ito yicōri Jacob cuni Diore riti rūcubuooyjarā ĩna. Dios ĩna rūcubuoogũ mucana ĩti ñami ĩja. Godarure tũdi catiocōri, masa ĩna rūcubuoeroti gayere jidicāyiju Dios ĩ Macũ Jesure. ĩ Jesureti ñiacōri ĩsiyija mũa, ñari masa ujarāre, ĩre ĩna sĩatoni. Uju Pilato, Jesure ĩ bucōa āmobojarocati, mũaũa bucōare āmobisija. <sup>14</sup> Pilatore, Jesũs quenagāre bucōa rotiado ōno yirā, sĩari masare bucōa rotiyija mũa Pilatore. <sup>15</sup> Ito yirā riti masare catire gaye ĩsigāre sĩa rotiyija mũa. Ito bajibojarocati, Dioama godarure tũdi catiocōni. ĩre ticōri, “Mũcana tũdi catiami”, yi masia gũa, yiyiju Pedro.

<sup>16</sup> Ito yicōri mucana ado bajiro bũsi remoyiju Pedro:

– Āni ruduru ñabojacacure ti masia mũa. “Jesũs yure yisio masiami”, ĩ yi tuoĩajare, yoari mejeti ĩ ya ñicuri seōcoayiju ĩre. Ñaro bajiroti ĩre yisioñi Jesũs. ĩtire ti masia mani, yiyiju Pedro.

<sup>17</sup> Masia yũ ñarā yũ ĩja. Mani ujarā rāca Jesure sĩa rotiyija mũa. “Buto ñeñaro ya gũa”, yi tuoĩa masibitobojarāti ito bajiro yiyijari yũ ñarā, ya yũ muare. <sup>18</sup> Jesure mũa sĩacatiju, “Ito bajiro yiroja”, Dios ĩ yire ñaro bajiroti bajicu ĩti. Dios ĩ oca gotiri masa ĩre yiari ado bajiro gotiyijarā jane mejeju: “Cristo quenabeto tōbujacōri, godagũ yiguĩji”, yiyijarā Dios oca gotiri masa. <sup>19</sup> Ito bajiri ĩti oca tuoicōri ñeñaro mũa yirisere jidicāña mũa. Ito yicōri Dios ĩ ĩsi catiro bajiro tuoĩaña mũa, ñeñaro mũa yirise ĩ ācabojotoni. Ito yija Dios mũa ya usiju usirioya mani muare jidicāguĩji. <sup>20</sup> Ito yija mucana tũdi cōagũ yiguĩji Dios, Cristore. Jane mejeju besecāni Dios, Cristore mani Uju ñarocure. <sup>21</sup> Adocāta ũmacāju ñaguĩji Cristo. Co rãmũ adi macārũcārore mucana quenogũ yiguĩji Dios, ĩ goticādo bajiroti. Dios ĩ queno tĩori rãmũ bocatigu yiguĩji Jesucristo. Adi ña Dios oca goti ĩsiri masa, Diore rūcubuoorā ĩna ucare. <sup>22</sup> Sigũ Dios oca goti ĩsiri masũ, Moisés wame catigu, ado bajiro gotiyoiñi mani ñicusabatiare: “Dios mani Uju yure ĩ cōado bajiroti, gāji ĩ oca gotirocũ cōagũ yiguĩji. Dios ĩ cōarocu mani comasiti ñagũ yiguĩji. <sup>23</sup> Jeyaro ĩ yirise yiro bajiroti cudiba mũa. Yiro robo cudimare, mani Israel gānare gajeroju āmicōa ruyuriocōgũ yiguĩji”, yiyiju Moisés ñayoru. Adi ña mani ñicusabatiare, ĩ gotire, yiyiju Pedro masare.

<sup>24</sup> Mũcana tũdi bũsi remoyiju Pedro:

– Samuel bero gāna cuni Dios oca goti ĩsiri masa, adi rãmũri bajiroti gayere, ñaro bajiroti gotiyoyijarā ĩna cuni. <sup>25</sup> Jane mejeju, mani ñicusabatiajuare Dios ĩ goticāre gotiyijarā ĩna Dios oca gotiri masa. Dios mani ñicusabatiajuare, ĩ goticāre ñajare quenarise ejaro yiroja manire. Ado bajiro mani ñicu Abraham ñayoruare goticāyiju Dios: “Queno masa jeyaro wanũ quenare gaye ejaro yiroja, mũ rĩa janerābatiana suoriti ĩ rujeajare”, yiyiju Dios mani ñicu ñayoruare gotigu. <sup>26</sup> ĩ Macure tũdi catiocōri, cajero mani rāca ñarocure ĩre cōañi Dios, mani queno wanũ quenatoni. Ito yicōri mani ñeñaro yirisere jidicātoni, ĩ Macure cōañi Dios, yiyiju Pedro masare gotigu.

## 4

### *Ujarā ñasarā riojo Pedro mesa ĩna bũsire gaye*

<sup>1</sup> Pedro, Juan rāca jũarā masare ĩna riaso ñaroca paia ejayijarā, saduceo gaye tuoĩarā, ito yicōri Dios ya wi coderi masa uju cuni. <sup>2</sup> Pedro ito bajiro masare ĩ riasoja tuoicōri, buto junisini ejayijarā ĩna. Ado bajiro riasoyiju Pedro ĩnare: “Jesũs ĩ godaja bero mucana tũdi catiñi. Ito bajiri mani cuni tũdi catirā yirāji, yi tuoĩa mani”, yiyijarā Pedro mesa masare. <sup>3-4</sup> Coriarā jājarā Jesũs oca tuo āmisācōri Jesure boca āmiyijarā ĩna. Ito bajirā riti jājarā ũmũa co dujamocō mil masacō ñarā, buju wayijarā ĩna, Jesure masirā. Ito bajiri paia, saduceo

gaye tuoŕarã, Dios ya wi coderi masa uju cuni buto junisiniyijarã iti tuocõri. Ito bajiri Pedro mesare ãmi wacõri tubiayijarã Ìna, ñamicaju iti ñajare.

<sup>5</sup> Busuri itijũ, Jerusalenti, mucana minijuayijarã judio masa ujarã, gãjerã bucarã, ito yicõri bucarã rotirise riasori masa cuni minijuayijarã Ìna. <sup>6</sup> Paia uju Anás wame cutigũ cuni ito ñayiju. Ito yicõri Caifás, Juan, Alejandro, gãjerã paia ujarã ñajediro minijua ñayijarã itoju. <sup>7</sup> Ito bero Pedro mesa tubiara wiju ñarãre, ãmi wadi rotiyiju Anás. Pedro mesa Ì tu Ìna ejaroca, ado bajiro seniayiju Anás:

—¿Ñimũ muare masare riaso roticati? Ito yicõri, ¿ñimũ Ì rotija rudurũre yisocati mũa? yiyiju Anás Pedro mesare.

<sup>8</sup> Ì seniãaja tuocõri, ado bajiro cudiyiju Pedro, Espiritu Santo Ì masirisena:

<sup>9</sup> —Tuoya mũa. Rudurũre gũa queno yire, ito yicõri Ìre gũa yisioire, ¿itire guare tuo tudiatu mũa? yiyiju Pedro, masa ujarãre ito yicõri bucarãre cuni. <sup>10</sup> Mũa queno masitoni, ito yicõri Israel sita gãna ñarocõti Ìna masitoni, muare ñasarise gotia yũ. Ìni rudurũ ñabojaru mũa riojo rãgõgũre yisioñi Jesús Nazaret gagu. Jesús, yucutẽoju mũa sãarati, Dios tũdi catiorati, Ìti rudurũre yisioñi. <sup>11</sup> Jane mejeju David ñayoru ado bajiro ucayoñi: “Mũa wi meniri masa gãtagãre cõabojayija mũa. Ito bajibojarocati mũa cõaraga ñasarica ñaroja gãtagã”, yu ucañi David ñayoru, Jesure tuoia yugu. Ado bajiro baja yireoni ña adi. Mũa judio masa ujarã, Jesure ãmomena yirãji. Ito bajibojarocati ñasagu ñagã yiguñi Ì. <sup>12</sup> Jesucristo sãgãti ñami adi macãrucãroju masare masorocũ Dios Ì cõaru. Jesús sãgãti manire maso masiguñi. Ñimũja gãji Ì robo bajigu maquñi, yiyiju Pedro ujarãre.

<sup>13</sup> Pedro, Juan rãca Ìna oca sẽoro busija tuocõri, buto tuoia oca jaiyijarã ujarã. “Buto papera riasotibitiana ñabojarãti queno busiama Ìna. Jesús rãca ñagoanati ñari seyoama ãna. Ito bajiri Ìre bajiroti riasoama”, yu tuoŕayijarã ujarã. <sup>14</sup> Rudurũ ñabojaru, Pedro mesa rãca Ì ñajare, “Rudurũre yisibisija mũa”, yu masibisijarã ujarã Ìnare. <sup>15</sup> Ito bajiri macũju budi wa rotiyijarã ujarã, Pedro mesare. Ito yicõri Ìnamasiti gãmeri busi ñayijarã Ìna Ìja:

<sup>16</sup> —¿No yiana mania Pedore, Juanre cuni? Jerusalén gãna ñarocõti masiama rudurũre Ìna yisioire. Ito bajiri, “Burãti yama Ìna”, yu masia ma. <sup>17</sup> Ado bajiro Ìnare gotiraja mani: “Jesús gaye tũdi mũa busi remoja, quenabeto tõbujarã wana ya mũa. Ito bajiro mani Ìnare gotija, gãjerãre Jesús oca gotimena yirãji Ìna”, yu tuoŕayijarã Ìna.

<sup>18</sup> Ito yija mucana tũdi jisõyijarã Ìna Pedro mesare. Ìna sãja ejaroca, “Masare riasobesa mũa, ito yicõri Jesús gayere busi uyabesa mũa”, yibojayijarã ujarã Pedro mesare. <sup>19</sup> Ito bajiro ujarã Ìna busija tuocõri, ado bajiro cudiyijarã Pedro mesa:

—Muare gũa cudijama, Diore cudimena robo bajiro baja gũa. Diore cudiado õno yirã, ¿muare cudirũjati gũa? yiyijarã Ìna. Dios Ì tiro riojo, ¿no bajiro quenaroja, yire masiati mũa? Diore cudirã yirãji, ya gũa muare. <sup>20</sup> Jesure gũa tuogore, gũa tigore cuni, itire busi jidicãdo ma gũa, yiyijarã Pedro mesa.

<sup>21</sup> Itire tuocõri:

—Tũdi busi uyabesa Jesús gayere. Jesús gayere mũa riasoja, quenabeto tõbujarã yirãji mũa, yiyijarã ujarã mucana.

Rudurũ ñabojaru Ì waja ticõri, Diore rãcãbuoyijarã masa. “Quenoguti yigu ñami Dios”, yiyijarã masa. Ito Ìna yija masicõri, masare buto güiyijarã ujarã. Ito bajiri Pedro mesare quenabeto tõbujaroca yibisijarã Ìna. Ito bajiri riojoti

bucōacōyijarā ujarā Pedro mesare. <sup>22</sup> Ruduru ñabojaru, ñna yisioru, jüarā masacō rēto busaro rodori tujagu ñayiju ĩ.

*Gua oca sēoroca yija, yi Diore ñna senire gaye*

<sup>23</sup> Budi warājuama ñna baba mesa taju wacoayijarā Pedro mesa. Ñna baba mesa tu ejacōri jeyaro ujarā ñna busigore gotiyijarā ñna. <sup>24</sup> Itire tuocōri sīgü bajiro riti usi cutirā ñari Diore busiyijarā ñna:

—Dios gua Jacu, mu sīgüti ña buto masigü. Macārucārore meniyija mu, sita cuni, ito yicōri riari. Macārucāro gaye jeyaro meniyija mu. Ito yicōri adi macārucāro jeyaro ñarotire rujeoyija mu. <sup>25</sup> Jane mejeju, Espiritu Santore cōayija mu gua ñicu David ñayoru, mu oca ĩ busitoni. Ado bajiro ucayoñi David, mure queno moa ĩsigü ñari:

¿No yija Cristore junisiniati judio masa meje ñarā cuni? ¿No yija judio masa rocati ñasarise meje tuoñati?

<sup>26</sup> Adi macārucāro gāna ujarā minijuacōri ña yucāma, mure ñeñaro yirona, ito yicōri Cristore cuni ñeñaro yirona, yi ucañi David ñayoru.

<sup>27</sup> Riti yiñi David. ĩ gotiado bajiroti bajicu gua ya cuto. Uju Herodes, ito yicōri Poncio Pilato, judio masa meje cuni, ito yicōri Israel sita gāna cuni cojuti minijua ñañi ñna. Mu Macu, ñeñarise yibicure ñeñaro yirona minijuañi ñna, masare masotoni mu cōarure. <sup>28</sup> Mu Macure sñañi ñna. Jane mejeju, ado bajiro rētoro yiroja, yiyija mu, mu masirisena. <sup>29</sup> Dios gua Jacu, guare tuoja. “Quenabeto tōbujarā yirāji mu”, guare ñna yirise ācabojabesa mu. Guare ejabuaya mu. Ñaro bajiroti mure cudi āmoa gua. Ñe guijobeto, Jesús oca quenarise gua busitoni guare ejabuaya mu. <sup>30</sup> Mu masirisena masa cōrāre masoña mu. Ito yicōri tiyamani cuni yija mu, “Jesuna sutoriti bajia adi”, masa ñna yitoni, yiyijarā ñna Diore busirā.

<sup>31</sup> Diore ñna busi tioroca, ñna minijua ñariju sita ueyiju. Sita ueriju tototi, Espiritu Santo quedi sājayiju ñnare. Espiritu Santore queno cudicōri, ñe güire mejeti Dios oca masare gotisuoayijarā ñna.

*“Yu sīgü ye ña gajeoni”, yimena ñari gājerāre batore gaye*

<sup>32</sup> Jesure masirā sīgü bajiro riti tuoña ñayijarā ñna. Ñna rucorise, “Yu sīgü ye ña”, yibisijarā ñna. Ñna baba mesare sīgü ruyabeto batoyijarā ñna. <sup>33-35</sup> Sita rucorā, ito yicōri wiri rucorā, gājerāre ĩsiyijarā ñna. Iti ĩsicōri niyeru bujayijarā ñna. Niyeru bujacōri apóstol mesare ĩsiyijarā ñna, bojoro bujarāre ñna ĩsitoni. Ito bajiri ñna rāca gāna sīgüju bojoro bujarā mañijarā ĩja. Jesús oca quenarise riaso jidicābisijarā apóstol mesa. “Jesús ĩ godaja bero, mucana tuđi caticōri, ñami mucana”, yi queno sēo quenaro gotiyijarā ñna masare. Ito bajiroca Jesure masirā ñarocōreti queno ñna wanu quenatonı, ñnare ejabuayiju Dios. <sup>36</sup> Jesure masirā wato ñayiju sīgü levita masu. José wame cutigu ñayiju ĩ. Chipre wame cutiri yogaju rujearu ñayiju ĩ. Apóstol mesa, Josére gaje wame woyijarā, Bernabé. Griego ocama, “Wanu quenare gaye riasogu”, yireoni ñayiju iti wame. <sup>37</sup> Josére sita ñayiju. Itire gājire ĩsiyiju ĩ. Iti waja niyeru bujacōri apóstol mesare ĩsiyiju, bojoro bujarāre ñna batotoni. Queno yigu ñayiju José.

## 5

*Ananías ĩ manoyo Safira rāca ñna ñeñaro yire gaye*

<sup>1</sup> Gājijumama, Ananías wame cutigu ĩ manoyo Safira rāca, queno yirā meje ñayijarā ñna. Ananías ĩ manoyo rāca ñna ya weseca gājerāre ĩsiyijarā. Ito yicōri niyeru bujayijarā ñna. <sup>2</sup> Ananías ĩ manoyo rāca coro bajiro tuoñayijarā ñna. Ito

bajiri niyeru jabeto yeyoyijarā ĩna. Ito yicōri apóstol mesare ĩsigū wayijū ruyarise. ĩnare ĩsi wacu, “Adi riti bujabu yu”, yiyijū Ananías ĩnare. <sup>3</sup> Ito ĩ yija tuocōri, ado bajiro busiyijū Pedro ĩre:

—Ananías, ¿no yija rúmúa ujure cūdiati mu? Mu ya usijū rúmúa ujū sājāñi mure. “Adi riti bujabu yu”, mu yija, Espiritu Santore ruo āmogū ya mu. <sup>4</sup> Weseca mu ya weseti ñabojadoja, mu ĩsi āmoja, mu ĩsi āmobeja cūni. Mu āmoro bajiro yirubajoyija mure. Weseca waja mu bujarise cūni mu yeti ñabojadoja. Mu ĩsirotocōti, “Adocōti ĩsicuja yu”, yirubajoyijija mure. ¿No yija ñeñaro tuoiacōri ruori mu? Mu ruobojaja cūni, guare riti meje ruogu ya mu. Diore cūni ruogu ya mu, yiyijū Pedro Ananíasre.

<sup>5</sup> Ito bajiro ĩ yiroca cojisiti cō quedicoyijū Ananías. Ito bajija tuocōri, ito gāna ruje güyijarā. <sup>6</sup> Ito yija coriarā mamarā Ananías ya rujure gümacōri ĩre yujerā wayijarā ĩna.

<sup>7</sup> Ito bero uđiaji cōrecō ejayijo Ananías ñabojaru manojō. “Ito bajiroja”, yibisijo iso.

<sup>8</sup> —¿Adi ñarocōti ñati weseca waja, mua bujare? yiyijū Pedro isore.

—Ñarocōti ña, yi ruoyija iso.

<sup>9</sup> Ito iso yija tuocōri, ado bajiro yiyijū Pedro isore:

—¿No yija mu manujū rāca sīgure bajiro usi caticōri, Espiritu Santore ruo āmori mua? Macūju tujama mu manujure yujerā ejana. Mucana mure āmi warā yirāji, mure yujerona, yiyijū Pedro isore.

<sup>10</sup> Ito ĩ yirijuti, cojisiti cō quedicoyijō iso cūni. Sāja wacōri cōrore ti bujayijarā mamarā. Ito bajiri isore āmi budi wacōri manujū ñabojaru tuja yuyeyijarā ĩna mucana. <sup>11</sup> Jesure masirā ñarocōti, ito yicōri masa jeyaro, “Ito bajijijū”, yija tuocōri, buto güyijarā ĩna.

### *Jaje tiyamani ĩna ĩore gaye*

<sup>12</sup> Iti rāmuri Jesure masirā sīgū ruyabeto sīgū bajiro riti usi caticōri, Dios ya wi tu, Pórtico de Salomón wame cutirijū minijuasotiyijarā ĩna. Jerusalén gāna ĩna tiro riojo Dios ĩ masiro bajiro ĩ ejabuarisena jaje tiyamani ĩoyijarā apóstol mesa. <sup>13</sup> Jesure masirāre queno rucubuyoyijarā Jerusalén gāna. Ito bajibojarocati Jesure masirā tu ware güyijarā ĩna. <sup>14</sup> Coriarā buto güyijarā, ito bajibojarocati jājarā Jesús oca tuo āmisāyijarā. Romia cūni, ūmua cūni Jesús oca tuo āmisāyijarā ĩna. Ito bajiri jājarā busa buju wayijarā Jesure masirā. <sup>15</sup> Tiyamani Pedro ĩ ĩogore tuocōri, cōrāre ma tu ĩna cani jesari cumuro rācati cūyijarā masa. Pedro ĩ rētaja tiana yirona, bocatijijarā cōrā. Manire moaĭajaro yirona, bocatijijarā ĩna ĩre. Manire ĩ moaĭabeja cūni, ĩ rāmúgoti mani joe rētajaro yirona, bocatijijarā. Tūdi cati āmorā ĩre bocatijijarā ĩna. <sup>16</sup> Jājarā masa, Jerusalén tu gāna wija wayijarā Jerusalénju cōrāre āmi warā. ĩna ya usijū rúmúa sāñarāre cūni āmi wayijarā. Cōbojana ñajediro tuja jedicoayijarā ĩna. Ito yicōri rúmúa sāñabojana cūni rúmúa budicoayijarā ĩja.

### *Apóstol mesare ĩna usirio codere gaye*

<sup>17</sup> Iti tuocōri paia uju ito yicōri ĩ baba mesa saduceo gaye tuoĭarā buto ti tudijijarā apóstol mesare. <sup>18</sup> Ito bajiri ñia roticōri Jerusalén ga wiju, tubiara wiju tubia rotijijarā ĩna, apóstol mesare. <sup>19</sup> Tubia ecoana ĩna ñabojarocati iti ñamiti iti wiju ángel goayijū ĩnare. Ito bajiri sojeri janacōri ĩnare tūa āmi wayijū ĩ:

<sup>20</sup> —Dios ya wiju wasa mua. Ito ejacōri masare gotiba, ĩna cūni catitiñare gaye ĩna bujatoni, yiyijū ángel ĩnare.

21 Ito bajiri busuri j̄j̄u, Dios ya wi s̄ajacōri masare riasoyijarā ĩa.

Ito bajiro ĩna riasoroca ricati paia ūj̄u ĩ baba mesa r̄āca Israel sita ḡāna ūjarāre j̄iyijarā, minijuatoni. Ito yicōri, “Tubiara w̄ij̄u ñarāji”, yirona apóstol mesare ĩna āmitoni surarare cōayijarā ĩna. 22 Tubiara w̄ij̄u ĩna ejaja, mañijarā ĩna. Ito tiboja, t̄adi wacōri, ūjarāre gotirā wayijarā surara:

23 —Tubiara wi queno soje biara wi ñaroca ejabojabū gua. Coderi masa c̄uni itoti ñabojama. Ito bajibojarocati soje janacōri, gua tija, apóstol mesa mama, yiyijarā ĩna.

24 Iti oca t̄uocōri, paia ūj̄u ito yicōri Dios ya wi coderi masa ūj̄u, no yimena būjayijarā ĩna. Iti t̄uocōri, “¿No bajiro yirojada ĩja?” yiyijarā ĩna. 25 ĩna būjatobiti ñaroca s̄iḡū ejayiju ĩna ta. Ado bajiro gotiyiju ĩ ĩnare:

—Tubiara w̄ij̄u m̄ua bia cūbojana, Dios ya w̄ij̄u masare riasorā yama ĩna, yiyiju ĩ ĩnare.

26 Ito yija Dios ya wi coderi masa ūj̄u, ito yicōri ĩ ya moari masa r̄āca apóstol mesare āmirā wayijarā ĩna. Buto s̄eroo yimenati āmi wayijarā ĩnare. “Masa j̄ājarā ḡāta reaborāji manire, mani s̄eroo yija”, yi t̄uo ḡuirā s̄eroo yibisijarā ĩna.

27 ĩnare āmi wacōri, ūjarā riojo ĩnare j̄idi r̄ūgōyijarā ĩna. Ito yija paia ūj̄u ĩnare ticōri ado bajiro yiyiju ĩnare:

28 —Jesús gayere m̄ua riasorisere, m̄uare r̄ēbojaca gua. Ito yibojarocati Jerusalén ḡāna ñarocōreti masare riaso ucuyija m̄ua. Ito bajiri s̄iḡū r̄ayabeto masiama m̄ua riaso ucurisere. “Jesús ĩ godare gaye ĩnare seti ña”, yiyija m̄ua guare, yiyiju paia ūj̄u apóstol mesare.

29 Ito ĩ yija t̄uocōri, ado bajiro ĩre c̄udiyijarā apóstol mesa.

—Dioj̄uare c̄udis̄uor̄uja mani, masare mani c̄adiroto rioj̄ua. Dios rotirisej̄ua ñasa masa rotirise r̄ētoro, yiyiju Pedro ĩ baba mesa r̄āca. 30 Jesús yuc̄at̄eoj̄u m̄ua s̄ia rotir̄areti, Dios m̄ucana t̄adi ĩ catiroca yiñi. ĩ Dioti ñami, jane mejeju mani ñicusabatia ĩna r̄ūc̄abuogor̄u. 31 Dios ūmac̄uj̄ana ñacōri, Jesure j̄iñi. Ito bajiri ĩ ya riojocad̄uja, r̄ūc̄abuor̄aju r̄uj̄iguñi Jesús adoc̄ata. Jesús mani Ūj̄u ñaroca, ito yicōri ñeñaro mani yirise waja yi ĩsirocure c̄ūñi Dios. Mani Israel ḡāna ñeñaro mani yirise j̄idic̄atoni, ito yicōri, “Jesús ñeñaro yu yirise itire ācabojoya”, mani yi senitoni c̄ūñi Dios Jesure. 32 Esp̄iritu Santo s̄āñagoana gua ñajare, ĩna s̄uoriti Dios ĩ jeyaro yigorere gotia gua. No Dios ĩ yiro bajiro cad̄igu, Esp̄iritu Santo ĩre s̄āḡū yiguñi Dios, yiyiju Pedro ūjarāre.

33 Pedro ito ĩ yija t̄uocōri, buto junisiniyijarā ĩna. Ito yicōri Pedro mesare s̄ia āmoyijarā ĩna. 34 Ūjarā r̄āca s̄iḡū fairiseo gaye t̄uoĭaḡū ñayiju ĩ. Gamaliel wame cut̄igu, judio masa ĩna rotirise riasori masu ñayiju ĩ. Masa ruje r̄ūc̄abuoyijarā ĩre. Ḡājerā ūjarā r̄āca busiroc̄u w̄umu r̄ūḡūcōri, Pedro mesare buc̄ōa rotiyiju Gamaliel. 35 Ito yija ado bajiro busiyiju ĩ baba mesa ūjarāre:

—Queno t̄uoya yu ñarā m̄ua. Āna masare m̄ua yi āmorisere, queno t̄uoĭañā m̄ua. 36 ¿Teudas ĩ yigorere ācabojati m̄ua? Nocō rodori mejeti r̄ēta, “Ñasagu ña yu”, ĩ yija bero. Iti oca t̄uocōri, “Riti bajiroja”, yirona cuatro cientocō ūm̄ua s̄uyabojayijarā Teudas ñabojar̄uere. Ito bero yoa busari ḡājerā ĩre s̄iācōyijarā. Ito bajiri ĩre s̄uyabojana ĩna āmoroti batacoayijarā. ĩ riasobojare c̄uni jedicoayiju.

37 Ito bero m̄ucana masare ĩna cōtari r̄um̄ari Galilea gaḡu, Judas wame cut̄igu ñayiju. ĩre c̄uni ĩ busirise t̄uocōri masa j̄ājarā s̄uyabojayijarā. Ito bero ĩre s̄iācōyijarā ḡājerā. Ito yija ĩre s̄uyabojana ĩna āmoroti batacoayijarā ĩna. 38 Ito bajiri m̄uare gotia yu. Ūsirioro yibesa ānare. ĩna āmoro wac̄ōato. ĩna riasorisere gaye masa ye iti ñaja jedicoaro yiroja. 39 Dios ye ĩna riasojama, no yicōri

camota masimenaji m̄ua. Queno t̄uoīaña m̄ua Dios r̄āca m̄ua ñeñame yirona, yiyij̄u Gamaliel, ī baba mesa ʋjarāre. Ito bajiro ī yija t̄uocōri, “Ri ya m̄u”, yiyijarā īna.

<sup>40</sup> Ito yija Pedro mesare jisōyijarā īna m̄ucana. Ito yicōri īnare baje rotiyijarā īna. Ito yicōri Jesús gaye busirere īnare r̄eoyijarā īna. Ito yija īnare jidicāyijarā.

<sup>41</sup> Godoti wan̄u budyijarā Pedro mesa ʋjarā t̄u ñabojana. “Jesús oca gotitoni Dios ī manire c̄j̄a quenasac̄o, quenabeto mani t̄ob̄ujabobarocati”, yiyijarā Pedro mesa. <sup>42</sup> ʋjarā īna Jesús gaye īna r̄eobojarocati masare riaso jidicābisijarā īna Pedro mesa. Dios ya wij̄u Jesucristo gaye masare riasoyijarā īna. Ito yicōri masa ya wirij̄u can̄i riasoyijarā īna.

## 6

### *J̄ua āmojeno ejabuari masare īna c̄ure gaye*

<sup>1</sup> Ito rodoriti Jesure masirā jājarā busa buj̄u wayijarā. Griego oca busirāj̄ua, Hebreo oca busirāre busitus̄uoyijarā. Griego oca busirāj̄ua, ado bajiro busituyijarā Hebreo oca busirāre: “Co rum̄u r̄uyabeto m̄ua bare batobojaja, corocō batobea m̄ua. M̄ua r̄āca ḡāna wajeagoana romiare riti jairo īsia m̄ua. Ḡua r̄āca ḡāna wajeagoanareama queno īsibe m̄ua”, yiyijarā īna. <sup>2</sup> Ito bajiro īna ḡāmeri busituja t̄uocōri, Jesure masirā ñarocōreti mioyuyijarā apōstol mesa:

—Dios oca ḡua riasorise jidicā masibea ḡua. Ḡuareama ḡua riasorisej̄ua ña, naju batore gaye r̄etoro ñasarise. <sup>3</sup> Ito bajiri j̄ua āmojeno masa c̄ur̄ujarāji m̄ua ḡuare ejabuarona. Ado bajirāre ām̄uare beser̄ujarāji m̄ua. Queno t̄uoīarā, queno r̄ācub̄uoana, ito yicōri Esp̄iritu Santore queno c̄udirā, m̄ua beseja quena. Ito bajirāre ḡuare ejabuarona c̄ur̄ujarāji m̄ua. <sup>4</sup> Ḡuama ado bajiro yisotirā yirāji. Diore riti busisotirā yirāji, ito yicōri masare riasorā yirāji ḡuama, yiyijarā apōstol mesa ito ñarāre.

<sup>5</sup> Ito bajiro apōstol mesa īna busija t̄uocōri, s̄iḡū bajiro riti t̄uoīa jediyijarā īna, Jesure masirā. Ito yicōri s̄iḡūre beseyijarā īna. “Esteban ī ñami Jesure queno t̄uor̄ūnacōri Esp̄iritu Santore queno c̄adiḡu”, yi t̄uoīacōri īre beseyijarā īna. Ito yicōri Esteban bajiro t̄uoīarāre can̄i beseyijarā īna. Adocō ñayijarā īna Esteban baba mesa: Felipe, Prócoro, Nicanor, Timón, Parmenas, ito yicōri Antioquía gaḡu Nicolás. Judio mas̄u meje ñabojagat̄i īna queti ocare r̄ācub̄uoḡu ñayij̄u ī. Itocō ñayijarā bare batotoni īna c̄ūana. <sup>6</sup> Ito bajiro īnare bese t̄iocōri, “Āna ñama iti masa, ḡua c̄ūrona”, yiyijarā Jesure masirā, apōstol mesare. Ito yicōri īna joe āmo moa jeocōri Diore busiyijarā apōstol mesa, quenaro Dios īnare ejabuaton̄i.

<sup>7</sup> Masa jājarā busa t̄uo wayijarā Dios ocare. Ito yiroca riti Jerusalénj̄u Jesure masirā jājarā busa buj̄u wayijarā. Ito yija Paia masa can̄i jājarā Jesús ocare queno t̄uor̄ūnyijarā.

### *Estebanre īna ñiare gaye*

<sup>8</sup> Estebanre queno yiyij̄u Dios. Ito yicōri ī masirisere Estebanre jidicāyij̄u. Ito bajiri Esteban tiyamani ruje īoyij̄u masa tiro riojo. <sup>9</sup> Ito yija co rum̄u Esteban r̄āca ḡāmeri t̄uoīa busiyijarā coriarā. Minijuara wij̄u wasotirā ñayijarā īna. Moa īsiri masa ñagoana ya wi wame cutiyij̄u iti wi. Moa īsiri masa ñagoana co cuto ḡāna meje ñayijarā īna. Cirene ḡāna, Alejandría ḡāna, ito yicōri Cilicia sita ḡāna, ito yicōri Asia sita ḡāna ñayijarā īna. Īna ruje t̄uoīa busiyijarā Esteban r̄āca. <sup>10</sup> Ito bajibojarocati Estebanjuama queno busi masiyij̄u, Esp̄iritu Santo queno īre ī ejabuajare. Ito bajiri busi r̄etoc̄ū masibisijarā īna, īre busibojana.

<sup>11</sup> Ito bajiri busi masibiticōri, ḡājerāre niyeru īsiyijarā īna, Estebanre īna oca

menitoni. “Diore cuni, Moisésre cuni quenabeto bʰsituami Esteban”, yi rʰo gotiyijarā ʾna gājerāre, niyeru boca āmianajua. <sup>12</sup> ʾna ruore ocare tuorānucōri, cuto gāna Estebanre ruje junisiniyijarā. Iti tʰo junisinicōri bucarā ito yicōri judio masa rotirise riasori masa cuni Estebanre űayijarā, uju tu āmi warona. <sup>13</sup> Estebanre uju tu ʾna āmi ejaroca niyeru boca āmigoana ado bajiro rʰo gotiyijarā:

—Coji meje Esteban Dios ya wire ʾ bʰsituja, ito yicōri Moisés ʾ rotirisere ʾ bʰsituja tuocu gua, yiyijarā ʾna. <sup>14</sup> Ito yicōri Esteban ado bajiro ʾ bʰsija tuocu gua. “Jesús Nazaret gagu Dios ya wire jana batecōgū yiguʱji, ito yicōri Moisés ʾ rotire mani usi cutibojarise, itire cuni cōacōgū yiguʱji”, ito bajiro Esteban ʾ yija tuocu gua, yi rʰo gotiyijarā ʾna.

<sup>15</sup> Ito yija ujarā tisayijarā Estebanre. ʾre ʾna tija, rio yori rio űayiju. Dios űaro gagu āngel rio robo bajiro bajiyiju.

## 7

### *Seti ma yʰre, Esteban ʾ yire gaye*

<sup>1</sup> Ito yija paia uju ado bajiro seniʱayiju Estebanre:

—¿Riti űati mu ito yire? yiyiju Estebanre.

<sup>2</sup> Ito ʾ yija tuocōri, cudiyiju Esteban:

—Yu űarā tuoya mu. Jane mejeju Dios oca goayiju mani űicu Abraham űayorure. Mesopotamia ʾ űarocaju rētoro masigū Dios oca ruyuyiju, Harānju ʾ waroto riojuaju. <sup>3</sup> Ado bajiro ruyuyiju Dios oca: “Mu ya sitare wagoya, ito yicōri mu űarare cuni wagoya, gaje sitaju yu mare cūrotoju”, yiyiju Dios mani űicu űayorure. <sup>4</sup> Ito yija, Dios ito bajiro ʾ yija tuocōri, Caldea sitare wagoyiju ʾ. Ito yicōri Harānju űagū wayiju. Itoju Harānju ʾna űaroca mani űicu jacu űayoru itoju godagoyiju ʾre. Ito bero adoju mani ya sitaju Abraham ʾ űatoni ʾre cōaűi Dios. <sup>5</sup> “Adi sitaju űaűa”, yibojaguti, “Jabeto adi űa mu ya sita”, yibisī Dios ʾre. Ito bajiri, “Adi űa yu ya sita”, yi masibisiju Abraham. Cojisiti ado robo, bajiro yiroja yiari goticāűi Dios Abrahamre. “Iti sita mare ʾsicuja yu. Mu godagoja bero mu janerābatia ya sita űaro yiroja iti”, yiyiju Dios Abrahamre, rīa macu ʾ űarocaju maji. <sup>6</sup> Ito wato gaje gotiyiju Dios Abrahamre. “Ija co ramu adi sitare wagorā yirāji mu janerābatia. Ito bajiri adi sitare wagocōri gājerā ya sitaju űabajarā yirāji mu janerābatia. Gājerāre moa ʾsiri masa űarā yirāji ʾna. Gājerā quenabeto ʾna tōbujaroca yirā yirāji. Yoari sigū masucō masacō rodori itire tuoʱarā yirāji ʾna. <sup>7</sup> Ito bajibojarocati mu janerābatiare űeűaro yirāre quenabeto ʾna tōbujaroca yigu yiguja yu cuni. Iti cutore wagocōri adi sitaju tūdi ejarā yirāji mucana. Adoju űacōri yʰre rucubʰorā yirāji”, yiyiju Dios, mani űicu Abraham űayorure. <sup>8</sup> Ado bajiro rotiyiju Dios Abrahamre: “Yu mare gotire mu tuo masija, ‘Dios yagu űagū yiguʱji āni’, yirocu mu macu űarocure pī gaja wirotagu yiguja mu”, yiyiju Dios Abrahamre. Ito bajiri ʾ macu Isaac ʾ rujearoca udia āmojeno ramuri bero ʾre wirotayiju. Ito bajiri Isaac, Jacobre ʾ macu cutija wirotayiju. Jacob cuni ito bajiroti yiyiju ʾ rīare mani űicusabatia űayoanare. Juu dajamocō juu gubojeno űarā űayijarā ʾna. Ado bajiro yīűi mani űicusabatia űayoana, yiyiju Esteban ujarāre.

<sup>9</sup> Mani űicusabatia űayoana, Jacob rīa rāca José wame cutigu űayiju. Joséru ruje ti tudiyijarā ʾ rījoru mesa. Ito bajiri ʾna ocabaji űabajarureti gājerā masare ʾsicōri waja seniyijarā ʾna. Ito bero ʾre bujacōri, Egiptoju ʾre āmi wayijarā ʾna. Ito ʾna yibojarocati Dios queno tirānyiju ʾre. <sup>10</sup> José quenabeto ʾ tōbujarocati Dios queno ejabuyiju ʾre. Egipto gagu uju, Faraón wame



cutigu Josére jiyiju. Uju Faraón i tiro riojo queno tuoïare gaye jidicâyiju Dios Josére. Faraón Josére i baba bujatonu queno ejabuayiju Dios. Ito bajiri Faraón ado bajiro gotiyiju Josére: “Yure ejabuari masu ñasagu ñagû ya mu. Egipto gâna ñarocõreti mu rotire âmoa yu. Ito yicõri yu ya wi gânare cuni mu rotire âmoa yu”, yiyiju Faraón Josére.

11 Iti rodoriti Egipto sitaju bare jedicoayiju. Ito yicõri Canaán sita cuni jedicoayiju. Masa ruje ñio jogayijarâ. Ito yicõri quenabeto tóbujayijarâ ina. Mani ñicusabatia no õno bare buja masibisî ina. 12 Ito bajiri mani ñicu ñayoru Jacob, “Egiptojû bare seore ñayiju”, yija tuocõri, i rïare cõayiju ina bare waja yirâ watoni. 13 Egiptojû bare âmirâ ejayijarâ ina maji. Bare iti jedija itojuti mucana âmirâ wayijarâ ina. Mucana tûdi ina ejaroca ado bajiro gotiyiju José ñnare: “Yure ti masibea mua. Mua ocabajiti ña yu”, yiyiju José ñnare. Ito bajiro José i yija tuocõri, gâjerâ i ñarâ ñare gayere tuo bujayiju Faraón. 14 Ito yija José i ñarâ ñarocõreti ito yicõri i jacure cuni ji rotiyiju Egiptojû ina ñatoni. Udiarâ masacõ gâji ye co daja gubocõ ñarâ ñayijarâ ina, i ñarâ. 15 Ito bajiro bajijare Egiptojû ñagû wayiju Jacob. Egiptojû yoari ñacõri itojû godacoayiju Jacob. Ito yicõri i rïa ñana, mani ñicusabatia ñayoana godañi itojuti. 16 Egiptojû ina cõbojarocati ito gâna Siquemju yujerâ wayijarâ. Siquemju âmi ejacõri, mani ñicu Abraham ñayoru, Hamor rïare masari cuma goje i gâmecarajure yujeyijarâ ina.

17 Mani ñicusabatia ñayoana, Egipto sitaju jâjarâ masa bujuri cuti ñayijarâ. Ito ina baji ñaroca riti jabeto ruyayiju ñnare Dios Canaán wame cutiri sita ñsiroto, “Mu janerâbatiare sita ñsigû yigûja yu”, yi Abraham ñayorure Dios i goticâdo bajiroti. 18 Iti rodoriti gâji uju Egiptojû rotisuoayiju. José mesa mani ñicusabatia ñayoanare rucubuoju meje ñayiju i. 19 I ujutu mani ñicusabatia ñayoanare tuoñi. Ito yicõri quenabeto yiyiju. Mame joearâ rïacare cõa rotiyiju i. 20 Iti rodoti rujeayiju Moisés cuni. Dios i tija quenagû ñayiju i macuacâ. Ito sita uju i rotire masibojagoti Moisés jaco udiarâ ûmacañicõti rucõ ñayijo ñre. 21 Macuacâre yeyo masibiti wacoti, iso macure maibojagoti, uju i rotiado bajiroti ñre cõabojayijo iso. Ito iso yija bero uju Egipto gagu maco ñre ti bujacõri, ñre masoyijo iso macu robo bajiro. 22 Ito bajiri uju maco rãca ñagû riti Egipto gâna ina masirisere queno riasotiyiju i, Moisés. I busija, tuo masire rãca busiyiju i. Ito yicõri ñasarisere moa quenoyiju.

23 Moisés jûarâ masacõ rodori tujagu, “Ado bajiro bajicuja yu”, yi tuoïayiju i. “Yu ñarâre tigu wacuja yu, no bajiro ina ñaja”, yi tuoïayiju. 24 Ina tu i ejaroca, mani yagure, Egipto gagu i bajeja tiyiju, Moisés ñayoru. Ito bajija ticõri, ñre gâme ñsiyiju. Ito yicõri ñre sïa ruyuricõyiju Moisésju. 25 “Egipto sitaju guare bucõa ejabuaroçu cûyijari Dios, yure yi masirâji yu ñarâ”, yi tuoïabojayiju Moisés. Ito bajiro i tuoïabojarocati, ñre bajiro meje tuoïayijarâ ina. 26 Gaje rûmu mucana mani ñarâre ti quenogû wayiju Moisés. Ito ejacõri ina comasiti ina gâmeri jaroca ejayiju i. ñnare oca queno âmoyiju i. Ito bajiri ado bajiro ñnare busibojayiju i maji: “Adojua tuoja. ¿No yija comasi ñabojarâti gâmeri jati mua?” yiyiju Moisés ñnare. 27 Sîgû i babare jagu, ito bajiro Moisés i busija tuocõri, junisinigû Moisésre tucõayiju. “¿Ñimu gua uju ñarocare cûcati mure? 28 ¿Ñamica mu Egipto gagure mu sïado bajiro yure sïarocu yati mu?” yiyiju i Moisésre. 29 Iti tuo ucacõri, gûigu rudi wayiju Moisés. “Yu sïare gaye Egipto gânare gotirâ yirâji”, yi tuoïayiju Moisés. Ito bajiri Madián wame cutiri sitaju rudi wayiju i, gaje masa ya sitaju. Itojû manajo bujacõri jûarâ rïa cutiyiju i.

<sup>30</sup> J̄aarā masacō rodori bero, co r̄am̄a wa ucugu wayij̄u Moisés. Sinai wame cutiric̄a ḡatagū judoju, yuc̄a manoj̄u wa ucugu wayij̄u Moisés. Ito yija ī tu rujatutu jea ūj̄u r̄ūgōri tutu robo bajiro wato Dios ñaro gagu ángel goayij̄u ĩre. <sup>31</sup> Itire ticōri ucayij̄u Moisés. Queno tisaroc̄u ito tu ī waroca Dios oca ruyuyij̄u: <sup>32</sup> “Ȳu ña Dios. M̄u ñicusabatia Abraham, Isaac, Jacob c̄uni yare r̄ūc̄ub̄uoc̄ā”, yij̄ij̄u Dios Moisésre. Iti oca t̄uocōri ḡūiḡu ñar̄uoyij̄u Moisés. Ito bajiri iti tuture ti queotu āmobisij̄u ĩ. <sup>33</sup> Ito yija m̄ucana t̄udi busi remoyij̄u Dios: “Ado jacaj̄uti ña ȳu. M̄u t̄uti ña ȳu. Ito bajiri m̄u ya ḡuboco ruacōña m̄u. Ito bajiro yicōri yare r̄ūc̄ub̄uoḡu yiḡuja m̄u. <sup>34</sup> Ȳu ya masa Egiptoju quenabeto ĩna t̄ob̄ujaja tic̄u ȳu. Ito yicōri ĩna awasāja t̄uoc̄u ȳu. Ito bajiri Egipto ḡanare ĩna camotaditoni ĩnare ejab̄uaḡu wadib̄u ȳu. Wasa Egiptoju, ȳu m̄are t̄udi wa rotia ȳu”, ȳiñi Dios Moisésre gotiḡu, yij̄ij̄u Esteban ujarāre.

<sup>35</sup> Ī Moisés̄ti ñami, mani ñicusabatia ĩna t̄uo āmobitir̄u. “¿Ñim̄u ḡua ūju ñarocure c̄ucati m̄are?” yij̄ijarā mani ñicusabatia Moisésre. Ito bajibojarocati Dioti ĩre judacōañi ĩna masa t̄uj̄u ĩna ūju robo bajiro ñarocure. Mani ñicusabatia Egiptojare ĩna budigotoni ejab̄uarocure c̄ūñi Dios Moisésre. Ángelna suoriti ito bajiro gotij̄ij̄u Dios Moisésre, rujatutuj̄una ĩre goālocōri. <sup>36</sup> Moisés̄ti mani ñicusabatia ñayoanare Egipto sitaj̄u ĩnare ūmatā wayij̄u ĩ. Egiptoju tiyamani ȳi ĩoyij̄u Moisés, ĩto yicōri riaca jajosa Ide S̄ūarise wame cutirisa t̄animaj̄u c̄uni ĩoyij̄u ĩ. Ito bajiri yuc̄a manoj̄u ñagū c̄uni, j̄aarā masacō rodori ñagū tiyamani ĩoyij̄u Moisés. <sup>37</sup> Moisés̄ti ñami mani ñicusabatia ñayoanare gotir̄u: “Mani Jac̄u Dios yare ĩ c̄oado bajiroti, ḡāji ĩ oca gotirocure c̄oagū yiḡuj̄i. Dios ĩ c̄baroc̄u mani comasiti ñagū yiḡuj̄i. Yiro bajiroti c̄udiba m̄ua ĩre”, yij̄ij̄u Moisés mani ñicusabatia ñayoanare. <sup>38</sup> Ī Moisés̄ti mani ñarā r̄āca ḡatagū judoju Sinai wame cutiric̄a judoju minijuañi yuc̄a manoj̄u. Ito yija ī s̄īḡūti ḡataḡuj̄u m̄uja wayij̄u. Itoju ĩ m̄uja ejaroca Dios ñaro gagu, ángel ĩre busiyij̄u. Ito yicōri Moisés mani ñicusabatia ñayoanare oca jedibitiroti gotij̄ij̄u. Ito bajiri ĩ gotiado bajiroti ejayija manire c̄uni.

<sup>39</sup> Mani ñicusabatia ñayoana, Moisésre ñaro bajiroti c̄udibitij̄u. ĩre tuj̄a-mena Egiptoju t̄udi wa āmoyijarā ĩna. <sup>40</sup> Ito yicōri Moisés ḡatagū joeju ĩ ñaroca riti, ĩ r̄ij̄or̄u Aarón wame cutiḡure ado bajiro gotij̄ijarā ĩna: “¿Noj̄u ñati m̄u ocabaj̄i? Egipto sitaj̄u ḡua ñaroca guare bubojacacure m̄u ocabajire masibeja ḡua ĩja. Ito bajiri guare ḡua ūju ñaroti, ḡua r̄ūc̄ub̄uoroti guare meni ĩsiña. Iti ḡua r̄ūcoja, ḡua wa āmoro riojo ĩo waroja iti”, yij̄ijarā ĩna Aarón ñayor̄ure. <sup>41</sup> Ito yija wec̄u mac̄uac̄ā robo bajiḡu meni rujeoyijarā ĩna. Ito yicōri waib̄uc̄urā s̄ia ĩsiyijarā ĩna, ĩna meni rujeor̄ure yiari. Ito yicōri basa meni jeob̄uayijarā ĩna, ĩna menir̄u wec̄u mac̄u bajiḡure r̄ūc̄ub̄uorā. <sup>42</sup> Ito bajiro ĩna yija ticōri, ĩnare j̄idic̄āc̄oyij̄u Dios. ĩna āmoro robo ĩna ȳi āmojare ĩnare camotabisij̄u Dios. Ito bajiri ñoc̄ōa, ūmacañi, ñami gagure c̄uni r̄ūc̄ub̄uoyijarā ĩna. Diore goti ĩsiri mas̄u Amós ñayor̄u ĩ ucare ado bajiro gotia:

Israel sita ḡāna t̄uoya m̄ua. M̄ua waib̄uc̄urā, m̄ua s̄iare yare r̄ūc̄ub̄uorā meje s̄iac̄u m̄ua, j̄aarā masacō rodori yuc̄a manoj̄u m̄ua ñare.

<sup>43</sup> Yare r̄ūc̄ub̄uomenati m̄ua ya āmonati m̄ua meni rujeor̄ureti r̄ūc̄ub̄uoc̄u m̄ua. Jaibiti wiacā menicōri, iti wi totij̄u Moloc wame cutiḡu s̄ācōri gajasotic̄u m̄ua. Ito yicōri ñoc̄ōa robo bajiḡu m̄ua meni rujeor̄ure, Refán wame cutiḡure r̄ūc̄ub̄uoc̄u m̄ua. “Āna ñama mani r̄ūc̄ub̄uorā ito yicōri mani ujarā”, yibojac̄u m̄ua. “Ito bajiri Babilonia s̄ōñaj̄u m̄uare c̄oagū ya ȳu”, yij̄ij̄u Dios ĩnare. Ado bajiro bajiatoja iti, Dios ĩ yirere ucañi Amós ñayor̄u, yij̄ij̄u Esteban ujarāre gotiḡu.

44 Mucana tãdi busi remoyijũ Esteban ujarãre:

—Mani ñicusabatia yucu manojũ ña waja Dios ya wire menirotire saya webutirise ãmi wayijarã ña. Iti wijũ Dios ñ rotirise ucaraga gũtagãri seoyijarã ña. Moisésna suoriti wiri rujeayijũ iti. Moisés ñ cãiroju Dios ñ gotiãdo bajiroti, iti wire moa rujeoyijarã ña. No ña warojũ iti wire ãmi wayijarã ña. 45 Moisés ñ godaja bero Josuã wame cutigũ ñre wasoayijũ. Iti wire ãmicõri Canaãn wame cutiri sitajũ wayijarã ña. Canaãn wame cutiri sitajũ gaje masa ñayijarã. Ito bajiri Dios ejabũayijũ mani ñicusabatiare. Iti cuto ñanare bucõa jeocõyijũ Dios. Mani ñicu ñayoru David, ñ catija ñayijũ iti wi maji, saya webutirisena ña menira wi. 46 Queno yiyijũ Dios, mani ñicusabatia ujũ David ñayoru. Ñre buto wanũyijũ Dios. Ito bajiri ado bajiro yiyijũ David ñayoru Diore: “Yũ ñicu Jacob ñayoru queno mare rucũbuõfi. Yũ cuni queno mare rucũbuõa. Ito bajiri wi queno buti quenari wi meni ñsi ãmoa yũ. Yãre meni rotiya mu”, yiyijũ David, Diore busigu. Ito ñ yibojarocati wi meni rotibisijũ Dios ñre. 47 “David ñ macũ Salomõnjua Diore wi meni ñsiyijũ ñja”, yiyijũ Esteban, ujarãre gotigũ. 48 Ito bajibojarocati rãtoro ñasagu Dios, masa ña menira wi meje ñaguñji Dios. Jane mejeju sũgũ Diore goti ñsiri masũ, Dios oca tuocõri ado bajiro ucañi:

49 Ũmacãju ñabojaguti macãrucãro jeyaro ujũ ña yũ. Wi mua meni ñsibojaja ña masibicujã yũ. Wi ñagũ meje ña yũ.

50 Yũti ña jeyaro rujeocacu. Ito bajiro gotiñi Dios, yiyijũ Esteban ujarãre gotigũ.

51 ‘Dios oca queno cudibea mua. Dios oca tuo ãmobeã mua. Jesure masimena robo bajiro usi cutia mua. Mani ñicusabatia bajiroti Espiritu Santore cudi ãmobeã mua cuni. 52 Mani ñicusabatia ñayoana queno yibisĩ Diore goti ñsiri masare. Ito yicõri Cristo ñeñaro yibicu, ñ ejaroti gayere gotirãre sãayofi mani ñicusabatia. Ito yija canũ busati ñ ejaroca ñre ña sãtoni gãjerãre ñsiyija mua. 53 Dios ñ rotirise queno cudibea mua, ángel mesa queno cudire gaye muare ña jidicãbojarocati, yiyijũ Esteban ujarãre.

### *Estebanre ña sãre gaye*

54 Iti tuocõri, yaire bajiro guji ñoyijarã ña, Estebanre buto junisinirã ñari.

55 Ito bajiro ña yibojarocati Espiritu Santo ñayijũ Esteban rãca. Esteban ñ ti muõja Dios ñ yorise ruyuyijũ. Dios ya riojocadujã rucũbuõorajũ, Jesús ñ rãgõja tiyijũ Esteban. 56 Ito yija ado bajiro busiyijũ Esteban ujarãre:

—Tite mua cuni. Macãrucãro soje janacoajũ. Masa Rõjoru, Dios ya riojocadujã ñami, yiyijũ Esteban.

57 Mucana tãdi ñ busija, tuo ãmomena ña ya gãmo gojeri biayijarã ña. Ña ñarocõti buto awasãcõri ñre quedi wãyijarã ña. 58 Ito yicõri cuto sõjuajũ ãmi wacõri, ñre gãta reasũoyijarã ña. Ito yicõri ña ya yutabujuri ruacõcõri, Saulo wame cutigũ ñ tirãnuõroca riti, Estebanre reayijarã ña. 59 Ña gãta rearrotototi, Jesure ado bajiro busiyijũ Esteban:

—Jesús, yũ Ujũ yũ ya usire boca ãmiña mu, yiyijũ Esteban.

60 Ito bero rijomunigãna ñini rũjũcõri, buto awasãyijũ Esteban:

—Yãre ña ñeñaro yirisere waja senibesa ñnare, yiyijũ Esteban Jesure.

Ito bajiro busi tãocõri usi jedicoayijũ Esteban ñja.

## 8

### *Jesure masirãre Saulo ñ ñeñaro yi ãmore gaye*

1-3 Saulo ña ya yutabujuri coderũ, “queno Estebanre sãjaro”, yi tuoñayijũ ñ cuni.

Coriarã judio masa Diore queno rãcãbuorã Estebanre uyeyijarã ãna. Ito yicõri ruje otijijarã ãna Estebanre. Iti rãmãriti Jesure masirãre Jerusalénju ñeñaro yisuoijjarã iti cuto gãna. Gãjerã rêto busaro ñeñaro yiyijũ Saulo, Jesure masirãre. Co wi ruyabeto ñnare ãma wayijũ ã. Ì bajaro bajiroti ãmãa, romiare cãni ñnare ñãa ãmi budi wacõri tubiayijũ ã. Ito bajiri ñnarcõti Jesure masirã apõstol mesa rãca ñabojarã rudi wayijarã Judea sitajũ, ito yicõri Samaria sitajũ cãni. Apõstol mesama Jerusalénti ñacõayijarã ãna.

### *Samaria sita gãnare Jesús oca ñna gotire gaye*

<sup>4</sup> Jerusalén gãna rudi wana ñabojarãti gajeroju ejacõri Jesús oca quenarise gaye riasoyijarã ãna. <sup>5</sup> Sīgũ Jerusalén gagũ rudi warũ Felipe wame cutijijũ. Ì Samaria sita cutoju wayijũ. Ito ejacõri: “Jesús ñami Cristo Dios ã cõaru”, yiyijũ Felipe masare. <sup>6</sup> Masa jãjarã minijuayijarã Felipe tãju ãre tuorona. Ito yicõri, tiyamani ã ñoja tiyijarã ãna. Ito bajiri ã busirisere queno tuoyijarã ãna. <sup>7</sup> Jãjarãre ñna ya usijũ rãmãa sãñarãre bucõayijũ Felipe. Ì ito yija masa usijũ rãmãa sãñabojarã awasã budiyijarã ñna. Jãjarã ruduanare yisioyijũ ã. Ito yicõri rujayuriri warãre cãni quenoyijũ ã. <sup>8</sup> Ito bajiri iti cuto gãna masa queno wanũ quena ñayijarã ãna.

<sup>9-11</sup> Iti cutoju sīgũ Simón wame cutigũ ñayijũ. Co rodo meje ã masirise ñoyijũ ã cumu ñari. Tiyamani ã ñojare ti ucayijarã iti cuto gãna. “Yũ ña ãmũgũ ñnasagũ”, rudi ñnare. Masa sīgũ ruyabeto ãre tuorũnyijarã. Bucurã, rãca cãni queno tuorũnyijarã ãre:

—Dios robo bajiroti masiami ãni. Dios ã cõaru ñaguñi ãni, yiyijarã masa.

<sup>12</sup> Ito ñna yibojarocati Felipeama Jesucristo oca quenarise gaye masare gotijijũ. “Masa jeyaro Eju ñami Dios”, yire oca masare gotijijũ Felipe. Ito bajiro ã gotija tuorãncõri, idé gu rotijijarã ãmãa, romia cãni. <sup>13</sup> Simón cãni, cumu ñabojaguti, Jesús oca quenarise gayere tuorũnyijũ. Ito yicõri idé gu rotijijũ ã cãni. Ito yija Felipe rãca baba cutisuoijijũ ã. Ito yicõri Felipe ã tiyamani ã ñojare ti ucayijũ Simón.

<sup>14</sup> Apõstol mesa Jerusalénju ñacõri, “Samaria sita gãna jãjarã Dios oca tuorũnyijarã ãna”, yire gaye tuoyijarã ãna. Ito bajiri Samariaju jãarã cõayijarã ãna, Pedro ito yicõri Juanre. <sup>15</sup> Samariaju ejacõri Diore busiyijarã ãna, mame Jesure boca ãmirãre Espiritu Santo ã quedi sãjatoni. <sup>16</sup> Idé guana ñabojarocati ñna ya usijũ Espiritu Santo mañijũ maji. Ito bajiri, ñnare Espiritu Santo queo sãjaro yirona, Diore busiyijarã ãna. <sup>17</sup> Ito yicõri mame Jesure masirãre Pedro mesa ñna ya ãmona moa jeoyijarã Diore busirã. ñna ito yirocajuti Espiritu Santo quedi sãjayijũ ñnare.

<sup>18</sup> Pedro mesa Jesure masirãre ñna ya ãmo moa jeorocati Espiritu Santo quedi sãjaja tiyijũ Simón, cumu ñagorũ. Ito bajiri iti ticõri ñnare niyeru ãsi ãmogũ, <sup>19</sup> ado bajiro yiyijũ Simón:

—Ìmo. Gãjerãre yũ moa jeoroca Espiritu Santo sãjare ãmoa yũ cãni, yiyijũ Simón, Pedro mesare.

<sup>20</sup> Ito ã yija tuocõri, ado bajiro cudiyijũ Pedro ãre:

—Dios ã waja mano ãsirisere, waja gãmere ñnaro, ¿yire masiati mũ? Ito bajiro mũ tuoñare waja, mũ ya niyeru rãca godacoagu yigũja mũ, yiyijũ Pedro Simónre. <sup>21</sup> Dios ã tiro riojo queno tuoñagũ meje ña mũ. Ito bajiri gũa rãca mũ moariseoni meje ña iti. <sup>22-23</sup> Mũ tuoñarisere ti masia yũ. Buto uoa mũ, yũ tija. Ñeñaro yi jaigũ ña mũ. Ito bajiri mũ ñeñaro yirisere jidicã masibe

ma. Ñeñaro ma tuoñarisere, itocō jidicãña ma. Ito yicōri mani ʘjũre seniña ma ñeñaro tuoñarisere ï ãcaboꝓtoni, yiyiju Pedro Simõnre.

<sup>24</sup> Ito ï yija tuoçõri, ado bajiro çadiyiju Simõn:

—Mani ʘjũre busiya mua yũre yiarì. “Ito bajiro bajigu yigũja ma”, ma yirise yũre rêtare ãmobeã yũ, yiyiju Simõn, Pedro mesare.

<sup>25</sup> Ito yija bero Pedro mesa Jesure ïna tigre gaye iti çuto gãnare gotiyi-jarã. Ito yicõri Jesús oca quenarise riasoyjarã ïna. Masare riaso tiocõri, “Jerusalénju tũdi wana mani”, yi tuoñayjarã ïna. Tũdi warã, Samaria sita çutori gãnare Jesús oca quenarise riaso rëta wayijarã ïna.

### *Etiopía gagure Felipe ï idé gure gaye*

<sup>26</sup> Felipereama ado bajiro gotiyiju Dios ñaro gagu ángel:

—Jerusalénju wasa. Ito ejaçõri Gaza wame çutiri çuto ña wari ma roja waja ma. Yucũ mano rêtari ma ña iti ma, yiyiju Felipere. <sup>27</sup> Ito bajiri Felipe josari mejeti wacoayiju, ángel ï gotiado bajiroti. Ma wacuju Etiopía gago ujure ejaçuari masũ ñasagure ti bujayiju Felipe. ï ujo ya niyeru coderi masũ ñayiju ï, Etiopía gagu. Iti ñayiju ï moarise. Jerusalénju Diore rüçũuo tiocõri tũdi wacu ito tũjayiju ï, Etiopía gagu. <sup>28</sup> Cabaru ï tãa waroca ï ya tunuricoroju Dios ocare ti sãñayiju ï. Diore goti ïsiri masũ, Isaías ñayoru ï ucara tutire ti sãñayiju ï. <sup>29</sup> Ito yija ïre ti bujaroca ado bajiro gotiyiju Espiritu Santo Felipere:

—Ïre suacõri, mua corocõ wasa mua, yiyiju Espiritu Santo Felipere.

<sup>30</sup> Ito bajiri Felipe ùmaquedi wacõri Etiopía gagure suayiju. Suacõri, Isaías Diore goti ïsiri masũ ï ucare ï ti busija, tuoñaju Felipe:

—¿Ito ma ti busirisere tuo masiati ma? yiyiju Felipe Etiopía gagure.

<sup>31</sup> —Sĩgũ yũre gotigu manija, ¿no bajiro tuo masigũjada yũ? yiyiju ï Felipe. Ito yija, yũ tu muja wadicõri, ado rujigu waya ma, yiyiju Etiopía gagu. <sup>32</sup> Dios oca ï tiriju ado bajiro bajiyiju:

Ovejare sãrona ïna ãmi waro bajiro ãmi warãji ïna sigũ ãmuãgũre. Ovejare joa suaroca ï oca mano robo bajiro oca maquũji ï çunì ïre ïna ja ajebojarocati.

<sup>33</sup> Masa jãjarã riojo quenabeto bojorise tõbujaguũji ï. Ñeñaro ï yibitibojarocati ïre yiarì busi ïsirocũ maquũji. ï ñarã ïnamasiti ïre ïna sãaja, “Ïna ñama ï janerãbatia”, yi masia manoja, yi wãñayiju Etiopía gagu ï tira tuti.

<sup>34</sup> Ito yija ï tu muja sãjacõri rujiyiju Felipe.

—Isaías ï ucare gaye yũre ti gotiya ma. ¿Ïmasi gayeti ucayijari ï? ¿Gãji gayere tuoñagũ ito bajiro ucayijarite ï? yiyiju Etiopía gagu Felipere.

<sup>35</sup> Ito yija iti tuti Isaías ï ucare gayere ïre ti gotiyiju Felipe. “Jesús oca quenarise ña”, yirocũ Jesús ocare goti jeoyiju Felipe Etiopía gagure. <sup>36</sup> Warã riti ma tu itajura ñaroju ejayijarã ïna:

—Tite, ado ña ide. ¿Adocãta yũ mure idé gu rotija quena ñati? yiyiju Etiopía gagu Felipere.

<sup>37</sup> —Dios Macũ ñami Jesús, ma yi tuoñaja mure idé gucuja yũ, yiyiju Felipe ïre.

—Dios Macuti ñami Jesucristo, ya yũ, yiyiju Etiopía gagu.

<sup>38</sup> Ito yija tunuricoro tuja quea roticõri, itajuraju roja rãgũyijarã ïna. Ito yicõri idé guyiju Felipe Etiopía gagure. <sup>39</sup> Itajuraju ïna maja rãgũ waroca, ñajasaroti Espiritu Santo ãmicoayiju Felipere. Ito bajiri juaji tibisiju Etiopía gagu ïre. Ito bajibojarocati queno wanũ quena wayiju Etiopía gagu ï waroju.

<sup>40</sup> Felipere ãmicõri Azoto wame çutiri çutoju ï goaroca yiyiju Espiritu Santo. “¿Azotoju ñati yũ?” yi tuoñayiju Felipe. Azotoju ñacõri wayiju ï. Co çuto rãyabeto

Jesús oca quenarise masare riaso ucuyijũ ĩ. Sũsari ĩja Cesarea wame cõtiri cutojũ ejayijũ Felipe.

## 9

*Jesure Saulo ĩ tũorãñũshore gaye*

*(Hch 22.6-16; 26.12-18)*

<sup>1</sup> Jesure masirãre sĩa ãmogũju ĩnare bũto junisini tiyijũ Saulo. Ito bajiri paia ujure busigũ wayijũ ĩ. <sup>2</sup> Damasco cutojũ minijuara wirijũ Jesure masirãre ãmagũ sãjarocu papera seniyijũ Saulo paia ujure: “ĩnare yũ ti bũjaro bajiroti ãmũa, romiare cuni ĩnare Jerusalenju tubiarocu ãmi wacũja yũ”, yiyijũ Saulo, ujure. <sup>3</sup> Ma ĩ waroca riti Damasco cutojũ ĩ ejagu wagu yiroca, ñajasaroti macãrucãro gaye busurise sĩatiyijũ ĩre. <sup>4</sup> ĩre ito bajiro sĩatirocati jacaja queda queacoayijũ Saulo. Ito yicõri ado bajiro oca ruyuyijũ ĩre:

–Saulo, Saulo, ¿no yija yure ñeñaro yĩ ãmoati mũ? yĩ oca ruyuyijũ ãmacãju.

<sup>5</sup> Iti oca tũocõri ado bajiro senĩayijũ Saulo:

–¿Nojũ gagũ yure busiati mũ? yiyijũ Saulo.

–Yũti ña Jesús, yure ñeñaro yirocu mũ sũyaguti. Ito mũ yirise mũmasi ñeña bajiguti ya mũ. Adocãta mũmasiti jota mũ jajuja, juniroja mũre. Iti gaye bajiro ya mũ yure ñeñaro mũ yĩ ãmoja, yiyijũ Jesús ĩre.

<sup>6</sup> Ito yija Saulo ĩ ya rujũ mũũogũti:

–¿Ñe yũ yire ãmoati mũ? yiyijũ ĩ Jesure.

–Wasa Damascojũ. Ito mũ ejaroca sigũ mũre: “Adi ña mũ moaroti”, yigũ yiguĩju mũre, yiyijũ Jesús Saulore.

<sup>7</sup> Saulo rãca wana oca iti ruyubojarocati rujure tibiticõri mano ucayijarã ĩna. <sup>8</sup> Ito bero yoa busari wũmũ rũgũcõri tirocu yibojayijũ Saulo. Itocõti cajea macũ ñacoayijũ ĩ. Ito bajigure ĩ baba mesa Damascojũ ĩre tũa wayijarã ĩna.

<sup>9</sup> Damascojũ ejacõri udiã rũmũcõ ñayijũ Saulo cajea tire meje, bare meje, ito yicõri idire mejeti.

<sup>10</sup> Damasco wame cõtiri cutojũ Jesure masigũ sigũ ñayijũ, Ananías wame cõtigu. ĩ cãiroju ejacõri:

–¿Ñati Ananías mũ? yiyijũ Jesús ĩre.

–Ado ña yũ, yiyijũ Ananías.

<sup>11</sup> Ito ĩ yija tũocõri, ado bajiro yiyijũ mani Uju:

–Coji wasa riojo wame cõtiri majũ. Itoju Judas wame cõtigu ya wi ejagu yigũja mũ. ¿Ado ñati Saulo, Tarso gagũ? yiba mũ ĩre. Adocãta yure busigũ yami ĩ. <sup>12</sup> ĩ cãiroju mũ ya rio ĩomũ yũ ĩre. Ito bajiri ĩ tũ sãja ejacõri ĩre moãlagũ yigũja mũ, mũcãna tũdi ĩ cajea titoni. Ito bajirotire ĩ cãiroju ĩomũ yũ Saulore. Ito bajiri coji ĩ tũ wasa mũ, yiyijũ Jesús Ananíasre ĩ cãiroju.

<sup>13</sup> Iti tũocõri ado bajiro yiyijũ Ananías, Jesure busigũ:

–Jaje oca tũoa yũ ĩ ye. Mũre masiarãre, Jerusalenju ñeñaro ĩ yigore, jaje oca ña ĩre. <sup>14</sup> Ito yicõri paia ujarã ĩna roti ñucaja ado ejañi Saulo. Ito bajiri mũre rũcũbũorã gũa ñajare, guare tubiarocu ado ejañi Saulo, yiyijũ Ananías Jesure.

<sup>15</sup> Ito yija Jesujũna ado bajiro gotiyijũ Ananíasre:

–Yũ oca masare riasorocare ĩre cũmũ yũ. Ujarã, judio masa, ito yicõri judio masa meje ñarãre cuni riasogu yiguĩju Saulo. <sup>16</sup> Yũre cũdigũ ñari jaje ĩ tũbũjaroca yirã yirãji gãjerã. ĩ tũ coji wasa mũ, yiyijũ Jesús Ananíasre.

<sup>17</sup> Ito ĩ yija tũocõri, wayijũ ĩ ĩja, Saulo tũ wacũ. Wijũ sãja ejacõri ĩ ya ãmona moãayijũ Ananías Saulore:

—Yure tɔoya yu ocabaji mu. Mu wadiroca mure goaŋoruti yure cɔami. Jesús mani ʘju, ʘti cɔami yure, mucana tɔdi mu cajea titoni, ito yicɔri Espiritu Santo mu ya usiju ʘ sɔjatonu, yiyiju Ananias Saulore.

<sup>18</sup> Ito ʘ yirocati, wai rɔtɔ robo bajirise ʘ ya cajeaju codo quediyyu Saulore. Ito bajijare mucana tɔdi tiyyu Saulo. Ito bajija ticɔri, “Yure idé guya mu”, yiyiju Saulo Ananiasre. <sup>19</sup> Ito yija beroju bayiju Saulo mucana. Ito bajicɔriju seoyiju ʘ mucana. Ito bajiri Damascoju yoa busari ŋayiju Saulo, Jesure masirã rãca.

### *Damasco cɔto gɔnare Dios oca Saulo ʘ gotisore gaye*

<sup>20</sup> Judio masa ʘna minijuari wiju sɔja wacɔri, Jesús oca ʘnare riasoyiju Saulo. “Dios Macu ŋami Jesús”, yiyiju Saulo. <sup>21</sup> Ito ʘ yija tɔocɔri, tɔo ucayijarã masa:

—¿ʘni Saulo Jerusalɔnju, Jesure masirãre sɔari masu meje ŋati ʘni? Ito yicɔri, ¿Jesure masirãre ŋiarocu meje adoju wadiyyari ʘ? ¿ʘnare ŋiacɔri paia ɔjarãre ʘsibuŋjida ʘ? yiyijarã masa.

<sup>22</sup> Ito bajiro ʘna tɔoʘabojarocati bɔto oca seocɔri, Dios oca gotiyiju Saulo. “Riti ya yu, Cristo ʘti ŋami Dios ʘ cɔaru”, yiyiju Saulo. Queno tɔo masire rãca ʘ gotija, no bajiro cɔdi masibisjarã ʘna, judio masa Damasco gɔna.

### *Judio masare Saulo ʘ rudire gaye*

<sup>23</sup> Damascoju, Saulo ʘ ŋaroca riti, “ʘre sɔaruja mani”, yi tɔoʘayijarã judio masa. <sup>24</sup> Ito bajiro ʘna sɔa ɔmorã ʘna cɔnɔja, itire masicoyiju Saulo. ŋamiri cɔni, ɔmɔari cɔni codeyyijarã ʘna cɔto sojeri budirajuri. Judio masa sojeri codeyyijarã Saulore sɔarona. <sup>25</sup> Ito bajiri Jesure tɔorɔnurã ʘre ejabɔayijarã ʘna, ʘ rudi watoni. Cɔto camotara cɔni rijogodona jaja jibɔna ʘre sɔcɔri ʘti cɔni gaje dɔjaju ʘre rujiocɔayijarã ʘna. ŋami ito bajiro ʘna yi seoja rudiyyiju ʘ ʘja.

### *Jerusalɔnju Saulo ʘ ŋare gaye*

<sup>26</sup> Ito bajijare Jerusalɔnju rudi wayiju ʘ. Jerusalɔnju ejacɔri, Jesure masirã rãca minijua ɔmobjayiju ʘ. “Jesure masigũ meje ŋaguŋi Saulo”, yi tɔoʘarã ʘre gũyijarã ʘna. <sup>27</sup> Ito bajibojarocati, sigũ Bernabé wame cɔtigũ, Saulore ejabɔayiju. “Waya, apɔtol mesare busito mani”, yiyiju Bernabé Saulore. ʘna tu ejacɔri ado bajiro busiyiju Bernabé: “ʘni Saulore ʘ ma waroca Jesús goaŋoyiju ʘre. Ito yicɔri ʘre busiyiju Jesús. Damascoju masare gũiari meje Jesús oca riasoŋi Saulo”, yiyiju Bernabé apɔtol mesare. <sup>28</sup> Ito ʘ yija tɔocɔri, Saulore boca ɔmiyyijarã ʘna. Ito yija Jerusalɔnju tujacɔri ʘna rãca wa ucuyiju Saulo. Gũiari mejeti Jerusalɔnju gɔnare Jesús oca gotiyiju ʘ. <sup>29</sup> Judio masa ŋabojarãti griego oca busirãre ʘna rãca tɔoʘa busiyiju Saulo. Ito ʘ yibojarocati Saulore ruje sɔare cɔniyyijarã ʘna. <sup>30</sup> ʘti oca tɔocɔri, Jesure tɔorɔnurã Cesareaju Saulore ɔmi wayijarã. Itijana, “Mu cɔtoju Tarsoju tɔdi wasa mu”, mure ʘna sɔame yirocu, yiyijarã ʘna Saulore.

<sup>31</sup> ʘti rodoriti Judea sitaju, Samaria sitaju, ito yicɔri Galilea sitaju cɔni ŋeŋarise tɔbɔjabisjarã Jesure tɔorɔnurã. ʘnare ŋeŋaro yibisjarã gɔjerã. Ito bajiri Jesús oca riasocɔri bɔto busa oca seoyijarã ʘna, Jesure tɔorɔnurã. ʘre rucɔborã Diore weno cɔdiyyijarã ʘna. Ito bajiri Espiritu Santo ʘnare ejabɔaja jɔjarã busa buju wayijarã ʘna, Jesure tɔorɔnurã.

### *Eneasre yisore gaye*

<sup>32</sup> Sigũ Pedro wame cɔtigũ, Jesure tɔorɔnurãre co cɔto rɔyabeto ti ucuyiju. Co rɔmu Lida wame cɔtiri cɔtoju, Jesure tɔorɔnurãre ti ucugu wayiju Pedro.

<sup>33</sup> Itoju ejacɔri sigũ ruduru Eneas wame cɔtigare ti bujayiju ʘ. Ruduru ŋari adia

ãmojeno rodori ï ya camaju jesasotiyiju Eneas. <sup>34</sup> Ìre ticõri ado bajiro yiyiju Pedro:

—Tuoya Eneas mu. Mure quenocõami Jesucristo. Ito bajiri wamãña. Ito yicõri mu ya cama ãmi wasa mu, yiyiju Pedro ìre.

Ito bajiro ì bãsirocaci, ruduru ñabojaru wamuyiju Eneas ìja. <sup>35</sup> Ì waja tiyijarã Lida gãna, Sarõn gãna cãni. Itire ticõri bũcarã oca ìna tuoïarise jidicãcõri, Jesure boca ãmiyijarã ìna.

### *Dorcas iso tãdi catire gaye*

<sup>36</sup> Sigõ Jope wame cutiri cuto gago, Tabita wame cutigo Jesure tuorãnuõõ ñayijo iso. Griego ocanama, Dorcas wame cutigo ñayijo iso. Queno yigo ñayijo iso. Ito yicõri bojoro bũjarãre queno ejabuasotiyijo iso. <sup>37</sup> Lidaju Pedro ì ñaroca riti, Jope cuto gago cõcoayijo iso. Iso ñarã iso cõja ticõri, godarãre ìna yisotiado bajiro iso ya rujare coeyijarã ìna. Ito yicõri co tuti weca, co sãnimu ricati isore cüyijarã ìna. <sup>38</sup> Lida cuto tuti ñayiju Jope cuto. Ito bajiri Lida cutoju Pedro ì ñaja tuocõri, jũarãre Pedrore ìna jirã watoni cõayijarã Jesure tuorãnurã. Pedro tu ejaçõri:

—Gua rãca coji waya, yiyijarã Jope gãna.

<sup>39</sup> Ito ìna yija tuocõri, ìna rãca wayiju Pedro Jopeju. Itoju ejaçõri Dorcas ñajaco ya ruju ñaroju ìre ãmi wayijarã ìna. Jãjarã manuju godagoana romia oti ñayijarã iso tu. Pedro ì ejaja ticõri, ì tu gãni bia rũgũyijarã manuju godagoana romia, ìre bũsirona. “Tite mu. Dorcas ñajaco iso godaroto riojuu saya jaje jio ìsicõ guare”, yiyijarã ìna romia Pedrore. <sup>40</sup> Ito bajijare, “Macãju budi wasa maji”, yiyiju Pedro ìna romiare. Ito yicõri rijomunigãna ñini rũjũcõri Diore busiyiju Pedro. Diore busi flogũ, cõrore juda tiyiju:

—Tabita wamãña mu, yiyiju Pedro isore.

Ito ì yirocaci, cajea titãcãyijo iso. Pedrore ticõri jãja rũjũyijo iso. <sup>41</sup> Ito yija iso ya ãmo ñiacõri tãa wamuooyiju Pedro. Ito yicõri macãju ñarãre jisõyiju Pedro. “Mũcana tãdi iso catija tirã waya mua”, yiyiju Pedro, wajejarã romiare, gãjerã Jesure tuorãnurãre cãni. <sup>42</sup> Mũcana tãdi iso catire tuooyijarã Jope gãna. Ito bajiri jãjarã Jesure boca ãmiyijarã ìna. <sup>43</sup> Yoari Jopeju ña ucuyiju Pedro. Itoju waibũcarã wirori quenori masu, Simõn wame cutigu tu yoari ñayiju Pedro.

## 10

### *Pedrore Cornelio ì oca cõare gaye*

<sup>1</sup> Cesarea wame cutiri cutoju, sũgũ Cornelio wame cutigu ñayiju. Italia gãna, co ñajamocõ masacõ surara uju ñayiju Cornelio. Judio masu meje ñayiju ì. <sup>2</sup> Judio masu meje ñabojaguti Diore rũcũbuoyiju ì. Ito yicõri ì ya wi gãna cãni Diore rũcũbuoyijarã. Judio masa bojoro bũjarãre ejabuarocũ jaje niyeru ìsiyiju Cornelio. Ito yicõri co rumu ruyabeto Diore busisotiyiju ì. <sup>3</sup> Co rumu ñamicaju, tres iti tũjaroca, Dios ñaro gagũ ángel goaïoyiju Corneliore. Queno tisacõyiju Cornelio ìre. Cornelio tu sãja ejaçõri ado bajiro yiyiju ángel:

—Cornelio, çñati mu? yiyiju ángel ìre.

<sup>4</sup> Ito ì yija tuocõri, ìre ti ucayiju Cornelio:

—çÑe ãmoati mu? yiyiju Cornelio ìre.

Ito ì yija tuocõri:

—Diore mu busija tuoami. Ito yicõri bojoro bũjarãre mu ejabuaja tiami. Ito bajiri mure tuoïa ti ñami Dios, yiyiju ángel Corneliore. <sup>5</sup> Jope cutoju sũgũ ñaguũji Simõn Pedro wame cutigu. ìre jirona ãmua jũarã cõãña mu. <sup>6</sup> Gãji Simõn



waibucurā wi quenori masu ī ya wiju ñaguñji, riaca jajosa tu. Iti wiju Simón Pedore bujarā yirāji mu cōana, yiyiju ángel Corneliore.

<sup>7</sup> Ito bajiro yi ticōri wacoayiju ángel. Ito bajija bero ī ya moari masa jūarā jiyiju Cornelio. Ito yicōri surara masu sīgū ĩre ejabuari masu jiyiju ī. Ī surara masu buto Diore rūcubuoḡu ñayiju. <sup>8</sup> ĩna ejaja ticōri, ángel ī busigore gotiyiju Cornelio. Ito yicōri Jope catoju ĩnare wa rotiyiju ī.

<sup>9</sup> Ito ī yija tucōri, wacoayijarā ĩna. Gaje rumu, busuri ũmacañi riojo ñaroca Jope cuto taju ñayijarā ĩna. ĩna ejaroto riojua wi rijogodo mija wacōri Diore busi ñayiju Pedro. Rujatutu ñayiju iti wi. <sup>10</sup> Buto ñiocōcōri ba āmoyiju Pedro. Gājerā ĩre bare meni ĩsiroca ado bajiro goayiju Pedore. <sup>11</sup> ũmacāju macārucāroju soje janayiju. Saya jajoto bucuro jua daja gaja ñiacōri queoyoado bajiro ruji wadicōri ī tu ejayiju. <sup>12</sup> Ito totiju waibucurā jeyaro sñayijarā. Jenirā, wutirā, ito yicōri āña cuni sñayijarā. <sup>13</sup> Ito ũmacāju oca ruyuyiju Pedore. Ado bajiro gotiyiju iti ĩre:

—Pedro wumañā mu. ĩnare sīa baya mu, yiyiju oca Pedore.

<sup>14</sup> Iti oca tucōri ado bajiro cudiyiju Pedro:

—Meje babicuja yu. Rēore gaye baĭabiticu yu, yiyiju Pedro.

<sup>15</sup> Ito yija macana oca ruyuyiju ũmacāju:

—Rēore ña, yibesa, “Baya”, yu yiriseama, quenarise ña, yi ruyuyiju oca ũmacāju gaye.

<sup>16</sup> Ũdiajiju oca ruyuyiju Pedore. Ũdiaji ī busija bero saya totiju wadiana waibucurā, wutirā jeyaro tudi āmi m̄ucōyiju Dios macana. <sup>17</sup> Itire ticōri ruje tuoĭayiju Pedro. “¿No yireoni yare bajiatibeti?” yi tuoĭayiju Pedro. Ito ī yirocati, Cornelio ī cōana ejayijarā Pedro ī ñari wi soje tu. <sup>18</sup> Itoju ejacōri ado bajiro senĭayijarā ĩna:

—¿Adi wiju Simón Pedro wame cutigu ñati? yiyijarā ĩna, Cornelio ī cōana.

<sup>19</sup> Ī tigure ī tuoĭaroca riti Espiritu Santo busiyiju Pedore:

—Tuoete. Ũdiarā ũma mure āmarā ejama. <sup>20</sup> Coji ĩna rāca wasa mu. Ñe usriobicuti wacoasa, yu cōarā ĩna ñajare, yiyiju Espiritu Santo Pedore.

<sup>21</sup> Ito ī yija tucōri, Cornelio ī cōana tu ũdiarā tu ruji wayiju Pedro:

—Yuti ña m̄ua āmagū. ¿No yirā wadiri m̄ua? yiyiju Pedro ĩnare.

<sup>22</sup> Ito ī yija tucōri, ado bajiro cudiyijarā ĩna: —Gua ujū Cornelio cōami guare. Queno yigu ñami ī. Ito yicōri Diore rūcubuoḡu ñami Cornelio. Judio masa jeyaro rūcubuoḡcō Corneliore. Ado bajiro gua ujure busiñi Dios ñaro gagu ángel: “Cornelio tuoḡa mu. Simón Pedore jiteña mu. Ito yicōri ī busiriserē queno tuoḡa mu”, yiñi ángel gua ujure, yiyijarā Cornelio ī cōana Simón Pedore.

<sup>23</sup> —Ado sāja waya maji, ũm̄ua jedicoaju. Yu tu caniña maji, yiyiju Pedro ĩnare. Gaje rumu ĩna rāca wayiju Pedro ĩja. Coriarā Jope gāna Jesure tuorūnrā, Pedro mesa rāca baba cuti wayijarā ĩna.

<sup>24</sup> Busuri gaje rumuju, Cesareaju ejayijarā ĩna. ĩna ejaroto riojaju, ī ñarāre ī baba mesa rāca minijua ñayiju Cornelio. Ito bajiri ĩna ñarocōti minijua ñacōri Pedro mesare bocati ñayijarā ĩna. <sup>25</sup> Wi tu ĩna ejaroca Pedore boca ām̄irocu budi wayiju Cornelio. Ito yicōri rijomunigāna ñini rūjūcōri Pedore rūcubuoḡyiju Cornelio. <sup>26</sup> Ito ī yibojarocati:

—Wumañā. M̄u roboti masu ña yu cuni. Dios meje ña yu, yiyiju Pedro Corneliore.

<sup>27</sup> Ito bajiro ī yija tucōri, wum̄ucoayiju Cornelio ĩja. Ito bajiri gāmeri busirā riti wiju sājacoayijarā ĩna ĩja. Ito sāja wacōri masa jājarā minijuanare tiyiju Pedro. <sup>28</sup> Ito yija ticōri, ado bajiro ĩnare gotiyiju Pedro:

—Gua judio masa gājerā masa rāca gua wusaja, ito yicōri gājerā masa ya wi sājaja, rēore gaye ņa guare. Itire tuo masia mua. Ito bajibojarocati Dioama ado bajiro gotiquī yure: “Quena ņa, yu yiriseama quenarise ņa. Rēore ņa, yibesa mu”, yiquī Dios yure. Ito bajiri, “Yu judio masu ņabojaguti gājerā masa rāca yu wusaja rēore meje ņa”, yi masia yu. <sup>29</sup> Ito bajiri mu ya oca tuocōri ņe usiribicati wadibu yu. Ito bajiri, “¿No yiroca yure oca cōacati mu?” yiyiju Pedro Corneliore.

<sup>30</sup> Ito i yija tuocōri, ado bajiro ire cadiyiju Cornelio:

—Juaría ramuri taja yucu weca ūmacañi i tajaroca, babicu riti Diore yu busija bero. Ado Diore yu busirocaci sīgū ángel yutabujuri yorise sãñagū yure goañoquī. <sup>31</sup> Ado bajiro yure gotiquī i: “Diore mu busire tuoami i. Ito yicōri bojoro bajarāre mu ejabuare gaye itire cuni masiami Dios. <sup>32</sup> Ito bajiri Jope cutoju Simón Pedro wame cutigure jitēña. Gāji Simón waibucurā wi quenori masu ya wi ņaguīji Pedro. Riaca jajosa tunima ņaroja iti wi i ņaro”, yiquī ángel yure. <sup>33</sup> Ito bajiro yure i gotija tuocōri, ejori mare oca cōacu yu, yiyiju Cornelio Pedrore. Queno wadiyija mu. Ado mu ejaja quena guare. Adoju Dios i tiro riojo minijuabu gua i oca tuorona. ņarocōti Dios i gotire gayere tuo amoa gua, yiyiju Cornelio Pedrore.

### *Cornelio ya wiju Pedro i riasore gaye*

<sup>34</sup> Ito bajiro i yija tuocōri, busisuoijiu Pedro ija:

—Tuo masia yu ija. “Judio masare riti maia yu”, yibeami Dios. Mani jeyarore corocō ti maiami Dios. <sup>35</sup> Gua masare, ito yicōri mua masare cuni corocōti ti maiami Dios. Diore mani rucubwoja, ito yicōri ñeñarise mani yibeja, manire boca amigū yiguīji Dios. <sup>36</sup> Jane mejeju oca quenarise Israel sita gānare Dios i goticāre gaye masirā ņa mua: “Yu cōarure mua tuorūnja, yu rāca queno usi cutirā yirāji mua”, yiyiju Dios Israel sita gānare. Dios i cōaru Jesucristo mani jeyaro Eju ņami ija. Itire masia mua. <sup>37</sup> Israel sitaju Jesus quenarise i yigorere masia mua. Ito yicōri Galilieaju Jesure Juan i idé guraju bero ñasarise yisuoñi Jesús. <sup>38</sup> Jesús Nazaret gagure Espíritu Santo i quedi sājaro ca yiyiju Dios. Ito yicōri i masirise jidicāñi Dios Jesure. No i waro bajiro masare queno yiñi Jesús. Rūmúa sãñarāre i ti bujaja, rūmūare bucōañi Jesús. “Ito bajiro yiñi Jesús, Dios i rāca ņaja”, yi tuoña mua. <sup>39</sup> Gua apóstol mesa, judio masa sitaju jeyaro Jesús i yicature ticu gua. Ito yicōri Jerusalénju yucutēoju ire ina sīaja, ticu gua. <sup>40</sup> Hdia rumu bero, Dioama Jesure i catiroca yiñi. Jesús guare goañoaroca yiñi Dios. <sup>41</sup> Masa jeyarore meje goañoñi Jesús. Dios guare cajeroguti Jesús oca gotirona i cūcāna ñajare, guare riti goañoquī Jesús. “Mucana tadi catiami Jesús”, gua yi masitoni, guare i goañoaroca yiñi Dios. Mucana Jesús i catija bero i rāca bacu gua. <sup>42</sup> Guare i oca masare goti rotiquī Jesús. Catirāre ito yicōri godanare cuni, ina ñeñaro yirise waja senitoni cūñi Dios Jesure. Itire guare goti rotiquī Jesús. <sup>43</sup> No Jesure tuorūnugūti, i ñeñaro yirisere ācaboju yiguīji Dios. Ito bajiroti ucañi Diore goti isiri masa sīgū ruyabeto, yiyiju Pedro masare.

### *Judio masa mejere cuni Espíritu Santo i quedi sājare gaye*

<sup>44</sup> Ito i yirocaci Espíritu Santo quedi sājayiju Pedro i busirāre. <sup>45-46</sup> Ito bajiri ricati riti ina masibiti oca ñabojareti busisuoijijarā ina. Ito yicōri Diore rucubwoijijarā ina. Itire ticōri ruje tuoñayijarā Pedro rāca ejana judio masa. “Aba, judio masa meje ñabojarāre cuni Espíritu Santo quedi sājacoami”, yiyijarā ina Jesure masirā, Pedro rāca gāna. <sup>47</sup> Ito yicōri i rāca gānare busiyiju Pedro mucana:

—Tɔoya yu ñarã mua. Manire bajiroti Espiritu Santo queda sãjami ñnare cuni. Sīgũ, “Ñnare idé gubitiruja mani”, yirã wasati mani, yiyijũ Pedro ñnare. “Ñnare idé gubesa”, yigũ mañijũ.

<sup>48</sup> Ito bajiri, “Jesure tɔorũnurã ña gũa cuni”, mua yi masija, i wamena idé gu rotija quena”, yiyijũ Pedro ñnare.

Ñna idé gu ecoja bero ado bajiro yiyijarã ñna Pedrorre:

—Wabesa maji. Ado gũa rãca jabeto ñaña maji, yiyijarã ñna Pedrorre.

## 11

### *Jerusalén gãnare Jesure masirãre Pedro i gotire gaye*

<sup>1</sup> Nocõ mejeti oca tɔoyijarã apóstol mesa, Judea gãna Jesure tɔorũnurã cuni. “Judio masa meje ñabobarãti, Jesure boca amiyijarã”, yire gaye oca tɔocõri junisiniyijarã coriarã. <sup>2</sup> Ito bajiri Pedro Jerusalénju i mũja ejaroca, judio masa Jesure boca amisũoana Pedrorre busituyijarã ñna. <sup>3</sup> Ado bajiro ñre seniãiyijarã ñna:

—¿No yija judio masa ya wi meje ñabobarocati, sãjari mu? Ito yicõri, ¿no yija ñna rãca bari mu? yiyijarã ñna Pedrorre.

<sup>4</sup> Ito yija Pedro gotiyijũ ñnare, “Ado bajiro rêtacu”, yirocu gotiyijũ i ñnare:

<sup>5</sup> —Jope cutoju ñacõri, Diore busicu yu. Diore yu busiroca, ado bajiro goacu yure. Ñmacũju saya jajoto bucuro jua dũja gaja ñiacõri, ñiado bajiro ruji wadicõri, yu tu ejacu. <sup>6</sup> “¿Ñe ñati totiju?” yirocu, queno ticu yu. Itoju waibucurã jeyaro ñna sãñaja ticu yu. Gãjeronã, jenirã ito yicõri wutirãre cuni ticu yu. <sup>7</sup> Ito bero ado bajiro oca goti ruyucu yure: “Pedro, wamuña mua. Ñnare sãa baya mu”, yi ruyucu yure. <sup>8</sup> “Meje, babicũja yu. Rẽore gaye bañabiticu yu”, yicu yu. <sup>9</sup> Mũcana ñmacũju gaye oca ruyucu yure. Ado bajiro ruyucu: “‘Baya’, yu yiriseama, ‘Rẽore ña’, yibesa. Quenarise ña”, yi ruyucu ñmacũju gaye Dios oca. <sup>10</sup> Hdiãijũ ito bajiro ruyucu Dios oca. Hdiãji i busija bero, saya totiju wadiana, waibucurã rãcati jeyaro tãdi ñmi mũocõquĩ Dios mũcana. <sup>11</sup> Ito yiroca riti ñmũa wdiãiarã ejacã yu ñari wiju. Cesarea gagu Cornelio wame cutigũ ñnare cõañi, yure ñna ñmatoni. <sup>12</sup> “Ñe usiribicuti wasa mu”, Espiritu Santo i yijare wacu yu. Ito yicõri coga ñmojeno Jesure masirã yure baba cuti wacã ñna. Yu rãca wacana ñarocõti Cornelio ya wiju sãjacu gũa. <sup>13</sup> I tu gũa sãja ejaroca, ado bajiro gũare busiquĩ Cornelio:

—Dios ñaro gagu ángel yu ya wi i rãgõja ticu yu. I ado bajiro busiquĩ yure: “Jope cutoju ñmũa cõaña mu, Simón Pedrorre jirona. <sup>14</sup> Simón Pedro mu tu ejacõri, ‘Jeame ñũroju mu wabore ñaroca ado bajiro mũre masogũ yiguĩji Dios’, yire gaye mũre gotigũ yiguĩji. Mu ya wi gãnare cuni ito bajiroti yigũ yiguĩji Pedro”, yiquĩ Cornelio gũare, ángel i busire gũare gotigũ. <sup>15</sup> Cornelio i busi tioroca, ito gãnare busicu yu. Ñnare yu busisũorocati, Espiritu Santo sãjaquĩ ñnare, manire i sãjacato bajiroti. <sup>16</sup> Ito bajiro iti bajija ticõri, mani Hju i goticatire, tũoĩa wujacu yu. Ado bajiro baja i goticati: “Idena mũare idé guquĩ Juan. Dioama mũare Espiritu Santo queo sãgũ yiguĩji, ‘Dios ñarã ñama ñna’, gãjerã ñna yitoni”. Ito bajiro cajeroju gotiquĩ Jesús manire. <sup>17</sup> Dios, Espiritu Santo sãjaroca yiquĩ ñnare, judio masa meje ñna ñabobarocati, mani Jesure boca amiroca i quedĩ sãjacato bajiroti. Ito bajiri Diore rẽo masiado manicu yu, yiyijũ Pedro ñnare.

<sup>18</sup> Ito tɔocõri Pedrorre busitu jidicãiyijarã ñna:

—Queno yigu ñami Dios. Judio masa meje ñna ñabobarocati, ñeñaro ñna yirisere jidicāja, catitñare gaye ñna bajatoni ñnare cūñi Dios, yiyijarā judio masa Jesure boca āmigoana.

### *Antioquía gāna Jesure masirā gaye*

<sup>19</sup> Iti ramuri riojua basa Estebanre sñayijarā Diore masimena. Ìre sñacōri Jesure tuorñunrāre usirioro yi codesuoyijarā ñna. Ito bajiri coriarā Jesure tuorñunrā Feniciajū, Chiprejū, ito yicōri Antioquíajū cūni rudi wayijarā ñna. Iti cūtorijū ejacōri, judio masare riti Dios oca gotiyijarā ñna. <sup>20</sup> Gājerāma, Chipre gāna, Cirene gāna wacōri Antioquíajū ejayijarā. Itoju ejacōri judio masa meje ñarāre cūni Jesús oca quenarise gotiyijarā ñna. <sup>21</sup> Queno ñna busitoni ñnare ejabaayijū Dios. Ito bajiri Dios oca tuocōri jājarā masa, bucārā usi ñna tuoñarise jidicāyijarā ñna. Ito yicōri Jesure boca āmiyijarā ñna.

<sup>22</sup> Jerusalén gāna Jesure tuorñunrā, “Antioquíajū jājarā Jesure boca āmiyijarā”, yija tuoyijarā ñna. Ito bajiri “Titēña, riti bajiati”, yirona Bernabére cōayijarā ñna. <sup>23</sup> Ito ejacōri, Dios ñ queno yirere ti ejayijū Bernabé. Ito bajiri bato wanu quenayijū ñ. Ado bajiro ñnare riaso busiyijū ñ:

—Sīgū ruyabeto, Jesure queno tuorñunñna ma. Ito yicōri Ìre jidicābeja, yiyijū Bernabé ñnare.

<sup>24</sup> Quenarise tuoñagū ñayijū Bernabé. Espíritu Santo ñ sñañajare, Diore riti tuoñayijū ñ. Ito bajiri masa jājarā ñ busija tuocōri, Jesure boca āmiyijarā ñna.

<sup>25</sup> Ito bero Tarso wame cutiri cūtoju wayijū Bernabé, Saulore āmagū. <sup>26</sup> Ìre bajacōri, “Antioquíajū wato mani”, yiyijū ñre. Ito bajiri ñna jāarāti wayijarā Antioquíajū. Itoju co rodo ñayijarā ñna, Jesure tuorñunrā rāca. Jājarā masare Dios oca riasoyijarā ñna. Iti cūtoju cajero, “Cristiano masa ñama ñna”, yire gayere yisuooyijarā ñna Jesucristore masirāre. “Cristore masirā ñama”, yireoni ñayijū ñi.

<sup>27</sup> Iti ramuriti Jerusalén gāna, Diore goti ñsiri masa ejayijarā itoju Antioquíajū. Jesure tuorñunrā ñna minijua ñaroca, ejayijarā ñna. <sup>28-30</sup> Sīgū Agabo wame cutigu ñna wato ejacōri wamu rügūyijū. Espíritu Santore tuocōri ado bajiro busiyijū ñ: “Judea sita ñarocōti, ñiojuniro yiroja. Bare jedicoaro yiroja iti sita”, yiyijū Agabo. Ito ñ yija tuocōri: “Judea gānare ñiojogarā yirāji ñna. ñnare niyeru cōana mani”, yi tuoña busiyijarā Antioquía gāna Jesure tuorñunrā. Ito bajiri no ñna rucorocō ñsiyijarā ñna. Ito bajiro yicōri Bernabé, Saulo ñna jāarāre niyeru Judeajū cū rotiyijarā ñna. “Jesure tuorñunrāre ūmatā ñari masare ñsitēña”, yi rotiyijarā ñna. Jane mejeju Claudio uju ñ ñaraju ito bajiro rētayijū.

## 12

### *Pedrore Herodes ñ tubia rotire gaye*

<sup>1</sup> Iti ramuriti uju Herodes, Jesure tuorñunrāre cūñisuooyijū. <sup>2</sup> Ito yicōri, Juan ocabaji Santiagore sña rotiyijū ñ sarera jāina. <sup>3</sup> Itire bato wanuyijarā judio masa. ñna wanaja ticōri, Pedrore cūni ñiacōri tubia rotiyijū ñ. Ito bajiro rētach, naju wadarise uco waoja mani bare basa ñna menicati ramuri. <sup>4</sup> Pedro rudibe yirocū, code wasoaronare surara cūyijū Herodes. Co gubocō coga gubojeno ñayijarā ñna jeyaro. “Pascua basa busaqueari ramū, masa riojo Pedrore sña roticujū yū”, yi tuoñayijū Herodes. <sup>5</sup> Ito bajiri Pedro quenoguti code ecocōyijū. Ito bajija tuocōri, Jesure tuorñunrā ruje Diore busiyijarā Pedrore yiarī.

### *Tubiara wijū ñaqūre Pedrore Dios ñ bucōare gaye*

<sup>6</sup> Tubiara wija surara jearā watoje cani cūñayiju Pedro. Busuriti ñabojayiju Herodes ñre sīa rotira rumu. Jua ma come mana Pedro ya āmori siayijarā ña. Gājerā surara soje tu code rūgōyijarā ña. <sup>7</sup> Ñajasaroti, ángel goayiju. Ito yicōri tubiara wi busu dajacoayiju. Ito yija ángel Pedrore moañayiju i yujitoni. Pedro i yujiroca, ado bajiro gotiyiju ángel:

—Coji wamũaña mu, yiyiju Pedrore.

Ito yirocati Pedrore siabojara maso, come mari quedicoayiju.

<sup>8</sup> —Mu ya yutabuju sãñaña mu, ito yicōri mu ya guboco sãñaña, yiyiju ángel Pedrore.

Í guboco sãñaroca riti:

—Mu ya cubija gũaña. Waya, yare s̄ya waya mu, yiyiju ángel Pedrore.

<sup>9</sup> Ito i yija tuocōri, i bero s̄ya wayiju Pedro. Ito bajia, yi masia mañiju Pedrore. “Riti bajiati iti. Buroti bajiroja gajea”, yi tuoñayiju Pedro. <sup>10</sup> Warā riti jua soje surara ña coderi sojeri rētayijarā ña. S̄sari soje come soje ñayiju. Ito soje tu ña ejaroca itimasiti janayiju iti soje. Ito bajiri budi wacōri ma ña warocati ito bajia yi masia manoti godacoayiju ángel. Ito bajiri Pedro sīgūti tujayiju ña. <sup>11</sup> Ito bajija ticōri, “Riti bajia. Herodes yare s̄ame yiroca, ¿Ángel yare i bucōtoni, cōayijari Dios?” yi tuoñayiju Pedro. “Ito bajiri judio masa yare ña ñeñaro, ña yi āmorise rētabetoja ña”, yi tuoñayiju Pedro.

<sup>12</sup> Ito tuoñagū riti, Juan Marcos jaco, María ya wija ejayiju i. Ito wija minijuacōri masa j̄arā ñayijarā, Diore busirā. <sup>13</sup> Soje tu ejacōri, “¿Ñati mua?” yiyiju Pedro. Ito i yija tuocōri, sīgō ejabuari maso, Rode wame cutigo, soje tu eja rūgūcōri, tuo rūgūyijo, “¿Ñimu ñati?” yiroco. <sup>14</sup> Ito yicōri iso janaroto riojua, Pedro oca tuo masiyijo iso. I oca tuo masicōri b̄uto wanu quenacōri soje janabecoti wija ñarāre gotigo wayijo iso:

—Mac̄ju ñaru Pedro, yiyijo iso ñare.

<sup>15</sup> Ito bajiro iso yija tuocōri:

—Mec̄gō ya mu, yiyijarā ña.

Ña ito yijare:

—Ri ya yu, yiyijo iso.

Iso ito yijare:

—Dios ñaro gagu ángel ñaguñi. Pedrore s̄iacōana ña, yiyijarā ña isore.

<sup>16</sup> Ito ña yiroca riti, “¿Ñati mua, ñati mua?” yi rūgōyiju Pedro, mac̄ju. Soje janacōri, Pedrore ti ucayijarā ña. <sup>17</sup> ña ucaya ticōri, ñare oca tayiju Pedro, “Yati ña”, yiroca:

—Ado bajiro bucōami mani Ūju yare, tubiara wija yu ñaroca, yi gotiyiju ñare. Santiagore gotiya adi. Ito yicōri mani ñarāre c̄uni gotiya mua, yiyiju Pedro ñare.

Ito yi budi wacōri gajeroju wayiju Pedro.

<sup>18</sup> Ito busuja bero tubiara wi codebojana surara, Pedro i manija ticōri, ruje bujatobisijarā ña. “¿No bajiyijari Pedro? ¿No wayijari?” yiyijarā ña. <sup>19</sup> I manija ticōri, Pedrore āma rotibojayiju Herodes. ñre bujabisijarā ña. Surarare tubiara wija codebojanare seniñayiju Herodes. No bajiro c̄udi masia mañiju ñare. Ito bajiri ito codebojanareti, s̄ia rotiyiju Herodes ña. Ito bero Judeaju ñabojaru wacoayiju Herodes, Cesareaju ñagū wacu.

### *Herodes i godare gaye*

<sup>20</sup> Tiro gāna ito yicōri Sidón gānare c̄uni ruje junisiniyiju Herodes. Sidón gāna, Tiro gāna c̄uni canatucōri, Herodesre oca quenorā wayijarā ña. I

rāca ruje oca queno āmoyijarā īna. Herodes ī űari sita riti bare bujasoticōri, “Ī junisinija manire bare ecabitiboguĵi”, yirona Herodes uju tuju oca quenorā wayijarā īna. Herodesre īna buširoto riojua, ĩre ejabuari masu űasagu, Blasto wame cutigure bušiyijarā īna. Īnare jabeto ti maicōri ĩnare bušī ĩsiyiju Blasto. Ī bušija tuocōri, ado bajiro yiyiju Herodes:

—Co ramu ĩnare bušicaja yu, yiyiju Herodes. <sup>21</sup> Īnare ĩ buširoti ramu ejaroca, uju űagū ĩ sāűarise yutabujuri quenarise sāűayiju Herodes. Ito yicōri uju ya cumuro űasari cumuro eja rūjūcōri, masare oca gotiyiju ĩ. <sup>22</sup> Herodes ĩ bušija tuocōri:

—Masu meje űami āni. Dioti űami āni, yiyijarā masa ĩre rūcuborā.

<sup>23</sup> Ito bajiro īna buširoca riti, Dios űaro gagu, āngel Herodes ĩ cōroca yiyiju. Ito bero yoa bušari becoati ba sāyijarā ĩ űajacure. “Bušibesa muu. Jidicāűa muu. Dios meje űa yu. Diore riti rūcuboroya muu”, ĩ yibitire waja, ito bajiro bajiyiju ĩ űajacure.

<sup>24</sup> Iti rodoti masa jājarā tuoyijarā Dios ocare. Ito yicōri jājarā Jesure boca āmijijarā.

<sup>25</sup> Bernabé, Saulo rāca Jerusalén gānare īna āmi ejarise niyeru ĩsicōri, Antioquāju tūdi wayijarā īna. Juan Marcos wame cutigu īna rāca wayiju.

## 13

### *Bernabé, Saulo Dios oca ĩna goti ucusore gaye*

<sup>1</sup> Antioquāju Jesure tuorūnūā rāca űayijarā Diore goti ĩsiri masa ito yicōri ĩ oca riasori masa cūni. Īna ado bajiro wame cutiyijarā: Bernabé, Simón űigū, Lucio Cirene gagu, Manaén Galilea gagu uju Herodes rāca bušuaru, ito yicōri Saulo. Ito cō űayijarā īna. <sup>2</sup> Mani űjure rūcuborona minijua wiju minijua űayijarā īna. Ito bajiri Diore tuoĳa āmorā bamena riti ĩre bušī űayijarā īna. Ito bajiro īna bajiroca Espiritu Santo ado bajiro ĩnare gotiyiju:

—Bernabé, Saulore cūni űasarise yure īna moa ĩsitori besecu yu. Ito bajiri ĩnare wa rotiba gājerāre yu oca īna riasotoni, yiyiju Espiritu Santo.

<sup>3</sup> Ito oca tuocōri bamena riti Diore bušiyijarā īna maji. Ito yi, Diore buširāju Bernabé, Saulore cūni āmo jidi jeoyijarā īna, ĩnare Dios ĩ ejabuotoni. Ito bajiro yicōri ĩnare wa rotiyijarā īna. “Wasa, quenajaro”, yiyijarā īna.

### *Chipre wame cutiri yogaju apóstol mesa ĩna ware gaye*

<sup>4</sup> Ito bajiri Espiritu Santo ĩ wa rotiado bajiroti Seleuciaju wayiju Saulo, Bernabé rāca. Ito ejacōri cumaju sāyayijarā īna, Chipre wame cutiri yogaju warona. <sup>5</sup> Ito majado Salamina wame cutiri cuto ejayijarā īna. Ito űacōri judio masa īna minijuasotiri wiriju Dios oca riasoyijarā īna. Juan Marcos wame cutigu īna rāca judayiju. Īnare ejabuari masu űayiju ĩ. <sup>6</sup> Ito yoga űari catori jeyaro riaso ucūrā wayijarā īna. Ito bajirā riti Pafos wame cutiri cuto ejayijarā īna. Ito sigū judio masu Barjesús wame cutigure ti bujayijarā īna. Cumu űayiju ĩ. “Diore yīari bušigu űa yu”, yi ruoyiju ĩ masare. <sup>7</sup> Ī cumu iti yoga uju Sergio Pablo wame cutigu rāca baba cutiyiju ĩ. Queno tuoĳagū űayiju Sergio Pabloama. Ito bajiri Dios oca tuo āmogū Bernabé, Saulore cūni ji rotiyiju ĩ. <sup>8</sup> Cumuama Bernabé, Saulo īna tuoĳaro bajiro meje tuoĳayiju. Ī cumu griego ocana Elimas wame cutigu űayiju ĩ. Ito gagu uju īna buširise tuore āmobisiju cumu. Ito bajiri, “Īna buširisere tuorūnubesa mu”, yiyiju cumu iti cuto gagu űjure. <sup>9</sup> Ito yija Espiritu Santo ejabuarena cumure oca sēoro tujuyiju Saulo. Sigū űabogaguti

juaji wame cutiyijū Saulo. Gaje ī wame Pablo ñayijū. <sup>10</sup> Cumure riti ticōri ado bajiro busiyijū ī:

–R̄uori masū ña m̄. Ñeñaro yi jaigū ña m̄. Rāmú macū ña m̄. Ito yicōri jeyaro quenarisere tegū ña m̄. Mani H̄jū Diore tegū ña m̄. “Ñasarise ña”, Dios ī yija, “Ñasarise meje ña”, ya m̄, yiyijū Pablo cumure. <sup>11</sup> Adocāta iti waja ñeñaro m̄ t̄oīaroca yigū yiguīji Dios m̄are. Cajea tibicū ñagū ya m̄. Ito yicōri yoa busari ūmacañi ī asirise tibicū yigūja m̄, yiyijū Pablo cumure.

Ito ī yirocāti ī ya cajea r̄ait̄a godacoayijū cumure. Ito bajiri cajea tibicū ñari, ĩre t̄ā watoni ḡajire āmabojayijū ī. <sup>12</sup> Ito ī bajija ti ūcācōri Jesure t̄uor̄ān̄us̄oyijū iti yoga gagū ūjū. “Riti ña ĩna gotirise”, yi t̄oīa r̄āc̄ub̄oyijū ī.

### *Antioquíajū Pablo mesa ĩna ñare gaye*

<sup>13</sup> Iti r̄um̄uriti Pablo ī baba mesa r̄āc̄a Pafos roja ejacōri cumana Panfilia sita, Perge wame cutiri cuto wayijarā ĩna. Itoju ejacōri ĩnare cū t̄udiyijū Juan, Jerusalénjū t̄udi wacū m̄cana. <sup>14</sup> Ito bajijobarocati Pablo, Bernabé cūni Perge ñacōri Antioquía cutoju wayijarā, Pisidia sita tu ñari cutoju. Itona ñacōri tujacāra r̄am̄u iti ñaroca, judio masa ĩna minijuari wijū s̄aja wacōri rujijijarā ĩna. <sup>15</sup> Itona rujicōri Dios ī rotirise ito yicōri Diore goti ĩsiri masa ĩna ucare busi gotija t̄uoyijarā ĩna. Sigū ī busi gotija bero, minijuara wi ḡana ūjarā Bernabé, Pablöre ado bajiro yijijarā:

–Yū ñarā, oca gotire gaye m̄are ñaja, gotiya adocāta, yijijarā ūjarā ĩnare.

<sup>16</sup> Ito ĩna yija t̄uocōri, busirocū w̄am̄u r̄ūḡūyijū Pablo. “Busimenati t̄uoya m̄a”, yirocū ī ya āmo w̄am̄ocōri “busibesa m̄a”, yiyijū ī. Ito yicōri ado bajiro yiyijū ī ĩnare:

–Yū ñarā Israel sita ḡana, queno t̄uoya m̄a. Gaje masa ñabobarāti Diore r̄āc̄ub̄uorā ñari queno t̄uoya m̄a cūni. <sup>17</sup> Dios mani r̄āc̄ub̄uogū, mani Israel sita ḡana ñic̄sabatiare beseñi. ĩnare besecōri queno ĩnare yiñi Dios. Egipto sita ḡanare moa ĩsirā ĩna ñabobarocati j̄ājarā ĩna bujuroca yiñi Dios. ĩ masirisena Egipto sita ḡanare ĩna rudi masitoni ĩnare ĩna ñaroca yiñi Dios. <sup>18</sup> Yucū manojū j̄ārā masacō rodori ñayijarā ĩna. Itona ñacōri ñeñaro ĩna yibobarocati, ti ūsirio yibisijū Dios. Quenoti ñacōayijū. <sup>19</sup> Canaán wame cutiri sita ḡana jua āmojeno butu ḡanare ruyuriyijū Dios, mani ñic̄sabatia ĩna ya sita ñabojare ĩna r̄acotoni. <sup>20</sup> Ito bajiri mani ñic̄sabatia cuatrocientos cincuenta rodori ñayijarā itojū, yiyijū Pablo masare.

‘Samuel, Dios oca goti ĩsiri masū ī ñaroto riojua ĩna tir̄ān̄aronare cūyijū Dios. <sup>21</sup> Samuel Dios oca goti ĩsiri masū ī ñaroca: “Sigū gua ūjū āmoa gua”, yijijarā mani ñic̄sabatia Diore. Ito bajiro ĩna yija t̄uocōri, Saúl, Cis macure ĩna ūjū ñarocū cūyijū Dios j̄ārā masacō rodoricō. Benjamín ñayorū janerābatia janamiti ñayijū Saúl. <sup>22</sup> J̄ārā masacō rodori bero m̄cana ūjū wasoayijū Dios. Ito bajiri Saúlre bucōacōri Davidj̄uare ūjū cūyijū Dios m̄cana. Davidre t̄oīa busigū, ado bajiro busiyijū Dios: “Yū tija David, Isaí macū, yū robo bajiro ūsi cutigū ñami ī. Ito bajiri yū āmoro bajiro yigū yiguīji ī”, yiyijū Dios, Davidre t̄oīa busigū. <sup>23</sup> ĩ David ñayorū janerābatia janamiti ñañi Jesús. Jane mejeju Dios ī gotiado bajiroti mani Israel sita ḡanare masotoni cōañi Dios Jesure. <sup>24</sup> Jesús riojua ī yagū Juan mani ñarā Israel sita ḡanare Dios oca riasoyijū ī. Ado bajiro gotiyijū Juan ĩna jeyarore: “M̄a ñeñaro yirisere jidicōcōri idé gu rotiana ñarūja m̄are”, yiyijū Juan mani ñarā Israel sita ḡanare. <sup>25</sup> Ito yicōri ī godaroto riojua busa bajiroti ado bajiro yiyijū Juan: “Īti ñaguīji Dios ī cōarū, ĳyire masiati m̄a ūre? Meje ña ūama. Nocō mejeti ejagū yiguīji mani yagū.

Ī ñagũ yiguĩji ñasagu. Yũama meje ña. Mũa robo bajiguti ña yũama. Ī ñagũ yiguĩji ñasari masũ”, yiyiju Juan mani ñaräre, yiyiju Pablo, masare gotigũ.

<sup>26</sup> Yũ ñarã, Abraham janerãbatia ña mani. Queno tũoya mũa. Gaje masa ñabojarãti Diore rãcũbuorã ñari queno tũoya mũa cũni. “No Jesure tũorũnũgũre masogũ yiguĩji Dios”, yire oca manire cõañi Dios. <sup>27</sup> Ito bajibojarocati Jerusalén gãna ito yicõri ña ujarã cũni, “Ī ñami Dios Macũ manire masorũ”, yi masibisijarã ña. Ito yicõri co rũmũ tujacãra rũmũ rũyabeto Dios oca goti ĩsiri masa ña ucare gãjerã ña ti gotibojarocati tũo masibisijarã ña. Ito bajiri Jesús ĩ ejaja, “Dios ĩ cõaru ñami ĩ”, yi masibisijarã ña. Ito bajiri Jesure ña sĩa rotija, Dios oca goti ĩsiri masa ña ucado bajiroti rõtayiju ĩja. <sup>28</sup> “Seti ña ĩre”, yi masimena ñabojarãti, “Sĩa rotiya ĩre”, yirona Pilatore josayijarã ña. <sup>29</sup> Jesure ña sĩaja, Diore goti ĩsiri masa ña tũoĩa uca yuado bajiroti rõtayiju. Jesure ña sĩaja bero yucutẽojũ ñagũre rujoyijarã gãjerã. Ito yicõri gãta gojeju ĩre yujeyijarã. <sup>30</sup> Ito bajibojarocati Dioama mũcana tũdi Jesús ĩ catiroca yĩfi. <sup>31</sup> Galileana wacõri Jerusalénju ĩre baba catigoanare co rũmũ meje goaĩoyiju Jesús. Ito bajiri ĩnati ñama adocãta, “Riti bajaia. Tũdi caticoami Jesús”, yi masare gotirã.

<sup>32</sup> Ito bajiri yũ, Bernabé rãca oca quenarise mũare goti eja gũa. “Masare queno yicũja yũ”, yi mani ñicũsabatiare Dios ĩ gotiadio bajiroti gotia gũa mũare. <sup>33</sup> Mani ñicũsabatiare ĩ gotiadio bajiroti manire queno yĩfi Dios. Ito bajiri mũcana tũdi Jesús ĩ catiroca yĩfi ĩ. Itire gotigũ ado bajiro ucañi David ñayorũ, Dios oca gotigu: “Mũ ña yũ Macũ. Adi rũmũ godarũ mũ ñabojarocati mũ catiroca ya yũ”, yiyiju Dios, yi ucañi David, Salmos wame catiri tuti ucasũogũ. <sup>34</sup> “Jesús ĩ godaja bero mũcana tũdi ĩ catiroca yigũ yigũja yũ. Ito bajiri tũdi godabiquĩji”, Dios ĩ yire gaye ado bajiro gotia ĩ oca tutiju: “Davidre yũ goticãdo bajiroti, queno mũre yigũ yigũja yũ ĩja”, yiyiju Dios yi ucare ña papera tutiju. <sup>35</sup> Gaje tutiju cũni ito bajiroti gotia. Tũote: “Queno yigũ ñami mũ Macũ. Ito bajiri ĩ ya ruju jogabe yirocũ, mũcana tũdi catiroca yigũ yigũja mũ”, yi ucañi David ñayorũ. <sup>36</sup> ĩmasi gaye tũoĩagũ meje ito bajiro ucañi David. Catigujũ Dios ĩ ãmoro bajiro riti yiyiju David. Ito yicõri ĩ ñaräre queno ejabũayiju. Ito bero co rodo meje ñacõri godañi David. Ito bajiri ĩ ñicũsabatia tũ ĩre yujeyijarã ña. Itoju ĩ ya ruju jogadoja. <sup>37</sup> Jesús ya rujuama jogabisija, mũcana Dios ĩ catiroca yijare. <sup>38</sup> Yũ ñarã tũoya mũa. Jesuna suoriti mani ñeñaro yirisere ãcabojoje ña. Iti gayere mũare gotia gũa. <sup>39</sup> No Jesure tũorũnũgũreti ĩ ñeñaro yirise ãcabojojũji Dios. Moisés ĩ rotirise riti mani tũorũnũjama, mani ñeñaro yirise ãcabojobiquĩji Dios. <sup>40</sup> Queno tũoĩaña mũa, jane mejeju Dios oca goti ĩsiri masa, ña gotiadio bajiroti mũare rõtame. Ado bajiro ucañi ña Dios oca gotirã:

<sup>41</sup> Queno tũoya yũre aja tudirã mũa. Yũre tũorũnũbiticõri jeame ãjuoroju warã yirãji mũa. Yũ ña Dios. Mũa tiroca tiyamani ĩogũ yigũja yũ. Gãjerã mũare ña goti rõtobubojarocati tũo masimena yirãji mũa. Ito bajiri mũa tũorũnũbitirena suorĩ, godarã yirãji mũa, yiyiju Dios, yi ucañi ĩre goti ĩsiri masũ, yi riasoyiju Pablo Antioquía gãna masare.

<sup>42</sup> Ito bajiro busi tĩocõri budi wayijarã Pablo mesa, judio masa ña minijuari wire. ña budi waroca iti wi minijua ñarã:

–Gaje tujacãre mũcana tũo remo ãmoa gũa, yiyijarã ña.

<sup>43</sup> ña minijua jidicãja bero jãjarã judio masa Pablo, Bernabére cũni sũyayijarã. Ito yicõri jãjarã judio masa ña yire tũoĩa rãcũbuobojana cũni Pablo mesare sũyayijarã ña. Ito yija ado bajiro gotiyijarã Pablo mesa ĩnare:



—Dios queno ĩ yirisere r̄uc̄ub̄uo j̄idic̄ābesa m̄ua. Ito yic̄ōri Dios bajiro s̄īgū robo usi cutiya m̄ua, yiyijarā Pablo mesa ĩnare.

<sup>44</sup> Ito bero gaye tujac̄āre, iti cuto gāna j̄ājarā busa minijuayijarā Dios oca t̄uorona. <sup>45</sup> Ito bajiro j̄ājarā masa Dios oca t̄uo āmorā ĩna ejaia ti teyijarā judio masa. Ito yic̄ōri Pablo ĩ gotibojaja, gajero bajiro riti c̄udiyijarā ĩna. Ito yic̄ōri ĩre aja tudiyijarā ĩna. <sup>46</sup> Ito ĩna yija tic̄ōri, b̄ato oca s̄eorena busiyijarā Pablo mesa:

—Dios ĩ rotiro bajiro cajero ĩ oca m̄uare r̄iasos̄uob̄u ȳu. Ito bajibojarocati iti ocare queno t̄uor̄un̄ubea m̄ua. Ito bajiro m̄ua yija, “Dios r̄āca catit̄iña āmobeā ḡua”, ȳiādo bajiro bajicu. Ito bajiri adi r̄um̄ari judio masa meje ñarāre Dios oca gotia ḡua. <sup>47</sup> Ito bajiro rotiñi Dios ĩ oca tutina. Ado bajiro gotia iti: Judio masa meje ñarāre m̄uare c̄ūcu ȳu, ȳu oca m̄ua gotitoni. “No Jesucristore t̄uor̄an̄uḡureti masoḡu yiḡuñi Dios”, yi masa ñajediore m̄ua goti batotoni m̄uare c̄ūcu ȳu, yi gotia Dios oca. Ito bajiro c̄ūñi Dios ḡuare, yiyij̄u Pablo, masare gotiḡu.

<sup>48</sup> Ito t̄uoc̄ōri judio masa meje ñarā b̄ato wan̄u quenayijarā. “Dios oca quenariseguti ña”, yiyijarā ĩna. Ito yic̄ōri ĩ r̄āca catit̄iñarona ĩ beseana ĩre t̄uor̄un̄uyijarā ĩna. <sup>49</sup> Ito bajiri Dios oca t̄uor̄un̄uc̄ōri ĩ oca quenarise masa jeyarore goti batoyijarā ĩna. <sup>50</sup> Ito bajibojarocati judio masama Pablo, Bernabé r̄āca ĩna t̄uoīaro bajiro meje t̄uoīa codeyijarā. Ito bajiri oca meni āmorā, iti c̄uto gāna ñasarāre ito yic̄ōri Diore r̄uc̄ub̄uor̄a romia ñasarāre c̄uni gotiyijarā. Bernabé Pablora masa ĩna usirio coderoca yiyijarā judio masa. Ito bajiri judio masare t̄uor̄un̄uc̄ōri Pablo mesare buc̄oayijarā iti cuto gāna. <sup>51</sup> Iti c̄utore budi warā ĩna ya ḡub̄oñu sita w̄ārisere ja batec̄āyijarā ĩna. “M̄ua adi cuto gāna ñeñaro yirā ña, ito yic̄ōri seti ña m̄uare”, yireoni ñayij̄u iti. Ito bajiro yic̄ōri, Iconio wame cutiri cutoj̄u wacoayijarā ĩna. <sup>52</sup> Ito ĩna budigoadoj̄u Jesure t̄uor̄un̄arā queno usi cuti quenaro ñayijarā ĩna. Ito yic̄ōri Espiritu Santo quedi s̄āja ecoana ñayijarā ĩna.

## 14

### *Iconio wame cutiri cutoj̄u Pablo mesa ĩna ña ucure gaye*

<sup>1</sup> Iconioj̄u ejac̄ōri judio masa ĩna minijuasotiri wij̄u s̄āja wayijarā Pablo mesa. Ito bajic̄ōri Jesús ocare gotiyijarā ĩna. Iti oca t̄uoc̄ōri j̄ājarā Jesure t̄uor̄un̄uyijarā. Judio masa ito yic̄ōri judio masa meje ñarā c̄uni Jesure t̄uor̄un̄uyijarā ĩna. <sup>2</sup> Ito bajibojarocati coriarā judio masa ñarā Jesure t̄uor̄un̄umena, judio masa meje ñarāre Pablo mesare ĩna junisinitoni oca meni codeyijarā ĩna. Ito bajiri Pablo mesare, “Queno yirā meje ñama ĩna”, yi t̄uoīayijarā ĩna. <sup>3</sup> Ito bajiro ĩna yi codebojarocati Iconioj̄u yoari ña ucuyijarā Pablo mesa. Itoñu ña ucurā b̄ato oca s̄eoc̄ōri, “Masare ti maic̄ōri queno yiñi Cristo”, yire oca goti ucuyijarā ĩna. “Riti ña iti oca. Riojo Jesús oca gotiama ĩna”, masa ĩna yitoni, tiyamani Pablo mesa ĩna ĩoroca yiyij̄u Dios. <sup>4</sup> Ito cuto gāna ricati riti t̄uoīayijarā. Coriarā judio masa robo bajiro t̄uoīayijarā. Gājerā Pablo mesa robo bajiro t̄uoīarā ñayijarā. <sup>5</sup> Ito yic̄ōri judio masa, judio masa meje c̄uni, ujarā robo bajiro t̄uoīac̄ōri Pablo mesare oca menic̄ōri, “ĩnare ḡātana rea s̄īar̄aja mani”, yiyijarā ĩna. <sup>6-7</sup> Ito bajiro ĩnare busija t̄uo masic̄ōri, Licaonia sitaj̄u rudi wayijarā Pablo mesa. Iti sitaj̄u ejac̄ōri Dios oca quenarise goti ucuyijarā ĩna. Listra wame cutiri cuto ito yic̄ōri Derbe wame cutiri cutoj̄u c̄uni goti ucuyijarā ĩna. Ito yic̄ōri iti c̄utori t̄u ḡānare c̄uni Dios oca goti ucuyijarā Pablo mesa.

### *Listra gāna Pablora ḡāta ĩna reare gaye*

<sup>8</sup> Listraja sīgū rudurū ñayiju. Ito bajiro wabicu rujearu ñayiju ī. <sup>9</sup> Ito Pablo masare ī busija tuo rujiyiju rudurū. Rudurūre tijucōri, “Yūre yisioguīji Dios”, yi tuoīa masigū ñami, yi tuoīayiju Pablo. <sup>10</sup> Ito bajiri ado bajiro oca sēoro gotiyiju ī rudurūre:

—Wamūña. Riojo rūgōña mu, yiyiju Pablo rudurūre.

Ito ī yirocati wamu rūgū wayiju rudurū ñabojaru. <sup>11</sup> Ito bajiro bajija ticōri, ito gāna īna ocana:

—Aba, mani rūcūbuorā masa ruju robo bajiro ruju cūticōri ejama mani tu, yi awasā busiyijarā īna.

<sup>12</sup> Bernabére Zeus wame yiyijarā īna. “Mu ña gūa rūcūbuogū, jeyaro masigū”, yireoni ñayiju, “Zeus”, yire. Ito yicōri Pablo queno goti masigū ñajare Hermes wame yiyijarā īna. “Gūa rūcūbuogū, rētoro queno goti masigū ña mu”, yireoni ñayiju, “Hermes”, yire. <sup>13</sup> Ito cūto tūnimaju Zeusrē rūcūbuora wi ñayiju. Iti wi gāna īnare riasori masu rāca Bernabé, Pablōre rūcūbuo āmoyijarā īna. Ta wecūare go bedori jeocōri īnare tūa wayijarā. Cūto sājara soje tu ejacōri wecūare sīa āmobjayijarā, Pablo mesare rūcūbuorona. <sup>14</sup> Ito bajiro īna yi āmoja ti masicōri, īna ya yutabuju tūa ñigāyijarā Pablo mesa. “Ñeñaro yi āmoa mūa”, yirona ito bajiro yiyijarā īna. Ito bajiro yi īocōri, masa wato oca sēoro ūmajdayijarā īna busirona:

<sup>15</sup> —¿No yija ito bajiro yi āmoati mūa? Mūa robo bajirā, masati ña gūa cūni. Dios robo bajirā meje ña gūa. Mūare Dios oca quenarise gotirā wadibū gūa. Mūa meni rujeoanare rūcūbuorā yiboja mūa. Ito bajiri itire jidicācōri, Dios catigūjūare tuorūnūña mūa. Ī ñami adi sita, macārcūro, ūmūari, riari cūni menirū. Ito yicōri mani tirise, mani tibiti cūni jeyaro rujeorū ñami. <sup>16</sup> Jane mejeju gāna bucarā īna yisotiado bajiroti īna yi āmoja, īnare ti tujabitibojagati, jidicā rotibisiju Dios. <sup>17</sup> Diore īna rūcūbuobitibojarocati īnare queno yiyiju Dios, “Ito bajiro queno yigū ñami Dios”, īna yi masitoni. “Ñaguīji Dios”, mani yi masitoni manire ī queno yirise īoami Dios. Tite mūa. Ide queoami. Queno rica mani bujaroca yami. Mani yaji quenaroca yami. Ito yicōri mani ya ūsiju queno mani wanū quenaroca yami Dios, yiyijarā Pablo mesa īnare.

<sup>18</sup> Ito bajiro īna yibojaroca riti, wecūare sīa āmobjayijarā masa Pablo mesare rūcūbuorona. Ito bajiro īna yija ticōri, “Gūare rūcūbuorona wecūare sīabesa mūa”, josari yi camotayiju Pablo masare.

<sup>19</sup> Iti rāmūri judio masa Antioquía gāna ito yicōri Iconio gāna ejayijarā. Ito ejacōri iti cūto gāna Pablōre ti junisinijaro yirona, īnare oca meni ejayijarā īna. Ito bajiri Pablōre gūta reayijarā masa īre sīa āmorā. “Ūsi jedicoami īja”, yi tuoīacōri cūto sōjuaju īre weja wayijarā īna. <sup>20</sup> Ito bajiro īna yibojarocati ī tu Jesure masirā īna minijaroca tujacoayiju Pablo. Tujacōri īna rāca cūtoju tudī wayiju ī. Gaje rāmū Derbe wame cūtiri cūtoju wayiju Bernabé rāca.

<sup>21</sup> Ito ejacōri Dios oca quenarise masare riasoyijarā īna. Īna ito bajiro gotija tuocōri, jājarā Jesure tuorūnūyijarā. Ito yija bero Listraju, Antioquīaju, Iconioju tudī wayijarā īna. <sup>22</sup> Iti cūtori ejacōri Jesure tuorūnūrēre busiyijarā īna. Ito bajiro īna busija tuocōri, bato busa Jesure tuoīa oca sēoyijarā īna iti cūtori gāna: “Diore tuorūnū judicābesa mūa. Ūmacūju ī rotiroju mani ejaroto riojūa jaje tōbūja bujatobitirā yirāji mani. Ī rotiroju mani eja āmoja, ito bajiro rētare ñarōja manire”, yi goti ucuyijarā īna. <sup>23</sup> Coju minijara wi rūyabeto Jesure tuorūnūrēre ūmatā ñarona bese cūyijarā īna. Diore rūcūbuorā bamena riti Diore busiyijarā īna. “Ado gāna ñama mūre tuorūnūrā. Īnare ejabūa masia mu”, yiyijarā Pablo mesa Diore.

### *Antioquíajū Pablo mesa ĩna tūdi ware gaye*

<sup>24</sup> Ito bajiro ĩna yija bero Pisidia wame cūtiri sita rēta wacōri Panfilia sitajū ejayijarā ĩna. <sup>25</sup> Perge wame cūtiri cūto Dios oca goti tūcōri, Atalia wame cūtiri cūtoju wayijarā ĩna. Riaca jajosa tūnima űayijū iti cūto. <sup>26</sup> Ito cumana jēa wacōri Siria sitajū Antioquía wame cūtiri cūtoju wayijarā ĩna. Antioquía űayijū cagero ĩna wasuado. Itijuti Dios oca ĩna goti ucuroto riojūa, “Mū ĩnare moare cūado bajiro riti ĩna moa masitoni ĩnare ejabuaya”, yijijarā Jesure tūorūnūrā Diore. Ito bajiri ĩna rotiado bajiroti moa ucu tūorā Antioquíajū tūdi ejayijarā ĩna mūcana Pablo mesa. <sup>27</sup> Itoju Antioquíajū tūdi ejacōri Jesure tūorūnūrāre miojuyijarā ĩna mūcana. Ito yicōri jeyaro Dios ĩ ejabuare gaye gotiyijarā ĩna:

—Queno ejabuquī Dios guare. Ito bajiri judio masa meje űarā cūni Dios oca quenarise tūcōri, Jesure tūorūnūama ĩna, yi gotiyijarā ĩna. <sup>28</sup> Itoju Jesure tūorūnūrā rāca yoari űayijarā Pablo mesa.

## 15

### *Jerusalénjū ĩna minijuare gaye*

<sup>1</sup> Iti rodoriti Antioquíajū ejayijarā Judea sita gāna. Ito ejacōri Jesure tūorūnūrāre judio masa ĩna yisotirere riasoyijarā ĩna:

—Jane mejeju Moisés űayorū ĩ rotiado bajiro wirow mūa tabeja, mūare masobiquī Dios, yijijarā ĩna. <sup>2</sup> ĩna ito yija tūo tujabiticōri ruje gāmeri busi tūoĵayijarā Pablo mesa ĩna rāca. Ito bajiri, “¿Riti űati?” yirona Pablo mesare Jerusalénjū cōayijarā Jesure tūorūnūrā:

—Itoju ejacōri Jesús ĩ cūana rāca ito yicōri Jesure tūorūnūrāre űmatā űarā rāca cūni busiba mūa. Riti iti űaja, tūoba. Wasa. Quenajaro, yijijarā itijū gāna Jesure tūorūnūrā.

<sup>3</sup> Ito ĩna yija tūcōri, Jerusalénjū wasuoyijarā Pablo mesa. Jerusalénjū warā Fenicia sita, Samaria sita cūni Dios oca riaso rēta wayijarā ĩna, iti cūtori gāna. “Gua riasoja, judio masa meje űarā, űeűaro ĩna yirise jidicācōri Diore tūorūnūrā ĩna. Manire bajiroti Diore tūorūnūrā ĩna cūni”, yijijarā Pablo mesa ĩnare. Ito bajiro ĩna yija tūcōri, bato wanū quenayijarā Jesure tūorūnūrā.

<sup>4</sup> Jerusalénjū ĩna ejaroca queno wanū quenare rāca ĩnare boca āmiyijarā Jesús ĩ cūana, Jesure tūorūnūrāre űmatā űarā ito yicōri Jesure tūorūnūrā űarocōti. Masa ĩna seniĵaja bero, “Judio masa, judio masa meje űarāre cūni gua riasoja, guare queno ejabuāfi Dios”, yi gotiyijarā Pablo mesa. <sup>5</sup> Ito bajiro ĩna yija tūcōri, coriarā fariseo gaye tūoĵagoana Jesure tūorūnūrā busirona wūmū rūgūyijarā:

—Mani masa meje űarā Jesure ĩna tūorūnūrā, mani yisotiro bajiro ĩna yire āmoa gua. Moisés ĩ rotire gaye cūdirūjama ĩna, ito yicōri wirow tarūjama ĩna, yijijarā fariseo gaye tūoĵagoana ito gānare.

<sup>6</sup> Ito yija Jesús ĩ cūana, Jesure tūorūnūrāre űmatā űarā cūni minijuayijarā iti oca bajiriserē tūoĵa busirona. <sup>7</sup> Yoari ĩna gāmeri busija bero busiroca wūmū rūgūyijū Pedro:

—Yū űarā queno tūoya mūa. Mūa rāca űagūre yure beseñi Dios, judio masa mejere cūni ĩ masore oca yū gotitoni. Ito bajiro beseñi Dios yure, Jesure ĩna tūorūnūrātoni. Iti gayere queno masia mūa. <sup>8</sup> Dios űami masa ĩna tūoĵariserē masigū. Judio masa meje űarā ĩna űama yū űarā, yiroca ĩnare Espiritu Santo queo sāni Dios, manire ĩ queo sādo bajiroti. <sup>9</sup> Manire ĩ ti mairo bajiroti ĩnare cūni ti maiami Dios. Jesure ĩna tūorūnūrā ĩna űeűaro yiriserē ācabojoñi Dios ĩnare, manire ĩ ācabojoado bajiroti. <sup>10</sup> Dios ĩ gotiriserē queno tūorūnūrābea mūa. Ito bajiri Moisés űayorū ĩ rotiriserē cūdiraro ĩna yirona, Jesure masisūorāre

bato josa mua. Moisés i rotirisere ñarocōti yiro robo bajiro cudi jeobisi mani ñicusabatia cuni. Ito bajiri mani cuni jeyaro i rotigore cudi jeoado ma. “Mani ñicusabatia bajiro gājerā ina cūdibeja, Jesure masirā meje ñama ina”, yi tuoīaboja mua. <sup>11</sup> Ado bajirojua baja: Manire ti maicōri manire goda īsiñi Jesucristo. Ito bajiri ire mani tuorānūja ticōri, manire masoñi Dios. Ito bajiroti Jesure ina tuorānūja ticōri judio masa masa meje ñarāre cuni masoñi Dios, yiyijū Pedro ñnare.

<sup>12</sup> Ito i yija tuocōri, busimenati Pablo, Bernabé ina busija queno tuoyijarā ina ija: “Dios i ejabuarisena judio masa meje ñarāre jaje tuyamani iocū gūa”, yiyijarā Pablo mesa. <sup>13</sup> Ina busi tōja bero Santiago wame cutigū ado bajiro yiyijū:

—Yū busirisere queno tuoya yū ñarā mua. <sup>14</sup> Jijū ado bajiro gotimi Simón Pedro manire: “Judio masa meje ñarāre cuni queno yiñi Dios. Ito bajiri ñnare besecōri i ñarā ñaroca yiñi Dios”, yi gotimi Pedro manire. <sup>15</sup> Ito bajiroti yi ucayijarā Diore goti īsiri masa jane mejeju. Iti oca ado bajiro gotia:

<sup>16-18</sup> Jane mejeju David ñayorū bero gāna masa ujarā ina ñarise susayijū. Ito bajiri ija Davidre yū goticādo bajiroti yicūja yū. Sīgū i janerābatia macure uju ñarocū cūgū yigūja yū. Ito bajiro yū cūja bero judio masa meje ñarā cuni yare rūcūbūorā yirāji ina. Yū ñarā ñaroca yigū yigūja yū ñnare, yi gotiami mani Uju Dios, yi ucañi Diore goti īsiri masa, yi gotiyijū Santiago ñnare.

<sup>19</sup> Ito bajiri ado bajiro tuoīa yū, yiyijū i mūcana: Mani masa meje ñarā Diore ina tuorānūja, usirioro ñnare yi codebitirūja mani. Ito yicōri jaje rotire gaye rotibitirūja manire. <sup>20</sup> Ado bajiro paperana mani goti ucaja quena ñnare: “Ina meni rujeorū ruju robo bajiro meni rujeocōri ina ecabojarisere babitirūja mua. Mūamasiti mua ya ruju ñeñaro iti tuoīaro bajiroti ñeñaro yibesa. Āmuma wāñiatanare babesa. Baroto riojua rī cōaja quena. Ito yicōri rī idibeja quena”, yi mani goti ucaja quena. <sup>21</sup> Ito bajiro riti coji tujacāre ruyabeto Moisés ñayorū i rotire gaye riasore ña, mani masa minijuari wijū. Ito bajiro riasotiyijarā ina jane mejeju co cato ruyabeto, yiyijū Santiago.

### *Judio masa meje ñarāre ina papera cōare gaye*

<sup>22</sup> Ito i yija tuocōri, Jesús i cūana, Jesure tuorānūrāre ūmatā ñarā, ito yicōri Jesure tuorānūrā jeyaro adi papera cōa gūa. ¿Ñati mua Antioquía gāna, Siria sita gāna ito yicōri Cilicia sita gāna ñati mua cuni? Jesure tuorānūrā mua ñajare, judio masa meje mua ñabojarocati, sīgū rīare bajiro bajirā ña mani. <sup>24</sup> Ado bajiro oca tuocū gūa. Coriarā ado gāna mua tū ejacōri usirioro yiñi ina. ñnare cōabiticu gūa. Riojo gotimenati mua tuoīarise wisaroca yiñi ina. ‘Ēmugūre mua wiro tabeja, ito yicōri Moisés ñayorū i rotire gaye mua cudi jeobeja, Jesure tuorānūrā meje ña mua’, yi ruoñi ina mūare. Ito bajiro ina gotibojarocati, ‘Itire gotitēña mua’, yi cōabiticu gūa mua tujū ñnare. <sup>25</sup> Ito bajiri sīgūre bajiro tuoīacōri busironare besecōri cōamū gūa mua tū. Gūa mairā Pablo, Bernabé

rāca baba cūti wa rotibu gua ĩnare. <sup>26</sup> Mani Hju Jesure cudirona ĩ ocare goti ucuyijarā ĩna. Gājerā ĩna sĩa āmobojarocati Jesús ocare goti tarojobisijarā ĩna. <sup>27</sup> Ito bajiri mware gotironare Judas, Silasre cūni mware cōa gua. ĩnamasiti gua ucarisere goti jeorā yirāji ĩna mware. <sup>28</sup> Espĩritu Santo bajiro tuoĭacōri jaje roti masibea gua mware. Ito bajiri adi gua ucaro bajiro riti mware rotia gua. <sup>29</sup> ĩna meni rujeorare ĩna ecabojarisere babesa mwa. Rĩre cūni idibesā. Āmuma wāñiatanare babesa. Baroto riojua rĩ cōaja quena. Ito yicōri muamasiti mwa ya ruju ñeñaro iti tuoĭaro bajiroti ñeñaro yibesa. Gua rotiro robo mwa cudija, ñaro bajiro cudirā yirāji mwa. Itocō oca goti uca gua mware. Queno ñaña mwa”, y ucañi ĩna.

<sup>30</sup> Ito yi ucaja bero iti papera āmi wa rotiyijarā ĩna. Āmi wacōri Antioquĭaju ejacōri Jesure masirāre miojuyijarā ĩna. Ito yicōri ĩna minijuaja bero papera ĩnare ĩsiyijarā ĩna. <sup>31</sup> Iti papera ticōri buto wanu quenayijarā ĩna ito gāna. Oca riojo gotire gaye iti ñaja wanu quenayijarā ĩna. <sup>32</sup> Ito yija Judas, Silas cūni Dios oca goti ĩsiri masa ñari ito gāna Jesure tuorūnārare jaje Dios oca goti masioyijarā ĩna. Iti oca tuoĭcōri buto busa Diore tuo oca seoyijarā ĩna. <sup>33</sup> Hdia ramu berocōti Jesure tuorūnārā rāca ñacōri ware tuoĭayijarā ĩna. “Guare cōacāna taju tūdi warā ya gua mūcana”, yiyijarā ĩna. “Queno waja mwa. Quenajaro mware cōana”, yiyijarā ĩna ito gāna Jesure tuorūnārā. <sup>34</sup> Ito ĩna yibojarocati, “Ado tujacuja yuama”, yi tuoĭayiju Silas. <sup>35</sup> Pablo mesa cūni, Antioquĭaju tujayijarā. Ito gānare riasoyijarā ĩna, gājerā Jesure tuorūnārā rāca. Dios oca goti tarojobisijarā ĩna.

### *Tūdi mūcana Pablo Dios oca ĩ goti ucure gaye*

<sup>36</sup> Ito yija co ramu ado bajiro yiyiju Pablo Bernabé:

—Dios oca mani goti ucura cūtoriju mūcana tūdi ti ucureja mani. Jesure tuorūnārā no bajiro ĩna bajija tito mani, yiyiju Pablo Bernabé.

<sup>37</sup> ĩna rāca warocu Juan Marcosre ji āmobojayiju Bernabé. <sup>38</sup> Ito bajiro ĩ yibojarocati, Pablojuama āmobisiju. Panfiliaju ĩna ñaroca Dios oca goti tarojoyiju Juan Marcos. Ito yicōri Jerusalénju tūdi wayiju ĩ. Ito bajiri mūcana ĩre ji āmobisiju Pablo. <sup>39</sup> Yoari itire tuoĭa gāmeri busiyijarā ĩna. Ito bajibojarocati sigūre bajiro tuoĭa masibisijarā ĩna. Ito bajiri atacōri ricati riti wayijarā ĩna. Ito bajiri Juan Marcosre āmi wayiju Bernabé. Cuma sājacōri, Chipre wame cūtiri yogaju jēa wayijarā ĩna. <sup>40</sup> Pablojuama Silasre baba cūtiyiju ĩ rāca warocu. Itoju ĩna waroto riojua Dios ĩna rāca ñatoni Diore seniyijarā Jesure tuorūnārā itoju gāna. Ito yija bero ware goticōri wasuoyijarā Pablo mesa. <sup>41</sup> Ito warāju Siria sita, Cilicia sitaju cūni Dios oca goti rēta wayijarā ĩna. Ito bajiri Jesure tuorūnārā rāca basicōri buto busa Jesure ĩna tuorūnu oca seoroca yiyijarā Pablo mesa.

## 16

### *Pablo mesare Timoteo ĩ baba cūti ware gaye*

<sup>1</sup> Itona wacōri Pablo mesa Derbe, Listra wame cūtiri cūtoriju ejayijarā ĩna. Itoju ejacōri Jesure tuorūnugūre bujayijarā ĩna. Timoteo wame cūtiyiju ĩ. ĩ jaco judio maso ñayijo Jesure tuorūnugō. Ito yicōri ĩ jacu griego masu ñayiju. <sup>2</sup> Listra gāna, ito yicōri Iconio gāna Jesure tuorūnārā queno tuoĭa busiyijarā ĩna Timoteore. <sup>3</sup> Iti masicōri Timoteo ĩna rāca ware āmoyiju Pablo. Ito bajiri Timoteore wirotayiju Pablo. ĩ wirotabeja judio masare tegu robo bajiro bajiguuji yirocu, tayiju Pablo Timoteore. “Griego masu ñami ĩ. Ito bajiri wirotayiju Pablo Timoteore.”

taya macu ñami ĩ”, yi masiyjarã judio masa Timoteore. “Manire tegu wirow taya macu ñami”, judio masa ĩna yibe yirocu, Timoteore wirow tayiju Pablo. <sup>4</sup> Listraju ĩna ñaja bero gaje cutoriju wayijarã ĩna. Ito yicõri Timoteo ĩna rãca baba cuti wayiju. Iti cutoriju Dios oca goti rãta wayijarã ĩna Jesure tuorũnarã ĩna cuditoni. Jerusalen gãna apõstol mesa ito yicõri Jesure tuorũnarãre ũmatã ñarã, “Gotiba”, ĩna yiado bajiroti co cuto ruyabeto riaso rãta wayijarã ĩna. <sup>5</sup> ĩna ito yija tuocõri, Jesure tuorũnarã buto busa Jesure tuorũna oca seõoyjarã, ito yicõri Jesure tuorũna jidicãbisijarã ĩna. Ito beroca rumari Jesure masirã jãjarã busa ña wayijarã ĩna.

### *Cãiriju Pablo Macedonia gagure ĩ tire gaye*

<sup>6</sup> “Asiaju mani goti ucure ãmobeami Espiritu Santo”, yi masicõri itoju wabisijarã ĩna. Ito bajiri Frigia, Galacia sitaju rãta wayijarã Pablo mesa. <sup>7</sup> Ito rãta wacõri Misia sita susariju ejayijarã ĩna. Itijuna Bitinia sitaju ware tuoĭabojayijarã ĩna. Ito bajibojarocati Espiritu Santo itoju cõabisiju ĩnare. <sup>8</sup> Misia sita rãta wacõri Troas wame cutiri cutore roja ejayijarã ĩna. <sup>9</sup> Iti cuto ejacõri ito ĩna cãitijiju Pablo. Ado bajiro cãitijiju ĩ: Sīgũ Macedonia gagu ĩ tu rũgõja tijiju ĩ. “Adoju Macedoniaju waya. Guare ejabuagu waya”, yiyiju ĩ Macedonia gagu Pablõre. <sup>10</sup> “Ito bajiro cãitibu yu”, Pablo ĩ yija tuocõri, “Macedoniaju ĩ oca riasore ãmoami Dios”, yicu gua. Ito bajiri warona gua ye seocu gua. Yu adi papaera tuti ucari masu, wacu ĩna rãca.

### *Filipos cutoju Pablo mesa ĩna ña ucure gaye*

<sup>11</sup> Troasna cumana wacu gua. Riojoti Samotracia wame cutiri yogaju wacu gua. Gaje rumu Neápolis ejacu gua. <sup>12</sup> Itijuna Filiposju wacu gua. Romano masa meni rujeocõri ĩna ñari cuto ñayiju ito cuto. Macedonia sitaju ñasari cuto ñayiju ito cuto. Yoari ñacu gua jabeto ito cutore. <sup>13</sup> Co rumu tujacãra rumu ñaroca cuto sõjua riacaju ejacu gua. “Iti cuto gãna Diore ĩna busisotiriju ñaroja”, yire masicu gua. Ito ejacõri rujicu gua. Ito rujicõri romia ito minijua ñarãre Jesús oca goticu gua. <sup>14</sup> Sīgõ ĩna rãca gago Lidia wame cutigo ñacõ. Tiatira wame cutiri cuto gago ñacõ iso. Iso ñacõ saya quenarise sũa ñirise ĩsiri maso. Iso romio Diore maigõ tuo rujicõ Pablo ĩ busija. Pablo ĩ busirisere iso queno tuo masitoni isore ejabuãni Dios. Ito bajiri Pablo ĩ busirisere queno tuo ñacõ iso. <sup>15</sup> Jesure iso tuorũnaja ticõri, isore idẽ gucu gua ito yicõri iso ñarãre cani. Ito yija bero ado bajiro guare basicõ iso:

–“Riti Jesure tuorũnugõ ñamo”, mña yija, yu ya wiju waya, yicõ iso guare.

Iso ito bajiro yija, iso ya wiju tujarã wacu gua.

<sup>16</sup> Co rumu Diore masa ĩna busisotiriju wacu gua. Itoju warã mamore ti bujaju gua. Rãmú sãñagõ ñaũ iso. Ito bajiro rãmú sãñagõ ñari ijariju bajirotire goti masijijo iso. Ito bajiri iso ujarã niyeru jairo bujayijarã, ija gaye bajirotire iso goti masigõ iso ñajare. <sup>17</sup> Iso romio guare ũma suyacõri ado bajiro awasãcõ iso:

–Ãna ũmna Dios ũmacãju gagure cudirã ñama. Jesure mña tuorũnaja, masoana ñarã yirãji, yi gotiama ĩna mñare, yi awasãcõ iso masa jeyarore.

<sup>18</sup> Co rumu meje guare awasã suyacõ iso. Ito bajiro usirioro iso yija tuocõri, quenabisiju Pablõre. Ito bajiri juda rũgucõri isore rãmú sãñagũre ado bajiro yiquĩ Pablo:

–Jesucristo masrisena isore mñare budigo rotia yu, yiquĩ Pablo rãmãre.

Ito ĩ yirocati rãmú budigocoquĩ isore.

<sup>19</sup> Isore rãmú budigoja bero, ijariju bajirotire goti masibiticõ iso ĩja. Iso ito bajija ticõri, “Juaĭi niyeru bujado ma mani”, yi tuoĩacã iso ujarã. Ito bajiri

Pablo, Silasre junisinicã Ìna. Ito bajiri Ìnare ñiacõri cuto gudareco ñasariju ularã riojo ãmi wacã Ìna. <sup>20</sup> Ujarã riojo ãmi ejacõri ado bajiro yiyijarã Ìna:

— Ìna judio masa mani cuto gånare oca riawuso ucurã yama Ìna. <sup>21</sup> Ìna riasorise mani romano masa mani yisotirise bajiro meje baja Ìnare. Ito bajiri Ìna riasorise Ìna yiro bajiro yibitiruja mani, yicã Ìna, Ìna ularãre.

<sup>22</sup> Ito Ìna yija tuocõri, Pablo mesare buto junisinicã masa cuni. Ito bajiri Ìnare yutabujuri ruacã roticã iti cuto ularã. Ito yicõri Ìnare baje roticã. <sup>23</sup> Ito bero buto Ìnare bajecõri, tubiara wiju cõ roticã Ìna. Ito yicõri tubiara wi coderi masare cõacã Ìna. “Queno Ìnare tirũnaña”, yicã. <sup>24</sup> Ito bajiro ularã Ìna yija tuocõri, Ìna tubiasotiriju sõjua busa ñari sõa budi masia maniju Ìnare cõyiju Ì. Ito yicõri Ìna ya gubori yucu jãina siatu cõyiju Ì.

<sup>25</sup> Ito Ì yibojarocati Pablo, Silas rãca Diore busicõri ñami gudareco basayijarã. Gãjerã ito tubiara wiju ñarã Ìna basaja tuo ñayijarã. <sup>26</sup> Ñajasaroti sita ulerise ejayiju. Ito yicõri tubiara wi cadayiju. Iti ito bajiroca riti sojeri jana jedicoayiju. Ito bajicõri tubiara wiju ñarãre come mari ojo jedicoayiju. <sup>27</sup> Ito bajijare tubiara wi coderi masu yuyiyiju. Iti sojeri susu jedija ticõri, “Tubiara wi ñarã wa jedicoana”, yire masiyiju Ì. Ito bajiri Ì ya sarera jã ruayiju Ìmasi sãa godarocu yibojayiju Ì. <sup>28</sup> Ito bajiro Ì yirocaci Pablo ado bajiro yiyiju Ìre:

— Mumasiti sãa godabesa. Ado ñajedicõa gua, yiyiju Pablo Ìre.

<sup>29</sup> Ito yija busurise seniyiju tubiara wi coderi masu. Ito yicõri Pablo mesa tu ùmaquedi sãja wayiju Ì. Buto nuruoyiju Ì güigu. Ito yicõri Ìna riojo rijomunigãna ñini rũjũyiju Ì. <sup>30</sup> Ito yija bero Ìnare wiocoacõri, ado bajiro Ìnare seniayiju Ì:

— ¿No bajiro yirujati yu, Dios yure Ì masotoni? yiyiju Ì Pablo mesare.

<sup>31</sup> Ito bajiro Ì yija, ado bajiro cudiyijarã Ìnajua:

— Mani Uju Jesucristore mu tuorũnaja, mare masogũ yiguji Dios, ito yicõri mu ñarãre cuni masogũ yiguji Ì, yiyijarã Ìna tubiara wi coderi masare.

<sup>32</sup> Ito yicõri mani Uju Jesucristo oca busiyijarã Ìna Ìre. Ì ya wi gånare cuni goti jeoyijarã Ìna. <sup>33</sup> Iti ñami ñaroca riti maji, Ìna bajere camire coeyiju tubiara wi coderi masu Pablo mesare. Ìnare ito bajiro Ì yija bero Ìmasi ito yicõri Ì ñarãre idé gu rotiyiju Ì Pablo mesare. Ito bajiri Jesure Ìna tuorũnaja ticõri, Ìnare idé guyijarã Pablo mesa Ìja. <sup>34</sup> Ito yija bero Ì ya wiju Pablo mesare ãmi wayiju Ì. Ito yicõri Ìnare bare ecayiju Ì. “Diore tuorũnugũ ña yu Ìja”, yi masicõri Ì ñarã rãca buto wanu quenayiju Ì.

<sup>35</sup> Busuri iti cuto gãna ularã, poreciare cõayijarã, tubiara wi coderi masare, “Ìnare bucõaña mu”, yirona. <sup>36</sup> Ito yija tubiara wi coderi masu ado bajiro yiyiju Pablore:

— Ujarã Ìna rotiro bajiroti mare bucõare ña yure. Ito bajiri ñe godo manoti budi wasa mu.

<sup>37</sup> Ito bajiro Ì yija tuocõri, Pablo ado bajiro gotiyiju porecia mesare:

— Ñe guare seti manibojarocati adi cuto gãna ularã mesa riojo guare bajecã Ìna. Ito yicõri adi wi tubiara wi guare cõcã Ìna. Roma gãna gua ñabojarocati guare tubiacã Ìna. Ito bajiri adocãta masa Ìna masibetoti guare bucõa ãmbojama Ìna. Ito bajiro meje bajiro yiroja. Ìnamasiti guare bucõarã wadijaro, yiyiju Pablo porecia mesare.

<sup>38</sup> Ito Ì yija tuocõri, ularãre gotirã wayijarã porecia mesa. Ito bajiro porecia Ìna gotija tuocõri, roma gãnati Pablo mesa Ìna ñaja, tuo masicõri tuo güiyijarã ularã. <sup>39</sup> Ito bajiri Pablo mesa taju oca quenorã wayijarã ularã. Ìna ito yija bero, Ìnare ãmi bucõayijarã Ìna. Gaje cutoju Ìna watoni Ìnare gotiyijarã Ìna. <sup>40</sup> Tubiara wire budigocõri Lidia ya wiju wayijarã Ìna Pablo mesa. Ito

ejacōri Jesure t̄or̄ūn̄r̄āre miojujijarā ĩna, Jesús oca gotirona. Iti oca t̄uocōri b̄uto b̄usa Jesure t̄or̄ūn̄u oca s̄ēoroca yiyijarā ĩna. ĩna ito yija bero gaje c̄uto wayijarā ĩna ĩja.

## 17

### *Tesalónica c̄utoj̄u oca rujeare gaye*

<sup>1</sup> Filiposj̄ure budi wagocōri, Anfipolis ito yicōri Apolonia r̄ēta wayijarā ĩna Pablo mesa. Ito bero Tesalónica wame c̄utiri c̄utoj̄u ejayijarā ĩna. Iti c̄utoj̄u judio masa ĩna minijuari wi ñayij̄u. <sup>2</sup> Pablo ĩ yisotiro bajiro yiḡu ĩna minijuara wij̄u wayij̄u. Ito yicōri ũdiaji tujacāre ĩnare Dios oca gotiyij̄u ito minijua ñar̄āre. Diore goti ĩsiri masa ado bajiro yi ucañi ĩna, yi gotiyij̄u Pablo masare:

<sup>3</sup> —Cristo Dios ĩ cōaru ñeñaro t̄ōbujaḡu yiguñji. Ito yicōri godaḡu yiguñji. Godabojaḡuti m̄ucana t̄udi catiḡu yiguñji ĩ, yi ucañi Diore goti ĩsiri masa. ĩna t̄oia ucar̄u, ĩti ñami Jesucristo Dios ĩ cōaru, yiyij̄u Pablo ĩnare.

<sup>4</sup> Ito ĩ yija t̄uocōri, coriarā judio masa Jesure t̄or̄ūn̄uyijarā ĩja. Ito bajiri Pablo, Silas bajiroti s̄īgū bajiro riti t̄olayijarā ĩna ĩja. J̄ājarā griego masa Diore r̄āc̄ub̄orā ĩ gotija t̄uocōri, Jesure t̄or̄ūn̄uyijarā ĩna ĩja. Iti c̄uto gāna romia ñasari masa Jesure t̄or̄ūn̄uyijarā ĩna c̄uni. <sup>5</sup> Pablo mesare j̄ājarā masa ĩna c̄udija ti masicōri, judio masa Jesure t̄or̄ūn̄umena Pablo mesare ti teyijarā. Ito bajiri iti c̄uto gāna rojorā, ñeñaro yir̄āre c̄uni miojujijarā ĩna. “Adi c̄uto gānare oca meniña m̄ua, Pablo mesare ĩna junisinitoni”, yiyijarā judio masa ĩnare. Ito bajiro yicōri Jasón ya wij̄u Pablo mesare āmarā wayijarā ĩna. ĩnare bucōacōri masare ĩsi āmobjayijarā ĩna. <sup>6</sup> ĩnare bujabiti warā iti wi gaḡu Jasónre ito yicōri Jesure t̄or̄ūn̄r̄āre ũjarā tuj̄u āmi wayijarā ĩna. Ado bajiro ũjarāre awasā gotiyijarā ĩna:

—Āna ũm̄ua gaje c̄utorij̄u oca riaw̄aso ucuana ñama. M̄ucana mani ya c̄utore oca riaw̄asorona ejama ĩna. <sup>7</sup> Āni Jasón ĩ ya wij̄u ĩnare boca āmiñi. Mani ũj̄u César, ĩ rotirise c̄udirā meje ñama ĩna. S̄īgū Jesús wame c̄utigure, “ĩ ñami Ĕju ñasaḡu”, yama āna, yiyijarā rojorā ñeñaro yiri masa ũjarāre.

<sup>8</sup> Iti oca t̄uocōri iti c̄uto gāna ũjarā ito yicōri iti c̄uto ñari masa jeyaro junisini awasāyijarā. <sup>9</sup> “Ḡua m̄uare bucōare āmoja, ḡuare waja yiya m̄u”, yiyijarā ĩna Jasón mesare. Ito bajiri Jasón mesa ũjarāre waja yiyijarā budirona.

### *Pablo mesa Bereaj̄u ĩna ña ucuire gaye*

<sup>10</sup> Iti r̄āiorocati ito gāna Jesure t̄or̄ūn̄r̄ā Pablo mesare Berea wame c̄utiri c̄utoj̄u wa rotiyijarā ĩna. Ito ejacōri judio masa ĩna minijuari wij̄u wayijarā Pablo mesa. <sup>11</sup> Ito Berea gāna Tesalónica gāna masa r̄ēto b̄usaro Pablo mesare queno yiyijarā. Pablo Dios oca ĩ gotija queno wan̄u quenaro t̄uoyijarā ĩna. Ito bajiri, “¿Dios oca riti gotiati Pablo?” yirona Dios oca tisotiyijarā ĩna. <sup>12</sup> “Riti gotiam̄i”, yi masicōri j̄ājarā Jesure t̄or̄ūn̄uyijarā ĩna. J̄ājarā griego masa Jesure t̄or̄ūn̄uyijarā. ĩna r̄āca gāna romia ñasarā c̄uni queno Jesure t̄or̄ūn̄uyijarā.

<sup>13</sup> “Bereaj̄u Dios oca gotiḡu yiguñji Pablo”, yire oca t̄uoyijarā Tesalónica gāna judio masa. Itire t̄uocōri junisiniyijarā ĩna. Ito bajiri itoj̄u wacōri masare oca riaw̄soyijarā ĩna. <sup>14</sup> ĩna ito yija ticōri, Pabllore baba c̄uti warona r̄āca, “Wasa”, yiyijarā ito gāna Jesure t̄or̄ūn̄r̄ā. “Coji riaca jajosa roja ejadoj̄u wasa m̄ua”, yiyijarā. Silas, Timoteo r̄āca tujayijarā. ĩna r̄āca ito wabisijarā. <sup>15</sup> Riaca jajosa roja ejacōri cumana āmi wayijarā ĩna Pabllore. Atenas wame c̄utiri c̄utoj̄u ĩre āmi wayijarā ĩna. Itoju ĩre c̄u t̄uocōri Bereaj̄u t̄udi wayijarā ĩna m̄ucana. ĩnanati oca c̄oyij̄u Pablo, “Silas, Timoteo ejori b̄usati wadijaro”, yiroc̄u.



### Atenasj<sub>m</sub> Pablo ï ña ucure gaye

<sup>16</sup> Atenasj<sub>m</sub> Silas, Timoteore yu ñagūj<sub>m</sub> iti catore ti ucugu wayij<sub>m</sub> ï. Iti catori gāna meni rujeocōri ña rūcub<sub>m</sub>horisere jaje ticōri bujatobisij<sub>m</sub> Pablo. <sup>17</sup> Ito bajiri minijuara wij<sub>m</sub> judio masare busiyij<sub>m</sub> Pablo, ito yicōri judio masa robo bajiro t<sub>m</sub>oīarāre c<sub>m</sub>ni busiyij<sub>m</sub> ï. Ito bajiri co r<sub>m</sub>u<sub>m</sub> r<sub>m</sub>uyabeto c<sub>m</sub>to g<sub>m</sub>udareco wa ucurāre Dios oca gotiyij<sub>m</sub> Pablo. <sup>18</sup> Ito gāna epicúreos oca riasotiri masa ito yicōri estoicos oca riasotiri masa c<sub>m</sub>ni ruje Pablo rāca busiyij<sub>m</sub>arā. ñnare Jesús oca gotiyij<sub>m</sub> Pablo. Ito yicōri Jesús godabojag<sub>m</sub>uti m<sub>m</sub>cana t<sub>m</sub>adi ï catire gayere c<sub>m</sub>ni gotiyij<sub>m</sub>. Ito bajiri coriarā ado bajiro yiyij<sub>m</sub>arā:

—¿Ñe gaye gotiroca ito bajiro busim<sub>m</sub>c<sub>m</sub>tiati āni? yiyij<sub>m</sub>arā ñna.

Gājerāma:

—Gaje c<sub>m</sub>to gāna ña rūcub<sub>m</sub>horisere busiguñi gajea, yiyij<sub>m</sub>arā ñna. <sup>19</sup> Ito yija, “Areópago wame catirij<sub>m</sub> ita busito”, y<sub>i</sub> wayij<sub>m</sub>arā ñna Pabl<sub>m</sub>ore. Itij<sub>m</sub> minijua ñarā ujarā ado bajiro yiyij<sub>m</sub>arā ñna:

—Oca mame m<sub>m</sub> gotire t<sub>m</sub>o āmoa g<sub>m</sub>ua, yiyij<sub>m</sub>arā Pabl<sub>m</sub>ore. <sup>20</sup> G<sub>m</sub>ua t<sub>m</sub>oīabiti oca riasoa m<sub>m</sub>. Ito bajiri m<sub>m</sub> gotire t<sub>m</sub>o āmoa g<sub>m</sub>ua. ¿No bajiro yireoni riasoati m<sub>m</sub>? Gotiya maji g<sub>m</sub>uare, yiyij<sub>m</sub>arā ñna ñre.

<sup>21</sup> Atenas gāna ito yicōri iti c<sub>m</sub>to ña ijari masa oca gaje mame riti t<sub>m</sub>oīa busiyij<sub>m</sub>arā ñna. Ito bajiri Pablo mame oca ï gotija t<sub>m</sub>o āmoyij<sub>m</sub>arā ñna.

<sup>22</sup> Ito bajiri ñna wato w<sub>m</sub>m<sub>m</sub> r<sub>m</sub>ūg<sub>m</sub>cōri Areópago wame catirij<sub>m</sub> ado bajiro gotiyij<sub>m</sub> Pablo ñnare:

—T<sub>m</sub>o<sub>y</sub>a Atenas gāna ñari masa m<sub>m</sub>ua. Meni rujeocōri m<sub>m</sub>ua rūcub<sub>m</sub>horisere queno m<sub>m</sub>ua rūcub<sub>m</sub>hoja tia y<sub>m</sub>. <sup>23</sup> Rūcub<sub>m</sub>horā m<sub>m</sub>ua minijuasotirij<sub>m</sub>uri ito ti ucug<sub>m</sub>u<sub>m</sub> ado bajiro ucare coj<sub>m</sub> ti bujac<sub>m</sub> y<sub>m</sub>, “Ado ña Dios tiya mac<sub>m</sub>re rūcub<sub>m</sub>horāj<sub>m</sub>”, yic<sub>m</sub>u itij<sub>m</sub>. Āni Dios masibitibojarāti m<sub>m</sub>ua rūcub<sub>m</sub>hog<sub>m</sub>re ñti ñami Dios m<sub>m</sub>uare y<sub>m</sub> busig<sub>m</sub>, y<sub>i</sub> gotiyij<sub>m</sub> Pablo ñnare.

<sup>24</sup> Dios adi sita, adi mac<sub>m</sub>rc<sub>m</sub>uro jeyaro ñarotire rujeor<sub>m</sub>, ñti ñami adi sita, adi mac<sub>m</sub>rc<sub>m</sub>uro jeyaro r<sub>m</sub>cog<sub>m</sub>. Ito bajiri rūcub<sub>m</sub>horona masa ñna menir<sub>m</sub> meje ñami ï. <sup>25</sup> Ñej<sub>m</sub>ua r<sub>m</sub>yabea ñre. Mani ñre meni ñsi ām<sub>m</sub>bojarise ñacāroja ñre. Ñe r<sub>m</sub>yabetoja. Ī ñami mani catirise jeyaro ñsig<sub>m</sub>.

<sup>26</sup> C<sub>m</sub>ajeroj<sub>m</sub> ām<sub>m</sub>g<sub>m</sub>ā s<sub>m</sub>ig<sub>m</sub>areti menis<sub>m</sub>oyij<sub>m</sub> Dios. ñna s<sub>m</sub>oriti jājarā masa buturi gāna meniñi Dios. Adi mac<sub>m</sub>rc<sub>m</sub>uro ñna ña batatoni jeyaro batoyij<sub>m</sub> Dios. Ī ñami, “Itocō rujearā yirāji, adi sita gāna ñarā yirāji, ito yicōri itocō catirā yirāji ñna”, yiri mas<sub>m</sub>. <sup>27</sup> Jeyaro meniñi Dios, itire ticōri mani ñre rūcub<sub>m</sub>uotoni. Riojo gotisajama, sōj<sub>m</sub> mejeti ñami Dios. Mani rācati ñami. <sup>28</sup> M<sub>m</sub>ua ñarā papera meniñā ado bajiro y<sub>i</sub> ucañi: “Diona s<sub>m</sub>oriti catirā moa masia mani. Ī manija ñamenaji mani c<sub>m</sub>ni. Ī r<sub>m</sub>ia ña mani”, y<sub>i</sub> ucañi m<sub>m</sub>ua ñarā. <sup>29</sup> “Īti ñami Dios”, y<sub>i</sub> t<sub>m</sub>oīarā, g<sub>m</sub>ātana, orona, plata wame catirisena c<sub>m</sub>ni ñna rūcub<sub>m</sub>horoc<sub>m</sub>re meni rujeorā yirāji masa. Maniama Dios r<sub>m</sub>ia ñacōri, “Ito bajiro bajig<sub>m</sub>uti ñami Dios”, y<sub>i</sub> t<sub>m</sub>oīabitir<sub>m</sub>aja manire. <sup>30</sup> “Ado bajiro āmoami Dios”, masa ñna y<sub>i</sub> masiroto r<sub>m</sub>ioñaj<sub>m</sub> ñnare waja senibisij<sub>m</sub> Dios maji. Bajibebe adi r<sub>m</sub>u<sub>m</sub>ari. Ito bajiri adocāta jeyaro ñeñaro mani yirise jidicā rotiami Dios manire. <sup>31</sup> Ija masa ñna ñeñaro yirise waja ñ senirotire masicāmi Dios. Queno yig<sub>m</sub>u ñari ñna yigorecōti waja senig<sub>m</sub>u yig<sub>m</sub>uñi ï. Ito yicōri, ï beserana s<sub>m</sub>oriti masare waja senig<sub>m</sub>u yig<sub>m</sub>uñi Dios. “Cristo ñami Dios ï beser<sub>m</sub>”, mani yitoni ï godaja bero m<sub>m</sub>cana t<sub>m</sub>adi ï catiroca yif<sub>m</sub>i Dios, yiyij<sub>m</sub> Pablo ñnare.

<sup>32</sup> M<sub>m</sub>cana t<sub>m</sub>adi catire gaye t<sub>m</sub>ocōri coriarā Pabl<sub>m</sub>ore aja tudiyij<sub>m</sub>arā. Ito bajibojarocati gājerāj<sub>m</sub>ama ado bajiro yiyij<sub>m</sub>arā:

—M<sub>m</sub>cana t<sub>m</sub>adi m<sub>m</sub>u itire busija, t<sub>m</sub>o āmoa g<sub>m</sub>ua, yiyij<sub>m</sub>arā ñna Pabl<sub>m</sub>ore.

<sup>33</sup> Ito yicōri ĩna minijua ĩariju budigoyiju Pablo. <sup>34</sup> Coriarā ĩre bajiro t̄oĩacōri Jesure t̄or̄ũnyijarā ĩna. ĩna rāca gagu s̄igũ Dionisio wame cutigu ĩayiju. ĩ Areópagoju minijuasotirā rāca gagu ĩayiju. S̄igō Dámaris wame cutigo c̄ani Jesure t̄or̄ũnyijajo. Ito yicōri gājerā c̄ani Jesure t̄or̄ũnyijarā.

## 18

### *Corintoju Pablo ĩ ĩa ucure gaye*

<sup>1</sup> Ito ĩ bajija bero Atenas wame cutiri cutore wacoayiju Pablo ĩja, Corinto wame cutiri cutojũ wacũ. <sup>2</sup> Ito ejacōri s̄igũ judio masare Aquila, Ponto gagure ti b̄ujayiju Pablo. Aquila ĩ manojõ Priscila rāca Italia sitana wacōri Pablo riojuã Corintoju ejayijarā ĩna. Roma gagu uju Claudio wame cutigu Italia sitaju judio masa ĩna ĩnare āmobicu, ĩnare bucōayiju. Ito bajiri Corintoju ĩnarā wayijarā ĩna Aquila ĩ manojõ rāca. Ito ĩna ĩnaroca riti Pablo ejayiju ĩnare tigu. <sup>3</sup> Pablo bajiroti saya web̄utirise gayere wiri meniyiju Aquila ĩ manojõ rāca. Ito bajiri ĩna rāca cojuati moarocu tujayiju Pablo. <sup>4</sup> Coji tujacāre r̄uyabeto minijuara wiju Dios oca gotigu wasotiyiju Pablo. Judio masa ito yicōri judio masa meje ĩnarāre c̄ani Dios oca ĩna t̄ore āmogũ ĩnare gotiyiju Pablo.

<sup>5</sup> Ito yija, ito bero Macedoniaju wadiana Silas Timoteo, Corintoju Pablo taju ejayijarā. ĩna ejaroca ĩ moare cutirise jidicācōri Dios oca riti goti ĩayiju Pablo. Ado bajiro judio masare riaso b̄usiyiju ĩ:

—Dios ĩ cōaru Cristo mani bocatigu ĩti ĩnami Jesús, yiyiju Pablo ĩnare.

<sup>6</sup> Ito bajiro ĩ gotibojarocati gājerā ricati t̄oĩacōri ĩre usirioro yi codeyijarā ĩna. Ito yicōri ĩre b̄usituyijarā ĩna. ĩna ito yija ticōri, ĩya yutabuju jacāyiju. “Yure quenõ boca āmibea m̄ua”, yi t̄oĩagũ, ito bajiro yiyiju ĩ. Ito yicōri ado bajiro yiyiju ĩ:

—Dios yure ĩ rotiado bajiroti ĩ oca mure gotibojabu yu. Ito bajiri m̄ua godari r̄um̄u jeame ũjaroju m̄ua waja yure seti mano yiroja. ĩ oca m̄ua t̄or̄ũnub̄itijare m̄uareama seti ĩnaro yiroja. Ito bajiri m̄ua t̄oĩ āmobeja ticōri, adi r̄um̄una judio masa meje ĩnarāre Dios oca gotis̄uogũ ya yu, yiyiju Pablo.

<sup>7</sup> Itona budi wacōri Ticio Justo ya wiju wayiju Pablo. Diore r̄uc̄b̄uogũ ĩayiju Ticio Justo. ĩya wi t̄u ĩayiju minijuara wi. <sup>8</sup> Crispo wame cutigu ĩayiju minijuara wi uju. Crispo ito yicōri ĩ ĩnarā quenõ Jesure t̄or̄ũn̄urā ĩayijarā ĩna. Ito Corinto cutõ gāna Dios oca t̄uocōri, jājarā Jesure t̄or̄ũnyijarā. Ito yicōri idé gu rotiyijarā ĩna. <sup>9-10</sup> Co ĩnami ĩ cāiroju Jesús ĩ b̄usija t̄uoyiju Pablo:

—M̄u rācati ĩa yu. Ito yicōri yure t̄or̄ũn̄urā jājarā ĩnama adi cutore. Ito bajiri güibesa. Gājerā ĩeñaro mure yi masimenaji. Oca s̄eocōri yu oca masare gotiñaña. Ito yicōri itire goti jidicābesa, yiyiju Jesús Pablõre ĩ cāiroju.

<sup>11</sup> Ito bajiri Corintoju co rodo gaje rodo gudareco masare Dios oca goti ĩayiju ĩ.

<sup>12</sup> Ito bero Galión wame cutigu Acaya sitaju uju s̄ajayiju. Ito bajiro uju ĩ ĩnaroca s̄igũ bajiro riti t̄oĩacōri Pablõre ĩayijarā judio masa. Ito yicōri ujarā riojo ĩre āmi wayijarā ĩna. <sup>13</sup> Ito yicōri ujure ado bajiro gotiyijarā ĩna:

—Ḡua masa ĩna rotiado bajiro meje, Diore r̄uc̄b̄uotoni rotiami āni, yiyijarā judio masa Galiónre.

<sup>14</sup> Pablo b̄usigu wagu yirocati Galión ado bajiro yiyiju judio masare:

—Ñeñaro yigu ĩ ĩnama, ito yicōri ḡua rotirise ĩ c̄udibitija beroti bajijama, m̄ua gotirise t̄uoboḡuja yu. <sup>15</sup> M̄ua masa ocati oca rotire iti ĩnaja, m̄uamasiti oca quenõña. Ȳnama iti oca quenori masu meje ĩna āmoa yu, yiyiju Galión judio masare.

<sup>16</sup> Ito yicōri judio masare bucōayijū Galión, iti sōaju. <sup>17</sup> Ito yija minijuara wi ujū Sóstenesre ñayijarā. Ito yicōri ujū Galión riojo ñre jayijarā ña. Ito bajiro ña yibojarocati, “¿No yija ñre jati mña?” yibisijū Galión. “No yibeati”, yi tñōacōyijū ĩ.

### *Antioquíajū tñdi ejacōri mñcana Pablo Dios oca ĩ goti ucure gaye*

<sup>18</sup> Corintojū yoa busari ñayijū Pablo maji. Ito bero ito ñabojacōri, Jesure tñorññarē ware gotiyijū ĩ. Ito yicōri Aquila ĩ manajo Priscila rāca Siria sitaju warona Cencrea cutojū roja wayijarā ña. Cencrea cuto ñana ña waroto riojua, “Mñ tiro riojo ado bajiro yicūja yñ”, yiyijū Pablo Diore. “Yñ gotiado bajiro ti yicūja”, yirocū joa sua batecā rotiyijū ĩ. <sup>19</sup> Itona cumana wacōri Efeso cuto jetaca ejayijarā ña. Ito ejacōri Aquila ĩ manajo Priscila rāca ito ña ñaroca riti maja wacōri minijuara wijū judio masa rāca busigū wayijū Pablo. <sup>20</sup> Yoa busari ña rāca ĩ tujare ãmōbojayijarā judio masa. Ito yibojarocati Pabloama ãmōbisijū. <sup>21</sup> Ito bajiri ado bajiro ñnare ware gotiyijū ĩ:

—Jerusalénjū Diore basa ña meni ĩsija, ña rāca ña ãmoa yñ. Ito bajiri co rumū Dios ĩ ãmoja, mñcana mñare tigū ejagu yigūja yñ, yiyijū Pablo judio masare.

Ito yicōri Efesona cumana wayijarā ña. <sup>22</sup> Cesarea jetaca ejacōri Jerusalén gñnare Jesure tñorññarē maja tigū ejayijū Pablo. ñnare ti rēta wacōri Antioquíajū wayijū Pablo mñcana. <sup>23</sup> Itijū yoari ñacōri mñcana tñdi wasñoyijū. Ito wacūñ Galacia sita, Frigia sita cñni rēta wayijū ĩ. Iti sita gñna Jesure tñorññarē Dios oca goti ucuyijū Pablo. Ito bajiro Dios oca ĩ gotija tñocōri, tñōia oca sēo jediyijarā ña.

### *Efesoju Dios oca Apolos ĩ riasore gaye*

<sup>24</sup> Iti rodori sigū judio masū Apolos wame cūtigū Efesoju ejayijū. Alejandría cuto gagū ñayijū ĩ. Masa tiro riojo queno busi masigū ñayijū ĩ. Ito yicōri Dios oca tuti queno ti masiyijū ĩ. <sup>25</sup> Gãjerā Jesús oca ña riasoja, queno tñogorū ñayijū ĩ. Juan masare ĩ idé gure gaye masiyijū ĩ. Ito bajibojarocati Jesús gayere jeyaro rētare gaye masi jeobisijū ĩ maji. Queno oca sēo wanū quenaro masare busiyijū ĩ. Jeyaro Jesús ocare masibitibojaguti queno Jesús ocare riasoyijū ĩ. <sup>26</sup> Co rumū minijuara wijū, ñe tño gūibicati queno masare busiyijū ĩ. Aquila ĩ manajo Priscila rāca ĩ busija tño ñayijarā ña. ĩ busija bero ricati ñre busirona ñre gajero busa ãmi wayijarā ña. Dios gaye ĩ queno tñōabitire queno ñre goti rētobuyijarā ña. <sup>27</sup> Ito yija bero yoari Acayajū Dios oca gotigū wa ãmoyijū ĩ. “Quena ña. Wasa mñ”, yiyijarā Efeso gñna Jesure tñorññarē. Ito bajiri, “Apolosre queno boca ãmiña mña”, yirona papera meniyyijarā Acaya gñnare yiari. Acayajū ejacōri Jesure tñorññaroca Dios ĩ yianare queno ejabñayijū Apolos. <sup>28</sup> ĩ queno tñōlagū ñari, judio masa ña busibojarisere, “Ado robojua bajia”, yiyijū ĩ masa tiro riojo. “Ado bajiro bajia”, yirocū Dios oca ti gotiyijū ĩ. “Dios ĩ beserū mani bocatigū, ĩti ñami Jesucristo”, yi riasoyijū ĩ. Queno riasogu ñajare, “Ito bajiro meje bajia”, yi masibisijarā judio masa.

## 19

### *Efesoju Pablo ĩ ña ucure gaye*

<sup>1</sup> Apolos Corintojū ĩ ñaroca riti Pablojuama gñta yucūri judo ñari catori rēta wacōri Efesoju ejayijū. Ito ejacōri Jesure tñorññarē coriarā ti bñjayijū ĩ. <sup>2</sup> Ito bajiri ado bajiro ñnare seniñayijū ĩ:

—¿Jesure mña tñorññari rumuti Espiritu Santo quedi sñajacati mñare? yiyijū Pablo ñnare.

Ito ĩ yija ado bajiro cñdiyijarā ña:

—Espíritu Santo ï ñare gayere masibiticu gña, yiyijarã ïna.

<sup>3</sup> Ito yija Pablo ïnare seniïayiju:

—¿No bajiro bajirisere idé gu ecocati mua? yiyiju Pablo ïnare.

—Juan ï riasoado bajiroti idé gu ecocu gña, yiyijarã ïna Pablore.

<sup>4</sup> ïna ito yija ado bajiro yiyiju Pablo ïnare:

—Masa ïna ñeñaro yirisere jidicånare idé guñi Juan. Ito yicõri ado bajiro ïnare gotiñi Juan: “Yu bero ejarocare mua tuorånaja quena”, yi riasoñi Juan. Ito bajiro ï busiru ïti ñami Jesús, yiyiju Pablo.

<sup>5</sup> Ito bajiro Jesure ïna tuorånaja ti masicõri Jesús wamena ïnare idé guyiju Pablo. <sup>6</sup> Ito yicõri Pablo ïnare ãmo moa jeoroca, Espiritu Santo ïnare quedi sãjayiju. Ito bajijare ricati riti ïna masibiti oca ñabojareti busiyijarã ïna. Diore tuocõri ï gotiro bajiroti gotiyijarã ïna. <sup>7</sup> Jua gubojeno ãmua ñayijarã ïna.

<sup>8</sup> Disejua ï tuo güirise mañiju Pablore. Ito bajiri udiarã ïmacañicõ minijuara wiju masare Dios oca goti ñayiju ï. “Ïre tuorånarãre ï rotiroju miojugu yigüji Dios”, yi gotiyiju ï masa Diore ïna tuorånatoni. <sup>9</sup> Ito bajibojarocati coriarã Pablo ï busirisere tuo batecãcõyijarã Diore tuorånã ãmomena. Masa riojo Jesús ocare ñeñaro busiyijarã ïna. Ito bajiri ïnare camotadiyiju Pablo. Ito yicõri Jesure tuorånarãre ï rãca ãmi wayiju ï, Tirano wame cutigu ya riasora wiju ïna rãca busirocu. Iti wiju co rumu rayabeto ïna rãca busisotiyiju. <sup>10</sup> Itiju jua rodo riaso ñayiju ï. Ito bajiri iti sita Asia wame cutiri sita gãna, judio masa, judio masa meje ñarã cuni mani Hju Jesús oca tuo jediyijarã ïna. <sup>11</sup> Pablona sworiti jaje tiyamani ïoyiju Dios. <sup>12</sup> Ito bajiri Pablo ï moaïagore resurori, yutabujuri ï moaïagore cuni masa cõrã tujju ïna ãmi waja ïnare ñarise rëtayiju. Ito yicõri rãmúa sãñarãre rãmúa budigoyijarã.

<sup>13-14</sup> Iti rodori judio masa jua ãmojeno ñarã masa rãmúa sãñarãre bucõa ucuyijarã ïna catorire. Paia wju Esceva wame cutigu rãa ñayijarã ïna. ïna Efesoju ejayijarã. Jesús masirisena Pablo rãmúa sãnarã ï bucõado bajiro yi ãmobjayijarã ïna. Ito bajiri rãmüare ado bajiro yiyijarã ïna:

—Jesús wamena müare budi rotia gña. Pablo ï busi ucugu Jesús wamena müare budi rotia gña, yibojayijarã ïna. <sup>15</sup> Ito bajiro ïna yibojarocati, ado bajiro ïnare cüdiyiju rãmú:

—Jesure masia yu, ito yicõri Pablore cuni masia yu. Müareama ti masibeaa yu. ¿Ñimarãona ñati müama? yiyiju rãmú ïnare.

<sup>16</sup> Ito yicõri rãmú sãñagü ïnare bubu quedi jeayiju. Buto sëorisenã ïnare ñeñaro yi rëtocüyiju ï. Sëoro ï yi rëtocüjare yutabuju manati cami cutirã ïmaquedi rudi wayijarã ïna. <sup>17</sup> Efeso ñarã judio masa ito yicõri judio masa meje ñarã cuni ito bajiro iti bajire gayere tuo jediyijarã. Iti oca tuo ucacõri, jãjarã busa, “Sëogüguti ñami Jesús”, yi tuoïa rãcubuyijarã masa ïja.

<sup>18</sup> Iti oca tuocõri jãjarã Jesure tuorånarã ïna ñeñaro yirisere goti rëtoyijarã. “Rãmú ï masirisena masare quenacu gña ito yicõri ïnare rojacu gña”, yiyijarã ïna. <sup>19</sup> Ito yicõri ado bajiro yiyijarã cumua queti oca quesoïari masa. ïna ya papera tutiri queti oca gotiri tutiri ãmi wacõri masa riojo soeyijarã. Iti papera tutiri ïna soe ruyuriore cincuenta mil niyeru kujiri waja cutirisecõ godayiju. <sup>20</sup> Ito ito bajiro rëtaja bero mani Hju Jesús oca coju rayabeto bataja tuore ñacu ïja. Iti oca tuocõri jãjarã Jesure tuorånayijarã ïja.

<sup>21</sup> Ito bajiro iti rëtaja bero Jerusalénju tãdi ware tuoïayiju Pablo. “Macedonia sita, ito yicõri Acaya sita rëta wacu ya yu”, yi tuoïayiju Pablo. “Jerusalénju yu

eja ja bero Romaju ware ña yare”, yi tuoñayiju Ì. <sup>22</sup> Ito bajiro yi tuoñacõri Timoteo ito yicõri Erasto rãca Ìre eja buari masare Ì rioja cõayiju Ì, Macedoniaja Ìna wayutoni. Ìjuama Asia sitaju Efeso wame cutiri cutoju tujayiju maji.

### *Efesoju Ìna oca riawusare gaye*

<sup>23</sup> Iti ramuri Pablo Efeso Ì ñaroca, “Jesús sīgüti ñami masare maso masigü”, yi masa Ìna tuoña masi jedibeja buto oca ñeñasuo yiju iti cutoju. <sup>24</sup> Demetrio wame cutigu ñayiju iti oca ñeñosuori masu. Masa Ìna rucuboroti plata wame cutirisena meni rujeori masu ñayiju Ì. Ìre moa eja buari masa cuni ñayijarã. Gãjerã Ìna rucubogogo Artemisa wame cutigo isore rucuborã Ìna minijuari wi robo bajiro mutãri wiri platana meniyijarã Ìna. Iti mutãri wiriacã menicõri gãjerãre Ìna Ìsija jaje niyeru bujayijarã Ìna. <sup>25</sup> Ito yija Ìre eja buari masare mioju yiju Ì, ito yicõri Ìna bajiro moarãre cuni. Ito yicõri ado bajiro Ìnare yiyiju Ì:

—Mani adi moare cutirã queno ñe ru yabeto ña mani. <sup>26</sup> ¿Masare Pablo Ì gotirise tuoñabeati mua? Menicõri mani rucuboriserere, “Rucubogoreoni meje ña”, yami Pablo. Ì busirisere tuocõri masa jãjarã tuorũnuama Ìre. Ado mani ñari cuto Efeso gãna riti meje Ìre tuorũnuama. Adi sita ñajediro Asia sita gãna tuorũnuama Ìre. <sup>27</sup> Bujato bajiro yiroja manire. Mani meni rujeorisere amimena yirãji masa. Ito bajiri waja buja masimena yirãji mani. Mani rucubogogo Artemisa isore rucubogora wire rucubomena yirãji masa. Pablore Ìna tuorũnuja, mani rucubogore adi sita Ìna yi ñaro bajiro yimena yirãji Ìna, yiyiju Demetrio Ìre bajiro moare cutirãre.

<sup>28</sup> Ito Ì yija tuocõri, buto junisiniyijarã Ìna. Ito yicõri awasã yijarã Ìna:

—Mani rucubogogo Artemisa quenagõ ñamo. Ñatĩñarujamo, yiyijarã Ìna.

<sup>29</sup> Iti cuto gãna jeyaro iti oca gãmeri busicõri jaje oca busi riawusoyijarã Ìna. Ito bajijare Gayo, Aristarcos Pablo rãca baba cutianare ñayijarã. Macedonia gãna ñayijarã Ìna. Ìnare ñiacõri buto oca sãoro, “Ita, ita”, yi wayijarã Ìna. Busirona masa Ìna minijuasotiroju Ìnare ami wayijarã Ìna. <sup>30</sup> Ì baba mesare busi eja buarocu sãja amobojayiju Pablo. Ì sãja amoja ticõri “Sãjabesa”, yiyijarã Jesure tuorũnarã Ìre. <sup>31</sup> Ito gãna ñari masa cuni Pablo baba mesa ñacõri, Ìre oca cõayijarã. “Ìna rãca coca yibesa”, yirona Ìre oca cõayijarã Ìna. <sup>32</sup> Itiju minijuarajaju gãjerã ado bajiro awasã yijarã. Gãjerã ricati awasã yijarã. Sīgure bajiro tuoñabiticõri oca riawusa ñayijarã Ìna. “Ñasariju ñe busirona minijuayijaribe gna”, yi masibisijarã Ìna. <sup>33</sup> Judio masa Ìna rãca gagu Alejandro wame cutigure iti oca Ìre goti rëto buyijarã Ìna. Ito yicõri “Manire yari busi Ìsiña mu”, yirona masa riojo Ìre busi rotiyijarã. Itiju minijua ñarãre busirocu oca tabojayiju Alejandro. “Ñe seti ma guare”, yirocu yibojayiju Ì. <sup>34</sup> Ito Ì yija tuo masicõri “Judio masu ñami”, yirona buto busa Ìre awasã rëto cõyijarã Ìna:

—Gna rucubogogo Artemisa quenagõ ñamo. Ñatĩñarujamo iso, yi awasã yijarã Ìna. Juaji cõrecõ ito bajiro awasã ñayijarã Ìna.

<sup>35</sup> Sīgü ito gagu uju masare oca tayiju. Ito yicõri ado bajiro yiyiju Ì Ìnare:

—Adi cuto Efeso gãna tuoja mua. Mani adi cuto gãna ña mani rucubogogo Artemisa ya wi coderi masa. Ito yicõri maniti ña iso ya ruju umacaju quedi wadire gaye tirũnarã cuni. “Ito bajiro bajiamã”, yi masiamã masa jeyaro manire. <sup>36</sup> Noajuã masa maño masibeama itire. Ito bajiri itocõ jidicãña mua itire. Queno tuoñabitibojarãti ñeñaro yibesa mua. <sup>37</sup> Ìna umua mua ami wadiana mani rucubogogo Artemisa ya wi gayere rinibeama Ìna. Ito yicõri isore ñeñaro busibeama Ìna. <sup>38</sup> Demetrio Ì rãca moarã rãca gãjerãre oca ñaja, Ìna

ɯjarā tujɯ oca quenorona āmi waja quena. Īnare oca ñaja ɯjarāre gotirɯjama ĩna. Īna ɯjarā ñama iti oca quenori masa. <sup>39</sup> Mɯa gaje oca goti āmoja ɯjarā riojo ito yicōri adi cuto gāna jeyaro minijuaroca gotija quena. <sup>40</sup> ¿No bajiro tɯoĭarā yirājida Romano masa ɯjarā ito bajiro masa ĩna oca cutirisere? Ado bajiro tɯoĭarā yirāji gajea: “Manire junisinicōri cudi āmobeama ĩna”, yi tɯoĭarā yirāji ĩna. Ñe oca manoti ado itire oca cudi ña mani. Ito bajiri, “¿Ñe oca bajijare ito bajiro oca cudi ñati mɯa?” Romano masa ĩna yija, no bajiro cudi masia ma manire, yiyijɯ sīgū iti cuto gagu.

<sup>41</sup> Ito yi tĭocōri, “Itocō ñajaro”, yiyijɯ ĩ.

## 20

### *Macedoniajɯ Pablo ĩ ware gaye*

<sup>1</sup> Iti oca rētaja bero Jesure tɯorūnūrāre jiyijɯ Pablo, ĩ waroto riojɯa ĩnare oca gotirocɯ. Iti oca goti tĭocōri ĩnare ware gotigɯ jababayijɯ. Ito yicōri Macedoniajɯ wasɯoyijɯ ĩ. <sup>2</sup> Macedoniajɯ wacɯ Jesure tɯorūnūrāre ti rēta wayijɯ ĩ. ĩnare basicōri buto Jesure tɯorūnɯ oca sēoroca ĩnare yiyijɯ ĩ. Ito bero Greciajɯ ejayijɯ ĩ. <sup>3</sup> Itojɯ ůdiarā ůmacañi ñayijɯ ĩ cumana wasarɯ tujayijɯ ĩ, Judio masa sĭa āmorā ĩna cunĭja tɯo masicōri. Ito bajiri, “Macedonia sita yɯ wadicatoti tɯdi wacɯja yɯ”, yi tɯoĭayijɯ Pablo. <sup>4</sup> Ī rāca baba cudi wana adocō ñacɯ gɯa, Sópater Berea gagɯ Pirro macɯ, Segundo, Aristarco, Tesalónica gāna, Gayo Derbe gagɯ, Timoteo ito yicōri Tíquico, Trófimo Asia sita gāna, ito yicōri yɯ Lucas. Itocō Pablo rāca baba cudi wacɯ gɯa. <sup>5</sup> Coriarā gɯa rāca gāna wayuñi Troasjɯ gɯare yurona. <sup>6</sup> Gɯa naju wadarise ůco wɯoɯa mani bare basa bero Filiposna cumana wacɯ gɯa. Co dɯjamocō gɯmɯri bero Troasjɯ ejacɯ gɯa. Gɯare wayuana itojɯ gɯa baba mesare sɯacɯ gɯa. Ito jɯa āmojeno gɯmɯri ñacɯ gɯa.

### *Troas cɯtojuɯ Pablo ĩ ña ucare gaye*

<sup>7</sup> Co semana ñasɯori gɯmɯ minijuacɯ gɯa Jesure masirā rāca. Manire yiari Jesús ĩ goda ĩsire tɯoĭarā ĩ rotiro bajiroti najure bato barona minijuacɯ gɯa. Gɯa baroto riojɯa Dios oca gotiquĭ Pablo gɯare. Gaje gɯmɯ ĩ waroti ñajare yoari basiquĭ ĩ. Ī basiroca riti ñami gɯdareco ejacoacɯ. <sup>8</sup> Co wi ůdia tuti ñari wijɯ co sōa minijua ñacɯ gɯa. Iti sōajɯ jaje sĭabusuore busu ñacɯ. <sup>9</sup> Sīgū mamɯ Eutico wame cɯtigɯ iti sōa ůmacājɯ ñari soje joe rujiquĭ. Yoari Pablo ĩ busimɯcutija wɯjo jujaquĭ ĩ mamɯ. Buto cani rētocū wacɯ quedicocquĭ ĩ mamɯ. Ruji wacōri ĩre tūa wɯmɯobojacɯ gɯa. Cōcoañi ĩ. <sup>10</sup> Ito yija Pablo ruji wacōri ĩ joe jescacōri ĩre wana cɯniquĭ ĩ. Ito yicōri ado bajiro yiquĭ ĩ gɯare: —Ŭcabesa mɯa. Cōgū meje yami āni. Catiami, yiquĭ Pablo gɯare.

<sup>11</sup> Ito yija bero Pablo rāca mɯcana mɯja wacɯ gɯa. Iti sōa mɯja ejacōri naju batoquĭ ĩ. Iti gɯa baja bero busigɯ riti busuacocquĭ Pablo. Ito bero Aso wame cɯtiri cɯtojuɯ mana waquĭ ĩ. <sup>12</sup> Mamɯ ado bajiro bajiquĭ. Queno cati quenacōri ĩ ya wijɯ tɯdi waquĭ. Ito yicōri gājerā cuni ĩna ya wijɯ tɯdi wacā. Ito ĩ bajija ticōri, queno wanɯ quenaro tujacɯ gɯa.

### *Miletojuɯ Pablo ĩ ware gaye*

<sup>13</sup> Pablo ĩ roticato bajiroti cumana Aso wame cɯtiri cɯtojuɯ wacɯ gɯa. Itona ĩre cumana sā bocarona ĩre bocaticɯ gɯa, mana ĩ wacati ñajare. <sup>14</sup> Asojɯ ĩ ejaroca ĩre cumana sācɯ gɯa. ĩre sācōri Mitilene wame cɯtiri cɯtojuɯ wacɯ gɯa ĩja. <sup>15</sup> Itona wacōri gaje gɯmɯ Quío wame cɯtiri yoga rētacɯ gɯa. Gaje gɯmɯ Samos wame cɯtiri yoga ejacɯ gɯa. Itona wacōri gaje gɯmɯ Mileto cɯtojuɯ ejacɯ

gua. <sup>16</sup> “Asia sitaju Jesure tuorünurã tu yu waja yoari sejaboguja yu”, Pablo i yija tuocõri, Efeso cutore riojo rëta wacu gua. “Jerusalén cutuju Pentecostés basa tiana mani”, yi tuoïacõri, “Ejori wana mani”, yi usirio waquï Pablo.

*Efeso gãna ñari masare Pablo i gotire gaye*

<sup>17</sup> Mileto ñacõri Jesure tuorünurãre ùmatã ñarãre oca cõaquï Pablo: “Mujaja ado waya. Efesoju wado ma”, yu yiquï Pablo ñnare oca cõagũ. <sup>18</sup> Ito bajiri gua tu ñna ejaroca ado bajiro yiquï Pablo:

—Cajero Asia sita ejagu queno yu yicato bajiroti, adocãta yu yirise cuni masia mua. <sup>19</sup> Mua rãca ñagũ mani Ujũre moa ñicõri, “Mua rëtoro masigũ ña yu”, yibiticu yu. Masa ñna Jesure tuorünubeja ticõri ruje oticu yu. Ito yicõri judio masa yure ñna ñeñaro yi ãmoja, quenabeto tõbujacu yu. <sup>20</sup> Ito bajiro judio masa yure ñna cunibõjarocati Jesús oca muare goti tarjobiticu yu. “Dios oca tuocõri queno ñarã yirãji”, yirocu iti oca muare goticu yu. Ito bajiri jeyaro muare gotisoticu yu. Mua minijua ñaroju ito yicõri mua ya wiriju cuni muare gotisoticu yu. <sup>21</sup> “Mua ñeñaro yirise tuoïa bojori bujacõri itire jidicãña mua. Ito yicõri Diore cudi ãmorã mani Uju Jesucristore tuorünunã mua”, yari gotisoticu yu muare. Judio masa, ito yicõri judio masa meje ñarãre cuni ito bajiroti gotisoticu yu. <sup>22</sup> Espiritu Santo yure ñrotiado bajiroti adocãta Jerusalenju wacu ya yu. Itoju yu ñaroca yure rëtaroti gayere masibea yu. <sup>23</sup> Adi riti muare goti masia yu. Espiritu Santo yure ñgotija, “Jeyaro cutori mu riaso ucuroju mare tubiarã yirãji ñna. Ito yicõri quenabeto tõbujagu yiguja mu”, yami yure. <sup>24</sup> Ito bajiro yure ñna yi ãmõbojarocati buto itire tuoïa usirio yibea yu. Yu catiriseama ñasarise meje ña. Mani Uju yure moare ñcũre queno wanu quenacõri ñaro bajiroti itire cudi jeo ãmoa yu. Ñoca quenarise gotitoni yure cunã Jesús. “Masare ti maicõri ñ Macare goda ñsi rotuyiju Dios”, yu yi gotitoni yure cunã mani Uju Jesús, yiquï Pablo.

<sup>25</sup> “Ñre tuorünurãre miojugu yiguñji Dios”, yire oca mua ñajedirore goticu yu. “Juaji yure tibabo yimenaji” yi masia yu. <sup>26-27</sup> Jeyaro Dios ñ yure goti rotiado bajiroti ñajediro muare goticu yu. Jabeto Dios oca goti ruabitisoticu yu. Ñarocõti muare gotisoticu yu. Ito bajiri muare adi gotia yu. Sīgãjuama Dios taju mua ejabeja, yure seti mano yiroja. Dios taju mua ejabeja muareti seti ñaro yiroja. <sup>28</sup> Ito bajiri muamasiti queno tuo masiña. Ito Efesoju tãdi ejacõri Jesure tuorünurãre queno tirunãma. Espiritu Santo ñ cãdo bajiroti yiba mua. Mani Uju Jesús manire yari ñ goda ñsirajuna suoriti, Dios ñarã ña mani. Ito bajiroti bajirãji ñna cuni. Ito bajiri queno tirunãma ñnare, oveja coderi masu ñ tirunãro bajiro. <sup>29</sup> Yu masia, yu wagoja bero gãjerã ruori oca riasori masa ejarã yirãji. Yaia ñna ovejare ba ruyurioro bajiro Jesure tuorünurãre ruyurio ãmorã ruori oca riasorã yirãji ñna. Jesure tuorünũ jidicãjaro ñna yirona, ruori oca riasorã yirãji ñna. <sup>30</sup> Mua rãca gãna coriarã ruori oca riasorã yirãji. Gua robo bajiro tuoïajaro ñna cuni yirona, riasorã yirãji ñna. Jesure tuorünurã jidicãjaro ñna yirona, ito bajiro riasorã yirãji ñna. <sup>31</sup> Ito bajiri queno tuoïa ña ruore oca mua tuorünũme yirona. Udia rodo ñami ãmua cuni yu muare riasocati ñcabõjabeja mua. Coji meje muare tuoïacõri oticu yu.

<sup>32</sup> Yu ñarã, muare yari Diore busi ñsigũ ya yu, muare ñ tirunãtoni. “Manire ti maicõri mani ñeñaro yirise waja, waja yi ñsiñi Dios”, yi mua tuoïaja, buto busa ñre mua tuorünũroca yigu yiguñji Dios. “Yu besanare queno yigu yiguja yu”, ñ yiado bajiroti queno muare yigu yiguñji Dios. <sup>33</sup> Gãjerã ye nyeru ñna ya yutabujuri cuni uobiticu yu itire. <sup>34</sup> Ado robojua baja. Yumasiti moacõri bare bujacu, yutabujuri bujacu. Ito yicõri yu rãca gãnare cuni buja ñsicu yu. Itire

masia mña. <sup>35</sup> Ito bajiri coji ruyabeto mñare moare riasocu yñ. Ito yicōri bojoro bujarāre ejabuare gaye cñni mñare gotisoticu yñ. Mani Uju Jesús ĩ goticatire ācabojabeja mña. “Boca āmigū rēto busaro wanñ quenami ĩsigūjua”, yiyijñ Jesús, yiquĩ Pablo Jesure tuorñurāre ũmatā ñarāre.

<sup>36</sup> Ito ĩ yija bero rijomunigāna ñini rūjūcu gña. Ito bajiro gña baji ñaroca Diore busiquĩ Pablo. <sup>37</sup> Diore ĩ busi tíoja bero yago rācati ĩre jababacōri ware goticā ĩna. <sup>38</sup> “Jñaji yñre timenajñ mña”, Pablo ĩ yija bero ñajare, bñto bojori bujacā ĩna. Ito yija bero jetacajñ gñare cñ tudicā ĩna.

## 21

### *Jerusalénjñ Pablo ĩ ware gaye*

<sup>1</sup> Jesure tuorñurāre ware goticōri cumajñ sājacu gña. Ito yicōri riojoti Cos wame cutiri yogajñ wacu gña. Gaje rumñ Rodas wame cutiri yogajñ wacu gña. Itijñna Pátara majado ejacu gña. <sup>2</sup> Ito bajiri majado gña ñaroca, “Fenicajñ waro ya adiga cuma”, ĩna yija, itigana wacu gña. <sup>3</sup> Warājñ Chipre wame cutiri yoga ti rēta wacu gña. Gācodujajñare ñacu iti yoga. Siria sita riojore wacu gña. Tiro jetaca cuma busña gajeoni iti cūroti ñajare ito ñucūcu gña. <sup>4</sup> Itoju Jesure tuorñurāre ti bujacu gña. Ito bajiri ĩna rāca jua āmojeno rumñri tujacu gña. Espiritu Santo ĩnare ĩ gotire masicōri, Jerusalénjñ Pablōre wa rotibiticā ĩna. <sup>5</sup> Ito bajiro ĩna yibojarocati jua āmojeno jediri rumñ wasuocu gña mñcana. Ito gāna Jesure tuorñurā ĩna manojosāromia ĩna rīa cñni gña rāca cuto sōjñajñ baba cuti wacōri jetacajñ ejacā ĩna gña rāca. Ito jajñjñ ejacōri rijomunigāna ñini rūjūcōri cojati ĩna rāca Diore busicu gña. <sup>6</sup> Ito yija bero ĩnare ware goticu gña. Ito yī tīocōri cumajñ sājacu gña. ĩnama tudicoacñ.

<sup>7</sup> Tirona wacōri Tolemaida jetaca ejacu gña. Itoju ejacōri Jesure tuorñurāre senicu gña. Ito yicōri co rumñ tujacu gña ĩna rāca. <sup>8</sup> Gaje rumñ itona wacōri Cesarea wame cutiri cuto ejacu gña. Ito ejacōri Dios oca goti ucari masñ Felipe ya wi wacu gña. ĩ ñayijñ Jerusalénjñ Jesure tuorñurāre apóstol mesare eja busarocu ĩna cūñ. ĩ ya wi tujacu gña. <sup>9</sup> Juariarā rīa romia cutiquĩ Felipe. Manñjñ mana ñacā ĩna. Dios oca tuocōri gājerāre goti rētori masa ñacā ĩna. <sup>10</sup> Ito co rumñ meje gña ñaroca Judea sita gagñ Dios oca gotiri masñ Agabo wame cutigñ ejaquĩ. <sup>11</sup> Gña tñ ejacōri Pablo ya wacu wirowa quaquĩ ĩ. Ito yicōri ĩmasiti gubori, āmori siatuquĩ. Ito yicōri ado bajiro gotiquĩ ĩ:

–Espiritu Santo yñre ĩ gotija, Jerusalénjñ judio masa ado bajiro siaturā yirāji adi wirowa wacu wirowa uñre. ĩre siatucōri judio masa meje ñarāre ĩsirā yirāji, yiarĩ gotiami Espiritu Santo yñre, yiquĩ Agabo.

<sup>12</sup> Ito ĩ yija tuocōri, gña ito yicōri Cesarea gāna cñni, “Wabesa mñ Jerusalénjñ”, yiarĩ goticu gña Pablōre. <sup>13</sup> Ito bajiro gña yibojarocati Pablōjñama ado bajiro cudiquĩ:

–Otibesana mña. Mña otija tīcōri, bojori buja yñ. Ito bajibojaguti yñ tuoñarise ñaro bajiroti bajiro yiroja. Yñre ĩna sia āmoja, “Siabesa mña”, yibicujñ yñ. Mani Uju Jesure yñ tuorñugñ ñajare Jerusalénjñ yñre ĩna sīa āmoja cñni, wanñ quenaro godabogujñ yñ, yiquĩ Pablo gñare.

<sup>14</sup> Gña gotiro bajiro ĩ cudibeja, itocō jidicacu gña. Ito yicōri ado bajiro ĩre yicu gña.

–Mani Uju ĩ āmoro bajiroti bajijaro, yicu gña ĩre.

<sup>15</sup> Ito yija bero seo tīorāti Jerusalénjñ wacu gña. <sup>16</sup> Cesarea gāna coriarā Jesure tuorñurā gñare baba cuti wacā. Sīgñ Mnasón wame cutigñ ya wiju



guare ãmi wacã ãna. Chipre gagu ñagoru ñayiju ã. Co rodo meje Jesure tuorũnugũ ñagũ ñayiju ã. Ì ya wi tujacãrã ejacu gua.

### *Santiago Pablo ã tigu ejare gaye*

<sup>17</sup> Jerusalẽnju gua ejaroca queno wanu quenacõri guare boca ãmicã Jesure tuorũnrã. <sup>18</sup> Gua eja busuari rumu Santiagore gua tirã waja, gua rãca waquĩ Pablo. Jãjarã Jesure tuorũnrãre ùmatã ñarã ñacã Santiago tu. <sup>19</sup> “¿Ñati mua?” yì tiogũ, “Judio masa meje ñarãre Dios oca yu gotija, jaje quenarise yĩni Dios”, yirocu jeyaro rẽtare gaye gotiquĩ Pablo ñnare. <sup>20</sup> Iti tuocõri queno wanu quenacõri, “Queno yigu ñami Dios”, yicã ãna. Ito yicõri Pablõre ado bajiro yicã ãna:

—Mani masa jãjarã ñama Jesure tuorũnrã. Jesure tuorũnrã ñabõjarãti Moisẽs ã rotiado bajiro riti manire rotiamã ãna maji. ¿I tire masibeati mu? <sup>21</sup> Gãjerãjuama ado gãnare ado bajiro ñnare gotiamã: “Mani masa gãjerã cãtoriju ñarãre queno riasobisĩ Pablo. Ito yicõri Moisẽs ñayoru ã rotire gayere jidicã rotiñi ã. ãna rãa ãmuare wirotã ta rotibisĩ ã. Ito yicõri mani masa yisotire gayere jidicã rotiñi Pablo”, yisotiamã coriarã mure busirã, yicã Pablõre. <sup>22</sup> Mu ejaja tuocõri, minijuarã yirãji masa. ¿ãna ito bajiro yija, no bajiro yigujada mu? <sup>23</sup> Ado bajiro mu yija quenaroja. Ado mani rãca ãmua juariarã ñama, “Mu tiro riojo ado bajiro yiana gua”, Diore yiana ñama ãna. “Gua yiana yiado bajiroti”, yiana yirona, Dios ya wijũ joa sua rotirã warã yama ãna. <sup>24</sup> ãna rãca wasa mu cãni. ãna ñeñaro yirise coe ãmorã ovejare gãme ãsirã yirãji ãna. Ito bajiro yicõri Diore ñucubõrã ovejare sãcõri soerã yirãji ãna. ãnare bajiro yiba mu cãni. Ito yicõri paire mua jeyaro joa sua roti masitoni mu sãgũti ovejare waja yiba. Ito bajiro mu yija ticõri, “ ‘Moisẽs ã rotirise cudigu meje ñami Pablo’, gãjerã ãna yiriseama, bõroti baja. Ñaro bajiroti cudiami Pablo”, yirã yirãji mani masa, yicã ãna Pablõre. <sup>25</sup> Judio masa meje ñarã Jesure tuorũnrãre papera cõacu gua. Ado bajiro ñnare goti ucacu gua: “Gua judio masa bajiro gua yisotirise robo bajiro mua yibeja cãni no yibeã muareã. Adi riti muare goti ñuca gua. ãna meni rujeorure ãna ecarise babesã mua. Rĩre cãni idibesa. ãmua wãñiatanare babesã. Baroto riojuã rĩ cõaja quena. Ito yicõri muamasiti mua ya ruju ñeñaro ito tuõaro bajiroti ñeñaro yibesã”, yì ucacu gua, yicã ãna Pablõre.

### *Dios ya wijũ Pablõre ãna ñiare gaye*

<sup>26</sup> Ito yija gaje rumu Dios ya wijũ ãna ãmua juariarãre ãmi wayiju Pablo. ãna ñeñaro yirisere coe ãmorã Dios ya wi sãja wacõri paia mesare ado bajiro gotiyiju Pablo: “Adocõ ãmuari ruya maji gua ñeñaro yirise coe roti rumuri. Susari rumu ejaroca Diore guare yiarĩ oveja mua soe ãsire ãmoã gua”, yiyiju Pablo paia mesare.

<sup>27</sup> Susari rumu ejaroca judio masa Asia sitã gãna Dios ya wijũ Pablo ã ñaja tiyijarã. Ìre ticõri, Pablõre junisinijaro adi cuto gãna yirona, masare oca riawsoyijarã ãna. Ito yì Pablõre ñiacõri ado bajiro masare busiyijarã ãna:

<sup>28</sup> —Guare ejabuaya gua ñarã mua. ãni ãmugũti ñami manire ñeñaro busi ucuri masu. “Moisẽs ã rotirise gayere quenarise meje ña”, yì masare goti batoami ã. Ito yicõri adi wi Dios ya wire ñeñaro busitugũ ñami ã. Judio masa meje ñarãre adi wi Dios ya wi ãmi ejañi ã. Ito bajiro ã yija adi wi Dios ya wire ñeñogũ yami ã, yiyijarã ãna gãjerãre gotirã.

<sup>29</sup> Cuto gudareco Trõfimo wame cutigu rãca Pablo ã ñaja ticõri, ito bajiro gotiyijarã ãna. Judio masu meje ñayiju Trõfimo. Efeso cuto gagu ñayiju ã.

Ito ñnare ti bñjacõri, “Judio masu meje ñagãre Dios ya wiju ãmi waru ï”, yi tuoñayijarã ñna. Iti tuoña warã, iti cuto gãnare ito bajiro gotiyijarã ñna.

<sup>30</sup> Ñna ito yija tuoõõri, iti cuto gãna gãmeri oca riawusayijarã. Ito bajiri ùmaquedi wacõri Dios ya wiju sãjayijarã ñna. Pablöre ñnacõri weja budi wayijarã ñna. Ito bajiri ï budigorijati sojeri bia jeocõyijarã, macana tũdi ï sãjame yirona. <sup>31</sup> Ñre siaboyijarã ñna. Ito ñna yirã wãna yirocati, masa iti cuto gãna oca riawusarise oca ejayiju Romano masa surara ujure. <sup>32</sup> Iti oca tuoõõri ï ya surara, ito yicõri ï roca gãna ujarãre cuni miojuyiju ï. Ito bajiri ùmaquedi wacõri, masa ñna oca riawusa ñaroju ejayijarã ñna. Surara uju ï ya surara rãca ejaja ticõri, Pablöre ja jidicãyijarã ñna. <sup>33</sup> Ito yija surara uju ï ya surarare Pablöre ñna rotiyiju ï. Ñna roticõri juu ma come mana sia rotiyiju. Ito yicõri masare seniñayiju ï:

—¿Ñimũõcũ ñati ãni? ¿Ñeoni seti ñati ñre? yiyiju ï masare.

<sup>34</sup> Ricati riti tuoña awasã busiyijarã ñna. Ñna awasãmucũtija tuo masibiticõri, “Iti seti ña”, yi masibisiju ï. Ito yija Pablöre ñna surara wiju ãmi wa rotiyiju surara uju. <sup>35-36</sup> Surara wiju ñna ãmi waja ticõri masa jãjarã suya wayijarã. “Ñre siacõña”, yi awasã suyayijarã ñna. Surara ya wi mujado ñna ejaroca, buto busa junisini oca seõoyijarã ñna. Ito bajiri Pablöre masa sñame yirona surara ãmi muja wayijarã ñre.

### *Masa tiro riojo, ñe seti ma ure Pablo ï yire gaye*

<sup>37</sup> Surara wiju ñna ãmi sãjarã wãna yiroca, ado bajiro surara ujure busiyiju Pablo griego ocana:

—Mu rãca busi ãmoa yu, yiyiju.

Iti tuoõõri:

—¿Griego oca masiati mu? yiyiju surara uju Pablöre. <sup>38</sup> Griego oca mu busijama, Egipto gagu meje ña mu. ¿Masare oca riawusacõri ujarãre rëtoõũ ãmorã cuatro mil ñarãre baba cõtĩ wacõri yucu manojũ wa ucuru meje ñati mu? yi seniñayiju ï Pablöre.

<sup>39</sup> Ito yija ado yiyiju Pablo ñre:

—Ñ meje ña yu. Judio masu ña yuama. Cilicia sita, Tarso wame cutiri cuto ñasari cuto gagu ña yu. Masare yure busi roticũati mu, yiyiju Pablo surara ujure.

<sup>40</sup> Ito ï yijare, “Busiya mu”, yiyiju Pablöre. Ito bajiri mujado rãgõcõri masare oca tagu ãmo wnamoyiju ï. Masa ñna oca tadiroca hebreo ocana busiyiju Pablo:

## 22

<sup>1</sup>—Yu ñarã tuoya maji. “Ñe seti mami”, mua yitoni muare oca gotigu ya maji, yiyiju Pablo.

<sup>2</sup> Ñna oca ï busija tuoõõri, buto busa oca tadiyaharã ñna. Ado bajiro gotiyiju Pablo ñnare:

<sup>3</sup>—Yu cuni judio masuti ña. Cilicia sita, Tarso wame cutiri cuto rujearu ña yu. Ito yicõri ado Jerusalenju busaru ña yu. Gamaliel wame cutiguna suoriti papera riasoticu yu. Mani ñicũsabatia ñna rotiyore gayere queno riasoticu yu. Adi rumari mua Diore cãdisotiro bajiroti Diore cãdi ãmosoticu yu cuni. <sup>4</sup> “Diore queno cãdigũ ña yu”, yi tuoñabojacõri, Jesure tuorãnurãre ñeñaro ñna tõbjaroca yicu yu. Siacõcu gajerea. Hũa, romiare cuni ñna wacõri tubiasoticu yu. <sup>5</sup> Paia uju ito yicõri mani ñicũsabatia ñasari masa, “Iti bajiroti yiqui ï”, yi masiama ñna yure. Ñnati papera meni ñicã yure, mani ñarã Damasco gãnare yu lotoni. Iti papera ãmicõri, Jesure tuorãnurãre ãmacu yu. Ito bajiri Jesure ñna tuorãnure waja ñnare ãmi wadicõri ado Jerusalenju ñnare tubiarocu yibojacu yu.

*Ado bajiro Jesure masis<sub>HOCH</sub> yu, Pablo i yi gotire gaye*  
(Hch 9.1-19; 26.12-18)

<sup>6</sup>Ma yu waroca, Damascoju yu cõñaroca, ñajasaroti ãmua gũdareco ãmacũju gaye buto yobusurise yure sãitacu. <sup>7</sup>Ito bajijare quedicaco yu. Ito bajicõri ado bajiro yure sigũ i busija tãocu yu: “Saulo, ¿no yija yure ñeñaro yi ãmoati mu?” <sup>8</sup>Iti tãocõri ado bajiro cudicu yu: “¿Yu Ëju ñimu ñati mu?” yicu yu. Ito yija Ìña ado bajiro cudiqui: “Yuti ña Jesús Nazaret gagu. Yuti ña mu ñeñaro yi ãmogũ”, yiqui i yure. <sup>9</sup>Iti busurise ticõri yu rãca wacana ucacã. Busurisere tibojarãti yure busicacu oca tãobiticã Ìna. <sup>10</sup>Ito bajiro yure busija tãocõri, Ìre seniñacu yu. “¿No bajiro yu yire ãmoati yu Ëju mu?” yicu yu. Yu ito yija yure ado bajiro cudiqui i: “Wumũña Damascoju wã. Itoju sigũ mare gotigu yiguji jeyaro mare yu mare cũre”, yiqui i yure. <sup>11</sup>Iti busurise yu tija cajea godacoacu yure. Ito bajiri yu rãca gãna Damascoju yure tãa ejacã Ìna.

<sup>12</sup>Itoju sigũ Ananías wame catigu ñaquĩ. Moisés ñayoru i rotirise gaye ñaro bajiroti cudigu ñaquĩ i. Ito ñarã judio masa, “Queno yigu ñami i”, yi busicã Ìna Ìre. <sup>13</sup>Iti cãto yu ejaja bero yure tigu ejaquĩ Ananías. Yu tu ejacõri ado bajiro yiqui i yure: “Yu yagu Saulo, cajea ruyurise boca ãmiña mucana”, yiqui yure. Ito i yirocati cajea ticoacu yu mucana. Ito bajiri Ìre ticu yu. <sup>14</sup>Ito yija ado bajiro yiqui i yure: “Dios mani ñicusabatia Ìna rãcubũoru i beseru ña mu. Ìãmorise mu masitoni, i macu ñeñaro yiãbicure mu titoni, ito yicõri i busirisere mu tãotoni mare cũni Dios. <sup>15</sup>Jesús ocare goti ucugu yiguja mu. Mu tigure, mu tãogore cãni masa cãtori jeyaro goti ucugu yiguja mu. <sup>16</sup>Sejabesa Ìja. Cojiti Jesure tãorãnacõri, mu ñeñaro yirise i coetoni seniña. Ito yicõri idé gu rotiya”, yiqui Ananías yure.

*“Judio masa meje ñarãre goti ucutẽña”, yiqui Jesús yure, Pablo i yire gaye*

<sup>17</sup>Ito i yija tãocõri, ñaro bajiroti yu cudija bero Jerusalénju tãdi wacu yu. Ito ejacõri Dios ya wiju Diore busigu ejacu yu. Diore busiguju mani Ëju Jesure cãitacu yu. <sup>18</sup>Ì ado bajiro yiqui yure: “Cojiti adi cãto Jerusalénre wagoya. Ado gãna masa yu ocare Ìnare mu gotibojaja, tãomena yirãji Ìna”, yiqui i yure. <sup>19</sup>Ito i yija tãocõri, ado bajiro cudicu yu: “Ado gãna jeyaro yu yigorere masiama Ìna. Mare tãorũnarã minijuara wiju ñarãre ãmi wacõri tubiacu yu. Ito yicõri Ìnare jasoticu yu. <sup>20</sup>Mu oca gotiri masu Estebanre Ìna sãja ito ti rãgõcu yu. Ìre sãrã Ìna yutabuju ruacũrise coderi masu ñacu yu. Ito bajiri Ìre sãja ticõri, ‘Ito bajiroti ãja’, yi tãoãcu yu cãni. ‘Ito bajiroti yiqui Pablo’, yi masiama masa ado gãna”, yicu yu mani Ëjure. <sup>21</sup>Ito bajiri, Ìña yure ado bajiro gotiqui: “Wasa sõju judio masa meje ñarãre mu riasotoni. Mare sõju cõa yu”, yiqui mani Ëju Jesús, yiari gotiyiju Pablo masare.

*Surara ãju Pablora ñia rotire gaye*

<sup>22</sup>Ito bajiro i yirocati Ìre tãosusayijarã masa. Mucana junisinicõri awasã tudiyijarã Ìna:

—Godacoarũjami. Catibitirũjami, yiyijarã Ìna.

<sup>23</sup>Tujare mejeti awasãyijarã Ìna. Ito yicõri Ìna ya yutabujuri ruacõri ãmacũju cãamoyijarã. Ito yicõri sãta rũnacõri reamũyijarã Ìna, Ìna junisinirise Ìorã. <sup>24</sup>Ito Ìna yija tãocõri, surara ãju i ya surarare, Pablora Ìna ya wiju ãmi sãja wa rotiyiju: “¿Ñe seti tudiatu masa mare?” yirocu, “Pablora bajeya”, yiyiju surara ãju i ya surarare. <sup>25</sup>Ìre bajerona Ìna sia rãgõ tãorocati ado bajiro busiyiju Pablo ito gagu ãjure:

—¿Sīgū romano masure mña bajaja quena ñarajada? “Itocō seti ña ñre”, ujarā ñna yibitibojarocati, ¿yure bajarā yati mña? yiyiju Pablo ito ñagū ujure.

<sup>26</sup> Ito ñ yija tucōri, ujū tu wacōri ado bajiro ñre gotiyiju ñ:

—Queno tucōiaña mñ yiroto riojua. Āni āmugū mñ baje rotigū romano masu ñami, yiyiju ñ surara ujure.

<sup>27</sup> Ito ñ yija tucōri, Pablure senñayiju surara ujū:

—¿Riti ñati romano masu mñ ñarise?

—Īti ña yū, yiyiju Pablo.

<sup>28</sup> Ito ñ yija, ado bajiro yiyiju surara ujū ñre.

—Jairoguti niyeru waja yicū yū romano masu ñarocū.

Ito bajiro ñ yija tucōri:

—Romano masu rujearuti ña yū, yiyiju Pablo.

<sup>29</sup> Ito ñ yija tucōri, ñre baje āmobjarā güirā bata rügūyijarā. “Romano masu ñami”, yí tucō masicōri, “Bujato romano masure baje rotiyija yū”, yí tucō güiyiju ñ, surara ujū cūni.

### *Ujarā ñasarā riojo Pablo ñ busire gaye*

<sup>30</sup> Gaje rūmū, “¿Ñe setina Pablure tudiyijari masa?” yirocū, paia ujarā, judio masa ujarā ñasarāre cūni miojuyiju surara ujū. Ito yicōri Pablure come mari ñjacōri, ñna riojo āmi wacōri jidi rügōyiju.

## 23

<sup>1</sup> Judio masa ujarāre tijucōri ado bajiro yiyiju Pablo:

—Yū ñarā yū catirocō Dios ñ āmoro bajiro yisoticū yū. Ito bajiri ñ riojo ñe usiriobeto ña yū, yiyiju Pablo ñnare.

<sup>2</sup> Iti tucōri paia ujū Ananías wame cutigū Pablo tu rügōrāre: “Īre rise jabiatēña”, yiyiju. <sup>3</sup> Ito bajiro ñ yijare ado bajiro yiyiju Pablo ñre:

—“Queno yigū ña yū”, yigū ñabojaguti, ñeñaro yigū ña mñ. Ito bajiri iti waja ñeñaro mñ tōbujaroca yigū yigūji Dios mure. Dios ñ rotirisena sūoriti, “Cudigū ña mñ. Cudigū meje ña mñ”, yí mñ yure bese āmoja, ¿no yija ñ rotirise cudibiticōri yure ja rotiatu mñ? yiyiju Pablo paia ujure.

<sup>4</sup> Ito ñ yija tucōri, ito ñarā ado bajiro yiyijarā Pablure:

—Dios ñ beserū paia ujū ñasagure ñeñaro busia mñ, yiyijarā ñna, ito tu ñarā.

<sup>5</sup> Īna ito yija tucōri, ado bajiro cudiyiju Pablo:

—“Paia ujū ñasagu ñaguñji”, yibijū yū ñarā yū. Dios oca iti gotija, “Mña ujarāre busitubesa”, ya ñ oca. “Ujū ñasari masu ñami ñ”, yū yí masija, ñre busibitiborujā yū, yiyiju Pablo.

<sup>6</sup> Judio masa ujarā ricati riti tucōiarā ñayijarā. Gājerā saduceo gaye tucōiyijarā. Gājerā fariseo gaye tucōiyijarā. Iti masicōri oca sēo busaro busiyiju Pablo:

—Fariseo gaye tucōiagū ña yū cūni. Yū ñarā cūni ito bajiro tucōiarā ñnare. “Masa ñna godaja bero mñcana tūdi catirā yirāji”, yí tucōiagū ña yū. Ito bajiro yū tucōiagū ñajare, “Īre seti ña”, yí āmoa mña, yiyiju Pablo ñnare.

<sup>7</sup> Ito ñ yija tucōri, saduceo gayere tucōiarā, fariseo gayere tucōiarā ñnamasi tucōia gāmeri busiyijarā. Sīgūre bajiro tucōiarā ñabojarāti gāmeri bata rügūcoayijarā ñna. <sup>8</sup> Saduceo gaye tucōiarā ado bajiro yí tucōiama ñna: “Masa ñna godaja mñcana tūdi catimenaji, Dios ñaro gāna ángel mesa manaji, ito yicōri rūmūa cūni manaji”, yí tucōiarā ñnare saduceo gaye tucōiarāma. Fariseo gaye tucōiarāma ado bajiro tucōiama ñna: “Masa ñna godaja mñcana tūdi catirā yirāji, Dios ñaro gāna ángel mesa ñarāji, rūmūa cūni ñarāji”, yí tucōiarā ñnare fariseo

gaye tuoŕarã. <sup>9</sup> Ito bajiri ricati riti tuoŕarã ñari, ruje awasãyijarã ñna maji. Ito yija judio masa rotirise riasori masa busirona wumu rüguyijarã. Ñna cuni fariseo gaye tuoŕarã ñayijarã:

—Ñejuã ñeñarise yigu meje ñami ãni. Damascoju ï waroca ángel ïre busiru gajea. “Ito bajiro meje bajiyija”, yibitiruja manire, Diore mani cãdibitibe maji, yiyijarã ñna.

<sup>10</sup> Buto ñna gãmeri tuoŕa busija tuocõri, “Pablore sãa baterã yirãji ñna”, yi tuoŕayiju surara uju. Ito bajiri ï ya surarare jiyiju ï. Ñnare jicõri ado bajiro rotiyiju: “Pablore ñna watoju ãmi wacõri mucana mua ya wiju cũña”, yiyiju surara uju ñnare.

<sup>11</sup> Iti ñami mani Uju Jesús Pablore goaŕoyiju. Ñre goaŕocõri, ado bajiro yiyiju Jesús:

—Oca sãoña Pablo mu. Adiju Jerusalén ñagũ yu gayere mu busiro bajiroti Romaju cuni busigu yiguja mu, yiyiju Pablore.

### *Pablore sãarona ñna cunire gaye*

<sup>12</sup> Gaje ramu coriarã judio masa minijuacõri, “Pablore sãaruja mani”, yi tuoŕayijarã. “Ñre mani sãaroto riojuã, bamenaji mani, ito yicõri idimenaji maji”, yi tuoŕayijarã ñna. “Ñre mani sãabeja, manijuare Dios ï sãaja quena”, yiyijarã ñna.

<sup>13</sup> Sigũ robo bajiro ito bajiro yi gãmeri busi ñarã juarã masacõ rêto busaro ñayijarã ñna. <sup>14</sup> Ito bero paia ujarã, judio masa busarãre cuni busirã wayijarã ñna. Ñna tu ejaõri ado bajiro yiyijarã ñna:

—Gua sigũ bajiro riti tuoŕacõri, “Pablore mani sãaroto riojuã, babiti, idibiti yiana mani. Ñre mani sãabeja, manijuare Dios ï sãaja quena”, yibu gua. <sup>15</sup> Mua, judio masa ujarã cuni ado bajiro mua yija quena. Adocãta surara ujure oca cõañã, jane busuri Pablore mua tu ãmi wadijaro. “Riti ñre seti ñaja masi ãmoa gua. Ado ãmi waya Pablore”, yi rao oca cõama surara ujure. Mua ito yija ado Pablo ï ejaõri riti ñre boca sãana gua, yiyijarã ñna. Ito bajiri ujarã cuni, “Bau, ito ujaroja maji”, yiyijarã.

<sup>16</sup> Pablo romio macu iti oca bajirisere masiyiju. Ito bajiri Pablore iti oca, gotirocu surara wiju wayiju ï. <sup>17</sup> Itoju ejaõri Pablore gotiyiju ï. Ito ï yija tuocõri, ito gagu surara masure jiyiju Pablo:

—Ñni mamure mu uju tuju ãmi wasa. Oca gotirocu yiri seyoami ï, yiyiju Pablo surara masure.

<sup>18</sup> Ito ï yija tuocõri, ï uju tuju ãmi wayiju ï. Ñ ujure ado bajiro gotiyiju ï:

—Gua tirãngũ Pablo yure ji ñucacõri, “Ñni mamure mu uju tuju ãmi wasa”, ï yijare ãmi wadibu yu. Mure oca gotirocu yiri seyomi ï, yiyiju ï, ï ujure.

<sup>19</sup> Ito ï yija tuocõri, gajero busa ñre tua wacõri senñayiju:

—Ñe yure gotirocu yiri macu? yiyiju surara uju.

<sup>20</sup> Ito yija Pablo romio macu ado bajiro gotiyiju:

—Judio masa sigũ robo tuoŕacõri ñna ujarã riojo Pablore mu ãmi watoni oca cõarã yirãji. “Riti ñre seti ñaja masi ãmoa gua”, yi ruorã yirãji ñna. <sup>21</sup> Ñna ito bajiro mure yija tuobeja mu. Ñna rãca gãna juarã masacõ rêto busaro ma gudareco Pablore sãarona bocati ñarãji ñna. “Pablore mani sãaroto riojuã babiti, idibiti yiana mani. Ñre mani sãabeja, ito bajiroti quenabeto tõbujacõana mani”, yi tuoŕa ñarãji ñna. Mu gotiroti gayere bocaticãma ñna, yiyiju Pablo romio macu ujure.

<sup>22</sup> —Yure mu gotirise gãjerãre goti bato yibeja, yi tlogũ, “Wasa”, yiyiju surara uju ñre.

*Félix tu Pablöre İna āmi wa rotire gaye*

<sup>23</sup> Ito yija surara uju, İ bero ñarā ujarāre jiyiju jūarāre. Ito bero ado bajiro İnare rotiyiju İ:

—Adi ñami nueve tujaroca Cesareaju Pablöre āmi warā yirāji muu. Adocō jajarā ñarā yirāji muu rāca warā: Doscientos ñarā yirāji gabona warā. Ito yicōri setenta ñarā yirāji cabaru joena warā. Ito yicōri doscientos ñarā ñarā yirāji rearebisu yucuri rucorā. <sup>24</sup> Ito yicōri Pablo İ jesa warocu cabarure buja yucāna muu. Uju Félix wame cutigu tu catiguti Pablo İ ejare āmoa yu, yiyiju surara uju İ bero gāna ujarāre.

<sup>25</sup> Ado bajiro İna rāca Félixre papera cōayiju surara uju:

<sup>26</sup> “Yu Claudio Lisias adi papera cōa. ¿Ñati uju ñasagu Félix mu? <sup>27</sup> Judio masa āni Pablöre ñiacōri sīa āmoñi İna. ‘Romano masu ñami āni’, İna yija tuo masicōri, İre siame yirona yu ya surara rāca camotacu gua. <sup>28</sup> ‘Iti seti ña İre’, İna yija tuorocu, judio masa ujarā tu āmi ejacu yu Pablöre. <sup>29</sup> ‘Gua ñicusabatia İna rotire gayere cudibicu ñami āni’, yirā İre junisinicā İna. İre İna sīa āmoja, İre İna tubia āmoja, ñejuu buto seti manicu İre. <sup>30</sup> Judio masa Pablöre sīarona İna cunire gaye masicōri, mu tu İre cōa yu. İre oca meniri masare cuni cōa yu, ‘Ado bajiro seti ña İre’, mare İna yitoni. Itocō ña”, yi ucayiju surara uju Félixre papera cōagū.

<sup>31</sup> Ito bajiri surara uju İ rotiro bajiroti Pablöre ñami wacōri Antipatris ejayijarā İna. <sup>32</sup> Busuri surara gabona wana İna ya wiju tudicoayijarā mucana. Cabaru joe wana riti Pablo rāca wayijarā. <sup>33</sup> Cesarea ejacōri uju Félixre papera İsiyijarā İna. Ito yicōri Pablöre İ tu cūyijarā İna. <sup>34</sup> Iti papera boca āmi ti tiocōri ado bajiro Pablöre seniñayiju İ:

—¿Noju gagu ñati mu? yiyiju uju İre.

Ito İ yija:

—Cilicia sita gagu ña yu, yiyiju Pablojuu. “Cilicia sita gagu ña yu”, İ yija tuocōri, <sup>35</sup> ado bajiro yiyiju Félix İre:

—“Mure seti ña”, yirā İna ejaroca İnare mu busija tuocuja yu maji, yiyiju Félix. Ito yija İ ya surarare tirānu rotiyiju İ Herodes ñajacu ya wi jaja wiju.

## 24

*Félix tiro riojo, “Seti ma yure”, Pablo İ yire gaye*

<sup>1</sup> Co dūjamocō rumari bero paia uju Ananias wame cutigu, ito yicōri judio masa bucūrā rāca Cesareaju ejayijarā. İnare busi İsigū Tértulo wame cutigu İna rāca ejayiju. Cesareaju ejacōri uju tujū wayijarā İna, “Pablöre seti ña”, yirā warā. <sup>2</sup> Ito yija uju Félix Pablöre jiwio rotiyiju. “Pablöre seti ña”, yirocu ado bajiro yiyiju Tértulo Félixre:

—Queno ya yu uju mu. Mu masirisena suoriti, oca ma manire. Ito bajiri ñejuu tuo güire ma manire. Ito bajiri jeyaro quena ña adi sita. Adi sita gāna masare queno ejuu mu. <sup>3</sup> Ito bajiro mu yisotirise masicōri masa jeyaro mare wanama. Yu uju buto yu rucubugū, queno ya mu, ya gua. <sup>4</sup> Yoari yu busija, mu moaroti mare ruyurioboguja mucana yu. Ito bajiri yure queno yicōri yoari mejeti yu busija tuo ya maji. <sup>5</sup> Āni ñami masare usirioro yi jagu. Co cuto ruyabeto wa ucucōri judio masare oca riawso ucuami İ. Jesús Nazaret gagure tuorānūrā uju ñami āni. <sup>6</sup> Dios ya wi ñeño āmogū ito ōno sājaraona meje rāca sājafi āni. Ito bajiri İre ñiacu gua. Gua ñicusabatia İna rotiado bajiro, “İre seti ña”, yi āmojojacu gua. <sup>7</sup> Ito bajiro gua yi āmojorocati surara uju Lisias gua tu ejacōri sēoro yicōri guare, Pablöre ēmagoquī. <sup>8</sup> Ado bajiro guare yiquī İ: “

'Pablöre seti ña', mua yi ãmoja, adi sita gagu uju Félix tu wasa", yiqui i guare. Ito i yija tuocöri, ado bajiro yicu gua: "Mumasiti, ¿ñe seti ñati mure? yi seniñaita mu. Ito bajiro mu seniñaja bero gua gotirise, 'Riti ña', yigu yigujaja mu", yicu gua Lisiasre, yiyiju Tértulo Félixre.

<sup>9</sup> Ito ñarã i rãca gãna judio masa cuni, "Riti ña", yiyijarã ña. <sup>10</sup> Ito yija Félix Pablöre ãmo buyeyiju, "Busiya", yiroca. Ito i yija ticöri, busisoyiju Pablo:

—Yu masia, adi sita gagu uju iti ramuju ñashoru ña mu. Ito bajiri mu riojo wanu quenacöri, "Ñe seti ma yure", yiroca busigu ya yu. <sup>11</sup> Jua gubojeno ramuriti taja maji Jerusalénju Diore rãcubugogu ya ejaja bero. "¿Riti ñati?" mu yija, gãjeräre seniñaña mu. <sup>12</sup> Nocãta Dios ya wiju minijuacöri jãjarã rãca ya busi tuoñaja, tibiticã ña. Ito yicöri minijuara wiriju masare ya riawusoja, ito yicöri cutoju ya riawusoja, nocãta yure tibiticã ña. <sup>13</sup> Yure tigoana roboti, "Seti ña ñe", yi goti masimenaji ña. <sup>14</sup> Adi ñasarise mure goti rëtobugu ya yu. Yu ñicusabatia ña yiado bajiroti, Jesure tuorãncöri Diore rãcubugoa yu. Ña, "Ñe seti ña", yure yirã, Jesús oca bajirisere, "Buroti baja tuore gaye ña", yama ña. Diore rãcubugogu ñari Moisés i rotirise gaye rãcubugoa yu. Ito yicöri Diore goti isiri masa ña ucare gaye cuni rãcubugoa yu. <sup>15</sup> "Ñeñaro yirã godarã, queno yirã godarãre cuni tãdi ña catiroca yigu yiguñi Dios", yama ña. Yu cuni ñare bajiroti tuoña. <sup>16</sup> Ito bajiri quenarise riti ya yu, Dios riojo, masa riojo cuni, "Seti ma yure", yu yija quenaroti, yiyiju Pablo.

<sup>17</sup> 'Co rodo meje gaje catoriju wa ucöcöri, Jerusalénju tãdi ejacu yu. Jerusalénju tãdi ejacöri bojoro bujarãre niyeru batocu yu. Ito yicöri Diore rãcubugogu ñe yari waibucurã soe isicu yu itoju. <sup>18</sup> Dios ya wiju ito bajiro yu yi ñaroca judio masa Asia sita gãna rãca yure ti bujacã. Gua masa yisotire gaye ñeñaro yirise yu coe tioroca, yure ti bujacã ña. Dios ya wi totiju jãjarã masa manicã yu rãca. Ito yicöri riawusarã manicã. <sup>19</sup> Asia sita gãna Dios ya wiju yu ñaroca yure tigoana, "Ñe seti ña", yirã, gotirã wadirujama. <sup>20</sup> Ña gotirã wadibeja, ña ado ñarã, gua judio masa ujarã riojo, "Ado bajiro seti ñacu ñe", ña yi gotija quena. <sup>21</sup> Coji ña riojo oca são busaro ado bajiro busicu yu: "Godana mucana tãdi catirã yirãji", yicu yu. Ito bajiro yu yicati bero ñajare, "Ñe seti ña", yirãji mua yicu yu ñare, yiyiju Pablo Félixre.

<sup>22</sup> Ito i yija bero, "Queno yirã ñama Jesure tuorãnurã", yi tuoñacöri, ado bajiro yiyiju Félix judio masare:

—Itocöti tuocuja maji yu. Surara uju Lisias i ejaroca, "Seti ña ñe, seti ma ñe", yi besecuja yu, yiyiju Félix judio masare.

<sup>23</sup> Ito bajiri Félix tubiara wiju Pablo i tujatoni i ya surarare tirãnu rotiyiju. "Tubiara wi tu jabeto i ti ãmoja rëobeja. I baba mesa ña ejaja, ticõama. Rëobeja. Gãjerã i baba mesa ñe ejabua ãmoja, ejabujaja quena", yiyiju Félix. Ito i yija bero wacoayiju i.

<sup>24</sup> Ito bero yoa busari ejayiju Félix mucana i manjojo Drusila rãca. Judio maso ñayijo iso. Ito ejacöri Pablöre ji rotiyiju i. I ejaja ticöri, "Jesucristore mu tuorãnurise gaye gotiya guare", yiyiju Félix. <sup>25</sup> Pablo ado bajiro gotiyiju ñe: " 'Queno corocõ ñaña', yire gaye gotiami Dios manire. Manire ñeñaro yiroto ãmbojacati ñeñaro yibitiruja manire. Co ramu mani ñeñaro yigorere waja senigã yiguñi Dios manire", yiyiju Pablo. Ito bajiro i yija tuocöri, acayiju Félix.

—Wasa. Yu no yibitiju mucana mure ji ñucacuja gaje tuo remorocu, yiyiju Félix Pablöre.

<sup>26</sup> “Ī yure niyeru ĩsija, ĩre bucōacuja yu”, yi tŕoĭa wacu, biyaro Pablöre ji ĩucayiju ĩ, ĩ rāca busirocu. Ito bajibojarocati ĩ āmoro bajiro meje yiyiju Pablo. <sup>27</sup> Ito ĩ yiroca riti jua rodo rētayiju. Iti jua rodo bero Félix uju ĩ ĩarise budiyiju. Ito yicōri Pórcio Festo wame cutigu ĩre uju wasoayiju. Félix uju ĩ ĩarise ĩ budiroto riojua judio masa rāca queno ĩarocu, Pablöre bucōabisiju ĩ maji.

## 25

### *Festo tiro riojo Pablo ĩ busire gaye*

<sup>1</sup> Festo ũdia rumuti ĩ uju sājaja bero Cesareana ĩacōri Jerusalénju wa ucugu wayiju. <sup>2</sup> Ito ĩ ejaroca paia ujarā ito yicōri, judio masa ujarā ĩasarā, “Pablöre seti ĩa”, yirona ĩre gotirā ejayijarā:

<sup>3</sup> —Gũare queno yiya mu. Pablo ado Jerusalénju ĩ ejatoni ji ĩucaña mu, yi josayijarā ĩna Festore.

ĩnarioti ado bajiro busicāyijarā itiriojua: “Pablöre ĩ ji ĩucaja ma gudareco ĩre sĭacōana mani”, yi tŕoĭabojayijarā ĩna.

<sup>4</sup> ĩna ito yija Festojua ado bajiro yiyiju ĩnare:

—Itoju Cesareaju tubiara wiju ĩacāmi Pablo. Ito bajiri, “Yoari mejeti itoju yumasiti wacuja”, yi tŕoĭa yu. <sup>5</sup> Mua rāca gāna coriarā ujarā ĩarā yu rāca warujama. Seti ĩre ĩajama, yu rāca wacōri, “Seti ĩa ĩre”, yirā warujama ĩna, yiyiju Festo ĩnare.

<sup>6</sup> Jua dajamocō rumuricō Jerusalénju ĩacōri, Cesareaju tŕadi wayiju Festo mŕcana. ĩ eja busuari rumu ĩna oca gāmeri seniĭari wiju wayiju Festo. Itoju ejacōri Pablöre ji ĩucayiju ĩ. <sup>7</sup> Pablo ĩ sāja ejaroca judio masa Jerusalén wadiana ĩ tŕ eja rŕgūyijarā. “Seti jaje ĩa ĩre”, yibojarāti, “Iti ĩa seti ĩre ĩasarise”, yi goti rētobu masibisijarā ĩna. <sup>8</sup> Ito ĩna yija tŕocōri, “Yure seti ma”, yirocu ado bajiro yiyiju Pablo:

—Gua judio masa rotirise cudibicu meje ĩa yu. Dios ya wi ĩeñogŕ sājabiticu yu. Ito yicōri Roma gagu ujure cudibiticō yibiticu yu, yiyiju Pablo ito tŕo rujirāre.

<sup>9</sup> Judio masa rāca queno ĩarocu, Festojua ado bajiro seniĭayiju Pablöre:

—ĴJerusalénju wa āmoati mu? Jerusalénju masa tiro riojo, “ĴSeti ĩati mure?” yi yu seniĭare, Ĵāmoati mu? yiyiju Festo Pablöre.

<sup>10</sup> Ito bajiro ĩ yija tŕocōri, ado bajiro cudiyiju Pablo:

—Meje. Adoju ĩa yu, “Mure seti ĩa, mure seti ma”, ujarā ĩna riojo gotiroju ĩa yu. Adoju Roma gagu uju ĩre ejabuari masa, “Mure seti ĩa, mure seti ma”, yirā tŕju ĩa yu maji. Adoju ĩaraja yure. “Judio masare ĩeñaro yibitiquĭ ĩ”, yi masia mŕa. <sup>11</sup> “ĩre bŕto seti ĩa”, yicōri yure mŕa sĭa āmoja, no yicōri mañobicuja yu. “ĩre bŕto seti ĩa”, yi masibitibojarāti judio masa tŕju sĭgūjua yure cŕ masibea mŕa. Roma gagu ujuymasiti, “Seti ĩa mure, seti ma mure”, ĩ yire āmoa yu quenogoroa, yiyiju Pablo Festore.

<sup>12</sup> Pablo ito ĩ yija tŕocōri, ĩre busi ejabuari masa rāca busiyiju Festo. Ito yicōri ado bajiro yiyiju Pablöre:

—“Roma gagumasiti, ‘Ito baja’, ĩ yire āmoa yu”, mu yija tŕocōri, mure uju tŕju cŕna gua, yiyiju Festo Pablöre.

### *Uju Agripa tiro riojo Pablo ĩ busire gaye*

<sup>13</sup> Ito bajija bero yoa busari uju ĩasagu Agripa wame cutigu ĩ rĭjoro Berenice wame cutigo rāca, Cesareaju ejayijarā ĩna. Festo mamu uju ĩ wasoare ĩajare, “Queno baja mu”, yirona wayijarā ĩna. <sup>14</sup> Yoa busari ĩ ĩaja bero Pablo gayere busiyiju Festo, uju Agripare.



—Y<sub>u</sub> *uj*<sub>u</sub> wasoaroca Félix budi wac<sub>u</sub> sīg<sub>u</sub> *um*<sub>u</sub>g<sub>u</sub> ī tubiar<sub>u</sub> *ñ*<sub>u</sub>ami ado. <sup>15</sup> Jerusalénj<sub>u</sub> y<sub>u</sub> *ñ*<sub>u</sub>aroca paia *u*<sub>u</sub>jarā ito yicōri judio masa b<sub>u</sub>c<sub>u</sub>rā, “Īre seti *ñ*<sub>u</sub>. Ito bajiri Īre sīaja quena”, yicā Īna y<sub>u</sub>re. <sup>16</sup> Ado bajiro Īnare c<sub>u</sub>dic<sub>u</sub> y<sub>u</sub>: “G<sub>u</sub>a romano masa g<sub>u</sub>a yisotirise ado bajiro bajaia. ‘Īre seti *ñ*<sub>u</sub>’, yirā riojo, ‘Ado bajiroj<sub>u</sub>a bajaia, y<sub>u</sub>re seti ma’, ī yiroto rioj<sub>u</sub>a sīare ma g<sub>u</sub>are, yic<sub>u</sub> y<sub>u</sub>’, yiyij<sub>u</sub> Festo Agripare. <sup>17</sup> Ito bajiri judio masa Īna ejaroca, *u*<sub>u</sub> y<sub>u</sub> sājaja bero, “Īre seti ma, Īre seti *ñ*<sub>u</sub>”, *u*<sub>u</sub>jarā Īna yiroj<sub>u</sub> yoari mejeti wac<sub>u</sub> y<sub>u</sub>. Iti wij<sub>u</sub> eja<sub>u</sub>cōri Pablore āmi rotic<sub>u</sub> y<sub>u</sub>. <sup>18</sup> Y<sub>u</sub> t<sub>u</sub>oīaja, ado ejarā judio masa, “Īre b<sub>u</sub>to *ñ*<sub>u</sub>ñarise seti *ñ*<sub>u</sub>”, yirā yirāji, yibojac<sub>u</sub> y<sub>u</sub>. Ito yibojarocati, “Itocō jaje seti *ñ*<sub>u</sub>”, y<sub>u</sub> masibiticā Īna. <sup>19</sup> “G<sub>u</sub>a r<sub>u</sub>c<sub>u</sub>b<sub>u</sub>osotiriserere r<sub>u</sub>c<sub>u</sub>b<sub>u</sub>obeami ī. ‘Godabojaguti m<sub>u</sub>cana t<sub>u</sub>di catiami Jesús’, y<sub>u</sub> r<sub>u</sub>omi Pablo. Īre seti *ñ*<sub>u</sub>”, yirona iti riti goticā Īna. <sup>20</sup> Iti oca bajirisere queno masibiticōri, Pablore ado bajiro senīac<sub>u</sub> y<sub>u</sub>: “Jerusalénj<sub>u</sub>, ‘Īre seti ma, Īre seti *ñ*<sub>u</sub>’, Īna y<sub>u</sub> beseroj<sub>u</sub>, *z*<sub>u</sub>wa āmoati m<sub>u</sub>?” yibojac<sub>u</sub> y<sub>u</sub> Pablore. <sup>21</sup> “Meje, Roma gag<sub>u</sub> *u*<sub>u</sub> Augusto wame cutig<sub>u</sub>, ‘Īre seti *ñ*<sub>u</sub>, ito yicōri Īre seti ma’, Īyire āmoa y<sub>u</sub>”, yiquī Pablo. Ito ī yija t<sub>u</sub>ocōri, “No y<sub>u</sub> cōa āmori r<sub>u</sub>m<sub>u</sub> Roma gag<sub>u</sub> *u*<sub>u</sub> t<sub>u</sub>ji m<sub>u</sub>re cōac<sub>u</sub>ja. Adocāta tubiara wij<sub>u</sub> *ñ*<sub>u</sub>atī<sub>ñ</sub>ag<sub>u</sub> ya m<sub>u</sub> maji. No y<sub>u</sub> cōa āmori r<sub>u</sub>m<sub>u</sub> gajero m<sub>u</sub>re cōac<sub>u</sub>ja y<sub>u</sub>”, yic<sub>u</sub> y<sub>u</sub> Pablore, yiyij<sub>u</sub> Festo Agripare.

<sup>22</sup> Ito yija Agripa ado bajiro yiyij<sub>u</sub> Festore:

—Y<sub>u</sub> c<sub>u</sub>ni Pablo ī b<sub>u</sub>sirere t<sub>u</sub>o āmoa y<sub>u</sub>, yiyij<sub>u</sub> Agripa, Festore:

—B<sub>u</sub>a, jane busuriti Pablo ī b<sub>u</sub>sirere t<sub>u</sub>og<sub>u</sub> yig<sub>u</sub>ja m<sub>u</sub>, yiyij<sub>u</sub> Festo Agripare.

<sup>23</sup> Ito bajiri, busuriti Agripa ī rījoro Berenice, Pablo ī b<sub>u</sub>sija t<sub>u</sub>orā ejayijarā Īna. Itoj<sub>u</sub> eja<sub>u</sub>cōri sōbajiro *ñ*<sub>u</sub>sagu *ñ*<sub>u</sub> y<sub>u</sub>, y<sub>u</sub> t<sub>u</sub>oīa minijuara wij<sub>u</sub> sājajijarā Īna. Surara *u*<sub>u</sub>jarā rāca, ito yicōri iti c<sub>u</sub>to *u*<sub>u</sub>jarā *ñ*<sub>u</sub>sarā rāca sājajijarā Īna. Īna sājaja ticōri, Pablore j<sub>u</sub> rotiyij<sub>u</sub> Festo. <sup>24</sup> Pablo ī eja<sub>u</sub> ticōri, itoj<sub>u</sub> minijua *ñ*<sub>u</sub>arāre ado bajiro yiyij<sub>u</sub> Festo:

—Y<sub>u</sub> *uj*<sub>u</sub> Agripa, ito yicōri g<sub>u</sub>a rāca minijua *ñ*<sub>u</sub>arā, tiya āni *ñ*<sub>u</sub>ami Pablo. Jājarā judio masa “Īre seti *ñ*<sub>u</sub>”, y<sub>u</sub> b<sub>u</sub>siamā Īna y<sub>u</sub>re, Jerusalénj<sub>u</sub> ito yicōri ado<sub>u</sub> Cesareaj<sub>u</sub> c<sub>u</sub>ni. “Ī godacoar<sub>u</sub>jami”, yire gayere b<sub>u</sub>si tarojobeama Īna. <sup>25</sup> Y<sub>u</sub> t<sub>u</sub>oīaja, seti *ñ*<sub>u</sub>asarise ma Īre. Ito bajiri, “Godar<sub>u</sub>jami ī”, y<sub>u</sub> masibeā y<sub>u</sub>. “Roma gag<sub>u</sub> *u*<sub>u</sub> riojo, ‘Iti m<sub>u</sub>re seti ma, iti m<sub>u</sub>re seti *ñ*<sub>u</sub>’, ī yicato bajiro<sub>u</sub> *u*<sub>u</sub> t<sub>u</sub> cōac<sub>u</sub>ja”, y<sub>u</sub> t<sub>u</sub>oīa y<sub>u</sub>. <sup>26</sup> “Iti *ñ*<sub>u</sub> oca *ñ*<sub>u</sub>asarise Pablore”, y<sub>u</sub> y<sub>u</sub> *u*<sub>u</sub>re papera uca masibeā y<sub>u</sub>. Ito bajiri Pablore j<sub>u</sub> *ñ*<sub>u</sub>ucam<sub>u</sub> y<sub>u</sub>, m<sub>u</sub>a riojo, quenogorama y<sub>u</sub> *u*<sub>u</sub> Agripa m<sub>u</sub> senīatoni. Ito bajiro m<sub>u</sub> senīaja bero iti oca t<sub>u</sub>ocōri ucag<sub>u</sub> yig<sub>u</sub>ja y<sub>u</sub> Augustore. <sup>27</sup> Rocati, “Iti seti *ñ*<sub>u</sub> Īre”, y<sub>u</sub> masibitibojaguti, y<sub>u</sub> Pablore cōaja, rocati mec<sub>u</sub>ri masure bajiro yig<sub>u</sub>ja y<sub>u</sub>, yiyij<sub>u</sub> Festo Agripare.

## 26

*Y<sub>u</sub> gotirise t<sub>u</sub>oya, *u*<sub>u</sub> Agripare Pablo ī yire gaye*

<sup>1</sup> Ito ī yija t<sub>u</sub>ocōri, Pablore b<sub>u</sub>si rotiyij<sub>u</sub> Agripa:

—M<sub>u</sub>masiti, “Iti seti ma y<sub>u</sub>re”, y<sub>u</sub> gotiya, yiyij<sub>u</sub> ī.

Ito ī yija t<sub>u</sub>ocōri, “B<sub>u</sub>sig<sub>u</sub> wag<sub>u</sub> ya y<sub>u</sub>”, yiroc<sub>u</sub> ī ya āmo *ñ*<sub>u</sub>m<sub>u</sub>oyij<sub>u</sub> Pablo. Ito yicōri b<sub>u</sub>sis<sub>u</sub>oyij<sub>u</sub> Īja:

<sup>2-3</sup> —Y<sub>u</sub> *uj*<sub>u</sub> Agripa, m<sub>u</sub> t<sub>u</sub>oro riojo b<sub>u</sub>sig<sub>u</sub> wag<sub>u</sub> queno wan<sub>u</sub> quenacōri b<sub>u</sub>sig<sub>u</sub> wag<sub>u</sub> ya y<sub>u</sub>. G<sub>u</sub>a judio masa g<sub>u</sub>a yisotiriserere queno masia m<sub>u</sub>. G<sub>u</sub>a t<sub>u</sub>oīa b<sub>u</sub>sisotirise c<sub>u</sub>ni queno masia m<sub>u</sub>. Ito bajiri judio masa, “Īre seti *ñ*<sub>u</sub>”, Īna yibojariserere m<sub>u</sub> tiro riojo itire gotig<sub>u</sub> ya y<sub>u</sub>. Queno y<sub>u</sub> gotiriserere *u*<sub>u</sub>riobicati t<sub>u</sub>o jeoya, yiyij<sub>u</sub> Pablo Agripare.

*Jesure y<sub>u</sub> masiroto rioj<sub>u</sub>a ado bajiro bajic<sub>u</sub> y<sub>u</sub> maji, Pablo ī yire gaye*

<sup>4</sup> Yn ñarā judio masa jeyaro yn ñagore masiama ña. Yn ya cuto jaibicuaçã yn ñagore ito yicõri Jerusalénju yn ñagore cuni queno masiama ña. “Jaibicu ñagũju, mani masa yisotirise gayere cãdiquĩ ĩ. Ito yicõri iti gayere riasotiquĩ ĩ”, yi masirãji ña yure. <sup>5</sup> Gna masa fariseo gaye tũoĩarã, ña ñama buto Moisés ñayora ĩ rotirise gaye rucũbuorã. Macuaçã yn ñacatijujuti fariseo gaye ña tũoĩarise tũoĩasoticu yn. “Ito bajiro bajiquĩ ĩ”, ña yi ãmoja, riti yirãji ña. <sup>6</sup> “Godanare mũcana tũdi ña catiroca yigu yigũja ya”, yi goti yucãni Dios gna ñicũsabiatiare. Ito bajiro yn tũoĩajare, “Īre seti ña”, yicõri yure ãmi wadiama ña. <sup>7</sup> Dios ĩ yicato bajiroti yiroti bocatirã yama gna masa jua gũbojeno buturi ñarã. Ito bajiri ñamiri, ãmũari Diore rucũbuo ñama ña. Ito yicõri Diore cãdi ñama ña. Yn cuni ñare bajiroti rucũbuo itire. Iti gaye yn tũoĩajare, “Īre seti ña”, yama ña. <sup>8</sup> ¿No yija, “Godanare mũcana tũdi catiroca yibiquĩji Dios”, yi tũoĩati mna? yiyiju Pablo uju Agripare.

*Jesure masirãre rocati yi ãmocũ yn maji, Pablo ĩ yire gaye*

<sup>9</sup> Gaje ado bajiro busi remoyiju Pablo:

—“Jesũ Nazaret gagure tuorũnũrãjũare ñeñaro yisarũja yure”, yi tũoĩabojacu yn maji cajero. <sup>10</sup> Ito yn tũoĩacato bajiroti yicu yn Jerusalénju. Paia ujarã ña rotirisena, Jesure tuorũnũrãre tubiara wiju cũcu yn. Jesure masirãre ña sãja, “Ito bajiroti uja”, yi tũoĩacu yn cuni. <sup>11</sup> Coji meje Jesure tuorũnũrãre ñeñaro ña tũbũjaroca yicu yn. Judio masa minijuari wiju ñare ãmi sãjacõri ñeñaro ña tũbũjaroca yicu yn. Ito yicõri, “Jesure masibeã gna”, ña yijaro yirocu, ñare usirioro yi codecu yn. Ñare buto junisinicõri ñare suyacu yn, gaje cutoju sũacõri, ñeñaro tũbũjaroca ñare yirocu.

*Ado bajiro Jesure masisnocũ yn, mũcana Pablo ĩ yire gaye*  
(Hch 9.1-19; 22.6-16)

<sup>12</sup> Ito bajiro yirocu Damasco cutoju wacu yn. Paia ujarã ña rotija tũocõri, itoju wacu yn. <sup>13</sup> Yn uju, ma wacu, buto ãmacañi rẽtoro busurise ticu yn ãmna gudareco tũjaroca. Iti busurise yure sãticu ito yicõri yn rãca wacanare cuni. <sup>14</sup> Ito bajijare ñarocõti quedicuocũ gna. Ito yija, hebreo ocana ado bajiro yure busija tũocu yn: “Saulo Saulo, ¿no yija yure ñeñaro yi ãmoati mu?” yire oca ruyucu ãmacũju. “Ito bajiro mu yija mũmasiti ñeñaro tũbũjagu ya mu. Adocãta mu ya ruju jota mu jajuja, juniroja mure cuni. Itioni yigu bajiro ya mu”, yi ruyucu oca yure ãmacũju gaye. <sup>15</sup> Ito yijare, “¿Noju gagu yure busiati mu?” yicu yn. Ito yija mani uju ado bajiro yiquĩ yure: “Yn ña Jesũ ñeñaro yi ãmogũ mu josaguti. <sup>16</sup> Wũmũ rũgãña. Yure moã ĩsijaro ĩ yirocu, mure goãoã ya. Ito bajiri yn oca masare goti batogu yigũja mu. Adocãta mu tirise, gotigu yigũja mu. Ija mure yn ĩroti gaye cuni goti batogu yigũja mu. <sup>17</sup> Judio masa, ito yicõri judio masa meje ñarã cuni mure ña sã ãmoja mu rãca ñacũja yn. Masa jeyarore yn oca gotijaro Pablo, yirocu ña tu mure cõa yn. <sup>18</sup> Ña tu mure cõacũja yn, yn oca ña tũo masitoni. Yn oca mu gotija ñeñaro yi ñabojana, quenarise yi ñarã yirãji ĩja. Rãitũaroju ñabojana busuroju ñarã yirãji mũcana. Yn ñagũ yigũja ña uju. Rãmũ ĩ rotirise cãdirã meje ñarã yirãji ña. Yure ña tuorũnũja, ñeñaro ña yirisere ãcabojocũja yn. Ito bajiri Dios ĩ besecãna rãca catitũñarã yirãji ña”, yi ruyucu oca yure, yiyiju Pablo Agripare.

*Jesũ ĩ roticature yiro robo cãdicũ yn, Pablo ĩ yire gaye*

<sup>19</sup> Ito bajiro ãmacũju ruyuja tũocõri, yiro bajiroti cãdicũ yn Jesure. Yn uju Agripa, Jesũ ĩ roticature cãdibiticõ yibiticũ yn. <sup>20</sup> ĩ “Yiba”, yicato bajiroti Damasco gãnare Jesũ oca gotisnocũ yn. Ito bero Jerusalén gãna Judea sita

gãna ñajediro, ito yicõri judio masa mejere cãni, ì ocare goti ucucu ya. “Mua ñeñaro yirise jidicãcõri, Dios robo bajiro tãoïaña mua. Ito yicõri quenarise yiba, gãjerã, ‘Diore masirã ñama’, ña yi ti masitoni”, yicu ya ñare. <sup>21</sup> Ito bajiro ya gotija tãocõri, judio masa yãre ñiacã Dios ya wiju. Ito yicõri yãre sãa ãmocã ña. <sup>22</sup> Ña ito bajiro yi ãmbojarocati, Dios ejabuaquì yãre. Adocãta cãni yãre ejabuami Dios. Ito bajiro Dios oca gotia ya ñasari masa ñjarãre ito yicõri ñari masa mejere cãni. “Ito bajiro rãtaro yiroja”, Moisés ñayoru ì goticãdo bajiroti, ito yicõri Diore goti ñsiri masa ña goticãdo bajiroti ìti gayere muaare gotia ya. <sup>23</sup> Ado bajiro yïni Moisés ito yicõri Diore goti ñsiri masa: “Dios ì cõagã quenabeto tõbujagu yiguji. Ito bero godagu yiguji. Ñãgã yiguji godabojaguti cajero catiãogã. Mucana caticõri masa ña tão masiroca yigu yiguji. Ito yicõri ñre tãorãnarãre masogã yiguji. Judio masa, judio masa mejere cãni masogã yiguji”, yi ucañi ña, yiyiju Pablo.

### *Cristore ì tãorãnarãro Agripare Pablo ì yi ãmore gaye*

<sup>24</sup> Ito bajiro ñamasiti Pablo ì gotija tãocõri, Festo oca sãoro busiyiju:

—Tão masibeã Pablo mua. Buto mua papera riasotija mua tãoïarise wisacoayija mua, yiyiju Festo Pablore.

<sup>25</sup> Ito ì yija tãocõri, ado bajiro cãdiyiju Pablo:

—Meje ya ãju mecãbesame ya. Ado robojua baja. Ya busirise queno tãoïacõri busia ya, ito yicõri riti ña, yiyiju Pablo Festore. <sup>26</sup> Ito yija busi remogã ado bajiro yiyiju Pablo ãju Agripare: “Ya busirisere queno tão masia mua. Ito bajiri tão gãibicãti mua tãoro riojo busia ya. Iti jeyaro ya busirisere queno masia mua. Adi Jesús oca yeyo gotire meje ña. Masa ña tiro riojo rãtare ña. <sup>27</sup> Ya ãju Agripa, ¿Diore goti ñsiri masa ña gotigore tãorãnãti mua? Tãorãnãti mua, ya tija”, yiyiju Pablo Agripare.

<sup>28</sup> —¿Iti jabetacã yãre busicõri, “Jesure rãcãbãogã yigija mua”, yati mua yãre? yiyiju Agripa Pablore.

<sup>29</sup> Ito ì yija tãocõri, ado bajiro yiyiju Pablo ñre:

—Oca jairo ya busija jabetacã ya busija cãni, mua yiarì Diore senigã ya ya. Ito yicõri ado ya busija tãorã jeyarore yiarì Diore senigã ya ya. Jesure ya tãorãnarãro bajiro mua tãorãnãtoni. Ya Jesure tãorãnarãro bajiroti mua tãorãnarãre ãmoã ya. Ito bajibojarocati ya robo bajiro tubiara wiju ñacõri meje mua tãorãnarãre ãmoã ya, yiyiju Pablo ñare.

<sup>30-31</sup> Ito bajiro Pablo ì yija bero Agripa, Festo, Berenice itija minijua ñana cãni ricati wacõri oca bajirisere itire busirã wayijarã ña. Ito bajiri ñnamasiti ado bajiro gãmeri busiyijarã ña.

—Ñe seti ma ãnire. Ito bajiri sãabituraja ñre. Ito yicõri tubiara wiju ñabituraja ñre, yiyijarã ña.

<sup>32</sup> Ito yija Agripa ado bajiro yiyiju Festore:

—Roma gagã ãju, ì oca quenore ãmoã ya, ì yibeto bajija, adocãta jidicã ecocõboñi ì ñja, yiyiju Agripa Festore.

## 27

### *Pablore Romaju ñjarã ña cõare gaye*

<sup>1</sup> Ito yija, “Pablo ito yicõri ì rãca tubiara wiju ñarãre cãni Italia sitaju cõaraja mani”, yiri seyofni ñjarã. Ito bajiro yicõri sigã Julio wame catigure guare Italia ñi ãmi wa roticã ña. Roma gagã ãju ì ya surara coderi masu ñaquì Julio. <sup>2</sup> Ito bajiri Adramitio wame catiri cãto gaga cumana wasuocã gãna mucana. Asia sita cãtori majadori ti ucuro warica ñacã itiga cuma. Sigã Aristarco wame catigu waquì gãna rãca. Macedonia sita Tesalónica wame catiri cãto

gaga ñaquĩ ĩ. <sup>3</sup> Cesareana wasuocu gna. Ito bajiri gaje ramu Sidónju ejacu gna. Itoju ejacõri Pablöre queno ti maicõri ĩre queno yiquĩ Julio. Iti cuto gånare ĩ baba mesare ĩ ti ucu ãmoja ĩre rēobitiquĩ Julio. Ito yicõri ĩ baba mesa ĩre bare eca ãmoja, ĩre ĩna ejabua ãmoja cuni rēobitiquĩ Julio. <sup>4</sup> Ito Sidõnre wacoacu gna. Ito gna waroca bũto mino wēatucu guare. Ito bajiri riojo wa masibiticu gna. Chipre wame cutiri yoga gaje ñajare wacu gna. Ito bajiri gācodujajure ñacu iti yoga. Itoju mino bũto wasabiticu. <sup>5</sup> Cilicia sita, Panfilia sita, riojo rētacu gna. Ito rētacõri Licia sita Mira wame cutiri cuto ejacu gna.

<sup>6</sup> Ito ejacõri surara uju Julio Italiaju warica coga cuma ti bũjañi ĩ. Itiga cuma Alejandría gaga ñayiju. Itiga ĩ bũjaja bero warona itigaju sājacu gna mũcana. <sup>7</sup> Mino bũto iti wēajare, co ramu meje ñacõri, josari Gnidō wame cutiri cuto ejacu gna. Riojo rētacu gna itore. Gna waro riojo bũto mino iti wēajare, riojo wa masibiticu gna. Jēa wacõri Salomón wame cutiri cuto rētacu gna. Ito yicõri Creta wame cutiri yoga rāja wacu gna. <sup>8</sup> Ito gāni rāja wacõri, josari Lasea wame cutiri cuto tu, “Quenari Jetacari”, wame cutiro ejacu gna.

<sup>9</sup> Gna waroca jaje ramari godacu guare. Juebucu iti cõñajare waroto guiyo ñacu riaca jajosa ĩja. Ito bajiri: “Ado bajiro mna yija quena”, yiquĩ Pablo ĩnare.

<sup>10</sup> —Yu ñarā yu tija adi mani warise, guijoro rētarō yiroja manire. Mani ya cuma rujacoaro yiroja. Ito yicõri gajeoni cuni rujacoaro yiroja. Mani cuni godacoarā yirāji gajea. Yu tuoiaja adoti tujaraja mani maji, yibojaquĩ Pablo ĩnare.

<sup>11</sup> Ito bajiro ĩ yibojarocati Pablöre tuorānũbitiquĩ surara uju. Iti cuma uju, ito yicõri iti cuma weatugare ĩnare riti queno tuorānũquĩ surara uju. <sup>12</sup> “Guijoro ñaroja”, yi masicõri, iti jetacaju juebucu rēta āmobicā gājerā, gna rāca warā. Ito bajiri ado bajiro tuoicā ĩna: “Iti yoga rāja wacõri Fenice cutoju juebucu rētoraja manire. Rujasōa busa ñajare bũto mino wābetoja itoju”, yi tuoicā ĩna.

### *Īnare mino wēare gaye*

<sup>13</sup> Iti bũto mino wēabeja ticõri, “Feniceju ejarā yirāji mani”, yi tuoicā ĩna. Ito bajiro tuoicõri wasuorāti iti yoga tu rāja wacu gna mũcana. <sup>14</sup> Ito bero nocõ mejeti cumaju bũto mino wācu. Ūmacañi ĩ joejea wadiro gaje ñajare gācodujare wadicu iti mino. <sup>15</sup> Iti cumare bũto wēacoacu mino. Ito bajiri riojo wa masibiticu gna. Ito bajiri mino iti āmi waroti ticõacu gna ĩja. <sup>16</sup> Ruja yoga jaibiti yoga Cauda wame cutiri yoga totoju wēasabitiju wacu gna. Ito bajiri josari cuma mutacā gna sia yocatire āmicu gna. <sup>17</sup> Gna mñojeoja bero jajoca cuma gna wacatigare, jũgubona siari cūcā moari masa, mino iti wēaja wadirujabe yirona. Ito bero, “Sirte wame cutiriju jaju mino iti wēacoaja queditua rujaboroja”, yi tuoiarā, mino iti wēaturise saya rujiocā ĩna ĩja. Ito bajiri mino iti wēacoaro bajiroti wacu gna ĩja. <sup>18</sup> Ito bajiri gaje ramu bũto iti mino wēa rētocũjare, cuma bũcua gaye gajeoni cōaroasucā ĩna. <sup>19</sup> Mũcana gaje ramu ĩnamasiti cuma bũcua ñarise gajeoni cōaroacā ĩna. <sup>20</sup> Co ramu meje ide bueri iti bue rētocũjare ñocōa cuni ruyubiti, ũmacañi cuni ruyubiti bajicā. Ito yicõri bũto mino wācu guare. Ito bajiri ito bajijare, “Catiado ma mani, catire ma manire”, yi tuoicacu gna.

<sup>21</sup> Yoari co ramu meje babiticu gna. Ito bajiri iti ticõri wamu rēgũcõri bũsiquĩ Pablo:

—Creta yogaju yu bũsiroca mna tuojava, quenoti ejaboyija, yiquĩ Pablo. Itojana mani wadibeto bajijama, cuma bũcua cuni ñeñabitiboadoja. Ito yicõri gajeoni cuni godabitiboadoja. <sup>22</sup> Adocāta tuoia oca quedi yibesa. Adi cuma, cuma iti godabojarocati, sīgũju goda yimenaji mani. <sup>23</sup> Dios ñami yu ũju. Ito

yicōri ĩre r̄uc̄b̄uoa yu. J̄iɲu ñami Dios ñaro gagu ángel ĩ cōaru, yare goami. <sup>24</sup> ĩ ángel ado bajiro gotimi yare: “Gũibesa. Roma gagu ujure, ‘Seti ma yare’, yigu yigujá mu. Diore mu senija t̄uoñi Dios mure. Ito bajiri mu r̄aca ḡana cuma w̄arã ñarocōti cati jedicōrã yirãji”, yimi ángel yare. <sup>25</sup> Ito bajiri oca s̄eoña yu ñarã m̄ua. Diore t̄uor̄an̄ua yu. Ito bajiri, “Ángel ĩ gotiro bajiroti r̄etar̄o yiroja”, yu t̄uoña yu. <sup>26</sup> Ḡudareco yogaju queditua rujabojarãti godamenaji mani, yiquĩ Pablo ḡuare.

<sup>27</sup> Ito bero juaji semana bero Adiático wame cutirita itajuraju ñacu ḡua, mino ḡuare iti w̄eacōajare. Ñami ḡudareco iti cuma moari masa, “Sitaju ejarã ya mani”, yicã ĩna. <sup>28</sup> Ito yicōri ḡutagã yutamana cano yicōri ide uc̄ar̄isere cōiacã ĩna. Treinta y seis metros uc̄aro ñacu ito. Yoa busari m̄ucana ĩna cōiaja veintisiete metros uc̄aro ñacu. <sup>29</sup> Ḡuta quedituare ḡuirã, juariagari come guji cutirise come mana cano yicōri cōaroacã ĩna, cuma iti waja t̄uatuaro yirona. Cuma uc̄itutujare ito bajiro yicã ĩna. Ito bajiri ejori iti busure amorã Diore senicã ĩna. <sup>30</sup> Ito bajiroca riti rudire t̄uoñacã iti cuma moari masa. Ito bajiri cuma ĩguẽajua, cuma busua ñiarotire come cōaroarã yama yiado bajiro cuma jaibitigacã rujiocã ĩna. <sup>31</sup> Ito bajija ti masicōri, surarare ito yicōri ĩna ujure ado bajiro gotiquĩ Pablo:

—Īna adi cuma moari masa ĩna rudija, mani adi cuma tujarã godacoarã yirãji, yiquĩ Pablo surarare.

<sup>32</sup> Ito ĩ yija t̄uocōri, cuma jaibitiga siara mare yije tacōcã ĩna, “Iti amoroti wajaro”, yirona.

<sup>33</sup> Busuri j̄iɲu jabeto ba rotiquĩ Pablo ḡuare:

—Juaji semana r̄eta, canimenati, bamenati m̄ua ñaroca. <sup>34</sup> M̄ua jabeto bare ãmoa yu. “Catiba”, yirocu m̄uare ba rotia yu. Ñejuã r̄etabetoja m̄uare. Catirã yirãji m̄ua ñarocōti, yiquĩ Pablo ḡuare.

<sup>35</sup> Ito yi t̄uocōri ĩ ya ãmona naju ãmi r̄ucocōri, “Queno ya mu”, yiquĩ Diore gua tiro riojo. Ito yicōri jabetacã igata ãmicōri baquĩ ĩ. <sup>36</sup> Ito ĩ yija ti wanocōri, oca s̄eocu ḡua. Ito bajiri gua ñarocōti bacu itire. <sup>37</sup> Doscientos setenta y seis masa ñarã ñacu ḡua iti cuma warã. <sup>38</sup> No ḡua ba ãmorocō bacu ḡua. Ba t̄uocōri trigo bujuri cōaroacu ḡua, cuma busua b̄uto busa jayajaro yirona.

### *Cuma busua iti rujare gaye*

<sup>39</sup> Iti busuroca iti cuma moari masa ruja yogaju jaju iti ruyuja ticã ĩna. “Ito bajiro wame cutia”, yi masibisĩ ĩna iti yogare. Iti sita wame masibitibojarãti, “Cuma majado iti quenaja tito maji”, yicã ĩna. <sup>40</sup> Ito bajiri come gujiro ñiaroti ĩna siarere yije tacã ĩna. Ito bajiri ide watojuti tujacoari seyocu iti. Ito bajiri cuma busua weatura jãire sã r̄ugōcã ĩna m̄ucana. Ito yicōri mino tuaroto ũmatãadoju saya wero m̄uocã ĩna. Ito bajiri jaju t̄ujuare jãja wasu cuma ĩja.

<sup>41</sup> Ito wasuoroti ũma ḡãniro jajuju sua queacu cuma busua. ĩguẽajua jajuju jua r̄j̄ucoacu. No yicōri wa masia mano cuma uc̄itutujua b̄uto iti jacũjare wadis̄uocu.

<sup>42</sup> Ito bajija ticōri, surara tubiarona ĩna ãmi wanare, “S̄iacōruja mani, ĩna bati rudi wabe yirona”, yu t̄uoñacã ĩna. <sup>43</sup> Ito bajiro ĩna yibojarocati surara ujuama Pablo ĩ catire ãmoquĩ. Ito bajiri ĩ ya surarare s̄ia rotibitiquĩ ĩ: “M̄ua bati masirã cojiti bati jãjã wasa jajuju ejas̄uoba”, yiquĩ surara uju. <sup>44</sup> Ito yicōri ḡajerãre bati masimenare, “Cum̄u jãiri cuma ñagorena wasa m̄ua”, yiquĩ. Ito bajiri s̄igũ godabeto ñarocōti jãja ejacu ḡua jajuju.

## 28

*Malta wame cutiri yogaju Pablo i wa ucure gaye*

<sup>1</sup> Ito maja rügücöri, “Malta wame cutiri yoga ña adi yoga”, yi masicu gña ija. <sup>2</sup> Ito sita gāna queno yicā guare. Ide jairo quedija iti usajare jeame jajame riocā ña. Ito bajiro yicöri, “Sumarā waya mua cuni”, yicā guare. <sup>3</sup> Ito yija Pablo jea cararise jabeto mioquī. Iti i jea tñaroca asijua budi wadigujū Pablo ya āmoju ñña cuni ñña yojaquī. <sup>4</sup> Ito sita gāna Pablöre ñña cuni ñña yojaja ticöri, ado bajiro ñnamasi gāmeri busicā ña:

—Wajacu seyoami ñni. Riaca jajosaju godabiticöri i ñeñaro yire waja godagu yiguīji ija, yicā ña.

<sup>5</sup> Ito ña yibojarocati Pabloama jeameju ññare wējata tñacoquī. Ito bajicöri ñre ñejua rētabiticu. <sup>6</sup> Ito sita gāna masa ñarocöti “Mijiro yiroja”, yibojacā ña. “Yoari mējeti üsi jedi quedigū yiguīji”, yibojacā ña. Ito bero yoari yubojari i godabeja ticöri, ña tuoñarisere gajero bajirojua tuoñacā ña mucana: “Mani rücuñogū masu ruju, ruju cuticöri ejami ñni”, yicā ña.

<sup>7</sup> Ito tu iti yoga ujū ñari masu ya sita ñacu. Públio wame cutigū ña quī i. Guare boca āmicöri uña rāmu gña ñacati rāmuricō queno yiquī i guare. <sup>8</sup> Ito gña ñaroca Públio jacu, jacüari, ññori cō yosaquī. I tu tirā wacu gña Pablo rāca. I tu ejacöri Diore seniquī Pablo. Ito yicöri cōgäre i ya āmo i moa jeorocati i ñarise cutirise iti rētaroca yiquī i. <sup>9</sup> Ito iti bajija tuocöri, iti yoga gāna gājerā cōrā i tu ejacā. Ito bajiri ñña ñarise cutirise rētacu ñnare cuni. <sup>10</sup> Guare rücuñorā ñari guare queno yicā ña. Gña waroto riojua gña ba waroti jeyaro ñe ruyabeto guare ñisicā ña.

*Romaju Pablo i ejare gaye*

<sup>11</sup> Udiarā ūmacañi iti yoga gña ñaja bero mucana warona cumaju sājacu gña. Itiga jueñacu rētagoraga ñacu. Alejandría wame cutiri cuto wadiraga ñacu itiga. Cuma bñuca ūmatāadojñare, masa rijogari bajiro ña menire ñacu iti cuma ujarā ña rücuñorise. Iti wame cuticu, Cástor, ito yicöri Pólux. <sup>12</sup> Ito cumana wacöri Siracusa wame cutiriju jetaca ejacu gña. Itoju uña rāmu tujacu gña. <sup>13</sup> Ito tñanima bñusa warā riti Regio cuto ejacu gña. Gācōa sojeju wēarise mino queno ejabñacu guare. Ito bajiri gaje rāmuti Puteoliju ejacu gña. Ito majacu gña. <sup>14</sup> Ito cuto gājerā Jesure masirāre ti bujacu gña. “Gña rāca coji semana tujaya”, yicā ña guare. Iti semana bero mucana wasñocu gña, Romaju warā. <sup>15</sup> Roma gāna Jesure masirā gña ware gaye masi yucāri seyoñi. Ito bajiri majū guare bocarā ejacā ña. Coriarā, Foro de Apio wame cutiri cutoju guare bocacā. Ito yicöri gājerā Tres Tabernas wame cutiri cutoju guare bocacā. Ito ñnare ti bujacöri, “Queno ya mu”, yiquī Pablo Diore. Ito bajiri queno wanñ quena oca seoquī i. <sup>16</sup> Romaju gña ejaja bero tubiarona āni wacāñare surara ujū gotiquī, tubiara wi coderi masu ujñare. Pablöreama ricati sīgū surara codegu cutiro ñre cūcā.

*Romaju Pablo i ñnare gaye*

<sup>17</sup> Gña ejaja bero uña rāmu tujaroca, judio masa ñnari masare ji rotiquī Pablo. ña minijua jediroca ado bajiro ñnare gotiquī i:

—Yu ñarā, diseju mani ñarāre ñeñarise yibiticu yu. Mani ññicusabatia ña rücuñore cuni ñeñaro yibiticu yu. Ito yu yibitibojarocati Jerusalénju mani masa yñre ñiacöri Romano masare ñisicā ña yñre. <sup>18</sup> Yñre boca āmicöri yñre jidicā āmbojacā ña. “Ñe setina godado ma mu”, yirona yñre jidicā āmbojacā ña. <sup>19</sup> Ito bajibojarocati mani masa jidicā āmobicā yñre. Ito bajiri, “Yu ujū Roma gagñ, seti ña mñre, seti ma mñre”, i yi besere āmocū yu. Mani ñarāre

junisinicōri meje ito bajiro yicu yu. <sup>20</sup> Ito bajiri iti mware busirocu, mware ji ñucamu yu. Mani judio masa mani bocatigu ejacoami İja. İti ñami Jesucristo. İre tuorūnugū yu ñajare, come mana yure siari seyoama İna, yiquİ Pablo.

<sup>21</sup> Ito yija ado bajiro yicā İna İre:

—Mu oca iti bajirisere Judea sita İna papera cōarere boca āmibiticu gūa. Mani ñarā ito wadiana cūni ñejuā ñeñarise mu gayere busi ejabiticā İna. <sup>22</sup> “Masa Jesure İna tuorūnūja quenarise meje ña”, yire gaye riti tuoā gūa. Ito bajiri adi mame tuoİare gaye muāma, ¿no bajiro tuoİati? İti gayere tuo āmoa gūa, yicā İna Pablore.

<sup>23</sup> “Ito yija iti rumu minijuana mani”, yicā İna. Ito yija bero batacā İna. İna wara rumu ejaroca jājarā masa ejacā Pablo İ ñaroju. İna minijuaja ticōri, “İre tuorūnarāre İ rotiroju miojugū yiguİji Dios”, yire gayere gotiquİ Pablo. Busuri İİju İ goticoaja, rāiocūro goti tarojoquİ. Moİsēs ñayoru İ ucarene gotiquİ Pablo. Ito yicōri Diore goti İsiri masa İna ucare cūni gotiquİ İ. “Jesure tuorūnūjaro İna”, yirocu ito bajiro gotiquİ Pablo İnare. <sup>24</sup> Coriarā Pablo İ busirisere queno tuocā. Gājerāma tuorūnubiticā. <sup>25</sup> Gājerāma sīgure bajiro tuoİabiticōri wagocoacā. Ito bajijare ado bajiro gotiquİ Pablo İnare:

—Isaíasna suoriti queno gotiñi Espiritu Santo mani ñicusabatiare. “Ado bajiro yami Dios”, yİ gotiñi Espiritu Santo Isaíasre.

<sup>26-27</sup> Wasa, yure yiari judio masare ado bajiro gotiya: Mua ñeñaro yirisere jidicābiticōri, yure boca āmi āmobeā mua. Yu gotirise queno tuo masi āmobeā mua. Yu yigore tibojarāti, “İti ña Dios İ yigore”, yİ āmobeā mua. Ñeñaro mua yirisere jidicā āmobeā mua. Mware yu masotoni, yure boca āmi āmobeā mua. Ito bajiri yu busirise tuobojarāti tuo masimena yirāji mua. Yu yigore tibojarāti, “İti ña Dios İ yigore”, yİ masimena yirāji mua, yami Dios İ oca tutina, yiquİ Pablo.

<sup>28</sup> Ito bajiri busi tİogū ado bajiro gotiquİ Pablo:

—Ado yu busirisere mua tuorūnure āmoa yu. Jane adi rumana Dios İ ñarāre İ masore gaye oca, judio masa meje ñarāre gotire ñaro wado yiroja. İti oca tuocōri wanu quenarā yirāji İnama, yiquİ Pablo İnare.

<sup>29</sup> Pablo ito İ yija tuocōri, İnamasiti gāmeri busi wacā judio masa.

<sup>30</sup> İna wasoara wire juā rodo queno ñañi Pablo itojure. İre tirā ejarārecōti İnare boca āmijū Pablo. <sup>31</sup> Güibicuti oca sēcōri, “İre tuorūnarāre İ rotiroju miojugū yiguİji Dios”, yire gaye gotiyū Pablo. Ito yicōri mani Hju Jesucristo gaye cūni riasoyū İ. Ito bajiro Pablo İ goti ñaroca sīgūjua usirioro yibisijarā İre. Itocō ña.

## La carta de San Pablo a los Romanos

### *Roma cuto gānare Pablo ī papera cōare gaye*

<sup>1</sup> Nāti Roma gāna m̄a. Ȳn ña Pablo, adi m̄are papera cōagā. Jesucristore moa īsiri mas̄ ña ȳn. Ȳre besecōri Cristo oca masare ȳn goti ucutonī ȳre cūñi Dios. “No Jesucristore t̄or̄ūn̄aḡare ĩre masogū yigūñi Dios”, yī masare ȳn goti ucutonī ȳre cūñi Dios.

<sup>2</sup> Jane mejeju, “Ado bajiro masare queno ejabuagu yiguja ȳn”, yirocu iti oca goti ucayiju Dios. Ī gotiado bajiroti ī ocare uca rotiyiju ĩre goti īsiri masare. Ito bajiri iti oca quenarise uca warā ī oca tuti ucayijarā ĩna. <sup>3</sup> Iti oca Jesucristo gaye manire riasoa. Īti ñami Dios Mac̄u, mani H̄ju. Adi sitaju mas̄ rujuna rujeayiju ĩ. Ito yicōri David ñayoru janerābatia janamiti ñayiju Jesucristo.

<sup>4</sup> Ito bajibo jaguti Dios Mac̄uti ñayiju Jesucristo. Ī godaja bero Espiritu Santo ī masirisena, ĩre m̄acana t̄adi ī catiroca yiyiju. Itire masicōri, “Dios Mac̄uti ñami Jesucristo”, yī t̄oñia mani ĩja.

<sup>5</sup> Jesucristona s̄oriti queno yīñi Dios ȳre. Masa jeyaro Jesure ĩna t̄or̄ūn̄atonī, ito yicōri yiro robo ĩna c̄aditoni, ȳre cūñi Dios. Ito bajiri, “R̄̄t̄oro quenagū ñami Dios”, yī ĩre r̄̄c̄ub̄orā yirāji masa. <sup>6</sup> M̄are c̄ani beseñi Dios. Jesucristo ñarā m̄a ñatoni, m̄are beseñi ĩ. <sup>7</sup> M̄a Roma gāna ñarocōreti adi papera cōa ȳn. B̄uto maiami Dios m̄are. Ī ñarā m̄a ñatoni m̄are beseñi Dios. Mani Jac̄u Dios ito yicōri Jesucristo mani H̄ju m̄are queno yijaro. Ito yicōri m̄a ya usiju queno m̄a wan̄u quenaroca yijaro ĩna.

### *Roma cuto gānare Pablo ī ti āmore gaye*

<sup>8</sup> Ado bajiro m̄are gotis̄oa ȳn. Co cuto r̄ayabeto m̄a Jesure t̄or̄ūn̄are gayere m̄are busisotiama masa jeyaro. Ito bajiro ĩna yija t̄uocōri, “Queno ya Dios m̄”, ya ȳn. Ito bajiro Diore busia ȳn, Jesús ȳre ĩ ejabuarisena. <sup>9</sup> Coji r̄ayabeto Diore ȳn busija, m̄are yiari busisotia ȳn. B̄uto ȳn t̄oñiarise ñarocōnati ĩ yiro robo Diore c̄adia ȳn. ĩre yiro robo c̄adigu, ĩ Mac̄u Jesús oca masare goti ucua ȳn. “Roma gānare yiari ȳre senisotiami Pablo”, yī masiguñi Dios ȳre.

<sup>10</sup> Diore ȳn busija ito bajiro senisotia ȳn. Ī āmoja m̄a t̄aju co r̄am̄u ejaboguja ȳn, yirocu ito bajiro senisotia ȳn. Yoari m̄a t̄u warocu t̄oñasotiboja ȳn. <sup>11</sup> Dios gayere m̄are riaso āmoa ȳn, ȳre ĩ ejab̄ado bajiro m̄are c̄ani ĩ ejabuatonī. Ito bajiro m̄are ĩ ejabuaja, ĩ ocare masicōri b̄uto busa t̄oñia oca s̄orā yirāji m̄a. Ito bajiri b̄uto m̄are ti āmoa ȳn. <sup>12</sup> Jesucristore t̄or̄ūn̄rā ña mani. Ito bajiri m̄a t̄u ejacōri m̄a rāca baba cuti āmoa ȳn. “Queno Jesure t̄or̄ūn̄ama ĩna”, yī m̄are ti masicōri t̄oñia oca s̄ogū yiguja ȳn. M̄a c̄ani ito bajiroti ȳn rāca gāmeri busicōri t̄oñia oca s̄orā yirāji.

<sup>13</sup> M̄a t̄o masitoni adi m̄are gotia, ȳn mairā ȳn. Coji r̄ayabeto m̄a t̄aju wa āmosotiboja ȳn. Yoari m̄a t̄aju wa āmobjaguti, itī r̄am̄uju m̄a t̄aju eja masibiticu ȳn maji. Gaje cuto gānare ȳn riasoroca Jesure boca āmiñi ĩna. M̄a bajiroti judio masa meje ñarā ñacā ĩna c̄ani. M̄a t̄u ñarā c̄ani Jesure ĩna masitoni ejabuagu wa āmosotia ȳn m̄a t̄aju. Ito bajibojarocati m̄a t̄aju ejabiticu ȳn maji. <sup>14</sup> Masa jeyare riasore ña ȳre, Dios oca quenarise gayere. Ȳn ya moare ña, ȳn oca busirāre riosore, ito yicōri ȳn oca busimenare c̄ani riasore gaye. Masirāre c̄ani riasogu yiguja ȳn, ito yicōri masimenare c̄ani.



15 Ito bajicōri Romaju ejacōri, mua tu gānare cuni Jesús gaye oca quenarise riaso āmosacōa yu.

*Jesucristo oca ñasarise ña, yire gaye*

16 Ito oca masa ña tuorūnja, jeameju ña uabore ñaroca, ñare masoguji Dios. Ito oca judio masare riti ejasuyija maji. Ito bajibojarocati adocātama no itire tuorūnagūreti masogū yiguji Dios ña. Ito bajiri itire masicōri, Jesús gayere bojobicati gotia yu. 17 Ado bajiro ña iti oca: “Jesure mani tuorūnja, manire boca āmicōri, ‘Queno yirā ñama. Ñe seti ma ñare’, yiguji Dios. Ado bajiro ucare ñayija jane mejeju gaye: No Diore tuorūnagūre, ñe boca āmigū yiguji Dios. ‘Ñe seti ma ñe’, yi tigu yiguji Dios ñe tuorūnagūre. Ito bajiri catitīñagū yiguji ñ’, yi gotia Dios oca tuti.

*Masa jeyaro seti cutirā ñama, yire gaye*

18 Ado bajiro ña. Dios macārucūroju ñagū, masa ña ñeñaro yirise, ña riojo cūditire cuni, itire buto ti tegūji Dios. Ito bajiro ña ñeñaro yija, Dios oca quenarisere gājerā ña tuobitiroca yirāji ña. Itire junisinicōri buto tegūji Dios. 19 “Ito bajiro bajigu ñaguji Dios”, yi masi jedirāji masa. Īmasiti ito bajiro ña masiroca yiñi Dios. “Ñeñaro yu yire waja quenabeto yu tōbujaroca yigu yiguji Dios”, yi masi jedirāji masa. 20 Diore tibitibojarāti, “Buto masigū ñami Dios”, yi tuoña mani. Dios mani masiroca yami, ito bajigu ñari. Macārucūro ĩ rujeorajūja, jeyaro ĩ rujeore gaye ticōri, “Ito bajigu ñami Dios. Iti ña ĩ rujeogore”, yi masirāji masa jeyaro. Ito bajiri, “¿No bajigu ñati Dios? Ñe ti bujabea yu. Ito bajiri yure seti ma”, yi masia ma masare. 21 “Ito bajigu ñami Dios”, yi masibojarāti, Diore queno rūcūbuobisijarā masa. Ito yicōri, “Queno ya mu”, yire gaye yibisijarā ñe. Ado bajiroja yiyijarā ña. Rocati bajiro, tuoñabojayijarā masa. Ñeñarise riti ña tuoña rētocūja, quenarise ña tuoñabojare gayere ācabojayija ñare. Ito bajiro bajirā ñari rāitīari usi bajiro usi cutiyijarā ña. 22 “Buto masirā ña gwa”, yibojayijarā ña. Ito yibojarāti masimena ñayijarā ña. 23 Ito bajiro tuoñabojarāti, Dios catitīñagūre queno rūcūbuobisijarā ña. Gajero bajiroja yiyijarā ña. Masu jogaroti ruju robo bajiro meni rujeocōri rūcūbuobojayijarā ña. Wātīrāre, jinoare, ito yicōri waiwacu bajirāre cuni rūcūbuobojayijarā ña.

24 Itire ñeñarise gayere ña rūcūbuoja, “Yibesa”, yibisiju Dios. Riojoti ticōayiju ña. “Ña āmoro bajicōato”, yiyiju Dios ñare. Ito bajiri ñamasiti ña ya ruju ñeñaro iti tuoñaro bajiroti ñeñaro yi uyayijarā ña. Ito bajiro yicōri ñamasiti gāmeri ñeñaro yiyijarā ña. 25 Dios oca ñasarisere tuorūnabiticōri, ruore ocajuare tuorūnyijarā ña. Diore rūcūbuoado ño yirā, Dios ĩ menire gayejūare rūcūbuoyijarā masa. “Dise ruwabeto rujeoru ña Dios mu. Mu ña rētoro queno yigu”, yi rūcūbuotīñacōruja manire. Ito bajiro riti bajitīñaja quena.

26 “Ña ñeñaro yirisere jidicā āmobeama”, yi masicōri masare ticōayiju Dios ña. Romiaju cuni, ūmua rāca ña yibojarere jidicācōri, ña romia comasiti yiyijarā ña ña. 27 Ito bajiroti ūmua cuni, romia rāca ña yibojarere wasoyijarā ña. Ito bajiri, ña ūmua comasiti, ruje josayijarā ña ña. Ito bajiri ña ūmua comasiti ñeñarise yiyijarā ña. Ito bajiri ñeñaro ña yirisere ña ya ruju masiti quenabisiju ñare.

28 Diore ña tuo āmobiado bajiroti, ñeñarise ña yijare, “Yibesa mua”, yibisiju Dios. Riojoti ticōayiju. “Ña āmoro bajicōato”, yiyiju Dios. Ito bajiri ña yi āmoriseti ñeñaro yiyijarā ña ña. 29 Jeyaro ñeñarise, yi uyarā ñama masa. Jeyaro ñeñarise yirāji ña. Ado bajiro baja. Tuote mua. Dios rotirisere tuo tecōri

buto ñeñarise yirāji İna. Gāji ya gajeoni āmotirā yirāji İna. Gājire ñeñaro yirona tuoİarā yirāji İna. Gāji jai busaro İ rucuja, İre uorāji İna. Sİarāji İna. Gāmeri oca josarāji İna. Ito yicōri rocati socarāji İna. Ti tudirā yirāji İna. Gājerāre oca menirā yirāji İna. <sup>30</sup> Busiturāji İna. Diore ti terāji İna. Junisiorise cūdirā yirāji İna. “Ñasagu ña yu”, yi tuoİarā yirāji İna. “Buto masigū ña yu”, yi busirāji İna. Ñeñarisere yirā, buto tuoİa rujeorā yirāji İna. İna jacusabatiare yiro robo cūdimenaji İna. <sup>31</sup> Tuo masimena ñarā yirāji İna. İna busisuoado bajiro yimenaji İna. Ito yicōri gājerāre ti maimenaji İna. Gājerā ñeñaro İna yirisere, ācabojomenaji İna. <sup>32</sup> “Ito bajiro ñeñaro yirāre jeame ũjuroju cōcūja yu”, yicāñi Dios, yi tuoİabobarāti ñeñaro İna yirisere jidicā āmomenaji İna. İti ñeñarise yi uycōrā yirāji İna. Ito yicōri İna robo bajiro gājerā cūni ñeñaro İna yija ticōri, buto wanurā yirāji. “Quena ña iti”, yi tirā yirāji İna.

## 2

### *Masa ñeñaro İna yiado bajiro ti waja senigū yiguĭji Dios, yire gaye*

<sup>1</sup> Gājerāre ti masicōri, “İna ñama ñeñaro yirā”, yibesa. İna robo bajiro ti ñeñarise ya mua cūni. Ito bajiri, “Seti ma guare”, yi masia ma mware. “İnare seti ña”, mua yija, “Yure cūni seti ña”, yiado bajiro ya mua. İna yiro bajiro ti ya mua cūni. <sup>2</sup> Ñeñaro yirā ñabobarāti, “İna ñama ñeñaro yirā”, mua yija, mware cūni waja senigū yiguĭji Dios. Masa jeyaro ñeñaro İna yirise waja, Dios İ senija, yiro robo yigu ñami Dios. “Riti baja ita”, yi masi jedia mani. <sup>3</sup> İna robo ñeñaro yirā ñabobarāti, “İnare seti ña”, mua yija, İna robo bajiro ñeñaro yirāti ya mua cūni. “Dios mani ñeñaro yirise waja, manire waja senibiquĭji”, yi tuoİabobarāji mua. Ito bajiro yi tuoİabobarocati mua ñeñaro yirise waja mware waja senigū yiguĭji Dios. <sup>4</sup> Mua ñeñaro yibobarocati, mua ñeñaro yirise waja senirocu ũsiribiquĭji Dios. İto bajiri, “Yure waja senibiquĭji”, yi tuoİabojati mua? Ito bajiro meje baja. Manire ti maicōri, mani ñeñaro yirise waja, waja senirocu ũsirio yibiquĭji Dios. Ñeñaro yirise mani jidicāre āmoami İ. İtire mani jidicātōni yugu yami Dios. <sup>5</sup> Diore tuo āmōbea mua. Ito bajiri ñeñaro mua yirisere tuoİa bojori bujabiticōri itire jidicābea mua maji. Buto busa ñeñarise mua yi rētocūja, buto ñeñarise mua tōbujaroca yigu yiguĭji Dios. Ito bajiro İ yija ticōri, “Yiro robo yigu ñami Dios”, yi masi jedirā yirāji masa jeyaro. <sup>6</sup> Masa jeyarore ñeñaro İna yirise waja İnare waja senigū yiguĭji Dios. Ito yicōri quenaro yigoanare, queno yigu yiguĭji İ. <sup>7</sup> “Yu Macure tuorānucōri queno yirā ña mua. Ito bajiri yu rāca catitñarā yirāji mua”, Dios İ yire tuo āmorā, quenarise riti yisotirāji İna. Ito bajiro İna yija ticōri, İnare catitñare gaye İsigū yiguĭji Dios. <sup>8</sup> Gājerāma ito bajirā meje ñarāji. Gājerāre tuo maibiticōri İna rucorisere buto mairāji İna. Ito yicōri Dios oca quenarise tuorānūmena, ñeñarise yi uyarāji İna. Ito bajiro İna yija buto ti junisinicōri, İnare waja senigū yiguĭji Dios. <sup>9</sup> Ñeñaro yirā jeyaro buto tuoİa bujatobiticōri ñeñaro tōbujarā yirāji İna. Cajero judio masa ñeñaro İna yirise waja tōbujarā yirāji İna. Judio masa meje cūni ito bajiro ti ñeñaro İna yirise waja tōbujarā yirāji İna. <sup>10</sup> Gājerā quenaro yigoanare, “Quenaro yirā ñañi”, yigu yiguĭji Dios. Ito bajiri İnareama gājerā rucuburā yirāji. Ito yicōri ñe ũsiribeto ñarā yirāji İna. İna ya ũsiju queno wanu quenarā yirāji İna. Ito bajiro, bajiro yiroja judio masare, ito yicōri judio masa mejere cūni, Jesucristore tuorānucōri quenarise riti İna yijama.

11 Mani yi ñasotigore ticōri, manire bese masigū yiguŋji Dios. Judio masa, judio masa mejere cuni coro bajiroti ti maiguŋji Dios. 12 Masa jeyaro ñeñaro yirāji ina. Coriarā Dios i rotirisere masimenati ñeñaro yirāji ina. Ina ñeñaro yija, ina ñeñaro yirise waja, waja senigū yiguŋji Dios, i rotirisere masimena ñabojarocati. Gājerāma Dios i rotirisere masirā ñabojarāti, ñeñarise yirāji ina. Ito bajiri ina cudibitire waja, inare waja senigū yiguŋji Dios. 13 I rotirisere tɔbojarāti ina cudibeja, “Queno yirā ñama”, yibiquŋji Dios. “Quenarā ñama ina”, yiguŋji Dios, i rotirisere yiro robo cudirāreama. 14 Judio masa meje cuni, Dios i rotirisere masibitibojarāti, coriajuri quenarise yisotirāji ina. Ito bajiro ina yisotija, Dios rotirisere ucara tuti manibojarocati, ina masirisena Dios rotirisere ña inare. 15 Ina rucubugore ticōri, “Ina masirisena Dios i rotirisere ña inare”, yi tɔoŋa mani. Ñeñaro ina yija, yoari meje, “Ñeñaro ya yu”, yirāji ina, ina masirisena. “¿No yija ñeñaro yati yu?” yi tɔoŋarāji ina. Quenarise ina yija, “Quenarise yibu yu”, yi masirāji ina. 16 Mani tɔoŋariserere masicāguŋji Jesucristo. Ito yicōri yeyoroŋa mani yibojariserere masicōguŋji i. Ito bajiro Dios, Jesure waja senitoni i cōari ruma, masa quenarāre bese masigū yiguŋji Jesús. I oca quenarise mware yu riasoja, ito bajiroti iti oca mware riasoa yu.

*Moisés rotirisere cudirā ñari Dios ñarā ña gua, judio masa ina yire gaye*

17 Ado bajiro tɔoŋabojarāji judio masa mwa: “Judio masa ñari Moisés ñayorare Dios i rotirisere i cūre rucubuoŋa gua. Ito bajiri Dios ñarā ña gua”, yi tɔoŋabojarāji mwa. 18 Dios i yiro robo yire gayere masirāji mwa. “Dios i rotirisere masicōri, quenariserere yi masia gua”, yirāji mwa. 19 Mwa itire tɔoŋarā, “Dios gaye masimenare riaso masia gua”, yi tɔoŋarāji mwa. “Ñeñaro yirāre quenarise gaye riaso masia gua”, yi tɔoŋarāji mwa. 20 “Tuo masimenare, ito yicōri rīaca bajiro tɔoŋarāre cuni riaso masia gua”, yi tɔoŋarāji mwa. “Dios rotirisere masicōri, jeyaro ñasarise masia gua”, yi tɔoŋabojarāji mwa. 21 Gājerāre queno riasobojarāti, ¿no yija inare mwa riasoado bajiroti yibeati mwa? “Rinire, quenarise gaye meje ña”, yi riasobojarāti, ¿no yija mwasasiti riniati mwa? 22 “Manojo cutibojarāti, gājerāre yire meje ñaroja”, yibojarāti, ¿no yija mwasasiti itire yati mwa? Masa ina meni rujeorare ti tebojarāti, ¿no yija iti wi gaye gajeoni riniati mwa? 23 “Dios i rotirisere masia gua”, yibojarāti, ire cudibea mwa. Diore cudimena ñari, ire rucubuoŋa meje ña mwa. Ito bajiro mwa yija ticōri, gājerā cuni Diore rucubuoŋa yirāji ina. 24 Dios oca gotirise bajiro baja mware. Ado bajiro goti iti: “Judio masa ñabojarāti, Dios rotirisere gayere cudibea mwa. Mwa ito bajija ti masicōri, judio masa meje cuni Diore ñeñaro busituama ina. Ito bajiri mware seti ña”, yi gotia Dios oca tuti.

25 “Dios ñarā ña gua”, yi tɔoŋacōri pī gaja wirotirāji judio masa. “Diore mwa cudija i ñarā ñarāji mwa”, ya yu. Ito bajibojarocati, wirotagoana ñabojarāti Diore mwa cudibeja i ñarā meje ña mwa. 26 No Dios rotirisere cudiguti, wirotaya macu ñabojaguti, “Yu yagu ñami i”, yigu yiguŋji Dios. 27 Mwa judio masa Dios rotirisere ucara tutire rucorā ñabojarāti, ito yicōri wirotagoana ñabojarāti Diore cudibea mwa. Coriarā judio masa meje ñarā, wirotamena ñabojarāti Dios i rotirisere cudirā ñama ina. Ito bajiro ina yija ticōri, “Dios i tiro riojo ñeñaro yirā ña gua”, yi tɔoŋarā yirāji mwa. 28 Judio masu goro i ñarise mware gotigu ya yu. Sīgū wirotaru ñabojaguti Diore rucubuoŋa, judio masu goro meje ñami iocū. 29 No Dios bajiro usi cutigu, ito yicōri Dios i rotirisere yiro robo cudigu judio masu goro ñaguŋji iocū. Judio masa bajiro wirotacōacōri, i ñeñaro yiriserere jidicāgu yiguŋji i. Ito bajiro bajigu ñaguŋji Dios rotirisere

yiro robo cudigu. Ito bajiro bajigure, “Quenagū ñami. Ñe seti ma ñre”, yiguñji Dios. Masa ña, “Quenagū ñami”, ña yibitibojarocati, “Quenagū ñami”, yiguñji Dioama.

### 3

<sup>1</sup> Itire tuoçõri, ¿no bajiro tuoñati mua? Judio masu ñaja, ¿ñasagu ñare ñati? wirotare gaye, ¿ina yiado bajiro yija quenati? “Judio masu ña yu”, ¿sīgū ñi yija quenati? ¿No yibeati? <sup>2</sup> “Judio masu ña yu”, ñi yi tuoñaja quena ña. Jaje gotirena suoriti judio masu ñasagu ñare ña. Cajero goroama judio masare ñi oca cõañi Dios. <sup>3</sup> Ñi oca rucubuojoarãti judio masa coriarã Diore yiro robo ña cudibeja, ¿no bajirojada? Yiro robo Dios rotirise ña yibitibojarocati Dioama yiro robo yigu ñami. “Ñi yiro robo yibiquñji Dios”, ña yi tuoñaja, ¿ñi yiro robo yibiquñjida Dios? <sup>4</sup> Meje, bajibeja. Ñi yiro robo yisotigu yiguñji Dios. Masa jeyaro ña socabojarocati, Dioama socagu meje ñami. Jane mejeju Diore goti ñisiri masu ado bajiro ucayoñi:

Dios mu ña coji rayabeto yiro robo yigu. “Ado bajiro yicaja yu”, mu yiro bajiroti ya mu. Ito bajigu mu ñajare, “Diore seti ña”, yi masimenaji masa. “Socagu meje ñami Dios”, yi masi jedirã yirãji masa jeyaro, yi ucayoñi Diore goti ñisiri masu.

<sup>5</sup> Coriarã ado bajiro tuoñabojarãji: “Buto ñeñarise yu yi rëtocuja ticõri, ‘Dios sīguti ñami quenagū’, yi tuoñarã yirãji gãjerã”, yi tuoñabojama coriarã. Ito bajiro tuoñacõri, “Ñeñaro yu yirise waja, waja Dios ñi senija, ñeñaro yiguñji ñi cuni”, yi tuoñabojarãji coriarã. <sup>6</sup> Ito bajiro meje ña. Masa ña ñeñaro ña yirise waja Dios ñi senija, ñeñaro yigu meje yami Dios. Ñeñarise ma Diore. Ito bajiro masa jeyarore, ñeñaro ña yirise waja seni masiguñji Dios.

<sup>7</sup> Gajero bajirojua tuoñabojarãji masa: “Yu ruoja ticõri, ‘Ruogu meje ñami Dios’, yi rucubuoarã yirãji gãjerã. Ito bajiro, ¿no yija yu ruojati yure waja seniati Dios?” yi tuoñabojarãji coriarã. <sup>8</sup> “Ñeñaro mani yija ticõri, ‘Dios sīguti ñami queno yigu’, yi rucubuoarã yirãji gãjerã. Ito bajiro ñeñaro yito mani”, yi tuoñabojarãji coriarã. Guare masa tuorunume yirona, “Ito bajiroti ruore gaye riasoama Pablo mesa cuni”, yi ruoama gãjerã guare. Ito ña yire waja, quenabeto ña tõbujaroca yirujami Dios.

#### *Mani ñarocõti seti cutirã ña, yire gaye*

<sup>9</sup> ¿No bajiro tuoñati mua? Mani judio masa, ¿gãjerã rëto busaro ñasari masa bajiro bajiatu mani? Ñena suoriti bajibeja mani. Mani judio masa, judio masa meje ñarã cuni, seti cutirã riti ña mani. Ito bajiro riti masare riasocu yu.

<sup>10</sup> Dios oca tuti ado bajiro gotia:

Sīgū quena busagu maquñji.

<sup>11</sup> Ñimujua tuoña masigū maquñji, ito yicõri Dios robo bajiro usi cuti amogū maquñji.

<sup>12</sup> Masa jeyaro Dios oca quenarisere jidicãñi, ito yicõri ñeñarise riti yirãji. Nijua sīgū quenarise yigu maquñji.

<sup>13</sup> Ña ya riseri, masari cuma janado bajiro bajiroja. Ña busija masari cuma ñiro bajiro bajiroja, ruore oca riti ña busija. Ña busija, ña rima robo bajiro junirise budiroja, ña ya oca.

<sup>14</sup> Gãjerãre busiturã, oca junisiorise busiturã ñarãji ña. Ito bajiro yicõri gãjerãre rojarã yirãji ña.

<sup>15</sup> Rocati tuoñamenati, gãjire sjarãji ña.

16 Īna waroju ñeñarise yirāji Īna. Ñeñaro yicōri, gājerā bujato mano Īna tōbujaroca yirāji Īna.

17 Gājerā rāca queno ñare gaye ña masimenaji Īna.

18 “Sēogū ñami Dios”, yi t̄uoľabobarāti, ĩre r̄uc̄buomenaji Īna, yi gotia Dios oca tuti.

19 Dios ĩ rotirise gaye, mani judio masare cūñi, ĩ rotirisere mani c̄diti. Dios ĩ rotirise masibobarāti, itire mani yibeja, “Yure seti ma”, yi masimenaji mani. Ito bajiri, “Masa jeyarore Īna ñeñaro yirise waja, waja senigū yiguľji Dios”, yi t̄uoľa mani. 20 Nijua sġgū maquľji, “Dios ĩ rotirise ñarocōti c̄dġi jeoa yu”, yi t̄uoľagū. Ito bajiri, “Queno yigu ña mu’, yigu yiguľji Dios yure”, yi t̄uoľagū maquľji. Dios ĩ rotirise masicōri, “Ñeñaro yigu ña yu”, yi masi jedia mani ĩja.

### *Jesucristore mani t̄wor̄ñuja ticōri, manire masogū yiguľji Dios, yire gaye*

21 “Yu rotirisere masibitibobarāti queno yirā ñama yure t̄wor̄ñurā. Ñe seti ma ĩnare”, yi gotiami Dios adi ramari ĩja. Jane mejeju c̄ni ito bajiroti gotiswoyija ĩ rotirise, ĩre goti ĩsiri masa ĩna ucare c̄ni. 22 “No Jesucristore t̄wor̄ñugū, ĩ ñami quenagū”, yigu yiguľji Dios. Judio masa, judio masa meje c̄ni Jesucristore ĩna t̄wor̄ñuja ticōri, coro bajiroti ti maiguľji Dios. 23 Mani jeyaro ñeñarise yiana riti ña mani. Ñimujua maquľji, Dios ĩ āmorise yigu. 24 Ito bajibobarocati manire ti maiguľji Dios. Jesure mani t̄wor̄ñuja, “Yure waja ruyuriobeama ĩna, ĩna ñeñaro yirise waja yi jeocōñi yu Macu”, yigu yiguľji Dios. 25 Dios c̄oyiju Jesucristore, manire ĩ goda ĩsiti. Mani r̄uc̄buore rāca, “Ñeñaro yu yirisere waja yi ĩsiñi Jesús ĩ ya rina”, mani yija, mani ñeñaro yirisere ācabojogu yiguľji Dios. Iti masicōri, “Yiro bajiroti yigu ñami Dios”, yi t̄uoľa mani. Jane mejeju masa ĩna ñeñaro yirisere waja seni usirio yibisiju Dios. “Īna ñeñaro yirise waja goda ĩsigū yiguľji yu Macu”, yire gaye masi yucāyiju Dios. 26 Ito bajiro r̄etayija, “Yiro robo yigu ñami Dios”, mani yitoni. No Jesure t̄wor̄ñuḡreti, “Queno yigu ñami”, yigu yiguľji Dios, ñeñaro mani yirise Jesús ĩ waja yija bero ñajare.

27 “Queno yigu ña yu”, Dios ĩ tiro riojo yi masibeja mani. Adocāta Dios rotirise yiro robo mani c̄dġija, “Queno yigu ña yu”, ġyi masiati mani? Meje itioni yi masimenaji mani. Itire mani yi masibitibobarocati Jesure mani t̄wor̄ñuja, “Queno yirā ñama”, yi tiguľji Dios manire. 28 Dios rotirise mani c̄dġi āmorā josabobarocati, “Queno yirā ñama”, yibiquľji Dios. Ito bajibobarocati, “Yu ñeñaro yirisere waja yi ĩsiñi Jesús”, mani yi t̄uoľaja, “Īna ñama quenarā”, yigu yiguľji Dios.

29 Mani judio masa ũju riti meje ñaguľji Dios. Judio masa mejere c̄ni ĩna ũjuti ñami Dios. 30 Ito bajiri sġgū ñabojaguti masa jeyaro ũju ñami Dios. Ito bajiri sġgū judio masu, Jesure ĩ t̄wor̄ñuja ticōri, “Quenagū ñami”, yigu yiguľji Dios. Ito yicōri judio masu meje c̄ni Jesure ĩ t̄wor̄ñuja ticōri, “Ī ñami quenagū”, yigu yiguľji Dios. Wiro mani tabeja, wiro mani taja c̄ni ñasarise meje ña Dios ĩ tija. 31 Itire t̄uoľacōri, ġDios ĩ rotirise jidicārujati mani? No yicōri jidicāmenaji mani. Mani Jesure t̄wor̄ñurā bato busa Dios ĩ rotirisere c̄dirā yirāji mani.

## 4

### *Ado bajiro bajiyju Abraham ñayoru, yire gaye*

1 Mani ñicu Abraham ñayorure t̄uoľacōri, ġno bajiro yi t̄uoľati mani? Ito yicōri, ġno bajiro ĩ yija ticōri, ĩre boca āmiyijari Dios? 2 Queno ĩ yirise ticōri, ġire boca āmiyijari Dios? Ito bajiro meje ña. Ito bajiro bajijama, “Queno yigu

ña yu”, yiboru Abraham. Dios i tiro riojo, “Queno yigu ña yu”, yi tuoñabisiyu Abraham. <sup>3</sup>Dios oca ado bajirojua gotia: “Abraham Diore queno tuorñunayiju. Ito bajiri, ‘Queno yigu ñami’, yi boca ãmiyiju Dios Abrahamre”, yi gotia Dios oca. <sup>4</sup>Ado bajiro muare goti masiogũ ya yu. Sīgũ i moaja, ãre moare rotigu rocati meje waja yiguñi i. I moare ticõri waja yiguñi i. <sup>5</sup>Diore tuorñunare gayeama, ito bajiro meje baja. ãre tuorñunãre queno boca ãmiguñi Dios. ãna queno yire waja, waja yirocu meje ãnare boca ãmigũ yiguñi Dios. ãre ãna tuorñunãre, ãnare boca ãmigũ yiguñi Dios. ãre ãna tuorñunãja ticõri, “Queno yirã ñama”, yigu yiguñi Dios. ãna queno yire waja, waja yirocu meje ito bajiro yigu yiguñi Dios. ãre ãna tuorñunãre, ãnare boca ãmigũ yiguñi Dios. <sup>6</sup>Itire tuoñagũ David ñayoru cuni ado bajiro yiyiju: “Jeyaro ãna yigore tuoñabicati, ‘Queno yirã ñama. Ñe seti ma ãnare’, yigu yiguñi Dios ãre tuorñunãre. Ito bajiro Dios ãnare i boca ãmija, wanũ quenarã yirãji ãna”, yiyiju David ñayoru. “Wanũ quenarã yirãji”, yirocu, <sup>7</sup>ado bajiro yiyiju David:

Ñeñaro ãna yirisere Dios i ãcabojoja, ito yicõri iti ñeñarisere i ruyurioja bero queno wanũ quenarã yirãji ãna.

<sup>8</sup>No ñeñaro i yirisere waja Dios i senibeja, queno wanũ quenagũ ñaguñi, yiyiju David ñayoru.

<sup>9</sup>Iti wanũ quenare, judio masa wirowo tagoana gaye riti meje ñaroja iti. Judio masa meje ñarã cuni wirowo tabitibojarãti Diore ãna tuorñunãja wanũ quenarã yirãji. Abraham ñayorare mucana tũdi tuoñate mua. “Yure tuorñunãgũ ñami Abraham”, yi ticõri, “Queno yigu ñami i. Ñe seti ma ãre”, yiyiju Dios. <sup>10</sup>Dios ito bajiro i yija, ¿Abraham i wirowo taja bero ñayijari? Ito bajirojua meje bajiyija. Abraham i wirowo taroto riojua, “Queno yigu ñami Abraham”, yiyiju Dios. <sup>11</sup>Abraham i tuorñunãja ticõri, “Queno yigu ñami”, yi ãre boca ãmiyiju Dios. ãre i boca ãmija berojua ãre wirowo ta rotiyiju Dios. “Riti Dios yagu ña yu”, yi tuoñacõri, Dios i rotiado bajiro yigu wirowo tayiju Abraham ñayoru. Ito bajiri Abrahamre i wirowo tarototo riojua, “Queno yigu ñami Abraham”, yiyiju Dios, yi tuoñata masia mani. No Diore tuorñunãgũ, judio masa meje ñabojaguti, wirowo ta ecoru meje ñabojaguti, “I ñami quenagũ”, yigu yiguñi Dios. Dios i boca ãmiana, Abraham janerãbatia robo bajiro bajirã ñarãji ãna ija. <sup>12</sup>Wiro tagoana ñicu cuni ñaguñi Abraham. Wiro i taroto riojua Diore tuorñunãyiju Abraham. Wiro ãna tarajuna suori meje ãna ñicu ñaguñi Abraham. I robo bajiro, Diore ãna tuorñunãre, judio masa ñicu ñaguñi Abraham. Judio masa ñicu ñaguñi i. Judio masa ãna ñare waja meje, Diore ãna tuorñunãre waja judio masa ñicu ñaguñi Abraham. Ito bajiri Abraham robo bajiro Diore tuorñunãre, i janerãbatia robo bajirã ñarãji ãna.

### *Jesure mani tuorñunãja Dios i goticãdo bajiroti rãtaro yiroja, yire gaye*

<sup>13</sup>Jane mejeju ado bajiro goticãyiju Dios Abrahamre: “Macãrucãro sita ñarocõti mure, mu janerãbatiare cuni ãsigũ yigujaja yu”, yiyiju Dios. Ito bajiro gotiyiju Dios Abrahamre i rotirisere yiro robo i cudija ticõri meje. “Yure tuorñunãcõri, queno yigu ñami Abraham”, yi tuoñacõri ito bajiro cùyiju Dios Abrahamre. <sup>14</sup>“Dios i rotirisere gna cudire waja, ‘Ado bajiro masare ãsicuja yu’, i yiro bajiroti guare ãsigũ yiguñi Dios”, yi tuoñabojama coriarã. ãre tuorñunãmenareti i rotirise ãna cudire waja Dios i ãsija ãre tuorñunãbojarã ya mani. Ito yicõri, “Yure tuorñunãre ado bajiro ãsicuja yu”, yi Dios i goticãre buroti bajiro baja iti cuni. <sup>15</sup>Ito bajiro meje ña. “I rotirisere masibojarãti

Īna cūdibeja ticōri, Īnare junisinigā yiguĵi Dios”, yi tūoĭa mani. Dios ĩ rotirise manija, “Dios ĩ rotirisere cūdibeama masa”, yi masibitiboana mani.

<sup>16</sup> Abrahamre ti maicōri, “Yure ma tūorūnaja, rocati waja mano mure ĩsigā yiguja yu”, yiyiju Dios Abrahamre. Mani Diore tūorūnaja, mani ĩnicu bajiro bajigu űaguĵi Abraham. Ito bajiri Dios rotirise cūdirā riti meje, Abrahamre Dios ĩ goticāre boca āmirā yirāji ĩna. No Abraham robo bajiro Diore tūorūnara Dios ĩ goticāre boca āmirā yirāji ĩna. <sup>17</sup> Dios Abrahamre ĩ goticādo bajiroti, ucare űayiju jane mejejuti. Ado bajiro bajiyiju: “Jaje sitari gāna ĩnicu űarocu mure cūa yu”, yiyiju Dios Abraham űayorare. Ito bajiro Dios ĩ yija tūocōri, ĩ gotiro bajiroti rūcūbūoyiju Abraham. Ito bajiri mani ĩnicu űarocu cūyiju Dios Abrahamre. Sēogū űami Dios. Īti űami godanare catiroca yigu, ito yicōri jeyaro rucorū.

<sup>18</sup> “Mu janerābatia jājarā űarā yirāji”, Abrahamre Dios ĩ yiroca, rĭa macu űayiju Abraham maji. “Dios ĩ gotire, rētarō yiroja”, yi tūoĭa űayiju Abraham, rĭa manibojaguti. <sup>19</sup> Abraham cien rodoricō tūajabojaguti, ito yicōri ĩ manōjo Sara, būco űabojarocati, “Rĭa macuja yu”, yibisiju Abraham. Būcugū rĭa cutiādo macu űabojaguti, “Īja rĭa cutibicuja yu”, yi tūoĭabisiju ĩ. “Dios ĩ gotirise riti űa”, yi tūoĭa jidicābisiju Abraham. <sup>20</sup> “Dios ĩ gotirise űaro bajiroti rētarō yiroja”, yi tūoĭayiju Abraham. “Ī gotiādo bajiro yibicu yiguĵi Dios”, yire gaye tūoĭabisiju Abraham. Ito bajiri buto busa tūoĭa oca sēocōri, “Ī rotiādo bajiroti yigu yiguĵi Dios”, yi tūoĭayiju ĩ. Ito bajiro tūoĭacōri, “Rētoro masigū űami Dios”, yi rūcūbūoyiju Abraham, Diore tūorūnagū. <sup>21</sup> “Dios buto masigū ĩ űajare, ĩ goticādo bajiroti yigu yiguĵi”, yi tūoĭasotiyiju Abraham. <sup>22</sup> Ito bajiro ĩ yija ticōri, “Queno yure tūorūnagū űami Abraham, ito yicōri queno yigu űami ĩ”, yiyiju Dios. Ito bajiro gotia Dios oca tuti.

<sup>23</sup> Abraham ĩ sigūre yiari meje ucare űayija iti. <sup>24</sup> Manire yiari cūni ucare űayija iti. Diore mani tūorūnaja manire boca āmicōri, “Quenarā űama ĩna. űe seti ma ĩnare”, yigu yiguĵi Dios. Ī Dioti űami, mani Ūju Jesure, ĩ godaroca mūcana tūdi ĩ catiroca yiru. <sup>25</sup> Mani űeıaro yirise űarocōti waja yi jeorocu godaűi Jesús. Ī godaja bero mūcana tūdi catiűi, “űe waja ruyuriobeama ĩna. Queno yirā űama ĩna”, Dios ĩ yitoni.

## 5

### *Jesure mani tūorūnaja űe seti mana űa mani, yire gaye*

<sup>1</sup> Jesure mani tūorūnaja, “Īna űama quenarā. Yure waja ruyuriobeama ĩna”, yigu boca āmiguĵi Dios manire. űarocōreti quenoyiju Jesús. Ito bajiri Dios rāca queno űare gaye űa manire. <sup>2</sup> Jesure mani tūorūnaja, manire ti maicōri manire masogū yiguĵi Dios. Ito bajiri ĩre tūorūnucōri queno wanarāji mani. “Rētoro quenagū űami Dios. Ī quenaro yirise manire yiari jidicāgū yiguĵi ĩ”, yi wanū quenarāji mani. <sup>3</sup> Iti gaye riti meje wanū quenarāji mani. Mani űeıaro tōbūjabojariju cūni wanūcōrāji mani. “űeıaro yu tōbūjabojaja cūni Jesure masicōri buto busa tūoĭa oca sēogū yiguja yu”, yi tūoĭa mani. <sup>4</sup> Ito bajiro mani bajija ticōri, “Queno yure tūorūnara űama ĩna”, yigu yiguĵi Dios. Ito bajiro Dios ĩ yija, “Yure masogū yiguĵi”, yi tūoĭa yucārāji mani. <sup>5</sup> Ito bajiro tūoĭa yucōri, bojori būjare gayere būjamenaji mani. “Dios manire masogū yiguĵi”, yi tūoĭacōa mani. Manire buto maiami Dios. Ito bajiri manire Espĭritu Santore queo sāűi Dios. Espĭritu Santo mani rāca ĩ űatiűajare, “Yure maiami Dios”, yi tūoĭa mani ĩja.

<sup>6</sup> Ñeñaro mani yirise mani jidicā masibeto, ito yicōri, “No yi masia ma yure”, mani yi tuoīaroca, itocō Dios āmoro bajiro ejayija, Cristo manire ī goda ĩsirija. <sup>7</sup> Sīgū queno yigū ñabojarocati, ĩre goda ĩsigū queno maquļji. Sīgū queno yigū ĩre goda ĩsigū ñaguļji gajea. <sup>8</sup> Cristoama mani ñeñaro yirā ñabojarocati, manire goda ĩsiñi ī. Ito bajiri, “Manire buto maiami Dios”, yi tuoīa masia mani. <sup>9</sup> Jesús mani ñeñaro yirise waja, ī ya rina waja yi godañi. Ito bajiri itire ticōri, “Yure waja ruyuriobeama ĩna. Ñe seti ma ĩnare ĩja”, yigūļji Dios manire. “Yure yiari busigū yigūļji Cristo. Ito bajiri, yure junisinibicu, ñeñaro yu tōbujaroca yibicu yigūļji Dios”, yi tuoīa masia mani. <sup>10</sup> Diore mani wajuca cutibojarocati maji, manire yiari goda ĩsiñi Cristo. Ito bajiro yiñi ī, Dios rāca mani queno ñatoni. Dios rāca queno mani ñaroca, adocāta Jesús mūcana caticōri queno busa manire yigū yigūļji. Jeame ũjuroju wabore gaye manire masogū yigūļji Jesús. <sup>11</sup> “Jeame ũjuroju wabore gaye manire masogū yigūļji”, yirona buto wanurāji mani. Ito yicōri, “Yu ñarā ñama. Ñe seti ma ĩnare”, yigū yigūļji Dios. Ito bajiro yigūļji Dios, mani ũju Jesucristo manire ī goda ĩsire ñajare.

### *Cristo ito yicōri Adán ñayoru ĩna bajire gaye*

<sup>12</sup> Dios ī cajero rujeosuro ĩ ñayiju Adán wame cutigu. ĩ cajero ñeñarise yisuoijū. ĩ ñeñaro yisurojuna, jeyaro macārucāro gāna ñeñaro yisuoijarā. Ito yicōri godasuoijarā ĩna. Mani ñeñarise yirā ñari, goda jedirā yirāji mani jeyaro. <sup>13</sup> Dios ī rotirise, Moisésre ī jidicāroto rioju, masa ñeñarise yicānaju ñayijarā ĩja. Ñeñaro ĩna yibojarocati, Dios ī rotirise manijare maji, “Yu rotirisere tuorānubeama ĩna”, yibisiju Dios maji. <sup>14</sup> Dios ī rotirise manijare, ñeñaro yiyijarā masa. Adán ī ñaratāju, ito yicōri Moisés ī ñarajuca cuni, ito bajiroti bajicōyiju. Ito bajiri goda jedicoayijarā ĩna ñarocōti. ĩna ñeñaro yire, Adán ī Diore cūditire gaye bajiro meje yiyijarā ĩna. Adānti ñayiju cajero ñeñarise yire gayere mucōcāri masu. Mani ī bero gāna jeyaro ñeñaro yirā riti ña. Manire ticōri, “Ñeñaro yirā riti ñama”, yigūļji Dios. Ito bajibojarocati Adán ī ñaja bero yoari sīgū ī robo bajiro bajigu meje quenarise riti yigū ñayiju. ĩ ñayiju Jesucristo. ĩ ñayiju cajero Dios rotirise cūdi jeogu. Mani ñeñaro yirise waja ī waja yi ĩsirena suoriti, “Yure waja ruyuriobeama. Ñe seti ma ĩnare ĩja”, yi tisuoijū Dios manire.

<sup>15</sup> Adán ñeñaro ī yigore, ito yicōri Dios manire queno ī yigore rāca babo masia ma. Masare Dios ī ti mairise, iti ña buto busa quenarise. Adán sīgū ñabojaguti ñeñaro ī yirajuna suoriti masa jājarā godayijarā. Dioama manire ti maicōri, Jesucristore cōaņi manire ī goda ĩsitoni. Jesús sīgū ñabojaguti jājarāre jeameju waboanare masoyiju ī. Ito yicōri Jesús ī sīgūti manire ti maicōri, waja senibicu yigūļji ī. ĩama mani catitīñaroca yigū yigūļji. <sup>16</sup> Dios manire ī queno yigore ito yicōri Adán ī ñeñaro yigore rāca babo masia ma. Adán sīgū ī ñabojarocati ñeñaro ī yisuroe ticōri, “Masa jeyaro ñeñaro ĩna yirise waja tōbujarā yirāji ĩna”, yiyiju Dios. Ito bajibojarocati, masare ti maicōri, Jesure cōaņi Dios, masare ī goda ĩsitoni. Ito bajiri ĩre mani tuorānaja, ñeñaro mani yirisere ācabojogu yigūļji Dios. Ito bajiri ñeñaro yirā mani ñabojarocati, “Queno yirā ñama. Ñe seti ma ĩnare”, yigū yigūļji Dios. <sup>17</sup> Adán sīgū ñabojaguti, ĩ ñeñaro yijare, masa jeyaro godarā yirāji. Ito bajibojarocati Jesús manire ī goda ĩsirena suoriti mani ñeñaro yirisere ācabojogu yigūļji Dios. Ito yicōri manire ti maicōri, “Quenarā ñama ĩna. Ūmacūju yu Macu Jesucristo rāca catitīñarā yirāji ĩna”, yigū yigūļji Dios.



18 Adán sīgū ñabojaguti, ñeñaro ĩ yijare masa jeyaro ĩna tōbujaroca yigu yiguĵi Dios. Ito bajibojarocati Jesús sīgū ñabojaguti queno ĩ yijare, “Ñeñaro yu yirisere itire ācabojoya Dios mu”, yi masirāji masa jeyaro. Ito bajiro ĩna yi rūcubwoja tūocōri, “Quena ñama. Catitñarā yirāji”, yigu yiguĵi Dios. 19 Dios ĩ rotiro bajiro cūdibisiju Adán. Adán sīgū ñabojaguti, ito bajiro ĩ yija, jājarā masa ñeñaro yisūoyijarā ĩja. Ito bajibojarocati, Jesuama ñaro bajiroti cūdiyiju Diore. Ito bajiro ĩ yija jājarā masa ñeñaro ĩna yirise Dios ĩ cōa ĩsigoana ñama ĩja. Ito bajiri, “Queno yirā ñama”, yicōri ĩnare boca āmigū yiguĵi Dios.

20 Dios ĩ rotirise jidicāñi Moisésre, “Ñeñaro yirā ña gua”, mani yi tūoĭa jeditoni. Ñeñaro mani yibojarocati, “Dioama buto busa manire ti maiguĵi”, yi tūoĭa mani ĩja. 21 Mani ñarocōreti ñeñaro mani yirise waja seti ña. Ito bajiri ñarocōti godarā yirāji mani ĩja. Ito bajibojarocati Dioama manire ti maiguĵi. Dios manire ti maicōri, Jesucristo mani Ūjare cōañi, ñeñarise jeyaro ĩ quenotoni. Ito bajiri Dios manire ti maicōri, “Queno yirā ñama ĩna”, yicōri, manire boca āmigū yiguĵi. Ito bajiri catitñarā yirāji mani ĩja.

## 6

### *Ñeñarise jidicāna ñari Cristona sūoriti catitñarā yirāji mani, yire gaye*

1 Itire masicōri, ĵñere yirūja, yi tūoĭati mua adocāta? ĵÑeñaro yirejware yitñarajati manire, Dios ĩ mairise buto busa manire ĩ ĩotoni? 2 Ñena sūoriti yimenaji mani. Ñeñarise jidicāgoana ña mani. Ito bajiri mani Cristo ñarā ñabojarāti, ĵñeñarise yi ūyarājida mani? Meje ñeñarise yi ūyamenaji mani. 3 ĵIdé gure gayere tūo masiati mua? Idé gu roticu mani, “Cristo ñarā ñama”, gājerā ĩna yi ti masitoni. Riti ĩ ñarā ña mani ĩja. Ito bajiri Cristo ĩ godacāre ñajare, ĩ robo bajiroti godacāna ña mani cūni. 4 Mani idé gucatiju, Cristo rāca yuje cūado bajiro bajicu mani. Cristo ĩ godaja bero mūcana tūdi ĩ catiroca yiyiju mani Jacu Dios ĩ masirisena. Mani ñeñaro yirise jidicātoni ito bajiro yiyiju Dios. Ito yicōri quenarise mani yitoni, ĩ masirisena manire ejabuagu yiguĵi Dios.

5 Cristo ñarā mani ñaja, ĩ godaraju ĩ robo bajiro godana ña mani cūni. Ito yicōri ĩ ñarā mani ñaja, mūcana tūdi ĩ catiado bajiroti, mani cūni tūdi caticōri ĩ rāca catitñarā yirāji. 6 Cristo yucātēoju ĩ godado bajiroti, mani ñeñaro yi āmorise godayija. Ito bajiri ñeñaro yi āmorā meje ña mani ĩja. Ñeñaro mani yi āmorisere jidicā masia mani. Ito bajiri ñeñarise yi ūyamenaji mani ĩja. 7 Masa godarā, ñeñaro ĩna yibeto bajiro mani cūni ñeñaro yi ūyamenaji. 8 Ñeñarise jidicāgoana mani ñaja, Cristo rāca godacāna robo bajiro bajia mani. Ito bajiri, “ĩ tūdi catiado bajiroti, mani cūni tūdi catirā yirāji”, ya mani. 9 “Godabojaguti mūcana tūdi ĩ catiroca yiyiju Dios Cristore. Mūcana tūdi juaji godabiquĵi Cristo”, yi tūoĭa mani. Mūcana tūdi juaji godare manojā ĩre. 10 Cristo cojiti godañi, mani ñeñaro yirisere cōagū. Mūcana tūdi caticōri, Dios ĩ āmoro bajiro yi ñagū ñami ĩ ĩja. 11 Ito bajiro tūoĭarūja manire cūni. “Yu ñeñaro yirisere jidicācōri tūdi itire yi ūyabicūja yu mūcana. Cristo yagu ñacōri, Dios ĩ āmoro bajiro yi ñagū yigūja yu”, yirūja manire.

12 Ñatñaroti meje ña mani ya ruju. Ito bajiri mua ya ruju ñeñaro iti tūoĭaro bajiroti ñeñaro yi ūyabesa. Buto ñeñarise yiroto āmobarocati ñemecitirūja manire. 13 Mua ya ruju ñeñaro iti tūoĭaro bajiroti ñeñaro yibitirūja muare. Mua ña, jeame ūjuroju mua wabore ñaroca Jesús ĩ masogoana. Ito bajiri Dios ĩ āmoro bajiro riti mua ya ruju ña quenarise riti mua yitñaja quena. 14 ĩre

cudirā mani űaja, űeűarise yire gaye āmobeto yiroja manire. “Dios ĩ rotirisere yu cudibeja, jeameju yure cōagū yiguĳi”, yi tuoĳa gūirā meje űa mani. “Jesure yu tuorānĳa, yure ti maicōri, yure masogū yiguĳi Dios”, yi tuoĳa wanurā űa mani.

*űeűarise riti mani yi űyaja mani űju robo bajirise űa, yire gaye*

<sup>15</sup> “Dios ĩ rotirisere yu cudibeja, jeame űjuroju yure cōagū yiguĳi ĳ”, yi tuoĳa gūicōri, űeűarise yibitirĳa manire. “Yure ti maicōri, yure masogū yiguĳi Dios”, yi tuoĳarā űari, Dios ĩ āmoro bajiro riti cudirĳa manire. <sup>16</sup> Gājire mua tuorānĳa, ĳ űaguĳi mua űju. Ito yicōri ĳre moa ĳsiri masa űarāji mua. Ito bajiro űeűarise riti mua yi űyaja, mua űju robo bajiro tujaroja űeűarise ĳja. Ito bajiro űeűarise mua yija, űeűarise jidicā masimenaji mua. Ito bajiro mua yija, jeame űjuroju warā yirāji mua. Ito bajibojarocati, Diore mua tuorānĳa, “Queno yirā űama. Seti ma ĳnare”, yigu yiguĳi Dios. Itire masirāji mua. <sup>17</sup> Iti rumĳu, űeűarise mua yija, mua űju robo bajiro bajiyija űeűarise. Ito bajiri űeűarise yi űyayija mua maji. Adocātama Dios ocare riasoticōri itire cudia mua. Ito bajiri ĳre rĳcubĳorā űa mua ĳja. Iti masicōri, “Queno ya Dios mu”, ya yu ĳre. <sup>18</sup> űeűaro yire gaye cudirā meje űa mua ĳja. Diore cudirā űari quenarise riti yi āmorā űa mua ĳja. <sup>19</sup> Queno cōia gotire rāca muare goticu yu, queno mua tuo masitoni. Iti rumĳu buto űeűarise yirā űayija mua maji. Adocātama quenarise riti mua yi űaja quena. Quenarise riti mua yija, Dios ĩ āmorise yirā yirāji mua.

<sup>20</sup> Iti rumĳu űeűarise riti yirā űari quenarise yibisija mua maji. Dios ĩ āmoro bajiro yirā meje űayija mua maji. <sup>21</sup> Itijĳu, űeűarise mua yirajĳu, ĳűeoni quenarise bujacati mua? Bujabisija mua. Adocāta, iti rumĳu űeűarise mua yigore, mua tuoĳaja, bojoriseti baja ĳja. No űeűarise riti yirā, ĳna godaja bero jeame űjuroju warā yirāji ĳna. <sup>22</sup> Mua adocāta űeűarisere cudirā meje űa mua ĳja. űeűarise jidicācōri Diore cudirā űa mua ĳja. Dios ĩ āmoro bajiro riti ĳre cudirā űari, buto busa ĳre cudi āmorā yirāji mua. Ito bajiro mani yija, ĳ rāca riti űatĳnarā yirāji mani. <sup>23</sup> Mani űeűaro yirise waja, waja yirā bajiro godarā yirāji mani. Ito bajiri seti cutirā űari Dios tu queno eja masimenaji mani. Jesucristo mani űjure mani tuorānĳama, űe waja manoti catitĳnare gaye ĳsigū yiguĳi Dios manire.

## 7

*Romio manĳu cutigo, iso manĳu rāca riti űaja quena, yire gaye*

<sup>1</sup> Yu űarā, mua űa rotire gaye masirā. Mani catirocō rotire gaye cudirāona űa mani. Mani godaja beroĳama, no yicōri itire cudi masia manoja manire.

<sup>2</sup> Rotire gaye ado roboĳa gotia manire: Romio manĳu cutigo, iso manĳu rāca riti űaja quena, ĳ catirocō. Iso manĳu godaja bero, rotire gaye cudibeco meje yamo iso, gājire iso manĳu cutija. <sup>3</sup> Iso manĳu ĳ catibojarocati, gāji rāca iso űaja, manĳu cutibojagoti ajeri maso űamo isoōcō. Ito bajibojarocati iso manĳu godaja bero gāji rāca iso manĳu cutija, Dios rotirise cudibeco meje yamo iso. Ito bajiro yigo manĳu godagoro űari ajegoōcō meje űamo iso.

<sup>4</sup> Ito bajiroti yu űarā Cristo űarā űa mani ĳja. Iti rumĳu Cristo ĳ godaroto rioĳa mani űju robo bajirise űayija rotire gaye maji. Adocātama Jesucristo manire ĳ goda ĳsirajuna suoriti mani űju robo bajirise meje űa ĳja. Cristo ĳĳua űami mani űju űasagu. Ito yicōri ĳ űarā űa mani. Cristo ĳ godaja bero ĳ tudi catiroca yiűi Dios. Ito bajiro yiűi Dios ĳre mani queno moa ĳsi masitoni. <sup>5</sup> Jesure mani masiroto rioĳaja, mani āmoriseti yicu mani maji. Dios ĳ rotirise masibojarāti itire cudi āmobiticu mani. Ito bajiri mani ya ruĳu űeűaro iti tuoĳaro bajiroti

ñeñaro yicu mani maji. Dios i rotirisere cüdimeña ñari, buto busa ñeñarise yicu mani. Ito bajiri jeame ñjuroju warona ñacu mani maji. <sup>6</sup> Adocātama, “Dios i rotirisere yu cüdebeja, jeameju yure cōagü yiguñi i”, yi tuoña güirã meje ña mani. Cristore buto tuorñuña mani adocāta. “Cristore yu tuorñuña yure masogü yiguñi Dios”, yi tuoñarã ña mani ñja. Espiritu Santo mani ya usiju ñagü, ñeñarise yire jidicãroca yami. Ito yicöri, quenariseña wasoaroca yami i.

### *Manireti ña ñeñarise, yire gaye*

<sup>7</sup> Dios i rotirise, ¿no bajiro yirã yati mani? “I rotirise ñeñarise ña”, ¿yirujati mani? Meje yibitiruja manire. Dios i rotirise manire gotia, “Iti ña ñeñaro yire gaye”, mani yi masitoni. Dios rotirise iti manija, “Iti ña ñeñaro yire gaye”, yi masibitiboana mani. Adi gaye tuoñate mua: “Gãji ya gajeonireti ñobesa”, yi gotia Dios rotirise. Ito bajiro i yibeja, “Gãji ya gajeoni ñmotire ñeñarise ñaroja”, yi masibitiboruja yu. <sup>8</sup> Ito bajiri iti rotirise masicöri, ñeñaro yigu ñari buto busa gãji ya gajeoni ñmoticu yu. Iti rotire masibiticöri buto gãji ya gajeoni ñmotibiticu yu maji. <sup>9</sup> Dios i rotirise yu masiroto riojua maji, “Buto queno yigu ña yu”, yi tuoñabojacu yu maji. Dios i rotirisere masigü ñabojaguti, buto busa ñeñarise yi amocu yu maji. “Ñeñaro yigu ña yu. Ito bajiri jeame ñjuroju wacu yiguja yu”, yi masibojacu yu, yi masireña. Ito bajiri buto bojori buja ñacu yu. <sup>10</sup> I rotirise cüñi Dios, masa ña queno ñatoni. Yama Dios i rotirise masicöri, buto bojori buja ñacu. Ñeñarise yicöri, “Jeame ñjuroju wacu yiguja yu”, yi tuoñacu yu. <sup>11</sup> Yu ñeñaro yirise tuoñacöri, buto ñeñaro yi amocu yu. Yu ñeñaro tuoñarise yure ruoyija. Dios i rotirisere cüdi ñmobicu yu. Iti rotirise masicöri, “Jeame ñjuroju wacu yiguja yu”, yi masibojacu yu. Ito bajiri buto bojori buja ñacu yu.

<sup>12</sup> Iti rumu maji ito bajiro tuoñabojacu yu. Adi rumari ado bajiro ya yu ñja. Jeyaro Dios i gotirise quenarise ña. Ito bajiri Dios i rotirise riojo gotirise ñaroja, ito yicöri quenarise. <sup>13</sup> Adi rotirise quenarise ñabojaroti, ¿mani jeame ñjuroju waroca yirojada? Meje ito bajiro meje bajia. Mani ñeñaro yire, mani jeame ñjuroju waroca yiroja. Dios i rotirise mani masija bero, ñeñaro mani yirise, “Ñeñaro ya yu”, yi tuoña mani. Ñeñaro yire masicöri, “Jeame ñjuroju wacu yiguja yu, ñeñaro yigu ñari”, yi tuoña masia mani. Ito yija Dios rotirise masibojarati, itire mani cüdebeja, iti ña buto busa ñeñarise.

<sup>14</sup> Mani masia, Espiritu Santona suoriti i rotirise cüñi Dios Moisés ñayorure. Manire Espiritu Santo i ejabuabeja, Dios i rotirisere cüdi masimenaji mani. Yu masia, ñeñaro yigu ña yu. Ito bajiri ñeñaro yitñia yu. <sup>15</sup> ¿No yija, ito bajiro yiguja yayua yu? Masibea yu itire. Queno yu yi amobojarise gaye yibea yu. Ñeñaro yu yi amobitibojarejua itijua yu. Masibea yu. ¿No yija itire yiguja yayua yu? <sup>16</sup> Ito yija ñeñaro yi amobitibojaguti, ñeñaro ya yu. Ito bajiro yu yija, “Dios i rotirise quenarise ña”, yi tuoña yu. <sup>17</sup> Ito bajiri adocāta, ñeñaro yu yirise yamasí meje ya. Ñeñaro tuoñare yure ñacöri, iti ña ñeñaro yiroca yure yirise. <sup>18</sup> Yu masia, yu tuoñarise quenarise ma yure. Quenarise yu yi amobojarocati, quenarise yire ma yure. <sup>19</sup> Quenaro yu yi amorisere, itire yibea yu. Ito bajibojarocati ñeñarise riti ya yu, yu amobitire. <sup>20</sup> Ito yija ñeñaro yu yi amobitire yu yija, yumasi meje ya. Ñeñaro yire gaye yure ñacöri iti ña ñeñaro yiroca yure yirise.

<sup>21</sup> Ito bajiro riti bajisotia yure. Quenarise yu yi amobojaja, no masia ma yure, ñeñarise yureju ñacöri. <sup>22</sup> Yu ya usinama rujeguti Diore cüdi amobojaja yu. <sup>23</sup> “Queno yu yi amojaja, ñeñarise yure ñacöri, queno canamaobea iti”, yi tuoña yu. Yu ya usinama Diore cüdi amobojaja yu. Ito bajibojarocati yu ya rujati ñeñaro ya yure. Ito bajiri ñeñarise jidicã masibea yu.

24 Bujatoguti bajicōa yu. Yu ya rujuṇa ñeñaro yu yirise waja jeame ujuroju wacu yiguja yu. ¿Ñimujua yure masogū yiguñjida? 25 Ado robojua bajia. Mani Hju Jesucristo yure masocāñi. Yure yiari Jesucristore cōañi Dios. Ito bajiri, “Queno ya mu”, ya yu ire. Yu ya usi ñarocōnati ruje Diore cudi āmoa yu. Ito bajibojarocati ñeñaro tuoīare yure ñacōri, iti ña ñeñaro yiroca yure yirise. Queno yiñi Dios. Ñeñaro yu yibititoni Jesucristore cōañi i.

## 8

### *Espíritu Santore mani cudiya Dios ñarā ñarā yirāji mani, yire gaye*

1 Cristo ñarā mani ñaja, ito yicōri i rāca sigūre bajiro mani usi catija, manire waja senibicu yiguñji Dios. Cristo ñarā ñari mani ya ruju ñeñaro iti tuoīaro bajiroti yi āmomenaji. Ito yicōri Espiritu Santo i rotiro bajirojua yisotirāji mani. 2 Mani ñeñaro yirise ñaroja mani godaroca yirise. Ito bajibojarocati Jesucristore mani tuorūnaja, Espiritu Santo mani catitñaroca yigu yiguñji. Cristo yagu yu ñajare, Espiritu Santo yure ejabuagu yiguñji, ñeñaro yu yibititoni. Ito yicōri jeame ujuroju yu wabore ñaroca yure masocāñi. 3 Dios rotirise ñarocōti cudi jeo masia ma manire. Ito bajiri, “Dios i rotirisere yu cudiye waja, yure masogū yiguñji”, yi masibeja mani. Ado bajirojua bajia. Dios i Macugorore adi macārcūroju cōañi. Mani ñeñaro yiri ruju bajiro ruju catiñi. Mani robo ruju catibojaguti ñeñarise yibisī i. I ya rujuṇa ñeñaro yiñabicu ñari, mani ñeñaro yirisere ñarocōti waja yi jeoñi i. Ito bajiri, “I ejabuarisena, ñeñaro yibicuja yu”, yi masirāji mani. 4 Ito bajiro manire goda īsiñi i, Dios rotirise bajiro quenarise mani yitoni. Adocāta ñeñaro mani tuoīarise rāca ñamenaji mani. Espiritu Santo i āmoro bajiro yirāji mani.

5 Ñeñaro tuoīacōri ina ñeñaro yirotiye tuoīasotirā yirāji ina. Espiritu Santo i āmoro bajiro yirāma, i āmoro bajiro riti yirona tuoīasotirā yirāji ina. 6 Ina ya ruju ñeñaro iti tuoīaro bajiroti tuoīasotirā, ina godaja bero jeame ujuroju warā yirāji inaōna. Ito bajibojarocati, “Espiritu Santo i āmoro bajiro yicuja yu”, yirā, catitñarā yirāji. Ito yicōri ina ya usiju queno wanu quenarise rāca ñarā yirāji ina. 7 Ñeñaro yire tuoīarā, Diore tuo terāji ina. Dios rotirise cudi āmomenaji ina. Ito yicōri, no masia manoja inare. 8 Ito bajiri, “Yu ñeñaro yirise riti yi wanu ñacuja yu”, yirā, Dios i āmoro bajiro yi masimenaji inaōna.

9 Mani ya usiju Espiritu Santo i ñaja, i āmoro bajiroti yirā yirāji mani. Ito yicōri mani ñeñaro tuoīarise bajiro meje yirāji mani. Espiritu Santo i ya usiju ñabeja Cristo yagu meje ñami locū. 10 Riti ña, mani ñeñaro yiri ruju godaro yiroja. Ito bajibojarocati Cristo mani ya usiju i ñaja, catitñarā yirāji mani. “Quena ñama ina. Ñe seti ma inare”, yi boca āmigū yiguñji Dios manire. Ito bajiri catitñarā yirāji mani. 11 Espiritu Santona suoriti Cristo godarure mucana tūdi i catiroca yiñi Dios. Mucana iti ñami mani ya ruju godarotire mucana tūdi catiroca yirocu. Ito bajiro yigu yiguñji i manire. Espiritu Santo mani ya usiju i ñaja, catitñare gaye īsigū yiguñji i manire.

12 Ito bajiri yu ñarā, juaji ñeñaro yi uyabitirāja manire, iti ramu mani yicato bajiro. Espiritu Santo i āmoro bajirojua yirāji mani. 13 Ñeñaro mani tuoīarise mani yija, godarā jeame ujuroju warā yirāji mani. Ito bajibojarocati Espiritu Santona suoriti mani ñeñaro yirise mani jidicāja, catitñarā yirāji mani.

14 No Espiritu Santo i rotiro bajiro yirā, Dios rā ñama ina. 15 Ado robojua bajia. Espiritu Santo manire queo sāñi Dios. Ito bajiri moari masa ina ujure guirā bajiro meje ña mani. Adocāta Dios rā ire queno cudirā ña mani. Ito

bajiri, “Y<sub>u</sub> Jac<sub>u</sub>, C<sub>u</sub>na”, ya mani Diore. <sup>16</sup> Espiritu Santo mani masiroca yami, “Dios rīa ña mani”, mani yitoni. <sup>17</sup> Ī rīati ñacōri, quenarise ĩ goticāre boca āmirā yirāji mani. Cristo rāca boca āmirā yirāji mani, Dios ĩ goticāre gaye. Cristo robo mani tōbujaja, ĩ rācati mani wan<sub>u</sub> quenaroca yig<sub>u</sub> yiguĭji Dios manire.

*Ija mani boca āmiroti wan<sub>u</sub> quenare ñaro yiroja, yire gaye*

<sup>18</sup> Adī r<sub>u</sub>m<sub>u</sub>ri ñeñaro mani tōbujaja, “¿No yicōri b<sub>u</sub>jato tōbujati y<sub>u</sub>?” yī t<sub>u</sub>oīare ma. “Ñeñaro mani tōbujagore rētoro ñasarise ña ija ũmac<sub>u</sub>ju mani wan<sub>u</sub> quenaroti gaye”, yī t<sub>u</sub>oīa y<sub>u</sub>. <sup>19</sup> Co r<sub>u</sub>m<sub>u</sub> Dios ado bajiro yig<sub>u</sub> yiguĭji: “Āna ñama y<sub>u</sub> rīa y<sub>u</sub>re queno c<sub>u</sub>dirā”, yig<sub>u</sub> yiguĭji Dios. Ī rujeore ñarocōti b<sub>u</sub>to bocatia, ĩ ito bajiro yiroti. <sup>20</sup> Dios cajero gaye, ĩ rujeore gaye bajiro meje bajaia adi r<sub>u</sub>m<sub>u</sub>ri. Adi r<sub>u</sub>m<sub>u</sub>ri jeyaro jogarise riti ña. ĩto bajiro rētarotire c<sub>u</sub>shoyij<sub>u</sub> Dios, Adán ĩ ñeñaro yirajuna swori. Ito bajiro riti bajitīña yibetoja. <sup>21</sup> Co r<sub>u</sub>m<sub>u</sub> Dios ĩ rujeore ñarocōti quenog<sub>u</sub> yiguĭji ĩ m<sub>u</sub>cana. Ito bajiri ĩ rīa ñari m<sub>u</sub>cana t<sub>u</sub>di juaji ñeñaro yimenaji mani. Adi r<sub>u</sub>m<sub>u</sub>ri jeyaro jogarise riti ña. Ija ĩ wasoari r<sub>u</sub>m<sub>u</sub> m<sub>u</sub>cana t<sub>u</sub>di juaji jogabetoja iti. <sup>22</sup> Mani masia, adocāta Dios ĩ rujeore ñarocōti ñeñaro tōbujaja iti. Romio iso mac<sub>u</sub> c<sub>u</sub>tiro robo bajiro ñeñaro tōbujaja iti jeyaro. <sup>23</sup> Mani c<sub>u</sub>ni Jesure masirā, ñeñarise tōbujaja. Ito bajiri Espiritu Santo Dios manire queo s<sub>u</sub>re ñajare, “Ito bero juaji ñeñarise tōbujaja yibic<sub>u</sub>ja Ija y<sub>u</sub>”, yī t<sub>u</sub>oīa mani. Ito bajiri Dios mama ruju manire ĩ ĩsiroti ruj<sub>u</sub>re, yurā yirāji mani. Ito ruju jogabeto yiroja, ito yicōri ñeñarise tōbujabeto yiroja. Ito bajiro ĩ yiri r<sub>u</sub>m<sub>u</sub>, “Āna ñama y<sub>u</sub> rīa”, yig<sub>u</sub> yiguĭji. <sup>24</sup> Cristore mani t<sub>u</sub>or<sub>u</sub>n<sub>u</sub>arajuna sworiti, manire masoñi Dios. Mani t<sub>u</sub>oīa yurise rētagore meje ña. Rētare gaye t<sub>u</sub>oīa yu masimenaji mani. Rētabiti gayereama t<sub>u</sub>oīa yurā yirāji mani. <sup>25</sup> Rētabiti gayere t<sub>u</sub>oīa yurā, “Ito bajiro rētar<sub>u</sub>o yiroja”, yī t<sub>u</sub>oīa yucōri, ñe <sub>u</sub>sirioari meje, bocatirāji mani. Ito yicōri, ñe <sub>u</sub>sirioro meje mani bocatiroca ya iti.

<sup>26</sup> Ito bajiroti Espiritu Santo manire ejabaami, mani queno masimena ñajare. Diore queno seni r<sub>u</sub>c<sub>u</sub>b<sub>u</sub>o masibea mani. Ito bajiri Espiritu Santo manire yiari josa ĩsig<sub>u</sub>ji Diore. “Diore y<sub>u</sub> seni āmobojarise queno goti masibea y<sub>u</sub>”, yī mani t<sub>u</sub>oīarise masicōri, manire yiari busi ĩsig<sub>u</sub> yiguĭji ĩ Diore. <sup>27</sup> Mani t<sub>u</sub>oīarise t<sub>u</sub>o masi jeogu ñari, Espiritu Santo gotirisere t<sub>u</sub>o masi jeogu yiguĭji Dios. Dios āmoro bajiroti seni masicōri manire yiari Diore senig<sub>u</sub> yiguĭji Espiritu Santo. Ito bajiri Dios sig<sub>u</sub> t<sub>u</sub>o masire gaye busi masig<sub>u</sub> ñari manire yiari queno Diore busigu yiguĭji Espiritu Santo.

*Cristore t<sub>u</sub>or<sub>u</sub>n<sub>u</sub>rā ñari ñeñarise rētocūrāji mani, yire gaye*

<sup>28</sup> Riti Diore mani maija, “Ī āmoro bajiro y<sub>u</sub> yisotitoni y<sub>u</sub>re beseñi Dios”, yī t<sub>u</sub>oīa masia mani. “Jeyaro y<sub>u</sub>re rētarise quenarise ña. Quenarise riti y<sub>u</sub>re rētaroca yig<sub>u</sub> ñami Dios”, yī t<sub>u</sub>oīa masia mani. <sup>29</sup> Cajeroj<sub>u</sub>ti mani ĩre t<sub>u</sub>or<sub>u</sub>n<sub>u</sub>ronare masiñi Dios. Manire beseñi ĩ, ĩ Mac<sub>u</sub> Jesucristo robo mani bajitoni. Ito bajiroti Dios rīa ñarā, mani rījor<sub>u</sub> ñami Jesús. <sup>30</sup> Cajeroj<sub>u</sub>ti ĩ rīa ñaronare manire beseñi Dios. Manire besecōri, “Queno yirā ñama ĩna. Ñe seti ma ĩnare”, yī boca āmiñi Dios. Manire boca āmicōri, ĩ Mac<sub>u</sub>re ĩ y<sub>u</sub>ido bajiro ñasarā mani ñaroca yig<sub>u</sub> yiguĭji Dios manire.

<sup>31</sup> Iti oca quenarisere t<sub>u</sub>ocōri, ¿no bajiro yirāti mani? Ado bajiro yir<sub>u</sub>ja manire: “Dios manire ejabaagu yiguĭji, ito yicōri manire jidicābic<sub>u</sub> yiguĭji. Ito bajiri no yibea g<sub>u</sub>jerā manire ĩna ti teja”, yir<sub>u</sub>ja manire. <sup>32</sup> ĩ Mac<sub>u</sub>re maibojag<sub>u</sub>ti, manire yiari goda ĩsi rotīñi Dios. Ito bajiri, “Riti ña. Ñe r<sub>u</sub>yabeto, jeyaro quenarise manire yī ĩsig<sub>u</sub> yiguĭji Dios”, yī t<sub>u</sub>oīa masia mani. <sup>33</sup> Dios manire boca āmi wac<sub>u</sub>, “Quenarā ñama ĩna. Ñe seti ma ĩnare”, yīñi Dios. Ito

bajiro ĩ yija, noajua gājerā, “Seti ña ĩnare”, yi masimenaji. <sup>34</sup> Nijua mami, “Īna ñeñaro yirise waja, waja ruyurioama ĩna”, yigu. Mani ñeñaro yirise waja, waja yi jeoñi Jesús. Ito bajiri, “Īnare seti ña”, yibiquĩji Jesús. Macana caticōri, Dios ya riojocaduja rucubworaĵu ñaguĩji ĩ. Ito yicōri manire yiarı Diore busı ĩsiguĩji ĩ. <sup>35</sup> Manire buto maiguĩji Cristo. Ito bajiri ñimujua manire ĩ mairise jidicāroca yi masibiquĩji. Mani yija, ñeñaro tōbujarā yirāji gajea. Mani yija, guirā yirāji gajea. ĩna yija, gājerā manire asirioro yi coderā yirāji gajea. Mani yija, ñiojogarā yirāji gajea. Iti yija, sãñare ruyaro yiroja gajea, manire. Mani yija, guijoroĵu warā yirāji gajea. ĩna yija, gājerā manire sñarā yirāji gajea. Iti jeyaro manire rētabojarocati manire jidicābicu yiguĩji Jesús. Manire mai jidicābicu yiguĩji. <sup>36</sup> Ado bajiro gotiyijua Dios oca goti ĩsiri masu, ĩ oca tuti uca wacu:

Mu ñarā gua ñajare, co ruyru ruyabeto guare gājerā sña āmoama. Ovejare ĩna sñarocu bajiro guare yama, yiyijua Dios oca goti ĩsiri masu.

<sup>37</sup> Ñeñaro gua tōbujabojarocati, guare rētocūmena yirāji gājerā. Cristo manire maigū ĩ ejabuaja, jeyaro manire rētarise ñemecuti sēorā yirāji mani. Cristore tuorūncōri buto busa tuoĭa oca sēorā yirāji mani. <sup>38</sup> Disejua Dios manire ĩ mairise jidicāroca yibetoja. “Riti ñaroja iti”, yi tuoĭa yu itire. Disejua mani catibojaja, mani godabojaja cuni, Dios ĩ mairise manire camotabetoja. Dios ñaro gāna cuni, rūmūa cuni, ũmua ñasari masa cuni, Dios manire ĩ mairise jidicāroca yi masimenaji. Adocāta rētarise, ija rētaroti cuni, Dios ĩ mairise camotaroca yibetoja manire. <sup>39</sup> Mani jubeju ñabojaja cuni, ũmacūju mani ñabojaja cuni, no mani ñaroti Dios ĩ manire mairise jidicāroca yibetoja. Disejua Dios ĩ rujeore manire ĩ mairise camota masibetoja. “Cristo mani Ũju manire ĩ yi ĩsirajuna sworiti buto maiami Dios manire”, yi tuoĭa mani.

## 9

### *Israel sita gānare Dios ĩ besere gaye*

<sup>1</sup> Yu gotirise riti ña. Cristore tuorūnugū ñari ĩ yagu ña yu. Ito bajiri socabea yu. “Espiritu Santo ĩ ejabuarisena riojo oca gotia yu”, yi tuoĭa yu.

<sup>2</sup> “Jesucristore tuorūnu āmobeama yu ñarā”, yi tuoĭacōri buto bojori buja yu.

<sup>3</sup> ĩnare maigū, jeame ũjuroĵu ĩna ware āmobeama yu. ĩnare jeame ũjuroĵu Dios ĩ cōame yirocu, yujuaare ĩ cōa āmojama camotabitibogūja yu. <sup>4</sup> ĩna ñama yu ñarā, Israel ñayoru janerābatia. Jane mejeju ĩnare besebojayijua Dios ñarā ĩna ñatoni. ĩ masirise, ĩoyijua Dios ĩnare. Ito yicōri ĩ rotirise cuni ĩnare gotibojayijua ĩ. “Ado bajiro yicōri yare ma rucubwore āmoa yu”, yiyijua Dios yu ñarā ñasuoanare. “Queno maare yigu yigūja yu”, yiarı goti yucāyijua Dios yu ñarāre. <sup>5</sup> Yu ñarā bucūrā ñasuoana janerābatia ñama ĩna. Cristo cuni yu ya butu gaguti rujeañi. Cristoti ñami Dios, masa ñarocōreti rotigu. Coji ruyabeto ĩre rucubwotiñaraja manire. Ito bajiro riti bajitñajaro.

<sup>6</sup> Yu ñarā, judio masare, Dios oca quenarise ĩ gotibojarocati coriarāti ñama ĩre bajiro tuoĭarā. “Judio masare Dios ĩ goticādo bajiroti yibeami”, yi tuoĭabitiruja manire. Judio masa rujeabojarāti jeyaro Dios ñarā meje ñarāji ĩna. <sup>7</sup> Abraham janerābatia, ĩna ñarocōti, ĩ janerābatia goro meje ñama, Dios ĩ tija. Ado bajiro Abrahamre gotiñi Dios: “Mu macu Isaac ĩ rĭa ĩna ñarā yirāji mu janerābatia goro”, yiyijua Dios Abraham ñayorare. <sup>8</sup> Iti oca tuocōri, “Abraham janerābatia riti rujearā, Dios rĭa ñama ĩna, yireoni meje ña iti”, yi tuoĭa mani. Ado bajirojua baja: Dios ĩ goti cūrise tuorūnurā, ĩna ñama macana tudı rujeana, ito yicōri Dios rĭa. Ito bajicōri Abraham janerābatia goro bajiro

bajiamā ĩna ĩja. <sup>9</sup> Ado bajiro goti yucāyijū Dios Abrahamre: “Ījaca rodo adocō tujarocati wadigū yigūja yū. Ito yicōri mū manojo Sara wame cutigo macū rucogo yigōji iso”, yiyijū Dios Abrahamre.

<sup>10</sup> Adiacā riti meje ña. Ado bajiro baja gaje. ĩna macū Isaac jai tujacōri, Rebeca rāca manojo catiyijū ĩ. Rīa sūrāyijō iso. Ito bajibojarocati jacūama sīgūti ñayijū. <sup>11-13</sup> Iso rucoroto riojūa, ado bajiro gotiyijū Dios isore: “Mū macū ñasūogū ĩ ocabajire moa ĩsiri masū ñagū yiguļi ĩ”, yiyijū Dios, Rebecare gotigū. Jane mejejū ito bajiroti gotiyijū Dios ĩ oca tutina. Ado bajiro bajiyijū: “Esaú rēto busaro maia yū Jacobre”, yiyijū Dios ĩ ocana ĩna jūarā rujearoto riojūa. Quenarise, ñeñarise cūni ĩna yibetojū, gotiyijū Dios itire maji. Ito bajiri, “Dios ĩ tuoāro bajiro beseami masare. ĩna yigorena sūori meje beseguļi Dios. ĩ āmoro bajiroti beseguļi”, yī tuoīa mani.

<sup>14</sup> “Gājerāre bese, gājerāre besebiti ĩ yija, ñeñaro yami Dios”, yī tuoīabojama coriarā. Ito bajirojūa meje baja. <sup>15</sup> Dios sīgūti bese masiguļi ĩ. Ito bajiri ado bajiro yiyijū Dios, Moisés ñayorare: “Yū āmorārecōti ĩnare ti maigū yigūja yū”, yiyijū Dios Moisés ñayorare. <sup>16</sup> Dios queno yami masare. ĩ ti mairo roboti yami. Masa ĩna queno yire āmoja meje, ito yicōri bato ĩna moaja meje, ĩ ti mairo bajiro queno yami Dios masare. <sup>17</sup> Ucara tutina ado bajiro yiyijū Dios Egipto gagū wjare: “Ījū mare cūcū yū, mūna sūoriti yū masirise masare ĩorocū. Ito bajiro yicū yū masa jeyaro yū gayere ĩna tuo jeditoni”, yiyijū Dios, Egipto gagū wjare. <sup>18</sup> Iti tuoōri, “Ī ti mairāre riti ti maiguļi Dios. Ito yicōri, Yūre cūdibicūre ĩre cūdibitiroca yigū yigūja yū”, yicōri, ĩ āmoro bajiro yigū yiguļi Dios”, yī tuoīa mani.

<sup>19</sup> Ito bajiro bajija tuoōri, “¿No yija, ‘Mūare seti ña’, yigū yiguļida Dios manire?” yirāji mūa coriarā. “ ‘Dios ĩ āmoro bajiro yibicūja yū’, yī masigū mami”, yirāji mūa. Ito bajiro yūre mūa busija, ado bajiro mūare cūdicūja yū: <sup>20</sup> Ito bajiro busibitirūja mūare. “Dios ĩ yire quenabea”, yiado ma mūare. Riri sotū, “¿No yija yūre ito bajiro yūre meniri mū?” yibetoja iti sotū menirore. <sup>21</sup> Riri sotū meniri maso iso āmoro bajiroti menigōji. Iti ririnati quenari sotū iso meni āmoja, menigōji. Itinati ejori iso meni āmoja rocati busa bajiro menigōji iso āmoro bajiroti.

<sup>22</sup> Iso yiado bajiroti ĩ āmoro bajiro yigū yiguļi Dios cūni. ĩ masirise ĩo āmobo jaguti ito yicōri masa ĩna tōbujaroca yī āmobo jaguti, itire yibisijū Dios. Ado robojūa baja. “Īnare ruyuriorūja yūre”, yibojaguti, ñeñaro ĩna tōbujaroca yī usiriobisijū Dios. <sup>23</sup> Ito bajiro yiñi Dios, mani ĩ ti mairāre, “Īti ñami rētoro masigū”, mani yī tuoīatoni. Cajerojuti manire ti maicōri beseñi Dios, ĩ masirise manire ĩsirocū. <sup>24</sup> Mani ĩre tuoānūtoni, manire beseñi Dios. Mani coriarā judio masa ña. Gājerā judio masa meje ñama. Ito bajibojarocati mani ñarocōreti beseñi Dios. <sup>25</sup> Ado bajiro baja Dios ĩ yire, Oseas ñayorū ĩ ucare jane mejejū gaye:

Yū ñarā mejere cūni, “Yū ñarā ña mūa”, yigū yigūja yū. “Cajero mūare ti maibiticū yū. Adocāta mūare ti maia yū”, yigū yigūja yū.

<sup>26</sup> “Yū rīa meje ñama”, Dios ĩ yiadojū, ĩnati Dios rīa ñarā yirāji. Dios catitīñagū rīa ñarā yirāji. Ito bajiro ucayoñi Oseas jane mejejū.

<sup>27</sup> Isaiasjūa, ado bajiro busiyoyijū, Israel sita gānare tuoīa yugū: “Israel gāna jājarā busa bujūama. Jai rētocūcōri, ja sitacō jājarā ñama ĩna. Jājarā ĩna ñabojarocati coriarāreti masogū yiguļi Dios. <sup>28</sup> Dios ĩ goticādo bajiroti yigū yiguļi. Jājarā adi macārūcūro gāna masa, ĩna ñeñaro yirise waja, ĩnare waja

senigū yiguŋji Dios. Ito yicōri cojisiti ĩnare ruyuriogu yiguŋji”, yi ucañi Isaías.

<sup>29</sup> Ito yicōri, ucaguti ado bajiro yiyiju Isaías:

Dios masa jeyaro ujū ñagū, mani rīa sigūre ĩ masobeto bajija, mani judio masa jeyaro maniboana mani. Dios Sodoma, Gomorra gānare ĩ ruyurioado bajiro, manire yibora, manire sigū ĩ masobeto bajija. Ito bajiro yiari ucañi Isaías.

### *Cristo ocare judio masa ĩna t̄uo āmōbitire gaye*

<sup>30</sup> Riti ña. Itire t̄uocōri ado bajiro yi t̄uoĭa masia mani: “¿No bajiro yirujati guare, Dios riojo, ‘Quena ña m̄ua’, ĩ yitoni?” yi t̄uoĭabisijarā judio masa meje ñarā. Ito bajijobarocati, “Queno yirā ñama. Ñe seti ma ĩnare”, yigu yiguŋji Dios, Cristore ĩna t̄uorūnaja, yi t̄uoĭa masia mani. <sup>31</sup> Yū ñarā, judio masama ado bajiro yi t̄uoĭabojayijarā: “Queno gua yija, ‘Queno yirā ñama’, yigu yiguŋji Dios guare”, yi t̄uoĭabojayijarā ĩna. Dios ĩ rotirise ñarocōti, ĩna c̄udibejare, “Queno yirā ñama ĩna”, yi masibisiju Dios. <sup>32</sup> Ado bajiro bajija. Judio masa Diore t̄uorūnurā meje ñayijarā. “Quenaro gua yirise ticōri, ‘Queno yirā ñama ĩna’, yigu yiguŋji Dios”, yi t̄uoĭabojayijarā ĩna. Cristore boca āmimena ñari, masa ĩna camota c̄uado bajiro Dios t̄u eja masibisijarā ĩna. Cristore ĩna boca āmi āmobeja, ḡatagā camotado bajiro bajiami ĩ. <sup>33</sup> Itire ĩ oca tutina ado bajiro busiami Dios: Sión wame c̄atiri c̄atoju Cristore c̄ua yū. Ḡatagā camotado bajiro bajigu Cristore c̄ua yū. ĩre ĩna t̄uorūnubeja camotagu yiguŋji ĩ. Ito bajiri yū t̄u eja masimena yirāji ĩna. No Cristore t̄uorūnuḡuti bojori bujabicu yiguŋji. Wanu quenagū yiguŋji ĩ. Ito bajiroti gotiyiju ĩ oca tutina, jane mejejuti.

## 10

<sup>1</sup> T̄uoya, Jesure t̄uorūnurā m̄ua. Ḡajerā yū ñarā, Dios jeame ūjaroju ĩ c̄obore, ĩ masoja, buto itire wanu quenagūja yū. Iti ña Diore yū seni t̄uoĭarise. <sup>2</sup> Yū ñarā, Israel gāna, Dios ĩ āmorise ĩna t̄uoĭarisenena buto yi āmōbojama ĩna. Ito bajijobarocati, “Iti ña ĩ āmorise”, yi t̄uoĭa masibeamā ĩna. <sup>3</sup> “Cristo mani ñeñaro yirise waja yicāni. Ito bajiri Dios ĩ tija, seti ma manire”, yi t̄uoĭabeama ĩna. “ĩ rotirise gua c̄udija, ‘Queno yirā ñama ĩna’, yigu yiguŋji Dios”, yi t̄uoĭabojama ĩna. Ito bajijobarocati Dios ĩ āmoro bajiro yibeama ĩna. Ito yicōri Diore queno t̄uorūnubeama ĩna. Ito bajiri, “Queno yirā ñama ĩna”, yibiquŋji Dios. <sup>4</sup> Cristo ĩ ejaja bero, ĩna suoriti manire masogū yiguŋji Dios. Adi ramuri, no Cristore t̄uorūnuḡuti, “ĩ ñami queno yigu. Seti macu ñami”, yiguŋji Dios. Cristo ĩ goda ĩsirajuna suoriti manire masogūji Dios. Ito bajiri, “Dios rotirise mani c̄udirajuna suoriti manire masogū yiguŋji”, yire ma ĩja.

<sup>5</sup> Moisés ñayoru jane mejeju ado bajiro busiyiju: “No Dios rotirise ñarocōti c̄udigu catitĩñare bujagu yiguŋji”, yi ucayiju Moisés ñayoru. <sup>6</sup> Ito bajijobarocati, siḡajuna mami Dios rotirise ñarocōti c̄udigu. Cristore masa ĩna t̄uorūnaja ticōri, “Queno yirā ñama ĩna. Seti ma ĩnare”, yigu yiguŋji Dios. Iti ocare ado bajiro gotia manire, Dios oca: “¿Ñimu ūmacāju tigū ejayijari? ‘Itoju gagu wadiru ñami Cristo’, yi masiana”, yirona. Ito bajiro t̄uoĭabitiraja m̄uare. <sup>7</sup> “¿Ñimu godana t̄aju ejarada Cristo ĩ tujaja tirocu?” yi t̄uoĭabiticōr̄uja m̄uare. <sup>8</sup> Dios oca ado bajiro gotia: “Dios riasore gaye ñacā m̄uare. Ito bajiri iti riasore gaye masicā m̄ua. ĩ riasore gayere busiyija m̄ua”, yi gotia Dios oca. “Cristore masa t̄uorūnure āmogūji Dios”, yire gaye ña iti oca. Ito bajiro masare riasoa gua iti oca. <sup>9</sup> “Jesús ĩ godaja bero m̄ucana t̄adi ĩ catiroca yiñi Dios”, mani yi t̄uoĭaja, ito yicōri “Jesús ñami yū Ūju”, mani yija, jeame ūjaroju mani wabore ñaroca manire masogūji Dios. <sup>10</sup> Cristore mani t̄uorūnaja ticōri, “Queno yirā



ñama Ìna. Ìnare seti ma”, yigũ yiguĩji Dios. Ito yicõri, “Jesure tuorũnũgũ ña yũ”, yi gãjerãre mani goti rêtobuja, riti Dios Ì masoana ñarã yirãji mani Ìja.

<sup>11</sup> Ado bajiro gotia Dios oca tuti: “No Ìre tuorũnurã, ‘Bujato baja yure’, yirã mama”, yi gotia Dios oca. <sup>12</sup> Dios Ì tija judio masa, judio masa mejere cuni, coro bajiroti tiguĩji Ì. Mani Ëju ñami Ì, Ìto yicõri jeyaro Ëju. No Ìre senigũre queno yigũ yiguĩji Dios. <sup>13</sup> Dios oca tuti ado bajiro gotia: “No Jesure, ‘Yũ Ëju ña mũ. Yũ ñeñaro yirisere ãcabojoya. Jeame ãjuroju yũ wabore ñaroca yure masoña’, yirã masoana ñarã yirãji”, yi gotia Dios oca. <sup>14</sup> Cristore Ìna tuorũnũbeja, Ìre seni masimenaji Ìna. Ito yicõri Cristo gayere Ìna tuobeja, Ìre tuorũnũ masimenaji Ìna. Sīgũ Ìnare Cristo oca riasobeja, masimena yirãji Ìna.

<sup>15</sup> Ì oca gotirona mani cõabeja, Ì oca riasorã manaji. Ado bajiro gotia Dios oca: “Dios oca quenarise riasorã, no Ìna gotiroju masa Ìna tuoja, wanũ quenarã yirãji Ìna”. Ìto bajiro ucare ñayija jane mejejutì.

<sup>16</sup> Masa jãjarã oca quenarise tuobojarãti itire tuorũnũbeama Ìna. Jane mejeju Isaias Ì ucado bajiroti baja: “Yũ Ëju, coriarãti ñama mũ ocare tuorũnurã”, yiyiju Isaias Diore gotigu. <sup>17</sup> Cristo oca quenarise Ìna tuobeja, itire tuorũnũmenaji Ìna. Cristo ocajuare tuosũorũja, Ìna tuorũnaroto riojuã.

<sup>18</sup> Adire mũare seniãgũ ya yũ: ¿Israel sita gãna Dios oca tuobitanada? Tuobojana tuorea. Dios oca tuti ado bajiro gotia: Dios oca gotiri masa, masa jeyarore goti jeoñi. Ito yicõri Ìna oca coju ruyabeto, tuore ña.

<sup>19</sup> Mũcana mũare jabeto seniã tuogu ya yũ. ¿Dios oca tuobojarãti, queno tuo masibisijari Israel sita gãna? Tũo masibisijarã Ìna. Moisés ñayoru Ìti ñami cajero Ìti oca gayere ucasũoru. Dios Ì gotiro bajiroti ucayiju Ì. Israel sita gãnare Dios Ì tuoĩare gaye gotigu ado bajiro ucayiju Moisés ñayoru:

“Tũo rêtobubeama Ìna’, mũa yirãre, ‘Yũ ñarã ña mũ’, yigũ yigũja yũ Ìnare. Ito bajiro yũ yija, bũto rorã yirãji mũ. Ito yicõri bũto junisinirã yirãji mũ”, yiyiju Dios, yi ucayiju Moisés ñayoru.

<sup>20</sup> Moisés Ì ucaja bero bũto oca s̃ocõri, ucayiju Isaias. Dios Ì yiro bajiroti ucayiju Ì cuni:

“Yũre ãmabitibojanajũna yure bujama. Ito yicõri yure masi ãmomenajuare, yure Ìna masiroca yicũ yũ”, yiyiju Dios judio masa meje ñarãre cuni tuoĩagũ, yi ucayiju Isaias ñayoru.

<sup>21</sup> Israel sita gãna Ìna bajirisejuã, Dios Ì gotirisere ucayiju Isaias: “Co rũmũ ruyabeto Ìnare jisotiboja yũ, Ìna ñeñaro yirisere Ìna jidicãtoni. Ito bajibojarocati yiro robo cãdirã meje ñama Ìna. Ito yicõri yure ti terã, tudiana Ìna”, yiyiju Dios, yi ucayiju Isaias ñayoru.

## 11

### *Coriarã Israel sita gãnare Dios Ì masore gaye*

<sup>1</sup> “Dios ñarã Israel sita gãna Ìnare jidicãcõru”, yire ¿tuoĩati mũ? Meje Ìnare jidicãbeami. Israel sita gaguti ña yũ cuni. Ito bajiri yũ ñicũ ñasũoruti ñami Abraham ñayoru. Ito yicõri Benjamín ya butu gaguti ña yũ. Ito yicõri Benjamín janerãbatia janamiti ña yũ. <sup>2</sup> Jane mejeju gũã Israel gãnare beseñi Dios, Ì ñarã Ìna ñatoni. Ito yicõri guare jidicãbeami Ì. Dios oca tutiju Elías ñayoru Ì oca gayere tiyija mũ. Dios rãca busigu, “Israel gãnare seti ña”, yire gaye yiyiju Elías ñayoru. Tite. Ado bajiro yiyiju Ì, Diore busigu: <sup>3</sup> “Yũ Ëju, mure goti Ìsiri masare s̃ayijarã Israel sita gãna. Mũre rũcũbũorã Ìna soe Ìsisotira casabo cuni ruyurioñi Ìna. Ito yirã ñari, yure cuni s̃ia ãmocã Ìna. Yũ s̃igũti mũ oca gotiri masũ catia maji”, yiyiju Elías Diore. <sup>4</sup> Ito bajiro Ì yija tuocõri, ado bajiro cãdiyiju Dios:

“Mu sīgū meje ņa. Siete mil ņarā masa ņama maji yure rūcubuoṛā. Gājerā ĩna meni rujeoṛu Baal wame cutigure ņini rūjū rūcubuo yibiticā ĩna”, yiyiju Dios Elías ņayorare. <sup>5</sup> Elías ĩ ņaratāa, Dios ĩ beseado bajiroti adocāta cāni Israel gāna coriarāre beseguṛji Dios, ĩ ņarā ĩna ņatoni. ĩnare ti maicōri ĩnare beseṛi Dios. <sup>6</sup> ĩna queno yirena suori meje beseṛi Dios. ĩnare ti maicōri beseṛi ĩ. ĩna queno yirena suori ĩ besero bajija, ĩnare waja yirocu robo beseboru ĩ. Quenarise ĩna yibitibojarocati, ĩnare ti maicōri beseṛi Dios.

<sup>7</sup> Ado robojuu bajia. Israel sita gāna, “Queno yirā ņama ĩna”, ĩ yire ĩna āmobjarocati, “Queno yirā ņama ĩna”, yibisiju Dios. Coriarāti Dios ĩ beseana, “ĩna ņama queno yirā”, yiyiju Dios. Gājerāma Dios oca tuo āmomena ņayijarā ĩna. <sup>8</sup> ĩna gayere buisia Dios oca tuti. Ado bajiro gotia: “Īre āmomenare ĩ oca ĩna tuo masibitiroca yiyiju Dios ĩnare. Ito bajiri gājerā ĩ ocare ĩna gotibojarocati tuo masibisijarā ĩna. Ito bajiroti bajia adi rāmuri cāni”, yi gotia Dios oca tuti. <sup>9</sup> Ado bajiro yiṛi David ņayoru Diore:

Israel gāna wanu quenarā, basa ĩna menirise bojori bujaroca yiya. ĩna tuoĭa bujatobitiroca yiya. Ito yicōri ĩna ņeṛaro yirise waja, ĩnare waja seniṛa.

<sup>10</sup> ĩna tuo masibitiroca yiya. Sīgū rūcūrise āmi wacu robo bajiro, ĩna ņeṛaro yirise tāniroca yiya mu, yiyiju David ņayoru Diore.

### *Judio masa mejere cāni Dios ĩ masore gaye*

<sup>11</sup> ĩno bajiro tuoĭati maa? Dios judio masare, ĩre ĩna āmobjeare, ĩnare jidicā ruyuriogu yiguṛjida? Meje ĩnare jidicā ruyuriobiquṛji Dios. Judio masa Diore ĩna āmobje, judio masa mejereama masogū yiguṛji Dios. Ito bajiro gājerāre ĩ masoja ti masicōri, āmotirā yirāji judio masa cāni. <sup>12</sup> Judio masa Diore ĩna cudibejare, jaje quenarise gaye masa jājarāre ejayiju. Judio masa Cristore ĩna tuorānubejare judio masa mejere cāni jaje quenarise gaye ejayiju. Ito bajiri Cristore tuorānusuoijarā ĩna cāni ĩja. Judio masa cāni Cristore ĩna tuorānuja, buto basa masa jeyarore quenarise ejaro yiroja.

<sup>13</sup> Maa judio masa mejere cāni busigu ya yu. Mware Dios oca gotire ņa yure. Mware yu riasotoni yure cūni Dios. “Iti ņa moare ņasarise”, yi tuoĭa yu. <sup>14</sup> Yu ņarā judio masa, mware bajiro ĩna bajire āmogū, itire gotia yu. Dios mware masoja masicōri, āmotirā yirāji ĩna cāni. Ito yija Cristore tuorānurā yirāji gajea. Ito bajiro ĩna yija ticōri, ĩnare masogū yiguṛji Dios. <sup>15</sup> Judio masare Dios ĩ jabeto jidicāraju, masa jeyarore oca quenarise cūyiju Dios, ĩ rāca ĩna queno ņatoni. Ito bajiro ĩ oca cūyiju Dios judio masa mejere cāni. Ito bajiri Cristore ĩna tuorānuja Dios ņarā ņarāji ĩna cāni. Buto basa quenaroja, judio masa cāni Cristore ĩna tuorānuja. Jeame ājuroju ĩna wabore ņaroca ĩnare masogū yiguṛji Dios. Ito bajiri godabojarāti mucana tūdi catirā robo bajirā yirāji ĩna. <sup>16</sup> Ado bajiro bajia. Jabeto cujabura gaye, boca āmicōri, Dios ĩ quenoja, ņarocōti cujabura quena jedicoaro yiroja. Yucūgu ņe, jeyaro iti quenaja, jeyaro rājari cāni quena jediroja. Ito bajiro bajiyiju Abraham ņayoru. Queno yigu ņari, Diore tuorānujiju ĩ. Ito bajiri ĩ janerābatia Diore ĩna tuorānuja, queno yirā ņarā yirāji ĩna cāni.

<sup>17</sup> Cogū yucūgu, olivo wame cutiricu, ruju jatacōacōri, rocati judiragu ruju āmicōri wōja, cogū gaye bajiroti bajiroja. Ito bajiroti Dios cāni judio masare cōacōri, judio masa mejere cāni, mware ĩ ņarā ņatoni cūni ĩ. Ito bajiri Dios ye quenarise bujacōri gna judio masa rāca sigūre bajiro bajirā ņa maa. <sup>18</sup> Ito bajiro Dios ĩ yija, “Judio masa rēto busaro queno yirā ņa gna”, yi tuoĭabitiraja mware. “Judio masare mani riojuju beseṛi Dios”, yire gayere tuoĭaņa maa.

Cristo judio masu ĩ rujearena suriti mware masofi Dios. Ito bajiri, “Judio masa rēto busaro queno yirā űa mani”, yiado ma mware.

<sup>19</sup> Mwa judio masa meje űarā, ado bajiro yiborāji gajea: “Judio masare jidicāyiju Dios, ĩ űarā mani űatoni. Ito bajiri űasari masa űa mani”, yi tuoĭaborarāji gajea mwa. <sup>20</sup> Riti űa, judio masare Dios ĩ jidicāre. Cristore ĩna tuorūnubejare, ito bajiro yiűi ĩ, ĩnare. Cristore mwa tuorūnubeja, mware cuni cōacōboru ĩ. Ito bajiri, “Judio masa rēto busaro űari masa űa mani”, yi tuoĭabesa mwa. “űasarā meje űa mani”, yi tuoĭaűa mwa. Ito bajiro tuoĭacōri, “Queno ya Dios mu”, yiya, ĩre rūcuborā. <sup>21</sup> Dios judio masare, cajero ĩ beseanare ĩ cōaja, mware cuni cōa masiguĭji ĩ. <sup>22</sup> “Jaje quenarise gaye yami Dios masare. Ito yicōri masare buto ĩna tōbujaroca cuni yami Dios”, yi tuoĭaűa mwa. Ado bajiro baja. ĩre rūcubomenare buto ĩna tōbujaroca yibojaguti mware queno yami. Ito bajibojarocati mwa ĩre rūcubotifĭabeja, mware cuni cōacōboru ĩ. <sup>23</sup> Judio masa ĩ cōana, Cristore ĩna tuorūnuba ĩ űarā űaroca yigu yiguĭji ĩ műcana. ĩ masirisena, ĩ űarā űaroca yi masiguĭji műcana. <sup>24</sup> Judio masa meje mwa űabojarocati ĩ űarā bajiro mware cūűi Dios. Judio masa űama cajero Dios ĩ beseana. Cajero ĩ beseana meje mwa űabojarocati josari ĩ űarā mwa űaroca yiűi Dios. Judio masa cajero ĩ beseana műcana ĩ űarā űaroca ĩ yija, josari mejeti űaraja.

### *Israel sita gānare Dios ĩ masosware gaye*

<sup>25</sup> Yu űarā, masa ĩna masibiticati gayere, mware gotigu ya yu. Dios ĩ beseana űa mani. “Jeyaro masirā űa mani”, mwa yi tuoĭabititoni, itĭ gaye ocare mware gotia yu. Adocāta judio masa jājarā űama Diore tuo āmomena. Ito bajiro bajitūűamenaji ĩna. Judio masa meje űarā, Dios ĩ bescāna, Jesure ĩna tuorūnuba ticōri, judio masa cuni Diore āmorā yirāji ĩna. <sup>26</sup> Ito bajiro judio masa Diore ĩna āmoja, jeame űjuroju ĩna wabore űaroca ĩnare masogū yiguĭji ĩ. Ito bajiro ucare űa Dios oca tutiju:

Sión wame cutiri cutuju ejagu yiguĭji masare masori masu. Jacob janerābatiare ĩna űeűaro yirisere coegu yiguĭji ĩ.

<sup>27</sup> Ito bajicōri, űeűaro ĩna yirise yu ācabojaja, jane mejeju yu goticādo bajiroti yigu yiguja yu, yi gotia Dios oca tuti.

<sup>28</sup> Adocāta judio masa jājarā Cristo oca quenarise rūcubomena jaicoama. Ito bajiri Dios wajana űama ĩna. Ito bajiro ĩna bajijare, mwa judio masa mejeju tuorūnuboa mwa. Judio masa ĩna Diore āmōbitibojarocati, ĩjuama ĩnare ti maiguĭji maji. ĩna űicusabatiare cuni ti maiűi ĩ. Ito bajiri adi ramuri gāna judio masare cuni ti maiami ĩ maji. <sup>29</sup> “ĩnare besecu yu. Ito bajiri ĩnare queno yigu yiguja yu”, yiyiju Dios. ĩ goticādo bajiroti yigu yiguĭji ĩ. ĩ goticādo bajiroti jidicābicu yiguĭji Dios. <sup>30</sup> Cajero Diore cudibisija mwa. Judio masa Diore ĩna cudibeja ticōri, mwaĵare maicōri, mware masofi ĩ. <sup>31</sup> Adocāta judio masa Diore cudirā meje űama. Ito bajiro ĩna bajibojarocati, mware ĩ ti mairo bajiroti, ija ĩnare cuni ti maigū yiguĭji ĩ. <sup>32</sup> Mani jeyaro Diore cudimena riti űacu mani maji. űeűaro mani yi āmoja manire camotabisĭ Dios. Ito bajiro yiűi, űeűaro mani yija bero, “Buto yare maisacōguĭji Dios. ĩre yu űeűaro yirise yu goti rēto buja, yare ācabojogu yiguĭji”, mani yi tuoĭa masitoni.

<sup>33</sup> Quenasacōa. Quenoguti yigu űami mani Jacu Dios. Jeyaro masigū űami ĩ, ito yicōri jeyaro tuo masigū. ĩ tuoĭarisere masibeja mani. Ito yicōri ĩ yirisere ti masibeja mani. <sup>34</sup> Ado bajiro gotia Dios oca tuti: “űimujua Dios ĩ tuoĭarise tuoĭagū mami. űimujua Diore riasogu mami. <sup>35</sup> űimujua mami, ‘Diore ĩsicu

yũ. Ito bajiri yure waja ruyurioami ĩ, yigũ”. Ito bajiro ucare ñayija jane mejejutu. <sup>36</sup> Adi sita ñarotire jeyaro rujeoñi Dios. ĩna suoriti jeyaro ña. Ito yicõri ĩ ye riti ña. Ito bajiro ĩ bajijare ĩre rucabuotĩñacõruja manire. Ito bajiro riti bajitĩñajaro.

## 12

### *Dios ĩ ãmorise riti mani yija quena, yire gaye*

<sup>1</sup> Dios manire ti maicõri jaje mani yerotire yiñi. Ito bajiri yũ ñarã Dios ĩ ãmorise riti yirã ñaña mua. Quenarise riti yiya, ñeñarise yimenati. Mua ito bajiro yija, Dios wanũ quenagũ yigũji mua rãca. Diore mani rucabuorise ĩre ĩrona ito bajiro yirũja mani. Ito bajiro mua yitoni, oca sãoro muare rotia yũ. <sup>2</sup> Diore masimena ĩna yiyo bajiro yibesa. Mame tuoĩare gaye wasoacõri, quenarise riti tuoĩañã mua. Ito bajiro tuoĩacõri Dios ĩ ãmorise masirã yirãji mua. “Diore quena ña”, yire gaye masirã yirãji mua. Ito yicõri ĩ wanuroti gaye cuni masirã yirãji mua. “Iti ña yure ñasarise”, Dios ye yire gaye masirã yirãji mua.

<sup>3</sup> Yure ti maicõri ĩ oca muare gotirocare yure cũñi Dios. Ito bajiri ado bajiro muare gotia yũ. Mani ĩre tuorãnurã ñajare manire moare cũñi ĩ. “ĩre yũ moa ĩsi masitoni yure ejabuagu yigũji Dios”, mani yi tuoĩaroca yami Dios. Ito bajiri, “Yumasi queno Diore moa ĩsia yũ”, yi tuoĩabitirũja manire. Ado bajirojua mani tuoĩaja quena. “Dios ĩ ejabuarisena riti queno moa masia yũ”, yi tuoĩarũja manire. <sup>4</sup> Mani ya ruju jaje ña. Tite mua. ãmo, cajea, gãmorõ, gũbo jaje ña mani ya ruju. Co ruju gaye ricati riti moare cutia mani ya ruju. Tite mua. Cajeana ti, gãmorõna tuo, ãmona ãmi, gũbona wa ya mani. <sup>5</sup> Ito bajiroti bajaia mani Jesucristore tuorãnurã. ĩre tuorãnurã ñari ĩ ya ruju robo bajirã ña mani. Ito bajiri jãjarã ñabojarãti sigũre bajiro tuoĩacõri gãmeri ejabua mani. Ito yicõri mani yagu sigũ ĩ manija gãmeri godo cutia mani.

<sup>6</sup> ĩãmorõ bajiro mani jeyarore, ricati riti mani moa masirotire jidicãñi Dios. Dios manire jidicãre mani moa masirisena ĩre queno moa ĩsirũja manire. Dios ĩ oca gotiroti gayere muare ĩ jidicãja, Cristore mua tuorãnurõcõ gotija quena. <sup>7</sup> Gãjerãre ejabuare gaye manire Dios ĩ jidicãja, gãjerãre queno ejabuaja quena. Ito yicõri, no riasore gaye boca ãmigũ gãjerãre queno riasoja quena. <sup>8</sup> Gãjerã oca sãoroca yi masigũ, queno yija quena. No gãjerãre ĩ ĩsi ãmoja, queno wanũ quenaro jairo ĩsija quena. No rotigũ quenoti rotija quena. No bojori bujarãre ejabuagu, wanũ quenare rãca ejabuaja quena.

### *Cristore tuorãnurã ado bajiro ñaja quena, yire gaye.*

<sup>9</sup> Bugũti gãjerãre mai ruobesa. Gãjerãre maisagũti maija quena. Ñeñaro yirere ti tecõri jidicãña. Quenarise riti yi ãmoña. <sup>10</sup> Cristore tuorãnurã ñari sigũ rĩa robo bajiro gãmeri queno ti maiña. Ito bajiro yicõri queno gãmeri rucabuoya mua.

<sup>11</sup> Dios moare gaye muare ĩ cũre tuoĩa wanucõri moaja quena. Diore wanurã ĩ ãmorõ bajiroti ĩre queno moa ĩsiña mua.

<sup>12</sup> “Guare queno yigũ yigũji Dios”, yi tuoĩa yurã ñari, queno wanũ quenaro ñaña mua. Mua tõbujaja, ñemecutiya. Muare oca ñaja, usiriobeja. Ito yicõri Diore busi jidicãbeja mua. ĩre mua busisotija quena.

<sup>13</sup> Cristore masirã ĩna bojoro bujaja, ĩnare ĩsima. Mua ya wi ejarãre queno boca ãmima.

<sup>14</sup> Jesure masirã mua ñajare gãjerã ñeñaro muare ĩna yija, ñeñaro ĩnare busitubeja. Dios ĩnare queno yitoni, Diore senima mua.

<sup>15</sup> Gãjerã queno ñna wan̄ quenaja, queno corocõ ñna rãca wan̄ma m̄a c̄ni. Gãjerã ñna bojori bujaja, cocati bojori bujaba m̄a c̄ni.

<sup>16</sup> Gãjerã jeyarore queno ti mai ñaña m̄a. “Ñna rêto busaro queno yirã ña mani”, yi tuoĩabesa m̄a. “Ñsamena ñama ñna”, gãjerã yianare c̄ni baba c̄ticõri, queno wan̄ quena ña m̄a. “Gãjerã rêto busaro masia ȳ”, yi tuoĩabesa.

<sup>17</sup> Gãjerã ñeñaro m̄are ñna yija, ñnare gãmebeja m̄a. Quenarise riti yiya m̄a, gãjerã, “Ñeñaro yirã ñama”, ñna yibititoni. <sup>18</sup> Gãjerã rãca gãmeri ti tudibesa m̄a. Ado bajiroj̄na m̄a yija quena. Queno m̄a yi masirise yiya, masa jeyaro rãca queno m̄a ñtoni. <sup>19</sup> Queno tuoya ȳ ñarã m̄a. Gãjerã ñeñaro m̄are ñna yibojarocati ñnare ñeñaro yibeja m̄a. M̄are ñeñaro yirãre ñeñaro ñna t̄bujaroca yi masiami Dios, ñnaõnare. Ì oca tutina ado bajiro gotiami Dios: “Ȳ ña, masa ñna ñeñaro yire waja, ñeñaro ñna t̄bujaroca yiri mas̄. ñna ñeñaro yire waja, ñnare waja senigũ yigũja ȳ”, yiari gotiami mani Ūj̄ Ì oca tutina. <sup>20</sup> Gaje ado bajiro gotia Dios oca: “M̄a wajac̄ Ì ñiocõja, ñre bare ecaya. Ì idi ãmoja, ñre ioya. Ìto bajiro m̄a yija, m̄a wajac̄ ñeñaro yi ãmogũ, m̄are bojobjaja tigu yiguĩji”, yi gotia Dios oca tuti. <sup>21</sup> Gãjerã ñeñaro m̄are ñna yibojarocati ñnare ñeñaro yibeja m̄ama. ñnare quenarise riti yiya m̄a. Ìto bajiro m̄a yija ticõri, ñna ñeñaro yirisere jidicãrã yirãji gajea.

## 13

<sup>1</sup> Dioti ñami mani ujarãre c̄uri mas̄. Dios Ì c̄ana ñajare, mani ujarãre yiyo robo c̄diruja manire. <sup>2</sup> Ujarãre ti tujabic̄, ñna rotitoni Dios Ì c̄anare c̄digũc̄ũ meje ñami Ìocũ. Ìto bajiro c̄dimenare, ñna t̄bujaroca yigũ yiguĩji Dios. <sup>3</sup> Queno yiri masare gũiri masa meje ñama rotiri masa. Ñeñaro yiri masaj̄are gũiri masa ñama rotiri masa. Ìto bajiri quenarise riti yiya m̄a. Quenarise riti m̄a yija ticõri, m̄are ti wanurã yirãji m̄a ujarã. <sup>4</sup> Mani queno ñtoni rotiri masare c̄ũni Dios. Mani ñeñaro yija, gũirã yirãji mani. “Ȳ ñeñaro t̄bujaroca yigũ yiguĩji”, yi tuoĩacõri gũirã yirãji mani. Ñeñaro yirãre ñna t̄bujaroca yironare rotiri masare c̄ũni Dios. <sup>5</sup> Ìto bajiri juaji tuoĩare gaye tuoĩacõri rotiri masare ñna yiyo bajiroti c̄dirona ña mani. “Ȳ c̄dibeja ticõri, ȳ t̄bujaroca yigũ yiguĩji Dios”, yi tuoĩarã c̄dija quena. Ìto yicõri, “Ȳ c̄dija ñti ña queno yire gaye”, yi tuoĩacõri, ñna yiyo bajiroti c̄diruja manire. <sup>6</sup> Rotiri masa ñna moarise yiyo robo ñna moaja, Diore yiari moa ñsirã yama ñna. Ìto bajiro ñna yitoni ñnare c̄ũni Dios. Ìto bajiri rotiri masa ñna waja senija, ñnare waja yija quena.

<sup>7</sup> M̄a waja ruyuriorãre c̄ni waja yiya. Ujarã ye niyeru seni ñsiri masare waja yiya. Gaje ujarã ñna waja yirotiya, ñna rotiro bajiroti waja yiya. Ìto yicõri ñna yiyo bajiroti yiya m̄a. M̄a ujarã ñarocõreti ruc̄buoya. <sup>8</sup> Gãjerãre waja ruyuriobesa. S̄igũre ruyabete gãmeri ti maisotiya. Ìto bajiro gãmeri m̄a ti mairise jidicãbeja m̄a. No Ì tũ gãnare ti maigũ, Dios Ì rotirise c̄digũti ñami Ìocũ Ìja. <sup>9</sup> Dios Ì rotirise ado bajiro gotia: “Gãji manojore ajebesa. Gãjerãre siabesa. Rinibesa. Ìto yicõri gãji ya gajeonire ti uobesa”, yi gotia Dios Ì rotire. Dios Ì rotirise ñarocõti ado bajiro riti gotia: Gãjerãre m̄a ti maija, ñnare ñeñaro yimenaji m̄a. Ìto yicõri ñnare m̄a ti maija, Dios Ì rotirise c̄di jeorã ñarã yirãji m̄a. Ìto bajiri muamasiti m̄a mairo bajiroti, m̄a tũ gãnare c̄ni ti maiña. <sup>10</sup> No Ì tũ gãnare ti maigũ, ñnare ñeñaro yibic̄ yiguĩji. Ìto bajiri mani tũ gãnare mani ti maija, ñarocõti Dios Ì rotirise c̄dirã ñarã yirãji mani.

<sup>11</sup> Dios ĩ rotiro bajiro riti yiruja manire. Ñamicaju ña ĩja. Nocō mejeti mani Ɔju ejaɣu yiguĭji manire āmi warocu. Ito bajiri ña yucāruja manire. Cajero ĩ oca mani tuorānuja, “Co ruma tūdi ejaɣu yiguĭji Jesús”, yi tuoĭacu mani. Ito bajibojarocati adi ruma, “Nocō mejeti ruja manire ĩ masogū ejaroto”, yi tuoĭa masia mani ĩja. <sup>12</sup> Adocāta ñami bajiro bajia, masa ñeñaro ĩna yija. Ñami rēta waju, nocō mejeti mani Ɔju ĩ tūdi ejaroti ruma ejaroyroja. Itocōti ejaɣu yiguĭji ĩ. Ito bajiri ñeñaro mani yire gayere jidicāruja manire. Gājerā rāitiaroju ñeñaro ĩna yiro bajiro yibitiruja manire. Ado bajirojuja yiruja manire. Quenarise riti yiruja, busuro ñarā queno ĩna yiro bajiro. <sup>13</sup> Quenarise riti yiruja manire, masa ĩna tiro riojo queno mani yiro bajiro. Basa ĩna meniroyu wabitiruja manire. Ñeñaro ĩna ajeroju mecabitiruja manire. Gāji manojore ajebitiruja manire. Mani ya ruju ñeñaro iti tuoĭaro bajiroti ñeñaro yibitiruja manire. Gājerāre tudibitiruja manire. Gājerā mani rētoro ĩna masija ticōri, ĩnare ti junisinibitiruja manire. <sup>14</sup> Ado bajirojuja mani yija quena. Mani Ɔju Jesucristore tuorānuja manire. ĩti ñami manire ejabuagu, mani ñeñaro yibititoni. Ito bajiri ĩ ejabuarisena mani ya ruju ñeñaro iti tuoĭaro bajiroti yi uyabitiruja manire.

## 14

### *Cristore tuorānuāre busitubesa, yire gaye*

<sup>1</sup> Queno Jesure tuorānu sabicu ñabojaguti sīgū mua rāca ĩ ña āmoja, ĩre boca queno āmiña mua. “Ito bajiro bajigu ñami”, yi ti masicōri ĩ rāca gāmeri busi tuoĭabeja ñasabitire. <sup>2</sup> Ado robojuja bajia ñasabiti gaye. Coriarā Jesure masirā, “Jeyaro mani baja cūni quena ña”, yi tuoĭama ĩna. Gājerā queno Jesure masisamenama, “Waibucu ri ba jidicāruja. Ote gaye riti mani baja quena”, yi tuoĭama ĩna. <sup>3</sup> Ñarocōti jeyaro barā, gājerā ba jidicāre busitubiticōruja ĩnare. Ito bajiroti ba jidicārājuja cūni, jeyaro barāre busitubiticōruja. Cristore tuorānu cōri, Dios ñarā ñama ĩna ĩja. Ito bajiri ĩnare busiture ma. <sup>4</sup> Jesure tuorānuāre, Diore moa ĩsiri masa ñama ĩnaōna. ĩna ujarā meje ña mua. Dios ñami ĩna uju. Ito bajiri Dios ĩna uju ñari, “Queno ya mua yure”, ito yicōri, “Queno yibeā mua yure”, yiguĭji ĩ. Dios sīgūti ĩre moa ĩsiri masare ĩna queno yitoni yi masiami.

<sup>5</sup> Coriarā Jesure masirā ado bajiro tuoĭama: “Adi ruma Diore rūcubwora ruma ñasari ruma ña gaje ruma rētoro”, yi tuoĭama ĩna. Gājerāma ado bajiro tuoĭama: “Co ruma ruayabeto corocō Diore rūcubworuja mani”, yi tuoĭama ĩna. Mani jeyaro sīgū ruayabeto, “Yu yisotire, ñeñarise meje ña”, yi masiruja manire.

<sup>6</sup> Sīgū, “Adi ruma ña ñasari ruma”, yi tuoĭagū, ito bajiro yami mani Ɔjure rūcubwogu. Gāji, “Co ruma ruayabeto corocōti ña”, yi tuoĭagū, ĩ cūni Diore rūcubwore gayeti ito bajiro yami. Gāji jeyaro bāgu, Diore rūcubwocuti bami ĩcū cūni. ĩ baja, “Queno ya Dios mu”, yiguĭji ĩ. Gāji waibucu ri ĩ ba jidicāja, ito bajiro yami ĩ cūni Diore rūcubwogu. “Queno ya Dios mu”, yiguĭji ĩ cūni.

<sup>7</sup> Mani Cristore masirā, mani tuoĭarise riti yi āmorā meje ña mani. Ito bajiri, “Yu āmori ruma godacuja ya”, yimenaji mani. <sup>8</sup> Mani catirocō, mani Ɔju Cristo ĩ āmoro bajiro yirona ña mani. Ito yicōri ĩ āmorocō godarāji mani, ĩ rāca ñarona. Ito bajiri mani catija cūni, mani godaja cūni Cristo ñarā ña mani. <sup>9</sup> Ado robojuja bajia. Cristo godacōri mucana tūdi catiñi godarā uju ñarocu, ito yicōri catirā uju ñarocu cūni.

<sup>10</sup> ¿No yija gājerā Jesure masirāre seti yiati mua? ¿No yija gājerā Jesure masirāre ñeñaro tuoĭa busiati mua? Mani ñarocōti Cristo riojo ñarā yirāji mani,

mani queno yigore, mani ñeñaro yigore cuni, ĩ cõiatoni. Iti masicõri mani ñaräre, “Īnare seti ña”, yibitiruja manire. <sup>11</sup> Ado bajiro gotia Dios oca tuti: Catia yu. Ito bajiri yu gotirise riti ña. Masa jeyaro yu riojo, rijomunigãna ñini rüjürã yirãji, yure räcuborona. Sīgũ ruyabeto, “Dios ña mu”, yirã yirãji, yi gotia Dios oca tuti.

<sup>12</sup> Iti tuoõri, “Mani jeyaro sīgũ ruyabeto, jeyaro mani yigorore Diore goti rëtorã yirãji mani”, yi tuoõa mani.

### *Cristore tuorãnurãre ĩna jidicãroca yibesã, yire gaye*

<sup>13</sup> Ito bajiri gãmeri busitubiticõruja manire. Ado bajirojua quenarise riti yiruja manire. Ito yicõri mani räca gãna Cristore masirã, ĩna ñeñaro yiroca yimenaji mani. <sup>14</sup> Yũama Cristore masigũ ñari, “Jeyaro yu baja quena ña”, yi tuoõa yu. “Iti yu baja, ñeñarise ña”, yi tuoõlabojaguti ĩ baja, ñeñaro yigu yami ĩocũ. <sup>15</sup> Sīgũ Cristore masigũ, “Rëore gaye ña”, ĩ yi tuoõarise mani baja ticõri, bojori bajagu yiguõji gajea. Ito bajiri ĩ bojori bujaroca mani yija, ĩre ti mairã meje ña mani. Īnaõnare yĩari cuni goda ĩsiñi Cristo. Ito bajiri sīgũ Cristore masigũ mani baja ticõri, Cristore ĩ jidicã ãmoja, babiticõruja itire. <sup>16</sup> “Gua yirise quena ña”, yi mua tuoõabojarocati, “Ñeñaro yama ĩna”, yi gãjerã muare ĩna busituja, yibeja itire. <sup>17</sup> ĩre tuorãnurãre riti ĩ rotiroju miojugu yiguõji Dios. Ito bajiri mani barise cuni, mani idirise cuni ñasarise meje ña. Mani Uju ĩ rotiro bajiro mani cãdija, iti ña ñasarise. Ito yicõri gãjerã räca queno mani ñaja, iti ña ñasarise. Espiritu Santo mani wana quenaroca ĩ yija, iti cuni ñasarise ña. <sup>18</sup> Cristo ĩ ãmoro bajiroti mani yija, “Queno yirã ñama ĩna”, yigu yiguõji Dios. Ito yicõri masa cuni ito bajiroti yirã yirãji.

<sup>19</sup> Ito bajiro yiruja mani, gãjerã räca ñe oca manoti queno mani ñatoni. Ito yicõri gãmeri ejabuato mani, Cristore buto busa tuorãnũana yirona. <sup>20</sup> Sīgũ, “Rëore gaye bama ĩna”, yi wacu Diore ĩ jidicã ãmoja, babitiruja mani. Bare jeyaro mani baja quenarise ñaroja. Ito bajibojarocati gãji, “Rëore ña iti”, yi wacu, mani baja ticõri, Cristore ĩ jidicã ãmoja, babitiruja mani itire. <sup>21</sup> Gãji Cristore masigũ, rëore gaye mani baja ticõri, ito yicõri ayẽ ide mani idija ticõri, Cristore jidicãgũ yiguõji gajea. Ito bajiri Cristore ĩ jidicãbititoni, jeyaro rëore gaye babitiruja manire. Ito yicõri idire idibitiruja manire. Mani yirise ticõri, Cristore ĩ jidicã ãmoja, yibitiruja mani itire. <sup>22</sup> “Jeyaro yu baja quenaroja”, mani yi tuoõaja, Diore riti gotija quena. No, “Yu yisotirise quena ña Dios ĩ tiro riojo”, yi masigũ, wana quenagũ ñami ĩocũ. <sup>23</sup> No, “Yu baja quenabetoja iti”, yi masibojaguti, ĩ baja, seti ñaroja ĩre. “Yu baja quenabetoja gajea”, yibojaguti, ĩ bajare seti ñaroja ĩre. “Yu yija quenabetoja gajea”, yibojarãti, mani yija, seti ñaroja manire.

## 15

### *Mani ñaroti gaye riti meje tuoõaja quena, yire gaye*

<sup>1</sup> Mani Diore queno tuorãnurã, gãjerã queno Diore tuorãnũsamenare ejabuãruja manire, ñeñaro ĩna yibititoni. “Rëore ña”, ĩna yi tuoõare gaye yibiticõruja mani. Ito yicõri mani wanaroti gaye riti yibitiruja manire. <sup>2</sup> Ado bajirojua yiruja manire. Mani tu ñaräre ĩna wana quenaroca yiruja manire. Ito yicõri ĩnare queno yiruja mani, Diore buto busa ĩna tuorãnũtoni. <sup>3</sup> Cristo cuni ĩ rioti ĩ wanaroti gayere yibisĩ. Ado robojua bajiyija. Dios oca tuti ucare bajiroti rëtayija. Ado bajiro yiyiju Cristo, ĩ Jacare: “Jeyaro ñeñarise mare ĩna busigoreti, yure rëtacu ĩja”, yi ucare ñayija jane mejejutu. <sup>4</sup> Jane mejeju Dios ĩ busigore ucare ñayija. Quenarisejuã mani yi riasotitoni bajiyija iti. Ito bajiri

itire mani riasotija, ñeñaro tōbujabojarāti usiriomenati ñemecaticōrāji mani. Ito yicōri queno wanu quenarā yirāji mani. “Dios ī goticādo bajiroti jeyaro rētarō yiroja”, yi tñoia yucōri, queno wanu quenarā yirāji mani. <sup>5</sup> Dios ñami mani ñemecaticōra yigu, ito yicōri mani tñoia oca sēoroca yigu. Sīgāre bajiro mña tñoia wanaroca yijaro ī, Cristo ī āmoro bajiro. <sup>6</sup> Mani Uju Jesucristo Jacu Diore mña rūcubūotoni, ito bajiro yijaro Dios mñare. Ito yicōri sīgāre bajiro usi cūticōri, “Ī ñami rētoro masigū”, mña yi tñoiatoni, ito bajiro yijaro Dios mñare.

*Judio masa mejere cūni Pablo Cristo oca ī gotire gaye*

<sup>7</sup> Cristo manire ī boca āmiado bajiroti, gājerāre boca āmiña mña cūni. Ito bajiro mña yija, masa mñare tirā riti, “Queno yigu ñami Dios”, yirā yirāji ina. <sup>8</sup> “Adi macārucārojare judio masare ejabuagu wadiñi Cristo”, ya yu mñare. Ito bajiro yiñi Cristo, “Jane mejeju gānare Dios ī goticādo bajiroti yiñi”, mani yi masitoni. <sup>9</sup> Gaje ado bajiro wadiñi Cristo. “Masare ti maigū ñari rētoro queno yigu ñami Dios”, judio masa mejere cūni ina yi masitoni, ado wadiñi Cristo. Dios oca tuti iti gotiādo bajiroti ado bajiro gotiñi Cristo Diore: Judio masa mejere tūoro riojo, “Mu ña rētoro masigū”, yi mure rūcubūogu yigujaja yu. Mure rūcubūogu mu wame basa sēacuja yu, yiyiju Cristo Diore. Ito bajiro yi ucare ñayija jane mejejuti.

<sup>10</sup> Ito yicōri gaje ado bajiro ucare ña: Mña judio masa mejere cūni, Dios ñarā judio masa rāca wanu quena ña mña, yiari ucare ñayija.

<sup>11</sup> Ito yicōri ado bajiro ucare ñayija gaje: Judio masa mejere, ito yicōri masa jeyaro, “Rētoro queno masigū ñami Dios, ito yicōri rētoro queno yigu ñami Dios”, yi rūcubūojaro ina, yi ucare ñayija.

<sup>12</sup> Isaías ñayoru ado bajiro ucañi: Isai ñayoru janerābatia janami sīgū rujeagu yiguñi. Judio masa mejere uju ñagū yiguñi ī. Īre tūorūncōri, “Manire masogū yiguñi”, yirā yirāji ina, yi ucare ñayija.

<sup>13</sup> “Dioti ñami manire masorocū”, yi tñoia mani. Īre senia yu, mña Īre tūorūncōri queno corocō mña wanu quenatoni, ito yicōri queno corocō mña ñatoni. Gaje Īre senia yu. “Espiritu Santona sūoriti manire masogū yiguñi”, yi mña tñoia wanatoni Diore senia yu.

<sup>14</sup> Yu ñarā, queno yirā ña mña, ito yicōri Cristo gayere queno masirā ña mña. Ito bajiri gāmeri riaso masia mña. Yi tñoiasacōa yu itire. <sup>15</sup> Ito bajibojarocati adi paperana mñare oca sēo būsaro gotia yu. Ito bajiro mñare ya yu, mña tūogore mña tūo bujatoni, ito yicōri mña ācabojabititoni. Sēoro mñare papera cōa yu, Dios yure ti maicōri ito bajiro ī cūjare. <sup>16</sup> Mña judio masa mejere cūni Cristo oca quenarise riasotoni yure cūñi Dios. Cristore tūorūñajaro ina, yirocu mñare riasocu yu. Adocāta Īre tūorūñarā ñari Espiritu Santona sūoriti Dios ñarā ña mña ĩja. Ito bajiri queno wanu quenacōri mñare boca āmigū yiguñi Dios. Itire tñoiagū mñare riasoa yu.

<sup>17</sup> Jesucristore tūorūncōri Diore moa ĩsia yu. Ito bajiri wanu quenacōri, “Jesucristo ī ejabuarisena Diore queno moa ĩsia yu”, yi tñoia yu. <sup>18-19</sup> Iti riti mñare gotia yu. Yure ejabuañi Cristo, mña judio masa mejere cūni Īre mña cūdiroca yu yitoni. Yu riasore gaye tūocōri, queno yu yire gaye ticōri, ito yicōri Espiritu Santona sūoriti tiyamani yu yija ticōri, Cristore tūorūñayija mña ĩja. Ñaro bajiroti Cristo oca quenarise riasocu yu. Jerusalénjuna yu goti wadija, gaje cūtori jeyaro goticōri, ĩlirijaju goti ejaču yu itire. <sup>20</sup> Cristo gaye ina tñoiamena ñaraju, Cristo masare ī masore gaye ĩnare riasogu wasoticu yu.



Gājerā Īna riasocādojure, riasogū wa āmōbiticu yu. <sup>21</sup> Ito bajiro yu yija, Dios oca tuti iti ucado bajiroti bajicu. Ado bajiro gotia:

Ī oca tūobitiana tūorā yirāji. Ito yicōri tūo rētoburā yirāji, yi ucare űayija.

### *Romajū Pablo ĩ wa āmore gaye*

<sup>22</sup> Jaje cūtori yu riaso ucure űajare mūa tū wa āmōbojaguti wa masibiticu yu maji. <sup>23</sup> Adi sitajure moare tūocoa yu ĩja. Canū meje mūa tū wa āmōbojaguti, wa masibiticu yu maji. Ito bajiri adocāta mūa tū wacu ya yu ĩja. <sup>24</sup> Españaju wacu, mūare ti rēta wacu yigūja yu. Mūa rāca yu wanū quenaja bero yure mūa ejabuare āmoa yu, España yu eja masitoni. <sup>25</sup> Ito bajibojarocati cajero Jerusalēnju wacu ya yu maji, Cristore tūorānuri masare niyeru āmi wacu. <sup>26</sup> Macedonia sita gāna, ito yicōri Acaya sita gāna cūni, ado bajiro tūoĭayjarā ĩna: “Jerusalén gāna Jesure masirā, bojoro bujarā yirāji coriarā. Ito bajiri niyeruna ĩnare ejabuaruja mani”, yi tūoĭayjarā ĩna. Niyeru miojucōri yure ĩsicā ĩna. Ito bajiri iti niyeru Jerusalén gānare ĩsigū wacu ya yu. <sup>27</sup> Macedonia sita gāna, ito yicōri Acaya sita gāna, judio masa meje űabojarāti, “Jerusalén gāna judio masare, ĩnare ejabuaruja mani”, yi tūoĭayjarā ĩna. Cajero maji judio masa meje cūni Dios masare ĩ masore gaye riasoyjarā judio masa maji. Ito bajiri adocāta judio masa meje űarā judio masa bojoro bujarāre, ejabuaja quena. <sup>28</sup> Jerusalén gāna Jesure masirāre iti niyeru yu ĩsija bero, Españaju wacu mūare ti rēta wacu yigūja yu. <sup>29</sup> Mūa tū ejacōri Cristo gayere yu riasoja, mūa wanūroca yigū yigūji Cristo.

<sup>30</sup> Yu űarā Cristore tūorānūrā űa mūa. Ito yicōri Espiritu Santona űoriti gāmeri ti maia mūa. Ito bajiri yure yiari Diore mūa senitoni mūare űsirio codea yu. <sup>31</sup> Judea gāna Jesure masimena yure űeűaro ĩna yibititoni, Diore būsi ĩsiűa mūa, yure yiari. Ito yicōri gaje ado bajiro Diore seniűa, Jerusalén gāna Cristore masirā, buto wanū quenacōri, yu niyeru āmi warise ĩna boca āmitoni. <sup>32</sup> Ito bajiro yure yiari mūa būsi ĩsija, Dios ĩ āmore bajiroti mūa tū wanū ejaġu yigūja yu. Ito yicōri queno űsi cuticōri gāmeri ejabuara yirāji mani. <sup>33</sup> Mani sajari oca cutiroca yigū űami Dios. Mūa rāca űatıűajaro Dios, ya yu. Ito bajiro riti bajitıűajaro.

## 16

### *Quenajaro masa, Pablo ĩ yi űucare gaye*

<sup>1</sup> Mani yago Febe wame cutigo mū tū ejaġo yigōji. Queno yigo űamo iso. Cencrea wame cutiri cuto gāna Jesure masirā rāca Diore yiari moa ĩsiri maso űamo iso. <sup>2</sup> Jājarāre ejabuāni iso. Ito yicōri yure cūni ejabuacō iso. Mani Ĥjare tūo mairā űari, isore queno boca āmima mūa. Mani Cristore masirā űari, gājerā Cristore masirāre mani gāmeri boca āmija quena. Ito bajiri isore boca āmicōri, jeyaro mūa ejabuaroacō isore ejabuaba.

<sup>3</sup> Quenajaro Aquila, ito yicōri ĩ manojō Priscila cūni. Jesucristo gaye yu riasotoni, queno yure ejabuacā ĩna. <sup>4</sup> Yure gājerā sĭa āmorā ĩna josaja, yure ejabuabojari godacobocā ĩna. Ito bajiri, “Quenoguti yicā ĩna”, ya yu ĩnare. Yu sĭgū meje, “Queno yicā”, ya yu. Judio masa meje cūni Cristore masirā, ito bajiroti yama ĩna cūni. <sup>5</sup> Quenajaro, Diore rācubūorona Aquila ya wĭ minijuarā. Quenajaro yu rāca gaġu yu baba, Epeneto cūni. ĩ űami cajero Asia sita gaġu Cristore tūorānūűorū. <sup>6</sup> Quenajaro mani yago María cūni. Yoari mūa rāca moaűi iso. <sup>7</sup> Gūa comasi űarā cūni, Andrōnico, ito yicōri Junias cūni, Quenajaro. ĩna rāca tubiara wĭju űacu gūa. Ito yicōri yu riojua būsa Cristore

tuorānūsōfi ĩna. “Queno yirā ñama Andrónico, ito yicōri Junias cūni”, yama Cristo ĩ cūana.

<sup>8</sup> Quenajaro yu baba Ampliato cūni. Mani Ūju yagu ĩ ñajare bato ĩre maia yu. <sup>9</sup> Quenajaro Urbano cūni. Mani rāca Cristore moa ĩsigū ñami ĩ. Quenajaro yu baba yu maigū Estaquis cūni. <sup>10</sup> Quenajaro Apeles cūni. Jeyaro ĩ moagore ticōri, “Cristore queno tuorānugū ñami ĩ”, yī tuoĭa mani. Quenajaro Aristóbulo cūni, ĩ ya wī gāna ñarocōti. <sup>11</sup> Quenajaro gua comasi, Herodión cūni. Quenajaro Narciso cūni, ĩ ya wī gāna ñarocō Cristore masirā cūni. <sup>12</sup> Quenajaro Trifena, ito yicōri Trifosa cūni. ĩna romia jārā ruje moacā mani Ūju Jesure yiari. Quenajaro mani yago Pérsida cūni. Iso cūni ruje mani Ūjare yiari moacō. <sup>13</sup> Quenajaro Rufo cūni. Masa jeyaro, “Buto Cristore tuorānugū ñami ĩ”, yama ĩna. Quenajaro ĩ jaco. Yu jacoōcōti ñamo iso cūni yare. <sup>14</sup> Quenajaro Asíncrito, Flegonte cūni, Hermas cūni, Patrobas cūni, Hermes cūni. Ito yicōri ĩna rāca Cristore tuorānurā ĩnacōti quenajaro. <sup>15</sup> Quenajaro Filólogo, Julia cūni, Nereo cūni, ito yicōri ĩ ocabajio cūni, Olimpás cūni. Ito yicōri ĩna rāca Cristore tuorānurā ĩnacōti quenajaro.

<sup>16</sup> Mani comasi Cristore masirāre queno wanūcōri gāmeri boca āmima mūa. Cristore tuorānurā ñarocōti, “Quenajaro”, yama mūare.

<sup>17</sup> Yu ñarā ado bajiro gaje mūare gotigu ya yu. Coriarā ñama masa batatoni oca menirā. Ito yicōri Jesús gayere ĩna riasoja, mūa tuogore bajiro meje riasoama ĩna. ĩnare mūa tuoja, “Roya”, yirocū mūare gotia yu. ĩnare camotadiya mūa. <sup>18</sup> Mani Ūju Cristore yiari meje moama ĩna. ĩna tuoĭaro bajiroti yama ĩna. ĩna busija, buroti quenarise bajiro ruyua. Quenarise meje ña iti. Ito bajiri queno tuo masimena ĩna busirisere tuorānubojama ĩna. <sup>19</sup> “Dios oca queno cudirā ñama ĩna”, yama masa jeyaro mūare. Ito bajiri mūare wanūa yu. Quenarise gaye riti mūa yire āmoa yu. Ito yicōri cojirea ñeñarise mūa yimena ñare āmoa yu. <sup>20</sup> Dioti ñami mani queno corocō ñaroca yigu. Nocō mejeti rāmūa ūju Satanásre mūa rētocūroca yigu yiguĭji Dios mūare. Mani Ūju Jesucristo queno mūare yijaro.

<sup>21</sup> Yu rāca moagū Timoteo, “Quenajaro”, yami mūare. Ito yicōri gua comasi Lucio, Jasón cūni ito yicōri Sosípater, “Quenajaro”, yama ĩna mūare.

<sup>22</sup> Yu Tercio, Pablo ĩ rotiro bajiro adi papera menia. Yu Jesure masigū ñari, mūa Jesure masirāre, “Quenajaro”, ya yu.

<sup>23</sup> Gayo cūni, “Quenajaro”, yami mūare. ĩ rāca ĩ ya wiju ña yu. Ado ĩ ya wiju Jesure masirā minijuasotiana ĩna. ĩna cūni, “Quenajaro”, yama mūare. Ito yicōri Erasto, adi cuto gagu niyeru seori masu, “Quenajaro”, yami mūare. Ito yicōri mani rāca gagu Cristore masigū Cuarto wame cūtiyu “Quenajaro”, yami mūare.

<sup>24</sup> Mani Ūju Jesucristo, mūa ñarocō jeyarore queno mūa ñaroca yijaro. Ito bajiro riti bajitūñajaro.

### *Diore rūcūbūorūja manire, Pablo ĩ yisū sare gaye*

<sup>25</sup> Diore rūcūbūorā ñari, “Queno yigu ñami ĩ. Rētoro masigū ñami ĩ”, Diore yī rūcūbūorūja mani. ĩ ocare queno mūa tuorānūja, mūa tuoĭa oca sēoroca yī masiguĭji Dios. Iti oca ña, Cristo masare ĩ masore gaye, yu riasorise. Cajerojuti jane mejeju masare riasore meje ñayija iti. <sup>26</sup> Ito bajibojarocati adocāta masirāji masa itire, Dios oca gotiri masa itire ĩna ucajare. Masa jeyaro iti oca tuorānūcōri ĩna cuditoni, Dios catitūñagū, iti oca riasore gaye cōāni.

<sup>27</sup> Jesucristore tuorānurā ñari, “Buto masigū ñami Dios. ĩ sīgūti ñami jeyaro masigū”, yī rūcūbuotūñarūja manire. Itocō ña.

## Primera carta de San Pablo a los Corintios

### *Corinto cuto gānare Pablo ĩ papera cōare gaye*

<sup>1</sup> Nati Corinto cuto gāna m̄ua. Ȳu ña Pablo. Sóstenes mani yagu rāca, “Quenajaro”, ya ḡua. Dios ĩ amoro bajiroti Jesucristo ocare yu riaso ucutoni yure cūñi ĩ. <sup>2</sup> M̄ua Corinto cuto gāna c̄uni Dios ñarā ña m̄ua. Ito bajiri adi papera cōa yu m̄uare. Jesucristore t̄wor̄un̄arā ñari Dios ñarā ña m̄ua. Dios m̄uare beseñi ñeñarise yimenati m̄ua ñatoni. No mani Ʋ̄ju Jesucristore t̄wor̄un̄arāti ito bajiroti ĩna ñare āmogūji Dios. Mani Ʋ̄ju ñami Jesucristo. No ĩre t̄wor̄un̄arāre ĩna Ʋ̄ju ñami Jesucristo. <sup>3</sup> Mani Jac̄u Dios, ito yicōri mani Ʋ̄ju Jesucristore c̄uni senī ĩsia yu m̄uare yiari. M̄uare ĩna queno yijaro yiroc̄u ĩnare senia yu. M̄ua ya us̄iju queno m̄ua wan̄u quenatoni m̄uare yiari ĩnare senia yu.

### *Cristore t̄wor̄un̄arāre Dios ĩ queno yire gaye*

<sup>4</sup> Jesucristo ĩ goda ĩsiraj̄na s̄woriti queno yami Dios m̄uare. Ito bajiro ĩ yijare, “Queno ya Dios m̄u”, yisotia yu ĩre. <sup>5</sup> Cristore t̄wor̄un̄arā m̄ua ñajare queno m̄uare ejabuami Dios. ĩ gayere queno m̄ua t̄wo r̄etobutoni ito bajiro yami Dios. Ito bajiri m̄ua busirise, m̄ua masirise c̄uni queno m̄ua masi r̄eta budiroca yami ĩ. <sup>6</sup> “Jesucristore m̄ua t̄wor̄un̄aja, mama us̄i m̄uare wasoagu yigūji ĩ”, yu yiado bajiroti baja m̄uare. <sup>7</sup> Ito bajiri Jesucristo mani Ʋ̄ju ĩ ejari r̄um̄u mani bocatiroca queno yi ñaḡu yigūji Dios manire. Ito bajiro manire queno ĩ yijare ñejua r̄uyabeto yiroja manire, ĩre mani moa ĩsi masitoni. <sup>8</sup> Mac̄ar̄uc̄aro iti jediroto riojua Jesucristore mani t̄wor̄un̄u jidic̄abitoni manire ejabuagu yigūji Dios. Ito bajiri Jesucristo mani Ʋ̄ju ĩ t̄udi ejari r̄um̄u, “Seti cutirā ñama ĩna”, s̄īḡuj̄ua yi masimena yir̄aji ĩna manire. <sup>9</sup> “Ado bajiro yigū yigūja yu”, ĩ yiado bajiroti yigū yigūji Dios. Dios ĩti ñami manire beseru. ĩ Mac̄u Jesucristo mani Ʋ̄ju rāca s̄īḡure bajiro mani queno ñatoni manire beseñi Dios.

### *Corinto cuto gāna ricati riti ĩna t̄woĩare gaye*

<sup>10</sup> T̄woya yu ñarā m̄ua. M̄uare yu gotitoni yure cūñi mani Ʋ̄ju Jesucristo. ĩre t̄wor̄un̄arā ña m̄ua. Ito bajiri s̄īḡure bajiro m̄ua t̄woĩaja quena. Ricati riti t̄woĩabesa m̄ua. Ado bajirojua m̄ua yija quena. S̄īḡure bajiro t̄woĩac̄ori oca manoti queno m̄ua ñaja quena. <sup>11</sup> “Ricati riti t̄woĩama ĩna”, Cloé mesa ĩna yija t̄woc̄ori, iti m̄uare busia, yu ñarā yu. <sup>12</sup> Ado bajiro yure goticā Cloé mesa: “Ricati riti t̄woĩama Corinto cuto gāna. Tite m̄u. ‘Pablore t̄wo suyarā ña guama’, yama ḡajerā. ‘Apolosre t̄wo suyarā ña guama’, yama ḡajerā. ‘Pedrore t̄wo suyarā ña guama’, yama ḡajerā. ‘Cristore t̄wo suyarā ña guama’, yama ḡajerā”, yi goticā Cloé mesa yure. <sup>13</sup> Ricati riti masa ĩna t̄woĩaroca yigū meje ñami Cristo. M̄uare yiari yuc̄t̄eoj̄u goda ĩsibitic̄u yu. Yure t̄wor̄un̄ac̄ori meje idé gu rotiyija m̄ua. Cristoj̄uare t̄wor̄un̄ac̄ori idé gu rotiyija m̄ua. <sup>14-15</sup> M̄ua wato gānare jājarā meje idé guc̄u yu. Crispore ito yicōri Gayore ĩna jājar̄areti idé guc̄u yu. Ito bajiri, “Pablore t̄wor̄un̄ac̄ori idé gu rotic̄u gua”, yi t̄woĩamenaji m̄ua. M̄ua jājar̄are idé gubitigor̄u ñari, “Queno ya Dios m̄u”, yi t̄woĩa yu. <sup>16</sup> Bāu, ḡajerā Estéfan̄as ñarāre idé guc̄u yu. “Iti cuto gāna ḡajerāre idé guc̄u yu”, yi masibe yu. <sup>17</sup> Masare yu idé gutoni meje yure cūñi Cristo. “Masare masoḡu yigūji Cristo”, yire oca yu gotitoni yure cūñi ĩ. B̄uto masirena masa ĩna t̄wo seyotoni busibe yu. B̄uto

tuo seyore oca ya busija, yu juare tuorunucōri Cristore tuorunubitiboana masa. “Masare yiari yucutēoju godaŋi Cristo”, yi ya masare gotija, iti ña ñasarise.

*Dios ĩ masirise rucogũ ñami Cristo, yire gaye*

<sup>18</sup> Adi oca iti gotija, “Manire masorocũ yucutēoju godaŋi Cristo”, ya iti oca. “Buroti bajaia iti, mecure oca ña iti”, yama jeame ajuroju warona. Mani Dios ĩ masoanareama oca wanũ quenare gaye ña. Sēorise ña Dios oca. Ito bajiri ĩ oca tuorunucōri, “Cristo ĩ godarena suoriti manire masogũ yiguĩji”, yi tuoĩa mani. <sup>19</sup> Dios oca tuti iti gotija ado bajiro gotia:

“Adi sita gãna ĩna masirise buto masire gaye meje ña”, masa ĩna yiroca yigu yiguja ya. “Queno masirã ña gua”, yibojarãre, “Queno masirã meje ñama ĩna”, gãjerã ĩna yi ti masiroca yigu yiguja ya, yi gotiami Dios ĩ oca tutina.

<sup>20</sup> “Queno masirã ña gua”, yama coriarã adi sita gãna. “Queno riaso masia gua”, yama gãjerã. “Adi macãrucãro gayere queno tuoĩa busi masia gua”, yama gãjerã. Ito bajiro ĩna yibojarocati, “Queno masirã meje ñama ĩna”, gãjerã masa ĩna yi ti masiroca yigu ñami Dios. <sup>21</sup> Jeyaro ñejuã rayabeto tuo masi jeogu ñami Dios. Adi sita gãna ĩna tuo masirena meje ĩre masire amoñi Dios. ĩ ocare tuorunurena suoriti ĩre masire amoñi Dios. Ito bajiri ĩ oca tuorunurãre riti masoami Dios. “Ito bajiro masare masoami Dios”, yire oca tuocōri, “Buroti bajaia, mecure oca ña”, yama Diore masimena.

<sup>22</sup> Tiyamani Dios ĩ ĩore ti amoama judio masa. Masa ĩna masirisejuare tuo suya amoama griego masa. <sup>23</sup> “Masare yiari yucutēoju godaŋi Cristo”, yire oca gotia maniamã. Iti gayere mani gotija tuo amobiticōri, junisiniama judio masa. Judio masa meje cunĩ iti oca tuocōri, “Buroti bajaia, mecure oca ña iti”, yama ĩna cunĩ. <sup>24</sup> Maniamã Dios ĩ beseana ñari Cristore tuorunua mani. Mani judio masa, ito yicōri judio masa meje cunĩ Cristore mani tuorunuja Dios ĩ beseana ña mani. Ito bajiri ĩre tuorunucōri, “Rẽtoro seogũ ñami Dios ito yicōri jeyaro masigũ”, yi tuoĩa mani. Ito bajigu ñari jeame ajuroju mani wabore ñaroca Cristona suoriti manire masogũ yiguĩji Dios. <sup>25</sup> “Masare yiari goda ĩsi rotifi Dios Cristore”, yire oca tuocōri, “Queno masigũ meje ñami Dios”, yi tuoĩama ĩre masimena. Ito bajibojarocati Dios ĩ masirise masa ĩna masirise rẽto busaro ñasarise ña. “Yucutēoju godaŋi Cristo”, yire oca tuocōri, “Queno seogũ meje ñaĩ Dios”, yi tuoĩama ĩre masimena. Ito bajibojarocati masa ĩna seorise rẽto busaro seogũ ñami Dios. <sup>26</sup> Tuoya ya ñarã mua. Buto masirã meje ñabojarãti Dios ĩ beseana ña mani. Diore masimena ĩna tija buto masirã meje ña mani. Mani wato coriarãti ñama gãjerãre rotiri masa. Mani wato coriarãti ñama ñasari masa rãa. Buto ñasarã meje mani ñabojarocati manire beseñi Dios. <sup>27</sup> “Buto masirã meje ñama ĩna”, Diore masimena ĩna yianare beseñi Dios. Ito bajiro yiñi Dios, masimenare ĩ beseja ticōri, “Masirã ña gua”, yirã ĩna bojo bujatonĩ. “Queno seorã meje ñama”, Diore masimena ĩna yianare beseñi Dios. Ito bajiro yiñi Dios, seomenare ĩ beseja ticōri, “Sēorã ña gua”, yirã ĩna bojo bujatonĩ. <sup>28</sup> “Ñasarã meje ñama ĩna”, Diore masimena ĩna yianare beseñi Dios. ĩre masimena ĩna ti tudianare beseñi Dios. Ito bajiro yiñi Dios, “Ñasarã ña gua”, yirã, “Ñasarã meje ña gua”, ĩna yi tuoĩa masitonĩ. <sup>29</sup> Ito bajiro Dios ĩ yijare, ĩ tiro riojo, “Ñasagu ña ya”, yi tuoĩa masigũ mami. <sup>30</sup> Cristore mani tuorunure amoñi Dios. Ito bajiri ĩre bajiro mani tuoĩaroca yiñi Dios manire. Jesucristona suoriti ĩ oca mani tuo masiroca yiñi Dios. Jesucristona suoriti manire boca amicōri mani queno yiroca yiñi Dios. Mani ñeñaro yirisere Cristo ĩ waja yi ĩsicãjare, ñe seti mana ña mani Dios ĩ tija. ĩ ñarã ña mani ĩja. Cristona suoriti manire masoñi Dios. <sup>31</sup> Ito bajiri ĩ oca tuti iti gotija ado bajiro gotia:

“Ñasarã ña gwa’, yi tsoĩabitiruja manire. Ado bajirojua yiruja: ‘Manire queno yiñi Cristo. Ìjua ñami ñasagu’, yi wana quenaruja manire”, yi gotia Dios oca tuti.

## 2

### *Yucutēojū godañi Cristo, yire gaye*

<sup>1</sup> Tsoya yu ñarã mña. Dios gaye mñare goti ãmogũ, tso seyore oca rãca meje mñare busi ucucu yu. Ito yicõri buto masire ocana meje Dios oca mñare goticu yu. <sup>2</sup> Mña tu yu ejacati coji gaye ñasarise mñare goti ãmocu yu. “Yucutēojū godañi Cristo masare yiari”, yire gaye riti mñare goti ãmocu yu. <sup>3</sup> Ñasagu meje bajiro mña tu ejacu yu. Mña tiro riojo güigu nũuo busicu yu. <sup>4</sup> Mñare yu busija, yu masirisena meje mñare busicu yu. Ito yicõri Dios oca mñare yu riasoja, yu masirisena meje mñare riasocu yu. Cristore mña tsoĩanũre ãmogũ, masa ña masirisena meje mñare busicu yu. Ado robojua bajicu: Ì oca mñare yu riasoroca Ì masirisena mña tsoĩanũroca yiñi Espiritu Santo. <sup>5</sup> Ito bajiri masa ña masirise tso seyocõri meje Jesure tsoĩanũyija mña. Ì ocare mña tso masiroca yiñi Dios. Ito bajiri Ì masirisena suoriti Jesucristore tsoĩanũyija mña.

### *Espiritu Santona suoriti Diore masia mani, yire gaye*

<sup>6</sup> Jesucristore rãcubucõri queno Ìre tso rãtoburãre yu busija queno masire ocana ñare busia yu. Ito bajiro yu busija, adi sita gãna ña masirisena meje busia yu. Ito yicõri adi sita gãna ujarã ña masirisena meje busia yu. Adi sita gãna ujarã ñabojana ña masibojare rãcati godarã yirãji ña. <sup>7</sup> Yu busija, Dios Ì masirisena busia yu. Ito bajiro yu busija, masa ña tso masiroti gaye ña iti. Adi macãrucũro Ì rujeoroto riojua, “Ado bajiro masare masogũ yigũja yu”, yi masicãñi Dios. Iti oca masa ña masibitire Dios Ì masirisena masare riasoa yu. <sup>8</sup> Sīgũjua adi sita gãna ujarã ñare tso masirã mama. “Cristona suoriti masare masogũ yigũji Dios”, yi ña tso masija, mani Hju ñasagure yucutēojū sãabitiboana ña. <sup>9</sup> Dios oca tuti iti gotiado bajiroti baja. Tsoote mña:

Ìre tso mairãre yiari quenarise queno yucãñi Dios. Masa ña tsoĩabiti, ña tsoibiti, ña tsoĩabiti canĩ quenarise queno yucãñi Dios, yi gotia Dios oca tuti.

<sup>10</sup> Espiritu Santo manire queo sãcõri, “Quenarise queno yicãñi Dios”, yi mani tso masiroca yami Dios. Dise rayabeto masiami Espiritu Santo. Dios Ì tsoĩarise masi jeoami Espiritu Santo.

<sup>11</sup> Mani masamasiti, “Ì ito bajiro tsoĩami”, gãmeri yi masibea mani. Ì masiti, “Ito bajiro tsoĩa yu”, yi masiguñi Ì. Ito bajiroti Espiritu Santo sīgũti Dios Ì masirisere masiguñi. <sup>12</sup> Jesucristore tsoĩanũrã ñari adi sita gãna ña masirise boca ãmiana meje ña mani. Espiritu Santo Dios Ì cõarureama boca ãmiana ña mani. Dios queno manire Ì yire gaye mani tso masitoni Espiritu Santore cõañi Dios manire yiari. <sup>13</sup> Ito bajiri mani busija, mani tsoĩa rujeorisena meje busia mani. Espiritu Santo manire Ì riasorise busia mani. Mani tsoĩa rujeorisena meje busia mani. Espiritu Santore boca ãmigoana ñari, gãjerã Ìre boca ãmigoanare Ì gayere goti rãtobu masia mani.

<sup>14</sup> Adi sita gãna Espiritu Santore boca ãmimena Dios gayere tso masimenaji ña. “Buroti baja, mecure oca ña”, yi tsoĩarãji ña. Ito bajiri ñare tso ãmomenaji ña. Espiritu Santore boca ãmimena ñari Dios gayere tso masimenaji ña. ña tso masiroca Espiritu Santo Ì yibeja tso masimenaji ña. <sup>15</sup> Espiritu Santore boca ãmianama Dios gayere tso masirãji ña. Ito bajiri, “Dios gayere tso masirã meje ñama ña”, sīgũjua yigu maquñi ñare. <sup>16</sup> Dios oca tuti iti gotija, ado bajiro

gotia: “Mani Hju ĩ tŕoĭarise masigũ maquĭji. Nĩmujua Diore riasogu maquĭji”, yi gotia Dios oca tuti. Ito bajibojarocati Espĩritu Santo quedi sãja ecoana mani ñajare, Cristo tŕoĭarise mani tŕo masitoni manire ejabuami ĩ.

### 3

#### *Diore mani moa ĩsiroti gaye*

<sup>1</sup> Tŕoŕya yu ñarã mua. Espĩritu Santore queno tŕorũnasamena mua ñajare, josari gaye muare busibiticu yu maji. Adi sita gãna Espĩritu Santore boca ãmimena bajiro josarise gaye meje muare busicu yu. Iti ramuju Cristore boca ãmiana ñabojarãti ĩre mua queno tŕo sũyabejare, rĩacare busigu bajiro muare busicu yu. Queno mua tŕo masibejare rĩaca robo bajiro muare busicu yu. <sup>2</sup> Josabitire muare riasocu yu. Macuacã ũjugũ, òjegõa riti ũjuguĭji. Bare butirise ĩre ecamenaji. Iti robo bajiroti Cristore mua tŕorũnasamena ñajare, josarise gaye muare busibiticu yu maji. Adocãta cuni josarise gaye muare riaso masibeã yu maji. <sup>3</sup> Adi sita gãna Jesure boca ãmbitiana bajiro mua ñajare, josarise gaye muare riasobeã yu maji. Gãjerãre ti ŕorã ña mua maji. Gãmeri busitua mua. Ricati riti tŕoĭa mua. Diore masimenare bajiro tŕoĭacõri ĩna yiado bajiroti ya mua maji. <sup>4</sup> Mua coriarã ado bajiro ya: “Pablore tŕo sũyagu ña yuama. Ito yicõri Apolosre tŕo sũyagu ña yuama”, ya mua. Ito bajiro mua yija, adi sita gãna Diore masimena ĩna yiado bajiroti ya mua maji.

<sup>5</sup> Yu Pablo ñasagu meje ña. Apolos cuni ñasagu meje ñami. Diore moa ĩsirã ña gua. Gua riasorisere tŕorũnũcõri Cristore tŕorũnyija mua. Gua Apolos rãca mani Hju ĩ moare cũado bajiroti mo gua. <sup>6</sup> Yu muare cajero riasosũocu. Ito bajiri aje otesũogu robo bajiro bajia yu. Yu bero Apolos jai busaro muare riaso remoñi. ĩ ñami aje juditoni ide jio gugu bajiro yigu. Dios ñami Cristore mua masiroca yigu. Ito bajiri gua otere judiroca yigu bajiro yigu ñami Dios. <sup>7</sup> Aje otesũogu, aje ide jio gugu cuni ñasarã meje ñama ĩna. Dios ñami ñasagu. ĩ ñami iti judi mũjaroca yigu. Ito bajiroti ĩ oca riasorã, ito bero gãjerã goti quenorã cuni ñasarã meje ñama ĩna. Dios ñami ñasagu. ĩ ñami Cristore mani masiroca yigu. <sup>8</sup> Aje oterã, otere ide jio gurã cuni corocõ moama ĩna. Ito bajiroti Dios oca riasorã, ito bero gãjerã goti quenorã corocõti moama ĩna. ĩna moado bajiroti ĩnare waja yigu yiguĭji Dios. <sup>9</sup> Gua Apolos rãca sigũre bajiro tŕoĭacõri Diore moa ĩsirã ña gua. Mua ña sita Dios ĩ coderiju robo bajirã. Gaje Dios ĩ wi menisũori wi robo bajirã ña mua, ĩre cũdisũorã mua ñajare. <sup>10</sup> Dios oca muare riasosũogu ñari, wi menirotiyu wi godo gosũogu robo bajiro bajigu ña yu. Yũre ti maicõri muare ĩ oca yu gotitoni yũre cũñi Dios. Gãjerã yu bero riasorã wi godo yu goraju wi menisũorã robo bajirã ñama ĩna. Wi queno riojo ñari wi menirã bajiro Dios ocare queno riojo ĩna riasoja quena. <sup>11</sup> Wi meniri masa cajero botari ĩna ãmi cũbeja menimenaji. Ito bajiroti Dios oca gotiri masa cajero Cristo gaye ĩna goti rētibubeja tŕo masimenaji. “Mani ñeñaro yirise waja, waja yi ĩsirocũ godañi Cristo”, yi muare riasocãcu yu. Iti ña ñasarise. “Ado bajiro Dios ñarã ñarã yirãji masa”, yire gaye oca riojua gaye ñe gaje oca ñasarise gotisũore manojã. <sup>12</sup> Wi menirotiyu gorajure quenari wi menirona gãta queno butirisena, orona, plata wame cãtirisenã menirãji ĩna. Gãjerã buto butiri wi meje ĩna menija, yucu jidirisena, muji yoari meje jogarisenã, ito yicõri ñicojãji jidirisena menibojarãji ĩna. Queno Dios oca riojo riasorã ĩna ñama butiri wi bajiro menirã. Riojo ñasarise queno riasomenã ĩna ñama jidiri wiacã bajiro menirã. <sup>13</sup> Masa tiro riojo Dios ĩ beseri ramu mani moagoado bajiroti waja senigũ yiguĭji Dios. Iti ramu jeã aũjurise ejaro

yroja. Mani moagore quesoľaro ejaro yiroja iti. Mani moagore quenarise iti ńaja,  abeto yiroja. ńeńarise iti ńaja,  a jedicoaro yiroja. <sup>14</sup> Dios oca queno riojo riasoanare ńa moagore jedibeto yiroja. G ta wi  abeto bajiro, ńa moagore jedibeto yiroja. Ito bajiri ńare waja yigu yiguľji Dios. <sup>15</sup> Dios oca queno riasobitianare ńa moabojare jediro yiroja. Yucu wi iti  a godaro bajiroti jediro yiroja. ńa ya wi  aja budigoana robo bajir  yir ji ńa. Jeyaro ńa moabojare  a godacoaro yiroja. Ito bajibojarocati jeame  joroj  c bica yiguľji Dios ńare. ńare masog  yiguľji Dios Jesucristore ńa t or n ja.

<sup>16</sup> Esp ritu Santo quedi s ja ecoana ńari Dios ya wi robo bajir  ńa mani.  Iti gayere masibeati m a? <sup>17</sup> Dios ya wi robo bajir  ńari   ńar  ńa mani  ja. Ito bajiri sig  manire   ńeńoja manire   ńeńore waja  re waja senig  yiguľji Dios. Ito yic ri  re ruyuriog  yiguľji Dios.

<sup>18</sup> M amasiti m a rujurire ruobesa. “Adi sita g na ńa masirise masi jeoc ri b to masig  ńa y ”, yibitir ja m are. Ado bajiroj a m a yija quena. “B to ńasag  meje, b to masig  meje ńa y ”, yir ja m are. Ito bajiro m a yija queno masir  ńar  yir ji m a. <sup>19</sup> “Queno masir  ńa g a”, adi sita g na ńa yibojarocati ńe ma Dios   tija. Dios oca tuti iti gotija ado bajiro gotia: “Queno masir  ńa mani. Ado bajiro yir  yir ji mani”, ńa yi t oľabojarocati ńare camotag  yiguľji Dios, yi gotia Dios oca tuti. <sup>20</sup> Gaje iti gotija ado bajiro gotia: Adi sita g na queno masir  ńa masirisere masi jeoc ami Dios. “Queno masibeam  ńa”, yami Dios, yi gotia   oca tuti. <sup>21</sup> Ito bajiri, “Y  t o s yaguj a ńami b to masig ”, yi t oľa wan re ma m are. Dios oca m are riasor re ńa oca m a t o masitoni ńare c ńi Dios. <sup>22</sup> G a, y , Apolos, Pedrore c ni   oca m are riasotoni guare c ńi Dios. Adi sitaj  mani catiroti, mani godaroti c ni c ńi Dios. Jane gaye, ija r taroti gaye c ni manire c   sif  Dios manire ejab aroti gaye. <sup>23</sup> Cristo ńar  ńa mani.   Cristo Dios yag  ńami. Ito bajiri mani c ni Dios ńar  ńa  ja.

## 4

### *Jesucristo oca goti ucuri masa ńa moare gaye*

<sup>1</sup> Ado bajiroj a guare m a t oľaja quena: “Cristore moa  sira ńama ńa”, guare m a yi t oľaja quena. Guare c ńi Dios   oca masa ńa masibitire g a riasotoni. <sup>2</sup> Moare c  ecoana mani ńaja, queno mani moaja quena. Ito bajiro mani queno yija tic ri, manire t or n r  yir ji g jer . <sup>3</sup> “Cristore queno moa  sig  ńami Pablo”, m a yija, m a yibeja c ni, t oľa  sirio yibeja y . “Cristore queno moa  sig  ńami Pablo”, masa  jar  ńa yija, ńa yibeja c ni, t oľa  sirio yibeja y . “ Cristore queno moa  sicati y ? Queno moa  sibitir ja gajea y ”, yi masibea y . Cristo sig ti “  ńami queno y re moa  sigor ”, yi masiguľji. <sup>4</sup> Y  t oľaja Cristore queno moa  sica y . Ito bajibojarocati, “Seti macu ńami  ”, yireoni meje ńa iti. Mani  ju Cristo riti ńaguľji, “Queno moa  siqu  Pablo y re”, yigu. <sup>5</sup> Mani  ju   ejaroto rioj a, g jer  ńa yirise tic ri, “ńeńaro yir  ńa m a”, yibitir ja manire. Mani  ju   t di ejari r m , yeyoroj a masa ńa yibojare g jer  masa ńa tiro riojo itire gotigu yiguľji  . “Ado bajiro yi  moa y ”, yi masa ńa t oľa ńarise c ni recoti  og  yiguľji Dios. Ito bajiri  re queno moa  sigoana mani ńaja, “Queno y re yicu m a”, yi wan g  yiguľji Dios manire.

<sup>6</sup> T oya y  ńar  m a. Queno m a ńatoni iti gaye m are busia y . Y  gaye, Apolos gaye c ni m are gotia y . “Ado bajiro yami Pablo, Apolos c ni”, m a yi masitoni iti gaye m are gotia y . Itire masic ri adi tuti iti rotiro bajiro ricati yibitir ja m are. Ito yic ri, “G aj are riasori masa, m are riasori

masa rēto busaro masirā ñama ñna”, gāmeri yibitirēja muare. <sup>7</sup> “Gājerā rētoro masirā ña gua”, yire ma muare. Jeyaro mua masirise Dios i muare jidicāre ña. Mua masirise muamasiti mua bajare meje ña. Dios i jidicāre ña. “Dios oca riasoticōri, guamasiti queno tuo rētobua gua”, yire ma muare. “Dios i ejabuarisena queno tuo rētobua gua”, mua yija quena.

<sup>8</sup> “Dios oca queno masia gua. Dise ruyabeto jeyaro masi jeoa gua”, yi tuoia mua, yu tija. “Ujarā robo bajiro bajicā gua ñja”, yi tuoïabojacōri guare jidicā mua ñja. Ito bajiro mua yija, “Queno tuoïarā meje ñama ñna”, yi tuoia yu muare. Riti ujarā mua ñaja, quena ñbadojo. Ujarā mua ñaja mua rācati rotiboana gua cuni. <sup>9</sup> Ado bajiro tuoia yuama. Gua Jesucristo ocare riaso ucurā, “Bero gāna manire cūñi Dios”, yiado bajiro tuoia gua. “Inare sīacōrā yirāji mani”, ña yiana bajiro tuoia gua. “No bajiro ñnare rētaja tiana mani”, yi tiana masa guare. Adi sita gāna, ūmacūju ángel mesa cuni guare rētarotire ti ñarāji ñna. <sup>10</sup> Jesucristo oca gua riasojare, “Mecuri masa ñama ñna”, yi tuoïama masa guare. Ito bajiro guare ña yiroca, “Queno masirā ña guama”, yi tuoia mua. “Dios oca queno goti masirā meje ñama”, yi tuoïama masa guare. Ito bajiro guare ña yiroca, “Dios ocare queno goti masia gua”, ya muama. Guareama masa ti te ñama. “Masa ñna ti rācubuoana ña mani”, ya muama. <sup>11</sup> Iti rāmuju gua ñiocōcato bajiro ti ñiocōa gua adocāta cuni. Ide ma guare. Yutabujuri cuni ma guare. Masa ñeñaro yama guare. Wi ma guare. <sup>12</sup> Ruje moacōri boga gua. Masa ña ñeñaro guare ña busitubojarocati, “Dios queno yijaro muare”, yire gaye rāca ñnare cūdia gua. Guare ña usirioro ña yi codebojarocati ñnare gāmebea gua. <sup>13</sup> Guare ñeñaro ña busitubojarocati, usiriomenati ñajuare oca goti quenoa gua. Guare ti wanubeama ña. Adi sita gāna ña āmōbitire, ña cōado robo bajiro guare tiana ñna. Iti rāmuju cuni, adocāta cuni ñaro bajiro ti guare ti teama ñna. <sup>14</sup> Mua bojo bajatoni meje ito bajiro muare uca yu. Yu rīa yu mairā robo bajiro muare tuoia yu. Ito bajiri muare goti riasogu adi muare uca yu. <sup>15</sup> Diez mil ñarā Jesús oca riasori masa ñabojarocati sīgū ñami muare Jesús oca riasosuoꝛu. Yu ña muare cajero riasosuoꝛacu. Ito bajiri mua jacu robo bajigu ña yu. “Jesucristore mua tuorūñuja, muare masogū yiguñi Dios”, yu yija tuocōri, ñre tuorāñusuoꝛu mua. <sup>16</sup> Yu yiado bajiro ti mua yitoni muare josa yu.

<sup>17</sup> Ito bajiro mua yire āmoa yu. Ito bajiri Timoteore mua tu cōa yu. Ī ñami mani Ujarē queno tuorūñugā. Ito bajiri yu macure bajiro ñre tuo maia yu. “Cristore tuorūñugā ñari ado bajiro ñasotiami Pablo”, mua yi masitoni muare gotigu yiguñi Timoteo. Jesucristore masirāre jeyaro yu riaso ucure gaye muare goti rētobugu yiguñi Ī. <sup>18</sup> “Mani tu ejabicu yiguñi Pablo. Ito bajiri mani āmoro bajiro ti yiana”, yi tuoia wanuboja mua coriarā. <sup>19</sup> “Dios Ī āmoja, yoari mejeti muare tigu wacu yiguja yu”, yi tuoia yu. Mua tu yu ejaja, ito bajiro tuoia wanubojarāre tigu yiguja yu. Mua tu ejacōri, no bajiro ñna yija tigu yiguja yu. Ito yicōri, riti Dios Ī masirisena ñna moaja ti ejaꝛu yiguja yu. <sup>20</sup> “Īre tuorūñurāre Ī rotiroju miojugu yiguñi Dios”, mani yi masija, oca riti meje busirāji mani. Ī ejabuarisena queno ñre moa ñsirā yirāji mani. <sup>21</sup> ¿No bajiro āmoati mua? Ñeñaro mua yisotire mua jidicābeja, “Quenabea mua”, ¿yu yi tudī ejare āmoatite mua? Ñeñaro mua yirise mua jidicāja, ¿mua tu ejacōri yu wanurejuare āmoatite mua?

## 5

### *Rocati romiare ajere quenabea, yi Pablo i gotire gaye*

<sup>1</sup> Sīgū mua rāca gagu ado bajiro oca ruyuami: “Ī jacu manojo rāca quenabeto aje ñayiju”, yire oca ruyua. Iti ña buto ñeñaro yire. Gājerāma Diore masimena



ñabojarāti itioniregorama yimenaji. <sup>2</sup> Iti ñeñarise mua wato ï yi ñabojarocati, “Queno yirā ña gña”, ¿yi tuoïa wanubojati mua? Masa ña godaja bojori bujaro bajiro bojori buja ñaruja muare. Ñeñaro yigure ñe mua bucōaja quena. <sup>3</sup> Reco mua rāca ñabitibojaguti, yu tuoïarisena mua tujū ña yu. Mua rāca ñabitibojaguti, “Ado bajiro yiroja ï ñeñaro yirise waja”, yi masicā yu. <sup>4</sup> “Ado bajiro āmoami mani Ŭju Cristo”, yirona mua minijuare āmoa yu. Ito bajiro mua minijua ñaroca yu tuoïarisena mua rāca ñagū yigujā yu. Mani Ŭju Jesucristo cūni ï masirisena mua rāca ñagū yiguñi ï, “Ado bajiro gña yija quena”, mua yi tuoïatoni. <sup>5</sup> Minijuacōri ñeñaro yigure bucōaña mua, rūmua ũju Satanās ï āmoro bajiro ñe ï yitoni. Ito bajiro mua yija, ï āmoro bajiroti ï tōbujaroca yigū yiguñi Satanās ñe. Ito bajiro mua yija ï ñeñaro yirisere jidicāgū yiguñi gajea. Ito bajiro ñeñaro ï yirise ï jidicāja, mani Ŭju Jesucristo ï tūdi ejari rūma ñe masogū yiguñi.

<sup>6</sup> Ito bajiro ñeñarise mua wato ï yi ñaja, “Queno yirā ña gña”, yire ma muare. Wadarise uco jabeto mani wūoja, ñarocōti wusa jediroja. Ito bajiroti ñeñaro yigū mua wato ï wusaja ñeñaro yirā riti ñarā yirāji mua. ¿Iti gayere masibeati mua? <sup>7</sup> Ito bajiroti mua wato ñeñaro yigure bucōaña, gājerā cūni ñeñaro ña yibe yirona. ñe bajiro ñeñaro yibeamā gājerā maji. Ito bajiroti ñeñaro yisūogure bucōaja quena. Mani ñeñaro yirise waja, waja yirocū manire yilari goda ïsiñi Cristo. Pascua basa menirā oveja macūre sīasotiana ña. ï robo bajiroti manire goda ïsirū ñari, oveja macū robo bajiro bajigū ñami Cristo. Ito bajiroti mani ñeñaro yirise Cristo ï waja yicāre ñajare, mani wato ñeñaro yirāre bucōaja quena. <sup>8</sup> Ñeñarisere camotadigoraja manire. Ito bajiro mani bajija naju wadarise uco wūoya mana robo bajirāji mani. Gājerāre ti tudibitiraja manire. Ito yicōri jeyaro ñeñaro yirise jidicācōri quenarise rioti yisotiraja manire.

<sup>9</sup> Iti rūmujū muare yu papera cōasūocati ado bajiro muare goticū yu: “Rocati romia ajerā rāca baba cutibeja mua”, yi muare goti ñucacū yu iti rūmujū. <sup>10</sup> Ito bajiro yu yicati, “Adi sita gāna Jesure masimenare camotadiya mua”, yirocū meje yicū yu. ña Jesure masimena rocati romiare ajerā ñama ña. Jai busaro niyeru buja āmorā tuorā ñama ña. Riniri masa ñama ña. Ito yicōri ña meni rujeogure rūcubūoama ña. “Adi sita gānare camotadiya”, yu yija, adi sitare wagoboana mua. “Ito bajiro yiba”, yirocū meje yicū yu. <sup>11</sup> “Ado bajirojua yiba mua”, yirocū muare goticū yu. “Jesure tuorānugū ña yu”, yibojaguti, rocati romiare ajegū rāca baba cutibeja. Jai busaro bujarocū ruogure baba cutibeja. ña meni rujeogure rūcubūorāre baba cutibeja. Rocati ruocōri oca menigū rāca baba cutibeja. Mecū jaigū rāca baba cutibeja. Ito yicōri, “Jesure tuorānugū ña yu”, yibojaguti rinire jaigure baba cutibeja, yirocū muare gotisūocū yu iti rūmujū. Ito bajiro ñeñaro yirā rāca baba cutibeja. <sup>12-13</sup> Dios riti ñami Jesure tuorānūmenare ña ñeñaro yirise waja, waja seni masigū. Maniama ña ñeñaro yirise waja, waja seniri masa meje ña mani. Ito bajibojarocati mani robo bajiro Jesucristore tuorānūrā ñabojarāti ñeñaro yirise ña jidicā āmobeja mani bucōaja quena. Dios oca tuti iti gotija ado bajiro gotia: “Mua rāca gagū ñeñaro yigure bucōaña”, yi gotia Dios oca tuti.

## 6

### *Gāji Jesure masigū rāca mani oca cutire gaye*

<sup>1</sup> Gāji Jesucristore masigū rāca mua oca josaja, iti oca quenorona Jesure masimena oca quenori masa tu wabeja. Ado bajirojua mua yija quena. Jesure masirā oca quenori masa tujua mua waja quena. <sup>2</sup> Mani Dios ñarā ï rācati adi sita gānare beserā yirāji. ¿Itire masibeati mua? Riti ï rāca beserā

yirāji mani. Ito bajiri Dios rāca adi sita gānare mani bese masija, oca jabeto iti űaja queno masirūja manire. <sup>3</sup> “Ūmacūju ángel mesare Dios rāca beserā yirāji mani”, űyi masibeati mua? Īnare mani bese masija, adocāta mani wato oca jabeto űarisere queno masirūja manire. <sup>4</sup> Ito bajiri mua wato oca űaja, Jesure masimena oca quenori masa tu wabeja. Īnaōna tu mua waja quenabea. <sup>5</sup> Mua bojo bujatonu itire muare gotia yu. űMua wato queno tuo masigū Jesure tuorūnugū oca quenori masu űbiquūjida? űNaguūji gajea. <sup>6</sup> Ito bajibojarocati gāji Jesure masigū rāca mua oca josaja, Jesure masimena oca quenori masa tu warāji mua. Ito bajiro mua yija quenabea.

<sup>7</sup> Jesure masirā űabojarāti mua gāmeri tudija, “Jesure queno cūdirā meje űnama ĩna maji”, yi tuoűagūja yu muare. Gājire mua seti yija quenabea. Sigū muare űeņaro ĩyibojarocati, mua gāmebeja, itijua űa buo busa quenarise. Gāji muare ĩ rinija, riojoti tibojaja quena. Īre gāmebeja. <sup>8</sup> Ito bajiro yibesa mua. Muamasiti űeņaro yicōri mua űarāre rinia mua.

<sup>9-10</sup> “Dios ĩ rotiroju ejaмена yirāji űeņaro yiri masa”, yi masicārā űaboja mua. “űeņaro yirā űabojarāti Dios tu ejarā yirāji mani”, yi tuoĭaboja mua. Ado bajiro űeņaro yirā Dios tu wamenaji. Tuote mua. Rocati romiare ajerā Dios tu wamenaji. Īna meni rujeorure rācūbuorā cūni wamena yirāji. Manujo cūtirā űabojarāti gājerā romiare ajerā, ĩna comasiti yirā cūni, riniri masa cūni, jai busar bujarona tuorā cūni, mecu jairā cūni, rocati socacōri tuo gotirā cūni, rini ucurā cūni Dios tu wamenaji. “Īna robo bajiro űeņaro mani yibojarocati Dios tu ejarā yirāji mani”, yi tuoĭabojabesa mua. <sup>11</sup> Iti rumūju ĩna robo bajirā űayija mua maji. Mua űeņaro yirisere waja yi ecoana űa mua ĩja. Ito bajiri Jesucristore tuorūnucōri Dios űarā űa mua ĩja. Espiritu Santona suoriti Dios ĩ boca āmiana űa mani. “Īna űama quenarā. Yure waja ruyuriobeama ĩna”, Dios ĩ yi tuoĭarā űa mani.

### *Mani ya ruju Dios yeti űa, yire gaye*

<sup>12</sup> Ado bajiro yama coriarā: “Rēore ma guare. Gua āmoro bajiroti yi masia gua ĩja”, yama coriarā. Riti űa, ito bajibojarocati jeyaro mani yi āmorise quenarise meje űa. Mani yi āmorise gājerāre iti ejabuabeja, yibitirūja manire. Mani āmoro bajiro yi masirā űabojarāti, űeņaro mani yi űyabojarisere yibe yirona, mani ya rujure rēoja quena. <sup>13</sup> Gājerā ado bajiro yama: “Jeraga mani sārōti űa bare. Bare sāņariju űa jeraga. Ito bajiro manire meniņi Dios”, yama gājerā. Ito bajibojarocati, mani ya jeraga, bare cūni űatīņaroti meje űa. Mani babojarisere, mani ya jeraga cūni jediroca yigu yiguūji Dios űmacūju. Gājerā ado bajiro yibojama ĩna: “Romia rāca mani ajetoni ruju manire ĩsiņi Dios”, yibojama ĩna. Ado robojuā baja: Mani űjure mani moa ĩsironi ruju űa manire. Ī űami mani ya rujure tirūnugū. <sup>14</sup> Mani űju Jesucristore tuđi catiroca Dios ĩ yiado bajiroti mani tuđi catiroca yigu yiguūji Dios. Ī masirisena manire āmi mujagū yiguūji Dios.

<sup>15</sup> Mani ya űsiju quedi sājacōri mani ya rujuju űnaguūji Cristo. “Ito bajiro bajiguūji”, űyi masibeati mua? űMani ya űsiju ĩ űabojarocati wedi maso rāca mani waja quenati? Meje, quenabetoja. Ito bajiri itire yibitirūja manire. <sup>16</sup> Sigū wedi maso rāca ĩ ajeja co ruju bajiroti ruju cūtirā űama ĩna. “Ito bajiro bajiroja”, űyi masibeati mua itire? Dios oca tuti ado bajiro gotia: “Manujo cūtigū co ruju bajiroti ruju cūtirā űama ĩna”, yi gotia Dios oca tuti. <sup>17</sup> Sigū

Cristore boca ãmigũ ĩ ya usijũ ĩ quedi sãjaroca sĭgũ robo bajiro bajijama ĩna jũarã.

<sup>18</sup> Ito bajiri mũamasiti mũa ya rujũ ñeñaro iti tuoĩaro bajiroti ñeñaro yibesa. Gaje ñeñaro mani yirise mani ya rujũna meje ya mani. No ĩmasiti ĩ ya rujũ ñeñaro iti tuoĩaro bajiroti ñeñaro ĩ yija, ĩ ya rujure ñeñogũ yami ĩ. <sup>19</sup> Manire Espiritu Santo queo sãñi Dios. Ito bajiri Espiritu Santo mani rãca ñami ĩja. Manire ĩ quedi sãjaja bero mani ya rujũti ñaroja ĩ ya wi ĩja. Mani ya rujũ Dios yeti ña. ¿Itire masibeati mũa? ĩ ñami mani Uju. <sup>20</sup> Ito bajiroti baja. ĩ ñarã mani ñatoni waja rũcuro manire waja yi ãmiñi ĩ. Mani ya rujũ, mani tuoĩarise cuni Dios yeti ña. Mani ya rujũna, mani ya usina cuni Dios ĩ ãmoro bajiro riti yirũja manire.

## 7

### *Manojo cutire gaye*

<sup>1</sup> Paperana yũre mũa seniña ñucare adocãta itire cudigu ya yũ. ¿Sĭgũ manojo macũ ĩ ña ãmoja quena ñati? yũre mũa yi seniña ñucare, “Quena ña”, ya yũ itire. <sup>2</sup> Ito bajibojarocati, “ĩna manojo cutibeja rocati ajerã yirãji gajea”, yi masicõri, “ĩna manojo cutija quena”, ya yũ. Romia cuni ĩna manũju cutibeja rocati ajerã yirãji gajea. Ito bajiri ĩna manũju cutija quena. <sup>3</sup> Manojo cuticõri iso ãmoro bajiro cudija quena. Isojũa cuni ito bajiroti manũju ĩ ãmoro bajiro cudija quena. <sup>4</sup> Manũju cuticõri, “Yũ ãmoro bajiro yicoja yũ”, yire ma romiore. Iso manũju yago ñamo iso ĩja. Manojo cuticõri, “Yũ ãmoro bajiro yicuja yũ”, yire ma ãmũgũre cuni. ĩ manojo yagu ñami ĩ ĩja. <sup>5</sup> Ito bajiri manũju cutirã, manũju ĩ yi ãmoja, “Yibesa”, yire ma romiore. Ñmũgũre ito bajiroti, manojo iso yi ãmoja, “Yibesa”, yire ma ãmũgũre. Diore rũcũbuorona, “Yibitirujã mani maji”, yi ĩna jãarãju ĩna tuoĩaja, quena ña. Diore rũcũbuo tiorã ĩna yisotiado bajiroti ĩna yija quena ña mũcana. “Yoari ĩna yibeja ñemecuti masimenaji”, yi tuoĩagũ ñami Satanás. Ito bajiri yoari ĩna yibeja, gãjerã rãca ĩna aje ãmoroca yi codegu yiguĩji rũmũa uju.

<sup>6</sup> Itire mũare rotiroca meje ya yũ. Yũ gotiro bajiroti mũa yija, “Quena ña”, yiroca mũare ya yũ itire. <sup>7</sup> Yũmasiti yũ tuoĩaja, yũ bajiro riti mũa bajija quena. Manojo macũ ña yũama. Ito bajibojarocati sĭgũ robo bajirã meje ña mani. Gãjerãre ĩna manojo cutiroca yami Dios. Gãjerãre manojo mana ñabojarãti ĩna wanũroca yami Dios.

<sup>8</sup> Mũa manojo manare, manojo godagoanare cuni ado bajiro ya yũ mũare: Yũ robo bajiro manojo mana mũa ñacõja quena ña. <sup>9</sup> Ito bajibojarocati sĭgũ ĩ ñemecuti masibeja, manojo cutija quena. Sĭgũ romiare bũto ĩ tuoĩaja, ĩ manojo cutija quena ĩocũre. Romio cuni ãmũgũre bũto iso tuoĩaja, iso manũju cutija quena isore.

<sup>10</sup> Ado bajiro rotia yũ mũare. Mũa manũju cuticãna gãmeri jidicãre ma. Iti ña mani Uju ĩ rotire. Yũmasiti yũ tuoĩa rujeore meje ña iti. <sup>11</sup> Sĭgõ manũju jidicãro iso ñaja, gãji manũju cutire ma isore. Iso manũju ñacãru rãca oca quenoja quena mũcana. Ito bajiroti ãmũgũ cuni ĩ manojo cutija, jidicãre ma.

<sup>12</sup> Adocãta yũ tuoĩarisere mũare gotigu ya yũ. Mani Uju ĩ gotigore meje ña iti. ĩ cũru ñari ado bajiro gotia yũ: Mũa coriarã Jesure masimena rãca manojo cutirã ñarãji mũa. Mũa manojosãromia mũa rãca ĩna ña jidicã ãmobeja, jidicãre ma mũare. <sup>13</sup> Mũa coriarã Jesure masimena rãca manũju cutirãji mũa. Mũa manũjusabatia mũa rãca ĩna ña jidicã ãmobeja, jidicãre ma mũare. <sup>14</sup> Mũa manũjusabatia Jesure masimena ñabojarãti mũare ĩna

manajo cutija, ĩnare cuni ti maigũ yiguĩji Dios. Dios mũare ĩ queno yiado bajiroti mũa manujusabatiare cuni queno yigu yiguĩji Dios. Ito bajiroti mũa manojosãromiare Jesucristore masimena ñabobarãti ĩnare ti maigũ yiguĩji Dios. Mũa rĩare cuni ti maigũ yiguĩji Dios. Jesure tũorũnarã mũa ñajare, mũa rĩare cuni queno yigu yiguĩji Dios. “Yũre tũorũnamena rĩa meje ñama”, yi tũoĩacõri mũa rĩare cuni queno yigu yiguĩji Dios. <sup>15</sup> Sīgũ Jesure masigũ ĩ manajo Jesure tũorũnũbeco ñari iso jidicã ãmogõ iso josaja, jidicãja quena. Sīgũ mũa manujũ Jesure masibicũ ñari ĩ jidicã ãmogũ ĩ josaja, jidicãja quena. Ñe oca manoti queno mani ñare ãmoguĩji Dios. Ito bajiri jidicã ãmorã ĩna josaja, ĩnare mai cũbeja quena. <sup>16</sup> “Jesure masigõ yũ ñajare yũ rãca ĩ ñaja, Jesure boca ãmigũ yiguĩji ĩ cuni”, yi tũoĩa masibea mũa. “Jesure masigũ yũ ñajare yũ rãca iso ñaja, Jesure boca ãmigõ yigõji iso cuni”, yi tũoĩa masibea mũa.

<sup>17</sup> Mani ñaroto bajiroti manire cũni Dios. Jesure boca ãmicõri mani ñasuoado bajiroti mani ñaja quena. No Jesure tũorũnarã ĩna minijuaja, ito bajiro gotisotia yũ ĩnare. <sup>18</sup> Sīgũ wiro tagorũ Cristore ĩ boca ãmija, “Bujato baja wiro tagorũ ña yũ”, yire ma. Sīgũ wiro taya macũ Jesure ĩ boca ãmija, ĩ ñado bajiroti ĩ ñaja quena. <sup>19</sup> Wiro tana mani ñaja, taya mana mani ñaja cuni, no yibea. Ñasarise meje ña. Ado robojũa baja ñasarise: Dios ĩ ãmoro bajiro mani yija, iti ña ñasarise. <sup>20</sup> Cristore boca ãmicõri mani ñasuoado bajiroti mani ñaja quena. <sup>21</sup> Gãjerãre moa ĩsi ñarã Jesure mũa boca ãmija, “Bujato baja ĩna josũ ña yũ”, yire ma mũare. Ito bajibojarocati mũajuare ĩna bucõa ãmoja budija quena. <sup>22</sup> Gãjerãre moa ĩsi ñarã Jesure mũa boca ãmija, mũa ujũ josa meje ña mũa adocãta. Cristo ñami mũa ujũ adocãta, ito yicõri ĩre moa ĩsirã ña mũa ĩja. Gãjerãre moa ĩsirã meje mũa ñaja, Cristore boca ãmicõri, adocãta Cristore moa ĩsirã ña mũa ĩja. <sup>23</sup> ĩ ñarã mani ñatoni waja rũcarisena manire waja yi ĩsiĩ Dios. ĩ sīgũti ñami mani Ujũ. Ito bajiri adocãta ĩre moa ĩsia mani. ĩ ãmoro bajiro riti yirũja manire. Adi macãrũcũro ñeñaro yire mani yitoni gãjerã ĩna yi codebojaja ĩnare cũdibitirũja manire. <sup>24</sup> Tũoya yũ ñarã mũa. Cristore boca ãmicõri, mani ñasuoado bajiroti mani ñaja quena. Ito yicõri Diore mani tũorũnũsotija quena.

<sup>25</sup> “Manujũ mana, manajo manare cuni, ado bajiro rotiami mani Ujũ”, yire ma yũre. Ito bajibojarocati yũ tũoĩarise mũare gotigũ ya yũ. Yũre ti maicõri ĩ cũrũ ñari busia yũ. Ito bajiri yũre mũa tũorũnũja quena. <sup>26</sup> Ado bajiro tũoĩa yũ: “Adi rũmarĩ ñare gaye josari ña. Ito bajiri mũa manajo mana mũa ñado bajiroti ñaja quena”, yi tũoĩa yũ. <sup>27</sup> “Mũa manajo cuticãrã jidicãre ma ĩja. Mũa manajo mana ñarã ãmabeja quena”, ya yũ mũare. <sup>28</sup> Ito bajiro yũ yibojarocati, sīgũ ãmugũ ĩ manajo cuti ãmoja, ito yicõri romio cuni iso manujũ cuti ãmoja, ĩna manujũ cutija ñeñaro yirã meje yama ĩna. Manajo cutirã bũto oca ña codero bajiro usiriuro bujarã yirãji. Iti mũare bajibe yirocũ iti mũare goti camota yũ. Adi rũmarĩ josari ña manire. Ito bajiri manajo cuticõri, manujũ cuticõri bũto busa josari ñaro yiroja mũare.

<sup>29</sup> Tũoya yũ ñarã mũa. “Nocõ mejeti rũya manire”, yirocũ iti mũare gotia yũ. Mũa manajo cutirã, manajo mana bajiro Diore moa ĩsiña. <sup>30</sup> Mũa godago ecoana, godago ecobitiana bajiro ĩre moa ĩsiña. Mũa basa ñarã, basamena bajiro Diore moa ĩsiña. Mũa gajeoni bujarã, “Iti ña yũ ye”, yimenati Diore moa ĩsiña. <sup>31</sup> Mũa adi sitajũre queno bujarã, queno bujamena bajiro Diore moa ĩsiña. Adi sita gaye mani tirise jedi waju.

<sup>32</sup> Tũoĩa usiriomenati mũa ñare ãmoa yũ. Sīgũ manajo macũ mani Ujũ ye moarocũ, tũoĩagũ yiguĩji ĩ. Mani Ujũ ĩ wanatoni tũoĩagũ yiguĩji ĩ. <sup>33</sup> Manajo

cutigu ĩ manoyo queno ñatoni adi sita gayere t̃oĩagũ yiguĩji. Ito yicõri ĩ manoyo wanutoni t̃oĩa usiriogu yiguĩji. <sup>34</sup> Diore moa ĩsire, manojore moa ĩsire juaji t̃oĩare gaye ñaroja ĩre. Manujũ cutigo, manujũ maco cuni ito bajiroti bajirãji ĩna cuni. Manujũ maco ito bajiroti mani Ujũre moa ĩsiroco t̃oĩa usiriogo yigõji. “Yu ya rujuna, yu ya usina cuni Diore moa ĩsigũ yigoja yu”, yi t̃oĩagõ yigõji iso. Manujũ cutigoama iso manujũ queno ñatoni adi umuari gayere t̃oĩa usiriogo yigõji. Ito yicõri iso manujũ wanutoni t̃oĩa usiriogo yigõji.

<sup>35</sup> Mũare r̃eõrocũ meje iti gotia yu. Mũa queno ñatoni itire gotia yu. Mũa queno yi ñare amoa yu. “Mani Ujũ Jesucristore riti moa ĩsigũ yiguja yu”, yi mũa r̃ucũbuore amoa yu.

<sup>36</sup> “Yu manoyo ñaroco bũcũacoamo ĩja. Bũtoguti isore amocõa yu. Ito bajiri ñemecuti masibeja yu”, yi t̃oĩacõri sigũ ĩ manoyo cutija quena. Ito bajiro ĩ amogõre ĩ manoyo cutija, ñeñaro yigu meje yami ĩ. <sup>37</sup> Gãjiamã, “Manoyo macũ ñagũ yiguja yu”, yi t̃oĩacõri ĩ t̃oĩaro bajiro ĩ manoyo cutibeja quena. “Manoyo macũ ñabojaguti ñemecuti masia yu”, ĩ ya usiũ ĩ yi t̃oĩa masija, manoyo macũ ĩ ñaja quenaña ĩocũre. <sup>38</sup> Sigũ ito bajiro bũto ĩ amogõre ĩ manoyo cutija queno yami. Ito bajibojarocati gãjiamã ĩ manoyo cutibeja queno bũsa yami ĩ.

<sup>39</sup> Sigõ manujũ cuticãro, manujũ ĩ catiroca riti gãji rãca manujũ cutire ma isore. Iso manujũ godagoja, gãji iso amogũ rãca iso manujũ cutija quena ña. Gãji Jesure masigũ rãca iso manujũ cutija quena. <sup>40</sup> Ito bajibojarocati mũcana tũdi iso manujũ cuti amobeja, “Bũto bũsa wanugõ yigõji iso”, yi t̃oĩa yu. “Espiritu Santo yũre ĩ ejabũajare, ito bajiro bũsia yu”, yi t̃oĩa yu.

## 8

### *Ĩna meni rujeoanare ecare gaye*

<sup>1</sup> ĩna meni rujeoanare r̃ucũbuorã waibũcurã s̃iacõri ecare gaye mũare bũsigũ ya yu adocãta. “Itire mani baja, quena ña. Ñeñaro yibeã mani”, yi masi jedirãji mũa. Ito bajibojarocati, “Gãjerã r̃etoro masirã ña gua”, mũa yibojaja, masirã meje ña mũa. Gãmeri mani ti maija itijũã ña ñasarise. Gãmeri mani ti maija, gãmeri t̃oĩa oca s̃eõroca yirãji mani. <sup>2</sup> “Queno masigũ ña yu”, sigũ ĩ yibojaja, queno masigũ meje ñami ĩocũ. ĩ masiriseonijũare masibeami ĩ. <sup>3</sup> No Diore ti maigũre, ĩre ti masicõri ĩre maigũ yiguĩji Dios.

<sup>4</sup> ĩna meni rujeoanare waibũcũ s̃iacõri ĩna ecare gaye mũare bũsigũ ya yu. “Masa ĩna meni rujeoana ñasarã meje ñama”, yi t̃oĩa mani. “Dios sigũti ñami ñasagũ”, yi t̃oĩa mani. <sup>5</sup> Adi sita gãna Diore masimena ĩna gotija, “Umacũju, jacaũ cuni mani r̃ucũbuõrona ñama ĩna. Jãjarã ñarãji mani r̃ucũbuõrona, mani ujarã”, yi t̃oĩabojama Diore masimena. <sup>6</sup> Ito bajiro ĩna yi t̃oĩabojarocati, jãjarã meje ñama mani r̃ucũbuõrona. Dios mani Jacũ sigũti ñami mani r̃ucũbuõsarocũ. ĩti ñami jeyarore rujeorũ. ĩre moa ĩsirona ña mani. Sigũ ñami mani Ujũ. ĩ ñami Jesucristo. ĩna s̃uõriti jeyaro ña. “Mani cuni ĩna s̃uõriti ña”, yi t̃oĩa mani.

<sup>7</sup> Ito bajiro mani yi t̃oĩabojarocati gãjerã Jesure masirã ñabojarãti masime-naji iti gayere. Jesure ĩna masiroto riojũã ĩna meni rujeoanare r̃ucũbuorã ñayjarã ĩna maji. Ito bajiri, “Masa ĩna meni rujeorũre bare ĩna ecare mani baja, quenabetoja manire, ñeñaro ya mani”, yi t̃oĩarãji ĩna. Ito bajiro t̃oĩabojarãti ĩna baja, t̃oĩa oca s̃eõmena yirãji ĩna. Ito yicõri queno Diore cũdimenaji ĩna. <sup>8</sup> Mani baja, mani babeja cuni ñasarise meje ña iti Dios ĩ tija. “Itire mani babeja, manire ti wanugũ yiguĩji Dios”, yire ma. Ito yicõri, “Itire

mani baja, manire ti wanabicu yiguŋi Dios”, yire cuni ma. <sup>9</sup> “Mani baja, mani babeja cuni no yibea”, yi masibojarāti mani baroto riojua queno tɔoŋaja quena. Itire mani baja ticōri, “Diore masibojarāti queno cadibeamana”, yi tɔoŋagū yiguŋi Jesure tɔorūnusuogu gajea. Ito bajiro tɔoŋa wisacōri Jesure tɔoŋa jidicāgū yiguŋi. <sup>10</sup> Ado bajiro rētoraja gajea. Sīgū Jesure tɔorūnusuogu ina meni rujeorare ina ecare mani baja tigu yiguŋi gajea. Itire mani baja, “Quena ŋa. No yibea”, yi tɔoŋa mani. Ito bajibojarocati ŋuama masibiquŋi itire. Mani baja ticōri, “Yu baja quenabetoja”, yi tɔoŋabojaguti bagu yiguŋi i cuni. <sup>11</sup> “Rēore ma”, yi masibojarāti mani baja, Jesure tɔorūnusuogu i tɔoŋa jidicāroca yirā yirāji gajea mani. Īre yiari cuni goda ŋiŋi Cristo. Mani baja ticōri, Jesucristore jidicāgū yiguŋi. Ito bajiri, “Rēore ma”, yi masibojarāti babitiruja manire. <sup>12</sup> Itire mani baja ticōri, sīgū Jesure tɔorūnusuogure i tɔoŋa wisaroca yirāji mani. Ito bajiro mani yija Īre riti meje ŋeŋaro ya mani. Cristore cuni ŋeŋaro yirā ya mani. <sup>13</sup> Ito bajiri waibucu yu baja ticōri sīgū Jesure tɔorūnusuogu i tɔoŋa wisaroca yu yija, waibucu ri babitiruja yare. Jesure i tɔoŋa jidicāroca yibe yiroca itire babitiruja yare.

## 9

### *Jesucristo i cūana ŋari, “Ado bajiro yiana mani”, ina yire gaye*

<sup>1</sup> Yu āmoro bajiro yi masibojaguti Jesucristo āmoro bajiro cadiroca ŋa yu. Ī oca yu goti ucutoni yare cūni Dios. Īre moa ŋisigū muare riasocu yu. “Pablo i riasorisere tɔocōri, Jesure tɔorūnusuoca mani”, yi tɔoŋarāji mu. <sup>2</sup> “Jesús i cūru meje ŋami Pablo”, yirā yirāji gajea gājerā. Yu riasorisere tɔocōri Jesure tɔorūnusuoca mu. Ito bajiri itina, “Jesús i cūru ŋami Pablo”, yi tɔoŋarā yirāji mu.

<sup>3</sup> “Jesús i cūru meje ŋami Pablo”, ina yija, ado bajiro cūdia yu: <sup>4</sup> Jesús i cūru ŋa yu. Ito bajiri yu riasore waja yare ina ecaja, yare ina ioja cuni boca āmire ŋa yare. <sup>5</sup> Gājerā Jesús i cūana masare riaso ucurā ina waja, ina manojosāromia rāca wa ucuama. Ito bajiroti ina manojosāromia rāca riaso ucurā wama Jesús ocabaji mesa, ito yicōri Pedro cuni. Īna manajo cutiadi bajiroti sīgō Jesure tɔorūnugō rāca yu manajo cuti āmoja, manajo cuti masia yu cuni. <sup>6</sup> Jesucristo oca goti ucuri masa ina ŋa masitoni jeyaro ejabua mu ĩnareama. “Bernabé, Pablo rāca Jesucristo oca goti ucurā ina ŋa masitoni ina moaja quena”, ŋyi tɔoŋati mu gwareama? <sup>7</sup> Gājerā moa ŋisirā ŋari waja bujarā yirāji surara. Rocati ŋamena yirāji. Uyé otegu iti ricare bagu yiguŋi. Oveja coderi masu cuni ina ya ŋjegōa bijecōri idigu yiguŋi i. <sup>8</sup> Iti yu gotirise, “Ī tɔoŋarise busiami Pablo”, ŋyi tɔoŋati mu yare? Bajibea. Ito bajiroti gotia Moisés ŋayoru i rotire cuni. <sup>9</sup> Dios rotirise ucagu ado bajiro ucaŋi Moisés ŋayoru: “Ta wecu trigo ajere i wi cūda codaja, ‘Bajaro i cuni jabeto’, yirona i ya rise sia biabesa”, yi gotia Dios oca tuti. Ta wecu i batoni tɔoŋa usiriogu meje itire yiŋi Dios. <sup>10</sup> Guā i oca riaso ucurāre tɔoŋacōri ito bajiro gotiŋi Dios. Gware masa ejabuotoni itire gotiŋi i. Weseca moagū, trigo ajeri codagu cuni, “Ito bajiro bujagu yiguja yu”, yi tɔoŋa wanacōri moama ina. <sup>11</sup> Dios oca muare riasosuorā, wesecaju oterā bajiro moacu gua. ŋWeseca oteri masa ina bujado bajiro muare gua bujaja, no bajirojada? ŋGua riasore waja gware mu ejabuaja, no bajirojada? <sup>12</sup> Gājerā Dios oca muare riasoanare ina ŋatoni ina āmorise ŋisiyija mu. Īnare mu ŋsija, gua muare riasosuonajare queno busa mu ŋsija quena. “Muare riasocu gua. Ito bajiri gua ŋatoni gua bojoro bujarise ŋisifa”, yi tɔoŋabojarāti muare senibiticu gua.

Ado robojua bajicu gua. Gware bare manija, yutabujuri manija, riojoti ñemecaticu gua. “Cristo oca mani riasoroca ñare mani senija, i ocare boca ãminenaji ña”, yi tuoïacõri mware senibiticu gua. Riojoti ñemecaticu gua. <sup>13</sup> Judio masa ña minijuara wi ña moaja iti wi gayeti bocatirãji. Ado bajiro bajia iti. Diore rucãbuorona ña menira casabo waibucarã siacõri ña soeriseti bama itijã moari masa. Itire masia mua. <sup>14</sup> Ito bajiroti bajia Cristo oca riasorãre cãni. Ña riasore waja ña riasoana ñare ejabuaja quena. Ito bajiro rotiñi mani Uju Cristo. <sup>15</sup> Mware seni masibojaguti coji mware senibiticu yu. Adi yu mware ucarise cãni yure mua ñsitoni meje uca yu. Ñiocõ goda wabojaguti mware senibicu yiguja yu. “Senibicuti masare riasocu yu”, yi tuoïacõri wanua yu.

<sup>16</sup> “Ñre tuorũnarãre masogũ yiguñi Cristo”, yu yi masare riasoja, “Queno yigu ña yu”, yi tuoïabea yu. Ito bajiro yu goti ucutoni yure cũni Jesucristo. Masare i oca yu riasobeja, quenabeto rãtaraja yure. Iti yu riasobeja, wanubicu yiguja yu. <sup>17</sup> Waja bujarocu yu riasoja, “Waja bujagu yiguja yu”, yibogaja yu. Ito bajiro meje bajia. Yu tuoïarise meje riasoa yu. Dios i yure cãado bajiroti riasoa yu. <sup>18</sup> Ado robojua bajia yu waja bujarise. Masare waja senibicuti, “Ñre tuorũnarãre masogũ yiguñi Dios”, yi riasoa yu. Waja bujarocu meje i ocare riasoa yu. Itire masicõri wanua yu. Iti ña yu bujarise. “Mware yu riasore waja yure mua ñsija quena”, yi masibojaguti mware senibiticu yu.

<sup>19</sup> Gãjire moa ñsiri masu meje ña yu. Ito bajibojarocati mua jeyarore moa ñsigũ bajiro ña yu. Jãjarã busa Jesucristore tuorũnũjaro, yirocu ito bajiro moa yu. <sup>20</sup> Judio masa rãca yu ñaja, ñare bajiroti ña yu cãni. Jesure ña tuorũnũre ãmogũ ito bajiro ya yu. Moisés ñayoru rotire cãdirã rãca yu ñaja, ña robo bajiroti ña yu. Itire cãdibitirocu ñabojaguti Jesure ña tuorũnũre ãmogũ ña bajiroti ña yu. <sup>21</sup> Gãjerã Moisés ñayoru rotire cãdimena rãca yu ñaja, ña bajiroti ña yu. Ito bajibojarocati, “Dios i rotire cãdigu meje ña yu”, yibea yu ñare. Jesure ña tuorũnũre ãmogũ ito bajiroti ya yu. Cristore cãdigu ñari Dios i rotire ña yu cãdiroti. <sup>22</sup> Jesucristore tuorũnũsuorã rãca yu ñaja, ña bajiroti ña yu. Ito bajiro ya yu bũto busa Jesucristore ña tuorũnũtoni. No masa rãca yu ñaja, ña rãca gagũ bajiro ya yu. Ito bajiro ya yu, “Ñre tuorũnarãre masogũ yiguñi Cristo”, yi yu riasore tuocõri Cristore ña boca ãmitoni. <sup>23</sup> “Ñre tuorũnarãre masogũ yiguñi Cristo”, yire gaye masa ña tuo jeditoni iti gayere moa yu. Jesucristore boca ãmicõri masa ña wanũre ti ãmogũ itire moa yu.

<sup>24</sup> Masa ña ãmaquedija, sãgũ rayabeto ãmaquedicã. Ito bajibojarocati sãgũti ñaqui ejasũogũ. Ñãqui ejasũore waja, waja bujagu. Itire masia mua. Cajero ejasũogocu i ãmaquedisũoado bajiro Diore queno moa ñsifa mua. Dios tu bujarona ñre queno moa ñsifa mua. <sup>25</sup> No cajero ãmaquedi rãtocũ ãmorã dise ña ya rujuri ñeñorise gayere rãoama ña. Ito bajiro josari moama ña jũ suara bedo nocõ mejeti jogari bedore bujarona. Maniama jogabiti gayere bujarona bũto Diore moa ñsia. <sup>26</sup> “Ado bajiro yu yire ãmogũji Dios”, yi tuoïa masicõri, Diore moa ñsia yu. Sãgũ rotati i roca wãbebojaro bajiro meje ya yu. “Ado bajiro ãmogũji Dios”, yi masibitiroti meje ñre moa ñsia yu. <sup>27</sup> Ado robojua bajia. Diore moa ñsifa ãmogũ ñari, yu ãmorise meje ya yu. Yu ya rujuri ñeñaro iti tuoïabojarocati ito bajiro yibea yu. Yu ya rujure rãocõri Diore riti moa ñsia yu. Ito bajiro yu ya rujure yu rãobeja, masare Dios oca riasoru yu ñabojarocati, “Queno yicu mu”, yi boca ãmibiquñi Dios yure.

*Masa ñna meni rujeorure rucubuooba, yire gaye*

<sup>1</sup> Tuoŷa yu ñarā mua. Mani ñicusabatiare ñna wa masi jeditioni ide buerina ñnare ñoyijũ Dios. Riaca jajosa Ide Sũarise wame cutirisa ñna jẽa masi jediroca yiyijũ Dios. Itire tuoŷa ācabojabesa mua. <sup>2</sup> Moisés ñayorure tuorānucõri ide buerire sũya wayijarā ñna. Ito yicõri riaca jajosa jẽayijarā ñna. Moisés ñayorure tuorānucõri ñre sũya jediyijarā ñna. <sup>3</sup> Ūmacāju gaye manā wame cutirise Dios ñ queore ba jediyijarā ñna. <sup>4</sup> ñna idi catitoni gũtagā ide budiroca yiyijũ Dios. Iti gũtana suoriti meje catiyijarā ñna. Cristo ñnare tirũnũjare catiyijarā ñna. No ñna waroti ñnare tirũnũsotiyijũ Cristo. <sup>5</sup> Ito bajibojarocati ñna jãjarā Diore cudibisijarā. ñna cudibeja ticõri, ñnare wanũbisijũ Dios. Ito bajiri Diore ñna cudibitire waja yuca manojũ goda jediyijarā ñna.

<sup>6</sup> “‘Ito bajiro rẽtayijũ ñnare’, yi masibojarāti mani ñeñaro yi āmoja, ito bajiroti rẽtaroja manire cunĩ”, mani yi tuo gũija quena. <sup>7</sup> Ito bajiri ñna meni rujeoana ñna rucubuoado bajiro rucubuooba mua. Jeyaro ñnare bajigore gaye Dios oca tuti iti gotija, ado bajiro gotia: “Ba rujijarā. Ito yicõri jiarise idiyijarā ñna. Ito yicõri ñna meni rujeorure rucubuoona basayijarā ñna”, yi gotia Dios oca tuti. <sup>8</sup> Rocati romiare ñna ajeado bajiro yibitirũja manire. Ito bajiro ñeñaro yicõri veintitrẽs mil ñarā co ramũti goda jediyijarā ñna. <sup>9</sup> “Mani ñeñaro yibojarocati manire waja senibiquĩji Dios”, yi mani ñicusabatia ñna yibojado bajiro yibitirũja manire. Ito bajiro ñeñaro yicõri ãña ocana jãjarā godayijarā ñna. <sup>10</sup> Diore ñna bũsitu ñnado bajiro yibitirũja manire. Ito bajiro ñna yijare, sigũ āngel jãjarāre ñ sĩa batetoni cõayijũ Dios.

<sup>11</sup> Jeyaro mani ñicusabatiare rẽtagore oca ña jedia Dios oca tutijũ. Mani Jesũs ñ ejarotire tuoŷa yurā, mani tiroti ña iti oca. ñnare bajiro ñeñaro mani yibititoni, Dios oca tutijũ ña iti oca. ñnare bajiro mani yija, tõbũjarā yirãji mani cunĩ. <sup>12</sup> No “Ñeñaro yibicũja yu”, yi tuoŷabojaguti, ñeñaro yigũ yigũĩji gajea. Ito bajiri ñeñaro yibe yirocu queno ñ tuoŷaja quena. <sup>13</sup> Manire riti mani ñeñaro yitoni meje usiroro yi codeami rũmũa uju. Mani riojua gãnare cunĩ, masa jeyarore cunĩ usiroro yi codeami ñ. Manire ñ usiroro yi codebojarocati, mani ñeñaro yibititoni Diore mani tuorũnũja, manire ejabũagu yigũĩji ñ. “Mũa ñeñaro yibititoni mũare ejabũagu yigũja yu”, Dios ñ yiado bajiroti manire ejabũagu yigũĩji ñ. Rũmũa uju Satanás bũto usiroro manire ñeñaro ñ yi rotibojarocati, Diore mani tuorũnũja, itire mani ñnemecutiroca yigũ yigũĩji Dios manire. Mani ñeñaro yi āmorise mani yibititoni manire ejabũagu yigũĩji Dios.

<sup>14</sup> Ito bajiri yu ñarā mua, ñna meni rujeorure rucubuooba mua. <sup>15</sup> Yu bũsirisere tuo masirā ña mua. “Riti gotiami Pablo”, yi tuoŷarā ña mua. <sup>16</sup> “Queno ya Dios mu. Gũa ñeñaro yirise waja, waja yi ñsiorure mu Macũ Cristore cõayija mu”, yicõri uyẽ ide bato idia mani. Itire tuoŷarā, “Yucutẽojũ manire yiari goda ñsiñi Cristo”, yi tuoŷa jedia mani. Cristo ya rujare tuoŷarā, najure bato ba mani. “Yucutẽojũ manire yiari goda ñsiñi Cristo”, yi tuoŷa jedicõri bato ba mani. <sup>17</sup> Jãjarā ñnabojarāti sigũre bajiro riti tuoŷarā ña mani. Jesure tuoŷarā najuro corona bato ba mani. Ito bajiro yicõri Cristore riti tuorũnũa mani. Sigũre bajiro riti tuoŷarā ña mani. Ito bajiri jãjarā ñnabojarāti co rujũ robo bajiro bajirā ña mani.

<sup>18</sup> Israel sita gãnare tuoŷate mua. ñna ñeñaro yirise waja, waja yirona waibũcu ri soerãji ñna Diore rucubuoorā. Sigũre bajiro riti tuoŷacõri ñna soe ñsirere barãji ñna. <sup>19</sup> “Masa ñna meni rujeorure rucubuoja quena ña”, yirocu meje ya yu itire. Ito yicõri, “ñna meni rujeorure waibũcu ri ñsire gaje waibũcu ri rẽtoro



ñasarise ña”, yiroca meje ya ya itire. <sup>20</sup> Ado bajirojua mware yiroca ya ya: Diore masimena ña meni rujeore ña ecaja, Diore ecarã meje yama ña. Rãmúare ecarã yama ña. Ito bajiri ña rãca baba caticõri mua baja rãmúare rãcãborã bajiro yirãji mua. Ito bajiro mua yire amobea ya. <sup>21</sup> Rãmúare mani cudija, Jesús mani Ujare cãdirã meje ña mani. Ito bajiro mani yija, Jesure tuoãarã idisusare gaye wé ide idibitiruja manire. Ito yicõri Jesure tuoãarã basusare gaye babitiruja manire.

<sup>22</sup> “Ya ñarã ñabobarãti rãmúare cãdiama ña”, Jesús i yi junisniroca yibitiruja manire. I rëtoro masirã meje ña mani.

### *Mani gãmeri ti maija quena, yire gaye*

<sup>23</sup> “Dios i rëobeja mani amoro bajiro mani yija quena”, yi tuoãama gãjerã. Ito bajiro ña yi tuoãabobarocati ado bajirojua ya yama. Jeyaro mani yi amoro bajiro mani yibobarocati queno ejabuabetoja manire. Mani amoro bajiro mani yija, Jesure tuoãunusogũ i tuoãunã jidicãroca yirã yirãji gajea mani. <sup>24</sup> Mani queno ñaroti gaye riti tuoãabitiruja manire. Gãjerã ña queno ñatoni, ñare ejabuarona tuoãaruja manire. Jesure tuoãunã jidicãbitijaro ña, yirona tuoãaruja manire.

<sup>25</sup> Waibuca ri ña ñsirija waja yicõri mua baja quena. “¿Ña meni rujeore ecagore meje ñati adi?” yi seniãbesa. Riojoti waja yicõri mua baja quena. <sup>26</sup> Adi sita gaye jeyaro Dios i rujeore ña. Ito bajiri disejua rayabeto i ye riti ña. I rujeore iti ñajare, mani baja quena.

<sup>27</sup> Sīgũ Jesure tuoãunũgũ meje ñagũ, “Ya tu barã waya”, i yija, i ecaro bajiroti baja quena. “¿Ña meni rujeore ña ecagore meje ñati?” yi seniãmenati baja quena. <sup>28</sup> Gãji itire ba güigũ, “Ña meni rujeore ña ecagore ña adi”, i yi goti masioja, babeja itire. Itire mua baja ticõri, i tuoãariseju tuoãa bujatobicu yiguji i. “Ñeñaro yama ña”, yi tuoãacõri bujatobicu yuguji. Ito bajiri Jesure i jidicãme yirona, babeja itire. <sup>29</sup> “Jeyaro waibuca ri mani baja quena ña”, yi tuoãabobarãti, “Iti gaye mani baja quenabea”, gãjerã ña yi tuoãarisere babitiruja manire.

Mua coriarã ado bajiro yirã yirãji gajea: “Itire baja quenabea”, gãjerã ña yi tuoãabobarocati, ¿itire ba jidicãgũ yigujada ya? yi tuoãarãji mua coriarã. <sup>30</sup> Gaje ado bajiro yirãji mua: Ya baroto riojua, “Queno ya Dios mu”, ya yibobarocati gãjerã, “Babitiruja mware”, yi codebitiruja ñare, yirãji mua. <sup>31</sup> Ado robojua baja: No mani bariseti, mani idirise, mani moarise cuni Diore masa ña rãcãboroca yiruja manire. <sup>32</sup> Gãjerã ña ñeñaro yi amoro ca yibe yirona, quenarise riti yiruja manire. Judio masa, judio masa meje cuni Jesure tuoãunãrãre cuni ña ñeñaro yi amoro ca yibitiruja manire. <sup>33</sup> Yama ado bajiro tuoãa ya: Jeyaro ya yirise masa ña ti wanã jedire amoa ya. Sīgũti queno ya ñaroti gayere tuoãabea ya. Jesure ña tuoãunãre amogũ ña queno ñaroti gayejare tuoãa ya. Jeame ajuroju ña wabore ñaroca ñare Dios masore amoa ya.

## 11

<sup>1</sup> Cristo i yiado bajiroti ya ya cuni. Ito bajiri ya yiro bajiroti yija mua cuni.

### *Mani minijua romia ado bajiro ña yija quena, yire gaye*

<sup>2</sup> Tuo ya ya ñarã mua. Mware ya riasocati yiro robo yirã ña mua. Ito bajiri yare mua acabojabere mware queno wanã ya. <sup>3</sup> Gaje mua tuo masire amoa ya. Ado bajiro baja iti. Manojõ cãtigã i manojõ rijoga ñami umũgũ.

Mani ãmua rijoga ñami Cristo. Ito bajiroti Cristo rijoga ñami Dios. <sup>4</sup> Sīgũ minijuara wiju ĩ ya rijoga buagu Diore ĩ senija, Dios oca ĩ busija cani, Diore rucubuo bicu bajiro yami locũ. <sup>5</sup> Minijuara wiju sīgõ rijoga buabeco Diore iso senija, Dios oca iso riasoja cani, iso manjure rucubuo beco bajiro yamo iso. Rijoga iso buabeja, joa suagoro bajiro bajigõji iso. <sup>6</sup> Sīgõ iso rijoga bua ãmobeja, cojisiti joa sua jeocõja quena isoõcõreama. “Rijoga joa suagoga bojo ña yu”, yi iso tuoĩaja, rijoga iso buaja quena. <sup>7</sup> Mani ãmuaare minijuara wiju rijoga buare ma manire. ĩ robo bajigu manire rujeoñi Dios. Manimasi gãmeri ticõri, “Queno masigũ ñami Dios”, yi tuoĩa manĩ. Ito bajiri ĩre wanucõri ĩre rucubuo mani. Romiama manĩ ãmuaare rucubuo rã ñama. Ito bajiri, “Ëmuaare rucubuo gũ”, yirona rijoga ĩna buaja quena. <sup>8</sup> Ado robojua baja: Ëmugãre rujeogu romio ya gõana meje rujeoyiju Dios. Romiare rujeogu ãmugũ ya gõana rujeoyiju. <sup>9</sup> Romiore ejabuarcure meje ãmugãre rujeoñi Dios. Ëmugãjuare ejabuarcure romiore rujeoñi Dios. <sup>10</sup> Ito bajiri, “Yure ãmatã ñagũ ñari yu ya rijoga bajiro bajigu ñami yu manju”, yiroco iso ya rijoga buaja quena romiore. Ito bajiro ĩna yija ticõri, ĩnare ti wanurã yirãji ãngel mesa. <sup>11</sup> Ëmua cani, romia cani ĩna ñare ãmoñi Dios. Romia ĩna manija, queno ña masimenaji ãmua. Romia ito bajiroti ãmua ĩna manija, queno ña masimenaji romia. Ito bajiri mani Jesús ñarã, “Ñe waja mama ãmua, ñe waja mama romia”, yire ma manire. <sup>12</sup> Ado robojua baja: Ëmugũ ya gõana romiore rujeoñi Dios. Ito bajibojarocati romiana rujeana ñama ãmua. Mani ãmua, romia cani Dios ĩ rujeoana riti ña mani.

<sup>13</sup> Adi muare yu gotirise queno tuoĩaña mua. Minijuara wiju rijoga buabecoti, ¿Diore iso senija quenati? Quenabea. <sup>14</sup> “Ëmua joa yoarise ĩna ãmaja, bojorise ña”, yi tuoĩa jedia mani. <sup>15</sup> Romiareama joa yoarise ĩna ãmaja, queno ti wanua mani. Joa yoarise iso ãmaja, iso ya rijoga buago bajiro yamo iso. <sup>16</sup> Sīgũ adi yu gotirisere ĩ tuoĩa busi ãmoja, ado bajiro ĩre gotija quena: “Gua, gãjerã Jesure tuorũnarã cani, ito bajiro riti yisotia gũ”, yi gotija quena ĩre.

### *Jesús ĩ basusare gaye barã queno ĩna yibitire gaye*

<sup>17</sup> Adocãta muare yu ucarise, muare wanugũ meje uca yu. Jesús basusare gaye minijua barona queno yibea mua. Mani Ëju ĩ basusare gayere ñeñoa mua. <sup>18</sup> “Ĭna minijuaja, ricati riti tuoĩama”, yire gaye tuo yu muare. “Riti bajiroja”, yi tuoĩa yu ĩtore. <sup>19</sup> “Mani tuoĩa busija, Ĭnati ñama Jesure tuorũnũsarã”, yi tuoĩarã yirãji gãjerã manire”, yi tuoĩa busiboja mua. <sup>20</sup> Ricati riti tuoĩa basicõri, Jesús basusare gaye mua minijua baja, mani Ëjũre rucubuo rã meje yirãji mua. <sup>21</sup> Baraju iti ejaroca mua ãmoro bajiroti ba ãmorãji mua yajirona. Cocati bare bato bamenaji mua. Ito bajiro mua yija, gãjerã ñiocõrãji. Gãjerãma idi mecãrãji ĩna. <sup>22</sup> Wiri catirã ña mua. Mua ya wiriju mua ba, idĩ, yija quena. Ito bajiro queno mua yibeja, Jesús basusare gaye barã gãjerã queno ba bujamena, bujato ĩna bujaroca ya mua. Ito bajiro mua yija gãjerã Jesure tuorũnũrãre ti tudirã bajiro ya mua. “Queno ya mua”, ¿yiguti yu muare? Meje yi ãmobeja yu. Muare wanubea yu.

### *Mani Ëju ĩ basusare gaye*

*(Mt 26.26-29; Mr 14.22-25; Lc 22.14-20)*

<sup>23</sup> Adi muare yu riasorise mani Ëju ĩ basusare gaye muare yu riaso masitoni yu masiroca yiñi ĩ. Ado bajiro baja: Mani Ëjũre ĩ wajana ñiatoni Judas ĩ gotira ñami, ĩ ya ãmona naju ãmi rucoyiju Jesús. <sup>24</sup> ãmi rucocõri, “Queno ya Dios mu”, yiyiju ĩ. Igata batocõri ado bajiro yiyiju ĩ, ĩ rãca riasotirãre: “Ĭmo baya. Adi ña

y<sub>u</sub> ya ru<sub>u</sub> robo bajiro bajirise. M<sub>u</sub>are yiari goda ĩsig<sub>u</sub> yig<sub>u</sub>ja y<sub>u</sub>. Y<sub>u</sub> godaja bero y<sub>u</sub> m<sub>u</sub>are ĩogore t<sub>u</sub>oĭac<sub>o</sub>ri y<sub>u</sub>re r<sub>u</sub>c<sub>u</sub>b<sub>u</sub>or<sub>a</sub> ado bajiroti minijua basotiba”, yiyij<sub>u</sub> Jes<sub>u</sub>s ĩ r<sub>a</sub>ca riasotir<sub>a</sub>re. <sup>25</sup> ĩna baja bero uy<sub>e</sub> ide t<sub>e</sub>ro *ami* r<sub>u</sub>coyij<sub>u</sub> Jes<sub>u</sub>s. Ito yic<sub>o</sub>ri ado bajiro ĩnare gotiyij<sub>u</sub> ĩ: “ĩmo idiya. M<sub>u</sub>are yiari y<sub>u</sub> ya r<sub>i</sub> budiro yiroja y<sub>u</sub>re. Y<sub>u</sub> ya r<sub>i</sub>na s<sub>u</sub>oriti, ‘Ado bajiro masare queno yig<sub>u</sub> yig<sub>u</sub>ja y<sub>u</sub>’, Dios ĩ y<sub>i</sub>ado bajiroti *nasoro* yiroja ĩja. Y<sub>u</sub> godaja bero y<sub>u</sub> m<sub>u</sub>are ĩogore t<sub>u</sub>oĭac<sub>o</sub>ri, y<sub>u</sub>re r<sub>u</sub>c<sub>u</sub>b<sub>u</sub>or<sub>a</sub> ado bajiroti minijua idisotiba”, yiyij<sub>u</sub> Jes<sub>u</sub>s ĩ r<sub>a</sub>ca riasotir<sub>a</sub>re. <sup>26</sup> Mani *U<sub>u</sub>* ĩ rotiado bajiroti mani baja, mani idija c<sub>u</sub>ni, “Manire yiari goda ĩsi<sub>ni</sub> Cristo”, yirona ito bajiro basotia mani. Mani *U<sub>u</sub>* ĩ ejarocaj<sub>u</sub> ito bajiro yisusar<sub>a</sub> yir<sub>a</sub>ji mani.

### *Mani U<sub>u</sub> ĩ basusare gaye mani baja, ado bajiro mani baja quena, yire gaye*

<sup>27</sup> Ado roboj<sub>u</sub>a baja: No Diore r<sub>u</sub>c<sub>u</sub>b<sub>u</sub>obic<sub>u</sub>ti rocati mani *U<sub>u</sub>* ĩ basusare gaye ĩ baja, ĩ idija c<sub>u</sub>ni *ne<sub>na</sub>ro* yig<sub>u</sub> yigu<sub>ji</sub> ĩoc<sub>u</sub>. Ito bajiro ĩ yija, “*Ne* waja ma Jes<sub>u</sub>s ya ru<sub>u</sub>, ĩ ya r<sub>i</sub> c<sub>u</sub>ni”, yig<sub>u</sub>re bajiro yami ĩoc<sub>u</sub>. No ito bajiro yig<sub>u</sub> seti cutig<sub>u</sub> yigu<sub>ji</sub>. <sup>28</sup> Ito bajiri mani *U<sub>u</sub>* ĩ basusare gaye ba *amor<sub>a</sub>*, mani baroto rioj<sub>u</sub>a, mani idiroto rioj<sub>u</sub>a c<sub>u</sub>ni ado bajiro mani yija quena: Mani *ne<sub>na</sub>ro* yirise t<sub>u</sub>oĭa bojori b<sub>u</sub>jac<sub>o</sub>ri Diore mani goti r<sub>e</sub>tobuja quena. Ito bajiro mani yija bero mani *U<sub>u</sub>* godare t<sub>u</sub>oĭac<sub>o</sub>ri mani baja quena. <sup>29</sup> “Y<sub>u</sub> *ne<sub>na</sub>ro* yirisere y<sub>u</sub>re waja y<sub>i</sub> ĩsiroc<sub>u</sub> goda<sub>ni</sub> Cristo”, y<sub>i</sub> mani t<sub>u</sub>oĭaja quena. Jesure t<sub>u</sub>oĭamenati rocati mani baja, mani t<sub>o</sub>b<sub>u</sub>jaroca yig<sub>u</sub> yigu<sub>ji</sub> Dios manire. <sup>30</sup> Ito bajiro rocati bac<sub>o</sub>ri j<sub>a</sub>jar<sub>a</sub> *narise* cutia m<sub>u</sub>a. G<sub>a</sub>jer<sub>a</sub> wisia m<sub>u</sub>a. Ito bajic<sub>o</sub>ri g<sub>a</sub>jer<sub>a</sub> goda<sub>ni</sub> ĩna. <sup>31</sup> Mani baroto rioj<sub>u</sub>a queno mani t<sub>u</sub>oĭaja, mani t<sub>o</sub>b<sub>u</sub>jaroca yibic<sub>u</sub> yigu<sub>ji</sub> Dios. <sup>32</sup> Mani *ne<sub>na</sub>ro* yirise waja mani t<sub>o</sub>b<sub>u</sub>jaroca Dios ĩ yija, mani queno yitoni ito bajiro yami ĩ. ĩre masimena jeame *u<sub>u</sub>roju* wana r<sub>a</sub>ca mani ware *amobeami* Dios. Ito bajiri *ne<sub>na</sub>ro* mani yirisere jidic<sub>a</sub>toni mani t<sub>o</sub>b<sub>u</sub>jaroca yami ĩ.

<sup>33</sup> Ito bajiri Jes<sub>u</sub>s ĩ basusare gaye bar<sub>a</sub> wana m<sub>u</sub>a minijuaja, sig<sub>u</sub> r<sub>u</sub>yabeto coroc<sub>o</sub> barona ejori mejeti baya y<sub>u</sub> *nar<sub>a</sub>* m<sub>u</sub>a. <sup>34</sup> M<sub>u</sub>a *nioc<sub>o</sub>ja*, m<sub>u</sub>a minijuaroto rioj<sub>u</sub>a m<sub>u</sub>a ya wij<sub>u</sub> baja quena. Ito bajiri minijuara wij<sub>u</sub> m<sub>u</sub>a baja, jairo ba yajirona meje bar<sub>a</sub> yir<sub>a</sub>ji m<sub>u</sub>a. “Ito bajiro m<sub>u</sub>a yijare m<sub>u</sub>a t<sub>o</sub>b<sub>u</sub>jaroca yibic<sub>u</sub> yigu<sub>ji</sub> Dios”, y<sub>i</sub> gotia y<sub>u</sub> m<sub>u</sub>are. Gaje oca *narisere* m<sub>u</sub>a t<sub>e</sub> ejac<sub>o</sub>ri quenog<sub>u</sub> yig<sub>u</sub>ja y<sub>u</sub>.

## 12

### *Jeyaro mani moa masitoni Espiritu Santo manire ĩ jidic<sub>a</sub>re gaye*

<sup>1</sup> Queno t<sub>u</sub>oĭa<sub>na</sub> y<sub>u</sub> *nar<sub>a</sub>* m<sub>u</sub>a. Ricati riti mani moa masi sosatoni Espiritu Santo ĩ c<sub>u</sub>re gaye m<sub>u</sub>a masire *amoa* y<sub>u</sub>.

<sup>2</sup> “Jesure mani masiroto rioj<sub>u</sub>a mani meni rujeoana busimenare r<sub>u</sub>c<sub>u</sub>b<sub>u</sub>oc<sub>u</sub> mani”, y<sub>i</sub> t<sub>u</sub>oĭar<sub>a</sub>ji m<sub>u</sub>a. Gajero bajiro t<sub>u</sub>oĭac<sub>o</sub>ri j<sub>a</sub>jar<sub>a</sub> m<sub>u</sub>a meni rujeoanare r<sub>u</sub>c<sub>u</sub>b<sub>u</sub>obojayija m<sub>u</sub>a maji. <sup>3</sup> Ito bajiri, “ĩna *nama* Espiritu Santo rotirise meje busir<sub>a</sub>. ĩ *nama* Espiritu Santo rotirise busig<sub>u</sub>”, m<sub>u</sub>a y<sub>i</sub> t<sub>u</sub>oĭare *amoa* y<sub>u</sub>. No Jesure busitug<sub>u</sub>, Espiritu Santo ĩ rotirise meje busiami ĩoc<sub>u</sub>. No, “R<sub>e</sub>toro masig<sub>u</sub> *nama* Jes<sub>u</sub>s y<sub>u</sub> *U<sub>u</sub>*”, y<sub>i</sub> busig<sub>u</sub>, Espiritu Santo rotirise busiami ĩoc<sub>u</sub>.

<sup>4</sup> Diore mani moa ĩsitoni, ricati riti mani moa masiroca yami Espiritu Santo. Ricati riti mani moa masiroca yibojaguti sig<sub>u</sub>ti *nama* Espiritu Santo. <sup>5</sup> Ricati riti mani *U<sub>u</sub>*re moa ĩsia mani. Ricati riti moabjar<sub>a</sub>ti ĩ sig<sub>u</sub>reti moa ĩsia mani. <sup>6</sup> Ricati riti moare c<sub>u</sub>ni Dios manire. Ito yic<sub>o</sub>ri ĩ sig<sub>u</sub>ti *nama* mani moa masiroca yig<sub>u</sub>. <sup>7</sup> Espiritu Santo quedi s<sub>a</sub>ja ecoana *nar<sub>i</sub>*, Diore mani moa ĩsi masiroca yami ĩ. Ito bajiri, “Espiritu Santo quedi s<sub>a</sub>ja ecor<sub>u</sub> *na* y<sub>u</sub>”, y<sub>i</sub>

tuoĭa mani. Gãmeri mani ejabuatoni ricati riti moare cũi Espírítu Santo manire. <sup>8</sup> Coriarã Espírítu Santona suoriti queno tuoĭacõri goti masiama ĩna. Gãjerã cũi Dios oca josarise gaye riasoticõri goti masiama ĩna, Espírítu Santo ejabuarisena. <sup>9</sup> “Yu seniro bajiroti cudigu yigũji Dios”, gãjerã ĩna queno tuorũnuroca yami Espírítu Santo. Cõrãre ĩna yisio masiroca yami Espírítu Santo gãjerãre. <sup>10</sup> Tiyamani ĩna ĩo masiroca yami Espírítu Santo gãjerãre. Gãjerãre Dios oca ĩna goti masiroca yami Espírítu Santo. “Ī ĩami Espírítu Santo rotirise busigu. ĩna ĩnama Espírítu Santo rotirise meje busirã”, ĩna yi masiroca yami Espírítu Santo gãjerãre. ĩna busi masibiti oca ĩnabojareti ĩna busi masiroca yami Espírítu Santo gãjerãre. Iti gaye oca ĩna busigore ĩna rogoti masiroca yami Espírítu Santo gãjerãreama. <sup>11</sup> Ricati gaye riti manire moare cũi sigũti ĩami Espírítu Santo. Ī âmoro bajiro riti ricati mani moa masiroca yami Espírítu Santo.

### *Co ruju bajiroti ruju cutirã ña mani, yire gaye*

<sup>12</sup> Mani ya ruju jeyaro ĩnabojarocati co rujati ña. Tite mua. Âmoro, gãmo, gũbo jaje ña mani ya ruju. Ito bajiro bajirã ña mani Jesucristore tuorũnurã cũi. Jãjarã ĩnabojarãti Cristore riti tuorũnurã ñari co ruju bajiro bajirã ña mani. Īre tuorũnurã ñari gãmeri ejabua mani. <sup>13</sup> Jeyaro ña mani. Tuote mua. Judio masa, judio masa meje cũi, gãjerãre moa ĩsirã, gãjerãre moa ĩsimena cũi ña mani. Jesucristore tuorũnucõri idé gu roticu mani. Mani sigũ ruayabeto Espírítu Santo quedi sãja ecoana riti ña mani. Ī sigũti ĩami mani ya usiju quedi sãjara. Ito bajiri ĩna suoriti co ruju bajiroti ruju cutia mani.

<sup>14</sup> Co ruju ĩnabojaroti jeyaro ña mani ya ruju. Coju gaye meje ña mani ya ruju. Jeyaro ña. <sup>15</sup> Gũbo iti busija, “Âmo meje ña yua, ito bajiri ruju gaye meje ña”, yibojarocati ruju gayeti ña. <sup>16</sup> Gãmo iti busija, “Cajea meje ña yu, ito bajiri ruju gaye meje ña”, yibojarocati ruju gayeti ña iti. <sup>17</sup> Mani ya ruju cajea bucũagoti iti ñaja, ĩñena tuobanada mani? Mani ya ruju gãmo bucũrogoti iti ñaja, ĩñena wĩjiboanada mani? <sup>18</sup> Meje ado robojua baja. Mani ya ruju iti ñaroto bajiroti Ī âmoro bajiro rujeoñi Dios manire. <sup>19</sup> Mani ya ruju coju gaye iti ñaja, jeyaro ĩnabitiboadoja. <sup>20</sup> Ado robojua baja: Mani ya ruju jeyaro ĩnabojarocati co rujati ña. Ito bajiro bajirã ña mani Jesure tuorũnurã. Jãjarã ĩnabojarãti sigũre bajiro riti tuoĭacõri gãmeri ejabua mani.

<sup>21</sup> Mani ya cajea iti busija, “Ñe waja ma âmoro”, yi masibitiboadoja. Mani ya rijoga iti busija, “Ñe waja ma gũbori”, yi masibitiboadoja iti. <sup>22</sup> Ado robojua baja: Mani ya ruju gaye, “Adi gaye queno waja ma yure”, mani yi tuoĭabojarocati ñasarise ña iti cũi. <sup>23</sup> Mani ya ruju gaye, “Adi gaye queno waja ma yure”, mani yibojarise cũi queno tirũna mani. Gaje mani ya ruju gaye masa jeyarobe mani ĩobiti yutabujuna sãña bia mani. <sup>24</sup> Gajejuri mani ya rujuri bojobe mani. Ito bajiri itire buabea mani. Mani ya rujure ĩ âmoro bajiroti quenoñi Dios. Mani ya ruju gaye, “Ñasarise meje ña”, mani yirise itijua ña buto busa ñasarise. <sup>25</sup> Mani ya ruju jeyaro ĩnabojarocati corocõti ñasarise ña. Mani Jesure tuorũnurã ito bajiro bajirãti ña. Jãjarã ĩnabojarãti ñasarã riti ña mani. Ito bajiri wanure rãca gãmeri ejabua mani. <sup>26</sup> Mani ya ruju coju iti junija, ruju ñarocõti juni wisia. Mani ya ruju coju masa ĩna ti wanuja, mani ya ruju ñarocõreti wanujecoa mani. Iti gaye robo bajiroti baja mani Jesure tuorũnurã cũi. Mani wato sigũ ĩ bojori bujaja, mani ñarocõti ĩ rãca bojori bujarãji mani. Ito yicõri sigũ mani wato ĩ wanu quenaja, mani ñarocõti wanu quenarãji mani.

<sup>27</sup> Ado robojua bajaia: Mani Jesure tuorünurã ire moa isirã ñari i ya ruju robo bajirã ña mani. Mani sigũ ruyabeto ñasarã ña mani. Mani rãca gagu sigũ i manija, ire godo cutia mani cocati Jesure moa isirã ñari. <sup>28</sup> Mani Jesure tuorünurã ñaja sigũ ruyabeto moare cũi Dios manire. Cajero mani coriarãre Jesús oca goti ucuronare cũi i. Ito bero gãjerã ire goti isironare cũi. Gãjerã i oca riasoronare cũi. Gãjerã tiyamani ña iorotire cũi. Gãjerã cõrãre yisiononare cũi. Gãjerã ejabuaronare cũi. Gãjerã tirãnaronare cũi. Ito bero gãjerã ña busi masibiti oca ñabojareti busi masironare cũi Dios. <sup>29</sup> Corocõti ire moa isirona meje cũi Dios manire. Mani jeyaro Jesucristo oca gotirona i cũana meje ña mani. Mani jeyaro Diore goti isiri masa meje ña mani. Mani jeyaro i oca riasori masa meje ña mani. Mani jeyaro tiyamani iori masa meje ña mani. <sup>30</sup> Mani jeyaro cõri masare yisiori masa meje ña mani. Mani jeyaro mani busi masibiti oca ñabojareti busi masirona meje ña mani. Mani jeyaro ña busija tuocõri, “Ado bajiro busiru ña”, yi masirã meje ña mani. Mani jeyaro ña busirisere rogoti masirã meje ña mani. <sup>31</sup> “Ñasarise yu yiroca, Dios i yire amoa yu”, yiruja muare. Ito bajiro mua yijama quena ña. Ito bajiro mua yibojarocati adocãta buto ñasarisejuare muare riasogu ya yu.

## 13

### *Gãjerãre mani ti maija, iti ña ñasarise, yire gaye*

<sup>1</sup> Co oca ruyabeto mani busi masibojarocati, ito yicõri ángel mesa oca mani busi masibojarocati, gãjerãre mani ti maibeja, ñe waja mana ña mani. Gãjerãre mani ti maibeja, jeyaro busirã ñabojarãti, rocati yucu toti iti busiro bajiroti, ito yicõri cometiro iti busiro bajiro, rocati oca godacoaju. Gãjerãre ti maimenati mani busibojaja manire tuomenaji ña. <sup>2</sup> Diore goti isiri masa ñabojarãti, ito yicõri goti rudire jeyaro masibojarãti, gãjerãre mani ti maibeja, ñe waja mana ña mani. Jeyaro tuo masirã ñabojarãti, ito yicõri “ ‘Gũta yucãrãre cõo rügõña Dios mu’, yu yija, ñaro bajiroti cadiguji i”, yi tuoã masirã ñabojarãti, gãjerãre mani ti maibeja, ñe waja mana ña mani. <sup>3</sup> Mani rucorise ñarocõti batorã ñabojarãti, gãjerãre mani ti maibeja ñe waja bujamenaji mani. “Yure ña soe amobojarocati Dios oca goti jidicãbicuja yu”, yi tuoãrã ñabojarãti gãjerãre mani ti maibeja ñe waja bujamenaji mani.

<sup>4</sup> Gãjerãre mani ti maija, ado robojua bajirã yirãji mani: Gãjerãre usirioro yimenaji mani. Gãjerãre queno yirã yirãji mani. Gãjerãre ti uomena yirãji mani. Gãjerãre rucuborã yirãji mani. “Gãjerã rëtoro ñasagu ña yu”, yimenaji mani. <sup>5</sup> Mani queno ñaroti gaye riti tuoãmena yirãji mani. Gãjerãjuare ña queno ñaroti gaye tuoãrã yirãji mani. Gãjerãre ti junisinimena yirãji mani. Gãji manire ñeñaro i yibojarocati yoari junisinimena mani. Itire acabojorã yirãji mani. <sup>6</sup> Gãji i ñeñaro yija, ti wanamenaji mani. Gãji i queno yijajua ire ti wanurã yirãji mani. <sup>7</sup> Gãjerãre mani ti maibojarocati ñeñaro manire ña yija, ñare ti mai jidicãmenaji mani. Ito yicõri ñare busitumenaji mani. ñare mani ti maija, ñare tuorünurã yirãji mani. Gãjerãre mani ti maibojarocati, manire ña ñeñaro yija, ñare usiriomenaji mani. Ito yicõri ñare ti mai jidicãmenaji mani.

<sup>8</sup> Gãjerãre mani ti maija, ñare ti mai jidicãre ma manire. ñare ti maisotirã yirãji mani. Gãjerãre mani ti mairise jedirise meje ña. Co ruma Dios i manire moare cüre jediro yiroja. Iti ruma iti eja Diore queno masirã yirãji mani. Ito bajiri ire goti isire mano yiroja ija. Ito yicõri mani masibiti oca jeyaro mani busiroca yibicu yiguji Dios. Gaje i oca josarisere mani goti masiroca yibicu yiguji i ija. <sup>9</sup> Ado robojua bajaia: Adocãta jeyaro Dios ye masi jeobea mani.

Dios ocare goti jeo masibea mani. <sup>10</sup> Ija co rumu Dios gayere masi jeocōrā yirāji mani maji. Ito bajiri iti rumu ejaroca ī oca manire goti rētohuri masa mana yirāji ĩja. Manimasiti tuo masi jeocōrā yirāji.

<sup>11</sup> Ado bajiro baja. Macuacā yu űaja, macuacā oca busicu yu. Macuacā yu űaja, macuacā robo riti tuoīacu yu. Macuacā yu űaja, macuacā bajiro riti tuoīa besecu yu. Busua wacu macuacā yu űagore gaye jidicācu yu. <sup>12</sup> Adocāta jeyaro Dios gayere tuo masi jeobea mani. Ēoro queno ruyubeto bajiro Dios oca queno tuo masi jeobea mani. Ito bajibojarocati co rumu Dios tu ejacōri ī gayere tuo masi jeorā yirāji mani. Adocāta coriajuriti ī oca masia mani. Ija co rumu Dios ī manire ti masi jeoado bajiroti ī gaye tuo masi jeorā yirāji mani cuni.

<sup>13</sup> Ĥdiaji gaye űa mani yisotiroti: Diore tuorānusotiruja manire. “Dios ī yiro bajiroti yigu yiguĵi”, yi tuoīasotiruja manire. Ito yicōri gājerāre ti maisotiruja manire. Iti űdiaji gaye gājerāre mani ti mairise iti űa űasarise.

## 14

### *Oca masibitibojarāti gājerā oca busire gaye*

<sup>1</sup> Gājerāre ti maisotiruja manire. Iti űa mani cūdiroti űasarise. Īre mani moa ĩsitori Dios ī cūre gayere āmoana mani. “Yure goti ĩsiri masa űama mua”, manire ī yire gaye, āmoana mani. Iti cuni űasarise űa. <sup>2</sup> No gājerā oca ī masibiti ī busija, Diore rūcuboguti yami, ito bajiro ī yija. Ito bajiro ī busija, masa tuomenaji ĩre. Ito bajiri ĩnare meje busiguĵi ī. Diojuare busiguĵi. Ito bajiro ī busija Espiritu Santo ejabuarisena busiguĵi ī. Ito yicōri gājerā ĩna tuoroti meje busiguĵi ī. <sup>3</sup> Gājijama Diore goti ĩsigū ī busija, masareti busiguĵi. Buto busa Diore ĩna tuorānūtoni ito bajiro busiguĵi ī. ĩna tuoīa oca sēotoni ito yicōri ĩna wanūtoni ito bajiro busiguĵi ī. <sup>4</sup> No gājerā oca ī masibiti Diore ī busija, buto busa ĩmasiti Diore masi waguĵi. Ito bajiro tuoyamani ī busija, tuobiticōri buto busa Diore masimenaji ĩna ĩja. Gājijama Dios oca gotigu ĩna tuorisena ī gotija tuocōri, gājerā Jesure tuorānūrā buto busa ĩna tuorānuroca yami ī.

<sup>5</sup> Sīgū ruyabeto gājerā oca mua masibiti oca űabojareti mua busija, quena űaboroja yure. Ito bajibojarocati ī masibiti oca űabojareti busigu rēto busaro űasarise moami Dios oca gotiri masu. Ī masibiti oca űabojare busigu ī busirise masa ĩna tuo masitoni ī rogotija, űasarise moami ī cuni. Ito bajiro ī yija Jesure masirā buto busa ĩre ĩna tuorānū waroca yami ī. Busi tuocōri ī rogotibejama tuo masimenaji ĩna. <sup>6</sup> Tuoya yu űarā mua. Mua tu ejacōri mua tuobiti yu busija, űe waja ma. űeĵua ejabūabetoja muare. Yu masiroca Dios ī yirise muare yu busija, muare ejabūaroja itijama. Dios oca riojo űasarise muare yu riasoja, iti cuni muare ejabūaroja.

<sup>7</sup> Goti masiore ocana muare gotigu ya yu: Sīgū tērorā ī juti masibeja, “Iti basa menigū yami”, yi masimenaji mani. Arpa wame cutirisena queno ī basa meni masibeja, “Iti gaye basa menigū yami”, yi masimenaji mani. <sup>8</sup> Surarare jigu trompeta wame cutirica queno ī juti masibeja, gājerā rāca gāmeri sīarona űa yucāmenaji ĩna. “Wadirū ĩna”, yi masibiticōri űa yucāmenaji ĩna. <sup>9</sup> Iti bajiroti baja, gājerā oca mua masibiti mua busibojaja. Mua masibiti mua busija tuo masibiticōri, “Ito bajiro yireoni űa”, yi masimena yirāji gājerā. Ito bajiro mua busibojaja, mino bajiroti godacoaro yiroja. <sup>10</sup> Riti űa, adī macārūcūrore jaje oca busia mani. Mani busirisere tuorā yirāji gājerā. <sup>11</sup> Ito bajibojarocati sīgū yu tuobiti yure ī busibojaja jua dūja gāmeri tuomenaji gua. Īre tuo masibiticōri, “Gaje masu űaguĵi”, yi tuoīagū yiguja yu. Yure tuo masibiticōri ito bajiroti

tuoŋagū yiguŋji ĩ cuni. <sup>12</sup> Diore moa ĩsiroca Espiritu Santo ĩ yire āmorā ña mua. Ito bajiro āmorā ñari, “Gājerā Jesure tuorānurāre gua ejabuaroca yiya”, yirona Espiritu Santore seniña.

<sup>13</sup> Ito bajiri sīgū gājerā oca ĩ masibiti ĩ busija, ĩ rogoti masitoni Diore ĩ senija quena. <sup>14</sup> Diore rūcubuoŋu gaje oca yu masibiti yu busija, Espiritu Santo ĩ ejabuarisena ito bajiro busiŋja yu. Ito bajibojarocati, “Iti gayere busia yu”, yi masibicaja yu. Ito bajiri gājerā ĩna tuo masiroca yi masibicu yiguja yu. <sup>15</sup> Ado bajiro juaji gayena Diore yu busija quena. Espiritu Santona suoriti yu masibiti oca ñabojareti Diore yu busija quena. Ito yicōri gājerā ĩna tuotoni ĩna tuorisena Diore yu busija quena. Juaji gayena Diore yu basaja quena. Espiritu Santona suoriti yu masibiti oca ñabojareti Diore yu basaja quena, ito yicōri gājerā ĩna tuorisena Diore yu basaja quena. <sup>16</sup> Diore rūcubuoŋā Espiritu Santona suoriti gājerā ĩna tuobiti riti mani busibojaja, “Iti gaye busirāji ĩna”, yi masimenaji ĩna. Ito bajiri ĩna tuobeja, mani rāca cocati Diore rūcubuo masimenaji ĩna. <sup>17</sup> Manire tuobiticōri mani rāca cocati, “Queno ya Dios mu”, yi masimena yirāji ĩna. Diore rūcubuoŋā, “Queno ya Dios mu”, mani queno yibojarocati, manire tuobiticōri bato basa Diore masibiti warā yirāji ĩna. <sup>18</sup> Mua rētoro gājerā oca yu masibiti busia yu. Ito bajiri, “Queno ya Dios mu. Yu masibiti oca ñabojareti yu busiroca ya mu”, ya yu ĩre. <sup>19</sup> Ito bajibojarocati Dios ya wi minijuacōri jaje mua tuobiti yu gotibojaja, ñe waja ma iti. Yu gotirisere tuomenaji mua. Mua ocana mua tuorise jabetacā yu gotibojarocati mua tuoja, iti ña yure bato basa quenarise.

<sup>20</sup> Rāca bajiro tuoĭabesa yu ñarā mua. Ito bajibojarocati mutarācā ñeñaro yibitiana bajiro mua ñaja quena. Bucurā bajiro queno mua tuoĭaja quena. Bucurā mua ñajare, ito bajiro tuoĭaja quena. <sup>21</sup> Dios oca tuti iti gotija, ado bajiro gotia: “Yu ñarāre gaje ocana ĩnare busigu yiguja yu. Gaje masa yu ñarāre gaje ocana busironare cōagū yiguja yu. Ito bajiro yu yibojarocati yure tuorūnumena yirāji ĩna”, yi gotia Dios oca tuti. <sup>22</sup> Diore ĩna tuo āmobetō bajiroti tuo āmomenaji Jesure tuorūnumena cuni. Sīgū gājerā oca ĩ masibiti ĩ busiroca Dios ĩ yija, “Masigū ñari manire waja senigū yiguŋji Dios”, Jesure tuorūnumena ĩna yitoni ito bajiro ĩoguŋji Dios. Gājiama ĩ oca goti masiroca Dios ĩ yija, “Masigū ñari manire ejabuagu yiguŋji Dios”, Jesure tuorūnurā ĩna yitoni ito bajiro ĩoguŋji Dios. <sup>23</sup> Ado robojuā baja: Diore rūcubuoŋona minijua ñaraju, gājerā oca mua masibiti mua busi ñaroca Dios ocare riasotimena, ito yicōri Diore tuorūnumena cuni ĩna ejaja, “Mecuri masaguti ñacōyijari āna”, yirā yirāji ĩna muare. <sup>24</sup> Diore rūcubuoŋā mua minijua ñariju gājerā Diore masimena ĩna ejaja, Dios oca mua gotijama tuo masirā yirāji. Ito bajiri queno tuo masicōri, “Ñeñaro yigugo ñada yu cuni”, yi tuoĭarā yirāji ĩna. <sup>25</sup> “Yu tuoĭa rudibojarisere masicōami Dios”, yirā yirāji ĩna. Ito yicōri Diore rūcubuoŋona rijomunigāna ñini rūjūrā yirāji ĩna. “Āna rāca ñasacōami Dios”, yirā yirāji ĩna muare.

### *Minijuacōri ado bajiro queno yiraja manire, yire gaye*

<sup>26</sup> Tuoja yu ñarā mua. Ado bajiro baja: Mua coriarā minijuacōri basa āmoa mua. Gājerā riaso āmoa mua. Gājerā mua masiroca Dios ĩ yirere goti āmoa mua. Mua coriarā gājerā oca mua masibitire busi āmoa mua. Gājerā rogoti āmoa mua. Quena ña ito bajiro mua yija. Dise rayabeto mua yisotija, Diore tuorūnurā bato basa ĩna tuorūnu waroca mua yija quena. <sup>27</sup> Gājerā oca mua masibiti mua busi āmoja, juarāona udiarāonati mua busija quena. Sīgū ĩ busija bero, ito bero gāji, ito bero gāji mua busija quenaroja. Mua busija bero gāji ĩ rogotija quena, gājerā ĩna tuotoni. <sup>28</sup> Sīgū rogotigu ĩ manija, minijuacōri

gājerā oca m̄ua masibiti busibitiruja m̄uare. Sīgū rogotigū ī manija, masa īna tiro riojo meje m̄ua busija quena. M̄ua tuoīarisena Diore m̄ua busija quena. <sup>29</sup>M̄ua masiroca Dios ī yire m̄ua goti āmoja, jūarāona, udiarāonati busija quena. Sīgū ī busija bero, ito bero gāji, ito bero gāji busija quena. Gājerā m̄uare tuo rujirā, “Riti Dios ocare busiama īna”, yi tuoīa bese rujirā yirāji īna. <sup>30</sup>Sīgū ī busiroca gāji tao rujigare ī busiroti gaye tuoīa bujaroca Dios ī yija, busisūogū busi jidicāja quena, gāji ī busitoni. <sup>31</sup>Queno gāji bero, gāji bero m̄ua busija, m̄ua Diore goti īsiri masa sīgū ruyabeto busi masirā yirāji m̄ua. Ito bajiro m̄ua yija, sīgū ruyabeto busi masirā yirāji m̄ua. Ito bajiro m̄ua yija, buto busa Dios ocare masicōri tuoīa oca sēo wanu jedirā yirāji m̄ua. <sup>32</sup>M̄ua Dios oca goti īsiri masa ī oca m̄ua gotija, rocati meje gotirā yirāji m̄ua. “Ado bajiro goticuja yu”, yi tuoīacōri m̄ua gotija quena. Gājerā īna busiroca busibitiruja m̄uare. M̄ua yija quena. <sup>33</sup>Ŋe oca manoti mani minijujaja ticōri, manire wanugū yiguīji Dios. Ito bajijobarocati mani busi riawusaja ticōri, wanubicu yiguīji Dios.

Ito bajiri gājerā Jesure tuorūnūrā īna minijuado bajiro, ņe oca mano busi riawusare mano m̄ua minijuasotija quena. <sup>34</sup>Dios ya wi m̄ua minijuaroca busire ma romiare. Īna ņama īna manujusabatiare cadirona. Ūm̄ua ņama īnare ūmatārā. Ito bajiroti gotia Dios oca tuti. <sup>35</sup>Īna seniīa āmoja, īna ya wijū tūdi ejacōri īna manujusabatiare seniīaja quena. M̄ua minijuari wijū romio sigō iso busija, queno ejasabea.

<sup>36</sup>“Ado bajiro gotia Dios oca’, yi goti rēto bu masirā ņa gua”, ζyi tuoīati m̄ua? Ito bajirojua meje baja. M̄ua riti meje ņa Dios oca boca āmisuōana. <sup>37</sup>“Diore goti īsiri masa ņa yu”, sīgū ī yija, “Mani Ūju ī rotiado bajiroti gotiami Pablo”, yi masigū yiguīji ī. Ito bajiroti yigu yiguīji gāji cuni, “Espiritu Santo rotirise busia yu”, ī yi masija. <sup>38</sup>“Dios oca gotigu meje ņami Pablo”, sīgū ī yija, ĩre cuni tuorūnubeja quena.

<sup>39</sup>Тюоуа yu ņarā m̄ua. Ado bajirojua m̄ua yija quena: “Dios oca yu goti masiroca ī yire āmoa yu”, m̄ua yija quena. No gājerā oca īna tuobiti īna busija, rēore ma. <sup>40</sup>Ito bajijobarocati m̄ua minijua ņari wijū gājerāre rūcubucōri sīgū ī busiroca gājerā busire ma. No m̄ua yisotirise dise ruyabeto queno tuoīacōri m̄ua busija quena.

## 15

### *M̄ucana tūdi Cristo catire gaye*

<sup>1</sup>“Masare masorocu goda īsiñi Cristo”, yi m̄uare yu riasocatire itire tūdi m̄ua tuoīare āmoa yu. Iti ocare iti ramuju boca āmicācu m̄ua. Iti ocare boca āmicōri Cristore tuorūnūa m̄ua. <sup>2</sup>M̄uare yu riasocatire m̄ua tuorūnu jidicābeja, Dios ī masoana ņa m̄ua ĩja. “Dios ocare tuorūnūrā ņa gua”, yibojarāti iti ocare queno tuorūnusamena m̄ua ņaja, Dios ī masoana meje ņa m̄ua.

<sup>3</sup>Oca buto ņasarise yu masiroca Dios ī yirere m̄uare riasocu yu. Dios oca tuti iti gotiro bajiroti, “Mani ņeñaro yirise waja goda īsiñi Cristo”, yi m̄uare riasocu yu. <sup>4</sup>“Īre īna yujebjarocati udiā rama bero m̄ucana tūdi catiñi Cristo”, yi m̄uare riasocu yu. Dios oca tuti iti gotiro bajiroti m̄uare riasocu yu. <sup>5</sup>Tūdi caticōri Pedre goaīoyiju Jesús. Ito bero ī cūana jua gubojeno ņarāre goaīoyiju. <sup>6</sup>Ito bero gājerā quinientos ņarā rēto busaro ĩre tuorūnūrāre goaīoyiju Jesús. Ī goaīoana jājarā catiama maji. Gājerāma godacoaŋi. <sup>7</sup>Ito bero Santiagore goaīoyiju. Ito bero ī oca goti ucutoni ī cūanare ņarocōreti goaīoyiju.



<sup>8</sup> Īnare ĩ goaĵoja bero yure cuni sũsari goaĵoquĩ. Īna bajiro ñasagu meje ña yu. Ñasagu meje yu ñajare ĩna bero yure cuni goaĵosusaquĩ ĩ. <sup>9</sup> Ī oca goti ucuroca ĩ cũana rãca corocõ ñasagu meje ña yu. Iti ramũ Cristore tũorũnũrãre queno yibiticũ yu maji. Ī ñarãre yu usirioro yi codejama ĩ oca yu goti ucuroca yibitiborũ Dios. “Queno yu yĩgu ñajare yure beseñi Dios”, yi tũoĩabea yu. <sup>10</sup> Yure ti maicõri yure beseñi Dios, ĩre yu moa ĩsitoni. Quenoguti Dios ĩ yure yijare ĩre queno moa ĩsia yu. Ito bajiri, “Bũjato baja. ĩre besebojacũ yu”, yibeami Dios yure. Gãjerã Jesũs ĩ cũana rẽto bũsaro Diore moa ĩsia yu. Ito bajibojarocati yũmasi meje Diore moa ĩsia yu. Yure ti maicõri ĩre yu moa ĩsi masiroca yami Dios yure. <sup>11</sup> “Gãjerã rẽto bũsaro Dios oca mũare riasocũ yu”, yu yija no yibea iti. Ado robojũa ña ñasarise. Dios ocare tũocõri Jesure tũorũnũyija mũa. Itijũa ña ñasarise.

### *Godabojarãti mũcana tũdi mani catire gaye*

<sup>12</sup> Gũa Jesũs ĩ cũana sĩgũ ruyabeto corocõ gotia gũa. “Godabojaguti mũcana tũdi catiñi Cristo”, yi gotia gũa. Mũare ito bajiro gũa yibojarocati, ĩno yija mũa coriarã, “Godabojarãti mũcana tũdi catiya ma”, yati mũa? <sup>13</sup> Godabojarãti tũdi catire iti manija, Cristo cuni tũdi catibitiborũ. <sup>14</sup> Tũdi ĩ catibeja, ĩ oca gũa riasobojarise ñe waja manoja. Ī tũdi catibeja, ĩre tũorũnũbojarãti ya mũa. Ī manija ĩ manibojarocati ĩre tũorũnũboana mũa. <sup>15</sup> Ī tũdi catibeja, bũrãti Dios oca riasoboyija gũa. “Tũdi Cristo ĩ catiroca yĩni Dios”, yicãcũ gũa. Godana mũcana tũdi ĩna catibeja, Jesure cuni tũdi ĩ catiroca yibitiborũ Dios. <sup>16</sup> Godana mũcana tũdi ĩna catibeja, ito bajiroti Cristo cuni tũdi catibitiborũ. <sup>17</sup> Cristo tũdi ĩ catibeja, ĩre tũorũnũbojarãti ya mũa. Ī manija ĩ manibojarocati ĩre tũorũnũboana mũa. Mani ñeñaro yirise waja, waja yi ĩsirocũ godacõri ĩ tũdi catibeja, seti catirã ñaboana mani maji. <sup>18</sup> Ito bajiro iti bajija, Jesucristore tũorũnũcõri godana jeame ũjurojũ waboana ĩna. <sup>19</sup> Cristore tũorũnũbojarãti tũdi mani catibeja, ĩre tũorũnũmena rẽtoro bojori bũjarã ñaboana mani.

<sup>20</sup> Ado robojũa baja: Cristo ĩ godabojarocati mũcana tũdi ĩ catiroca yĩni Dios ĩja. Ito bajiri ĩ ñami cajero godabojaguti mũcana tũdi catisũorũ. Īna sũoriti godana ñarocõti mũcana tũdi cati jedirã yirãji. <sup>21</sup> Adãn ñayorũ ĩ ñeñaro yirajũna sũoriti godasũoñi adi sita gãna. Ito bajibojarocati Cristo tũdi ĩ catirajũna sũoriti godabojarãti tũdi catirãji mani cuni. <sup>22</sup> Adãn ñayorũ janerãbatia ñari goda jedirã yirãji mani. Ito bajibojarocati Cristore tũorũnũrã ñari ĩna sũoriti mũcana mani catiroca yĩgu yĩguĩji Dios. <sup>23</sup> Dios ĩ ãmoro bajiroti mũcana tũdi catirã yirãji masa. Cristo ñami cajero godabojaguti mũcana tũdi catisũorũ. Ija Cristo ĩ tũdi ejaroca ĩre tũorũnũgoana mũcana tũdi catirã yirãji. <sup>24</sup> Ito baji ñaroca adi ũmũari jediro yiroja. Ī wajana ñarocõreti rẽtocũgũ yĩguĩji Cristo. Adi sita gãna ũjarã, ito yicõri ũmacũjũ gãna ũjarãre cuni rẽtocũgũ yĩguĩji Cristo. Ito bajiro yicõri ĩre tũorũnũrãre miojugũ yĩguĩji Cristo. “Īna ũjũ ñasagu ñatĩñama mũ”, yirocũ ĩ Jacũ Diojũare ĩsigũ yĩguĩji Cristo ĩre tũorũnũgoanare. <sup>25</sup> Ī wajanare ĩ rẽtocũroto riojũa ũjũ ĩ ñaroca yĩgu yĩguĩji Dios Cristore. Ito bajiro ĩ baji ñare ãmoguĩji Dios. <sup>26</sup> Ī wajana ñarocõreti rẽtocũcõri masa ĩna godarise gaye itocõti gajanoagũ yĩguĩji Cristo. Ito bajiri mũcana tũdi godare mano yiroja. <sup>27</sup> Dios oca tuti iti gotiro bajiroti jeyaro ũjũ ñarocare cũni Dios Cristore. “Ī Jacũ ũjũ ñami Cristo”, yireoni meje ña iti. Ī Jacũjũa jeyaro ũjũ ñarocare cũni. <sup>28</sup> Co ramũ ĩ wajana jeyarore, ito yicõri ũjarã jeyarore cuni ĩnare rẽtocũgũ yĩguĩji Cristo. Ito bajiro yicõri jeyarore rotigu ñagũ yĩguĩji Cristo. Iti ramũti

ĩ roti masitoni Dios ĩ jidicãrere tũdi ĩsigũ yiguĩji Diore. Ito bajiro ĩ yijare Dios ĩre cũru jeyaro, dise ruwabeto Uju ñagũ yiguĩji.

<sup>29</sup> “Godana mũcana tũdi catimenaji”, gãjerã ĩna yibojarise gaye mũare goti masio ãmoa yũ. ĩNo yija, “Godana mũcana tũdi catimenaji”, yi tũoĩabojarãti idẽ guya mana godanare yiari idẽ gu ĩsirã yati gãjerã? Godana mũcana tũdi ĩna catibejama, rocati bajiro ĩnare idẽ gu ĩsibojarãji ĩna.

<sup>30</sup> Dios oca yũ riasoja, bũto guĩjosotia yũre, jãjarã yũre sĩa ãmorã ĩna cunĩjare. “Riti godana tũdi catirã yirãji ĩja”, yi tũoĩacõri Dios oca riaso jidicãbea yũ.

<sup>31</sup> Riti mũare gotia yũ ñarã yũ. Co rũmũ ruwabeto yũre sĩa ãmorã cunĩsotiamã ĩna. Riti bajaia iti. Gaje riojo gotia yũ mũare. “Yũ riasocatire tũocõri Cristore tũorũnũni Corinto cũto gãna”, yi mũare tũoĩacõri wanũa yũ. <sup>32</sup> Efeso cũto gãna yaiare bajiro guacõri yũ tũbujaroca yicã ĩna. Godabojarãti mũcana tũdi mani catibeja, rocati Diore moa ĩsibocũ yũ. Ito yicõri tũbujabojaguti, ñe bũjabitibogũja yũ. Godana mũcana tũdi ĩna catibeja, Jesure tũorũnamena ĩna tũoĩado bajiro mani cunĩ tũoĩaja quenaboa. Ado bajiro yi tũoĩama ĩna: “Yoari mejeti godarã yirãji mani. Ito bajiri mani ãmoro bajiroti wanũũja mani, barũja mani, idirũja mani”, yi tũoĩabojama ĩna.

<sup>33</sup> Ito bajiro rũo gotirãre tũorũnũbesa. Ado bajirojũa ya yũ mũare: “Ñeñaro yirã rãca mũa baba cõtija, queno yirã ñabojarãti ĩna bajiroti ñeñaro yirã yirãji mũa cunĩ”, ya yũ mũare. <sup>34</sup> Tũdi queno tũoĩa quenocõri quenarise riti yiya mũa. Mũa ñeñaro yirisere jidicãña. Mũa coriarã Diore masirã meje ña mũa. Mũa bojo bũjatonĩ ito bajiro ya yũ.

### *Godabojarãti mũcana tũdi ĩna catire gaye*

<sup>35</sup> Ado bajiro yũre seniĩarã yirãji gajea coriarã: “Godana ñabojarãti, ĩno bajiro tũdi catirã yirãjida? Ito yicõri, ĩno bajiro ruju catirã yirãjida ĩna?” yi yũre seniĩarã yirãji gajea coriarã. <sup>36</sup> Ito bajiro yũre seniĩarã queno tũoĩamena ñama ĩna. Ado robojũa bajaia: Aje mani oteja, joe gayeti jogaro yiroja. Ito bajibojarocati gũdajubero gaye judi mũjaroja. <sup>37-38</sup> Trigo ajeri, gaje ote ajeri mani oteja, rujagũ meje otea mani. Mani oteja bero rujagũ iti ñatoni Dios ĩ ãmoro bajiroti menigũ yiguĩji ĩ. Ote ajeri iti ñaro bajiroti iti judiroca yigũ yiguĩji Dios. Maniama ajerĩgoti otea mani. Dios ñami iti judiroca yigũ.

<sup>39</sup> Mani catirã jeyaro ricati riti ruju cõtia mani. Tite mũa. Wai, waiũcũrã, wũtirã, mani masa cunĩ ricati riti ruju cõtia. <sup>40</sup> Ito bajiroti ũmacũju gãna cunĩ ricati ruju cõtirãji. Mani adi sita gãna ricati ruju cõtia mani. Mani adi sita ñarã quenari ruju, ruju cõtia mani. ũmacũju gãna cunĩ manire bajiro ruju cõtibitibojarãti quenari ruju, ruju cõtirãji ĩna cunĩ. <sup>41</sup> ũmũa gagũ ĩ busurise bajirise meje busuami ñami gagũ cunĩ. Ricati busuami. Ito bajiroti ñocõa cunĩ ricati busuama. ĩna ñocõa comasi cunĩ ricati riti busuama. <sup>42</sup> Ito bajiroti bajirã yirãji mani. Godabojarãti mũcana tũdi caticõri ricati ruju cõtirã yirãji mani. Sĩgũ godarũre mani yujeja, ĩ ya ruju jogacoaro yiroja. Tũdi catiroca Dios ĩ yija, tũdi godare mano yiroja ĩre. <sup>43</sup> Sĩgũ godarũre mani yujeja, jogari rujare yujea mani. ĩ tũdi catiroca Dios ĩ yija, seyori ruju, ruju cõtigu yiguĩji. Queno ruju sũogũre meje yujea mani. Ruju sũobiti ruju yujea mani. Ito bajibojarocati tũdi catiroca Dios ĩ yija, sũori ruju, ruju cõtigu yiguĩji ĩ. <sup>44</sup> Adi sita ñarã mani ruju cõtirisere ĩna yujeja, jogari rujare yujerã yirãji ĩna. Ito bajibojarocati mani tũdi catiroca Dios ĩ yija, jogabiti ruju bũjarã yirãji mani. Adi sita ñarã jogari ruju, ruju cõtia mani. Mani godabojarocati mani ya usiama godabetoja. ũmacũju Dios tũ ejacõri jogabiti ruju, ruju cõtirã yirãji mani.

<sup>45</sup> Ado bajiro gotia Dios oca tuti: “Cajero ãmugũ ñasũorũ, Adán ñayorũ Dios ĩ rujeorũ ñayiju. ĩ catiroca yiyiju Dios”, yi gotia Dios oca tuti. Adán bero gagũ ñabojaguti ĩ rētoro ñasagu ñami Cristo. ĩ ñami mani catitĩñaroca yigu. <sup>46</sup> Adocãta mani ruju cutirise jogari ruju ña. Ito bajibojarocati ũmacãju Dios tũ ejacõri jogabiti ruju bujarã yirãji mani. <sup>47</sup> Ñmugũ ñasũorũre sitana rujeoyiju Dios. Ito bajiri adi sita gagũ ñayiju ĩ. ĩ bero gagũ Cristoama ũmacãju gagũ wadirũ ñayiju. <sup>48</sup> Adi sita ñarã cajero ñasũorũ sitana rujearu robo bajiro ruju cutia mani. ũmacãju Dios tũ mani waja ito gagũ wadirũ Cristo robo bajiro ruju cutirã yirãji mani. <sup>49</sup> Adi rãmuri Adán ñayorũ bajiro ruju cutia mani. Ito bajibojarocati Dios tũ ejacõri Cristo bajiroti ruju cutirã ñarã yirãji mani ĩja.

<sup>50</sup> Ado bajiro goti ãmoa yũ ñarã yũ mũare: Adocãta mani ya ruju wirow, rĩ cãni ña manire. Ito bajiri ruju ũmacãju Dios ĩ rotiroju ña masibetoja. Adocãta mani ruju cutiri ruju yoari ñabetoja. Ito bajiri Dios rãca catitĩñarona ruju jogabiti ruju mani ruju cutija quena. <sup>51</sup> Gãjerã ĩna masibitire mũare gotigũ ya yũ. Jeyaro meje godarã yirãji. Ito bajibojarocati mani sīgũ ruyabeto ruju wasoarã yirãji mani. <sup>52</sup> Cajea mani yabi yiro bajiro ejaroti ruju rujeare wasoagu yiguĩji Dios. Ito bajiro bajiro yiroja sũsari rãmũ. Trompeta wame cutirica jutiraga oca ruyuro yiroja. Iti oca ruyuroca godana tũdi catirã yirãji. Ito yicõri tũdi godare mano yiroja ĩnare. Iti rãmuri cati ruyarãre ĩna ya ruju rure wasoagu yiguĩji Dios. <sup>53</sup> Mani ruju cutirise jogarise ña. Ito bajiri Dios rãca mani catitĩñatoni manire ruju wasoagu yiguĩji Dios. Adocãta mani ruju cutirise godacoaro yiroja. Ito bajiri tũdi mani godabititoni mani ya ruju rujeare wasoagu yiguĩji Dios. <sup>54-55</sup> Adocãta mani ruju cutiri ruju godacoaro yiroja. Mũcana tũdi godabiti ruju Dios ĩ manire wasoaja, Dios oca tuti iti gotiãdo bajiroti rētarõ yiroja. Ado bajiro gotia iti: Mani godarise jediroca yami Dios ĩja. Ito bajiri mũcana tũdi godamenaji mani. “Tõbujacõri goda wacũ ya yũ”, yi tũõia giũre ma ĩja. <sup>56</sup> Ñeñaro yisotiri ñari godarã yirãji mani. Dios ĩ rotirisere cãdimena ñari, “Ñeñaro yirã ña gũ”, yi tũõia mani. Ñeñaro mani yirisere mani coe rotibeja godacõri, bũto tõbujarã yirãji mani. <sup>57</sup> Ito bajibojarocati mani Ñju Jesucristore mani tũorũñaja, ĩ godarena sũoriti jeame ãjurowũ mani waborere rētogũ yiguĩji Dios. Godabojarãti caticoarã yirãji mani. Itire tũõia wanũcõri, “Queno ya Dios mũ”, ya mani.

<sup>58</sup> Ito bajiri Jesucristore tũorũñũ jidicãbitirũja yũ ñarã manire. Ito yicõri ĩre moa ĩsi jidicãbitirũja manire. “ĩre mani moa ĩsija queno manire waja yigu yiguĩji Dios”, yi tũõia mani. Ito bajiri mani Ñju rujeare mani moa ĩsija rocati meje moarã yirãji mani.

## 16

### *Gãjerãre ejabũarona mani niyeru miojure gaye*

<sup>1</sup> Gãjerã Jesure tũorũñũrãre ejabũarona niyeru mũna miojuroti gaye mũare bũsigũ ya yũ adocãta. Jesure rãcũbũorona ĩna minijua ñaroca, Galacia sita gãnare niyeru yũ mioju rotiãdo bajiroti mũare cãni niyeru mioju rotia yũ.

<sup>2</sup> Ado bajiro mũare mioju rotia yũ: Coji tujacãra rãmũ ruyabeto mũa bũja sosaro bajiroti jabetacã ĩsija quena. Itire miojucõri cojuti seoba. Ito bajiro moa yija, yũ ejari rãmũ ñacãro yiroja. <sup>3</sup> Mũa tũ ejacõri niyeru ãmi warona mũa beseanare, “Jerusalén gãnare niyeru ĩsitẽña”, yirocu ĩnare wa rotigũ yigũja yũ. Ito bajiri mũa miojure gaye ãmi wacõri ito gãna Jesure tũorũñũrã bojoro bũjarãre ĩsirã yirãji ĩna. “Ãna ñama queno yirã. ĩnare boca ãmiña mũa”, yi

papera uca İsigü yigüja yu Jerusalén gānare İna İo ejatoni. <sup>4</sup> “İna rāca warüja yure”, yu yi tuoİaja, İnare ūmatā wacu yigüja yu.

### *Warocu Pablo İ tuoİare gaye*

<sup>5</sup> Adona wacōri Macedonia sitaju ejagu yigüja yu. İtona wacōri mua cuto Corintoju ejagu yigüja yu. <sup>6</sup> Yoari mua rāca űagü yigüja gajea yu. Juebuca űarocōti mua rāca űagü yigüja gajea yu. İto bero gaje cuto yu wa masitoni yure mani gaye yure mua İsi ejabuaja quena űaroja yure. <sup>7</sup> Ejori oca mua tu ti rēta āmobeaa yu. Mani Ŭju İ āmoja, yoari mua tu űa āmoa yu. <sup>8</sup> İto bajibojaguti coji wabea yu maji. Adi cuto Efeso, iti Pentecostēs basa iti rētaja bero wacu yigüja yu. <sup>9</sup> Ado űacōa āmoa yu maji. Jājarā yure ti tudirā űabojarāti, Dios oca yu riasoja jājarā űama queno tuo āmorā.

<sup>10</sup> Timoteo mua tu İ ejaja, queno boca āmima İre. Mua rāca İ wanutoni, İ tuoİa oca jaibe yirona, queno İre boca āmima. Mani Ŭjure moa İsigüti űami İ cuni, yu robo bajiroti. <sup>11</sup> İto bajiri İre mua rücuuore āmoa yu. İre bocatia yu, ito yicōri Jesure tuorānūrā İ rāca gānare cuni. İto bajiri mua tu İ ejaja, İre ejabuaya, yure rēta tigu İ ejatoni.

<sup>12</sup> Mani yagu Apolosre gājerā Jesure tuorānūrā rāca İre josabojacu yu, mua tu İ tigu watoni. İto bajiro yu yibojarocati “Adocāta yu ware āmoguİji Dios”, yi tuoİabeami maji. İto bajiri, “Yu ware quena”, İ yi tuoİari rumu mua tu tigu wacu yiguİji İ.

### *Quenajaro masa, Pablo İ yi űucare gaye*

<sup>13</sup> Queno tuoİacōri űa yucāűa mua. İto yicōri mani Ŭju Jesucristore tuorānu jidicābesa mua. Ŭmua seyoro queno mua usi cuti űaja quena. İto yicōri tuoİa oca sēoűa mua. <sup>14</sup> Dise ruabeto Diore mua moa İsisotirise gājerāre ti maicōri İre moa İsija quena.

<sup>15</sup> Acaya sita gagu Estēfanas İ űarā rāca cajero Dios oca yu riasocature boca āmisuoquİ İ. “İto bajiroti bajicu”, yi tuoİarāji mua. Adi rumuri gājerā Jesure tuorānūrāre ejabuaronaa Diore moa İsirā yama İna. <sup>16</sup> İnare mua rücuuuo cüdire āmoa yu. İto yicōri no İna bajiro Diore moa İsicōri mua rāca moarāre mua rücuuuo cüdire āmoa yu. <sup>17</sup> Mua űarā Estēfanas, Fortunato ito yicōri Acaico İna ejaja buto wauua yu. Sōju űacōri yure ejabuua masibeaa mua. İto bajiri muare yiari yu tu ejacōri yure ejabuama İna. <sup>18</sup> Mua oca sēorocaa İna yiado bajiroti yu tu ejacōri yu oca sēorocaa yama İna. İto bajiro yirāre mani rücuuuoja quena.

<sup>19</sup> Asia sita gāna Jesure tuorānūrā, “Quenajaro”, yi űucama muare. Aquila İ manojo Priscila İna ya wi minijuarā cuni mani Ŭjure tuorānūrā űari, “Quenajaro”, yi űucama İna muare. <sup>20</sup> Ado gāna manire bajiro Jesure tuorānūrā, “Quenajaro”, yi űucama muare. Diore rücuuuoā űari, “¿űati mua?” yicōri gāmeri mua jababare āmoa yu.

<sup>21</sup> Yu masiti, “Quenajaro”, yi uca űuca yu muare.

<sup>22</sup> No mani Ŭju Jesucristore maimena jeame űjuroju warā yirāji. Mani Ŭju İ tūdi ejare āmosacōa yu.

<sup>23</sup> Mani Ŭju Jesure senia yu muare queno İ yitoni. <sup>24</sup> “Jesucristore tuorānūrā mua űajare, muare buto tuo maia yu”, yi űuca yu muare. İtocō űa.

## Segunda carta de San Pablo a los Corintios

### *Corinto cuto gānare Pablo ī papera cōare gaye*

<sup>1</sup> Nati yu űarā m̱a. Yu robo bajiroti Jesucristore tuorūnūrā űa m̱a c̱ni. Yu űa Pablo adi papera m̱are cōagū. Jesucristo ocare yu goti ucutoni ī cūru űa yu. Dios ī āmojare ito bajiro yure cūquī Jesucristo. M̱a Corinto cuto gāna Diore rūc̱buorā minijuasotia m̱a. Adi papera cōa yu m̱are. M̱a Acaya sita gānare c̱ni Diore rūc̱buorā m̱a űajare adi papera cōa yu. Mani yagu Timoteo rāca adi papera m̱are cōa yu. <sup>2</sup> M̱are yiari mani Jacu Dios, ito yicōri mani űu Jesucristore c̱ni seni īsia yu. M̱are űa queno yitoni űnare senia yu. M̱a ya űsiju queno m̱a wanu quenatoni m̱are yiari űnare seni īsia yu.

### *Pablo ī tuoīa bujatobitire gaye*

<sup>3</sup> Mani űu Jesucristo Jacu rūc̱buoṟja manire. Mani Jacu űari manire ti maigū yiguīji Dios. Ito bajiri mani tuoīa bujatobitibe yirocu mani rāca űatīnagū yiguīji ī. Ito bajiro bajigu ī űajare ĩre rūc̱buo mani. <sup>4</sup> Diseja ruayabeto mani bujatobitija ī tuoīarisena mani rāca űatīnagū yiguīji Dios. Ito bajiroti manire yigu yiguīji Dios, “Gājerā űa tuoīa bujatobitija ĩnare ejabuajaro”, yirocu. Mani tuoīa bujatobitija manire Dios ī ejaburo robo bajiro gājerāre mani ejabuaja quena. <sup>5</sup> Mani ye waja buto tuoīa bujatobisiju Cristo. Manire c̱ni tuoīa bujatobitiroca yirā yirāji masa. Ito bajibojarocati Cristo ī goda ĩsiana mani űajare mani tuoīa bujatobitija, ī tuoīarisena mani rāca űatīnagū yiguīji Dios. <sup>6</sup> “Jesucristore m̱a tuorūnuja, m̱are masogū yiguīji Dios”, yi masare yu riasojare buto yu tuoīa bujatobitiroca yama gājerā. Ito bajiro yure űa yibojarocati masare yu riaso jidicābititoni yure ejabuami Dios. Ito bajiri tuoīa bujatobitigorū űari m̱a tuoīa bujatobitija m̱are ejabu masigūja yu. “Yu űemecutiroca Dios ī yure yiado bajiroti m̱a űemecutiroca yigu yiguīji Dios”, yi tuoīa yu. <sup>7</sup> “Diore queno tuorūnūrā űama Corinto cuto gāna”, yi tuoīa yu m̱are. Yu tuoīa bujatobitiado bajiroti tuoīa bujatomena yirāji m̱a c̱ni. Ito bajibojarocati, “Yure ī ejabudo bajiroti m̱are c̱ni ejabuagu yiguīji Dios”, yi tuoīa yu. “Diore jidicāmena yirāji űa”, yi tuoīa yu m̱are.

<sup>8</sup> Tuoya yu űarā m̱a. “Asia sitaju űagū jaje oca josarise gaye rētaűi Pablo”, m̱a yi tuoīare āmoa yu. Ado bajiro bajicu. Itoju buto tuoīa bujatobiticu yu. “űemecutiado ma yu”, yi tuoīacu yu. “Catigu yiguja yu”, yi tuoīare manicu yure. <sup>9</sup> “Pablore sīana mani”, űa yire masicācu yu. “Yure űa sīaroti yumasiti camota masibeja yu”, yi tuoīacu yu. Ito bajiro rētacu yure, Diore riti yu tuorūnatoni. “Dios űami godarāre mucana tūdi catiroca yigu. Ito bajiri ī sigāti űami yure maso masigū”, yu yi masitoni, ito bajiro rētacu yure. <sup>10</sup> Yure űa sīa āmbojarocati yure queno ejabuquī Dios. Ito bajiri yure sīa masibiticā űa. “Ito bajiro riti yure ejabuasotigu yiguīji Dios”, yi tuoīa yu. Yu tuoīarise Diore riti űa yure. “Yure ejabuasotigu yiguīji Dios”, yi tuoīa yu. <sup>11</sup> Yure yiari Diore seni ĩsiűa. Ito bajiro yure m̱a ejabuare āmoa yu. Ito bajiro m̱a yija queno yure ejabuagu yiguīji Dios. M̱a jājarā yure seni ĩsirena suoriti yure ejabuagu yiguīji Dios. “Pablore queno ejabuami Dios”, yi ti masicōri jājarā masa, “Queno ya Dios m̱”, yirā yirāji űa ĩre.

### *Corinto cutoju Pablo ī wabitire gaye*

<sup>12</sup> Gaje gaye tʷoĩacõri wanʷa yʷ. Ado bajiro bajia iti yʷ wanʷrise. “Dios ĩ ʷmoro bajiro masare queno yicʷ yʷ”, yĩ tʷoĩacõri wanʷa yʷ. “Masare rʷogʷ meje ña yʷ. Corinto cʷto gāna rāca ñagʷ ĩnare queno Dios oca riasocʷ yʷ”, yĩ tʷoĩa yʷ. Yʷre queno yicõri, gājerāre yʷ queno yĩ masiroca yĩñi Dios. Yʷ masirisena meje ito bajiro yicʷ yʷ. Dios ĩ masirisena ito bajiro yicʷ yʷ. <sup>13</sup> Adi papera yʷ ucarise riojo gotia yʷ. Rʷore ocana meje mʷare uca yʷ. Mʷa tʷo masirotire uca yʷ. Ito bajiri queno mʷa tʷo masi jeore ʷmoa yʷ. <sup>14</sup> Ado yʷ yirisere queno tʷo masi jeobebe mʷa maji. “Ado bajiro bajigʷ ñami Pablo”, queno yĩ masi jeobebe mʷa maji. Yʷre mʷa queno masija, mani ʷju Jesucristo ĩ tʷdi ejari rʷmʷ, “Gʷare queno riasocʷi Pablo”, yĩ tʷoĩa wanʷrā yirā yirāji mʷa. Mʷare ito bajiroti wanʷgʷ yigʷja yʷ cʷni. “Queno cʷdirā ñama ĩna”, mʷare yĩ tʷoĩacõri queno wanʷgʷ yigʷja yʷ.

<sup>15</sup> “Yʷre wanʷrā yirāji”, yĩ tʷoĩacõri, “Juaji ĩna tʷ tigu warʷja yʷ”, yĩ tʷoĩa yʷ mʷare. Ito bajiri juaji yʷre ti wanʷrā yirāji mʷa. <sup>16</sup> Ado bajiro tʷoĩacu yʷ: “Macedonia sitaju wacu, ĩnare ti rēta wacʷja yʷ. Macana tʷdi wadigʷ ĩnare ti rēta wadicʷja yʷ”, yĩ tʷoĩacu yʷ. “ĩna tʷ ejaõri, Judea wame catiri sita yʷ ejatoni yʷre ejabʷarā yirāji ĩna”, yĩ tʷoĩacu yʷ mʷare. Ito bajiro tʷoĩabojagʷti mʷa tʷ eja masibiticʷ yʷ. <sup>17</sup> Mʷa tʷ yʷ eja masibejare, “Bʷgʷti yami Pablo”, yʷre mʷa yire tʷoa yʷ. Diore masimena ĩna rʷoro bajiro yibebe yʷ. “Ito bajiro yigʷ ya yʷ”, yibojagʷti gajero bajiro yigʷ meje ña yʷ. “Ado bajiro yicʷja yʷ”, yʷ yija ñaro bajiroti yigʷja yʷ itire. <sup>18</sup> Mani Jacʷ Dios riojo gotigʷ ñami. Yʷ cʷni riojo gotigʷ ña. “Ado bajiro yicʷja”, yʷ yija, gajero bajiro yibebe yʷ. “Ito bajiro bajigʷ ñami”, yĩ tʷoĩaguĩji Dios yʷre. <sup>19</sup> Jesucristo Dios Macʷre cʷdigʷ ñari ito bajiro ya yʷ. Yʷ Pablo, Silvano cʷni, Timoteo cʷni, Jesucristo gayere mʷare goticʷ gʷa. “Ado bajiro yicʷja yʷ”, Cristo ĩ yija, ito bajiroti yiyijʷ. Riojo gotisotiyijʷ ĩ. <sup>20</sup> “Ado bajiro queno masare yicʷja yʷ”, Dios ĩ yire, ĩ Macʷ Jesucristona sʷoriti rētayijʷ iti. Itire masicõri, “ĩ yiro bajiroti yisotigʷ yigʷuĩji Dios”, yĩ wanʷa mani. Ito bajiro mani tʷoĩaja, Diore rācʷbʷorā ya mani. <sup>21</sup> Jesucristore mani tʷorānʷ jidicābeto yigʷ ñami Dios. ĩ ñarā mani ñaroca yami Dios. Jesucristo oca mani gājerāre gotitoni manire cʷñi Dios. <sup>22</sup> “Dios ñarā ñama ĩna”, gājerā ĩna manire yĩ ti masiroca ĩnare yigʷ ñami Dios. Mani ya ʷsijʷ Espiritu Santo queo sāñi Dios. Ito bajiro ĩ yija, “ĩ ñarā ña mani”, yĩ tʷoĩa mani ĩja. “Masare queno yicʷja yʷ”, ĩ yiado bajiroti manire queno yigʷ yigʷuĩji Dios”, yĩ tʷoĩa mani.

<sup>23</sup> “Yʷ tiro riojo ĩna bojobe yirocʷ ĩna tʷ wabitirʷja yʷre”, yĩ tʷoĩacõri mʷa tʷ wabiticʷ yʷ maji. “Diore queno cʷdibebe mʷa”, yĩ ʷmobiticʷ yʷ. Ito bajiri mʷare tigu wabiticʷ yʷ maji. Riojo mʷare yʷ gotibebebe cʷni, “Tʷoĩa bʷjatobitijaro ĩ”, Dios ĩ yija cʷni quena ñaboroja yʷre. <sup>24</sup> “Ado bajiro Diore rācʷbʷore ña iti”, mʷare yĩ roti ʷmobebe yʷ. “Diore queno tʷorānʷrā ñama ĩna”, yĩ tʷoĩa yʷ mʷare. Mʷa bojori bʷjaroca yĩ ʷmobebe yʷ. Bʷto bʷsa wanʷ quenajaro ĩna, yirocʷ mʷare riasoa yʷ.

## 2

<sup>1</sup> Itire tʷoĩagʷ, “ĩna bojori bʷjabe yirocʷ ĩna tʷ tigu wabebe yʷ”, yĩ tʷoĩacu yʷ. <sup>2</sup> Mʷa bojori bʷjaroca yʷ yija, mʷa sigʷjuama yʷ wanʷroca yigʷ manibogʷuĩji. Mʷa ña yʷ queno wanʷ quenaroca yirā. Ito bajiri mʷa bojori bʷjaroca yĩ ʷmobebe yʷ. <sup>3</sup> Mʷa bojori bʷjabe yirocʷ mʷa tʷ wabiticʷ yʷ. Papera riti mʷare cʷocʷ yʷ maji. Mʷa tʷ yʷ ejaroto riojna oca queno ʷmogʷ, “Ado bajiro mʷa yire ʷmoa yʷ”, yĩ papera cʷocʷ yʷ mʷare. Mʷa tʷ ejaõri mʷa bojori bʷjare ti ʷmobebe yʷ. Mʷa tʷ ejaõri mʷa wanʷre ti ʷmoa yʷ. “Yʷ wanʷja ticõri, wanʷrā

yirāji ĩna cunĭ”, yi tġoĭa yġ. Ito bajiri mġa tu yġ waroto riojġa oca quenogġ mġare papera cġacu yġ. <sup>4</sup>Iti rġmġa iti mġare papera cġagġ bġto tġoĭacu yġ. Yġ ya ũsĭjġ bojori bġjacġri, bġto oticġ yġ. Mġa bojori bġjajaro, yġrocġ meje iti mġare papera cġacu yġ. “Manire ti mai ĩaĭi Pablo”, mġa yi masitoni mġare papera cġacu yġ iti rġmġa.

### *Ñeġaro yire ħcabojoja, Pablo ĭ yire gaye*

<sup>5</sup>Mġa wato gagġ ĩeġaro ĭ yire tġoĭacġri bojori bġjacġ yġ. Yġ sĭgġ meje bojori bġjacġ. ĭ ĩeġaro yire ticġri bojori bġjana mġa cunĭ. Bġto bġsa ĭ bġjatobitiroca mġa yire ħmobeja yġ. <sup>6</sup>Minĭjuacġri ĭ ĩeġaro yire waja ĭ tġo bġjatobitiroca yġyġa mġa. Ito bajiro yġcġri ĭre bucġayġa mġa. Itocġti ĭ bġjatobitiroca mġa yire ħmoa yġ. <sup>7</sup>Ito bajiri adocġta ĭ ĩeġaro yġrisere mġa ħcabojoje ħmoa yġ. “Mġ ĩeġaro yġrise mġre ħcabojoja gġa. Mġcana gġa rġca mġ ĩare ħmoa gġa ĭja”, ĭre yi mġa baba cġtire ħmoa yġ. Ito bajiro mġa yġbeja, yoari bojori bġjacġri Cristore sġya jġdicġgġ yġguĭji gajea. <sup>8</sup>Ito bajiri mġcana ĭre mġa ti mġare ħmoa yġ. “Gġa rġca mġ ĩare ħmoa gġa”, yi ĭre mġa baba cġtire ħmoa yġ ĭja. <sup>9</sup>Iti rġmġjġ iti gaye mġare papera cġacu yġ. “Yġ rotirise ĩna cġdi jeoja ticġja yġ”, yi tġoĭacġri papera cġacu yġ mġare. <sup>10</sup>ĭ ĩeġaro yġrise mġa ħcabojoja, yġ cunĭ ĭre ito bajiroti ħcabojojġ yġgġja yġ. Iti rġmġ ĭ yure ĩeġaro yġbojarocati, ito bajiro yġcġja yġ, sĭgġre bajiro mġa tġoĭa wanġtonĭ. Ito bajiro ya yġ Cristo ĭ tiro riojo. <sup>11</sup>“Sĭgġre bajiro mani tġoĭabitiroca yi ħmoami rġmġa ũjġ Satanġs manire”, yi tġoĭa mani. Ito bajiri sĭgġre bajiro tġoĭacġri mani gġmerĭ ħcabojoja quena. Ito bajiro mani yġja, manire rġtocġ masĭbġquĭji Satanġs.

### *Troas cuto ejacġri Pablo ĭ bġjatobitire gaye*

<sup>12</sup>Gaje gaye mġare goti ħmoa yġ. Ado bajiro bajia iti. Troas wame cġtiri cuto ejacġri queno Cristo oca masare rġasocġ yġ. “Gġare gotĭbesa”, yġbiticġ masa. Queno yure boca ħmicġ ĩna. Ito bajiri Jesucristo ĭ ejabġarisena sġoritĭ masare queno rġaso masicġ yġ. <sup>13</sup>Masare queno rġasobojagġti yġ ya ũsĭjġ bġto tġoĭacu yġ. Mani yagġ Titore ti bġjabiticġri yġ ya ũsĭjġ bġto tġoĭacu yġ. Ito bajiri Titore ħmarocġ ĩnare ware goticġri Macedonia sitajġ wacġ yġ.

### *Cristore mani tġorġnġja rġtocġrġ mani ĩaroca Dios ĭ yire gaye*

<sup>14</sup>Jesucristore tġorġnġcġri yġ ĩeġaro yġrisere rġtocġ masĭa yġ. Ito bajiro yġ baji ĩaroca Jesucristo rġca yġ baba cġti wanġroca yġĭni Dios. Ito bajiro Dios ĭ yġjare, “Queno ya Dios mġ”, ya yġ ĭre. Adĭ rġmġri no yġ rġaso ucġrijġti, Jesure masa ĩna tġorġnġroca yami Dios. Sġti quenarise iti sġti bataro bajiro cojġ rġyabeto Dios oca bata ejaro ya. <sup>15</sup>“Masa ĩna ĩeġaro yġrise waja goda ĭsigġ yami yġ Macġ”, yi ticġri wanġyġjġ Dios. Jesucristo oca masare mani rġasoja ticġri, manire wanġagġ yġguĭji Dios. Coji rġyabeto masare mani Dios oca rġasoja, masa jeyaro ĭ oca masĭrġ yġrġji. Jeame ħjġrojġ warona cunĭ, jeame ħjġrojġ ĩna wabore ĩaroca Dios ĭ masoana cunĭ ĭ oca masĭrġ yġrġji ĭja. Masare Dios oca mani rġasoja queno sġtiro bajiro bajia ĭre. Ito bajiro masare mani gotĭja ticġri, wanġgġ yġguĭji Dios. <sup>16</sup>Jeame ħjġrojġ waronare Dios oca yġ rġasoja, ħnġrise queno sġti quenabiti robo bajia ĩnare. Jeame ħjġrojġ ĩna wabore ĩaroca Dios ĭ masoana ĭ oca yġ rġasoja, ĩnareama queno sġti quenaro robo bajiro bajia. “Dios ocare ya tġorġnġja catĭtĭġagġ yġgġja yġ”, yi tġoĭama ĩnama. Yure Dios ĭ ejabġabejama ĭ oca gotĭado ma yġ. <sup>17</sup>Niyeru bġjarona riti masare Dios oca rġasarġ ĭjarġrġ ĩnama ĩna. Dios oca ĩnasarise meje rġasoama ĩnaġna. Riojo meje rġasoama ĩna. ĩna ħmoro bajiroti rġasobojama. ĩnare bajiro meje rġasoama yġama. Dios ĭ tiro riojo queno tġoĭacġri masare rġasoama yġ. Cristo

oca yu riasotoni Dios i cūru ña yu. I oca queno masare riasoa yu. “Queno masare riasoami Pablo”, yi tiguji Dios yure.

### 3

#### *Ado bajiro baja mame oca, Pablo iyire gaye*

<sup>1</sup> Yure queno busijaro, yirocu meje iti gotia yu mware. “Āni ñami queno Dios oca riaso masigū”, yi gāji i papera ucaja, “Guare loḡu yiguji Pablo”, zyire masiati mwa? Yure masicā mwa. Ito bajiri mware loado ma yu. Gājerā ĩre boca āmitoni, “Āni ñami queno Dios oca riaso masigū”, manire yi uca rotigu yiguji Pablo”, zyire masiati mwa? “Queno Dios oca riaso masiami”, yi masicārāji masa yure. <sup>2</sup> Ado bajiro baja: Mwa ñeñaro yirisere jidicācōri gaje mwa wasoaja ticōri, “Dios oca ĩnare queno riasoñi Pablo”, yi tuoñarā yirāji masa jeyaro. “Pablo i riasore tuorūnucōri gaje wasoāni ĩna”, yi ti masirā yirāji masa mware. <sup>3</sup> Mwa tu gāna masa, “Ito bajiro bajirā ñama ĩna”, yi ti masirā yirāji ĩna mware. “Pablo i riasore tuorūnucōri gaje tuoñare wasoāni ĩna”, yi masa ĩna tire āmoguji Cristo. Ito bajiro ĩna yi masitoni papera cōabisī Cristo ĩnare. Gāta jāina ucacōri cūni ĩnare cōabisī ĩ. Ado bajirojua baja: Mwa ya usiju Espiritu Santo queo sāni Dios catitñagū. Ito yicōri gaje tuoñare wasoāni Dios mware. Ito bajiro yiñi Dios, “Cristo ñarā ñama ĩna”, yi masa ĩna mware ti masitoni.

<sup>4</sup> Masare Dios oca yu riasoja, Jesucristo i ejabuarisena ito bajiro riasoa yu. Ito bajiri, “Masare queno riasoa yu”, yi tuoña yu Dios i tiro riojo. <sup>5</sup> Ito bajiro yibojaguti, “Yurio yu masirise masare riasocu yu”, yibea yu. Ado robojua baja: Dios i ejabuarisena riti masare queno riaso masicu yu. <sup>6</sup> Dios ñami i ye yu tuo masiroca yigu. Ito bajiri Dios oca i mame wasoare goti rētoyu masia yu. “No yu rotirisere cūdi jeobicuti i godaja jeame ūjuroju wacu yiguji”, yi gotia bucū oca. Mame oca i wasoare bucū oca ucare bajiro meje baja. Mame oca i wasoareama ado bajiro baja: “No Espiritu Santore boca āmirā yure cūdi masirā yirāji ĩna”, yi gotia Dios oca mame i wasoare. “Espiritu Santona suoriti catitñarā yirāji ĩna”, yi gotia Dios oca.

<sup>7</sup> Jane mejeju i rotirise jidicāyiju Dios Moisés ñayorare. I rotirise gāta jāiriju ucare ñayiju. Iti i ĩsiri rumu buto guijorise rāca ejayiju. Ado bajiro bajiyiju iti: Dios rotirise boca āmicōri Moisés ya rio buto yoyiju. Buto i ya rio iti yojare i ya rio ti masia mano bajiyiju Israel sita gānare. I ya rio buto yibojaguti yoari mejeti mucana yo jidicāsuoyiju. Dios rotirisere cūdi jeo masibiticōri bojori bajiyijarā ĩna. “Goda warā ya mani”, yire masiyijarā ĩna. <sup>8</sup> Espiritu Santo quedī sāja ecoana mani ñajare ñeñaro mani yirisere ācabojoru Dios. Ito bajiri, “Bucū oca rēto busaro ñasarise ña mame oca Dios i wasoare”, yi tuoña mani. <sup>9</sup> Buto guijorise rāca bucū oca iti ejabojarocati iti oca queno cūdi jeo masibisijarā masa. Itire cūdi jeo masibiticōri, “Godarā ya mani”, yiyijarā ĩna. Bucū oca rēto busaro ñasarise ña mame oca Dios i wasoare. Mame oca i wasoarena ado bajiro gotiami Dios: “No Espiritu Santo quedī sāja ecogu ñe seti macū ñami i”, yi gotiami Dios i ocana. <sup>10</sup> Jane mejeju Moisés ñayoru i rotirise buto rācūbuoyijarā masa. Buto iti rācūbuore ñabojarocati, rētoro rācūbuore ña mame oca Dios i wasoare. Moisés ñayoru i rotigore jedi wayiju ĩja. Ito bajiri mame oca Dios i wasoare ña buto mani rācūbuoroti. <sup>11</sup> Moisés ñayoru i rotirise buto rācūbuore ñabojaroti yoari sejabisiju. Mame oca Dios i wasoareama jedibeto yiroja. Ñatñaro yiroja. Mame oca Dios i wasoare mani tuorūnaja, catitñarā yirāji mani. Ito bajiri bucū oca rētoro ñasarise ña mame oca Dios i wasoare.



12 “Buto ñasarise ña Dios oca”, yi tuoïa yu. Ito bajiri güigü meje Dios oca masare buto riasoa yu. 13 Moisés ñayoru bajiro meje baja yu. Dios räca i busija bero i ya rio sayana camotayiju Moisés ñayoru. I ya rio yorise iti jedi waja tibe yirocu camotayiju Moisés ñayoru. 14 Jane mejeju cuni Dios oca tuoränu ämobisijarã judio masa. Ito bajiri i oca tibojarãti tuo masibisijarã. Adi ramuri cuni ito bajiroti bajicõama ña. Moisés ñayoru i ucare ña tibojaja cuni tuo masibeama ña. Cristore tuoränuã riti Dios oca ticõri ti masiama ña. 15 Ito bajiri Cristore tuoränuãbiticõri Dios ocare tuo masibeama judio masa. Ito yicõri Moisés ñayoru i ucare riasotibojarãti itire tuo masibeama ña maji. 16 No mani Uju Jesucristore boca ämigüti, Dios ocare tuo masigü yiguïji. 17 Jesucristo mani Uju, ito yicõri Espiritu Santo cuni coro bajiroti bajirã ñama ña. Ito bajiri Espiritu Santo quedi säja ecoana ñari, “Jesucristore mani tuoränuã, catitïñarã yirãji”, yi tuoïa mani. “Moisés ñayoru i rotirise yu cadija, yure masogü yiguïji Dios”, yi tuoïabea mani. 18 Jesucristore tuoränuã ñari, “Iti ñami rëtoro quenagü”, yi tuo masia mani. Itire tuo masicõri ñe riti tuoïa mani. Ito bajiro ñe tuoïasoticõri co ramu ruyabeto buto busa ñe bajiro baji waju mani. Espiritu Santo quedi säja ecoana ñari Jesucristo bajiro mani baji waroca yami.

## 4

1 Yure ti maicõri i oca masare yu riasotoni yure cüñi Dios. Ito bajiro yure i yija, oca sëoa yu. Ito bajiri i oca riaso jidicãbea yu. 2 “Rure ocana meje masare Dios oca ñasarise riasocuja yu”, yicãcu yu. Yumasi yu tuoïa rujeore meje riasoa yu. Dios oca iti riasoro bajiroti riasoa yu masare. Dios i tiro riojo ñasarise riti riasoa yu masare. Ito bajiri, “Riojo ñasarise masare riasoami Pablo”, yi masi jedirãji masa yure. 3 Jãjarã ñama Cristo oca yu riasoja, tuo masimena. I oca ña tuo ämobejare, ña tuo masiroca yibeami i. Ito bajiri i oca tuoränuãbiticõri jeame äjaroju warona ñama ña. 4 Cristore ña tuoränuãbeja, ña tuoïa wisaroca yami Satanás wame cutigu. I ñami adi macãrucãro ñeñaro yirã uj. Cristo rucubõoru i oca quenarisere ña tuoränuãre ämobeami Satanás. Dioti ñami Cristo. Ito bajiri i ocare ña tuo masime yirocu ña tuoïa wisaroca yuñi Satanás. 5 Masare yu riasoja, yumasi gaye meje riasoa yu. “Jesucristo ñami mani Uju”, yire oca riasoa yu masare. Cristore tuo maicõri ñe moa ñisigü ña yu. ñe cudicõri i oca muare riasoa yu, quenarise muare ejatoni. 6 Adi macãrucãro rujeo wacu, “Rãitïaroju busuya”, yigoru ñami Dios. Iti ñami i ocare mani ya usiju tuo masiroca yigu. Ito bajiri, “Rucubõoru ñami Cristo”, yi tuoïa mani. Cristore ti masicõri, “I robo bajiro rucubõogu ñami Dios”, yi tuoïa mani.

### *Cristore tuoränuãcõri queno ñare gaye*

7 Guã i cüana ñasarã meje ña. I ocajuã ña rëtoro ñasarise. Yu masirisena meje masare i oca riasoa yu. Buto tuoïa masigü meje ña yu. Ito bajiri yu riasoja tuocõri, “Dios i masirisena queno riasoami Pablo”, yi ti masiama masa yure. 8 Masare Dios oca yu riasoja, coji meje tuoïa bujatobiticu yu. Ito bajiro tuoïa bujatobitibojaguti Dios ocare riaso jidicãbea yu. “¿Disejuã yisagu yigujada yu?” yi tuoïare jaia yu cojireã. Ito bajibojaguti bojori bujabea yu. 9 Jãjarã yure ti tudirã ñabojarocati Dioama yure jidicãbeami. Coji meje yure ñeñaro yicã masa. Ito yicõri yure jacaju tumecãcõacã masa. Ito bajiro yure ña yibojarocati mucana tãdi wamu rügücõri masare Dios oca riaso ucucu yu. 10 No yu wa ucuroju ñama masa coriarã yure sãã ämorã. Jesure ña sããdo bajiroti yure cuni sãã ämoama masa. Yure ña sããme yirocu tiränuãsotiami Jesús yure. Yure i tiränuãja ticõri, “Catigu ñami Jesús. I ñarãre queno tiränuãmi”, yi tuoïama

masa. <sup>11-12</sup> Jesús oca yu riasojare, coriarã masa sãa ãmosotiana yure. Yure ña sãa ãmobarocati Jesuama yure tirũnamĩ. “Catigu ñami Jesús. Ito bajiri ñarãre tirũnamĩ”, yĩ mũare yu riasojare, yure sãarona cunlana masa. Ito bajiro ña yiborocati Dios oca riaso jidicãbea yu. Jesure tuorũncõri, mũa catitũñare ãmogũ mũare riasoa yu.

<sup>13</sup> Dios oca tutijũ ado bajiro gotiami sãgũ: “Dioe tuorũnũa yu. Ito bajiri ñ oca masare gotia yu”, yĩ gotiami sãgũ Dios oca tutijũ. Ito bajiro tuõia yu cunĩ. Dioe tuorũncõri ñ oca riaso jidicãbea yu. <sup>14</sup> Yure masa ña sãa ãmoja gũibeaa yu. Mani Uju Jesucristo ñ godabarocati mũcana tuđi ñ catiroca yũñi Dios. Ito bajiri Jesús yagu ñari, “Yu tuđi catiroca yigu yiguñi Dios”, yĩ tuõia yu. “Mũa rãca cocati ñ ñarõju ãmacũju manire ãmi wacu yiguñi Dios”, yĩ tuõia yu. <sup>15</sup> Quenarise gaye mũa boca ãmitoni ito bajiro jeyaro rãtaca yure. Jãjarã Jesucristore tuorũnũjaro, yiroca ñ oca riasoa yu. “Manire ti maicõri manire queno yami Dios”, yĩ warã yirãji masa jãjarã busa. “Mũa ña rãtoro rũcũbuõũ”, yĩ rũcũbuõ warã yirãji masa jãjarã busa Dioe.

<sup>16</sup> Itire masicõri oca sãoa yu. Jesús oca riaso jidicãbea yu. Yu ya ruju bũcũa jedi wabarocati yu ya usũjuama oca são ña yu. Co rãmũ ruyabeto yu oca sãoroca yami Dios. <sup>17</sup> Adi sita ñagũ yu bũjatobitire ñabarocati yoari mejeti tuõia wanũ quenagũ yigũja yu. Yu tuõia bũjatobitire ñaja yure queno yigu yiguñi Dios. Ñ rãca yu catitũñaroca yure queno yisotigu yiguñi Dios. Masare riasogũ yu tuõia bũjatobitire waja yure queno yigu yiguñi Dios. <sup>18</sup> Ito bajiri yu tuõia bũjatobitire itire bũto tuõia yibeaa yu. ãmacũju Dios queno ñ yirotijũare bũto tuõia yu. Mani ya ruju ñatitũñaroti meje ña. Ito bajiborocati mani ya usũjuama ñatitũñaroti ña. Ito bajiri ãmacũju Dios queno ñ yirotijũare bũto tuõia yu.

## 5

<sup>1</sup> “Ado mani reco ñari ruju godaroca gaje mama ruju wasoagu yiguñi Dios”, yĩ tuõia yu. Ñ masirisena mama ruju wasoagu yiguñi manire. Mama ruju manire ñ wasoaja, tuđi godabiti ruju ñaro yiroja iti ruju. Ito bajiri catitũñarã yirãji mani, manire ñ queno yurajũju. <sup>2</sup> Adi sita ñarã bũto Dios tu ware tuõia mani. “Mama ruju Dios ñ wasoara rujuña ña ãmoa yu”, yĩ tuõia yua mani adĩ sita ñarã. <sup>3</sup> Co rãmũ Dios tu ejacõri mama rujuña ñarã yirãji mani. Ito bajiri, “Yu ya usi mama ruju ña yure”, yirã yirãji mani Dios tu ejacõri. <sup>4</sup> Adi sita ruju cuti ñarã tuõia oca jaiia mani. Ito yicõri tuõia bũjatobea mani. Goda ãmõbitibõjarãti ãmacũju ñari rujure ãmoa mani. Dios ñ ñaro godaya manõju ña ãmoa mani. <sup>5</sup> Queno tuõiacõri manire queno rujeõñi Dios. Gaje ruju wasoarã mani ñatoni manire rujeõñi ñ. Espiritu Santo queo sãñi Dios mani ya usũju. Ito bajiro ñ yijare, “Jeyaro Dios ñ gotire ito bajiro riti rãtoro yiroja”, yĩ tuõia mani.

<sup>6</sup> Itire masicõri oca sãosotia yu. Adi sita ruju, ruju cũtigũ ñari mani Uju Jesucristo tu wa masibeaa yu maji. Ito bajiri ija rãtaroti gayere tuõia yugu wanũa yu. <sup>7</sup> Ija rãtaroti gaye tibitibõjaguti, Cristore tuorũncõri, “Ito bajiro rãtarõ yiroja”, yĩ tuõia yu. <sup>8</sup> Ito bajiro tuõia gũ ñari oca sãoa yu. Yu godarõtire gũibeaa yu. Yu godaroti gaye tuõia gũ wanũa yu. Mani Uju Jesucristo tũjuã ñagũ wa ãmoa. <sup>9</sup> Adi sita yu ñaja cunĩ, ãmacũju yu ñaja cunĩ Dios ñ ti wanũrise riti yĩ ãmoa yu. Disejuã gaje ñasarise ma yureama. Dios ñ ti wanũrise riti yĩ ãmoa yu. <sup>10</sup> Ado bajirojuã baja: Co rãmũ rotira cumuro Cristo ñ rujiro riojo masa jeyaro rãgõrã yirãji ñ riojo. Iti rãmũ mani ñeñaro yigore, mani quenaro yigore cunĩ manire waja yigu yiguñi Cristo. Ito bajiro yicõri manire besegu yiguñi Cristo.

### *Cristona suoriti oca ma manire, yire gaye*

<sup>11</sup> Itire masicōri ĩre gūi rūcubuoā yu. Ito bajiri Cristore masa ĩna tuorūnare āmogū ĩnare gotisotia yu. “Yure rūcubuoācōri queno masare riasoami Pablo”, yi masiguļi Dios yure. Mua cūni ito bajiro mua yi masire āmoa yu. <sup>12</sup> Iti muare yu gotija, yure ti wanure āmogū meje ya yu itire. Ado bajirojua baja: Yure busiturāre mua cūdi masitoni, yu yigore muare queno goti rētoāua yu. Yure oca menirā ĩna űama, “Gājerā rētoro űasarā űa gua”, yibojarāti quenarise tuoāmena. “űasarise masare oca riasoņi Pablo”, yure mua yire āmoa yu. <sup>13</sup> “Queno tuo masibicu űami Pablo”, masa ĩna yure yibojaja cūni, no yibea yure. Diore rūcubuoāro ĩna, yirocu masare riasoa yu. “Buto masigu űami Pablo”, masa ĩna yure yibojaja cūni, no yibea yure. Mua queno űatoni muare Dios oca riasoa yu. <sup>14</sup> “Yure maiami Cristo”, yicōri ĩre cūdi āmoa mani. Manire buto ti maiami Cristo. Ito bajiri mani űeņaro yirise waja, waja yi ĩsigū godaņi ĩ. Mani űeņaro yirise waja tuoĳa bujatobisĳi Cristo. Ito bajiri mani āmorise yirāona Cristo ĩ āmorisejuaare yiruja manire. <sup>15</sup> Yure cūdiĳaro ĩna, yirocu manire goda ĩsiņi Cristo. Ito bajiri adi rūmuri cūni Cristo ĩ āmoro bajiroti yi űasotia mani. ĩti űami godabojaguti mucana tūdi catiru. Manire yiari ito bajiro yiņi ĩ. <sup>16</sup> Gājire tibojarāti, “Ito bajiro tuoĳami ĩ ya usijū”, yi masibea mani. Ito bajiri Diore masimena gājerā űeņaro ĩna tuoĳaro bajiro tuoĳabea maniamā. Cristore yu masiroto riojua, “Yu roboti adi sita gagu űaguļi ĩ cūni”, yi tuoĳabojacu yu. ĩre masicōri gajero bajiro tuoĳa yu ĳja Cristore. <sup>17</sup> No Cristore tuorūnugūti ĩ űeņaro tuoĳarise jidicācōri gaje tuoĳare wasoagu yiguļi. ĩ űeņaro yiriserē jidicācōri mucana itire yi āmobiqūņi ĩ. Gaje ĩ tuoĳarise wasoacōri quenarise riti yi āmogūņi ĳja.

<sup>18</sup> Dios űami mani tuoĳarise wasoagu. Iti rūmujū ĩ wajana űabojarocati Jesucristo ĩ goda ĩsirena suoriti ĩ űarā mani űaroca yiņi Dios. “Dios rāca oca quenocōri ĩ rāca baba cūtiya mua”, masare mani yitoni manire cūņi Dios. <sup>19</sup> Ado bajiro baja: Jesucristo ĩ goda ĩsirena suoriti mani ye waja oca quenoņi Dios. ĩ űarā mani űaroca yiņi ĩ. Mani űeņaro yirise ācabojacōri, “űe seti mana űama ĩna ĳja”, yiyijū Dios. “Oca quenoņi Dios”, yu yitoni yure cūņi ĩ. <sup>20</sup> Muare yu goti rētoburisena suoriti muare busiami Dios. Cristo oca goti ĩsiri masuti űa yu. Cristore goti ĩsiri masu űari, ado bajiro muare josa yu: “Dios rāca oca quenoņa mua”, yi josa yu muare. <sup>21</sup> Cojireama űeņaro yĳibicu űami Cristo. Cojireama űeņaro yĳibicu űari ĩ sĳgūti mani űeņaro yirise waja, waja yi masigu űami. Ito bajiro bajigu ĩ űajare manire goda ĩsi rotiņi Dios. Ito bajiri Cristore mani tuorūnaja, “űe seti mama ĩna”, yi tiami Dios manire.

## 6

<sup>1</sup> Diore moa ĩsigū űari ado bajiro goti josa yu: Muare ti maicōri muare maso āmoami Dios. Muare ĩ maso āmoja rēobesa. “Yure masoņa”, mua yijaro yirocu ito bajiro muare goti josa yu. <sup>2</sup> ĩ oca tutijū ado bajiro gotiami Dios: Muare yu maso āmori rūmu yure mua senija, cūdicuja yu. Ito bajiri yure mua senija, muare masocuja yu. Ito yicōri muare ejabuacuja, yi gotiami Dios ĩ oca tutijū.

Tuoā yu űarā mua. Adocāta űa muare Dios ĩ maso āmori rūmu. Ito bajiri mua ĩre senija, muare masogū yiguļi ĩ.

<sup>3</sup> Quenarise riti yĳasotia yu. Dios oca riasogu űabojaguti űeņarise yu yija, yure tuorūnumena yirāji masa. Ito bajiri űeņariserē yi āmobicōri quenarise riti yĳasotia yu. <sup>4</sup> Ado bajirojua ya yu. “Diore queno moa ĩsigū űami Pablo”, yure masa yijaro yirocu quenarise riti yĳasotia yu. Ito bajiri tuoĳa

bujatobitibojaguti ñemecutia yu. Yure masa ña ñeñaro yi codebojarocati ñemecutia yu. Diore tuorănucōri ĩ ocare jidicābea yu. <sup>5</sup> Coji meje yure bajecā ña. Coji meje yure tubia, yure tudi yicā ña. Bogabojaguti ito bajiroti moa ñacōa yu maji. Cojireama ñami canibicūti, busuasotica yu. Ito yicōri coji meje ñiocōsotica yu. <sup>6</sup> Yu queno yirise ticōri, “Diore queno moa ĩsigū ñami Pablo”, yirāji masa yure. Quenarise tuoġagū ñari ñeñaro yibea yu. Dios ocare riasoticoōri ñasarisere masia yu. Masa ña yure ñeñaro yibojarocati tudibea yu ñare. Masare usirioro yigu meje ña yu. Gājerāre ejabua yu. Espiritu Santo quedi sājacōri yure ejabuami ĩ, Diore yu cudi masitoni. Gājerāre buto maia yu. <sup>7</sup> Oca ñasarise riasogu ña yu. Quenarise yu yija, Dios ĩ ejabuarisena ya yu ĩtire. Jesucristore tuorănucōri quenarise riti yġasotia yu. Yu ñeñaro yijaro yirocu rāmū ĩ yibojarocati yu ñeñaro yiroca yi masibeami ĩ. <sup>8</sup> Coriarā ñama yure rūcubuoṛā. Gājerāma rūcubuoṛeama. Yure queno busirā ñama coriarā. Gājerāma yure busiturā ñama. “Socari masu ñami Pablo”, masa ña yure yitubojarocati, oca ñasarise riti riasoa yu. <sup>9</sup> “¿Ñimū ñaguġjida Pablo? ĩre masibea gna”, yama coriarā. “Ñasagu ñami Pablo. ĩre masia gna”, yirā ñama gājerā. Coji meje yure masa ña sġaboroca, catia yu maji. Jājarā yure ñeñaro ña yi codebojarocati, Dios yure ĩ ejabuarisena catia yu maji. <sup>10</sup> Cojireama buto bojori buja yu. Ito bajibojarocati Jesucristore yu tuorănujama wanusotia yu. Bojoro bujagu ña yu. Ito bajibojarocati masare Dios oca yu riasoja, ña queno ñaroca ya yu. “Ñe macuti ñami Pablo”, yama gājerā yure. Ito bajibojarocati yu wanu quenaroca yami Dios yure. Ititi ña yu āmorise. Ito bajiri disejna gaje yu āmorise ruayabea yure.

<sup>11</sup> Corinto cuto gāna tuoṛa yu ñarā muu. Yu ya usiju yu tuoġarise goti jeoa yu muare. Muare buto tuo maia yu. <sup>12</sup> Muare yu buto tuo maibojarocati muajama yure tuo maimenaji. Sigū robo bajiro mani baba cutibeja yure seti ma. Muajna yure tuo maimenaji. Yuama buto muu baba ña āmoboja. <sup>13</sup> Jacu ĩ rġare maigū busiado bajiro muare busia yu. Muare yu tuo mairo bajiroti yure tuo maifna muu cūni.

### *Mani ya usiju Dios ĩ ñajare ĩ ya wi robo bajirā ña mani, yire gaye*

<sup>14</sup> Cristore tuorănumena rāca baba cutibesa muu. Diore tuorănurā bajiro meje tuoġama Diore masimena. Sigūre bajiro tuoġarā meje ñama ña. Quenaro yirā, ñeñaro yirā ña tuoġaro bajiro meje tuoġama ña. Busurise robo bajirise meje ña rāitġarise. Ito bajiroti Diore tuorănurā cūni Diore tuorănumena bajiro tuoġarā meje ñama ña. <sup>15</sup> Cristo, Satanās rāca coro bajiro tuoġarā meje ñama. Ito bajiro bajiamena Cristore tuorănurā. ĩre tuorănumena rāca coro bajiro tuoġabeama ña. Ito bajiri coro bajiro tuoġabiticōri gāmeri baba cuti masimenaji ña. <sup>16</sup> Dios catitġagū ya wi eġacōri ĩre riti rūcubuoṛā yirāji. Ito bajiri masa ña meni rujeoanare mani rūcubuoja quenabetoja. Masa ña meni rujeoanare Dios ya wiju mani āmi sājaja buto quenabetoja. Ito bajiroti Diore tuorănumena rāca mani baba cutija quenabetoja. Mani ya usiju Dios ĩ ñajare ĩ ya wi bajiro bajia mani. Ito bajiroti gotiami Dios ĩ oca tutiju. Ado bajiro gotia itī:

Yu ñarā ya usiju ñasotigu yiguja yu. No ña ñariju ña ñaja, ña rāca ñagū yiguja yu. ĩna rūcubuoṛu ñagū yiguja yu. Yu ñarā ñarā yirāji ña, yi gotiami Dios ĩ oca tutiju.

<sup>17</sup> Gaje ado bajiro gotiami mani Ũju:

Ñeñaro yirãre baba cutibesa. Ìna tu ñabojarãti sô busa ñacôaña. Ìna ñeñaro yiro robo yibesa mua. Yu yiro bajiro mua yija, muare boca ãmigũ yigũja yu, yi gotiami mani Ʋju.

18 Mua Jacu ñagũ yigũja yu. Yu rĩa ñarã yirãji mua, yi gotiami rëtoro masigũ mani Ʋju, ì oca tutina.

## 7

1 Tuo ya yu ñarã mua. Adi muare yu gotirise Dios ì gotire ña. Ì yiro bajiro riti yisotiami Dios. Ito bajiri ñeñarise jeyaro jidicãruja manire. Manimasiti mani ya ruju ñeñaro iti tuoïaro bajiro yibitiruja manire. Mani ya usiju mani ñeñaro tuoïarise canì jidicãruja manire. Diore rãcubuoçõri ì ãmorise riti yirũja manire. Quenarise riti yirũja manire.

### *Ñeñarise jidicãçõri quenarisejua tuoïaja quena, Pablo ÿ yire gaye*

2 Gaje ado bajiro muare gotia yu. Yure ti tebesa. Tuo maiña yure. Ñimũjuare ñeñaro yibiticu yu. Ñimũjuare ñeñarise yi rotibiticu yu. Yumasirio bujarocu ruobiticu yu masare. Ito bajiri yure tuo maiña. 3 Adi muare yu gotija, muare busiturocu meje ya yu. Muare buto tuo maia yu. Mani catija, mani godaja canì Jesucristo ñarã ñari sīgũre bajiro riti tuoïarã yirãji mani. Muare yu gotiado bajiroiti tuo mai jidicãbicũja yu. 4 “Yu gotiro bajiroiti cudirã yirãji”, yi tuoïa yu muare. Ito bajiri muare buto wanua yu. “Queno yirã ñama Corinto cuto gãna”, muare yi tuoïacõri buto wanua yu. “Ito bajiro bajirã ñama Corinto cuto gãna”, muare yi tuoïacõri oca seoa yu. Tuoïa bujatobitibojaguti mua queno yirisere tuoïacõri wanua yu Ìja.

5 Ado Macedonia sita yu ejaja tujacãre manicu yure. Oca jaje ñacu ado. Jãjarã ñacã yure ti tudirã. Adi cuto gãna sīgũ robo bajiro ña tuoïabeja, jaje gãmeri tudire ñacu. “Dios ocare queno cudibeama ña”, yi tuoïacõri yu ya usiju bojori bujacu yu. 6 Oca seomenare oca seoroca yigu ñami Dios. Ito bajiri yu bojori bujabojarocati yu oca seoroca yiqui Ì. Tito ì ejaja ticõri, yu oca seoroca yiqui Dios. 7 Tito ì ejare gayena riti meje wanua yu. Mua gaye ì gotija tuoçõri, wanua yu itire canì. “Yure tuorũnucã Corinto cuto gãna, ito yicõri yu oca seoroca yicã”, ì yija tuoçõri wanua yu. Gaje ado bajiro gotiqui Tito yure: “Mure buto ti ãmoama Corinto cuto gãna. Ìna ñeñaro yirisere tuoïacõri buto bojori bujama ña. Mure rãcubuoçõri buto tuo maïama ña”, yi goti ejaquì Tito yure. Ito bajiro ì yija tuoçõri, buto busa muare wanucu yu.

8 Iti rãmũ muare papera cõagũ, “Iti papera ticõri jabeto bojori bujarã yirãji ña”, yi tuoïacõri bojori bujacu yu. “Ñeñaro yirã ña mani”, mua yijaro yirocu, iti papera muare cõacu yu. Ito bajiri, “Iti papera cõabitirujabojayija yure”, yi tuoïabea yu. 9 Iti papera muare yu cõacati tuoïacõri wanua yu Ìja. Iti papera ticõri mua bojori bujare gaye meje wanua yu. Ado robojua baja: “Ìna ñeñaro yirise jidicãçõri gaje tuoïare wasoama ña Ìja”, yure ì yija tuoçõri, wanucu yu muare. Iti papera yu cõare ticõri bojori bujayija mua. Ìna ñeñaro yirisere jidicãçaro yirocu, mua bojori bujaroca yĩni Dios. Ito bajiri iti rãmũ muare yu papera cõacati quenarise gaye ñacu iti. 10 Mani ñeñaro yirise mani tuoïaja, mani bojori bujaroca yami Dios. Gaje tuoïare mani wasoaja ticõri, manire wanugũ yiguĩji Dios. Ito yicõri manire masogũ yiguĩji. “Yu ñeñaro yirisere tuoïacõri yu bojori bujaroca yibitirujabojaji Dios”, yibea mani. “Ito bajiro yi masigũ ñami Dios”, yi tuoïacõri, buto wanua mani. Ìna ñeñaro yirise tuo bojori bujabojarãti itire jidicã ãmobeama gãjerãma. Ito bajiri goda warã jeame ãjuroju warã yirãji ña. 11 Mua bojori bujaroca Dios ì yija, muare queno yigu yĩni Ì. Tuoïate mua: Ito bajiro muare Dios ì yija, rãcubuo quenaro tuoïasuo yija

mua ĩja. “Oca ña mani wato. Itire quenorũa manire”, yi tuoĭana mua. “Iti mani oca quenobeja mani tuoĭa bujatobitiroca yigu yiguĭji Dios”, yi tuoĭa guĭana mua. Ito bajiro tuoĭacõri, ñeñaro yigu ĩ tuoĭa bujatobitiroca yiana mua, itire jidicãjaro yirona. Ito bajiro yicõri oca quenoyija mua. Ito bajiri, “Queno yama ĩna. Ñe seti ma ĩnare”, yi tuoĭa yu muare. <sup>12</sup> Iti gumu muare papera yu cõacati, “ĩna wato ñeñaro yigu ĩ tuoĭa bujatobitiroca yijaro”, yirocu meje papera cõacu yu. Ito yicõri, “ĩ ñeñaro yirũre ejabuaya mua”, yirocu meje papera cõacu yu muare. Ado bajirojũa yicu yu. Pablore tuo mairã ña mani. Ito bajiro Dios ĩ tiro riojo Pablore cudirũa manire yijaro ĩna, yirocu iti papera cõacu yu muare. <sup>13</sup> Ito bajiri queno mua yire tuoĭacõri oca seõa yu.

“Queno yama ĩna”, Tito ĩ yija tuoõõri, buto busa wanũa yu muare. Ado bajiro yure yiquĩ ĩ: “Corinto cuto gãna queno ĩna yija ticõri, oca seõcu yu”, yi goti ejaquĩ Tito yure. Ito bajiro ĩ wanũa ticõri, yu canĩ muare buto wanũa. <sup>14</sup> Mua tu Titore yu cõaroto riojũa ado bajiro yicu yu ĩre: “ĩnare yu oca cõaja, queno cudirã yirãji Corinto cuto gãna”, yicu yu Titore. ĩre yu yicato bajiroti queno cudiyija mua. Ito bajiri Tito tũdi ejacõri ĩ tiro riojo bojobeja yu. “Cudirã yirãji ĩna”, yu yuado bajiroti cudiyija mua. Coji ruyabeto ñasarise muare busicu yu. <sup>15</sup> ĩre mua cudigore tuoĭa bujacõri buto busa tuo maiami Tito muare. “Yure tuoõõri rãcuõore rãca cudicã ĩna”, yi masicõri muare buto wanũami Tito. <sup>16</sup> “Yu gotirise jeyaro cudi jeorã yirãji ĩna”, yi tuoĭa yu muare. Ito bajiri mua rãca buto wanũa yu.

## 8

### *Bojoro bujarãre wanũre rãca ejabuaja quena, yire gaye*

<sup>1</sup> Tuoya yu ñarã mua. Ado Macedonia sita gãna Jesucristore tuorũnurã Dios ĩ queno yire gaye muare goti amoa yu. ĩnare ti maicõri queno yiĩi Dios. <sup>2</sup> Jaje oca tuoĭa bujatobitibojarãti wanũama ĩna. Bojoro bujarã ñabojarãti gãjerãre ejabũarona jaje niyeru miojuama ĩna. <sup>3</sup> ĩna miojuja ticõri, “Maibiticõri queno wanũre rãca ĩsiamã ĩna”, yi tuoĭa yu. ĩna rucorocõ ĩsibojarãti bojoro bujarãre tuo maicõri, jai busaro ĩsiamã ĩna mũcana. Yu senibitibojarocati queno ĩsiamã ĩna. <sup>4</sup> “Jerusalén gãna Jesure tuorũnurã bojoro bujarãre ejabuã amoa gũa. Ito bajiri adi niyeru amĩ wa ĩsiña ĩnare”, yi josama ĩna yure. <sup>5</sup> “Adocõ queno yirã yirãji ĩna”, yi yu tuoĭa yuado rẽtoro queno yama ĩna. “Dios ĩ amoro bajiro riti yi amoa gũa”, yama ĩna. “Diore cudicõri mure canĩ cudi amoa gũa”, yama ĩna yure. “Niyeru miojucõri Jerusalén gãna bojoro bujarãre ejabuã amoa gũa”, yama ĩna yure. <sup>6</sup> ĩna ito yija ticõri, “Corinto cuto gãna taju tũdi wasa mu”, ya yu Titore. “Mu ña bojoro bujarãre yiari niyeru mioju rotiru. Itoju tũdi wacõri ito bajiroti niyeru mioju ñama mu”, ya yu Titore. <sup>7</sup> Gãjerã rẽtoro masirã ña mua. Jesucristore queno tuorũnurã ña mua. Queno masirã ñari Dios oca goti rẽtobu masia mua. Gãjerãre buto ejabuã amora ña mua. Yure buto ti mairã ña mua. Ito bajiri bojoro bujarãre ejabũarona gãjerã rẽtoro niyeru mua miojuja quena. Ito yicõri wanũ quenaro mua miojuja quena.

<sup>8</sup> Ito bajiro muare yu yija, rotigu meje ya yu. Queno wanũ quenaro bojoro bujarãre ejabũarona niyeru ĩsiamã coriarã. “¿Riti gãjerãre tuo maiati ĩna?” yirocu ya yu muare. Bojoro bujarãre mua tuo maija, ĩnare ejabũarona niyeru miojurã yirãji mua. <sup>9</sup> “Manire ti maicõri manire goda ĩsiñi mani ĩju Jesucristo”, yi tuoĭarã ña mua. Dise ruyabeto rucogu ñabojaguti manire ti maicõri ĩ rucorise jidicãyiju. Adi sita ejaũ bojoro bujagũ robo bajiro ñayiju

Ī. Ito bajiro ĩ bajijare catitĩnarã yirãji mani. Manire ĩ queno yirajuna suoriti ñejua ruayabetoja manire.

<sup>10</sup> Mũa queno ñare âmogũ yu tuoĩarise mũare gotigu ya yu. Iti ramũa rodo mũa yisũore mũa tuoĩare âmoa yu. Iti ramũa rodo bojoro bũjarãre ejabũarona niyeru miojusũoyija mũa. Mũa miojusũore mũa ñore âmoa yu. “Bojoro bũjarãre ejabũarona niyeru miojuto mani”, yirã, wanũre rãca niyeru miojusũoyija mũa. <sup>11</sup> Adocãta cũini ito bajiroti niyeru miojutĩñacõña mũa. Mioju tiocõri mũa cõaja quena. Iti ramũa wanũa quenaro mũa miojuado bajiroti yija quena adocãta cũini. Maimenati mũa ĩsija quena. <sup>12</sup> Ado robojũa baja: Jairo mũa rucoja jairo ĩsija quena. Jabeto mũa rucoja jabetoti ĩsija quena. Maimenati wanũre rãca mũa ĩsi âmõja mũare wanũgũ yiguĩji Dios.

<sup>13</sup> “Bojoro bũjarãre ejabũaya”, yu yija, “ĩsi jeocõña”, yigu meje ya yu mũare. “Bojoro bũjarãre niyeru ĩsi jeocõri, bojoro bũjaya mũa”, yigu meje ya yu mũare. <sup>14</sup> Coro bajiro ñarejũa mũa ñaja quena. Mũa ña jaje ruacorã. Ito bajiri, “Bojoro bũjarã ñama ĩna”, yi ti masicõri ĩnare mũa ĩsija quena. Mũa âmõrise iti manija, mũare ĩsirã yirãji ĩna cũini. Ito bajiri ñejua ruayabetoja ĩnare, mũare cũini. Ito yija corocõ ñarã yirãji mũa. <sup>15</sup> Dios oca tuti ado bajiro gotia: “Jairo mioju âmõrã ñabõjarãti ĩna âmõro rẽtoro ñabõbisjarã ĩna. Gãjerãma jabetacã miorã ñabõjarãti ĩna âmõrocõ bũjayijarã ĩnama”, yi gotia Dios oca tuti.

### *Tito mesare queno boca âmĩña mũa, Pablo ĩyi ñũcare gaye*

<sup>16</sup> Mũare yu tuo mairo bajiroti mũare tuo maiami Tito cũini. Mũare ejabũa âmõami ĩ cũini. Mũare ĩ tuo mairoca yĩni Dios. Ito bajiro ĩ yija, “Queno ya Dios mũa”, ya yu ĩre. <sup>17</sup> “Corinto cuto gãnare ejabũatẽña”, yu yi gotija, queno wanũa quenaro cũiquĩ Tito. “Ban, wacũja yu”, yi cũiquĩ ĩ. Mũare bũto tuo maigũ ñari ĩmasiti, “ĩna tu wacũja yu”, yi tuoĩaquĩ ĩ.

<sup>18</sup> Titore baba cuti warocu mani bajiro Cristore tuorũnũgũre mũa tu cõa yu. Masa jeyaro ĩna rũcũbuogu ñami ĩ. “Dios ocare queno goti rẽtobu masigũ ñami ĩ”, yi gotiama jeyaro Jesure tuorũnũrã. <sup>19</sup> ĩnare niyeru mioju ejabũajaro yirona, ĩre besecã Jesure tuorũnũrã. “Bojoro bũjarãre niyeru ĩsi ejabũatẽña”, yicã ĩna ĩre. Bojoro bũjarãre ĩsirona niyeru ĩna miojure gũa ĩsi bateja ticõri, “Bojoro bũjarãre queno ejabũama Jesure tuorũnũrã”, yi tuoĩarã yirãji masa jeyaro. Ito yicõri mani Uju Jesucristore rũcũbuorã yirãji ĩna. <sup>20</sup> “Adi gayeti niyeru âmĩ ruoguĩji Pablo”, yi masa ĩna yũre basiture âmõbea yu. Ito bajiro ĩna tuoĩame yirocu queno tuoĩacõri niyeru ĩsi ñũca yu. <sup>21</sup> “Niyerure âmĩ ruobiquĩji Pablo. Ñarocõti bojoro bũjarãre ĩsi ñũcacõgũ yiguĩji”, yi tiguĩji Dios yũre. “Niyeru ñarocõti ĩsi ñũcacõñi Pablo”, masa ĩna yijaro yirocu, masa ĩna rũcũbuogu Titore baba cuti ware âmõa yu.

<sup>22</sup> Ito yicõri ĩna rãca ado gãna ĩna beseru, gãji mũa tu cõagũ ya yu. Cristore tuorũnũgũ ñari mani yagu ñami ĩ cũini. ĩre ti masigũ ñari, “Queno yigu ñami ĩ”, yi tuoĩa yu ĩre. Coji ruayabeto ejabũa âmõsotiami ĩ. “Corinto cuto gãna queno cũidiamã ĩna”, yu yija tuoõri, mũare ejabũa âmõami ĩ. <sup>23</sup> Mũa tu gãna, “¿Ñimũ ñaguĩjida Tito?” ĩna yi seniĩaja, ado bajiro mũa cũijia quena: “Pablo baba ñami ĩ. Pablo robo bajiro manire Dios oca goti rẽtobugu ñaguĩji ĩ cũini”, mũa yija quena. Gãjerã jũarã Titore baba cuti warã Jesucristore tuorũnũrã ñama ĩna cũini. Ito bajiri mani ñarã ñama ĩna. ĩna queno yire ticõri, “Queno yirã ñama Jesucristo ñarã”, yi tuo masiama ado gãna ĩnare. Ado gãna Jesucristore tuorũnũrã mũa tu ĩna watoni ĩnare besecã. <sup>24</sup> Mũa tu ĩna ejaja, rũcũbuore rãca ĩnare boca âmĩña. “Queno yirã ñama Corinto cuto gãna. Gãjerãre rũcũbuorã ñama ĩna”, ya yu masa jeyarore. “Riti yami Pablo”, gãjerã Jesucristore

tuorānūrā ĩna yi masitoni, yu gotiro bajiroti rūcābuore rāca ĩnare boca āmiñā maa.

## 9

### *Mani ñarā bojoro bujarāre ejabuaja quena, yire gaye*

<sup>1</sup> “Mani ñarā bojoro bujarāre ejabuaronā niyeru miojuja quena”, yi tuoīarā ña maa. Ito bajiri, “Masicārāji ĩna”, yibo jaguti uca yu muare. <sup>2</sup> “Bojoro bujarāre ejabua āmoama ĩna”, yi tuoīa yu muare. Ado Macedonia sita yu wa ucuja, “Iti rūmāca rodo bojoro bujarāre ejabuaronā niyeru miojusuoñi Corinto cuto gāna”, ya yu masare. Muare wanūgū ito bajiro mašare ya yu. Ito bajiro yu yiĵa tuo oca sēocōri, “Mani cūni ito bajiroti bojoro bujarāre yiari niyeru miojuto mani”, yama adi cuto gāna cūni. <sup>3</sup> Yu waroto riojua Tito mesare cōa yu. “Yu ejari rūmā niyeru rāca minijua yucārā yirāji ĩna”, yirocū cōa yu ĩnare. “Niyeru mioju yucārāji ĩna”, ya yu ado gānare. Ito bajiri maa tu ejacōri, “Niyeru mioju tīobeama ĩna maji”, ĩna yire tuo āmobeā yu. “Niyeru mioju yucārā yirāji”, yi tuoīa yu muare. <sup>4</sup> Ado gāna Macedonia sita gāna yure ĩna baba cūti waja, niyeru manoti muare ĩna ti bujare āmobeā. “Corinto cuto gāna bojoro bujarāre ejabuaronā niyeru mioju tīocārā yirāji ĩna”, ya yu ado gānare. Ito bajiri maa rūco yubeja, bojori bujagu yiguja yu. Maa cūni bojori bujarā yirāji mioju tīobiticōri. <sup>5</sup> Ito bajiri mani ñarā Tito mesa yu waroto riojua maa tu ĩna waja quena yare. “Adocō ĩsiana gūa”, maa yire mioju tīo masitoni muare ejabuarā yirāji ĩna. Ito bajiri yu ejaroca tījacāre ñaro yiroja iti maa miojure. Ito bajiri yu ejaroto riojua sīgū rūyabeto maa ĩsi āmorocō ĩsirā yirāji maa. Ito bajiri, “Pablo ĩnare ĩ josajare ĩsiñi ĩna”, yi tuoīamenaji gājerā.

<sup>6</sup> Ado yu buširise tuoja maa. No jabeto otegu ĩ oterocōti bujagu yiguĵi. Jairo oteguama jairo bujagu yiguĵi. No jabeto ĩsigū itocōti boca āmigū yiguĵi. Jairo ĩsigū jairo bujagu yiguĵi. <sup>7</sup> “Adocō ĩsigū yiguja yu”, maa ya usiĵa yi maa tuoīadocō maa ĩsiĵa quena. Maibojarāti maa ĩsiĵa quenabea. ĩsi āmobitibojarāti gāji ĩ josaja tuocōri, maa ĩsiĵa quenabea. Muamasiti ĩsi āmorā maa ĩsiĵa quena. Wanū quenaro ĩsirāre ti wanūami Dios. <sup>8</sup> Ito bajiro maa yiĵa ticōri, muare queno yigū yiguĵi Dios. Maa āmoro rēto bušaro ĩsi remogū yiguĵi Dios. Ito bajiri ñeĵua rūyabetoja muare. Ito bajiro muare yigū yami Dios, bojoro bujarāre maa ejabuatonī. <sup>9</sup> Ado bajiro gotia Dios oca tuti: Maibicuti bojoro bujarāre ĩsigū yiguĵi Diore rūcābuogu. Ito bajiri ĩ queno yigore ācabojobicu yiguĵi Dios, yi gotia Dios oca tuti.

<sup>10</sup> Dios ñami, otejaro yirocū, aje ĩsigū. ĩti ñami, bajaro yirocū, bare ĩsigū. Maa āmorise ñarocōti muare ĩsigū yiguĵi Dios. Gājerāre maa ejabuatonī muare ĩsigū yiguĵi Dios. <sup>11</sup> Jairo muare ĩsigū yiguĵi Dios, bojoro bujarāre maa ejabuatonī. Ito bajiro maa yijare, “Queno ya Dios mū”, yi rūcābuorā yirāji masa ĩre. Jerusalén gāna Jesucristore tuorānūrāre maa miojure yu āmi ejaja ticōri, “Queno ya Dios mū”, yi rūcābuorā yirāji ĩna ĩre. <sup>12</sup> Mani ñarā bojoro bujarāre adi maa ĩsiĵa, queno ejabuaro ya ĩnare ĩna queno ñatonī. Ito bajiro maa yiĵa, “Queno ya Dios mū”, yi rūcābuorā yirāji ĩna. <sup>13</sup> ĩnare maa ĩsijare, “Cristo ocare queno cūdiama Corinto cuto gāna”, yirā yirāji ĩna muare. Ito yicōri Diore rūcābuorā yirāji ĩna. “Manire ejabuacōri gājerāre cūni buto ejabuama ĩna”, yirā yirāji ĩna. Ito bajiri Diore rūcābuorā yirāji ĩna. <sup>14</sup> “Manire ĩna queno ejabuaro ca yīñi Dios”, yirā yirāji muare tuo wanūcōri. Ito maa yire tuoīacōri muare yiari buto Diore seni ĩsirā yirāji ĩna. <sup>15</sup> “Queno ya Dios mū”, yirāĵa manire. Rētoro quenarise manire ĩsiñi Dios. ĩna ñeñaro yirise waja yi ĩsijaro



yirocu, ĩ Macure cōañi Dios. Iti ña rētoro ñasarise. Ito bajiri, “Queno ya Dios mu”, yiraja manire.

## 10

### *Dios ĩ rotirisena riasoa yu, Pablo ĩyire gaye*

<sup>1</sup> Yu ña Pablo. Yure jabeto ña muare yu gotiroti. Ado bajiro baja iti: Masare busigu ĩnare ti maicōri quenoti busiyiyu Cristo. ĩre bajiro muare goti āmoa yu cuni. Ito gāna coriarā yure busituyijarā. “Mani rāca ĩ ñajama quenoti manire busiami Pablo. Sōju ĩ ñajama manire oca sēoro busiami”, yiyijarā muā coriarā yure busiturā. <sup>2</sup> Ñeñaro yirāre goti queno masia yu. Ito bajibojarocati muā tu yu ejaia, sēoro busi āmobeā yu. Ito bajiri ñeñaro muā yirise jidicāña, muā tu ejaicōri yu oca sēoro busibe yirona. “Adi sita ñeñaro yirā robo yigu ñami Pablo”, yi yure busiturāreama oca sēoro busicuja yu. <sup>3</sup> Ito bajiroti baja. Muare bajiroti masu ña yu cuni. Ito bajibojarocati Dios oca yu riasoja ĩ masirisena riasoa yu. <sup>4</sup> Yumasi tuoĭarisena yu riasojama, queno riasobitiboguja yu. Dios ĩ masirisena riasoa yu. Ito bajiro bajigu ñari ñeñaro yirāre rētocū masia yu. <sup>5</sup> Jesure gājerā tuorūnūme yirona, “Ñasarise riasobeā mu”, yure ĩna yija, Dios ĩ ejaubarisena ĩnare busi rētocūa yu. Cristo oca yu riasorise gājerā ĩna riasobojarise rēto busaro ñasarise ña. Ito bajiri Cristo oca yu riasoja tuorūnūcōri, ĩre cadī āmorāji ĩna ĩja. Dios ĩ masirisena ito bajiro ya yu. <sup>6</sup> Ito bajigu ñari muā wato yu riasorisere cadimenare goti queno masia yu. Sīgū ruayabeto muā cadija, gājerā cadimenare riasogu yiguja yu.

<sup>7</sup> Yure tibojarāti yu tuoĭarise masibeā muā. Ito bajiri queno tuoĭaña muā, “Riti Cristo ñarā ña gna”, muā yijama, “Riti Cristo yagu ñami Pablo”, yi ti masiborāji muā yure. <sup>8</sup> Muare yu riasotoni yure cūñi Dios. Muare biyaro yu gotija cuni, bojobeā yu. “Mani Ūju, ‘Yu oca riasojaro ĩnare’, yirocu yure cūñi ĩ”, yi tuoĭa yu. Bojori bujajaro ĩna, yirocu meje yure cūñi Dios. Ado bajirojua baja: Oca sēoro muā ñatoni yure cūñi Dios. <sup>9</sup> “Manire papera ĩ cōaja, ‘Sēoro busiami Pablo mani gūjaro’, yirocu”, yi tuoĭabitiruja muare. Ito bajiro muā tuoĭare āmobeā yu. <sup>10</sup> Muā coriarā yure busiturā, ado bajiro ya muā: “Papera jūjūna oca sēoro busibojaguti mani tu ĩ ejaama oca sēoro busibiquĭji ĩ. Oca sēogū meje ñami ĩ. Rojogu ñami. Ñe waja ma ĩ busirise”, yi yure busiturāji muā coriarā. <sup>11</sup> Ito bajiro yure ĩna yibojarocati ito bajiro bajigu meje ña yu. Papera jūjūna oca sēoro yu busiro bajiroti busigu yiguja yu, yure busiturā tu ejaigu cuni. “Īti masi yuya muā”, ya yu muare.

<sup>12</sup> Ado bajiro yirāji muā rāca gāna coriarā: “¿Ñimū ñati mani wato buto busa tuoĭagū? Yu ña buto busa tuoĭagū”, yi gāmeri busirāji ĩna. “Gājerā rētoro masirā ña mani”, yi tuoĭarāji ĩna. Ito bajiro ĩna yija, tuoĭa wisarā yirāji ĩna. ĩna robo bajiro tuoĭagū meje ña yu. <sup>13</sup> “Masigū ña yu”, yibeā yu. Ado bajirojua ya yu: Muā Corinto cuto gānare yu riasotoni yure cūñi Dios. Ito bajiri, “Ī masirisena muare riasoa yu”, yu yija, riti muare gotia yu. <sup>14</sup> Gājerā riojua Cristo oca quenarise muare riasocu yu. Iti oca yu muare riasotoni yure cūñi Dios. Yumasi tuoĭa rujeocōri meje muare riasocu yu. <sup>15</sup> Gājerā riasoanare, “Yu riasoana ñama ĩna”, yibeā yu. Yumasi yu moagore riti muare busia yu. Ado bajiro baja: Buto busa Jesucristore muā tuorūnūre āmoa yu. Ito bajiri jai busaro muare riaso āmoa yu. Riasojaro yirocu, Dios yure ĩ cūre riti riaso āmoa yu. <sup>16</sup> Ito bajiro yicōri muā sōjua ñarāre riasogu wa āmoa yu mucana. ĩna tu ejaicōri Jesucristo oca quenarise ĩnare riaso āmoa yu. Gājerā

ina riasogobitianare riaso amoa ya. Ito bajiro ya yija, gajerã riasogoana ñabojarocati, “Ya riasoana ñama ãna”, yi goti wanu amobeaa ya.

<sup>17</sup> Ado bajiro gotia Dios oca tuti: “Diore rãcũbuojaro masa yirocũ, ‘Dios ï masirisena yicũ ya’”, mani yija quena. “Yumasi tuoïarisena yicũ ya”, yibitiruja manire, yi gotia Dios oca tuti. <sup>18</sup> Sīgũ Ìmasiti “Queno yigũ ña ya”, ï yibojaja, waja ma iti. Dios ï boca ãmirocũ meje ñami ï. “Ãni ñami queno yigũ”, Dios ï yijama, ï ñami ï boca ãmirocũ.

## 11

### *Rũore oca riasorã Dios ï cũana meje ñama, Pablo ï yire gaye*

<sup>1</sup> Tũo masibicũre bajiro ya busibojarocati yure mua tuorũnũre amoa ya. Adi ya busirise tuo ya mua. <sup>2</sup> Romio gãji rãca ajebeco iso manũju ñarocũre riti tuoïagõ yigõji. Isore bajiro Cristore riti mua tuorũnũre amoa ya. Ya ña cajero muare riasosocacũ. Cristore tuorũnũjaro ña, yirocũ muare riasocũ ya. Ito bajiri buto muare Dios ï tuoïaro bajiroti tuoïa ya cãni. Cristore tuoïa jidicãme ña, yirocũ muare buto tuoïa ya. <sup>3</sup> Jane mejeju rãmũa uju jinona quedi sãjacõri Eva ñayorore tuo yũ ï. “Ito bajiroti ñare tuo gu yigũji ï”, yi tuoïa ya muare. “Buto Cristore masirã ñabojarãti rãmũ ï tuoïare tuorũnũcõri Cristo oca jidicãrã yirãji ña”, yi tuoïa ya. Ito bajiri buto tuoïa ya muare. <sup>4</sup> Ado bajirojua baja: Gajerã ricati riasorã ña ejaja, wanũre rãca ñare boca ãmirãji mua. Jesús oca ya riasoado bajiro meje ña riasobojarocati ñare tuorũnũrãji mua. “Ado bajiro bajiami Espiritu Santo”, ya yiado bajiro meje ña riasobojarocati ñare tuorũnũrãji mua. “Ado bajiro masare masogũ yigũji Dios”, ya yiado bajiro meje ña riasobojarocati ñare tuorũnũrãji mua. Ito bajiro ñare mua tuorũnũja quenabea. <sup>5</sup> “Dios ï cũana ña gua. Gajerã rëtoro masirã ña gua”, yirãji ña. “Dios ï cũru ña yuama. ña rãja busaro meje ñagãja ya ñarea”, yi tuoïa ya. <sup>6</sup> Queno busi masibitibojaguti Dios ocare queno masia ya. Ito bajiri ï ocare queno muare goti rëtobucũ ya. Coji meje yure tuo goana ñari, “Queno Dios ocare masiami Pablo”, yi tuoïarãji mua yure.

<sup>7</sup> Dios oca quenarise ya muare riasoja, waja senibiticũ ya. Bojoro bujagu ñabojaguti, Dios ocare riti tuorũnũjaro ña, yirocũ muare waja senibiticũ ya. ¿Quenabisijari ito bajiro ya yija? Meje, queno yicũ ya. <sup>8</sup> Gajerã Jesure tuorũnũrã yure niyeru ïsi ñucañi. ña ejabuare boca ãmicõri mua tu riaso ñacũ ya. Yure mua ïsi amobejare ñajua yure ïsi ñucañi. <sup>9</sup> Mua tu ñagũ bojoro bujacũ ya. Ito bajiro bajibojaguti mua tu ya ña masitoni, “Yure ejabuaya mua”, yibiticũ ya. Macedonia sita gãna ejacõri mua tu ya ña masitoni ya bojoro bujarise yure ïsicã ña. Mua tu ñagũ, “Yure ejabuaya”, yibiticũ ya. Coji muare niyeru senibiticũ ya. Ija cãni senibicũja ya. <sup>10</sup> Cristo oca ya riojo gotiado bajiro muare riojo gotigũ yigũja ya. “Ya ña masitoni yure niyeru ïsina mua”, yibicũja ya. “Guare niyeru senibeami Pablo”, yi tuoïarã yirãji mua Acaya sita gãna jeyaro. <sup>11</sup> Ado bajiro ya busija, ¿muare maigũ meje yati ya? Bajibeaa. Muare buto maia ya. “Ñare buto maiami Pablo”, yi tuoïagũji Dios yure.

<sup>12</sup> Muare waja senibicuti riasosotigu yigũja ya. “Pablõre bajiro Dios ï cũana ña gua cãni”, yirã muare ña riasoja, waja senirã yirãji ña. “Pablõre bajiro waja senia gua”, ña yibe yirocũ, muare waja senibicũja ya. <sup>13</sup> Diore moa ïsirã meje ñama ñaõna. “Dios ï cũana ña gua”, yibojama ña. Ruo jairã ñama ña. “Cristo oca riasotoni ï cũana ña gua”, yi tuoama ña. <sup>14</sup> Ito bajiro ña yija tuo ucabea ya. Rãmũa uju Satanãs cãni cojireama ángel queno yigũre bajiro godo wedigũji. <sup>15</sup> Satanãre cudirã ña ñama ï ñarã. “Muare ejabuã amoã gua”, yi

rwaoama İna. İna uju Satanás masare rworocu queno yigüre bajiro İ godo wedi rwoado robo bajiro yirāji İna cuni. İna ñeñaro yire waja yirāonati co rumu tuoİa bujatomena yirāji İna.

*Cristore moa İsigū ñari ñeñaro tōbujacu yu, Pablo İ yire gaye*

<sup>16</sup> Ito bajiro yu yibojarocati, “Queno tuo masibicu ñami Pablo”, yi tuoİabesa mua yure. “Mecuri masu bajiro busiami Pablo”, yure yibojarāti, “Busijaro maji”, yiya yure, yumasi gaye yu busitoni. <sup>17</sup> Adocāta yu muare gotiroti mani Uju Jesucristo İ goti rotire meje ña. Yu gaye riti busigu yigūja yu. Mecuri masa ñama İna ye riti busirā. <sup>18</sup> Mua wato gāna coriarā İnamasiti, “Queno yirā ña gūa”, yirāji İna. İnare bajiro yigu yigūja yu jabeto. <sup>19</sup> “Queno masirā ña gūa”, yirāji mua. Ito yibojarāti mecuri masa İna busirisere tuorūnrāji mua. İna ñarāji, “Dios İ cūana ña gūa”, yi ruorā. <sup>20</sup> İna josare bajiro muare İna yibojarocati İnare boca āmirā yirāji mua. Mua ye rworona muare ruorāji İna. Manire moa İsjaro İna yirona, muare ruorāji. Mua ya rioju jarāji. Ito bajiro İna yibojarocati İna yirisere tuorūnrā yirāji mua. <sup>21</sup> Muare ñeñaro İna yiaido bajiro yi masibe a yu. ¿Ito bajiro muare yu yibeja quenabeati? Meje, muare queno ya yu.

Mucana queno tuo masibicure bajiro busigu ya yu. Yumasi gaye muare gotigu ya yu. “Jaje quenarise yicu gūa”, İna yi masija, “Ito bajiro jaje quenarise yicu yu cuni”, yi tuo masia yu. <sup>22</sup> “Hebreo oca busirā ñari gājerā rētoro ñasarā ña gūa”, yama İna. Hebreo oca busiguti ña yu cuni. “Israel sita gāna ñari gājerā rētoro ñasarā ña gūa”, yama İna. Yu cuni Israel sita gaguti ña. “Abraham ñayoru janerābatia ñari gājerā rētoro ñasarā ña gūa”, yama İna. Abraham ñayoru janerābatia janamiti ña yu cuni. <sup>23</sup> “Cristore moa İsirā ñari gājerā rētoro ñasarā ña gūa”, yama İna. İna rēto busaro Cristore moa İsigū ña yu. Yumasi gaye busigu queno tuo masibicure bajiro busia yu. Ito bajibojarocati yu gaye yu gotija quena. İna rēto busaro moasotia yu. Coji meje yure tubiacā masa, Dios oca yu riasoja ticōri. Coji meje yure bajecā. Coji meje yure sīabocā İna. <sup>24</sup> Co rumu treinta y nueve jiri yure bajecā İna. Mucana yure ñiacōri juaria rumuri ito bajiro bajecā İna. <sup>25</sup> Udiaji yucu jāina yure jacā İna. Yure sīarona coji gūtana reacā İna. Yu wabojacati cuma, cuma busua udiaji rujacu. Coji rujagu umuasaro, ñamiasaro baticu yu riaca jajosaju. <sup>26</sup> Dios oca riasogu sōju wa ucucu yu. Ito bajiro wa ucugu guijorise ticu yu. Riaca guijoro wa ucucu yu. Riniri masa İna guijoro, yu ñarā ñabobarāti guijoro, ito yicōri gājerā masa guijoro wa ucucu yu. Cuto jaja cuto guijori cuto, cuto meje cuni guijoro riaca jajosa cuni, ito yicōri “Cristore tuorūnrā ña gūa”, yibojarāti guijorā wato wa ucucu yu. <sup>27</sup> Josari moacōri tuoİa bujatobiticu yu. Coji meje canibicati busuasoticu yu. Coji meje bare, ide cuni manicu yure. Ito yicōri coji meje ñiocōcu yu. Coji meje asarise tuoİa bujatobiticu yu, yutabujuri yure iti manijare.

<sup>28</sup> İti riti meje tuoİa bujatobiticu yu. “¿No bajiro ñarājida gaje cuto gāna Jesure tuorūnrā?” yi tuoİacōri ruje tuoİasotia yu. <sup>29</sup> Jesucristore tuorūnrā ñabobarāti ñeñaro yicōri bojori bujarāre yu ti bujaja, İna rāca bojori buja yu cuni. Jesure tuorūngāre gājerā İ ñeñaro yiroca İna yija, bojori buja yu. Ito bajiro İna İre yija, İna rāca junisinia yu. <sup>30</sup> Yu gaye masijaro yirocu, muare busia yu. “Buto sēogu meje ñami Pablo”, mua yi tuoİatoni yu gaye muare busia yu. <sup>31</sup> Adi yu muare gotirise, “Riojo gotiami Pablo”, yi masiami mani Uju Jesucristo Jacu Dios yure. İti ñami mani rūcubuoİñarocu. <sup>32</sup> Damasco wame cutiri cuto yu ñaroca, “Pablöre ñiacōri tubiajaro”, yirocu iti cuto tūnima ñari sojeriju surara cūquİ, iti cuto uju. İti sita uju Aretas wame cutigu roca gagu ñaquİ İ iti cuto uju.

<sup>33</sup> Yure tubia âmobojaguti yure ñia masibitiquĩ. Ito cuto tãnima ñari cãñijũ ñari sojena jibujũ sãcõri yure rujocã ña. Ito bajiro yure ña ejabuajare rudicũ yu.

## 12

### *Dios ñaroju Pablo ã cáire gaye*

<sup>1</sup> Yumasí gaye yu busijama, “Quenabea iti. Rocati busiboja yu”, yí tũoĩa yu. Ito bajibojarocati mani Uju yure ã ñogore busicuja yu. Ito yicõri yu cãiroju ã gotire cãni muare goticuja yu. <sup>2</sup> Iti rumujũ Jesucristore tuorũnũocũ yu. Ũmacũju susari tutijũ Dios ñaroju yure ã ãmi ejaja bero catorce rodori tujã adocãta ñja. Yure ito ã ãmi ejaja, “Ito bajiro ãmi ejaru”, yibeã yu. Yu ya rujuti, yu ya usigoti ãmi ejaru gajea. Dios sũgũti masiami itire. <sup>3</sup> Riti, “Quenari cutoju Dios ã ñaro yure ãmi ejãñi”, ya yu mũcana. Ito bajibojarocati, “Ito bajiro ejacu yu”, yí masibeã yu. Yu ya usigoti, yu ya rujũ cãni ãmi mujari seyoñi Dios gajea. ã sũgũti masiami itire. <sup>4</sup> Ito ejacõri masare Dios ã gotibitire tuocu yu. Ito yu tuogore goti rotibeami Dios yure. <sup>5</sup> Iti gaye yure Dios ã gotija, “Ñasagu ña yu”, yibogũja yu. Ito bajibojarocati itire yibicuja. Yumasí gaye yu busija, “Bũto sũogũ meje ña yu. Yu cãni tũoĩã bujatobea yu”, yicuja yu. <sup>6</sup> “Queno yigu ña yu”, yu yí ãmoja, yí masia yu itire. Ríojo yu gotigu ñajare, “Bũguti yami Pablo”, yí masimenaji gãjerã. Ito bajibojarocati, “Queno yigu ña yu”, yí ãmobeã yu. Yu yigore tũbojarãti, ito yicõri yu busigore tuobojarã cãni, “Queno yigu ñami Pablo”, mũã yí masibeja, “Queno yigu ñami Pablo”, mũã yire ãmõbitõruja yu. <sup>7</sup> Yu cãiroju Dios yure ã ñocati quenarise ñacu. Ito bajiro ñobojaguti, “Gãjerã rõtõro ñasagu ña yu”, yu yire ãmõbeami Dios. Ito bajiri yu ya rujũ, yu ñarise cutiroca yĩñi Dios. Jota iti juniro bajiro bajia iti yure. Yure iti ñaja ticõri, “Gãjerã rõtõro ñasagu meje ña mũ”, yami Satanãs yure. <sup>8</sup> Yu ñarise cutirise yisijaro yirocu, udiãji Diore senibojacu yu. <sup>9</sup> Ito bajiro ñre yu senibojarocati ado bajiro yure cudiquĩ: “Yure ti maiami Dios”, mũ yí masija, ñe ruayabeã mure. Rojo busagu mũ ñaja ticõri, ‘Dios ã masirisena, riasogũji Pablo’, yí tũoĩarã yirãji masa”, yiquĩ mani Uju yure. Ito bajiri ñarise cuticõri wanũã yu. Ito bajigu yu ñaja ticõri, “Cristo masirisena riasoñi Pablo”, yure yí tũoĩarã yirãji masa. <sup>10</sup> Ito bajiri yu ñarise cutija, wanũã yu. Coji meje yure busitucã masa. Coji meje yu ãmorise ruyasoticu yure. Coji meje usirioro yí codecã masa yure. Cristo oca yu riasojare coji meje yu tũoĩã bujatõbitiroca yicã masa yure. Ito bajibojarocati wanũã yu. Yu tũoĩã bujatõbitija, Cristore riti tũoĩã yu. Ito bajiri, “ã masirisena ña yu”, yí tũoĩã yu.

### *Corinto cuto gãnare Pablo ã tũoĩã oca jaire gaye*

<sup>11</sup> Yumasí gaye gotigu, queno tũo masibicure bajiro busia yu. “Queno yigu ñami Pablo”, mũã yibejare, yumasiti ito bajiro ya yu. Ito bajibojarocati, “Queno yigu ñami Pablo”, yirũjãboja muare. Mũã tu gãna, “Dios ã cũana ñasarã ña gũã”, yirã rõtõro ñasagu ña yu. No yigu meje ñabojaguti ña rõtõro ñasagu ña yu. <sup>12</sup> Dios ã cũru ñami Pablo, yijaro ña yirocu, tiyamani jaje yí ñocu yu muare mũã tu ñagũ. Mũã yure ñeñaro yibojarocati usiribõcuti Dios oca muare goti rõtõbucũ yu. Jaje tiyamani muare ñocu yu. “Riti Dios ã cũru ñami Pablo”, yí tũoĩarũja mũã yure. <sup>13</sup> “Gãjerã Jesucristore tuorũnũãreãma bũto rũcũbuõami Pablo. Manireãma rũcũbuõbeamĩ”, ¿yí tũoĩati mũã? Corocõti muare rũcũbuõã yu. Gãjerã Jesucristore tuorũnũãre, “Yure ejabuãya mũã, yu ña masitõni”, ñare yu yiado bajiro yibiticu yu muare. Ito bajiro muare yibiticõri, “Yu ñeñaro yirisere ãcãbojõya”, ¿yigu yigũjãda yu muare? Yibicuja. Ñeñaro yibiticu yu muare.

<sup>14</sup> Juaji mua tu ejasnocu yu. Ito bajiri udiaji mua tu ejagu warocu jane quenosuoa yu macana. Mua tu yu ñaja, muare josabicu yiguja yu. Mua yure ti maire amoa yu. Mua ya niyeru amogū meje mua tu ejagu yiguja yu. Ado bajirojua bajaia: Ìna rĩare ejabuarona niyerure amoama Ìna jacusabatia. Rĩa meje ñama Ìna jacusabatiare ejabuarona niyeru amarā. Yu rĩare bajiro bajaia mua. Ito bajiri muare josabicu yiguja yu. <sup>15</sup> Muare ti maicōri muare ejabua amoa yu. Cristore tuorūnūjaro Ìna, yirocu yu rucorise ñarocōti wanare rāca jidicācūja yu. Cristore tuorūnūjaro Corinto cuto gāna, yirocu bucsua wabojaguti muare ejabuasoticūja yu. Muare yu buto ti maibojarocati yu tuoñaja yure queno ti maibea mua.

<sup>16</sup> “Mani rāca ñagū manire josabitiqūi Pablo”, yi tuoñarāji mua yure. Ito bajibojarocati, “Queno tuoñagū ñari manire ruoñi Pablo”, yirāji mua coriarā.

<sup>17</sup> “Manire ĩ oca cōana rāca manire ruoñi Pablo”, çyi tuoñati mua? Ruobiticu yu muare. <sup>18</sup> “Ìnare titēña”, yirocu iti ramu Titore cōacu yu mua tu. Gāji ĩ rāca Cristore tuorūnūgū cōacu yu. “Manire ruoñi Tito”, çyi tuoñati mua? Ruobitiru ĩ. “Queno yiqūi Tito”, yi tuoñarāji mua. Yure bajiro Espiritu Santo quedi sāja ecogu ñari, muare ejabua amogū Dios oca queno riasoñi ĩ. Muare niyeru josabisĩ ĩ.

<sup>19</sup> “Ìre wanūjaro Ìna, yirocu iti manire gotiami Pablo”, çyi tuoñati mua? Ito bajiro meje bajaia. Ado bajirojua bajaia: Muare yu busija, Cristo ĩ amoro bajiro muare busia yu, Dios ĩ tiro riojo. Tuoya yu mairā yu ñarā mua. Jeyaro yu muare gotirise, “Cristore tuorūnu wajaro Ìna”, yirocu muare ya yu. <sup>20</sup> “Mua tu ejacōri, Cristore cudibiticōri ñeñarise riti mua yi ñaroca ti ejagu yiguja yu gajea”, yi tuoña yu muare. “Mua tu ejacōri mua oca josa ñaroca ti ejagu yiguja yu gajea. Gājerā ya gajeoni mua uoroca, mua junisini ñaroca ito yicōri gāmeri queno mua baba cuti ñabitiroca, oca menirā cuni, busiturā, gāmeri tārā, ito bajiro yibojarāti, ‘Gājerā rētoro tuoñarā ña gua’, mua yi ñaroca ti ejagu yiguja yu gajea”, yi tuoña yu muare. Ito bajiro mua yi ñaroca yu ti ejaja, mua amoro bajiro muare wanu ejabicūja yu. Ito bajiro mua ñeñaro yirise ticōri muare junisini tigu yiguja yu. Ito bajiri yu junisiniya ticōri, wanumenaji mua. <sup>21</sup> “Mua tu ejagu mua ñeñaro yire ticōri yu bojo bujaroca yigu yiguñi Dios”, yi tuoña giua yu. Iti ramu mua ñeñaro yiado bajiroti mua yija ticōri, mua tiro riojo otigu yiguja yu. Itire amobea yu. Mua tu ejacōri, “Ìna ñeñaro yirisere jidicā amobeama Ìna. Rocati romiare Ìna ajerise jidicā amobeama Ìna. Inamasiti Ìna ya ruju ñeñaro iti tuoñaro bajiroti ñeñaro yi uyarāji maji”, yi yu ti ejaja, otigu yiguja yu. Itire amobea yu.

## 13

### *Pablo ĩ goti quenosusare gaye*

<sup>1</sup> Adi yu warisena udiaji muare tigu yiguja yu. Yu ejaroti bocati yucāña mua. Ado bajiro gotia Dios oca tuti: Gājire sigū ĩ seti yi amoja, ĩre busi ejabuarā, “Riti yami. Ticu gua cuni. Ito bajiroti bajicu”, yirā juarā, udiarā ñaja cuni quena, yi gotia Dios oca tuti. <sup>2</sup> Iti ramu mua tu ñagū ñeñaro yirāre goti quenocu yu, Ìna ñeñaro yirise jidicājaro yirocu. Mua tu ñabitibojaguti gājerā ñeñaro yirāre cuni goti quenoa yu, jidicājaro yirocu. Ñeñaro yirā Ìna ñaja ti ejacōri, buto Ìna tuoña bujatobitiroca yigu yiguja yu. <sup>3</sup> Ìnare ito bajiro yu yija ticōri, “Cristo ĩ amoro bajiro gotiami Pablo”, yi tuoñarāji mua. Ìna ñeñaro yirise jidicājaro yirocu, oca seoro yigu yiguñi Cristo. Ito yicōri ĩ masirise muare ñogū yiguñi. <sup>4</sup> Manire bajiro ruju cuticōri yucutēoju Ìna jajuja godañi Cristo. Ito bajiro Ìna yibojarocati adocāta Dios ĩ masirisena ñami ĩ ĩja. Cristore yu tuorūnūja ticōri,

“Rojogũ ñami Pablo”, yama masa yũre. Ito bajiro ñna yibojarocati Cristore tuorũnugũ yũ ñajare, yũ oca s̃eoroca yigũ yiguĩji Dios. Ito bajiri mũa tũ ejacõri, ñna ñeñaro yirisere jidicãjaro yirocũ, oca s̃eoro mũare goti quenocũja yũ.

<sup>5</sup> “¿Riti Cristore tuorũnugũ ñati yũ?” yi tuoĩaña mũa. “¿Riti Cristo yũ ya usiju quedi sãja ecorũ ñati yũ?” yi tuoĩaña mũa. “Cristo yũ ya usiju quedi sãja ecorũ ña yũ”, mũa yi tuoĩabeja, Cristore tuorũnũrã meje ña mũa. <sup>6</sup> “ ‘Riti Cristore tuorũnugũ ñami Pablo’, yũre yirãji mũa”, ya yũ. <sup>7</sup> Mũa ñeñaro yibitõtoni mũre yiari Diore seni ñisotia yũ. “Ñinare queno Dios oca riasoñi Pablo”, yũre ñna masa yi wanujaro yirocũ meje Diore senia yũ. Quenarise riti mũa yire ãmoa yũ. Ito bajiri mũa queno yitoni Diore seni ñsia yũ. “Ñinare queno riasobisĩ Pablo”, masa ñna yibojaja cuni, no yibea yũre. <sup>8</sup> Oca ñasarise tuorũnũjaro ñna yirocũ, Dios oca riasoa yũ. Oca ñasarise ñna tuorũnũ jidicãroca yi ãmobeja yũ. <sup>9</sup> Ito bajiri mũa tũ ejacõri, “Queno Cristore tuorũnũrã ñama ñna”, yi yũ ti masija, s̃eoro mũare busibicũja yũ. Ito bajiro iti bajija, ticõri buto wanugũ yigũja yũ. Cristore tuorũnũcõri ñ ãmoro bajiro riti yijaro ñna, yirocũ mũare Diore seni ñsia yũ. <sup>10</sup> Mũa tũ ejacõri s̃eoro mũare busi ãmobeja yũ. Ito bajiri yũ waroto riojua adi papera mũare cõa yũ. Mũa oca s̃eoroca yũ yitoni yũre cũñi mani Hju. Oca s̃eobitjaro ñna, yirocũ meje yũre cũñi ñ. Ito bajiri mũa tũ ejacõri mũa oca s̃eoroca yi ãmoa yũ.

<sup>11</sup> Itocõ uca yũ ñarã yũ mũare. Queno ñaña mũa. Cristo ñ ãmoro bajiro riti yiya mũa. Yũ mũare gotirise tuorũnũña. S̃igũre bajiro tuoĩacõri ñaña mũa. Oca ñaja itire quenoña. Ito bajiro mũa yija, mũare ti maicõri mũa rãca ñatĩñagũ yiguĩji Dios. Ito yicõri mũa ya usiju queno mũa wanũ quenaroca yigũ yiguĩji ñ. <sup>12</sup> Cristore tuorũnũrã ñari queno wanũre rãca gãmeri seniña ñasotiya mũa.

<sup>13</sup> Ado gãna Cristore tuorũnũrã, “Quenajaro”, yi ñucama mũare.

<sup>14</sup> “Ñinare queno yiya Cristo mũ”, yirocũ mũare yiari mani Hju Jesucristore senia yũ. “Ñinare maĩña Dios mũ, ito yicõri ñna rãca ñaña Espĩritu Santo mũ”, yi seni ñisotia yũ ñarã yũ, mũa jeyarore yiari. Itocõ ña.

## La carta de San Pablo a los Gálatas

### *Galacia sita gānare Pablo ī papera cōare gaye*

<sup>1-2</sup> Nati Galacia gāna m̄ua. Jesucristore t̄wor̄ūn̄u s̄uyarā ñari, ī ocare riasotirona minijuasotirā yirāji m̄ua. Ȳu ña Pablo adi papera m̄uare cōagū. Ī oca ȳu goti ucutoni ȳure cūñi Jesucristo. Masa ña cūru meje ña ȳu. Dios oca ȳu goti ucutoni ȳure cūbiticā masa. Dios, Jesucristo Jacuj̄ua ȳure cūñi. Īti ñami Jesús ī t̄udi catiroca yir̄u. Ȳu sīgū meje adi papera m̄uare cōa ȳu. Ȳu rāca gāna, adoju Jesucristore t̄wor̄ūn̄urā c̄ani, “Quenajaro”, yi ñucama ña m̄uare. <sup>3</sup> Queno m̄uare yijaro mani Jacu Dios. Mani Ūju Jesucristo c̄ani queno m̄uare yijaro ĩ. Ito yicōri m̄ua ya usi queno wan̄u quenaroca yijaro ña. Ito bajiro m̄uare yijaro yirocu Diore seni ĩsia ȳu. <sup>4</sup> Mani Jacu Dios ĩ āmoro bajiro yigu ñari, mani ñeñaro yirise waja, waja yirocu manire goda ĩsiñi Jesucristo. Ito bajiri adi ram̄ari c̄ani ñeñaro yirā robo bajiro mani bajibe yirocu, manire ejabua masiguñi Jesús. <sup>5</sup> “Ito bajiro yami ĩ”, yi masicōri, Diore r̄uc̄ub̄uot̄iñar̄uja manire. “R̄etoro quenagū ñami Dios”, yi t̄woīar̄uja manire. Ito bajiroti t̄woīat̄iñar̄uja manire.

### *Jesucristore mani t̄wor̄ūn̄urena s̄woriti manire masogū yiguñi Dios, yire oca*

<sup>6</sup> Manire ti maicōri manire beseñi Dios. Cristore mani t̄wor̄ūn̄uja ticōri, manire masoñi ĩ. Ito bajiro manire ĩ yire ñabobarocati, yoari mejeti ĩre jidicā āmoa m̄ua. Ito yicōri gaje ocajuare t̄wor̄ūn̄ua m̄ua. “Ito bajiro bajicā Galacia gāna”, masa ña yija t̄wocōri, ucacu ȳu jabeto. <sup>7</sup> Dios oca riti ña riojo gotire gaye. Ñe gaje oca buto busa quenasarise manija. Jesucristore mani t̄wor̄ūn̄urena s̄woriti manire masogū yiguñi Dios. Ñejuana gaje manire maso masibiquñi Dios. Ito bajibobarocati m̄ua ta gāna ricati m̄uare oca riasorā yirāji ña. Ito yicōri ña robo bajiro m̄ua t̄woīajaro yirona, m̄uare us̄irio coderā yirāji ña. <sup>8</sup> M̄ua t̄uj̄u ȳu ñaja, quenarise Dios ocare, ñaro bajiroti m̄uare riasocu ȳu. Ricati ruore oca m̄uare ȳu riasoja, jeame ūjuroju ȳure cōa masiguñi Dios. No adi tuti gagu, ito yicōri ūmac̄ūju Dios ñaro gagu c̄ani ricati ruore oca ña riasoja, jeame ūjuroju ñare cōaguñi Dios. <sup>9</sup> Ȳu gotisuro bajiroti m̄ucana juaji goti quenogū ya ȳu. No Dios oca quenarise jidicācōri gaje oca ña riasoja, jeame ūjuroju ñare cōa masiguñi Dios.

<sup>10</sup> Ito bajiro ȳu riasoja, masa ȳure ña wan̄utoni meje riasoa ȳu. Ȳure Dios wan̄ujaro yirocu, ito bajiro riasoa ȳu. Iti ram̄uju masa ȳure ña wan̄utoni gaje oca riasocu ȳu maji. Iti ram̄uju masa ña wan̄utoni ȳu goticato bajiro ȳu gotibojaja, Cristo ĩ āmoro bajiro meje yigu ñaboguja ȳu. Ito yicōri ĩre moa ĩsiri masu meje ñaboguja ȳu.

### *Ado bajiro apóstol ñas̄uocu ȳu, Pablo ĩ yire gaye*

<sup>11</sup> Queno t̄woya ȳu ñarā m̄ua. Riti m̄uare gotia ȳu. Jesucristo oca ȳu riasorise masa ña t̄woīa rujeore meje ña. <sup>12</sup> Iti oca quenarise ȳu masiroca yibiticā masa. Ito yicōri iti oca ȳure riasobiticā masa. Jesucristoama ĩmasiti ȳu masiroca yiqui ĩ.

<sup>13</sup> Iti ram̄uju ḡua judio masa t̄woīare gaye riti r̄uc̄ub̄uocu ȳu maji. Ito ȳu bajigore t̄wogoana ña m̄ua. Iti ram̄uju Jesure t̄wor̄ūn̄ur̄are ñeñaro ña t̄ob̄ujaroca yicu ȳu. Ito bajiri ñare ti maicōri meje, ñare s̄uyacu ȳu. Ito yicōri ñare ruyurio āmogū yibojacu ȳu. <sup>14</sup> Ȳu mam̄u ñagū, ḡua judio masa t̄woīare gaye

queno rãcãbucos yu. Gna masa bucãrã ãna rotire gayere yu rãca corocõ tujarã rëto busaro queno cudicã yu. <sup>15</sup> Ito bajiro yu bajibojarocati, yure ãmogũ beseñi Dios. Iti rumaju yu rujearoto riojuaju yure beseñi Dios. Yure ti maicõri, “Åni Pablo ã bucãaja, yu yagu ñagũ yiguñi ã”, yi tuoñacõri yure beseñi Dios. <sup>16</sup> Ito bajiroti Dios ã ãmori rumu, ã Macã Cristore yu masiroca yiñi ã ãja. Ito bajiri adocãta, “Dios Macuti ñami Cristo”, yi tuoña masia yu ãja. Ito bajiro yu masiroca yiñi Dios, judio masa mejere cãni ã oca yu goti ucutonì. Iti tuo masicõri, “¿No bajiro yigu yigujada yu?” yi seniãbiticu yu gãjerãre. <sup>17</sup> Ito yicõri yu riojuã Jesucristo ã cãanare cãni seniãrocu, Jerusalénju wabiticu yu. Ado bajirojuã yicu yu. Yoari mejeti Arabia wame cãtiri sitaju masa manojũ tuoñarocã wacu yu. Ito bero Damasco cãtojuã tãdi ejacu yu.

<sup>18</sup> Itoju ãdia rodõ ñacõri, Pedro rãca busirocu Jerusalénju wacu yu ãja. Itoju ejacõri quince rumãri ã rãca ñacu yu. <sup>19</sup> Itoju ñagũ gãjerã Jesús ã cãanare tibiticu yu. Pedro, mani Uju ocabajã Santiagore cãni, ãna juãrãti ticu yu. <sup>20</sup> Dios ã tiro riojo adire uca yu. Ruobeã yu mũare. Ado yu ucarise riti ña.

<sup>21</sup> Jerusalénju yu ñaja bero Siria wame cãtiri sitaju wa ucucu yu. Ito yicõri Cilicia wame cãtiri sitaju cãni wa ucucu yu. <sup>22</sup> Yoari mejeti Judea sitaju yu ñajare, yure queno masi jedibiticã ito gãna maji. Ito bajiri ito gãna Jesure tuorãnurã, yure queno masibiticã ãna maji. <sup>23</sup> Gãjerã ãna busire riti tuori seyoñi ãna. “Manire ñeñaro ã yi ãmorise jidicãcõri gaje mame tuoñare ña ãre ãja. Iti rumaju Jesure mani tuorãnuja ticõri, manire sãa ãmoñi ã maji. Adi rumariama manire bajiroti Jesucristore tuorãnugũ yiguñi ã cãni”, masa ãna yija, tuori seyoñi Judea sita gãna. <sup>24</sup> “Jesucristore tuorãnugũ ñami Pablo ãja”, masa ãna yija tuoõri, Diore queno rãcãbucore ocana busiñi ãna.

## 2

### *Apóstol mesa Pablõre ãna boca ãmire gaye*

<sup>1</sup> Catorce rodori bero mæcana Jerusalénju wacu yu, Bernabé rãca. Ito yicõri Tito wame cutigu cãni baba cuti waquũ gna rãca. <sup>2</sup> Dios yure ito bajiro ã wa rotijare Jerusalénju wacu yu. Itoju ejacõri Jesure tuorãnurãre ãmatã ñarã rãca riti busirocu, ãna rãca minijuacu yu. Ado bajiro ãnare goticu yu: “Masa ñajedirore maso ãmogũñi Dios. Ito bajiri judio masa mejere cãni ã oca quenarise goti ucua yu”, yicu yu Jesure tuorãnurãre ãmatã ñarãre. Ito bajiro goticu yu ãnare, yu tuoñaro bajiro tuoñacõri, “Riti oca quenarise goti ucua mi Pablo”, yure ãna yitonì. <sup>3</sup> Ito bajiro yu gotija bero sãgãre bajiro riti tuoñacu gna ãja. Ito bajiri sãgãre bajiro tuoñacõri, yu rãca gagũ Titore wirow ta rotibiticã ãna ãja. Judio masu meje Tito ã ñabojarocati, “Gna judio masa yisotiro bajiro wirow taraja mũare”, yibiticã ãna ãre. <sup>4</sup> Gãjerãma, “Jesure tuorãnurã ña gna”, yi tuorã Titore wirow ta rotibojacã ãna. “¿No bajiro yati, Jesure tuorãnurã? Ito yicõri, ¿bucãrã masa rotire cãdiati ãna?” yi seniãrona, guare tuorã gna rãca minijuacã ãna. Gna rãca minijuacõri, “Bucãrã masa ãna yisotiro bajiro yiruja manire”, yibojacã ãna guare. <sup>5</sup> Ito bajiro ãna yibojarocati ãnare cudibiticu gna. Ito yicõri ãna rotibojarisere cãni cudibiticu gna. Jesure riti mani tuorãnuja manire masogũ yiguñi ã. “Bucãrã rotirisere mani cãdija, manire masogũ yiguñi Dios”, mũa yi tuoñabititoni, guare ãna rotibojarocati cudibiticu gna.

<sup>6</sup> “Ito bajiro riasoami Pablo”, yicõri, “Gaje ado bajiro mũ riasoja quena”, yure yibiticã Jesure tuorãnurãre ãmatã ñari masa. “Ujarã ñasarã ñarãji ãna”, yi tuoña güibiticu yu. ãnare ã beseado bajiroti yure cãni beseñi Dios. Coro bajiroti manire ti maiami Dios. <sup>7</sup> Ujarã ado bajiro yicã yure: “Dios ã cãru ña mũ cãni.



Judio masa mejere cuni Jesús oca quenarise mu goti ucutoni mare cūri seyoñi Dios”, ya gwa. “Iti ramujū Pedrorē cūñi Dios, judio masare oca quenarise i gotitoni. Ito bajiroti mare cuni cūri seyoñi Dios, judio masa mejere cuni mu goti ucutoni”, yi tuoia gwa, yicā ujarā yare. <sup>8</sup> Riti ña. Pedrorē cūñi Dios, judio masare oca quenarise i goti ucutoni. Ito bajiroti cūñi Dios yare cuni, judio masa mejere yu riaso ucutoni.

<sup>9</sup> Ito gāna Jesure tuorūnarā ujarā Santiago, Pedro, Juan cuni ado bajiro yicā ña yare: “Dios ñmasiti mare queno yirocu cūri seyoñi, i oca judio masa mejere cuni mu riaso ucutoni. Ito bajiri ñare riaso ucuraja mu. Gwareama judio masare i oca riasotoni gware cūñi Dios. Ito bajiri ñare riasorāona ña gwa. Ito yicōri coro bajiroti Diore moa ñsiruja mani”, yicā ña yare. Ña ito yija tuocōri, sigūre bajiro riti tuoia cu gwa ñja. Ito bajiri yare, yu rāca gagu Bernabére cuni āmo ñia wanacā ña. <sup>10</sup> “Bojoro bujarāre queno ejabuaya mua”, yicā ña gware. Ito bajiro ña yija tuocōri, wanare rāca cudicu gwa ñja. Iti riti roticā ña gware.

### *Pedrore Pablo i goti quenore gaye*

<sup>11</sup> Antioquiaju yu ñaroca Pedro cuni ejaquī. Itoju ejacōri queno yibitiquī i. Ito bajiri “Iti seti ña mare”, yirocu masa tiro riojo ñre goticu yu. <sup>12</sup> Ado bajiro bajicu ñre seti. Cajero Antioquiaju ejacōri queno yiquī Pedro maji. Judio masa meje ñarā rāca baba cuticōri, ña rāca baquī Pedro. Ito bajiro i yi ñaroca Jerusalén gāna Santiago i cōana ti ucurā ejacā ña cuni. “Judio masa meje ñarā rāca babitiruja mani. Ito yicōri Diore mani cudi āmoja, wirotararaji mani”, yi tuoiarā ñacā ña. Ña ejaja ticōri, guiquī Pedro. “Yure tudirā yirāji”, yirocu judio masa meje ñarā rāca tūdi babitiquī Pedro ñja. <sup>13</sup> Gājerā judio masa ñarā, Pedro i gūija ticōri, ñre bajiroti judio masa meje ñarā rāca juaji babiticā ña cuni. Ito bajiro ña yija tuocōri, “Ñare bajiroti yiruja yare cuni”, yi tuoiaquī Bernabé. <sup>14</sup> “Jesure riti mani tuorūnaja manire masogū yiguñi Dios”, yi tuoia masibojarāti, bucarā rotirisejware rucubworā bajiro yicā ña. Ito bajiro ña yija ticōri, gājerā Jesure tuorūnarā ña tiro riojo Pedrorē tudicu yu. Ado bajiro ñre tudicu yu: “Judio masu ñabojaguti, Jesure mu tuorūnaja bero, mani bucarā ña yisotirere jidicāyija mu. Ito bajiro mu yijama queno tuoia yija mu maji. Ito bajihojarocati mucana adocāta bucarā ña yisotire gayere rucubwoqu bajiro ya mu. Ito yicōri judio masa mejere cuni rotiboja mu. Bucarā masa yisotire bajiro yija mua cuni”, yirocu ito bajiro ñare rotiboja mu. Ito bajiro yibitiruja mare”, yi goticu yu Pedrorē. Gaje ado bajiro ñre goticu yu:

### *Jesucristore mani tuorūnaja ticōri, mani jeyarore masogū yiguñi Dios, yire gaye*

<sup>15</sup> “Mani juarā judio masa rujeana ña mani. Gājerā masa, mani bucarā rotire gayere ñeñaro aja tudiana ña. Ña robo ñeñaro yirā meje ña maniana. <sup>16</sup> Ito bajihojarocati, Moisés ñayoru rotire ñarocōti mani cudiya cuni, ‘Queno yirā ñama. Seti ma ñare’, yibiquñi Dios manire. Jesucristore riti mani tuorūnajama, ‘Queno yirā ñama ña’, yigu yiguñi Dios manire. Itire masicōri Dios manire i boca āmitoni Jesucristore riti tuorūna mani. Jeyaro bucarā rotirise mani cudi ñabojarocati, Jesure mani tuorūnabeja, manire boca āmibiquñi Dios, yi tuoia mani. No bucarā rotire riti cudigure, ‘Queno yigu ñami i, yibiquñi Dios. Ito yicōri ñre boca āmibiquñi Dios’, yi goticu yu Pedrorē.

<sup>17</sup> “Mani Jesure riti tuorūnaja, manire boca āmigū yiguñi Dios”, mani yija tuocōri, “Ñeñaro ya mua”, yirā yirāji mani masa. “Mani bucarā rotire gayere mua cudibeja, gaje masa ñeñaro ña yiro bajiro ya mua cuni”, yirā yirāji mani masa. Ado bajiro mare seniña āmoja yu. ¿Mani ñeñaro yiroca, yigu yiguñida

Cristo? “Yibiquíji”, yi tsoía yuama. Ìre riti mani tuorúnaja, Dios rotirisere mani cadiroca yigu yiguíji Jesucristo. <sup>18</sup> Ado robojua baja. “Jesure riti mani tuorúnaja, manire masogú yiguíji Dios”, yi tsoía yu. Ito bajibojarocati, iti ocare jidicácõri, “Mani bucúrã ñna rotire gayere mani rucubwoja, manire masogú yiguíji Dios”, yu yi gotija, ñeñaro yiboraja yu. <sup>19</sup> Ito ramuju ado bajiro tuoíabojacu yu maji. “Mani bucúrã ñna rotirisere ñarocõti mani cudija, yure boca amigú yiguíji Dios”, yi tuoíabojacu yu maji. Ito bajiro tuoíabojaguti, ñarocõti cudi jeo masibiticu yu. Adocãta, “Jesure riti yu tuorúnaja, yure boca amigú yiguíji Dios”, yi tsoía yu ñja. <sup>20</sup> Adi ramuriama Jesucristo, ñti ñami yu Uju ñja. Ito bajiri ñ amorise yu yi ñatoni yure gotiami ñ. Adocãta yu ñmoro bajiro meje yu yu. Jesucristo, Dios Macu yure ti maicõri, yu ñeñaro yirise waja, waja yirocu yure goda isiñi ñ. Ito bajiri adi ramuri ñre tuorúnagú ñari, ñ amoro bajiro riti yi ñasotia yu ñja. <sup>21</sup> “Rocati masare yiari ñ Macure cõabojañi Dios”, yi tuoíagú meje ña yuama. “Rẽtoro ñasarise ña ñti”, yi tuoíagú ña yu. Bucúrã ñna rotirisere mani cadiroca waja Dios ñ masoja, Cristo goda ñsibitoru manire.

### 3

#### *Diore tuorúnajare meje ña bucúrã ñna rotire gaye*

<sup>1</sup> Tuoja Galacia gãna mua. Jesucristore jidicácõri gaje ocajua tuorúnarã ñari queno tuoíamena ña mua ñja. ¿Ñimú ruore oca goticati muare? Yu gorooma muare gotibiticu yu. Ito ramuju mua rãca ñagú, yucateõju Jesucristo godare gaye oca muare queno goticu yu. Ito oca tuocõri queno rucubwocu mua maji. Ito bajibojarocati ruore oca riasori masare tuorúnacõri, Jesucristore jidicã amoa mua. Ito bajiro mua yija, queno tuoíamena ña mua. <sup>2</sup> Coji gaye muare seníã amoa yu: ¿Moisés ñayoru ñ rotire gaye mua cudija ticõri, Espiritu Santo quedi sãjacati muare? Ito bajirojua meje baja. Jesucristo oca tuocõri, ñre mua tuorúnaja bero, muare quedi sãjañi Espiritu Santo. <sup>3</sup> ¿No bajiatu, mua tuoíarise jidicacati muare? Ito ramuju Jesucristore mua tuorúnaja ticõri, mua ya usiju quedi sãjañi Espiritu Santo. Ito bajibojarocati, “Bucúrã rotire gaye mani tuorúnaja ticõri, manire masogú yiguíji Dios”, yi tuoíabojaja mua adi ramuri. Itire tuoíabesa mua. <sup>4</sup> ¿Muare rẽtagore ñajediroti acabojocati mua? Ito yicõri, ¿Mua tóbujare gaye cuni acabojocati mua? “Itire acabojamenaji ñna”, yi tuoía yu muare. Itire tãdi tuoíacõri queno tuoíarã yirãji mua macana. <sup>5</sup> Espiritu Santo queo sãñi Dios muare. Ito yicõri jaje tiyamani, mua tiro riojo Ioñi Dios. Judio masa bucúrã ñna rotire gaye mua tuorúnajare ¿ito bajiro yicati Dios? Ito bajiro meje baja. Jesucristo oca mua tuorúnajare, ito bajiro yíñi Dios.

<sup>6</sup> Abraham ñayoru tuoíate mua. Ìama Dios busirisere tuorúnayiju. Ito bajiro ñ yija ticõri, “Queno yigu ñami Abraham”, yiyiju Dios. <sup>7</sup> Ito ocare tuocõri, ado bajiro yi tuoía mani: “Mani Abraham ñayoru bajiro Diore tuorúnarã ñari, ñ janerãbatia robo bajirã ña mani ñja”, yi tuoía mani. <sup>8</sup> Jane mejeju iti gaye gotisoyiju Dios ñ oca tutina. Ito yicõri judio masa meje ñarã Diore ñna rucubworoti gaye gotisoyiju Dios. “Judio masa mejere cuni masogú yiguja yu”, yirocu ado bajiro yiyiju Dios Abrahamre: “No gãji mu robo bajiro yure ñ tuorúnaja ticõri, ñeñaro ñ yirisere acabojogu yiguja yu”, yiyiju Dios Abraham ñayoru. <sup>9</sup> Diore queno tuorúnayiju Abraham. Ito bajiri ñre queno yiyiju Dios. Adi ramuri cuni, no Jesucristore tuorúnajare queno yigu yiguíji Dios.

<sup>10</sup> “Moisés ñayoru ñ rotirisere yu cudi jeoja ticõri, yure masogú yiguíji Dios”, yi tuoíabojagure, seti ña ñre maji. Ito bajiri ñre masobiquíji Dios. Ito yicõri ñre waja senigú yiguíji Dios. Ado bajiro yí ucañi Moisés ñayoru: “No adi papera

tuti rotirisere cudi jeobicare, seti ña ãre maji. Ito bajiri ãre waja senigũ yiguĩji Dios”, yi ucañi Moisés ñayoru. <sup>11</sup> Iti oca tuocõri, “Judio masa bucarã rotire gaye cudi jeo masibea mani. Ito bajiri, ‘Queno cudi jeorã ña muã’, yibiquĩji Dios manire. Sīgũ ñarocõti cudi jeogu maquĩji”, yi tuoĩa masia mani. Ado bajiro yi gotia Dios oca tuti: “No Diore tuorũnugũre, ‘Queno yigu ña muã’, yigu yiguĩji Dios ãre. Ito yicõri ã catiĩñaroca yigu yiguĩji Dios”, yi gotia Dios oca tuti. <sup>12</sup> Ito bajijorocati, “Bucarã rotire gaye yu cudi jeoja, yure seti manoja”, yirã, Diore tuorũnurã meje ñama ãnaõna. Diore tuorũnure meje ña bucarã rotire gaye mani tuorũnũja. Ado bajiro yi ucañi Moisés ñayoru: “No adi tuti rotirise cudi jeoguti, seti manicõri Dios rãca queno ñagũ yiguĩji ã”, yi ucañi Moisés ñayoru.

<sup>13</sup> Ito bajijorocati ñarocõti bucarã rotire gaye cudi jeo masibea mani. Ito bajiri seti jaje ña manire. Ito yicõri jairo ñeñaro yirise waja, waja ruyurioa mani. Itire masicõri, mani ñeñaro yirise waja, waja yi ãsirocũ goda ãsiñi Cristo. Ado bajiro yi gotia Dios oca: “Yucũguju sīgũre ãna sĩa yoja, seti cutigu ñaguĩji iocũ”, yi gotia Dios oca tuti. Mani ñeñaro yirise waja, manire waja yi ãsirocũ yucutõõju goda ãsiñi Cristo. <sup>14</sup> Jane mejeju ado bajiro goticãyiju Dios Abraham ñayorũre: “No mure bajiro yure tuorũnurãre, queno yigu yigũja yu”, yiyiju Dios Abraham ñayorũre. Judio masa mani ñaja, judio masa meje mani ñaja cuni, Jesucristore mani tuorũnũja manire masogũ yiguĩji Dios. Ito yicõri ã goticato bajiroti Espĩritu Santo queo sãgũ yiguĩji Dios manire.

### *Ado bajiro yicũja yu, Dios ã yire gaye*

<sup>15</sup> Queno tuo ya yu ñarã muã. Goti masiore ocana muare gotigu ya yu. “ã yiro robo yibisĩ ã”, gãjerã yibe yirona, “Ado bajiro yicũja yu”, yi ucasotia mani. Ito bajiro mani yi ucajare, “Meje ã yiro bajiro yibisĩ ã”, yi masimenaji gãjerã. Mani ucaçãre ñajare, busi remo masimenaji ãna ãja. <sup>16</sup> Jane mejeju cuni, “Ado bajiro yicũja yu”, Abrahamre Dios ã yija, ucare ña iti cuni. Ado bajiro Abraham ñayorũre goticãñi Dios: “Sīgũ mu ãnamina suoriti masa jeyarore queno yigu yigũja yu”, yĩñi Dios Abraham ñayorũre. “Mu janerãbatiana suoriti masa jeyarore queno yigu yigũja yu”, yibisĩ Dios. “Sīgũ mu ãnamina suoriti”, ã yija, “Jesucristona suoriti”, yireoni ña iti. <sup>17</sup> Muã queno tuo masitoni muare goti rõtõbugũ ya yu. Ado bajiro goticãñi Dios Abrahamre. “No mu robo yure tuorũnugũre, ãre masogũ yigũja yu”, yi goticãñi Dios ãre. Ito yija cuatrocientos treinta rodori bero ã rotirise Moisésna cũyiju Dios, judio masa ãna cudi jaro yirocũ. Ito bajiro yigu, “Jane mejeju Abrahamre yu gotiyocatire jidicãcõri gaje wasoagu ya yu”, yirocũ meje yiyiju Dios itire. Ito bajiri, “Abrahamre ã gotiyorere jidicãcõñi Dios”, yi tuoĩabea mani. <sup>18</sup> Moisés rotirise mani cudi jeore waja meje manire masogũ yiguĩji Dios. Ñarocõti Moisés rotirise cudi jeo masibea mani. ã rotirise mani cudi ãre wajana suoriti manire Dios ã masoja, Abraham ñayorũre Dios ã goticãre rocati bajiro ñaboroja iti. “Yure mu tuorũnũja, mure queno yicũja yu”, yicãñi Dios Abrahamre. Ito bajiri Abraham ñayoru robo bajiro Diore mani tuorũnũja manire masogũ yiguĩji ã.

<sup>19</sup> Ito bajicõri, ¿no yija ã rotirisere cũyijari Dios manire? Ado robojuã bajia. “Dios rotirisere cudi jeo masibea yu. Ñeñaro yi jaigu ña yu”, mani yitoni ã rotirisere cũñi Dios manire. Ito bajiri, “Sīgũ mu ãnamina suoriti masare masogũ yigũja yu”, Abrahamre yiru ã ejaroto riojuã ã rotire ñacãyiju manire. Dios ãmasiti, Moisésre gotibisiju ã rotirise. ã ñaro gãna ángel mesare Moisésre goti rotiyiju Dios. ãna gotija tuocõri, judio masajuare gotiyiju Moisés macana.

<sup>20</sup> “Sīgũ mu ãnamina suoriti masare masogũ yigũja yu”, Dios ã yija, ãmasiti

Abrahamre gotiyija. Iti gayereama ángel mesare goti rotibisija Dios. Īmasiti Abraham ñayorure gotiyija Dios.

*“Ñeñaro yigu ña yu”, mani yi tuoĩatoni, ĩ rotirise manire cūñi Dios, yire gaye*

<sup>21</sup> ĩ Moisésre ĩ rotire gaye ĩ cūroca Abrahamre ĩ goticārere jidicāyijari Dios? Meje ĩ goticārere jidicābisija Dios. Ado robojua baja. Catitūñare gaye mani bajatoni meje ĩ rotirise cūyija Dios. ĩ rotirisere cudi jeo masibeá mani. Ito bajiri, “Cudi jeorā ña mua. Queno yirā ña mua”, yibiquji Dios manire. ĩ rotirise mani cudi jeoja ticōri, “Queno yirā ña mua”, yiboguji gajea. <sup>22</sup> Ito bajibojarocati cudi jeo masibeá mani. Dios oca tuti gotiádo bajiroti baja ití. “Masa jeyaro ñeñaro yama ĩna. Sigū ruyabeto seti cātirā ñama ĩna”, yí gotia Dios oca. ĩ rotirise cudi jeo masibeá mani. Ito bajibojarocati jane mejeju Abrahamre Dios ĩ goticārena suoriti manire maso masiguji Dios. Jesucristore mani tuorānaja ticōri, manire masogū yiguji Dios, ĩ goticādo bajiroti.

<sup>23</sup> Iti rama, “Jesucristore yu tuorānaja ticōri, yare masogū yiguji Dios”, yí masibiticu mani maji. Itire mani masiroto riojua, “Dios ĩ rotirise riti ña mani cūdiroti”, yí tuoĩacu mani maji. Ito bajibojarocati Dios ĩ rotirise cudi āmbojarāti, cudi jeo masibiticu mani. <sup>24</sup> Jesucristo ejaroto riojua Dios ĩ rotirisere riasoticu mani. Itire riasoticōri, “Ñeñaro yigu ña yu. No bajiro ñeñaro yu yirise jidicā masibeá yu”, yí tuoĩacu mani maji. Ito bajiro tuoĩacu mani maji Jesucristo ĩ ejaroto riojua. Adi rāmariama, “Jesucristore yu tuorānaja, yare masogū yiguji Dios. Ito bajiri ĩ rāca queno wanu catitūñagū yigujaja yu”, yí tuoĩa mani ĩja. <sup>25</sup> Adi rāmariama Jesucristore riti tuorānaja manire. Ito bajiri, “Judio masa bucārā rotire gaye yu cudi jeoja, yare masogū yiguji Dios”, yí tuoĩabitiraja manire ĩja.

<sup>26</sup> Tuoya mua. Jesucristore tuorānura ñacōri adocāta Dios rīa ña mua cūni ĩja. <sup>27</sup> Jesucristore tuorāncōri, idé gu rotiyija mua cūni. Ito bajiro mua yija ticōri, Jesucristo queno ĩ yí ñado bajiro mua queno yí ñaroca yami Dios muare. <sup>28</sup> Sigū robo bajiro ti maiguji Dios manire. Sigūre bajiro tuoĩacōri Jesucristore tuorānua mani. Ito bajiro mani yija ticōri, itina suoriti manire masoñi Dios. Co masa bajiroti masoñi Dios manire. Tite mua, jeyaro ña mani. Judio masa, judio masa meje cūni ña mani. Moa ĩsiri masa, moa ĩsiri masa meje cūni ña mani. Romia, ĩmua cūni ña mani. Jeyaro mani masa wusabojarocati Jesucristore mani tuorānaja ticōri, co masa bajiroti masoñi Dios manire. <sup>29</sup> Ito yicōri, judio masa meje ñabojarāti, Jesucristore mua tuorānaja Dios ñarā ña mua cūni ĩja. Ito bajiri ĩ ñarā mua ñaja, yu bajiroti, Abraham ñayoru janerābatia ña mua cūni ĩja. Ito bajiri, “Mu janerābatiare queno yigu yigujaja yu”, Dios Abrahamre ĩ goticādo bajiroti muare cūni queno yigu yiguji Dios ĩja.

## 4

<sup>1</sup> Mucana gaje muare goti remoa yu. Coriarā ado bajiro yama ĩna macu ñasogure: “Macu, mu jai tujaroca jeyaro yu rucorise mu yeti ñaro yiroja”, yama coriarā, ĩna macu ñasogure. Macuacā ñagū, jai tujabicu ĩ jacu ye gajeonire rucō masibiquji maji. Ito bajiri ĩja rucorocu ñabojaguti, ĩ rucoroto riojua ĩ jacure moa ĩsiri masu bajiro bajiami ĩ maji. <sup>2</sup> Macuacā ĩ ñaroca ĩ jacure moa ĩsiri masa ĩre coderā yirāji. Ito yicōri ĩja ĩ rucorotire cūni coderā yirāji ĩna. “Yu macu ĩ jai tujaroca jeyaro yu rucorise ĩre ĩsima”, jacu ĩ yiri rama ejaroca ĩre ĩsirā yirāji ĩna. Ito bajiri moa ĩsiri masu bajiro meje bajigu yiguji ĩ ĩja. <sup>3</sup> Mani cūni Jesucristore mani tuorānuroto riojua ĩto bajiroti bajibojacu maji. “Bucārā rotire yu cudi jeobeja quenabeto tōbujagu yigujaja yu”, yí tuoĩabojacu mani. Ito bajiri Cristore masibiticōri rāmāre moa ĩsirā

bajiro bajirã ñacu mani maji. <sup>4</sup> Ito bajiro mani bajibojarocati, “Masare yiari yu Macure cõagũ yigũja yu”, Dios i yiri ramu ejayija ña. Ito bajiri Dios Macu ñabojaguti, romiona rujeañi Jesucristo. Ito yicõri judio masu rujeañi i. <sup>5</sup> “Bucurã masa ñna rotire gaye yu cudibeja, quenabeto tõbujagu yigũja yu”, yi gna masa tõiabojarocati, manire yiari i Macure cõañi Dios. I rĩa mani ñatoni manire masorocõ i Macure cõañi Dios.

<sup>6</sup> Ito bajiri Jesucristore mani tuorũnũja, Dios rĩa ña mani ñja. I rĩa mani ñajare i Macu Jesucristona suoriti, manire Espiritu Santo queo sãñi Dios. Ito bajiri, “Cũna, yu Jacu”, ya mani Diore. <sup>7</sup> Diore tuorũnũcõri, “Bucurã rotire gaye yu cudibeja, quenabeto tõbujagu yigũja yu”, yi tõiabea mani ñja. Dios rĩa ña mani ñja. Ito bajiri, Abraham ñayorare, Dios i gotiado bajiroti manire masocõri, manire queno yigu yigũji Dios.

### *Jesure masirãre Pablo i tõiã oca jaire gaye*

<sup>8</sup> Tuoya mua. Iti ramũju Diore masibisija mua maji. Diore masibiticõri, bucurã masare rãcũbuoyija mua. Dios meje ñna ñabojarocati bucurã ñayonare rãcũbubojayija mua. “Ñna rotirise mani cudibeja, quenabeto tõbujarã yirãji mani”, yi tõiã güiyija mua maji. <sup>9</sup> Adi ramuriama Diore masirã ña mua cãni ñja. Ito bajijare Dios ñmasiti mũare ti masiami ñja. Diore tuorũnũcõri bucurã rotire gaye jidicãcu mua. Ito bajibojarocati yu tõiã, bucurã ñna rotire gaye rãcũbuboyija mua mũcana. “Bucurã rotire gaye mani cudibeja, quenabeto tõbujarã yirãji mani”, ¿yi tõiã güi ãmoati mua mũcana? <sup>10</sup> Ado bajiro tõiabojarãji mua mũcana: “Judio masa ñna rotirere mani rãcũbuoja, manire masogũ yigũji Dios”, yi tõiabojarãji mua. Ito bajiro tõiabojacõri, “Adi ramu rãcũbuora ramu ña, adocõ ñami gagu i tujaroca adocõ jue iti tujaroca, ito yicõri adocõ cuma iti tujaroca rãcũbuoroti ña”, yi tõiabojarãji mua. <sup>11</sup> “Mũare riasobojacu yu”, yiadoti baja yure ñja. Ito bajiro mua bajija tuocõri, bojori buja yu.

<sup>12</sup> Yu mairã, mũare queno gotia ãmoa yu. Jesucristore tuorũnũcõri, gna judio masa bucurã tõiãre gaye jidicãcu yu. Yu robo yiya mua cãni. Jesucristore riti tuorũnũña mua. Ito yicõri bucurã tõiãre gaye jidicãña mua. Iti ramũju ito bajiro mũare yu riasoja, queno yure boca ãmicu mua maji. <sup>13</sup> Mua masia, cajero Jesucristo oca mũare yu riasoja cõ ñacu yu. <sup>14</sup> Cõgũ, yu ñabojarocati, yure ti tebiticu mua. “Cõgũ wadiami”, yibojarãti, queno yure boca ãmicu mua. Ado bajiro yicu mua. Dios ñaro gagu ángelre boca ãmirã robo bajiro, queno yure boca ãmicu mua. Ito yicõri Jesucristore boca ãmirã robo bajiro queno yure boca ãmicu mua. <sup>15</sup> Mua tũju yu ñaroca queno wanũ quenacu mani maji. “Queno wanũmenaji ñna”, yi tõiã yu mũare. Iti ramũju yure ti maicõri, queno yure ejabua ãmocũ mua maji. “Mua ya cajea mua rua masija, yure ñibocu mua”, yi tõiã yu mũare. <sup>16</sup> Oca quenarise riti riojo mũare goticu yu. Iti yu gotiare ¿yure ti teati mua ñja?

<sup>17</sup> Judio masa rotire gaye oca mũare riasoana, mũare queno yi ãmorã meje ñarã yirãji ñna. Mũare queno yirona meje baba cutirãji ñna. Ito bajiro mũare ruorãji ñna, yure mua jidicãtoni. Ito yicõri ñnare riti mua tuorũnũre ãmorãji ñna. <sup>18</sup> Riti, mũare queno yi ãmorã ñna ñajama, mũare baba cutirona wanure oca rãca ñna bũsija, quena ñaroja. Ito bajirojua yirũja ñnare. Mua tũju yu ñaja, mua tũju meje yu ñaja cãni, ito bajiro riti yirũja ñnare. <sup>19</sup> Yu mairã, yu rĩa robo bajirã ña mua. Mũare buto tõiã ña yu. Romia ñna rãcoroto riojua buto tõiã bujatomenaji ñna. Ito bajiroti mũare tõiãcõri, bujato baja yu cãni. Gaje mua tõiãsuore jidicãcõri, Jesucristore riti mua tuorũnũroto riojua, mũare tõiã ñagũ yigũja yu. <sup>20</sup> Mua tũju oca quenorocu mua rãca ña ãmobja yu. Mũare

buto tuoña usirioa yu. Ito bajibojarocati sōju ñacōri ñe gaje muare goti ejabua masibea yu ñja.

*Sara, Agar ñna bajire gaye*

<sup>21</sup> Tuoya yu ñarā mua. “Moisés ñayoru ñ rotire mani cudiya, manire masogū yiguñji Dios”, yi tuoñabajarāji mua. Ñ rotiyorere queno tuo masibea mua. <sup>22</sup> Ado bajiro yi ucare ña: “Ema jearā rña cutiyiju Abraham ñayoru. Ñ manojore moa isiri maso, Agar wame cutigo, sigū macu cutiyijo iso. Ñ manajo ñasago cuni sigū macu cutiyijo iso”, yi ucare ña iti gaye. <sup>23</sup> Romia gājerā ñna macu rucoro bajiroti macu cutiyijo Agar cuni. Sara bucojuma, Dios ñ gotiado bajiroti, rña mani waro ñabojagoti, sigū macu cutiyijo iso cuni ñja. <sup>24-25</sup> Iti oca muare goticōri, iti oca gayere queno muare goti masio amoa yu. Ado bajiro bajia iti oca. Ñna romia jearāre rētare gaye tuoñacōri, juaji Dios ñ goticāre gaye cuni tuoñarā yirāji mani. Arabia sitaju, Sinaí wame cutiricu gūtagū joeju Moisés ñ rotirore isiyiju Dios. Iti gūtagū judo gago ñayijo Agar ñayoro. Gājerāre moa isiri maso ñayijo iso. Iso janerābatia cuni gājerāre moa isiri masa riti ñayjarā ñna. Noa, “Moisés ñ rotirere mani cudi jeoja, manire masogū yiguñji Dios”, yi tuoñarā ñna ñna Agar janerābatia ñayoana robo bajiro tuoñarā. Rūmāre moa isiri masa bajiro bajiamā ñna. Ito bajiro bajibojama yu ñarā judio masa. Moisés rotirisere cudi amobojarāti, cudi jeo masibeama ñna. Ito bajiri Diore tuorūnumena ñari, Agar janerābatia ñayoana robo bajirā ñna, yu ñarā Jerusalén gāna. <sup>26</sup> Maniama Sara janerābatia ñayoana robo bajirā ñna mani. Gājerāre moa isiri maso meje ñayoyijo Sara. Jesucristore tuorūnacōri, rūmāre moa isiri meje ñarāji mani ñja. “Judio masa bucarā rotire gaye yu cudi jeobeja, yure masobiqūñji Dios”, yi tuoña güirā meje ñna mani ñja. “Jesucristore yu tuorūñaja, yure masogū yiguñji Dios”, yi tuoña wanarā ñna maniama ñja. <sup>27</sup> Sarare tuoña yugu ado bajiro ucañi Diore goti isiri masu:

Rña mani waro tuoya mu. Rña maco ñabojagoti, queno wanu quenaña mu. Junirise tuoñabiticōri, wanu quenaña mu. Jājarā mu janerābatia cutiroca yiguñji Dios ñna. Mure moa isiri maso rētare janerābatia cutigo yigoja mu, yiyiju Dios ñ oca tutina.

<sup>28</sup> Yu ñarā, Dios ñ gotiado bajiroti macu cutiyijo Sara, Abraham manajo. Isaac wame cutigu ñayiju iso macu. Mani cuni Jesucristore tuorūnacōri, Dios rña ñna mani ñja. Abrahamre Dios ñ gotiado bajiroti ñ rña ñna mani cuni ñja. <sup>29</sup> “Espiritu Santana suoriti macu cutigo yigōji Sara”, Dios ñ gotiado bajiroti Isaac wame cutigu macu cutiyijo iso. Isore moa isiri maso macu buto ti tudiyiju Isaacre. Adi rumari ito bajiroti bajia manire cuni. Jesucristore mani tuorūñaja ticōri, manire ti tudirā yirāji Moisés rotiyore rūcuborā. <sup>30</sup> Abrahamre Dios ñ busiyore gotia Dios oca tuti. Abrahamre ado bajiro yiyiju Dios: “Mu manojore moa isiri masona mu macu cutiru mu ya gajeonire rucobicu yiguñji ñ. Mu manojona mu macu cutirujua ñ ñagū yiguñji mu ya gajeoni rucorocu. Ito bajiri mu manojore moa isiri maso, iso macure cuni bucōaña mu”, yi gotiyiju Dios Abrahamre. <sup>31</sup> Yu ñarā, moa isiri maso janerābatia meje ñna mani. “Judio masa bucarā rotire gaye yu cudi jeobeja, yure masobiqūñji Dios”, yi tuoña güirā meje ñna mani ñja. “Jesucristore yu tuorūñaja, yure masogū yiguñji Dios”, yi tuoña masirā ñna mani ñja. Ito bajiri Sara ñayoro janerābatia robo bajirā ñna mani cuni.

**5**

*Ñenarise mano quenarisena riti ñaña mua, yire gaye*

<sup>1</sup> Iti rumaju rãmure moa İsiri masare bajiro mani bajibojarocati, manire masoñi Cristo. İre mani tuorũnũja ticõri, manire masoñi İ. Ito bajiri buto busa İre tuorũnũrũja manire. Ito yicõri, “Bucurã İna rotire gaye yũ cudi jeobeja, yure masobiquĩji Dios”, yi tuoİa gũibitirũja manire. Ito bajiro mani tuoİabojaja, męcana rãmure moa İsiri masa bajiro bajirã ñarã yirãji mani.

<sup>2</sup> Tuoya mua. Mũare ado bajiro gotisagu ya yũ: “Bucurã rotiro bajiro, wiro yũ ta rotija, yure masogũ yiguĩji Dios”, ğyi tuoİati mua? Ito bajiro mua tuoİabojaja mũare maso masobiquĩji Cristo. <sup>3</sup> Męcana mũare goti quenogũ ya yũ. No, “Bucurã rotiro bajiro wiro yũ ta rotija, yure masogũ yiguĩji Dios”, yi tuoİagũ, ñarocõti rotirise gaye cudi jeorũjami İocu. Ito bajibojarocati ñimũja cudi jeogu maquĩji. <sup>4</sup> “Yũ ñeñaro yirise waja, waja yirocu judio masa bucurã rotire gaye cadicũja yũ”, yi tuoİabojarãji coriarã. Ito bajiro tuoİarã, Jesucristore jidicãcõri İre tuorũnrũ meje ñama İnaõna. Ito yicõri Dios İnare masorocu, İ queno yi amobojarisere boca amimenaji İna. <sup>5</sup> Espĩritu Santo İ ejabũarisena Jesucristore tuorũnũa maniam. Ito bajiro Jesucristore mani tuorũnũja ticõri, “Queno yirã ña mua”, yigu yiguĩji Dios manire. Ito bajiro İ yija, “Manire masogũ yiguĩji Dios”, yi tuoİa mani İja. <sup>6</sup> Wiro mani taja, mani tabeja cuni ñasarise meje ña iti. İtina suori meje manire masogũ yiguĩji Dios. Cristore mani tuorũnũja, ito yicõri gãjerãre mani ti maija, iti ña ñasarise. Ito bajiro mani yija ticõri, manire masogũ yiguĩji Dios.

<sup>7</sup> Jesucristore tuorũnũsũocõri, İ amoro bajiroti queno cudyija mua maji. Adi rumũriama İja, İ oca ñasarisere queno cudibea mua. ğÑimu Jesucristo ocare mua jidicãroca yicati mũare? <sup>8</sup> “Dios meje İ ocare İna jidicãroca yiñi”, ya yũ mũare. Dioti ñami manire besecõri Jesucristo ocare mani tuorũnrũroca yiru. <sup>9</sup> Naju wadarise uco gayere tuoİate mua. Naju cãjare jabeto uco mani wũoja, queno wũa quenarõja. Ito bajiroti baja ruore oca cuni. Ruore ocare tuorũnũcõri, jãjarã itire tuorũnrũ yirãji. Ito bajiri ruore ocare tuorũnũcõri jãjarã busa cudi warã yirãji masa. <sup>10</sup> “Gãjerã mũare ruore oca İna gotija, İnare mua tuorũnũme yirocu, mũare ejabuagu yiguĩji Cristo. Ito bajiri İ oca mũare yũ riasorisere jidicãmenaji İna”, yi tuoİa yũ mũare. “No mũare ruore oca gotirãre waja senigũ yiguĩji Dios İnare”, yi tuoİa yũ.

<sup>11</sup> Ado bajiro ruorãji İna mũare: “Dios rãca queno mani ña amõja, judio masa İna rotiado bajiro wiro tarũja mani”, yami Pablo manire, yi goti ruorãji İna mũare. Ito bajiro masare riasobeja yũ. Ito bajiro yũ riasõja, yure ti tudibitiboana judio masa. Yũama ado bajirojũa riasõa: “Mani ñeñaro yirise waja, waja yigu yucutẽõju godañi Cristo. İre mani tuorũnũja ticõri, manire masogũ yiguĩji Dios”, yi riasõa yũama. Ito bajiro yũ riasõja ticõri, yure ti tudiam judio masa. <sup>12</sup> Mũare ruore oca gotirã, buoro usirioro mũare wiro ta rotirãji İna. Yũ tuoİaja, İnamasiti rutaja quenaboyija yureama. Ito yicõri, “Gajerojũ İna waja, quena ñaborõja”, yi tuoİa yũ.

<sup>13</sup> Yũ ñarã, mũare besefi Dios, İ ñarã mua ñatoni. Judio masa bucurã rotire gaye mũare cudi rotibisijũ Dios. İ rotibitibojarocati, “Yũ ya rujũ iti tuoİaro bajiro yicũja yũ”, yi tuoİabitirũja mũare. Ado bajirojũa mua yi ñaja quena. Gãjerãre ti maicõri İnare ejabuaya mua. <sup>14</sup> Jaje rotire gaye ñaborõarocati coji gayeti ña buto busa ñasarise. Ado bajiro baja iti. “Mũ ya rujũre mũ ti mairo bajiroti mũ ñarãre cuni ti maiña”, yi gotia iti. Disejũa gaje Dios İ rotirise rãocũrise manõja. <sup>15</sup> Mũa ñarãre mua ti tudija, ito yicõri İnare mua oca menija, queno İna rãca ña masimenaji mua. Ito bajiri ruore oca riasõrãre tuorũnũbesa. Mũa ñarã rãca queno mua ña masitoni queno tuoİaña.

*Espíritu Santo ĩ amoru bajiro mani cudija quena, yire gaye*

16 Ado bajiro gotia yu muare. Manire Espiritu Santo ĩ rotiro bajiroti mani cudija quena. Ito bajiro mani yija, manimasiti mani ya rujū ñeñaro iti tuoĭaro bajiro yimenaji mani. 17 Mani ya rujuna ñeñaro mani yi amorise ito yicōri Espiritu Santo ĩ tuoĭarise rāca corocō meje ñaroja iti. Mani ya rujuna buto ñeñaro yi āmoa mani. Ito bajibojarocati mani queno yire āmoguĭji Espiritu Santo. Espiritu Santo ĩ amoru bajiro mani yija, mani ya rujū ñeñaro yire gaye yimenaji mani ĩja. Ito bajiri mani queno yijaro yirocu, manire ejabuagu yiguĭji ĩ. 18 Espiritu Santo ĩ amoru bajiro mani yi ñaja, “Judio masa bucārā rotire gaye mani cudija manire masogū yiguĭji Dios”, yi tuoĭamenaji mani.

19 “Ito bajiro ñeñaro yama ĩna ñeñaro tuoĭaro bajiro yirā”, yi ti masirā yirāji mani. Ado bajiro yirāji ĩna. Tite. Manojo cutirā ñabojarāti, gāji manojore ajerāji ĩna. Romia cuni ito bajiroti yirāji. Manujū cutirā ñabojarāti, gajeo manujore ajarāji ĩna. Jaje ñeñarise tuoĭarāji ĩna. Ito bajiri jeyaro ñeñaro ĩna yi amorise yisotirāji ĩna. 20 Ito bajicōri ĩna meni rujeoanareama rācubuoarāji ĩna. Gājerāre rojarāji ĩna. Gājerāre terāji ĩna. Gāmeri tudirāji ĩna. Ito yicōri gājerāre ti tudirāji ĩna. Junisinirāji ĩna. ĩna amoru bajiro riti yirāji ĩna. Sīgūre bajiro tuoĭa āmomenaji ĩna. Rocati oca rujeocōri, gājerā ĩna ña masibeto yirāji ĩna. 21 Gājerā ya gajeonire ti uorāji ĩna. Gājerāre sĭarāji ĩna. Idire idicōri mecārāji ĩna. Mecucōri rocati yirāji ĩna. Ito yicōri jeyaro ñeñarise yirāji ĩna. Iti rumujū muare yu goticato bajiro muare gotisagu ya yu. No ito bajiro ñeñaro yi uyagu, ũmacūju Dios ĩ rotiroju ejabicu yiguĭji ĩ.

22 Espiritu Santo ĩ amoru bajiro mani yija, ñeñarise yi uyamenaji mani. Ado bajiroju yirāji mani. Gājerāre ti mairāji mani. Diore tuoĭacōri queno wanu quenarāji mani. Ito yicōri mani ya usi queno ñaroja manire. Gājerā manire ñeñaro ĩna yibojarocati ĩnare tudimenaji mani. ĩnare queno yirāji mani. Ito yicōri Dios ĩ amoru bajiroti yirāji mani. “Ado bajiro yicuja yu”, mani yicāre ñajare ito bajiroti yirāji mani ĩja. 23 “Gājerā rētoro queno yigu ña yu”, yi tuoĭamenaji mani. Ito yicōri mani ya rujū ñeñaro yi amorisere yimenaji mani. Ito bajiro yirāji mani, Espiritu Santo ĩ amoru bajiro mani tuoĭaja. Ito bajiro mani yija ticōri, “Rotirisere cudirā meje ña muā”, yimenaji gājerā manire. 24 Jesucristo ñarā ñari ado bajiro yi tuoĭarāji mani. “Yu ñeñaro yirise waja, waja yigu godaño Cristo. Ito bajiri yu ya rujū ñeñaro yi amorisere jidicācuja yu. Ito bajiri ĩ ejabuajare, mucana ñeñarisere yi uyabicuja yu”, yi tuoĭarāji mani. 25 Catitñare mani bujatonĭ, Jesucristore mani tuoĭarāroca yĭñi Espiritu Santo. Ito bajiri ĩ amoru bajiro yirūja manire.

26 “Gājerā rētoro masigū ña yu”, yibitirūja manire. Ito bajiro mani yibeja, manire ti tudimenaji gājerā. Ito yicōri mani rāca junisinimenaji ĩna.

## 6

*Gāmeri ejabuaja quena, yire gaye*

1 Yu ñarā, Espiritu Santo ĩ quedĭ sājana ña muā. Ito bajiri sīgū muā rāca gagū ĩ ñeñaro yija, ĩre ejabuaya, ĩ ñeñaro yirise ĩ jidicātonĭ. ĩre ti maicōri, ĩre ejabuajaja muare. Ito yicōri queno tuoĭaña muā, ĩre bajiro muā ñeñaro yibe yirona. 2 Muā rāca gānare oca iti ñaja, ĩnare ejabuaya muā. Ito bajiro muā yija, Jesucristo ĩ rotiro bajiroti cudirā yirāji muā.

3 Sīgū “Ñeñaro yigu meje ña yuāma. Ñasari masū ña yu”, ĩ yi tuoĭaja, ĩmasiti ruoami ĩocū. 4 Ado bajiro mani tuoĭaja quena: “¿Yu yirise quena ñarajada? Quenabetojada gajea”, yi tuoĭarūja manire. Ito bajiro tuoĭacōri, “Yu yirise



quena ñaroja, Dios ï tija”, mani yi masija, wanurã yirãji mani. “Yũ sīgũti ña queno yigu. Ñnama queno yirã meje ñama”, yi tũoĩabitiruja manire. <sup>5</sup> Masa jeyarore ña ñeñaro yirise waja, waja senigũ yiguĩji Dios. Ito bajiri ñeñaro mani yija iti waja manimasiti quenabeto tũbujarã yirãji mani.

<sup>6</sup> No Jesucristo oca mũare riasogũre ñre ejabũaruja mũare. Ito yicõri mũa rucõrise ñre cãni jabeto ñiña.

<sup>7</sup> Queno tũoĩaña mũa. Jeyaro mani yirise masiguĩji Dios. “Ñeñaro yũ yija, masibiquĩji Dios”, mani yi tũoĩabojarocati, masi jeocõguĩji Dios. Ñe ï masibiti manoja. Queno tũoya. Goti masiore ocana mũare gotigu ya yũ. Bia aje mani oteja, bia judiro yiroja. Mani otero bajiroti judiro yiroja. <sup>8</sup> Ito bajiroti bajaia mani yirise cãni. Mani ya rujũ ñeñaro yi ãmorise mani yija, itire waja yirãonati jeame ãjuroju warã yirãji mani. Gajereama, Espĩritu Santo ï ãmoro bajiro mani yija, mani wanũroca yigu yiguĩji ï. Ito yicõri Dios rãca catitĩñarã yirãji mani ñja. <sup>9</sup> Ito bajiri quenarise yi jidicãmenati itire yitĩñaruja manire. Quenarise mani yi jidicãbeja, Dios ï ãmori rũmũ ï goticato bajiroti manire queno yigu yiguĩji ï. <sup>10</sup> Ito bajiri mani queno yi masirocõ, masa jeyarore queno ejabũaruja manire. Ito yicõri manire bajiro Jesucristore tũorũnũrãre cãni bũto bũsa mani ejabũaja quena.

### *Pablo ï goti quenosũsare gaye*

<sup>11</sup> Adi yũ gotisũsarise, yũmasiti uca yũ. Tiya, wame curisena uca yũ. <sup>12</sup> Wiro mũare ta rotirã, gãjerã judio masa rãca queno ñarona, mũare rotirãji ña. “Jesucristona sũoriti masare masogũ yiguĩji Dios, yi gua riasoja, gũare ti tudirã yirãji gãjerã judio masa. Ito bajiri gua tũbujaroca yirãji ña”, yi tũoĩa gũirã ñama, mũare wirotã. Itire gũirã ito bajiro mũare wirotã ta rotirãji ña. <sup>13</sup> Wiro tagoana ñabojarãti, judio masa bũcurã ña rotire gaye queno cãdi jeomenaji ña. Cãdi jeomena ñabojarãti mũare wirotã ta rotirãji ña. “Galacia gãnare wirotã ta rotija tũocõri, gũare wanurã yirãji masa”, yi tũoĩacõri, ito bajiro mũare rotibojarãji ña. <sup>14</sup> Ña robo riasobeja yũama. Yucũtũojũ Jesucristo ï godare oca yũ riasoja, iti gayere riti wanũa yũ. Yũre ï ejabũarisena sũoriti adi macãrucũro gaye gajeonire bũto tũoĩabeja yũ ñja. Ito yicõri, ñre masicõri adi macãrucũro gaye ñeñarise yi ãmobeja yũ. <sup>15</sup> Mani wirotã taja, mani tabeja cãni ñasarise meje ña iti. Itina sũori meje manire masogũ yiguĩji Dios. Jesucristore tũorũnũcõri mani ñeñaro yirise mani jidicãja, gũame tũoĩare gaye ñaroja manire. Iti ña ñasarise. <sup>16</sup> Ñeñaro mani yirise jidicãcõri, Jesucristore mani tũorũnũja, Dios ñarã ñarãji mani ñja. No ito bajiro tũoĩagũre yiari Diore basi ñsia yũ. Ña ya usijũ queno wanũ quenajaro, yirocũ mũare yiari Diore senisotia yũ. Ito yicõri mũare ï ti maitoni, mũare yiari ñre bũsia yũ.

<sup>17</sup> Jesucristo oca yũ goti ucujare yũre ñeñaro yicã masa. Ito bajiro yũre ña yigore jaje camigodo ña yũre. Ito bajiri itire ticõri, “Jesucristo oca goti ucuri masũ meje ñami Pablo”, yibeja mũa ñja.

<sup>18</sup> Yũ ñarã bajiroti mũare maia yũ. Mũa ya usijũ ñacõri mũare queno yijaro mani Ujũ Jesucristo, yisũsa yũ. Itocõ ña.

## La carta de San Pablo a los Efesios

### *Efeso cuto gānare Pablo ĩ papera cōare gaye*

<sup>1</sup> Nati Efeso gāna m̄ua. Ȳu ña Pablo adi papera m̄uare cōagū. Jesucristore queno t̄uor̄ūn̄ucōri ĩre j̄idicārā meje ña m̄ua. Jesucristo oca ȳu goti ucure āmoñi Dios. Ito bajiri masare ȳu riaso ucutoni ȳare cūñi ĩ. <sup>2</sup> M̄uare yiari mani Jacu Diore, ito yicōri Jesucristore c̄uni senia ȳu. M̄uare ti maicōri queno yijaro Dios. Ito yicōri m̄ua ya ūsij̄u queno sajari oca c̄uti quenaro ñajaro, yiroc̄u Diore senia ȳu m̄uare yiari.

### *Cristona s̄uoriti quenarise manire cōañi Dios, yire gaye*

<sup>3</sup> “R̄etoro queno yiḡu ña Dios m̄u”, mani Ūju Jesucristo Jacure yi r̄uc̄ub̄uor̄uja manire. Cristo ñarā mani ñajare, quenoguti yif̄ni Dios manire. Ito bajiro yicōri jeyaro ūmac̄uj̄u gaye mani t̄uoĭa wan̄uoca yami Dios, mani ya ūsij̄u queno mani ñatoni. <sup>4</sup> Adi mac̄ar̄uc̄uro ĩ rujeoroto rioj̄ua manire beseñi Dios, ĩ ñarā mani ñatoni. “Cristore t̄uor̄ūn̄urā yir̄aji ĩna”, yi t̄uoĭa masicōri, manire beseñi Dios. Ito bajiri manire ti maicōri, “Ñe seti ma ĩnare. Ȳu āmoro bajiro queno yirā ñama ĩna”, yi tiguñji Dios manire. <sup>5</sup> Jane mejeju manire ti maicōri, manire beseñi Dios. “Ȳu ñarā ĩna ñatoni, ȳu Mac̄u Jesucristore cōagū yiḡuja ȳu”, yi t̄uoĭayij̄u Dios. Ito bajiro yi t̄uoĭacōri ĩ r̄ia mani ñaroca yif̄ni Dios manire. <sup>6</sup> Ito bajiro manire ĩ queno yijare, ado bajiro ĩre yi r̄uc̄ub̄uor̄uja manire: “Ḡuare quenoguti ya Dios m̄u. M̄u Mac̄u Jesure b̄uto maibojaḡuti ḡua ñeñaro yirise waja, ĩ waja yi ĩs̄itoni ĩre cōayija m̄u. Ito bajiro yicōri guare masoyija m̄u. R̄etoro queno yiḡu ña m̄u”, Diore yi r̄uc̄ub̄uor̄uja manire. <sup>7</sup> Manire ti maicōri ado bajiro quenof̄ni Dios. “M̄u ya r̄inati masa ñeñaro yirise waja, waja yi ĩsiḡu yiḡuja m̄u”, yiḡu ĩ Mac̄ure cōayij̄u Dios. Ito bajiri Cristore mani t̄uor̄ūn̄uja ticōri, mani ñeñaro yirisere ācaboj̄ni Dios. Ito yicōri manire masof̄ni ĩ. <sup>8</sup> Manire ti maicōri b̄uto queno yif̄ni Dios manire. ĩ gaye queno mani t̄uo masiroca yif̄ni. Ito bajiri ĩ ejab̄uarisena ĩ ocare queno t̄uo masirā yir̄aji mani. <sup>9</sup> Jane mejeju, “Ado bajiro yiḡu yiḡuji Dios”, yi masibisjarā masa maji. Adi rum̄ariama Jesucristo ñarā mani ñajare, “Ado bajiro queno yiḡu yiḡuji Dios”, mani yi t̄uo masiroca yiḡu yiḡuji Dios. Ado bajiro yiḡu yiḡuji ĩ. <sup>10</sup> Dios ĩ āmori r̄um̄u, manire miojugu yiḡuji ĩ. No mani ñaroti, manire āmiḡu yiḡuji Dios. Ito yicōri ūmac̄uj̄u gāna, jaca gāna jeyaro adi sita gaye c̄uni Jesús siḡuti ĩ rotiroca yiḡu yiḡuji Dios. Ito bajiro yiḡu yiḡuji Dios, Jesús siḡuti Ūju ĩ ñat̄iñatoni.

<sup>11</sup> Dios ĩ t̄uoĭaro bajiroti jeyaro r̄etaro yiroja. Cristo ñarā mani ñatoni, jane mejeju ĩ āmoro bajiroti manire beseñi Dios. “Ado bajiro yiḡu yiḡuja ȳu”, yi t̄uoĭacōri, ito bajiro yiyij̄u Dios. Ito bajiri Cristo ñarā mani ñaja ticōri, wan̄uḡu yiḡuji Dios ĩja. <sup>12</sup> Ḡua judio masama, m̄ua rioj̄uj̄u Cristore t̄uor̄ūn̄us̄uoc̄u ḡua. Ḡuare besecōri, Jesucristore ḡua r̄uc̄ub̄uor̄oca yif̄ni Dios. “R̄etoro queno yiḡu ñami Dios. ĩre mani t̄uor̄ūn̄uja manire masoḡu yiḡuji ĩ”, ḡua yi r̄uc̄ub̄uotoni guare cūñi Dios. <sup>13</sup> Jesucristore t̄uor̄ūn̄urā ña m̄ua c̄uni. ĩ oca quenarise t̄uocōri, “Cristore mani t̄uor̄ūn̄uja, manire masoḡu yiḡuji Dios”, yi t̄uor̄ūn̄uyija m̄ua c̄uni. Ito bajiri Dios ĩ gotic̄ado bajiroti, Espiritu Santo queo sāyiju Dios m̄ua ya ūsij̄u. Ito bajiro ĩ yijare, “Dios ñarā ña mani”, yi t̄uoĭa masia m̄ua c̄uni ĩja. <sup>14</sup> Mani ya ūsij̄u ĩ ñaja, ado bajiro ya mani: “Ȳu ñeñaro yirise waja, waja yi ĩsic̄añi Dios. Ito bajiri ĩ r̄aca catit̄iñaḡu yiḡuja ȳu. Ito yicōri jeyaro ūmac̄uj̄u ĩ

goticādo bajiroti bujagu yigujaja yu", yi tuoia mani. Ito bajiri, "Rētoro queno yiñi Dios", yi rucubuoariti ñaraja manire.

*Diore tuorānūrāre ī masirise īsijaro yirocu, Pablo Diore ī seni īsire gaye*

<sup>15</sup> "Mani Ūju Jesure tuorānucōri gājerā Jesure tuorānūrāre tuo mairā ñama Efeso gāna", muare masa ĩna yija tuocu yu. Ito bajiro ĩna yija tuocōri, wana yu. <sup>16</sup> Muare wanucōri, "Queno ya Dios mu", yisotia yu Diore. Ito bajiri muare tuoīacōri muare yiari Diore seni jidicābea yu. <sup>17</sup> Rētoro ñasagu ñami mani Jacu Dios. Īti ñami mani Ūju Jesucristo Jacu. Īre senisotia yu, muare yiari. Ī gaye queno mua tuo masitoni, muare yiari Diore busi īsisotia yu. Ito yicōri ĩre mua queno masitoni ĩre senisotia yu. <sup>18</sup> Manire besecōri mani ñeñaro yirisere coe jeoñi Dios. Ito yicōri ĩ ñarā mani ñatoni, manire cūñi Dios. Ī ñarā ñacōri, ūmacāju catitñare gaye boca āmirā yirāji mani. Iti ña oca rētoro quenarise. Itire queno mua tuo masitoni, Diore busisotia yu. <sup>19-20</sup> Ado bajiro manire ĩ masirise ioñi Dios. Ī masirise iogā, Jesús ĩ godaja bero mucana tūdi ĩ catiroca yiñi Dios. Ito bajiro yicōri ĩ ya riojocadaja, rucubuoaraja, Jesús ĩ ruijroca yiyiju Dios. Rētoro masigū ñami ĩ. Ito bajiri queno manire ejabuaguji, ĩre mani tuorānūja. Itire mua tuo masitoni muare yiari Diore busisotia yu. <sup>21</sup> Ito bajiro rucubuoaraja Cristore ruji rotiyiju Dios adi macārucāro rotiri masu ĩ ñatñatoni. Ito bajiri Ūju ñasagu ñami ĩ. Gājerā rotiri masa rētoro roti masigū ñami Jesús. Ñimū gāji ĩ robo roti masigū maquji. Ī ñami ñari masa rētoro mani rucubuoarocu. Ito bajiro cūyiju Dios Jesucristore Ūju ñasagu ĩ ñatñatoni. Ito bajiri adi macārucāro iti jedija bero Ūju ñasagu ñatñacōgū yiguji ĩ. Ito bajiroti ñatñacōgū yiguji Cristo. <sup>22</sup> Adi macārucāro jeyaro ĩ rotirotire cūyiju Dios Jesucristore. Ito bajiri Cristore mani tuorānūja, ĩti ñami mani Ūju. Manire ūmatā ñagū ñari mani rijoga ñami ĩ. <sup>23</sup> Cristore tuorānucōri sigū bajiro riti ūsi cuti ñarā ña mani ĩja. Mani ya ūsiju ñaguji Cristo. Ito bajiri ĩ ya ruju robo bajirā ña mani cūni ĩja. No mani ñarijuti mani rāca ñagū yiguji Cristo. Cristo ĩ manija ñe gaje manija. Ito bajiri mani rāca ĩ ñajare ñe ruyabea manire.

## 2

*Manire ti maicōri manire Dios ī masore gaye*

<sup>1</sup> Iti rumaļu Diore tuorānubiticōri, ñeñaro yirā ñacu mani maji. Ito bajirā ñari jeame ūjuroju warona ñabojacu mani. Ito bajiri godacāna robo bajirā ñacu mani maji, Diore masibiticōri. <sup>2</sup> Iti rumu adi macārucāro gāna ñeñaro yirā bajiro yibojacu mani cūni maji. Ito yicōri rāmūa ūjare cūdibojacu mani maji. Īti ñami Diore cūdimena ūju, Satanās wame cutigu. Ī ñami ñeñaro ĩna yiroca yigu. <sup>3</sup> Iti rumu Diore cūdibitiana ñeñaro ĩna yiado bajiro yibojacu mani cūni maji. Mani tuoīaro bajiroti ñeñaro yicu mani maji, Diore masibiticōri. Manimasiti mani ya ruju ñeñaro iti tuoīaro bajiro ñeñaro yibojacu mani maji. Diore cūdirā meje ñacu mani. Mani ñeñaro yirise waja Diore waja ruyuriosu mani maji. Ito bajiri jeame ūjuroju warona ñabojacu mani maji. <sup>4</sup> Ito bajibojarocati manire buto ti maicōri, manire āmosacōyiju Dios. Ito bajiri manire yiari queno yiñi ĩ. <sup>5</sup> Ñeñaro yirā mani ñaja, Dios ĩ tija, godacāna bajiro bajirā ñacu mani. Ito bajibojarocati Jesucristore mani tuorānūja ticōri, Cristore mucana tūdi ĩ catiroca Dios ĩ yiado bajiroti, tūdi mani catiroca yiyiju Dios. Mani queno yirise ticōri meje manire masoñi Dios. Manire ti maicōri, "Yu Macure tuorānūrā ñama ĩna", yicōri manire masoñi Dios. <sup>6</sup> Cristo ĩ godaja bero mucana tūdi ĩ catiroca yiyiju Dios. Ito yicōri ūmacāju ĩre āmi mūja wacōri ĩ taju rucubuoaraja Cristore ruji rotiyiju Dios. Ito bajiri Cristo ñarā ñacōri rāmūa

ujare cudirā meje ña mani ĩja. Ũmacūju Cristo rāca rujirā bajiro tiguĭji Dios manire. <sup>7</sup> Ito bajiro yiyiju Dios, queno ĩ yirise manire ĩorocu. “Jesucristo ñarā mani ñajare, manire ti maicōri quenoguti yiñi Dios”, mani yi tŵoĭatñatoni, manire ĩ queno yirise ĩoñi Dios. <sup>8</sup> Manire ti maicōri quenoguti yiñi Dios. ĩ Macu Jesucristore mani tŵorūñaja ticōri, manire masoñi Dios. Mani queno yigorise waja yiroca meje manire masoñi ĩ. Manire ti maicōri rocati waja senibicati manire masoñi Dios. <sup>9</sup> Mani queno yigorise ticōri meje manire masoñi Dios. Ito bajiri, “Yu queno yigorise ticōri, yare masoñi Dios”, yi masibea mani ĩja. <sup>10</sup> Dios ĩ rujeoana ña mani. Jane mejeju ĩ tŵoĭa yucādo bajiroti meniñi Dios manire. ĩ Macu Jesucristo ñarā mani ñatoni manire rujeoñi Dios. “Yu Macure ĩna tŵorūñaja, ĩ ejabuarisena quenarise riti yirāji ĩna”, yi tŵoĭacōri, manire rujeoñi Dios.

### *Dios rāca mani oca cutirise quenoñi Cristo, yire gaye*

<sup>11</sup> Iti rumu Diore masirā meje ñayija muu maji. Ito bajiri Diore cudibiticōri, gua yisotiado bajiro wiuro tabeama ĩna”, yicu gua masa muare. “Diore cudirā ñari wiuro tagoana ña guama”, yi ti tudicu gua muare. “Ito bajiro yi tŵoĭayijarā judio masa guare”, yi ācabojabesa muu. <sup>12</sup> Iti rumuju Jesucristore masirā meje ñayija muu maji. Dios ñarā meje ñari ĩ rāca sīgure bajiro tŵoĭabisija muu maji. Ito bajiri, “ĩ ñami mani wajacu”, yiado bajiro tŵoĭayija muu maji, ĩre masibiticōri. “Dios ñarā mani ñajare ĩ yiado bajiroti manire masogū yiguĭji ĩ”, yi tŵoĭa yurā meje ñayija muu maji. “Ito bajiro yigu yiguĭji Dios”, yi tŵoĭabisija muu. Adi macārucāro gaye ñeñaro yire tŵoĭa wanucōri, Diore masirā meje ñayija muu maji. “Ito bajirā ñabojacu gua maji”, yi tŵoĭañā muu. <sup>13</sup> Adi rumariama Jesucristore tŵorūñarā ñari Dios ñarā ña muu ĩja. Manire goda ĩsicōri, Dios ñarā mani ñaroca yiyiju Cristo. Ito bajiri ĩ rāca sīgū bajiro riti tŵoĭarā ña mani ĩja. <sup>14</sup> Cristo ñami oca quenori masu. Iti rumuju sīgure bajiro meje tŵoĭacu mani maji. Iti rumuju gua judio masa rāca oca ñacu maji. Ito bajilobarocati mani jeyarore goda ĩsicōri oca quenoñi Cristo. Ito bajiri sīgū bajiro riti tŵoĭarā ña mani ĩja. Cristo oca ĩ quenoja bero wajana robo bajirā meje ña mani ĩja. <sup>15</sup> Manire Cristo goda ĩsijare, “No Moisés ñayoru rotirisere cudi jeobicati jeame ujeroju wacu yiguĭji”, yire ma ĩja. Manire goda ĩsicōri mani gāmeri ti tudirise jediroca yiñi Cristo. Juu butu mani ñabojarocati, co masa bajiroti mani ñaroca yiñi Cristo. Ito bajiri gāmeri mani ti tudirise ma ĩja. Oca quenoñi Cristo ĩja. <sup>16</sup> Yucutēoju manire goda ĩsicōri, Dios rāca mani queno ñaroca yiyiju Cristo. Ito bajiri, “Ñe seti ma ĩnare. Yare waja ruyuriobeama ĩna ĩja”, yi tiguĭji Dios manire. Manire goda ĩsicōri, mani gāmeri ti tudirise jediroca yiñi Cristo. Ito bajiri juu butu gāna mani ñabojarocati, Cristore tŵorūñacōri, co masa bajiroti ña mani ĩja.

<sup>17</sup> Oca quenarise gotirocu adi macārucāroju wadiyiju Cristo. Dios ñarā meje muu ñabojarocati Dios rāca muu oca cutirise quenorocu adi sitaju wadiyiju Cristo. Gua judio masa, Dios ñarā ñabojarāti ĩ rāca oca cuticu gua cuni. Ito bajiri Dios rāca gua oca cutirise quenorocu adi sitaju wadiyiju Cristo. <sup>18</sup> Mani ñajedirore goda ĩsiyiju Cristo. Ito bajiri judio masa mani ñaja, mani ñabeja cuni, Espiritu Santo ĩ ejabuarisena Diore busi masia mani ĩja. <sup>19</sup> Ito bajiri judio masa meje muu ñabojarocati, “Yu ñarā ñama ĩna”, yigu yiguĭji Dios muare. “Yu Macu Jesucristore tŵorūñacōri yu ñarā ñama ĩna ĩja”, yi tiguĭji Dios muare. Ito bajiri Cristore tŵorūñacōri co masa ña mani ĩja. Dios ñarā riti ñacōri cojuti ñatñaronā warā ya mani. <sup>20</sup> Gūta wi masa ĩna meni āmoja, sita batirise āmarā

yirāji ĩna, wi iti jujabe yirona. Sita quenarise bujacōri, gūta ajeri quenarise āmarā yirāji ĩna, yoari iti wi ñatoni. Jesucristo ĩ cūana ito yicōri Diore goti ĩsiri masa, sita queno buṭi quenarise robo bajirā ñama ĩna. ĩna riasorisere tuocōri, Cristore tuorūnu jidicāmenaji mani ĩja. Gūta wi meniroti bajiro bajirā ña mani. Ito yicōri gūtagā ñasarica ĩna cōiaraga robo bajigu ñami Jesucristo. ĩ ñami manire ūmatā ñagū. ĩre mani tuorūnuja, catitiñarā yirāji mani. <sup>21</sup> Cristore tuorūnucōri, sigū robo bajiro riti tuoīarā yirāji mani. Ito bajiro Dios ñarā ñari queno ĩre moa ĩsirā yirāji mani. Ito bajiro mani yija ticōri, gājerā cūni Diore rūcūbuorā yirāji. Jesure tuorūnucōri, ĩ rāca Diore wi meni ĩsirona bajiro bajirā yirāji mani. Mani ya usijū Dios ĩ ñaja, ĩ ya wi robo bajiro yiroja mani ya ruju. Ito bajiri Jesure riti mani tuorūnuja, quenari wi Diore meni ĩsiado bajiro bajirā ñarā yirāji mani. <sup>22</sup> Guā masa meje ñabojarāti Jesucristore tuorūnucōri Dios ñarā ña muā cūni ĩja. Ito bajiri cocati ĩre moa ĩsicōri, ĩ ñarā riti ña mani. ĩ ya ũsi manire ĩ queo sājare, ĩ ya wi robo bajirā ña mani ĩja.

### 3

#### *Judio masa mejere cūni Dios oca Pablo ĩ gotire gaye*

<sup>1</sup> Yū ña Pablo, Jesucristore moa ĩsiri masū. Muā judio masa meje ñarāre Jesucristo oca yū riasoja ticōri, ado tubiara wijū yūre cūama ĩna. Adocāta Dios ñarā muā ñajare muare yiari Diore seni ĩsisotia yū. <sup>2</sup> “Judio masa meje muā ñabojarocati, muare ti maicōri, muare queno yiñi Dios”, yi riasoa yū muare. Yūre queno yijaro yirocū, ito bajiro muare riasorocū yūre cūni Dios. “Itire masirāji ĩna”, yi tuoīa yū muare. <sup>3</sup> “Judio masa meje ñarāre cūni ti maicōri, ĩnare masogū yiguūji Dios”, yi yū tuoīa masiroca yiñi Dios yūre. Iti rāmujū iti ocare masibisijarā masa. Ito bajiri iti paperana jabeto muare gotisūoa yū itire <sup>4</sup> Yū ucare ticōri, “Guare cūni goda ĩsiñi Cristo. Iti oca gājerā ĩna masibitire, queno masiami Pablo”, yirāji muā yū ucare ticōri. <sup>5</sup> Bucurā ñayoana iti ocare masibisijarā ĩna. Adi rāmuriama guā Jesús ĩ cūana, Diore goti ĩsiri masare cūni, ĩ ya ũsi ĩnare queo sācōri iti ocare ĩna masiroca yiyijū Dios. <sup>6</sup> Ado bajiro bajaia iti oca: Judio masa, judio masa mejere cūni, Cristo oca quenarisere mani tuorūnuja, manire masogū yiguūji Dios. Ito bajiri ĩ ñarā ñacōri, co masa bajiroti ñarā yirāji mani. Ito bajiro Cristore tuorūnucōri Dios ĩ goticādo bajiroti ĩ ĩsirotire boca āmirā yirāji mani.

<sup>7</sup> Yūre ti maicōri, iti oca quenarise masare yū goti ucutoni yūre cūni Dios. Ito yicōri ĩ oca queno yū goti masitoni yūre ejabuami Dios ĩ masirisena. <sup>8</sup> “Queno yiguū meje yū ñabojarocati yūre beseñi Dios”, yi tuoīa yū. Gājerā Cristore masirā berojūa gagū ña yū. Yū tija ñasagu meje ña yū. Ito bajibojarocati yūre ti maicōri, yūre beseñi Dios. Yūre besecōri, judio masa meje ñarāre cūni Cristo oca yū gotitoni yūre cūni Dios. “Cristore muā tuorūnuja, rētoro queno yiguū yiguūji Dios muare”, yū yi goti ucutoni yūre cūni Dios. <sup>9</sup> “Judio masa meje ñarāre cūni masogū yiguūji Dios”, yū gotire āmoguūji Dios, ñajediro masa ĩna masitoni. Adi macārucūro ĩ rujeoroto riojūa, “Yū Macūre ĩna tuorūnuja, judio masa meje ñarāre cūni masogū yiguūja yū”, yi tuoīayijū Dios. Ito bajibojarocati iti oca masa ĩna masiroca yibisijū Dios maji. <sup>10</sup> Judio masa meje ñarāre cūni masocōri, ĩ masirise ĩoyijū Dios. Ito bajiri adi rāmuri ĩja ángel mesa, ūmacāju rotiri masa cūni ado bajiro yirā yirāji ĩna: “Jeyaro masigū ñami Dios. Quenarise riti tuoīagū ñami ĩ. Judio masa, judio masa mejere cūni ĩ masoja bero, sigū bajiro riti tuoīarā ñama ĩna ĩja”, yirā yirāji ūmacāju gāna. <sup>11</sup> Jane mejeju adi macārucūro ĩ rujeoroto riojūa, “No yū Macū Jesucristore tuorūnuā

yū ñarã riti ñarã yirãji ña", yi tʷoĩasotiyijū Dios. Ī tʷoĩasotiro bajiroti rēta adi rʷmari ĩja. No mani ʷjū Cristore tʷorūnagūti Dios yagu ñaguĭji. <sup>12</sup> Jesucristore tʷorūnucōri, "Yure masogū yiguĭji Dios", yi tʷoĩa mani ĩja. Ito bajiri ĩre masicōri gūimenati Diore bʷsia mani. <sup>13</sup> Mʷa judio masa meje ñarãre Cristo oca yū riasoja ticōri, tubiara wijū yū ñeñaro tōbujaroca yama ĩna. Itire masicōri, "Bujato baja", yi tʷoĩa bojori bʷjabesa mʷa. "Pablo gotija tʷocōri, Jesucristore tʷorūnʷsuoča gʷa. Ito bajiri Dios ñarã ña gʷa ĩja", yi wanʷrʷja mʷare.

### *Cristo manire ĩ maire gaye*

<sup>14</sup> Rētoro queno tʷoĩagū ñari judio masa mejere cʷni masogū yiguĭji Dios. Ito bajiri itire tʷoĩacōri, rijomunigāna ñini rʷjūa yū, Mani Jacʷ Diore rʷcʷbʷorocʷ. <sup>15</sup> Jeyaro Dios ñarã, ũmacūju cʷni, adi sitaju cʷni ĩ rujeoana riti ña mani. Ito bajiri ĩti ñami mani Jacʷ ñasagu. <sup>16</sup> Rētoro masigū ñari, manire queno ejabʷa masiguĭji Dios. Ito bajiri mʷare yiari ado bajiro Diore senia yū, "Mʷ yā ũsi ĩnare queo sãcōri queno ĩna tʷoĩa oca sēoroca yiya", yi senia yū Diore mʷare yiari. <sup>17</sup> "Jesucristore tʷorūnʷrã ĩna ñajare ĩre riti ĩna cʷdiroca yiya", ya yū Diore mʷare yiari. Manire ĩ maiado bajiroti gājerãre mʷa maire āmoa yū. <sup>18</sup> No mani ñaroti manire tʷo maigū yiguĭji Cristo. ũmacūju, jacaju cʷni no mani ñaroti manire maigū yiguĭji ĩ. Wesicaju, rocaju cʷni no mani ñaroti manire maigū yiguĭji Cristo. "Manire maisaguĭji Cristo", yi tʷoĩarã rãca sīgāre bajiro mʷa tʷoĩare āmoa yū. Ito bajiro mʷa tʷoĩatoni mʷare yiari Diore senia yū. <sup>19</sup> Manire maisacōami Cristo. "Adocō manire maiguĭji", yi mani tʷoĩaro rēto bʷsaro manire maiguĭji Cristo. "Riti baja iti", mʷa yitoni, Diore senia yū. Ito bajiri Diore tʷorūnʷ rētocūcōri ĩ āmoro bajiro riti mʷa yire āmoa yū.

<sup>20</sup> Mani ya ũsiju Dios ĩ ñajare, ĩ masirisena manire queno ejabʷa masiguĭji Dios. ĩre mani seniro rēto bʷsaro ejabʷaguĭji Dios manire. Ito yicōri mani tʷoĩaro rēto bʷsaro ejabʷa masiguĭji ĩ manire. Itire tʷocōri, "Rētoro queno yigu ña Dios mʷ", yi ĩre rʷcʷbʷotĩñarʷja manire. <sup>21</sup> Jesucristona sʷoriti manire masoñi Dios, ĩ ñarã mani ñatoni. Ito bajiri ĩre rʷcʷbʷotĩñarʷja manire. "Rētoro masigū ña Dios mʷ", yi rʷcʷbʷotĩñarʷja mani ĩre. Ito bajiro riti bajitĩñajaro.

## 4

### *Sīgāre bajiro mani tʷoĩaroca yigu ñami Espiritu Santo, yire gaye*

<sup>1</sup> Mani ʷjū Jesucristo oca masare yū riasoja ticōri, adoju tubiara wi yure tubiacã ĩna. Mʷare yū riasogore tʷoĩacōri ado bajiro mʷare riasoa yū mʷcana. "Quenarise riti mani yi ñatoni manire beseñi Dios", yi tʷoĩarã ña mʷa. Ito bajiri, "Ī āmoro bajiro riti cʷdisotiya mʷa", yi josa yū mʷare. <sup>2</sup> "Gājerã rētoro ñasagu ña yū", yi tʷoĩabesa mʷa. Quenoti gājerãre mʷa rotija quena. Ito yicōri gājerãre ũsirioro yi codebesa. Gājerã ĩna mʷare ñeñaro yija, ĩnare ti tudibesa. ĩnare ti maicōri, ĩnare ejabʷaya mʷa. <sup>3</sup> Gāmeri ejabʷacōri oca mano ñaña mʷa. Sīgū bajiro riti mani tʷoĩaroca yigu ñami Espiritu Santo. Ito bajiri wanʷre rãca ĩre cʷdisotiya mʷa. Ito bajiro mʷa yija ticōri, sīgāre bajiroti mʷa tʷoĩaroca yigu yiguĭji ĩ. <sup>4</sup> Sīgū ñabojaguti mani jeyarore quedi sãjañi Espiritu Santo. Ito bajiri Jesucristore tʷorūnucōri sīgū bajiro riti tʷoĩarã ña mani ĩja. Ito yicōri co masa bajiro ña mani ĩja. Dios ĩ beseana ñari, "Dios rãca catitĩñagū yiguja yū", yi tʷoĩa mani. <sup>5</sup> Sīgūti ñami Jesucristo mani ʷjū. Ito bajiri ĩ sīgāreti tʷorūnʷa mani. "Cristore tʷorūnʷgū ñaguĭji ĩ cʷni", yi gājerã ĩna ti masitoni idé gu rotia mani. <sup>6</sup> Mani Jacʷ Dios sīgāreti rʷcʷbʷoča mani. Ī sīgūti ñami mani jeyarore

roti masigä. Mani ya usijü ñacöri, manire ejabuaguñi Dios. Ito bajiri ñre mani moa ñsi masitoni mani jeyarore ejabuagu yiguñi ñ.

7 Ñre mani moa ñsisosatonni mani masiroca yigu ñami Cristo. Manire ti maicöri, ñ ñmoro bajiro mani moa ñsisosaroca yami Cristo. 8 Ito bajiri ado bajiro gotia Dios oca tuti:

Ûmacñju ñ tñdi waroto riojua ñ wajanare rëtocügü yiguñi Cristo. Ito bajiro yicöri jaje quenarise ñ ñaräre ñsigü yiguñi Cristo, yi gotia Dios oca tuti.

9 Tite mua: “Ûmacñju tñdi wacu yiguñi ñ”, yi gotia Dios oca. “Ûmacñju ñ tñdi waroto riojua, cajero jacaju adi sitaju ruji ejañi ñ”, yi tuoña mani. 10 Adi sita rocajuga tuti ejaru ñti ñami mucana ñmacñjuga weca tuti mua waru. “Coju ruyabeto roticuja yu”, yirocu ñto bajiro yiyiju Jesucristo ñ masirisena. Ito bajiri jeyaro roti masiguñi Cristo. 11 Ñti ñami queno mani moa masiroca yigu. Tite mua. Mani coriaräre ñ oca mani goti ucutonni cññi. Gäjerä Diore goti ñsiri masa mani ñatoni cññi Cristo. Gäjerä ñre ñna tuorñnatoni, ejabua masiama ñna. Gäjerä queno Jesucristore masiräre ñmatä ñna masiama ñna. Ito yicöri gäjerä queno masare ñna riaso masiroca yññi Cristo. 12 Ito bajiro mani masiroca yññi Cristo, Diore yññi queno mani moa ñsitoni. Ito yicöri mani oca sëttonni, cocati mani gämeri ejabua masiroca yññi Cristo. Ito bajiro ñ yijare ñ ñarä ñari, sigü bajiro riti tuoñarä ñna mani ñja. 13 Ito bajiro sigüre bajiro tuoñacöri coro bajiroti Cristore tuorñnurä yiräji mani. Ito bajiro yicöri, Dios Macure queno masirä yiräji mani. Mani ya usijü ñ ñajare, ñre bajiroti tuoñarä yiräji mani cñni. Yoari ñre masicöri, queno cudirä yiräji mani. 14 Rñaca bajiro mani tuoñare ñmobiquñi Cristo. Biyaro mani tuoñarise wasoare ñmobiquñi Cristo. Ñ sigüreti mani tuorñnure ñmogüñi ñ. Ito bajiro gäjerä ricati tuoñarä, queno oca ñna gotibojarocati, ñnare tuorñnunenaji mani. 15 Ado bajirojua yiräji mani. Gäjeräre ti maicöri, riojo oca gotirä yiräji mani. Ito yicöri, buto busa Cristore tuorñnacöri, ñ ñmoro bajiro riti cudirä yiräji mani. Ñti ñami mani ñju. Ito yicöri, ñ ñarä ñna mani. 16 Jäjarä mani ñbojarocati sigüre bajiro tuoñacöri ñre mani moa ñsiroca yami Cristo. Manire ñmatä ñagü ñari, mani rijoga ñami Cristo. Ito yicöri ñre moa ñsirä ñari ñ ya ruju robo bajirä ñna mani. Riojo ñre mani cudija, cocati queno moarä yiräji mani. Gämeri ti maicöri, gämeri queno ejabuara yiräji mani. Ito yicöri buto busa Cristore tuorñnurä yiräji mani.

### *Cristona suoriti mame tuoñare ñna manire, yire gaye*

17 Mani ñju Cristo ñ yare rotijare, ado bajiro busia yu mua: Diore masimena ñna yiro bajiro mucana tñdi ñeñaro yibesa mua. ñna tuoñaro bajiroti yibojama ñna. ñnare bajiro yibesa mua. 18 Dios ocare tuo ñmobiticöri, “Ado bajiro yu yi ñnare ñmogüñi Dios”, yi masimenaji ñna. Ito bajiro Dios ñarä meje ñari ñ räca sigü bajiro tuoñamenaji ñna. Ito bajiro bajirä ñari Dios ocare tuo masimena yiräji ñna ñja. Ñ ocare tuo masibiticöri, räññaroju ñarä bajiro bajiräji ñna. 19 “Ñti ñna ñeñarise”, yi masibojaräti ñeñaro yi uyacöräji ñna. Ito yicöri ñeñaro ñna yija bero ñbojarocati, “No yibea”, yiräji ñna. ñna ñmoro bajiroti romia räca, ñmua räca cñni jeyaro ñeñaro ñna yirise yiräji ñna. ñna tuoñaro bajiroti buto ñeñarise yi uyarä yiräji ñna. 20 Jesucristo ocare masibojaräti, “Ñre masimena bajiro ñeñaro gaa yire, ñmobiquñi Cristo”, çyi masibeati mua? 21 Jesucristo oca quenarise ñ riasore gaye tuogoana ñna mua. Ñ ocare tuorñnurä mua ñaja, “Ñ oca ñnasarise ñna”, yi tuoñarä yiräji mua. 22 Ñti ramu Jesucristore mua masiroto riojua, ñeñarise yi ñayija mua. ñeñaro tuoñacöri, buto busa ñeñaro yi ñayija mua maji. Ito bajiro ñeñaro tuoñarisere mucana itire tñdi tuoñabesa mua. Itire jidicäña mua

ĭja. <sup>23</sup> Ñeñaro tuoĭarise jidicãcõri, Dios ĭ tuoĭaro bajirojua mame tuoĭare wasoaya mua. <sup>24</sup> Mame tuoĭare wasoacõri, Dios ĭ ãmoro bajiro yiya mua. Īre bajiro quenarise riti mani yitoni mame tuoĭare gaye manire wasoacõañi Dios. Ito bajiro ĭ yijare ñeñarise tuoĭamenati quenarise riti mani yija quena.

<sup>25</sup> Ito bajiri mua socare oca cãni jidicãña. Ñasarise riti gãmeri oca gotiya mua. Cristo ñarã ñari, no masa robo bajirã ña mani ĭja.

<sup>26</sup> Gãjire junisinibojarãti, ĩre ñeñaro yibesa mua. Ito yicõri ũmacañi ĭ quedi sãjaroto riojua oca quenocõri, mua junisinirise jidicãma. <sup>27</sup> Mua junisinirise mua jidicãbeja, rŭmua ujure cudirã yirãji mua. Ito bajiri itire yibesa mua.

<sup>28</sup> Rinigoana mua ñaja, tũdi mucana rinibesa. Ado bajirojua mua yija quena. Waja bujarona queno moaña. Waja bujacõri, bojoro bujarãre ejabuaya.

<sup>29</sup> Oca ñeñarise busibesa mua. Ado bajirojua mua yija quena. Gãjerãre ejabuarona oca quenarise riti busiya. Ito bajiro mua busija tuoõri, tuoĭa oca seorã yirãji ĩna. Ito yicõri bũto busa Diore tuorũna ãmorã yirãji ĩna. <sup>30</sup> Ñeñaro mani yija ticõri, bojori bujagu yiguĭji Espiritu Santo. Ito bajiri itire yibitiruja manire. Ī ñami mani ya usijũ quedi sãjaru. Manire ĭ quedi sãjaja bero, “Dios yagu ña yu. Ito bajiri masa ĩna ñeñaro yirise waja Dios ĭ waja seniri rũmu yure masogũ yiguĭji ĭ”, yĩ tuoĭa mani.

<sup>31</sup> Gãjire ñeñaro mua tuoĭaja, jidicãña itire. Gãjire mua ti tudija, jidicãña. Gãjerãre mua junisinirise jidicãña. Gãjerãre ñeñaro busitubesa. Gãjire oca menibesa. Gãmeri tudirisere jidicãña mua. Ito yicõri gãjerãre ti tudibesa mua. <sup>32</sup> Ado bajirojua mani yija quena. Gãjerãre ti maicõri, ĩnare queno yiruja manire. Manire ñeñaro ĩna yibojarocati, ĩnare mani ãcabojoja quena. Dios cãni mani ñeñaro yirisere ãcabojoñi ĭ, Jesucristore tuorũnarã mani ñajare. Ito bajiri gãjerã ñeñaro manire ĩna yibojarocati itire mani ãcabojoja quena.

## 5

### *Dios rĩa mani ñaja ado bajiro ñaraja, yire gaye*

<sup>1</sup> Dios rĩa, ĭ mairã ñari, queno ĭ yĩado bajiroti queno yĩana mani cãni.

<sup>2</sup> Manire Cristo ĭ mairo bajiro gãjerãre cãni mairuja manire. Manire ti maicõri, mani ñeñaro yirise waja, waja yĩ ĩsiroca goda ĩsiñi Cristo. Manire Cristo ĭ queno yigore ticõri, bũto wanũyijũ Dios.

<sup>3</sup> Dios ñarã ña mani ĭja. Ito bajiri mani ũmua romiare ajebitiruja manire. Īmũare ajebesa romia mua cãni. Ñeñarise ñarocõti yibitiruja manire. Ito yicõri gãji ya gajeonire ti uobitiruja manire. Ñeñaro yibitiruja manire, “Ñeñaro yirã ñama ĩna”, gãjerã ĩna yibe yirona. <sup>4</sup> Oca ñeñarise busibitiruja manire. Tuoĭamenati busibitiruja manire. Ito yicõri romia rãca ajere gaye busibitiruja manire. Quenarise meje ña iti. Ado bajirojua busiruja manire. “Manire queno yami Dios”, yĩ gãmeri busi wanũrũja manire. <sup>5</sup> Tuoya mua. Riti mũare gotia yu. Ñeñaro yirã Cristo ñarã meje ñama ĩna. Ito bajiri Dios ĭ rotirojũ ejamenaji ĩna. No rocati romiare ajegu, Dios tũju ejabiquũji ĭ. Coriarã Diore mairo rẽto busaro gajeonire mairãji ĩna. Dios ĭ tija ĩre rũcũborã meje ñarãji ĩna. Ito bajiri ĩnaõna Dios ĭ rotirojũ ejamenaji. <sup>6</sup> “Ñeñarise meje ña iti”, yĩ ruorãre tuobesa mua. Ñeñaro yirãre ti tudiguĭji Dios. ĩna cudibitire waja tũbujarã yirãji ĩna. <sup>7</sup> Ito bajiri ĩnare bajiro yibe yirona, ĩna rãca baba cutibesa mua.

<sup>8</sup> Iti rũmu ñeñaro yisoticõri, rãitũaroju ñarã robo bajiro ñayija mani maji. Adi rũmũriama Jesucristore masicõri, busuroju ñarã robo bajiro ña mani ĭja. “Iti



ña ñeñarise. Iti ña quenarise”, mani yi masiroca yami mani ʻŬu Jesucristo. Ito bajiri i ñarā ñari queno yi ñarūja manire. <sup>9</sup> Mani ya usiʻu Espiritu Santo i ñajare, busuroʻu ñarā bajiro ña mani ija. Ito bajiri quenarise riti yirūja manire. Ñeñarise yimenati, Dios i āmoro bajiro riti yirūja manire. Mani busija ñasarise gotirūja manire. <sup>10</sup> “Ado bajiro yu yija, wanugū yiguʻi Dios”, yi masirona, quenarise riti yirūja manire. <sup>11</sup> Diore masimena, rāitiaroʻu ñarā bajiro ñarāji ina. Ina ñeñaro yiriseri ti wanūbiqūʻi Dios. I ta waja bujamenaji ina. Ito bajiri ina rāca ñeñaro yibesa mua. Ado bajiroʻua mua yija quena. Ñeñaro yirāre Dios oca inare goti masioña, “¿Ñeñaro yirā ñayijari gua?” ina yi tuo masitoni. <sup>12</sup> Masa gājerā ina tibeto buto ñeñarise yirā ñarāji ina. Ina ñeñaro yigore mani busija, buto bojorise ña. Ito bajiri itire busibitirūja manire. <sup>13</sup> Ado roboʻua mani yija quena. Dios oca inare mani goti masioja, busuro queno ruyuroʻu ñarā bajiro ñacōri, ina ñeñaro yiriseri ti masirā yirāji ina. “¿Ñeñaro yirā ñayijari gua?” yi tuo masirā yirāji ina ija. Ito bajiro tuoīacōri, coriarā Jesucristore boca āmirā yirāji gajea. <sup>14</sup> Ito bajiri ado bajiro gotia Dios oca:

Caniana, godacāna bajiro bajirā ña mua. Ñeñaro yibojarāti, “Ñeñaro yirā ña gua”, yibea mua. Ito bajiri yujiya, Cristore tuorūñaña mua. Busuroʻu ñarā bajiro mua ñaroca yigū yiguʻi Cristo, yi gotia Dios oca.

<sup>15</sup> Diore masirā ñari, queno tuoīaña, Dios i āmoro bajiro mua yi ña masitoni. Diore masimena bajiro yi ñabesa mua. Diore masirā ñari i āmoro bajiro riti yi ñaña mua. <sup>16</sup> Adi rāmuri buto ñeñarise yama masa. Ito bajiro ina yibojarocati quenarise yi ñaña muama. “Tudi ejaʻu yiguʻi Cristo”, yi tuoīacōri, Diore moa isiña mua. <sup>17</sup> Rocati queno tuoīamena bajiro bajibesa mua. Dios ocare queno tuo masiña, i āmoro bajiro mua yi masitoni. <sup>18</sup> “Idire queacōri, wanugū yigūja yu”, yi tuoīabesa mua. Ito bajiro mua queaja, ñeñaro yirā yirāji mua. Ado bajiroʻua yiya. Espiritu Santo mua ya usiʻu i ñajare, i robo tuoīacōri i āmoro bajiroti yiya. <sup>19</sup> Espiritu Santo rāca sigū bajiro riti tuoīacōri, mani ʻŬu Jesucristo ocare gāmeri busi wanūña mua. Ito bajiro busi wanūcōri, i ocare basa seaña. Ito yicōri ire wanūrā, mua ya usina ire basa rācubuoja mua. <sup>20</sup> Cristo ñarā mani ñajare, “Queno ya Dios mu”, yirūja manire mani jacure. “Queno ya Dios mu. Dise ruyabeto mu yisotirise quenarise riti ña”, mani yija, mani ʻŬu Jesucristo wamenati yisotirūja manire.

*Cristore tuorūñarā ñari ado bajiro mani ñaja quena, yire gaye*

<sup>21</sup> Cristore rācubuoarā ñari, gājerā ire masirāre cuni rācubuoja quena. Ito yicōri rācubuoare rāca gāmeri cūdiya mua.

<sup>22</sup> Tuoya romia mua, muare busigu ya yu. Mani ʻŬu Cristore mani cūdiro bajiroti mua manūsusabatiare queno cūdiya quena. <sup>23</sup> Mua manūju cutija bero, iti ñami mua ʻŬu. Ito bajiroti Cristo ñarā mani ñaja, iti ñami mani ʻŬu. Manire ūmatā ñagū ñari mani rijoga bajiro bajigu ñami Cristo. Ito yicōri ire moa isirā ñari i ya ruʻu robo bajirā ña mani. Manire masoroca manire goda isiñi i. <sup>24</sup> Ito bajiri mani Cristo ñarā, ire mani cūdiro bajiroti mua manūsusabatiare cuni cūdisotiya mua.

<sup>25</sup> Tuoya ūmua mua, muare busigu ya yu. Mua manojosāromiare buto maiña mua. Manire cuni buto maiguʻi Cristo. Ito bajiri i ñarā mani ñatoni, manire yiari goda isiñi i. Manire i mairo bajiroti mua manojosāromiare maiña mua cuni. <sup>26</sup> Manire goda isiñi Cristo mani ñeñaro yirise coeroca. Ito yicōri manire beseñi i ñarā riti mani ñatoni. Dios ocare mani tuorūñaja ticōri, mani ñeñaro yirise coeñi Cristo. Mani ñeñaro yirise jidicācōri, idé gu roticu mani. Ito bajiro ire mani tuorūñaja ticōri, mani ñeñaro yirise coeñi Cristo. <sup>27</sup> Ito bajiro

manire coeñi Cristo, i riojo seti mana mani ejatoni. Ito bajiro manire i yicãre ñajare, i riojo ñeñaro yimena bajiroti ejarã yirãji mani. Ito yicõri seti mana bajiro ejarã yirãji mani, i riojo. “Queno yirã ña mua”, yi manire boca ãmigũ yiguñji i. <sup>28</sup> Mũa manojo cutirã ito bajiroti mũa manojosãromiare queno tuoñaja quena. Mũa ya rujari mũa mairo bajiroti mũa manojosãromiare cũi maiña. Mũa manojo cutija bero, jũarã ñabojarãti co ruju bajiroti ruju cutirã ña mua. Ito bajiri mũa manojosãromiare mũa maija, mũa ya rujari mairo bajiroti maia mũa. <sup>29-30</sup> Mani ya rujare ti tebea mani. Mani ya rujare maicõri, itire queno tirũnarã yirãji mani. Ito bajiroti Cristo cũi queno tirũnugũ yiguñji i ñarãre. I ñarã ñari, i ya ruju robo bajirã ña mani. Ito bajiri manire queno tirũnugũ yiguñji Cristo. <sup>31</sup> Ado bajiro gotia Dios oca: “Sĩgũ manojo cuticõri jũarã ñabojarãti, co ruju bajiroti ruju cutirã ñarãji ña. I manojo cutija, i jacu i jaco rãca cũi ñabiquñji ija. Ito yicõri jũarã ñabojarãti co ruju bajiroti ruju cutirã yirãji ña”, yi gotia Dios oca. <sup>32</sup> Iti ocare mani tuo masi ãmoja, josari ña. Ito bajibojarocati iti oca queno manire goti masioa. “Cristo ñarã i ya ruju robo bajirã ñama”, yi riasoa iti oca. <sup>33</sup> Manojo cutire gaye cũi queno riasoa iti oca. Ito bajiri mucana muare gotia yu. Mũa manojosãromiare queno maiña. Mũa ya rujare mũa mairo bajiroti queno mũa manojosãromiare maiña. Romia mũa cũi, queno rucũbuocõri, mũa manujũsabatiane cũiya.

## 6

<sup>1</sup> Rĩaca tuoja mũa cũi, muare busigu ya yu. Mũa jacũsabatiane yiro robo cũiya. Mani Uju Jesucristo ñarã ñari, mũa jacũsabatiane queno cũiuraja muare. Ito bajiro mũa yija Cristo ãmoro bajiro queno yirã yirãji mũa. <sup>2-3</sup> “Yũre mũa cũiya ado bajiro yicũja yu”, yi tuoia wacu ado bajiro rotisoyju Dios. “Mũa jacu, mũa jacore cũi rucũbuoya”, yi gotiyju Dios. Ito bajiro i rotija bero, gaje ado bajiro goticãyju Dios: “Mũa jacũsabatiane mũa queno rucũbuoja, adi sita ñarã yoari wanũ quena cati ñarã yirãji mũa”, yi goticãyju Dios.

<sup>4</sup> Rĩa cutirã tuoja mũa, muare busigu ya yu. Biyaro mũa rĩa junisiniroca yibesa. Ado bajiroju mũa yija quena. Mani Uju i ãmoro bajiro ñare ti maicõri, queno ñare masoña. Ñeñaro ña yija, ñare gotiya ña tuo masitoni. Ito yicõri queno ñare riasoya mũa, Cristore queno ña tuoũntoni.

<sup>5</sup> Gãjerãre moa ñsiri masa tuoja mũa, muare busigu ya yu. Wanũre rãca mũa ujarãre queno cũiya mũa. Ito yicõri ñare gũ rucũbuoya. Cristore tuoũnucõri, ñre queno cũiya mũa. Ito bajiroti mũa ujarãre cũi queno cũiya quena. <sup>6</sup> “Yu ujarã yũre ña wanũtoni ña tiroca riti queno moagũ yigũja yu”, yi tuoĩabesa mũa. ña tiroca, ña tibeja cũi queno ñare moa ñsija quena. Cristore mũa moa ñsiri bajiroti queno mũa ujarãre cũi moa ñsija quena. Mũa ya usina Diore maicõri, i ãmoro bajiro queno moa ñsifa mũa ujarãre. <sup>7</sup> Wanũre rãca queno mũa ujarãre moa ñsifa mũa. “Ñare yu queno cũiya, Cristore cũi queno cũiya yu”, yi tuoĩacõri, mũa ujarãre cũi queno moa ñsifa. <sup>8</sup> “Mani yiro bajiroti, manire waja yigu yiguñji Dios”, yi tuoia mani. Moa ñsiri masa mani ñaja, moa ñsiri masa meje mani ñaja cũi, mani queno yiro bajiroti manire waja yigu yiguñji Dios.

<sup>9</sup> Moari masa ujarã tuoja mũa, muare busigu ya yu. Muare moa ñsiri masare queno yija mũa. ñare cũi queno muare cũi rotibu yu. Muare moa ñsiri masare usirioro yicõri, ña gũiroca yibesa. Sĩgũ ñami umacũju gagũ mani Uju. Muare moa ñsiri masa Uju cũi ñaguñji i. “Mani yigore ti cõĩacõri, ito bajiroti manire waja senigũ yiguñji Dios”, yi tuoia masifa mũa.

*Rāmáre mani rētoĉtoni manire ejabuagu yiguĵi Cristo, yire gaye*

<sup>10</sup> Yu ñarā susari muare ado bajiro gotisusa yu. Mani Ūju rāca sīgū bajiro riti tuoĉacōri, ĩ masirisena buto busa ĩre tuorūnuña muā. Ito bajiro yicōri buto oca sēoña muā. <sup>11</sup> Surarare tuoĉate muā. Īna ya rujure camotarona ĩna sāñarise gaye sāñarā yirāji ĩna. Muā cūni ito bajiroti Dios ocare queno tuorūncōri, tuoĉa oca sēoña, rāmúā ūju muare ruobe yirona. Ito bajiro muā yija, muare ruo masibiquĵi rāmúā ūju. <sup>12</sup> Mani bajiro ruju cutirā rāca meje gāmeri tārā ya mani. Rāmúā tiyamana rāca gāmeri tārā ya mani. Īnati ñama adi macārucūro rāitīaroju ñeñaro yirā ūjarā. Īna ñama ñeñaro mani yitoni manire ūsirioro yi coderā. <sup>13</sup> Ija buto ñeñari rāmūri ejaro yiroja. Mani ñeñaro yitoni, ruje manire ūsirioĝu yiguĵi rāmúā ūju. Manire ĩ ūsirio codebojarocati, mani oca sēotoni ado bajiro yirūja manire. Ñeñari rāmū ito ejaroto rioĝuā, Dios ocare queno riasotirūja manire ito ejaroca oca sēorona. Ito bajiro oca sēocōri, Jesure ĵidicāmenaji mani. Ito bajiro mani yija, surara ĩna ya rujuri ĩna camotado bajiro bajirā yirāji mani ĵja.

<sup>14</sup> Jesucristore tuorūncōri, oca sēoña. Ito yicōri ñasarise riti busisotiba. Ito bajiro muā yija, sīgū surara masu wecu wiroweñucōri, ĩ ñacādo bajiroti ñacārā yirāji muā cūni. Quenarise riti yisotiba. Ito bajiro muā yija, surara masu ūsi riojo camotaro bajiro bajirā yirāji muā. <sup>15</sup> “Dios rāca mani oca cutirise quenoñi Cristo. Iti ña oca quenarise”, yi masare gotirona masi yucāña. Ito bajiro muā yija, surara masu ĩ ya gaboco sāñacōri, ĩ ñacāro bajiro ñarā yirāji muā. <sup>16</sup> Queno Jesucristore tuorūnuña muā. Iti ña ñasarise. Ito bajiro muā yija, camotare gaye racorā bajiro ñarā yirāji muā. Mani tuoĉa oca sēome yirocu, yirugū ūjuriĉu manire jatucōbagū bajiro yami rāmúā ūju. Ito bajiro manire ĩ yi codebojarocati Cristore mani tuorūnuña manire rētoĉū masibiquĵi rāmúā. <sup>17</sup> “Jesucristore yu tuorūnuña ticōri, yure masoñi Dios”, yi tuoĉacōri, oca sēoña muā. Ito bajiro muā oca sēoĝa, surara masu ĩ jesari coro jesarā bajiro ñarāji muā cūni. Dios oca Espiritu Santo mani masiroca ĩ yirisere queno tuo masiña muā. Ito bajiro muā tuoĉaja, sīgū sarera ĵai racogū bajiro ñarā yirāji muā. Ito bajiri rāmúā ūju muare ĩ ūsirioro yi codebojarocati Dios ocare masicācōri ĵuare rētoĉūrā yirāji muā. <sup>18</sup> Ito bajiro yirona Diore busisotiya muā. Coji rayabeto Espiritu Santo ĩ ejabuārisena, Diore busisotiya muā. Ī āmoro bajiro yirona queno oca sēoro ña yucāña. Ito yicōri ĩre busi ĵidicābesa. Ito bajiro yicōri ĩ ñarāre yiari, Diore senisotiya muā. <sup>19</sup> Yure yiari cūni Diore senisotiya. Dios oca yu gotiroca, Diore busiya muā, ĩ oca queno yu goti masitoni. “Masa jeyarore maso āmoguĵi Dios”, yi masibisijarā masa maji. Gūibicūti ito oca masare yu gotitoni yure yiari Diore busiya muā. <sup>20</sup> Iti oca yu gotitoni yure cūni Dios. Iti oca masare yu gotija ticōri, ado tubiara wiju yure tubiacā ĩna. Dios ĩ āmoro bajiro gūibicūti ito oca yu gotitoni, yure yiari Diore seniña muā.

*Queno ñaña muā, Pablo ĩyi ñucare gaye*

<sup>21</sup> Tíquico, mani yagu, muā tu wacu yami. Ī ñami mani Ūju gaye yu moaroca queno ejabuagu. Muā tu eĉacōri, yu gaye, yure rētagore, muare goti jeogu yiguĵi ĩ. Ito yicōri ado yu moarise gaye muare gotigu yiguĵi ĩ. <sup>22</sup> Ito bajiri ĩre cōa yu, yu gaye muare ĩ gotitoni. “Queno ñaguĵi Pablo”, yi tuo masicōri muā ya ūsiju tuoĉa oca sēorā yirāji muā. Ito bajiro muā oca sēotoni muā taju ĩre cōa yu.

<sup>23</sup> Mani Jacu Dios, ito yicōri mani Ūju Jesucristore cūni queno tuorūnarā ña muā. Ito bajiri muā ya ūsiju queno muā wanu quenaroca yijaro ĩna. Ito yicōri muā gāmeri ti mairoca yijaro ĩna. <sup>24</sup> Mani Ūju Jesucristore mai ĵidicāmenare queno yijaro Dios muare. Itocō ña.

## La carta de San Pablo a los Filipenses

### *Filipos cuto gånare Pablo ĩ papera cõare gaye*

<sup>1</sup> Ñati Filipos gånã mũa. Yũ Pablo Timoteo rãca adi papera uca gũa. Jesucristore moa ĩsiri masa ñã gũa. Cristore tũorũnũcõri Dios ñarã ñã mũa cũni. “Queno ñãña mũa”, yĩ ñuca gũa mũare. Dios oca riasori masa ito yicõri ĩnare ejabũari masare cũni, “Quenajaro”, yĩ ñuca gũa. <sup>2</sup> Mũare queno yijaro mani Jacũ Dios. Ito yicõri mũa ya usijũ sajari oca cũtiroca yijaro ĩ. Ito bajiro mũare yijaro yirocũ, Diore ito yicõri mani Ujũ Jesucristore cũni mũare yiari seni ĩsisotia yũ.

### *Jesucristore rãcũbũorãre yiari Pablo ĩ seni ĩsire gaye*

<sup>3</sup> Mũare tũoĩa wanũcõri, “Queno ya Dios mũ”, yisotia yũ. <sup>4</sup> Mũare yiari Diore yũ bũsisotija, yũ ya usijũ queno wanũ quenasotia yũre. <sup>5</sup> Cajero Cristo ocare boca amisũorãti yũre ejabũasũocũ mũa. Adocãta cũni yũre ejabũacõã mũa maji. Ito bajiri mũare yiari Diore yũ senisotija yũ ya usijũ queno wanũ quenasotia yũre. <sup>6</sup> Jesucristore mũa tũorũnũsũorajũti queno mũa yĩ ñaroca yĩsũoĩni Dios. Mani Ujũ Jesucristo ĩ tũdi ejaroti rãmũjũti, “Queno yĩ masijaro ĩna”, yirocũ manire ejabũagu yigũjĩ Dios. ĩ ñarã mani ñãtiĩnãtoni ito bajiro manire yigũ yigũjĩ ĩ. “Riti baja ito”, yĩ masia yũ. <sup>7</sup> Yũre ti maicõri ĩ oca gãjerãre yũ goti ucutoni yũre cũĩni Dios. ĩ ocare yũ riaso ucuroca queno yũre ejabũasoticũ mũa. Jesucristo oca masare yũ riasoja ticõri, yũre tubiacã ĩna. Ito bajiro yũre ĩna yibojarocati, “ĩna cũni Cristore tũorũnũjaro”, yirocũ, “Ñasarise ñã Cristo oca”, yĩ jidicãbea yũ. Tubia ecorũ yũ ñabojarocati queno yũre ejabũasotia mũa. Ito bajiri yũ ya usijũ mũare tũo maia yũ. Ito bajiro mũare yũ tũoľaja quena ñã yũre. <sup>8</sup> Jesucristo mũare ĩ tũo mairo bajiroto bũto mũare tũo maia yũ cũni. “ĩnare bũto ti ãmoami Pablo”, yĩ masiami Dios yũre. <sup>9</sup> Gãjerãre bũto bũsa ti majaro ĩna, yirocũ Diore seni ĩsisotia yũ mũare yiari. Queno tũoĩare gaye Dios mũare jidicãjaro, yirocũ ĩre senisotia yũ. Ito yicõri ĩ ãmorise mũa tũo masi jeotoni mũare yiari Diore seni ĩsisotia yũ. <sup>10</sup> Ñasarise riti mũa tũoĩa besere ãmoa yũ. Ito bajiro mũa yija, queno yirã ñari Cristo ĩ tũdi ejari rãmũ ñe seti mana ñarã yirãji mũa. <sup>11</sup> Jesucristo sũgũti ñami quenarise riti mani yĩ masiroca yigũ. Quenarise riti yisotijaro ĩna, yirocũ mũare yiari ĩre seni ĩsisotia yũ. Ito bajiro queno mũa yija ticõri, “Rẽtoro masigũ ñami Dios”, yĩ rũcũbũorã yirãji gãjerã cũni.

### *Cristore riti mani moa ĩsi sũyaja quena, Pablo ĩ yire gaye*

<sup>12</sup> Tũoya yũ ñarã mũa. “Quenabiti jaje Pablore rẽtabojarocati jãjarã bũsa Jesucristo oca tũorũnũ wama masa”, mũa yire ãmoa yũ. <sup>13</sup> “Cristore ĩ tũorũnũja ticõri, ĩre tubiayijarã ĩna”, yĩ masiama adi cũto gagũ uju ya wi coderi masa. Ito bajiro riti yĩ masi jediama ado gãna yũre. <sup>14</sup> “Tubia ecorũ ñabojaguti Cristore jidicãbeami Pablo”, yĩ tũoĩacõri ado gãna mani ñarã jãjarã, bũto bũsa Cristore tũorũnũ wama. Ito bajiri oca sũcõri gũimenati Dios ocare riasoama ĩna.

<sup>15</sup> Cristo ocare queno yũ riaso masijare, yũre ti uoama coriarã. “Pablo rẽto bũsaro queno riasorãji gũama”, yicõri riasobojama ĩna. Gãjerãma Dios oca tũorũnũrã ñari, wanũre rãca riasoama. <sup>16</sup> Yũre tũo maicõri Cristo oca masare riasoama ĩna. “Tubia ecoanare cũni Cristo oca ñasarise gotijaro Pablo,

yirocū Pablōre tubiaroca yiñi Dios”, yi masiama ña yure. Ito bajiri yure tuoñacōri Cristo oca masare riasoama ña. <sup>17</sup> Yū riasorise ti uocōri, “Manire cūni ti wanujaro masa”, yirona riasobojama yure ti tudiri masa. Dios ocare tuorūnarā meje ñabojarāti ī oca masare riasoama ña. “ Īñajuare tuorūnū wama masa’, yire oca Pablo ī tuoja, buto busa bojori bujagu yiguñi ī tubiara wi ñagū”, yi tuoñabojarāji ña yure. <sup>18</sup> Ito bajiro ña yibojaja cūni no yibeja yure. Cristo oca masare ña riasoja iti ña yure quenarise. Yure ña ti maija, ña ti maibeja cūni Cristo oca masare ña riasoja iti ña yū ya usiū yū wanuroca yirise. Ito bajiri buto busa wanū wacu yigūja yū.

<sup>19</sup> “Yure yiari Diore senirā yama ña”, yi tuoña yū muare. “Yure ejabuorocū Espiritu Santore cōñi Jesucristo”, yi tuoña yū. Ito bajiri tubia ecorū yū ñabojarocati, “Quenarise rētoro yiroja yure”, yi tuoña yū. <sup>20</sup> Jesucristo ī cūñi ñari, ija ī tiro riojo bojo āmobeja yū. Yū tuoña yurise, yū āmorise cūni yū tuoña yuja, ado bajiro bajia. Oca sēcōri Cristo ocare riti riasosoti āmoa yū. Tubia ecorū yū ñaja, tubia ecorū meje yū ñaja cūni, yure ticōri Cristore masa ña rācūbuore āmoa yū. Yure ña bucōaja cūni yure ña sīaja cūni no yibeja yure. Cristore masa ña rācūbuoja iti ña yure ñasarise. <sup>21</sup> Cristore riti moa īsirocū ña āmoa yū. Iti ña yure ñasarise. Yū godaja, buto busa quenarise bujagu yigūja yū. <sup>22</sup> Adi sita ñagū, Cristore tuorūnūjaro masa, yirocū ñare riasoa yū. Catigu yū ñaja, quena ña yure. Yū godaja cūni quena ña. Ito bajiri, “Godarejua āmoa yū, catirejua āmoa yū”, yi bese masibeja yū. Juaji gayejuti quenacōa yure. <sup>23</sup> Ito bajiri josari ña yure iti juaji gaye yū beseja. Cristo rāca ña āmogū, godare āmoa yū. Ī tū yū waja, buto busa wanū quenaro ñagū yigūja. <sup>24</sup> Ito bajibojarocati adi sita yū ñaja buto busa muare riasogu yigūja yū. Muare yū riasoja iti ña buto busa ñasarise. <sup>25</sup> “Riti bajia iti”, yi tuoña yū. Ito bajiri, buto busa Cristore tuorūnū wajaro ña, yirocū, “Mūa rāca ñagū yigūja yū maji”, yi tuoña yū. Cristore tuorūnūcōri buto busa wanujaro ña, yirocū mūa rāca ñagū yigūja yū maji. <sup>26</sup> Ito bajiri mūcana yure mūa tija, wanarā yirāji mūa. Cristo yure ī codeja ticōri, “Queno ya Dios mū”, yi rācūbuorā yirāji mūa.

<sup>27</sup> Cristo oca iti gotiro bajiroti mūa cudija iti ña ñasarise. Mūa tujū yū waja, yū wabeja cūni yū yiro bajiroti mūa yire āmoa yū. “Cristore tuorūnūcōri sīgū bajiro riti tuoñarā ñama ña. Ito yicōri, Cristore tuorūnūjaro gājerā cūni yirona, ī oca riti riasoama ña”, masa ña muare yire, tuo āmoa yū. <sup>28</sup> Mūa wajana Dios oca ti terā ña ñaja, gūibesa ñare. Oca sēcōña. Ito bajiro mūa yija ticōri, “Jeame ūjurojū cōagū yiguñi Dios manire”, yi masirā yirāji ña. Gaje gaye cūni ado bajiro muare tuoñarā yirāji ña. “Īñare ejabuami Dios. Ito bajiri ñare masogū yiguñi ī”, yi tuoñarā yirāji ña, mūa queno yirise ticōri. <sup>29</sup> Manire ti maicōri Cristore mani tuorūnūroca yiñi Dios. Iti ña mani wanarise. Ito bajibojarocati Cristore mani tuorūnūja ticōri, quenabeto mani tōbujaroca yirā yirāji gājerā. Ito bajiro cūñi Dios manire. Ito bajiri mani wanuroti ña iti cūni. <sup>30</sup> Sīgūre bajiro tuoñacōri, Cristore tuorūnūjaro masa yirona, josari moa mani. Iti rēmū Cristo oca yū riasoja ticōri, quenabeto yū tōbujaroca yure masa ña yija ticū mūa. “Adocāta cūni ñeñaro tōbujagu yiguñi”, yire oca tuorāji mūa.

## 2

*Buto ñasagu ñabojaguti, “Ñasagu ña yū”, yibisiñ Cristo yire oca*

<sup>1</sup> Cristoti ñami mani tuoña oca sēcōroca yigū. Manire ti maigū ñari mani bojori bujaja, “Bojori bujabesa mūa”, yigū yiguñi ī. Espiritu Santo rāca mani baba cutiroca yami ī. Gājerāre mani ti mairoca ito yicōri ñare queno mani yiroca

yami Cristo. <sup>2</sup> Ito bajiri, “Queno wanu quenaro ñajaro ñ”, yirona sīgū bajiro riti tuoiaña mua. Sīgūre bajiro gāmeri ti maiña. Sīgū bajiro riti tuoiaçōri Cristore moa ñsiña mua. <sup>3</sup> “Yumasi bujagu yiguja yu”, yi oca jaimenati mua moaja quena. “Yure ti seyojaro gājerā”, yi tuoiamenati moaja quena. “Gājerā rētoro ñasagu ña yu”, yi tuoiabesa. “Inama yu rētoro ñasarā ñama”, mua yi tuoiaja quena. <sup>4</sup> Mua ñaroti riti meje tuoiaña. Gājerā ña queno ñaroti gaye cuni tuoiaja quena.

<sup>5</sup> Jesucristo ñ tuoiaado bajiroti mua tuoiaja quena. <sup>6</sup> Ūmacūju ñagū, Diocō masigū ñabojaguti adi sitaju wadigu ñ masirise jidicāyiju Cristo maji. <sup>7</sup> Dios ñabojaguti ñ masirise jidicāçōri manire bajiroti rujeayiju Cristo. Ito bajiro rujeaçōri bucua wacu masare moa ejabuagu ñasotiyiju ñ. <sup>8</sup> Adi sita wadicōri, “Gājerā rētoro ñasagu ña yu”, yi tuoiajisiju ñ. Ñ Jacu Diore cudigu yucatēoju masa ñre jaju sñabojarocati ñnare camotabisiju ñ. Ñeñaro yiri masare ña sñaro bajiro ña sñabojarocati camotabisiju ñ. <sup>9</sup> Ito bajiri ñ tūdi catiroca yicōri buto rucubhoru ñ ñaroca yiñi Dios. Ñimū gāji ñ robo rucubhoru maquñi. Ito bajiri wame ñasarise ñre wōñi Dios. <sup>10</sup> Jesús wame tuoçōri ñre rucubhorā, rijomunigāna ñini rūjū jedijaro masa, yirocu wame ñasarise ñre wōñi Dios. Ito bajiri ñ wame tuoçōri ūmacūju gāna, adi sita gāna, ito yicōri adi sita rocaju gāna cuni rijomunigāna ñini rūjū jedirā yirāji. <sup>11</sup> “Jesucristo ñami Ūju ñasagu”, yi jedirā yirāji masa. Ito bajiro ña yija, maní Jacu Diore cuni rucubhorā yirāji ña.

### *Quenarise mani yi ãmoroca yigu ñami Dios, Pablo ñ yire gaye*

<sup>12</sup> Tuoaya yu mairā mua. Yu mua rāca ñaroca yure cudisoticu mua. Mua tu yu ñabitibojarocati buto busa mua yure tuorānure āmoa yu. “Dios ñ masoana ña mani”, yi masicōri ñre buto rucubhoaya mua. “Ñre yu cudibeja, yure ti wanubicu yiguñi Dios”, yi tuoia güirā ñre riti cūdiya. <sup>13</sup> Quenarise mani yi ãmoroca yigu ñami Dios. Ito bajiri ñ ãmoro bajiro mua yi masi jeotoni muare ejabuaguñi Dios.

<sup>14</sup> Dise ruyabeto mua moaja wanare rāca riti moaja quena. Ito yicōri gāmeri oca josamenati moaña. <sup>15</sup> Ito bajiro mua yija ticōri, “Ñeñaro yirā ñama ña. Seti cutirā ñama”, ñimujua muare yi masibiquñi ña. Dios ñarā ña mua. Ito bajiri adi sita gāna Diore ti tecōri ñeñaro yirā ña tiro riojo, quenarise riti mua yija quena. Diore mua cudija ticōri, “Ñeñaro yirā ña guama”, yi tuoiarā yirāji ña. <sup>16</sup> Catitñare gaye Dios taju ña buja masitoni Jesucristo oca ñnare gotiya. Ito bajiro mua yija ticōri, Cristo ñ tūdi ejari rama buto muare wanugū yiguja yu. “Inare riasobojabisija yu. Yu ñnare riasocato bajiroti yama ña”, yi tuoiağū yiguja yu muare. Ito bajiro wanure rāca yigu yiguja yu. <sup>17</sup> Cristore tuorāñjaro yirocu, muare riasocu yu. Ito bajiro muare yu riasoja ticōri, yure sñarā yirāji gajea. Ito bajiro yure ña sñabojarocati wanu quenaro ñagū yiguja yu. “Cristore tuorāñçōri wanurā yirāji yu riasogoana”, yi tuoiaçōri wanua yu cuni. <sup>18</sup> Ito bajiroti mua cuni itire wanaja quena. “Quenabeto tōbujabojaguti wanuami Pablo”, yi tuoia wanuña mua cuni.

### *Timoteo, Epafrodito oca*

<sup>19</sup> Maní Ūju Jesús ñ āmoja yoari mejeti mua tu Timoteore cōare tuoia yu. Mua tu ejaru ñ tūdi ejaroca mua oca tuoçōri wanugū yiguja yu. <sup>20</sup> Ñ sīgūti ñami yu tuoiaro bajiro tuoiağū. Yure bajiroti mua queno ñaroti gaye tuoia usirioami Timoteo cuni. <sup>21</sup> Gājerāma ña queno ñaroti riti tuoia. “¿No bajiro Jesucristore yu moa ñsija quenati?” yi tuoiabeamā ñaona. <sup>22</sup> “Queno yigu ñami Timoteo”, yi masia mua ñre. Ito yicōri, “Pablo rāca queno Jesucristo oca riasoami Timoteo”, yi tuoia masia mua. Riti baja. Yu macu bajiroti queno

yure ejabuami ĩ. <sup>23</sup> Ito bajiri, “Ado bajiro rĕtaro yiroja yure”, yu yi masija, mua tu ĩre cōagū yiguja yu. <sup>24</sup> Mani Ŭjure riti tuorĕnua yu. Ito bajiri, “Ī āmoja yoari mejeti muare tigu wasu yiguja yu”, yi tuoĭa yu.

<sup>25</sup> “Mani bajiro Cristore tuorĕnugū Epafroditore mucana cōagū yiguja mua tu”, yi tuoĭa ĩa yu. Yure ĩ ejabuatonĭ, ĩre cōayija mua. Ado ejacōri yu rāca moami ĩ. Quenabeto tōbujaborarāti Jesucristo oca riaso jidicābea guā. <sup>26</sup> Mua ĩajedireto buto ti āmoami ĩ. “Epafrodito cōgū ĩami”, mua yija tuo masicōri, tuoĭa oca jaiquĭ ĩ. <sup>27</sup> Riti bajiquĭ, buto cōquĭ ĩ. Goda waru ĩaquĭ. ĩre ti maiĭi Dios. Ito bajiri godabitiquĭ. Tuoĭa bujatobicu ĩari, ĩ godaja buto busa bojori bujaboruja yu. Ito bajiri yure ti maicōri ĩre yisioĭi Dios, yu buto bojori bujare āmobicu. <sup>28</sup> Epafrodito sĕo quenagū ĩ ĩaja ticōri, wanurā yirāji mua. Ito bajiri, wanujaro ĩna, yirocu mua tu buto ĩre cōa āmoa yu. “Wanurā yirāji ĩna”, muare yi tuoĭacōri wanugū yiguja yu cuni. <sup>29</sup> ĩre bajiro mani Ŭjure tuorĕnarā ĩari ĩ ejaja wanure rāca boca āmiĭa ĩre. ĩre bajiro bajirāre rūcubuoja mua. <sup>30</sup> Yure ejabuā ĩagū Cristore moa ĩsiquĭ ĩ. Yure ejabuaguti bujato tōbujaquĭ ĩ cuni. Ito yicōri godaboquĭ. Sōju ĩacōri yure mua ejabuā masibitire yure ejabuquĭ ĩ.

### 3

#### *Cristore mani tuorĕnĭja iti ĩa ĩasarise, yire gaye*

<sup>1</sup> Tuoja yu ĩarā mua. Ado bajiro gotisasa yu muare. Mani Ŭju Jesucristore tuorĕnarā ĩari wanāna mua. Iti ramu yu gotigore mucana yu muare gotija, quena ĩa yure. Mucana tūdi itire mua tuoja, quena ĩaro yiroja muare. <sup>2</sup> Ecaru yai cunigāre gūi ĩa mani. Ito bajiroti ricati riasorāre cuni mani gūija quena. ĩna ĩama ĩĕĕaro yirā. “Dios rĭa mani ĩa āmoja, wirotarā yirāji mani”, yi riaso tuorāre cuni mani cūdibeja quena. <sup>3</sup> Diore mani tuorĕnĭjare mani ya usiju Espiritu Santo queo sāĭi Dios. Ito bajiri manire ticōri, “Dios ĩarā ĩama ĩnama”, yi masirā yirāji gājerā. “Wiro mani taja ticōri, manire masogū yiguĭji Dios”, yi tuorĕnarā meje ĩa mani. “Cristore mani tuorĕnĭja, ĩ rāca catitĭnarā yirāji mani”, yi tuoĭa wanu quenarāji mani. <sup>4</sup> “ĩasarā ĩa mani. Mani queno yigore ticōri manire masogū yiguĭji Dios”, gājerā ĩna yi masija, ĩna rĕto busaro yiboruja yu. “ĩasagu ĩami Pablo”, yire gaye ĩna rĕto busaro buto busa ĩa yure. Tite mua: <sup>5</sup> Ŭdia āmojeno ramari yu rujeaja bero yure wirotarā ĩna. Judio masu ĩa yu. Benjamĭn ĩayoru janerābatia janami ĩa yu. Judio masu rujearu hebreo oca busigu ĩa yu. Fariseo gaye tuoĭagoru ĩari, ĩna robo buto judio masa rotirise rūcubocu yu cuni maji. <sup>6</sup> Judio masa rotirise buto cūdi āmogū, Jesucristore tuorĕnarāre usirioro yu codecu yu. “Busarā rotire cūdibeami ĩ. Seti catigu ĩami ĩ”, yure yirā manicā. <sup>7</sup> “Iti gaye ĩa ĩasarise”, yirocu itire buto rūcubocu yu maji. “ĩe waja ma iti”, yi tuoĭa yu ĩja adocāta. Jesucristore riti rūcubuoja yu adi ramari ĩja. <sup>8</sup> “Busarā rotire ĩasarise ĩaroja”, yigobojaru ĩari, mani Ŭju Jesucristore yu masija bero, “ĩasarise ĩa iti”, yi tuoĭabea yu adocāta ĩja. ĩre mani tuorĕnĭja, ĩeju gaje ĩasarise ma. Iti ramu yu tuorĕnĭbojare jidicā jeococu yu. “Jesucristore riti tuorĕnĭcĭja yu ĩja”, yirocu iti ramu yu tuorĕnĭbojare jidicācu yu. <sup>9</sup> ĩ yagu ĩa āmogū ĩre riti tuorĕnua yu ĩja. “Judio masa rotirise yu cūdija ticōri, yure masogū yiguĭji Dios”, yi tuoĭabojacu yu maji. Cristore yu tuorĕnĭja ticōri, yu ĩĕĕaro yirise ācaboĭi Dios. Ito bajiri adi ramari ĩ tiro riojo ĩe seti macu ĩa yu ĩja. Ado bajiro baja iti. No Cristore tuorĕnĭgureti ĩ ĩĕĕaro yirisere ācaboĭogu yiguĭji Dios. Ito bajiri ĩre riti tuorĕnua yu ĩja. <sup>10</sup> Buto busa Cristore masi āmoa yu. Iti ĩa yure ĩasarise. ĩ godaja bero mucana tūdi ĩ catiroca

yicōri, ī masirise īoñi Dios. Yū ĩre cudi masitoni, ī masirisena yure ī ejabuare āmoa yū. Diore cudi āmogū, ī tūoīa bujatobitiroca masa ĩna yibojarocati, ĩnare camotabisijū Jesucristo. ĩre ĩna sīabobarocati, camotabisijū. Diore riti cudi āmoyū ĩ. Ito bajiri masa yure ĩna sīa āmobarocati, ĩre bajiro Diore riti cudi āmoa yū cūni. <sup>11</sup> Ito bajiro ya yū, “Godanare mūcana tūdi catiroca Dios ī yiri ģm̄n, yure cūni yū catiroca yigū yiguīji Dios”, yī tūoīacōri wanūa yū.

*Mani moaroti Cristo ĩ cūre mani jeoja quena, Pablo ĩ yire gaye*

<sup>12</sup> “Jeyaro masigū ña yū. Quenarise riti yigū ña yū”, yī masibea yū. Yū masibiti jaje r̄aya maji. Ito bajibojarocati Jesucristo yagū yū ñaroca yicāñi ĩ. Ito bajiri yū moaroti ī cūre, itire jeoroca ĩre moa ĩsistia yū. <sup>13</sup> Tūoya yū ñarā mūa. “Cristo ī āmoro bajiro quenarise riti yigū ña yū”, yibeā yū. Ado bajirojūa bajia yū yirise. Iti ģm̄jū rētagore gaye buto tūoīabea yū. Yū moaroti Cristo ī cūcāja bero ñajare, “Itire yicūja yū”, yiroca josa yū ĩja. <sup>14</sup> Cristore tūorūnarā mani ñajare, ūmacūju manire āmi wacōri waja yigū yiguīji Dios. Mani catitīñaroca yigū yiguīji ĩ. Ito bajiri moare ī cūre ñajare, itire jeo āmoa yū maji.

<sup>15</sup> Mani Cristore tūorūnūsoana itire sīgū bajiro riti tūoīa mani. “Mani moaroti Dios ī cūre jeoana mani”, yī tūoīarā ña mani. Ito bajibojarocati coriarā mūa yū bajiro tūoīabeja, mūa tūo masibitire mūa tūo masiroca yigū yiguīji Dios. <sup>16</sup> Dios oca ñarocō tūo masi jeobitibojarāti mani tūo masiriseti mani cudi ñaja quena.

<sup>17</sup> Tūoya yū ñarā mūa. “Ado bajiro ñami Pablo”, yī tūoīacōri, yū yiado bajiroti yiya mūa cūni. Yū yiado bajiro yirāre tūorūnūña mūa. <sup>18</sup> Adocāta yū mūare gotirise coji meje mūare goticu yū. “Cristore tūorūnarā ña gūa”, yibojarāti, “Yucūteōju ī godaja, ñe waja ma”, yirā jājarā ñama maji. “Ito bajiro yama ĩna”, yī tūoīacōri oti āmoa yū. Ito bajiro tūoīarā Cristo wajana ñama ĩnaoña. <sup>19</sup> Ito bajiro yirā jeame ūjuroju warā yirāji. ĩna ya ūsijū maquīji Dios. Adi sita gaye riti tūoīarāji ĩna. ĩna ñeñaro yī āmoriseti tūoīa wanūama ĩna. ĩna ñeñaro yija, bojo bujaro ōno yirā itire wanūama ĩna. <sup>20</sup> Maniama ūmacūju Dios tūju warona ña. Dios ī ñaroju ña mani ñatīñaro. “Manire masoroca tūdi ejaġu yiguīji Jesucristo”, yī tūoīacōri ĩre bocatia mani. <sup>21</sup> Mani ya rujū godari rujure gaje rujū godabiti rujuna manire wasoagū yiguīji Cristo. ĩ ya rujū ñasari rujū bajiri rujuna manire wasoagū yiguīji ĩ. Buto masigū ñari, ñejūa ĩ roti masibiti ma ĩre. “ĩ masirisena mani ya rujure wasoagū yiguīji ĩ”, yī tūoīacōri wanūa mani.

## 4

*Mani ūjure tūorūnarā ñari wanūa quenatīñaja quena, Pablo ĩ yire gaye*

<sup>1</sup> Tūoya yū ñarā mūa. Mūare buto tūo maia yū. Mūare tūoīagū, buto ti āmoa yū mūare. Mūare tūoīacōri buto wanūa yū. “Yū riasorise tūocōri Diore cudiama ĩna”, yī tūoīacōri wanūa yū mūare. Ito bajiri mani ūju Jesucristore tūorūnarā ñari, ito bajiroti ĩre tūorūnū jidicābesa mūa.

<sup>2</sup> Evodia ito yicōri Sīntiquere cūni busi āmoa yū adocāta. Mani ūjure tūorūnarā ñari, sīgū rīa robo bajiro bajia mūa. Ito bajiri, “Sīgō robo bajiroti mūa tūoīaja quena”, yī goti queno āmoa yū mūare. <sup>3</sup> Ito gagū queno yū rāca moare baba cutigorare busigu ya yū adocāta. ĩna romia jūarāre ĩna ya oca queno ejabuaya. Ito yū ñaroca queno ejabuacā ĩna Cristo oca yū riasoroca. Clemente wame cutigure cūni ejabuacā ĩna. Gājerā yū rāca cocati Jesucristo



oca riasoräre cuni ejabuacá ĩna. Yũ rãca moagoanare, “Adocõ ñama yũ rãca catiũñaroná”, yirocu ĩ ya papera tutijũ ĩna wame wõcãyijũ Dios.

<sup>4</sup> Mani Ʋjũre tuorũnurã ñari, wanũ quenatĩñaña mũa cuni. “Wanũ quenaña mũa”, ya yũ mũcana. <sup>5</sup> “Ĩna ñama rũcũbuorã”, gãjerã mũare ĩna yijaro yirona, quenarise riti gãjerãre yisotiya mũa. Mani Ʋjũ yoari mejeti tũdi ejagũ yiguĩji. Itire ácabojabesa mũa.

<sup>6</sup> Ñejũare tuoĩa usirio yibesa. Mũare oca iti ñaja, Diore gotiba. Gaje mũare iti rãyaja, Diore gotija quena. Ñajediro Diore mũa gotija, quenaro yiroja. Ito bajiri ĩ cãdija ticõri, “Queno ya Dios mũa”, yi jidicãbesa mũa. <sup>7</sup> Ito bajiro mũa yija tuocõri, mũa ya usijũ queno mũa wanũ quenaroca yigũ yiguĩji Dios. Mani queno wanũ quenaroca ĩ yija, iti ña rẽtoro quenarise. “Ito bajiro mani queno wanũ quenaroca yami Dios”, yi tuoĩa masibea mani. Jesucristo ñarã mani ñaja ticõri, mani ya usijũ queno wanũ quenaroca yami Dios. Ito yicõri mani tuoĩa gübitiroca yami ĩ.

### *Quenarise riti tuoĩaja quena, Pablo ĩyire gaye*

<sup>8</sup> Ado bajiro gotisusa, yũ ñarã yũ mũare. Quenarise gaye riti mani tuoĩaja quena. Rũcũbuore gaye, riojo ñasarise, queno yire gaye, seyorise gaye, ito yicõri gãjerã queno ĩna yigore cuni mani tuoĩaja quena. Quenarise riti mani tuoĩaja quena. Ito yicõri, “Iti ña quenarise”, Dios ĩ yirise, mani yũ tuoĩaja quena.

<sup>9</sup> Mũare yũ riasocato bajiroti yisotiba mũa. Yũre mũa tuogore, mũa tigore cuni ito bajiro mũa yija quena. Ito bajiro mũa yija ticõri, mũa rãca ñatĩñagũ yiguĩji Dios mani queno wanũ quenaroca yigũ.

### *Filipo cuto gãna Pablöre niyeru ĩna ĩsi cõare gaye*

<sup>10</sup> Yũre tũdi tuoĩacõri yũ ãmorise yure cõayija mũa. Ito bajiri mũare wanũcõri, “Queno ya Dios mũa”, ya yũ mani Ʋjũre. Ñejũa yoari mũa yure cõabitibojarocati, “Yũre jidicãbeama ĩna maji”, yi masicũ yũ. “Ñejũa yure ĩna cõabeja, cõa ãmobojarãti cõa masimenaji ĩna”, yi tuoĩacu yũ. <sup>11</sup> “Jai busaro ãmoa yũ”, yigũ meje ya yũ. No yũ ñaro bajiroti yũ ñaja quena. Yũ rucõja, yũ rucobeja cuni, “Quena ña”, yi tuoĩacõri wanũa yũ. <sup>12</sup> Cojireama bojoro bujagũ ñacu yũ. Cojireama jaje rucocũ yũ. No yũ ñaro bajiroti yũ rucõja, yũ rucobeja cuni, “Quena ña”, yi tuoĩa wanũa yũ. Yũ yajija, yũ yajibeja cuni wanũsotia yũ. Jaje yũ rucõja, ñe yũ rucobeja cuni, “Quena ña”, yi tuoĩacõri wanũa yũ. <sup>13</sup> Yũ seõroca Cristo ĩ yijare no ñarijuti moare yure Dios ĩ cũja, moagũ yigũja yũ. Ito bajiri yure rẽtaroti gaye cuni güibe yũ. <sup>14</sup> Ito bajibojarocati yũ bojoro bujaroca mũa yure ejabuaja queno yiyija mũa.

<sup>15</sup> Macedonia sita ñacõri Cristo oca yũ riaso ucugũ waroca, mũa Filipos cuto gãna riti niyeru miojucõri, yũre ĩsi ñucayija mũa. Mũare yũ riasogore ñajare yure wanũrã, niyeru ĩsi ñucayija mũa. Gãjerãma Jesure tuorũnurã ñabojarãti, yure ĩsi ñucabisĩ ĩna. “Riti bajaia”, yirãji mũa. <sup>16</sup> Tesalónica cuto yũ ñaroca maji, “Pablo ĩ ãmorise bujajaro”, yirona coji meje niyeru miojucõri, yure ĩsi ñucayija mũa. <sup>17</sup> Yũ ãmorise mũa ĩsi ñucare riti meje mũare wanũa yũ. Ado robojũa bajaia: “Mũa queno yirise ticõri, bũto bũsa queno mũare waja yigũ yiguĩji Dios”, yi tuoĩacõri, wanũa yũ mũare. <sup>18</sup> Epafrõdito rãca mũa yure cõare ñarocõti boca ãmicũ yũ. Yure queno ĩsiyija mũa. Ito bajiri yũ ãmorise rẽto busaro rãcoa yũ. Yure mũa ĩsi ñucare quenarise ña. Diore rũcũbuorã queno sutirise masa ĩna soe mũore bajiro bajaia, ito bajiro mũa yure yija. Yure mũa queno yirise ticõri, mũare ti wanũgũ yiguĩji Dios. <sup>19</sup> Mũa ãmorise ñajediro ĩsigũ yiguĩji mani Ʋjũ Dios. Jeyaro rucogũ ñari, Jesucristo ñarã mani ñaja ticõri, manire queno yisotigũ yiguĩji Dios. <sup>20</sup> “Mũa ña rẽtoro masigũ”, yi mani Jacũ Diore

rãcãbãosotirãja manire. Ijarijã cãni ito bajiroti ñatĩñajaro, yi gotia yã m̃ãare. Itocõ ñã.

*Quenajaro masa, Pablo ãyi ñucare gaye*

<sup>21</sup> “Quenajaro Dios ñarã Jesucristore t̃ogũnãrã”, yi ñuca yã. Ado gãna Jesure t̃ogũnãrã yã rãca gãna, “Quenajaro”, yi ñucama m̃ãare. <sup>22</sup> Ado gãna Dios ñarã ñajediro “Quenajaro”, yi ñucama m̃ãare. Jesure t̃ogũnãrã, “Buto quenajaro”, yi ñucama Roma cãto gagã ñjãre moã ãsiri masa.

<sup>23</sup> Queno yijaro ñna ñajedirore, yirocã mani Ëjã Jesucristore m̃ãare yiari seni ãsia yã. Itocõ ñã.

## La carta de San Pablo a los Colosenses

### *Colosas cuto gānare Pablo ĩ papera cōare gaye*

<sup>1-2</sup> Ñati Colosas cuto gāna mña. Yñ ña Pablo. Adi papera mñare cōa yñ. Jesucristo ocare yñ riaso ucutoni ĩ cūrñ ña yñ. Ito bajiro yare ĩ cūre āmoñi Dios. Adoju mani yagñ Timoteo rāca tubia ecoana ña gña. “Quenajaro”, yami ĩ cñi. “Dios rīa ña mña, ito yicōri Jesucristore queno tuorññarā ña mña”, yī masia gña mñare. Mñare queno ĩ yitoni, mani Jacñ Diore seni ĩsistia gña. Mña ya usijñ queno sajari oca cūti quenaroca Dios ĩ yire āmoa gña.

### *Cristore tuorññarē yari Diore Pablo ĩ seni ĩsistire gaye*

<sup>3-4</sup> “Jesucristore queno tuorññarā ñama ĩna, ito yicōri Dios ñarāre queno ti mairā ñama ĩna”, mñare masa ĩna yija tuocu gña. Ito bajiro ĩna yija tuocōri, wanña gña. Ito bajiri mñare yari Diore gña seniña, “Queno ya Dios mñ”, yisotia gña, mani Uju Jesucristo Jacñre busirā. <sup>5</sup> “Ūmacñju Dios tuju ejacōri queno wanñ quenarā yirāji mani”, yī tuoña wanñ yurā ña mña cñi. Ito bajiro tuoññayija mña cajero Cristo oca mña tuorñññuora rñmñ. Cristo oca iti ña oca riojo ñasarise. <sup>6</sup> Cristo oca tuo masisñocōri, “Iti ña oca riojo ñasarise”, yiyija mña. “Ñeñaro yirā ñabojarāti manire ti maicōri manire queno yīñi Dios”, yī tuorññayija mña. ĩ oca quenarise mña tuogore masa jeyaro tuorā yirāji adi rñmñri ĩja. Ito yicōri mña yiado bajiroti ĩna ñeñaro yirise jidicācōri mama usi wasoarā yirāji ĩna cñi. <sup>7</sup> Mani yagñ Epafra wame cutigñ, ĩ ñami mani maigñ. Mñare Dios oca riasoñi ĩ. Jesucristore moa ĩsigñ ñari queno adoju guare ejabñami ĩ. <sup>8</sup> “Espiritu Santana sñoriti gāmeri ti maiama ĩna Colosas cuto gāna”, yī goti ejaquñ Epafra guare.

<sup>9</sup> Ito bajiro ĩ yija tuocōri, mñare yari Diore seni ĩsisñocu gña. Ñaro bajiroti mñare yari Diore senisñsabea gña. ĩ ocare queno mña tuo masi jeotoni, ĩre senia gña. Ito yicōri ĩ masirise mñare jidicātoni Diore senia gña. “Ado bajiro mani yire āmoguñi Dios”, mña yī masitoni, ĩre seni ĩsistia gña. <sup>10</sup> Ito bajiro mña yī masija, mani Uju ĩ āmoro bajiro yī ñarā yirāji mña. Ito yicōri ĩ wanutoni ĩre cūdisotirā yirāji mña. ĩre moa ĩsirā gājerāre queno ejabuarā yirāji mña, ĩna Diore masitoni. Ito bajiro yirā Dios gaye masi remocōri buto busa ĩre tuorññ warā yirāji mña. <sup>11</sup> Rētoro masigñ Dios ĩ ñajare, ĩre senia gña ĩ masirise mñare ĩ jidicātoni. Ito bajiro mñare ĩ yirise ñajare, ñeñaro mña tōbujabojaja cñi ñemecuti masirā yirāji mña. Ito yicōri tuoña usirio yimenati wanñ quenarā yirāji mña. <sup>12</sup> Mani Jacñ Diore wanñcōri ado bajiro ĩre busisotirā yirāji mani ĩja. “Queno ya Dios mñ. Mñ ñarā gña ñatoni guare masoyija mñ. Ito bajiri mñ ñaro queno busuroju ejacōri, gājerā mñ ñarā rāca mñ ĩsiroti bujarā yirāji gña cñi”, yī wanñrā yirāji mani, Diore busirā. <sup>13</sup> Ñeñaro yirā uju ĩ ñarā mani ñame yirocñ manire masoñi Dios. Manire masocōri ĩ Macñ ĩ maigñ ñarā mani ñatoni manire cūñi Dios. <sup>14</sup> Manire yari ĩ Macñ godarena sñoriti manire masoñi Dios. Ito bajiro yicōri mani ñeñaro yirise ācabojofñ Dios.

### *Cristo ĩ goda ĩsirena sñoriti Dios rāca oca mano queno mani ñare gaye*

<sup>15</sup> Ñimujña Diore tigorñ maquñji. Ruyugñ meje ñami Dios. Ito bajibojarocati Cristore mani masija, “Ito bajiguti ñaguñi Dios”, yī masirāji mani. Ñatññagñ ñami Cristo. Adi macāñcuro Dios ĩ rujeoroto riojña ñacāyijñ Cristo. <sup>16</sup> ĩna

sʰoriti dise rʰyabeto ũmacũju gaye cʰni, adi sita gaye cʰni rujeoyiju Dios. Ruyubiti cʰni, ruyurise cʰni i Macu rācati rujeoyiju Dios. Ruyumenare, ina ʰjarāre cʰni rujeoyiju Dios, i Macu rācati. Ito bajiri inare rujeoru űari, ina ʰju űami Dios Macu. Ito bajiro yicōri ina ʰju űasagu i Macure cũyiju Dios. <sup>17</sup> Adi macārucāro Dios i rujeoroto riojuu i Macu űacāyiju. Ina sʰoriti jeyaro űa. I manijama disejuu maniboadoja. <sup>18</sup> Jesucristo sġuti űami ĩre tuorānũrāre ũmatā űari masu. I űarā mani űajare i űami mani rijoga. I godarena sʰoriti i űarā mani űasʰoroca yiyiju Dios. I űami cajero godabojaguti mʰcana tʰdi catiru. Ito bajigu űari, manire cʰni tʰdi catiroca yi masiguűi i. I űi űami masa jeyaro ʰju űasagu. <sup>19</sup> I Jacu Dios robo bajiro bajiguti űami Jesucristo cʰni. Ito bajiro i bajijare āmoyiju Dios. <sup>20</sup> Masa jeyaro adi sita gāna, ũmacũju gāna cʰni űeűaro yirā űayjarā. Ito bajiri masa ina oca cutirise oca queno āmogũ i Macure waja yi ĩsi rotiyiju Dios. Yucũtēoju i Macu ya ri budirena sʰoriti masa rāca oca quenoyiju Dios.

<sup>21</sup> Iti rʰmũju űeűaro tʰoġarā űabojacu mani maji. űeűarise yisoticu mani maji. Diore ti tudirā űari, mani wajacure bajiro ĩre tʰoġacu mani maji. <sup>22</sup> Adi rʰmũriama mani wajacure bajiro ĩre tʰoġabea mani ĩja. Ijuu oca quenoűi. űeűaro mani yirise waja, waja yirocu manire goda ĩsiűi Cristo. Ito bajiro i yijare Dios i tiro riojo űe seti mana űa mani ĩja. űeűaro yġamena robo bajirā űa mani ĩja, Dios i tija. “Ina űama yu waja yi ĩsiana, yo bajiri seti ma ĩnare”, yigu yiguűi Cristo, Diore gotigu. <sup>23</sup> Ito bajiro manire yari Diore busi ejabuagu yiguűi Cristo, Dios oca mani tuorānu jidicābeja. I oca mani tuosʰocatiire tuorānusotirā yirāji mani. Gaje oca manire gājerā ina gotibojaja cʰni, ĩnare tuorānũmenaji mani. “Jesucristore mani tuorānuja, manire masogũ yiguűi”, yire oca jidicāmenaji mani. Iti űa oca quenarise. Adi rʰmũri co sita gāna rʰyabeto iti ocare tuorāji. Yu Pablo Diore moa ĩsigũ űari iti oca riaso ucuri masu űa yu.

### *Diore tuorānũrāre Pablo i ejabũare gaye*

<sup>24</sup> Dios oca riaso ucuri masu űari, bʰto wanua yu. Ito bajibojarocati i oca yu mʰare riasoja, yu tʰoġa bʰjatobitiroca yama gājerā. Tʰoġa bʰjatobitibojaguti wanua yu. Manire yari tʰoġa bʰjatobisi Cristo cʰni. Ito bajiri Dios oca Cristore tuorānũrāre riasoguti yu tʰoġa bʰjatobitibojaja, no yibea yare. Tʰoġa oca jaibea yu. Wanua yu. Mani i űarāre yari tʰoġa bʰjatobisi Cristo cʰni. <sup>25</sup> ĩre tuorānũrāre i oca riaso ucutoni yare cũűi Dios. Mʰa oca sēotoni yure cũűi Dios. Co masa rʰyabeto i oca ina tuobitire riaso ucutoni yure cũűi Dios. <sup>26-27</sup> “Judio masa mejere cʰni masogũ yiguűi Cristo”, yire gaye gotibisiju Dios maji jane mejeru. Ito bajiri mani riojuu gāna iti ocare masibisijarā maji. Adi rʰmũriama i űarā űarocōti i oca quenarise mani tʰo jedire āmogũ i. Ado bajiro bajaia iti oca wanu quenarise. Tite. Mani ya usiju queda sġacōri mani rācati űatġagũ yiguűi Cristo. Ito bajiri, “Ūmacũju Dios i űaroju Cristo rāca catitġagũ yiguja yu”, yi tʰoġacōri wanua mani.

<sup>28</sup> No yu wa ucuriyucō masa jeyarore Cristo oca yu masiadocō riaso ucua yu. “Cristore mʰa tuorānũbeja mʰare masobicu yiguűi i”, yi goti quenoa yu masare. Ito bajiro masare riasoa yu, Dios i tiro riojo, Cristore tuorānũcōri űe seti mana ina űatoni. <sup>29</sup> Jesucristore queno masa masitoni josari moa yu. Yumasirio meje moasotia yu. Cristo yare i ejabũarisena moasotia yu.

## 2

<sup>1</sup> Mũare yĩari ruje Diore seni ĩsisotia yũ. Laodicea cuto gāna, yure tĩamenare yĩari ito bajiroti Diore seni ĩsia yũ. “Manire yĩari ruje Diore seni ĩsisotiami Pablo”, mũa yi tũoĩare āmoa yũ. Ito bajiri adi papera mũare cōa yũ. <sup>2-3</sup> Mũare yĩari ito bajiro Diore seni ĩsisotia yũ, mũa ya usĩju tũoĩa oca seōtoni. Sĩgũ usi bajiro riti tũoĩacōri mũa gāmeri maitoni mũare yĩari Diore seni ĩsisotia yũ. Ĩ ocare queno tũo masicōri, “Riti ña iti. Jesucristo masoana ña gũa”, yi mũa tũoĩare āmoa yũ. Iti rũmũju Jesucristo gaye ñarocōti goti jeobisĩju Dios maji. Adi rũmũri ĩja ĩ goti jeobitire gotigu yami Dios manire. Cristo sĩgũti ñami jeyaro tũo masire rucogu. Dise ruyabeto tũo masigũ ñami ĩ. ĩre mani tũorũnũja queno tũo masirã ñarã yirãji mani cũni. <sup>4</sup> Queno goti tũorãre mũa tũorũnũme yirocũ, adi mũare gotia yũ. <sup>5</sup> Mũa tũ ñabitibojaguti mũare tũo maicōri mũa tũ ñagũ bajiro bajaia yũ. “Sĩgũre bajiro riti usi cuticōri, queno Jesucristore tũorũnũrã ñama Colosas cuto gāna”, mũare masa ĩna yija tũocōri, buto wanũa yũ.

*Cristore boca āmigoana ñari, ĩ āmoro bajiro riti yija quena, yire gaye*

<sup>6</sup> Cristore boca āmicōri, “Ĩti ñami yũ ĩju ĩja”, yigoana ña mũa. Ito bajiro yiana ñari, ĩ āmoro bajiro riti yi ñasotiya mũa. <sup>7</sup> Buto bũa Cristore tũorũnũ warona Dios ocare riasotiya mũa. ĩre queno tũorũnũcōri ĩre cudisotiya mũa. Mũare riasogoana yiado bajiroti buto bũa Jesucristore tũorũnũña mũa. Ito yicōri, “Queno ya Dios mũa”, yi wanũsotiba mũa.

<sup>8</sup> “Oca ñasarise riasoa gũa”, Jesure masimena ĩna yibojaja, ĩnare tũorũnũbesa mũa. Jesucristo oca meje ña ĩna riasorise. ĩna riojua gāna ĩnamasi tũoĩa rujeore gaye riasoama ĩna. “Ado bajiro bajaia adi macarũcũro”, ĩna yi tũoĩa rujeore gaye riasoama ĩna. Cristo oca meje ña ĩna riasorise.

<sup>9</sup> Riojo mũare oca gotia yũ. Cristo sĩgũti ñami jeyaro Dios gaye rucogu. Dios ĩ masirise, ĩ seōrise, ĩ ñasarise Dios gaye disejua ruyabeto rucogu ñami Cristo. Manire bajiro ruju cutibojaguti Dioti ñami Cristo. <sup>10</sup> Ito bajiri Cristore boca āmigoana ñari queno usi cutia mani ĩja. ĩre boca āmicōri Diore cũni boca āmigoana ña mani ĩja. Cristoti ñami ĩju ñasagu. Ñimũjua ĩre roti masigũ maquĩji. Ĩti ñami ũmacũju gāna ujarãre, adi sita gāna ujarãre cũni roti masigũ. <sup>11</sup> Dios ñarã ñarona judio masa wiro tabojare bajiro yibisija mũa. Dios ñarã ñarona Cristore tũorũnũyija mũa. Ito bajiri mũa ñeñaro yi uyarisere mũa jidicãtoni, mũare ejabuañi Cristo. <sup>12</sup> “Riti bajaia. Cristo ĩ godabojarocati tũdi ĩ catiroca yĩni Dios. Ito bajiroti yure cũni tũdi catiroca yigu yiguĩji Dios”, yi tũorũnũyija mũa. Ito bajiro yi tũorũnũcōri idé gu rotiyija mũa. “Cristore tũorũnũrã ñari gũa ñeñaro yirise jidicã āmoa gũa. Mama usi wasoa āmoa gũa”, yi tũoĩacōri idé gu rotiyija mũa. <sup>13</sup> Iti rũmũju ñeñaro yirã ñari, ito yicōri ñeñaro yirise jidicã āmomena ñari, godana robo bajirã ñabojacu mani maji. Diore masirã meje ñacu mani. Cristore mani tũorũnũjare manire masoñi Dios. Ito yicōri mani ñeñaro yirise ācabojo jeoñi ĩ. <sup>14</sup> Dios ĩ rotirise cudibiticōri seti cutirã ñacu mani maji. Yucutēojũ masare yĩari Cristo ĩ goda ĩsirena suoriti mani ñeñaro yirise ācabojo jeoñi Dios. Ito yicōri mame oca gotirocũ cajero ĩ rotisũore jidicãcōri gaje wasoayiju Dios ĩja. <sup>15</sup> Ito bajiro Dios ĩ yijare, “Seti cutirã ñama ĩna”, yi masibeami rũmũa uju Satanás ĩja. Yucutēojũ manire yĩari goda ĩsicōri, rũmũare ruyumena ñarocōreti rētocũyiju Cristo. Ito bajiro ĩ yijare, “Rētoro masigũ ñami Cristo. ĩ masirise ĩorocũ, rũmũa uju ĩ ñarãre cũni rētocũyiju Cristo”, yi tũoĩa mani.

*Dios ĩ āmoro bajiro riti mani yija quena, Pablo ĩ yire gaye*

<sup>16</sup> Ito bajiri, “Rēore ña, babesa, idibesa”, yire ma ñja. “Bucurã rotire cãdibea mua”, muare ña yibojaja, bojori bujare ma muare. “Gua ya basa rumu, gua ya tujacãra rumu cãni rucubuo bea mua. Mamu umacañi ñ joeari rumu rucubuo bea mua”, muare ña yibojaja bojori bujare ma muare. <sup>17</sup> Cristo ñ godaroto riojua jaje rotire gaye ñayija maji. “Cristo ñ ejaja queno manire ejabugũ yiguñji ñ”, judio masa ña yitoni jaje rotire gaye cüyijũ Dios maji. Manire Cristo ñ goda ñsija bero bucurã ña yisitire mani yiroti meje ña ñja. Adi rumari Cristo ñ rotiro bajiro riti cãdi warã yirãji mani ñja. <sup>18</sup> Coriarã ado bajiro goti ruoama muare: “Gua cãiroju ticõri queno Dios ñ rotirise goti masia gua. Manimasiti mani ya rujare cami menija quena”, yi goti ruoama ña muare. “Ángel mesare gua rucubuo oado bajiro mua rucubuo beja, muare masobiquñji Dios”, yi goti ruoama ña muare. Ñnamasiti tuoña rujeocõri, ito bajiro goti ruoama ña. “Gua robo bajiro mua yibeja, muare masobicu yiguñji Dios”, yi ruoama ña. Ito bajiro muare ña yibojarocati, ñnare tuorãnubeja. <sup>19</sup> Mani Uju Cristo bajiro tuoñarã meje ñama ñaõna. Mani Uju ñari, Cristo sigũti ñami mani rijoga bajiro bajigu. Ñre boca ñmigoana ñari ñ ya ruju robo bajirã ña mani. Ñre riti mani tuorãnuba, sigũ bajiro riti tuoñarã yirãji mani. Ito yicõri Dios ñ ñmoro bajiroti bũto busa Cristore tuorãnũ warã yirãji mani ñja.

<sup>20</sup> Manire goda ñsicõri bucurã rotire jidicãcõri mame oca wasoayijũ Cristo. Ito bajiri adi sita gãna ña tuoña rujeore mani cãdiroti meje ña. “Bucurã masa ña rotire mani cãdija, manire masogũ yiguñji Dios”, ña yibojaja, mani cãdiroti meje ña. ¿No yija ito bajibojarocati adi sita gãna ña tuoña rujeorise cãdiati mua maji? <sup>21</sup> Ado bajiro rotiamã ña. Tite: “Tire bare meje ña. Babesa, moaĩabesa”, yama ña. <sup>22</sup> Ito bajiro ña riasoja, adi macãrucãro gãna ña tuoña rujeorise ña. Bare jedirise ña, ito yicõri mani ba jeoroti ña iti. <sup>23</sup> Ña tuo seyorise ña riasoja tuocõri, “Queno tuoñarã ñama”, yi tuoñabojama coriarã. Ito bajibojarocati queno tuoñarã meje ñama ña. Ado bajiro riasobojama ña. Tite: “Gua rucubuo anare rucubuo ja quena. ‘Masigũ meje ña yu’, mani yija quena. Mani tuoña bujatobeja quena. Manimasiti mani ya rujare cami menija quena. Ito bajiro mani yija, mani ñeñaro yirise jidicã masirã yirãji mani”, yi tuoñabojama. Ito bajiro meje baja.

### 3

<sup>1</sup> Cristore ña sãbojarocati tãdi ñ catiroca yĩñi Dios. Ñre mucana tãdi catiroca yicõri umacũju ñ ya riojocaduja rucubuo raju ruji rotiyijũ Dios. Cristore mani tuorãnuroto riojua Diore masibiticõri godacãna robo bajirã ñacu mani maji. Ito bajiri ñeñaro yirise jidicãcõri Cristore mani tuorãnũsocati rumu tãdi catirã robo bajiro mani bajiroca yiyijũ Dios manire. Ito bajiri umacũju Dios rãca catitũñarã yirãji mani. Ito bajiri ñre wanurã umacũju ñ gaye mani tuoñaja quena. <sup>2</sup> Adi sita gayere tuoña wanũsabitiraja manire. Umacũju Cristo gaye bũto busa mani tuoña wanuja quena. <sup>3</sup> Jesucristo ñ goda ñsirena suoriti mani ñeñaro yirise ñcabojõni Dios. Ito bajiri mucana tãdi ñeñaro yi uñabitiraja manire. Mucana tãdi mani ñeñaro yi uñabe yirocu, manire tirãnugũ yiguñji Cristo. Ito yicõri umacũju Dios rãca mani catitũñatoni manire tirãnugũ yiguñji Cristo. <sup>4</sup> Mani ya usijũ Cristo ñ quedi sãjagoana ñari ña suoriti catia mani. Ñti ñami catitũñare ñasarise rucogu. Tãdi ñ goalori rumu masa jeyaro ñre rucubuo rã yirãji. Ñ ñarã ñari, umacũju ñ rãcati wanurã yirãji mani cuni.

*Cristore boca ñmicõri mama uñi wasoare gaye*

<sup>5</sup> Ito bajiri adi macãrucãro ñeñaro mani yirise jidicãgoruja manire. Rocati romiare yibitiruja manire. “Isore ãmoa yu”, yi tuoãbitiruja manire. Mani ya rujuna ñeñaro mani yirise jidicãruja manire. Gãji ya gajeonire uobitiruja manire. Gajeonire mani tuoia wanuja, Diore rãcubũorã meje ña mani. <sup>6</sup> Ito bajiro ñeñaro yirãre junisinicõri, ñna cãdibitire waja, ñnare bũto waja senigũ yiguũji Dios. <sup>7</sup> Iti rumãju adi sita gãna bajiro tuoãcõri ñnare bajiroti ñeñaro yicã mani cãni maji. <sup>8</sup> Adi rumãri jeyaro mani ñeñaro yirise jidicãja quena. Junisinibitiruja manire. Ti tebitiruja manire. Ti tudibitiruja manire. Gãjerãre bũsitubitiruja manire. Mani ya risena oca ñeñarise bũsibitiruja manire. <sup>9-10</sup> Ñeñaro mani yi uyarise jidicãcõri mama usi wasoana ña mani ñja. Ito bajiri mũcana tudĩ gãjerãre socabitiruja manire. Dios manire rujeorũ ejabuasiotiami manire ñ ãmoro bajiro mani yitoni. Bũto bũsa ñre mani masiroca yami Dios, Cristo ñ queno yiado bajiro mani yitoni. <sup>11</sup> Cristo ñ quedi sãjana ñari sigũ rĩa ña mani ñja. Ito bajiri, “Judio masa ña gũ. Judio masa meje ña mũama”, yire ma ñja. “Wiro tagoana ña gũ. Wiro tagoana meje ña mũama. Riasotigoana ña gũ. Riasotigoana meje ña mũama. Gãjerãre moa ñsirãona meje ña gũ. Gãjerãre moa ñsirãona ña mũama”, yire ma ñja. Sigũti ñami mani Uju, ñ ñami Cristo. Ito bajiri Dios ñ tija sigũ rĩa bajiro bajirã ña mani.

<sup>12</sup> Dios ñarã ña mani ñja. Manire ti maicõri, manire beseñi Dios, ñ ñarã mani ñatoni. Ito bajiri mani cãni gãjerãre mani ti maija quena. Ito yicõri ñnare mani ejabuaja quena. “Gãjerã rẽtoro quenagũ ña yu”, yi tuoãbitiruja manire. Gãjerãre sẽoro rotibitiruja manire. Manire gãjerã usirioro ñna yibojarocati junisinibitiruja manire. <sup>13</sup> Mani gãmeri ejabuaja quena. Manire gãjerã ñna ñeñaro yibojarocati ñnare junisinibitiruja manire. Itire mani ãcabojaja quena. Mani ñeñaro yirise Jesucristo ñ ãcabojado bajiroti gãjerãre cãni mani ãcabojaja quena. <sup>14</sup> Gãmeri mani ti maija, iti ña rẽtoro ñasarise. Dise gaje rotire rẽtoro ñasarise manoja. Mani gãmeri ti maija, sigũ bajiro riti tuoãrã yirãji mani, Dios ñ ãmoro bajiroti. <sup>15</sup> Cristo ñ ãmoro bajiro riti mani yija, ñe oca manoti mani ya usiju queno wanũ quenarã ñarã yirãji mani. “Ñre cãdia yu”, yi masicõri, mani ya usiju queno wanũ quenarise rãca ñarã yirãji mani. Ito bajiro mani ñatoni ñ ñarã sigũre bajiro mani tuoãrã yicãñi Dios. Ito bajiri, “Queno ya Dios mũ”, yitĩñaruja manire, Diore rãcubũorã.

<sup>16</sup> Mani ya usina Cristo ocare tuoãrãcõri wanũre rãca ñre cãdi ñasotiruja manire. Ñ ocare queno masicõri gãmeri mani riasoja quena. Ito yicõri mani goti rẽtobuja quena. Diore wanũrã, ñre basa sãato mani. Ñ oca tutire ticõri sãato mani. “Queno ya Dios mũ”, ñre yi rãcubũo sãato mani. <sup>17</sup> Dise ruayabeto mani bũsija cãni, mani moaja cãni, “Jesucristo ñami yu Uju”, yi tuoãcõri, ito bajiro yiruja manire. Cristore tuoãrãcõri ñ ejabuãrisena, “Queno ya Dios mũ”, mani Jacũ Diore yi rãcubũoruja manire.

### *Cristore tuoãrãrã ñari mani bajire gaye*

<sup>18</sup> Tũoya romia mũna, mũare bũsigũ ya yu. Mũna manũsabatia yiro bajiroti cãdiya. Mani Uju Jesucristore tuoãrãrã ñari, ito bajiroti mũna yija quena.

<sup>19</sup> Tũoya ãmũna mũna, mũare cãni bũsigũ ya yu. Mũna manojosãromiare queno ti maiña. Ito yicõri sẽorise rãca rotibesa mũna. Quenoti ñnare rotija quena.

<sup>20</sup> Tũoya rĩaca mũna, mũare bũsigũ ya yu. Mũna jacũsabatia yiro bajiroti cãdisotiba mũna. Ito bajiro mũna yija ticõri, wanũgũ yiguũji Dios.

<sup>21</sup> Tũoya rĩa cãtirã mũna, mũare bũsigũ ya yu. Mũna rĩare usirioro tudibesa mũna. Biyaro ñnare mũna tudija tuoãcõri, tuo oca sãomenaji ñna. Ito bajiri mũare cãdi ãmomenaji ñna.

<sup>22</sup> Tuoŷa gājerāre moa ĩsirā m̄ua, m̄uare buŷigu ya yu. M̄ua ujarāre queno c̄adiya m̄ua. ĩna tiroca c̄uni, ĩna tibeto c̄uni ĩnare queno c̄adisotiba m̄ua. M̄ua ujarā ĩna tiroca riti m̄ua moaja, “Guare ti wanujaro ĩ”, yi tuoĭa m̄ua. Ito bajiro m̄ua yija queno moa ĩsirā meje ña m̄ua. Mani Uju Jesucristore tuorānūrā ñari, m̄ua ujarāre queno moa ĩsija quena. <sup>23</sup> Dise ruŷabeto m̄ua ujarā ĩna rotirise wanare rāca moa ĩsija quena. Temenati moaja quena. “Yu moarise tiami Cristo”, yi tuoĭac̄ori, ĩre moa ĩsirā robo bajiro m̄ua ujarāre c̄uni queno moa ĩsiña m̄ua. <sup>24</sup> Cristo s̄igāti ñami mani Uju ñasagu. ĩre moa ĩsirā ya mani. Itire ācabojabesa. Manire queno waja yigu yiguĭji. Mani catitĩnaroca yigu yiguĭji Cristo. <sup>25</sup> No ñeñaro yigureti waja senigū yiguĭji Dios. Queno ti bese masigū ñari, masa ĩna ñeñaro yigoadoc̄oti waja senigū yiguĭji Dios.

## 4

<sup>1</sup> Tuoŷa moa ĩsiri masa cutirā m̄ua, m̄uare buŷigu ya yu. M̄ua ya moari masare quenoti rotiya. Ito yic̄ori ĩna moaro bajiroti ĩnare queno yiya. Ado bajiro m̄ua tuoĭaja quena, “Ūmac̄aju ñami yu Uju, yure queno yigu. Ito bajiri yu ya moari masare queno yic̄uja yu c̄uni”, yi tuoĭaja quena.

<sup>2</sup> Diore buŷi jidicābeja. ĩre m̄ua buŷisotija quena. ĩ c̄adija tic̄ori, “Queno ya Dios m̄a”, yi ñaña m̄ua. <sup>3</sup> Diore m̄ua buŷija guare yiari seni ĩsisiotija m̄ua. Ito bajiro m̄ua senija tuoĉori, guare queno ejabuagu yiguĭji Dios, gaje masare Cristo oca gua riaso ucu masitoni. Cristo oca masa ĩna masibitire yu riasojare ado tubia ecoru ña yu. <sup>4</sup> Yure yiari Diore seni ĩsiña, masare yu riasoja queno ĩna tuo masitoni. Ito bajiro ĩna queno tuo masiroca ĩnare riasor̄uja yure.

<sup>5</sup> Jesucristore tuorān̄mena tu m̄ua waja, rocati ñac̄abesa. ĩ ocare ĩna tuo āmoja ĩnare gotiba. “Queno yirā meje ña m̄ua”, m̄uare ĩna yibe yirona, queno tuoĭac̄ori ĩnare ĩ oca goti r̄etobuja quena. <sup>6</sup> Queno tuoĭac̄ori ĩnare Cristo oca gotir̄uja m̄uare. Queno wanu quenac̄ori m̄ua buŷija quena, Cristo ocare ĩna boca āmitoni. Dios ocare queno riasotiya, gājerā m̄uare ĩna seniĭaja, riojo m̄ua c̄aditoni.

### *Quenajaro masa, Pablo ĩyi ñucare gaye*

<sup>7</sup> Adoju yu rāca mani Ujure moa ĩsigū ñami Tiquico wame cutigu. Manire bajiroti Jesucristore tuorān̄ugū ñami ĩ c̄uni. Ito bajiri mani rāca gagu mani maigū ñami ĩ. M̄ua tu ejac̄ori yure r̄etare gaye m̄uare gotigu yiguĭji ĩ. <sup>8</sup> M̄ua taju ĩre wa rotigu, ado bajiro ĩre gotia yu: “ĩna ya usiju ĩna tuo oca s̄eotoni, ‘Queno ñama Pablo mesa’, yi gotit̄eña”, yi gotia yu Tiquicore. <sup>9</sup> “Tiquicore baba cuti wasa”, yi gotia yu Onésimore. Manire bajiroti Jesucristore queno tuorān̄ugū ñami Onésimo c̄uni. ĩ ñami mani rāca gagu, mani maigū. M̄ua rāca ñagoru ñami Onésimo. M̄ua tu ejac̄ori guare r̄etare gaye gotirā yirāji ĩna j̄uarā.

<sup>10</sup> Adoju yu rāca tubia ecoru ñami Aristarco wame cutigu. “Quenajaro”, yami m̄uare. “Quenajaro”, yami Marcos c̄uni. ĩ ñami Bernabé teñu. “M̄ua tu Marcos ĩ ejaja, wanare rāca ĩre boca āmiña”, m̄uare oca goti ñucac̄u yu. <sup>11</sup> Jesús Justo wame cutigu c̄uni, “Quenajaro”, yami. ĩna udiarāti ñama judio masa yu rāca Diore moa ĩsirā. Jesucristore boca āmic̄ori Diore moa ĩsirā ñama ĩna c̄uni. ĩna yure ejabuajare, queno wanu quenac̄ori oca s̄eoa yu ĩja. <sup>12</sup> M̄ua yagu Epafras wame cutigu, “Quenajaro”, yami. Jesucristore moa ĩsigū ñami ĩ c̄uni. Co ranu ruŷabeto m̄uare yiari Diore seni ĩsisiotiami ĩ. Queno Diore tuorān̄urā ĩre m̄ua c̄adi ñatoni m̄uare yiari Diore seni ĩsisiotiami ĩ. Ito yic̄ori ĩ āmoro bajiro m̄ua c̄adi jeotoni m̄uare yiari Diore seni ĩsisiotiami ĩ. <sup>13</sup> “Riti m̄uare yiari Diore



senisotiami Epafras”, ya yu, ñre tisotigu ñari. Laodicea cuto gãnare, Hierápolis cuto gãnare yiari cuni Diore senisotiami i. <sup>14</sup> Lucas uco yiri masu mani maigũ, “Quenajaro”, yami. Demas wame cutigu, “Quenajaro”, yami i cuni.

<sup>15</sup> “Quenajaro Laodicea cuto gãna”, ya yu. “Quenajaro Ninfa. Quenajaro Cristore tuorũncõri iso ya wiju minijuasotirã cuni”, ya yu. <sup>16</sup> Adi papera mware yu cõare mua ti jeoja bero Laodicea cuto gãna Jesure tuorũnũrãre wasoaba, ñna titoni. Ito yicõri ñnare yu papera cõacatiũare wasoacõri tiba mua cuni. <sup>17</sup> Ado bajiro Arquipore mua gotire ãmoa yu: “Mani Uju Jesucristo mware ñ rotiado bajiroti queno gajanoãña”, yiya Arquipore.

<sup>18</sup> “Quenajaro”, yi uca yu, yumasiti. Adoju tubia ecoru ña yu. Yure ãcabojabesa. Yure yiari Diore seni ñisotiya mua. Mware yiari Dios i queno yitoni ñre seni ñisotia yu cuni. Itocõ ña.

## Primera carta de San Pablo a los Tesalonicenses

### *Tesalónica cuto gånare Pablo ï papera cõare gaye*

<sup>1</sup> Ñati Tesalónica gāna m̄ua. Ȳu ña Pablo. Mani ñarā Silvano, Timoteo mesa rāca adi papera uca ḡua. Mani Jac̄u Dios ñarā ña mani. Mani Ūj̄u Jesucristo ñarā c̄ani ña mani. Ñnare t̄uor̄ūn̄urā ñari minijuasotia mani, ñnare r̄uc̄ub̄orona. Mani Jac̄u Dios queno yijaro m̄uare ito yic̄ori m̄ua ya usij̄u queno sajari oca c̄uti quenaroca yijaro i.

### *Tesalónica gāna queno Jesure ña t̄uor̄ūn̄ure gaye*

<sup>2</sup> M̄uare t̄uōīac̄ori, “Queno ya Dios m̄u”, yisotia ḡua. M̄uare yiari coji r̄uyabeto Diore b̄usisotia ḡua. <sup>3</sup> Mani Jac̄u Diore ḡua b̄usija, “Cristore t̄uor̄ūn̄urā ñari queno ñre moa ïsiama Tesalónica gāna”, yi t̄uōia ḡua. “Gāmeri ti mairā ñari queno gāmeri ejabuama ña”, yi t̄uōia ḡua m̄uare. “Mani Ūj̄u Jesucristore t̄uor̄ūn̄urā ñari, ‘Riti m̄ucana t̄udi ejaḡu yigūji’, yi t̄uōiarā ñama ña”, yi t̄uōia ḡua m̄uare. <sup>4</sup> T̄uoya ḡua ñarā m̄ua. Dios i ti mairā ña m̄ua. “Dios i beseana ñama ña”, ya ḡua m̄uare. <sup>5</sup> Jesucristo oca ḡua m̄uare riasos̄oja, rocati goti ajere gaye meje m̄uare riasoc̄u ḡua. Dios i rotirise rāca m̄uare riasoc̄u ḡua. “Riti baja ito oca”, m̄ua yi masiroca yiñi Esp̄iritu Santo. M̄ua tu ḡua ñacatij̄u, “Ito bajiro ñacā ña”, yi masirāji m̄ua ḡuare. Ito bajiro ḡua ñacatire tic̄ori, “Mani queno ñatoni mani t̄u ejañi ña”, yi masirāji m̄ua ḡuare.

<sup>6</sup> Ḡuare tic̄ori, ḡua ñado bajiroti ñac̄u m̄ua c̄ani. Jesucristo ocare boca āmic̄ori, i queno yigoado bajiroti queno yi āmoc̄u m̄ua c̄ani. M̄uare t̄uōia b̄ujatobitiroca gājerā ña yibojarocati, wan̄are rāca Jesucristo ocare boca āmic̄u m̄ua. Esp̄iritu Santoti ñañi m̄ua t̄uōia wan̄u quenaroca yiḡu. <sup>7</sup> Ito bajiro m̄uare i yijare Macedonia sita gāna ito yic̄ori Acaya sita gånare ña tiro riojo queno ïoyija m̄ua. Ito bajiro queno m̄ua yi ïoja tic̄ori, “Ña robo bajiro queno yiraja manire c̄ani”, yi t̄uōia jedirā yirāji ito gāna Cristore t̄uor̄ūn̄urā.

<sup>8</sup> Jesucristo ocare boca āmic̄ori Macedonia sita gāna, Acaya sita gånare riti meje goti batoyija m̄ua. Masa jeyarore Cristo ocare goti batoyija m̄ua. Queno m̄ua yigore t̄uoc̄ori, “Cristore queno t̄uor̄ūn̄urā ñama Tesalónica cuto gāna”, yama masa jeyaro m̄uare. Ito bajiri ḡua wa ucuja m̄ua gayere masare gotibea ḡua. M̄uare masicāma ña. <sup>9</sup> “Oca m̄ua riasorise gayere queno boca āmijarā Tesalónica gāna”, yire gaye t̄uōa ḡua, yama ña ḡuaj̄uare. “Diore queno t̄uor̄ūn̄uc̄ori ñnamasi meni rujeoanare r̄uc̄ub̄uo jidicāma ña”, yama ña ḡuare. “Dios ñasaḡu catit̄iñaḡure moa ïsirā yama Tesalónica gāna”, yama ña ḡuare m̄uare t̄uōiarā. <sup>10</sup> Gaje m̄ua gaye ado bajiro gotiama ña ḡuare: “Dios Mac̄u ūmac̄ij̄u gaḡu i t̄udi ejare bocatirā yama Tesalónica gāna”, yama ña ḡuare. Jesuti ñami Dios Mac̄u. Masa ñre ña s̄ībojarocati m̄ucana t̄udi i catiroca yiñi Dios. Mani ñeñaro yirisere b̄uto ti teami Dios. Ito bajiri mani ñeñaro yirise waja yiḡu, manire goda ïsiñi Jesucristo. Masa ña ñeñaro yirise waja Dios i seniri r̄am̄u Jesucristo ñami manire masoroca.

## 2

### *Tesalónica cutoju Pablo ï moare gaye*

<sup>1</sup> “Riasobojarā meje yicā Pablo mesa. Mani tu ña ñaja jājarā Jesucristo ocare boca āmicā”, yi t̄uor̄aji m̄ua ḡuare. <sup>2</sup> Filipos cuto ḡua ñaroca ña ḡuare

būsiture, gua tuoīa būjatobitiroca guare īna yire, masirāji mua. Mua ya cuto gua ejaja ito bajiroti yicā masa guare. Ito bajiro guare īna yibojarocati ī oca gua goti gūibitoni gua oca sēoroca yīni Dios. <sup>3</sup> Mūare gua riasocati wisare oca meje mūare riasocū gua. Queno űajaro īna yirona, mūare riasocū gua. Mūare tuorona meje mūare riasocū gua. Mūare gua riasocati űasarise queno riojo mūare riasocū gua. <sup>4</sup> Jesucristo oca riasorona yiri guare cūni Dios. Ito bajiri ī oca űasarise riti ī āmoro bajiro riasoa gua. Masa guare ti seyojaro yirona meje Dios ocare riasoa gua. Dios sīgūti ī guare wanure āmoa gua. Dios sīgūti űami gua tuoīarisere ti masigū. <sup>5</sup> Tuo seyre bajiro bajijaro yirā meje mūare goticū gua. “Riti baja iti”, yi tuoīarāji mua. “Niyeru būjarona meje yu ocare riasoama īna”, yigūji Dios guare. <sup>6</sup> Gua mūare riasogooanare būto rūcūbūojaro yirona meje riasocū gua. Diore rūcūbūojaro yirona mūare goticū gua. Gājerāre cūni guare īna rūcūbuotoni meje īnare riasocū gua. Ito bajibojarocati Cristo ī cūana űari, “Guare rūcūbuoya”, gua yi āmoja yiboana gua. <sup>7</sup> Ado bajirojua yicū gua. Sīgō jaco iso rīare tirānu masoado bajiro yicū gua, mūare ti maicōri. <sup>8</sup> Mūare būto tuo maia gua. Mūare ti mairā űari Dios oca mūare riaso āmocū gua. Mūare ti maicōri queno mua űare āmocū gua. Ito bajiri mūare yiri godarona űacācū gua. Mūare masicōri būto mūare ti maia gua. <sup>9</sup> Tuoja gua űarā mua. Mua tu űarā gua būto moagorere ācabojabeja mua. Dios oca mūare riasorā űami, űmua cūni moasoticū gua. Sīgūjua mua guare yiri mua waja yi īsire āmobiticū gua. Ito bajiri queno űa masirona guamasiti moacū gua.

<sup>10</sup> Mani Cristore tuorūnarā űari mua rāca gua űaja űeűaro yīlabiticū gua mūare. Dios ī āmoro bajiro riti yisoticū gua. Ito bajiro gua bajija ticōri, “űe seti mana űama īna”, yi tuoīacū mua guare. Dios cūni ito bajiroti masigūji guare. <sup>11</sup> “Manire goti quenocā īna”, yi masirāji mua guare. “Mani bojori būjaja mani oca sēoroca yicā īna”, yi masirāji mua guare. Sīgū ī rīare maigū ī goti quenoado robo bajiro mūare goti quenocū gua. <sup>12</sup> Mua oca sēojaro yirona ado bajiro mūare goticū gua. “Dios ī āmoro bajiro riti yisotiya, Dios mūare ī wanutoni”, yi goti quenocū gua mūare. Mūare beseűi Dios ī rotiroju ī rāca mua űatīűatoni.

<sup>13</sup> Dios oca mūare gua goti rētojuja, “īna tuoīa rujeoreti gotiama īna”, yi tuoīabiticū mua. “Riti Dios ocare riasoama īna”, yi tuoīacōri itire boca āmicū mua. Dios ocare mua tuorūnjare mua űeűaro yirisere mua jidicāroca yīni Dios mūare. Īre mua cuditūnaroca yami Dios. Ito bajiri ite gaye tuoīacōri, “Queno ya Dios mu”, yisotia gua Īre. <sup>14</sup> Mua ya cuto gāna mūare űsiriro yi codejare tuoīa būjatobisija mua. Judea sita gānare cūni ito bajiroti rētayiju. īna comasiti űsiriro Īnare yi codeyjarā. īna tuoīa būjatobitiado bajiroti tuoīa būjatobisija mua cūni. <sup>15</sup> Judio masati űama mani űju Jesucristore sīana. Diore goti Īsiri masare cūni ito bajiroti sīayjarā īna. Īnati űama guare bucōana. Ito bajiro īna yijare Īnare ti wanūbeami Dios. īna űama masa jeyarore ti terā. <sup>16</sup> “Mūare cūni maso āmoami Cristo”, judio masa mejere cūni gua goti āmobjarocati guare camotacā judio masa. Ito bajiro īna yija būto būsa seti cutirā űama īna. Ito bajiro īna yija ti junisinicōri, “īna űeűaro yirise waja, waja yirā tuoīa būjatomena yirāji īna”, yi tuoīacāguji Dios.

### *Tesalónica gānare mūcana tūdi Pablo ī ti āmore gaye*

<sup>17</sup> Tuoja gua űarā mua. Mūare gua wagoja bero nocō mejeti mūare tuoīa rīocū gua mūcana. Mua tu űabitibojarāti gua tuoīarisēju mua tūju űacū gua. Mūare tūdi ti āmorā ruje josabojacu gua. <sup>18</sup> Būto mūare ti āmosabojacu gua. Yu Pablo coji meje mūare tigu wa āmobjacu yu. Coji rūyabeto mua tu yu tigu

wa ãmoja, rãmúá uju Satanás camotasotiñi yure. <sup>19</sup> Gãjerã rëtoro mũare tuoïa wanã gna. “Tesalónica cuto gãna mũ oca gna riasoja, queno boca ãmicã ñna”, wanã quenare rãca gotirã yirãji gna mani Uju Jesucristore i ejaroca. <sup>20</sup> “Ïna ñama mani riasoana”, yi tuoïarã, mũare wanã ñuca gna. Riti ña iti gaye.

### 3

<sup>1-2</sup> Mũare buto ti ãmorã ñemecuti masibiticu gna. Ito bajiri mani yagu Timoteore mũare i titoni cõacu gna. Gũama Atenas wame cutiri cutojũ tujacu. Gũare bajiro Diore moa ñsigũ ñari Jesucristo oca masare goti rëto buami i cuni. Mũa oca sëoroca i yitoni ñre mũa tũju cõacu gna. Ito yicõri Jesucristo ocare mũa tuorũnu waroca i yitoni ñre mũa tũju cõacu gna. <sup>3</sup> Tuoïa bujatomena mũa ñajare Cristo ocare mũa tuorũnu jidicãre ãmobicu gna. Ito bajiri mũa oca sëotoni Timoteore mũa tũju cõacu gna. “Cristore mani tuorũnurã ñajare gãjerãma mani tuoïa bujatobitiroca yirã yirãji. Ito bajiro manire rëtare ãmoguñi Dios buto bũsa ñre mani tuorũnutoni”, yi tuoïa jedia mani. <sup>4</sup> Mũa rãca ñarãju maji mũare goti cũcãcu gna. “Mũa tuoïa bujatobitiroca yirã yirãji gãjerã”, yi goti cũcãcu gna mũare. Mũare gna gotiado bajiroti rëtayija. <sup>5</sup> Ito bajiri mũare buto ti ãmorã ñemecuti masibiticu gna. Ito bajiri Timoteore cõacu gna, “Jesucristore tuorũnucati ñna maji?” yirona. “Ñeñaro ñna yitoni ñnare usirioro yi rëtocũguñi gajea rãmúá uju”, yi tuoïacu gna. “Ïnare i rëtocũja mani moagorere ñeñogũ yiguñi gajea”, yi tuoïacu gna. Ito bajiro tuoïacõri Timoteore ti roti ñucasu gna.

<sup>6</sup> Mũa tu ejarũ adojũ tũdi ejacoami Timoteo mũcana. Adojũ ejacõri mũa gayere oca quenarisere goti tũdi ejami i. “Cristore queno tuorũnurã ñama ñna, ito yicõri gãmeri ti mairã ñama ñna”, yi goti ejami i. “Mũare queno tuoïa gna”, yima ñna, yi goti ejami gũare. “Gũare mũa ti ãmoro bajiroti mũare cuni ti ãmoboja gna”, yima ñna, yi goti ejami i. <sup>7</sup> Ito bajiro i gotija tuocõri, tuoïa bujatobitibojarãti gna ya usijũama queno tuoïa oca sëoa gna. “Cristore tuorũnu jidicãbeama ñna”, i yija tuocõri, queno mũare wanã ñuca gna ñarã gna. <sup>8</sup> “Cristore tuorũnu warã yama ñna”, i yija tuocõri, tuoïa oca sëoa gna, ito yicõri mama usi buja gna. <sup>9</sup> Mũare tuoïacõri, “Queno ya Dios mũ”, yi jidicã masibeã gna. Diore gna bũsija, “Cristore queno tuorũnũama ñna”, yi tuoïa masicõri buto wanã gna. <sup>10</sup> Ñami, ãmua cuni Diore senisotia gna, mũa tũju gna ejaroca i yitoni. Buto bũsa Cristore mũa tuorũnutoni mũa masibitire mũare riaso ãmoa gna maji.

<sup>11</sup> Mũa tu gna tirã watoni mani Jacu Dios, ito yicõri mani Uju Jesucristo gũare ejabuajaro. <sup>12</sup> Mũare buto ti mai waju gna. Mũare gna ti mairo bajiroti buto bũsa mũa gãmeri ti mairoca yijaro mani Uju mũare. Ito yicõri buto bũsa masa jeyarore mũa ti mairoca yijaro i. <sup>13</sup> Mũa ya usijũ mũa oca sëo waroca yijaro mani Uju. Ñeñarisere jidicãcõri quenarisejua riti mũa yiroca yijaro i. Ito bajiro mũare i yija bero mani Uju i ñarã rãca i tũdi ejari rãmũ mani Jacu Dios i tiro riojo ñe seti mana ñarã yirãji mũa.

### 4

#### *Dios i ti wanũre gaye*

<sup>1</sup> Gna ñarã gaje mũare goti ãmoa gna. “Ado bajiro mũa ñaja mũare ti wanũgũ yiguñi Dios”, yi mũare riasocu gna. “Ito bajiro ñama ñna”, yi tuoïa gna mũare. Dios mũare ti wanũjaro yirona, i ãmorise riti buto bũsa mũa yire ãmoa gna. Ito bajiro josa gna, mũare riasotoni mani Uju cũana ñari.

<sup>2</sup> “Cristo ĩ riaso rotiado bajiroti guare riasocã ĩna” yi masirãji mua guare. <sup>3</sup> Ado bajiro baja mua yiroti Dios ĩ ãmorise. Dios ñarã mua ñajare quenarise riti mua yire ãmoami ĩ. Mua manoyo mana gãjerã romia rãca ajere ãmobeami ĩ. <sup>4</sup> Mua manoyo bujaroto riojua romiare ajeĩamena mua ñare ãmoami Dios. Ito bajiri isore bujacõri Dios ĩ ãmoro bajiro isore mua rucubuoja quena. Mua manojosãromiare riti ti maicõri gãjerã romiare ajebeja quena. <sup>5</sup> Isore ti seyocõri isore ajerocũ meje manoyo catija quena. Gãjerã Dios gayere masimena ñari ito bajiro yi ãmorãji ĩnaõna. ĩna robo bajiro yibitiruja manire. <sup>6</sup> Gãji manoyo rãca ajebeja. Gãji manojore ti uobeja mua. “Ito bajiro yirãre bũto ĩna tuoĩa bujatobitiroca yigũ yiguĩji Dios”, sãoro muare goti cũcãcu gua. <sup>7</sup> Quenarise mani yitoni manire beseñi Dios. Ñẽñaro mani yitoni meje manire beseñi ĩ. <sup>8</sup> Adi gua riasorisere ti terã guare riti meje ti terã yama ĩna. Diore cuni ti terã yama ĩna. Ñẽñaro mani yirisere jidicãtoni Espĩritu Santo manire queo sãgũ ñami Dios.

<sup>9</sup> Tuoya, gãmeri ti mairũ guare busigu ya yũ. “Gãmeri ti mairũ manire”, mua yi masiroca yicãni Dios muare. Ito bajiri guama, “Gãmeri ti maiña mua”, yi ucabea gua muare. <sup>10</sup> Riti queno yirã ña mua. Macedonia sita gãna Cristore masirãre ti maisotirã ña mua. “Ĩnare ti maicõri bũto busa ĩnare ti mairũ manire”, sãoro muare gotia gua. <sup>11</sup> Ado bajiro mua yi josaja quena. Ñe oca manoti queno ñaña mua. Gãjerã ĩna busirise tuocõri coca oca catibeja. Mua ña masitoni muamasiti moaña. Gua rotiado bajiroti yisotiba mua. <sup>12</sup> Ito bajiro queno mua moaja, ñejua ruyabeto yiroja muare. Ito bajiri gãjerãre josamena yirãji mua. Ito bajiro queno mua moaja ticõri, Jesure tuorãnumena cuni queno muare rucubuoarã yirãji.

### *Mani Hju ĩ tũdi ejare gaye*

<sup>13</sup> Tuoya gua ñarã mua. Jesure tuorãnumã godana ĩna bajire gaye muare goti ãmoa gua. ĩna bajire gaye muare goti rãtobu ãmoa gua, mua bojori bujabe yirona. “Godabojana mucana tũdi caticoarã yirãji”, yi tuoĩa yurã meje ñama Diore tuorãnumena. ĩnare bajiro tuoĩarã meje ña mua. “Godabojana caticoarã yirãji”, yi tuoĩarã ña mani. <sup>14</sup> “Godacoabojañi Cristo. Ito bajibojarocati mucana tũdi ĩ catiroca yiñi Dios”, yi tuoĩa masirã ña mani. Iti masicõri gaje ado bajiro yi tuorãnuma mani: “Jesũs ĩ tũdi ejari rumũ ĩre tuorãnumoana ĩ rãcati baba cati ejaroca yigũ yiguĩji Dios ĩnare”, yi tuoĩa mani.

<sup>15</sup> Iti muare gua gotirise mani Hju guare masiroca ĩ yirise gayere muare gotia gua. Mani Hju ĩ tũdi ejari rumũ godanajua mujasuoarã yirãji. ĩna riojua mujamena yirãji adi sita gãna cati ñarã. <sup>16</sup> Ado bajiro rãtarã yiroja. Dios ĩ rotirisena sãoro busi ruji wadigu yiguĩji umacãjuana. Dios ñaro gãna ángel mesa uju ĩ busirise cuni sãoro ruyuro yiroja. Dios yaga jutiraga cuni sãoro ruyuro yiroja. Ito yija Jesure tuorãnumoana tũdi caticõri mija ejasuoarã yirãji. <sup>17</sup> Ito bajiro iti ruyuroca riti Jesure tuorãnumã ñarãre miojuga yiguĩji Dios. ĩnare miojucõri tũdi catisuoana rãca ide buerina ĩna mija waroca yigũ yiguĩji Dios. Mija wacõri mani Hjure canamuoarã yirãji mani. Ito bajiri ĩ rãca catitũñarã yirãji mani ĩja. Ito bajiroti bajiro yiroja. <sup>18</sup> Iti gaye gãmeri basicõri oca sãoña mua.

## 5

*Jesũs ĩ ejarotire mani bocatija quena, yire gaye*

1 “Iti rumu ejaḡu yiguḷji mani ʘju. Itocō tajaroca ejaḡu yiguḷji”, yi ucabea gua muare. 2 “Iti rumu ejaḡu yiguḷji Jesús”, yi masibea mani, yi tuoḷa masirāji mua cuni. “Iti rumu ejaḡu yiguḷji”, masa ina yi masibiti rumu ejaḡu yiguḷji ī. Riniri masu ḡami ī ejaja cuni, “Itocō ejaḡu yiguḷji”, yi masibea mani. Ito bajiroti, “Iti rumu ejaḡu yiguḷji Cristo”, yi masimena yirāji mani. 3 “Ñe oca mano queno ḡacā mani”, yi masa ina tuoḷari rumu ḡajasaroti guijorise ejaro yiroja inare. Ito guijorisere sigūjua rudi masimena yirāji masa. Coju rudiraju mano yiroja inare. Romio macu ruacoroco ḡajasaroti iso cōro robo bajiro bajiro yiroja iti. 4 Ito ocare tuo masimena meje ḡa gua ḡarā mua. Ito bajiri mani ʘju ī tūdi ejari rumu ti ucamena yirāji mani. Riniri masu ī ejaja masa ina ucaro bajiro ucamena yirāji mani. Mani ʘju ī ejarotire bocaticārā yirāji mani. 5 Mani ḡa Dios ḡarā. Ito bajiri tuo masirā ḡari quenarise yi āmoa mani. Mani ḡeḡaro yirisere jidicāna ḡari rāitḡarise ʘju ḡarā meje ḡa mani. 6 Ito bajiri queno tuoḷacōri mani ʘju ī ejaroti gaye bocaticārāja manire. Ī tūdi ejaroti rumu canicāna robo bajiro bajibitirāja manire. 7 ḡamire canicā masa. ḡamijuatidi idire idi mecucā ina. 8 Queno tuoḷacōri mani ʘju ī tūdi ejarotire bocaticārāja manire. Cristo ḡarā mani ḡajare mani tuo masiroca yami ī. Ito bajiri ḡeḡaro yi āmomena quenaro tuoḷarāja manire. Cristore mani tuoḡarāja ito yicōri ḡāmeri mani ti maija rūmua ʘju manire ejabe yirocu, manire camotagu yiguḷji ī. “Cristore mani tuoḡarāja ticōri, manire masogā yiguḷji Dios”, yi tuoḷa yucārāja manire. 9 “Ina tuoḷa bujatobitiroca yigu yigujaja yu”, yirocu meje manire beseḡi Dios. Ito bajiro meje bajia. Mani ʘju Jesucristo ī godarisena suoriti manire masorocu manire beseḡi Dios. 10 Manire yari godaḡi ī, ī rāca mani ḡatḡatoni. Ito bajiri tūdi ī ejaja mani catija cuni, mani godaja bero cuni manire āmi wacu yiguḷji ī, ī rāca mani ḡatḡatoni. 11 Itire ḡāmeri busicōri wanu oca seōḡa mua. “Ito bajiro yirā yirāji ina”, yi tuoḷa masi ḡa gua muare.

### *Pablo ī goti quenore gaye*

12 Tuoḡa gua ḡarā mua. Mua wato ḡāna Diore moa īsirāre queno mua rucubore āmoa gua. Muare riasorona ito yicōri muare goti quenoronare cuni cūḡi Dios. Ito bajiri inare rucuboyu mua. 13 Queno ina muare ejabujaja ticōri, queno rucuboyu mua inare. Mua ya usina inare tuo maiḡa mua. Ñe oca mano ḡāmeri baba cutiya mua.

14 Gua ḡarā gaje ado bajiro muare rotia gua. Mua tu ḡāna moamenare queno inare gotiya. Mua tu ḡāna tuoḷa oca seōmenare ina oca seōroca yiya mua. Cristore queno tuoḡarajamenare queno ejabujaja mua. Ina jeyarore usirioro yimenati ḡacōaḡa mua.

15 Queno tuoḷaḡa mua. ḡājerā ina muare ḡeḡaro yibojarocati inare ḡāmebeja mua. Ado bajirojua yiba. Coji ruḡabeto queno ḡāmeri yisotiba mua. Masa jeyarore ito bajiro riti yiba.

16 Diore tuoḷacōri wanusotiba mua. 17 Diore busi jidicābeja. Īre busitḡasotiba. 18 Quenarise, quenabiti cuni muare rēḡaja, “Queno ya Dios mu”, yisotiba mua. Jesucristore mua tuoḡararā ḡajare ḡajediro muare rēḡarise, “Queno ya Dios mu”, yire āmoami ī.

19 Diore mani cudi masitoni manire ejabua āmoami Espiritu Santo. Ito bajiri Īre tuo tebesa mua. 20 Dios gaye busirā ina busija inare tuo tebesa. 21 “¿Dios gayere busirā ḡati ina? Inamasi tuoḷa rujeocōri busirāji gajea”, yirona queno tuoḡa maji. Dios gayere ina busija itire boca āmicōri tuoḡarajama mua. 22 Jeyaro ḡeḡarise tuoḷa jidicāḡa mua.

<sup>23</sup> Dioti ñami ñe oca mano mani ñaroca yigu. “Mure riti rucuborã mu ñarã ña ñaroca yiya mu”, mware yiari Diore seni İsisotia gua. “Quenarise riti tuõajaro, Cristore riti tuorãnjaro, quenarise riti yijaro”, yirona Diore senia gua, mware yiari. Mani Uju Jesucristo i tãdi ejari rumã ñe seti mana mua ñare ãmoa gua. Ito bajiri mware yiari Diore seni İsisotia gua. <sup>24</sup> İ ñarã mani ñatoni manire beseñi Dios. Jidicãre mano manire tirãngũ yiguñi i. Ito bajiri i ãmoro bajiro mani yi masitoni manire ejabugũ yiguñi.

*Quenajaro masa, Pablo i yi ñucare gaye*

<sup>25</sup> Gware yiari Diore seni İsiña gua ñarã mua canı.

<sup>26</sup> Gware yiari gãjerã Jesure tuorãnrãre jababa İsiña mua.

<sup>27</sup> Mani Uju i cãana ñari ado bajiro mware rotia gua. Ito gãna Jesure tuorãnrã ñarocõti minijuacõri adi paperare tiya gua ñarã mua.

<sup>28</sup> Mani Uju Jesucristo queno yijaro mware. Itocõ ña.

## Segunda carta de San Pablo a los Tesalonicenses

### *Tesalónica cuto gānare Pablo ĩ papera cōare gaye*

<sup>1</sup> Ñati Tesalónica cuto gāna m̄ua. Yu Pablo mani ñarā Silvano, Timoteo mesa rāca adi papera m̄uare uca yu. Mani Jacu Dios ñarā ña mani, ito yicōri mani Uju Jesucristo ñarā cuni ña mani. Īnare tuorūnurā ñari minijuasotia m̄ua cuni, Īnare rūcub̄uorona. <sup>2</sup> M̄uare queno ĩ yitoni Mani Jacu Diore senisotia ḡua. Ito yicōri ñe oca manoti m̄ua ya usiju queno m̄ua wanu quenaroca ĩ yitoni ĩre senisotia ḡua. Mani Uju Jesucristore cuni ito bajiroti seni ĩsisotia ḡua m̄uare yiari.

### *Cristo ĩ t̄udi ejari r̄amu ñeñaro masa ĩna yire waja Dios ĩ seniroti gaye*

<sup>3</sup> Tuoya yu ñarā m̄ua. Coji r̄uyabeto ḡua m̄uare tuoīasotija, “Queno ya Dios m̄u”, yisotia ḡua ĩre. Queno b̄usa Jesucristore tuorūnu warā ya m̄ua, ito yicōri b̄uto b̄usa gāmeri ti mai warā ya m̄ua. Itire tuoīacōri, “Queno ya Dios m̄u”, yisotia ḡua ĩre. <sup>4</sup> Ito bajiro bajirā m̄ua ñajare gājerā Jesucristore tuorūnurāre m̄ua gaye ḡua b̄usija, wanure rāca b̄usia ḡua. Ado bajiro wanure rāca b̄usia ḡua ĩnare: “Tesalónica cuto gāna Diore queno tuorūnucōri, tuo jidicābeama ĩna. Tuoīa b̄ujatobitibojarāti ñemecutiama ĩna. Gājerā ĩnare usirioro yi codebojarocati ñemecutiama ĩna”, yi gotia ḡua gājerā Jesucristore tuorūnurāre. <sup>5</sup> M̄ua Dios ocare c̄udija ticōri, m̄ua tuoīa b̄ujatobitiroca yama gājerā. Ito bajiro ĩna yibojarocati ĩ rotiroju m̄ua eja masiroca quenarise m̄ua yi masitoni m̄uare yigu yiguĵi. Itire masicōri, “Masa ĩna yigoado bajiroti ĩnare ti besegu yiguĵi Dios. Quenarise riti yigu ñami ĩ”, yi tuoīa masia mani.

<sup>6</sup> M̄ua tuoīa b̄ujatobitiroca yirāre ĩna tuoīa b̄ujatobitiroca yigu yiguĵi Dios. Ito bajiro ĩnare ĩ yija, ĩna ñeñaro yirise waja senigū yigu yiguĵi. ĩ ito bajiro yija quena. <sup>7</sup> Adocāta tuoīa b̄ujatobitibojarāti itire ito bajiro bajit̄ñamenaji mani. Co r̄amu m̄ua tujacāroca yigu yiguĵi Dios. Ḡuare cuni ito bajiroti yigu yiguĵi. Ito bajiro yigu yiguĵi mani Uju ūmacūju ĩ goālori r̄amu. Ūmacūju goāicōri jājarā āngel mesa rāca wadigu yiguĵi ĩ. Jea ūjuro yorise bajiro b̄uto busurise wato wadirā yirāji ĩna. <sup>8</sup> Diore tuorūnabitigoanare mani Uju Jesucristo gaye oca c̄udimenare waja senigū wadigu yiguĵi ĩ. <sup>9</sup> Jesucristore ĩna tuorūnabitire waja, jeame ūjuroju tuoīa b̄ujatobiti ñasotirā yirāji. Ito yicōri wisa godana bajiro ñat̄ñarā yirāji ĩna. Mani Uju ñaro camotado ñat̄ñaro yiroja ĩnare. ĩ masirise ĩ ĩoriju timena yirāji ĩna. <sup>10</sup> Iti r̄amu Jesucristo ĩ t̄udi ejari r̄amu ĩ ñarā ĩre tuorūnurā ĩre ti wanurā yirāji ĩna. Ito yicōri, “ĩ ñami r̄etoro masigū”, ĩre yi rūcub̄uorā yirāji ĩna. M̄uare ḡua riasorise tuorūnurā ñari ĩna rāca ĩre ti wanurā yirāji m̄ua cuni.

<sup>11</sup> Itire tuoīarā, m̄uare yiari Diore seni ĩsisotia ḡua. ĩ ñarā m̄ua ñatoni m̄uare beseñi mani Uju Dios. Ito bajiri, Tesalónica cuto gāna m̄u āmorise yi masijaro yirona, Diore senisotia ḡua. Gaje m̄uare yiari ado bajiro Diore seni ĩsisotia ḡua: “Quenarise ĩna yi āmorise ĩna yi masitoni m̄u masirisena ĩnare ejab̄uaya”, yi seni ĩsisotia ḡua. “Cristore tuorūnurā ñari ñajediro moare ĩ cūre gayere ito bajiroti yijaro ĩna”, yirona Diore senia ḡua m̄uare yiari. <sup>12</sup> Ito bajiri queno m̄ua yirise ticōri, mani Uju Jesucristore rūcub̄uorā yirāji masa jeyaro. ĩ ñarā m̄ua ñajare m̄uare cuni rūcub̄uorā yirāji ĩna. Manire ti maicōri Jesucristore Dios ĩ goda ĩsi rotijare, ito bajiro r̄etaro yiroja.



## 2

*Jesucristo ĩ tũdi ejaroto riojua bajiroti gaye*

<sup>1</sup> Tũoya yu ñarã mũa. Mũcana mani Hju Jesucristo ĩ tũdi wadiroto rũa gaye mũare bũsi ãmoa yu. Manire miojucõri ĩ rãca mani ñatĩfatoni manire ãmi wadigu yiguĩji ĩ. <sup>2</sup> “Ejacãni Jesús”, gãjerã ĩna yibojaja, gãibesã mũa. ĩnare tũocõri, tũoĩa wisabesa. “Riti ñã, yu cãiroju ĩto bajiro gotiquĩ Dios yũre”, ĩna yibojaja cãni ĩnare tũorũnũbesã. “Ejacãni Jesús, yĩ gotiami Pablo yũre paperana”, ĩna yibojarocati ĩnare tũorũnũbesã. <sup>3</sup> Jãjarã ĩna mũare ruobojaja cãni tũorũnũbesã. Jesús ĩ tũdi wadiroto riojua, juaji gaye rẽtarõ yiroja. ĩ wadiroto riojua Diore bũto ti tecõri cũdimenaji masa. ĩto bajiro ĩna baji ñaroca rẽtorõ ñeñaro yigu goãogũ yiguĩji. “Jeame ãjũroju ĩre cõagũ yigujã yũ”, Dios ĩ yicãru ñami ĩ. <sup>4</sup> Jeyaro masa ĩna rũcũbũorise ti tegũ ñagũ yiguĩji ĩ. Dios gayere ti tegũ ñari ĩ wajacu ñami ĩ. “Yũ sũgãti ñã masa jeyaro ãju”, yigu yiguĩji ĩ. Diore rũcũbũorã masa ĩna minijuari wiju rujigu yiguĩji ĩ. Dios robo bajiro ñã ruogũ yiguĩji. “Dios ñã yũ”, yĩ ruogũ yiguĩji ĩ.

<sup>5</sup> ĩti rũa mũa rãca ñagũ ĩti goti jeocu yũ mũare. ¿Itire masibeati mũa? <sup>6</sup> “Rẽtorõ ñeñaro yigu ĩ goãome yirocu, ĩre camotami Dios maji”, yĩ tũoĩarã ñã mani. Dios ĩ rotibetoti goãobiquĩji ĩ. <sup>7</sup> Jeyaro ñeñaro ĩ yiroti masibitibojarãti, “Masa ĩna ñeñaro yiroca yicãmi ĩ”, yĩ tũoĩarã ñã mani. Dios ĩre camotagu ĩ rotibetoti goãobicu yiguĩji ĩ. <sup>8</sup> Dios ĩ camotabeja goãogũ yiguĩji rẽtorõ ñeñaro yigu. ĩto bajibojarocati Jesús ĩ tũdi ejari rũa ĩ jutirisenati sũacõgũ yiguĩji ñeñaro yigure. Rẽtorõ masigũ ñari josari mejeti ĩre ruyuriogu yiguĩji Jesús ĩ tũdi ejari rũa. ĩto bajiro ĩ yija ticõri, “Rẽtorõ masigũ ñami Jesús”, yĩ masirã yirãji masa jeyaro. <sup>9</sup> Rẽtorõ ñeñaro yigu ĩ goãoja rũaũã ãju Satanã ĩ masirise jidicãgũ yiguĩji ĩre. ĩto bajiri bũto ĩ masirisenã ejagu yiguĩji ĩ. Tiyamani ĩocõri masare ruogũ yiguĩji ĩ. <sup>10</sup> Wisa godasotianare ruorocu dise ruayabeto ñeñaro yigu yiguĩji ĩ. ĩnare Dios ĩ maso ãmbojarocati ĩ oca ñasarise boca ãmimenaji ĩna. ĩto bajiri wisa godana ñatĩñarã yirãji ĩna. <sup>11</sup> ĩ oca riojo ñasarise ĩna boca ãmibitire waja ĩna tũoĩa wisaroca yigu yiguĩji Dios. ĩto bajiri ruore gaye oca tũorũnũrã yirãji ĩna. <sup>12</sup> ĩto bajiro yigu yiguĩji Dios, ĩ oca ñasarisere tũorũnũbiticõri ñeñarise yĩ wanũrãre jeame ãjũroju ĩna watoni.

*Manire masorocu Dios ĩ besere gaye*

<sup>13</sup> Tũoya yu ñarã mũa. Mani Hju bũto manire tũõ maiami. Jane mejeju mũare masorocu mũare beseñi Dios. “Ñeñaro yirã ñã mani, mani ñeñaro yirise jidicãruja manire”, mũa yĩ tũoĩa masiroca yĩñi Dios Espĩritu Santana suoriti. ĩto bajiro ĩ yija, ĩ oca ñasarisere tũorũnũyija mũa. ĩtire tũoĩacõri “Queno ya Dios mũ”, yĩ jidicãbitirũja guare. <sup>14</sup> ĩ ñarã mũa ñatoni ĩ oca ñasarise gũa mũare goti rẽtobujaro yirocu, guare cũñi Dios. ĩ ocare mũa tũorũnũja ticõri, Cristore ĩ tũdi catiroca ĩ yiado bajiroti mũa tũdi catiroca yigu yiguĩji mũare cãni.

<sup>15</sup> Jesucristore tũorũnũ jidicãbesã yu ñarã mũa. Mũa oca riojo ñasarise gũa riasogocãtĩre ĩtĩre jidicãbesã. ĩti oca mũa tiro riojo goticu gũa. Paperana cãni mũare goticu. <sup>16-17</sup> Manire ti maicõri queno yĩñi Dios manire. Mani tũõ wanũjaro yirocu, manire baba cãtitũñagũ yiguĩji ĩ. “ĩ rãca cãtitũñagũ yigujã yũ”, mani yĩ tũoĩa wanũ yuroca yigu ñami ĩ. Mani Jacũ Dios, mani Hju Jesucristo cãni queno yitũñajaro mũare. Mũa ya ãsiju oca sũeroca yijaro Dios. Quenarise riti mũa bũsitoni, ĩto yicõri quenarise riti mũa moatoni mũare ejabũjaro Dios.

## 3

*Gware yari Diore seni İsiña, Pablo İ yire gaye*

<sup>1</sup> Susari coji gaye muare goti amoa ya narā ya maji. Gware yari Diore seniña. Coju ruyabeto mani Uju oca iti bata watoni Diore seniña. İ oca tuo wanocōri mua boca amiado bajiro jājarā İna boca amitoni Diore seniña. <sup>2</sup> Gware ñeñaro yi amorāre İnare camotajaro Dios yirona, İre seniña. Gwa riasorise ocare tuorānu amomena jājarā ñama. <sup>3</sup> Ito bajibojarocati gware jidicābicu yigułji Dios, muare canı ito bajiroti. Mua oca seoroca yicōri queno busa Cristore mua tuorānuroca yigu yigułji İ. Rāmua uju muare ñeñaro yibe yirocu, muare camotagu yigułji Dios. <sup>4</sup> Cristore tuorānucōri, “Tesalónica cuto gānare İna queno yi masitoni ejabuagu yigułji İ”, yi tuoİa gwa. Ito bajiri, “Gwa rotirise cūdirā yirāji İna. Ito yicōri ñaro bajiroti yisotirā yirāji”, yi tuoİa gwa muare. <sup>5</sup> “Queno manire ti maiami Dios”, mua yi masijaro yirona, Diore senia gwa. Tuoİa bajatobitibojaguti ñemecutiñi Cristo. İ ñemecutiado bajiroti muare canı ñemecuti masiroca yijaro Dios.

*Sİgū ruyabeto moaja quena, yire gaye*

<sup>6</sup> Tuoya ya narā mua. Adi muare rotijaro yirocu, gware cūni mani Uju Jesucristo. Sİgū Jesure tuorānugū ñabojaguti İ moa amobeja, ito gwa riasoado bajiro İ yi amobeja İ rāca baba cutibeja. <sup>7</sup> Mua tu gwa ñaja rocati ñacōbiticu gwa, moacu. Gware tigoana ñari, “İnare bajiro mani yija quena”, yirūja muare. <sup>8</sup> Mua tu gwa ñaja waja yimenati mua ya najure bābiticu gwa. Ado robojua yicu gwa. Umuari ñami canı josari moacu gwa. Ito bajiro yicu gwa bare waja yirona. Muare usirioro yibe yirona, mua gware waja yi İsire amōbiticu gwa. <sup>9</sup> Muare riasori masa ñari, “Gware ejabuaya mua”, gwa yija quena ñaboadoja. Ito bajibojarocati muare josābiticu gwa. Ado robojua yicu. Moacu gwa, “İna robo bajiro yirūja manire canı”, mua yi masitoni. <sup>10</sup> Mua rāca narā ado bajiro roticu gwa: “No moa amōbicu bābitijaro”, yicu gwa muare. <sup>11</sup> “İna wato coriarā moamenati ñama”, yire oca tuoā gwa muare. “Coriarā moamena İna wato gājerā ye oca tuocōri rocati busi batorā yirāji”, yire oca tuoā gwa muare. <sup>12</sup> Mani Uju Jesucristo İ cūana ñari, ado bajiro rocati moamena ñarāre rotisotia gwa: “Moaña, queno ñana yirona. Ito yicōri gājerā ye oca tuocōri busi batobesa”, yi rotisotia gwa.

<sup>13</sup> Tuoya ya narā mua. Queno yirā ñari queno mua yirise jidicābesa. <sup>14</sup> Sİgū adi papera gwa ucarise tuorānubicure ti masicōri İre baba cutibesā. Ito bajiro mua yija İ ñeñaro yirise tuoİabojogu yigułji İ. <sup>15</sup> Ñeñaro İ yibojarocati İre ti tebesa. Mani yagu İ ñajare İre goti quenoİa mua.

*Quenajaro masa, Pablo İ yi ñucare gaye*

<sup>16</sup> Mani Uju İ ñami ñe oca manoti mani ñaroca yigu. Ñe oca manoti mua ya usiju queno wanu quenaroca yitñajaro Dios. Dise ruyabeto muare iti rētabojarocati ñe oca manoti mua ñaroca yijaro Dios. Mua ñarocō rāca ñatñajaro mani Uju.

<sup>17</sup> “‘Quenajaro’, yami Pablo”, yi uca ya, yumasiti. Ito bajiro riti gajanoa papera ya ucarise. Ito bajiro ya ya, “Riti ucañi Pablo”, mua yi masitoni.

<sup>18</sup> Mani ñajediroreti queno yitñajaro mani Uju Jesucristo. Itocō ña.

## Primera carta de San Pablo a Timoteo

### *Timoteore Pablo ĩ papera cõare gaye*

1-2 Nati yu baba Timoteo mu. “Quenajaro”, ya yu mare. Yu ña Pablo adi papera mare uca ñucagũ. “Yure masogũ yiguĩ Jesucristo”, yi mani tuoia yugu, ĩ cũu ña yu. Dios yure ĩ rotijare Jesucristo ocare goti ucuri masu ña yu. Tuoya Timoteo mu. Jesucristore tuorũnũjaro yirocu, mare riasocu yu. Ito bajiri yu macu robo bajiro baja mu. Mani Jacu Diore mare yiari senia yu. “Ī queno ñaroca yiya. Īre ti maiña. Ito yicõri ñe oca manoti ĩ ñaroca yiya”, yi Diore seni ĩsotia yu mare yiari. Mani Uju Jesucristore cuni ito bajiroti seni ĩsotia yu mare yiari.

### *Ñore oca riasorãre tuorũnũbesa, Pablo ĩ yire gaye*

3 Macedonia sita wacu, “Ado Efeso cuto tujaya mu”, yicu yu mare. Ito gãnare oca riojo riasomenare, “ ‘Jidicãña mua’, yiya”, yirocu ito mu tujare ãmoa yu. Īna ñama, “Dios oca ñasarise riasorã ña gua”, yibojarãti ĩ oca riojo riasomena. 4 “Bucãrã oca riaso jidicãña mua”, yiya mu ĩnare. Ito yicõri, “ ‘Ado bajiro yiyijarã mani ñicusabatiã’, mua yi gotirisere jidicãña mua”, yi gotiya mu ĩnare. Iti oca ĩna gotija jaje ñacõri jedirise meje ña. Ito bajiri iti oca masare ĩna riasoja ricati riti ĩna tuoĩaroca yirãji ĩna. “Cristore mani tuorũnũja ticõri, manire masogũ yiguĩ Dios”, yi masare mani riasore ãmoami Dios.

5 Ito gãna gãmeri ĩna ti maire ãmogũ ito bajiro rotia yu. Mani ñeñaro yirise jidicãcõri Cristo sīgãreti mani bũto tuorũnũja, “Ñe seti ma yure”, yi masirãji mani. Ito bajiro mani yi masija gãmeri ti mairã yirãji mani. 6 Dios oca ñasarise jidicãrã ñari, ñe waja mani gayejure tuoia busiama ĩna. Ito bajiro yicõri tuoia wisama. 7 Moĩs ĩayoru rotirise riasori masa ña ãmoama ĩna. Ito bajibojarãti ĩnamasi ĩna tuoia busirise, ĩna oca riasorise cuni tuo masibeama. “Queno riasorã ña gua”, yibojarãti ĩnamasi ĩna riasorisere tuo masibeama ĩna.

8 “Moĩs ĩayoru ĩ rotirise quenarise ña”, yi tuoia mani. Ī rotirisere masicõri, “Queno Diore cãdibea yu”, yirãji mani. 9 Queno yisotirãre meje ĩ rotirise cũni Dios. Ñeñaro yirãjũare ĩ rotirise cũni. Cãdimenare, Diore ti terã, ñeñaro yirã, ñeñaro busirã, jacusabatiare sãrã, ito yicõri sãri masare cuni ĩ rotirise cũni Dios. “Ñeñaro yirã ña mani”, ĩna yi masijaro yirocu, ĩ rotirise cũni Dios. 10 Romiare ajerãre, ãmua comasiti ñeñaro yirã, gãjerãre ñiacõri ãmi warãre cuni, ito yicõri ruori masa, “Dios ĩ tiro riojo riojo gotia gua”, yi ruorã, ito yicõri oca ñasarise cãdi ãmomenare cuni ĩ rotirise cũni Dios, “Ñeñaro yirã ña mani”, ĩna yi masitoni. 11 Jesucristo oca quenarise iti ña ñasarise. Iti oca yu riaso ucutoni yure cũni mani Uju Dios. Ī sīgãti ñami rãtoro rãcũbuõõ.

### *Yure queno yĩni Cristo, Pablo ĩ yire gaye*

12 Ī oca yu riasotoni yu oca sãoroca yami mani Uju Jesucristo. “Yure tuorũnũgũ ñami Pablo”, yicõri “Yure moa ĩsijaro”, yirocu yure cũni Cristo. Ito bajiri, “Queno ya mu”, ya yu ĩre. 13 Iti rãmũju yu ñeñaro ĩre busibojarocati yure beseĩi ĩ, ĩre yu moa ĩsotoni. Iti rãmũju Jesure tuorũnũrãre usirioro yisoticu yu maji, ito yicõri Jesure busisitoticu. Ito bajiro ĩre yu yibojarocati yure ti maiñi Dios. “Yu Macure tuorũnũbicu ñari ĩre ĩ ñeñaro yirisere masibeami Pablo maji”, yi masiñi Dios yure. Ito bajiro yi masicõri yure ti maiñi Dios. 14 Yure

ti maicōri jaje queno yiñi mani Ʋɟu yure. Īre yu tuorānuroca yiñi Ī. Gājerāre yu ti mairoca yiñi. Riti yure queno yiñi Ī.

<sup>15</sup> Ado yu m̄are gotiroti riti bajaia. Ito bajiri m̄a tuorānura quena. Ado bajiro bajaia. Ñeñaro yirāre masoroc̄u adi sita wadiñi Cristo. Yu ñacu gājerā ñeñaro yirā rētoro ñeñaro yicacu. <sup>16</sup> Ito bajiro yu bajlbojarocati yure ti maicōri yure masoñi Dios. Ito bajiro yure yiñi Dios. “Gājerā rētoro ñeñaro yigu Pablo Ī ñabojarocati Īre ti maijdicābisiju Cristo. Īre ti maicōri Īre masoñi Ī”, masa jeyaro ĩna yi masitoni yure masoñi Ī. Ito bajiro Ī yijare, “No Cristore tuorānura reti ĩna ñeñaro yirisere ācabojogu yiguñi Dios. Īnare masocōri ĩna catitñaroca yigu yiguñi Dios”, yi tuoña mani. <sup>17</sup> Ito bajiri Īre r̄uc̄buotñaraja manire. Ado bajiro Īre yi r̄uc̄buoraja manire: “Mut̄i ña ḡu Ʋɟu catitñaḡu. Godaroc̄u meje ña m̄. Sīḡu m̄re tigor̄u maquñi. Ñim̄u m̄u robo bajigu maquñi. M̄u sīḡuti ña rētoro masiḡu”, yi r̄uc̄buotñaraja mani Diore. “Ito bajiro bajitñajaro”, ya yu.

<sup>18</sup> Tuoya yu maiḡu Timoteo m̄. Yu mac̄u robo bajiro tuoña yu m̄re. Ado bajiro rotia yu m̄re: Ñarocōti Dios Ī m̄re c̄ure ito bajiroti yiya m̄u itire. “Diore queno c̄udigu yiguñi”, yiyijarā Diore goti Īsiri masa m̄re tuoña yurā. Īna goti yuado bajiroti r̄m̄ure c̄udibe yiroc̄u, Diore queno moa ĩsiña. <sup>19</sup> Diore tuorān̄u jidicābesa. M̄u tuoñarise quenarise m̄re iti gotija, tuorān̄u m̄u itire. Coriarā ñama ĩna tuoñarise iti gotlbojarocati tuorān̄umena. Ito bajiro yicōri Diore tuorān̄u jidicāma ĩna. <sup>20</sup> Ito bajiro yicā Himeneo ito yicōri Alejandro c̄uñi. Diore tuorān̄u jidicācōri ñeñaro busicā ĩna Īre. Ito bajiri, Diore ñeñaro ĩna busirise jidicājaro yiroc̄u, r̄m̄ú ĩnare usirioro Ī yi codeja camotabitic̄u yu.

## 2

### *Mani Diore senire gaye*

<sup>1</sup> Cajero ado bajiro m̄re rotia yu. Masa jeyarore yiari Diore seni ĩsiña. “Masare ti maiña”, yiroc̄u Diore seniña. Ī masare queno yija ticōri, “Queno ya Dios m̄”, yiya. <sup>2</sup> Gobierno masare yiari Diore seni ĩsiruja manire. Ito yicōri ɷjarā jeyarore Diore seni ĩsiruja manire. Ito bajiro mani yija queno ñe oca mano ñarā yirāji mani. Ito yicōri Diore c̄udi āmorā ñari quenarise riti yirā yirāji mani. <sup>3</sup> Masa jeyarore yiari Diore seniruja manire. Iti ña quenarise. Ito bajiro mani yija, manire ti wanuḡu yiguñi Dios, manire masor̄u. <sup>4</sup> Masa jeyarore maso āmoḡu ĩna ñeñaro yirisere jidicāre āmoami Dios. “Riojo ñasarise ña Dios oca”, masa jeyaro ĩna yire āmoami Dios. <sup>5</sup> Sīḡuti ñami Dios. Ñim̄u ḡaji Ī robo bajigu mami. Sīḡuti ñami manire yiari Diore busi ĩsiḡu. Īti ñami Jesucristo. Ī sīḡuti ñami Dios ñarā mani ñaroca yi masiḡu. <sup>6</sup> Jesús godañi mani ñeñaro yirise waja yi ĩsiroc̄u, mani jeyaroreti. Ito bajiro Ī yijare, “Masa jeyarore maso āmoami Dios”, yi tuoña masirā ña mani. <sup>7</sup> Iti oca yu masare riaso ucutoni yure c̄uñi Dios. Iti Cristo oca ñasarise judio masa mejere c̄uñi yu riasotoni yure c̄uñi Dios. Cristore tuorān̄ujaro yiroc̄u, ĩnare yu riasotoni yure c̄uñi Dios. Cristore tuorān̄uḡu ñari riojo gotia yu. Socabea yu.

<sup>8</sup> Coju r̄uyabeto masa Diore ĩna busire āmoa yu. Diore r̄uc̄buorā āmo ĩna ñumuoja, ĩna ya usiju Diore tuoña r̄uc̄buocōri ĩna yija quena. ĩna ya usiju gājerāre tuoña junisinicōri meje yija quena. <sup>9</sup> Queno tuoñacōri romia ĩna saya s̄añare āmoa yu. “¿No bajirojua yu s̄añaja yure ti seyora yirājida āmua?” yirā mejeti ĩna s̄añaja quena. Jaje ti seyore gaye busabitiruja ĩnare. “¿No bajirojua yu joa quenoja ti seyora yirājida āmua?” yimenati ĩna joa quenoja quena. Yure ti seyojaro yirona, perla wame c̄utirise, oro wame c̄utirise c̄uñi busabitiruja

ĩnare. Yure ti seyojaro yirona meje, saya buto waja cutirise ĩna sãñaja quena. <sup>10</sup> No romia quenarise yirã riti gãjerã ĩna tiro riojo seyorã ñarã yirãji ĩna. Romia Diore tuorãnarã quenarise riti yirã ñari seyorã ñarã yirãji ĩna. <sup>11</sup> Dios oca tuorona mua minijuaja romia busimenati ĩna tuo rujiija quena. Riasori masure ĩna rucubwoja quena. <sup>12</sup> Mua minijuari wi ãmũare romia ĩna riasore ãmobe ya. Mua minijuaja romia busimenati ĩna ñaja quena. Romia ãmũare rotimenati rucubwoja quena. <sup>13</sup> Ado bajiro bajia. Cajero Adán ñayorure rujeoswoyijũ Dios. Ito bero ĩ manojõ Evare rujeoyijũ. <sup>14</sup> Adán meje ñayijũ rãmú ĩ ruorisere tuorãnusũorũ. ĩ manojõjũ ñayijõ rãmãre tuorãnusũoro. Rãmú ĩ ruorise tuorãnũcõri ñeñaro yiyijõ iso. <sup>15</sup> Ito bajiri romia ĩna macũ cutija ĩna tuoĩa bujatobitiroca yami Dios. Ito bajibõjarocati sũgõ Jesucristore tuorãnu jidicãbeco gãjerãre iso ti maija, Dios ãmoro bajiro iso yija, ito yicõri ñeñarise iso ñemecutija isore masogũ yigũji Dios.

### 3

#### *Dios oca riasori masa bajire gaye*

<sup>1</sup> Ado yũ mũare gotiroti, riti ña. No Dios oca riaso ãmorã ito bajiro ĩna yija quena ña. <sup>2</sup> Sũgũ Dios oca riasori masũ ĩ ña ãmoja ñe seti macũ ĩ ñaja quena. Sũgõti ĩ manojõ cuti, ñeñaro yire ñemecuti, queno tuoĩagũ ĩ ñaja quena. Ejarãre boca ãmi tebicũ ĩ ñaja quena. Ito yicõri queno riaso masigũ ĩ ñaja quena. <sup>3</sup> Idire queagũ meje, gãjerã rãca gãmeri tã ãmogũ meje, ito yicõri niyerure tuorãnũgũ meje ĩ ñaja quena. Ado robojũ ĩ bajija quena: Gãjerãre queno yigũ, oca queno masigũ, ito yicõri niyerure tuo maibicũ ĩ ñaja quena. <sup>4</sup> ĩ ñarãre queno goti masigũ, ĩ rĩa queno cũdiroca ĩ yi masigũ ñaja, ito yicõri ĩ rĩa gãjerãre ĩna rucubwoyoca ĩ yija quena. <sup>5</sup> Sũgũ ĩ ñarãre ĩ tirãnu masibeja, Diore rucubwoyã minijuarãre cãni tirãnu masibicũ yigũji ĩ. <sup>6</sup> Gãjerãre Dios oca riaso ñarocũ mame Cristore tuorãnusũogũ meje ĩ ñaja quena. Cristore tuorãnusũogũretĩ mani cũjama, “Yũ sũgũti ña gãjerã rẽtoro masigũ”, yĩ tuoĩagũji iocũ. Ito bajiro ĩ yija ĩ tuoĩa bujatobitiroca yigũ yigũji Dios. Ito bajiro Satanás ĩ tuoĩa bujatobitiroca yiyijũ Dios, “Dios rẽtoro ñasagũ ña yũ”, yĩ ĩ tuoĩare waja. <sup>7</sup> Dios oca riasori masure masa ĩna tuorãnũre ãmobeami Satanás. Ito bajiri gãjerã Jesure tuorãnũmena cãni ĩna rucubwoyũ ĩ ñaja quena. Ito bajiro bajigũ ĩ ñaja gãjerã busitu masimenaji ĩre.

#### *Dios oca riasori masure ejabũari masa bajire gaye*

<sup>8</sup> Dios oca riasori masure ejabũarã cãni ito bajiroti gãjerã ĩna rucubwoyã ñaja quena. “Ado robojũ yiana mani”, ĩna yiro bajiroti ĩna yirã ñaja quena. Idire quearã meje, niyerure tuo mairã meje ñaja quena. <sup>9</sup> Iti rãmũjũ Cristo oca masa ĩna masibitire queno ĩna tuorãnũja quena. Ito bajiro tuorãnũcõri, “Dios ãmoro bajiro mani yijare ĩ tiro riojo ñe seti mana ña mani”, ĩna yija quena. Ito bajiro bajirã ñacõri Dios oca riasori masure ejabũarã ĩna ñaja quena. <sup>10</sup> ĩnare mũ beseroto riojũ, “Ãna ñama queno yirã. Ñe seti ma ĩnare”, mũ yĩ ti masija quena. Queno ĩna yija ticõri, ĩnare besegũ yigũja mũ ĩja. <sup>11</sup> Romia cãni Dios oca riasori masure ejabũarã gãjerã rucubwoyã ĩna ñaja quena. Ñeñarise ñemecutirã oca menimena, idire queamena ĩna ñaja quena. Ito yicõri, “Ado bajirojũ yiana mani”, ĩna yiro bajiroti ĩna yirã ñaja quena. <sup>12</sup> Dios oca riasori masure ejabũarã sũgõretĩ ĩna manojõ cutija quena. ĩna rĩa queno cũdiroca ĩna yija quena. Ito yicõri ĩna ñarãre cãni queno ĩna goti masirã ĩna ñaja quena. <sup>13</sup> ĩna moarise queno ĩna yija gãjerã rucubwoyã yirãji. “Jesure tuorãnarã ña

mani”, yirã ñari oca sëorã yirãji ña. Ito bajiri Jesucristore ña tuorũnare gaye, güimenati gãjerãre gotirã yirãji ña.

### *Gãjerã ña tuo masibiti gaye*

<sup>14</sup> “Yoari mejeti mu tu wacu yiguja yu”, yi tuoïacõri adi papera mure cõa yu. <sup>15</sup> Ito bajibojarocati coji mu tu yu ejabeja, Dios ñarãre ado bajiro mu yi goti masitoni adi papera mure cõa yu. Mani minijuaja Dios catitĩñagũre rãcũbũorona minijua mani. Dios oca ñasarisere rãcũbũorã ñari, “Riojo gotia Dios oca”, yirã ña mani. <sup>16</sup> Ñasarise ña Dios oca gãjerã ña tuorũnũbitibojarocati mani tuorũnosotirise. Ña oca mani tuo masiroca yiñi Dios. Ado bajiro baja: Manire bajiro ruju cãticõri adi sitaju wadiñi Cristo. Espiritu Santo ña rotiro bajiro riti yisotiyju Cristo. Ito bajiri, “Ñeñaro ña yire ma ñe”, masa ña yiroca yiñi Espiritu Santo. Ángel mesa cãni ñe ti rãcũbũoyijarã. Co sita ruyabeto ña ocare riasoyijarã ña. Ito yicõri co sita ruyabeto ñe tuorũnũyijarã coriarã. Ito bajiro bajija bero ñamacũ ñe boca ãmijuju Dios. Itire mani tuo masiroca yiñi Dios.

## 4

### *Jesure tuorũnũ jidicãre gaye*

<sup>1</sup> “Adi macãrcãro iti jedi wari rãmari coriarã Jesucristore tuorũnũrã ñabobarãti ñe tuorũnũ jidicãrã yirãji”, recoti manire gotiami Espiritu Santo. Ado bajiro ñaro yiroja: Cristore tuorũnũ jidicãcõri rãmã ña rãorise riasorãre tuo sũyarã yirãji ña. <sup>2</sup> Ñare riasori masa ado bajiro bajirã ñarã yirãji ña. “Rũorã ya mani”, yi masibobarãti ñare rãorã yirãji ña. “Ñeñaro yirã ña mani”, yi masibobarãti itire tuoïacõri bojori bũjamenaji ña. <sup>3</sup> Manõjo cãtũre gaye rëorã yirãji ña. Coji gaye bare rëorã yirãji ña. Ito bajibojarocati Jesure tuorũnũrã mani baroti bare cũñi Dios. Dios oca ñasarise tuorũnũcõri, “Queno ya Dios mu”, mani yijaro yirocũ barere cũñi Dios. <sup>4</sup> Ado robojua baja: Ñarocõti Dios ña rujeore quenarise ña. Ito bajiri, “Adijua ña bare. Adi ña bare meje”, yi rëobitirujaja manire. Ado bajirojua mani yija quena: Bare bũjacõri, “Queno ya Dios mu”, yigujaja manire. <sup>5</sup> “Bare dise ruyabeto ña mani baroti”, yi gotia Dios oca tuti manire. Ito bajiri, mani baroto riojua “Queno ya Dios mu”, mani ñe yija, “Baya quenarise ña”, yigũ yigũji Dios.

### *Queno Jesucristore moa ñsire gaye*

<sup>6</sup> Iti oca gãjerã Jesucristore tuorũnũrãre mu gotija, queno ñe moa ñsigũ ñagũ yigujaja mu. Dios oca ñasarise mani tuorũnũrisere mu riasoti jidicãbeja buto bũsa Jesucristore tuorũnũ wacu yigujaja mu. <sup>7</sup> Bũcũrã oca ña tuoña rujeorere tuorũnũbesa. Dios ña cũre meje ña iti. Ito bajiri waja ma. Diore queno cãdi ãmogũ ña gayere riasotiya. <sup>8</sup> Mani moaja mani ya ruju sëoroca ya mani. Ito bajibojarocati Dios gaye mani riasotija rëto bũsaro quena iti. Ña gaye riasoticõri mani ñe cãdija adi sita mani ñaroca, ito yicõri ñamacũ ña tu mani ñaroca cãni manire queno yigũ yigũji Dios. <sup>9</sup> Adi mure ya gotirise riti ña. Ito bajiri masa jeyaro ña tuorũnũroti ña adi. <sup>10</sup> “Catitĩñagũ ñami Dios”, yicõri ñe tuorũnũna mani. Masa jeyarore maso masigũ ñami Cristo. No ñe tuorũnũrãre masogũ yigũji. Ito bajiri gãjerã ña manire usirioro yi codebojarocati mani moaroti Dios ña cũre moarujaja manire.

<sup>11</sup> Adi oca yu bũsirise masare riasocõri ñare cãdi rotiya. <sup>12</sup> Mu tu ñarã Jesure tuorũnũrã ña queno yitoni ña tiro riojo quenarise riti yija. Quenarise riti bũsiya. Gãjerãre ti mañã. Cristore queno tuorũnũña. Queno tuoïacõri

quenarise riti yiya. Ito bajiro m̄u yija ticōri, mam̄u m̄u ñabojarocati m̄ure rūc̄ub̄uor̄ā yir̄āji ĩna. <sup>13</sup> Ȳu ejaroto rioj̄ua masa ĩna t̄uoro riojo Dios oca tuti ti gotiya ĩnare. Ito yicōri ĩna oca s̄eoro ca yiroc̄u Dios oca riasoya masare. <sup>14</sup> M̄u queno yi masiroca Dios ĩ m̄ure yire itire jidic̄ābesa m̄u. Ito ȳu ñaroca ĩna ya āmo moa jeocōri, “Adi ña m̄u moaroti Dios ĩ c̄ure”, yic̄ā Jesure t̄uor̄ūn̄uhoana. Ito bajiri m̄u masiroca Dios ĩ m̄ure yire gaye yiya m̄u.

<sup>15</sup> Adi oca ȳu m̄ure gotirise c̄uđiroc̄u t̄uor̄ūn̄uñā. Ito bajiro m̄u yija ticōri, “Dios ocare b̄uto b̄usa c̄uđi masi wac̄u yami ĩ”, yir̄ā yir̄āji ĩna m̄ure. <sup>16</sup> Dise r̄ayabeto m̄u yiroto rioj̄ua queno t̄uoiacōri m̄u yisotija quena. Queno riasoroc̄u queno t̄uoiñā. Dios ocare jidic̄ābesa m̄u. Ito bajiro m̄u yija m̄ure masoḡu yiguj̄i Dios. Ito yicōri m̄u riasorise t̄uor̄ūn̄ur̄are c̄uđi masoḡu yiguj̄i Dios.

## 5

### *Jesure t̄uor̄ūn̄ur̄are ūmat̄ā ñare gaye*

<sup>1</sup> Sīḡu b̄uc̄uḡu ñeñaro ĩ yibojarocati b̄uto s̄eoro yicōri goti quenobesa. Ado bajiroj̄ua m̄u yija quena: Rūc̄ub̄uore r̄āca ĩre goti quenoma. M̄u jac̄ure bajiro ĩre rūc̄ub̄uoba. Mamar̄are m̄u ocabaji mesa bajiroti t̄uoiama. <sup>2</sup> Romia b̄uc̄ur̄are m̄u jacore bajiro rūc̄ub̄uoba. Ito yicōri mamar̄ā romiare c̄uđi m̄u ocabajio mesa bajiroti t̄uoiama. Quenarise riti t̄uoiacōri ĩnare rūc̄ub̄uoba.

<sup>3</sup> Man̄uj̄u godagoanare rūc̄ub̄uoba. ĩna bojoro b̄ujaja ḡajer̄ā Jesure t̄uor̄ūn̄ur̄ā ĩnare ejab̄uaja quena. <sup>4</sup> Ito bajibojarocati sīḡō man̄uj̄u godagoro iso r̄ia ñaja, ito yicōri janer̄ābatia ñaja c̄uđi ĩna isore ejab̄uaja quenaro yiroja. Ito bajiro rotiyij̄u Dios. Mani jac̄usabatia manire ti maicōri ĩna masore waja ĩnare mani ejab̄uaja quena. ĩti ña quenarise, ito yicōri Dios ĩ ti wanurise. <sup>5</sup> Man̄uj̄u godagoro sīḡōti iso ñaja ito yicōri isore ejab̄ur̄ā manija ḡajer̄ā Cristore t̄uor̄ūn̄ur̄ā ejab̄uaja quena. Diore riti t̄uor̄ūn̄ucōri ām̄ua, ñami c̄uđi ĩre seniḡō yigōji iso. Ito bajiri ḡajer̄ā Jesucristore t̄uor̄ūn̄ur̄ā isore ejab̄uaja quena. <sup>6</sup> Man̄uj̄u godagoro iso t̄uoiā wan̄u quenarise riti yigo ñajama, ejab̄uare ma isoōc̄ore. Catigo ñabojagoti godac̄āro bajiro bajiamo iso ñeñaro yigo ñari. <sup>7</sup> Adi ȳu m̄ure rotirise m̄u ta ñar̄ā Jesure t̄uor̄ūn̄ur̄are gotiya. ĩna c̄uđija ticōri, “Ñeñaro yama ĩna”, yi busitu masimenaji ḡajer̄ā. <sup>8</sup> Sīḡū ĩ ñar̄are, ĩ jac̄usabatiare c̄uđi ĩ ejab̄uabeja, “Diore t̄uor̄ūn̄uḡū ña ȳu”, yibojaguti ĩre t̄uor̄ūn̄u jidic̄āru ñami ĩoc̄u. Ḡajer̄āma Diore t̄uor̄ūn̄umena ñabojar̄ati ĩna ñar̄are ejab̄ur̄āji.

<sup>9</sup> Sīḡō man̄uj̄u godagoro Dios oca riasori masure ḡajer̄ā romia r̄āca iso ejab̄ua āmoja sesenta rodori r̄eto busaro iso t̄ujago ñaja quena. Sīḡuti man̄uj̄u cutigoro iso ñaja quena. <sup>10</sup> “Queno yigoro ñamo iso”, masa jeyaro ĩna yigo ñaja quena. Iso r̄iare queno masogoro ñaja quena. Iso ya wi ejar̄are queno boca āmigo iso ñaja quena. Ḡajer̄ā Jesure t̄uor̄ūn̄ur̄are wan̄ure r̄āca iso ejab̄uagoro ñaja, bojoro b̄ujar̄are c̄uđi ejab̄ua, ito yicōri quenarise riti iso yigo ñaja quena.

<sup>11</sup> Dios oca riasori masure ejab̄uarona mamar̄ā b̄usa man̄uj̄u godagoanare c̄ūbesa. Mamar̄ā b̄usa m̄u c̄ūja m̄ucana t̄uđi b̄uto man̄uj̄u cuti āmobjacōri ĩna moaroti Cristo ĩ c̄ūre jidic̄ā āmor̄ā yir̄āji gajea. <sup>12</sup> Ito bajiro ĩna yija, “Dios oca riasori masure ejab̄ua āmosotia ḡua”, ĩna yiro bajiro yi t̄iomenaji ĩna. <sup>13</sup> Gaje m̄ure gotia ȳu. J̄ajar̄ā masa tu ña ucucōri teri jair̄ā ñar̄ā yir̄āji ĩna. ĩti riti meje yir̄ā ñar̄āji ĩnaōna. Oca socari masa c̄uđi ñar̄ā yir̄āji. Ḡajer̄ā ĩna busija t̄uocōri, rocati b̄usi bato āmor̄ā yir̄āji ĩna. ĩna busirotioni meje busir̄ā yir̄āji. <sup>14</sup> Ito bajiri mamar̄ā b̄usa man̄uj̄u godagoana m̄ucana ĩna t̄uđi man̄uj̄u cutire āmoa ȳu. R̄ia cuti, ĩna ya wi tir̄ān̄u, ĩna yi ñare āmoa ȳu. Ito bajiro ĩna bajija

ticōri, gājerā manire busitu āmorā, “Ñeñaro yirā ñama Cristore tuorūnūrā”, yi masimenaji ña manire. <sup>15</sup> Coriarā manūju godagoana Cristore tuorūnū jidicācōri Satanāsūare tuorūnū suyama ña.

<sup>16</sup> Jesure tuorūnūrā ña ñarā wato manūju godagoro iso ñaja ña isore ejabuaja quena. Gājerā Jesure tuorūnūrā ejabuamenaji isore iso ñarā ña ejabuacājare. Manūju godagoana bojoro bñajarāre ito yicōri ñimūja ñare ejabuagu manija ticōri, ñare ejabuārā yirāji gājerā Jesure tuorūnūrā.

<sup>17</sup> Ito mū tū ñarā bñarā queno Jesure masirāre bñto rūcūbñoja quena. Ito yicōri gājerā Jesure masirāre ña queno ūmatā ñaja ticōri, ñare rūcūbñocōri waja yija quena. <sup>18</sup> Ado bajiro gotia Dios oca tuti: “Ta wecū trigo ajere ī wi cūda codaja, ‘Bajaro ī cūni jabeto’, yirona ī ya rise sia biabesa”, yi gotia Dios oca tuti. Gaje ado bajiro gotia: “No moarāti waja bñjarā yirāji”, yi gotia Dios oca tuti.

<sup>19</sup> Jesure tuorūnūrāre ūmatā ñagūre gāji ī oca menija, gājerā ī baba mesa ī robo yirā manija cūdibeja quena. <sup>20</sup> No ñeñaro yisotirāreama gājerā ña tiro riojo oca sēoro yicōri jidicā rotiya. Ito bajiro mū yija ti gūicōri ñeñaro yimenaji ña cūni. <sup>21</sup> Ado bajiro mure rotia yū Dios ī tiro riojo, Jesucristo, ito yicōri āngel mesa cūni ī beseana rāca: Sīgū mū baba ī ñabojarocati ñeñaro ī yija oca sēoro yicōri ñe jidicā rotiya. Masa jeyarore coro bajiro mū rūcūbñoja quena. <sup>22</sup> Dios oca riaso ñarocū mū cū āmoja ūsiribocati mū beseja quena. Queno yigū ī ñaja tirocū ūsiribesa mū maji. Ñeñaro yigūre mū cūjama, “Ñeñaro ī yigū ñabojarocati ñe cūami Timoteo”, yirā yirāji masa mure. Ñeñaro yibe yirocū, ñeñaro yirā rāca baba catibesa mū. Gājerā ñeñaro ña yibojarocati coca ña rāca ñeñaro yibeja mū.

<sup>23</sup> Tñoya Timoteo mū. “Coji meje jeraga juni cōsotigū mū ñajama ide goti idibesa. Hýe ide cūni jabeto idiya”, ya yū mure.

<sup>24</sup> Coriarā ñeñaro ña yirise recoti tia mani. “Masa ña ñeñaro yirise waja Dios ī seniri rūmū ñare waja senigū yigūji”, yi tñoia mani. Gājerāreama ñeñaro yirā ña ñabojarocati recoti ña ñeñaro yija tibeja mani. Ito bajibojarocati masa ña ñeñaro yirise waja Dios ī seniri rūmū, “Ñeñaro yirā ñama ña”, yi ti masirā yirāji masa jeyaro. <sup>25</sup> Coriarā queno ña yirise recoti tia mani. Gājerāma queno ña yibojarocati recoti tibeja mani. Ito bajibojarocati masare Dios ī waja yiri rūmū “Queno yirā ñama ña”, yi masirā yirāji masa jeyaro.

## 6

### *Gājerāre moa ĩsirā bajire gaye*

<sup>1</sup> Jesucristore tuorūnūrā gājerāre moa ĩsirā ñari ña ūjarāre ña rūcūbñoja quena. ña ūjarāre rūcūbñobeja ticōri, “Ñeñaro yirā ñama Jesure tuorūnūrā. Ñe waja ma ña riasorise”, yirā yirāji gājerā. <sup>2</sup> Cristore tuorūnūrāre moa ĩsiri masa ñari ña ūjarāre ña rūcūbñoja quena. “Mani robo bajirāti ñama ña. ñare rūcūbñomena mani”, yibitirāja ñare. Ado bajirojua ña yija quena. ña ūju Jesucristore ī tuorūnūgū ñajare bñto bñsa ña moa ĩsija quena. Jesucristore tuorūnūgū ī ñajare ī ñarā bajiroti ña ñe ti maija quena. Ito bajiri bñto bñsa ña ñe moa ĩsija quena. Adi ito mū tū ñarāre mū riasore āmoa yū.

### *Niyerure tño maire gaye*

Ado bajiro ñare mū cūdi rotire āmoa yū: <sup>3</sup> Mani Hñū Jesucristo oca ñasarise iti ña mani tuorūnū sotirise. Mū tū gāna coriarā manire bajiro tñoīarā meje ñama ña. Ricati tñoīama. Ito bajiro tñoīacōri rñore gaye oca riasoama. <sup>4</sup> Ito



bajiro riasorā ñama, “Gājerā rētoro masirā ña gua”, yirā. Ito bajibojarocati masirā meje ñama ña. Cristo gaye gāmeri b̄si tobua āmosotiamā. Gāmeri oca josamā ña. Ito bajiro ña yija, masa ricati t̄oiaroca yama. Masa ña gāmeri ti tudiroca yama. Masa ña gāmeri b̄situroca yama. Ito yicōri masa ña gāmeri t̄uo r̄uc̄ub̄obitiroca yama. <sup>5</sup> Ñeñarise t̄oiarā ñari masa rāca oca josasotiamā ñaōna. Oca riojo ñasarise masirā meje ñama ña. “Dios oca masare mani riasoja niyeru jairo b̄jarā yirāji mani”, yi t̄oiama ña. Ito bajiro yirā rāca baba c̄utibesa. <sup>6</sup> Jesucristore mani t̄or̄ūn̄arise b̄to ñasarise ña. Jairo r̄comena ñabobarāti Cristore t̄or̄ūn̄acōri mani wan̄aja gajeoni jairā robo bajiro bajia mani. <sup>7</sup> Adi sita mani rujeaja ñe r̄comenati rujeayija mani. Ito bajiroti mani godaja c̄uni ñe āmi wamenaji mani. <sup>8</sup> Mani bare c̄uti, yutabuju c̄uti, mani yijama, “Ñeñua r̄yabea”, yi t̄oiacōa mani. Ito bajiri wan̄a quena mani. <sup>9</sup> Gājerāma niyeru jairo b̄jarona ñeñarise ñemec̄uti masibeama ña. “Ado bajiro ñeñaro yic̄aja yu”, yi t̄oiabitibojarāti ñeñaro yis̄oama ña. Ito bajiri ñeñaro yis̄ocōri rocati quenabiti yi ūya āmorāji ña. Ñeñaro yi ūyacōri itire jidicā masimenaji ña. Ito bajiri jeame ūjoroju warā yirāji. <sup>10</sup> Niyerure riti t̄uo mairā ñeñaro yirā yirāji itire b̄jarona. Niyerure mani t̄uo maija dise r̄yabeto ñeñarise yis̄orā yirāji mani. Coriarā ñama b̄to niyerure b̄ja āmocōri Jesucristore t̄or̄ūn̄u jidicārā. Ito bajiro yicōri ña ya ūsij̄u bojori b̄jama ña.

### *Timoteore Pablo ĩ rotire gaye*

<sup>11</sup> Ito bajiro ña yibojarocati ña robo yibesa muāma. Dios yagu ñari quenarise riti b̄to yiya mu. Diore riti r̄uc̄ub̄ooya. Ito yicōri ĩre riti t̄or̄ūn̄uñā. Gājerāre t̄uo maiña. T̄oiā b̄jatobitibojaguti Cristore t̄or̄ūn̄u jidicābesa. Gājerāre r̄uc̄ub̄ocōri ĩnare quenoti yiya. <sup>12</sup> Ñeñaro yijaro yiroc̄u, r̄m̄ú ĩ mure ūsirioro yibojarocati Jesucristore t̄or̄ūn̄acōri quenarise riti yiya. Ito bajiro mu yija ticōri, mure yaja yigu mu catit̄ñaroca yigu yiguji Dios. Dios oca riasori masu mare ĩ c̄uri ramu gua jājarā t̄oro riojo, “Cristore t̄or̄ūn̄ugā ñari quenarise riti yi āmoa yu”, yicu mu. <sup>13</sup> Dios dise r̄yabeto iti ñasotiroca yigu mare yu rotirise t̄ogūji ĩ. Jesucristo mani Ūju c̄uni yu mare rotirise t̄ogūji ĩ. ĩñami ḡuibic̄uti Poncio Pilato wame c̄utigu ĩ tiro riojo, “Dios ĩ cōaru ña yu”, yigu. Ado bajiro mare rotia yu: <sup>14</sup> Yu mare rotirise ñarocōti c̄adiya. “Ñeñaro yami ĩ”, gājerā mare yi b̄sitube yiroc̄u, yu rotirise ñarocōti c̄adiya. Ito bajiro yisotiba mani Ūju Jesucristo ĩ ejarocōjuti. <sup>15</sup> Dios ĩ āmori ramuti t̄adi ejaḡu yiguji Cristo. Rētoro r̄uc̄ub̄oogu ñami Dios. Rētoro masigū ñami ĩ. Ñimu gāji ĩ robo bajigu ūju mami. Ñimu gāji ĩ robo r̄uc̄ub̄oogu mami. <sup>16</sup> ĩ siḡuti ñami godabicu. B̄to busuroju masa ña ejabetoju ñasotiami ĩ. Siḡu ĩre tigoru maquji. Ito yicōri siḡu ĩre tibicu yiguji. ĩre r̄uc̄ub̄otit̄ñaruja manire. Ñimu gāji ĩ robo rētoro masigū mami. Ito bajiro riti bajit̄ñajaro ijariju c̄uni.

<sup>17</sup> Adi sita gaye gajeoni jairo r̄corāre, “ ‘Gājerā rētoro ñasarā ña gua’, yibesa”, yiya ñare. “ ‘Jaje niyeru r̄coa yu. Ito bajiri ñe r̄etabetoja yure’, yi t̄oiabesa mu”, yiya ñare. Yoari mejeti jedirise ña niyeru. Dios catit̄ñaḡure t̄or̄ūn̄acōri, “Īti ñami manire tir̄ūn̄ugū”, yir̄uja ñare. Mani queno wan̄a quena ñatoni manire queno yigu yiguji Dios. <sup>18</sup> Gajeoni jairāre, “Quenariseja yiya mu”, yi rotiya ñare. Gajeoni b̄ja āmore r̄eto busaro quenarise ña queno yire. ña ya niyerure t̄uo maimenati gājerāre ejab̄arona ña ĩsija quena. <sup>19</sup> Ito bajiro ña yija ticōri, masare Dios ĩ waja yiri ramu ñare queno waja yigu yiguji ĩ. Jogabiti gaye ñare ĩsiḡu yiguji ĩ. Ito yicōri ña catit̄ñaroca yigu yiguji.

*Timoteore Pablo ĩ rotisusare gaye*

<sup>20</sup> Tuoŷa Timoteo m. Ĩ oca riasojaro yiroc, mre cũĩ Dios. Ito bajiri ĩ mre cũrũ ĩari queno riasoya. Rocati masa ĩna tuoĩa rujeorere tuorũnabesa. Ñe waja ma iti. Ito bajiro busirã rãca gãmeri tuoĩa busibesa. “Buto masire gaye riasorã ya gũ”, yirãre tuorũnabesa. Ito bajiro yibojarãti oca ĩasarise meje riasoama ĩna. <sup>21</sup> “Buto masire gaye riasoa gũ”, yirãre tuo sũyama coriarã. Ito bajiri ĩnajuare tuo sũyacõri Diore tuorũnabeama ĩna.

Dios queno yisotijaro mre. Itocõ ña.

## Segunda carta de San Pablo a Timoteo

### *Timoteore Pablo ï papera cõare gaye*

<sup>1-2</sup> Ñati yu baba Timoteo mu. “Quenajaro”, ya yu mare. Yu ña Pablo. Adi papera mare cõa yu. Jesucristo ï cõru ña yu. Jane mejeju ado bajiro yicãiyju Dios: “No yu Macure tuorãnrãreti ña catitĩñaroca yigu yiguja yu”, yicãiyju Dios. Iti oca yu riaso ucutoni yure cõni Dios, ï ãmoro bajiroti. Tuoya Timoteo mu. Mare buto tuo maicõri yu macure bajiro mare tuoia yu. Mani Jacu Diore mare yiari seni ïsisotia yu. “Ï queno ñaroca yiya. Ïre ti maiña ito yicõri ñe oca manoti ï ñaroca yiya”, yi Diore seni ïsisotia yu mare yiari. Ito bajiroti mani Uju Jesucristore cani seni ïsisotia yu mare yiari.

### *Masare Cristo oca goti batoya, Pablo ïyire gaye*

<sup>3</sup> Yu ñicõsabatia Diore ña rucõbuoado bajiroti rucõbuo yu cani. “Yu ñeñaro yirisere coe jeoñi Dios”, yi tuoia cõri ï tiro riojo queno ïre moa ïsia yu. Umuña ñami cani mare yiari Diore seni ïsisotia yu. Mare tuoia bujacõri, “Queno ya Dios mu”, yisotia yu ïre. <sup>4</sup> Yu wacati rumu mu oticati masia yu. Mucana mare buto ti ãmoa yu queno wanu quenarocu. <sup>5</sup> “Cristore queno tuorãnugũ ñami Timoteo”, yi tuoia yu mare. Mu ñico Loida, mu jaco Eunice cani mu riojuaju ito bajiro Cristore tuorãnyijarã ña. “Mu cani ito bajiroti Cristore tuorãnugũ ñaguja mu”, yi tuoia yu mare.

<sup>6</sup> Ito bajiri yu ãmo mare moa jeocati rumu mucana mu tãdi tuoïare ãmoa yu. Ito bajiro yu yicati rumu Diore mu moa ïsi masiroca yiñi ï. Itire ãcabojabesa. Wanucõri queno busa ïre mu moa ïsire ãmoa yu. <sup>7</sup> Mani ya usiju mani tuoia güi ñatoni meje yiñi Dios. Ado bajiroju yu yiñi. Mani tuoia oca seoroca yiñi ï. Espiritu Santo manire queo sacõri queno mani ïre moa ïsiroca yiñi. Gãjerãre mani ti mairoca yiñi. Ito yicõri ñeñarise mani ñemecuti masiroca yiñi Dios.

<sup>8</sup> Mani Uju Jesucristore busi ejabuagu, “Masare masogũ ñami ï. Ïre riti tuorãnu yu”, yibojobesa. Masare Jesucristo oca yu riasore waja ado tubia ecoru ña yu. Ito bajiro yu bajibojarocati, “Pablo ñami yu baba”, yibojobesa. “Pablo ï tuoia bujatobituro bajiro bujagu yiguja yu cani”, yi tuoia güibesa. Jesucristo oca quenarise mu masare riasobojarocati co rumu mu tuoia bujatobitiroca yirã yirãji gãjerã. Ito bajiro ña yibojarocati mu ñemecuti masitoni mare ejabuagu yiguñi Dios. <sup>9</sup> Manire masoñi Dios. Ï ñarã queno yirã mani ñatoni manire beseñi ï. Mani queno yirise ticõri meje manire masoñi Dios. Ñeñaro yirã mani ñabojarocati manire masoñi ï. Manire ti maicõri ï ãmoro bajiroti manire masoñi Dios. Adi macãrucãro ï rujeoroto rioju manire masi yucõri manire ti maiyju Dios. “Yu Macu Jesucristo ï godarotina suoriti ñare masogũ yiguja yu”, yi tuoia yucãiyju Dios. <sup>10</sup> Adi sitaju wadicõri mani Uju Jesucristo ï manire goda ïsirena suoriti, “Manire ti maiami Dios”, yi tuoia masia mani, adi rumari ïja. Godabojaguti tãdi Jesucristo catijare, ïja mani godarotire güibea mani. “Cristo oca quenarise mani tuorãnuja mani catitĩñaroca yigu yiguñi”, mani yi masiroca yami ï.

<sup>11</sup> Iti oca yu masare goti rãbutoni yure cõni Dios. Judio masare meje Cristo oca yu riaso ucutoni yure cõni ï. <sup>12</sup> Iti oca yu riasore waja ado tuoia bujatobiti ña yu. Yu tuorãnugãre ïre queno masia yu. Ito bajiri ado tubia ecobojaguti bojori bujabea yu. Yure tirãnugã yiguñi ï. Ito yicõri, “Masa ñeñaro yirise waja ï seniri rumu yure masogũ yiguñi”, yi masia yu.

<sup>13</sup> Oca ñasarise muare riasoca yu. Iti oca yu muare riasocati riaso jidicãbesa masare. Jesucristore tuorũnu jidicãbesa. Jesucristo ñarã ñacõri ñre tuo mairuja manire. Ito bajiroti gãjerã ñre tuorũnũrãre cuni mani maija quena. <sup>14</sup> Ñ oca masare mu riasotoni mure cũñi Dios. Mani ya usiju quedi sãjaru Espiritu Santo ñ ejabuarisena masare riasoya.

<sup>15</sup> “Asia sita gãna Pablore jidicãñi ñna”, yi masigũja mu. Ñna wato ñama yure jidicãrã Figelo ito yicõri Hermógenes. <sup>16</sup> Yure ñna jidicãbojarocati Onesiforo wame cutigũama yure ejabuaquũ. Ito yicõri yu oca seõroca yiquũ ñ. Tubiara wi yu ñabobarocati “Ñre ti ãmoba yu”, yibitiquũ yure. Ito bajiri ñre mani Uju Dios queno ñ yire ãmoa yu. Ñ ñarãre cuni ito bajiroti Dios ñ yire ãmoa yu. <sup>17</sup> Ado Roma wame cutiri cuto ejacõri yure bujaroca ãma jidicãbis ñ. <sup>18</sup> “Ado Efesoju Pablo ñ ñaroca queno ejabuaquũ Onesiforo”, yi masigũja mu. Yure ñ queno yire waja ñre queno yijaro mani Uju. Masa ñna ñeñaro yirise waja ñ seniri rumu ñre ti maijaro Dios.

## 2

### *Ñemecũtiya Timoteo mu, Pablo ñ yire gaye*

<sup>1</sup> Tuoya yu macu Timoteo mu. Manire ti maicõri ñ ñarã mani ñaroca yiñi Jesucristo. Ito bajiri itire tuoñacõri oca seõña mu. <sup>2</sup> Jãjarã masare oca yu riasoroca tuogocacu ñacu mu. Ito bajiri yu mure riasogocati Jesure masirãre riasoya, gãjerãre ñna riaso masitoni. Ito bajiro mu yija gãjerãre Cristo oca ñasarise riasorã yirãji ñna cuni.

<sup>3</sup> Jesucristore queno tuorũnũgũ ña mu. Ito bajiri tuoña bujatobitibojaguti surara masu bajiro ñemecũtiya mu. <sup>4</sup> Ñna uju rotirise riti tuorũnũrãji surara. Gãjerã ñna yisotiriseama tuorũnũmenaji ñna. Ñna uju rotirise riti cudi ãmorãji ñna. <sup>5</sup> Ito bajiroti no ajere gaye rãtocũ ãmogũ, ajere ujarã ñna rotiro bajiro ñ cudiya quena. Itire ñ cudiyeja ñ ajere waja bujabiquũji ñ. <sup>6</sup> Ito bajiroti no weseca moagũ ñ moare waja cajero iti wese rica bujagu yiguũji ñ. Gãjerã riojua bujasogũ yiguũji ñ. Ito bajiroti bajija quena. <sup>7</sup> Iti oca mure yu gotirise queno tuoña. Itire mu queno tuoña mu tuoña masiroca yigu yiguũji mani Uju.

<sup>8</sup> Jesucristo ñ ñare gaye tuoñate mu. Uju ñayoru David wame cutigu janerãbatia janami ñayiju ñ. Ñre ñna siabobarocati ñ tũdi catiroca yiyiju Dios. Iti ñna oca quenarise. Ito yicõri iti ñna masare yu oca goti rãtobure. <sup>9</sup> Iti oca masare yu riasore waja ado tubiara wiju tuoña bujatobiti ñna yu. Ñeñaro yigure bajiro come mana yure siacã ñna. Come mana yure ñna siabobarocati Dios ocareama camota masimenaji ñna. <sup>10</sup> Ito bajiri ado robojua baja. Dise ruyabeto yu tuoña bujatobitiroca ñna yibobarocati ñemecũtigu yigũja yu. Dios ñ beseana Jesucristore ñna tuorũnũre ãmoa yu. Ñre ñna tuorũnũja ñnare masogũ yiguũji. Ito bajiri ñ rãca ñmacũju catitĩñarã yirãji ñna. Itire tuoñacõri yu tuoña bujatobitiroca masa ñna yibobarocati itire ñemecũtigu yigũja yu.

<sup>11</sup> Oca riojo ñasarise ado bajiro gotia:

Cristore tuorũnũrã ñnari mani godaja ñ rãca catitĩñarã yirãji mani.

<sup>12</sup> Tuoña bujatobitibojarãti mani ñemecũtija, co rumu ñ rãca rotirã yirãji mani cuni. “Masibe yu Jesure”, mani yija co rumu, “Masibe yu mure”, yigu yiguũji ñ cuni manire.

<sup>13</sup> “Ado bajiro yiana mani”, mani yiro robo yi jeobitibobarocati ñjua, “Ado robo yicũja yu”, ñ yiado bajiroti yi jeogu yiguũji. Riojo gotisotigu ñnari ñore oca goti masibeami ñ.

*Queno Diore moa İsiİa, Pablo İ yire gaye*

<sup>14</sup> Mure yu gotirise ito gāna mucana tūdi İna tuoİaroca yiya. Ado bajiro İnare mu gotire āmoa yu: “Biyaro muu oca josarise jidicātoni yure cūni Dios. Ito bajiri ņasabitire muu tuoİa jidicāja quena. ņasabiti muu tuoİa busija, ņe waja ma iti. Ito bajiro muu busija tuocōri, tuo wisarā yirāji muare tuo coderā cani”, yiya ito gānare. <sup>15</sup> Dios İ mure ti wanutoni yiro robo queno İre moa İsiİa Timoteo mu. Ito bajiro mu yija ticōri, queno mure wanugū yiguİji Dios. İ ocare queno riasotiya, masare queno mu goti rēto bu masitoni. “Diore queno moa İsia yu”, mu yi masija İ tiro riojo bojobicu yiguİja mu. <sup>16</sup> Adi sita gaye riti tuoİacōri ruore oca riasorā rāca tuoİa busibesa. Ito bajiro masare riasocōri buto busa İna ņeİaro yi waroca yirā yirāji İna. <sup>17</sup> Ruore oca riasorā İna ruorise cami jogare robo bajiro bajia. İna ruorise cami joga waro bajiro baji waju iti. Gājerāre İna tuoİa wisaroca ya iti. Jāarā ruore oca riasorā ado bajiro wame cutirā ņama, Himeneo, ito yicōri Fileto. <sup>18</sup> Oca riojo ņasarisejua jidicācōri ruore ocajua riasoama İna. “Godarāre mucana tūdi catiroca Dios İ yiri ramu rētaoaju”, yi riasoama İna. Ito bajiro İna riasoja tuocōri, coriarā Jesucristore tuorūnarā tuoİa wisama İna. <sup>19</sup> Ito bajiro İna riasobojarocati Dios ocama ņeİabetoja iti. İ oca ito bajiro ņatİİaro yiroja. İ oca ado bajiro gotia: “İ ņarāre ti masiami mani Ŭju”, yi gotia Dios oca. Gaje ado bajiro gotia iti: “No, Jesucristore tuorūnarā ņa gua’, yirā, İna ņeİaro yirisere jidicāja quena”, yi gotia Dios oca.

<sup>20</sup> Queno tuoja, goti masiore ocana mure gotigu ya yu. Wi jajo wiju somotērori jaje ņaro yiroja. Quenari tērori ņaro yiroja. Oro wame cutirisena ito yicōri plata wame cutirisena İna menire ņaro yiroja iti somotērori. Somotērori gaje buto quenarise meje ņaro yiroja. Yucana, ririna İna menire ņaroja gaje. İti wi yju ņasari morasi İna ejaja ticōri, somotērori quenarisena bare jeogu yiguİji İnare. İti tērorire wanugū queno codegu yiguİji İ. Gaje somotērorireama quenasabitire co ramu ruayabeto bare jeo bagu yiguİji. <sup>21</sup> No ņasarise Diore moa İsi āmogū ņarocōti ņeİaro İ yirise jidicāja quena. ņeİarise jidicācōri Diore riti İ rācubuoja quena. No ito bajiro yiguti quenarise Diore moa İsigū ņa yucāgū yiguİji.

<sup>22</sup> Mamu ņabojaguti gājerā mamarā İna ņeİaro yi uyarisere ti cūbesa muāma. Quenarisejua riti yisotiya mu. Diore riti tuorūnu ņasotiya. Gājerāre ti maicōri queno ņe oca manoti, ņaİa mu. İna ņeİaro yirise jidicānaju Cristore riti tuorūnarā rācajua baba cutiya. <sup>23</sup> ņeİaro tuoİa busirā rāca baba cutibesa. İna tuoİa busirise rocati gaye ņacōri ņe waja ma. “Masa İna oca josaroca yama İna”, yi masigūja mu İnare. Mure İna seniİa josabojarocati İnare tuorūnubesa. <sup>24</sup> No mani Ŭjare moa İsi āmogūti oca josagu meje İ ņaja quena. Ado robojuu İ bajija quena: Masa jeyarore queno yigu ņaja quena. Queno riasogu ņaja quena. İre bajiro İna tuoİabitibojarocati usirioro İnare yi codebicu İ ņaja quena. <sup>25</sup> Dios oca ti tudirāre quenoti İ goti quenoja quena. Ito bajiro İnare İ gotija İna ņeİaro yirise jidicāroca yigu yiguİji Dios gajea. Ito bajiri Dios oca ņasarise tuorā yirāji gajea. <sup>26</sup> Oca ņasarise tuorūnucōri quenarisere tuoİarā yirāji İna. İna ņeİaro ņisarisejua jidicācōri rāmūa ujure rētocūrā yirāji İna. Rāmūa ujure cudigoana ņabojarāti İre rētocūrā yirāji.

### 3

*Adi macārucāro iti jedi wariju gaye*

1 “Adi macārucāro iti jedi wariju buto josari rumari ñaro yiroja”, mu yi masire āmoa yu. 2 Ado bajiro bajiro yiroja. Īna ya rujare maicōri ĩna ya gajeonire cuni tuo mairā ñarā yirāji adi sita gāna. Ito bajiroti ĩna ya niyerure cuni tuo mairā yirāji. “Gājerā rētoro ñasarā ña gua. Ñejuā ruyabea guare”, yi tuoīarā yirāji masa. Gājerāre busiturā yirāji. ĩna jacusabatiare cudimena yirāji. ĩnare queno gājerā yibojarocati, “Queno ya mua”, yimenaji ĩna. Ñeñaro yirā ñari Dios ocare cuni rūcubomona yirāji ĩna. 3 Gājerāre ti maibiticōri ĩnare ñeñaro yirā yirāji ĩna. Gāmeri ti tudirā yirāji. Oca tuo gotiri masa ñarā yirāji ĩna. ĩna ñeñaro yi āmorise ñemecutimenaji. Gājerāre ñeñaro yi coderā yirāji. Queno yirāre ti tudirā yirāji. 4 “Mu babaguti ñagū yigūja yu”, yi ruocōri, oca menirā yirāji ĩna. ĩna āmoro bajiroti ñeñaro yirā yirāji ĩna. “Gājerā rētoro ñasarāguti ña gua”, yirā yirāji ĩna. Dios ĩ āmorisejuā yiro ōno yirā ĩna yi āmorisejuā yirā yirāji ĩna. 5 “Dios ocare rūcuborā ña gua”, yirā yirāji ĩna. Ito bajibojarocati, “Dios sīgūti ñami rētoro masigū”, yi rūcubomenaji ĩna.

Ito bajiro yirā rāca baba cutibesa. 6 Romia queno tuoāmenare, “Dios oca muare goti rētobuana gua”, yama ĩna coriarā. “Bujato baja ñeñaro yirā romia ña gua”, yibojarāti ñeñaro ĩna yirise jidicā masimena romiare āmarā yirāji ruori masa. Ito bajiro bajirā romiare ruorona āmarā yirāji ĩna. 7 Dise ruyabeto gājerā ĩna riasobojarisere tuorānu āmoama romia ĩnaōna. Ito bajiro yicōri Dios oca ñasarisere tuo masibeama ĩna. 8 Jane mejeju Janes wame cutigu ito yicōri Jambres wame cutigu cuni Moisés ñayorare ti tudicōri ĩre cudi āmobisjarā ĩna. Ito bajiro bajirā ñama ruori masa. Dios oca riojo ñasarisere ti tudiamā ĩna. Ñeñarise riti tuoīama ĩna. “Diore tuorānurā ña gua”, yibojarāti ĩre tuorānurā meje ñama ĩna. 9 Ito bajiro ĩna bajijare, “Rocati ruore oca riasoama ĩna”, yi masirāji masa jeyaro. Jane mejeju Janes ito yicōri Jambres cuni ĩna ruore ti masiado bajiroti adi rumari ruorāre cuni ti masirā yirāji masa.

### *Timoteore Pablo ĩ rotire gaye*

10 ĩna robo bajigu meje ña Timoteo muāma. Masare yu riasorise gaye queno masia mu. “Ito bajiro ñasotigu ñami Pablo”, yure yi masia mu. “Jesucristore tuorānugū ñari ĩ āmorise riti yi āmoami Pablo”, yi masigūja mu yure. “Masare usirioro yigu meje, ĩnare ti maigū ñami Pablo”, yure yigūja mu. “Tuoīa bujatobitibojaguti Dios oca masare riaso jidicābisī Pablo”, yure yi masigūja mu. 11 Cristo oca yu riasojare masa ĩna yure usirioro yi codeja ticu mu. Yu tuoīa bujatobitija ticu mu. Antioquā, Iconio ito yicōri Lистра wame cutiri cutoju cuni yure rētare ñarocōti masigūja mu. Iti catoriju yu tuoīa bujatobitiroca masa ĩna yure yire masigūja mu. Ito bajiro ĩna yibojarocati mani ĩju yure codeñi ĩ. 12 No Jesucristore tuorānurā queno yi āmorāre usirioro yi coderā yirāji gājerā. 13 Ñeñaro yirā ito yicōri ruo jairā cuni buto busa ñeñaro yi warā yirāji. Ruore oca gotisitirā yirāji. Gājerā cuni ito bajiroti ruorā yirāji ĩna ruorā ñajare.

14 ĩna bajiro yibesa muāma. Dios oca mu riasotire tuorānu jidicābesa. “Yure riasogoana oca riojo ñasarise riasocā ĩna”, yi masigūja mu. 15 Dios oca tutire macuacā ñagūju riasotisuyija mu. Dios oca riasotigu ñari, “No Jesucristore tuorānugūti, ĩre masogū yiguji Dios”, yi masigūja mu. 16 Dios oca tuti ucagoana ĩna tuoīa rujeore meje ucayjarā ĩna. ĩna tuoīariseju Dios ĩ gotire riti ucayjarā. ĩ oca tuti ña mani riasotiroti. Itire riasoticōri oca riojo ñasarise masia mani. Itire riasoticōri, “Ñeñaro yigu ña yu cuni”, yi masia mani. “Yu ñeñaro yirise jidicācōri, queno ñagū yigūja yu”, yi masia mani. ĩ ocare riasoticōri Dios ĩ āmorise quenarise moa masia mani. 17 “Ado bajiro

Diore mani moa İsjia quena”, mani yi masire āmoami Dios. Gājerāre quenarise yirona mani űa yucāre āmoami Dios. Ito bajiri ĩ āmorise mani yi masitoni ĩ oca tuti manire cūñi ĩ.

## 4

### *Timoteore Pablo rotisusare gaye*

<sup>1</sup> Tűoya Timoteo mű. Yű műre rotirise tűoami Dios. Cristo masa jeyarore ti beseroca cűni yű műre rotirise tűoami. Jesucristo ĩ tűdi ejari rűmű catirāre, godanare cűni ti besegu yiguűji. Ñeñaro yigoana tűoĭa bujatomena yirāji ĩna. Jesucristore tűorűnűrāma ĩ rotiroju ĩ rāca ñatĭñarā yirāji mani. Itire masigűja mű. Ito bajiri ado bajiro műre rotia yű. <sup>2</sup> Dios oca masare riaso ñasotiya. Masa ĩna tűo āmoja, ĩna tűo āmobeja cűni oca ñasarise riaso jidicābesa. “Ñeñaro yirā űa gűa”, masa ĩna yi masitoni ĩnare riasoya. ĩna ñeñaro yirise jidicā āmomenare goti quenoña. Dios oca masare riasocōri ĩna oca sēoroca yiya. Coji Dios ocare ĩna tűo masibitibojarocati ĩnare junisinibesa mű. űsiribicuti ĩnare Dios oca riasosotiya. <sup>3</sup> Oca riojo ñasarisere ti tecōri itire masa ĩna tűo āmōbiti rűmű ejaro yiroja co rűmű. ĩna ñeñaro yi āmorise riti yirā yirāji ĩna. Ito bajiri ĩna tűo āmorise riasorāre riti āmarā yirāji ĩna. Oca riojo ñasarise riasorājuare tűo āmomenaji ĩna. <sup>4</sup> Oca riojo ñasarisere jidicārā yirāji ĩna. Masa ĩna rűo gotirisereama tűorűnűrā yirāji ĩna. <sup>5</sup> Műāma ĩna bajiro yibeja mű. Queno tűoĭarise jidicābesa mű. Tűoĭa bujatobitibojaguti ñemecutiya mű. Cristo oca tűoĭamenare riaso ucuya mű. Mű moaroti Dios ĩ cűre ñaro bajiroti yiya.

<sup>6</sup> Yűre ĩna sĭaroti rűmű jabeto rűya. Jesucristo oca masare yű riasojare yűre sĭarā yirāji ĩna. Ito bajiri yoari mejeti Dios tű wacu yiguja yű. <sup>7</sup> “ĩna ñeñaro yirise jidicājaro”, yirocu Cristo oca masare riaso josacu yű. Jeyaro moare yűre Dios ĩ cűre ĩto bajiroti jeyo ű. Diore tűorűnű jidicābiticu yű. <sup>8</sup> Ito bajiri ĩre yű tűorűnű jidicābitire waja yűre queno yigu yiguűji Dios. Queno yigoana ĩna jesari bedo bujagu yiguja yű cűni. Masare ĩ ti beseri rűmű yűre waja yigu yiguűji ĩ. Masa ĩna yigoado bajiroti ĩnare ti besegu yiguűji ĩ. Yűre riti meje waja yigu yiguűji ĩ. No Jesucristore tűo maicōri ĩ tűdi ejari rűmű bocatirāre cűni queno waja yigu yiguűji ĩ.

### *Timoteore Pablo ĩ ti āmore gaye*

<sup>9</sup> Tűoya Timoteo mű. Yoari mejeti yűre tigu waya. Sejabesa mű. <sup>10</sup> Yű rāca ñabojagu yűre jidicāquĭ Demas wame cutigu. Dios gaye rētoro adi sita gayejuare āmoquĭ ĩ. Ito bajiri yűre jidicācōri Tesalōnica wame cutiri cutoju waquĭ ĩ. Galacia sita gānare Dios oca riasogu waquĭ Crescenteama. Ito yicōri Dalmacia sita gānare riasogu waquĭ Tito cűni. <sup>11</sup> Lucas sĭgűti ñami yű rāca. Ito bajiri Marcosre āmacōri ĩre āmi waya. Yű moarise yűre ejabűa masiguűji ĩ. <sup>12</sup> Tiquico wame cutigure Efeso cutoju cōacu yű. <sup>13</sup> Wadigu joe sĭñado yű yaro āmi wadiba. Troas gagű Carpo wame cutigu ya wĭjű cűcu yű. Āmi wadi İsiña yűre. Papera tutiri cűni āmi wadiba. Yű ya papera tunare mű āmi wadisacōre āmoa yű.

<sup>14</sup> Alejandro come moari masű jaje ñeñaro yiquĭ yűre. Yűre ĩ ñeñaro yiadocōti ĩre waja senigű yiguűji mani űju. <sup>15</sup> Roya ĩre, műre cűni ñeñaro yigu yiguűji gajea. Oca ñasarise mani riasorisere buto ti teami ĩ.

<sup>16</sup> Oca quenorani masa tiro riojo, “Ñe seti ma yűre”, yű yi ejasűocati rűmű sĭgű yűre busĭ ejabűagu maniquĭ. Yű rāca ñabojarā yűre jidicācā. Ito bajiro yűre ĩna ñeñaro yibojarocati, “ĩnare waja senibitijaro Dios”, yi tűoĭa yű. <sup>17</sup> Yű baba mesama ĩna yűre jidicābojarocati mani űjuama yűre jidicābisĭ. Yű oca sēoroca

yíni. Ito bajiro yare ì yijare judio masa meje ñarãre oca riojo ñasarise goti rētoḅu jeocu yu. Yare ìna sĩa ãmobjarocati camotañi Dios. <sup>18</sup> Ûmacũju Dios ì rotiroju yu ejare ãmoami ì. Ito bajiri ñeñarise yu yibe yirocu yare ejabuagu yiguĩji ì. Ito yicõri yare masa ñeñaro yi ãmobjarocati yare codegu yiguĩji ì. Ìre rãcũḅotĩñaraja manire, “Rētoro masigũ ñami”, yirã. Ito bajiro riti ñatĩñajaro.

*Quenajaro masa, Pablo ì yi ñucare gaye*

<sup>19</sup> Quenajaro Aquila ì manjo Priscila cuni. Quenajaro Onesíforo ñarã cuni. <sup>20</sup> Mani yagu Erasto Corinto cutoju tujacoami. Mileto wame cõtiri cutoju mani yagu Trófimore cũcu yu, ì cõja ticõri. <sup>21</sup> “Jueḅucu riojua busa ì tu ejacuja”, yirocu ejori ḅusa waya. Eubulo, Pudente, Lino ito yicõri Claudia cuni, “Quenajaro”, yi ñucama mure. Ado gãna mani ñarã Jesucristore tuorãñarã cuni, “Quenajaro”, yi ñucama.

<sup>22</sup> Mu rãca ñatĩñajaro Jesucristo. Mu ya usiju oca sēoroca yijaro ì. Mu rãca ñarã ñarocõreti queno yijaro Dios. Itocõ ña.



## La carta de San Pablo a Tito

### *Titore Pablo ĩ papera cõare gaye*

<sup>1</sup> Ñati Tito m̃u. Ỹu ña Pablo. Adi m̃ure papera cõa ỹu. Diore moa ĩsiri mas̃u ña ỹu. Ito yicõri Jesucristo oca riaso ucufoni ĩ c̃uru ña ỹu. Ito bajiri Dios ñarã ĩ beseanare riasog̃u ya ỹu, Jesure b̃uto b̃usa t̃uor̃uñaja wajaro, yiroc̃u. “Iti ña oca riojo ñasarise”, mani yi t̃uo r̃uc̃ub̃uorise masare ỹu riasotoni ỹure c̃ũni Dios. <sup>2</sup> Ito bajiri “Diore mani t̃uor̃uñaja, catit̃ĩñarã yirãji mani”, masa ña yi t̃uoĭa wañu yutoni ĩnare Dios oca riasoa ỹu. Jane mejeju adi mac̃aruc̃uro ĩ rujeoroto rioj̃ua ado bajiro yicãiỹu Dios: “No ỹure t̃uor̃uñarãti catit̃ĩñarã yirãji”, yicãiỹu Dios, socabic̃u ñari. <sup>3</sup> Adi r̃um̃uri ĩja ĩ oca masare ĩna masiroca yi ãmoguĭji Dios. Ito bajiri ĩ oca masare riaso ucu rotĩni Dios ỹure. ĩti ñami jeame ãjuroju mani wabore ñaroca manire masor̃u. <sup>4</sup> T̃uoya Tito m̃u. “Ỹu mac̃u robo bajig̃u ñami”, yi t̃uoĭa ỹu m̃ure. “Ỹu riasocatina s̃uoriti Jesure t̃uor̃uñami Tito”, yi tic̃u ỹu m̃ure. Ito bajiri, “mac̃u”, ya ỹu m̃ure, adi papera cõag̃u. S̃ig̃ure bajiro t̃uoĭarã ña mani ĩja. Mani Jac̃u Diore, ito yicõri Jesucristo manire masor̃ure c̃uni senia ỹu, m̃ure ĩna queno yitoni. Ñe oca manoti m̃u ya us̃iju queno wañu quenaroca ĩna yire ãmoa ỹu. Ito bajiroti ĩnare senisotia ỹu m̃ure ylari.

### *Jesure t̃uor̃uñarãre ũmatã ñarãre Tito ĩ besere gaye*

<sup>5</sup> Iti r̃um̃uju Creta wame catiri yogaju m̃ure c̃ucu ỹu. “Adoju ỹu riasobore Jesure t̃uor̃uñarãre yure riaso ĩsima”, yicõri ware gotic̃u ỹu m̃ure. Ỹu waroto rioj̃ua ado bajiro gaje m̃ure rotic̃u ỹu: “Co c̃uto r̃uyabeto Jesure t̃uor̃uñarãre ũmatã ñarona b̃ucurãre beseya m̃u”, yi rotic̃u ỹu m̃ure. <sup>6</sup> Ito bajiri, “Ãni ñag̃u yiguĭji ĩnare ũmatã ñag̃u”, m̃u yi bese masitoni adi m̃ure gotia ỹu. S̃ig̃u m̃u beseg̃ure ado bajiro ĩ ñaja quena: Ñe seti mac̃u ĩ ñaja quena. Manoj̃o caticõri gãjerã romiare ajebic̃u ĩ ñaja quena. ĩ r̃ia c̃uni Jesure t̃uor̃uñarã ĩna ñaja quena. Jesure t̃uor̃uñarã ñari, ñeñaro yimenati, ĩna jac̃usabatiare queno c̃adirã yirãji ĩ r̃ia. Ito bajiro bajig̃u ĩ ñaja quena, Jesure t̃uor̃uñarãre ũmatã ñaroc̃u m̃u beseg̃u. <sup>7</sup> Jesure t̃uor̃uñarãre ũmatã ñag̃u Diore moa ĩsig̃u, ñe seti mac̃u ĩ ñaja quena. “Gãjerã r̃etoro masig̃u ña ỹu”, yi t̃uoĭag̃u meje ĩ ñaja quena. Gãjerãre ejori t̃uo junisinig̃u meje ĩ ñaja quena. Idir̃e c̃uni queagu meje ĩ ñaja quena. Gãjerã r̃ãca ĩ gãmeri jag̃u meje ĩ ñaja quena. Niyerure t̃uoĭa ãmosabic̃u ĩ ñaja quena. <sup>8</sup> Ado bajiroj̃ua bajig̃u ñaguĭji m̃u beseg̃u: Wa ucurã ejarãre wañu quenaro ĩ boca ãmija quena. Quenarise t̃uoĭag̃u ñari, quenarise riti ĩ yi ñaja quena. Queno t̃uoĭag̃u ñari, ñeñaro yire ñemecutig̃u ĩ ñaja quena. Gãjerãre queno yigu ĩ ñaja quena. Diore queno t̃uor̃uñag̃u ĩ ñaja quena. Ñeñarise yi ãmobic̃u ñari, ñeñaro yire ñemecutig̃u yiguĭji ĩ. <sup>9</sup> Dios oca riojo ñasarise ỹu riasocatiare t̃uor̃uñu jidic̃abic̃u ĩ ñaja quena. Ito bajig̃u ñari gãjerãre riasocõri ĩna oca s̃eoroa yigu yiguĭji ĩ. Ito yicõri gãjerã Dios oca t̃uo terã ñabobarãti ĩ queno gotija t̃uocõri, “Wisa mani. Diore mani t̃uor̃uñaja quena”, yi t̃uoĭarã yirãji ĩna c̃uni.

<sup>10</sup> “Jãjarã ñarãji m̃ua tu ricati riti t̃uoĭacõri m̃ure cud̃i ãmomena”, yi t̃uoĭa ỹu. Rocati b̃usicõri gãjerãre r̃uorãji ĩna. “Judio masa b̃ucurã ritire mani cud̃ija, manire masog̃u yiguĭji Dios”, yi t̃uoĭarã ñama b̃uto b̃usa masare r̃uorã. <sup>11</sup> Ito bajiro r̃uore oca riasocõri, jãjarã co wi gãna ñabobarãti ĩna gãmeri tudiroca yirãji ĩna. Ito bajiro ĩna yija quenabea. “Waja b̃ujarãji mani”, yi t̃uoĭacõri masare

riasorāji İna. Rũore oca riasorāji İna. Ito bajiri İna bũsirisere mũ bũsi camotare āmoa yũ.

<sup>12</sup> “Ñeñaro yama İna”, yũ yiado bajiroti, yi gotiyijũ Creta wame cõtiri yoga gagũ cũni. İna rũcũbuogu ñayijũ İ. İ ñaräre bũsigũ ado bajiro yiyijũ İ: “Mani Creta gāna jājarā ña soca jairā, ito yicõri rocati ñeñaro yirā. Mani wato jājarā ñama moamenati rocati jairo barā”, yi gotiyijũ Creta wame cõtiri yoga gagũ, İ ñaräre. <sup>13</sup> Riti gotiĩni İ itire. Ito bajiri mũ tũ gāna ricati riti tũoĩaräre oca sũoro goti quenoña, itire İna jidicātoni. Ito bajiro mũ yija tũocõri, queno Dios ocare tũorũnurā yirāji İna. <sup>14</sup> Judio masa İna tũoĩa rujeoyorere mũ tũ gāna İna tũorũnũbitoni, İnare oca sũoro goti quenoña mũ. Ito yicõri Jesure tũorũnumena İna rotirisere mũ tũ gāna İna tũorũnũbitoni, İnare oca sũoro bũsiya mũ.

<sup>15</sup> Mũ tũ yũ ñaja, ricati riti tũoĩaräre ado bajiro gotiborũja yũ: No quenarise riti yigũ quenarise riti tũoĩagũ yigũji İ. No Diore tũorũnũbicũ ñeñarise riti yigũama quenarise İ tũobojaja cũni ñeñarise riti tũoĩagũ yigũji İ. Ñeñarise riti tũoĩagũ, ito bajiro riti ñeñarise tũoĩagũ yigũji İ. <sup>16</sup> “Diore masirā ña gũa”, yibojarāti, gājeräre ti terāji İna. Diore cũdimenaji İna. Ito bajirā ñari disejũa quenarise yimenaji İna. Ito bajiro İna bajija ticõri, “Diore masirā meje ñama İna”, yi ti masia mani.

## 2

### *Oca riojo ñasarise gaye*

<sup>1</sup> Tũoya Tito mũ. Dios yere queno riasoticõri riojo İnare riasoya mũ, queno yijaro İna yirocũ. <sup>2</sup> Ado bajiro āmũa bũcũräre mũ gotire āmoa yũ: İdire idi mecũbesa mũa. Gājerā İna rũcũbuorā ñaña mũa. Queno tũoĩacõri ñeñariserere ñemecutiya mũa. Dios oca riti tũorũnurā ñaña mũa. Gājeräre ti maicõri ejabũarā ñaña mũa. Dios ocare riasoticõri itire jidicāmena ñaña mũa, yi mũ gotire āmoa yũ āmũa bũcũräre. <sup>3</sup> Romia bũcũräre cũni ado bajiro mũ gotire āmoa yũ: Diore tũorũnurā ñari, queno yirā ñaña mũa. Gājeräre bũsitubesa. İdire rĩarise idi mecũbesa. Quenarise gājeräre riasoya. <sup>4</sup> Ito bajiro yirā riti ado bajiro mame manũjũ cõtirā romiare mũa riasoja quena: Mũa manũjũsabiatiare queno maiĩa mũa, mũa rĩare ito bajiroti. <sup>5</sup> Queno tũoĩacõri, ñeñariserere ñemecutiya mũa. Quenarise riti tũoĩacõri, āmũa rāca ajebesa. Mũa rāca gānare queno tirũnũña. Masa jeyarore queno yiya. Mũa manũjũsabiatiare tũo rũcũbuoya. Ito bajiro yiba mũa, Dios ocare gājerā ñeñaro bũsibe yirona. Ito bajiroti mũa rĩa romiare riasoya mũa, mũ yũ gotire āmoa yũ romia bũcũräre.

<sup>6</sup> Mamarā āmũare cũni ado bajiro mũ gotire āmoa yũ: Queno tũoĩacõri, ñeñariserere ñemecutiya mũa, yi gotiya mũ İnare cũni. <sup>7</sup> Mũreama ado bajiro gotia yũ: Quenarise riti yisotiya. Ito bajiro mũ yija ticõri, “İre bajiro yirũja mani cũni”, yirā yirāji mũ tũ gāna. Gaje tũoĩa wanũbicũti Dios oca riojo gotiya mũ. Rũcũbuore rāca İnare mũ riasoja quena. <sup>8</sup> Yũ mũre riasocato bajiroti İnare gotiya. Ito bajiro riojo Dios oca mũ gotija tũocõri, bojorā yirāji mũ wajana. Ito bajiri, “Socagũ ñami”, yi masimenaji İna mũre. Ito yicõri mũre bũsitu masimena yirāji İna.

<sup>9</sup> Jesure tũorũnurā gājeräre moa İsiräre ado bajiro mũ gotire āmoa yũ: Mũa ũjaräre queno cũdisotiya. “Dise ruyabeto mani moa İsirise ticõri wanũ quenajaro”, yi tũoĩarā moa İsija quena. Mũa ũjaräre tudibesa. <sup>10</sup> Mũa ũjarā yere āmi rudibesa. Ito bajiro mũa yija mũare queno tũoĩa wanũrā yirāji İna. Mũa ũjaräre rũcũbuocõri queno İnare cũdisotiya mũa. Mũare queno masicõri, “Dios oca queno tũorũnurā ñama İna”, yirā yirāji İna mũare. Ito bajiri Dios

jeame ãjuroju mani wabore ñaroca manire masoru ã gayere queno rãcũbuorã yirãji mua ãjarã cuni, yi gotiya mu tu gãna gãjerãre moa ãsiri masare.

<sup>11</sup> Jeame ãjuroju mani wabe yirocu ã oca mani masiroca yiñi Dios. Ito bajiro ã yijare, “Masa jeyarore ti maigũ ñari manire maso ãmoguñi Dios”, yi tuoña mani. <sup>12</sup> Itire masicõri ado bajiro yiruja manire: Ñeñarise ñarocõti mani jidicãja quena. Adi sita gãna ñeñaro ãna yiado bajiro yibitiruja manire. Ado bajirojuã mani yija quena: Queno tuoñacõri, ñeñarise ñemecutiruja manire. Gãjerãre queno yiruja manire. Ito yicõri Dios ñarã ñari ã yiro bajiroti cãdirã yirãji mani. <sup>13</sup> Co rãmũ mani Eju Jesucristo tãdi ejaqu yiguñi. ã goticato bajiroti tãdi ejaqu yiguñi. Ito bajiri ã tãdi ejaroti rãmũ tuoña wanũ yurã, quenarise riti yi ñaruja manire. ã tãdi ejaroti rãmũ, “Ëti ñami Dios mani rãcũbuogu, ito yicõri manire masoru”, yi wanurã yirãji mani. <sup>14</sup> Manire yiari goda ãsiñi Jesucristo. Ñeñarise mani ñemecuti masitoni, ito yicõri quenarise mani yo masitoni, manire yiari ito bajiro godañi ã. Ito bajiro yicõri mani ñeñaro yirisere coe jeoñi ã. ã ñarã mani ñatoni, ito yicõri quenarisejuã mani yi ãmotoni, manire yiari ito bajiro godañi Cristo.

<sup>15</sup> Ito bajiro mure yũ gotirisere queno masare riasosotiya mu. Dios ocare queno cãdijaro ãna yirocu, oca seoro gotisotiya. “Dios ã cãrũ ña yũ”, yicõri, “Ado bajiro ñeñaro ya mua”, yi goti quenoña ñnare. Ito bajiro gotiya ñnare, “Ë riasobojarise ñasarise meje ña”, mure ãna yi tuoñame yirocu.

### 3

#### *Jesure tuorũnurãre ado bajiro yi ñaruja, Pablo ãyire gaye*

<sup>1</sup> Mu tu gãna Jesure tuorũnurãre ado bajiro tãdi mucana goti quenoña, ãna ãcabojobititoni: Mua ãjarã ñarocõreti, gobierno masare cuni queno ñnare tuo rãcũbuoya. ãna rotirise masicõri queno cãdiya mua. “Disejuã rayabeto quenarise yiana mani”, yirona ña yucãña mua. <sup>2</sup> Gãjerãre ñeñaro busitubesa. Gãjerãre tuo junisinibesa, mua oca josabe yirona. “Gãmeri tãdi ãmobeã guã”, yirã, ado bajirojuã mua yija quena: Gãjerãre corocõ ti maicõri queno yiya. Mure ñeñaro ãna yibojaja cuni muajuãma queno ñnare yiba, yi gotiya Tito mu, mu tu gãna Jesure tuorũnurãre.

<sup>3</sup> Jesure mani masiroto riojuã, ñeñaro yirã bajiroti ñabojacu mani cuni maji. Tite. Tuoña masimena ñabojacu mani maji. Diore cãdimena ñabojacu mani. Ito bajiro bajirã ñari socarãre tuorũnubojacu mani. Ñeñarise riti yi ãmosotibojacu mani maji. Ito bajiro yirã riti, “¿Ñe ñeñarise yirãti mani?” yi tuoñacu mani. Gãjerã ãna rãcorise ticõri uocu mani. Gãjerãre ti tecu mani. Ito yicõri manimasi cuni gãmeri ti terã ñabojacu mani maji. <sup>4-6</sup> Ito bajirã mani ñabojarocati Dioama quenarise manire yi ãsiñi, manire ti maicõri. Ito bajiro quenarise manire yi ãsigũ ñari, mani Jesure tuorũnurã jeame ãjuroju mani wabore ñaroca manire masoñi ã. ãre mani tuorũnũjare jeame ãjuroju mani wabore ñaroca manire masoñi Dios. Quenarise mani yirã meje ñabojarocati manire masoñi ã. ãjuãma masare ti maigũ ñari, Jesure mani tuorũnũjare manire masoñi ã. Manire queno yigu, Espiritu Santo manire queo sãñi Dios. Jesuna suoriti ito bajiro Espiritu Santo manire queo sãñi Dios. <sup>7</sup> Ito bajiroti manire ti maicõri mani Jesure tuorũnurãre jeame ãjuroju mani wabore ñaroca manire masoñi ã. Ito bajiro manire ã yicãre ñajare, manire ticõri, “Ñe seti mana ñama ãna”, yi tigu yiguñi ã manire. Ito bajiro manire ã yicãre ñajare, mani godaja bero wanũ

quena ñarã yirãji mani. “Í robo catitĩñarã yirãji mani”, yi tũoĩa wanũ yua mani.

<sup>8</sup> Iti mũre yũ gotirise riojo gotia Tito yũ mũre. Ito bajiri ito gãna Diore tũorũnũrã adi ocare ñare mũ cadi rotire ãmoa yũ. Quenarise ña adi oca. Itire tũorũnũcõri, quenarise yi ãmorã yirãji ña. Iti oca mũa cadija, quena ñaro yiroja mũare. Ejabuãtĩñarise ña iti oca. <sup>9</sup> Rocati masa ña tũoĩa bũsirisere coca tũoĩa bũsibitũrũja manire. “Ado bajiro wame cãtiyijarã bũcũrã masa, ito yicõri ado bajiro yisotiyijarã ña”, yi tũoĩa bũsibitũrũja manire. “Ado bajiro rotiyoyijũ Moisés ñayoru”, yi tũoĩa gãmeri bũsibitũrũja manire. Ito bajiro mani tũoĩa bũsibojaja, oca ñasarise meje ña iti. Itioni mani tũoĩa bũsibojaja, quenabetoja manire.

<sup>10</sup> Sīgũ Jesure tũorũnũrãre ricati ña tũoĩa batoroca yigũre oca sũoro, “Yibesa”, yiya ñre. Jũaji mũ gotibojaja bero, ĩ cãdibeja, ñre bũcõama. <sup>11</sup> Ito bajiro mũ gotiroca cãdibicũre, “Ñeñaro yigũ ñami”, yi masigũ yigũja mũ ñre. Ito yicõri ĩmasiti, “Ñeñaro yigũ ña yũ”, yi tũoĩa masigũ yigũji ĩ cãni. Ito bajiri ñre waja senigũ yigũji Dios.

### *Titore Pablo ĩ goti ñũcare gaye*

<sup>12</sup> Nicópolis wame cãtiri cãtoju juebũcũ rẽtare tũoĩa yũ. Sīgũ mũre ãmirocu Artemasre cõagũ yigũja, yũ yija, Tĩquicojuare cõagũ yigũja gajea. Mũ tũ ĩ ejaja cojiti ĩ rãca wadĩba. Nicópolisjũ canamũorã yirãji mani. <sup>13</sup> Apolosre ito yicõri masare oca quenori masũ Zenasre mũ masirocõ ñare ejabuaba. Ña rẽta wa masitoni ñare rũyarise ejabuaba. <sup>14</sup> Mũ tũ ñarã Jesure tũorũnũrã gãjerãre ña ejabuare ãmoa yũ. Ito yicõri gãjerã ña bojoro bũjaja ticõri, ñare ejabuaja quena. Gãjerãre mani ejabuaja, iti ña queno ñare gaye.

### *Quenajaro masa, Pablo ĩ yi ñũcare gaye*

<sup>15</sup> Yũ rãca gãna ñarocõti, “Quenajaro”, yi ñũcama mũre. Mũ tũ ñarã Jesure tũorũnũcõri gũare tũo mairãre, “Quenajaro”, ya yũ. Mũacõreti Dios ĩ queno yitoni mũare yiari seni ĩsisotia yũ. Itocõ ña.

## La carta de San Pablo a Filemón

### *Filemónre Pablo ĩ papera cõare gaye*

<sup>1</sup> Ñati gña baba Filemón mu. Mu ña gña queno maigũ, ito yicõri mu ña gña robo bajiro Diore moa ĩsigũ. Yu Pablo, mani yagu Timoteo rãca adi papera mre cõa gña. Manire bajiro Jesucristore t̃orũnũgũ ñari mani yagu ñami Timoteo. Masare Jesucristo oca yu riasojare ado tubiara wiju ña yu.

<sup>2</sup> “Cristore rãcũbhorona mu ya wi minijua ñarã, quenajaro”, ya yu. “Mani yago Apia, quenajaro. Arquipo cuni quenajaro”, ya yu. Mani bajiro Diore queno moa ĩsotigu ñami ĩ cuni. <sup>3</sup> Mre yiari mani Jacu Diore, mani Uju Jesucristore cuni seni ĩsotia yu. “Filemõre queno yiya, ito yicõri ĩ ya usiju ñe oca mano ĩ ñaroca yiya”, ya yu Diore. Ito bajiroti ya yu Jesucristore cuni, mre yiari.

### *Jesucristore queno t̃orũnũgũ Filemón ĩ ñare gaye*

<sup>4</sup> Yu baba Filemón mre yiari Diore seni ĩsotia yu. Co r̃m̃m̃ r̃yabeto Diore busisotia yu. ĩre busiguju, “Filemõre queno yĩni Dios”, yi t̃oĩa b̃jacõri, “Queno ya Dios mu”, yisotia yu ĩre. <sup>5</sup> “Mani Uju Jesucristore queno t̃orũnũgũ ñami Filemón. Dios ñarãre b̃to t̃o maigũ ñami ĩ”, yama masa mre. Ito bajiro ĩna yija t̃ocõri, wana yu. Ito bajiri, “Queno ya Dios mu”, ya yu. <sup>6</sup> “Jesucristore mani t̃orũnũja quena”, yi masare mu riaso masitoni, mre yiari Diore senisotia yu. Ito yicõri, “Cristore mani t̃orũnũja, ĩ ñarãre ĩ queno yiado bajiroti manire cuni queno yigu yiguĩji”, mu riasoana ĩna yi masitoni Diore senia yu. <sup>7</sup> Dios ñarãre b̃to ti maigũ mu ñajare, yu ya usiju oca s̃ocõri wanusacoa yu. Dios ñarã jeyaro mu queno yirise t̃oĩacõri ĩna ya usiju oca s̃ooca ĩna cuni. ĩt̃ire t̃ocõri b̃to wana yu mre.

### *Onésimore yiari Pablo ĩ b̃asi ejabũare gaye*

<sup>8</sup> Ito bajigu mu ñajare mre mu queno yitoni mre senigũ ya yu. Cristo ĩ cũrũ ña yu. Ito bajiri mre yu roti ãmoja mre roti masia yu. Mre roti masigũ ñabojaguti b̃to mre roti ãmobeja yu. <sup>9</sup> Mre t̃o maicõri mre senia yu, mre mu queno yitoni. B̃cũgu ña yu ĩja. Ito yicõri masare Jesucristo oca yu riasojare ado tubiara wiju ña yu. <sup>10</sup> Ado bajiro mre senia yu. Queno t̃ooya Filemón mu. Onésimo mu moa ĩsiri masu ñabojare t̃adi mu ãmire ãmoa yu m̃cana. Adoju tubiara wi ñagũre Dios oca gotica yu ĩre. Dios oca t̃orũnũcõri Jesucristore boca ãmiquĩ ĩ ya usiju. Ito bajiri yu macu bajiro bajigu ñami ĩ ĩja.

<sup>11</sup> ĩti r̃m̃m̃ju mre moa ĩsiri masu ñabojaguti mre queno moa ĩsibisĩ ĩ. Adi r̃m̃m̃riama mani j̃arãre queno ejabũagu yiguĩji ĩ. <sup>12</sup> Mu t̃u ĩre t̃adi wa rotia yu. ĩ ñami b̃to yu maigũ. Mu t̃u ĩ waja bero, ĩre t̃oĩagũ yiguja yu. Yure mu boca ãmiro bajiroti ĩre boca ãmiña mu. <sup>13</sup> Masare Dios oca riasocõri tubiara wiju t̃oĩa b̃jatobeja yu. Yure Onésimo ĩ ejabũatoni ado yu t̃u ĩ tujare ãmobeja yu. Mu t̃u ĩre yu cõabeja adoju mre ejabũaboguĩji. Sõju ñacõri mre ejabũa masibeja mu. Onésimore mu t̃u yu cõabeja ĩja mre ejabũaboguĩji. <sup>14</sup> Ito bajibojarocati, “Quena ña. Mu t̃u ĩ tujare ãmoa yu cuni”, mu yiroto r̃ojuã, “Adoju tujaya Onésimo mu”, yi masibeja yu. Ito bajiri ĩre ãmogũ ñabojaguti, mu t̃u ĩre t̃adi wa rotia yu. Mu t̃u ĩ t̃adi ejaroca, “Pablõre ejabũatẽña”, mu yi t̃oĩaja, quena ñaro yiroja mre. <sup>15</sup> ĩti r̃m̃m̃ju Onésimo mre ĩ rudire ñabojarocati, quenarise

rētacu. Tite mu. Ado bajiro baja: Adocāta Jesucristore tʰorānugū űari tʰadi mʰare rudibiquĩji. Mʰare ejabaatĩnagū yiguĩji ĩ. <sup>16</sup> “Yʰare moa ĩsigoru űami ĩ”, yi tʰoĩabesa mu Onésimore ĩja. “Yʰu ocabaji robo bajiro bajiami ĩ”, mu yi tʰoĩaja quena. ĩre buto maia yʰu. Mʰare moa ĩsigoru űabojaguti Jesucristore ĩ tʰorānujare sīgū rĭa robo bajirā űa mʰa ĩja. Ito bajiri buto busa ĩre mu maija quena.

<sup>17</sup> ĩre mu tʰadi boca āmire āmoa yʰu. “Yʰu baba űami Pablo”, mu yi tʰoĩaja, yʰare mu boca āmiro bajiroti ĩre boca āmiña. <sup>18</sup> Iti rʰamu mʰare űeñaro ĩ yija, ito yicōri mʰare ĩ waja ruyurioja cʰni, yʰjʰare waja seniña. <sup>19</sup> Yʰumasiti adi uca yʰu. “Yʰu Pablo, mʰare waja yicuja yʰu”, ya yʰu. Yʰu űa, “Jesucristore mu tʰorānija, mʰare masogū yiguĩji Dios”, mʰare yi gotigoru. Mʰare Dios oca riasoru űari, yʰare cʰni waja ruyurioa mu. “Itire ācabojabesa mu”, yi josabea yʰu mʰare. <sup>20</sup> Jesucristore tʰorānurā űari sīgū rĭa robo bajirā űa mani. ĩre mu tʰorānujare yʰu ocabaji robo bajigu űa mu. Mu cʰni Cristore cʰadi āmogū űari yʰare queno yija mu. Wanʰare rāca Onésimore boca āmiña. Ito bajiro mu yija tʰocōri, yʰu ya ʰsijʰu oca sēo wanugū yiguja yʰu.

<sup>21</sup> “Yʰu seniuro bajiroti cʰadigu yiguĩji Filemón”, yi tʰoĩacōri adi papera mʰare cōa yʰu. “Yʰu seniuro rēto busaro yʰare queno yigu yiguĩji Filemón”, yi tʰoĩa masia yʰu mʰare. <sup>22</sup> Mu tʰu warocu tʰoĩasotia yʰu. Yʰare yiari Diore mu senija mu tʰu ejagu yiguja yʰu. Ito bajiri yʰu caniroti sōa queno yuya.

### *Quenajaro masa, Pablo ĩ yi űucare gaye*

<sup>23</sup> Mani yagu Epafras cʰni ado tubiara wijʰu űami. Masare Jesucristo oca ĩ riasore waja tubia ecoru űami ĩ cʰni. “Quenajaro”, yami mʰare. <sup>24</sup> Yʰu rāca masare riasorā adocō jājarā űama, Marcos, Aristarco, Demas, ito yicōri Lucas. “Quenajaro”, yama ĩna cʰni.

<sup>25</sup> Mʰare yiari mani ʰju Jesucristore seni ĩsotia yʰu, mʰare ĩ queno yitoni. Itocō űa.

## La carta a los Hebreos

### *Ī Macuna s̄oriti ĩ oca cōayijũ Dios, yire gaye*

<sup>1</sup> Jane mejeju mani jac̄s̄abatiare ĩ oca goti ĩsiri masana s̄oriti coji meje oca cōayijũ Dios. Jeyaro ĩ āmoro bajiro ĩ oca goti ĩsiri masana s̄oriti ĩ oca cōayijũ Dios masare. <sup>2</sup> Ito bero canũ busati ĩ Macuna s̄oriti ĩ oca manire cōayijũ Dios. Ūmacājuga tuti, jacajuga tuti c̄ni meniyijũ Dios. Ito yicōri ĩ Macuna s̄oriti jeyaro adi sita gaye rujeoyijũ Dios. Jeyaro dise ruyabeto ĩ rucotoni cūyijũ Dios ĩ Macure. <sup>3</sup> Ūmacañi ĩ busuja ticōri, “Ito bajigu ñaguñi ūmacañi”, yirāji mani. Iti bajiroti, Dios Macu ñasagure mani tija, “Ito bajiguti ñaguñi Dios c̄ni”, yirāji mani. ĩ Jacu robo bajiguti ñami Jesús. ĩ oca buto masire gaye ña. Ito bajiri ĩ ocana s̄oriti adi mac̄aruc̄uro gaye jeyaro ña jedia ĩja. Iti mani ñeñaro yirise waja, waja yi ĩsiyijũ. Ito bajiro ĩ yija bero, ūmacājũ muja wacōri Dios ya riojocaduja r̄c̄ub̄orajũ ruyijijũ ĩ.

### *Ángel mesa rētoro ñasagu ñami Dios Macu, yire gaye*

<sup>4</sup> Dios rāca rotigu ñari, ángel mesa rētoro ñasagu ñami Dios Macu. Ángel mesa rēto busaro ĩ ñatoni ĩ Macure cūyijũ Dios. Ito yicōri ĩna wame rēto busaro wame ñasarise ĩ Macure wōyijũ Dios. <sup>5</sup> Ito bajiri ĩ Macure riti ado bajiro gotiyijũ Dios: Yu Macu ña m̄. Adi r̄m̄ masa ĩna t̄oro riojo, “Āni yu Macu m̄a Ūju ñami”, yigu yiguja yu, yiyijũ Dios ĩ Macure.

Ángel mesareama, “Ito bajiro bajirā yirāji m̄a”, yibisijũ Dios. ĩ Macure riti t̄oĭagũ m̄cana ado bajiro gotiyijũ Dios:

Ī Jacu ñagũ yiguja yu. Ito yicōri yu Macu ñagũ yiguñi ĩ, yi gotiyijũ Dios, ĩ Macure t̄oĭagũ. Ángel mesareama ito bajiro yibisijũ Dios.

<sup>6</sup> ĩ Macu ñasagure ĩ cōara r̄m̄ ado bajiro busiyijũ Dios m̄cana:

Ángel mesa ñarocōti m̄re r̄c̄ub̄o jedicoajaro, yi gotiyijũ Dios.

<sup>7</sup> Ángel mesare t̄oĭagũ ado bajiro busiyijũ Dios:

Ángel mesare yu rotija, ejori mino iti wēaro bajiro ejori yure c̄dirā yirāji. Jea queno ajurise bajiro s̄o quenaro yure moa ĩsirā yirāji ĩna, yi gotiyijũ Dios, ángel mesare t̄oĭagũ.

<sup>8</sup> ĩ Macure busigu ado bajiro yiyijũ Dios:

Dios ña m̄. Masare rotif̄ñagũ yiguja m̄. ĩnare m̄ rotija queno yigu ñari riojo rotigu yiguja m̄.

<sup>9</sup> Queno yire gayere riti queno wan̄a m̄. Ñeñarisereama t̄o te ña m̄. Ito bajigu m̄ ñajare Ūju ñasagu m̄re c̄a yu. M̄ baba mesa rētoro r̄c̄ub̄oꝝ m̄ ñaroca ya yu. Ito yicōri buto m̄ wan̄roca ya yu, yi gotiyijũ Dios ĩ Macure.

<sup>10</sup> Gaje ado bajiro busiyijũ Dios ĩ Macure:

Yure bajiroti Ūju ñasagu ña m̄ c̄ni. Cajerojuti adi sita ñarocōti rujeocu m̄. Ito yicōri ūmacājũ ḡña jeyarore rujeocu.

<sup>11</sup> Iti m̄ rujeore ñarocōti jedicoaro yiroja. Yutabuju iti bus̄aro bajiro, bajiro yiroja iti ñarocōti. Ito bajibojarocati muāma ñat̄ñacōgũ yiguja.

- <sup>12</sup> Yutabuju ruacũcõri gaje ñna wasoaro bajiro iti jeyarore wasoagu yigũja mu. Muáma ñaro bajiguti ñagũ yigũja. Mũreama godare gaye mano yiroja. Ito bajiri ñatĩñacõgũ yigũja mu, yi gotiyijũ Dios i Macure.
- <sup>13</sup> I Macure riti ado bajiro gotiyijũ Dios: Ado yũ ya riojocadũja rãcũbuoroju rujiya. Mũ wajanare mu roti masiroca yigu yigũja yũ, yi gotiyijũ Dios i Macure. Ángel mesareama ito bajiro yibisijũ Dios.
- <sup>14</sup> I Macũ bajiro roti masirã meje ñama ñna. Usire bajiro ruyumena ñama ángel mesa. Diore moa ñsiri masa ñama ñna. I masoana mani ñajare jaje quenarise manire yigu yiguĩji Dios. Ito bajiri manire ñna ejabuatonĩ ángel mesare cõayijũ Dios.

## 2

### *Ñasarise ña masare Dios i maso amõrise, yire gaye*

<sup>1</sup> Ito bajiri ángel mesa rëtoro ñasagu Dios Macũ i ñaja, i gotirise buato buasa mani tuorũnũja quena. Ire mani queno tuobeja, acabojarã yirãji mani. Ito yicõri Dios i rotiro bajiro cudibiticõri ire jidicãrã yirãji mani. <sup>2</sup> Jane mejeju Dios i rotirise Moisés ñayorure gotiyijarã ángel mesa. Mani ñicũsabatia ñna cãdiroti ñayijũ Dios rotirise. I ocare cudibiticõri ñeñaro yirãreama ñna tũbujaroca yiyijũ Dios, i goticãdo bajiroti. <sup>3</sup> Manire ti maicõri buato manire maso amõguĩji Dios. Ito bajiri i oca ñasarisere mani tuorũnũbeja, mani tũbujaroca yigu yiguĩji Dios. “Ire tuorũnarãre masogũ yiguĩji Dios”, yire oca cajerojati goticãñi mani Uju Jesucristo. Ire tuogoana, “Riti bajaia iti oca”, yirona manire goticã ñna. Ito bajiri, “Riti bajaia iti oca”, yi tuoia mani cuni. <sup>4</sup> “Riti bajaia iti oca”, mani yitoni, jaje tiyamani ioyijũ Dios manire. Espiritu Santona suoriti jaje quenarise mani yi masiroca yami Dios. I amoro bajiro ricati riti ire mani moa ñsi masiroca yami Dios.

### *Dios rña mani ñajare, “yũ ocabajirã”, yami Jesús manire, yire gaye*

<sup>5</sup> Ijariju bajiroti gaye muare busigu ya yũ. Ijariju gayere ángel mesare rotibisijũ Dios. Ado bajirojua yiyijũ Dios. Ijariju masa ñna rotiroti cũñi Dios. <sup>6</sup> Tite mua. Dios oca tutijũ ado bajiro ucañi sũgũ: ¿Dios, no yija gua ñasamena ñabojarocati, guare acabojabeati mu? Ito yicõri, ¿no yija ñasamena gua ñabojarocati, guare tirũnũati mu? Ñasamena gua ñabojarocati guare buato tuoia mu. <sup>7</sup> Adi sita gua ñaroca ángel mesa bero gãnajuare cũyija mu maji. Ito bajibojarocati ija rãcũbuore gaye ujarãre bajiro guare cũgũ yigũja mu. <sup>8</sup> Jeyaro mu rujeore gaye, jeyaro mu rujeoanare cuni gua roti masiroca yigu yigũja mu, yi ucañi sũgũ Diore goti ñsiri masu. Ito bajiri, “Yũ rujeore masa ñna rotiroca yigu yigũja yũ”, Dios i yija tuocõri, “Dise ruyabeto gua rotiroca yigu yiguĩji Dios”, yi tuoia masia mani. Ito bajibojarocati jeyaro goroama manire cudi jedibeja maji. <sup>9</sup> Jesure masia mani. “Ito bajiro bajiñi Jesús”, yi tuoia mani. Adi sita Jesús i ñaroca maji ángel mesa berojua ire cũñi Dios. Manire ti maicõri i Macure goda ñsi rotiyijũ Dios. Manire yiari tũbujacõri i goda ñsire ñajare, Uju ñasagu ire cũñi Dios. Ito yicõri masa jeyaro ire rãcũbuatonĩ i Macure cũñi Dios.

<sup>10</sup> Ito bajiro Dios i yija queno yĩni. I amoro bajiroti yĩni i. Jeyaro Dios i menire ña. Jeyaro i wanatonĩ ña iti i rujeore. Mani Dios ñarã i rãca mani roti ñare amõñi Dios. Ito bajiri i tu mani eja masitoni i Macũ Jesucristore goda ñsi



rotiyija Dios. Jesucristo ñami manire masori masu. Ñimu gāji manire maso masigū maquji. Ito bajiri ña suoriti ūmacūja ejarā yirāji mani. <sup>11</sup> Dios Macu ñami mani ñeñaro yirise waja, waja yi Isiri masu. Dios ñarā mani ñaroca yigu ñami Jesús. Ito bajiri Jesús rāca sīgū rīa ña mani. Dios rīa mani ñajare, “Yu ocabajirā”, yi bojobeami Jesucristo. <sup>12</sup> Ito bajiro yiñi Jesús Dios oca tutina. Ado bajiro bajaia iti. Tuoiate maa:

Mu ñarise gayere yu ocabajirāre gotigu yigūja yu. Ña minijuaroca mure wanūgū, mure basa sēa ñucagū yigūja yu, yiñi Jesús, Dios oca tutina

<sup>13</sup> Gaje ado bajiro yiñi Jesús:

Yu cuni Diore riti buto tuorānucuja yu, yiñi Jesús, Dios oca tutina.

Gaje ado bajiro yiñi Jesús:

Ī rīare yure ĩsiquī Dios. Ito bajiri ado ña rāca ña yu, yiñi Jesús, Dios oca tutina.

<sup>14</sup> Dios ñarā ñari, sīgū rayabeto ruju cutirā ña mani. Mani rāca ña āmogū, manire bajiroti ruju cutiñi Jesús cuni. Ito bajigu ñari manire goda ĩsiñi ĩ. Ito bajiri rāmūa uju manire ruyurioborure ruyuriogu yiguji Jesús. <sup>15</sup> Ito bajiro Jesús ĩ yijare, mani godaroti güire ma manire. Ito bajiri ĩre mani tuorānucuja, “Yu ñeñaro yirise waja yu tōbujaroca yigu yiguji Dios”, yi tuoia güirā meje ña mani ĩja. <sup>16</sup> Riti bajaia. Adi sita Jesús ĩ wadija, ángel mesare ejabuarocu meje wadiñi ĩ. Mani Abraham ñayoru bajiro Diore tuorānucūre ejabuagu wadiñi ĩ. <sup>17</sup> Ito bajiri mani ĩ ocabajirāre ejabuarocu Dios ĩ rotiro bajiroti yiñi Jesús. Manire bajiro ruju rujeacōri, manire goda ĩsiñi Jesús. Ito bajiri manire ti maicōri manire yiari Diore busi ĩsisotiguji ĩ. Masare yiari paia mesa ña busirise rētoro manire yiari busi ejabusotigu yiguji Jesús. Mani ñeñaro yirisere Dios ĩ ācobotoni, manire yiari busi ĩsisotiguji Jesús. <sup>18</sup> Mani robo ruju cuticōri tōbujañi Jesús. Īre cuni, ñeñaro ĩ yitoni ĩre rotīabojañi rāmūa uju Satanás. Ito bajiro ĩyibojarocati ñeñaro yibisija Jesús. Ito bajiri mani tōbujaja manire ejabuaguji Jesús. Ito yicōri mani ñeñaro yitoni rāmūa manire ĩ rotī āmoja manire ejabuaguji Jesús.

### 3

#### *Moisés ñayoru rētoro ñasagu ñami Jesús, yire gaye*

<sup>1</sup> Yu ñarā, Jesucristore tuorānucū ñari Dios ñarā ña mani ĩja. Ī ñarā mani ñatoni manire beseñi Dios. Ito bajiri Jesucristore riti mani tuorānucuja quena. Dios oca goti ucuroña ĩ cōarā rētoro ñasagu ñami Jesucristo. Ito yicōri paia ujarā masare yiari Diore ña busi ĩsire rētoro manire busi ĩsigū ñami Jesucristo. Ito bajiri Jesucristore riti tuorānucuja manire. <sup>2</sup> Dios ĩ beseru ñari ĩ rotiado bajiroti yi ñañi Jesús. Dios ñarāre queno ejabuñi ĩ. Moisés ñayoru cuni Dios ĩ rotiado bajiroti yiyija. Dios ñarāre queno ejabuayija ĩ. <sup>3</sup> Ito bajibojarocati Moisés ñayorure rēto busaro Jesure mani rucubwoja quena. Ado bajiro bajaia. Sīgū ĩ wi menija, ĩ menira wi rētoro ĩre rucubworā yirāji mani. Ito bajiri Moisés ñayorure rēto busaro Jesús manire rujeorure rucubwoja quena. <sup>4</sup> Wigoti iti ñaja, sīgū iti wire meniru ñaguji. Dios sīgūti ñaguji jeyarore rujeori masu. <sup>5</sup> Diore queno cadigu ñayija Moisés ñayoru. Diore moa ĩsigū, Dios ñarāre queno ejabuayija Moisés ñayoru. Moisés ñayorure tuocōri, “Ito bajiro yigu yiguji Dios”, yi tuoiyajarā masa. Diore moa ĩsiri masu ñayija Moisés ñayoru. <sup>6</sup> Cristoama Diore moa ĩsiri masare bajiro meje bajiñi ĩ. Ī ñami Dios Macu, queno ĩre cadigu. Ito bajicōri Dios ñarā ũju ñami Jesucristo. “Tudi ejagu yiguji

Cristo”, yi mani tʰoĩa wanuʝa, ĩre tʰoʀũnucõri mani ĩre jidicãbeja, Dios ñarã, ñarã yirãji mani ĩja.

*Yũre mña tʰoʀũnubeja quenari cutoʝu ware ma tñare, Israel sita gãnare Dios ĩ yire gaye*

<sup>7</sup> Ito bajiri Jesucristore jidicãbituruʝa manire. Ito yicõri Espĩritu Santo ĩ gotĩrere tʰoʀũnuruʝa manire. Ado bajiro gotiami ĩ, Dios oca tutina:

Adocãta mñare Dios ĩ busija, ĩ yiro bajiroti cãdija quena.

<sup>8</sup> Mña ñicũsabatia ĩna ya usiju Diore junisinicõri, ĩna cãdibitiado bajiro bajibeja. Yucu manojũ ñarã, “Mani ñeñaro yija, ¿no bajiro yigu yiguĩjida Dios manire?” yi tʰoĩa ñayijarã ĩna.

<sup>9</sup> Mña ñicũsabatiane jũarã masacõ rodori jaje quenarise yicu yũ. Ito yũ yibojarocati, “Mani ñeñaro yija, ¿no bajiro yigu yiguĩjida Dios manire?” yi tʰoĩaĩna ĩna.

<sup>10</sup> Ito bajiri ĩnare junisinicu yũ. Ado bajiro yicu yũ ĩnare. “Mña ya usiju yũre bajiro tʰoĩabitisotia mña. Ito yicõri yũ rotiro bajiro cãdi ãmobeja mña”, yicu yũ ĩnare.

<sup>11</sup> Ito bajiri ĩnare junisinigũ ado bajiro yicu yũ: “Quenari cutoʝu yũ mñare ĩsi ãmobjacatoʝu juaji ejare ma mñare. Yũ rãca tujacãre mano yiroja mñare”, yiarĩ goticũ yũ ĩnare, yũre ĩna tuobejare, yi gotiami Espĩritu Santo, Dios oca tutina.

<sup>12</sup> Queno tʰoĩaĩna yũ ñarã mña. ĩna bajiro ñeñaro mña yibe yirona, queno tʰoĩaĩna. Mña ya usiju queno tʰoĩaĩna mña. Mña ya usiju ñeñaro tʰoĩaja, Dios ñatĩñagũre jidicãrã yirãji mña. Ito yicõri ĩre tʰoʀũnũmenaji mña. <sup>13</sup> Ado bajirojuã mani yija quena. Dios oca mani gãmeri gotija, corocõ oca sãorãji mani ĩja. Co rũmũ ruyabeto ito bajiro riti yitĩñaruʝa manire. Dios gayere mani busija, mani ñeñaro yitoni rãmũ ĩ rotibojaja, ĩre tʰoʀũnũmenaji mani. Ito yicõri, “Yũ ãmoro yicũja yũ. Diore cãdibicũja yũ”, yimenaji mani. Dios oca mani gãmeri busija, oca sãocõri corocõ wanurã yirãji mani. <sup>14</sup> Cajeroju Jesucristore mani tʰoʀũnucato bajiroti, mani godaroto riojuã ĩre tʰoʀũnũtĩñaruʝa manire. Ito bajiro mani yija ũmacũju Cristo rãca wanũ quenarã yirãji mani.

<sup>15</sup> Tite mña. Ado bajiro gotia Dios oca:

Adocãta mñare Dios ĩ busija, ĩ yiro bajiroti cãdija quena. Mña ñicũsabatia ĩna ya usiju Diore junisinicõri, ĩna cãdibitiado bajiro bajibeja, yi gotia Dios oca.

<sup>16</sup> Mña tija, ¿noa ñayijari Dios oca tʰoana ñabojarãti ĩna ãmoro bajiro yi ãmorã Diore cãdibitiana? ĩna ñayijarã Egipto sitaju ñarãre Moisés ĩ tũa wana. <sup>17</sup> Diore cãdi ãmobicõri ñeñarise riti yiyijarã ĩna. Ito bajiro ĩna yijare jũarã masacõ rodori ĩnare junisiniyiju Dios. Ito bajiri yucu manojũ ĩna ña ucuroca yiyiju Dios. Itoju ña ucurã riti goda jedicoayijarã ĩna. <sup>18</sup> ĩre ĩna cãdibejare, ado bajiro yiyiju Dios. “Quenari cutoʝu mñare yũ ĩsi ãmobjacatoʝu juaji ejare ma mñare. Yũ rãca tujacãre mano yiroja mñare”, yiyiju Dios mani ñicũsabatiane. <sup>19</sup> Itire tʰocõri, “Diore ĩna tʰoʀũnũbitire waja, quenari cuto ĩnare ĩ cũ ãmobjara cuto ejabisĩ ĩna”, yi tʰoĩa mani.

## 4

<sup>1</sup> “Mña tujacãroto mñare meni ĩsicu yũ”, mani ñicũsabatiane Dios ĩ yiado bajiroti yami Dios adi rãmũri cãni. Adĩ rãmũri manire cãni tujacãre ñaroja. Ito bajiri itojũ mani ejaroto riojuã queno tʰoĩaruʝa manire, mani eja jeditoni. Mña coriarã ĩre queno tʰoʀũnũbiticõri queno ejamenaji. <sup>2</sup> “ĩre tʰoʀũnũrãre riti masogũ yiguĩji Dios”, yire oca tʰoʀoana ña mani. Mani tujaroto mani eja

ãmoja, Ìre queno tuorũnurãji mani. Itire tuogoana ñayjarã mani ñicusabatia cuni. Itire tuogoana ñabobarãti queno tuorũnubisjarã ñna. Ito bajiri Dios Ì tuja rotiadoju ejabisjarã ñna. <sup>3</sup> Ìre tuorũnurã riti, Dios Ì tujacã rotiadoju ejarã yirãji mani. Ado bajiro gotiñi Dios mani ñicusabatiare tuoia yugu:

Yure ñna tuorũnubejare ñnare junisinicu yu. “Ënare yu tujacãrotiraju ejamena yirãji ñna”, yi goticã yu, yiñi Dios, mani ñicusabatiare tuoia yugu.

Adi macãrucuro meni wacu, coju tujacãraju meniñi Dios. Ito Ì yija bero mucana tu di gaje rujeobisiju Dios Ìja. Tujacãraju Ì menicãre ñabobarocati, ñnare sãja rotibisiju Ì, Ìre ñna tuorũnubejare. <sup>4</sup> Dios oca ado bajiro gotia, juã ãmojeno ñari ramu gaye:

Co ãmojeno ñari ramuri moacõri, juã ãmojeno ñari ramuna tujacãyiju Dios, yi gotia Dios oca.

<sup>5</sup> Mucana gaje ado bajiro gotia Dios oca:

Yu rãca tujacãdoju tujacãmenaji ñna, yiñi Dios, mani ñicusabatiare tuoiajũ.

<sup>6</sup> “Ëre tuorũnurãre riti masogu yiguñi Dios”, yire oca tuosũgoana ñabobarãti Ìre tuorũnubiticõri tujacãdoju ejabisjarã mani ñicusabatia. Diore tuorũnurã riti ejarã yirãji. Tujacãdoju ejarona eja jedibeama maji. <sup>7</sup> Ito bajiri adocãta Ìre tuorũnurãre ãmagũ yiguñi Dios maji. Adocãta mani Ìre tuorũnũja, iti ña ñasarise. Yoari mani ñicusabatia ñna cudibitija bero, Diore tuocõri ucañi David ñayoru. Jju yu muare gotigoriseti, David ñayoru Ì ucare mucana muare gotia yu:

Adocãta muare Dios Ì busija, Ì yiro bajiroti cudija quena. Muã ñicusabatia ñna ya usiju Diore junisinicõri, ñna cudibitiado bajiro bajibeja, yi ucañi David ñayoru.

<sup>8</sup> Mani ñicusabatia rãa masa ñayoanare tujacãraju tãa wayiju Josuẽ ñayoru. Ito bajiri tujacãre gaye Dios Ì busija, Josuẽ ñayoru mani ñicusabatia riare Ì tujacãre ãni ejare gaye meje busiguñi Ì. Ito bajiro iti bajijama, “Jane adi ramu yu tujã tujacãrã ejarã ya muã”, yibitiboru Dios. <sup>9</sup> Ito bajiri Diore mani tuorũnũja, Ì ñarã ñacõri, Ì tujã ñaroja mani tujacãrotiju. <sup>10</sup> No Diore tuorũnurãti adi macãrucurore meni tão wacu Ì tujacãdo bajiroti Ì rãca tujacãrã yirãji ñna cuni. <sup>11</sup> Ito bajiri buto busa oca seõcõri Diore tuorũnũruja manire, tujacãdo mani eja masitoni. Mani ñicusabatiare bajiro Diore cudimena robo bajiro bajimenaji mani.

<sup>12</sup> Seõrise ña Dios oca. Ito yicõri adi ramuri mani tuoroti ña Dios oca. Sarera jã juã duja odiri jã robo bajiro bajaia Dios oca. Ito bajicõri, “Mani ya usiju quedi sãaroja Dios oca mani tuorũnũja. Jeyaro mani ya usiju mani tuoïarisere masiguñi Dios. Mani yeyoro mani tuoïarisere cuni masiguñi Dios. ‘Ëja ito bajiro yicuja yu’, mani yirise cuni mani jeoguñi Dios. Dios ocare mani tuorũnũja, ‘Ito bajiro bajaia yu’”, yi tuoia mani. <sup>13</sup> Disejuã Dios Ì rujeore yeyo masiña ma. Dise Ì ti masibiti rayabetoju Diore. Ñe mani yigore Ì masibiti ma. Ito yicõri ñe mani tuoïagore Ì masibiti ma. Ito bajiri jeyaro masiguñi Ì. Dios Ì tiro riojo, “Adocõ jaje ñeñarise yicu yu”, yi goti rãtobu jedirã yirãji mani.

### *Paia uju rãtoro ñasagu ñami Jesús, yire gaye*

<sup>14</sup> Paia uju rãtoro ñasagu ñami Jesús, Dios Macu. Ëmacãjuã Dios tu ñaguñi Ì, manire yiarã Ìre busi Ìsisotigu. Ito bajiri, “Diore tuorũnũgũ ña yu”, mani yija, buto busa Ìre mani tuorũnũruja quena. Ìre jidicãbitiruja manire. <sup>15</sup> Ì ñami paia uju rãtoro manire ejabuã masigũ. Mani tãbujaja, manire ti maiguñi Ì. Mani ñeñaro yija, “Yure queno masibeama. Ito bajiri ñeñaro yama maji”, yi tuoïacõri, manire ti maiguñi Jesús. Mani ñeñaro yitoni, rãmu usirioro Ì yi codero bajiro, Jesucristore cuni ito bajiroti yibojayiju. Ito bajibobarocati

ñeñarise yibisijū Cristo. Ito bajiri manire rūmā usirioro yija, manire ejabūa masiguīji Cristo. <sup>16</sup> Ito bajiri Diore mani busija, güire mano busirāji mani. Manire buto ti maiguīji Dios. Ito bajiri mani ĩre busija, manire ti maiguīji ĩ. No mani ejabūare āmorijū manire queno ejabūagu yiguīji Dios.

## 5

<sup>1</sup> Masare yiari paia uju Diore ĩ busi ĩsiado bajiro manire busi ejabūarocu Cristore cūñi Dios. “Riti baja itī”, mūa yi tuoīatoni adi mūare gotia yū. Mani ñicusabatia ñayoana ĩna rāca gagū sīgūre besecōri, “Mū ñagū yigūja pai guare busi ĩsiri masū”, yi cūñi ĩna ĩre. ĩ ya moare ado bajiro bajiyijū. Masa Diore ĩna ĩsiroti boca āmicōri, itire Diore soe ĩsiyijū ĩ, masa ĩna ñeñaro yire waja, waja yi ĩsirocu. <sup>2</sup> Pai mani robo bajigū ñari, Dios ĩ rotirise ñarocōti cūdi jeo masibiquīji ĩ cūni. Ito bajiri queno tuoīamenati ñeñaro masa ĩna yija, ĩnare junisinibiquīji ĩ. Quenoti ĩnare goti quenogū yiguīji ĩ. <sup>3</sup> Ito bajiri Diore masa ĩna ĩsiroti soe ĩsi wacu, “Masa ĩna ñeñaro yirise ĩnare ācabojaya”, yiguīji ĩ Diore. Ito bajiroti yigu yiguīji ĩ cūni, ñeñaro ĩ yirise waja.

<sup>4</sup> No paia uju ña āmbojagu ĩmasiti ña masibiquīji ĩ. Dios sīgūti ñami, sīgūre ti besecōri, “Mū ñama paia uju”, ĩre yigu. Ito bajiroti Aarōn ñayorare cūñi Dios. <sup>5</sup> Ito bajiroti bajiyijū Cristore cūni. ĩmasiti, “Paia uju rētoro ñasagu ñacūja yū”, yibisijū ĩ. Dioti ĩre cūyijū, ito bajigū ĩ ñatoni. Ado bajiro ĩre gotiyijū Dios: Yū Macū ña mū. Adi rūmū masa ĩna tuoio riojo, “Āni yū Macū mūa uju ñami”, yigu yigūja yū, yiyijū Dios ĩ Macū Cristore.

<sup>6</sup> ĩ oca tutina gaje ado bajiro gotiñi Dios ĩ Macūre: Masare yiari mū busi ĩsitoni mure cūa yū. Paia uju Melquisedec ñayorare bajiro ñasagu mure cūa yū, yiyijū Dios ĩ Macūre.

<sup>7</sup> Adi macārucūro Jesús ĩ ñaroca ĩre ĩna sīaroti ñami riojua Diore busigu josayijū. Yago rāca oca sēoro busiyijū ĩ Jacūre. “Cūna, goda wacu ya yū. Yū catire mū āmoja, camota masigūja mū. Ito bajibojarocati mū āmoro bajiro bajiatoja”, yiyijū Jesús ĩ Jacūre. “Mure cūdi āmoa yū”, Jesucristo ĩ yijare tuoijū Dios.

<sup>8</sup> Dios Macū ñabojaguti tōbūjayijū Cristo. Tōbūja wacu jeyaro Dios ĩ rotiado bajiroti yiyijū Cristo. ĩ Jacūre queno cūdigū ñari, manire yiari tōbūja ĩsiyijū Cristo. <sup>9</sup> ĩ Jacū ĩre rotiado bajiroti manire yiari goda ĩsiyijū Cristo. ĩmū gāji manire goda ĩsigū maquīji. Ito bajiri ĩre mani tuorūnūja ticōri, manire masogū yiguīji ĩ. Ito yicōri mani catitīñaroca yigu yiguīji ĩ. <sup>10</sup> Paia uju ñasagu Melquisedec ñayoru ĩ ñado bajiro ĩ Macū Jesucristore cūyijū Dios. Ito bajiri manire maso masiguīji Cristo.

### *Jesucristore masirā ñabobarāti ĩre mani jidicāja guijo ña, yire gaye*

<sup>11</sup> ĩti oca gotiroti jaje rūya maji. Ito bajibojarocati itī ocare tuo masi āmobeja mūa. Ito bajiri josari ña itī mūare gua goti rēto āmbojojaja. <sup>12</sup> Yoari Cristore mūa tuorūnūja bero ĩ oca riasori masa ñaboyija mūa. Ito bajibojarocati Dios oca josari meje busa gayere mūcana tūdi mūare goti rēto burūja gua. Waibūcu ri ba masi wana ñabobarāti, mūcana tūdi ũjurāre bajiro bajirā ña mūa. Macūacā ũjugūre bajiro waibūcu ri ĩ ba masibeto bajiro Dios oca josari ñarisere tuo rēto bu masibea mūa. <sup>13</sup> Ōjegōa idirā, macūacā ũjugūre bajiro bajirā ña mūa. Dios ocare queno masirā meje ña mūa. ĩ oca masibiticōri Dios ĩ āmoro bajiro queno yire gayere masibea mūa. <sup>14</sup> Bare jeyaro buti quenarise ña bucūrā bare. ĩna ñama queno sēo quenarā. Ito bajiroti bajiama Dios oca queno tuo masirā cūni. Dios oca queno masicōri, “ĩti ña ñeñarise, itī ña quenarise”, yi ti beserā yirāji ĩna.

## 6

<sup>1</sup> Bwcuräre bajiro Cristore mani queno masi ämoja, ĩ oca josari ñarisere mani riasotija quena. Josabiti gayere riasoticăcu mani. “Ñeñarise jidicăcōri, quenarise tŵoġarŵa manire”, yire gaye riasoticăcu mani. “Queno yġbojarăti Diore mani tŵorŵnŵbeja jeame äjuroju wară yirăji mani”, yire gaye riasoticăcu mani. <sup>2</sup> Idé gure gaye cŵni riasoticăcu mani. Găjeră Diore masirăre yiari Diore bŵsiră wana ĩnare ämo moa jeore gaye riasoticăcu mani. “Godabojarăti mŵcana tŵdi catiră yirăji mani”, yire gaye riasoticăcu mani. “Ñeñaro yiră ĩna ñeñaro yirise waja, tŵbŵjatŵñară yirăji ĩna”, yire gayere riasoticăcu mani. <sup>3</sup> Dios ĩ ejabuarisena, josari gayere riasoti ŵmatăară yirăji mani.

<sup>4</sup> Dios oca tŵogoana ña mani, ito yicōri Jesucristo ŵmacŵju wadirăre boca ämiana ña mani. Espiritu Santo ĩ queo săna ña mani ĩja. Ito bajiri Dios oca mani riasoti ŵmatăabeja äcabojară yirăji mani. ĩ ocare äcabojacōri tŵdi ñeñaro yirăji mani. Ito bajiri mŵcana tŵdi ĩre tŵorŵnŵ ämomenaji mani. <sup>5</sup> Dios oca quenarise tŵogoana ña mani. Tiyamani Dios gayere tigoana ña mani. “Adi sita tŵdi ejaġu yigŵji Jesús”, yi tŵoġară ña mani. <sup>6</sup> Iti jeyarore masi jediră ñabojarăti, Jesucristore mani jidicăja, tŵdi mani ñeñaro yirise jidică masimenaji mani. Dios Macure tŵorŵnŵbojarăti mani jidicăja mŵcana tŵdi yucătŵeju ĩre jajurăre bajiro ya mani. Ito yicōri masa tiro riojo ĩre aja tudirăre bajiro ya mani. <sup>7</sup> Ado bajiro bajira sitare tŵoġate mŵa. Sita joe ide iti quedija, sitajŵare ide săjaroja. Iti sita ote queno judi, iti rica cŵtija ticōri, “Quenari sita ña adi sita”, yiră yirăji ĩna iti sita moari masa. “Queno yiñi Dios iti sitare”, yiră yirăji ĩna. Ito bajiroti Diore jidicămenare cŵni queno yigŵ yigŵji ĩ ĩnare. <sup>8</sup> Iti sita jota, ito yicōri ta widirise jeyaro iti judija, ñe waja ma iti wese. Ito bajiri sita iti ŵjară itire soecōră yirăji ĩna. “Adi sitare queno yibisġ Dios”, yiră yirăji ĩna. Ito bajiroti ĩre jidicăre jeame äjuroju cŵagŵ yigŵji Dios.

*“Yŵre masogŵ yigŵji Cristo”, mani yi tŵoġaja oca sŵoa mani, yire gaye*

<sup>9</sup> Yŵ mairă, “Mŵa ña Jesucristore jidicără”, yirocu meje mŵare itire bŵsia yŵ. “Mŵa ña Jesucristo ĩ masoana”, ya yŵ mŵare. Mŵa ña Dios ĩ ämoro bajiro yiră. Ito bajiri, “Queno yami Dios mŵare”, yi tŵoġa yŵ. <sup>10</sup> Riojo yigŵ ñami Dios, ito bajiri mŵa queno yigorere äcabojabicu yigŵji ĩ. Găjeră Jesure tŵorŵnŵrăre ti maicōri, ĩnare mŵa ejabŵagorisere äcabojabicu yigŵji ĩ. Ñaro bajiroti găjerăre ejabuarăji mŵa maji. Ito bajiro mŵa yirise äcabojabicu yigŵji Dios. <sup>11</sup> Mŵa sġgŵ rŵyabeto wanŵ oca sŵocōri Diore mŵa cŵditŵñare ämoa gua. Mŵa catirocŵ mŵa ito bajiro yi ñaja, mŵa bocatirise ñarocōti boca ämiră yirăji mŵa. <sup>12</sup> Jesure mŵa tŵorŵnŵ jidicăre ämobeja gua. Ito yicōri Dios oca tutire mŵa jidicăre ämobeja gua. Yoari Jesucristo ĩ tŵdi ejaroti bocaticōri, ĩre jidicăbisġ coriară. Ito bajiri ĩnare bajiro mŵa bajire ämoa gua. ĩnare bajiro mŵa yija, Dios ĩ goticădo bajiro ñarocōti boca ämirăji mŵa.

<sup>13-14</sup> Abraham ñayorăre tŵoġate mŵa. Ado bajiro ĩre goti yucăyiju Dios: “Riti queno mŵre yisacŵgŵ yigŵja yŵ. Jăjară mŵ janerăbatia cŵtiroca yigŵ yigŵja yŵ. ‘Ito bajiroti yicŵja yŵ’, yirocu yŵ wamena ya yŵ”, yiyiju Dios Abraham ñayorăre. ĩ wamenati yiyiju Dios. Găji wamena meje ito bajiro yiyiju Dios Abrahamre. Ñimŵja găji Diore rŵtocŵgŵ maquġji. Ito bajiri ĩ wamenati yiyiju Dios. <sup>15</sup> “ĩ yiro robo bajiro yigŵ yigŵji Dios”, yirocu ŵsirioro meje yuyiju Abraham ñayoru. Ito bajiri Dios ĩ goticădo bajiroti rŵtayiju Abrahamre. <sup>16</sup> “Ado bajiro yicŵja yŵ”, ĩna yija, Dios wamena yama coriară masa. ĩ wamena yama ĩna, masa rŵtoro ñasagŵ ĩ ñajare. “Riti mŵare Dios wamena

gotia yu", ina yija, nojua gajerã, "Burãti yama", yi masimenaji. <sup>17</sup> Ito bajiroti mani ñicusabatiare, "Ito bajiro yicuja yu", i yire ñajare, yisacöyiju Dios. "Riti manire i goticãdo bajiro ñsigü yiguñji Dios. I goticãdo bajiroti gajero bajiro wasoabica yiguñji i", ina yi masitoni, ñnare yisacöyiju Dios. "Mware socabea yu. Riojo yu wamena mware gotia yu", yiyiju Dios mani ñicusabatiare. <sup>18</sup> "Riti mware queno yisagu yiguja yu", yiyiju Dios. Gaje ado bajiro yiyiju Dios: "Ito bajiroti yicuja yu, yirocu yu wamena ya yu", yiyiju Dios. Juaji Dios i yijare, gajero bajirojua wasoabica yiguñji i. Ito bajiri, "Ado bajiro yicuja yu", i yicãre ñajare manire masogü yiguñji i. Ito yicöri, "I rãca catitñarã yirãji mani", yi tuoia mani. I goticãre mani tuorunuja wanu oca seorã yirãji mani. <sup>19</sup> Dios i goticãre ñarocöti tuorunuruja manire. "Mware masogü yiguja yu", yiñi Dios manire. "I rãca catitñagü yiguja yu", yi mani tuo masija, mani ya usi güibeto yiroja manire. Ito yicöri oca seorã yirãji mani. Jane mejeju masare yiarì Diore senirona Dios ñari wi yobiado wajajua Dios ñari sãa wasotiyijarã paia mesa. <sup>20</sup> Ito bajiro yiñi Jesús cuni. Umacüju mujacöri manire yiarì Diore busiñi i. Ito bajiri, "Manire masogü yiguñji Dios", yi tuoia mani. Paia uju Melquisedec ñayoru i ñasado bajiro ñasagu ñatitñagü yiguñji Jesús. Manire yiarì Diore busi ñatitñagü yiguñji Jesús. Ito bajiro i busi ñatitñatoni cüñi Dios ñre.

## 7

### *Paia uju Melquisedec bajiro bajiguti ñami Jesús cuni, yire gaye*

<sup>1</sup> I Melquisedec, Salem cuto gagu uju ñayiju. Ito yicöri Dios umacüju gagure moa ñsiri masu ñayiju i pai. Abraham ñayoru gaje cutorì gãna ujarãre rëtocücöri, tãdi wayiju i ya cutojũare. Ito bajiri i tãdi waroca ñre boca wayiju Melquisedec. ñre bocacöri ñre yiarì Diore busigu, "Dios queno yijaro mwre", yiyiju Melquisedec Abrahamre. <sup>2</sup> Gajerã ujarãre rëtocücöri, i bujare gayere cöiacöri Dios i rotiado bajiroti Melquisedecre jabeto ñsiyiju Abraham. "Uju queno yigu", yireoni ña iti Melquisedec yire. Salem cuto gagu uju ñayiju Melquisedec. Ñe oca mani cuto, yireoni ñayiju Salem yireoni. Ñe oca mana uju ñayiju Melquisedec. <sup>3</sup> Melquisedec jacusabatia wame, i ñarã wame cuni ucare ma Dios oca tutiju. Ito yicöri i rujeare, i godare cuni ucare goabea. "I godaja bero masare yiarì Diore busi jdicãyiju", yire ma. Melquisedecre mani tuoiaja, "Masare yiarì Diore i busi ñsiado bajiro masare yiarì Diore busi ñatitñagü yiguñji Cristo cuni", yi tuoia mani.

<sup>4</sup> Mani ñicu Abraham ñayoru rëtoro ñasagu ñayiju Melquisedec. Tuoiate mwa. Gaje cuto gãna ujarãre rëtocücöri, i bujarere cöiacöri jabeto ñsiyiju Abraham Melquisedecre. <sup>5</sup> Ito bajiroti Abraham janerãbatia judio masa jeyaro ña rucorisere cöiacöri jabeto ñsiyijarã paiare. Levì wame cutigu janerãbatia ñayijarã ña paia mesa. ña ñarã judio masare jeyaro ña rucorisere cöiacöri jabeto ñsiyijarã ña, Moisés i rotiado bajiroti. ña ñarã ñabojarocati ito bajiro yiyijarã ña, Moisés i rotijare. <sup>6</sup> Levì janami meje ñabojaguti, Abraham bujarere jabeto seniyiju i Melquisedec. Itire boca amicöri ñre yiarì Diore busiyiju Melquisedec. Abraham ñayiju, "Queno mwre yigu yiguja yu", Dios i yiru. Ñasagu ñayiju Abraham ñayoru. <sup>7</sup> "Dios mwre queno yijaro", yi ecoru rëtoro ñami, "Dios mwre queno yijaro", yiru. Melquisedec i, "Queno Dios mwre yijaro", yi ecoru ñayiju Abraham. Ito bajiri, "Abraham rëtoro ñasagu ñayiju Melquisedec", yi tuoia mani. <sup>8</sup> Mani wato ñarã paia gajerã rucorisere cöiacöri jabeto ñmirã, manire bajiroti godarãji ña cuni. Melquisedecre ma Dios oca

tuti iti gotija, “Itocō godaŋi Melquisedec”, yire oca ma. Ito bajiri godabica robo bajiro bajiguŋi ĩ. <sup>9-10</sup> Melquisedecre jabeto ĩsiroca ĩ janerābatia ŋarona ĩna rujeabitibojarocati ĩ ya rujuju ŋayijarā ĩna maji Abrahamre. Abraham janami Leví wame cutigu janerābatia ŋayijarā, masa ĩna ruorisere cōiācōri jabeto āmirā. Abraham ya rujuju ŋacōri Melquisedecre Abraham ĩ waja yija, ĩna cuni waja yirāre bajiro yiyijarā, Abraham ya ruju ŋacōri. Ito bajiri, “ĩna ŋarocō rēto busaro ŋasagu ŋaŋi Melquisedec”, yi tuoia mani.

<sup>11</sup> Leví janerābatiana suoriti ĩ rotirise cūyiju Dios, judio masare. Leví janerābatiare paia ĩna ŋaroca yiŋi Dios. Sīgū Leví janami ŋayiju pai ŋasagu, Aarón wame cutigu. Aarón ĩ janerābatia rāca masa ĩna Diore ĩsiroti boca āmijijarā ĩna. Boca āmicōri Diore soe ĩsiyijarā ĩna, masa ĩna ŋeŋaro yirise waja yirā. Ito bajiro ĩna yibojarocati, “Seti ma muare. Queno yirā ŋa ma”, yibisiju Dios ĩnare. Ito bajiri Melquisedecre ŋasagure bajiro bajigure cōayiju Dios, masare ĩ goda ĩsitoni. Aarón mesa waibucurāre soe ĩsicōri, masa ĩna ŋeŋaro yirise waja, waja yi jeocōajama gāji masare busi ĩsiroca cōabitiboru Dios. <sup>12</sup> Masare busi ĩsiroca Jesure Dios ĩ cōaja bero macana tūdi paia mesare masare yiari busi ĩsi rotibisiju Dios. Ito yicōri busu oca jidicācōri ĩ oca mame wasoa rotiyiju Dios paia masare. <sup>13</sup> Mani Ĥju Jesucristore cūni Dios, paia uju ŋasagu ĩ ŋatoni. Ito bajiri ĩ ŋami manire yiari Diore busi ĩsigū. Leví janerābatia janami meje ŋayiju Cristo. Judá janerābatia janami ŋayiju Cristo. Judá janerābatia Cristo riojuu sīgū pai maŋiju. <sup>14</sup> Mani Ĥju Jesucristo, Judá janerābatia janami ŋayiju ĩ. Leví janerābatiare paia cū wacu Judá janerābatiareama ito bajiro yibisiju Moisés ŋayoru. Itire queno tuo masia mani.

<sup>15</sup> Itire tuocōri, “Busu oca jidicācōri oca mame wasoacōni Dios”, yi tuoia mani. Paia uju Melquisedec ŋasagu ĩ ŋado bajiro manire yiari busi ĩsigure cūni Dios. <sup>16</sup> Leví janerābatiare riti, “Paia ŋarā yirāji ĩna”, yi rotiyiju Moisés. Ito bajiri Moisés ĩ rotirena meje paia uju Cristo ĩ ŋaroca yiŋi Dios. Tūdi ĩ catija ticōri, ĩ Macure cūni Dios manire yiari ĩ busi ĩsitoni. Buto masigū ŋari juaji godabica yiguŋi Cristo. <sup>17</sup> Ado bajiro gotiyiju Dios ĩ Macure:

Masare mu busi ĩsitŋatoni mare cūa yu. Paia uju Melquisedec ŋasagu ĩ ŋado bajiro ŋatŋagū yiguja mu, yiyiju Dios ĩ Macure.

<sup>18</sup> Busu oca iti rotiro bajiro queno cūdi jeo masibisijarā mani ŋicūsatia. Ito bajiri ĩnare seti ŋayiju maji. Ito bajija ticōri, “Busu oca quenabea. Ŋe waja ma iti”, yi tuoia wacu itire jidicāyiju Dios. <sup>19</sup> Busu oca ĩna cūdi jeoja ticōri, “ĩnare seti ŋa maji”, yiyiju Dios. Ito bajiri busu oca jidicācōri, mame oca cūyiju Dios ĩja. Ado bajiro yiyiju Dios. ĩ Macu Cristore cōayiju, mani ŋeŋaro yirisere ĩ waja yi ĩsitoni. Ito bajiri Cristore manni tuorūnaja ticōri, “Ŋe seti ma muare”, yigu yiguŋi Dios ĩ tu mani ejaru mu. Iti mame oca tuocōri, “Busu oca ŋasore rētoro quena mame oca”, yi tuoia mani.

<sup>20</sup> “Yu Macure cūa yu, masare yiari ĩ busi ĩsitŋatoni. Riti ya yu”, yi goticāyiju Dios. <sup>21</sup> Cristore Dios ĩ cūroto riojuu, gājerā paiare ĩ cūja, “ŋasagu ānare cūa yu”, yibisiju Dios. ĩ Macureama paia uju cū wacu, “Riti, āni ŋasagure cūa yu”, yiyiju Dios. ĩ Macure ado bajiro gotiyiju Dios ĩ oca tutina:

Yu ŋa Dios mu Ĥju. “Ado bajiro yigu yiguja yu”, yicōri yu tuoiarise tuo riawusobicaja yu. Masare yiari mu busi ĩsitŋatoni mare cūa yu. Paia uju Melquisedec ŋasagu ĩ ŋado bajiro ŋatŋagū yiguja mu cuni, yiŋi Dios ĩ Macure, yi gotia Dios oca tutiju.

<sup>22</sup> Iti mani tuoja, “Riti manire masogū yiguŋi Jesucristo. Busu oca rētoro quenarise ŋa iti mame oca”, yi tuoia mani. <sup>23</sup> Busu oca iti ŋaroca jājarā

paia ñayijarã. Ìna godaja gãjerã Ìnare wasoarona ñayijarã. <sup>24</sup> Ito bajiro Ìna godabojarocati, Jesuama godagu meje ñami. Ñimujã gãji Jesure wasoarocu maquũji. <sup>25</sup> Catitiñagũ ñari manire yiari Diore busi Ìsititiñagũ yiguũji Ì. “Mũ Macu yure goda Ìsiñi. Ito bajiri Ìna suoriti mũ yagu ña ãmoa yu”, Diore mani yija, manire masogũ yiguũji Cristo. Manire Ì masoja bero Ì rãca catitiñarã yirãji mani.

<sup>26</sup> Jesucristo ruyabojãni maji, manire busi Ìsirocu. Manire yiari Diore Ì busi Ìsibeja, Dios tu ejamenaji mani. Dios Ì ñajare, ñeñarise ma Ìre. Ñeñaro yigu meje ñayiju Ì. Ñe seti macu ñayiju Ì. Masa ñeñaro yirãre bajiro meje bajigu ñami Ì. Ùmacũju gãna rëtoro ñasagu Ì ñaroca yiyiju Dios Jesure. <sup>27</sup> Gãjerã paia ujure bajiro bajigu meje ñaguũji Ì. Co rymũ ruyabeto waibucurãre sÿayijarã Ìna, Diore soe Ìsirona. Ito bajiro yicõri, “Gua ñeñaro yirisere ãcabojoya. Ito yicõri masa Ìna ñeñaro yirisere cuni ãcabojoya”, yiyijarã Ìna. Coji meje ito bajiro yiyijarã Ìna. Jesuama cojiti godaani, masa Ìna ñeñaro yirise waja, waja yi Ìsigã. Mucana tãdi waja yibicu yiguũji Ì, Ì ya rina Ì waja yi tiocãre ñajare. <sup>28</sup> Moisés ñayoru Ì rotirena suoriti manire bajirãreti paia ujarã ña rotiyijarã Ìna. Bucu oca jidicãcõri mame oca cüyiju Dios. “Riti ado bajiro yicuja yu”, yirocu mame oca cüyiju Dios. “Yu Macu ñeñaro yibicare cãa yu, masare yiari Ì busi Ìsitori”, yiyiju Dios Ì oca tutina.

## 8

### *Mame oca goticõri manire busi Ìsiri masu ñami Jesús, yire gaye*

<sup>1</sup> Yu gotisorise ado bajiro bajaia ñasarise. Sígũ ñami manire yiari Diore busi Ìsigũ. Ì ñami ñasagu. Ùmacũju Dios ya riojocaduja rucuboraju rujiguũji Ì. <sup>2</sup> Dios ya wi ñasari wi ñacõri manire yiari busi Ìsigũ yiguũji Ì. Masa Ìna menira wi meje ñaroja iti wi. Dios Ì menira wi ñaroja iti wi.

<sup>3</sup> Masa Ìna ñeñaro yirise waja, waja yirona Diore waibucurã soe Ìsiri masa ñama paia ujarã. Ito bajiro Ìna yitonu Ìnare cürã yirãji masa. Manire yiari ito bajiro yiñi mani Hju Jesucristo cuni. Mani ñeñaro yirise waja, waja yirocu manire goda Ìsiñi Ì. Ito bajiro yicõri Diore busi wacu Ì ya rujũ Ìsigũre bajiro yiñi Ì. <sup>4</sup> Adi tuti ñarã paia, Moisés ñayoru Ì rotiado bajiroti soe Ìsiamã maji. Ito bajiri Cristo adi sita Ì ñajama Ìnare bajiro yibitiboguũji. Adocãta manire yiari ùmacũju Diore busi Ìsigũ yiguũji Ì. <sup>5</sup> Adoju paia Ìna moari wi ùmacũju gagu Dios ya wi robo bajiro bajaia. Moisés ñayoru Dios ya wi Ì menigũ wagu yiroca, ado bajiro rotiyiju Dios Ìre: “Gũtagũ joeju yu mare goticato bajiroti tũõacõri, ito bajiro menima”, yiyiju Dios Moisés ñayorure. Adi sita gãna paia Ìna moaja ùmacũju gagu Dios ya wi robo bajiro quesoarã yirãji Ìna. <sup>6</sup> Cristo manire busi Ìsiri masure moare ñasarise cũñi Dios. Paia ñayoana bucürã rotirere cudigoana Ìna yiado rëtoro yigu ñami Cristo. “Masa yu Macure Ìna tuorũñuja, Ìnare queno yigu yiguja yu. Ìna ñeñaro yirisere ãcabojoõri, Ìnare masogũ yiguja yu”, yami Dios Ì oca tutina.

<sup>7</sup> Bucu oca rëtoro ñasarise ña mame oca. Bucu oca tuo suyacõri Dios ñaro mani ejajama gaje mame oca cõbitiboru Ì. <sup>8</sup> Bucu ocare masa Ìna cudi jeo masibeja tiyiju Dios. Ito bajiri ado bajiro yiyiju Ì:

Israel sita gãna rãca, Judã gãna rãca Ìja mame oca quenogũ yiguja yu maji.

<sup>9</sup> Ìna ñicũsabatiane yu goticado bajiro meje bajiro yiroja. Egiptojũ Ìna ñaroca gajeroju Ìnare cũ wacu Ìnare gotibojacu yu. Yu goticato bajiro cudibiticã Ìna. Ito bajiri Ìnare tuorũnabiticu yu.



- <sup>10</sup> Ija Israel sita gānare yu oca quenoja, ado bajiro yigu yigujā yu: Yu rotirise ina tuoiaroca yigu yigujā yu. Ito bajiri ina ya usiju yu rotirisere cudi āmorā yirāji ina. Ito yicōri ina uju űagū yigujā yu. Ito bajiri ina űarā yirāji yu űarā.
- <sup>11</sup> Yu űarā űari űarocōti yure ti masirā yirāji ina. Ito bajiri yure masirā riti ina űajare ina baba mesare cuni yure ina ti masitoni riasomena yirāji ina. Ina jeyaro yure ti masirā yirāji ina. Matarā cuni, bucūrā cuni yure ti masirā yirāji ina. Ito bajiri yure ina ti masitoni riasomena yirāji ina.
- <sup>12</sup> Inare ti maicōri ina űeűaro yirisere ācabojogu yigujā yu. Ito yicōri juaji ina űeűaro yirisere tuoibicu yigujā yu Ija, yami mani Uju Dios i oca tutina.
- <sup>13</sup> Mame oca Dios manire i busija, “Bucu ocare jidicācōgū yiguűji”, yi tuoia mani. Bucua warise jedi wato ya. Ito bajiroti manire mame oca i gotija, “Iti űumu gaye bucu oca jedi waro ya”, yi tuoia masia mani.

## 9

### *Diore rūcubūorā ado bajiro yiyijarā bucūrā, yire gaye*

<sup>1</sup> Cajero Dios Moisés rotirotire cūgū masa ire rūcubūoroti gayere ire cūyiju Dios. “Adi sitaju yure rūcubūorona mua minijuaroti wi menire āmoa yu”, yi rotiyiju Dios Moisésre. <sup>2</sup> Ito bajiri i rotiado bajiroti wi juā sōa, sōa cutiri wi meni űsijarā ina. Wi gudareco saya webatirona yobiara wi űayiju iti wi. Cajero ejasūoraju Diore rūcubūora sōa űayiju iti sōa. Ito sōaju jeobusuora tutu űayiju. Ito yicōri casabo űayiju, naju Diore űsiroti jesari casabo. <sup>3</sup> Yobiado gaje duja űari sōa, Dios i űasari sōa wame cutiyiju iti sōa. <sup>4</sup> Itoju orona ina menira casabo űayiju. Ito űayiju Diore yari queno suti quenarise ina soe űsistira casabo. Ito yicōri orona ina menira jedo űayiju. Dios i busigore űari jedo űayiju iti jedo. Ito jedo totiju adocō jaje űayiju. Ito jedoju oro sota sāűayiju. Ito sotaju bare manā wame cutirise sāűayiju. Ito yicōri iti jedoju Aarōn űayora ya turigu űasāturagu sāűayiju. Ito yicōri iti jedoju gūta jāiri Dios i rotirise ucare űayiju. <sup>5</sup> Ito jedo joe āngel mesa bajirā ina meni rujeoana jesayijarā. Ina űayijarā masa ina űeűaro yirise waja soe űsiraju weca caero űujeorā. Inare ticōri, “Adi sōa űa Dios i űasari sōa”, yi tuoűayijarā paia. Adocāta iti gaye űarocōti goti masia ma maji.

<sup>6</sup> Ito bajiro bajiyiju mani űicūsabatia Diore ina rūcubūore gaye. Co űumu űayabeto ina moasotire űajare, Diore rūcubūoraju űasuroi sōa ejasotiyijarā ina. <sup>7</sup> Ito bajibojarocati Dios i űasari sōareama paia uju co rodo űayabeto kojiti sājayiju i co rodore. Itoju i sāja waja, waibucūrā rī rāca āmi sāja wayiju i. Ito űayiju i űeűaro yirise waja, waja yiroti, ito yicōri masa űeűaro yirise waja, waja yiroti. <sup>8</sup> “Mani űicūsabatia cajero Dios i rotisore ina rūcubūosuroca paia uju űgūti Dios i űasari sōa sājasotiyiju. Masama ejasura sōa riti sājasotiyijarā ina. Ito bajiri Dios i űarogu eja masibisijarā masa maji”, mani yi masiroca yami Espiritu Santo. <sup>9</sup> “Ricati baja adi űumari”, mani yi tuoiaroca yami Espiritu Santo. Mani űicūsabatia Diore rūcubūorona waibucūrāre soe űsijarā ina. Ito bajiro yibojarāti ina tuoiarise, “Seti cuti űa yu maji”, yi tuoűayijarā ina. <sup>10</sup> Bucūrā rotire gaye ado bajiro bajiyija: “Adi űa bare, adi űa bare meje. Adi űa idiroti, adi űa idire meje. Ado bajiro guaja quena. Ado bajiro coeja quena. Ito yicōri ado bajiro rujare tirūnaja quena”, yire gaye űayiju bucūrā ina rotire. Mani űicūsabatia itire cudi āmorā űabojarāti, űarocōti cudi jeo masibisijarā ina. Mame oca Dios i wasoaroto riojuā bucu oca űasarise űayiju maji.

11 Ījama Cristo ejacoami. Īti ñami manire yari Diore busi Īsigū ñasagu. Īti ñami manire quenarise rētaroca yigu. Manire Ī goda Īsija bero ūmacūju Dios ya wiju mūja wayiju Ī. Itoju Dios ya wi ñacōri manire yari busi Īsisotiguļji Ī. Ūmua ĩna menira wi rētoro quenari wi ñaroja Dios ya wi. Adi sitaga wi meje ñaroja Dios ya wi. 12 Ūmacūju Dios Ī ñasari sōaju ñagūļji Cristo adocāta. Itoju sājacōri cabra macu rí, ta wecu macu rína Diore Īsirocū meje sājuaru Ī. Ī ya rinati Diore Īsirocū sājuaru Ī. Manire goda Īsicōri mani ñeñaro yirise waja, waja yi tioru Ī. Ito bajiri mūcana juaji Ī ya ríre Diore Īsibiquļji Ī. Ī rāca mani ñatīñatoni ñarocōti waja yiñi Ī. 13 Ado bajiro bajiyiju Dios Ī rotisūore: Sīgū godarure Ī moaĭaja ito yicōri rēore gayere Ī moaĭaja, Ī ya ruju ueri jaigure bajiro bajiyiju Ī. Ito bajiri itire coerona ta wecu rí, cabra macu rí cūni, ito yicōri ta wecu macu rí ĩna soe abore rīti ĩna ya rujure paiare wējabate gu rotiyjarā ĩna. Ito bajiro ĩna yija joe ueri coero bajiro bajiyiju iti. 14 Waibucurā rí rēto busaro ñasarise ña Cristo ya rí. Waibucurā ríama joe gayeti coeroja. Jesús ya ríama mani ñeñaro yirisere coe jeocōroja. Cojirea ñeñaro yīābicu ñari manire goda Īsiñi Ī, mani ñeñaro yirisere waja yi Īsirocū. Ito bajiro yiñi Cristo manire, Espiritu Santo ñatīñagure tuocōri. Jesús ya rína sūoriti mani ñeñaro yirisere ācabojoju yiguļji Dios. Ito bajiri, “Yū queno yirise ticōri yure masogū yiguļji Dios”, yi tuoĭabea mani. “Jesús ya ríre ticōri yū ñeñaro yirisere ācabojoñi Dios”, yi tuoĭa mani. Ito bajiri Dios catīñagure wanurā ĩre moa Īsitīñarī yirāji mani.

15 Ito bajiri iti oca tuocōri, “Jesucristo ĩti ñami mame oca manire gotitoni Dios Ī cōaru”, ya mani. Cajero Dios Ī rotisūore gaye cūdi jeo masibisija mani. Ito bajiri Dios Ī rotisūore mani cūdi jeo masibejare, itire waja yi Īsirocū manire yari goda Īsiñi Cristo. Ito bajiro Cristo Ī yija ticōri, Dios Ī goticādo bajiroti yigu yiguļji Ī. Mani ñeñaro yirisere ācabojočōri, Ī rāca mani ñatīñatoni manire āmigū yiguļji Dios. 16 Ado robojuā baja. Tite. Sīgū Ī godaroto riojuā, “Yū ya gajeoni rucō wasoarā yirāji yū ñarā”, yi menigū yiguļji Ī. Ito bajiro Ī yija bero, “Riti ña. Adi papera Ī ucaja bero godacoañi”, oca quenori masū Ī yiroto riojuā, godaru ya gajeonire boca āmi masimenaji Ī ñarā. 17 Ito papera ucarū Ī catija maji, Ī ñarā Ī ya gajeonire boca āmi masimenaji maji. Ī godaja bero riti, Ī uca gotiādo bajiro boca āmirā yirāji ĩna. 18 Ito bajiroti cajero Ī rotire gotigu, Moisés ñayorure waibucurā rí wējabate rotiyiju Dios. “Īti ríre ticōri, Īja sīgū manire goda Īsigū yiguļji”, yi tuoĭarā yirāji masa”, yiñi Dios Moisésre. 19 Ito bajiro Ī gotija tuocōri, ñarocōti Dios Ī rotire gaye masare goti jeoyiju Moisés ñayoru. Itire goti tuocōri cabra macu rí, ta wecu macu rí idena jabeto wuoyiju. Ito yicōri oveja joa sūarise āmicōri hisopo wame catiricu ríne ríne siayiju. Ito gocore ríju yosecōri, Dios Ī rotira tutire ito yicōri masare cūni rína wējabate guyiju Moisés ñayoru. 20 Ito yicōri masare ado bajiro yiyiju Ī: “Adi ríre ticōri, Īto bajiro yicaja yū”, Dios Ī yiađo bajiroti yigu yiguļji, yi tuoĭa mani”, yiyiju Moisés masare. 21 ĩna minijuara wiju cūni rína wējabate guyiju Moisés ñayoru. Ito yicōri itiju minijuara wi ñarise ñarocōreti rína wējabate guyiju Ī. 22 Ado bajiro gotia bucū oca: “Ueri catirise jeyaro, rína coeja quenaroja. Sīgū Ī rí budibeja mani ñeñaro yirise coeya manibođoja”, yi gotia bucū oca.

### *Cristo Ī godarena sūoriti mani ñeñaro yirise coeyiju, yire gaye*

23 Ito bajiri mani ñicūsatia Dios ya wiju ĩna sājuaroto riojuā, ĩna ya rujure ĩna ya gajeonire cūni rí wējabate guyijarā ĩna. Rí wējabatecōri, “Ueri ma manire. Sājuaruja manire”, yiyijarā ĩna. Ito bajiro ĩna yija, ūmacūju Dios Ī ñaro bajiro quesoĭayijarā ĩna. ĩna yisotiādo bajiro waibucurā rētoro ñasagu manire goda

Īsiñi Cristo. Ī ya rĭna s̄woriti Dios ya wĭjũ ejarã yirãji mani. <sup>24</sup> Mani ñic̄usat̄batia ĩna menira wĭjũ sãjabisijũ Cristo. “Ado bajiro bajiroja Dios ya wi”, yiariti ĩna menira wi ñayijũ iti wi. Cristoama ũmacũjũ Dios ĩ ñarojũ sãjañi. Ito bajiri adocãta itona ñacõri, manire yiarĩ Diore busi ĩsigũji ĩ. <sup>25</sup> Judio masa paia ũjũ co rodo r̄ayabeto cojiti sãjayijũ ĩ co rodore. Itoju sãjacõri, Diore yiarĩ waibũcũ rĩ wẽjabeteyijũ ĩ. Cristoama cojiti ĩ ya rĩ ĩsiyijũ Diore, masa ĩna ñeñaro yirise waja, waja yi ĩsiroca. <sup>26</sup> Co rodo r̄ayabeto Cristo godare Dios ĩ ãmoja, biyaro godaborũ, adi macãrucũro iti rujearocajuti. Ado bajirojũa bajaia. Adocãta macãrucũro iti jediroto riojũa, manire yiarĩ cojiti goda ĩsiñi Cristo. Mani ñeñaro yirisere goda ĩsiñi ĩ. Ito bajiri ĩre mani t̄worũnaja, manire ĩ yi ĩsigore ticõri, mani ñeñaro yirisere ãcabojogũ yigũji Dios. <sup>27</sup> Sĭgũ r̄ayabeto cojiti godarã yirãji mani. Ito yicõri mani queno yire, mani ñeñarise yire c̄ani cõagũ yigũji Dios. <sup>28</sup> Cristo c̄ani masa jeyarore ĩna ñeñaro yirise waja, waja yi ĩsiroca cojiti godañi. M̄ucana t̄udi ĩ goaja, masa ĩna ñeñaro yirisere waja yi ĩsiroca meje ejaɣũ yigũji. ĩre bocatirãre masorocũ ejaɣũ yigũji ĩ.

## 10

<sup>1</sup> B̄ucũ ocana s̄woriti quenaro ĩnare Cristo ĩ yiroti gayere masis̄woyijarã masa. Ñarocõti ĩ queno yiroti masi jeobisijarã ĩna maji. B̄ucũ oca c̄udirã co rodo r̄ayabeto waibũcũrã s̄iacõri Diore soe ĩsisotiyijarã ĩna. Ito bajiro ĩna yibojarocati, “Yũ tija, seti ma ĩnare”, yibisijũ Dios. Ito bajiri b̄ucũ ocare mani t̄wo s̄yabojaia Dios tũ ejaмена yirãji mani. <sup>2</sup> Diore yiarĩ waibũcũrã ĩna soe ĩsija bero ĩna ñeñaro yirisere ĩ coe jeoja, m̄ucana waibũcũrã soe ĩsibitiboana ĩna. “Waja yi t̄iomũ yũ. Yũre seti ma ĩja”, yiboana. <sup>3</sup> Ito bajiro meje bajiyija. Co rodo r̄ayabeto Diore waibũcũrã ĩna soe ĩsija, “Ñeñaro yigũ ña yũ”, yi t̄woĩa b̄ujayijarã ĩna. <sup>4</sup> Ta wecũ rĩ, cabra rĩ, masa ĩna ñeñaro yirisere coerotĩ meje ñaroja.

<sup>5</sup> Ito bajiri adi sitajũ wadigũ, ado bajiro yiyijũ Cristo Diore: Masa ĩna waibũcũrã soe ĩsire ãmobeaa mũ. Ito bajiri ĩna ñeñaro yirise yũ waja yi ĩsitoni, ĩna tũ yũ rujũ c̄utiroca ya mũ.

<sup>6</sup> Masa ĩna ñeñaro yirise waja yirona waibũcũrã ĩna soe ĩsija queno wanũbeaa mũ, ya yũ.

<sup>7</sup> Gaje ado bajiro m̄ure gotia yũ: Dios mũ ãmoro bajiro yirocũ masa t̄ujũ wacũ ya yũ. “Dios ĩ rotiro bajiro yigũ yigũji ĩ”, mũ oca tuti iti gotirotũ bajiroti, masa t̄ujũ wacũ ya yũ, yiyijũ Cristo Diore.

<sup>8</sup> Queno t̄woya yũ ñarã m̄aa. Ado bajiro gotiyijũ Cristo: “Masa ĩna ñeñaro yirise waja yirona Diore yiarĩ waibũcũrã ĩna soe ĩsi ãmobjaja, queno wanũbeami. Moisés ñayorũ ĩ rotire ñabojarocati, queno wanũbeami Dios”, yi gotiyijũ Cristo.

<sup>9</sup> Gaje ado bajiro gotiyijũ Cristo: “Dios, mũ ãmoro bajiro yirocũ, masa t̄ujũ wacũ ya yũ”, yiyijũ Cristo Diore. ĩ ito yija t̄woõri, “B̄ucũrã waibũcũrã soe ĩsire jidicãõri, ĩmasiti manire goda ĩsiñi”, yi t̄woĩa mani. <sup>10</sup> Dios ĩ ãmoro bajiro yĩñi Jesucristo. Cojiti manire yiarĩ goda ĩsiñi ĩ, ĩ ya rĭna mani ñeñaro yirisere waja yirocũ. Ito bajiro ĩ yire ñajare, mani ñeñaro yirisere ãcabojocõri, “Seti ma m̄uare”, yigũ yigũji Dios manire.

<sup>11</sup> Judio masa paia co rumũ r̄ayabeto ĩna ya moare ñajare, biyaro Diore waibũcũrã soe ĩsisotiamaa ĩna. Ito bajiro ĩna yibojarocati masa ĩna ñeñaro yirisere coebetoja. <sup>12</sup> Cristoama cojiti mani ñeñaro yirisere waja yi t̄worocũ manire yiarĩ goda ĩsiñi ĩ. Mani ñeñaro yirise waja yi t̄woõri ũmacũjũ Dios ya riojocaduja r̄uc̄ab̄worajũ rujigũji ĩ ĩja. <sup>13</sup> Itoju ñacõri ĩ wajanare r̄etocũroca Dios ĩ yitoni bocatigũ yigũji maji. <sup>14</sup> Manire yiarĩ cojiti goda ĩsiñi Cristo. Ito

bajiro i yijare manire ticōri, “Seti ma m̄are”, yigū yiguūji Dios. Ito bajiri i rāca catitīnarā yirāji mani. <sup>15</sup> “Riti bajaia iti oca”, mani yi masitoni, ado bajiro gotiñi Espiritu Santo:

<sup>16</sup> Masa rāca mame oca quenogū yigūja yū. Ado robojūa bajiro yiroja:

Yū rotirise ĩna t̄oīaroca yigūja yū. Ito bajiri ĩna ya ūsiya yū rotirisere c̄adi āmorā yirāji ĩna.

<sup>17</sup> Cristore ĩna t̄or̄ūnūja ticōri, ĩna ñeñaro yirise, ĩna seti c̄atirise juaji t̄adi t̄oīabicūja yū, yi gotiñi Espiritu Santo Dios oca tutina.

<sup>18</sup> Ito bajiri mani ñeñaro yirisere Dios i ācabojoja bero, juaji mani ñeñaro yirisere waja yi masia ma.

### *Diore mani t̄or̄ūnūja quena, yire gaye*

<sup>19-20</sup> Ito bajiri yū mairā, ado robojūa bajaia mame oca, adi r̄um̄ari. Mani ñeñaro yirise waja, waja yi t̄ioñi Cristo, i ya rīna. Godarū ñabogajuti m̄ucana caticōri ūmacūju Dios i ñarōju ñaguūji manire yiari. Ito bajiri ĩre mani t̄or̄ūnūja ūmacūju Dios i ñasari s̄ōaju ḡūimenati s̄ājarā yirāji mani. Mani ñic̄usabatia Dios i ñasari s̄ōa yobiadore r̄eta masibisjarā ĩna. Ito bajiro meje bajaia adocāta.

<sup>21</sup> Jesucristo s̄iḡuti ñami paia ūju ñasagu. Manire yiari Diore b̄usi ĩsositigū yiguūji. Ito bajiro yisotiguūji Cristo, Dios ya wina ñacōri. <sup>22</sup> Ito bajiri ḡūimenati Diore r̄ac̄ub̄orona i t̄a warūja manire. Ito yicōri, “Yure boca āmigū yiguūji”, yi t̄oīa r̄ac̄ub̄orūja manire. Mani ñeñaro yirisere coeñi Dios, Jesucristo ya rīna. Ado bajiro bajaia iti. Ide quenarisena mani guaja bero mani ya ruju ūeri manojā ĩja. Iti bajiroti Jesucristo ya rīna s̄or̄iti mani ñeñaro yirise Dios i coeja bero, ūeri mana bajiro ñarāji mani ĩja. Ito bajiri, “Ñeñaro ya yū. Seti ña yure”, yi t̄oīabea mani. <sup>23</sup> ĩre t̄or̄ūnacōri, “Yure masogū yiguūji i”, yirā ñari, ĩre t̄or̄ūnū suyarūja manire. Gajero bajiro t̄oīabitirūja manire. Dios manire i goticādo bajiroti yigū yiguūji i. <sup>24</sup> Gājerāre mani queno yitoni, ito yicōri ĩnare mani ti maitoni, gāmeri ejab̄uarūja manire. <sup>25</sup> Jesucristore t̄or̄ūnūñā ñari, ĩre r̄ac̄ub̄orona minijuatīnarūja manire. Coriarā minijua jidicāñi ĩna. ĩnare bajiro yibitirūja manireama. Jesucristore mani jidicābititoni, b̄uto b̄usa gāmeri oca s̄eo rotirūja manire. Ito bajiri adi r̄um̄ari b̄uto b̄usa oca s̄eorūja manire, yoari mejeti mani ūju i ejaroti ñajare.

<sup>26</sup> Dios ocare masirā ñabojarāti, ñeñaro mani yi ūyaja ñe waja yi remore manojā. Waja yicāñi Cristo. Ito bajiri ĩre mani t̄or̄ūnūbeja, t̄adi waja yibiquūji i ĩja. <sup>27</sup> Ito bajiri Cristore mani t̄or̄ūnūbeja ticōri, guijorise riti manire waja senigū yiguūji Dios. Ito yicōri jeame ūjaroju i wajanare ruyuriorijū manire c̄ogū yiguūji Dios. <sup>28</sup> Moisés ñayorū i rotire gayere s̄igū i c̄adibeja ado bajiro bajiyū. Jūarā, ūdiarā, “Riti c̄adibeami i”, ĩre yi coderā ñaja, jabeto ĩre ti mairā mejeti ĩre s̄iac̄oyjarā ĩna. <sup>29</sup> Iti gayere mani t̄oīaja, “S̄igū Dios Macare ti tecōri i r̄ac̄ub̄obeja, b̄uto b̄usa i t̄ob̄jaroca yigū yiguūji Dios ĩre”, yi t̄oīa mani. Masa jeyaro yiari Jesucristo ya rī budiyū. ĩ ya rīna s̄or̄iti mani ñeñaro yirisere ācabojojuji Dios. Iti ña oca mame Dios i c̄ure. Ito bajiri, “Masare yiari i goda ĩsibore ñe waja ma i ya rī”, yigūre b̄uto i t̄ob̄jaroca yigū yiguūji Dios. Manire ti maigū ñari queno manire ejab̄uami Espiritu Santo. Ito bajiri no Espiritu Santore b̄usitugareti b̄uto i t̄ob̄jaroca yigū yiguūji Dios. <sup>30</sup> Ado bajiro yīñi Dios: “Yū ña masa ĩna ñeñaro yirisere waja seniroca. Ito yicōri yuti ña ĩna t̄ob̄jaroca yiroca”, yīñi Dios. Itire masia mani. Gaje ado bajiro gotia Dios oca: “Dios ñami i ñarāre ĩna ñeñaro yirise waja, waja

seniroca”, yi gotia Dios oca. <sup>31</sup> Ñeñaro yirāre ñiacōri Dios catitĩñagū ĩ waja senija, buto guijorise ñaroja.

<sup>32</sup> Ito bajiri, “Īre jidicāgū yigujaja yu”, yi tuoĭabesa mua. Jesucristo oca tuocōri Īre mua boca āmicato bajiroti Īre riti mua tuorānu suyaja quena. Īre mua tuorānuja ticōri, muare tudĩni gājerā. Mua tōbujaroca ĩna muare yibojarocati Cristore tuorānu jidicābisija mua. <sup>33</sup> Mua coriarāre masa busi tudĩni. Ito yicōri mua coriarāre masa ĩna tiro riojo ñeñaro yĩni ĩna. Mua baba mesare ñeñaro ĩna yija ticōri, ĩna rāca tōbujayija mua cuni. <sup>34</sup> Mua baba mesare ĩna tubiaja ĩnare tuo maiyija mua. Mua ya gajeonire ĩna ěmabojaja cuni buto bojori bujabisija mua. “Ūmacūju Dios ĩ ñaroju jogabitire boca āmirā yirāji mani. ĩna manire ěmarise rētoro quenarise bujarā yirāji mani”, yi wanure rāca tuoĭayija mua. <sup>35</sup> Ito bajiro ñeñaro tōbujabojarāti Diore tuorānu jidicābeja mua. Oca sēoro wanure rāca buto busa Diore tuorānuña mua. Ito bajiro mua yija, iti waja queno yigu yiguĩji Dios muare. <sup>36</sup> Dios ĩ āmoro bajiro mua yi āmoja, usiriobeja mua. Ito bajiro mua yija ticōri, ĩ gotiado bajiroti muare ĩ ĩsiroti ĩsigū yiguĩji Dios. <sup>37</sup> Yoari goroama bocati yimenaji mua. Ado bajiro gotiami Dios ĩ oca tutina:

Yoari mejeti yu cūru ejagu yiguĩji. Yoari goroama godabetoja ĩ ejaroti.

<sup>38</sup> No ĩ ñeñaro yirisere jidicācōri Cristore tuorānugūreti ti wanugū yigujaja yu. Ito bajiri ĩ catitĩñaroca yigu yigujaja yu. Yure jidicārāreama ĩna rāca wanūbicu yigujaja yu, yĩni Dios ĩ ocana.

<sup>39</sup> Diore jidicārā meje ña mani. Ito yicōri ĩ ruyuriorona meje ña mani. Diore tuorānūrā ña mani. Ito bajiri ĩ masoana ñari ĩ rāca catitĩñarā yirāji mani.

## 11

### *Diore mani tuorānuja catitĩñarā yirāji mani, yire gaye*

<sup>1</sup> Diore mani tuorānuja ado bajiro tuoĭarā yirāji mani. “Dios ĩ yiro bajiroti yure masogū yiguĩji ĩ. Ija yure ĩ ĩsiroti itire tibitibojaguti boca āmigū yigujaja yu”, ya mani Diore mani tuorānuja. <sup>2</sup> Jane mejeju Īre ĩna tuorānuja ticōri, mani ñicasabatiare wanuyiju Dios.

<sup>3</sup> “Īya ocanati adi macārūcūrore rujeoñi Dios”, ya mani, Īre mani tuorānuja. “Rocati mani tigorena meje adi macārūcūrore rujeoñi Dios. ĩ ya ocanati adi macārūcūrore rujeoñi Dios”, ya mani, Īre mani tuorānuja.

<sup>4</sup> Mani ñicasabatia Diore ĩna tuorānugore gaye muare gotigu ya yu. Abel ñayoru Diore tuorānucōri ĩ rījoru Caín, Diore ĩ ĩsiroti rētoro quenarise ĩsiyiju Abel ñayoru. Ito bajiri, “Yu rotiro bajiroti yami”, yicōri ĩ ĩsiro bajiroti boca āmiyiju Dios. Jane mejeju Abel ñayoru ĩ godabojarocati Diore ĩ tuorānure mani tuoĭaja, buto busa Dios gayere tuo masirā yirāji mani.

<sup>5</sup> Enoc ñayoru Diore ĩ tuorānujare Īre wanuyiju Dios. Īre ti wanucōri, catigūreti Īre āmicoayiju Dios. Ito bajiri Īre āmabojarāti bujabisijarā masa, Dios Īre āmire ñajare. Dios oca tuti iti gotija, “Enoc ñayoru ĩ āmi ecoroto rioju, Īre queno wanuyiju Dios”, yi gotia Dios oca tuti. <sup>6</sup> Diore mani tuorānubeja, manire wanūbiguĩji ĩ. Dios rāca mani baba cuti āmoja, ado bajiro tuoĭaraja manire: “Riti baja, ñasacōguĩji Dios. No Diore masi āmogū ĩ āmaja, Īre boca āmigū yiguĩji Dios”, yiruja manire, Dios rāca mani baba cuti āmoja.

<sup>7</sup> Noé ñayoru cuni Diore tuorānuyiju. “Mu tĩlabiti rētoro yiroja mure”, Dios ĩ yija tuocōri, Dios ĩ yiro bajiroti cūdiyiju Noé ñayoru. Ito bajiri cuma busca jajoca meniyiju Noé ñayoru, ĩ ñarā rāca rujabe yiroca. Diore tuorānucōri adi macārūcūro gāna Diore tuorānūbitianare bajiro meje yiyiju ĩ. Ito bajiro Noé

ĩ yija ticõri, “Manire waja senigũ yiguĩji Dios”, yi tuoĩayijarã masa. “Yũre ĩ tuorũnyajare seti ma Noere”, yi wacu ĩre masoyiju Dios.

<sup>8</sup> Abraham ñayoru cuni Diore tuorũnyaju. Dios ĩ busija tuocõri, ĩ yiro bajiro cadiyiju Abraham ñayoru. “Gaje sita mure ĩsigũ yigũja yũ”, Dios ĩ yija tuocõri, ĩ ya sitare wagoyiju Abraham. “Itoju ejagu yigũja yũ”, yi masibicuti wayiju Abraham cajero wasuoga. <sup>9</sup> Diore tuorũncõri, Dios ĩre ĩsiroti sita ñagũ wayiju Abraham, gãjerã ya sita ñabojarocati. Wijãi menicõri, ito yicõri waibusu wirorina wi menicõri ñayiju ĩ. “Yoari mejeti ñagũ yigũja yũ”, yirocu itina meniujũ ĩ. Ito bajiro yiyiju ĩ macu Isaac cuni, ito yicõri ĩ janami Jacob cuni. “Adi sita manire ĩsigũ yiguĩji Dios”, yi tuoĩa masirã ñayijarã ĩna cuni. <sup>10</sup> Diore tuorũncõri, Dios ĩ ñasari cutore tuoĩayiju Abraham ñayoru. Iti cuto Dios ĩ menicãra cuto ñaroja. Ito bajiri iti cuto gajanoabeto yiroja.

<sup>11</sup> Abraham manoyo Sara ñayoru Diore tuorũngũ ñayiju. Buso rĩa mani waro ñabojarocati iso macu cutiroca yiyiju Dios isore. Ito bajiri, “Dios ĩ yiro bajiro yigu yiguĩji”, yi waco macu cutiyijo iso. <sup>12</sup> Ito bajiroti Abraham ñayoru cuni ĩ godaroto riojuati macu cutiyiju ĩ. ĩ ñayiju jãjarã janerãbatia cutirocu. Jãjarã ñocõa, jaje ja sitacõ janerãbatia cutirocu ñayiju ĩ, cõĩado mana.

<sup>13</sup> ĩna mware yũ gotirã ĩna godaroto riojua, “Adi sita mware ĩsigũ yigũja yũ”, Dios ĩ yira sitare boca ãmibisijarã ĩna maji. “Ito bajiro yigu yiguĩji Dios manire”, yijidicãbisijarã ĩna. “Adi macãrucãro ñatĩñarona meje ña mani. Adoju ña ucurãre bajiro bajirã ña mani. Ũmacũju ñaroja mani ñatĩñaroti cuto”, yi tuoĩayijarã ĩna. <sup>14</sup> Iti gayere mani tuoja, “Ũmacũju Dios taju ĩna catitĩñaroti cutoju tuoĩa ñayijarã ĩna”, yi tuoĩa mani. <sup>15</sup> ĩna ya sita ĩna wagoraju ĩna tuoĩaja, iti sitaju macana tũdi waboana ĩna. <sup>16</sup> ĩna wogora sita rãtoro quenarise sita ũmacũju Dios ĩ ñaroju tuoĩa ñayijarã ĩna. ĩna ñaroti cuto meni yucãñi Dios. Ito bajiri ĩnare cuto queno ĩsicõri, bojobicuti, “Yũ ñarã ñama ĩna. ĩna Ũju ña yũ”, yi wanugũ yiguĩji Dios.

<sup>17</sup> “Yũre ĩ tuorũnũja ticũja yũ”, Dios ĩ yiro bajiroti cadiyiju Abraham ñayoru. Ito bajiri Diore tuorũncõri, ĩ macu Isaacre Diore soe ĩsirocũ ãmi wayiju. ĩ macu sũgũ ñagũre sãagũti yibojayiju Abraham. <sup>18</sup> “Isaacna suoriti jãjarã janerãbatia cutigu yigũja mũ”, Dios ĩ yicãre ñabojarocati, ĩre sãboyiju Abraham, Diore tuorũncõri. <sup>19</sup> “Godarãre macana tũdi ĩna catiroca yi masiguĩji Dios”, yi tuoĩayiju Abraham ñayoru. ĩ macure ĩ sãabore ñabojarocati, macana ĩ macure judacõayiju Dios. Ito bajiri, “Mũ macure sãabesa”, yicõri ĩ macure judacõagũ robo bajiro yifũ Dios Abrahamre. “Yũre queno tuorũnũami ĩ”, yi tuoĩacõri Abrahamre ti wanuyiju Dios.

<sup>20</sup> Isaac ñayoru cuni Diore tuorũngũ ñayiju. Diore tuorũncõri, “Ado bajiro queno yigu yiguĩji Dios mware”, yiyiju Isaac, ĩ rĩare Jacob, Esaũre cuni. <sup>21</sup> Jacob ñayoru cuni Diore tuorũnyaju. ĩ godaroto riojua, “Ado bajiro queno yigu yiguĩji Dios mware”, yiyiju ĩ, ĩ janerãbatia Josã rĩare. Busũgu ñari ĩ ya turigũna tue wacuti Diore rãcũbuoyiju maji. <sup>22</sup> Josã ñayoru cuni Diore tuorũngũ ñayiju. ĩ godaroto riojua, Israel sita gãnare ado bajiro gotiyiju Josã: “Ija adi sita Egipto sitare wagorã yirãji mwa. Ito mwa waja, yũ ya gõarire ãmi warã yirãji mwa”, yiyiju ĩ.

<sup>23</sup> Moisãs ñayoru jacusabatia Diore tuorũncõri, ĩ rujeaja bero udiarã ũmacãñi ĩre yeyoyijarã. “Quenagũ ñami mani macuacã”, yiyijarã ĩna. Ito bajiri iti sita gagũ uju ĩ sĩa rotibojarocati, ĩre gũibiticõri cudibisijarã ĩna. Diojuare tuorũnyijarã ĩna. <sup>24</sup> Moisãs ñayoru cuni Diore tuorũngũ ñayiju. Egipto gagũ

uḡu maco iso masoru ṅabojaguti bucuu wacu, “Iso macu ṅami”, masa ṅna yire ṅmōbisiju ī. <sup>25</sup> “Egipto gāna rāca ṅeṅaro yu yija, wanuṅṅabicuja yu. Ito bajiri Dios ṅarā rāca baba cutigu yiguja yu, Egipto gāna ṅeṅaro yure ṅna yibojarocati”, yiyiju Moisés ṅayoru, Diore tuorūnucōri. <sup>26</sup> “Egipto sitaju gajeoni jeyaro yu rucoja, ṅasarise meje ṅa. Dios cōarocu ī tōbujaroto bajiro yu tōbujaja, iti ṅa ṅasarise”, yi tuoṅayiju Moisés ṅayoru. “Yu tōbujarocati, ija queno yigu yiguḡi Dios yure”, yi tuoṅacōri Diore tuorūnuyiju ī. <sup>27</sup> Diore tuorūnugū ṅari Egipto gagu uḡure guibiticōri, gaje sita wacu ī ṅarāre ji wayiju Moisés ṅayoru. Diore tibitibojaguti, “Yu rāca ṅaguḡi ī”, yi tuoṅacōri Diore cudiyiju Moisés.

<sup>28</sup> Diore tuorūnucōri ī ṅarā Israel sita gānare pascua basa meni rotiyiju Moisés. Ado bajiro masare gotiyiju ī: “Sīgū ṅangel cōagū yiguḡi Dios, co wi ruḡabeto macu ṅasugure ī siatoni. Dios ī rotiro bajiro soje weca mani rī tuja, ṅangel rētagū yiguḡi”, yi rotiyiju Moisés Israel sita gānare. Ito bajiro Moisés ī rotire ṅajare Israel sita gānare sīgū macure sīabisiju ṅangel. <sup>29</sup> Diore tuorūnucōri Israel sita gāna Ide Sūarise wame cutirisa ṅna jētoni ide jua duja bata rūguyiju. Ito bajiri sita butirise cudado bajiroti cūda jēacoayijarā ṅna ṅja. Egipto gāna ṅnare suyarā ṅnare bajiroti jēa ṅmorā, yibojayijarā ṅna. No bajiro jēa masibiticōri ruja godacoayijarā ṅna.

<sup>30</sup> Diore tuorūnucōri Israel sita gāna jua ṅmojeno ruḡuri gāni biayijarā Jericó wame cutiri cutore. Jua ṅmojeno ruḡuri ṅna rūja gāni biaja bero, iti cutore ṅna camotara cūni juja quediyyiju. <sup>31</sup> Rahab wedi maso ṅngoro Diore tuorūnugō ṅayijo iso cūni. Israel gāna jūarā gānitirā ejarāre queno boca ṅmiyijo iso. Ito bajiri Israel sita gāna iso ya cuto gāna Diore cudimenare ṅna sīaja, isore sīaruayijarā ṅna.

<sup>32</sup> Jaje muare goti ṅmōboja yu. Gedeón, Barac, Sansón, Jefte, David, Samuel ito yicōri Diore goti ṅsiri masa ṅna jeyaro gayere goti jeo masibeja yu adocāta. <sup>33</sup> Diore tuorūnucōri coriarā gaje sita gānare rētocuyijarā ṅna. Gājerā queno masare roti masiyijarā. Dios ī gotiadi bajiroti ī ṅsire boca ṅmiyijarā ṅna. Gājerā yaia riserire biayijarā. <sup>34</sup> Gājerā jeame buto uḡjuroḡi cōa tīabojaja uabisijarā ṅna. Gājerā ṅna wajana sarera jāina sīa ṅmoja, rudi masiyijarā. Gājerāre ṅna bogaja mucana tūdi ṅna sēoroca yiyiju Dios ṅnare. Ito bajiri ṅna wajanare surarare rētocū masiyijarā ṅna. <sup>35</sup> Coriarā romia cūni Diore tuorūnucōri ṅayijarā. Ito bajiri Diore tuorūnucōri ṅna ṅarā godabojanare tūdi ṅna catija tiyijarā ṅna.

Gājerā Diore tuorūnucōri ado bajiro bajini. Coriarā ṅeṅaro tōbujacōri go-dayijarā ṅna. “Diore mani judicāja manire bucōarā yirāji ṅna. Ito yicōri manire siamenaji”, yi tuoṅabojarāti Diore tuorūnucōri judicābisijarā ṅna. “Mucana tūdi caticōri Dios tūju buto busa queno ṅarā yirāji mani”, yi tuoṅayijarā ṅna. <sup>36</sup> Gājerāma ṅnare aja tudicōri baje ecoyijarā. Gājerā ṅna ya ṅmori come misina siacōri tubia ecoyijarā. <sup>37</sup> Gājerā gūtana rea sīa ecoyijarā. Gājerāma ṅna ya ruḡu gudareco yijeta ecoyijarā. Gājerā ṅeṅaro yi ecoyijarā. Gājerā sarera jāina sīa ecoyijarā. Gājerā queno cuto bujamenati wa ucuyijarā. Waiḡucu wirona riti wasoyoyijarā ṅna. Bojoro bujarā ṅayijarā ṅna. Gājerā usirio code ecoyijarā. ṅnare queno yibisijarā gājerā. <sup>38</sup> ṅna ṅnaro queno buja masimenati yucu manojū, ito yicōri gāta yucuri watoju gāni sājayijarā ṅna. Gāta gojeriju, sita gojeriju cūni caniyijarā ṅna. Diore tuorūnucōri rētoro queno yirā ṅayijarā ṅna. Ito bajiri adi macārucōro rētoro quenari cuto ṅna ṅatṅnarotiju meniyyiju Dios ṅnare yiari. <sup>39</sup> Ire ṅna tuorūnucōri ticōri, ṅnare ti wanuyiju Dios. Adi sita ṅna ṅaroca, “Ado bajiro muare ṅsīgū yiguja yu”, Dios ī yirere boca ṅmibisijarā ṅna maji. <sup>40</sup> Buto busa

quenarise İsiroca İna yure ãmoyiju Dios. Dios quenarise İ quenocãre mani rãca boca ãmirã yirãji İna cuni.

## 12

### *Jesure riti mani tuorãnuja quena, yire gaye*

<sup>1</sup> Itire mani tuoja, “Mani riojua gãna jãjarã Diore tuorãnurã ñãñi”, ya mani. Josari ñabojarocati Dios İ ãmoro bajiro yiyijarã İna. İnare tuoİarã, Dios İ ãmoro bajiro yiruja manire cuni. Diore mani tuorãnu ãmoroca gaje mani usirioro iti camotaja itire jidicãruja manire. Mani ñeñaro yiroca tuoİa wisarisere cuni jidicãruja manire. Josare ñabojarocati usiriomenati Dios ãmoro bajiro yiruja manire. Ado robojua bajia. Sİgũ ũmaquediri masũ gãjerãre İ rãtocũ ãmoja, rãcurisere cũcõgũ yiguİji İ. Ito bajiroti yiruja manire cuni. Diore mani tuorãnuroca gaje usirioro ñeñaro manire iti camotaja, itire jidicãruja manire.

<sup>2</sup> Jesure buto tuoİaruja manire. Manire goda İsicõri, İti ñami mani tuorãnuroca yigu. İ godare gaye bojobicõri, yucutõoju tõbujayiju Jesús. “Yũ tõbujaja bero buto busa wanugũ yiguja yũ”, yicõri ñeñaro yirã İna godado bajiro godagu bojobisiju İ. Mũcana tudĩ caticõri Dios ya riojocaduja rãcũboraju rujyiju İ. Adocãta cuni itoti rujitĩñaguİji İ.

<sup>3</sup> Mani bogaja mani oca sãobeja, manire Jesús İ goda İsire gayere tuoİaruja manire. Ñeñaro yirã Jesure İna ti tudibojarocati İ tõbujaroca İna yibojarocati ñemecutiiju İ. Ito bajiri İre mani tuoİaja, ñemecuti masirã yirãji mani cuni.

<sup>4</sup> Cristo İ tõbujado bajiro goroama tõbujabea mani. “Mũa ñeñaro yirisere jidicãña”, masare mani yibojarocati manire sãabiticã İna. <sup>5</sup> İ rã bajiro ñarãre, mũare İ goti quenore ãcabojati mũa? Ado bajiro gotiñi Dios İ oca tutina: Yũ macũ, mũa masitoni yũ mũare gotirisere ti tebesa. Yũ mũare goti quenojare oca são jidicãbeja mũ.

<sup>6</sup> Yũ mairãre İnare oca quenocuja yũ. Ito yicõri yũ rã ñarãre İna tõbujaroca yiguja yũ, İna masitoni, yi gotiñi Dios İ oca tutina.

<sup>7</sup> Ito bajiri mũa tõbujaja ñemecũtuba. İ rã mani ñajare ito bajiro yigu yiguİji İ. Sİgũ ruyabeto jacusabatia İna rãre goti quenorãji İna masitoni. <sup>8</sup> Dios cuni İ ñarã ñarocõreti goti quenoguİji, İna queno yitoni. Mũare Dios İ goti quenobeja İ rã meje ñarãji mũa. İ rã meje mũa ñaja, gãji rã ñarãji mũa. <sup>9</sup> Mani rãca ñaroca mani jacusabatia manire goti quenoni. Ito bajiro İna yijare İnare rãcũbuoyija mani. Ito bajiri mani jacũ ũmacũju gagure buto busa rãcũbuoguja manire. Ito bajiro mani yija catitĩñarã yirãji mani. <sup>10</sup> Yoari mejeti İna ãmorocõ manire riasoni mani jacusabatia. Dioama manire queno yirocũ sãoro riasogu yiguİji. İre bajiro mani queno yi ñatoni, ito bajiro yami İ. <sup>11</sup> Mani tõbujaroca Dios İ yija, queno wanũmenaji mani. Manire juniuro yiroja iti. Mani tõbujarisena suoriti mani riasotija, queno yirãji mani. Ito yicõri oca mano queno ñarã yirãji mani.

### *Dios ocare mani tuorãnujeja guijorise ña, yire gaye*

<sup>12</sup> Ito bajiri tõbujabojarãti oca sãoma mũa. Diore tuorãnu jidicãbeja mũa.

<sup>13</sup> Dios İ ãmoro bajiro yirona queno tuoİama mũa. Mũa baba mesare Diore masiurãre queno ejabuaya. İnare mũa ejabuaja buto busa Diore tuorãnu oca sãorã yirãji İna. Ito yicõri Dios İ ãmoro bajiro yirã yirãji İna.

<sup>14</sup> Gãjerã rãca queno oca mano corocõ ñama mũa. Mani ũju queno İ yiado bajiroti queno yi ñama mũa cuni. Mani ũju Dios İ queno yi ñado bajiro yirã riti İ tu ejarã yirãji mani. <sup>15</sup> Mũare Dios İ İsirotire boca ãmirona sİgũ ruyabeto gãmeri mũa ejabuaja quena. Sİgũ mũa rãca gagũ ñeñaro İ yija, gãjerãre ñeñogũ yiguİji İocã. Ote quenarise wato widirise iti judija, biaro yiroja iti. Ito yicõri sãoro



yiroya. Ito bajiro bajigu ñami ñocū, gājerāre ñeñogū. <sup>16</sup> Mña manoyo cutiroto riojua canī romiare ajebeja. Ito yicōri Dios jeyaro ī yire gayere ti tebesa. Esaú ñayoru ñañi itire ti tudiru. Esaú ba āmogū ado bajiro yiyiju ī ocabajire: “Yure mñ ecaja, mñ ñagū yigūja, ‘Yñ macu ñasogū yñ maigū’, canī ī yiru”, yiyiju Esaú ī ocabajire. <sup>17</sup> Ito bajiri ī jacū ī godaroto riojua, “Ado bajiro queno yigu yiguji Dios mare”, jacū ī yire gaye tuo āmobarocati gotibisiju jacū Esaure. Ī ocabajiare ito bajiro queno gotiyiju īna jacū. “Queno yibiticū yñ”, yī tuoia otiyiju Esaú ñayoru. Ito bajibojarocati jacū ī gotigoja bero ñajare, no robojua Ī gotigore wasoa masibisiju Esaú ñayoru.

<sup>18</sup> Diore mña rācūbuoja, Israel sita gāna ñayoanare bajiro meje ya mña adocāta. Gūtagū Moisésre Dios ī rotire ī Isiragu judoju ejayijarā īna, Diore rācūbuorona. Itoju ejacōri guijorise tiyijarā īna. Iti gūtagū buto ūjuju. Ide bueri buto iti ñajare, buto rāitfayiju. Ito yicōri mino buto wēayiju. <sup>19</sup> Ito yicōri trompeta iti ruyuja tuoijjarā īna. Ito yicōri Dios ĩnare ī busirise ruyuyiju. Guijorise oca iti ruyuja tuoōri, ī busi jidicāre āmoyijarā īna. <sup>20</sup> Gūirā ñemecati masibisijarā īna. Ado bajiro ī rotirise ruyuyiju: “Sīgū masū, waibucū canī gūtagūre ī cūoja, gūtagārīna rea sīacōruja ĩocūre”, yire oca ruyuyiju. <sup>21</sup> Buto guijorise iti ñajare, Moisés canī ado bajiro yiyiju: “Iti guijojare nūroa yñ”, yiyiju Moisés.

<sup>22</sup> Gajero bajirojua bajia adocāta Diore mña rācūbuoja. Mani ñicūsatia ñayoanare bajiro guijoro tōbujabea mña adi rāmari gānama. Dios catitñagū taju ejacōri busirā bajiro Diore busia mña adi rāmari. Ī cutoju ūmacūju Jerusalēn wame catiri cuto ña. Itoju Sion wame catiricū gūtagū ñaroja. Itoju ejacōri busirā bajiro busia mña, Diore mña busija. Diore rācūbuorona jājarā ī ñarā minijua ñarāji. <sup>23</sup> Ito yicōri ī ñarā ĩre rācūbuorona minijua ñarāji itoju. Itoju ī ñarā wame wōñi Dios. Itoju īna rāca minijua ñarāre bajiro Diore busia mña adocāta. Masa jeyarore bese masigūre busirā ña mña adocāta. Itoju ñarāji queno yigoana. Ito bajiri, “Mña ñama seti mana”, yiguji Dios ĩnare. ĩna rāca ñacōri Diore busirā bajiro busia mña. <sup>24</sup> Mña ña Jesure masirā. Ī ñami mame oca quenora. Mña ña, “Yñ ñeñaro yirisere mñ ya rīna yure coeya”, yiana. Abel ñayoru ya rīre mani tuoīaja, “Ī rījoru ĩre slayiju”, yī tuoīa mani. Jesús ya rīre mani tuoīaja, “Ī ya rīna suoriti mani ñeñaro yirisere ācabojoñi Dios”, yī tuoīa mani.

<sup>25</sup> Ito bajiri Dios manire ī busija, queno tuorānūja manire. Ito yicōri Ī gotiro bajiro cūdija quena manire. Moisés ñayoru adi sita gagū Dios ī rotirise masare ī goti āmobjaja, ĩre cūdbisijarā īna. Ito bajiri īna tōbujaroca yiyiju Dios ĩnare. Jesuama ūmacūju wadicōri manire oca quenarise āmi wadiñi. ĩre mani tuorānubeja, Moisés ñayorare tuorānūbitiana rētoro tōbujarā yirāji mani. <sup>26</sup> Jane mejeju mani ñicūsatiare ī busija sita ueroca yiyiju Dios. Mñcana ado bajiro gotiami Dios ī oca tutina: “Mñcana tūdi iti ueroca yñ yija, sita riti ueroca yibicūja yñ. ūmacūju canī ueroca yigu yigūja yñ”, yī gotiami Dios ī oca tutina. <sup>27</sup> “Ito bajiro, bajiro yiroya”, Dios ī yija, “Īja bajiroti gayere busiami Dios”, yī tuoīa mani. Adi macārūcūro gaye jeyaro ī rujeore ruyuriogu yiguji ī. Ito bajibojarocati mani ya usi, mani tuoīarise, ito yicōri mani catitñarotijare ruyuriobica yiguji Dios. <sup>28-29</sup> Dios ī rotiroju mani catitñarotiju jediroto meje ñaroja. Itire masicōri, “Queno ya Dios mñ”, yirūja manire. Ito yicōri ĩre tuo gūirā ĩre rācūbuorūja manire. Yiro bajiro cūdirūja manire ī wanatoni. Jeame iti ūju ruyurioro bajiro guijoro ruyuriogu yiguji Dios, ĩre cūdimenare. Ito bajiri ī āmoro bajiro cūdicōri ĩre rācūbuorūja manire.

## 13

*Gājerāre mani maija ticōri, manire wanuḡū yiguḡi Dios, yire gaye*

<sup>1</sup> Jesure tuorūnarā ṅari, sīgū rīare bajiro mua gāmeri ti mairisere jidicābeja mua. <sup>2</sup> Mua tu gājerā Jesure masirā ina ejaja, wanure rāca inare boca āmiña. “Ángel mesa ṅarāji ina”, yi tuoḡabitibojarāti ṅinare boca āmiñi gājerā. Mua masibiti rumu mua tu cuni ángel mesa ejarā yirāji gajea. Ito bajiri mua tu ejarāre wanure rāca boca āmija quena.

<sup>3</sup> Gājerā Jesure masirā tubiara wiju ṅarāre ācabojabesa. Ina rāca tubiara wiju ṅarā bajiro, inare tuo maiña mua. Gājerā ṅeñaro tōbujarāre mua tuoḡaja, ina rāca ṅeñaro tōbujarā bajiro, inare tuo maiña mua. Mware cuni ruju ṅa. Ito bajiri ṅeñaro tōbujarāona ṅa mua cuni.

<sup>4</sup> Manajo cutirā gāmeri rāca buoya. Manajo cutirā gājerā rāca ajebesa. Manajo mana gājerāre ina ajeja, ito yicōri manajo cutirā cuni ina ajeja, ina tōbujaroca yigu yiguḡi Dios inare.

<sup>5</sup> Niyerure bato tuo maibesa mua. Mua ruorocōcāti wanuña mua. Dios ī gotigore tuoḡaṅa mua. Ado bajiro gotiñi ī: “Mware jidicābicuja yu. Ito yicōri mware wagobicuja yu”, yi gotiñi Dios ī oca tutina. <sup>6</sup> Itire tuo cōri, wanure rāca ado bajiro ya mani:

Dios yu Ūju, iti ṅami yare ejabuagu. Ito bajiri gājerā ṅeñaro yare ina yi āmobjaja cuni, ṅe gujjobea yare, ya mani, Diore tuorūnucōri.

<sup>7</sup> Cajero Dios oca mware riasoanare ācabojabesa. Diore tuorūnūrā ṅari, ina queno yigore gaye tuoḡaṅa mua. Diore queno ina tuorūnuro bajiroti mua cuni queno Diore tuorūnūña.

<sup>8</sup> Jesucristo ṅami tuoḡa wasoabicu. Cojire bajiro queno yitūṅagū ṅami ī. Iti rumu ī ṅado bajiroti adi rumu cuni, ija cuni ito bajiro riti ṅatūṅagū yiguḡi ī. <sup>9</sup> Gājerā mware ricati ina riasoja, ito yicōri ruore oca ina riasoja, queno inare tuorūnubeja mua. Inare mua tuorūnūja, Jesús ocare jidicārā yirāji mua. Ado bajiro gotibojama coriarā: “Rēore gayere mua babeja, mua ya usina queno tuoḡarā yirāji mua”, yibojama coriarā. Iti ocare tuorūnubojarāre queno ejabisija ina tuoḡabojarise. Ito bajiri iti gaye ina riasobojaja, tuorūnubeja mua. Dios ī queno yire gaye mani tuoḡaja, mani ya usina queno usi cutirā yirāji mani. Manire ti maicōri mani ya usiju mani oca sēroca yami Dios.

<sup>10</sup> Manire masoroca manire yiari goda īsiñi Cristo. No bucu oca cudi āmogū, “Waibucu ri Diore yu soe īsija, yare masogū yiguḡi Dios”, yi tuoḡabojagure masobiquḡi Dios. Ito bajiro tuoḡaṅi paia bucurā iti rumu gāna. <sup>11</sup> Bucu oca cudi rocu, ado bajiro yiyiju paia uju. Masa ina ṅeñaro yirise waja yigu Dios ī ṅasari sōaju sājacōri waibucu ri wējabateyiju ī. Waibucu rujareama cuto sōju soeyjarā ina. <sup>12</sup> Ito bajiroti Jerusalén wame cutiri cuto sōju Cristore sīayijarā ina. Mani ṅeñaro yiriserer waja yigu, ī ya rina waja yi īsiyiju ī. <sup>13</sup> Adi macarucāro gāna ina tuoḡarise bajiro tuoḡamenati mani Jesure suyarāma ricati bajiro tuoḡarā yirāji mani. Jesucristore ina aja tudiado bajiroti manire ina aja tudibojarocati Jesucristore rucubuoana mani. <sup>14</sup> Adi sita mani ṅaja queno cuto mana bajiro bajirā ṅa mani. Cuto manare bajiro ṅa ucurā ya mani. Adi tuti gaye catori ṅabojarise jediro yiroja. Ija Jesús ī ṅaroju catitūṅarā yirāji mani. <sup>15</sup> Mani ṅeñaro yirise waja Jesucristo ī waja yire ṅajare, wanure rāca Diore rucubuoḡitūṅaraja manire. Dios ī wanutoni waibucurā soe īsimenta yirāji mani. Manire wanujaro yirona, mani ya risena īre rucubuoḡā yirāji mani. “Mu sīgūti ṅa rētoro quenagū. Mu sīgūti ṅa gna Ūju”, Diore yi rucubuoḡā yirāji

mani. <sup>16</sup> Gājerāre queno yire gayere jidicābeja m̄ua. Ito yicōri m̄ua r̄ucorise gājerāre batoba. Ito bajiro mani yija ticōri, itire wanugū yiguīji Dios.

<sup>17</sup> M̄uare Jesucristo oca riasoanare r̄ucabuoba. Ito yicōri ĩna rotiro bajiroti c̄udiba m̄ua. Cristore m̄ua t̄uor̄un̄at̄iñatoni m̄uare tir̄an̄aronare ĩnare c̄uñi Dios. “¿No bajiro tir̄an̄ari m̄ua, ȳu ñarāre?” yī seniñagū yiguīji Dios ĩnare. ĩna yiro bajiroti c̄udiba m̄ua. Ito bajiro m̄ua yija ti wanucōri, bojori bujamenati m̄uare tir̄an̄arā yirāji ĩna. ĩnare m̄ua c̄udibeja, Dios tiro riojo bojori bujarā yirāji m̄ua.

<sup>18</sup> Ñeñaro ȳu yibejare, ȳu tuoīarise quena ña ȳure. Ito bajiri ñeñaro yī āmobeja ȳu. Quenarise ȳu yitoni, ȳure yiari Diore seni ĩsiña m̄ua. <sup>19</sup> Ȳure yiari b̄uto Diore m̄ua busire āmoa ȳu. Yoari mejeti m̄ucana m̄ua t̄u ȳu t̄udi ejaroca Dios ĩ yitoni, ĩre busiya m̄ua.

*M̄uare queno yijaro Dios, yis̄usare gaye*

<sup>20</sup> Sīgū ovejare tir̄an̄uḡure bajiro, manire queno tir̄an̄uami mani Ūju Jesucristo. Manire yiari oca quenocāñi Jesucristo, Dios rāca. ĩ ya rina mani ñeñaro yirise waja, waja yī ĩsiñi Jesús. ĩ godabojarocati m̄ucana t̄udi ĩ catiroca yīñi Dios ĩre. <sup>21</sup> Dios mani oca mano queno ñaroca yiḡure, m̄uare yiari ĩre busia ȳu. Quenarise riti m̄ua yitoni, ĩre senia ȳu. Ito yicōri ĩ āmoro bajiro m̄ua yitoni, ĩre senia ȳu. “Jesucristona s̄uoriti m̄ua jeyaro queno ya ȳure”, Dios ĩ yī wan̄utoni, ĩre senia ȳu. “ĩti ñami r̄etoro ñasaga”, yī wanucōri, Jesucristore r̄ucabuot̄iñar̄uja manire.

<sup>22</sup> Jabetoti m̄uare papera uca ȳu. Ito bajiri ȳu m̄uare goti quenorise us̄iriomenati t̄iba ȳu ñarā m̄ua. <sup>23</sup> “Mani yagu Timoteo tubiara wi meje ñami ĩja”, yire oca tuocōri gotia ȳu. Yoari mejeti ĩ ejaja, ĩre āmi wac̄u yiḡuja ȳu, m̄ua t̄u wac̄u.

<sup>24</sup> M̄uare riasori masa, “Quenajaro”, ito yicōri Jesucristore t̄uor̄un̄arā can̄i. Ado Italia gāna, “Quenajaro”, yama m̄uare.

<sup>25</sup> M̄ua jeyarore queno yijaro Dios. Itocō ña.

## La carta de Santiago

### *Wa bateanare Santiago papera ĩ cõare gaye*

<sup>1</sup> Ñati yu ñarã mua. Yu ña Santiago adi papera muae cõagũ. Diore moa ĩsiri masu ña yu. Ito bajiroti mani Uju Jesucristore cuni moa ĩsia yu. Adi macãrucãroju ña bate jedicoaju mani. Co masa ñabojanati, jãjarã masa bujucõri jua gubojeno masa buturi ña mani ĩja.

### *Diore mani senija ĩ masirise manire jidicãgã yiguĩji, yire gaye*

<sup>2</sup> Tõoya yu ñarã mua. Buto quenabeto mani tõbujaja cuni wanu quenaraja manire. <sup>3</sup> Quenabiti manire ejabobarocati Diore mani tũorũnũjama queno ña masicõri usirio yimenaji mani. <sup>4</sup> Quenabeto mua tõbujaja cuni buto usiriobeja. Mani usiriobeja buto busa Diore masi warã yirãji mani. Ito bajiro ĩre masicõri, “Dise ruyabea manire”, yi tũoĩacõri queno wanu quenarã yirãji mani ĩja.

<sup>5</sup> Mua masibiti iti ruyaja Diore seniña. Ito mua yija tũocõri, ĩsigũ yiguĩji ĩ. Rẽobicũti masa jeyarore ĩsigũ yiguĩji Dios. <sup>6</sup> Ito bajibobarocati Diore mua senija, “Guareama ĩsibiquĩji”, yi tũoĩabesa mua. “ĩsibiquĩji”, mua yi tũoĩa wũoja jeyaro tũoĩarise wisaroja muae. Ide jacũrisere bajiro bajiroja mua tũoĩarise. <sup>7-8</sup> Sĩgũ ito bajiro tũoĩa wũogu, coji gaye riojo tũoĩagũ meje ñami ĩocũ. Jeyaro ĩ tũoĩarise rocati wisaroja ĩocãre. Ito bajiri, “Dios yure ĩsigũ yiguĩji”, ĩ yibojaja, ñe boca ãmibiquĩji ĩocũ.

<sup>9</sup> Gajeoni mana ñabobarãti Jesure mani tũorũnũja queno usi wanu quena ñaraja manire. Dios ĩ tija ñasarã bajiro ñarãji mani. <sup>10</sup> Gajeoni jaigu cuni Jesure ĩ tũorũnũja ĩ ya usi wanu quenaroja ĩre cuni. Diore masicõri, “Nasarise meje ña gajeoni”, yi tũoĩaguĩji ĩja. Gajeoni jairã go siniari go bajiro bajirã yirãji. Gajeoni jairã ñatĩñamenaji ĩna. <sup>11</sup> Ũmacãñi joejea wadiroca ĩ buto asiroca ta cuni siniacoacu. Go cuni sinia quedicoacu. Ito bajicõri quenarise iti ruyuja bero ruyubiticu ĩja. Ito bajiroti bajiguĩji gajeoni jaigu ñabojaru cuni. Iti gajeoni niyeru wasoa ãmibojagu riti godacoagu yiguĩji ĩocũ.

### *Ñeñarise riti mani yi uyaja jeame ãjũroju warã yirãji mani, yire gaye*

<sup>12</sup> Quenabeto tõbujabobarãti, Diore mani tũorũnũtĩñaja queno wanu quenarã yirãji mani. Quenabeto tõbujagoana ñabobarãti catitĩñare gaye boca ãmirã yirãji mani. “Yure mairãre catitĩñare gaye ĩsigũ yiguja yu”, yicãñi Dios. <sup>13</sup> Ñeñaro yu yi ãmoroca, “Usirioro yami Dios yure”, yi tũoĩabesa mua. Ñeñarise tũorũnũbiquĩji Dios. Ito yicõri mani ñeñaro yirisere tũoĩa usirio yibiquĩji Dios manire. <sup>14</sup> Ado bajirojua baja. Mani ñeñaro yirise mani ñeñaro tũoĩarise iti tũoĩa rẽtocũ warã, ñeñaro ya mani. <sup>15</sup> Iti ñeñarisejũare mani tũo sũyaja, ñeñarise yirãji mani. Ñeñarise riti mani yi uyaja, jeame ãjũroju warã yirãji mani.

<sup>16</sup> Queno tũoya yu ñarã mua. “Ñeñaro yu tũoĩatoni usirioro yami Dios yure”, yi tũoĩa wũobesa mua. <sup>17</sup> Riojo tũoĩare gaye quenarise ñarocõti Dios manire ĩ cũre ña. ĩti ñami ũmacãju gaye busurise rujeoru. Busuriseama ũmua ña, ñami ña, gaje rũmũama ide rãĩĩari rũmũ ña, bajicu. Itire bajiro wasoabiquĩji Dios. ĩ tũoĩarise gaje tũoĩa wũo yibiquĩji Dios. Quenarise riti tũoĩaguĩji. <sup>18</sup> ĩ oca

quenarise mani t̄or̄un̄ūroc̄ati r̄um̄ū catit̄ñ̄are gaye İ̄siñi Dios manire. Ito bajiri Dios r̄ia ñ̄as̄uor̄are bajiro bajir̄a ñ̄a mani İ̄ja. Ito bajiroti manire āmoñi Dios.

### *Dios ocare t̄uoc̄ōri ñ̄aro bajiroti c̄udir̄uja manire, yire gaye*

<sup>19</sup> Adi Dios ocare ācabojabesa yu ñ̄ar̄a m̄ua. Jesure masic̄ōri queno Dios ocare t̄uo s̄uyar̄a ñ̄aña m̄ua. Queno t̄uoİ̄amenati roc̄ati b̄usire ma. Ito yic̄ōri yoari mejeti junisinire ma. <sup>20</sup> Mani junisinija, Dios İ̄ t̄uo wan̄ero bajiro yir̄a meje ya mani. <sup>21</sup> Ito bajiri ñ̄eñaro m̄ua yi uyarisere jidic̄añ̄a m̄ua. Ito yic̄ōri ñ̄eñaro m̄ua t̄uoİ̄arise c̄uni jidic̄aja quena. İ̄tire jidic̄ac̄ōri Dios oca mani ya ūsiyu İ̄ c̄uc̄āre t̄uor̄un̄ūja manire. İ̄ ocare mani t̄uor̄un̄ūja, mani ya ūsire masoḡu yiguñi Dios.

<sup>22</sup> Dios ocare t̄uoc̄ōri ñ̄aro bajiroti c̄udir̄uja manire. Dios oca t̄uobojar̄ati mani c̄udibejama manimasiti r̄uōa mani. <sup>23-24</sup> Dios oca riojo t̄uobojar̄ati mani ācabojaja, s̄iḡū eor̄oju İ̄ r̄um̄ū tic̄ōri İ̄ jidi jeoja bero ācabojaguñi. İ̄re bajiroti bajir̄aji mani c̄uni Dios oca t̄uobojar̄ati mani ācabojaja. <sup>25</sup> Mani ya ūsire masoroc̄u, quenarise mani t̄uoİ̄atoni İ̄ rotirise c̄ūni Dios manire. Dios İ̄ rotirisere mani ācabojabeja, ito yic̄ōri mani c̄udija, queno mani wan̄u quenaroca yigu yiguñi Dios manire.

<sup>26</sup> “Diore queno r̄uc̄ub̄uōa yu”, yibojar̄ati mani roc̄ati b̄usi bateja, manimasiti r̄uōa mani. Ito bajiro mani yibojaja, ñ̄e waja manoja manire. Ito bajiro mani yija, “Diore r̄uc̄ub̄uoḡu ñ̄a yu”, yi masimenaji mani. <sup>27</sup> Jac̄u godagoana, man̄ūy godagoanare c̄uni mani ejab̄uaja, ito yic̄ōri adi mac̄ārc̄ūro gaye ñ̄eñarise mani yibeja, Dios İ̄ tija queno İ̄re r̄uc̄ub̄uor̄a ñ̄a mani.

## 2

### *Coroc̄ōti ti maija quena, yire gaye*

<sup>1</sup> T̄uoya yu ñ̄ar̄a m̄ua. Jesucristo b̄uto masiḡare t̄uor̄un̄ūr̄a ñ̄a mani İ̄ja. Ito bajiri gajeoni c̄utir̄a, gajeoni manare c̄uni coroc̄ōti ti mair̄uja manire. <sup>2</sup> M̄ua minijua ñ̄aroca s̄iḡū niyeru jaigu quenarise yutabuju s̄añac̄ōri, ito yic̄ōri āmo s̄añara bedo s̄añac̄ōri İ̄ ejaja tic̄ōri, ¿no bajiro İ̄re tir̄ajida m̄ua? Ḡaji bojoro b̄ujagu yutabuju b̄uc̄uro s̄añac̄ōri İ̄ ejaja, ¿no bajiro İ̄re tir̄a yir̄ajida m̄ua? <sup>3</sup> Gajeoni jaiḡare ti r̄uc̄ub̄uor̄a, “Ado ñ̄a cumuro quenaro”, ¿yir̄ajida m̄ua İ̄re? Bojoro b̄ujagu İ̄ s̄aja ejaja, “Itoti r̄uḡōc̄ōña, jac̄ati rujiya m̄u”, ¿yir̄ajida m̄ua İ̄re? <sup>4</sup> Ito bajiro m̄ua yija queno coroc̄ō masare ti maimenaji m̄ua. Ito bajiro m̄ua yija, “İ̄ ñ̄ami quenaḡu. İ̄ ñ̄ami quenabic̄u”, yi beseado bajiro yir̄aji m̄ua. Ñ̄eñaro t̄uoİ̄ac̄ōri coroc̄ō masare r̄uc̄ub̄uomenaji m̄ua.

<sup>5</sup> Queno t̄uoya yu mair̄a m̄ua. Gajeoni mana Diore queno t̄uor̄un̄ūr̄a j̄ar̄ar̄a ñ̄ar̄aji. Ito bajiri İ̄nare beseñi Dios İ̄ rotiroju, quenarise b̄ujajaro İ̄na yiroc̄u. Dios İ̄ gotic̄ado bajiroti İ̄re mair̄a catit̄ñ̄are r̄acor̄a yir̄aji. <sup>6</sup> Bojoro b̄ujar̄are queno maiguñi Dios. M̄uama İ̄nare queno ti r̄uc̄ub̄uobēa. “Gajeoni jair̄ati quenabeto mani t̄ob̄jaroca yama İ̄na”, ¿yi masibeati m̄ua? İ̄na ñ̄ar̄aji ūjar̄a t̄u manire āmi wac̄ōri seti yirona. <sup>7</sup> Jesure t̄uo s̄uyar̄a ñ̄ac̄ōri, “İ̄ ñ̄ar̄a ñ̄a mani”, yi t̄uoña mani İ̄ja. Ito bajiri İ̄ wame t̄uoc̄ōri queno wan̄u quenar̄aji mani. Niyeru jair̄ama Jesús wamere t̄uo ter̄aji.

<sup>8</sup> Dios mani Ū̄jū ado bajiro rotiñi: “M̄u ya rujere m̄u mairo bajiroti ḡajer̄are c̄uni maiña”, yi gotiñi Dios İ̄ oca tutina. Dios rotirise mani c̄udija, queno yir̄a ñ̄ar̄aji mani. <sup>9</sup> Ito bajibojaroc̄ati ñ̄asari masare riti mani ti r̄uc̄ub̄uoja ñ̄eñaro yir̄a ya mani. Ito bajiri, “Yū rotirise riojo c̄udir̄a meje ñ̄a m̄ua. Ñ̄eñaro ya

mua”, yigu yiguŋi Dios manire. <sup>10</sup> Dios rotirise cudi jebojarāti, coji gaye mani cudibeja, Dios i rotiro bajiro cudirā meje narāji mani. <sup>11</sup> Jane mejeju ado bajiro gotiŋi Dios: “Manojo cutigu ito yicōri manojo macu cuni gājerāre i ajeja quenabetoja. Ito yicōri gājerāre sīaja quenarise meje ŋa”, yiŋi Dios manire. Manojo cutibojaguti mani gājerāre ajebitibojaja cuni, gājire mani sīaja, Dios i rotirise narocōti cudi jeorā meje ŋa mani. <sup>12</sup> Manire maso amogū i rotirise cūŋi Dios manire. Dios rotirise yiro robo mani cudibeja, mani ñeŋaro yirise waja, waja senigū yiguŋi i. Iti masicōri mani busirotire queno tuoŋaja quena, ito yicōri mani ñaroti gaye cuni queno tuoŋa masija quena. <sup>13</sup> Gājerāre mani ti maija ticōri, ñeŋaro masa ŋa yirise waja Dios i waja seniri ramu manire ti maigū yiguŋi i. Gājerāre mani ti maibeja, Dios cuni manire ti maibicu yiguŋi. Ito yicōri ñeŋaro yire wajare buto senigū yiguŋi i manire.

*Mani queno yirise ticōri, “Riti yure tuorānūrā ŋama”, yiguŋi Dios, yire gaye*

<sup>14</sup> Tuoya yu narā mua. “Diore rūcubhogu ŋa yu”, yibojarāti, gājerāre mani ejabuabeja, Diore rūcubhogā meje ŋa mani. Ito bajiro mani yija mani ya ŋi masobiquiŋi Dios. <sup>15</sup> Tuoŋate mua. Ado bajiro bajiroja. Siġu mani yagu i ŋiocōja, ito yicōri yutabujuri bojoro i bujaja ticōri, ire mani ejabuaja quena. <sup>16</sup> “Queno waja, bare queno bujaba, ito yicōri yutabujuri bujaba”, yibojarāti bojoro bujagure mani ejabuabeja, ñe waja manoja mani busirise. <sup>17</sup> “Diore rūcubhogu ŋa yu”, yibojarāti gājerāre mani ejabuabeja, Diore rūcubhogā meje ŋa mani. Ito bajiri ire rūcubhobiticōri godacāna robo bajirā narāji mani ija.

<sup>18</sup> Yu busirise mua aja tudija, ado bajiro muare cudicuja yu: “Jeyaro queno mua yirise yure mua iobeja, ‘Queno Diore rūcubhogā ŋama’”, yi masibicuja yu. Yūama, jeyaro queno yu yirise muare iocuja. Iti ticōri, “Diore rūcubhogu ŋami”, yi masirā yirāji mua. <sup>19</sup> “Dios siġuti ŋami. Nijua gāji mami”, yi tuoŋarā ŋa mua. Ito mua yija quena ŋa itiamā. “Dios siġuti ŋami. Nijua gāji mami”, yirāji rāmūa cuni. Ito yicōri Diore gūirā ruje nuruorāji ŋa. Ito bajibojarocati ire cudirā meje ŋama rāmūa. <sup>20</sup> Queno tuoŋabea mua. Rocati tuoŋa mua. Ado bajirojua baja. “Diore queno tuorānūa yu”, yibojarāti gājerāre mani ejabuabeja, Diore tuorānūrā meje ŋa mani. Ito bajiri Diore tuorānūbiticōri godacāna robo bajirā narāji mani. <sup>21</sup> Mani ŋicu ŋayoru, Abraham gayere muare gotigu ya yu. Diore queno tuorānūŋi Abraham. Diore yiari i macure sīaboyiju Abraham. Dios i rotirise cudicōri Diore yiari i macure soe iŋiboyiju Abraham. Ito i yija ticōri, “Queno yigu ŋami Abraham”, yiyiju Dios. <sup>22</sup> Queno tuo masiŋa mua. Dios i rotirise queno tuorānūcōri quenarise yiyiju Abraham. Quenarise jeyaro i yigore Diore queno i cūdire ito yicōri i yire tuocōri, “Diore queno tuorānūgū ŋaŋi”, yi tuoŋa mani. “Diore queno tuorānūre gaye, ito yicōri jeyaro quenarise yire gaye, juaji ŋasarise ŋa iti”, yi tuoŋa mani iti tuocōri. <sup>23</sup> Jane mejeju Dios oca tuti ucagu ado bajiro ucaŋi Diore goti iŋiri masu: “Diore queno tuorānūyiju Abraham. Ito bajiri, ‘Queno yigu ŋami’, yi tiyiju Dios ire. ‘Dios baba ŋami Abraham’, yiyijarā gājerā”, yi ucare ŋa. Ito bajiri iti tuocōri, “Diore goti iŋiri masu i gotire rētaoaju”, yi tuoŋa mani.

<sup>24</sup> Ito bajiri adi gayere masirāji mua: “Diore mani tuorānūja, ito yicōri quenarise mani yija, manire boca āmigū yiguŋi Dios. Ire tuorānūbojarāti quenarise mani yibeja, manire boca āmibicu yiguŋi Dios”, yi tuoŋa masirāji mua. <sup>25</sup> Rahab ŋayoro gayere muare gotigu ya yu. Rahab ŋayoro wedi maso ŋayijo iso. Judio masa ŋu i cōana, ŋa ejaja ticōri, ŋnare queno ejabuayijo iso. ŋnare boca āmiyijo iso. “Mua wajana muare sīame, yu ya wiju sāja rudiya mua. Ito yicōri rudī wara ma muare goticoja yu”, yiyijo iso. Ito iso yija ticōri,

“Queno yigo ñamo”, yiyiju Dios. <sup>26</sup> Ruju usi manija cōrã ruju ñaroja. Waja manoja. Ito yicōri, “Diore tuorũnugũ ña yu”, yibojarãti quenarise mani yibeja, Diore tuorũnũrã meje ña mani. Ito bajiro mani yija, godacãna bajiro bajirãji mani.

### 3

#### *Mani ya ñemerona jaje ñeñarise ya mani, yire gaye*

<sup>1</sup> Yu ñarã mua, sīgũ ruayabeto Dios oca riasori masa ña ãmbojarãji mua. Ito bajibojarocati coriarãti i ocare riaso ñaja quenaroja. “Mani ñarocōreti waja senigũ yiguĩji Dios”, yire gaye ¿masibeati mua? Dios oca riasori masa gua ñajare i yiro robo gua cudibeja, buto busa waja senigũ yiguĩji guareama. <sup>2</sup> Mani sīgũ ruayabeto ñeñarise yirã riti ña mani. No queno tuoĩacōri busiguti, queno yigu ñami iocũ. I ya ruju jeyaro i yi ãmorise cuni ñemecuti masiguĩji iocũ. <sup>3</sup> Cabarure tuoĩate mua. Jaigu i ñabojarocati i ya riseju come ma mani sãja, weatu masirãji mani. Ito bajiroti mani ya ñemero jaibiti ñemeroacã ñabojarocati jaje ñeñarise ya mani, mani ya ñemerona. <sup>4</sup> Cuma jajocare cuni tuoĩate mua. Mino iti buto wẽaja, cuma jajoca ñabojarocati weara jãi jaibiti jãiacãna weatu masirãji mani. Ito yicōri no mani wa ãmoroti iti cumare weatu wa masirãji mani. <sup>5</sup> Weara jãi jaibiti jãire bajiro bajiri jãi ña mani ya ñemero. Jaibiti jãire bajiro bajiri jãi ñabojarocati mani ya ñemerona jaje ñeñarise ya mani. Jeare tuoĩate mua. Jea sãra waca co wacanati, jajo wesere soecōroja. <sup>6</sup> Mani ya ñemero jea robo bajiro bajirise ña. Jaje ñeñarise ya mani, mani ya ñemerona. Mani ya ruju gaye, mani ñeñaro yirise rẽto busaro ya ñemero. Mani ya ñemerona suoriti jeyaro ñeñaro yirise mani ya rujeare quedi sãjaroja. Mani ya ñemerona ñeñaro busicōri jeame ujure cudi suyarã yirãji mani. <sup>7</sup> Gãjerona jeyaro, ãña, wutirã, riaca gãna, waibucurã jeyaro tirũnũ masia mani. <sup>8</sup> Ito bajibojarocati mani ya ñemeroeama tirũnũ masibeati mani. Mani ya ñemero ñeñaro iti yija ñemecuti masibeati mani. Mani ya ñemerona ãña rima iti juniro bajiro gãjerãre buto ñeñaro ya mani. <sup>9</sup> Jane mejeju masare rujeoyiju Dios. Ire bajiro bajirã ña mani. Mani Jacu Diore oca quenarise busia mani, mani ya ñemerona. Ito bajibojarocati Dios i rujeoanareti busitua mani, mani ya ñemerona. <sup>10</sup> Mucana iti ñemeronati Diore rucubuoati mani. Ito yicōri iti risenati gãjerãre ñeñarise busitua mani. Yu ñarã ito bajiro mani yija, quenasabetoja manire. <sup>11</sup> Ide umaburi goje ide sũerise, ide quenarise rãca budi wuobetoja. <sup>12</sup> Queno tuoja yu ñarã mua. Higuera wame cutiricu iti rica cutija, irimarã rãca rica cuti wuobetoja. Ito yicōri uyegu iti rica cutija, higuera rica rãca rica cuti wuobetoja. Ito yicōri ide umaburi goje ide ocarise iti budija, ocabiti rãca budi wuobetoja. Mani oca quenarise busija bero ñeñarise rãca busi wuobitirãja manire.

#### *Mani queno ñaroti riti mani tuoĩaja, masirã meje ña mani, yire gaye*

<sup>13</sup> Riti queno tuo masirã mua ñaja, ado bajiro queno yirãji mua. Quenarise riti mua yija quenaroja. Ito yicōri gãjerãre mua ejabuaja quenaroja. “Gãjerã rẽtoro queno seyogu ña yu”, yibitirãja muare. Ito bajiro mua yibeja ticōri, “Masirã ñama ña”, yirã yirãji gãjerã muare. <sup>14</sup> Mua ya usiju, gãjerãre mua tuo tudija, ito yicōri mua queno ñaroti riti mua tuoĩaja, masirã meje ña mua. Ito bajiri, “Queno yirã ña gua”, mua yibojaja, riojo gotbiticōri ruore ocajuare gotirã yirãji mua. <sup>15</sup> Ito bajiro mani tuoĩabojaja, Dios gaye wadire meje ñaroja iti. Ado robojuã baja, adi macãrucuro gaye ñaroja. Ñeñaro mani tuoĩarise gaye cuni ñaroja iti. Ito yicōri rãmũ gaye wadire ñaroja ñeñaro mani tuoĩarise.

16 Gājerāre mani ti tudija, ito yicōri, “Īna rēto busaro masirā ña gua”, mani yi tuoĭaja, gāmeri tuo wisarā yirāji mani. Ito yicōri jeyaro ñeñarisere yirā yirāji mani. 17 Mani tuoĭarise Dios gaye wadire iti ñaja, quenarise riti tuoĭarā yirāji mani. Gāmeri ja āmomena, oca quenori masa ñarā yirāji mani. Gājerāre ejabuārā yirāji mani. Sīgū ruyabeto corocō riti ti mairā yirāji mani. Ito yicōri rocati ruomenaji mani. 18 Manire ĩna ti tudibojarocati ĩnare mani oca quenoja bero queno usi cuti ñarā yirāji mani ĩja. Ito bajiro mani yija “Queno yijaro ĩna cuni”, yirā bajiro yirāji mani.

## 4

### *Adi sita gaye tuoĭa wanabitiruja manire, yire gaye*

1 ¿No gaye wadiati mani ti terise, ito yicōri mani gāmeri tārise? Mani ñeñaro tuoĭarise gaye wadia iti. Quenarise yi āmobojarāti ñeñarise ya mani. 2 Gajeoni āmobojarāti mua buja masibiti waja riojoti sĭa mua. Gāji ĩ ruocorise ticōri ĩre uoa mua. Itire buja masibiticōri, gāmeri ja mua. Diore senibiticōri mua āmorise bujabea mua. 3 Ñeñaro mua tuoĭaja ticōri, mua senibojarocati ĩsibeami Dios muare. Dios ĩ āmoro bajiro meje senia mua. Diore mua senija, muamasi ye riti seniboja mua. 4 Sīgō romio manuju rāca queno ñabecore bajiro bajirā ña mua. Dios rĭa ñabojarāti, adi macārucāro gaye riti tuoĭa mua. Diore bajiro tuoĭamena, ito yicōri Diore tuo maimena robo bajiro bajia mua. No adi macārucāro gaye buto tuoĭagū Diore tuoĭabeami. 5 Rocati meje ña Dios oca. Ado bajiro gotia: “Manire Espĭritu Santo queo sāñi Dios. Buto manire tuo maiguĭji Dios. Ito bajiri ĩre riti mani tuoĭare āmoguĭji. Mani ñeñaro yirisere buto ti teguĭji Dios”, yi gotia ĩ oca tuti. 6 Mani ñeñaro yirisere jidicātōni manire ejabuagu yiguĭji Dios. Mani ñeñaro yi āmorise itire mani yi uyabititoni, manire ejabuagu yiguĭji Dios. Ado bajiro gotia Dios oca: “Gājerā rētoro masirā ña gua”, yimenare queno ejabuami Dios. “Gājerā rētoro masirā ña guama”, yirāre queno ejabua āmobiqūji Dios. 7 Ito bajiri Dios ĩ yiro bajiro cudiruja manire. Rāmāre cudibitiruja manire. ĩre mani cudibeja ticōri, rudicoagu yiguĭji rāmā ĩja. 8 Diore mani tuoĭaja ĩ cuni manire tuoĭagū yiguĭji. Mua ñeñaro yirisere jidicāña mua. Diore tuo maibojarāti adi macārucāro gaye buto mua tuoĭaja quenabetoja. Ito bajiri Diore riti tuoĭaña mua. 9 Mua ñeñaro yirise tuoĭa bojori bujacōri otiya mua. Ñeñaro mua yirisere tuo wanarā ña mua. Ito bajibojarocati masa godagoana bajiro tuoĭa bojori bujaya mua. 10 Mucana mani ĩjare tūdi mua tuoĭaja quenaroja. “Dios ĩ tiro riojo ñe waja managuti ña gua”, mua yija quena. Ito bajiro mua yija ticōri, buto muare tuoĭagū yiguĭji Dios. Ito bajiri muare ĩ tija buto wanu quenagū yiguĭji ĩja.

### *“Ī ñami ñeñaro yigu”, yibitiruja manire, yire gaye*

11 Tuoya yu ñarā mua. Gājerāre busitubesa. Gājerā Jesure masirāre mua busituja, ito yicōri mua rucabuobeja, “Dios ĩ rotirisere queno cudibeja yu, ito yicōri queno rucabuobeja yu”, yi tuoĭarāji mua. “Dios rotirise quenabea”, mua yija, ĩ rotirise cudirāona meje ña mua. Ito bajiro mua yija, “Dios ĩ rotirise quenabea, cudibeja yu”, yirāre bajiro ya mua. 12 Dios ñami ĩ rotirise manire cūru. Ito bajiri ĩ sīgūti ñaguĭji mani ñeñaro yirise waja, waja senigū. ĩ sīgūti mani ya usi godabore maso masiguĭji. ĩ sīgūti mani ya usire ruyurio masiguĭji. Gājire, “Ī ñami ñeñaro yiri masu”, yi masirā meje ña mani. Dios sīgūti ñami, itionire masigū.



### *Ija manire rētaroti gayere masibea mani, yire gaye*

<sup>13</sup> Noa, “Jane busuri, gaje rama gaje cutoju wacōri, co rodo moa ñacōri niyeru bujacuja yu”, yi tōōlārā, yure tōoya mua. <sup>14</sup> Ito bajiro tōōla busibitiruja manire. Jane, jane busuri, gaje rama manire rētaroti masibea mani. Waju bueri robo bajiro bajirā ña mani. Yoari mejeti goaboja, godacoacu iti cani. <sup>15</sup> Ado bajiro mani tōōla ñaja quenaroja manire. “Dios i āmoja catirāji mani, ito yicōri i āmorisere yirāji mani”, mani yi tōōlaja quena. Ito bajiro mani tōōla ñaja quenaroja manire. <sup>16</sup> Ito bajibojarocati mua rioti tōōla busia mua. Ito bajiro tōōlaja quenabea. <sup>17</sup> Quenarise yi masibojarāti ñeñarise mani yija, quenabetoja manire.

## 5

### *Gajeoni jairāre Santiago i goti quenore gaye*

<sup>1</sup> Tōoya gajeoni jairā mua. Ija ñeñaro mua tōbujaroti gayere tōōla oti yuya mua. <sup>2</sup> Gajeoni mua racobojarise joga jedicoaro yiroja muare. Mua ya yutabujuri quenarise ñabojare cani butua ba ecoaro yiroja. <sup>3</sup> Mua ya oro, mua ya niyeru ñabojare cani guda wiacoaro yiroja. Mua ya niyeru ito bajiro iti guda waja ticōri, “Bojoro bujarāre ejabuabisī ña”, yi tirā yirāji gājerā. Mua ya gajeonire ito yicōri muare cani jea soero yiroja. Jairo niyeru cutirā ñabojaja mua. Ito bajibojarocati jabetacā ruya Dios masare ñeñaro yirise waja i seniroti rama ejaroto. <sup>4</sup> Mua ya ote weseri moa isibojanare cani queno waja yibisija mua. Mua ya moari masare queno mua waja yibitire masiguji Dios. Mua ya moari masa ña otija ito yicōri ña awasāja cani tōōni Dios ūmacuju rotigu. <sup>5</sup> Adi macārucuro ñarā dise ruyabeto rucoyija mua. No mua āmoriseti yi ñayija mua. Wecure ña sīaroto riojua jairo ire ecarāji i acutoni. Ire bajiroti ucuyija mua cani. Ito bajiri sīaraju ejacoaju Ija. Ñeñaro yirise waja seniroti rama eja waju Ija, ya yu muare. <sup>6</sup> Masa quenarāreti tubiara wiju cōayija mua. Ito yicōri quenarāreti sīa rotiyija mua. No yi masibisijarā ña muare.

### *Diore mani senija bero usiriobitiruja manire, yire gaye*

<sup>7</sup> Jesús i wadiroto riojua queno tōōla yuya yu ñarā mua. Ado bajiro tōōlaña adire: No oteguti usiriore mejeti ricare yuguji. Iti i oteja bero cuma ide quediyo yiroja. Ito yicōri juebucu ide cani quediyo yiroja. Iti bero rica quenarise bujagu yiguji iocā. <sup>8</sup> Ire bajiroti tōōla usiriobesa mua cani. Diore mua tuorānurise jidicābesa. Tōōla oca quedi yibesa. Mani ūju i ejaroto jabeto ruya.

<sup>9</sup> Gājerā rāca gāmeri junisinibesa Dios mua ya usire i ruyuriobe yirona. Dios manire waja senirocu nocō mejeti eja yuguji. <sup>10</sup> Dios oca gotiri masare tōōlate mua. Ado bajiro bajiyiju ñare: Diore busi isiyijarā ña. Ito yicōri quenabeto tōbujabojarāti tōōla usirio yibisijarā ña. Ñare bajiroti mani tōōla usiriobeja quena. <sup>11</sup> “Ñeñaro tōbujabojarāti Diore jidicāmena queno wanu quenarā ñama”, yi tōōla mani. Job ñayoru, i tōōla oca jaibitirere masia mani. Quenabeto tōbujabojaguti Diore jidicābisī Job ñayoru. Quenabeto i tōbujaja bero Dios queno ejabuayiju ire mucana. Quenabeto mani tōbujaja manire tō maiguji Dios. Ito yicōri manire ti maiguji i.

<sup>12</sup> Oca ñasarise muare gotigu ya, yu ñarā yu. “Ado bajiro yicuja yu”, mani yija bero ito bajiroti yija quena. “Yu goticato bajiroti yicuja yu”, mani yija bero, “Riti gotia yu Dios i tōoro riojo”, yibitiruja manire. Riojo mani gotija quena. Mani cudibeja cani riojo gotija quena, manire Dios i waja senime yirona.

<sup>13</sup> Mani ñeñaro tōbujaja, Diore busirujaja manire. Mani wanu quenaja Diore rācubhorā basaja quena manire. <sup>14</sup> Sīgū ĩ cōja Jesure t̄orān̄arē ūmatā ñarāre jirujaja manire. Cōgū t̄a ejacōri Diore busirāji ĩna. Ito yicōri cōgūre áye tucōri Diore senirāji ĩna ĩ tujatoni. <sup>15</sup> “Īre yisioguĩji”, yi t̄oĩacōri Diore ĩna senija, cōgū tujacoagu yiguĩji. Ito yicōri ñeñaro yire waja ĩ cōja ñeñaro ĩ yirisere ācabojogu yiguĩji Dios. <sup>16</sup> Ito bajiri ñeñaro yicōri m̄ua cōja, gājire m̄ua gotija quena. Ito bajiro m̄ua yija t̄ocōri, m̄uare yari Diore seni ĩsigū yiguĩji ĩ, m̄ua tujatoni. Queno yigū b̄uto Diore ĩ senija jaje quenarise rētaraja. <sup>17</sup> Diore goti ĩsiri masu Elías wame cutigu, manire bajiguti ñayoñi ĩ cani. Diore t̄orān̄acōri ĩre seniyiju ide quedibe yirocu. ĩ senija bero ūdia rodo ḡudarecocō ide quedibisiju. <sup>18</sup> M̄ucana t̄adi Diore ĩ senirocaju ide quedis̄oyiju m̄ucana. Ito bajija bero queno bare rica cutiyiju.

<sup>19-20</sup> T̄hoya yu ñarā m̄ua. Sīgū Jesure ĩ jidicāja ticōri, m̄ucana t̄adi Jesure ĩ t̄oĩatoni ĩre mani ejabujaja quena. Ito bajiri ĩ ñeñaro yirise jaje ñabobarocati ĩ jidicāja ticōri, ĩ ñeñaro yirisere ācabojogu yiguĩji Dios. Ito yicōri ĩ ya ūsi ruyuriobicu yiguĩji ĩ. “Sīgū Jesure ĩ t̄oĩaroca mani yija, iti ña ñasarise”, yi t̄oĩa masia mani. Itocō ña.

## Primera carta de San Pedro

### *Dios ĩ beseanare Pedro ĩ papera cõare gaye*

<sup>1</sup> Ñati Dios ĩ beseana mũa. Yũ ña Pedro adi mũare papera cõagũ. Jesucristo oca quenarise yũ gotitoni yũre cũquĩ ĩ. Mani ya sitare wago ãmobitibojarãti gajerojũ ña batea mani. Tite. Ponto sitajũ, Galacia sitajũ, Capadocia sitajũ, Asia sitajũ ito yicõri Bitinia sitajũ cãni ña batea mani. <sup>2</sup> Jane mejejũ mani Jacũ Dios ĩ tũoĩa yurisenã ĩ ñarã mani ñatoni manire beseñi ĩ. Ito yicõri Espĩritu Santona sũoritĩ ĩ rãca mani usi cãtiroca manire yĩni Dios. Ito bajiro yĩni Dios, Jesucristore mani cãditoni, ito yicõri mani ñeñaro yirisere ĩ ya rĩna ĩ coetoni. Mũare yiari Diore busia yũ. Mũare ĩ queno ejabũatoni, ito yicõri mũa ya usiju queno wanũ quenaro mũa ñatoni, Diore busia yũ ĩja.

### *Yũ godaja tãdi catigũ yigũja yũ, yĩ tũoĩa wanũ yure gaye*

<sup>3</sup> “Queno ya Dios mũa. Rẽtoro quenagũ ña mũa”, mani Ɔjũ Jesucristo Jacũre yiana mani. Manire bũto ti maicõri manire Cristo ĩ goda ĩsitoni ĩre cõañi Dios. Ito yicõri Cristo ĩ godaja bero mũcana tãdi ĩ cãtiroca yĩni Dios. Ito ĩ yijare mama usi cãtirã tãdi rujeanare bajiro bajirã ña mani. Ito bajiri: “Catitũnãgũ yigũja yũ”, yĩ tũoĩa mani ĩja. <sup>4</sup> Manire ĩsirocũ quenarise seo cũguĩji Dios ũmacũjũ. Jogarise meje ña. Ito yicõri jedirise meje ña. Quenarise ña iti. Ito bajiri ñeñarise godo wedibetoja Dios manire yiari ĩ seo cũre. “Ija itire boca ãmicũja yũ”, yĩ tũoĩa mani. <sup>5</sup> Diore mani tũorũnũrã ñajare, ĩ masirisena manire codegũ yigũji. Ito yicõri manire masogũ yigũji Dios, catitũnãroju mani ejatoni. Ito bajiro ĩ yijare sũsari rũmũ jeyaro quenarise ĩ seo cũre manire ĩsi jeorocũ ñacãgũ yigũji Dios.

<sup>6</sup> Itire tũoĩacõri, bũto wanũ quenarũja manire. Ito bajibojarocati adi sitajũ Jesucristore mani tũorũnũrã ñajare, mani tõbũjaroca yirã yirãji gãjerã. <sup>7</sup> Ito bajiro tõbũjarã yirãji mani, “Jesucristore queno tũorũnũrã ñari ĩre jidicãmenaji ĩna”, gãjerã ĩna yĩ tũoĩatoni. Goti masiore ocana mũare gotigũ ya yũ. ¿Oro quenarise gũtare quenore masiati mũa? Oro quenarise ĩna ãmoja iti gũtare roama ĩna. Ito bajiro ĩna yija quenarise riti rãta budiroja. Ito bajiro tõbũjarã ñabojarãti Cristore mani jidicãbeja, ĩja bũto busã ĩre tũo rãta budirã yirãji mani. Bũto waja rãcũrise ñabojarocati gũda wiaro yiroja oro. Dios ĩ tija oro rãto busaro waja rãcũa mani. Ito bajiri, “Yũre tũorũnũrã ñari, queno yirã ña mũa. Mũare bũto wanũa yũ”, yigũ yigũji Dios manire, Jesucristo mũcana ĩ goaĩori rũmũ.

<sup>8</sup> Jesucristore tũamena ñabojarãti ĩre maia mũa. Ito yicõri adi rũmũri ĩre timena ñabojarãti ĩre tũorũnũa mani. Ito bajiri queno wanũ quena mani. Bũto wanũ rãtocũcõri, “Itocõ wanũa yũ”, yĩ masĩbea mani. <sup>9</sup> Ito yicõri ĩre mani tũorũnũja manire masogũ yigũji Dios. Ito bajiri, “Ĩ tũjũ ũmacãjũ ejagũ yigũja yũ”, yĩ tũoĩa mani.

<sup>10</sup> Jane mejejũ Diore goti ĩsiri masa ado bajiro gotiyoyijarã ĩna: “Masare ti maicõri ĩnare masogũ yigũji Dios”, yiyijarã ĩna. Ito yibojarãti, Dios masare ĩ masoroti gaye queno tũo masibisijarã ĩna maji. “Ado bajiro yicõri masare masogũ yigũji Dios”, yĩ masibisijarã. Ito bajiri itire riantocõri ruje tũoĩayijarã ĩna. <sup>11</sup> Ija rãtaroti gaye ĩna goti masitoni Espĩritu Santore cõayijũ Cristo. Ito bajiri Cristore masimena ñabojarãti ĩ tõbũjacõri yucutẽojũ ĩ godaroti gayere goti yuyijarã ĩna, Diore goti ĩsiri masa. Ito yicõri mũcana tãdi caticõri Dios

təjə r̄ucəb̄uoadojə Cristo ɪ ɲaroti gaye goti yuyijarā ɪna. Itire gotiana ɲabobarāti, “¿Ñimu ɲagū yiguɷjida Dios ɪ cōarocə? Ito yicōri ɷnocəta ejaɷu yiguɷjida ɪ?” ruje yi t̄uoɷabojayijarā ɪna. <sup>12</sup> Ito yi, ɪna t̄uoɷarocati, “Itire timenaji mani. Mani bero gāna ɪna ɲaroca r̄ɛtaro yiroja iti”, yi t̄uoɷayijarā ɪna m̄ucana. Ito bajiro ɪna yi t̄uo masiroca yiyijə Dios. Adi r̄uməri Espiritu Santore cōayijə Dios ɪ oca gotiri masa manire ɪna riaso masitoni. Ito bajiri iti oca quenarise r̄ɛtəja bero gotirā ɲa mani. Dios ɲaro gāna ángel mesa iti ocare b̄uto t̄uo ámoama ɪna c̄uni, quenarise iti ɲajare.

### *Diore bajiro quenarise riti yija quena, yire gaye*

<sup>13</sup> Iti oca quenarisere t̄uo masirā ɲa maniyama. Ito bajiri iti oca t̄uocōri mecure mano queno t̄uoɷarujə manire, Diore mani c̄udi masitoni. Jabeto r̄uya maji Jesucristo ɪ t̄udi ejaroti r̄umə. Ito bajiri ɲa yuc̄arujə manire. Ito yicōri, “Manire queno yigū yiguɷji Dios”, yi t̄uoɷia jidic̄abitirujə mani. <sup>14</sup> Dios r̄ia ɲacōri ɪre queno c̄udirujə mani. ɪre mani masiroto riojə ɲɛɲaro yicə mani maji. Itire t̄udi yi ɲyabitirujə manire. Itire t̄udi t̄uoɷabitirujə mani, ɲɛɲaro mani yibe yirona. <sup>15</sup> Ado bajiro bajia. Dios, manire beserə quenarise riti yigū ɲami ɪ. Ito yicōri cojireama ɲɛɲarise yil̄agū meje ɲami. Ito bajiri ɪre bajiro quenarise riti yirujə manire c̄uni. <sup>16</sup> Ado bajiro gotia Dios oca tuti: “Cojirema ɲɛɲaro yil̄abicu ɲa yə. Ito bajiri ɲɛɲarise yibesa m̄ua c̄uni”, yi uca rotiyijə Dios.

<sup>17</sup> Diore mani b̄usija, “Ȳu Jac̄u”, ya mani ɪre r̄ucəb̄uorā. ɪ yiro bajiroti yigū ɲami Dios. Ito bajiri masa ɪna ɲɛɲaro yirise waja Dios ɪ seniri r̄umə mani yiado bajiroti waja senigū yiguɷji Dios manire. Itire mani t̄uoɷaja quena. Ito bajiri Diore r̄ucəb̄uorā adi sita mani cati ɲaroc̄o queno yi ɲarujə manire. <sup>18-19</sup> Jane mejeju mani ɲic̄usabatia ɪna ɲɛɲaro yiriserə coe ámorā ado bajiro yiyijarā ɪna. Oveja quenagüre siacōri soe isisotiyijarā, Diore yiarı. “Mani ɲic̄usabatia ɪna yiado bajiroti mani yija mani ɲɛɲaro yirise jedibetoja”, yi t̄uoɷia mani. Mani ɲɛɲaro yirise waja ɪ waja yi isitoni ɪ Mac̄ure cōañi Dios. Ito bajiri, “Niyeru jogarisena meje mani ɲɛɲaro yirise waja, waja yi ɷsiɲi Dios”, yi t̄uoɷia mani. Ado bajirojə bajia. ɪ Mac̄u Cristo ɲɛɲaro yil̄abicu ya r̄ina waja yi jeoñi Dios manire yiarı. Waja r̄uc̄arisena mani ɲɛɲaro yiriserə waja yi ɷsiɲi Dios. <sup>20</sup> Jane mejeju adi mac̄ar̄uc̄aro ɪ rujeoroto riojəjə, manire yiarı ɪ Mac̄ure cōaroc̄u t̄uoɷia yuc̄ayijə Dios. Ito bajiri adi r̄uməri ɷja, “Ȳure masoroc̄u ejañi Cristo”, yi t̄uoɷia mani. <sup>21</sup> Manire masoroc̄u manire goda ɷsiɲi Cristo. Dioti ɲami Cristo ɪ t̄udi catiroca yirə, ito yicōri ɪ t̄əjə r̄ucəb̄uoadojə Cristore c̄urə. Ito bajiro ɪ yijare Diore t̄uor̄unəa mani. ɪre t̄uor̄unac̄ōri, “Dios t̄əjə catit̄il̄agū yigujə yə”, yi t̄uoɷia mani.

<sup>22</sup> Cristo oca quenarise c̄udirā ɲa mani. Ito yicōri ɲɛɲaro yirise jidic̄ac̄ōri Dios r̄aca siğure bajiro ɷsi cutirā ɲa mani. Mani ti terisere jidic̄ac̄ōri siğū r̄iare bajiro bajirā Diore masir̄are mairujə manire. Maibitibojaguti, “Ḡajer̄are b̄uto maia yə”, yire ma. Riojoti mani ḡajer̄are b̄uto maija quena. <sup>23</sup> Jogarise meje ɲa Dios oca. ɲat̄il̄naro yiroja ɪ oca. Dios ocare t̄uor̄unac̄ōri mame t̄uoɷiarā ɲa mani. Mame t̄uoɷiarā ɲari t̄udi rujeana robo bajiro bajirā ɲa mani. Ito bajiri catit̄il̄narā yir̄aji. Mani ya ɷsi godabeto yiroja. <sup>24</sup> Ado bajiro gotia Dios oca:

Siniac̄ōri godaroja ta. Masa c̄uni ɪna ɲaroc̄ōti godarā yir̄aji. Go c̄uni quenarise ɲabobaroti sinia quedic̄oaro yiroja. Ito bajic̄ōri quenarise iti ruyujə bero ruyubetoja ɷja. Itoti bajir̄aji masa c̄uni. ɪna jeyaro godarā yir̄aji, ɲasarā ɲabobarāti.

<sup>25</sup> Mani ɷjə ocama ɲat̄il̄naro yiroja, yi gotia Dios oca tuti.

Ito bajiro Dios oca riasotiri masa ña gotija tʉocōri: “Iti ña Cristo oca quenarise”, yi tʉoĩa mani ñja.

## 2

<sup>1</sup> Iti oca tʉorʉnucōri Dios rĩa ña mani. Ito bajiri jeyaro mʉa ñeñaro yirise jidicãña. Gãjerãre ruobesa. Ito yicōri socabesa. Gãjerã ya gajeoni ti uobesa, ito yicōri gãjerãre busitubesa. <sup>2-3</sup> “Yure ti maicōri, Queno yiquĩ Dios”, yi tʉoĩa mʉa. Ito bajiri jaibicʉacã ũju amosotiro bajiroti Dios oca quenarisejʉare riti riasotiya mʉa. Jaibicʉacã ï ũjutĩñaja quenaro bʉcʉaguñji. Mʉa cʉni Dios ocare mʉa riasotitĩñaja ïre queno masirã yirãji mʉa. Ito yicōri Dios rãca sīgãre bajiro usi cuticōri ï amorisere cudirã yirãji mʉa.

### *Gũtagã ñasaricare bajiro bajigũ ñami Cristo, yire gaye*

<sup>4</sup> Queno tʉoya. Goti masiore ocana mʉare gotigũ ya yũ. Gũta wi meniri masa gũtagãre ti cōĩacōri, “Amobea itigare”, yiyijarã ña. Ito bajibojarocati gãji itiga gũtagãre ti cōĩacōri, “Gaje gũta rētoro quenarica ña itiga. Amoa yũ”, yiyijũ ï. Ado bajiro baja yireoni ña iti oca. Cristore amobiticōri, “Gũa uju meje ñami ï”, yiyijarã mani uju mesa. Ito bajibojarocati Cristore bʉto amocōri ïre beseyijũ Dios, manire masorocare. <sup>5</sup> Dios beseru ñari ïre bajiroti mani usi cuti ñaja quena. Manire cʉni beseñi Dios, Cristo rãca sīgãre bajiro mani usi cutitoni. Ito bajiro Dios ejabuarise rãca queno Cristo rãca usi cutirũja mani. Manire Dios ï wanʉtoni ï amoro bajiro mani yija quena. Cristo ï ejabuarise rãca gãjerãre ï oca gotirũja mani. Ito yicōri gãjerãre yari Diore busirũja mani. Ito bajiro yirũja mani Cristo ï ejabuarisena, Dios ï wanʉtoni. <sup>6</sup> Itire yi ucayijũ Diore goti ïsiri masu. Gaje ado bajiro ucayijũ, Dios busirise gotigũ:

Sion wame cutiri cʉtoju yũ Macure cũa yũ. Gũta quenarica robo bajiro bajigũ ñami ï. Gũta wi menisʉorona gũta quenaricare beseama gũta wi meniri masa. Iti bajiroti, yũ ñarã uju ñarocare yũ Macure uju besecu yũ. ïre bʉto maia yũ. No ïre tʉorʉnugũti bojori bʉjabiquñji. Bʉto wanʉ quenagũ yiguñji, yiyijũ Dios, yi ucayijũ Diore goti ïsiri masu.

<sup>7-8</sup> Mani Jesucristore tʉorʉnrã ñari ïre bʉto maia mani. Mani tija ñasagu ñami ï. Itire gotigũ ado bajiro ucayijũ Diore goti ïsiri masu:

Gũta wi meniri masa gũtagãre ti cōĩacōri, “Amobea itigare”, yiyijarã ña. Ito bajibojarocati gãji itigare ti cōĩacōri, “Ñasarica ña itiga. Amoa yũ”, yiyijũ ï.

Ito bajiro yi gotia Dios oca tuti. Ado bajiro baja yireoni ña adi oca. Jesucristore tʉorʉnubicũ ïre maigũ meje ñami ï. ïre cudigũ meje ñami ïocũ. Ito bajiri Dios ï gotiadi bajiroti godagũ yiguñji. Itire gotigũ ado bajiro ucayijũ Diore goti ïsiri masu:

Gũtana sīgũ ï jʉata quedija juniroja ïre, yi gotia Dios oca. Ado bajiro baja yireoni ña adi oca. No Cristore tʉorʉnubicũti godagũ yiguñji.

<sup>9</sup> Ito bajiro bajirã meje ña maniamã. ï ñarã mani ñatoni manire beseñi Dios. Dios mani Hjũre gãjerã ña masitoni ï oca riaso amoa mani ñnare. Ñeñaro yirise ï coeana ñari Dios ñarã ña mani ñja. Ito bajiri jeyaro queno ï yirise gotirũja mani. Rãitfaroju ñarãre bajiro ñeñaro mani yi ñaroca manire jiñi Dios. Ito yicōri manire boca amicōri manire masoñi ï. Ito bajiri ï rãca busuroju ña mani ñja. Iti oca quenarise gãjerãre mani gotitoni manire cũñi Dios. <sup>10</sup> Iti rʉmʉ Dios ñarã meje ñayija mani maji. Adi rʉmʉrijʉama ï ñarã ña mani ñja. Iti rʉmʉ, “Yure ti maiami Dios”, yi tʉoĩabisija mani maji. Adi rʉmʉrijʉama, “Yure bʉto ti maiami Dios”, yi tʉoĩa mani ñja.

*Dios ï ãmoro bajiro riti yija quena, yire gaye*

11 Yu ñarã muare buto maia yu. Adi macãrucãroju ña ucurã ya mani. Ûmacãju Dios taju ña mani ñasaroto. Ito bajiri ado yu busirisere queno tuoya mua. Jeyaro mua ñeñaro yi ãmorisere tuoia uyabesa. Mua ya usina itire mua tuoia uyaya ñeñaro yirã yirãji mua, rãmú ï ãmoro bajiro. 12 Diore masimena wato ña mani. Mani yiriseret isotiama ña. Ito bajiri ña wato ñacõri queno yi ñarãja manire. Manire ñeñaro busituborãji ña. Ito bajibojarãti mani queno yiriseret tigoana ñari, Diore tuorãnu ãmorã yirãji ña gajea. Ito bajiri Dios ï tãdi ejari rãmú, “Rẽtoro quenagũ ñami Dios”, yirã yirãji ña, ïre rucãborã.

13 Dios ñarã mani ñajare uju gobierno ï rotirisere queno cãdirãja mani. Ito bajiro mani yija, “Queno cãdirã ñama Dios ñarã”, yirã yirãji gãjerã. 14 Uju gobierno ya ejabuari masare cãni queno cãdirãja mani. Ña ñama ï cãana. Ñeñaro yirãre waja senitoni ïre ejabuari masare cũñi ï. Ito yicõri queno yirãre, “Queno ya mu”, ña yitoni ïre ejabuari masare cõañi uju gobierno. Ito bajiri ï cõana ñajare queno cãdirãja mani ñnare. 15 Ito bajiro mani cãdija, Dios ï ãmoro bajiro queno yi ñarã yirãji mani. Ito bajiri manire rocãti busituboana ñe busi masimenaji ña. Ito bajiri Dios ï ãmoro bajiroti ña busitubojarise susacoaro yiroja ïja.

16 Dios ñarã ña mani. ï sãgãti ñami mani Uju ñasagu. Ito bajiri ïre wanãrã, mani ãmoro bajiroti yibitirãja mani. “Dios yagu yu ñajare yare waja senibiquãji. Ito bajiri yu ãmoro bajiro yicãja yu”, yi tuoãbitirãja manire. ïre cãdirãja mani. Ito yicõri ïre cãdi ãmorã ñari, ï ãmoro bajiroti yi ñarã yirãji mani. 17 Ito bajiri masa jeyarore corocõ mani ti rucãbuoia quena. Jesucristore masirãre mani buto maija quena. “Rẽtoro masigũ ñami Dios”, yi tuoãrã ñari, ïre queno rucãbuorãja mani. Ito yicõri uju gobierno ï rotirisere cãni cãdirãja manire.

*Ï tãbujaroca yianare gãmebisiju Cristo, yire gaye*

18 Mua gãjerãre moa ïsirã, queno tuoya. Muare busigu ya yu. Mua ujarãre queno rucãbuoya. Ito yicõri ña yiro bajiro cãdicõri ñnare queno moa ïsiña. Ito bajiro yiya mua Dios ñarã ñari. Tere mano mua ujarã ña rotija ñnare queno cãdiya mua. Muare terã ña rotija cãni, ñnare queno cãdiya mua. 19-20 Ito bajiro mua yija ticõri, muare wanũgũ yiguãji Dios. Mua ujarãre queno mua yibojarocati mua tãbujaroca yirã yirãji coriarã. Ñnare mua ti tebeja muare wanũgũ yiguãji Dios. Ito bajibojarocati mua ujarãre mua ñeñaro yija mua tãbujaroca yirã yirãji ña. Ito bajiro yirãji ña, mua ñeñaro yirise waja yirã. Ito bajiri ado bajiro tuoãabesa mua. “Queno yicu yu. Yu tãbujaroca yigure tebiticu yu. Ito bajiri yare wanũgũ yiguãji Dios”, yi tuoãabesa mua. Mua ujarãre ñeñaro yigoana ñajare muare wanũbiquãji Dios. 21 Ito bajiri mua tãbujaja ñemecutiya mua. Ito yicõri gãmebesa mua. Ito bajiro rotiami Dios mani yitoni. Cristo cãni manire yiari tãbujayiju. Ito yicõri ï tãbujaroca yianare gãmebisiju Cristo. Ito bajiro yiyiju Cristo ïre bajiro mani ña masitoni. 22 Cojireama ñeñaro yããbisiju Cristo, ito yicõri cojireama raoãabisiju ï. 23 Masa ïre ña busituja ñnare busitu gãmebisiju Cristo. Ito yicõri ï tãbujaroca yianare, “Muare gãmecuja yu”, yibisiju Cristo. Ito bajiro yigu meje ñayiju Cristo. ï Jacure queno tuorãnucõri ïre bajiro usi cutiyiju Cristo. Ito bajiri, “Yu Jacu ï ñami masa ñeñaro ña yirise waja queno seni masigũ”, yi tuoãayiju ï. 24 ïmasiti mani ñeñaro yirise waja yi ïsigũ yucãtõju godañi Cristo. Ito bajiro manire yi ïsiyiju ï mani ñeñaro yiriseret jidicãcõri mani tudi ñeñaro yibititoni. Ito yicõri Dios ï ãmoro bajiro mani yi masitoni manire goda ïsiñi Cristo. Manire yiari ï godajare mani

ñeñaro yirisere ãcabojogu yiguñi Dios. Ito bajiri manire masogũ yiguñi mani catitũñatoni. <sup>25</sup> Queno tũoya. Mũare goti masiore ocana mũare gotigũ ya yũ. Oveja coderi masa ãna manija rocati ña ucuama ãna. Ito bajiro rocati ñabojayija mani cuni Cristore mani masiroto riojua. Adi rumariama mani ñeñaro yirise jidicãcõri Cristo rãca sũgũre bajiro usi cutirã ña mani ãja. Ìti ñami mani ya usi godabe yirocũ manire codegũ, ito yicõri manire tirãñugũ.

### 3

#### *Ado bajiro ñaja quena manojõ cutirã, yire gaye*

<sup>1-2</sup> Romia queno tũoya mũa. Mũare cuni bũsigũ ya yũ. Temenati mũa manujusabatiare queno cudiya. Mũa manujusabatia coriarã Diore tuorũñũbeama ãna. Ito bajiri Dios oca mũa goti ãmobjaja tũo ãmobeama ãna. Biyaro mũa gotija, “Quejoro yamo yũ manojõ”, yi tũoĩarã yirãji mũa manujusabatia. Ito bajiri usirioro yibesa. Ado robojua mũa yija quena. Mũa manujusabatiare queno cudiya mũa. Ito yicõri Diore rãcũbũocõri quenarise riti yi ñaãa mũa. Ito bajiro mũa yija ticõri, Diore tuorũñũ ãmorã yirãji ãna gajea. Ito yija Dios oca mũa gotimena ñabojarãti mũa queno yirise ticõri Diore tuorũñũ ãmorã yirãji gajea mũa manujusabatia. <sup>3</sup> Ado bajiro tũoĩabojama romia coriarã. “Queno seyogo ñamo”, gãjerã ãna yitoni, yũ ya joa queno sirocoja yũ. Ito yicõri jeyaro quenarise yũ ye bũsacoja yũ. Saya cuni quenarise sãñacoja yũ, “Seyogo ñamo”, gãjerã ãna yitoni. Ito bajiro yi tũoĩabesa mũa. <sup>4</sup> Dios ã tija seyorã mũa ña ãmoja, ado bajiro mũa yija quena. Queno usi tija quena ñaãa mũa. Mũa manujusabatiare queno cudiya. Ito yicõri ãna rãca gãmeri tudibesa mũa. Mũa tũoĩaro bajiro riti yibesa. Mũa queno yirise gaye jedibetoja. Iti ña ñasarise Dios ã tija. <sup>5</sup> Jane mejeju ito bajiro yiyijarã romia Diore tuorũñũana. Dios ã ãmorise yi ãmorã ãna manujusabatiare queno cudiyijarã ãna. Ito bajiri seyorã ñayijarã ãna, Dios ã tija. <sup>6</sup> Ito bajiro queno cudiyo ñayijo Sara ñayoro. Iso manuju Abrahamre queno cudiyijo iso. Ì yago ñari, “Yũ uju”, yiyijo iso ãre. Iso ñayoro bajiro queno yija mũa cuni. Ito yicõri iso bajiro Diore tuorũñũcõri ñejua tũo gũibesa mũa. Ito mũa yija Sara ñayoro bajiro bajirã ña mũa.

<sup>7</sup> Mani ãmũa tũoya mani ye cuni bũsigũ ya yũ. Mani godabe yirocũ manire ti maicõri manire masoñi Dios. Ito bajiro ti masoñi Dios mani manojõsãromiare cuni. Ito bajiri mani manojõsãromia ãna queno ñatoni ãnare queno yiruja mani. “Yũcõ sũogõ meje ñamo yũ manojõ”, yi tũoĩacõri, mani manojõsãromiare ejabũarũja manire. Ito yicõri ãnare rãcũbũorũja mani. Ito bajiri mani manojõsãromia rãca queno usi cuti ñarũja manire. ãna rãca ñeñarise mani oca cutija queno Dios rãca bũsi masimenaji mani.

#### *Queno yirã ñari tũbjarã yirãji mani, yire gaye*

<sup>8</sup> Mũare yũ gotiroti jabeto rãya maji. Ado bajirojua baja. Sũgũre bajiro mani usi cuti ñaja quena. Dios rãa ña mani. Ito bajiri sũgũ rãare bajiro mani gãmeri majia quena. Ito yicõri bojoro bjarãre ejabũarũja manire. “Rẽtoro quenagũ ña yũ”, yi tũoĩabitirũja manire. <sup>9</sup> Manire gãjerã ãna ñeñaro yija ãnare gãmebitirũja mani. Manire gãjerã ãna bũsitũja ãnare bũsitũ gãmebitirũja manire. Ado bajirojua mani yija quena. Manire ñeñaro yirãre cuni queno yirũja manire. Ito yicõri ãnare yiarĩ Diore bũsija quena. Ito bajiro queno yirũja mani. Dios ã rotiro bajiro mani yija queno yigũ yiguñi Dios manire. <sup>10</sup> Itire gotigũ ado bajiro ucayiju Diore goti ãsiri masũ:

No co rumu rayabeto quenaro ña ãmogãti ñeñaro busibiquĩji, ito yicõri ruobiquĩji.

<sup>11</sup> Ñeñarise jidicãcõri quenarise riti yiguĩji ĩ. Gãjerã rãca queno ĩ ña ãmoja, ñare queno yiguĩji.

<sup>12</sup> Ado robojua bajia. Queno yirãre tirãnugã yiguĩji Dios. Ito yicõri ĩre ña busija, tuogu yiguĩji Dios. Ñeñaro yirãreama ñare queno ti tujabiticõri ñare waja senigã yiguĩji Dios. Ito bajiri quenarise yiruja mani ĩja, yi gotia Dios oca.

<sup>13</sup> Quenarise mani yi ãmosacõja, noajua gãjerã mani ñeñaro tõbujaroca yirã jãjarã manaji. <sup>14</sup> Ito bajibojarocati mani tõbujaja mani queno yirã ñajare mani wanaroca yigu yiguĩji Dios. Ito bajiri manire ñeñaro yi ãmorãre güibitiruja mani. Ito yicõri tuoia oca jaibitiruja manire. <sup>15</sup> Ado bajirojua mani yija quena. Cristore rãcubuoõcõri, “Ī yu Uju ñari, yure codegu yiguĩji Cristo”, yi tuoiaruja manire. Ito yija, “¿No bajiatu Cristore mua tuorũnarise?” gãjerã ña senĩaja, “Ado bajirojua bajia”, mani yitoni queno bocatiari ñacãruja manire. Ito yicõri ñare ti maicõri queno rãcubuoõre rãca ñare cudiruja mani. <sup>16</sup> Ito yicõri, “Seti ma yure”, mani yi masitoni quenarise riti yiruja manire. Cristo ñarã ñari quenarise riti yiruja mani. Ito bajicõri manire gãjerã ña busituja, “Burãti yama ña”, yi tuoiarãji gãjerã. Ito bajiri manire busituri masa bojori bujarã yirãji ña. <sup>17</sup> Ado bajiro bajia, queno tuoja. Ñeñaro mani yija bero mani tõbujaja, iti ña mani ñeñaro yirise waja. Ito bajibojarocati queno yirã ñabojarãti mani tõbujarise Dios ĩ camotabeja, “Iti ña Dios ĩ ãmorise, ito bajiri quenarise ña”, yi tuoia mani.

<sup>18</sup> Queno yigu ñabojaguti tõbujayiju Cristo cuni. Ito bajiri queno yirã ñabojarãti mani tõbujaja, manire yiaru Cristo ĩ tõbujare gayere tuoiaruja manire. Ado bajiro bajia. Ñeñaro yĩabicu ñayiju Cristo. Ito bajibojarocati mani ñeñaro yirãre goda ĩsiyiju ĩ, manire yiaru. Dios rãca mani sigũre bajiro mani usi cutire ãmoyiju Cristo. Ito bajiri mani ñeñaro yirise waja, waja yi jeorocu manire goda ĩsiyiju ĩ. Ī ya ruju godabojarocati ĩ ya usiama godabisiju.

<sup>19</sup> Ito yija ñeñaro yigoanare busirocu ña tõbujadoju ĩ ya usina wayiju Cristo. Itoju ejacõri jeyaro ĩ yigore ñare gotiyiju Cristo. <sup>20</sup> Ito ñayoana, Noé ñayorure tuo ãmobitiana ñayijarã ña. Yoari Noé ĩ cuma busua meniõca ña cudijaro yirocu bocatibojayiju Dios. Cudibisijarã ña. Ito yicõri cuma meni ticoõri cumaju sãjayijarã ña. Noé, ĩ manojo, ĩ rã, ĩ jẽsõãromia cuni sãjayijarã. ña rujabe yirocu ñare riti masoyiju Dios. Udia ãmojeno ñayijarã ña ñarocõti.

<sup>21</sup> ñare ĩ masoado bajiro manire cuni masoñi Dios, Jesucristo ĩ goda ĩsirena suoriti. “Diore cudirã ñama”, gãjerã ña yitoni idẽ gu rotia mani. Ruju ueri coerona meje idẽ gu rotia mani. Ñeñaro mani yirise jidicãja bero ado bajiro Diore busia mani. “Queno ya mu. Yure masoyija mu. Mu Macu Jesucristo yu ñeñaro yirise yure waja yi ĩsirocu yure goda ĩsiñi. Ito yicõri yure masorocu tãdi catiñi ĩ”, Diore ya mani idẽ gure ãmorã. <sup>22</sup> Tãdi caticõri ũmacũju Dios rãca ñagũ wayiju Jesucristo. Ito yicõri Dios ya riojocaduja rãcubuoarãji ñaguĩji ĩ ĩja. Ito bajiri ãngel mesa ña ñarocõti Jesucristore rãcubuoarãji ña. Ito yicõri ũmacũju gãna ujarã ñasarã Jesucristore rãcubuoarã, “Gua Uju ña mu”, yirãji ña cuni Jesucristore.

## 4

*Dios masirise boca ãmiana ñari ricati riti moa masia mani, yire gaye*



<sup>1</sup> Adi sitaju ñagū tōbujayija Cristo. Ito bajiri, “Īre bajiroti tōbujagu yigūja yu cūni”, yi tuoīacōri, tōbujarona tuoīa ñacārūja mani. Ado bajirojua bajia. Tōbujacōri Jesucristore buto busa mani tuoīaja, ñeñaro yi āmomenaji mani. <sup>2</sup> Ito yicōri ñeñaro yi āmori masare bajiro yimenaji mani. Ito bajiri mani catirocō Dios ĩ āmoro bajiro yirā yirāji mani. <sup>3</sup> Iti ruma Cristore mua masiroto riojua jeyaro ñeñarise mua yi āmoro bajiroti yiyija mua maji. Mecuyija mua. Ito yi mecucōri rocati ñeñaro yiyija mua. Mua rujeoanare buoro rūcubuooyija mua. Itocō mua ito yirise jidicārūja mware ĩja. <sup>4</sup> Iti ruma mani ñeñaro yiado bajiro yibeā mani adocāta ĩja. Mani baba mesa ñagoana rāca mani ñeñaro yi āmobeja manire tudirā yirāji ĩna. Ito bajiri ĩnare mani cudibeja rocati manire busi ajarā yirāji. <sup>5</sup> Manire ĩna ajabobarocati ĩnare gāmebitirūja manire. Ito bajiro ñeñaro ĩna yirisere masiami Dios. Manire ajagoana ñari ĩna ñeñaro yirise goti rētorā yirāji ĩna Diore. Yoari mejeti masa jeyarore ĩna ñeñaro yi uyarise waja senigū yiguļji Dios. Catirāre cūni, godanare cūni waja senigū yiguļji Dios. <sup>6</sup> Ito bajiri masa ĩna godaroto riojua Dios oca quenarise gotire ña, ĩna catitīñatoni. Coriarā iti oca tuocōri queno rūcubuoarā yirāji. Gājerāma iti ocare rūcubuoemenaji ĩna. Masa jeyaro godarā yirāji sīgū rūyabeto. Ito bajibobarocati ĩ oca rūcubuoana masa jeyaro bajiro godabobarāti ĩna ya usijūama Dios rāca catitīñaro yiroja.

<sup>7</sup> Adi macārucāro yoari meje jediro yiroja. Ito bajiri jeyaro mani yiroto riojua queno tuoīa ñarūja manire. Ito yicōri mecure mano tuoīa ñarūja manire, Diore mani queno busi masitoni. <sup>8</sup> Gājerāre mani ti maitīñaja quena. Iti ña ñasarise. Gājerāre mani buto ti maija, ĩna manire ñeñaro yirisere ācabojarā yirāji mani. <sup>9</sup> Gājerā mani ya wi ĩna ejaja, wanu quenare rāca ĩnare boca āmirūja mani. ĩna ba āmoja, ĩna cani āmoja cūni wanu quenare rāca ĩnare cudirūja mani. <sup>10</sup> Jesucristo ñarā ñari manire ti maicōri, jabeto ĩ masirise manire jidicāñi Dios. Ī āmoro bajiro ricati mani moa masitoni ĩ masirise jidicāñi Dios. Ito bajiri Dios manire jidicāre mani moa masirisena gājerāre ejabuarūja mani. Ito bajiro yirūja mani Diore queno moa ĩsirā ñari. <sup>11</sup> Dios oca mani queno goti masija, “Queno ya Dios mu. Mu ejabuarisena riojo goti masia yu”, yirūja mani. Ito yicōri gājerāre mani queno ejabua masija, “Queno ya Dios mu”, yirūja mani. Ito bajiro yirūja mani, Diore gājerā ĩna rūcubuoatoni. Jeyaro mani yirisere ticōri, “Ī ñarāre queno ejabuami Jesucristo”, yirā yirāji gājerā Diore rūcubuoarā. “Īti ñami rētoro masigū. Īti ñami Uju ñasagu. Jeyaro ñarise roti masigū ñami Dios. Dise ĩ roti masibiti rūyabea ĩre. Īti ñami mani Uju ñatīñagū”, yi tuoīasotirūja mani ĩja.

*Cristore mani tuorūñarā ñajare ñeñaro mani tōbujaroca yirā yirāji gājerā, yire gaye*

<sup>12</sup> Yu mairā tuoya mua. Mani buto tōbujabobarāti buto goroama oca jaibitirūja manire. “¿No yija tōbujati yu?” yi tuoīabitirūja mani. Mani tōbujabobarāti Jesucristore mani jidicābeja, “Yure queno tuorūñarā ñama ĩna”, yigu yiguļji Dios. <sup>13</sup> Ado bajirojua mani yija quena. Jesucristore rūcubuoarā ñari ĩre bajiro mani tōbujaja queno wanu quenarūja mani. Ito mani yija ĩ tūdi ejari ruma ĩre ticōri queno wanu quenarā yirāji mani. <sup>14</sup> Jesucristore mani tuorūñarā ñajare manire aja tudirā yirāji gājerā. Ito bajiro manire ĩna aja tudibobarocati wanu quenarā yirāji mani. Mani tōbujaja manire ejabuagu yiguļji Dios. Mani ya usiju Espiritu Santore Dios ĩ queo sājare queno wanu quena mani ĩja. Ito bajiri tōbujarāti wanu quena mani. Dios ñami mani rūcubuoogu. Gājerāma ĩre rūcubuoemenati ĩre ñeñaro busiama ĩna. <sup>15</sup> No gājerāre slagūti, tōbujagu yiguļji. No gāji ya gajeoni rinigāti, tōbujagu yiguļji. No ñeñaro

yigūti, tōbujagu yiguūji. No gājerāre oca menigūti, tōbujagu yiguūji. Īnare bajiro mani yija, tōbujarā yirāji mani cūni. Itire mua ñeñaro yire āmobeaa yu. <sup>16</sup> Ito bajibojarocati Jesucristo ñarā ñari mani tōbujaja bojori bujabitiruja manire. Ado bajirojua yiruja mani Diore. “Queno ya Dios mu. Mu Macu Jesucristo yagu yu ñaroca yare yiyija mu. Itire bato wanua yu”, yiruja mani Diore.

<sup>17</sup> Adocāta Jesucristore tuorānūrā ñabojarāti tōbujaja mani cūni. Jesucristore tuorānūrā ñabojarāti mani tōbujaja, ¿no bajiro tōbujarā yirājida Dios ocare tuorānumena? Manire bajiroti bato busa tōbujarā yirāji ĩna. <sup>18</sup> Itire gotigu ado bajiro ucayiju Diore goti ĩsiri masu: “Dios masoana queno yi uyarā ñabojarāti ĩna tōbujaja, ¿no bajiro tōbujarā yirājida ñeñaro yi uyarā? Ado bajiro bajia. Diore tuorānumenati bato busa tōbujarā yirāji ĩna”, yi gotia Dios oca. <sup>19</sup> Itire masicōri quenarise riti yitīñaruja manire. Tōbujarā ñabojarāti, “Iti ña Dios ĩ āmorise”, yi tuoīacōri, quenarise riti yiruja manire. Dios manire rujeoru, manire jidicābiquūji. Ito bajiri tōbujarā ñabojarāti Diore tuorānūrā yirāji mani. “Ī yiado bajiroti yare codegu yiguūji Dios”, yi tuoīacōri, ĩre tuorānuruja mani.

## 5

### *Cristore tuorānūrāre Pedro ĩ goti quenore gaye*

<sup>1</sup> Adocāta mua Jesucristore masisuoanare busigu ya yu. Mua ña Jesucristo ñarāre tirūnuri masa. Yu cūni ĩ ñarāre tirūnugūti ña. Cristo ĩ tōbujaja tigorū ña yu. Ito yicōri mani Ūju Jesucristo ĩ tūdi ejari rāmu ti wanugū yigūja yu cūni mua rāca. Mua Jesucristore masisuoana tuoya mua. Ado bajiro muare busigu ya yu. <sup>2</sup> Jesucristo ñarāre mani tirūnūtoni manire cūñi Dios. Ito bajiri ĩ ñarāre queno tirūnuruja manire. Tere mano wanu quenare rāca ĩnare tirūnuruja manire. Ito yicōri, “¿Ñe waja bujagu yigūjada yu?” yi tuoīabitiruja mani. Ado bajirojua mani tuoīaja quena. “Dios ĩ āmoro bajiro cudi āmoa yu. Ito bajiri ĩ ñarāre tirūnugū yigūja yu”, yi tuoīaja quena. <sup>3</sup> “Īna uju ña yu. Īnare sēoro roticuja yu”, yi tuoīabitiruja mani. Ado bajirojua mani yija quena. Dios ĩ āmoro bajiro quenarise yiruja mani. Ito mani yija mani yiro bajiroti quesoīacōri, Dios ĩ āmoro bajiroti yirā yirāji mani tirūnūrā cūni. <sup>4</sup> Ito bajiri Jesucristo mani Ūju ĩ tūdi ejari rāmu mani queno yirisere tuoīa bujagu yiguūji ĩ. Ito yicōri manire waja yirocu, “Yu rotiro bajiroti yicu mu. Mure wanua yu”, yigu yiguūji manire. Ito bajiri ĩ rāca wanu quenatīñarā yirāji mani.

<sup>5</sup> Mamarā adocāta muare busia yu. Jesucristore masisuoanare rūcubūoya mua. Ito yicōri ĩnare queno cudiya. Mani jeyaro gāmeri rūcubūocōri gāmeri ejabuuruja manire. Itire gotigu ado bajiro ucayiju Diore goti ĩsiri masu:

“Gājerā rētoro quenagū ña yu”, yirāre ti tujabeami Dios. Ito bajibojarocati, “Gājerāre rūcubūocōri ĩnare ejabua āmoa yu”, yi tuoīarāre wanuami Dios.

Īnare ti maicōri ĩnare queno ejabuagu yiguūji Dios, yi gotia Dios oca.

<sup>6</sup> Ito bajiri Diore rūcubūocōri ado bajiro mani tuoīaja quena. “Rētoro masigū ñami Dios. Jeyaro ĩ yirise cūdicuja yu”, yi tuoīaruja manire. Ito bajiro yiruja manire, ĩja ĩ āmori rāmu ĩ tu queno ñasagure bajiro manire ĩ cūtoni. <sup>7</sup> Mani tuoīa oca jaija, ito yicōri manire oca iti ñaja, Diore gotiruja mani. Manire ti maicōri manire ejabuagu yiguūji Dios.

<sup>8</sup> Mecure mano mani queno tuoīa ñaja quena. Ito yicōri rāmua uju Satanásre mani cūdibititoni queno tuoīariti ñaruja mani. ĩ ñami mani wajacu. Yaire bajiro yami ĩ Satanás. Tuoīate mua. No ĩ ba āmogūreti sīarocu wa ucuami yai cūni. Ito yicōri ĩ awasāja, jeyaro gāna ĩre tuocōri ĩre gūiama. Ito bajiroti guijoro yami Satanás cūni. Manire ruyurio āmogū yami ĩ. Ito bajiri Diore

mani jidicātoni manire ruoami Satanás. <sup>9</sup> Ito ï yibojarocati Diore jidicāmenaji mani ïre buto busa tuorūnūrā. Mani sīgūti tōbujabea. Jesucristore tuorūnūrā cūni jeyaro manire bajiroti tōbujama. Iti masicōri Jesucristore jidicābitirūja manire. Ito yicōri Satanásre cūditirūja manire. <sup>10</sup> Manire buto ti maiami Dios. Ito bajiri mani tōbujaja, “Biyaro tōbujabicūja yu. Yure ejabuagu yiguīji Dios”, yi tūōia mani. Buto busa Cristore mani queno tuorūnūrōca yigu yiguīji Dios. Manire beseñi Dios ï rāca mani catitīñatoni. Ito bajiri ï Macu Jesucristona suoriti manire masoñi Dios. <sup>11</sup> “Īti ñami Ūju ñasagu. Jeyaro ñarise roti masigū ñami ĩ. Dise ï roti masibiti ruyabea. Īti ñami mani Ūju ñatīñagū”, yi tūōiasotirūja manire ĩja.

### *Quenajaro masa, Pedro ĩyi ñucare gaye*

<sup>12</sup> Adi paperacānati mware yu goti masitoni yure uca ĩsiami Silvano. Jesucristore queno tuorūnūrū ĩ ñajare yu ocabajire bajiro tia yu ïre. Iti tuocōri mua oca sēotoni adi oca mware gotia yu. Ito yicōri, “Riti ña. Manire buto ti maiami Dios”, mua yi masitoni, adi oca mware gotia yu. Ito bajiri iti oca tuocōri Diore buto busa tuorūnūrā mua.

<sup>13</sup> Ado Babiloniaju ñagū adi papera mware cōa yu. Ado gāna Cristore masirā, “Quenajaro”, yicoama mware. Dios beseana ñama ĩna cūni mani roboti. Yu macu bajiro bajigu Marcos, “Quenajaro”, yicoami mware. <sup>14</sup> Gāmeri ti maicōri wanure rāca jababaya mua. Ito yicōri, “Queno ñaña mu”, wanure rāca gāmeri yiya mua.

Mua Jesucristore tuorūnūrā sīgūre bajiro mua usi cuti ñare āmoa yu. Itocō ña.

## Segunda carta de San Pedro

### *Cristore tʰorānʰrāre Pedro papera ī cōare gaye*

<sup>1</sup> N̄ati m̄ua. Ȳu ña Simón Pedro, adi papera m̄uare cōagū. Jesucristore moa īsigū ña yu. Ī oca yu goti ucutoni yure cūquī Ī. Īti ñami mani ʰj̄u, ito yicōri manire masoru. Queno yigu ñari Ī yiro bajiroti mani tʰorānʰroca yiñi Jesucristo. Īre tʰorānʰcōri sīgure bajiroti ūsi cūti wanua mani. Ito bajiri adi papera m̄uare cōa yu. <sup>2</sup> Diore, ito yicōri mani ʰj̄u Jesucristore cūni b̄uto b̄usa mani tʰoīaja, mani ya ūsi queno wanu quenaroja manire. Ito yicōri queno manire ejabua remogū yiguīji Dios. Ito bajiro m̄ua ñatoni m̄uare yiari Diore seni Īsisotia yu.

### *Cristore tʰorānʰrā ñari ado bajiro ñaja quena, yire gaye*

<sup>3</sup> Manire beseñi Cristo Īre bajiro Dios ñarā mani ñatoni. Ito yicōri Ī queno yi ñaro bajiro mani cūni yi ñatoni manire beseñi Cristo. Dios ñacōri, rētoro masigū ñami Jesucristo. Ito bajiri Īre mani tʰorānʰuja Ī masi rētocūrisena manire ejabuagu yiguīji. Ito yicōri Ī āmoro bajiro mani cūdi jeo masitoni, manire ejabuagu yiguīji Ī. <sup>4</sup> Rētoro masigū ñari ado bajiro manire goticāñi Cristo: “Diore masibiticōri ñeñaro yi ūyarā ñarāji adi macārucūro gāna. Īna ya ruju ñeñaro iti tʰoīajare ñeñaro yirā yirāji Īna. Īnare bajiro m̄ua yibe yirocu m̄uareama ejabuagu yiguja yu. Ito yicōri yu tʰoīarore bajiro m̄ua tʰoīaroca yigu yiguja yu”, yicāñi Cristo manire. <sup>5</sup> Ito bajiri Jesucristore riti tʰorānʰrā ñari queno yi ñasotiruja manire Īja. Ito yicōri Dios ocare cūni riasotiruja manire. <sup>6</sup> Ito yicōri mani ya rujunati mani ñeñaro yi āmorisere ñemecutiruja manire. Ito bajiro tʰoīacōri b̄uto b̄usa Cristore tʰorānʰrāja manire. Īre tʰorānʰcōri, Dios Ī āmoro bajiro riti mani yi ñaja quena. <sup>7</sup> Dios āmoro bajiro yicōri, mani ñarāre cūni ti maija quena. Ito yicōri Īnare ejabuaruja manire.

<sup>8</sup> Ito bajiro mani yija quenaroja manire. Ito bajiro yicōri Jesucristo Ī āmoro bajiro riti yisotirā yirāji mani. Ito yicōri Īre moa Īsirā yirāji. Ito bajiro mani yibeja, Īre masirā ñabobarāti, Īre ejabuamena bajiro ñarā yirāji mani. Ito bajiri mani ñabobarise waja mano bajiroti ñarāji manire. <sup>9</sup> Ito bajiro queno yi masibicūama, “Ado bajiro yu yire āmoami Dios”, yi tʰoīa ūsirioḡu meje ñami Īocū. “Yu ñeñaro yirisere coeñi Dios”, yigu ñabogajuti tudī m̄ucana ācabogaju ñami Īocū. <sup>10</sup> Ito bajiro yi āmobitiruja yu ñarā manire. Ito bajiri Ī āmoro bajiro riti yi ñaruja manire. Ito bajiro ñacōri, “Yure beseñi Dios. Ī yagu ña yu”, yi tʰoīarā yirāji mani Īja. Ito bajiro yi tʰoīacōri ñeñaro yi ūyabitiruja manire. Diore riti mani cūdija Īre tʰorānʰ jidicāmenaji mani Īja. <sup>11</sup> Ito bajiri Jesucristo mani ʰj̄u Ī rotifñarogū ejarā yirāji mani. Ī manire masogorūti ñari, Ī t̄aju mani ejaroca yigu yiguīji Īja.

<sup>12</sup> Adi oca masicārā ñari itire queno cūdia m̄ua. Ito bajiro m̄ua masicārā ñabobarocati m̄uare gotifñagū yiguja yu. Ito bajiri m̄ua ācabojabe yirocu, biyaro m̄uare gotisotigu yiguja yu. <sup>13-14</sup> “Yoari meje godagu yiguja yu”, yu yi masiroca yiñi mani ʰj̄u Jesucristo yure. Ito bajiri itire masicōri, yu catirocō m̄uare goti ñagū yiguja yu maji. Ito bajiri ya gotirisere queno m̄ua tʰoīare āmoa yu. <sup>15</sup> Adi paperana ruje iti oca m̄uare gotisoticuja yu. Ito bajiri yu godaja bero josari mejeti itire tʰoīa b̄ujarā yirāji m̄ua.

*Jesucristo yogu ĩ godo wedija ticu yu, Pedro ĩyire gaye*

<sup>16</sup> Mani Eju Jesucristo ija ĩ masiro robo ĩ tũdi ejaroti gayere muare goticu yu. Yumasu tũoĩa rujeocõri meje itire muare goticu yu. Ado bajirojua bajia iti gaye. Yumasiti ĩre ticõri, “Rẽtoro masigũ ñami”, yi tũoĩacõri muare goticu yu. <sup>17-18</sup> Dios oca iti ruyuroca Jesús rãca gãta yucariju ñacu yu. Ito bajiri rẽtoro yi masigũ ĩ oca ũmacãju iti ruyuja tũocu yu cuni: “Aniti ñami yu Macu, yu maigũ. ĩre buto wana yu”, yi ruyucu Dios oca, yu tũoja. Ito ruyuroca Jesucristo buto yogu ĩ godo wedija ticu yu. Jeyaro iti rõtaja ticõri, “Cristore buto rucabũoami mani Jacu Dios. Ito yicõri ĩ masirise jidicãñi Dios ĩre”, yi tũoĩa yu.

<sup>19</sup> Ito rõtaja tigorũ ñari, “Diore goti ĩsiri masa ñaro bajiroti queno yi ucayofũ ĩna”, yi tũoĩa yu ĩja. Ito bajiri ĩna ucayorere mani tũorũnaja quena. ĩna ucayore mani queno riasotija, “Ado bajiro yu yire ãmoami Dios”, yi tũo masirã yirãji mani. Ado bajirojua baja. Rãitũaroju sũaticõri mani waja, wa masirãji mani. Ito bajiri guijoroju wamenaji mani. Itire bajiroti Dios oca mani riasotija, ĩre cũdirã yirãji mani. Ito yicõri guijoro ruore oca gotirãre tũorũnunenaji mani. Ito bajiri Jesucristo ĩ tũdi ejaroto riojua, Dios ocare riasotirã riti ña yuruja manire. Ito bajiri Jesús eja wacati mani tũo masibitire mani tũo masi jediroca yigu yiguĩji. <sup>20-21</sup> Queno tũoya mua. Buto busa ñasarise muare gotigu ya yu. Dios ocare rujeobiticã masa. ĩnamasi tũoĩa rujeocõri meje ucayijarã Dios oca goti ĩsiri masa. Ado bajirojua baja. Jane mejeju Diore goti ĩsiri masare quedi sãjacõri, Dios oca ĩna uca masiroca yiyiju Espĩritu Santo.

## 2

*Ado bajiro riasorã yirãji ruori masa, yire gaye*  
(Jud 4-13)

<sup>1</sup> Ito bajibojarocati gãjerãma ruore oca gotiyijarã ĩna. “Diore goti ĩsiri masa ña gũ”, yi ruoyijarã ĩna. Adi rũmuri cuni mua wato ñarãji ĩnare bajiro ruo jairã. “Dios oca riojo gotirã ña gũ ĩja”, yi riaso ruorã yirãji ĩna. Ito bajiro riaso ruocõri Jesucristo ocare masa ĩna jidicãroca yirã yirãji ĩna. Ito gaye riti meje ruorã yirãji ĩna. “Manire goda ĩsiru meje ñami Jesucristo”, yi ruorã yirãji. Ito yicõri, “Mani Eju meje ñami ĩ”, yirã yirãji ĩna. Riojo meje riasorã yirãji ĩna. Ito bajiro ĩna yija tũocõri, yoari mejeti ruyuriogu yiguĩji Dios ĩnare. <sup>2</sup> “Mani ya rujunati mani yi ãmorise mani yija quena”, yi ruorã yirãji ĩna. ĩna ruorisere tũorũnucõri jãjarã masa ĩnare bajiro ñeñaro yirã yirãji. Ito bajiro ñeñaro yicõri Cristo oca ñasarisere aja tudirã yirãji masa. Ito bajiri Cristo ocare ĩna aja tudija, ruore oca riasotirãre seti ñaro yiroja. <sup>3</sup> Ito yicõri mua ya gajeoni buja ãmorã, muare ruorã yirãji ĩna. Ito bajiro ĩna ñeñaro yiroto riojua masicãyiju Dios. Ito masicõri, “ĩna ñeñaro yirise waja, waja senicaja yu”, yi tũoĩayiju Dios. Ito bajiri co rũmu ĩnare waja seniuroca ãcabojabiquĩji Dios.

<sup>4</sup> ¿Dios ñaro gãna ángel mesa oca masiati mua? Jane mejeju jãjarã ángel mesa ñeñaro yi ãmorã queno Diore cũdibisijarã ĩna. Ito bajija ticõri, “No yibea yure”, yibisiju Dios. Buto rãitũaroju ĩnare cõayiju ĩ. Ito yicõri ĩna ñeñaro yirise waja, waja ĩ seniroti rũmu riojua ito riti ĩnare cũyiju ĩ. Ito bajiroti ruore oca riasotirãre cuni buto waja senigũ yiguĩji Dios. <sup>5</sup> ¿Jane mejeju Noé ñayoru ĩ ñaroca ñagoanare masiati mua? ĩna ñeñaro yirise ticõri ĩnare ruyurioyiju Dios. Ide jairo idé queoyiju, ĩna ruja godajaro yirocu. “Mua ñeñaro yirise jidicãruja muare”, yibojayiju Noé ñayoru masare. Ito ĩ yibojarocati jidicãbisijarã ĩna. Ito bajiri Noé, ito yicõri ĩ ñarã jua ãmojeno ñarãre riti masoyiju Dios. <sup>6</sup> ¿Sodoma

gāna ñabojana, Gomorra gāna ñabojana oca cuni masiati mua? Buto ña ñeñaro yija ticōri, ñare ruyurioroca jea queoyiju Dios ña ya catorire. Ito bajiro yiyiju Dios, “Ïre cudimenati mani ñeñaro yija manire cuni ruyurioga yiguñji Dios”, yi mani tuoña masitoni.

<sup>7-8</sup> ¿Queno yigoru Lot wame cutigu oca masiati mua? Sodoma gāna, Gomorra gānare cuni ruyurio jebojaguti ito gagu Lot sigareti ruyuriobisiju Dios. Diore rucubogū ñayiju Lot. Co ruma ruyabeto ï tu gāna ñeñaro ña yija, tisotibojayiju Lot. Ito yicōri ña ñeñaro busirisere cuni tuosotibojayiju ï. Rēore gaye ñabojarocati ñeñaro yi ajevijarā ña umua comasiti. Ito bajiro ña yija ticōri, ï ya usijuma bojori bujayiju Lot ñayoru. Ito bajiri ñeñaro ruyuriobisiju Dios. <sup>9</sup> Iti ocare tuocōri, “Mani ñeñaro yitoni rāmú ï usirioru yi codeja, manire ejabuagu yiguñji Dios. Ito yicōri mani ñeñaro yibe yirocu, manire ejabuagu yiguñji ï. Ito bajiri ñeñaro yirāreama ācabojabiticōri, ïja ï waja seniri ruma ñare waja senigū yiguñji Dios”, yi tuoña mani.

<sup>10</sup> ña ya ruju iti ñeñaro tuoñaro bajiro yirāre, ito yicōri, “Ujarāre cudibicaja yu”, yirāre cuni buto busa waja senigū yiguñji Dios. ña ñama ñeñaro busicōri bojo masimena. “Gua āmoro bajiro busirā yirāji gua”, yama ñaōna. Ito yicōri ángel mesare rucubobiticōri, ña rotirisere aja tudirā yirāji ñaōna. <sup>11</sup> ñare bajiro yibeama Dios ñaro gāna ángel mesa. Ruore oca riasorā rētoro masirā ñama ángel mesa. Rētoro masirā ñabojarāti, “Āna ruore oca riasori masa ñeñaro yirā ñama ña. Ito yicōri ñare seti ña”, Diore yi gotibeama ña. Ñeñaro busitu āmomena ñama ángel mesa.

<sup>12</sup> Ito mua wato ruore oca riasori masa, waibucurā bajiro queno tuoñamena ñarāji ña. “Ïja ado bajiro rētoro yiroja yare”, yi tuoña masibitibojarāti, ña āmoro bajiro riti yama ña. Ito yicōri Dios oca ña tuo masibitire, aja tudiamā ña. Waibucurāre mani siaro bajiroti riaso ruorāre ña ñeñaro yija ticōri, ñare ruyurioga yiguñji Dios. <sup>13</sup> Ito bajiro yiguti ñare waja senigū yiguñji Dios, masa ñeñaro tōbujaroca ña yire waja. Bojomenati, umuati ñeñaro yama ñaōna. Ito bajiro yicōri itire buto wanuama ña. Mua rāca minijuacōri “Queno yirā ña gua”, yi ruoama ña. Ito bajiro yibojarāti, buto ñeñaro tuoñarā ñama ñaōna. Mua queno tuo masibeja ñare bajiroti ñeñaro yirā yirāji mua cuni.

<sup>14</sup> Gāji manojore ticōri, “Iso rāca yi aje āmoa yu”, yi tuoñama ña. Ñeñarise riti tuoña uyama ña, ruore oca riasori masa. “Mani ya rujunati mani yi āmorise mani yija quena. Itire ti tebiqūji Dios”, yi ruoama ña, Diore queno masimenare goti ruorā. Gājerā ya gajeonire ti uocōri itire buja āmorā tuoñarāji ñaōna. Ito bajiri ruore oca goticōri josari mejeti gāji ya gajeoniti bujama ñaōna. Ito bajiro ña yi ñaja ticōri, ñare ruyurioga yiguñji Dios. <sup>15</sup> Dios oca quenarise tuogoana ñabojarāti iti oca jidicāna ñama ñaōna. Ito bajiro gaje tuoñacōri ñeñaro tuoñama ña. Beor macu, Balaam wame cutigu ñayoru bajiro ñeñaro yama ña cuni. Diore goti ïsiri masu ñabojaguti niyeru buto maigū ñari, “Ruore oca yu gotija queno bujagu yiguja yu”, yi tuoñabojayiju Balaam. <sup>16</sup> Ito bajiro tuoñaboja, burro joe ï jesa waroca, ado bajiro yiyiju Dios. Masu bajiro burro ï busiroca yiyiju Dios. Ito bajiro ï yirocati busisuooyiju burro: “Buto ñeñaro yi tuoña mu. Ito bajiro ñeñaro mu tuoñarise, tuoñabesa mu”, yi tudiyiju burro ïre. Ito bajiro ï yija tuo uacōri, ï ñeñaro tuoñarise jidicāyiju Balaam ñayoru.

<sup>17</sup> Queno tuoja mua. Muare goti masiore ocana gotigu ya yu. Ide āmorā jaibitiya warā yirāji mani. Ito ejacōri cara quearaya mani tija, bojori bujarā yirāji mani, ide idi āmobarā. Cuma ñaroca cuni, ide bueri ti āmarā yirāji mani ide āmorā. Ito bajiro mani ti āma rügōroca ide buerire mino iti wēa rētocōja bojori bujarā yirāji mani ide āmobarā. Iti mani āmaro bajiroti, Dios oca tuo

āmora ĩ oca gotirā tujū warā yirāji mani. Īna tujū ejacōri ruore ocati ĩna goti ñaja bojori bujarā yirāji mani, Dios oca quenarisere tuo āmobarā. Ito bajiro ruore oca riasorāre ija ĩnare ĩ cōaroto buto raitiāro quenocāyijū Dios. <sup>18</sup> Ñeñaro yirā ñacōri masa jeyarore wanare rāca ruo gotiama ĩna. “Mani ya rujunati mani yi āmorise mani yija, quena ña. No yibea”, yi usirio codeama gājerāre. Bujato yama ĩna. Ito bajiro ĩna riasoja tuocōri, “Riti yama ĩna”, yi tuoīarā yirāji canū busati Jesure masisuoana. Ito bajiri tūdi ñeñaro yi uyarā yirāji mūcana, ñeñarisere jidicābojana. <sup>19</sup> Ado bajiro gotiama ruore oca riasori masa: “Jeyaro mani ya rujunati mani yi āmorise mani yija, quena ña. No yibea. Ija co rumū mani jidicā āmoja, jidicārā yirāji mani”, yi ruoama ĩna. Ito bajiro yibojarāti ĩna ñeñaro yirisere jidicā masibeama ĩna. Ado bajirojua baja. No ñeñarise riti tuoīa uyagu ĩ ñeñaro yirisere jidicā āmobiqūji ĩ. <sup>20</sup> No Jesucristo mani Ūjūre tuorūnārā adi sita ñeñarisere jidicārā yirāji ĩna. Ito yibojarāti mūcana tūdi ñeñaro ĩna tuoīa uyaja, buto busa ñeñaro yirā yirāji ĩna. Ito bajiri Jesucristore ĩna tuorūnuroto riojua ĩna ñeñaro yiado rēto busaro ñeñaro yirā yirāji ĩna ĩja. <sup>21</sup> Cristo oca masibojarāti, Dios rotirisere jidicācōri tūdi ñeñaro yirā yirāji ĩna. Īna ito bajiro yija ticōri, buto busa waja senigū yiguūji Dios ĩnare. Ito bajiri Cristo ocare masibiticōrujabojañi ĩna. <sup>22</sup> Jane mejeju gaye oca gotire bajiro baja adi. Tite mūa: “Mūñocōri ĩmasiti tūdi bagu yiguūji ecaru yai. Ecana yeseare mani guja bero ĩnamasiti ueri wōrā yirāji ĩna”, yi gotia jane mejeju gaye oca. Ito bajiroti yama Dios rotirisere jidicācōri mūcana tūdi ñeñaro yirā.

### 3

#### *Ado bajiro, bajiro yiroja mani Ūjū ĩ tūdi ejaroto riojua, yire gaye*

<sup>1</sup> Ūñarā iti rumū mūare papera cōacu yū. Ito bajiro yū cōarisenati Dios oca goticū yū. Quenarise riti tuoīajaro ĩna yirocu, ito bajiro mūare papera cōacu yū. Adi paperana canū ito bajiroti uca yū mūcana, quenarise riti mūa tuoīa sūyajaro yirocu. <sup>2</sup> Diore goti ĩsiri masa ĩna goti yurisere ācabojabesa mūa. Ito yicōri mani Ūjū oca gūa goti ucutoni ĩ cūana goti ucurisere canū ācabojabesa mūa. Manire masora ĩ rotirisere goticū gūa mūare.

<sup>3</sup> Ñasarise mūare gotigū ya yū. Ito bajiri itire queno tuoīañā mūa. Adi macārucāro jediroto riojua Dios ocare aja tudiri masa jājarā ñarā yirāji. Ito yicōri ĩna ya rujunati ĩna ñeñaro yi āmorise yirā yirāji ĩna. <sup>4</sup> Ado bajiro aja tudirā yirāji ĩna: “¿Noju ñati, Mūcana tūdi ejagu yigūja yū, yibojaru? Ito bajiro yiru ñabojaguti tūdi ejabicū yiguūji Cristo. Tite mūa. Mani ñicusabatia ĩna ñado bajiroti baja adi rumūri canū. Iti rumūju ñado bajiroti baja adi rumūri canū. Mūcana tūdi ejabicū yiguūji Cristo”, yi aja tudirā yirāji ĩna. <sup>5</sup> Ito yibojarāti adi macārucāro Dios ĩ rujeore ñeñaro tūdi tuoīa ūya āmobeama ĩna. “Ī ya ocanati adi macārucāro gayere rujeoyijū Dios. Ito yicōri idere ĩ bata rotirocati sita ruyucoayijū ĩja”, yi tuoīa āmobeama ĩna. <sup>6</sup> Ado bajirojua baja. Adi macārucāro Ūjū ñami Dios. Ito bajiri ĩ rujeoja bero yoari ñeñaro masa ĩna yija ticōri, ide quedī rotiyijū Dios. Ito bajiro yicōri adi macārucāro ñarāre ito yicōri adi macārucāro gaye jeyarore ruyuriyijū Dios. <sup>7</sup> Adi sita, ito yicōri macārucāro canū Dios ĩ masirisena riti ña. Ito bajibojarocati itire ruyuriogu yiguūji Dios. Ī ya ocana riti adi macārucārore ruyurioroca soe jeogu yiguūji Dios. Masare ĩ waja seniri rumū ito bajiro soe jeogu yiguūji Dios. Ito yicōri ñeñaro yirāre waja senicōri ĩnare ruyuriogu yiguūji Dios.

<sup>8</sup> Yu ñarã adire ãcabojabesa mua. Ʋsirioro yigu meje ñami mani Ʋju. Ʋ tija yoabea mil rodori ñarise. Co rumuacãti bajiro baja Ʋ tija. <sup>9</sup> Mani tijama yoari sejami Dios. “Ʋ yiro bajiro ejori yibeami Ʋ”, yi tũoĩa mani. Ito bajiro mani tũoĩabojarocati, ado bajirojua baja. Ñeñaro yirãre ejori ruyurio ãmobeami Dios. Masa jeyarore ti maicõri sigũ jeameju ware ãmobeami Dios. Ito bajiri, “No yure tuorãnũgũreti jeame ãjuroju cõabicu yigũja yu”, yi tũoĩacõri ñnare yugu yiguĩji Dios maji.

<sup>10</sup> Ito bajiro yubojagũti co rumu tũdi ejagu yiguĩji Jesús. “Jane tũdi ejagu yiguĩji Ʋ”, mani yi tũoĩabiti rumu tũdi ejagu yiguĩji Jesús. Ʋ tũdi ejari rumu ãmacũju guijoro oca ruyuro yiroja. Ito yicõri macãrucãroju yobojana jedirã yirãji. Ito yicõri adi sita jeyaro ñabojarise na jedicoaro yiroja. Masa ñna menigobojare cani jeyaro na jedicoaro yiroja. Ñejuã rayabeto yiroja Ʋja.

<sup>11</sup> “Ito bajiro adi sitare ruyuriogu yiguĩji Dios”, yi tũoĩacõri, ado bajirojua yirũja manire. Quenarise riti yirũja manire. Ito yicõri Diore rãcũbũorã Ʋ yiro bajiro riti cãdirũja manire. <sup>12</sup> “Co rumu mani Ʋju tũdi ejagu yiguĩji”, yi tũoĩa ñarũja manire. Ito bajiro tũoĩacõri, “Coji Ʋ ejare ãmoa yu”, yi tũoĩarũja manire. Ito bajiro tũoĩacõri quenarise riti yi ñarũja manire. “Ʋ ejari rumu macãrucãro, adi sita ñarise jeyarore ruyuriogu yiguĩji Dios”, yi tũoĩa mani. <sup>13</sup> Ito tũo masibojarãti gũĩ Ʋsirio menaji mani. “Dios Ʋ ãmoro bajiro yigu yiguĩji”, yi tũoĩa mani. “Adi macãrucãrore ruyuricõri jacaju cani ãmacũju cani mame rujeo wasoagu yiguĩji Dios. Ito yicõri itoju queno yirã riti catiũñarã yirãji”, yi tũoĩa mani. Ito bajiri Dios Ʋ busigore masicõri gũĩ Ʋsirio menati Ʋre yurã yirãji mani.

<sup>14</sup> Ʋ tũdi ejari rumu bocati ñarã ñacõri, mani ñeñaro yirisere jidicã jeorũja yu ñarã manire. Ito yicõri, “Ʋ ãmoro bajiro riti yicũja yu”, yi tũoĩa ñarũja manire. Ito bajiro yi ñarãti Dios rãca sigũre bajiroti Ʋsi cati ñarũja mani. Manire Ʋ ti wanũtoni ñe seti mana mani ñaja quena. <sup>15</sup> Coji Ʋ ejabeja ticõri, ado bajiro yi tũoĩarũja manire. “Masa jãjarã busa maso ãmogũ adi macãrucãrore ruyuriorocu Ʋsirio beami Dios”, yi tũoĩarũja manire. Adi yu ucare bajiro mũare ucañi Pablo mani maigũ cani. Dios Ʋ masirisena ito bajiroti yi ucañi Pablo mũare. <sup>16</sup> Coji rayabeto mũare ucagu iti oca gotiñi Pablo. Ito bajibojarocati josari ña Ʋ riasogore oca. Ito bajiri Ʋ ucagore tũo masi ãmomenama ricati riasorã yirãji. “Ado bajiro yi ãmoñi Pablo”, yi tuorã yirãji ñna. Ito bajiroti Dios oca tuti ticõri wisare oca riasorã yirãji ñna. Ito bajiro ñna yija ticõri, ñnare waja senirocu ñnare ruyuriogu yiguĩji Dios.

<sup>17</sup> Queno tũoya yu ñarã mua. “Dios oca riasori masa ña gua”, yibojarãti tuore oca gotirã yirãji coriarã. Itire tũo masicũ mua. Ito masicõri queno tũoĩa yucãña mua. Diore cãdimena ñna tuorise ocare tuorãnũbesa mua. Ito yicõri Jesure tuorãnũrã ñari Ʋre jidicãbesa mua. <sup>18</sup> Ado bajirojua mani yija quena. Bũto busa mani Ʋju Jesucristore tuorãnũrũja manire. Ito yicõri Ʋre mani cãdi masitoni, Ʋ ocare riasotirũja manire. Ʋti ñami manire masoru. Ito bajiri Ʋre rãcũbũorona ado bajiro Ʋre busitũñarũja manire: “Rẽtoro masigũ ña mu. Ñimu gãji mũare bajiro masigũ mami”, yitũñarũja manire. Itocõ ña.



## Primera carta de San Juan

### *Jane mejejuti Dios oca goti rētoḃurocū ī ñacāre gaye*

<sup>1</sup> Nāti yu ñarā m̄ua. M̄uare papera cōa yu. Macārcūcūro iti rujejaroto riojuaju, Dios oca goti rētoḃurocū ñacāyiju. Guamasiti ĩre ticōri, ĩre t̄uocōri, ĩre moālcōri m̄uare gotia yu. ĩti ñami mani catitñ̄aroca yi masigū. <sup>2</sup> Dios oca goti rētoḃurocū ī goaroca ticū ḡua. ĩti ñami Jesucristo catitñ̄are r̄ucogū. Ito bajiri ḡua tigare m̄uare gotia yu. Ḡuare goālocacuti, mani Jacū Dios rāca ñayiju. ĩre ḡua tiroca yīñi Dios. ĩ gayere m̄uare busia yu. <sup>3</sup> Ḡua tigare m̄uare gotia yu. Ḡua t̄uogore c̄uni m̄uare gotia yu. Ḡua rāca sigū robo bajiroti m̄ua usi catitoni m̄uare gotia yu. Dios ĩ usi catiro bajiroti usi catia ḡua. ĩ Macū Jesucristo rāca c̄uni ito bajiroti usi catia ḡua. Dios ĩ usi catiro bajiroti m̄ua usi catitoni m̄uare gotia yu. Ito yicōri ĩ Macū rāca m̄ua usi catitoni m̄uare gotia yu. <sup>4</sup> Adi m̄uare gotia yu sigū robo bajiro mani wana quenatoni.

### *Busurise r̄ucogū ñami Dios, yire gaye*

<sup>5</sup> Busurise r̄ucogū ñami Dios. Rāit̄arise ma ĩre. Ito bajiroti gotiquī Jesús ḡuare. Ito bajiri iti t̄uocōri m̄uare gotia yu. <sup>6</sup> “Dios ĩ usi catiro bajiroti usi catia yu”, mani yibojaja c̄uni, ito yicōri ñeñaro mani yirise jidicābeja, manimasiti r̄uoā mani. Ito yicōri riojo gotire gaye c̄uni c̄udirā meje ña mani. <sup>7</sup> Dios ĩ queno yi ñaro bajiro mani yi ñaja, sigū robo bajiro usi catirā yirāji mani. Ito yicōri ĩ Macū Jesucristo ya r̄inati mani ñeñaro yirise coe jeoroja.

<sup>8</sup> “Ñeñaro yirise ma ȳare”, mani yibojaja, manimasiti r̄uoā mani. Ito bajiri riojo gotirā meje ña mani. <sup>9</sup> Yiro robo yigū ñami Dios. Ito bajiri ĩre mani gotija, ñeñaro mani yirise coe jeogū yiguñji. Ito yicōri mani ñeñaro yirisere ācabojogu yiguñji Dios. <sup>10</sup> “Ñeñaro yigū meje ña yuama”, mani yibojaja c̄uni, “R̄uore jaigū ñami Dios”, ȳiādo bajiro ya mani. Ito bajiro mani yija, Dios oca mani ya usij̄u manoja manire.

## 2

### *Manire busi ejab̄uagū ñami Cristo, yire gaye*

<sup>1</sup> Yu r̄iā robo bajiro bajirā ña m̄ua. Ito bajiri ñeñarise m̄ua yibe yirocū, adi m̄uare gotia yu. Mani ñeñarise yijama, sigū ñami Diore manire busi ĩsigū. ĩ ñami Jesucristo, ñeñarise yīābicū. Ito bajiri Diore busigū yiguñji manire ȳiari. <sup>2</sup> Jesús ya r̄iā s̄uriti, mani ñeñaro yirise waja yicāre ña. Mani ye riti meje waja yicāñi. Masa jeyaro ye c̄uni waja yicāñi Jesús.

<sup>3</sup> Dios rotirise yiro robo mani c̄udija, “ĩre masia yu”, yi t̄uoīa masia mani. <sup>4</sup> No, “Jesure masia yu”, yibojaguti, ĩ rotirise yiro robo c̄udibicū, socagū ñami ĩocū. Ito bajiri riojo gotigū meje ñami ĩocū. <sup>5</sup> No Dios rotirise riojo c̄udigū, ĩre b̄uto t̄uoīaguñji. Diore riojo mani c̄udija, “ĩre bajiroti usi catia yu c̄uni”, yi t̄uoīa masirāji mani. <sup>6</sup> “Dios robo bajiro usi catia yu”, yigū Jesucristo ĩ ñado bajiro ñaja quena.

### *Mame rotire gaye*

<sup>7</sup> Yu mairā, adi papera m̄uare cōa yu. Mame oca meje m̄uare gotia yu. Jane mejeju masa rāca ñas̄uore ña adi oca. M̄ua t̄uogoreti ña adi oca. <sup>8</sup> Ito

bajibojarocati, oca mame robo bajiro eja mware. Rãitĩarise rēta wado bajiro mwa masibitigore rēta waju. Ito bajiri oca ñasarise masia mwa ĩja. Iti ocare cudiñi Jesucristo. Ito yicōri mwa cuni iti ocare cudia.

<sup>9</sup> Sīgū, “Busuroju ña yu”, yibojaguti, ĩ ocabajire ti tudigu, rãitĩarojuti ñacōguĩji maji. <sup>10</sup> ĩ ocabajire buto ti maigūama, busuroju ñaguĩji ĩocū. Ito bajiro busuroju ñagū ñeñarise yi uyabiquĩji. <sup>11</sup> ĩ ocabajire ti tudigu rãitĩaroju wa ucuguĩji. ĩ waroto masibiquĩji ĩ. “Itiju waju”, yi masia manoti wa ucuguĩji ĩ. Rãitĩaro ĩ ya cajea ruyubejare, cajea macu robo bajiro bajiguĩji ĩ.

<sup>12</sup> Yu rĩa robo bajirã mwa ñajare iti mware gotia yu. Jesucristo ya rĩna sworiti ñeñaro mani yirisere coeñi Dios. <sup>13</sup> Tuoya bucãrã mwa. Adi papera mware menia yu. Macãrucuro rujearoto riojuaju ñaswore masirã ña mwa. Mwa mamarãre cuni adi papera cõa yu. Rãmãre cudigoana ñabojarãti ĩ robo bajiro tuoĩaba mwa ĩja.

<sup>14</sup> Tuoya rĩaca mwa. Mware cuni adi papera coa yu. Mani Jacu Diore masirã ña mwa cuni. Mwa bucãrãre adi papera cõa yu. Macãrucuro rujearoto riojuaju ñaswore mwa masijare mware papera cõa yu. Mwa mamarãre cuni papera cõa yu oca seõrã mwa ñajare. Dios ocare cudirã ña mwa. Ito bajiri rãmú robo bajiro meje tuoĩa mwa ĩja.

<sup>15</sup> Adi macãrucurore maibesa mwa. Ito yicōri adi macãrucuro ñarisere cuni maibesa mwa. Macãrucuro ñarisere buto maigū, mani Jacure maibiquĩji.

<sup>16</sup> Mani ya rujuna mani ñeñaro yi ãmorise, Dios gaye wadire meje ña iti. Adi sita gaye ña iti. Mani ya cajeana ti wanacōri ñeñaro yi ãmorise, adi sita gayeti ña. Mani gajeoni cutĩrise sõ bajiro mani yirise, Dios ye wadire meje ña iti. Adi ñeñaro yire jeyaro adi sita gayeti ña. <sup>17</sup> Ado mani ñari sita jedi waju. Adi macãrucuro ñeñarise cuni jedi waju. Dios ĩ ãmoro bajiro yiguama catitĩagū yiguĩji.

### *Oca riojo gotire meje ña socare, yire gaye*

<sup>18</sup> Tuoya yu rĩa mwa. Jabeto ruya adi macãrucuro iti jediroto. Cristo wajacu ĩ wadire gaye tuoijia mwa. Ito bajiri ado bajiro mware gotia yu. Gãjerã Cristo wajana jãjarã ejacoama ado ĩja. Ito bajiri, “Sõmejeti ña susari rãmũ iti ejaroto”, yi tuo masia mani. <sup>19</sup> Mani rãca ñabojarãti mani robo bajiro usi cutibiticã ĩna. Ito bajiri manire wagocã ĩna. Mani robo bajiroti ĩna usi cutijama manire budigobitibocã ĩna. ĩna budigojare, “Mani robo bajiro usi cutirã meje ñaĩni ĩna”, yi tuo masia mani.

<sup>20</sup> Espĩritu Santo sãñi Cristo mware. Ito bajiro ĩ yijare ñasarise ti masia mwa.

<sup>21</sup> Ñasarise masirã mwa ñajare, papera cõa yu mware. Ñasarise masimena meje mwa ñajare mware papera cõa yu. Oca riojo gotire gaye meje ña socare gaye. Itire masia mwa.

<sup>22</sup> ¿Ñimũ ñati, socari masu? Ado bajiro gotiami socari masu: “Cristo meje ñami Jesús”, yigu, ĩ ñami socagu. ĩjua ñami Cristo wajacu. “Mani Jacu meje ñami Dios”, yigu ñami ĩ. Ito yicōri, “Dios Macu meje ñami Cristo”, yigu ñami ĩ. ĩocū ñami socari masu. <sup>23</sup> “Cristo meje ñami Jesús”, yigu Diore masigū meje ñami ĩ. “Jesús ñami Cristo”, yiguama Diore masigū ñami ĩocū.

<sup>24</sup> Cajero oca mwa tuogore queno tuoĩama. Itire ãcabojabeja. Iti oca mwa tuogore queno mwa tuoĩatĩña, Jesús rãca, Dios rãca cuni ĩna robo bajiroti usi cutirã yirãji mwa. <sup>25</sup> Jesucristo goticãñi manire, catitĩare gaye ĩsirocu.

<sup>26</sup> Coriarã mware ruo ãmoama. Ito bajiri mware adi papera cõa yu. <sup>27</sup> Espĩritu Santo sãñi Jesús manire. Ito bajiri manire riasori masu ñatĩñami. Dise ruayabeto manire riasogu yiguĩji Espĩritu Santo. ĩ riasorise riti ña. Socare gaye

meje ña. Ī riasoro bajiroti yiya m̄ua c̄ni. Jesús robo bajiroti usi cutiya m̄ua c̄ni.

<sup>28</sup> Queno t̄oaya, yu r̄ia robo bajirã m̄ua. Jesús ĩ usi cutiro bajiroti usi cuti ñaña m̄ua c̄ni. Ito bajiro m̄ua usi cuti ñaja, Jesús ĩ t̄udi ejari r̄um̄u güire manoja m̄uare. Ito bajiri ĩ ejaroca bojore mano yiroja m̄uare. <sup>29</sup> “Ñeñarise yiḡu meje ñami Jesús”, yi masirãji m̄ua. Ito bajiri, “Queno yirãma Dios r̄ia ñama”, yi masirãja m̄uare.

### 3

#### *Dios r̄ia ñare gaye*

<sup>1</sup> T̄oaya m̄ua. Mani Jac̄u Dios buto maiami manire. Ito bajiri, “yu r̄ia”, yami manire. Riti ĩ r̄ia ña mani. Adi mac̄aruc̄uro ḡanama Diore ti masimenaji. Ito bajiri manire c̄ni ti masimenaji ĩna. <sup>2</sup> T̄oaya yu mairã m̄ua. Dios r̄ia ña mani. Mani riojua, “Ado bajiro ñarã yirãji”, yi masibea mani. Ito bajibojarocati Jesús ĩ goañoroca ĩ robo bajiro bajirã yirãji mani. Īre ti masicõri ĩ robo bajiro bajirã yirãji mani. <sup>3</sup> “Īre tiḡu yiḡuja yu”, mani yi t̄oĩa yuja, ñeñarise yimenaji mani ĩja. Jesús robo bajiroti ñeñarise yimenaji mani c̄ni.

<sup>4</sup> Ñeñarise riti yit̄ñaḡu, Dios rotirise c̄diḡu meje ñami. Dios rotirise mani c̄dibeja, iti ña ñeñaro yire. <sup>5</sup> “Jesucristo ñeñarise yiḡu meje ñami”, yi t̄o masirãji m̄ua. Jesucristo adi mac̄aruc̄uro wadiñi mani ñeñaro yirise waja yiroca. Itire masia m̄ua. <sup>6</sup> No Jesús robo usi catigati, ñeñarise yi uyabiqūji. Ñeñarise riti yit̄ñaḡu, Jesure t̄ñaḡu meje ñami maji. Ito yicõri Jesure masibic̄u ñami maji. <sup>7</sup> M̄uare t̄oronare t̄obesa yu r̄ia m̄ua. Ñeñarise yibic̄u, ĩ c̄ni Jesús robo bajiroti quenaḡu ñami. <sup>8</sup> Ñeñarise riti yiḡuama r̄um̄u yaḡu ñami. Cajerojuti ñeñarise yiḡu ñaĩni r̄um̄u. Ito bajiro bajisuor̄u ñami ĩ. R̄um̄u ĩ ñeñaro yirise c̄aroca wadiñi Dios Mac̄u.

<sup>9</sup> Dios r̄ia ñarã ñeñarise yi uyamenaji. Dios gaye t̄oĩare ña ĩnare. M̄ucana t̄udi rujea quenoana ñama ĩna. Ito bajiri adocãta Dios r̄ia ñama ĩna. Ito bajiri ñeñarise yi uyamenaji ĩna. <sup>10</sup> ¿No bajiro ti masirãjida mani, Dios r̄ia ĩna ñaja? Ito yicõri, ¿no bajiro ti masirãjida mani, r̄um̄u r̄ia ĩna ñaja? Ado bajiro ti masirãji mani. Ñeñarise yit̄ñaḡu, ito yicõri ĩ ocabajire ti maibic̄u, Dios yaḡu meje ñami ĩoc̄u. R̄um̄u yaḡu ñami ĩ.

#### *Corocõti ḡãmeri maija quena, yire gaye*

<sup>11</sup> Mani ya rujere mani mairo robo bajiroti ḡãjerãre c̄ni maija quena. Adi ña Dios oca cajero ĩre masisuorã m̄ua t̄ore gaye. <sup>12</sup> Caĩn ñayor̄u robo bajiro yibesa m̄ua. R̄um̄ure c̄diḡu ĩ ocabajire s̄iyij̄u Caĩn ñayor̄u. ĩ ocabaji quenarise t̄oĩaḡu ñayij̄u. Caĩnjuama ñeñarise riti t̄oĩaḡu ñayij̄u. Ito bajiri ĩ ocabajire s̄iyij̄u ĩ.

<sup>13</sup> T̄oaya yu ñarã m̄ua. Adi mac̄aruc̄uro ḡana m̄uare ĩna ti tudija, “Abo, ¿no yija yare ti tudiatibe ĩna?” yi t̄oĩabeja. <sup>14</sup> Mani godabore gaye r̄etocũñi Dios. Ito bajiri catit̄ñare gaye manire ĩsiñi ĩ. Mani ñarãre mani ti maija, “Ito bajiroti baja”, yi masirãji mani. ĩ ocabajire ti maibic̄u godacãru bajiro bajigūji. Jeame ajuroju wacu yigūji ĩoc̄u. <sup>15</sup> ĩ ocabajire ti tudiḡu s̄iari masuti ñami Dios ĩ tija. S̄iari masu catit̄ñare r̄ucobiqūji. Itire masirã ña m̄ua c̄ni. <sup>16</sup> Cristo manire goda ĩsiñi. Ito bajiri, “Manire buto maiami Cristo”, yi masirã ña mani ĩja. Mani ñarãre ti mairuja manire, ĩnare mani goda ĩsiroti ñabojarocati. <sup>17</sup> Gajeoni jaiḡu ĩ ñarã bojoro b̄jarãre ejabuabic̄u ñabojagati “Diore maia yu”,

yibojagũ yiguĩji İocũ. <sup>18</sup> Yu rĩa, gãjerãre cuni ti mairũja manire. “Gãjerãre ti maia yũ”, yicõri İnare cuni ejabũarũjarãji mani.

*Cristore mani tuorũnũja Dios İ tiro riojo güimenaji mani, yire gaye*

<sup>19</sup> Mani gãjerãre ti maija, “Cristo, riojo gotigũ, ocabaji ña yũ”, yi tuoĩarãji mani. Ito bajiri Dios İ tiro riojo mani ya usi tuoĩa usirio yimenaji mani. <sup>20</sup> Mani ya usiju mani tuoĩa usirioja, mani ñeñaro yirisere tuoĩarã yirãji mani. Ito bajiro mani tuoĩaja Dios manire tuo masi ñaguĩji. Mani tuoĩarise ñarocõti ti masiami Dios. <sup>21</sup> Yu mairã, tuoja mũa. Mani ya usi iti tuoĩa usiriobeja, güire ma manire Dios İ tiro riojo. <sup>22</sup> Dios yiro robo mani cũdija, mani seniro bajiroti İsiguĩji. <sup>23</sup> Ado bajiro manire rotiĩi Dios, “Yu Macũ Jesucristore rucũbuoja mũa. Ito yicõri masa ñarocõreti ti maiña mũa”, yiĩi Dios. Adi ña İ rotire ñasarise. <sup>24</sup> Dios rotirise yiro robo cũdirã İre bajiroti usi cutirãji İna. İna ya usiju ñaguĩji Dios. “Mani ya usiju ñaguĩji Dios”, yi tuo masia mani. Ito bajiro mani tuoĩa masiroca yami Espĩritu Santo manire.

## 4

*Dios ya usi, usi cutimena Cristo wajana ñama İna, yire gaye*

<sup>1</sup> Tuoya yũ mairã mũa. “Diore yiari bũsia yũ”, yirã İna ñabojarocati queno İnare tuo sũyamenaji mani. Socari masa jãjarã ñarãji adi sitajure. “Diore bũsirã ña gũa”, yibojama İna. Dios rĩa İna ñajama, queno ruore oca mano gotirã yirãji İna. Ito bajiri queno tuo masiña mũa. <sup>2</sup> “Adi sitaju wadicõri masũ rujuña rujeañi Jesucristo”, yi gotigũreama Dios ya usi ñaroja İre. Ito bajiro İ yijare, “Dios oca bũsi İsigũ ñami”, yi masirãji mũa. <sup>3</sup> “Jesucristo masũ rujuña meje rujeañi”, yirãreama Dios ya usi manoja İnaõnare. İna ñarãji Cristo wajana. “Cristo wajana wadirã yirãji”, yire gaye tuo yija mũa. Ito bajiri mũare gotia yũ, adi macãrucũroju ñacãma İna İja.

<sup>4</sup> Tuoya yũ rĩa mũa. Dios ñarã ña mũa. Mũa ya usiju ñami Dios. İ ñami sũo bũsagu. Adi macãrucũro gãna Jesucristore tudirã İna ya usiju rãmũ ñaguĩji İnare. Rãmũ rẽtoro sũogũ ñami Dios. Ito bajiri Dios ya usi mũa ya usiju iti sãñajare, Cristo wajanare rẽtocũrã yirãji mũa. <sup>5</sup> Cristo wajana adi macãrucũro gaye riti tuoĩarãji İna. Ito bajiri adi macãrucũro gaye riti bũsirãji İna. Masa adi macãrucũro gãna İnare tuorũnũrã yirãji. <sup>6</sup> Dios ñarã ña maniana. Ito bajiri Diore masigũ manire tuogu yiguĩji. Dios rĩa meje ñarãma manire tuomena yirãji. Dios oca riasogu, ruore oca riasogure cuni ito bajiroti ti masirã yirãji mani.

*Dios ñami masare ti maigũ, yire gaye*

<sup>7</sup> Tuoya yũ mairã mũa. Mani ya rujure mani mairo robo bajiroti gãjerãre cuni maija quena. Masare mani ti mairise mani Jacũ Diona suoriti wadire ña iti. Gãjerãre ti maigũ mũcana tũdi mame rujearu ñami, ito yicõri Dios macũ ñami İ. Diore masigũ ñami İocũ. <sup>8</sup> Masare maigũ ñami Dios. Gãjerãre maimena Dios rĩa meje ñama İnaõna. Ito bajiri Diore cuni mairã meje ñama İnaõna. <sup>9</sup> Dios İ Macũ sigũ ñagũre cõañi adi sitaju catitiñare gaye mani boca amitoni. Ito bajiro yicõri İ mairise İõni Dios manire. <sup>10</sup> Queno maiami Dios manire. Manijua İ robo bajiro İre queno maibeja mani. Diore mani maibitibojarocati, İjuama manire maiami Dios. Ito bajiri İ Macũre cõañi Dios İ ya rĩna mani ñeñaro yirisere waja yi İsitoni.

<sup>11</sup> Yu mairã, Dios bũto maiĩi manire. Ito bajiri gãjerãre cuni mairũja manire. <sup>12</sup> Nijua Diore tigũ maquĩji. Gãjerãre mani ti maija, Dios robo bajiroti

usi cutia mani. Ito yicōri manire ī mairo bajiroti gājerāre maia mani cuni. <sup>13</sup> Ī ya usi sãñi Dios manire. Ito bajiri mani ya usiju Dios ya usi ñaja, “Dios ī usi cutiro bajiroti usi cutia yu”, yi t̃oõarã ña mani ĩja. <sup>14</sup> Gna tigure muare gotia yu. Adi sita gãna masare ī masotoni ī Macu Cristore cõañi Dios mani Jacu. Cristore gna tigoja bero ito bajiro muare gotia yu. <sup>15</sup> “Jesucristo Dios Macu ñami”, yigũ Dios robo bajiro usi cutigũ ñami ĩ.

<sup>16</sup> Ito bajiroti, “Dios manire maisacõami”, yi masia mani cuni. Masare maire gaye ña Diore. Ito bajiri no masare ti maigũti, Dios usi robo bajiroti usi cutiguĩji ĩ cuni. <sup>17</sup> Cristo robo bajiroti mani usi cutija gājerāre ti mairã yirãji mani. Manire ĩ ti mairo bajiroti ĩre cuni ti mairãji mani. Ito bajiri ñeñaro yirise Dios ĩ waja seniri rumare mani ya usiju nũhobetoja manire. <sup>18</sup> Ñeñaro yirise Dios ĩ waja seniri rumare güigũ, “Masare maigũ ñami Dios”, yi masigũ meje ñami. “Masare maigũ ñami Dios”, mani yi t̃oõajũ, güire ma manire. Mani güijama, “Ñeñaro yirise waja senigũ yiguĩji Dios yure”, yi t̃oõarãji mani.

<sup>19</sup> Manire cajero maisoñi Dios. Ito bajiri ĩre maia mani cuni. <sup>20</sup> No, “Diore bũto maia yu”, yibojagũti, ĩ ocabajire ti tudigũ socari masũ ñami ĩocũ. ĩ ocabajire tirare maibicu, Dios tiya macure cuni maibiquĩji. <sup>21</sup> Diore maigũ ĩ ocabajire cuni maija quena. Ito bajiro rotiñi Dios manire.

## 5

### *Ñeñarisere mani r̃etocũbitire gaye*

<sup>1</sup> “Dios cõaru ñami Jesús”, yigũti Dios yagu ñami ĩocũ. Jacu rãcati r̃iare mairãji mani ĩja. “Mani Jacu Diore maia maia yu”, mani yija, gājerã Dios r̃iare cuni maija quena. <sup>2</sup> Diore mani maija ito yicōri Dios rotirise mani yiro robo cadija gājerã Dios r̃iare cuni mairãji mani. <sup>3</sup> Diore mani maija ĩ rotirise yiro bajiroti cãdirã yirãji mani. Dios rotirise josari meje ñaroja. <sup>4</sup> Ito bajiri Dios r̃ia adi macãrucũro gaye ñeñarisere yi r̃etocũmenaji ĩna. Jesure t̃oõrũncõri adi macãrucũro gaye ñeñarisere yi r̃etocũbea mani. <sup>5</sup> ¿Ñimujua adi macãrucũro gaye ñeñaro yirisere r̃etocũbiquĩjida? “Jesús ñami Dios Macu”, yi masigũ, ĩti ñami adi macãrucũro gaye ñeñarisere r̃etocũbicu.

### *Ãniti ñami yu Macu, Dios ĩyire gaye*

<sup>6-8</sup> Dios Macuti ñami Jesucristo. Tite. Jesure idé guroca ũmacũju oca ruyuyiju. “Ãniti ñami yu Macu”, yiyiju. Jesús yucãt̃eõju ĩ r̃i budi yosaroca, “Ãniti ñami yu Macu”, yire oca ruyuyiju ũmacũju. Riojo gotigu ñami Espiritu Santo. ĩ cuni, “Cristo Dios Macu ñami”, yi gotiami manire. Ũdiaji oca t̃oõcõri, “Jesucristo Dios Macu ñami”, yi t̃oõ masia mani. Ũdiaji oca busirise corocõti gotia iti. Jesure idé guri rama oca ruyure, ito yicōri Jesús ĩ yucãt̃eõju ĩ r̃i budi yosaroca oca ruyure, ito yicōri Espiritu Santo ĩ gotirise cuni corocõti busia iti. Ito bajiri mani cuni. “Dios Macu ñami Jesús”, yi masirãji mani ĩja. <sup>9</sup> Masa ĩna yirise mani t̃oõja, Dios ĩ yirise r̃eto busaro t̃oõrãji mani. Masa ĩna gotirise r̃eto busaro ñasarise ña Dios ĩ gotirise. Masa ĩna busire r̃etoro waja cutia Dios oca. Dios ĩmasiti ado bajiro gotiñi: “Yu Macu ñami ĩ”, yiñi. <sup>10</sup> “Jesús Dios Macu ñami”, yi masigũ, ito bajiroti gotia ĩ ya usi ĩre. “Jesucristo Dios Macu meje ñami”, yigu ĩto yicōri Dios gotiririse t̃oõbicu, “Dios socagu ñami”, yiado bajiro baja. <sup>11</sup> Adi ña Dios ĩ gotire: “Muare catitĩñare ĩsia yu. Adi catitĩñare yu Macuna suoriti boca ãmirã yirãji ma. <sup>12</sup> Ito yija no Jesure boca ãmigũti catitĩñare r̃ocogu yiguĩji. No Jesure t̃oõbicati catitĩñare r̃ocobicu yiguĩji”, yiñi Dios.

*San Juan ï goti quenosare gaye*

<sup>13</sup> Dios Macure rucubhorã mua ñajare adi papera cõa yu mare. “Catitñare rucõa yu”, mua yi masitoni adi papera mare cõa yu.

<sup>14</sup> Dios ï amoro bajiro mani senija, manire tãogũ yiguñi ï. Ito bajiri Diore senicõri, “Yare ïsigũ yiguñi”, yi tãõia masia mani. <sup>15</sup> “Manire tãogũ yiguñi Dios”, yi tãõia masia mani. Ito bajiri mani ïre senija, “Yiro robo cudigũ yiguñi Dios”, yi tãõia mani.

<sup>16</sup> Sigũ Cristore tãorãugũ ñabojaguti ñeñarise ï yija ticõri, Diore seni ïsija quena ïre. Ito bajiro mua seni ïsija tãocõri, ï ñeñaro yirisere acabojogu yiguñi Dios. Ito bajiri ïre ruyurio amobojaguti ïre masogũ yiguñi Dios ïja. Gaje ñeñarise ñaroja mani godaroca yirise. Iti gaye ï yijama, “Ëre yari Diore busi ïsiña”, yibeã yu. <sup>17</sup> Dise rayabeto ñeñarise, Dios ï tiro riojo quenabiti ña. Ito bajibojarocati jeyaro ñeñarise mani godaroca yirise meje ñaroja.

<sup>18</sup> “No Dios yagũ ñagũ, ñeñarise yi uyabiquñi”, yi masia mani. Manire codegũ yiguñi Dios Macu. Ito bajiri ïre mani tãorãuja, usirioro manire yi code masibiquñi rãmãa ujũ.

<sup>19</sup> “Dios yagũ ña yu”, yi tãõia mani. Gãjerãma adi sita gãna rãmã ñarã ñarãji ïna. ï ñaguñi ïnare rotigũ.

<sup>20</sup> Dios ñasagure mani masitoni wadiñi ï Macu. Dios Macu Jesucristo robo bajiroti usi cutia mani. Riti ñasarise mare gotia yu. ï Jesuti ñami Dios ñasagu. Ito yicõri catitñare rucõgũ ñami ï. <sup>21</sup> Yu rãa queno yiya mua. Dios robo bajirise, masa ïna menigore rucubhoreja mua. Diore mani rucubhoro bajiro disejã gaje bato mani rucubhorise manõja. Itocõ ña.

## Segunda carta de San Juan

### *Mame rotire meje ña gãmeri ti maire, yire gaye*

<sup>1</sup> Yũ ña bũcũgũ Juan. Ōmi, adi papera mũre meni ĩsia yũ. Mũ ña Dios ĩ besero, ito yicōri Diore masigō ña mũ. Adi papera mũ rĩare cũini cōa yũ. Mũare maisacōa yũ. Yũ sĩgũ meje mũare maia. Gãjerã Jesure masirã cũini mũare maiama. <sup>2</sup> Riojo gotigũ, gũa ya usijũ ĩ ñajare mũare maisacōa gũa. Mani rãca ñatĩngũ yiguĩji ĩ. <sup>3</sup> Mani Jacũ Dios, ito yicōri ĩ Macũ Jesucristo, queno yirã yirãji manire. Manire ti mairã yirãji ĩna. Mani ya usijũ queno mani tũoĩaroca yirã yirãji ĩna. Ito bajiri manire bũto mairã ñama ĩna.

<sup>4</sup> Mũa rĩa coriarãre tisotia yũ adojũ. Queno eja yũre, Jesure ĩna tũoja, mani Jacũ Dios ĩ rotiado bajiroti. <sup>5</sup> Gãjerãre cũini ti mairũja manire. Ōmi, adi papera mũre yũ cōarise, oca mame rotire meje ña. Jane mejejutĩ ñasũoyijũ iti. Iti oca mũ ãcabojabitoni mũre gotia yũ. <sup>6</sup> Diore mani maija ĩ rotiro bajiroti yirãji mani. Gãjerãre cũini ti maitĩñaja quena. Ito bajiro rotiĩni Dios. Jesure mũa masisũorajuti itire tũosũocũ mũa.

### *Rũori masa gaye*

<sup>7</sup> Rũori masa jãjarã ñama adi macãrũcãrore. “Masũ rujũna meje rujeañi Jesús”, yama ĩna. Ito bajiro bũsirã rũorã ñama ĩnaõna. Ito yicōri Cristo wajana ñama ĩnaõna. <sup>8</sup> Rũore jairãre queno ti masiña mũa. Jesure queno moa ĩsibojarãti ĩnajuare mũa tũo sũyaja, queno waja bũjamenaji mũa. Quenarisejũa riti yĩñaña mũa, “Dios tũjũ queno waja bũjana”, yirona.

<sup>9</sup> Cristo riasorise tũorũnũbicũ, Dios robo bajiro usi cutibiquĩji ĩocũ. Cristo riasorise tũorũnũgũama, Dios robo bajiroti usi cutiguĩji ĩocũ. Ito yicōri Dios ĩ Macũ robo bajiroti usi cutiguĩji ĩ. <sup>10</sup> Sĩgũ mũa ya wĩjũ ĩ ejaja, Jesús riasoado bajiroti ĩ riasobeja, ĩre boca ãmibeja. Ito yicōri ĩre senibeja. <sup>11</sup> ĩre mũa boca ãmija ñeñaro ĩ yirise ĩre ejabuarã yirãji mũa.

### *San Juan ĩ gotisũsare gaye*

<sup>12</sup> Gaje oca jaje ñacõboja. Adi riti paperana mũare cōa yũ. Mũa tũ ware tũoĩa yũ mũa rãca bũsirocũ. Ito bajiri mũa tũ yũ ejaja, queno wanũ quenarã yirãji mani.

<sup>13</sup> Mani ocabajio Dios ĩ besero rĩa cũini, “Quenajaro”, yĩ ñũcama mũare. Itocõ ña.

## Tercera carta de San Juan

*Queno yigü ñami Gayo, ña yire gaye*

<sup>1</sup> Yü ña bñcsügu Juan. Gayo, mure adi papera cõa yu. Riti mure gotia yu. Mure bñto maia yu.

<sup>2</sup> Bñto yu maigü ña quia mü. “Diore queno tuoränügü ñami”, yi tuoia yu mure. Quenarise riti rëtajaro ñre yirocsu, mure yiari Diore seni ñisotia yu. Ito yicõri, queno cati quenajaro ñ yirocsu, mure yiari Diore senia yu. <sup>3</sup> Gãjerã Jesure mure, mure ticõri mü oca ña bñsija bñto wanua yu. “Oca ñasarise riojo cüdigu ñami, ito yicõri quenarise riti tuoïagü ñami”, yima ña mure. <sup>4</sup> Jesure masirã, yu rãa robo bajirãre Dios oca ñasarise ña tuo suyajare, iti bñto wanua yu. Ñeja gaje oca yu tuo wanurise ma yure.

<sup>5</sup> Bñto yu maigü ña quia mü. Mü ña queno yigü. Gãjerã Jesure masirãre queno ejaña mü. Ito yicõri gajero gãna ña ñabobarocati ñare mü ejañaaja queno ya mü ñare. <sup>6</sup> Mü ejañaagoana adoju Dios ya wijü ejaõri, “Queno yami gñare”, yi gotiama ña ado minijuarãre. Mucana mü tu ña tñdi ejaroca mü ejañaaja iti ñaroja quenarise. Ito bajiro mü yija ticõri, wanügü yiguñji Dios. <sup>7</sup> Jesucristore moa ñsirã ñari ñ ocare gotirã wacoama ña. Diore masimena ejañare amomenaji ña. Diore masirãjua ña ejañare amõrãji ña. <sup>8</sup> Ito bajiri maniamã Diore masirã ñari ñ oca goti ucürãre ejañaaraja manire. ñare mani ejañaaja ña robo bajiroti “Masijaro gãjerã cñni”, yirã robo bajiro ya mani.

*Ñeñaro yigü ñami Diótfrefes, Demetrioña ñami queno yigü, yire gaye*

<sup>9</sup> Gaje paperana itire jabeto gotisnocu yu Dios ya wi minijuarãre. Ito bajibobarocati, Diótfrefes ña uju ña amõgü yu roti ñucarise tuobisí ñ. <sup>10</sup> Mü tu ejaõri goticaja yu, Diótfrefes ñ yi ñarisere. Ñeñaro yure busituami ñ. Mani ñarãre ñ tu ejaroca boca amibisí ñ. Gãjerã ña boca amõ amobobarocati ñare rëõñi Diótfrefes. Ito yicõri gãjerãre ña boca amõ amõja ticõri, Dios ya wijü ñabobarãre bucõañi ñ.

<sup>11</sup> Quia, yu maigü, ñeñaro yirã robo bajiro yibesa mü. Queno usi cñti ñarã robo bajiro usi cñtiya mü. No quenarise yigü, Dios yagu ñaguñji. Ñeñarise yigüama, Diore masigü meje ñaguñji.

<sup>12</sup> “Queno yigü ñami Demetrio”, yama masa jeyaro. “Ñ ñami yiro bajiroti cñdigu”, yama ña. ñre ticõri, “Queno yigü ñami”, ya yu cñni. “Riojo gotigü ñami Juan”, yi masigüja mü yure.

*San Juan ñ gotisusare gaye*

<sup>13</sup> Gaje oca jaje ñacõboja. Adi riti mure gotia yu adi paperana. <sup>14</sup> Nocõ mejeti mure ti amõa yu, mü rãca bñsirocsu.

<sup>15</sup> Queno usi cñti ñaña. Ado gãna mü baba mesa, “Quenajaro”, yi ñucama mure. Ito gãna mani baba mesare, “Quenajaro”, yi ñuca yu. Itocõ ña.



## La carta de San Judas

### *Dios i beseanare San Judas i papera cõare gaye*

<sup>1</sup> Ñati yu ñarã mua. Yu ña Judas Jesucristore moa isiri masu. Santiago ocabaji ña yu. Dios i beseana ña mua. Ito bajiri adi muare papera cõa yu. Mani Jacu Dios buto maiami manire. Ito bajiri Jesucristo ñarã mani ñatñatoni, manire codeami Dios. <sup>2</sup> Muare yiarì ado bajiro Diore senia yu: “Ïnare ti maicõri Ìnare queno ejabuaya. Ìna ya usiju queno sajari oca cõtì quenaroca yiya. Ito yicõri Ìna gãmeri ti mairoca yiya”, ya yu Diore, muare yiarì seni Ìsigũ.

### *Ado bajiro riasoama ruore masa, yire gaye* (2 Pe 2.1-7)

<sup>3-4</sup> Yu ñarã Dios i masoana ña mani. Manire i masore gaye oca muare riaso remoroca muare papera cõa amoboja yu. Ito bajiro amobojaguti gaje oca tuocõri, gaje gaye oca ucarujajuga yu muare. Mua masibitibojarocati ruore oca riasori masa ñarãji mua wato. “Riojo Dios oca riasoa gña”, yi ruorãji Ìna. Diore rucubobiticõri ado bajiro ruore oca gotirãji Ìna: “Manire ti maicõri jeyaro mani ñeñaro yirisere acabojañi Dios. Ito bajiri mani ya ruju ñeñaro iti tuõiaro bajiroti yiana mani. Manire waja senibiquiji Dios”, yi ruorãji Ìna. “Jesucristore mani cudibeja, no yibea. Ì sigũ meje ñami mani ujmu”, yi ruorãji Ìna. Ìnare tuõia yugu ado bajiro yiyiju Dios: “Ruori masare ruyurioroca yu”, yiyiju Dios, jane mejeju. Ito bajiri Ìnare tuobesa, yu ñarã mua. Jane mejeju Ì ocare cüyiju Dios, Jesucristore mua tuorãnutoni. Ito bajiri Ìre tuorãnutõri, Dios ñarã ña mua Ìja. Ìre tuorãnu jidicãbiticõri buto busa Jesure tuorãnuraja muare. “Ito bajiro yiruja manire”, mua yi tuõia oca sãotoni adi muare papera cõa yu.

<sup>5</sup> Jane mejeju Israel sita gãnare Dios i ejabuarise gaye oca tuogoana ña mua. Ito bajibojarocati mucana itire mua tãdi tuõiatoni goti amoa yu. Tuote mua. Jane mejeju Egipto sitaju Ìna ñaroca Israel sita gãnare masoyiju Dios. Ìna rudi masitoni Ìnare tuayiju Dios. Queno Ìnare i masobojarocati, coriarã Ìre tuorãnabisijarã Ìna. Ito bajiri Ìre tuorãnabitianare ruyurioroyiju Dios. <sup>6</sup> Ángel mesa bajigore gaye muare gotigu ya yu. Tuõiate mua. Jane mejeju Diore moa isiri masa ñabojarãti jãjarã Ìre cudi amobisijarã angel mesa. Dios rãtoro masi amobojayijarã Ìna. Ito bajirã Ìna ña amojare rãitãroju Ìnare cüyiju Dios. Ito bajiri Ìna ñeñaro yirise waja, waja Ì seniroti ramu riojua itoju riti ñarã yirãji Ìna maji. Ì waja seniri ramu ejaroca buto busa tõbujarã yirãji Ìna. <sup>7</sup> Ìna robo ñeñaro yiyijarã Sodoma gãna, Gomorra gãna cãni. Ìna bajigore gaye muare gotigu ya yu. Ìnamasiti Ìna ya ruju ñeñaro iti tuõiaro bajiroti ñeñaro yi uyayijarã Ìna. Romia rãca Ìna yibojare jidicãcõri, Ìna amua comasiti yi uyayijarã Ìna. Ìna ya cãtori tu gãna cãni ito bajiroti ñeñaro yi uyayijarã. Ito bajiro Ìna yija ticõri, Ìnare ruyurioroca jea queoyiju Dios. Iti oca tuocõri, “Jeame ujuroju ñatñarã yirãji ñeñaro yi uyari masa”, yi tuõiarãji masa jeyaro.

<sup>8</sup> Itire tu masibojarãti, jane mejeju gãna ñeñaro Ìna yigoado bajiroti yama Ìnaõna, ruore oca riasori masa. Buto ñeñarise Ìna cãija bero, Ìnamasiti Ìna ya ruju ñeñaro iti tuõiaro bajiroti ñeñaro yama Ìna. Ujarãre cudibeama Ìna. Ito yicõri Ìmacũju ujarã ñasarãre rucubobiticõri, Ìna rotirisere aja tudiana Ìna.

9 Miguel wame cutigu ĩ bajigore gaye mware gotigu ya yu. Gãjerã ángel mesa rëtoro ñasagu ñayiju ĩ. Ñasagu ñabojaguti rãmúá uju Satanásre aja tudibisiju ĩ. Tuote mua. Ado bajiro baja ito oca. Jane mejeju Moisés ñayoru ĩ godaja ticõri, ĩ ya rujare ámi ámooyiju Satanás. Ito bajiro ĩre ámocõri Miguel rãca gãmeri busibojayiju ĩ. Ito bajiro ĩ senija tuocõri, “Ñeñaro yi jaigu ña mu. Jaje seti ña mare”, yibisiju Miguel Satanásre. Ñeñaro busi ámobisiju Miguel. Ado bajiro riti yiyiju ĩ: “Diomasiti mare waja senigũ yiguĩji”, yiyiju Miguel rãmúá ujure. Miguel robo bajiro bajibeama ruore oca riasori masa. <sup>10</sup> ĩnama Dios gayere tuo masimena ñari itire aja tudiamã ĩna. Waibucurã robo tuo masibeama ĩna. “Ija ado bajiro rëtaru yiroja yure”, yi tuoia masibiticõri, cojisiti ĩna ámore bajiro riti yama ĩna. Ito bajiro ĩna yija ticõri, ruore oca riasori masare ruyuriogu yiguĩji Dios.

<sup>11</sup> Bujato bajiro yiroja ĩnare ija. Caín ñayoru, Diore ĩ cudibitiado robo bajiro Diore cudibeama ĩna cuni. Ito yicõri Balaam ñayoru niyerure buja ámosacõri, ĩ ñeñaro yiado robo bajiro ñeñaro yama ĩna cuni. Ito yicõri Coré ñayoru ujarãre ĩ cudibitiado robo bajiro cudibeama ĩna cuni. Coré ñayoru ĩ cudibejare ĩre ruyurioyiju Dios. Ito bajiro ti mua tu ruore oca riasorãre ruyuriogu yiguĩji Dios. <sup>12</sup> Diore rãcuburona mua minijuaja mua rãca cocati minijuabojama ĩna cuni. “Diore cudirã ña gũ”, yibojarãti ĩna ámore bajiro riti yama ĩna. Mua rãca sigũ robo bajiro usi cutirã meje ñama ĩna. Ricati tuoicõri ñeñarisere tuoiaama ĩnaõna. Ñe waja mana ñama ĩnaõna. Tuote mua. ĩnare tuoigũ ado bajiro goti masiore ocana mware gotigu ya yu. Buto asiri rumu ide buerire ti ámarã yirãji mani, ide ámorã. Ito bajiro mani ti áma rãgõroca ide buerire mino iti wẽa rëtoja, bojori bujarã yirãji mani, ide ámbojarã. Ito bajiro mani manire ruore oca ĩna riasoja ñe manire ejabuabetoja iti. Ruore oca riasori masare tuoigũ mucana goti masiore ocana mware gotigu ya yu. Yucu rica cutiriju ba ámorã ámarã yirãji mani. Yucu tu ejacõri rica manigũ iti ñaja bojori bujarã yirãji mani. “Ñe waja ma adigu”, yicõri quẽarã yirãji mani. Ito bajiri juaji rica catibetoja itigu ĩja. Ito bajiro ti ñe waja mana ñama ĩna ruore oca riasori masa. Rijojo Dios oca gotibeama ĩna. Ito bajiri ĩnare ruyuriogu yiguĩji Dios.

<sup>13</sup> Ide buto jacũja weri somo ñaro yiroja tunimaju. Ito robo bajiro ti ñama ruore oca riasori masa. Ñeñarisere buto tuoicõri, ñeñarise yama ĩna. Jane mejeju umacũju ñocõare cũyiju Dios. Ito bajiro ĩ cũana ñabojarãti ĩ cũraju ĩna jidicãja rãitãroju quedirã yirãji ĩna. Ito bajiro ti bajiamã ruore oca riasori masa. Dios oca quenarisere jidicãcõri, ruore oca riasoama ĩna. Ito bajiri buto rãitãroju cõagũ yiguĩji Dios ĩnare. ĩnare tuoigũ ado bajiro yiyiju Dios: “Ñeñaro yiri masare rãitãroju ĩna ñatĩñatoni ĩnare cõagũ yiguja yu”, yiyiju Dios, jane mejeju.

<sup>14-15</sup> Queno tuoya yu ñarã mua. Enoc ñayoru ĩ bajigore gaye mware gotigu ya yu. Adán janerãbatia co ámojeno ñarã bero gagu ñayiju Enoc. “Ado bajiro rëtaru yiroja, ruore oca riasori masare”, yirocu ado bajiro gotiyiju Enoc ñayoru: “Co rumu mani Uju tãdi ejagu yiguĩji jãjarã ángel mesa rãca. Tãdi ejacõri masa jeyarore ĩna ñeñaro yirise waja, waja senigũ yiguĩji ĩ. Diore cudibitigoanare ruyuriogu yiguĩji, ĩna ñeñaro yirise waja, waja yigu. Ito yicõri, ĩre rãcubobiticõri ĩna ñeñaro aja tudire waja buto tõbujarã yirãji ĩna”, yi goti yuyiju Enoc ñayoru. <sup>16</sup> “Quenabeto”, yisotiamã ĩnaõna ruore oca riasori masa. Mani ujarã rotirisere ti tujabeama ĩna. ĩna ya rujũ ñeñaro iti tuoiaro bajiro ti yama ĩna. Coji meje “Rëtoro masigũ ña yu”, yisotiamã ĩna. Ito yicõri, ĩna ámore robo bajiro yirona gãjerãreama queno goti ruoama ĩna.

*Cristore masirãre goti quenore gaye*

17 Y<sub>u</sub> ñarā mani U<sub>ju</sub> Jesucristo oca goti ucutoni ĩ cūana ĩna gotirisere ācabojabesa m<sub>ua</sub>. 18 Ado bajiro gotiyijarā ĩna: “Adi macārucāro jediroto rioj<sub>ua</sub> Dios ocare aja tudiri masa ñarā yirāji. Diore rūcub<sub>u</sub>obiticōri, ĩna ya ruju ñeñaro iti t<sub>u</sub>oĭaro bajiroti ñeñaro yĭ ũyarā yirāji ĩna”, yiyijarā Jesucristo oca goti ucuri masa. 19 Adi sita ñeñaro yire yĭ ũyarā ñama ĩnao<sub>na</sub>, r<sub>u</sub>ore oca riasori masa. Espiritu Santo quedi sājagoana meje ñama ĩnao<sub>na</sub>. Ito bajiro bajirā ñari Jesure t<sub>u</sub>orūnarāre sĭg<sub>u</sub>re bajiro ĩna ya ũsi t<sub>u</sub>oĭabitiroca yĭ codeama ĩna.

20 Y<sub>u</sub> ñarā ĩna robo bajiro yibitir<sub>u</sub>ja manireama. Dios oca quenarisere t<sub>u</sub>orūnarā ñari adi sita ñeñaro yirā robo yibitir<sub>u</sub>ja manire. Maniama Jesucristore b<sub>u</sub>to busa t<sub>u</sub>orūn<sub>u</sub> oca s<sub>u</sub>or<sub>u</sub>ja manire. Ito yicōri Espiritu Santo ĩ ejab<sub>u</sub>arisena Diore b<sub>u</sub>sisotir<sub>u</sub>ja manire. 21 Dios rāca sĭg<sub>u</sub> robo bajiro ũsi caticōri ĩ āmoro bajiroti yir<sub>u</sub>ja manire. Ito bajiro mani yija, “Y<sub>u</sub>re b<sub>u</sub>to maiami Dios”, yĭ t<sub>u</sub>oĭasotirā yirāji mani. “Manire ti maicōri, ĩ rāca mani catit<sub>u</sub>ñaroca yig<sub>u</sub> yig<sub>u</sub>ĭji mani U<sub>ju</sub> Jesucristo”, yĭ t<sub>u</sub>oĭa yucōri g<sub>u</sub>ĭbea mani. “Ī yicādo bajiroti, ĩ rāca catit<sub>u</sub>ñag<sub>u</sub> yig<sub>u</sub>ja y<sub>u</sub>”, yĭ t<sub>u</sub>oĭacōri wan<sub>u</sub>a mani.

22 Jesure t<sub>u</sub>orūn<sub>u</sub> s<sub>u</sub>omenare Dios oca goti masior<sub>u</sub>ja mani ĩnare. Ito bajiro mani gotija t<sub>u</sub>ocōri, “A<sub>u</sub>, ito bajiroti ña”, yicōri, b<sub>u</sub>to busa Jesure t<sub>u</sub>orūn<sub>u</sub> oca s<sub>u</sub>orā yirāji ĩna. 23 Jesure masimenare Dios oca gotir<sub>u</sub>ja manire. Dios oca t<sub>u</sub>ocōri ĩna t<sub>u</sub>orūn<sub>u</sub>ja jeame ũjuroj<sub>u</sub> wamenaji ĩna, jeame ũjuroj<sub>u</sub> waboana ñabojarāti. Gājerā ĩna ya ruju ñeñaro iti t<sub>u</sub>oĭaro bajiro yirāre ti mair<sub>u</sub>ja manire. ĩnare ti maibojarāti queno t<sub>u</sub>oĭar<sub>u</sub>ja manire, ĩna robo mani ñeñaro yibe yirona.

### *Judas Diore ĩ rūcub<sub>u</sub>ore gaye*

24-25 Itire t<sub>u</sub>oĭacōri Diore rūcub<sub>u</sub>orā ado bajiro b<sub>u</sub>sir<sub>u</sub>ja manire: “Dios m<sub>u</sub> sĭg<sub>u</sub>ti ña r<sub>u</sub>toro masi r<sub>u</sub>tocūg<sub>u</sub>. Ñim<sub>u</sub> gāji m<sub>u</sub> robo bajiro masig<sub>u</sub> mami. G<sub>u</sub>a U<sub>ju</sub> Jesucristo ĩ goda ĩsirajuna s<sub>u</sub>oriti g<sub>u</sub>are masoyija m<sub>u</sub>. Ito yicōri g<sub>u</sub>a ñeñaro yibititoni g<sub>u</sub>are ejab<sub>u</sub>a masig<sub>u</sub>ja m<sub>u</sub>. M<sub>u</sub> rotiroj<sub>u</sub> g<sub>u</sub>a ejaroca, ‘M<sub>u</sub>a ñeñaro yirise waja, waja ruyuriobebea m<sub>u</sub>’, yĭ ti gotig<sub>u</sub> yig<sub>u</sub>ja m<sub>u</sub> g<sub>u</sub>are. Ito bajiri m<sub>u</sub> ñaroj<sub>u</sub> ejaicōri m<sub>u</sub> rāca queno wan<sub>u</sub> quenarā yirāji mani. R<sub>u</sub>toro quenag<sub>u</sub> ña m<sub>u</sub>. Ito yicōri U<sub>ju</sub> ñasag<sub>u</sub> ña m<sub>u</sub>. Ñe m<sub>u</sub> masibitigore ma m<sub>u</sub>re. Ito yicōri ñe m<sub>u</sub> roti masibitigore ma m<sub>u</sub>re. Ito bajiro bajiyija m<sub>u</sub> adi macārucārore m<sub>u</sub> rujeoroto rioj<sub>ua</sub>. Adi r<sub>u</sub>m<sub>u</sub>ri c<sub>u</sub>ni ito bajiro bajig<sub>u</sub>ti ña m<sub>u</sub>. Ito bajicōri ito bajig<sub>u</sub>ti ñat<sub>u</sub>ñag<sub>u</sub> yig<sub>u</sub>ja m<sub>u</sub>”, yir<sub>u</sub>ja mani, Diore rūcub<sub>u</sub>orā. Itocō ña.

## El Apocalipsis

### *Juan ĩ cãirojũ Jesucristo ĩ gotire gaye*

<sup>1</sup> Adi papera tuti ija yoari mejeti rētaroti gaye gotia. Iti oca Jesucristo ĩ masiroca Dios ĩ yire ña. Ito bajiro yiñi Dios, mani Jesucristore moa ĩsirã, “Ito bajiro rētaru yiroja”, mani yi tũoĩa masitoni. Yũ ña Juan adi papera ucagu. “Ado bajiro bajia yireoni ña mũ canibetoti cãiri bajiro mũre godo weore”, yũre yi gotirocũ ángel yũ tũ cõañi Jesucristo. <sup>2</sup> Yũ tigure, yũ tũogore cãni riojo uca yũ adire. Iti ña Dios oca yũ masiroca Jesucristo ĩ yire.

<sup>3</sup> Noa adi papera tuti tirãti wanurã yirãji. Adi oca ija rētaroti gaye tũocõri, wanurã yirãji. Dios oca ña iti. Iti gaye oca rētaroti cõña wajũ. Ito bajiri noa adi ucare gaye tũorũnurã, wanũ quenarã yirãji.

### *Jua ãmojeno masa Jesure tũorũnurãre Juan ĩ ucare gaye*

<sup>4</sup> Yũ Juan adi papera mũare cõa yũ. Mũa ña Asia sitaju jua ãmojeno cõturi gãna Jesucristore tũorũnurã. Queno yijaro Dios mũare. Ito yicõri mũa ya mũsijũ sajari oca cõtiroca yijaro Dios. Dios ñami iti rũmũ gagũ, adocãta gagũ, ito yicõri ija ñatĩñarocũ. Ija adi sitaju tũdi ejagu yiguĩji ĩ. Dios ĩ rotiri cumuro riojo ñaguĩji Espĩritu Santo. Jua ãmojeno usĩ cõtigu ñari jeyaro masigũ ñami. ĩna suoriti mũare queno yijaro Dios. <sup>5</sup> Jesucristo cãni mũare queno yijaro. ĩ ñami ĩ tigure riojo gotigu. Ito yicõri ĩ ñami godabojaguti mũcana tũdi catitĩñarocũ. Gãjerãma ĩ riojua godabojarãti tũdi catitĩñare gaye boca ãmbisijarã ĩna. ĩ ñami adi sita gãna ujarãre roti masigũ. Manire ti maigũ ñami Cristo. Ito bajiri godacõri ĩ ya rĩna mani ñeñaro yirisere waja yi ĩsiñi ĩ. <sup>6</sup> Mani ĩre tũorũnurãre Dios ñarã mani ñaroca yiñi Cristo. Ito yicõri paia robo ĩ Jacũ Diore mani moa ĩsiroca yiñi Cristo. ĩre rũcũbũotĩñarujã manire. ĩ ñami rētoro roti masigũ. Ito bajiroti ñatĩñajaro ĩ.

<sup>7</sup> Ide bueri rãca wadigu yiguĩji Cristo. Ito bajiri masa jeyaro ĩre ti jedirã yirãji. Ito yicõri ĩre camĩ meniana cãni tirã yirãji ĩre. ĩre ticõri jeyaro adi sita gãna otirã yirãji. Ito bajiroti bajiro yiroja, ya yũ mũare.

<sup>8</sup> Rētoro sēogũ ñami mani Ʋjũ Dios. Ado bajiro gotiami. Tũote mũa: “A wame ñasũorise, ito yicõri Z wame ñasũsarise robo bajiro bajigu ña yũ. Yũ ña ñatĩñagũ. Yũna suoriti jeyaro ñasũoyija. Ito yicõri yũna suoriti jeyaro ñasũsaro yiroja”, yi gotiami Dios. ĩ ñami iti rũmũ gagũ, adocãta gagũ, ito yicõri ija ñatĩñarocũ. Ija adi sitaju tũdi ejagu yiguĩji ĩ.

### *Ĩ cãirojũ Juan ĩ tire gaye*

<sup>9</sup> Yũ Juan, mũa rãca Jesucristore masigũ ña yũ cãni. Ito bajiri sĩgũ rĩa bajiro bajirã ña mani. Mũare bajiroti tũbũja yũ cãni. Masa mũare ĩna ti tudiro bajiroti ti tudiana yũre cãni. Manire ito bajiro ĩna yibojarocati mani ñemecõtiroca yami Jesucristo. Ito bajiri co rũmũ Dios ĩ rotirojũ mũa rãca wanũgũ yigũja yũ cãni. Patmos wame cõtiri yogajũ coji tubia ecosũ yũ. Dios oca yũ riasojare ito yicõri Jesucristo gaye yũ busijare yũre tubiacã ĩna. <sup>10</sup> Tujacãra rũmũ Diore yũ rũcũbũo ñaroca yũ canibetoti cãiri bajiro yũre iti godo weoroca yiquĩ Espĩritu Santo. Yũ jũdojua oca sēorise iti ruyuja, tũocũ yũ. Trompeta jutiado bajiro ruyucũ. <sup>11</sup> Ado bajiro ruyucũ iti:

–Adocãta mũ tirise papera tutijũ ucaya. Iti ucacõri Asia sita gãna Cristore tũorũnurãre cõama. ĩna ñama jua ãmojeno cõturi gãna. Ado bajiro wame

cutia İna cutori: Efeso, Esmirna, Pėrgamo, Tiatira, Sardis, Filadelfia ito yicōri Laodicea wame cutiri cutori ņa İna cutori, yire oca ruyucu yu tuoja.

<sup>12</sup> “¿Ñimū yure busiati?” yirocu juda rūgūcu yu, İre tirocu. Juda tiguju jua āmojeno jeobusuora tuturi ticu yu. Orona İna menira tuturi ņacu iti. <sup>13</sup> İti jeobusuora tuturi wato sīgū āmagū ticu yu. Masa Rījoru robo bajiro bajigu ņaqui İ yu tija. Coro yutabuju yoaro İ ya gubo tīgāju susaro sāņaqui İ. İ ya wēñura wirowo gaye ņacu. İ ya usi riojocō eyari wirowo ņacu iti wirowo. <sup>14</sup> İ ya rijoga joa botirise ņacu. Oveja joa robo bajiro, ito yicōri ide buerise robo bajiro boti ruyucu. İ ya cajeari jea ājurise robo bajiro bajicu. <sup>15</sup> İ ya gubori buwo yocu. Bronze wame cutirise robo bajiro jeameju soecōri İna gosioado bajiro yocu iti. İ busija riaca buwo ūmayurisa robo bajiro ruyucu. <sup>16</sup> İ ya āmo riojocaduja jua āmojeno ņocōa rucocu İ. İ ya riseju sarera jāi, jua duja odiri jāi budicu. İ ya rio ūmacañi queno İ asiro robo bajiro yo ruyucu.

<sup>17</sup> İre ticōri İ tu cō quedicu yu. Ito bajiro yu bajibojarocati İ ya āmo riojocaduja yure moa jeoqui. Ito yicōri ado bajiro yure yiqui İ:

—Gūibesa. Yu ņa ņatīñagū. Yuna sworiti jeyaro ņaswoyija. Ito yicōri yuna sworiti jeyaro ņasusaro yiroja. <sup>18</sup> Yu ņa catitīñagū. Godabojaguti tūdi caticu yu. Mucana juaji godare ma yure. Godarāre mucana tūdi İna catiroca yi masigū ņa yu. Godari masa İna ņaroju jana sājado rucogu ņa yu. Ito bajiri jeame ūjaroju wabooanare maso masia yu, yiqui Masa Rījoru yu cāiroju.

<sup>19</sup> Mucana gaje ado bajiro gotiqui İ:

—Adocāta mu tirise ucaya. Adocāta gaye, ija ņaroti gaye cuni ucaya. <sup>20</sup> Yu ya riojocaduja jua āmojeno ņocōa mu tirā ado bajiro yireoni ņa. İna ņama jua āmojeno cutori gāna yure tuorūnurāre ūmatā ņarā. Jua āmojeno jeobusuora tuturi mu tirise ado bajiro yireoni ņa. İna ņama jua āmojeno cutori gāna yure tuorūnurā, yiqui yu cāiroju yure goaīocacu.

## 2

### *Efeso gānare oca cōare gaye*

<sup>1</sup> Mucana yu cāiroju ado bajiro gotiqui:

—Efeso gāna Diore tuorūnurāre ūmatā ņagūre ado bajiro ucaya: “Jua āmojeno jeobusuora tuturi wato ņagū, İ ya āmo riojocaduja jua āmojeno ņocōa rucogu İ busire gotirocu adi muare uca yu. Ado bajiro muare gotiami İ: <sup>2</sup> Jeyaro muu yirise masia yu. Josari muu moarisere masia yu. Usirioro yimena ņa muu. Ñeñaro yirāre ti wanubea muu. ‘Gua ņa Jesucristo İ oca gotitoni İ cūana’, yibojarāre, ti masiana ņa muu. ‘Riti Jesús İ cūana meje ņama. Socari masa ņama’, yi ti masirā ņa muu İja. <sup>3</sup> Yure tuoīarā, tujare mejeti moayija muu. Yure muu tuorūnuja ticōri, muu tōbujaroca yama gājerā. ‘Yu tōbujaja cuni, Jesucristore jidicābicuja yu’, yi tuoīarā ņa muu, yi tuoīa masia yu muare. <sup>4</sup> Ito bajibojarocati muare queno ti wanubea yu maji. Cajero yure muu masiswoarā muu maicato bajiro yure maibeja muu İja. <sup>5</sup> Ito bajiri yure muu masiswoacatire tūdi tuoīacōri, ñeñaro muu yirise jidicāña. Cajero yure muu cudicato bajiroti yiya mucana. Ito bajiro muu yibeja yoari mejeti muare waja senigū ejagu yiguja yu. Ñeñaro muu yiriserere muu jidicābeja muu ya jeobusuora tutu ēmagū yiguja yu. <sup>6</sup> Coji gaye queno ya muu yu tija. Nicolaitas cuto gāna ñeñaro İna yiriserere ti tea muu. Yu cuni İna ñeñaro yiriserere ti tea. <sup>7</sup> No gāmo goje cutirā tuoja. Diore tuorūnurāre ado bajiro gotiami Espiritu Santo: ‘Noa İna ñeñaro yiriserere jidicārā İna ņama rūmāa ūjare rētocūrā. Ito bajiri catitīñaragu rica

ĩnare ecagu yigujaja yu. Dios ya wese quenari wese gudareco ñaroja itigu', yi gotiami Espiritu Santo", yi ucaya mu, yi gotiquĩ yu cãiroju yure goaĩocacu.

*Esmirna gãnare oca cõare gaye*

<sup>8</sup> Gaje ado bajiro gotiquĩ yure yu cãiroju:

—Esmirna gãna Diore tuorũnurãre ũmatã ñagũre ado bajiro ucaya: "Ñasuoꝑu, ñasusagu, ito yicõri godabojaguti mɛcana tũdi catiru ĩ busire gotirocũ adi muare uca yu. Ado bajiro muare gotiami: <sup>9</sup> Ñajediro muare rɛtarise masia yu. Yure mua tuorũnuja ticõri, mua tũbujaroca yama gãjerã', yi tuoĩa masia yu muare. Bojoro mua bujaja, ti masia yu. Ito bajibojarãti Dios gayere queno masirã ña mua. Ito bajiri queno rucorã ña mua. Ñe ruayabea muare. 'Judio masa, Dios rĩa ña gũa', yibojarãre, muare ña busituja tuoia yu. Dios rĩa meje ñama ña. Rãmũa uju, Satanás rĩa ñama ña, ya yu. <sup>10</sup> Mua tũbujaroti gayere tuoĩa güibesa. Mua rãca ñagũ yigujaja yu. Muare usirio codegu yiguji rãmũa uju. 'Diore ña jidicãja ticũja yu', yirocũ ado bajiro muare usirio codegu yiguji ĩ. Mua coriarãre gãjerã ña tubiaroca yigu yiguji ĩ. Ito bajiri jua dujamocõ ãmuari tũbujarã yirãji mua. Mua godarã wana yija cuni, yure jidicãbeja. Ito mua yija, catifĩñare muare isigũ yigujaja yu iti waja. <sup>11</sup> No gãmo goje cutirã tuoia. Diore tuorũnurãre ado bajiro gotiami Espiritu Santo: 'Noa ña ñeñaro yirise jidicãrã ña ñama rãmũa ujure rɛtocũrã. Ito bajiri jeame ãjuꝑoju tũbujaja godamena yirãji ña', yi gotiami Espiritu Santo muare", yi ucaya, yiquĩ yure yu cãiroju.

*Pérgamo gãnare oca cõare gaye*

<sup>12</sup> Gaje mɛcana ado bajiro gotiquĩ ĩ yu cãiroju:

—Pérgamo gãna Diore tuorũnurãre ũmatã ñagũre ado bajiro ucaya: "Sarera jãĩ jua duja odiri jãĩ rucogu, ĩ busire gotirocũ adi muare uca yu: <sup>13</sup> Jeyaro mua yirise masia yu. Rãmũa uju Satanás ĩ rotiri cutoju ñaboja mua. ĩ rotibojarocati ĩre tuorũnubea mua. Yure tuorũnurã ñari, yure tuorũnu jidicãrã meje ña mua. Ito gãna Satanás cẽdirã ñari, Antipas wame catigure slaĩi ña. ĩ ñabojaquĩ, 'Diore mani tuorũnuja quena', yure yi ejabuabojacacu. 'ĩre ña slaja bero ñabojarocati yure tuorũnu jidicãbea mua', ya yu muare. <sup>14</sup> Ito bajibojarocati muare queno ti wanubea yu maji. Mua Pérgamo gãna coriarã, Balaam ĩ riasorisere jidicã ãmobebea mua. ĩ ñami Balacre ado bajiro riasoru: 'Inamasi meni rujeoanare bare ecabojare gaye mua Israel sita gãna baja quena. Gãjerã romia rãca mua aje ñaja quena ña', yi riasoñi Balaam. 'Mua wato coriarã ñama ĩ riasorisere jidicã ãmomena', yi tuoĩa yu muare. <sup>15</sup> Mua wato coriarã ñama Nicolaĩtas cuto gãna ñeñaro ña riasorisere jidicã ãmomena. ña riasorisere buto ti tea yu. <sup>16</sup> Ito bajiri mua ñeñaro yirise jidicãña. Mua ñeñaro yirise mua jidicãbeja muare waja senigũ yigujaja yu. Ito yicõri yoari mejeti yu ya riseju ñari jãĩ sarera jãina quenabeto mua tũbujaroca yigu yigujaja yu. <sup>17</sup> No gãmo goje cutirã tuoia. Diore tuorũnurãre ado bajiro gotiami Espiritu Santo: 'Noa ña ñeñaro yirise jidicãrã ña ñama rãmũa ujure rɛtocũrã. Ito bajiro yirãre manã wame cutirise bare ĩnare ecagu yigujaja yu. Iti ña ũmacũju gaye tiyamani bare. Gaje gũtagã botirica ĩnare isigũ yigujaja yu. Itiga gũtagãju mame ucare wãñaro yiroja. Itiga gũtagãre boca ãmirã riti itiga wãñarise masirã yirãji', yi gotiami Espiritu Santo", yi ucaya mu, yi gotiquĩ yu cãiroju yure goaĩocacu.

*Tiatira gãnare oca cõare gaye*

<sup>18</sup> Gaje mɛcana ado bajiro gotiquĩ yu cãiroju:

—Tiatira gāna Diore tuorūnūrāre ūmatā ñagūre ado bajiro ucaya: “Dios Macu ī ya cajeari jea ūjarise robo bajiro bajigu, ito yicōri bronze wame cutirise buto yorise robo bajiro gubo cutigu ado bajiro mware gotiami: <sup>19</sup>Jeyaro mwa yiriser masia yu. ‘Masare ti mairā ñama ĩna’, yi tuoĭa yu mware. ‘Yure tuorūnūrā ñama ĩna’, yi tuoĭa yu mware. Gājerāre yiarī mwa ejabuarise queno masia yu. Yure mwa tuorūnūja ticōri, mwa tōbujaroca yama gājerā. Ito bajiro ĩna yibojarocati yure tuorūnūñacōa mwa. ‘Cajero yure ĩna masisucato rētoro queno ejabuama’, ya yu mware. <sup>20</sup>Ito bajibojarocati mware queno ti wanubea yu maji. Mwa tu gago Jezabel wame cutigo ñeñaro iso busija ticōa mwa. Ado bajiro ruore oca busiamo iso: ‘Diore yiarī busija yu. Gājerā romia rāca mwa aje ñaja, no yibea. Masa ĩnamasiti meni rujeoanare bare ĩna ecare mwa baja, no yibea’, yire oca goti ruoamo iso. Ito bajiro iso yija tuocōri, yure moa ĩsiri masa tuo wisama ĩja. <sup>21</sup>Ñeñaro iso yirise jidicājaro yirocu, yoari yuboja yu. Ito bajibojarocati jidicā āmobeamo iso. Ūmwa rāca ñeñaro iso yirise cūni jidicā āmobeamo iso. <sup>22</sup>Ito bajiro iso yijare iso cō cūñaroca yigu yigūja yu. Iso rāca aje ñarāre cūni ĩna cōroca yigu yigūja yu. ĩna robo bajiro yi ūyacōri itire mwa jidicābeja, mware cūni mwa tōbujaroca yicūja yu. <sup>23</sup>Iso rīare ślagū yigūja yu. Ito bajiro yu yija ticōri, yu masiriser tirā yirāji mwa. ‘Mani tuoĭarise, mani ya ūsijana mani yi āmorise cūni ti masi jeoami Dios. Ito yicōri mani ñeñaro yiro bajiroti manire waja senigū yiguĭji’, yi tuoĭa masirā yirāji mwa ĩja. <sup>24</sup>Mwa Tiatira gāna jājarā ña iso riasorisere tuorūnumena. ‘Adi ña Satanās oca ñasarise, gājerā ĩna tuoĭabiti ña iti’, ĩna yibojaja cūni itire tuorūnubea mwa. Ito bajiri, ‘Diore queno tuorūnūrā ñama ĩna’, yicōri mware josabicūja yu ĩja. <sup>25</sup>Ado bajiro riti mware rotia yu. Yu mware busiriser tuoĭa jidicābeja. Yu ejarocōjuti itire tuoĭa jidicābeja. <sup>26</sup>ĩna ñeñaro yiriser jidicārā ĩna ñama rāmūa ūjare rētocūrā. Noa susariju yu āmoro bajiro yi jidicāmena gājerāre ĩna roti masiroca yigu yigūja yu. <sup>27</sup>Yu roti masiroca yu Jacu yure ĩ yiado bajiroti mware yigu yigūja yu. Ito bajiri Dios ī cūana ñari seoro rotirā yirāji mwa. Ito yicōri come mana riri sotari jawado robo bajiro cudimenare ruyuriorā yirāji mwa. <sup>28</sup>Mware busuri ñocōagā ĩsigū yigūja yu. <sup>29</sup>No gāmo goje cutirā tuoĭa. Adi ña Diore tuorūnūrāre Espiritu Santo ī gotire”, yi ucaya mwa, yiquī yu cāiroju yure goālocacu.

### 3

#### *Sardis gānare oca cōare gaye*

<sup>1</sup>Gaje ado bajiro gotiquī yu cāiroju:

—Sardis gāna Diore tuorūnūrāre ūmatā ñagūre ado bajiro ucaya: “Juā āmojeno ūsi cutigu, ito yicōri juā āmojeno ñocōa rucogu ado bajiro gotiami: Jeyaro mwa yiriser masia yu. ‘Diore queno cudirā ñama’, yi tuoĭabojama gājerā mware. Yuama godacāna robo bajiro mware tia. Yure queno cudirā meje ña mwa. <sup>2</sup>Yu tija yu ocare mwa cudibeja, godana robo bajiro bajirā ña mwa. Canirā robo bajiro bajirā ña mwa. Yujuja mwa. Yu tija yure tuorūnū jidicārā ya mwa. Ito bajiri, ĩre jidicāme yirona, buto busa yure tuorūnūña. Yu tija, Dios ī āmoro bajiro queno yisabea mwa. <sup>3</sup>Cajero mwa riasotigore mūcana tūdi tuoĭañā mwa. Itire tuorūnūcōri, mwa ñeñaro yirise jidicāña. Ito bajiro mwa yibea, riniri masu robo bajiro, ‘Itocō ejaĭu yiguĭji’, mwa yi masibeto, mwa tu ejaĭu yigūja yu. Ito yicōri mware waja senigū yigūja yu. <sup>4</sup>Mwa Sardis gāna coriarā buto ñeñarise yibea mwa. Ito bajiri mwa ya yutabujuri űeri wōña mana robo bajiro bajia mwa. Ito bajiri mware waja yigu yutabuju botirise sāñarā yu rāca mwa ñaroca yigu yigūja yu. <sup>5</sup>Noa ĩna ñeñaro yiriser jidicārā ĩna ñama rāmūa ūjare

rētocūrā. Ito bajiro yirāre yutabuju botirise ina sãñaroca yigũ yigũja yũ. ‘Adocõ ñama catitĩñare rucorona’, yire gaye papera tuti ina wame coebicu yigũja yũ. Ito yicõri yũ Jacu i tiro riojo, ‘Ana ñama yũ ñarā’, yigũ yigũja yũ. Ángel mesa tiro riojo canĩ ito bajiroti yigũ yigũja yũ. <sup>6</sup>No gãmo goje cutirā tũoya. Adi ña Diore tuorãnurāre Espĩritu Santo i gotire”, yi ucaya, yiquĩ yure yũ cãiroju.

### *Filadelfia gãnare oca cõare gaye*

<sup>7</sup>Gaje ado bajiro gotiquĩ yũ cãiroju:

—Filadelfia gãna Diore tuorãnurāre ũmatã ñagũre ado bajiro ucaya: “Ado bajiro gotiami ñeñaro yĩabicu, ito yicõri riojo gotigu. Ī ñami David ñayoru uju robo bajiro roti masigũ. Buto roti masigũ Ī ñajare soje ĩ janaja, ñimujua gãji bia masibiquĩji. Soje ĩ biaja canĩ, ñimujua gãji iti sojere jana masibiquĩji. Ado bajiro gotiami: <sup>8</sup>Jeyaro mũa yirise masia yũ. Queno s̃eorã meje ña mũa. Ito bajijarocati yũ ocare queno cudĩia âmoboja mũa. Ito yicõri, ‘Jesure masibea gua’, yibea mũa. ‘Jesure tuorãnurã ña gua’, ya mũa. Ito bajiro mũa yijare, queno mũare ejabuagu yigũja yũ. Mũare yiarĩ soje jana ĩsicu yũ. Ñimujua iti sojere biabiquĩji. <sup>9</sup>Ado bajiro yũ busirise queno tũoya. Mũa wato coriarã ñama rãmúa uju Satanásre tuorãnũ sũyarã. ‘Judio masa ña gua. Dios ñarã ña gua’, yibojama ina. Bajibea, rãmúa uju ñarã ñama ina. Mũa riojo ina ya rijomunigãna ñini rũjũ rotigu yigũja yũ. ‘Ina ñama Dios ĩ mairã’, mũare ña yiroca yigũ yigũja yũ. <sup>10</sup>‘Yure mũa tuorãnũja ticõri, mũa tũbujaroca gãjerã yibojarocati yure tuorãnũñacõa mũa’, yũ rotiado bajiroti queno cudia mũa. Co rãmũ ejaro yiroja adi sita gãna ña tũbujaroti rãmũ. Gãjerãre usirioro yimenati yure cudirã mũa ñajare, iti rãmũ iti ejaroca mũare codegu yigũja yũ. <sup>11</sup>Masima, yoari mejeti ejagu yigũja yũ. Yure mũa cudirise tuõia jidicãbeja. Ito bajiro mũa yija, ñimujua mũa mũa waroto camota masibiquĩji. <sup>12</sup>No ña ñeñaro yirise jidicãrã ña ñama rãmúa ujare rētocūrã. Yũ Jacu Dios ya wi ña ñatĩñaroca yigũ yigũja yũ. Ī ya wi botari butirise robo bajiro ñatĩñarã yirãji ña. Ũdia wame ñare wame wõgũ yigũja yũ, ña ñajedirore. Ado bajiro wame yicũja yũ: Yũ Jacu Dios wame, ĩ cuto wame, ito yicõri yũ wame mame ñaroti wõgũ yigũja yũ ñare. Yũ Jacu ĩ ñaro, mame Jerusalen wame cutiri cuto ñaro yiroja. Iti cuto ũmacũjana ruji wadicõri, ejaro yiroja. <sup>13</sup>No gãmo goje cutirã tũoya. Adi ña Diore tuorãnurāre Espĩritu Santo i gotire”, yi ucaya, yiquĩ yure yũ cãiroju.

### *Laodicea gãnare oca cõare gaye*

<sup>14</sup>Gaje ado bajiro yure gotiquĩ yũ cãiroju:

—Laodicea gãna Diore tuorãnurāre ũmatã ñagũre ado bajiro ucaya: “Diore queno goti ejabuasotigu, ito yicõri riojo gotiguna suoriti jeyaro rujeõni Dios. Ado bajiro gotiami mũare: <sup>15</sup>Jeyaro mũa yirise masia yũ. Yũ rotirise queno cudĩ âmobeja mũa. ‘Yũ âmorocõ cudicũja yuama’, yi tuõia mũa. Yure ti tebitibojarãti yure queno tuorãnũsabeja mũa. Ito bajiri yure queno tuorãnũre âmoa yũ. Mũa queno yure tuorãnũ âmõsabeja, yure mũa jidicãja quena. <sup>16</sup>Yure tuorãnũmena ñari mũa âmoro bajiro riti cudisotia mũa. Ide asirise, ide usirise bajiro bajirã meje ña mũa. Ide asisũoriseacã bajiro bajirã ña mũa. Ito bajiro mũa bajirã ñajare, ide asisũoriseacã mũaño bategu robo bajiro mũare bucõagũ yigũja yũ. <sup>17</sup>‘Gajeoni jairã ña gua. Gua âmõrise ñajediro, dise rayabeto rucõa gua’, yibojama mũa. Queno itire ti masibea mũa. Yũ tija yure cudimena ñari ado bajiro bajirã ña mũa. Vojoro bũjarã, ñe rucõmena, tuõia oca jairã, cajea mana ito yicõri yutabuju mana bajiro bajirã ña mũa. <sup>18</sup>Ito bajiro mũa bajirã ñajare, ado bajiro mũare goti masioa yũ. Quenarise yure mũa moa ĩsi âmõja, yure



senija quena. Ito bajiro mua senija tuocōri, jaje quenarise mua yiroca yigu yiguja yu. Ñeñarise mua jidicā āmoja, yure senija quena. Ito bajiro mua senija tuocōri, quenarise mua tuoīaroca yigu yiguja yu. Yu ya oca mua masi āmoja yure senija quena. Ito bajiro mua senija tuocōri, yu ocare queno mua tuo masiroca yigu yiguja yu. <sup>19</sup> No yu mairāre ĩnare goti quenoa yu. Ito yicōri no yu mairāre ĩna ñeñaro yija, ĩnare waja senia yu, ĩna masitonī. Ito bajiri mua ñeñaro yirisere jidicācōri, yure queno cudiya ĩja. <sup>20</sup> Tiya, soje tu code rūgōa yu sāja āmogū. No yu oca tuocōri soje ĩ janaja, sājagū yiguja yu. Sājacōri ĩre baba cutigu yiguja yu. Ito yicōri ĩna cuni yure baba cutigu yiguĭji. <sup>21</sup> No ĩna ñeñaro yirisere jidicārā, ĩna ñama rūmāa ujare rētocūrā. Ito bajiro bajirā mua ñajare, yu roti rujiro tu yu rāca mua ñaroca yigu yiguja yu. Ito bajiroti rūmāa ujare rētocūcōri, yu Jacu rotiro tu rujia yu. <sup>22</sup> No gāmo goje cutirā tuoja. Ito bajiro yami Espiritu Santo, Diore tuorūnarāre”, yi ucaya, yiqui yu cāiroju yure goāiocacu.

## 4

### *Ūmacūju Diore rūcubhore gaye*

<sup>1</sup> Ito yija bero ūmacūju soje janacāra soje ticu yu. Trompeta jutire oca bajiro yure busisnocacu macana ado bajiro yure busi ruyucuĭ:

—Mujā waya adojuā. ĩja rētaroti gaye mure ĩorocu ya yu, yire oca ruyucu yure.

<sup>2</sup> Ito bajiro ĩ yirocati Espiritu Santo ĩ masirisenati ūmacūju ejacoacu yu. Itoju ejacōri ujū ya cumuro ticu yu. Iti cumuroju sigū rujiqūi yu tija. <sup>3</sup> Iti cumuroju rujicacu gūta buto yorise robo bajiro yocu ĩ ya rio. Jaspe Cornalina wame cutirise gūta robo bajiro yo ruyucu ĩ ya rio. ĩ rujiro tu ide bue bedo ñacu. Esmeralda wame cutirise gūta robo bajiro yo ruyucu iti bedo. <sup>4</sup> ĩ rujiro tu veinticuatro cumurori ruji gāni biacu ĩ tu. Iti cumurorijū veinticuatro ñarā bācūrā rujicā. Botirise sāñacā ĩna. Ito yicōri oro bedori jesacā ĩna. <sup>5</sup> ĩ rujiri cumuroju bujo ĩ borea yirise bajiro borea yicu. Ito yicōri bujo busirise bajiro ruyucu. ĩ rujiri cumuro riojo juā āmojeno jea ūjaricari ruyucu. Itire ticōri “Juā āmojeno usi cutigu ñami Dios”, yi ticu yu itire. <sup>6</sup> Ūju ya cumuro riojo itajura ide botirita, queno ide ruyurita ticu yu.

Ūju ya cumuro riojo, iti cumuro judojuā cuni, riojocaduja, gācoduja cuni tīāña mana juariarā ñacā. Jaje cajeari cuticā. ĩna ya rio ñari duja cuni ĩna ya judojuari cuni cajeari cutirā ñacā ĩna. <sup>7</sup> Sigū tiya macu yai robo bajigu ñaquĭ. Gāji ta wecu robo bajigu ñaquĭ. Gāji ūmugū bajiro rio cutiquĭ. Susagu ga jagu wātigu robo bajiro bajiquĭ. <sup>8</sup> ĩna juariarā tīāña mana coga āmojeno caerori caero cuticā. ĩna ya caerorijū ūmacūjuagaduja, jacagaduja cuni cajeari cutirā ñacā ĩna. Ūmuari, ñamiri cuni Diore rūcubhorā ado bajiro basatīñacā ĩna:

Quenagū ña mū. Quenagū ña mū. Quenagū ña mū. Jeyaro masigū ña gūa Ūju mū. Muti ñayija iti rūmūju gagū. Muti ña adocāta gagū cuni. Muti ña ĩja ejarocu cuni, yi ñacā ĩna.

<sup>9</sup> Ūju ya cumuroju rujigure rūcubhorā ado bajiro yicā ĩna: “Mū ña rētoro rūcubhorū. Mū ña rētoro ñasagu. Mure rūcubhorā, ‘Queno ya mū’, ya gūa mure”, yicā ĩna ito rujigu catitīñagūre. <sup>10</sup> Coji rūyabeto ito bajiro ĩna yiroca veinticuatro ñarā bācūrā ito ñarā, ĩ riojo rijomunigāna ñini rūjūcā ĩna. Catitīñagūre rūcubhorā ito bajiro ñini rūjūcā ĩna. Ito yicōri ĩna ya jesara bedori āmicōri ĩ rujiro riojo jidicūcā ĩna. Ito yicōri ĩre rūcubhorā ado bajiro yicā:

<sup>11</sup> Mū ña jeyaro rujeoru. Mū āmoro bajiroti mū rujeore jeyaro ña. Gūa Ūju ña Dios mū. Masa jeyaro mure rūcubhore āmoa gūa. “Dios ñami ñasagu”,

masa jeyaro yi jedire ãmoa gua. “Dios ñami rëtoro masigü”, masa mure ña yire ãmoa gua, yicã veinticuatro ñarã bucürã. Ito bajiro yicã ña Diore rücuðurã.

## 5

### *Papera tunara joti*

<sup>1</sup> Ito yija bero ujü ya cumuroju rujigu ï ya ãmo riojocaduja papera tunara joti ï rucöja ticu yu. Iti joti totiju, joe cuni ucare ñacu. Jua ãmojeno suobiare ñacu iti jotijure. <sup>2</sup> Ito bajiroca Dios ñaro gagu ángel queno masigü ticu yu. Ado bajiro oca sëoro seniãaquï ï:

—¿Ñima ñati Dios ï ti wanügü iti joti suobiare ñigã ámigocöri manire ti ïsigü? yi seniãbojaquï ï.

<sup>3</sup> Ito bajiro ï seniãbojaja, ùmacüju gãna, adi sita gãna, adi sita rocajua gãna cuni sigüjuama jana masigü maniquï. Sigü itire ti ïsigü maniquï. <sup>4</sup> Ito bajija ticöri, buto oticu yu. Sigü iti janacöri ti ïsigü manijare, buto oticu yu. <sup>5</sup> Yu otija ticöri, sigü bucügu ado bajiro gotiquï yure:

—Itocöti otiya ïja. Adoju tiya. Ado ñami sigü rãmúa ujure rëtocüru. Judá masa butu gagu ñami ï. Yai sëogü bajiro bajigu ñami ï. Ito yicöri David ujü ñayoru janerãbatia janami ñami ï. Ñe queno wanuami Dios. Ito bajiri jua ãmojeno suobiare ñigã ámigocöri manire ti ïsigü yigüji, yiquï ï yure.

<sup>6</sup> Bucürã wato, tíaña mana wato, ujü ya cumuro taju sigü Oveja Macu bajiro bajigure ticu yu. Ñe ña sïagore cami iti ñaja ticu yu. Jua ãmojeno saburi ñacu ñe. Ito yicöri jua ãmojeno cajeari ñacu ñe. Ñe ya cajeari ticöri, “Jua ãmojeno usi cutigu ñami Espiritu Santo. Ñe ñami adi sitajure coju ruyabeto Dios ï cöaru”, yi ticu yu ñe. <sup>7</sup> Ito yija yu tiroca Oveja Macu, ujü ya cumuro rujigu ya riojocaduja papera tunara joti ï rucorisere ámiquï. <sup>8</sup> Oveja Macu iti jotire ï ámiroca juariarã tíaña mana, ito yicöri veinticuatro ñarã bucürã cuni ï riojo rijomunigãna ñini rüjücã. Ña sigü ruyabeto basa meniroti arpa wame cutirise rucocã ña. Ito yicöri oro tërori soeja queno suti quenarise sãñacu. Iti suti quenarise iti bue muja waja Dios ñarã ñe ña busiro robo bajiro bajirise ñacu. <sup>9</sup> Ado bajiro basacã ña mame basare:

Masa jeyarore masorocu goda ïsiyija mu. Co oca ruyabeto busirãre, co cuto gãna ruyabeto, ito yicöri co sita gãnare ruyabeto goda ïsiyija mu. Dios ñarã masa ñatoni mu ya rina waja yicãyija mu. Ito bajiri tunara joti ámicöri suobiare ñigã masigü ña mu.

<sup>10</sup> No Diore tuorãnurãre ñarã ña ñaroca yiyija mu. Ito yicöri paia robo bajiro Diore ña moa ïsiroca ya mu. Ito bajiri adi sita gãnare roti masirã yirãji ña, yi basa sëacã ña.

<sup>11</sup> Ito yija bero jãjarã ángel mesa ña busija tuocu yu. Cöiaja jediada manicã. Jãjarã ñacã ña. Ujü ya cumuro tu juariarã tíaña mana, veinticuatro ñarã bucürã judojuaju ñacã ángel mesa. <sup>12</sup> Oca sëoro ado bajiro yicã ña:

Masa ña ñeñaro yirise waja, waja yi ïsiroca goda ïsiñi Oveja Macu. Ito bajiro bajicöri rëtoro masigü ñami ï. Rëtoro sëogü, rëtoro roti masigü, rëtoro rücuðuru, rëtoro jeyaro rucogu, “Rëtoro quenagü ñami”, masa ña yirocu, ñami Oveja Macu, yi rücuðurã ángel mesa.

<sup>13</sup> Ito yirocati Dios ï rujeoana ñarocöti ña busija tuocu yu. Ña ñacã ùmacüju gãna ñajediro, adi sita gãna cuni. Ito yicöri sita wato ñarã, godagoana, ito yicöri ide wato gãna, ñajediro ña busirise ruyucu. Ujü ya cumuro rujigure, Oveja Macure cuni rücuðurã ado bajiro busi ruyucã ña:

Mua ña masa ña rucuborona. Ito bajiri muare rucubotifajaro masa. “Mua ña rëtoro ñasarã”, yitifajaro masa muare. “Mua ña rëtoro masirã. Mua ña rëtoro queno yirã”, yitifajaro masa muare, yi busi ruyucã ña.

<sup>14</sup> Ito bajiro ña yiroca juariarã tifaña mana ado bajiro busi ruyucã:

—Ito bajiroti bajia, yi busi ruyucã ña.

Ito yiroca veinticuatro ñarã bucãrã uju ya cumuroju rujigare, Oveja Macre cani, rucuborã ña riojo rijomunigãna ñini rufucã ña.

## 6

### *Jua ãtojeno suobiare gaye*

<sup>1</sup> Ito yija Oveja Macu papera tunara jotire cajero suobiaraju ñigãja ticu yu. Ito yirocati juariarã tifaña mana sigũ busi ruyucã ña rãca gagu. Ñ busija bujo busirise robo bajiro ruyucu. Ado bajiro yi ruyucã ña:

—Adojuã tigu waya, yi ruyucã ña.

<sup>2</sup> Ñ ito yijare ti ñucacu yu. Cabaru botigu ñ rãgõja ticu yu. Ñ joe jesagu jatura jã rucocu. Jesara bedo ñe ña jeoja ticu yu. Ito bajiro ña yija bero ñ wajanare rëtocũgã waquũ ñ.

<sup>3</sup> Ito yirocati Oveja Macu suobiaraju gajeju ñigãquũ ñ. Ito yija gãji tifaña macu ñ busija tucoc yu:

—Adojuã tigu waya, yi ruyucã ñ cani.

<sup>4</sup> Ito ñ yija cabaru sãagure ti bujacu yu. Ñ joe jesagure sarera jã ña ñsija ticu yu. Ado bajiro muare ñe cũni ña. Masa ña queno ñabitire gaye, masa ña gãmeri sãaroti gaye cani ñe muare cũni ña.

<sup>5</sup> Ito yija bero mucana gajeju suobiaraju ñigãquũ Oveja Macu. Ito yija gãji tifaña macu ñ busija tucoc yu:

—Adojuã tigu waya, yi ruyucã ñ cani.

Ñ ito yija cabaru ñigãre ti bujacu yu. Ñ joe jesagu rucuboraga rucocu. <sup>6</sup> Ito yirocati tifaña mana wato oca ruyucu. Ado bajiro ruyucu iti:

—Trigo wame cutirise bare co rumu muare waja coji kiloti bujare ñaro yiroja. Ito yicõri cebada wame cutirise bare co rumu muare waja udiãji kilos bujare ñaro yiroja. Ito bajibojarocati uye ide, uye roabare cani waja rucubeto yiroja, yire oca ruyucu.

<sup>7</sup> Ito yija mucana gajeju suobiaraju ñigãquũ Oveja Macu. Ito yija gãji susagu tifaña macu ado bajiro yi ruyucã:

—Adojuã tigu waya, yi ruyucã ñe.

<sup>8</sup> Ito ñ yija cabaru bodeagure ti bujacu yu. Ñ joe jesagu, “Godare Gaye Rotigu”, wame cutiquũ. Ñ bero sayagu, “Ñeñaro Yigoana ña ñaroju”, wame cutiquũ ñ. Sãare gaye muare cũni ña ñe. Gãmeri sãarena, ñio jogarena, ñarisena ito yicõri gãjeronana cani ñare sãa rotifã ña. “Adi sita gãna juaria buturi batocõri co butu gãna mu sãa jeoja quena”, yi rotifã ña ñe.

<sup>9</sup> Ito yija bero mucana gajeju suobiaraju ñigãquũ ñ. Ito bajiro ñ yirocati Diore rucuborã ña soe ñisotira casabo tu sãa ecoana ya usi ñacu. Dios oca ña rãsojare, ito yicõri, “Jesure tuorãnrã ña gũ”, ña yijare ñare sããni ña. <sup>10</sup> Oca sãoro ado bajiro yicã ña:

—Coji ñeñaro yifãbicu ña gũ Hju mu. “Ado bajiro yigu yigujã yu”, mu yija yiro robo yigu ña mu. ¿Guare sãanare nocõ yoari ñare waja senigũ yati mu? yicã ña.

<sup>11</sup> ña ito yijare yutabuju botirise ñare Isiquũ ñ. Ito yicõri:

—Tujacãña maji, usiriobesa. Gãjerã mua robo bajirã Jesús gayere riasorã yirãji maji. Ito bajiro ña yija ticõri, ñare siacõrã yirãji maji. Ito bajiro ña yija bero ñare waja senigũ yigũja yu, yiquĩ Dios ñare.

<sup>12</sup> Ito yija bero mucana gajeju suobiaraju ñigãquĩ Oveja Macu. Ito bajiro ï yirocati sita iti buto ueja ticu yu. Ito yicõri umacañi umua gagu buto ñi juaquĩ. Saya buto ñiro robo bajiro ñi juaquĩ ï. Ito yicõri ñami gagu buto sũa juaquĩ, rĩ buto sũarise robo bajiro. <sup>13</sup> Ito yicõri ñocõa umacũju gãna jacaju quedi queacã ña. Higuera wame cutiricu rica mino iti wẽa batero robo bajiro quedicã ña. <sup>14</sup> Ito yija bero macãrucuro godacoacu. Papera ju tunado bajiro baji godacoacu. Gũta yucuri, ruja yogari cuni gajeroju iti cuni rãgũroca yiquĩ Dios. <sup>15</sup> Ito bajijare ujarã rotiri masa gũta gojeriju rudi sãja wacã ña. Ito yicõri gãtagãri wato rudi sãja wacã gãjerã. Ña rãcati surara ujarã, ñasarã, niyeru jairã, sãorã, waja mano moari masa, gãjerã queno ñari masa cuni rudi jedicoacã ña. <sup>16</sup> Ito bajiro rudicõri gũta yucurire, gãtagãrre cuni ado bajiro yicã ña:

—Guare quedi jea biaya uju ya cumuroju rujigu guare ï tibititoni. Ito yicõri Oveja Macu gua ñeñaro yirise waja guare senibititoni, guare quedi jea biaya, yicã ña gũta yucurire.

<sup>17</sup> Ija ito bajiro iti bajija masa ña ñeñaro yirise waja seniri ramu ñacãro yiroja. Ito bajiri ñimu itire rudi masigũ macu yigũji.

## 7

### *Ñarãre Dios ï tirãnure gaye*

<sup>1</sup> Ito bero ángel mesa jãriarã ticu yu. Umacañi ï joejea wadiri daja waquĩ siãgũ. ï quedi sãja warojuã waquĩ gãji. Warubũjuã waquĩ gãji. Gãji gaje daja warubũjuã waquĩ. Itoju ejacõri mino wẽa rotibisĩ ña. Ito bajiri adi sita joe, riaca jajosa joe cuni mino wẽabiticu. Ito bajicõri yucu joe cuni mino wẽabiticu.

<sup>2</sup> Ito bajiroca umacañi ï joejea wadiri daja gãji ángel ï wadija ticu yu. Dios catitũñagũ wame wõroti gaye rucocõri ï wadija ticu yu. Ejacõri gãjerã ángel mesa adi sitare, riaca jajosa cuni, Dios ï ñeño rotianare oca sãoro ado bajiro awasã gotiquĩ ángel:

<sup>3</sup> —Mani Uju Dios ya moari masa ya rioweca Dios wame wõrã yirãji mani ñare. Mani wõroto riojuã adi sita, riaca jajosa, yucure cuni ñeñobesa mua maji, yiquĩ ángel Dios ï ñeño rotianare.

<sup>4</sup> Ito yija bero, “Adocõ ñama mua wame wõrona”, yire oca ruyucu. “Ña ñama juã gũbojeno buturi gãna. Jeyaro ciento cuarenta y cuatro mil Israel sita gãna ñama ña”, yire gaye oca ruyucu. <sup>5</sup> Ado bajiro wame cuticã juã gũbojeno buturi gãna, Israel sita gãna: Judã ñayoru janerãbatia doce mil ñacã. Rubén ñayoru janerãbatia doce mil ñacã. Gad ñayoru janerãbatia doce mil ñacã. <sup>6</sup> Aser ñayoru janerãbatia doce mil ñacã. Neftalí ñayoru janerãbatia doce mil ñacã. Manasés ñayoru janerãbatia doce mil ñacã. <sup>7</sup> Simeón ñayoru janerãbatia doce mil ñacã. Leví ñayoru janerãbatia doce mil ñacã. Isacar ñayoru janerãbatia doce mil ñacã. <sup>8</sup> Zabulón ñayoru janerãbatia doce mil ñacã. José ñayoru janerãbatia doce mil ñacã. Ito yicõri susari Benjamín ñayoru janerãbatia doce mil ñacã. Ña ñacã Dios wame wõ ecorona.

### *Jãjarã botirise sãñarã*

<sup>9</sup> Ito yija bero uju ya cumuro riojo, ito yicõri Oveja Macu riojo jãjarã masa ticu yu. Ña ñacã co sita gãna ruyabeto, co oca ruyabeto busirã, co cuto gãna ruyabeto, ito yicõri co butu gãna ruyabeto ñacã ña. Cõija jediado manicã

Īna. Yutabujuri botirise sãñacõri Īna ya ãmorijũ rujaño caeri rucocã Īna. <sup>10</sup> Ado bajiro oca sëoro awasã basicã Īna:

Dios rotira cumurojũ rujigũ, Ī ñami manire masorocũ. Ito yicõri Oveja Macũ ĩ cãni manire masorocati ñami, yicã Īna.

<sup>11</sup> Ito bajiro Īna yiroca riti ángel mesa Diore rucubworã ñajero, bucũrã, juariarã tĩañã mana cãni ujũ ya cumuro riojo Diore rucubworã ñini rũjũcõri Īna ya rio sita cõoro muqueacã Īna. <sup>12</sup> Diore rucubworã ado bajiro yicã Īna:

Mũ ña rucubworũ. Mũ ña rëtoro ñasagũ. Mũ ña rëtoro masigũ. Mũ ña rëtoro queno yigũ. Mũ ña masa jeyaro Īna rucubwogũ. Mũ ña rëtoro sëogũ. Ñimũ gãji mũ rëtoro sëogũ maquĩji. Mũ ña Dios gũa Ujũ. Ito bajiroti ñatĩñama mũ. Ito bajiroti bajitũñajaro. Itocõ ña. Amén, yicã Īna.

<sup>13</sup> Ito yija sīgũ bucũgũ yũre seniñaquĩ:

—¿Ñimarã ñati botirise sãñarã? ¿No gãna wadiyijari Īna? yiquĩ ĩ yũre.

<sup>14</sup> Ito ĩ yijare ado bajiro cãdicũ yũ:

—Masibea yũ. Mũ mũari masigũja. Yũre gotiya, yicũ yũ ĩre.

Yũ ito yijare:

—Īna ñama bũto tũbujabojarãti Īna ñeñaro yirisere jidicãcõri, rãmũa ujũre rëtocũana. Īna ñeñaro yirisere coeñi Oveja Macũ, ĩ ya rina. Ito bajiri yutabujuri boti quenarise sãñama Īna, yiquĩ ĩ yũre. <sup>15</sup> Ito bajicõri ujũ ya cumuro riojo Diore rucubwo ñama Īna. Ito yicõri ĩ ya wire ãmũa, ñami cãni ĩre moã ĩsiamã Īna. Ito bajiri ĩ masirisena ĩnare codetĩñagũ yiguĩji Dios. <sup>16</sup> Ito bajiri juaji ñiocõmena yirãji Īna. Juaji idi ãmomena yirãji Īna. Ito yicõri ãmacañi juaji asi jeobicũ yiguĩji ĩnare. Ito bajiri asirise tuoĩamena yirãji Īna. <sup>17</sup> Ujũ ya cumuro riojo ñagũ Oveja Macũ, ĩnare codegũ yiguĩji. Oveja coderi masũ robo bajiro ĩnare codegũ yiguĩji ĩ. Ide catitĩñare gaye idijaro Īna yirocũ, ĩnare tũa wacũ yiguĩji Oveja Macũ. Īna ya cajeari yago ide wejacãgũ yiguĩji Dios. Ito bajiri wanrã, tũdi otimena yirãji Īna ĩja, yiquĩ ĩ yũre.

## 8

### *Rũyarijũ suobiarajũ ñigãre gaye*

<sup>1</sup> Ito yija Oveja Macũ juã ãmojeno suobiarajũ rũyarijũ ñigãquĩ ĩja. Ito bajiro ĩ yiroca yoa busari treinta minutocõ ãmacũju macãrucãroju oca manoti ñacũ.

<sup>2</sup> Ito bajija bero juã ãmojeno ángel mesa Dios riojo ĩna rãgõja ticũ yũ. Juã ãmojeno trompeta jutiragari boca ãmicã Īna. <sup>3</sup> Ito yija gãji ángel oro tẽroju soeja suti quenarise sãcõri ejaquĩ. Diore rucubworã ĩna soe ĩsotira casabo riojo rãgõquĩ ĩ. Ito yicõri jaje soeja suti quenarise boca ãmiquĩ ĩ. Iti ñacũ, Dios ñarã Diore ĩna busiroca soe ĩsiroti. Ito yicõri ujũ ya cumuro riojo Diore soe ĩsira casabojũ Diore soe ĩsiquĩ ĩ. Orona ĩna menira casabo ñacũ iti casabo. <sup>4</sup> Ito bajiro ĩ soe ĩsija bueri queno suti quenarise bue ejacũ Diore. Dios ñarã ĩre ĩna busirise cãni ejacũ ĩ tũ. <sup>5</sup> Ito yija ángel Diore ĩna soe ĩsira casabo gaye ĩ rucori tẽroju rĩti yorise sã dajoquĩ. Ito yicõri adi sitare rĩti yorise yua queoquĩ. Ito bajiro ĩ yijare bũjo ĩ borea yirise ñacũ. Bũjo oca cãni ruyucũ. Ito yicõri guĩjoro ruyucũ. Ito bajicõri sita ñecũ. Ito bajirise ticũ yũ, yũ cãiroju.

### *Jutiragari gaye*

<sup>6</sup> Ito yija bero trompeta wame cãtirisena jutirona rucocã yucãcã ángel mesa juã ãmojeno ñarã.

<sup>7</sup> Cajero gagũ jutisũoquĩ. ĩ jutirocati ide bũra cujiri sitajũ quedi queacũ. Ito yicõri jea ãjũrise rĩ wasarise quedi queacũ. Iti quedi quearoca sita gadareco

adojua busacō na jedicoacu. Yucu cuni gūhareco adojua busacō nacu. Ta cati cuni na jedicoacu.

<sup>8</sup> Ito bero gagu ángel jutiquí. Í jutirocati gātágū bajiro újucōri riaca jajosaju quedi roacu. Ito bajiroca riaca jajosa gūhareco adojua busacō rí godo wedicu.

<sup>9</sup> Ito bajiri riaca jajosa gāna gūhareco adojua busacō cō jedicoacā ĩja. Ito yicōri gūhareco adojua busacō cuma busari ruja jedicoacu ĩja.

<sup>10</sup> Ito bero gagu ángel jutiquí. Í jutirocati ūmacūju gagu űocōa jaigu quediquí. Jea újuriſe busu bajiro quediquí ĩ. Riacari, ide ūmaburi gojeri gūhareco adojua busacō quedi roaquí ĩ. <sup>11</sup> “Sūerise”, wame cutiquí ĩ űocōamu. Ito bajiri gūhareco adojua busacō sūerise godo wedicu ide. Ito bajiri itire idicōri masa jājarā godacā.

<sup>12</sup> Ito bero gagu ángel jutiquí mucana. Í jutirocati ūmacañi ūmua gagu gūhareco adojua busacō űeñaquí. Ito yicōri űami gagu gūhareco adojua busacō űeñaquí. űocōa cuni itocōti űeñacā. Ito bajiri gūhareco adojua busacō busubiticā ĩna. űmua gagu juariajiri cōrecō busubitiquí. űami gāna cuni iticōti busubiticā.

<sup>13</sup> Ūmacūju ti mucoca yigu, ga ĩ wutija ticu yu. Ado bajiro oca sēoro busi ruyuquí ĩ:

—Bujato bajiro wado ya adi sita gānare. Ūdiarā ángel mesa jutimena ĩna jutiroca buto tōbujarā yirāji adi sita gāna. Bujato bajiro yiroja ĩnare, yi ruyuquí ĩ yu tuoja.

## 9

### *Susabiti goje gaye*

<sup>1</sup> Ito bero co dajamo űagū ángel jutiquí mucana. Í jutirocati sīgū űocōa robo bajigu ado jaju ĩ quedi queaja ticu yu. Quedi queacōri susabiti goje soje janado boca āmiquí ĩ. <sup>2</sup> Ito yicōri iti sojere janaquí ĩ. Í janagoroca jairo újuriſe bueri robo bajiro mujacu. Jairo bue dajacōri rāiticoacu. Ito bajicōri ūmacañi cuni ruyubitiquí. <sup>3</sup> Iti bueri wato űimia jājarā wuti atacā adi macārucārore. Cotiwāja robo bajiro toarā űacā ĩna űimia. <sup>4</sup> “Tare, yucare, oteja judirisere cuni ba űeñobesa muu”, Dios ĩ yicāna űañi ĩna. “ ‘Āni űami Dios yagu’, wame wāñamenare riti usirioro yiba muu”, Dios ĩ yicāna űañi ĩna. <sup>5</sup> “Masare usirioro yiba”, Dios ĩ yiana űabojarāti, “Masare sīama”, ĩ yiana meje űañi ĩna. “Co dajamocō ūmacañicō masare rujari juniroca yiba”, Dios ĩ yicāna űañi ĩna. Masare rujari juniroca ĩna yija, cotiwāja ĩ toaro bajiro junirā űacā ĩna. <sup>6</sup> Iti rumari iti ejaroca buto goda āmorā yirāji masa. Ito bajibojarocati goda masimena yirāji ĩna. Ejori goda āmbojarāti godamena yirāji ĩna.

<sup>7</sup> Yu tija űimia cabarua robo bajirā űacā. Gāmeri sīarona űa yucāna robo bajiro bajicā ĩna. ĩna ya rijogari joe oro bedori bajirise jesacā ĩna. Ito yicōri ĩna ya riori, masu rio bajiroti bajicu. <sup>8</sup> ĩna ya joa romia joa bajirise űacu. Ito yicōri ĩna ya guji yai guji bajirise űacu. <sup>9</sup> ĩna ya ruju cuní gaye come wero robo bajirise űacu. ĩna wutija ĩna ya caerori cabarua jājarā ĩna ūmaquediro bajiro ruyucu. Gāmeri sīarā warā jājarā cabarua tunuricorī ĩna tūa waro bajiro ruyucu. <sup>10</sup> Cotiwāja jotia robo bajiro jotaga cutirā űacā űimia. Ito bajiri co dajamocō ūmacañicō masare rujari juniroca yi űacā ĩna. <sup>11</sup> ĩna űimia űju sīgū űaquí. Susabiti goje gagu űaquí űimia űju. Ángel űagoru űaquí ĩna űju. Hebreo ocana Abadón wame cutiquí ĩ. Griego ocana Apolión wame cutiquí. “Ruyuriori masu”, yireoni űa iti.

12 Ito bajiro rētacu cajero tōbujasuroti gaye. Ito bero juaji gaye ruyacu mɛcana.

13 Ito yija bero gagu ángel jutiqui mɛcana. Ī jutirocati Dios riojo ĩre soe ĩsira casabo juaria saburi sabu cutiri casabo wato oca ruyucu. 14 Ito juti ruyucacare ado bajiro oca goti ruyucu:

—Éufrates wame cutirisa tu juariarā ángel mesa ñagoana sia cūanare ōjaña, yire oca ruyucu.

15 Ito bajiri juariarā ángel mesa ñagoanare ōjaquĩ ĩ. Ĝudareco adojuu busacō masare sĭajaro yirocu, ĩnare ōjaquĩ ĩ. “Iti rodoti, ĩ ũmacañiti, iti ramati, iti horati ĩnare sĭama”, yi goticāna ñañi ĩna. 16 “Doscientos millones surara cabaru joeju jesarā ñama”, yire gaye oca tucucu yu.

17 Ito yirocati yu cāiroju cabaru joe jesarāre ticu yu. ĩna ya ruju cuní gaye ricati riti ñacu. Ĝājerā sĭarise, ĝājerā smearise, ĝājerā bodearise cuní cuticā ĩna. Yai rijoga bajiro rijoga cuticā ĩna cabarua. ĩna ya riseriju bueri, jea, ito yicōri azufre wame cutirise cuní budicu. 18 Iti udiaji gaye cabarua ya riseriju budicati ĝudareco adojuu busacō masare sĭacu iti. Jājarā masare jeana, buerina, ito yicōri azufre wame cutirisena cuní masare sĭacā ĩna. 19 ĩna ya riserina, ĩna ya jotiarina cuní masare sĭa masirā ñacā cabarua. ĩna ya jotiarī ña robo bajiro rijoga cuticu. Ito bajiri ĩna ya jotiarina masa ĩna tōbujaroca yicā ĩna.

20 Jājarāre sĭacā ĩna. ĩnare sĭaja tibojarāti ĩna ñeñaro yirise jidicābiticā ĝājerā. Rāmúare rucubuo jidicābiticā ĩna. Rucuburoona ĩna meniana ñacā. Oro, plata, bronce wame cutirisena, gūta, yucuna cuní menicā ĩna ĩnare rucuburoona. ĩna menire tirise meje, warise meje, tcorise meje ñabojarocati itire rucubuoñacā ĩna. 21 Ĝājerāre sĭa jidicābiticā ĩna. Masare ĩna rojarise jidicābiticā ĩna. Romiare ĩna ajerise jidicābiticā. ĩna rinirise cuní jidicābiticā ĩna.

## 10

### *Dios ñaro gagu ángel papera tunara joti rucogu*

1 Ito yija ĝāji ángel séogū ũmacāju ĩ ruji wadija ticu yu. Ide bueri wato ruji wadiquĩ ĩ. ĩ ya rijoga weca bue bedo ñacu. ĩ ya rio ũmacañi ũmua gagu bajiro yocu. ĩ ya ñicari jea ũjarise curise bucucu robo bajiro bajicu. 2 ĩ ya āmoju papera tunara joti ōjacōri rucoguĩ. Ruji ejacōri ĩ ya ĝubo riojocaduja riaca jajosa cūda roaquĩ ĩ. ĩ ya ĝacodujaga ĝubo boeju cūda cūquĩ. 3 Ito yicōri oca séoro awasāquĩ. Yai awasāro bajiro ruyucu ĩ awasāja. ĩ awasārocati juā āmojeno bujoa busi ruyucā. 4 Bujoa oca ruyurise ucarocu yibojacu yu. Iti ucagu wagu yu yirocati ũmacāju ado bajiro oca ruyucu yure:

—Juā āmojeno bujoa oca ruyurise ĝājerāre gotibesa. Ucabesa itire, yire oca ruyucu yure.

5 Ito yija bero co duja ĝubo riacaju cūda rŕgōcōri gaje duja ĝubo boeju cūda cŕgū, ĩ ya āmo riojocaduja ũmacāju ĩ ñumjoja ticu yu. 6 Riti bajiro yiroja yirocu, “Dios catitñagū ĩ tiro riojo ado bajiro ya yu”, yiquĩ ĩ. Dios ñami ũmacāju macārucārore rujeora. Sita, riacari curise, ito yicōri jeyaro itija ñarise rujeora ñami ĩ. Riti bajiro yiroja yirocu, Dios ĩ tiro riojo ado bajiro ya yu:

—Ñe sejure mano yiroja ĩja. 7 Susagu ángel juā āmojeno ñagu ĩ jutiroca, “Ado bajiro yigu yiguja yu”, Dios ĩ yiado bajiroti yigu yiguĩji ĩ. Jane mejeju masare iti gaye goti jeobisĩ ĩ maji. ĩre goti ĩsiri masare riti gotiñi ĩ. ĩnare ĩ gotiado bajiroti rētaro yiroja ángel susagu ĩ jutija, yiquĩ ĩ.

<sup>8</sup> Ito bajiro ī yija bero ūmacājū oca ruyucati tūdi ruyucu yūre mūcana. Ado bajiro yī ruyucu yūre:

—Ángel ī ya riojocadūja riacaju cūda roacōri, boeju cūda cūgū tu wasa. Papera tunara joti ī rucorise āmiña, yire oca ruyucu yūre.

<sup>9</sup> Ito bajiro iti ruyuja tūcōri, ángel tu wacu yū. Ī tu ejacōri papera tunara jotiācā ĩre senicu yū. Yū senija ado bajiro yūre cūdiqū ĩ:

—Īmo baya. Iti mū baja beroa ide robo bajiro ibisitiro yiroja mū ya rise. Ito bajibojarocati iti mū baja bero ĩeme jiacōri mūre jeraga juniro yiroja, yiqū yūre.

<sup>10</sup> Ito ĩ yirocati āmoju ĩ rucorise papera āmicu yū. Itire āmicōri bacu yū ĩja. Beroa ide robo bajiro ibisiticu iti yū baja. Ito bajibojarocati iti yū baja bero yū ya jeragaju būto junicu. <sup>11</sup> Yū baja beroju ado bajiro yūre gotiqū ĩ:

—“Co butu gāna ruyabeto, co sita gāna ruyabeto, co oca ruyabeto busirāre, ito yicōri ūjarā ĩarocōreti ado bajiro rētarō wado yiroja”, Dios ĩ yire gaye mūcana tūdi goti quenore ĩa mūre, yiqū ángel yūre yū cāiroju.

## 11

### *Jūarā busi ejabuarī masa gaye*

<sup>1</sup> Ito yija bero cōiara jāi, yoari jāi yūre ĩsiqū. ĩsicōri ado bajiro yūre gotiqū ĩ:

—Īmo, āmiña. Yū ya wire yūre rūcūbuorā masa ĩna minijuara wire cōiatēña. Yūre ĩna soe ĩsira casabore cūni cōiama. Ito yicōri yūre rūcūbuorāre cōiama. <sup>2</sup> Yū ya wī riojo ĩari tūcūrore cōiabeja. Yūre boca āmimena ya tūcūro ĩa iti tūcūro. Yū ĩarā meje ĩnama ĩna. Ūdia rodo gaje rodo gūdarecocō yū ya cūto ĩeñaro yī ucūrā yirāji ĩna. <sup>3</sup> Ito bajiri jūarā yū gaye busirā yūre busi ejabua waronare cōagū yigūja yū. Ūdia rodo gaje rodo gūdarecocō yū gayere busi ĩarā yirāji ĩna. Bojori būjarā ĩna sñārise sñāarā yirāji ĩna, yiqū Dios yūre.

<sup>4</sup> Adi macārūcūro Ūju Dios riojo, olivos wame cutiricu juagu ĩna. Ito yicōri jeobusuora tutu juu tutu ĩa. Iti robo bajiro bajirā ĩnama jūarā ĩre busi ejabuarā.

<sup>5</sup> ĩna wajanare ĩna ĩeñaro yī āmoja, ĩna ya riserina jea bucā ĩna. Ito bajiro yicōri ĩna wajanare soe jeocā ĩna. No ĩnare ĩeño āmorāre ito bajiroti soecā ĩna. <sup>6</sup> Ide quedire ĩna āmobeja, idere camota masirā ĩnacā ĩna. Dios gaye ĩna riasoroca ide quedibe yirona camotacā ĩna. Idere rī iti godo wediroca yī masirā ĩnacā ĩna. Ito yicōri adi sita ĩarise jeyaro iti juniroca yī masirā ĩnacā ĩna. ĩna āmorocō yisoticā ĩna itire.

<sup>7</sup> Diore ĩna busi ejabuarise gajanoaroca sūsabiti goje gagu guijogu ĩna tu mūja ejaqū. ĩnare ĩna rētocūqū ĩ. Ito yicōri ĩnare sīaquī ĩ. <sup>8</sup> ĩnare sīacōri jaja cūto ma gūdareco ĩna ya rujūre cūqū sūsabiti goje gagu. Mani Ūjūre ĩna sīara cūto ĩacu iti cūto. Iti cūto gāna ĩeñaro yirā ĩari Sodoma cūto gāna, ito yicōri Egipto gāna bajiro bajirā yicā ĩna. <sup>9</sup> Ūdia rāmū gaje rāmū gūdarecocō majū Diore busi ejabuarī masa ya rujūri cūñacu. Masa jeyaro, co butu gāna ruyabeto, co oca ruyabeto busirā, co sita gāna ruyabeto ĩna ya rujūre ticā. ĩna yuje āmbojarocati masare camota ĩnaqū sūsabiti goje gagu. <sup>10</sup> Busi ejabuarī masa jūarā ĩna godaja ticōri, wanūcā adi sita gāna. Wanūsarā ĩarā basa menicā ĩna. Ito yicōri waja manoti gāmeri gajeoni ĩsicā ĩna. “ĩna jūarā Diore busi ejabuarī masa tūdi manire ūsirioro yimenaji”, yī tūoīarā wanūcā iti cūto gāna.

<sup>11</sup> Ito bajibojarocati ūdia rāmū gaje rāmū gūdarecocōti ĩre busi ejabuarā jūarā tūdi ĩna catiroca yiqū Dios. Ito bajiro ĩ yijare wāmū rūgacā ĩna. ĩnare



ti ñabojana İna wamũ rügüja, ti ƛsacã. <sup>12</sup> Ito yija bero oca sëoro ũmacũju oca ruyucu İna jüaräre:

—Adojuũ muja waya, yire gaye oca ruyucu İnare.

Ito yija bero ide buerina muja wacã İna İja. Ito bajiro İna muja waja, İna wajana ñabojana İnare ticã. <sup>13</sup> İna muja warocati adi sita buto ƛesu. İti cutore mil wiri iti ñaja, cien ñari wiri juja quedicũ. Sita ƛerisena siete mil ñarã masa godacã. Gãjerã cati rayarã ti ƛsacõri güicã İna. Ito bajiri ũmacũju gagũ Diore rücuũocã İna.

<sup>14</sup> Ito bajiro rëtarise adi räca masa İna töbujarise juaji rëtasuocu. Nocõ mejeti mscana masa İna töbujaroti rëtacũ.

### *Jua ãmojeno ñagũ Dios ñaro gagũ İ jutire gaye*

<sup>15</sup> Ito yija bero susagu jua ãmojeno ñagũ ángel jutiquĩ. İ jutirocati ũmacũju oca sëorise ruyucu yũ tuoja. Ado bajiro yi ruyucu iti:

Adi macãrucũro gãna ñajediro rotirona ñama Dios mani Uju, ito yicõri Cristo cuni. Ujarã roti masirã ñatĩñarã ñarã yirãji İna, yire oca ruyucu ũmacũju yũ tuoja.

<sup>16</sup> Ito yiroca veinticuatro ñarã bucuãrã Dios riojo uju ya cumuroriju rujirã İni rüjũcõri sitaju İna ya rio muqueacã İna. Ito bajiro yicã İna Diore rücuũuorã.

<sup>17</sup> Ado bajiro buci ruyucã İna:

Gũare queno ya gũa Uju mũ. Rëtoro masigũ ña Dios mũ. Ñimũ gãji mũ robo masigũ mamĩ. İti rãmũju gagũ ña mũ, adocãta gagũ cuni. İjariju cuni ñatĩñagũ yigũja mũ. Buto masigũ ñari adocãta masare rotisũoa mũ. Ito bajiri, “Queno ya mũ”, ya gũa mũre.

<sup>18</sup> Mũre masimena co sita gãna ruyabeto mũre ti junisinicã İna. İna töbujaroca mũ yira rãmũ ejacoaju İja. Ito yicõri godaräre waja mũ seniri rãmũ ejacoaju. Mũre moa İsicõri İna mũre goti İsire waja, waja yira rãmũ ejacoaju İja. Mũ ñarã mũre rücuũuonare mũ waja yira rãmũ ejacoaju. Ñasarã, ñasa menare cuni mũ ñarã İna ñajare İnare waja yigũ yigũja mũ. Ito yicõri adi sita gãnare ñeñaro yirãre mũ ruyurioroti rãmũ ejacoaju, yicã veinticuatro ñarã bucuãrã Diore rücuũuorã.

<sup>19</sup> Ito yija bero ũmacũju Dios ya wi iti janaja ticũ yũ. İti wi totiju Dios İ rotirise sãñari jedo iti ñaja ticũ yũ. İti yũ tirocati bujo jaquĩ. Ito yicõri buto buciquĩ. İti wato guijorise ruyucu. Sita cuni ƛesu. Ito yicõri ide buãra cujiri guijoro jaje quedicũ.

## 12

### *Romio tũ jino robo bajigu bucuũ İ ejare gaye*

<sup>1</sup> Ito bero ũmacũju ijariju rëtaroti ruyucu yũre. Ũmacañi İ yorise bajirise saya sãñacõ iso romio. Ũmacañi ñami gagũ joe rügõcõ iso. Iso ya jesara bedoju jua gũbojeno ñocõa ñacã. <sup>2</sup> Macũ sãñagõ ñacõ iso. Ito bajiri macũ cõgõ awasãcõ. İti junijare oca jai ñacõ iso. <sup>3</sup> ũmacũju ija rëtaroti gaye gaje ruyucu. Iso tũ jino robo bajigu sũagũ bucuũ ñaquĩ. Jua ãmojenogãri rijoga cutiquĩ İ. Jua ñajamocõ saburi sabu cutiquĩ. Ito yicõri co rijoga ruyabeto jesara bedo jesaquĩ. <sup>4</sup> Ñocãre gũdarece adojua bucuũ İ ya jotiana ja ñajõquĩ İ. Ito bajiri sitaju quedi queacã İna ñocõa. İ jino robo bajigu bucuũ, macũ cõgõ tũ tujaquĩ. “İ rujearocati İre bacũja”, yirocu tujaquĩ İ. <sup>5</sup> Ito İ yiroca ũmũgũ macũ cuticõ iso. Masa jeyaro Uju ñarocu ñaquĩ İ. Dios İ cũru ñari sëoro rotĩ masiquĩ. Iso rucõja bero uju ya cumuro Dios İ rujiro tũ İre ãmi ejacã İna. <sup>6</sup> Ito yirocati masa

manojm rudicoacõ macuacã jaco. Itojm iso ñarotijm ñacãcu Dios ï cõrajm. Itojm mil doscientos sesenta rumari codequĩ Dios isore.

<sup>7</sup> Ito yija bero õmacõjm ñna gãmeri sãaja ticu ym. Ángel mesa Miguel õjm rãca ñarã, ángel mesa ñagoana jino robo bajigm bucu ñarã rãca gãmeri tãcã ñna. <sup>8</sup> Miguel mesare rõtocõbiticã ñna. Ito bajiri õmacõjm Dios tu ñna masibiticã ñna ñja. <sup>9</sup> Ito bajiro ñna yijare jino robo bajigm bucu bucõaquĩ Dios. Dios ï bucõaruti ñami rãmúa õjm Satanás wame cutigm. Ñti ñami jane mejejm jino robo godo wedim. Ñti ñami masa jeyarore ruõgm. Ñ ñarã Dios tu ñagoana rãcati bucõaquĩ Dios adi sitajm ñna ñatoni.

<sup>10</sup> Ito yija õmacõjm oca sõoro ado bajiro ruyucu:

—Masare masorocu ñacãmi Dios ñja. Ito bajiri mani õjm ñarocu ñami ï. Ñ masirise cuni ñorocu ñacãmi. Ñ Maçu Cristo cuni ï masirisena rotirocu ñacãmi. Rãmúa õjare bucõacacu ñami ï. Ñ bucõaruti ñami Cristore tuorõnũrãre oca menigũ. Ñmua, ñami cuni Dios ï tiro riojo mani ñarãre oca meni õmobojaõgm, “Seti cutiama ñna”, yisotibojami ï Diore. <sup>11</sup> Mani ñarãjua ñre rõtocõcã ñna. “Ñ ya rina mani ñeñaro yirisere coe jeõgm yiguõji Oveja Macu”, yi tũõiacõri rãmúa õjare rõtocõcã ñna. “Cristo oca mani riasoja ticõri, manire sãrã yirãji”, yi tũõia gãibiticã ñna. “Manire ñna sã õmobojarocati Dios ocare jidicãmenaji mani”, yi tũõiacã ñna. Ito bajiro yicõri rãmũre rõtocõcã ñna. <sup>12</sup> Rãmũre ñna rõtocõja ticõri, wanũña õmacõjm gãna mũa. Mũa adi sita gãnareama bujato bajiro yiroja. Mũa riaca jajosa gãnare cuni bujato bajiro yiroja. Mũa tujm rujiõami rãmũ ñja. Ito bajiri bujato bujarã wana ya mũa. “Yoari mejeti ym tõbujaroca yigm yiguõji Dios”, yirocu bũto junisiniami rãmũ adocãta, yi ruyucu oca õmacõjm.

<sup>13</sup> “Adi sitajm cõami Dios yure”, yi ti masicõri, romio macu ruõcorore sũyaquĩ jino robo bajigm bucu. <sup>14</sup> Isore ï sũyabojarocati ga caero jua caero curise bucu isore ñsicã ñna iso wõttoni. Ito bajiri masa manojm iso ñarõjm jinore wuti rudi wacõ iso. Itojm udia rodo gaje rodo gãdarecocõ isore bare ecacõri tirãnu ñnaquĩ Dios. <sup>15</sup> Iso rudija ticõri, isore sã õmoquĩ jino robo bajigm. Ito bajiri ï ya risena ide buquĩ isore rurocu. <sup>16</sup> Ito bajiro ï yibojarocati sita ejabuacu isore. Rãmũ ide ï bubojare sitati udi õmi jeocõcu. <sup>17</sup> Iti ito bajija ticõri, bũto romiore junisiniquĩ jino robo bajigm. Isore sã masibiticõri iso janerãbatiare tãgũ waquĩ rãmũ. Ñna ñama Dios rotirise cudirã. Ito yicõri Jesucristo oca tuorõnu sũyarã ñari bojomenati masare goti batorã ñama ñna. <sup>18</sup> Ñnare sã õmogũ jino robo bajigm riaca jajosa tunima jajum bocati ñacãquĩ ï, ym cãirojm ym tija.

## 13

### *Jãrã guijorã tiya mana gaye*

<sup>1</sup> Ito bero ym cãirojm sãgũ guijõgm tiya macu ï maja wadija ticu ym. Jua õmojenogãri rijogari cutigm ñaquĩ ï. Jua dujamocõ saburi cutiquĩ ï. Co saburi ruwabeto come bedori jesacu. Ñ ya riowecarijm wame wãñacu. Wame ñeñarise iti ñajare itire ti te ñaquĩ Dios. <sup>2</sup> Ñ guijõgm ym ticacu, yai robo bajiro bajiquĩ. Oso wame cutigm bajiro curise gãbu cutiquĩ ï. Yai jaigm bucu robo bajiro rise cutiquĩ ï. Guijõgare queno ï masiroca yiquĩ jino robo bajigm. Ito yicõri ï rujiri cumurojm ñre rojoquĩ guijõgare. Ito yicõri masare ï roti masiroca yiquĩ jino robo bajigm. Ito bajiri jino robo bajigm bajiroti roti masiquĩ guijõgm cuni. <sup>3</sup> Guijõgm coga ï ya rijogajm ñre ñna sãbojare camĩ cutiquĩ ï. Ñ ya camĩ yaticoayija ym tija. Ñ catija ticõri, adi sita gãna ñarocõti ñre ti uacã. Ito bajiri ñre rãcũbuõ sũyacã ñna. <sup>4</sup> Guijõgm ï roti masiroca jino robo bajigm ï yijare, jino bucuõjare

rūcubuoḱā masa. Ito yicōri guijogure cūni rūcubuoḱā ĩna. ĩre rūcubuoḱā ado bajiro yicā ĩna:

–Ñimū gāji āni guijogu robo bajigu mami. Ñimū gāji ĩre tā rētocūgū mami, yi rūcubuoḱā masa guijogure.

<sup>5</sup>“Yū ĩa rētoro ñasagu. Ñimū gāji yū robo bajigu maquĭji”, yiquĭ guijogu. Ito yicōri Diore ñeñaro busituquĭ ĩ. Cuarenta y dos ũmacañicō roti ñaquĭ ĩ. Ito bajiro ĩ yija ticōaquĭ Dios. <sup>6</sup>Dios ĩ tuoro riojo ĩre busituquĭ ĩ. Dios wamere ñeñaro busituquĭ ĩ. Dios ya wire cūni ñeñaro busituquĭ ĩ. Ito yicōri ũmacāju gānare cūni busituquĭ ĩ. <sup>7</sup>Dios ñarā rāca gāmeri tācōri ĩnare rētocūquĭ ĩ. Ito bajiro ĩ yibojarocati ticōaquĭ Dios ĩre. ĩre rēobitiquĭ Dios maji. Ito bajiri co butu gāna ruyabeto, co cuto gāna ruyabeto, co oca ruyabeto busirā, ito yicōri co sita gāna ruyabeto roti ñaquĭ guijogu. <sup>8</sup>Adi sita gāna ñajediro ĩre rūcubuo jedicā ĩna. Adi macārācārore Dios ĩ rujeoroto riojuaju, “Āna ñama yū ñarā, catitĭñarona”, yiaro wame wōcāni ĩ ya pāpera tutiju. Iti tutire rucogu ĩ ñami Oveja Macu, ĩna sĭaru. Iti tutiju wame wāñamena guijogure rūcubuoḱā ĩna, yū cāiroju.

<sup>9</sup>No gāmo goje cutirā tuoya. <sup>10</sup>“Seti cutirā ñama ĩna”, ĩna yi ñia āmi warāma, tubiara wiju āmi warā yirāji. Ito yicōri, “Seti cutirā ĩna ñajare sarera jāina ĩnare sĭaja quena”, ĩna yianare sarera jāina sĭarā yirāji ĩna. Ito bajiri mani Dios ñarā ñari mani tōbujabojaja cūni tōiā usirio yibitiraja manire. Ito yicōri Diore tuorānu jidicābitiraja manire.

<sup>11</sup>Ito yija bero gāji guijogu sitaju ĩ joeja wadija ticu yū. Juu sabu mutacā oveja macu saburiacā robo bajiro sabu cutiquĭ ĩ. Ito bajibojarocati jino oca robo bajiro ruyucu ĩ busija. <sup>12</sup>Cajero gagu guijogu ĩ bero gagure ĩ robo bajiro ĩ roti masiroca yiquĭ ĩ, ĩre. Ito bajiri masa ĩna sĭabojaru camĭ cutigure masa ĩre rūcubuoḱā yiquĭ ĩ, bero gagu. <sup>13</sup>ĩ cūni masa tiro riojo guijorise tiyamani ũoquĭ. Masa ĩna tiro riojo ũmacāju gaye jea ũjurise jacaju iti quedi quearoca yiquĭ ĩ. <sup>14</sup>Ito bajiro masa ĩna tiro riojo tiyamani ĩ ũoja, ĩnare ruogu yiquĭ ĩ. Cajero gagu guijogu ĩ ñaroca riti tiyamani ũosotiquĭ ĩ bero gagu. Cajero gagu guijogu ruju robo bajiro masare meni rotiquĭ bero gagu. Cajero gagu guijogu ĩ ñaquĭ sarera jāina ĩna camĭ menibojaru. ĩ ya ruju robo bajiro masare meni rotiquĭ bero gagu. <sup>15</sup>Masa ĩna meni rujeoja ticōri, ĩna menirure catiocōri ĩ busiroca, bero gagu guijogu ĩ yi masiroca yiquĭ cajero gagu guijogu. Ado bajiro gotiquĭ ĩna meni rujeoru: “Yure rūcubuoḱāmenare sĭaja quena”, yi rotiquĭ yū cāiroju. <sup>16</sup>Ito yija masa ñajedirore ĩna ya āmo riojocadajare, ito yicōri ĩna ya riowecare wame wō rotiquĭ ĩ. Ñasari masa, ñasamenare cūni, niyeru jairā, bojoro bujarā, queno ĩna āmoro robo ñarāre cūni, gājerāre moa ĩsiri masare cūni ĩna ñarocōreti wame wō rotiquĭ ĩ. <sup>17</sup>Waja āmorā ĩna ĩsi āmobjarocati gāmeri ĩsire manicu, wame wāñamenare, ĩrēojare. Guijogu wame ito yicōri ĩ ya número wāñamenare waja gāmere manicu ĩnare.

<sup>18</sup>“Ito bajiro yireoni ña iti número”, mani yi masi āmoja, queno itire riasotija quena. Iti número ũmugū wame yireoni ña. Ado bajiro bajicu iti número, seiscientos sesenta y seis ñacu.

## 14

### *Dios ĩ masoana ĩna basare gaye*

<sup>1</sup>Ito bajija bero Sĭón wame cutiri buro joe, Oveja Macure ĩ rügōja ticu yū. Ciento cuarenta y cuatro mil ñarā ñacā masa ĩ rāca. ĩna ya riowecariju Oveja Macu wame, ito yicōri ĩ Jacu wame wāñacu ĩnare. <sup>2</sup>Ito bero ũmacāju oca ruyucu. Gāta iti udiro bajiro, bujo buto ĩ jaro bajiro, ito yicōri arpa wame

cūtirise jājarā basa ĩna meniro bajiro ruyucu. <sup>3</sup> ĩnararā tīaña mana catirā, ito yicōri veinticuatro ñarā bucārā Dios rotira cumuro tu ñacā. ĩna riojo ciento cuarenta y cuatro mil ñarā mame basa sēcā ĩna. Adi sita gāna Dios ĩ masoana riti basa sēa masicā itire. <sup>4</sup> ĩna ñacā romia rāca ajeīamena. Ñeñaro yi āmobicōri romiare ajeīabiticā ĩna. Oveja Macure cudicōri no ĩ waroju ĩ rāca wacā ĩna. Adi sita gāna Dios ĩ masoana ñacā. Ito bajiro bajirā ñari ĩna ñacā cajero Oveja Macu ñarā, ito yicōri ĩ Jacu ñarā ñasuoana. <sup>5</sup> ĩna wato sīgū socagu maniquī. Dios ĩ tiro riojo seti mana ñacā ĩna.

### *Dios ñaro gāna ũdiarā*

<sup>6</sup> Ito bero gāji ángel ũmacūju ĩ wūtija ticu yu. ĩ ñaquī, “Masare masogū yiguūji Dios”, yire oca gotigu. Wasoa ecobeto yiroja iti ñatñaroti ñari. Co sita gāna ruyabeto, co butu gāna ruyabeto, co oca ruyabeto busirā, ito yicōri co cuto gānare ruyabeto iti oca busirocu ñaquī ĩ. <sup>7</sup> Ado bajiro sēoro busi ruyucu ĩ:

—Jeyaro masigū Dios ĩ ñajare, ĩre gūija quena. Ito yicōri ĩre rucubuoja quena. Masa ĩna ñeñaro yirise waja, waja senira rumu ejacoaju ĩja. Dios ĩ ñami ũmacūju, jacaju cuni, riacari, ide ũmaburijari cuni meniru. Ito bajiro yiru ĩ ñajare ĩre rucubuoja quena, yi ruyucu ángel ũmacūju.

<sup>8</sup> Ito bero mucana gāji ángel ĩ wūtija ticu yu. Ado bajiro busi ruyucu ĩ:

—Babilonia wame cūtiri cūto, ito yicōri iti cuto gānare cuni ruyuricoqui Dios. Babilonia gāna gājerā ĩna ñeñaro yitoni ũsirio codecā ĩna. Sīgū ũyé ide queagu ĩ ũsirio codero bajiro yicā ĩna, yi ruyucu ángel.

<sup>9</sup> Ito bero gāji ángel ticu yu. ĩna ũdiarā ticu yu jeyaro. Ado bajiro oca sēoro busi ruyucu ĩ:

—Guijogare rucubuoarē ĩna tōbujaroca yigu yiguūji Dios. ĩ ya ruju ĩna meni rujeorare rucubuoarē cuni ĩna tōbujaroca yigu yiguūji Dios. ĩ wamere ĩna ya āmoju, ĩna ya riowecaju wō rotirāre ti junisinigū yiguūji Dios. Ito bajiri ĩna tōbujaroca yigu yiguūji ĩ. <sup>10</sup> Ado bajiro bajia iti. ũyé ide, ide wuoja mani buto rīarise ñacu. Iti ũyé ide buto rīarise wuoja mani robo bajiro buto ĩna tōbujaroca yigu yiguūji Dios. No guijogare rucubuoarē jeame ũjaroju cōagu yiguūji Dios. Jeana, azufre wame cūtirisena cuni tōbujarā yirāji ĩna. Oveja Macu ĩ tiro riojo ángel mesa ĩna tiro riojo cuni tōbujarā yirāji ĩna. <sup>11</sup> ĩna ũarime gaye bueri buetarobjetoja. Ito bajiri guijogare rucubuoarē ĩna tōbujarise jedibeto yiroja. ĩna meni rujeorare rucubuoarē, ito yicōri ĩ wame wō rotiana cuni ito bajiro tōbujarā yirāji ĩna. <sup>12</sup> “Ito bajiro tōbujarā yirāji ĩna”, yi tūoīacōri, Dios rotirisere queno cudiba mna, ĩ ñarā ñari. Jesure tūorānu jidicābeja mna. Mna tōbujabojaja cuni ũsirio beja, yi ruyucu ángel ũmacūju.

<sup>13</sup> Ito yija bero gaje oca ruyucu yure ũmacūju. Ado bajiro yure yi ruyucu iti:

—Yu mare gotirisere ucaya. No Diore tūorānu jidicāmena ĩna godabojaja cuni wana quenarā yirāji, yi ruyucu oca yure.

Gaje ado bajiro yi ruyucu Espiritu Santo:

—Riti baja. ĩna moarise jidicācōri, tujacārā yirāji ĩna. ũmacūju ĩna ejaroca queno ĩna yigorere waja yigu yiguūji Dios ĩnare, yi ruyucu Espiritu Santo.

### *Diore tūorānuarē miojucōri ĩ āmire gaye*

<sup>14</sup> Ito yija ide bueri queno botirise ticu yu. Ide bueri joe Masa Rījoru robo bajigu rujiquī. Oro bedo jesaquī ĩ. ĩ ya āmoju yoara jāi odiri jāi racoquī ĩ. <sup>15</sup> Ito yija gāji ángel Dios ya wiju ĩ budija ticu yu. Ide bueri joe rujigare oca sēoro ado bajiro busi ruyucu ĩ:

—Macãrucãro rica boticoajũ. Rica ãmirajũ ejacoajũ Ìja. Ito bajiri ricare jata ãmiña Ìja, yi bũsi ruyucuĩ ángel.

<sup>16</sup> Ito Ì yija tuocõri, ide bueri joe rujigu Ìre tuorũnurãre miojucõri ãmiquĩ. Ricare jata ãmigũ robo bajiro yiquĩ Ì.

<sup>17</sup> Ito bero ùmacãjũ Dios ya wiju ángel gãji budiquĩ mũcana. Ì cãni yoara jãi odiri jãi rucoquĩ. <sup>18</sup> Ito bero gãji ángel Diore Ìna soe Ìsisotira casabo jea codegu budiquĩ. Odiri jãi rucojure sãoro ado bajiro bũsi ruyucuĩ:

—Macãrucãro gaye uyé ñicoajũ Ìja. Ito bajiri mũ ya yoara jãi odiri jãina jata ãmiña, yi bũsi ruyucuĩ yũ tuoja.

<sup>19</sup> Ito Ì yija tuocõri, Ì ya yoara jãina adi sita ricare jata ãmiquĩ Ì. Ìmicõri iti ide bijerotijũ cũquĩ Ì. “Masa Ìna ñeñaro yirise ti junisinicõri bũto Ìna tũbũjaroca yigu yiguĩji Dios”, yireoni ña iti. <sup>20</sup> Cũto sũjuajũ ide bije ecocuĩ iti uyé. Iti bijeja riaca robo bajiro wacu ri. Trescientos kilõmetrocõ yoacu itiya riaca. Cabaru ya wayugacõ ãcacũ itiya.

## 15

### *Jua ãmojeno Dios ñaro gãna ñarise ruacorã*

<sup>1</sup> Ito bero mũcana ùmacãjũ tiyamani guijorise ticũ yũ. Ángel mesa jua ãmojeno ñarãre ticũ yũ. Ija rãtaroti gaye jua ãmojeno ñarise Ìna rucoja ticũ yũ. Iti ñacu masa Ìna ñeñaro yirisere ti junisinicõri Ìna tũbũjaroca Dios Ì yisũsaroti.

<sup>2</sup> Ito yija riaca jajosa ide ruyurisa, jea wũsarisa ticũ yũ. Itiya tũ masa jãjarã Ìna rũgõja ticũ yũ. Ìna ñacã guijogure, ito yicõri Ì rujure bajiro masa Ìna meni rujeorure rãtocũana. Ìna ya riowecare guijogu ya nũmero wãñarã meje ñacã Ìna. Riaca jajosa ide ruyurisa tũ rũgõcã Ìna. Arpa wame cutirise basa ejabũare Dios Ì Ìsire rucoacã Ìna. <sup>3</sup> Moisés Diore moa Ìsiri masũ ñayoru Ì basayore basacã Ìna. Oveja Macure wanurã ado bajiro basacã Ìna:

Dios, mũ ña rãtoro masigũ. Ñimũjua gãji mũ robo masigũ mami. Jeyaro mũ rujeore ticõri, quenarise iti ñaja, ti uca gũa. Jeyaro mũ yirise quenarise ña. “Ado bajiro yigu yiguja yũ”, mũ yija, yi robo yigu ña mũ. Co sita gãna ruyabeto, masa jeyaro Ujũ ña mũ.

<sup>4</sup> Noajua mũre gãimena mama Ìna. Ito yicõri noa mũre rãcũbũomena mama. Mũ sũgũti ña coji ñeñaro yĩabicũ. Queno mũ yirisere ticõri, masa jeyaro mũre rãcũbũorã yirãji, yicã Oveja Macure basarã.

<sup>5</sup> Ito bero ùmacãjũ Dios ya wi iti janaja ticũ yũ. Ito yicõri Dios Ì ñari sãa iti janaja ticũ yũ. <sup>6</sup> Itojũ Dios ya wiju jua ãmojeno ángel ñarise ruacorã Ìna budija ticũ yũ. Yutabuju ueri mani queno botirise sãñacã Ìna. Ito yicõri Ìna ya wẽñura wi ro goye ñacu. Usi riojocõ sũsacu iti wi ro. <sup>7</sup> Ito yija sũgũ juariarã ñagũ tĩãña macũ jua ãmojeno ángel mesare oro tãrori Ìnare Ì Ìsija, ticũ yũ. Ija masa Ìna tũbũjaroca Dios Ì yiroti dajacoacu iti tãroriju. Dios ñami catitũñagũ. <sup>8</sup> Ì Ìsirocoti Dios Ì ñasarisenã, Ì masirisenã cãni jea bueri bue dajacoacu Dios ya wi Ìja. Iti bueroca ñimũjua sãjado manicũ. Jua ãmojeno ángel mesa ñarise ruacorãre masa Ìna tũbũjaroca yi rotiquĩ Dios. Dios Ì rotiado bajiroti Ìna gajanoabeja ñimũjua sãjado manicũ Dios ya wiju maji.

## 16

### *Ñarise sãñari tãrori*

<sup>1</sup> Ito bero oca sãoro Dios ya wiju iti ruyuja tuocu yũ. Ado bajiro jua ãmojeno ángel mesare bũsi ruyucuĩ iti:

—Masa İna tōbujatoni m̄ua r̄ucori t̄erori sita joere jio queoya. Iti ña, masa İna ñeñaro yirisere Dios İ ti terise, yi ruyucu ūmacūju.

<sup>2</sup> Ito yija cajero gagu āngel İ r̄ucori t̄ero sita joe jio queoquī. Ito bajiro İ yirocati guijogu ya ruju bajiro İna meni rujeorare r̄ucubuoçōri İ wame wāñarāre İna ya rujurire camı joeacu. Buto cuni junirise ñacu iti camı.

<sup>3</sup> Ito bero jūarā ñagū āngel İ r̄ucori t̄ero riaca jajosaju jio roaquī. İ jio roarocati, rı godo wedicu ide. Godaru rı robo bajirise ñacu iti. Riaca jajosa gāna ñarocōti goda jedicoacā.

<sup>4</sup> Ito bero gāji udiarā ñagū āngel riacariju ide ūmaburi gojeriju cuni jio roaquī. Ito İ yirocati rı godo wedicoacu iti riacari. <sup>5</sup> Āngel ide codegu ado bajiro buı ruyuquī:

—Dios, mu ña ñeñaro yīıabıcu. Jane mejeju gagu ña mu. Ito yicōri adocāta gagu cuni ña mu. Masa İna ñeñaro yirisere ti junisinicōri rı godo wediroca mu yija, quena ña. <sup>6</sup> Mu ñarāre rı budiroca yicā İna. Ito yicōri İnare sıacā İna. Ito yicōri mure goti İsiri masare ito bajiroti yicā İna. Ito bajiri İna rı idiroca mu yija, ito bajiroti quena İnare, yi ruyuquī āngel ide coderi masu.

<sup>7</sup> Ito yija bero Diore soe İsira casaboju oca ruyucu:

—Riti ña. Ito bajiroti baja. R̄etoro masigū ña yu Ūju Dios mu. Nımu gāji mure bajiro masigū mamı. Queno ti masigū ñari, masa İna ñeñaro yiadocōti riojo waja senia mu, yire oca ruyucu Diore soe İsirā casaboju.

<sup>8</sup> Ito bero juariarā ñagū āngel ūmacañi joere jiojeoquī İ r̄ucori t̄erore. Ito bajiro İ yirocati İ asirisena masare soequī ūmacañi. <sup>9</sup> Ito bajiri buto masare soequī İ. Ito bajiro İ yibojarocati, İna ñeñaro yirise jidicābiticā İna. Ito yicōri Diore cuni r̄ucubuoçōti İna. Ado bajiroju yicā İna. Dios ñarise r̄eto masigūre busitucā İna.

<sup>10</sup> Ito yija bero co dujamocō ñagū āngel İ r̄ucori t̄ero guijogu İ rotiri cumuro joe jiojeoquī. Ito İ yirocati guijogu İ rotiri sitare, ito yicōri İ ñarāre cuni ñarocōti r̄aitııacoacu. Buto juni wisirā İna ya ñemeroriti cuni canamuoçā İna. <sup>11</sup> Ito bajibojarocati İna ñeñaro yirisere jidicābiticā İna. İna camı cutiroca Dios İ yijare Diore busitucā İna.

<sup>12</sup> Ito yija bero co āmojeno ñagū āngel İ r̄ucori t̄ero Ēufrates wame cutirisaju jio roaquī. Ito İ yirocati riaca caracoacu, ūmacañi joejea wadiri duja gāna ujarā İna ya surara rāca İna j̄ea watoni.

<sup>13</sup> Ito yija bero r̄umūa udiarā tūja robo bajirā ticu yu. Sīgū jino robo bajigu ya riseju budiru ñaquī. Gāji guijogu ya riseju budiru ñaquī. Gāji, “Diore goti İsiri masu ña yu”, yibojagu ya riseju budiru ñaquī. <sup>14</sup> İna r̄umūa udiarā ñacā, tiyamani İosotiana. Adı sita gāna ujarā ñarocōti minıjuacōri İna gāmeri t̄aroca yicā İna. Iti ñaro yiroja masa İna ñeñaro yirise waja jeyaro masigū Dios İ senısuari rumu. <sup>15</sup> Jesucristo İ godaroto rioju ado bajiro yiyiju İ: “Queno t̄uoııa ña mu. İtocoç ejagu yiguja yu”, yibicutı, riniri masu İ ejaro bajiro ejagu yiguja yu. No yu ejaroti gayere bocatirā, wanu quenarā yirāji İna. İna ya yutabujuri rāca ñacārā bajiro bajirā yirāji İna. Wasoro macu gājerā riojo bojogu bajiro meje bajirā yirāji İna. Yure bocati yucārā ñari wanu quenarā yirāji İnama”, yiyiju Cristo İ godaroto rioju. <sup>16</sup> Ūjarā minıjuacōri İna gāmeri t̄ariju Armagedón wame cutiriju ñacu Hebreo ocana.

<sup>17</sup> Ito yija bero juaga āmojeno ñagū āngel İ r̄ucori t̄ero ūmacūju jio batequī. Ito İ yirocati ūmacūju Dios ya wı oca s̄ero oca ruyucu. Dios İ rotiri cumuroju ado bajiro oca ruyucu:

—İtocoçti ña İja, yire oca ruyucu.

18 Ito yirocati bujo borea yirise ñacu. Ito bero bujo busiqui. Ito yicōri guijorise ruyucu. Ito yicōri sita buto uecu. Adi sita gāna masa ina ñaroca uere rētoro uecu. 19 Ito uerocati jaja cuto Babilonia wame cutiri cuto udiajuju bata rūgūcu. Ito bajiroti adi macārucāro gaye catori sita uerisena ruyuriocōcu. Babilonia gāna ina ñeñaro yirere masi bujaquī Dios. Ito bajiri ñare junisinigū ina ñeñaro yire waja ina tōbujaroca yiquī Dios. 20 Ito bajiroti ruja yogari cuni, gūta yucuri cuni goda jedicoacu. 21 Ito yija bero ūmacūju gaye ide bura kujiri quedicu. Cuarenta kilos rūcarisecō ñacu iti. Ito ñare quedi ejarise tōbujacōri buto ñeñaro Diore busitucā masa.

## 17

### *Wedi maso iso tōbujare gaye*

1 Ito yija jua āmojeno ñagū āngel rujatēro rūcogoru yu tu ejaquī. Ejacōri ado bajiro gotiquī yure:

—Adojua waya. Buto wedi maso ñeñaro iso tōbujaroti gaye mare ōrocu ya. Iso ñamo riaca jajosa gaye ide joe rujigo. 2 Adi sita gāna ujarā ñeñaro yirā ñari iso rāca aje ñacā ina. Adi sita gānare ina ñeñaro yitoni uyé ide iocōri ina ñeñaro yiroca yigo bajiro usirio codecō iso, yiquī āngel yure.

3 Yu cāiroju Espiritu Santo i ōre ado bajiro rētacu. Sīgū āngel yucu manojū yure āmi waquī. Itoju ejacōri guijogu sūagū joe romio iso jesaja ticu yu. Dios i ti terise wame wāñacu ire. Jua āmojeno rijogari catiquī i. Ito yicōri jua dūjamocō saburi catiquī i. 4 Saya iso sāñarise sūa ñirise, ito yicōri buto sūarise cuni ñacu. Iso seyorise jaje gajeoni caticō iso. Iti ñacu oro, gaje gūta buto waja cutirise, gaje perla wame cutirise. Iso ya āmo oro tēro rūcōcō iso. Iti tēroju ñeñaro iso yirise sāñacu. Ñeñaro iso ūmua rāca yi ajerise sāñacu iti tēroju. 5 Iso ya rioweca tuo masia mani wame wāñacu. Ado bajiro bajicu iti wame: “Jaja cuto Babilonia wame cutigo ñamo adio. Wedi masa romia jaco ñamo adio. Ito yicōri ñeñarise jeyaro jaco ñamo adio”, yireoni ñacu iso ya rioweca wāñarise. 6 Ito yija, “Adioti ñamo Dios ñarāre sīa rotigo. Jesure jidicāmenare sīa rotigo ñamo. ñare rī buditoni mecucōri sīa rotigo ñamo adio”, yi ti masicu yu. Itire ti masicōri mano ti ucacu yu.

7 Ito bajiro yu bajī ñaroca ado bajiro gotiquī āngel yure:

—¿Ñere ti ucati mu? Iso mu tiro, “Ado bajiro yireoni ñati adi”, mu yi masitoni mare goti rētobugu ya yu. Guijogu jua āmojeno rijogari cuticōri jua dūjamocō saburi catigu isore āmi waja mu tiru, “Ado bajiro yireoni ñati adi”, mu yi masitoni mare goti rētobugu ya yu. 8 Guijogu mu tiru iti rāmaju catiquī maji. Adocātama ruyubeami ija. Ito bajiro bajibojaguti Dios ire ruyuriosaroto riojua susabiti gojena joeja muja wadigu yiguji. I joejeaja ticōri, ire ti ucarā yirāji masa. Ina ñarā yirāji macārucāro Dios i rujeoroto riojuaju papera tuti ucagu, “Adocō ñama catitñarā”, i yi ucabitiana. Guijogu iti rāmū catigoru, mucana tūdi i catija ticōri, ti ucarā yirāji masa jeyaro.

9 Ijū yu mare gotirise queno mu tuo masi āmoja, queno tuoja. Jua āmojeno rijogari catigu mu tiru, gūta yucuri jua āmojeno yucuri bajiro bajia iti. Iti yucuri ña, wedi maso iso rujiriju. 10 Gaje i ya rijogari jua āmojeno ujarā bajiro bajia. Co dūjamocō ujarā ñabojana goda jedicoama. Ina bero gagu co āmojeno ñagū adocāta masare rotigu yami. I bero gagu jua āmojeno ñagū ruyubeami maji. Ija ejacōri masare rotigu yiguji i. Ito bajiro yibojaguti yoari ñabicu yiguji i. 11 Ina bero rotigu ñagū yiguji guijogu sūagū iti rāmū ñagoru. I ñagū yiguji

sīgū co dujamocō ñarā godabojaguti mucana tūdi catiru. Ī tūdi catija bero ĩre ruyuriosagu yiguĭji Dios ĩja.

<sup>12</sup> ĩua dujamocō saburi mu tire, ĩua dujamocō ñarā ujarā bajiro bajia iti. Masare rotisubeama ĩna maji. ĩja guĭjogu sūagū rāca rotirā yirāji ĩna. Ito bajibojarocati yoari mejeti rotirā yirāji ĩna. <sup>13</sup> ĩna ĩua dujamocō ujarā ñabojarāti sīgāre bajiroti tuoĭarā ñarā yirāji ĩna. Ito bajiri guĭjogu sūagāre rotiri masu cūrā yirāji ĩna. <sup>14</sup> Sīgāre bajiro tuoĭacōri Oveja Macu rāca gāmeri tārā yirāji ĩna. Ito bajibojarocati ĩua ĩnare rētocūgū yiguĭji. Gājerā ñasarā rētoro ñasagu ñami ĩ. Ito yicōri gājerā ujarā uju rētoro ñasagu ñami ĩ. Ī rāca gāna Dios ĩ beseana ñama ĩna. Ito yicōri ĩre tuorūnu jidicāmena ñama ĩna. Ito bajiri ĩna Uju Oveja Macu rāca gājerāre rētocūrā yirāji ĩna, yiquĭ ángel yure.

<sup>15</sup> Ito yija gaje ado bajiro gotiquĭ ángel yure:

—Riaca jajosa joe wedi maso iso rujirise mu tija, masati ña iti. Co cuto ruyabeto gāna, co masa butu ruyabeto gāna, co oca ruyabeto busirā, ito yicōri co sita ruyabeto gāna ñama ĩna mu tirise. <sup>16</sup> ĩua dujamocō ujarā guĭjogu sūagū rāca mu tiana, wedi masore ti tudirā yirāji ĩna. Saya manoti sīgōti isore watorā yirāji ĩna. Ito yicōri tūdi iso ya rujare barā yirāji ĩna. Ito yicōri iso ya gōarire jeana soe ruyuriorā yirāji ĩna. <sup>17</sup> Ī āmorise rētatoni, “Ado bajiro yiana mani”, yĭ ĩna tuoĭaroca yigu yiguĭji Dios. Sīgāre bajiro tuoĭacōri guĭjogu sūagāre uju cūrā yirāji ĩna. Ito bajiro ĩna yija Dios ĩ āmoro bajiroti rētoro yiroja. <sup>18</sup> Wedi maso mu tiro, cuto jaja cuto robo bajiro bajia iti. Īti cuto gagu uju gaje catori gāna ujarāre roti ñagū yiguĭji ĩ, yiquĭ ángel yure yu cāiroju.

## 18

### *Babilonia cuto gānare gājerā ĩna rētocūre gaye*

<sup>1</sup> Ito yija bero ũmacājuna gāji ángel ĩ ruji wadija ticu yu mucana. Buto roti masigū ñaquĭ ĩ. Buto yogu ĩ ñajare adi sita busu jedicoacu. <sup>2</sup> Oca sēoro ado bajiro awasāquĭ ĩ:

—Jaja cuto, Babilonia wame cutiri cuto ñabojara cuto ñeñacoaju ĩja. Īti cuto gāna masa goda jedicoama ĩna. Rūmūa cuto ña ĩja. Ito yicōri masa ĩna busigore, wujo cutiri cuto ña ĩja. Wutirā buorise barā ĩna ñaro ña ĩja. <sup>3</sup> Ado robojna bajia: Babilonia cuto gāna buto ñeñaro ĩna yirise ticōri, ñeñaro yicā gājerā cuni. Ito yicōri adi sita gāna ujarā Babilonia cuto gāna wedi masa romia rāca ñeñaro yicā ĩna. Babilonia cuto gāna buto ĩna gajeoni āmojare ĩnare gajeoni ĩsicōri queno bujacā gaje catori gāna. Ñeñaro tuoĭarā ñari ito bajiro riti ñeñarise yicā Babilonia cuto gāna. Ito bajiro ĩna bajija ticōri, ĩnare ruyurioḡu yiguĭji Dios, yiquĭ ángel yure yu cāiroju.

<sup>4</sup> Ito yija mucana ũmacāju oca ruyucu yure. Ado bajiro goti ruyucu iti:

—Īti catore budigoya yu ñarā mua. Īti cuto gāna rāca ñabesa. Ito yicōri ĩna rāca ñeñaro yibesa. ĩna rāca ñeñaro mua yija, ĩna tōbujado robo bajiro ñeñaro tōbujarā yirāji mua cuni. <sup>5</sup> Īti cuto gāna jaje ñeñaro yicā. ĩna ñeñaro yirise mio cūĭaja, macārucāroju tuacoaroja. ĩna ñeñaro yirisere tuo bujacoami Dios. Ito bajiri iti waja ĩna tōbujaroca yigu yiguĭji ĩ. <sup>6</sup> Gājerāre ñeñaro ĩna yire waja, buto busa ñeñaro tōbujararo ĩna cuni. ĩna ñeñaro yire waja juajiricō ĩnare waja senijaro Dios. Gājerāre tōbujaroca ĩna yire rētoro tōbujararo ĩna. <sup>7</sup> Īti cuto gāna jaje gajeoni cutirā ñama ĩna. Dise ruyabeto ña ĩnare. “Ujarā ña mani”, yibojama ĩna. “Ñeju tōbujamenaji mani”, yibojama ĩna. “Manuju godagoana bajiro bajirā meje ña mani. Queno ñacā mani”, yibojama ĩna. Gājerāre tōbujaroca



Īna yiado bajiroti tōbujarā yirāji Īna cūni. <sup>8</sup> Ito bajiri yoari mejeti űnarise Īna tōbujaroca yigu yiguĵi Dios. Babilonia gāna coriarā űnarisena godarā yirāji. Gājerā űniona godarā yirāji. Gājerā jeana soe ecorā yirāji. Gājerā buto bojori bujarā yirāji. Rētoro masigū űnari ito bajiro Īna tōbujaroca yigu yiguĵi Dios, mani Uĵu. Īna űneűaro yirise waja iti cūtoű soe jeogu yiguĵi Dios, yire oca ruyucu yare, yu cāiroju.

<sup>9</sup> Iti cūto bueja ticōri, adi sita gāna űjarā buto otirā yirāji Īna. Ito yicōri buto bojori bujarā yirāji Īna. Īna űnarā yirāji Īna rāca buto űneűaro yi wanuana. <sup>10</sup> Īna rāca tōbujā āmomena sōĵuti tujarā yirāji Īna, itire gūirā. Ado bajiro yirā yirāji Īna:

—Aba, jaja cūto, űnabojara cūto űa godacoaju Ĵja. Gaje cūtori rētoro űnasari cūto űnabojacu iti cūto. Adocātama ruyubea Ĵja. Iti cūto gāna űneűaro Īna yirise waja yoari mejeti godacoaju iti cūto, yirā yirāji adi sita gāna űjarā, yi ruyucuĵi Dios űaro gagu yu cāiroju.

<sup>11</sup> Adi sita gāna gajeoni Ĵsiri masa cūni iti cūto űaja ticōri, buto otirā yirāji Īna. Ito yicōri bojori bujarā yirāji Īna. “űNimū mani gajeoni āmi warise boca āmigū mami”, yirona bujatomena yirāji Īna. <sup>12</sup> Īna Ĵsi āmobjare adocō jaje tujaro yiroja: oro gaye, plata gaye, gūta buto waja cūtirise gaye, perla gaye, saya buto waja cūtirise, saya gosirise, saya sūa űirise, saya buto sūarise cūni, ito yicōri yucu queno sūti quenarise gaye, marfil wame cūtirisena Īna menire gaye, yucu queno waja cūtirise, come bronze wame cūtirise, comena Īna menire gaye, itocō jaje tujaro yiroja Īna Ĵsi āmobjare. <sup>13</sup> Gaje Īna Ĵsi āmobjare adocō űaro yiroja: canela wame cūtirise baja sūti quenarise, bia moa, ēo guje soeja sūti quenarise, mirra wame cūtirise, gaje sūti quenarise, űyē ide, űye roa bare, trigo ajeri, trigo ajeri Īna abore cūni, ta wecuā, oveja, cabarua, tunuricorori, ito yicōri Īna űosare cūni Ĵsi āmobjarā yirāji Īna. Ito bajijobarocati űimūĵa Īna ya gajeoni boca āmigū manija, bojori bujarā yirāji Īna. <sup>14</sup> Babilonia cūto gāna űnabojanare tuoĴarā, ado bajiro yirā yirāji Īna:

—Babilonia gāna űnabojana jeyaro gajeoni Īna wanubojacati űa jedicoaju Ĵja. Buto waja cūtirise, buto seyorise Īna rucobojare cūni űa jedicoaju. Ito bajiri mūcana tūdi goabetoja iti, yirā yirāji gajeoni Ĵsi ucuri masa.

<sup>15</sup> Īna űnarā yirāji Babilonia gāna űnabojanare gajeoni Ĵsicōri jairo niyeru bujana. Ito bajiri iti cūto űaja ticōri, otirā yirāji Īna. Ito yicōri bojori bujarā yirāji Īna. Sōĵu ti rūgōrā yirāji Īna, Īna rāca tōbujā āmomena. <sup>16</sup> Ito ti rūgōcōri ado bajiro yirā yirāji Īna:

—Aba, bujato baja Babilonia jaja cūto űnabojara cūto. Iti rūmūĵu romio seyogo robo bajiro űnabojacu iti cūto. Saya quenarise sāűagō, sūa űirise, sūarise cūni sāűagō robo bajiro űnabojacu iti cūto. Oro gaye, gūta waja cūtirise, perla wame cūtirise gajeoni cūtigo robo bajiro űnabojacu iti cūto maji. <sup>17</sup> Ito bajijobarocati yoari mejeti iti cūto gaye rāca gajeoni űa godacoaju Ĵja, yirā yirāji gajeoni Ĵsi ucuri masa.

Cuma bucuā űjarā, weaturi masa, moari masa, wa ucuri masa cūni sōĵu tujacōri, ti jayarā yirāji Īna. <sup>18</sup> Iti cūto űare, iti bueja ticōri, ado bajiro awasārā yirāji Īna:

—Iti cūto robo bajiro gaje cūto quenari cūto manicu, yi awasārā yirāji Īna.

<sup>19</sup> Buto bojori bujacōri Īna ya rijoga joe sita rūna jeorā yirāji Īna. Ito yicōri awasā otirā yirāji Īna:

—Aba, bujato bajia Babilonia ñabojara cuto. Jaja cuto ñabojacu iti cuto. Mani cumari cutirã ñare gajeoni ñicõri niyeru jaje bujabojacu mani. Yoari mejeti iti cuto na jedicoaju, yirã yirãji cumari ujarã, yi ruyucuĩ ángel yu cáiroju.

<sup>20</sup> Gaje ado bajiro yi ruyucuĩ ñ:

—Iti cuto uaja ticõri, wanaña umacãju ñarã mua. Mua ñ oca gotitoni Cristo ñ cãana, Diore goti ñsiri masa mua cuni, ito yicõri mua Dios ñarã ñarocõti wanaña mua. Iti cuto gãna mua tõbujaroca yicã ñna. Ito bajiri iti waja adocãta tõbujama ñna cuni. ñna cutore ruyurioquĩ Dios. Ito bajiri wanaña mua, yi ruyucuĩ ángel yu cáiroju.

<sup>21</sup> Ito yija sigũ ángel seõgũ ticu yu. Gãtagã jajoca ñ ãmi mwo rãgõja ticu yu. Wãñiara gãtagãcõ jajoca ñacu itiga. Itigare ãmicõri, riaca jajosaju cõa roaquĩ ñ. Ito yicõri ado bajiro yiquĩ ñ:

—Gãtagãre yu cõaro bajiroti, Babilonia cutore cõa roa ruyuriogu yiguĩji Dios. Ito bajiri jaja cuto ñabojara cutore mucana tãdi juaji timena yirãji masa. <sup>22</sup> Iti cuto gãdareco arpa wame cutirise basa mucana tãdi juaji ruyubeto yiroja. Seru basa, trompeta basa cuni mucana tãdi juaji ruyubeto yiroja iti cuto gaye. Iti cuto moari masa ñagoana mucana tãdi moamena yirãji ñna. Wãñiara gãta gaye ñna moaja, juaji ruyubeto yiroja. <sup>23</sup> Iti cuto gaye jeobusuora tuturi ñabojare tãdi yobeto yiroja. Ito yicõri ãmo siare basa ñna menija, tãoyamano yiroja. Iti cuto gãna gajeoni ñsiri masa gãjerã rãtoro ñasarã ñabojacã. Iti cuto gãna masa jeyarore, “Mware rojabe gna”, yi ruocã ñna, yiquĩ gãtagã jajoca cõa roagu, yu cáiroju.

<sup>24</sup> Iti cuto gãna Diore goti ñsiri masare sãña ñna. Ito yicõri ñ ñarãre cuni sãña ñna. ñna ññañi, “Diore tuorũnrãre sãña”, yiana. Ito bajiro ñna sãa rotijare buto seti ña ñare.

## 19

<sup>1</sup> Ito yija bero jãjarã umacãju oca seõro ñna busija tuocu yu. Ado bajiro yi ruyucã ñna:

Aleluya, Diore rãcubũoto mani, yi ruyucã ñna. Dios mani Uju, ñ ñami manire masoru. ñ ñami rãtoro ñsasgu, ito yicõri rãtoro masigũ.

<sup>2</sup> Masa ñna ñeñaro yirise waja ñ senija, riojo ñna yiado bajiroti seniami ñ. Wedi maso ñabojarore ruyurioquĩ ñ. Adi sita gãnare ñna ñeñaro yitoni usirioro yi codecõ iso. Ito yicõri Diore moa ñsiri masare sãcõ iso. Ito bajiro iso yija ticõri, iti waja isore ruyurioquĩ ñ, yi busi ruyucã ñna umacãju.

<sup>3</sup> Mucana tãdi ado bajiro busi ruyucã ñna:

—Aleluya, Diore rãcubũoto mani, yi ruyucã ñna. Babilonia cuto ware bueri mña jedibeto yiroja, yi ruyucã ñna.

<sup>4</sup> Ito bajiro ñna yirocati uju ya cumuro Dios ñ rujiro riojo rijomunigãna ñini rãjucã veinticuatro ñarã bucãrã. Ito yicõri juariarã tãña mana cuni ito bajiroti rijomunigãna ñini rãjucã ñna. Diore rãcubũorã ado bajiro yicã ñna:

—Ito bajiroti ñajaro. Aleluya, Diore rãcubũoto mani, yi ruyucã ñna.

<sup>5</sup> Ito yija bero uju ya cumuroju oca ruyucu:

Mani Uju Diore rãcubũoto mani. Mua Diore moa ñsirã ñre rãcubũoya. Mua ñasarã, ñasamena cuni Diore gũirã rãcubũoya mua, yi ruyucu uju ya cumuroju.

*Oveja Macã robo bajigare ñna basa jeore gaye*

<sup>6</sup> Ito yija bero jãjarã ñna busiro robo bajiro ruyucu. Ito yicõri riacari umayuro robo bajiro ruyucu. Ito yicõri bujo ñ busirise robo bajiro ruyucu. Ado bajiro ruyucu iti:

Rētoro masigū ñami mani Үҗу Dios. Њиму гāји ї рētoro masigū mami. Mani Үҗу ñarocu ñacāmi їja. Aleluya, їre rācubuoто mani їja.

7 Oveja Macу ї āmo siaroti rуmу ejacoajу їja. Ito bajiri wanуcōri wanу quenato mani, ñasagu ї ñajare. Ѓre rācubuoто mani. Ѓ manojo ñaroco ña yucāmo iso.

8 Saya җeri mani botirise iso sāñaroca yiquї Dios isore, yi ruyucu oca, yу cāirojу.

Iso ya saya җeri mani yу tire, “Queno yirā ñama Dios ñarā”, yireoni ña iti.

<sup>9</sup> Ito yija ángel ado bajiro yure rotiquї:

–Mure yу gotirise ucaya: “No Oveja Macу āmo siare basa goti ecoana wanurā yirāji їna”, yi ucaya mу, yiquї ángel yure.

–Iti yу busirise, Dios oca riojo ñasarise ña iti, yiquї ángel yure.

<sup>10</sup> Ito ї yijare, їre rācubuoгu ї riojo rijomunigāna ñini rūjūcu yу. Ito bajiro yу yijare ado bajiro gotiquї ї yure:

–Ito bajiro yibesa. Mare bajiroti Diore moa їsigū ña yу cuni. Mу rāca gāna Jesús oca riojo ñasarise tuorānu jidicāmena bajiro bajigu ña yу cuni. Ito bajiri yure rācubuoтesa. Diore mу rācubuoja quena, yiquї ángel yure.

Oca riojo ñasarise Jesús gotire iti ña jane mejejу Diore goti їsiri masa їna goti yure.

### *Cabaru botigu joe jesagu gaye oca*

<sup>11</sup> Ito yija bero ūmacājу iti janaja ticу yу. Iti janaroca cabaru botigu ї goaja ticу yу. Sigū ї joe jesaquї. Ado bajiro wame cutiquї ї, “Yiro Robo Yigu, Riojo Gotigu”, wame cutiquї ї. Masa їna ñeñaro yirise waja ї senija їna yiado bajiroti senigū ñaquї ї. Ѓ wajanare їna tōbujaroca ї yi āmoja, їna yiado bajiroti їna tōbujaroca yigu ñaquї ї. <sup>12</sup> Ѓ ya cajea jea ūjarise robo bajiro yocu. Ѓ ya rijogajу jaje come bedori jesaquї ї. Ѓ ya rioweca wame ñacu. Ѓ sigūti masiquї iti wamere. <sup>13</sup> Rїna ñioado yutabuju sāñaquї ї. Dios oca goti rētobugu wame, wame cutiquї ї. <sup>14</sup> Ūmacājу gāna surara ї rāca gāna їre suyacā. Yutabuju җeri mani botirise sāñacā їna. Ito yicōri cabarua botirā joe jesacā їna. <sup>15</sup> Rїna ñioado sāñagūre ї ya risejу sarera jāi budicu, buто odiri jāi. Iti jāi ñacu їre tuorānmenare їna tōbujaroca ї yiroti jāi. Dios ї cūru ñari sēoro roti masigū yiguїji ї. Masa їna ñeñaro yirise waja senigū, sigū uyé ide āmogū ї moa abojoro robo bajiro yigu yiguїji ї. Masa їna ñeñaro yirisere ti tecōri їna tōbujaroca yirocare sarera jāi risejу budigure cūgū yiguїji Dios. Dios ñami rētoro masigū. Њimujа gāји ї robo masigū maquїji. <sup>16</sup> Ѓ ya risejу sarera jāi budigu ado bajiro wame cutiquї ї. Ѓ ya yutabujure ito yicōri ї ya sagarojу cuni ado bajiro wame wāñaquї: “Āni ñami ñari masa rētoro ñasagu. Āni ñami ūjarā ūjу rētoro ñasagu”, yire wame wāñacu їre.

<sup>17</sup> Ito yija bero sigū ángel ūmacañi joe ї rāgōja ticу yу. Yuca ūmacājу wutirāre ado bajiro oca sēoro busi ruyuquї ї:

–Minijuacōri, barā waya mуa. Sусari rуmу Dios ї masare sїanare barā waya. <sup>18</sup> Ūjarā, surara ūjarā, ūmуa sēorā, cabarua, їna joe jesarāre cuni queno їna āmoro ñarāre, gājearē moa їsirā, ñasarā, ñasamenare cuni їna ya rire barā yirāji mуa, yi ruyuquї ángel yу cāirojу.

<sup>19</sup> Ito yija bero guijogu sūagū, adi sita ūjarā їna surara rāca їna minijuaja ticу yу. Cabaru joe jesagu ї ya surara rāca gāmeri tārona minijuacā їna. <sup>20</sup> Guijogu sūagū rāca gāmeri tācōri їre tubiaquї cabaru joe jesagujua. “Yу ña Diore goti їsiri masу”, yibojagure cuni tubiaquї ї. Ѓ ñaquї guijogu sūagū tiro riojo

tiyamani yicacu. Tiyamani ïocõri masare ruoquĩ ï. Ï ruorisere tuorũnucõri guijogu wame wõ roticã ïna. Ito yicõri gãjiõcũ ruju robo bajiro ïna meni rujeorũre rucũbuocã ïna. Guijogu sũagũre, ito yicõri, “Diore goti ïsiri masu ña yu”, yibojagure cuni ïna catirocati itajura jeame ãjuritaju ïnare cõa roaquĩ cabaru joe jesagu. Azufre wame cutirisena buto ãjucu iti jeame. <sup>21</sup> Ito yicõri gãjerãreama cabaru joe jesagu ï ya riseju sarera jã budiri jãina ïnare sãaquĩ ï. Ito bajiri yuca ïna ya rire ïna ãmoro bajiroti queno ba yajicã ïna.

## 20

### *Mil ñari rodori gaye*

<sup>1</sup> Ito bajija bero ado bajiro bajicu gaje yu cãija. Sĩgũ ángel ãmacũjuna ï ruji wadija ticu yu. Sũsabiti goje soje janado, ito yicõri come ma ruocõri ï ruji wadija ticu yu. <sup>2</sup> Ruji ejacõri jino robo bajigure ñiaquĩ ï. Ï ñaquĩ jane mejeju jino godo wediru. Ito yicõri ïti ñaquĩ rãmũa ãju Satanás wame cutigu. Jino robo bajigure ñiacõri come mana ïre siaquĩ ángel. <sup>3</sup> Sũsabiti gojeju ïre cõa sãquĩ ï. Itoju mil rodoricõ ïre cũquĩ ï. Masare ruobe yirocu, ito bajiro bia rojoquĩ ï. Ito yicõri, gãjerã janame yirocu, iti goje biadore wame wõquĩ ï. Mil rodori iti jedija bero ïre bucõagũ yiguĩji jabeto.

<sup>4</sup> Ito yija bero ãju ya cumurori ticu yu. Masa ïna ñeñaro yirise cõiacõri waja senirona rujicã iti cumuroriju. Iti masa cũni Dios ïnare. Ámuma jata ecoana ya usi ticu yu. Dios ocare ïna riasojare, Jesure ïna jidicãbejare ámuma jata ecoana ñacã ïna. Guijogure rucũbuoana meje ñacã ïna. Ï ya ruju robo bajiro meni rujeorũre rucũbuoana meje ñacã ïna. Ito yicõri ï wame ïna ya rioweca ïna ya ãmori cuni wõ ecoana meje ñacã ïna. ïna tũdi catija ticu yu. Ito yicõri mil rodoricõ Cristo rãca roti ñacã ïna. <sup>5</sup> ïna ñacã Cristo ñarã sãa ecoana cajero tũdi catisũoana. Gãjerãma godana mil rodori iti jediroto rioja tũdi catibiticã ïna maji. <sup>6</sup> ïna cajero mucana tũdi catiana buto wanũ quenarã yirãji. Diore queno cudirã ñarã yirãji ïna. Mucana tũdi juaji godamena yirãji ïna. Jeame ãjuroju ïnare cõabicu yiguĩji Dios. Paia robo bajiro Diore moa ïsirã yirãji ïna. Cristore cuni ito bajiroti yirã yirãji ïna. Ito bajiri mil rodoricõ Cristo rãca roti ñarã yirãji ïna.

### *Rãmũa ãjure ïna bucõare gaye*

<sup>7</sup> Mil rodori iti jedija bero rãmũa ãju Satanás bucõa ecogu yiguĩji. <sup>8</sup> ïre ïna bucõaja bero masa jeyarore ruo ucogu yiguĩji ï. Gog wame cutiri cuto gãnare, ito yicõri Magog wame cutiri cuto gãnare cuni ruogu yiguĩji ï. Ï ruorisere tuocõri minjuarã yirãji ïna, gãmeri tãrona. Jãjarã ñarã yirãji ïna. Ja sita cõiaja jedibiti robo bajiro ñarã yirãji ïna. <sup>9</sup> Masare sãrona adi sitajure batarã yirãji ïna. Dios ñarãre gãni biarã yirãji ïna. Ito yicõri cuto Dios ï mairi cutore gãni biarã yirãji ïna. Ito bajiro ïna yibojarocati ãmacũjuna ïnare jea cõagũ yiguĩji Dios. Ito yicõri ñajediro soe jeocõgũ yiguĩji ïnare. <sup>10</sup> Ito yija bero rãmũ ïnare ruorũre itajura jeame ãjuritaju ïre cõa roagu yiguĩji Dios. Azufre wame cutirisena ãjuri ñaro yiroja itira. Itira ñaroja guijogu sũagũre, ito yicõri, “Diore goti ïsiri masu ña yu”, yibojagure Dios ï cõarada. Itoju ãmua, ñami cuni tõbujatĩñarã yirãji ïna.

### *Masa ïna ñeñaro yirise waja Dios ï senisũsare gaye*

<sup>11</sup> Ito yija bero ãju ya cumuro botiri cumuro ticu yu. Ito yicõri iti cumuroju rujigure ticu yu. Yu tiro riojo adi sita, macãrucũro cuni godacoacu. Ito yicõri tũdi joejeabiticu. <sup>12</sup> Godana Dios riojo ïna rũgõja ticu yu. Ñasarã, ñasamena cuni ñacã ïna. Ito ïna rũgõroca papera tutiri janaquĩ Dios. Iti papera tutiriju

masa jeyaro ñna yigore wãñacu iti tutirija. Ito bajiri itire ticõri godana ñna yiado bajiroti ñnare besequĩ Dios. Ito yija gaje tuti papera tuti janaquĩ Dios. “Adocõ ñama yu rãca ñatĩñarona”, yire gaye wame wãñacu iti tutija. <sup>13</sup> Riaca jajosaju godabojana mucasana tudĩ mujacoacã ñna. Ito yicõri godana sita wato ñabojana tudĩ mujacoacã ñna. Ito yicõri ñna ñarocõreti ñna yiado bajiroti besequĩ Dios. <sup>14</sup> Ito yija bero masa cõcõri ñna godarise, ito yicõri godana ñna ñaroju cuni iti ñarisere ãmicõri jea ãjuritaju itire cõa roaquĩ Dios. Itira jeame ãjurita ña godasarada. <sup>15</sup> “Adocõ ñama yu rãca ñatĩñarona”, yire gaye ñ ya tutija wãñamenare besecõri ñna ñarocõreti jea ãjuritaju cõa roaquĩ Dios.

## 21

### *Macãrucãro tamaro ñare gaye*

<sup>1</sup> Ito yija bero macãrucãro mame, sita mame iti ñaja ticu yu. Dios ñ wasoare ñari seyocu iti. Macãrucãro bucãro ñasubojacati, sita ñasubojacati cuni godacoacu ñja. Ito yicõri riaca bucuyari manicu. <sup>2</sup> Ito yija bero yu Juan, ñeja ñeñarise mani cuto mame Jerusalén wame cutiri cuto iti ruji ejaja ticu yu. Dios ñ ñaroju ruji wadicu iti cuto. Iti cuto queno quenora cuto ñacu. Romio ãmo siaroco saya sãña yucãdo robo bajiro seyori cuto ñacu iti cuto. Iti cãtore queno yucãquĩ Dios, ñ ñarã ñna ñatoni. <sup>3</sup> Ito yija yu cãiroju ãmacãju oca sãoro ruyucu:

–Tiya. Adocãta masa rãca ñami Dios. Masa rãca ñagũ ñ ñajare ñ ñarã ñarã yirãji ñna. Masa rãca ñacõri ñna Uju ñagũ yiguji ñ. <sup>4</sup> ñna ya yago idere wejacãgã yiguji Dios. Ito bajiri wanu quenatĩñarã yirãji ñna. Ito bajiri godamena yirãji masa ñja. Ito yicõri otimena yirãji ñna. Bojori bujamena yirãji ñna. Junirise mano yiroja ñnare. Iti ñamu bajigore iti rãta jedijare ito bajiro bajirã yirãji ñna, yire oca ruyucu ãmacãju.

<sup>5</sup> Ito yija uju ya cumuro rujigu ado bajiro yi ruyuquĩ ñ:

–Ñajediro bucã ñabojare mame riti wasoacu yu, yi ruyuquĩ ñ.

Ito bajiro yicõri ado bajiro gaje gotiquĩ yare:

–Mure yu gotirise ucaya. Yu mure gotirise riojo gotire ña. “Ito bajiro bajiro yiroja”, yi masigũ yiguja mu, itire tucõri. Ito bajiri itire ucaya, yi gotiquĩ yare.

<sup>6</sup> Bero mucasana ado bajiro yiquĩ yare:

–Itocõti ña. Ñacã ñja. Yuna suoriti jeyaro ñasuo yija. Ito yicõri yuna suoriti jeyaro ñasusaro yiroja. A wame ñasuo rise, ito yicõri Z wame ñasusarise robo bajiro bajigu ña yu. Yu ña ñajedirore rujeoru. No yare ide idi ãmorã ñna senija, ãmaburi goje gaye catitĩñare gaye ñnare iogu yiguja yu. Waja manoti iogu yiguja yu. <sup>7</sup> No ñna ñeñaro yirise jidicãrã ñna ñama rãmua ujare rãtocurã. Ito bajiro ñna yijare quenarise ñnare ñsigũ yiguja yu. ñna Uju ñagũ yiguja yu. Ito yicõri yu rãaju ñarã yirãji ñna. <sup>8</sup> Gãjerã yure tuorũnãmeneareama jea ãjuritaju azufre wame cutirisena ãjuritaju ñnare cõagũ yiguja yu. “Jesure yu cãdija ticõri, yure ti tudirã yirãji gãjerã”, yi tũoña guirãre cuni jea ãjuritaju cõagũ yiguja yu. Ñeñaro yirã, siari masa, romia rãca ajeri masa, gãjerã rojarã, ñna meni rujeorure rãcuborã, ito yicõri socari masa ñarocõreti jea ãjuritaju ñnare cõagũ yiguja yu. Itira azufre wame cutirisena ãju itira. Itiraju ña godasarada, yiquĩ uju ya cumuro rujigu, yu cãiroju.

### *Mama cuto Jerusalén wame cutiri cuto*

<sup>9</sup> Ito yija bero ãngel sãgũ wadicõri yu tu eja rãjuquĩ. ñ ñaqui ñna ãmojeno ñagũ masa ñna tũbujatoni ñarise tãro rãcogoru. Ado bajiro yare gotiquĩ ñ:

–Ado waya. Oveja Macu manojo ñarocore mure ñorocu ya yu, yiquĩ ãngel yare.

10 Yu cāiroju Espiritu Santo yure ito bajiro ī yija, ado bajiro rētacu iti. Gūta yucuri curise ūmacūju yure āmi waquī āngel. Ito yure āmi ejacōri ñeñarise mani cuto, Jerusalén wame cutiri cuto yure ūquī ī. Dios ñarojuña ruji wadira cuto ñacu iti cuto. 11 Dios ī yorisena busuca iti cuto. Gūta buto waja cutirise robo bajiro busuca iti cuto. Jasje wame cutirise gūta ěoro queno ide totiaro robo bajiro busuca iti cuto. 12 Ito cuto tūnima ĩna sabiara cūnī ūmari cūnī ña gāni biacu. Ito bedo juā gūbojeno sojeri, sojeri cuticu. Co soje ruyabeto āngel sīgū rūgōquī. Israel gāna juā gūbojeno buturi gāna wame wāñacu iti sojeriju. 13 Ūmacañi ī joejea wadiri dūja ūdia soje, ī quedi sāja warojuña ūdia soje, warubūjuña ūdia soje, gaje dūja warubūjuña ūdia soje ñacu iti sojeri. 14 Ito cūnī sabia rūjaraju roca juā gūbojeno gūta cū gāni biañi ĩna. Ito gūtagāriju Oveja Macu ī oca goti ucutoni ī cūana wame wāñacu.

15 Āngel ya rāca basicacu cuto cōiarotigu orona ĩna meniragu rucocuī. Sojeri cūnī, ĩna sagāni biare cūnīre cūnī ī cōiarotigu ñacu itigu. 16 Ī cōiāja iti cuto eyarise, iti cuto ūmarise, iti cuto yoarise corocō ñacu. Ī cōiāja dos mil doscientos kilómetrocō ñacu yoarise, eyarise, ūmarise cūnī. 17 ĩna sabiare āngel ī cōiāja sesenta y cinco metros ūmarise ñacu. Masa ĩna cōiāro bajiroti cōiāquī āngel cūnī.

18 Jasje wame cutirise gūtagārina iti cutore sabiañi ĩna. Orona iti cutore meniñi ĩna. Ēeri mani ñacōri ěoro ěeri mano robo bajiro ruyucu iti cuto. 19 ĩna sabiara cūnī roca juā gūbojeno gūta ñarisejuare, gūta buto waja cutirise itigariju wāñacu. Cajero gaga jaspe wame cutirise wāñacu. Bero gaga zafiro wame cutirise wāñacu. Bero gaga āgata wame cutirise wāñacu. Bero gaga esmeralda wame cutirise wāñacu. 20 Bero gaga ónice wame cutirise wāñacu. Bero gaga cornalina wame cutirise wāñacu. Bero gaga crisólito wame cutirise wāñacu. Bero gaga berilo wame cutirise wāñacu. Bero gaga topacio wame cutirise wāñacu. Bero gaga crisoprasa wame cutirise wāñacu. Bero gaga jacinto wame cutirise wāñacu. Sūsarica juā gūbojeno ñarica amatista wame cutirise wāñacu. 21 Juā gūbojeno sojeri perla wame cutirisenā meniñi ĩna. Co soje ruyabeto coga perlanati iti sojerire meniñi ĩna. Ito cuto gudareco ñasarima ĩna menira ma orona meniñi ĩna. Ēoro ide totiaro robo bajiro ruyucu iti.

22 Dios ya wi ti bujabiticu yu iti cutore. Coju ruyabeto mani Ēju Diore rūcūbuocā masa. Rētoro masigū ī ñajare coju ruyabeto ĩre rūcūbuocā ĩna. Oveja Macure cūnī ito bajiroti rūcūbuocā masa. Ito bajiri coju ruyabeto ĩnare rūcūbuorā ñari ĩna rūcūbuoroti wire menibisī ĩna. 23 Ūmacañi ī asirise, ñami gagū ī busurise cūnī āmobeā iti cuto. Dios ī yorisenati busua iti cuto. Ito yicōri Oveja Macu ī yorisenati busua iti cuto. Ito bajiri ūmacañi ī asirise, ñami gagū ī busurise cūnī āmobeā iti cuto. 24 Dios ī masoana ī busurisenā iti cutoju wa ucurā yirāji ĩna. Adi sita gāna ūjarā ĩna rucorise ñasarise āmi wadicōri Diore ĩsirā yirāji ĩna ĩre rūcūbuorā. 25 Ēmua soje biaya mano yiroja iti cutoju. Ito cutoju ñami mano yiroja. Ito bajiri biaya mano yiroja iti cuto. 26 Co sita gāna ruyabeto ĩna rucorise ñasarise āmi wadicōri Diore ĩsirā yirāji ĩna ĩre rūcūbuorā. 27 Ñeñarise rāca sājamena yirāji iti cutore. Ñeñaro yirā, ruore oca gotirā cūnī sājamena yirāji iti cutore. Oveja Macu ī ya papera tutiju wame wāñarā riti sājarā yirāji iti cutore. Ito papera tuti, “Adocō ñama yu rāca ñatīñarona”, yire papera wāñacu iti tutiju.

## 22

1 Ito yija āngel riaca ěeri maniña ūquī yure. Itiya ide catitīñare gaye ñacu. Ide ruyurisa ñacu itiya. Ēju ya cumuro Dios ī rujiri cumuroju, ito yicōri

Oveja Macu ĩ rujiri cumuroju jode cuticu itiya riaca. <sup>2</sup> Iti cuto gudareco ñari ma gudarecore ñacu itiya riaca. Riaca juu duja tunima catitñare gaye rica cutiri yucari ñacu. Sĭgũ ũmacañi ruyabeto rica cutisoticu iti yucari. Ito bajiri co rodo juu gubojenajiri rica cuticu iti yucari. Iti jũrina masa ĩna uco yiroti ñacu. <sup>3</sup> Itoju ñeñarise manoja. Iti cutoju ujju ya cumuro Dios ĩ rujiri cumuro ñaroja. Ito yicõri Oveja Macu ya cumuro cuni ñaroja. ĩnare moa ĩsiri masa ĩnare rucubuoñasotirã yirãji. Itoju ñeñarise manoja. <sup>4</sup> Diore ti canamũorã yirãji ĩna. Ito yicõri Dios wame ĩna ya rioweca wãñaro yiroja ĩnare. <sup>5</sup> Itoju ñami mano yiroja. Iti cuto ñarã slabusuore gaye amomena yirãji. Mani Uju Dios ĩ yorisena busu ñaro yiroja iti cãtore. Ito bajiri ũmacañi asirise amomena yirãji ĩna. Ito yicõri Dios rãca rotitñarã yirãji ĩna.

### *Jesucristo ĩ ejaroto yoabea ĩja, yire gaye*

<sup>6</sup> Ito yija bero ado bajiro gotiquĩ ángel yure:

–Jeyaro mu cãiroju mu tigore, mu tuogore cuni riti ña. Ito bajiri, “Riti bajiro yiroja iti”, mu yi masija quena. Mani Uju Dios ĩ ñami ĩre goti ĩsiri masare ĩna busi masiroca yigu. ĩti ñami yure cõaru. “Ado bajiro rẽtaro yiroja”, ĩre moa ĩsiri masa ĩna yi masitoni, yure cõaquĩ Dios, yiquĩ ángel yu cãiroju.

<sup>7</sup> Gaje ado bajiro gotiquĩ ángel yure:

–Tuoya, ado bajiro gotiami Jesús: “Yoari mejeti tũdi ejagu yigũja yu”, yi gotiami Jesús. Ito bajiri, no adi papera tuti Dios ĩ ucare tuorũnarã wanu quenarã yirãji ĩna, yiquĩ ángel yure.

<sup>8</sup> Yu Juan itire ticõri, itire tuocõri yu ucare ña. Itire ticõri, itire tuocõri ángel yure ĩocacu riojo rijomunigãna ñini rũjũcu yu. <sup>9</sup> Ito bajiro yu yijare, ado bajiro yiquĩ ĩ yure:

–Yibes itire. Mu robo bajiroti Diore moa ĩsigũ ña yu cuni. Mu ñarã Dios ocare goti rẽtoburã, ito yicõri no adi papera tuti ucare tuorũnarã robo bajiguti ña yu cuni. Ito bajiri yure rucubuo besa. Diojuare mu rucubuoja quena, yiquĩ ángel yure.

<sup>10</sup> Gaje ado bajiro yure gotiquĩ ĩ:

–Iti papera tutiju, ija rẽtaroti gaye ucare ña. Dios oca ña iti. Yoari mejeti iti gaye rẽtaro yiroja. Ito bajiri iti ocare yeyo rucobesa. <sup>11</sup> Ñeñarise yisotirãma ñeñarise yi ñacõajaro ĩnama. Ñeñaro tuoĩarã ĩna tuoĩaro bajiroti tuoĩa ñacõajaro ĩna. Queno yirãma queno yi ñacõajaro. Ito yicõri Diore tuorũnarã cuni Diore riti tuorũnũñajaro. ĩre ĩna tuorũnu ñacõaja quena, yiquĩ ángel yure.

<sup>12</sup> –Tuoya, ado bajiro gotiami Jesús: “Riti gotia yu, yoari mejeti tũdi ejagu yigũja yu. Tũdi ejacõri masa ĩna yiado bajiroti ĩnare waja yicũja yu. <sup>13</sup> Yu ña ñasũogũ, ito yicõri ñasũsagu. Yuna suoriti jeyaro ñasũoyija. Ito yicõri yuna suoriti jeyaro ñasũsaro yiroja. A wame ñasũorise, ito yicõri Z wame ñasũsarise robo bajigu ña yu”, yi gotiami Jesús, yiquĩ ángel yure.

<sup>14</sup> “No ĩna ñeñaro yirisere coe rotigoana yutabuju ueri mano robo bajiro bajirã ñama ĩna. ĩna riti iti cuto sojere sãjarã yirãji ĩna. Itoju ejacõri yucu catitñare rica barã yirãji ĩna. Ito bajiri wanũrã yirãji ĩna. <sup>15</sup> Adocõ jãjarã ñama iti cãtore sãjado mana. Diore jidicãna, gãjerãre rojarã, romia rãca aje ñarã, sãri masa, ĩna meni rujeoanare rucubuoã, ito yicõri ruosotirã cuni ĩna ñama iti cãtore sãjado mana”, yi gotiami Jesús, yiquĩ ángel yure.

<sup>16</sup> Gaje Jesús gotirise gotigu, ado bajiro gotiquĩ ángel:

—“Yare tuorānūrāre iti oca ī gotitoni ángel cōacu yu. David uju ñayorure rujeoru ña yu. Ito bajibojarocati ī janerābatia janamiti ña yu. Busuri ñocōagā bato yogu īti ña yu”, yī gotiami Jesús, yiquī ángel yare.

<sup>17</sup> Espiritu Santo, ito yicōri Oveja Macu manojō cūni coro bajiroti busiama īna:

—Mucana tūdi waya, yama īna Jesure.

No itire tō bugarāti, īna bajiroti:

—Tūdi waya, yija quena Jesure.

No ide catitīñare gaye idi āmorā, Dios tu idirā waya. Waja manoti mware iogu yiguīji ī.

<sup>18</sup> No adi papera tuti Dios ocare tirāre ado bajiro mware goti quenoa yu: No adi papera tutire uca remogāre adi tuti iti gotiro bajiroti ñeñaro ī tōbjaroca yigu yiguīji Dios īocūre. <sup>19</sup> No adi papera tuti Dios ocare īna jidicāja, ito bajiroti īnare cūni jidicāgū yiguīji Dios. Ito bajiri ī ya papera tutiju īna wame ruyubeto yiroja. Ito yicōri ī ya cūto ñeñarise mani cūto sāja rotibicu yiguīji ī īnare. Ito bajiri yucu catitīñare rica adi tutiju yu uca wōre gaye bamena yirāji īna.

<sup>20</sup> Adi gaye yare goti rētabugu ado bajiro gotiami yare:

—Yoari mejeti wadicuja yu, yami ī.

—Ito bajiroti āmoa yu cūni. Yoari mejeti tūdi wadiya yu Hju mu, ya yu Jesure.

<sup>21</sup> Mani Hju Jesucristo mani jeyarore queno yijaro. Itocō ña.